

Namo tassa bhagavato arahato sammāsambuddhassa

Khuddakanikāye

Paṭisambhidāmagga-aṭṭhakathā

(Paṭhamo bhāgo)

Ganthārambhakathā

Yo sabbalokātigasabbasobhā-
Yuttehi sabbehi guṇehi yutto;
Dosehi sabbehi savāsanehi,
Mutto vimuttiṃ paramañca dātā.

Niccaṃ dayācandanasītacitto,
Paññāravijjotitasabbaneyyo;
Sabbesu bhūtesu tamaggabhūtaṃ,
Bhūtatthanāthaṃ sirasā namitvā.

Yo sabbabhūtesu munīva aggo, anantasankhesu jinattajesu;
Ahū dayāñāṇaguṇehi satthulīlānukārī janatāhitesu.

Taṃ **sāriputtaṃ** munirājaputtaṃ, theramaṃ thirānekaguṇābhirāmaṃ;
Paññāpabhāvuggatacārुकित्तिṃ, susantavuttiñca atho namitvā.

Saddhammacakkānupavattakena, saddhammasenāpatisāvakena;
Suttesu vuttesu tathāgatena, bhūtatthavedittamupāgatena.

Yo bhāsito bhāsitaovidena, dhammapadīpujjalanāyakena;
Pāṭho visiṭṭho paṭisambhidānaṃ, maggoti tannāmavisesito ca.

Vicittanānattanayopagūlho, gambhīrapaññehi sadāvaḡālho;
Attatthalokatthaparāyaṇehi, saṃsevanīyo sujanehi niccaṃ.

Ñāṇappabhedāvahanassa tassa, yogīhinekehi nisevitassa;
Atthaṃ apubbaṃ anuvaṇṇayanto, suttañca yuttiñca anukkamanto.

Avokkamanto samayā sakā ca, anāmasanto samayaṃ parañca;
Pubbopadesaṭṭhakathānayañca, yathānurūpaṃ upasaṃharanto.

Vakkhāmamaṃ aṭṭhakathaṃ janassa, hitāya saddhammaciraṭṭhitatthaṃ;
Sakkacca **saddhammapakāsinim** taṃ, suṇātha dhāretha ca sādhu santoti.

Tattha **paṭisambhidānaṃ maggoti tannāmavisesito cāti** vuttatā paṭisambhidāmaggassa paṭisambhidāmaggatā tāva vattabbā. Catasso hi paṭisambhidā – atthapaṭisambhidā, dhammapaṭisambhidā, niruttapaṭisambhidā, paṭibhānapaṭisambhidāti. Tāsaṃ paṭisambhidānaṃ maggo adhigamūpāyoti paṭisambhidāmaggo, paṭisambhidāpaṭilābhahetūti vuttaṃ hoti. Kathamayaṃ tāsaṃ maggo hotīti ce? Pabhedato desitāya desanāya paṭisambhidāñāṇāvahattā. Nāñābhedabhinnāñāhi dhammaṃ nāñābhedabhinnā desanā sotūnaṃ ariyapuggalaṃ paṭisambhidāñāṇappabhedañca sañjaneti,

puthujjanānaṃ āyatim paṭisambhidāñāṇappabhedāya ca paccayo hoti. Vuttañca – ‘‘pabhedato hi desanā ghanavinibbhogapaṭisambhidāñāṇāvahā hoti’’ti (dha. sa. aṭṭha. 1.kāmāvacarakusalapadabhājanīya). Ayañca nānābhedabhinnā desanā, tenassā paṭisambhidānaṃ maggattasiddhi.

Tattha **catassoti** gaṇanaparicchedo. **Paṭisambhidāti** pabhedā. ‘‘Atthe ñāṇaṃ atthapaṭisambhidā, dhamme ñāṇaṃ dhammapaṭisambhidā, tatra dhammaniruttābhilāpe ñāṇaṃ niruttipaṭisambhidā, ñāṇesu ñāṇaṃ paṭibhānapaṭisambhidā’’ti (vibha. 718) vuttattā na aññassa kassaci pabhedā, ñāṇasseva pabhedā. Tasmā ‘‘catasso paṭisambhidā’’ti cattāro ñāṇappabhedāti attho. Atthappabhedassa sallakkhaṇavibhāvanavavattānakaraṇasamatthaṃ atthe pabhedagataṃ ñāṇaṃ **atthapaṭisambhidā**. Dhammapabhedassa sallakkhaṇavibhāvanavavattānakaraṇasamatthaṃ dhamme pabhedagataṃ ñāṇaṃ **dhammapaṭisambhidā**. Niruttippabhedassa sallakkhaṇavibhāvanavavattānakaraṇasamatthaṃ niruttābhilāpe pabhedagataṃ ñāṇaṃ **niruttipaṭisambhidā**. Paṭibhānapabhedassa sallakkhaṇavibhāvanavavattānakaraṇasamatthaṃ paṭibhāne pabhedagataṃ ñāṇaṃ **paṭibhānapaṭisambhidā**.

Tattha **atthoti** saṅkhepato hetuphalaṃ. Tañhi yasmā hetuanusārena arīyati adhigamīyati pāpuṇīyati, tasmā atthoti vuccati. Pabhedato pana yaṃkiñci paccayasamuppannaṃ, nibbānaṃ, bhāsitattho, vipāko, kiriyāti ime pañca dhammā atthoti veditabbā. Taṃ atthaṃ paccavekkhantassa tasmim atthe pabhedagataṃ ñāṇaṃ atthapaṭisambhidā.

Dhammoti saṅkhepato paccayo. So hi yasmā taṃ taṃ vidahati pavatteti ceva pāpeti ca, tasmā dhammoti vuccati. Pabhedato pana yo koci phalanibbattako hetu, ariyamaggo, bhāsitaṃ, kusalaṃ, akusalanti ime pañca dhammā dhammoti veditabbā. Taṃ dhammaṃ paccavekkhantassa tasmim dhamme pabhedagataṃ ñāṇaṃ dhammapaṭisambhidā. Ayameva hi attho abhidhamme (vibha. 719-725) –

‘‘Dukkhe ñāṇaṃ atthapaṭisambhidā, dukkhasamudaye ñāṇaṃ dhammapaṭisambhidā, dukkhanirodhe ñāṇaṃ atthapaṭisambhidā, dukkhanirodhagāminiyā paṭipadāya ñāṇaṃ dhammapaṭisambhidā. Hetumhi ñāṇaṃ dhammapaṭisambhidā, hetuphale ñāṇaṃ atthapaṭisambhidā.

‘‘Ye dhammā jātā bhūtā sañjātā nibbattā abhinibbattā pātubhūtā, imesu dhammesu ñāṇaṃ atthapaṭisambhidā, yamhā dhammā te dhammā jātā bhūtā sañjātā nibbattā abhinibbattā pātubhūtā, tesu dhammesu ñāṇaṃ dhammapaṭisambhidā.

‘‘Jarāmarāṇe ñāṇaṃ atthapaṭisambhidā, jarāmarāṇasamudaye ñāṇaṃ dhammapaṭisambhidā, jarāmarāṇanirodhe ñāṇaṃ atthapaṭisambhidā, jarāmarāṇanirodhagāminiyā paṭipadāya ñāṇaṃ dhammapaṭisambhidā.

‘‘Jātiyā ñāṇaṃ...pe... bhave ñāṇaṃ...pe... upādāne ñāṇaṃ...pe... taṇhāya ñāṇaṃ...pe... vedanāya ñāṇaṃ...pe... phasse ñāṇaṃ...pe... saḷāyatane ñāṇaṃ...pe... nāmarūpe ñāṇaṃ...pe... viññāṇe ñāṇaṃ...pe... saṅkhāresu ñāṇaṃ atthapaṭisambhidā, saṅkhārasamudaye ñāṇaṃ dhammapaṭisambhidā, saṅkhāranirodhe ñāṇaṃ atthapaṭisambhidā, saṅkhāranirodhagāminiyā paṭipadāya ñāṇaṃ dhammapaṭisambhidā.

‘‘Idha bhikkhu dhammaṃ jānāti – suttaṃ geyyaṃ veyyākaraṇaṃ gāthaṃ udānaṃ itivuttakaṃ jātaṃ abbhutadhammaṃ vedallaṃ. Ayaṃ vuccati dhammapaṭisambhidā. So tassa tasseva bhāsitassa atthaṃ jānāti ‘ayaṃ imassa bhāsitassa attho, ayaṃ imassa bhāsitassa attho’’ti. Ayaṃ vuccati atthapaṭisambhidā.

‘‘Katame dhammā kusalā? Yasmiṃ samaye kāmāvacaraṃ kusalaṃ cittaṃ uppannaṃ hoti somanassasahagataṃ ñāṇasampayuttaṃ rūpārammaṇaṃ vā...pe... dhammārammaṇaṃ vā yaṃ yaṃ vā panārabhha tasmim samaye phasso hoti...pe... avikkhepo hoti. Ime dhammā kusalā. Imesu dhammesu ñāṇaṃ dhammapaṭisambhidā, tesam vipāke ñāṇaṃ atthapaṭisambhidā’’tiādīnā nayena

vibhajitvā vibhajitvā dassito.

Tatra dhammaniruttābhilāpe ñāṇanti tasmim atthe ca dhamme ca yā sabhāvanirutti abyabhicārirovhāro, tassa abhilāpe bhāsane udīraṇe taṃ lapitaṃ bhāsitaṃ udīritaṃ sabhāvaniruttisaddaṃ ārammaṇaṃ katvā paccavekkhantassa tasmim sabhāvaniruttābhilāpe “ayaṃ sabhāvanirutti, ayaṃ na sabhāvanirutti”ti evaṃ tassā dhammaniruttisaññitāya sabhāvaniruttiyā māgadhikāya sabbasattānaṃ mūlabhāsāya pabhedagataṃ ñāṇaṃ niruttiṭṭhisambhidā. Evamayaṃ niruttiṭṭhisambhidā saddārammaṇā nāma jātā, na paññattiārammaṇā. Kasmā? Yasmā saddaṃ sutvā “ayaṃ sabhāvanirutti, ayaṃ na sabhāvanirutti”ti jānāti. Ṭṭhisambhidāppatto hi “phassa”ti vutte “ayaṃ sabhāvanirutti”ti jānāti, “phassā”ti vā “phassa”nti vā vutte pana “ayaṃ na sabhāvanirutti”ti jānāti. Vedanādīsipi eveda nayo. Aññaṃ panesa nāmākyātaupasagganipātabyañjanasaddaṃ jānāti na jānātīti? Yadaggena saddaṃ sutvā “ayaṃ sabhāvanirutti, ayaṃ na sabhāvanirutti”ti jānāti, tadaggena tampi jānissati. Taṃ pana nayidaṃ ṭṭhisambhidākiccanti ṭṭhikkhipivā “bhāsaṃ nāma satta uggaṇhanti”ti vatvā idaṃ kathitaṃ – mātāpitaro hi daharakāle kumārake mañce vā pīṭhe vā nipajjāpetvā taṃ taṃ kathayamānā tāni tāni kiccāni karonti, dāraṇā tesam taṃ taṃ bhāsaṃ vavattāpentī “iminā idaṃ vuttaṃ, iminā idaṃ vutta”nti. Gacchante gacchante kāle sabbampi bhāsaṃ jānanti. Mātā damilī, pitā andhako. Tesam jātaḍāraṇako sace mātu kathaṃ paṭhamam suṇāti, damilābhāsaṃ bhāsissati. Sace pitu kathaṃ paṭhamam suṇāti, andhakabhāsaṃ bhāsissati. Ubhinnampi pana kathaṃ asuṇanto māgadhiṇābhāsaṃ bhāsissati.

Yopi agāmake mahāraññe nibbato, tattha añño kathento nāma natthi, sopi attano dhammatāya vacanaṃ samuṭṭhāpentō māgadhiṇābhāsameva bhāsissati. Niraye tiracchānāyoniyaṃ pettivisaye manussaloke devaloketi sabbattha māgadhiṇābhāsāva ussannā. Tattha sesā oṭṭakirātaandhakayonakadamilābhāsādikā bhāsā parivattanti. Ayamevekā yathābhuccabrahmavohāraariyavohārasaṅkhātā māgadhiṇābhāsā na parivattati. Sammāsambuddhopi teṭṭhakaṃ buddhavacanaṃ tantim āropento māgadhiṇābhāsāya eva āropesi. Kasmā? Evañhi atthaṃ āharitum sukhaṃ hoti. Māgadhiṇābhāsāya hi tantim āruḥhassa buddhavacanaṃ ṭṭhisambhidāppattānaṃ sotapathāgamanameva papañco. Sote pana saṅghaṭṭitamatteyeva nayasatena nayasahassena attho upaṭṭhāti. Aññāya pana bhāsāya tantim āruḥhakaṃ pothetvā pothetvā uggaṇhetvā hoti. Bahumpi uggaṇhetvā pana puthujjanassa ṭṭhisambhidāppatti nāma natthi, ariyasāvako no ṭṭhisambhidāppatto nāma natthi.

Ñāṇesu ñāṇanti sabbatthakaññānamārammaṇaṃ katvā paccavekkhantassa tasmim ñāṇe pabhedagataṃ ñāṇaṃ, yathāvuttetu vā tesu tisu ñāṇesu gocarakiccādivasena vitthāragataṃ ñāṇaṃ ṭṭhibhānaṭṭhisambhidā.

Imā pana catasso ṭṭhisambhidā dvīsu ṭṭhānesu pabhedam gacchanti, pañcahi kāraṇehi visadā hontīti veditabbā. Katamesu dvīsu ṭṭhānesu pabhedam gacchanti? Sekkhabhūmiyañca asekkhabhūmiyañca. Tattha sārīputtattherassa mahāmoggallānattherassa mahākassapattherassa mahākaccāyanattherassa mahākoṭṭhitattherassāti evamādīnaṃ asītiyāpi mahātherānaṃ ṭṭhisambhidā asekkhabhūmiyaṃ pabhedam gatā, ānandattherassa, cittassa gahapatino, dhammikassa upāsakassa, upālissa gahapatino, khujjutārāya upāsikāyātievamādīnaṃ ṭṭhisambhidā sekkhabhūmiyaṃ pabhedam gatāti imāsu dvīsu bhūmīsu pabhedam gacchanti.

Katamehi pañcahi kāraṇehi visadā honti? Adhigamena, pariyattiyā, savanena, paripucchāya, pubbayogena. Tattha **adhigamo** nāma arahattappatti. Arahattañhi pattassa ṭṭhisambhidā visadā honti. **Pariyatti** nāma buddhavacanaṃ. Tañhi uggaṇhantassa ṭṭhisambhidā visadā honti. **Savanaṃ** nāma saddhammassavanaṃ. Sakkaccaṃ aṭṭhim katvā dhammaṃ suṇantassa hi ṭṭhisambhidā visadā honti. **Paripucchā** nāma pālīaṭṭhakathādīsu gaṇṭhipadaatthapadavinicchayakathā. Uggaṇhitapālīādīsu hi atthaṃ paripucchantassa ṭṭhisambhidā visadā honti. **Pubbayogo** nāma pubbabuddhānaṃ sāsane yogāvacaṇatā gatapaccāgatikabhāvena yāva anulomagotrābhusamīpaṃ pattavipassanānuyogo. Pubbayogāvacaṇassa hi ṭṭhisambhidā visadā honti. Imehi pañcahi kāraṇehi visadā hontīti.

Etesu pana kāraṇesu pariyatti savanaṃ paripucchāti imāni tīṇi pabhedasseva balavakāraṇāni.

Pubbayogo adhigamassa balavapaccayo, pabhedassa hoti na hotīti? Hoti, na pana tathā. Pariyattisavanaparipucchā hi pubbe hontu vā mā vā, pubbayogena pana pubbe ceva etarahi ca saṅkhārasammāsanam vinā paṭisambhidā nāma natthi. Ime pana dvepi ekato hutvā paṭisambhidā upatthambhetvā visadā karontīti. Apare āhu –

“Pubbayogo bāhusaccam, desabhāsā ca āgamo;
Paripucchā adhigamo, garusannissayo tathā;
Mittasampatti cevāti, paṭisambhidapaccayā”’ti.

Tattha **pubbayogo** vuttanayova. **Bāhusaccam** nāma tesu tesu satthesu ca sippāyatanesu ca kusalatā. **Desabhāsā** nāma ekasatavohāra kusalatā, vīsesena pana māgadhi ke kosallaṃ. **Āgamo** nāma antamaso opammavagga mattassapi buddhavacanassa pariyāpuṇanam. **Paripucchā** nāma ekagāthāyapi atthavinicchayapucchanaṃ. **Adhigamo** nāma sotāpannatā vā sakadāgāmitā vā anāgāmitā vā arahattaṃ vā. **Garusannissayo** nāma sutapaṭibhānabahulānaṃ garūnaṃ santike vāso. **Mittasampatti** nāma tathārūpānaṃyeva mittānaṃ paṭilābhōti.

Tattha buddhā ca paccekabuddhā ca pubbayogañceva adhigamañca nissāya paṭisambhidā pāpuṇanti, sāvakā sabbānīpi etāni kāraṇāni. Paṭisambhidāppattiyā ca pāṭiyekko kammaṭṭhānabhāvanānuyogo nāma natthi, sekkhānaṃ pana sekkhaphalavimokkhantikā, asekkhānaṃ asekkhaphalavimokkhantikā ca paṭisambhidāppatti hoti. Tathāgatānañhi dasa balāni viya ariyānaṃ ariyaphaleheva paṭisambhidā ijjhantīti. Imāsaṃ catassanaṃ paṭisambhidānaṃ maggōti paṭisambhidāmaggo, paṭisambhidāmaggo eva pakaraṇaṃ paṭisambhidāmagga pakaraṇaṃ, pakārena karīyante vuccante ettha nānābhedabhinnā gambhīrā atthā iti pakaraṇaṃ.

Tadetaṃ paṭisambhidāmagga pakaraṇaṃ atthasampannaṃ byañjanasampannaṃ gambhīraṃ gambhīratthaṃ lokuttarappa kāsaṇaṃ suññatāpaṭisaññuttaṃ paṭipattiphalavisesasādhanam paṭipattipaṭipakkhapaṭisedhanaṃ yogāvaca rānaṃ nānavararatanākarabhūtaṃ dhammakathikānaṃ dhammakathāvilāsavisesahetubhūtaṃ saṃsārabhīrukānaṃ dukkhanissaraṇaṃ tadupāyadassanena assāsajananatthaṃ tappaṭipakkhanāsanatthañca gambhīratthānañca anekesaṃ suttantapadānaṃ atthavivaraṇena sujanahadayaparitosajananatthaṃ tathāgatena arahatā sammāsambuddhena sabbattha appaṭihatasabbaññūtaññānamahāpadīpāvabhāsenā sakalajanavittatamahākaruṇāsinehasiniddhadayaena veneyyanahadayagata kilesandhakāraviddhamanattamu jjalitassa saddhammamahāpadīpassa tadadhippāyavikāsanasinehāparisekena pañcavassasahassamaviratamujjalanamicchatā lokānukampakena satthukappena dhammarājassa dhammasenāpatinā āyasmatā sārīputtattherena bhāsitaṃ sutvā āyasmatā ānandena paṭhamamahāsaṅgītikāle yathāsutameva saṅgītiṃ āropitaṃ.

Tadetaṃ vinayapaṭikaṃ suttantapaṭikaṃ abhidhammapaṭikanti tīsu piṭakesu suttantapaṭikaparīyāpannaṃ. Dīghanikāyo majjhimanikāyo saṃyuttanikāyo aṅguttaranikāyo khuddakanikāyoti pañcasu mahānikāyesu khuddakamahānikāyaparīyāpannaṃ. Suttaṃ geyyaṃ veyyākaraṇaṃ gāthā udānaṃ itivuttakaṃ jātakaṃ abbhutadhammaṃ vedallanti navasu satthu sāsanaṅgesu yathāsambhavaṃ geyyaveyyākaraṇaṅadvayasaṅgahitaṃ.

“Dvāsīti buddhato gaṇhiṃ, dve sahasāni bhikkhuto;
Caturāsīti sahasāni, ye me dhammā pavattino”’ti. (theragā. 1027) –

Dhammabhaṇḍāgārikattherena pana pañcasu ṭhānesu etadaggaṃ āropitena paṭiññātānaṃ caturāsītiyā dhammakhandhasahassānaṃ bhikkhuto gaṇhitesu dvīsū dhammakhandhasahassesu anekasatadhammakhandhasaṅgahitaṃ. Tassa tayo vaggā – mahāvaggo, majjhimavaggo, cūlavaggo. Ekekaṃ vaggasmiṃ dasadasakaṃ katvā nānakathādikā mātīkākathāpariyosānā samatīmsa kathā. Evamanekadhā vavatthāpitassa imassa paṭisambhidāmagga pakaraṇassa anupubbaṃ apubbapadattavaṇṇanaṃ karissāma. Imañhi pakaraṇaṃ pāṭhato atthato uddisāntena ca niddisāntena ca sakkaccaṃ uddisāntaṃ niddisāntaṃ, uggaṇhantaṃ sakkaccaṃ uggaṇhantaṃ dhāretāntaṃ. Taṃ

kissahetu? Gambhīrattā imassa pakaraṇassa lokahitāya loke ciratṭhitatthaṃ.

Tattha samatimsāya kathāsu ñāṇakathā kasmā ādito kathitāti ce? Ñāṇassa paṭipattimalavisodhakattena paṭipattiyā ādibhūtattā. Vuttañhi bhagavatā –

“Tasmātiha tvaṃ bhikkhu, ādimeva visodhehi kusalānaṃ dhammānaṃ. Ko cādi kusalānaṃ dhammānaṃ, silāṇca suvisuddhaṃ diṭṭhi ca ujukā”’ti (saṃ. ni. 5.369)?

Ujukā diṭṭhīti hi sammādiṭṭhisāṅkhātāṃ ñāṇaṃ vuttaṃ. Tasmāpi ñāṇakathā ādito kathitā.

Aparampi vuttaṃ –

“Tatra, bhikkhave, sammādiṭṭhi pubbaṅgamā hoti. Kathaṇca, bhikkhave, sammādiṭṭhi pubbaṅgamā hoti? Sammādiṭṭhiṃ ‘sammādiṭṭhī’ti pajānāti, micchādiṭṭhiṃ ‘micchādiṭṭhī’ti pajānāti. Sāssa hoti sammādiṭṭhi. Sammāsaṅkappaṃ ‘sammāsaṅkappo’ti pajānāti, micchāsaṅkappaṃ ‘micchāsaṅkappo’ti pajānāti. Sammāvācaṃ ‘sammāvācā’ti pajānāti, micchāvācaṃ ‘micchāvācā’ti pajānāti. Sammākammaṃ ‘sammākammanto’ti pajānāti, micchākammaṃ ‘micchākammanto’ti pajānāti. Sammāājīvaṃ ‘sammāājīvo’ti pajānāti, micchāājīvaṃ ‘micchāājīvo’ti pajānāti. Sammāvāyāmaṃ ‘sammāvāyāmo’ti pajānāti, micchāvāyāmaṃ ‘micchāvāyāmo’ti pajānāti. Sammāsatiṃ ‘sammāsati’ti pajānāti, micchāsatiṃ ‘micchāsati’ti pajānāti. Sammāsamādhīṃ ‘sammāsamādhī’ti pajānāti, micchāsamādhīṃ ‘micchāsamādhī’ti pajānāti. Sāssa hoti sammādiṭṭhī’ti (ma. ni. 3.136 ādayo).

Pubbaṅgamabhūtāya hi sammādiṭṭhiyā siddhāya micchādiṭṭhīnampi micchādiṭṭhibhāvaṃ jānissatīti sammādiṭṭhisāṅkhātāṃ ñāṇaṃ tāva sodhetuṃ ñāṇakathā ādito kathitā.

“Apicudāyi, tiṭṭhatu pubbanto, tiṭṭhatu aparanto, dhammaṃ te desessāmi – imasmiṃ sati idaṃ hoti, imassuppādā idaṃ uppajjati, imasmiṃ asati idaṃ na hoti, imassa nirodhā idaṃ nirujjhatī”’ti (ma. ni. 2.271) ca –

Pubbantāparantadiṭṭhiyo ṭhapetvā ñāṇasseva vuttattā ñāṇakathā ādito kathitā.

“Alaṃ, subhadda, tiṭṭhatetaṃ ‘sabbe te sakāya paṭiññāya abbhaññīṃsu, sabbeva na abbhaññīṃsu, udāhu ekacce abbhaññīṃsu, ekacce na abbhaññīṃsū’ti. Dhammaṃ te, subhadda, desessāmi, taṃ suṇāhi sādhukaṃ manasikarohi, bhāsissāmi”’ti (dī. ni. 2.213) ca –

Puthusamaṇabrāhmaṇaparappavādānaṃ vāde ṭhapetvā ariyassa aṭṭhaṅgikassa maggassa desitattā, aṭṭhaṅgike ca magge sammādiṭṭhisāṅkhātassa ñāṇassa padhānattā ñāṇakathā ādito kathitā.

“Cattārimāni, bhikkhave, sotāpattiyaṅgāni sappurisasamsevo, saddhammassavanaṃ, yoniso manasikāro, dhammānudhammapaṭipattī”’ti (saṃ. ni. 5.1046; dī. ni. 3.311) ca –

“Saddhājāto upasaṅkamati, upasaṅkamanto payirupāsati, payirupāsanto sotaṃ odahati, ohitasoto dhammaṃ suṇāti, sutvā dhammaṃ dhāreti, dhātānaṃ dhammānaṃ paññāya atthaṃ upaparikkhati, atthaṃ upaparikkhato dhammā nijjhānaṃ khamanti, dhammanijjhānakkhantiyaṃ chando jāyati, chandajāto ussahati, ussahitvā tuletī, tulayitvā padahati, pahitatto kāyena ceva paramatthasaccaṃ sacchikaroti, paññāya ca naṃ paṭivijja passatī”’ti (ma. ni. 2.183, 432) ca –

“Idha tathāgato loke uppajjati...pe... so dhammaṃ deseti ādikalyāṇa”’nti ādīni (dī. ni. 1.190) ca –

Anekāni suttantapadāni anulomentena sutamaye ñāṇaṃ ādiṃ katvā yathākkamena ñāṇakathā ādito

kathitā.

Sā panāyaṃ ñāṇakathā uddesaniddesavasena dvidhā ṭhitā. Uddese “sotāvadhāne paññā sutamaye ñāṇa”ntiādīnā nayena tesattati ñāṇāni mātikāvasena uddiṭṭhāni. Niddese “kathaṃ sotāvadhāne paññā sutamaye ñāṇaṃ. ‘Ime dhammā abhiññeyyā’ti sotāvadhānaṃ, taṃpajānanā paññā sutamaye ñāṇa”ntiādīnā nayena tāniyeva tesattati ñāṇāni vitthāravasena niddiṭṭhānti.

Ganthārambhakathā niṭṭhitā.

(1) Mahāvaggo

1. Ñāṇakathā

Mātikāvaṇṇanā

1. Tatha uddese tāva **sotāvadhāne paññā sutamaye ñāṇanti** ettha **sotasaddo** anekathappabhedo. Tathā hesa –

Māṃsaviññāṇaṇesu, taṇhādīsu ca dissati;
Dhārāyaṃ ariyamagge, cittasantatiyampi ca.

“Sotāyatanaṃ sotadhātu sotindriya”ntiādīsu (vibha. 157) hi ayaṃ sotasaddo māṃsasote dissati. “Sotena saddaṃ sutvā”tiādīsu (ma. ni. 1.295) sotaviññāṇe. “Dibbāya sotadhātuyā”tiādīsu (dī. ni. 3.356) ñāṇasote. “Yāni sotāni lokasminti yāni etāni sotāni mayā kittitāni pakittitāni ācikkhitāni desitāni paññāpitāni paṭṭhapitāni vivaritāni vibhattāni uttānikatāni pakāsītāni. Seyyathidaṃ – taṇhāsoto diṭṭhisoto kilesasoto duccharitasoto avijjāsoto”tiādīsu (cūlani. ajitamāṇavapucchāniddeśa 4) taṇhādīsu pañcasu dhammesu. “Addasā kho bhagavā mahantaṃ dārukhandhaṃ gaṅgāya nadiyā sotena vuyhamāna”ntiādīsu (saṃ. ni. 4.241) udakadhārāyaṃ. “Ariyassettaṃ, āvuso, aṭṭhaṅgikassa maggassa adhivacanaṃ, yadidaṃ soto”tiādīsu ariyamagge. “Purisassa ca viññāṇasotaṃ pajānāti ubhayato abbochinnaṃ idha loke patiṭṭhitaṃca paraloke patiṭṭhitaṃca”tiādīsu (dī. ni. 3.149) cittasantatiyaṃ. Idha panāyaṃ māṃsasote daṭṭhabbo. Tena sotena hetubhūtena, karaṇabhūtena vā avadhīyati avatthāpīyati appīyatīti sotāvadhānaṃ. Kiṃ taṃ? Sutaṃ. Sutaṃca nāma “bahussuto hoti sutadharo sutasannicayo”tiādīsu (ma. ni. 1.339) viya sotadvārānusāreṇa viññātaṃ avadhāritaṃ dhammajātaṃ, taṃ idha sotāvadhānanti vuttaṃ. Tasmīṃ sotāvadhānasankhāte sute pavattā paññā sotāvadhāne paññā. **Paññāti** ca tassa tassa atthassa pākāṭakaraṇasaṅkhātena paññāpanaṭṭhena paññā, tena tena vā aniccādīnā pakāreṇa dhamme jānātīti paññā.

Sutamaye ñāṇanti ettha **sotasaddo** tāva saupasaggo anupasaggo ca –

Gamane vissute tintenuyogopacitepi ca;
Sadde ca sotadvārānusāraṇāte ca dissati.

Tathā hissa “senāya pasuto”tiādīsu gacchantoti attho. “Sutadhammassa passato”tiādīsu (udā. 11; mahāva. 5) vissutadhammassāti attho. “Avassutā avassutassa purisapuggalassā”tiādīsu (pāci. 657) tintā tintassāti attho. “Ye jhānapasutā dhīrā”tiādīsu (dha. pa. 181) anuyuttāti attho. “Tumhehi puññaṃ pasutaṃ anappaka”ntiādīsu (khu. pā. 7.12; pe. va. 25) upacitanti attho. “Diṭṭhaṃ sutaṃ mutaṃ viññāta”ntiādīsu (ma. ni. 1.241) saddoti attho. “Bahussuto hoti sutadharo sutasannicayo”tiādīsu (ma. ni. 1.339) sotadvārānusāraviññātadharoti attho. Idha panassa sotadvārānusāreṇa viññātaṃ upadhāritanti attho. **Sutamaye ñāṇanti** yā esā etaṃ sutaṃ viññātaṃ avadhāritaṃ saddhammaṃ ārabha ārammaṇaṃ katvā sabbapaṭṭhamaṇca aparāparaṇca pavattā paññā, taṃ “sutamaye ñāṇa”nti vuttaṃ hoti, sutamayaṃ ñāṇanti attho. Sutamayeti ca paccattavacanametāṃ, yathā “na hevaṃ vattabbe” (kathā. 1, 15-18).

“Vanappagumbe yathā phussitagge” (khu. pā. 6.13; su. ni. 236). “Natthi attakāre natthi parakāre natthi purisakāre” tiādīsu (dī. ni. 1.168) paccattavacanāṃ, evamidhāpi datṭhabbaṃ. Tena vuttaṃ – “sutamayaṃ ñāṇanti attho” ti.

Atha vā sutena pakato phassādiko dhammapuñjo sutamayo, tasmim̄ sutamaye dhammapuñje pavattaṃ taṃsampayuttaṃ ñāṇaṃ sutamaye ñāṇaṃ. Sabhāvasāmaññalakkhaṇavasena dhamme jānātīti ñāṇaṃ. Taṃyeva ñāṇaṃ pariyāyavacanena adhippāyapakāsanatthaṃ aniyamena “paññā” ti vatvā pacchā adhippetā “ñāṇa” nti niyametvā vuttanti veditabbaṃ. Ñāṇaṇca nāma sabhāvapaṭivedhalakkhaṇaṃ, akkhalitapaṭivedhalakkhaṇaṃ vā kusallissāsakhittausupaṭivedho viya, visayobhāsanarasam̄ padīpo viya, asam̄mohapaccupaṭṭhānaṃ araññagatasudesako viya. “Samāhito, bhikkhave, bhikkhu yathābhūtaṃ pajānātī” ti (saṃ. ni. 5.1071) vacanato samādhipadaṭṭhānaṃ. Lakkhaṇādīsu hi sabhāvo vā sāmāññaṃ vā lakkhaṇaṃ nāma, kiccaṃ vā sampatti vā raso nāma, upaṭṭhānākāro vā phalaṃ vā paccupaṭṭhānaṃ nāma, āsannaṅkāraṇaṃ padaṭṭhānaṃ nāmāti veditabbaṃ.

2. Sutvāna saṃvare paññāti –

Pātimokkho satī ceva, ñāṇaṃ khanti tatheva ca;
Vīriyaṃ pañcime dhammā, saṃvarāti pakāsītā.

“Iminā pātimokkhasaṃvarena upeto hoti samupeto upāgato samupāgato upapanno sampanno samannāgato” ti (vibha. 511) āgato **pātimokkhasaṃvaro**. “Cakkhunā rūpaṃ disvā na nimittaggāhī hoti nānubyañjanaggāhī. Yatvādhikaraṇaṃenaṃ cakkhundriyaṃ asaṃvutaṃ viharantaṃ abhijjhādomanassā pāpakā akusalā dhammā anvāssaveyyuṃ, tassa saṃvarāya paṭipajjati, rakkhati cakkhundriyaṃ, cakkhundriye saṃvaraṃ āpajjati” tiādīnā (dī. ni. 1.213; ma. ni. 1.295; saṃ. ni. 4.239; a. ni. 3.16) nayena āgato **satisaṃvaro**.

“Yāni sotāni lokasmim̄ (ajitāti bhagavā),
Sati tesam̄ nivāraṇaṃ;
Sotānaṃ saṃvaraṃ brūmi, paññāyete pidhīyare” ti . (cūḷani. ajitamāṇavapucchā 60; su. ni. 1041)

Āgato **ñāṇasaṃvaro**. “Katame ca, bhikkhave, āsavā paṭisevanā pahātabbā? Idha, bhikkhave, bhikkhu paṭisaṅkhā yoniso cīvaraṃ paṭisevatī” tiādīnā (ma. ni. 1.23; a. ni. 6.58) nayena āgato **paccayapaṭisevanāsaṃvaro**, sopi ñāṇasaṃvareneva saṅgahito. “Khamo hoti sītassa uñhassa jighacchāya pipāsāya ḍaṃsamakasavātātapasarisapasamphassānaṃ duruttānaṃ durāgatānaṃ vacanapathānaṃ uppannānaṃ sārīrikānaṃ vedanānaṃ dukkhānaṃ tibbānaṃ kharānaṃ kaṭukānaṃ asātānaṃ amanāpānaṃ paṇaharānaṃ adhivāsakajātiko hotī” ti (ma. ni. 1.24; a. ni. 4.114; 6.58) āgato **khantisāṃvaro**. “Uppannaṃ kāmavitakkaṃ nādhivāseti pajahati vinodeti byantikaroti anabhāvaṃ gametī” tiādīnā (ma. ni. 1.26; a. ni. 4.114; 6.58) nayena āgato **vīriyasaṃvaro**. “Idha ariyasāvako micchāājīvaṃ pahāya sammāājīvena jīvikaṃ kappetī” ti (saṃ. ni. 5.8) āgato **ājīvapārisuddhisāṃvaro**, sopi vīriyasaṃvareneva saṅgahito. Tesu sattasu saṃvaresu pātimokkhasaṃvaraindriyasaṃvaraājīvapārisuddhipaccayapaṭisevanasaṅkhātā cattāro saṃvarā idhādhippetā, tesu ca visesena pātimokkhasaṃvaro. Sabbopi cāyaṃ saṃvaro yathāsakaṃ saṃvaritabbānaṃ kāyaduccarītādīnaṃ saṃvaraṇato saṃvaroti vuccati. Sutamayañāṇe vuttaṃ dhammaṃ sutvā saṃvarantassa saṃvaraṃ karontassa tasmim̄ saṃvare pavattā taṃsampayuttā paññā “suvāna saṃvare paññā” ti vuttā. Atha vā hetuatthe sutvāti vacanassa sambhavato sutahetunā saṃvare paññātipi attho.

Sīlamaye ñāṇanti ettha sīlanti sīlanatṭhena sīlaṃ. Kimidaṃ sīlanaṃ nāma? Samādhānaṃ vā, kāyakammādīnaṃ susīlyavasena avippakiñṇatāti attho. Upadhāraṇaṃ vā, kusalānaṃ dhammānaṃ paṭiṭṭhāvasena ādhārabhāvoti attho. Etadeva hi ettha atthadvayaṃ saddalakkhaṇavidū anujānanti. Aññe pana “adhisevanatṭhena ācāratṭhena tassilatṭhena siratṭhena sītalatṭhena sivatṭhena sīla” nti vaṇṇayanti.

Sīlanam **lakkhaṇam** tassa, bhinnassāpi anekadhā;
Sanidassanattaṃ rūpassa, yathā bhinnassa nekadhā.

Yathā hi nīlapītādibhedena anekadhā bhinnassāpi rūpāyanassa sanidassanattaṃ lakkhaṇam nīlādibhedena bhinnassāpi sanidassanabhāvānatikkamanato, tathā sīlassa cetanādibhedena anekadhā bhinnassāpi yadetaṃ kāyakammādīnaṃ samādhānavasena kusalānañca dhammānaṃ patitṭhānavasena vuttaṃ sīlanam, tadeva lakkhaṇam cetanādibhedena bhinnassāpi samādhānapatitṭhānavasena. Evaṃlakkhaṇassa panassa –

“Dussīlyaviddhaṃsanatā, anavajjagūṇo tathā;
Kiccasampatti atthena, **raso** nāma pavuccati”.

Tasmā idaṃ sīlam nāma kiccaṭṭhena rasena dussīlyaviddhaṃsanarasam, sampattiatthena rasena anavajjarasanti veditabbaṃ.

Soceyyapaccupaṭṭhānam, tayidaṃ tassa viññuhi;
Ottappañca hirī ceva, **padaṭṭhānanti** vaṇṇitaṃ. –

Tayidaṃ sīlam “kāyasoceyyaṃ vacīsoceyyaṃ manosoceyya”nti (itivu. 66) evaṃ vuttasoceyyapaccupaṭṭhānam, sucibhāvena paccupaṭṭhāti gahaṇabhāvaṃ gacchati. Hirottappañca pana tassa viññuhi padaṭṭhānanti vaṇṇitaṃ, āsannaḥānanti attho. Hirottappe hi sati sīlam uppajjati ceva tiṭṭhati ca, asati neva uppajjati na tiṭṭhatīti evaṃvidhena sīlena sahaḡataṃ taṃsāmpayuttaṃ ñāṇam sīlamaye ñāṇam. Atha vā sīlameva pakataṃ sīlamayaṃ, tasmim sīlamaye taṃsāmpayuttaṃ ñāṇam. Asaṃvare ādīnavapaccavekkhaṇā ca, saṃvare ānisāṃsapaccavekkhaṇā ca, saṃvarapārisuddhipaccavekkhaṇā ca, saṃvarasaṃkilesavodānapaccavekkhaṇā ca sīlamayañāṇeneva saṅgahitā.

3. Saṃvaritvā samādahane paññāti sīlamayañāṇe vuttasīlasaṃvarena saṃvaritvā saṃvaram katvā sīle patitṭhāya samādahantassa upacārappanāvasena cितtekkaggaṃ karontassa tasmim samādahane pavattā taṃsāmpayuttā paññā. Samaṃ sammā ca ādahanam ṭhapananti ca samādahanam, samādhissevetam pariāyavacanam.

Samādhībhāvanāmāye ñāṇanti ettha kusalacittekkaggaṃ samādhī. Kenatṭhena samādhī? Samādhānatṭhena samādhī. Kimidaṃ samādhānam nāma? Ekārammaṇe cittacetāsikānam samaṃ sammā ca ādhānam, ṭhapananti vuttaṃ hoti. Tasmā yassa dhammassānubhāvena ekārammaṇe cittacetāsikā samaṃ sammā ca avikkhipamānā avippakiṇṇā ca hutvā tiṭṭhanti, idaṃ samādhānanti veditabbaṃ. Tassa kho pana samādhissa –

Lakkhaṇam tu avikkhepo, vikkhepaviddhaṃsanam **raso**;
Akampanamupaṭṭhānam, **padaṭṭhānam** sukham pana.

Bhāvīyati vaḍḍhīyatīti bhāvanā, samādhī eva bhāvanā samādhībhāvanā, samādhissa vā bhāvanā vaḍḍhanā samādhībhāvanā. Samādhībhāvanāvācānena aññaṃ bhāvanam paṭikkhipati. Pubbe viya upacārappanāvasena samādhībhāvanāmāye ñāṇam.

4. Paccayapariggahe paññāti ettha paṭicca phalameṭīti paccayo. **Paṭiccāti** na vinā tena, apaccakkhitvāti attho. Etīti uppajjati ceva pavattati cāti attho. Apica upakārattho paccayattho, tassa paccayassa bahuvīdhattā paccayānam pariggahe vavattḥāpane ca paññā paccayapariggahe paññā.

Dhammaṭṭhitiñāṇanti ettha dhammasaddo tāva sabhāvapaññāpuññaṃ paññāntīpattipariyattinissattatāvīkāraguṇapaccayapaccayuppannādīsu dissati. Ayañhi “kusalā dhammā akusalā dhammā abyākatā dhammā”tiādīsu (dha. sa. tikamātikā 1) sabhāve dissati.

“Yassete caturo dhammā, saddhassa gharamesino;
Saccaṃ dhammo dhiti cāgo, sa ve pecca na socatī”ti. (su. ni. 190) –

Ādisu paññāyaṃ.

“Na hi dhammo adhammo ca, ubho samavipākino;
Adhammo nirayaṃ neti, dhammo pāpeti suggati”nti. (theragā. 304) –

Ādisu puññe. “Paññattidhammā niruttidhammā adhivacanadhammā”tiādīsu (dha. sa. dukamātikā 106-108) paññattiyaṃ. “Pārājikā dhammā saṅghādisesā dhammā”tiādīsu (pārā. 233-234) āpattiyaṃ. “Idha bhikkhu dhammaṃ jānāti suttaṃ geyyaṃ veyyākaraṇa”ntiādīsu (a. ni. 5.73) pariyattiyaṃ. “Tasmiṃ kho pana samaye dhammā honti (dha. sa. 121). Dhammesu dhammānupassī viharatī”tiādīsu (dī. ni. 2.373; ma. ni. 1.115) nissattatāyaṃ. “Jātidhammā jarādhammā maraṇadhammā”tiādīsu (a. ni. 10.107) vikāre. “Channaṃ buddhadhammāna”ntiādīsu (mahāni. 50) guṇe. “Hetumhi ñāṇaṃ dhammapaṭisambhidā”tiādīsu (vibha. 720) paccaye. “Ṭhitāva sā dhātu dhammaṭṭhitatā dhammaniyāmatā”tiādīsu (saṃ. ni. 2.20; a. ni. 3.137) paccayuppanne. Svāyamidhāpi paccayuppanne daṭṭhabbo. Atthato pana attano sabhāvaṃ dhārentīti vā, paccayehi dhārīyantīti vā, attano phalaṃ dhārentīti vā, attano paripūraṃ apāyesu apatamaṇaṃ dhārentīti vā, sakasakalakkhaṇe dhārentīti vā, cittaṇa avadhārīyantīti vā yathāyogaṃ dhammāti vuccanti. Idha pana attano paccayehi dhārīyantīti dhammā, paccayasamuppannā dhammā tiṭṭhanti uppajjanti ceva pavattanti ca etāyāti dhammaṭṭhiti, paccayadhammānametaṃ adhivacanaṃ. Tassaṃ dhammaṭṭhitiyaṃ ñāṇaṃ dhammaṭṭhitiñāṇaṃ. Idañhi samādhībhāvanāmayaññaṇe vuttasamādhinā samāhitena cittaṇa yathābhūtaññaṇadassanattāya yogaṃ nārabhītvā vavatthāpitanāmarūpassa tesāṃ nāmarūpanaṃ paccayapariggahapariyāyaṃ dhammaṭṭhitiñāṇaṃ uppajjati. “Nāmarūpavavatthāne ñāṇa”nti avatvā eva kasmā “dhammaṭṭhitiñāṇa”nti vuttanti ce? Paccayapariggaheneva paccayasamuppannapariggahassa siddhattā. Paccayasamuppanne hi apariggahite paccayapariggaho na sakkā hoti kātuṃ. Tasmā dhammaṭṭhitiñāṇagahaṇeneva tassa hetubhūtaṃ pubbe siddhaṃ nāmarūpavavatthānaññaṇaṃ vuttameva hotīti veditabbaṃ. Kasmā dutiyatatiyaññaṇaṃ viya “samādahitvā paccayapariggahaṇe paññā”ti na vuttanti ce? Samathavipassanānaṃ yuganaddhattā.

“Samādahitvā yathā ce vipassati, vipassamāno tathā ce samādahe;
Vipassanā ca samatho tadā ahu, samānabhāgā yuganaddhā vattare”ti. –

Hi vuttaṃ. Tasmā samādhīṃ avissajjetvā samādhīṇa ñāṇaṇa yuganaddhaṃ katvā yāva ariyamaggo, tāva ussukkāpetabbanti ñāpanatthaṃ “paccayapariggahaṇe paññā dhammaṭṭhitiñāṇa”micceva vuttanti veditabbaṃ.

5. Atītānāgatapaccuppannānaṃ dhammānaṃ saṅkhipitvā vavatthāne **paññā**ti ettha attano sabhāvaṃ, uppādādikkhāṇaṃ vā patvā ati itā atikkantāti atītā, tadubhayampi na āgatā na sampattāti anāgatā, taṃ taṃ kāraṇaṃ paṭicca uppādādiuddhaṃ pannaṃ gatā pavattāti paccuppannā. Addhā santatikhaṇapaccuppannesu santatipaccuppannaṃ idhādhippetā. Tesāṃ atītānāgatapaccuppannānaṃ pañcakkhandhadhammānaṃ ekekakkhandhalakkhaṇe saṅkhipitvā kalāpavasena rāsiṃ katvā vavatthāne nicchayane sannīṭṭhāpane paññā.

Sammasane ñāṇanti sammā āmasane anumajjane pekkhaṇe ñāṇaṃ, kalāpasammasanaññaṇanti attho. Idañhi nāmarūpavavatthānaññaṇantaraṃ nāmarūpapaccayapariggahaṇe dhammaṭṭhitiñāṇe ṭhitassa “yaṃkiñci rūpaṃ atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumāṃ vā hīnaṃ vā paṇītaṃ vā yaṃ dūre santike vā, sabbaṃ taṃ rūpaṃ aniccato vavatthapeti, ekaṃ sammasanaṃ, dukkhato vavatthapeti, ekaṃ sammasanaṃ, anattato vavatthapeti, ekaṃ sammasana”ntiādinā (paṭi. ma. 1.48) nayena vuttasammasanavasena pubbe vavatthāpīte ekekasmīṃ khandhe tilakkhaṇaṃ āropetvā aniccato dukkhato anattato vipassantassa kalāpasammasanaññaṇaṃ uppajjati.

6. Paccuppanānaṃ dhammānaṃ vipariṇāmanupassane paññāti santativasena paccuppanānaṃ ajjhataṃ pañcakkhandhadhammānaṃ vipariṇāmadassane bhaṅgadassane paññā. Yasmā “ime dhammā uppajjitvā bhijjanti”ti udayaṃ gahetvāpi bhedeyeve cittaṃ ṭhapeti, tasmā avuttopi udayo vuttoyeve hotīti veditaṃbo. Paccuppanānaṃ dhammānaṃ dassanena vā udayadassanassa siddhattā udayo vuttoyeve hoti. Na hi udayaṃ vinā dhammānaṃ uppannataṃ sijjhati, tasmā “paccuppanānaṃ dhammānaṃ uppādavipariṇāmanupassane paññā”ti avuttepi vuttameva hotīti veditaṃbaṃ. “Udayabbayānupassane ñāṇa”nti niyamitattā ca udayadassanaṃ siddhameva hotīti anantaraṃ vuttassa sammasanañāṇassa pāraṃ gantvā taṃsammasaneyeva pākaṭṭhābhūte udayabbaye pariggaṇhitvā saṅkhārānaṃ paricchedakaraṇatthaṃ udayabbayānupassanaṃ ārabhantassa uppajjati udayabbayānupassanāñāṇaṃ. Tañhi udayabbaye anupassanato udayabbayānupassanāti vuccati.

7. Ārammaṇaṃ paṭisaṅkhāti rūpakkhandhādiārammaṇaṃ bhaṅgato paṭisaṅkhāya jānitvā passitvā. **Bhaṅgānupassane paññā vipassane ñāṇanti** tassa ārammaṇaṃ bhaṅgato paṭisaṅkhāya uppannassa ñāṇassa bhaṅgaṃ anupassane yā paññā, taṃ “vipassane ñāṇa”nti vuttaṃ hoti. **Vipassanāti** ca vividhā passanā vipassanā. Ārammaṇapaṭisaṅkhāti pi pāṭho. Tassattho – ārammaṇassa paṭisaṅkhā jānānā passanāti vuttanayeneva ārammaṇapaṭisaṅkhā “bhaṅgānupassane paññā vipassane ñāṇa”nti vuttaṃ hoti. Yasmā pana bhaṅgānupassanāya eva vipassanā sikhaṃ pāpuṇāti, tasmā viśesetvā idameva “vipassane ñāṇa”nti vuttaṃ. Yasmā udayabbayānupassanāya ṭhitassa maggāmaggañāṇadassanaṃ uppajjati, tasmā tassā siddhāya taṃ siddhameva hotīti taṃ avatvā vā bhaṅgānupassanāya eva vipassanāsikhaṃ ñāṇaṃ vuttanti veditaṃbaṃ. Udayabbayānupassanāya suparidiṭṭhaudayabbayassa suparicchinnesu saṅkhāresu lahuṃ lahuṃ upaṭṭhahantesu ñāṇe tikkhe vahante udayaṃ pahāya bhaṅge eva sati santiṭṭhati, tassa “evaṃ uppajjitvā evaṃ nāma saṅkhārā bhijjanti”ti passato etasmiṃ ṭhāne bhaṅgānupassanāñāṇaṃ uppajjati.

8. Bhayatupaṭṭhāne paññāti uppādapavattanimittaāyūhanāpaṭisandhīnaṃ bhayato upaṭṭhāne pīḷāyogato sappāṭibhaya vasena gahaṇūpagamane paññāti attho. Bhayato upaṭṭhātīti bhayatupaṭṭhānaṃ ārammaṇaṃ, tasmīṃ bhayatupaṭṭhāne. Atha vā bhayato upaṭṭhātīti bhayatupaṭṭhānaṃ, paññā, taṃ “bhayatupaṭṭhāna”nti vuttaṃ hoti.

Ādīnave ñāṇanti bhummavacanameva. “Yā ca bhayatupaṭṭhāne paññā, yañca ādīnave ñāṇaṃ, yā ca nibbidā, ime dhammā ekaṭṭhā, byañjana meva nāna”nti (paṭi. ma. 1.227) vuttattā ekamiva vuccamānampi avatṭhābhedenā muñcītukamyatādi viya tividhameva hoti. Tasmā bhayatupaṭṭhānaādīnavānupassanāsu siddhāsu nibbidānupassanā siddhā hotīti katvā avuttāpi vuttāva hotīti veditaṃbā.

Sabbasaṅkhārānaṃ bhaṅgārammaṇaṃ bhaṅgānupassanaṃ āsevantaṃ bhāventassa bahulīkarontassa tibhavacatuṇipañcagatisattaviññāṇaṭṭhitinavasattāvāsesu pabhedakā saṅkhārā sukhena jīvitukāmassa bhīrukapurisassa sīhabyagghadīpiacchataracchayakkharakkhasacaṇḍaṇḍakukkurapabhinnamadaṇḍahattighoraāsivisaasanivicakkasusānaraṇabhūmijalitaṅgārakāsuādayo viya mahābhayaṃ hutvā upaṭṭhahanti, tassa “atīta saṅkhārā niruddhā, paccuppanā nirujjhanti, anāgatāpi evameva nirujjhissanti”ti passato etasmiṃ ṭhāne bhayatupaṭṭhānaṃ ñāṇaṃ uppajjati. Tassa taṃ bhayatupaṭṭhānañāṇaṃ āsevantaṃ bhāventassa bahulīkarontassa sabbabhavayonigatiṭṭhitinivāsagatesu saṅkhāresu ekasaṅkhārepi patthanā vā parāmāso vā na hoti, tayo bhavā vītaccitaṅgārapuṇṇā aṅgārakāsuyo viya, cattāro mahābhūtā ghoravisā āsivisā viya, pañcakkhandhā ukkhittāsikā vadhakā viya, cha ajjhattikāyatanāni suññagāmo viya, cha bāhirāyatanāni gāmaghātakacorā viya, sattaviññāṇaṭṭhitiyo nava ca sattāvāsā ekādasahi aggṭhi ādittā sampajjalitā sajotibhūtā viya ca, sabbe saṅkhārā gaṇḍabhūtā rogabhūtā sallabhūtā aghabhūtā ābādhabhūtā viya ca nirassādā nirasā mahāādīnavarāsibhūtā hutvā upaṭṭhahanti, sukhena jīvitukāmassa bhīrukapurisassa ramaṇīyākārasaṅghitampi savāḷakamiva vanagahanaṃ, sasaddulā viya guhā, saḅāharakkhasaṃ viya udakaṃ, samussitakhaggā viya paccatthikā, savisaṃ viya bhojanaṃ, sacoro viya maggo, ādittamiva agāraṃ, uyyuttasenā viya raṇabhūmi. Yathā hi so puriso etāni savāḷakavanagahanādīni āgamma bhīto saṃviggo lomahaṭṭhajāto samantato ādīnavameva passati, evameva so yogāvacaṃ bhaṅgānupassanāvasena sabbasaṅkhāresu bhayato upaṭṭhitesu samantato niraṣaṃ nirassādaṃ ādīnavameva passati. Tassevaṃ passato ādīnavānupassanāñāṇaṃ uppajjati.

So evaṃ sabbasaṅkhāre ādīnavato sampassanto sabbabhavayonigativinñāṇaṭṭhitisattāvāsagate sabhedake saṅkhāragate nibbindati ukkaṅṭhāti nābhīramati. Seyyathāpi nāma cittaḷupapabbatapādābhīrato suvaṇṇarājahaṃso asucimhi caṇḍālagāmadvāraāvāṭe nābhīramati, sattasu mahāsaṅgāyeva abhīramati, evameva ayaṃ yogīrājahaṃso suparidīṭṭhādīnave sabhedake saṅkhāragate nābhīramati, bhāvanārāmatāya pana bhāvanārātiyā samannāgatattā sattasu anupassanāsuyeva abhīramati. Yathā ca suvaṇṇapaṇḍarepi pakkhitto siho mīgarājā nābhīramati, tiyojanasahassavittate pana himavanteyeva ramati, evamayampi yogīsīho tividhe sugatibhavepi nābhīramati, tīsu anupassanāsuyeva ramati. Yathā ca sabbaseto sattappatiṭṭho iddhimā vehāsaṅgamo chaddanto nāgarājā nagaramajjhe nābhīramati, himavati chaddantarahadeyeva ramati, evamayampi yogīvaravāraṇo sabbasmimpi saṅkhāragate nābhīramati, “anuppādo khema”ntiādīnā (paṭi. ma. 1.53) nayena niddiṭṭhe santipadeyeva ramati, tanninatapponatappabbhāramānaso hoti. Ettāvātā tassa nibbidānupassanāññāṇaṃ uppannaṃ hotīti.

9. Muñcitukamyatāpaṭisaṅkhāsantiṭṭhanā paññā saṅkhārupekkhāsu ñāṇanti muñcituṃ cajituṃ kāmeti icchātīti muñcitukāmo, muñcitukāmassa bhāvo muñcitukamyatā. Paṭisaṅkhāti upaparikkhatīti paṭisaṅkhā, paṭisaṅkhānaṃ vā paṭisaṅkhā. Santiṭṭhāti ajjupekkhatīti santiṭṭhanā, santiṭṭhanaṃ vā santiṭṭhanā. Muñcitukamyatā ca sā paṭisaṅkhā ca santiṭṭhanā cāti muñcitukamyatāpaṭisaṅkhāsantiṭṭhanā. Iti pubbhāge nibbidāññāna nibbinnassa uppādādīni pariccajitukāmatā muñcitukamyatā. Muñcanassa upāyakaṇṭhaṃ majjhe paṭisaṅkhānaṃ paṭisaṅkhā. Muñcivā avasāne ajjupekkhanaṃ santiṭṭhanā. Evaṃ avatthābhedenā tippakārā paññā saṅkhārānaṃ ajjupekkhanāsu ñāṇaṃ, muñcitukamyatāpaṭisaṅkhāsantiṭṭhanāsaṅkhātānaṃ avatthābhedenā bhinnānaṃ tissannampi paññānaṃ saṅkhārupekkhataṃ icchantena pana “paññā”ti ca “saṅkhārupekkhāsū”ti ca bahuvacanaṃ kataṃ, avatthābhedenā bhinnassāpi ekattā “ñāṇa”nti ekavacanaṃ katanti veditabbaṃ. Vuttaṅca – “yā ca muñcitukamyatā yā ca paṭisaṅkhānupassanā yā ca saṅkhārupekkhā, ime dhammā ekatthā, byañjanaṃ eva nāna”nti (paṭi. ma. 1.227). Keci pana “saṅkhārupekkhāsūti bahuvacanaṃ samathavipassanāvasena saṅkhārupekkhānaṃ bahuttā”tipi vadanti. Saṅkhārupekkhāsūti ca kiriyāpekkhanti veditabbaṃ. Avatthābhedenā pana tena nibbidāññāna nibbindantassa ukkaṅṭhantassa sabbabhavayonigativinñāṇaṭṭhitisattāvāsagatesu sabhedakesu saṅkhāresu cittaṃ na sajjati na laggati na bajjhati, sabbasaṅkhāragataṃ muñcitukāmaṃ chaḍḍetukāmaṃ hoti.

Atha vā yathā jālabbhantaragato maccho, sappamukhagato maṇḍūko, pañjarapakkhitto vanakukkuṭo, dalhapāsavaṃgato migo, ahitūṇḍikahatthagato sappo, mahāpaṅkapakkhando kuñjaro, supaṇṇamukhagato nāgarājā, rāhumukhapaviṭṭho cando, sapattaparikkhitto purisotievamādayo tato tato muccitukāmā nissaritukāmāva hontī, evaṃ tassa yogino cittaṃ sabbasmā saṅkhāragatā muccitukāmaṃ nissaritukāmaṃ hoti. Evañhi vuccamāne “muccitukāmassa muccitukamyatā”ti pāṭho yujjati. Evañca sati “uppādaṃ muñcitukamyatā”tiādīsu “uppādā muccitukamyatā”tiādi vattabbaṃ hoti, tasmā purimo eva attho sundarataro. Athassa sabbasaṅkhāresu vigatālayassa sabbasaṅkhāragataṃ muñcitukāmassa muñcitukamyatāññāṇaṃ uppajjati. So evaṃ sabbabhavayonigativinñāṇaṭṭhitisattāvāsagate sabhedake saṅkhāre muñcitukāmo muñcanassa upāyasampādanatthaṃ puna te eva saṅkhāre paṭisaṅkhānupassanāññānaṃ tilakkhaṇaṃ āropetvā vipassati. Evañhi vipassato cassa aniccavasena nimittaṃ paṭisaṅkhāññāṇaṃ uppajjati, dukkhavasena pavattaṃ paṭisaṅkhāññāṇaṃ uppajjati, anattavasena nimittaṅca pavattaṅca paṭisaṅkhāññāṇaṃ uppajjati. So paṭisaṅkhānupassanāññānaṃ “sabbe saṅkhārā suññā”ti disvā tilakkhaṇaṃ āropetvā saṅkhāre pariggaṇhanto bhayaṅca nandiṅca vippahāya bhariyāya dosaṃ disvā vissaṭṭhabhariyo viya puriso tassā bhariyāya saṅkhāresu udāsīno hoti majjhato, “aha”nti vā “mama”nti vā na gaṇhāti. Tassa evaṃ jānato evaṃ passato tīsu bhavesu cittaṃ patilīyati paṭikuṭati paṭivattati na sampasāriyati. Seyyathāpi nāma padumapalāse īsakaṃ poṇe udakaphusitāni patilīyanti paṭikuṭanti paṭivattanti na sampasāriyanti. Seyyathāpi vā pana kukkuṭapattaṃ vā nhārudaddulaṃ vā aggimhi pakkhitthaṃ patilīyati paṭikuṭati paṭivattati na sampasāriyati, evaṃ tassa tīsu bhavesu cittaṃ patilīyati paṭikuṭati paṭivattati na sampasāriyati, upekkhā saṅṭhāti. Evamassa saṅkhārupekkhāññāṇaṃ uppannaṃ hoti. Iminā saṅkhārupekkhāññānaṃ saddhiṃ upari gotrabhuññāssa sādhaḷaṃ anulomaññāṇaṃ pubbāparaññānehi avuttampi vuttameva hotīti veditabbaṃ. Vuttañhi bhagavatā –

“So vata, bhikkhave, bhikkhu kañci saṅkhāraṃ niccato samanupassanto anulomikāya

khantiyā samannāgato bhavissatīti netam ṭhānaṃ vijjati, anulomikāya khantiyā asamannāgato sammattaniyāmaṃ okkamissatīti netam ṭhānaṃ vijjati, sammattaniyāmaṃ anokkamamāno sotāpattiphalaṃ vā sakadāgāmiphalaṃ vā anāgāmiphalaṃ vā arahattaphalaṃ vā sacchikarissatīti netam ṭhānaṃ vijjati”tiādi (a. ni. 6.98; paṭi. ma. 3.36).

Vuttañca dhammasenāpatinā –

“Katihākārehi anulomikaṃ khantiṃ paṭilabhati? Katihākārehi sammattaniyāmaṃ okkamati? Cattālīsāya ākārehi anulomikaṃ khantiṃ paṭilabhati, cattālīsāya ākārehi sammattaniyāmaṃ okkamati”tiādi (paṭi. ma. 3.37).

Paṭṭhāne cetam vuttaṃ bhagavatā –

“Anulomaṃ gotrabhussa anantarapaccayena paccayo. Anulomaṃ vodānassa anantarapaccayena paccayo”tiādi (paṭṭhā. 1.1.417).

Tassa hi taṃ saṅkhārupekkhāñānaṃ āsevantassa bhāventassa bahulīkarontassa adhimokkhasaddhā balavatarā hoti, vīriyaṃ supaggahitaṃ, sati sūpaṭṭhitā, cittaṃ susamāhitaṃ, saṅkhārupekkhāñānaṃ tikkhataraṃ pavattati. Tassa idāni maggo uppajjissatīti saṅkhārupekkhāya saṅkhāre “aniccā”ti vā “dukkhā”ti vā “anattā”ti vā sammasitvā bhavaṅgaṃ otarati. Bhavaṅgānantaraṃ saṅkhārupekkhāya katanayeneva saṅkhāre “aniccā”ti vā “dukkhā”ti vā “anattā”ti vā ārammaṇaṃ kurumānaṃ uppajjati manodvārāvajjanaṃ. Tadanantaraṃ tatheva saṅkhāre ārammaṇaṃ katvā dve tīṇi cattāri vā javanacittāni uppajjanti. Taṃsampayuttaṃ ñānaṃ anulomañānaṃ. Tañhi purimānañca aṭṭhannaṃ vipassanāñānaṃ tathakiccatāya anulometi, upari ca pattabbānaṃ sattatiṃsāya bodhipakkhiyadhammānaṃ anulometi. Yathā hi dhammiko rājā vinicchayaṭṭhāne nisinnā aṭṭhannaṃ vohārikamahāmattānaṃ vinicchayaṃ sutvā agatigamaṇaṃ pahāya majjhato hutvā “evaṃ hotū”ti anumodamāno tesañca vinicchayassa anulometi, porāṇassa ca rājadharmassa. Tattha rājā viya anulomañānaṃ, aṭṭha vohārikamahāmattā viya aṭṭha vipassanāñānaṃ, porāṇarājadharmo viya sattatiṃsa bodhipakkhiyadhammā, yathā rājā “evaṃ hotū”ti anumodamāno vohārikānañca vinicchayassa rājadharmassa ca anulometi, evamidaṃ aniccādivasena saṅkhāre ārabha uppajjamānaṃ aṭṭhannañca vipassanāñānaṃ tathakiccatāya anulometi, upari ca pattabbānaṃ sattatiṃsāya bodhipakkhiyadhammānaṃ. Tasmā anulomañānanti vuccati.

10. Bahiddhā vuṭṭhānavivaṭṭane paññā gotrabhuñānanti ettha bahiddhāti saṅkhāranimittaṃ. Tañhi ajjhattacittasāntāne akusalakkhandhe upādāya bahiddhāti vuttaṃ. Tasmā bahiddhā saṅkhāranimittamhā vuṭṭhāti vigataṃ hutvā uddhaṃ tiṭṭhatīti vuṭṭhānaṃ, vivaṭṭati parāvaṭṭati parammukhaṃ hotīti vivaṭṭanaṃ, vuṭṭhānañca taṃ vivaṭṭanañcāti vuṭṭhānavivaṭṭanaṃ. Tenevāha –

“Gotrabhuñānaṃ samudayassa asamucchindanato pavattā na vuṭṭhāti, nibbānārammaṇato pana nimittā vuṭṭhātīti ekato vuṭṭhānaṃ hotī”ti (visuddhi. 2.827).

Puthujjanagottābhībhavanato ariyagottabhāvanato gotrabhu. Idañhi anulomañānehi padumapalāsato udakamiva sabbasaṅkhārato patilīyamānacittassa anulomañānassa āsevanante animittaṃ nibbānaṃ ārammaṇaṃ kurumānaṃ puthujjanagottaṃ puthujjanasaṅkhaṃ puthujjanabhūmiṃ atikkamamānaṃ ariyagottaṃ ariyasaṅkhaṃ ariyabhūmiṃ okkamamānaṃ nibbānārammaṇe paṭhamāvattanapaṭhamābhogapaṭhamasamannāhārabhūtaṃ maggassa anantasamanantarāsevanaupanissayanatthivigatavasena chahi ākārehi paccayabhāvaṃ sādhayamānaṃ sikhāpattaṃ vipassanāya muddhabhūtaṃ apunarāvattakaṃ uppajjati.

11. Dubhato vuṭṭhānavivaṭṭane paññā magge ñānanti ettha dubhatoti ubhato, dvayatoti vā vuttaṃ hoti. Kilesānaṃ samucchindanato kilesehi ca tadanuvattakakkhandhehi ca nibbānārammaṇakaraṇato bahiddhā sabbasaṅkhāranimittēhi ca vuṭṭhāti vivaṭṭatīti dubhato vuṭṭhānavivaṭṭane paññā. Tenevāha –

“Cattāripi maggañāṇāni animittārammaṇattā nimittato vuṭṭhahanti, samudayassa samucchindanato pavattā vuṭṭhahantīti dubhato vuṭṭhānāni hontī”’ti (visuddhi. 2.827).

Magge ñāṇanti nibbānaṃ maggati pekkhati, nibbānatthikehi vā maggīyati anvesīyati, kilese vā mārento gacchati pavattatīti maggo, tasmim magge ñāṇaṃ. Jātiggaṇaṇena ekavacanaṃ kataṃ. Tañhi gotrabhuñāṇassa anantaraṃ nibbānaṃ ārammaṇaṃ kurumānaṃ sayamvajjhe kilese niravasesaṃ samucchindamānaṃ anamataggasamsāravatṭadukkhassamuddaṃ sosayamānaṃ sabbāpāyadvārāni pidahamānaṃ sattaariyadhanasammukhībhāvaṃ kurumānaṃ aṭṭhaṅgikaṃ micchāmaggaṃ pajahamānaṃ sabbaverabhayāni vūpasamayamānaṃ sammāsambuddhassa orasaputtabhāvamupanayamānaṃ aññāni ca anekāni ānisaṃsasatāni paṭilābhayamānaṃ maggañāṇaṃ uppajjati.

Ṭhātuṃ icchaṃ puriso, laṅghitvā mātikāya paratīre;
Vegenāgamma yathā, gaṇhitvā orimatiratarubaddhaṃ.

Rajjuṃ vā daṇḍaṃ vā, ullaṅghitvāna pāraninnatanu;
Pārāpanno pana taṃ, muñciya vedhaṃ patiṭṭhahati pāre.

Evaṃ yogāvacarō, sakkāyamayamhi orime tīre;
Diṭṭhabhayo abhaye pana, ṭhātuṃ icchaṃ amatapāre.

Udayabbayānupassa, pabhutikavegena āgato rajjuṃ;
Rūpāvhaṃ daṇḍaṃ vā, taditarakhandhāvhaṃ sammā.

Gaṇhitvā āvajjana, cittaṃ hi pubbavuttanayatova;
Anulomehullaṅghiya, nibbutinno tadāsanopagato.

Taṃ muñciya gotrabhunā, aladdhaāsevanena tu pavedhaṃ;
Patito saṅkhatapāre, tato patiṭṭhāti maggañāṇena.

Passitukāmo candaṃ, cande channamhi abbhapaṭalehi;
Thulakasukhumasukhumesu, abbhesu haṭesu vāyunā kamato.

Candaṃ passeyya naro, yathā tathevānulomaññāṇehi kamā;
Saccacchādakamohe, vināsīte pekkhate hi gotrabhu amataṃ.

Vātā viya te candaṃ, amataṃ na hi pekkharenulomāni;
Puriso abbhāni yathā, gotrabhu na tamaṃ vinodeti.

Bhamitamhi cakkayante, ṭhito naro aññadinnasaññāya;
Usupāte phalakasataṃ, apekkhamāno yathā vijjhe.

Evamidha maggañāṇaṃ, gotrabhunā dinnasaññamavilhāya;
Nibbāne vattantaṃ, lobhakkhandhādike padāleti.

Saṃsāradukkhajaladhim, sosayati pidahati duggatidvāraṃ;
Kurute ca ariyadhaninaṃ, micchāmaggaṇca pajahāti.

Verabhayāni samayate, karoti nāthassa orasasutattaṃ;
Aññe ca anekasate, ānisaṃse dadāti ñāṇamidanti.

12. Payogappaṭippassaddhipaññā phale ñāṇanti ettha payogoti bhuso yogo, phalacchikiriyāya

maggabhāvanāya ubhato vuṭṭhānapayogo, tassa payogassa paṭippassambhanam niṭṭhānam payogapaṭippassaddhi. Kim tam? Catumaggakiccapariyosānam. Tassā payogapaṭippassaddhiyā hetubhūṭāya pavattā phale paññā payogappaṭippassaddhipaññā. Phalati vipaccatīti phalam, tasmim phale tam sampayuttaṃ ñānam. Ekekassa hi maggañāṇassa anantarā tassa tasseva vipākabhūṭāni nibbānārammaṇāni tīṇi vā dve vā ekaṃ vā phalacittāni uppajjanti. Anantaravipākattāyeva lokuttarakusalānam “samādhimānantarikaññamāhū”ti (khu. pā. 6.5; su. ni. 228) ca, “dandham ānantarikaṃ pāpuṇāti āsavānam khayāyā”ti (a. ni. 4.162) ca ādi vuttaṃ. Yassa dve anulomāni, tassa tatiyaṃ gotrabhu, catuttham maggacittam, tīṇi phalacittāni honti. Yassa tīṇi anulomāni, tassa catuttham gotrabhu, pañcamaṃ maggacittam, dve phalacittāni honti. Yassa cattāri anulomāni, tassa pañcamaṃ gotrabhu, chaṭṭham maggacittam, ekaṃ phalacittam hoti. Idam maggavīthiyam phalam. Kālaraphalam pana samāpattivasena uppajjamānam nirodhā vuṭṭhahantassa uppajjamānañca eteneva saṅgahitam.

13. Chinnavaṭumānupassane paññāti tena tena ariyamaggena samucchinnam tam tam upakkilesam pacchā passane paññā. **Vimuttiñāṇanti** vimuttiyā ñānam. **Vimuttīti** ca upakkilesehi vimuttam parisuddham cittam, vimuttabhāvo vā. Tassā vimuttiyā jānam ñānam vimuttiñānam. Kilesehi vimuttam cittasantatimpi kilesehi vimuttabhāvampi paccavekkhanto kilesehi na vinā paccavekkhatīti etena pahīnakilesapaccavekkhaṇam vuttaṃ hoti. “Vimuttasmim vimuttamiti ñānam hoti”ti (mahāva. 23; dī. ni. 1.248) hi idameva sandhāya vuttaṃ. Avasiṭṭhakilesapaccavekkhaṇam pana avuttampi imināva vuttaṃ hotīti gahettabbam. Vuttañca –

“Vuttamhi ekadhamme, ye dhammā ekalakkhaṇā tena;
Vuttā bhavanti sabbe, iti vutto lakkhaṇo hāro”ti. (netti. 4.5 niddesavāra);

Atha vā arahato avasiṭṭhakilesapaccavekkhaṇābhāvā catunnam ariyānam labbhamānam pahīnakilesapaccavekkhaṇameva vuttanti veditabbam.

14. Tadā samudāgate dhamme passane paññāti tadā maggakkhaṇe phalakkhaṇe ca samudāgate paṭilābhavasena ca paṭivedhavasena ca samāgate sampatte samaṅgibhūte maggaphaladhamme catusaccadhamme ca passanā pekkhaṇā pajānanā paññā. **Paccavekkhaṇe ñāṇanti** nivattitvā bhusam passanam jānam ñānam. Iminā ca ñāṇadvayena paccavekkhaṇañāṇāni vuttāni honti. Soṭāpannassa hi maggavīthiyam soṭāpattiphalapariyosāne cittam bhavaṅgam otarati, tato bhavaṅgam upacchinditvā maggapaccavekkhaṇatthāya manodvārāvajjanam uppajjati, tasmim niruddhe paṭipāṭiyā satta maggapaccavekkhaṇajavanānīti. Puna bhavaṅgam otaritvā teneva nayena phalādīnam paccavekkhaṇatthāya āvajjanādīni uppajjanti. Yesam uppattiyā esa maggam paccavekkhati, phalam paccavekkhati, pahīnakilese paccavekkhati, avasiṭṭhakilese paccavekkhati, nibbānam paccavekkhati. So hi “iminā vatāham maggena āgato”ti maggam paccavekkhati, tato “ayam me ānisaṃso laddho”ti phalam paccavekkhati, tato “ime nāma me kilesā pahīnā”ti pahīnakilese paccavekkhati, tato “ime nāma me kilesā avasiṭṭhā”ti uparimaggavajjhe kilese paccavekkhati, avasāne “ayam me dhammo ārammaṇato paṭiladdho”ti amataṃ nibbānam paccavekkhati. Iti soṭāpannassa ariyasāvakkassa pañca paccavekkhaṇāni honti. Yathā ca soṭāpannassa, evaṃ sakadāgāmianāgāmīnampi. Arahato pana avasiṭṭhakilesapaccavekkhaṇam nāma natthīti cattāriyeva paccavekkhaṇāni. Evaṃ sabbāni ekūnavīsati paccavekkhaṇañāṇāni. Ukkaṭṭhaparicchedoyeva ceso. Pahīnavasiṭṭhakilesapaccavekkhaṇam sekkhānam hoti vā na vā. Tassa hi abhāvatoyeva mahānāmo sakko bhagavantam pucchi “kosu nāma me dhammo ajjhataṃ appahīno, yena me ekadā lobhadhammāpi cittam pariyaḍāya tiṭṭhanti”tiādi (ma. ni. 1.175).

Ettha dhammaṭṭhitiñāḍīnam ekādasannaṃ ñāṇānam vibhāvanatthāya ayam upamā veditabbā – yathā puriso “macche gahessāmī”ti macchakhippam gahetvā tadanurūpe udaye osāretvā khippamukhena hattham otāretvā antoudake kaṇhasappam macchasaññāya gīvāya dalham gahetvā “mahā vata mayā maccho laddho”ti tuṭṭho ukkhipitvā passanto sovattikattayadassanena “sappo”ti sañjānitvā bhīto ādīnavam disvā gahaṇe nibbinno muñcitukāmo hutvā muñcanassa upāyam karonto agganāṅguṭṭhato paṭṭhāya hattham nibbeṭhetvā bāham ukkhipitvā upariṣe dve tayo vāre paribbhametvā sappam dubbalam katvā “gaccha re duṭṭhasappā”ti nissajjitvā vegena thalam āruya ṭhitova “mahantassa vata bho sappassa

mukhato muttomhī”ti haṭṭho āgatamaggaṃ olokeyya.

Tattha tassa purisassa macchasaññāya kaṇhasappaṃ daḷhaṃ gahetvā tussanaṃ viya imassa yogino ādito bālaputhujjanassa aniccatādivasena bhayānakaṃ khandhapañcakaṃ niccādisaññāya “ahaṃ mamā”ti diṭṭhitaṇhāhi daḷhaṃ gahetvā tussanaṃ, tassa khippamukhato sappaṃ nīharitvā sovattikattayaṃ disvā “sappo”ti sañjānanaṃ viya sappaccayanāmarūpapariggahena ghanavinibbhogaṃ katvā kalāpasammaśāntāhi ñāṇehi khandhapañcakaṃ aniccatādilakkhaṇattayaṃ disvā “aniccaṃ dukkhamanattā”ti tassa vavattāpanaṃ, tassa bhāyanaṃ viya imassa bhayatupaṭṭhānañāṇaṃ, sappe ādīnavadassanaṃ viya ādīnavānupassanāñāṇaṃ, sappagahaṇe nibbindanaṃ viya nibbidānupassanāñāṇaṃ, sappaṃ muñcitukāmatā viya muñcitukamyatāñāṇaṃ, muñcanassa upāyakaṇaṃ viya paṭisañkhānupassanāñāṇaṃ, sappaṃ paribbhametvā dubbalaṃ katvā nivattitvā ḍaṃsituṃ asamatthabhāvapāpanaṃ viya tilakkhaṇāropanena sañkhārupekkhānulomañāṇehi sañkhāre paribbhametvā dubbalaṃ katvā puna niccasukhattākārena upaṭṭhātuṃ asamatthatāpāpanaṃ, sappavissajjanaṃ viya gotrabhuññaṃ, sappaṃ vissajjetvā thalaṃ āruya ṭhānaṃ viya nibbānathalaṃ āruya ṭhitaṃ maggaphalañāṇaṃ, haṭṭhassa āgatamaggalokaṇaṃ viya maggādipaccavekkhaṇāñāṇanti.

Imesañca sutamayaññādīnaṃ cuddasannaṃ ñāṇaṃ uppattikkamena paṭipattikkamena ca desanakkamassa katattā paccavekkhaṇesu paṭhamam kilesapaccavekkhaṇaṃ hoti, tato maggaphalanibbānapaccavekkhaṇānti veditabbaṃ.

“Lokuttaraṃ jhānaṃ bhāveti niyyānikaṃ apacayagāmiṃ diṭṭhigatānaṃ pahānāya, kāmarāgabyāpādānaṃ tanubhāvāya, kāmarāgabyāpādānaṃ anavaśesappahānāya, rūparāgaarūparāgamānauddhaccaavijjānaṃ anavaśesappahānāya”ti (dha. sa. 277, 361-363) ca kilesappahānaṃyeva adhikaṃ katvā maggapaṭipattiyā vuttattā paṭipattānurūpeneva kilesapaccavekkhaṇassa ādibhāvo yujjati, aṭṭhakathāyaṃ vuttakkamo pana dassitoyeva. So pana kamo pañcavidho uppattikkamo pahānakkamo paṭipattikkamo bhūmikkamo desanakkamoti.

“Paṭhamam kalalaṃ hoti, kalalā hoti abbudaṃ;
Abbudā jāyate pesi, pesi nibbattatī ghano”ti. (saṃ. ni. 1.235) –

Evamādi uppattikkamo. “Dassanena pahātabbā dhammā, bhāvanāya pahātabbā dhammā”ti (dha. sa. tikamātikā 8) evamādi pahānakkamo. “Sīlavisuddhi cittavisuddhi diṭṭhivisuddhi kaṅkhāvitaraṇavisuddhi maggāmaggañāṇadassanavisuddhi paṭipadāñāṇadassanavisuddhi ñāṇadassanavisuddhi”ti evamādi paṭipattikkamo. “Kāmāvacarā dhammā, rūpāvacarā dhammā, arūpāvacarā dhammā”ti (dha. sa. dukamātikā 93-95) evamādi bhūmikkamo. “Cattāro satipaṭṭhānā cattāro sammappadhānā cattāro iddhipādā pañcendriyāni pañca balāni satta bojjhaṅgā ariyo aṭṭhaṅgiko maggo”ti (ma. ni. 3.43; mahāni. 191; cūḷani. mettagūmaṇavapucchānidessa 22) vā, “anupubbikathaṃ kathesi. Seyyathidaṃ – dānakathaṃ sīlakathaṃ saggakathaṃ kāmānaṃ ādīnavaṃ okāraṃ saṃkilesaṃ nekkhamme ānisaṃsaṃ pakāsesī”ti (mahāva. 31; dī. ni. 1.298; 2.83) vā evamādi desanakkamo. Idha pana cuddasannaṃ ñāṇaṃ uppattikkamo paṭipattikkamo ca tadubhayavasena paṭipāṭiyā desitattā desanakkamo cāti tayo kamā veditabbā.

15. Idāni yasmā heṭṭhā sarūpena nāmarūpavavattānañāṇaṃ na vuttaṃ, tasmā pañcadhā nāmarūpappabhedam dassetuṃ **ajjhataṃvavattāne paññā vatthunānante ñāṇantiādīni** pañca ñāṇāni uddiṭṭhāni. Sakale hi nāmarūpe vutte yaṃ pariggahetuṃ sakkā, yañca pariggahetabbaṃ, taṃ pariggahessati. Lokuttarañāmañhi pariggahetuñca na sakkā anadhigatattā, na ca pariggahetabbaṃ avipassanūpagattā. Tattha **ajjhataṃvavattāneti** “evaṃ pavattamānā mayaṃ attāti gahaṇaṃ gamissāmā”ti iminā viya adhippāyena attānaṃ adhikāraṃ katvā pavattāti ajjhataṃ. **Ajjhattasaddo** panāyaṃ gocarajjhatte niyakajjhatte ajjhatajhatte visayajjhatteti catūsu atthesu dissati. “Tena, ānanda, bhikkhunā tasmimīyeva purimasmim samādhinimitte ajjhataṃeva cittaṃ saṅghapetabbaṃ, ajjhatarato samāhito”tiādīsu (dha. pa. 362) hi ayaṃ gocarajjhatte dissati. “Ajjhattaṃ sampasādanaṃ (dī. ni. 1.228; dha. sa. 161), ajjhataṃ vā dhammesu dhammānupassī viharatī”tiādīsu (dī. ni. 2.373) niyakajjhatte. “Cha ajjhataṃni āyatanāni,

ajjhakkā dhammā”tiādīsu (dha. sa. tikamātikā 20) ajjhatajjhatte. “Ayaṃ kho, paṇānanda, vihāro tathāgatena abhisambuddho yadidaṃ sabbanimittānaṃ amanasikārā ajjhataṃ suññataṃ upasampajja viharatī”tiādīsu (ma. ni. 3.187) visayajjhatte, issariyaṭṭhāneti attho. Phalasaṃpatti hi buddhānaṃ issariyaṭṭhānaṃ nāma. Idha pana ajjhatajjhatte daṭṭhabbo. Tesāṃ ajjhataṃ vavatthāne ajjhatajjhatte. **Vatthunānatteti** vatthūnaṃ nānābhāve, nānavatthūsi attho. Ettha javanamanoviññāssa paccayabhūto bhavaṅgamanopi cakkhādipaṇcakaṃ viya uppattiṭṭhānattā vatthūti vutto. Avajjanampi tannissitameva kātabbaṃ.

Bhiddhāti chahi ajjhatajjhattehi bahibhūtesu tesāṃ visayesu. **Gocaranānatteti** visayanānatte.

17. Cariyāvavatthāneti viññācariyāññācariyāññācariyāvasena cariyānaṃ vavatthāne. “Cariyāvavatthāne”ti rassaṃ katvāpi paṭhanti.

18. Catudhammavavatthāneti kāmāvacarabhūmiādīnaṃ cuddasannaṃ catukkānaṃ vasena catunnaṃ catunnaṃ dhammānaṃ vavatthāne. **Bhūmīti** ca “bhūmigatañca vehāsaṭṭhañca”tiādīsu (saṃ. ni. 1.136) pathaviyaṃ vattati. “Abhūmiṃ tāta, mā sevā”tiādīsu (jā. 1.6.34) visaye. “Sukhabhūmiyaṃ kāmāvacare”tiādīsu (dha. sa. 988) uppajjanaṭṭhāne. Idha pana koṭṭhāse vattati. Paricchedetipi vadanti.

19. Navadhammavavatthāneti kāmāvacarakusalādivasena pāmojjamūlakavasena yoniso manasikāramūlakavasena ca navannaṃ navannaṃ dhammānaṃ vavatthāne. Imesu ca pañcasu ñānesu paṭhamaṃ ajjhatajjhatte vavatthāpetabbāti vatthunānatte ñānaṃ paṭhamaṃ vuttaṃ, tato tesāṃ visayā vavatthāpetabbāti tadanantaraṃ gocaranānatte ñānaṃ vuttaṃ, tato parāni tīṇi ñānāni tiṇṇaṃ catunnaṃ navannaṃ vasena gaṇanānulomena vuttāni.

20. Idāni yasmā nāmarūpasseva pabhedato vavatthāpanaṇānaṃ ñātapariññā, tadanantaraṃ tīraṇapariññā, tadanantaraṃ pahānapariññāti tisso pariññā. Taṃsambandhā ca bhāvanāsacchikiriyaṃ honti, tasmā dhammānattañānāntaraṃ ñātaṭṭhe ñānādīni pañca ñānāni uddiṭṭhāni. Tisso hi pariññā ñātapariññā tīraṇapariññā pahānapariññā ca. Tattha “ruppanalakkhaṇaṃ rūpaṃ, vedayitalakkhaṇā vedanā”ti evaṃ tesāṃ tesāṃ dhammānaṃ paccatalakkhaṇasallakkhaṇavasena pavattā paññā **ñātapariññā** nāma. “Rūpaṃ aniccaṃ dukkhaṃ anattā, vedanā aniccā dukkhā anattā”tiādīnaṃ nayena tesāṃ tesāṃ dhammānaṃ sāmāññalakkhaṇaṃ āropetvā pavattā lakkhaṇārammaṇikavipassanāpaññā **tīraṇapariññā** nāma. Tesuyeva pana dhammesu niccasaññā dipajahanavasena pavattā lakkhaṇārammaṇikavipassanāva **pahānapariññā** nāma.

Tattha saṅkhāraparicchedato paṭṭhāya yāva paccayapariggahā ñātapariññāya bhūmi. Etasmiñhi antare dhammānaṃ paccatalakkhaṇapaṭivedhasseva ādhipaccaṃ hoti. Kalāpasammasanato paṭṭhāya yāva udayabbayānupassanā tīraṇapariññāya bhūmi. Etasmiñhi antare sāmāññalakkhaṇapaṭivedhasseva ādhipaccaṃ hoti. Bhaṅgānupassanaṃ ādiṃ katvā upari pahānapariññāya bhūmi. Tato paṭṭhāya hi “aniccato anupassanto niccasaññaṃ pajahati, dukkhato anupassanto sukhasaññaṃ pajahati, anattato anupassanto attasaññaṃ pajahati, nibbindanto nandiṃ pajahati, virajjanto rāgaṃ pajahati, nirodhento samudayaṃ pajahati, paṭinissajjanto ādānaṃ pajahati”ti (paṭi. ma. 1.52) evaṃ niccasaññā dipahānasādhikānaṃ sattannaṃ anupassanānaṃ ādhipaccaṃ hoti.

Tattha **abhiññāpaññāti** dhammānaṃ ruppanādisabhāvena jānanapaññā. Sā hi sobhanaṭṭhena abhisaddena “tesāṃ tesāṃ dhammānaṃ sabhāvajānanavasena sobhanaṃ jānana”nti katvā abhiññāti vuccati. **Ñātaṭṭhe ñānanti** jānanasabhāvaṃ ñānaṃ.

21. Pariññāpaññāti jānanapaññā. Sā hi byāpanaṭṭhena parisaddena “aniccādisāmāññalakkhaṇavasena sakiccasamāpanavasena vā byāpitaṃ jānana”nti katvā pariññāti vuccati. **Tīraṇaṭṭhe ñānanti** upaparikkhaṇasabhāvaṃ, sammāsanasabhāvaṃ vā ñānaṃ.

22. Pahāne paññāti niccasaññā dipajahanā paññā, pajahatīti vā, pajahanti etenāti vā pahānaṃ.

Pariccāgaṭṭhe ñāṇanti pariccajanasabhāvaṃ ñāṇaṃ.

23. Bhāvanāpaññāti vaḍḍhanapaññā. **Ekarasaṭṭhe** ñāṇanti ekakiccasabhāvaṃ ñāṇaṃ, vimuttirasena vā ekarasasabhāvaṃ ñāṇaṃ.

24. Sacchikiriyaṇāṇāti paṭivedhavasena paṭilābhavasena vā paccakkhakaṇapaññā. **Phassanaṭṭhe** ñāṇanti tadubhayavaseneva vindanasabhāvaṃ ñāṇaṃ.

25-28. Idāni yasmā pahānabhāvanāsacchikiriyañāṇāni ariyamaggaphalasampayuttānīpi honti, tasmā tadanantaraṃ ariyapuggalānaṃyeva labbhamānāni cattāri paṭisambhidāñāṇāni uddiṭṭhāni. Tatthāpi paccayuppanno attho dukkhasaccaṃ viya pākaṭo suviññeyyo cāti paṭhamaṃ **atthapaṭisambhidāñāṇaṃ** uddiṭṭhaṃ, tassa atthassa hetudhammavisayattā tadanantaraṃ **dhammapaṭisambhidāñāṇaṃ**, tadubhayassa niruttivisayattā tadanantaraṃ **niruttipaṭisambhidāñāṇaṃ**, tesu tīsupi ñāṇesu pavattanato tadanantaraṃ **paṭibhānapaṭisambhidāñāṇaṃ**. Pa-kāraṃ dīghaṃ katvā ca paṭhanti.

29-31. Ito parāni vihāraṭṭhe ñāṇādīni tīṇi ñāṇāni ariyānaṃyeva sambhavato paṭisambhidāpabhedato ca paṭisambhidāñāṇānantaraṃ uddiṭṭhāni. Vihāraṭṭhe ñāṇāñhi dhammapaṭisambhidā hoti, samāpattaṭṭhe ñāṇaṃ atthapaṭisambhidā. Dhammasabhāve ñāṇāñhi paṭisambhidākathāyaṃ (paṭi. ma. 2.30) dhammapaṭisambhidāti vuttaṃ. Nibbāne ñāṇaṃ pana atthapaṭisambhidā eva. Tattha **vihāranānatteti** aniccānupassanādivasena nānavipassanāvihāre. **Vihāraṭṭheti** vipassanāvihārasabhāve. **Vihāroti** ca sasampayuttā vipassanā eva. **Samāpattinānatteti** animittādivasena nānāphalasangāhāyaṃ. **Samāpattī** ca lokuttaraphalabhūtā cittaetasikadhammā. **Vihārasamāpattinānatteti** ubhayavasena vuttaṃ.

32. Tato vihārasamāpattīñāṇasādhakassa “dubhato vuṭṭhānavivaṭṭane paññā”ti pubbe vuttassāpi maggañāṇassa āsavasamucchedasamatthataṃ anantaraphaladāyakaṭṭhāna kāraṇena viśeṭṭvā aparenākāreṇa vattukāmena tadeva “ānantarikasamādhimhi ñāṇa”nti uddiṭṭhaṃ. Tattha **avikkhepaparisuddhattāti** vikkhipati tena cittanti vikkhepo, uddhaccasetaṃ nāmaṃ. Na vikkhepo avikkhepo, uddhaccapaṭipakkhassa samādhissetaṃ nāmaṃ. Parisuddhassa bhāvo parisuddhattaṃ, avikkhepassa parisuddhattaṃ avikkhepaparisuddhattaṃ, tasmā avikkhepaparisuddhattā samādhissa parisuddhabhāvenāti attho. Idañhi āsavasamucchedassa anantaraphaladāyakaṭṭhassa ca kāraṇavacanāṃ. **Āsavasamucchedeti** ettha āsavantīti āsavā, cakkhutopi...pe... manatopi sandanti pavattantīti vuttaṃ hoti. Dhammato yāva gotrabhuṃ, okāṣato yāva bhavaggaṃ savantīti vā āsavā, etaṃ dhammaṃ etaṃ okāṣaṃ antokarivā pavattantīti attho. Antokaraṇattho hi ayaṃ ā-kāro. Cirapārivāsikaṭṭhena madirādayo āsavā viyātipi āsavā. Lokasmiñhi cirapārivāsikā madirādayo āsavāti vuccanti. Yadi ca cirapārivāsikaṭṭhena āsavā, eteṃyeva bhavitumarahanti. Vuttañhetam –

“Purimā, bhikkhave, koṭi na paññāyati avijjāya, ito pubbe avijjā nāhosi, atha pacchā samabhavi”tiādi.

Āyataṃ vā saṃsāradukkhaṃ savanti pasavantītipi āsavā, samucchiṃjati etenāti samucchedo. **Paññāti** kāmāsavādīnaṃ catunnaṃ āsavānaṃ samucchede paññā.

Ānantarikasamādhimhi ñāṇanti attano pavattisamanantaraṃ niyameneva phalappadānato ānantarikoti laddhanāmo maggasamādhī. Na hi maggasamādhimhi uppanne tassa phaluppattinisedhako koci antarāyo atthi. Yathāha –

“Ayaṃ puggalo sotāpattīphalāsacchikiriyaṃ paṭipanno assa, kappassa ca uḍḍayhanavelā assa, neva tāva kappo uḍḍayheyya, yāvāyaṃ puggalo na sotāpattīphalaṃ sacchikaroti, ayaṃ vuccati puggalo ṭhitakappī. Sabbepi maggasamaṅgino puggalā ṭhitakappino”ti (pu. pa. 17).

Idaṃ tena ānantarikasamādhinā sampayuttaṃ ñāṇaṃ.

33. Iminā maggañāṇena phalappattānaṃ ariyānaṃyeva sambhavato imassa ñāṇassa anantaraṃ araṇavihārañāṇādīni cattāri ñāṇāni uddiṭṭhāni. Tatrāpi ca arahatoyeva satatameva ca sambhavato araṇavihāre ñāṇaṃ paṭhamaṃ uddiṭṭhaṃ, tadanantaraṃ nirodhassa anāgāmiarahantānaṃ sambhavepi bahusambhārattā visesena ca nirodhassa nibbānasammatattā ca nirodhasamāpattiyā ñāṇaṃ uddiṭṭhaṃ, tadanantaraṃ parinibbānassa kālantare parinibbānakālaṃ āhacca ṭhitattā dīghakālikanti parinibbāne ñāṇaṃ uddiṭṭhaṃ, tadanantaraṃ samasīsaṭṭhassa sabbakilesakhayānantaraṃ parinibbānakālaṃ āhacca ṭhitattā rassakālikanti samasīsaṭṭhe ñāṇaṃ uddiṭṭhaṃ. Tattha **santo cāti ca-kāro** dassanādhipeyyaṅca santo viharādhigamo ca paṇītādhimuttatā cāti tīhipi padehi sambandhitabbo. **Dassananti** vipassanāñāṇaṃ, adhipatiyeva ādhipeyyaṃ, adhipatito vā āgatattā ādhipeyyaṃ, dassanaṅca taṃ ādhipeyyaṅcāti **dassanādhipeyyaṃ**. Viharatīti viharō, viharanti tena vāti viharō, adhigammati pāpuṇiyatīti adhigamo, viharō eva adhigamo **viharādhigamo**. So ca kilesapariḷāhavirahitattā nibbutoti **santo**. So ca arahattaphalasaṃpattipaṇṇā. Uttamaṭṭhena atappakaṭṭhena ca **paṇīto**, padhānabhāvaṃ nītoti vā paṇīto, paṇīte adhimutto visaṭṭhacitto tapparamo paṇītādhimutto, tassa bhāvo **paṇītādhimuttatā**. Sā ca phalasaṃpattādhimuttā pubbabhāgapaṇṇā eva.

Araṇavihāreti nikkilesavihāre. Rāgādayo hi raṇanti satte cuṇṇenti pīlentīti raṇā, raṇanti etehi sattā kandanti paridevanṭīti vā raṇā. Vutto tividhopi viharō. Natthi etassa raṇāti araṇo. Vividhe paccanīkadhamme haranti etenāti viharō. Tasmim araṇe vihāre. Niddesavāre (paṭi. ma. 1.82) vuttapaṭhamajjhānādīni ca paṇītādhimuttatāya eva saṅgahitāni. Phalasaṃpattiṃ samāpajjitukāmatāya hi paṭhamajjhānādiṃ samāpajjitvā vuṭṭhāya jhānasampayuttadhamme vipassati, yā ca araṇavihāngasuttante (ma. ni. 3.323 ādayo) bhagavatā desitā araṇapaṭipadā, sāpi imināva saṅgahitāti veditabbā. Vuttañhi tattha bhagavatā –

“Araṇavihāngam vo, bhikkhave, desessāmi...pe... na kāmasukhaṃ anuyuñjeyya hīnaṃ gammaṃ pothujjanikaṃ anariyaṃ anattasaṃhitam, na ca attakilamathānuyoṃ anuyuñjeyya dukkhaṃ anariyaṃ anattasaṃhitam. Ete kho, bhikkhave, ubho ante anupagamma majjhimā paṭipadā tathāgatena abhisambuddhā cakkhukaraṇī ñāṇakaraṇī upasamāya abhiññāya sambodhāya nibbānāya saṃvattati. Ussādanaṅca jaññā, apasādanaṅca jaññā, ussādanaṅca ñatvā apasādanaṅca ñatvā nevussādeyya na apasādeyya, dhammameva deseyya. Sukhavinicchayaṃ jaññā, sukhavinicchayaṃ ñatvā ajjhataṃ sukhamanuyuñjeyya, rahovādaṃ na bhāseyya, sammukhā na khīṇaṃ bhāṇe, ataramānova bhāseyya no taramāno, janapadaniruttiṃ nābhiniveseyya, samaññaṃ nātidhāveyyāti. Ayamuddeso araṇavihāngassa ...pe... tatra, bhikkhave, yo kāmapaṭisandhisukhino somanassānuyoṃ ananuyogo hīnaṃ...pe... anattasaṃhitam, adukkho eso dhammo avighāto anupāyāso aparilāho sammāpaṭipadā. Tasmā eso dhammo araṇo...pe... tatra, bhikkhave, yo attakilamathānuyoṃ ananuyogo dukkhaṃ anariyaṃ anattasaṃhitam. Adukkho eso dhammo ...pe... tasmā eso dhammo araṇo. Tatra, bhikkhave, yāyaṃ majjhimā paṭipadā tathāgatena abhisambuddhā...pe... adukkho eso dhammo...pe... tasmā eso dhammo araṇo...pe... tatra, bhikkhave, yāyaṃ nevussādanā na apasādanā dhammadesanā ca, adukkho eso dhammo...pe... tasmā eso dhammo araṇo...pe... tatra, bhikkhave, yadidaṃ nekkhammasukhaṃ pavivekasukhaṃ upasamasukhaṃ sambodhisukhaṃ, adukkho eso dhammo...pe... tasmā eso dhammo araṇo...pe... tatra, bhikkhave, yvāyaṃ rahovādo bhūto taccho atthasaṃhito, adukkho eso dhammo...pe... tasmā eso dhammo araṇo ...pe... tatra, bhikkhave, yvāyaṃ sammukhā khīṇavādo bhūto taccho atthasaṃhito, adukkho eso dhammo...pe... tasmā eso dhammo araṇo...pe... tatra, bhikkhave, yadidaṃ ataramānassa bhāsitaṃ, adukkho eso dhammo...pe... tasmā eso dhammo araṇo...pe... tatra, bhikkhave, yvāyaṃ janapadaniruttiyā ca anabhiniveso samaññāya ca anatisāro, adukkho eso dhammo...pe... tasmā eso dhammo araṇoti. Tasmātiha, bhikkhave, saraṇaṅca dhammaṃ jānissāma, araṇaṅca dhammaṃ jānissāma. Saraṇaṅca dhammaṃ ñatvā araṇaṅca dhammaṃ ñatvā araṇaṃ paṭipadaṃ paṭipajjissāmāti evaṅhi vo, bhikkhave, sikkhitabbaṃ. Subhūti ca pana, bhikkhave, kulaputto araṇapaṭipadaṃ paṭipanno”ti.

Tattha majjhimā paṭipadā dassanādhipeyyena ca santena viharādhigamena ca saṅgahitā. Kāmasukhaṃ attakilamathaṃ ananuyogo majjhimā paṭipadā eva. Arahatō hi

vipassanāpubbabhāgamajjhimā paṭipadā hoti, arahattaphalāsamāpatti aṭṭhaṅgamaggavasena majjhimā paṭipadā ca. Sesā pana paṇītādhimuttatāya eva saṅgahitāti veditabbā. Kiñcāpi sabbepi arahanto araṇavihārino, aññe arahanto dhammaṃ desentā “sammāpaṭipanne sammāpaṭipannā”ti “micchāpaṭipanne micchāpaṭipannā”ti puggalavasenāpi ussādanāpasādanāni katvā dhammaṃ desenti. **Subhūtitthero** pana “ayaṃ micchāpaṭipadā, ayaṃ sammāpaṭipadā”ti dhammavaseneva dhammaṃ desesi. Teneva bhagavā taṃyeva araṇapaṭipadaṃ paṭipannoti ca vaṇṇesi, “etadaggaṃ, bhikkhave, mama sāvakaṇaṃ bhikkhūnaṃ araṇavihārīnaṃ yadidaṃ subhūti”ti (a. ni. 1.198, 201) ca araṇavihārīnaṃ aggaṭṭhāne ṭhapesīti.

34. Dvīhi balehīti samathabalavipassanābalehi. **Samannāgatattāti** yuttatā paripuṇṇatā vā. **Tayo cāti** vibhattivipallāso, tiṇṇaṅcāti vuttaṃ hoti. **Saṅkhārānanti** vacīsaṅkhārakāyasaṅkhāraccittasaṅkhārānaṃ. **Paṭippassaddhiyāti** paṭippassaddhatthaṃ nirodhatthaṃ, appavattatthanti vuttaṃ hoti. **Soḷasahīti** aniccānupassanādīni aṭṭha, maggaphalāni aṭṭhāti soḷasahi. **Ñāṇacariyāhīti** ñāṇappavattīhi. **Navahīti** rūpārūpāvacarasamādhi tadupacāro cāti navahi. **Vasibhāvata paññāti** lahutā, yathāsukhavattanaṃ issariyaṃ vaso, so assa atthīti vasī, vasino bhāvo vasibhāvo, vasibhāvo eva vasibhāvata, yathā pāṭikulyameva pāṭikulyatā. Evaṃvidhā paññā vasibhāvataya paññāti vā attho. Si-kāraṃ dīghaṃ katvā ca paṭhanti. Samannāgatattā ca paṭippassaddhiyā ca ñāṇacariyāhi ca samādhicariyāhi cāti ca-kāro sambandhitabbo.

Nirodhasamāpattiyā ñāṇanti anāgāmiarahantānaṃ nirodhasamāpattinimittaṃ ñāṇaṃ, yathā ajinamhi haññate dīpīti. **Nirodhasamāpattīti** ca nevasaññānāsaññāyatanassa abhāvamattaṃ, na koci dhammo, paññattimattaṃ abhāvamattatā nirodhoti ca. Samāpajjantena samāpajjīyati nāmāti samāpattīti ca vuccati.

35. Sampajānassāti sammā pakārehi jānātīti sampajāno. Tassa sampajānassa. **Pavattapariyādāneti** pavattanaṃ pavattaṃ, samudācāroti attho. Kilesapavattaṃ khandhapavattaṃca. Tassa pavattassa pariyādānaṃ parikkhayaṃ appavatti pavattapariyādānaṃ. Tasmīṃ pavattapariyādāne. **Parinibbāne ñāṇanti** arahato kāmacchandādīnaṃ parinibbānaṃ appavattaṃ anupādisesaparinibbānaṃca paccavekkhantassa tasmīṃ kilesaparinibbāne khandhaparinibbāne ca pavattaṃ ñāṇaṃ.

36. Sabbadhammānanti sabbesaṃ tebhūmakadhammānaṃ. **Sammā samucchedeti** santatisamucchedavasena suṭṭhu nirodhe. **Nirodhe ca anupaṭṭhānatāti** nirodhe gate puna na upaṭṭhānatāya, puna anuppattiyanti attho. Sammāsamucchede ca nirodhe ca anupaṭṭhānatā cāti ca-kāro sambandhitabbo.

Samasīsaṭṭhe ñāṇanti nekkhammādīni sattatiṃsa samāni, taṇhādīni terasa sīsāni. Paccanīkadhammānaṃ samitattā samāni, yathāyogaṃ padhānatā ca koṭṭitā ca sīsāni. Ekasmiṃ iriyāpathe vā ekasmiṃ roge vā sabhāgasantativasena ekasmiṃ jīvitindriye vā nekkhammādīni samāni ca saddhādīni sīsāni ca assa santīti samasīsī, samasīsissa attho samasīsaṭṭho. Tasmīṃ samasīsaṭṭhe, samasīsibhāveti attho. Ekasmiṃ iriyāpathe roge vā sabhāgasantativasena jīvite vā vipassanaṃ ārabhitvā tasmīṃyeva iriyāpathe roge sabhāgajīvite vā cattāri maggaphalāni patvā, tasmīṃyeva parinibbāyantassa arahatoyeva samasīsibhāvo hotīti tasmīṃ samasīsibhāve ñāṇanti vuttaṃ hoti. Vuttaṃca puggalapaññattiyāṃ (pu. pa. 16), tassā ca aṭṭhakathāyaṃ (pu. pa. aṭṭha. 16) –

“Katamo ca puggalo samasīsī? Yassa puggalassa apubbaṃ acarimaṃ āsavapariyādānaṃca hoti jīvitapariyādānaṃca. Ayaṃ vuccati puggalo samasīsī”ti (pu. pa. 16).

“Samasīsīniddese **apubbaṃ acarimanti** apure apacchā, santatipaccuppannavasena ekavāraṃyeva, ekakālaṃyevāti attho. **Pariyādānanti** parikkhayaṃ. **Ayanti** ayaṃ puggalo samasīsī nāma vuccati. So panesa tividho hoti iriyāpathasamasīsī rogasamasīsī jīvitasamasīsīti. Tattha yo caṅkamantova vipassanaṃ ārabhitvā arahattaṃ patvā caṅkamantova parinibbāti, yo ṭhitakova vipassanaṃ ārabhitvā arahattaṃ patvā ṭhitakova parinibbāti, yo nisinnova vipassanaṃ ārabhitvā arahattaṃ patvā nisinnova parinibbāti, yo nipannova vipassanaṃ ārabhitvā arahattaṃ patvā nipannova parinibbāti, ayaṃ **iriyāpathasamasīsī** nāma.

Yo pana ekaṃ rogaṃ patvā antorogeyeva vipassanaṃ ārabhitvā arahattaṃ patvā teneva rogena parinibbāti, ayaṃ **rogasamasīsī** nāma. Kataro jīvitāsamasīsī? Terasa sīsāni. Tattha kilesasīsamaṃ avijjamaṃ arahattamaggo pariyādiyati, pavattasīsamaṃ jīvitindriyaṃ cuticcitaṃ pariyādiyati, avijjāpariyādāyakaṃ cittaṃ jīvitindriyaṃ pariyādātumaṃ na sakkoti, jīvitindriyapariyādāyakaṃ cittaṃ avijjamaṃ pariyādātumaṃ na sakkoti. Avijjāpariyādāyakaṃ cittaṃ aññaṃ, jīvitindriyapariyādāyakaṃ cittaṃ aññaṃ. Yassa cetamaṃ sīsadvayaṃ samaṃ pariyādānaṃ gacchati, so **jīvitasamasīsī** nāma. Kathamidaṃ samaṃ hotīti? Vārasamatāya. Yasmiñhi vāre maggavuṭṭhānaṃ hoti. Sotāpattimagge pañca paccavekkhaṇāni, sakadāgāmimagge pañca, anāgāmimagge pañca, arahattamagge cattārīti ekūnavīsatiṃ paccavekkhaṇānaṃ patiṭṭhāya bhavaṅgaṃ otarivā parinibbāyati. Imāya vārasamatāya eva ubhayaśisapariyādānampi samaṃ hoti nāma. Tenāyaṃ puggalo ‘jīvitasamasīsī’ti vuccati. Ayameva ca idha adhippeto”ti.

37. Idāni yasmā sutamayasilamayabhāvanāmayañāṇāni vaṭṭapādakāni sallekha nāma na honti, lokuttarapādakāneva etāni ca aññāni ca ñāṇāni sallekhaṭi vuccanti, tasmā paccanīkasallekhanākāreṇa pavattāni ñāṇāni dassetuṃ samasīsaṭṭhe ñāṇānantaraṃ sallekhaṭṭhe ñāṇamaṃ uddiṭṭhaṃ. Tattha **puṭhunānattatejapariyādāne paññāti** lokuttarehi asammaṣaṭṭhena puṭhūnaṃ rāgādīnaṃ nānattānaṃ nānāsabhāvānaṃ kāmacchandādīnaṃ santāpanaṭṭhena “tejā”ti laddhanāmānaṃ dussīlyādīnaṃ pariyādāne khepane paññā, nekkhammādimhi sattatiṃsabhedhe dhamme paññāti vuttaṃ hoti. Atha vā puṭhubhūtā nānattabhūtā ca tejā eva tesamaṃ puṭhubhūtānaṃ nānattabhūtānaṃ dussīlyādīnaṃ pañcannaṃ tejānaṃ pariyādāne paññāti attho. Tejehiyeva puṭhūnaṃ nānattānaṃ saṅgahaṃ niddesavāre pakāsayissāma.

Sallekhaṭṭhe ñāṇanti paccanīkadhamme sallekhati samucchindaṭīti sallekho, tasmīṃ nekkhammādiṃke sattatiṃsappabhede sallekhasabhāve ñāṇamaṃ. “Pare vihiṃsakā bhavissanti, mayamettha avihīṃsakā bhavissamāti sallekho karaṇīyo”tiādīnaṃ (ma. ni. 1.83) nayena bhagavatā sallekhasuttante vutto catucattālīsabhedopi sallekho iminā saṅgahitoyevāti veditabbo.

38. Idāni sallekhe ṭhitena kattabbaṃ sammappadhānavīriyaṃ dassetuṃ tadanantaraṃ vīriyārambhe ñāṇamaṃ uddiṭṭhaṃ. Tattha **asallīnattapahitattapaggahaṭṭheti** kosajjavasena asallīno asaṅkucito attā assāti asallīnatto. **Attāti** cittaṃ. Yathāha –

“Udakañhi nayanti nettikā, usukārā namayanti tejanaṃ;
Dāruṃ namayanti tacchakā, attānaṃ damayanti paṇḍitā”ti. ādi (dha. pa. 80-82) –

Kāye ca jīvite ca anapekkhatāya pahito pesito vissaṭṭho attā etenāti pahitto. **Attāti** attabhāvo. Yathāha – “yā pana bhikkhunī attānaṃ vadhitvā vadhitvā rodeyyā”tiādī (pāci. 880). Asallīnatto ca so pahitto cāti asallīnattapahitto. Sahajātadhamme paggaṇhāti upatthambhetīti paggaho, paggaho eva attho paggahaṭṭho, paggahasabhāvoti attho. Asallīnattapahittassa paggahaṭṭho asallīnattapahitattapaggahaṭṭho. Tasmīṃ asallīnattapahitattapaggahaṭṭhe. “Tasmātiha, bhikkhave, tumhepi appaṭivānaṃ padaheyyātha. Kāmaṃ taco ca nhāru ca aṭṭhi ca avasissatu, upasussatu sarīre maṃsalohitaṃ. Yaṃ taṃ purisathāmena purisavīriyena purisaparakkamena pattabbaṃ, na taṃ apāpuṇitvā vīriyassa saṅṭhānaṃ bhavissati”ti (a. ni. 2.5) vuttatā asallīnattapahitattavacanena padhānasmīṃ appaṭivānitā anivattanatā vuttā. Paggahaṭṭhavacanena pana kosajjudhaccavimuttaṃ samappavattaṃ vīriyaṃ vuttaṃ.

Vīriyārambhe ñāṇanti vīrabhāvo vīriyaṃ, vīrānaṃ vā kammaṃ, vidhinā vā nayena upāyena īrayitabbaṃ pavattayitabbanti vīriyaṃ. Tadeṭaṃ ussāhalakkhaṇamaṃ, saṅgātānaṃ dhammānaṃ upatthambhanarasamaṃ, asaṃsīdanabhāvapaccupaṭṭhānaṃ, “saṃviggo yoniso padaṭatī”ti (a. ni. 4.113) vacanato saṃvegapadaṭṭhānaṃ, vīriyārambhavattupadaṭṭhānaṃ vā. Sammā āradhamaṃ sabbasampattīnaṃ mūlaṃ hotīti daṭṭhabbaṃ. Vīriyasaṅkhāto ārambho vīriyārambho. Iminā sesārambhe paṭikkhipati. Ayañhi **ārambhasaddo** kamme āpattiyaṃ kiriyāyaṃ vīriye hiṃsāyaṃ vikopāneti anekesu atthesu āgato.

“Yaṃkiñci dukkhaṃ sambhoti, sabbaṃ ārambhapaccayā;

Ārambhānaṃ nirodhena, natthi dukkhassa sambhavo”ti. (su. ni. 749) –

Ettha hi kammaṃ ārambhoti āgataṃ. “Ārambhāti ca vippaṭṭisārī ca hotī”ti (a. ni. 5.142; pu. pa. 191) ettha āpatti. “Mahāyaññā mahārambhā, na te honti mahapphalā”ti (a. ni. 4.39; saṃ. ni. 1.120) ettha yūpussāpanādikiriya. “Ārambhatha nikkamatha, yuñjatha buddhasāsane”ti (saṃ. ni. 1.185) ettha vīriyaṃ. “Samaṇaṃ gotamaṃ uddissa pāṇaṃ ārambhanti”ti (ma. ni. 2.51-52) ettha himsā. “Bījagāmabhūtagāmasamārambhā paṭivirato hotī”ti (dī. ni. 1.10; ma. ni. 1.293) ettha chedanabhañjanādikaṃ vikopanaṃ. Idha pana vīriyameva adhippettaṃ. Tena vuttaṃ “vīriyasāṅkhāto ārambho vīriyārambho”ti. Vīriyañhi ārabhanakavasena ārambhoti vuccati. Tasmaṃ vīriyārambhe ñāṇaṃ. Asallīnattā pahitattātipi paṭhanti, asallīnabhāvena pahitabhāvenāti attho. Purimapaṭṭhoyeva sundaro. Keci pana “satidhammavicayavīriyapītisambojjhaṅgānaṃ samatā asallīnattatā, satisamādhīpassaddhiupekkhāsambojjhaṅgānaṃ samatā pahitattatā, sattannaṃ sambojjhaṅgānaṃ samatā paggaḥḥo”ti vaṇṇayanti.

39. Idāni sammāvāyāmasiddhaṃ maggaphalaṃ pattena lokahitattaṃ dhammadesanā kātabbāti dassetuṃ tadanantaraṃ atthasandassane ñāṇaṃ uddiṭṭhaṃ. Tattha **nānādharmappakāsanatāti** sabbasaṅkhatāsaṅkhatavasena nānādharmānaṃ pakāsanatā dīpanatā desanatā. **Pakāsanatāti** ca pakāsanā eva. **Atthasandassaneti** nānāatthānaṃ paresaṃ sandassane. Dhammā ca atthā ca te eva.

40. Idāni paresaṃ dhammiyā kathāya sandassentassa tassa ariyapuggalassa yathāsabhāvadhammadesanākāraṇaṃ dassanavisuddhiṃ dassetuṃ tadanantaraṃ dassanavisuddhiñāṇaṃ uddiṭṭhaṃ. Tattha **sabbadhammānaṃ ekasaṅgahatā nānattekattapaṭivedheti** sabbesaṃ saṅkhatāsaṅkhatadhammānaṃ ekasaṅgahatāya ca kāmaccchandādīnaṃ nānatassa ca nekkhammādīnaṃ ekattassa ca paṭivedho, abhisamayoti attho. So pana maggapaññā phalapaññā ca. Maggapaññā saccābhisamayakkaṇe saccābhisamayavasena paṭivijjhatīti paṭivedho, phalapaññā paṭividdhattā paṭivedho. **Ekasaṅgahatāti** ettha jātiśaṅgaho, sañjātiśaṅgaho, kiriyāśaṅgaho, gaṇanaśaṅgahoti catubbidho śaṅgaho. Tattha “sabbe khattiyā āgacchantu, sabbe brāhmaṇā, sabbe vessā, sabbe suddā āgacchantu”, “yā, cāvuso visākha, sammāvācā, yo ca sammākammanto, yo ca sammāājīvo, ime dhammā sīlakkhandhe saṅgahitā”ti (ma. ni. 1.462) ayaṃ **jātiśaṅgaho** nāma. “Eka jātikā āgacchantu”ti vuttaṭṭhāne viya hi idha sabbe jātiyā ekasaṅgahitā. “Sabbe kosalakā āgacchantu, sabbe māgadhikā, sabbe bhārukacchakā āgacchantu”, “yo, cāvuso visākha, sammāvāyāmo, yā ca sammāsati, yo ca sammāsamādhi, ime dhammā samādhikkhandhe saṅgahitā”ti (ma. ni. 1.462) ayaṃ **sañjātiśaṅgaho** nāma. “Ekaṭṭhāne jātā saṃvaḍḍhā āgacchantu”ti vuttaṭṭhāne viya hi idha sabbe jātiṭṭhānena nivutthokāsena ekasaṅgahitā. “Sabbe hatthārohā āgacchantu, sabbe assārohā āgacchantu, sabbe rathikā āgacchantu”, “yā, cāvuso visākha, sammādiṭṭhi, yo ca sammāsaṅkappo, ime dhammā paññākkhandhe saṅgahitā”ti (ma. ni. 1.462) ayaṃ **kiriyāśaṅgaho** nāma. Sabbeva hi te attano kiriyākāraṇena ekasaṅgahitā. “Cakkhāyatanaṃ katamaṃ khandhagaṇanaṃ gacchati, cakkhāyatanaṃ rūpakkhandhagaṇanaṃ gacchati. Hañci cakkhāyatanaṃ rūpakkhandhagaṇanaṃ gacchati, tena vata re vattabbe cakkhāyatanaṃ rūpakkhandhena saṅgahita”nti (kathā. 471) ayaṃ **gaṇanaśaṅgaho** nāma. Ayamidha adhippetto. Tathaṭṭhādīsū dvādasasū ākāresū visuṃ visuṃ ekena śaṅgaho gaṇanaparicchedo etesanti ekasaṅgahā, ekasaṅgahānaṃ bhāvo ekasaṅgahatā.

Dassanavisuddhiñāṇanti maggaphalañāṇaṃ dassanaṃ. Dassanameva visuddhi dassanavisuddhi, dassanavisuddhi eva ñāṇaṃ dassanavisuddhiñāṇaṃ. Maggañāṇaṃ visujjhatīti dassanavisuddhi, phalañāṇaṃ visuddhattā dassanavisuddhi.

41. Idāni dassanavisuddhisādhakāni vipassanāñāṇāni dvidhā dassetuṃ tadanantaraṃ khantiñāṇapariyogāhañāṇāni uddiṭṭhāni. Tattha **viditattā paññāti** rūpakkhandhādīnaṃ aniccādito viditattā pavattā paññā. **Khantiñāṇanti** viditameva khamatīti khanti, khanti eva ñāṇaṃ khantiñāṇaṃ. Etena adhivāsanaḥkantiṃ paṭikkhipati. Etaṃ kalāpasammasanādivasena pavattaṃ taruṇavipassanāñāṇaṃ.

42. Phuṭṭhattā paññāti rūpakkhandhādīnaṃ aniccādivasena ñāṇaphassena phuṭṭhattā pavattā paññā. **Pariyogāhaṇe ñāṇanti** phuṭṭhameva pariyogāhati pavatīti pariyogāhaṇaṃ ñāṇaṃ. Gā-kāraṃ rassaṃ

katvāpi paṭhanti. Etaṃ bhaṅgānupassanādivasena pavattaṃ tikkhavipassanāññaṃ. Keci pana “vipassanāññaṃeva saddhāvāhissa khantiññaṃ, paññāvāhissa pariyogāhaññaṃ”nti vadanti. Evaṃ sante etāni dve ñāṇāni ekassa na sambhavanti, tadasambhave ekassa sāvakkassa sattasaṭṭhi sāvakasādharaṇañāni na sambhavanti, tasmā taṃ na yujjati.

43. Idāni yasmā puthujjanā sekkhā ca vipassanūpage khandhādayo dhamme sakale eva sammasanti, na tesam ekadesam, tasmā tesam padesavihāro na labbhati, arahatoyeva yathārucci padesavihāro labbhatīti dassanavisuddhisādhakāni ñāṇāni vatvā tadanantaram arahato dassanavisuddhisiddham padesavihāraññaṃ uddiṭṭham. Tattha **samodahane paññāti** khandhādīnaṃ ekadesassa vedanādhammassa samodahanapaññā, sampiṇḍanapaññā rāsikaraṇapaññā. Samodhāne paññāti pi pāṭho, soyeva attho.

Padesavihāre ñāṇanti khandhādīnaṃ padesena ekadesena avayavena vihāro padesavihāro, tasmim padesavihāre ñāṇam. Tattha **padeso** nāma khandhapadeso āyatanadhātusaccaindriyapaccayākārasatipaṭṭhānājhānāmarūpadhammapadesoti nānāvidho. Evaṃ nānāvidho cesa vedanā eva. Kathaṃ? Pañcannaṃ khandhānaṃ vedanākkhandhavasena khandhekadeso, dvādasannaṃ āyatanānaṃ vedanāvasena dhammāyatanekadeso, aṭṭhārasannaṃ dhātūnaṃ vedanāvasena dhammadhātekadeso, catunnaṃ saccānaṃ vedanāvasena dukkhasaccekeso, bāvīsatiyā indriyānaṃ pañcavedanindriyavasena indriyekadeso, dvādasannaṃ paṭiccasamuppādaṅgānaṃ phassapaccayā vedanāvasena paccayākārekadeso, catunnaṃ satipaṭṭhānānaṃ vedanānupassanāvasena satipaṭṭhānekadeso, catunnaṃ jhānānaṃ sukhaupakkhāvasena jhānekadeso, nāmarūpānaṃ vedanāvasena nāmarūpekadeso, kusalādīnaṃ sabbadhammānaṃ vedanāvasena dhammekadesoti evaṃ vedanā eva khandhādīnaṃ padeso, tassā vedanāya eva paccavekkhaṇavasena padesavihāro.

44. Idāni yasmā samādhībhāvanāmayaññādīni bhāventā puthujjanā sekkhā ca te te bhāvetabbhāvanādhamme adhipatī jeṭṭhake katvā tena tena pahātabbe tappaccanīke nānāsabhāve dhamme anekādīnave ādīnavato paccavekkhitvā tassa tassa bhāvanādhammassa vasena cittaṃ patiṭṭhapetvā te te paccanīkadhamme pajahanti. Pajahantā vipassanākāle sabbasaṅkhāre suññato disvā pacchā samucchadēna pajahanti, tathā pajahantā ca ekābhisamayavasena saccāni paṭivijjhantā pajahanti. Yathāvutteheva ākārehi sabbepi ariyā yathāyogaṃ paṭipajjanti, tasmā padesavihāraññānantaram saññāvivaṭṭaṇādīni cha ñāṇāni yathākkamēna uddiṭṭhāni. Tattha **adhipatattā paññāti** nekkhammādīnaṃ adhipatībhāvena nekkhammādīni adhikāni katvā tadadhikabhāvena pavattā paññāti attho. **Saññāvivaṭṭe ñāṇanti** saññāya vivaṭṭanaṃ parāvivaṭṭanaṃ parammukhabhāvoti saññāvivaṭṭo, yāya saññāya te te bhāvanādhamme adhipatim karoti, tāya saññāya hetubhūtāya, karaṇabhūtāya vā tato tato kāmacchandādito vivaṭṭane ñāṇanti vuttaṃ hoti. Etto vivaṭṭoti avuttepi yato vivaṭṭati, tato eva vivaṭṭoti gayhati yathā vivaṭṭanānupassanāya. Sā pana saññā sañjānalakkhaṇā, tadevetanti puna sañjānapaccayanimittakaraṇarasā dāruādīsu tacchakādayo viya, yathāgahitanimittavasena abhinivesakaraṇapaccupaṭṭhānā hatthidassakaandhā viya, ārammaṇe anogālvavuttitāya aciraṭṭhānapaccupaṭṭhānā vā vijju viya, yathāupaṭṭhitavisayapadaṭṭhānā tiṇapurisakesu migapotakānaṃ purisāti uppannaññā viya.

45. **Nānatte paññāti** nānāsabhāve bhāvetabbato aññasabhāve kāmacchandādīke ādīnavadassanena pavattā paññā. **Nānatteti** ca nimittatthe bhummavacanaṃ. Nānattappahānaṃ vā nānattaṃ, nānattappahānanimittaṃ nānattappahānahetu nekkhammādīsu paññāti adhippāyo. **Cetovivaṭṭe ñāṇanti** cetaso kāmacchandādito vivaṭṭanaṃ nekkhammādīsu ñāṇam. **Cetoti** cettha cetanā adhippetā. Sā cetanābhāvalakkhaṇā, abhisandahanalakkhaṇā vā, āyūhanarasā, saṃvidahanapaccupaṭṭhānā sakiccaparakiccasādhakā jeṭṭhasissamahāvaddhakiādayo viya. Accāyikakammānussaraṇādīsu ca panāyam sampayuttānaṃ ussāhanabhāvena pākāṭā hoti.

46. **Adhiṭṭhāne paññāti** nekkhammādivasena cittassa patiṭṭhāpane paññā. **Cittavivaṭṭe ñāṇanti** kāmacchandādīpahānavasena cittassa vivaṭṭane ñāṇam. Cittañcettha vijānalakkhaṇam, pubbaṅgamarasaṃ, sandhānapaccupaṭṭhānaṃ, nāmarūpapadaṭṭhānaṃ.

47. Suññate paññāti attattaniyasuññatāya anattānattaniye pavattā anattānupassanā paññā. **Ñāṇavivaṭṭe ñāṇanti** ñāṇameva abhinivesato vivaṭṭatīti vivaṭṭo, taṃ ñāṇavivaṭṭabhūtaṃ ñāṇaṃ.

48. Vosagge paññāti ettha vosajjatīti vosaggo, kāmacchandādīnaṃ vosaggo nekkhammādimhi paññā. **Vimokkhavivaṭṭe ñāṇanti** kāmacchandādikehi vimuccatīti vimokkho, vimokkho eva vivaṭṭo vimokkhavivaṭṭo, so eva ñāṇaṃ.

49. Tathaṭṭhe paññāti ekekassa saccassa catubbidhe catubbidhe aviparītasabhāve kiccavasena asammohato pavattā paññā. **Saccavivaṭṭe ñāṇanti** catūsu saccesu dubhato vuṭṭhānavasena vivaṭṭatīti saccavivaṭṭo, so eva ñāṇaṃ. Ekameva ñāṇaṃ adhipatikatadhammasena saññāvivaṭṭoti, pahātabbadhammasena cetovivaṭṭoti, cittapatiṭṭhāpanavasena cittavivaṭṭoti, paccanīkapahānavasena vimokkhavivaṭṭoti evaṃ catudhā vuttaṃ. Anattānupassanāya suññatākāravasena “ñāṇavivaṭṭe ñāṇa”nti vuttā. Maggañāṇameva heṭṭhā “magge ñāṇa”nti ca, “ānantarikasamādhimhi ñāṇa”nti ca dvidhā vuttaṃ, vivaṭṭanākāravasena “saccavivaṭṭe ñāṇa”nti vuttaṃ.

50. Idāni tassa saccavivaṭṭañāṇavasena pavattassa āsavānaṃ khaye ñāṇassa vasena pavattāni kamato cha abhiññāñāṇāni uddiṭṭhāni. Tatthāpi lokapākaṭānubhāvattā ativimhāpananti paṭhamam iddhividhañāṇaṃ uddiṭṭhaṃ, cetopariyañāṇassa visayato dibbasotañāṇaṃ oḷārikavisayanti dutiyaṃ dibbasotañāṇaṃ uddiṭṭhaṃ, sukhumavisayattā tatiyaṃ cetopariyañāṇaṃ uddiṭṭhaṃ. Tīsu vijjāsu pubbenivāsacchādakāṭītatamavinodakattā paṭhamam pubbenivāsānussatiñāṇaṃ uddiṭṭhaṃ, paccuppannānāgatamavinodakattā dutiyaṃ dibbacakkhuñāṇaṃ uddiṭṭhaṃ, sabbatamasamucchedakattā tatiyaṃ āsavānaṃ khaye ñāṇaṃ uddiṭṭhaṃ. Tattha **kāyampīti** rūpakāyampi. **Cittampīti** pādakajjhānacittampi. **Ekavavattānānti** parikkammācittena ekato ṭhapanatāya ca dissamānakāyena, adissamānakāyena vā gantukāmakāle yathāyogaṃ kāyassapi cittassapi missīkaraṇatāya cāti vuttaṃ hoti. **Kāyoti** cettha sarīraṃ. Sarīrañhi asucisañcayato kucchitānaṃ kesādīnañceva cakkhurogādīnaṃ rogasatānañca āyabhūtaṃ kāyoti vuccati. **Sukhasaññañca lahusaññañcāti** ettha catutthajjhānasampayuttaṃ ekaṃyeva saññaṃ ākāraṇānattato dvidhā katvā samuccayatto ca-saddo payutto. Catutthajjhānasmiñhi upekkhā santattā sukhanti vuttā, taṃsampayuttā saññaṃ sukhasaññaṃ. Sāyeva nīvaraṇehi ceva vitakkādipaccanīkehi ca vimuttattā lahusaññaṃ. **Adhiṭṭhānavasenāti** adhikaṃ katvā ṭhānavasena, pavisanavasenāti adhippāyo. Adhiṭṭhānavasena cāti ca-saddo sambandhitabbo. Ettāvataṃ sabbappakārasa iddhividhassa yathāyogaṃ kāraṇaṃ vuttaṃ.

Ijjhanatṭhe paññāti ijghanasabhāve paññā. **Iddhividhe ñāṇanti** ijghanatṭhena iddhi, nipphattiatthena paṭilābhātṭhena cāti vuttaṃ hoti. Yañhi nipphajjati paṭilābhāti ca, taṃ ijhatīti vuccati. Yathāha – “kāmaṃ kāmayamānassa, tassa cetam samijjhatī”ti (su. ni. 772). Tathā “nekkhammaṃ ijjhatīti iddhi, paṭiharatīti pāṭihāriyaṃ, arahattamaggo ijjhatīti iddhi, paṭiharatīti pāṭihāriya”nti (paṭi. ma. 3.32). Aparo nayo – ijghanatṭhena iddhi, upāyasampadāyetaṃ adhivacanaṃ. Upāyasampadā hi ijjhati adhippetaphalappasavanato. Yathāha – “ayaṃ kho citto gahapati sīlavā kalyāṇadhammo, sace paṇidahissati, anāgatamaddhānaṃ rājā assaṃ cakkavattīti. Ijjhissati hi sīlavato cetopaṇidhi visuddhattā”ti (saṃ. ni. 4.352). Aparo nayo – etāya sattā ijjhantīti iddhi, **ijjhantīti** iddhā vuddhā ukkaṃsagatā hontīti vuttaṃ hoti. Iddhi eva vidhaṃ iddhividhaṃ, iddhikoṭṭhāso iddhivikappoti attho. Taṃ iddhividhaṃ ñāṇanti vuttaṃ hoti.

51. Vitakkavipphāravasenāti dibbasotadhātuuppādanatthaṃ parikkammakaraṇakāle saddanimittesu attano vitakkavipphāravasena vitakkavegavasena. **Vitakkoti** cettha vitakketīti vitakko, vitakkanaṃ vā vitakko, ūhananti vuttaṃ hoti. Svāyaṃ ārammaṇe cittassa abhiniropanalakkhaṇo, āhananapariyāhananaraso. Tathā hi tena yogāvacarō ārammaṇaṃ vitakkāhataṃ vitakkapariyāhataṃ karotīti vuccati. Ārammaṇe cittassa ānayanapaccupaṭṭhāno, tajjāsamannāhārena pana indriyena ca parikkhitte visaye anantarāyena uppajjanato āpāthagatavisayapadaṭṭhānoti vuccati. **Nānattekattasaddanimitānanti** nānāsabhāvānaṃ ekasabhāvānañca saddanimitānaṃ. Saddā eva cettha vitakkuppattikāraṇattā saṅkhāranimitānā ca nimittāni. Bherisaddādivasena ekagghanibhūtā, anekā vā saddā, nānādisāsu vā saddā, nānāsattānaṃ vā saddā nānattasaddā, ekadisāya saddā, ekasattassa vā saddā,

bherisaddādivasena ekekasaddā vā ekattasaddā. **Saddoti** cettha sappatīti saddo, kathīyatīti attho. **Pariyogāhaṇe paññāti** pavisanapaññā, pajānanapaññāti attho. **Sotadhātuvisuddhiñāṇanti** savanaṭṭhena ca nijjivāṭṭhena ca sotadhātu, sotadhātukiccakaraṇavasena ca sotadhātu viyātipi sotadhātu, parisuddhattā nirupakkilesattā visuddhi, sotadhātu eva visuddhi sotadhātuvisuddhi, sotadhātuvisuddhi eva ñāṇaṃ sotadhātuvisuddhiñāṇaṃ.

52. Tiṇṇannaṃ cittānanti somanassasahagatadomanassasahagataupekkhāsahagatavasena tiṇṇannaṃ cittānaṃ. **Vipphāratāti** vipphārabhāvena vegenāti attho. Hetuatthe nissakkavacanaṃ, cetopariyañāṇuppādanatthaṃ parikkammakaraṇakāle paresaṃ tiṇṇannaṃ cittānaṃ vipphārahetaṇa. **Indriyānaṃ pasādavasenaṇāti** cakkhādīnaṃ channaṃ indriyānaṃ pasādavasena, indriyānaṃ patiṭṭhitokāsā cettha phalūpacārena indriyānanti vuttā yathā “vippasannāni kho te, āvuso, indriyāni parisuddho chavivaṇṇo pariyodāto”ti (mahāva. 60). Indriyapatiṭṭhitokāsesupi hadayavatthu eva idhāhippetā. **Pasādavasenaṇāti** ca anāvilabhāvavasena. “Pasādappasādavasena”ti vattabbe appasādasaddassa lopo katoti veditabbaṃ. Atha vā idamappasannanti gahaṇassa pasādamapekkhitvā eva sambhavato “pasādavasena”ti vacaneneva appasādopi vuttova hotīti veditabbaṃ. **Nānattekattaviññānacariyā pariyoḡāhaṇe paññāti** yathāsambhavaṃ nānāsbhāvaekasabhāvaekūnanavutivīññānapavattivijānanapaññā. Ettha asamāhitassa viññānacariyā nānatā, samāhitassa viññānacariyā ekattā. Sarāgādicittaṃ vā nānatā, vītarāgādicittaṃ ekattaṃ. **Cetopariyañāṇanti** ettha pariyāṭīti pariyaṃ, paricchindatīti attho. Cetaso pariyaṃ cetopariyaṃ, cetopariyaṇca taṃ ñāṇaṇcāti cetopariyañāṇaṃ. Vipphāratātipi pāṭho, vipphāratāyāti attho.

53. Paccayappavattānaṃ dhammānanti paṭiccasamuppādasavasena paccayato pavattānaṃ paccayuppannadhammānaṃ. **Nānattekattakammavipphāravasenaṇāti** ettha akusalaṃ kammaṃ nānatā, kusalaṃ kammaṃ ekattaṃ. Kāmāvacaraṃ vā kammaṃ nānatā, rūpāvacarārūpāvacaraṃ kammaṃ ekattaṃ. Nānattekattakammavipphāravasena paccayappavattānaṃ dhammānaṃ pariyoḡāhaṇe paññāti sambandho. **Pubbenivāsānussatiñāṇanti** pubbe atītajātīsu nivutthakhandhā pubbenivāso. **Nivutthāti** ajjhāvutthā anubhūtā attano santāne uppajjitvā niruddhā. Pubbe atītajātīsu nivutthadhammā vā pubbenivāso. **Nivutthāti** gocaranivāseṇa nivutthā attano viññāṇena viññātā paricchinnā, paraviññāṇena viññātāpi vā. Chinnavaṭṭumakānussaraṇādīsu te buddhānaṃyeva labbhanti. **Pubbenivāsānussatīti** yāya satiyā pubbenivāsaṃ anussarati, sā pubbenivāsānussati, **ñāṇanti** tāya satiyā sampayuttaṃ ñāṇaṃ.

54. Obhāsavasenaṇāti dibbena cakkhunā rūpadassanattaṃ pasāritassa tejjokaṣiṇaodātakasiṇaālokakasiṇānaṃ aññatarassa catutthajjhānārammaṇassa kaṣiṇobhāsassa vasena. **Nānattekattarūpanimittānanti** nānāsattānaṃ rūpāni, nānattakāyaṃ upapannānaṃ vā sattānaṃ rūpāni, nānādisāsu vā rūpāni, asammissāni vā rūpāni nānattarūpāni, ekasattassa rūpāni, ekattakāyaṃ upapannassa vā rūpāni, ekadisāya vā rūpāni, nānādisādīnaṃ sammissībhūtāni vā rūpāni ekattarūpāni. **Rūpanti** cettha vaṇṇāyataneva. Tañhi rūpayatīti rūpaṃ, vaṇṇavikāraṃ āpajjamānaṃ hadayaṅgatabhāvaṃ pakāsetīti attho. Rūpameva rūpanimittaṃ. Tesāṃ nānattekattarūpanimittānaṃ. **Dassanaṭṭhe paññāti** dassanasabhāve paññā.

Dibbacakkhuñāṇanti dibbasadisattā dibbaṃ. Devānañhi sucaritakammanibbattaṃ pittasemharuhirādīhi apalibuddhaṃ upakkilesavimuttatāya dūrepi ārammaṇasampaṭicchanasamatthaṃ dibbaṃ pasādacakkhu hoti. Idañcāpi vīriyabhāvanābalanibbattaṃ ñāṇacakkhu tādisamevāti dibbasadisattā dibbaṃ, dibbavihāravasena paṭiladdhattā attanā dibbavihārasannissittatāpi dibbaṃ, ālokapariggahena mahājutikattāpi dibbaṃ, tirokuṭṭādigatarūpadassanena mahāgatikattāpi dibbaṃ. Taṃ sabbāṃ saddasatthānusāreṇa veditabbaṃ. Dassanaṭṭhena cakkhu, cakkhukiccakaraṇena cakkhumivatīpi cakkhu, dibbaṇca taṃ cakkhu cāti dibbacakkhu, dibbacakkhu ca taṃ ñāṇaṇcāti dibbacakkhuñāṇaṃ.

55. Catusaṭṭhiyā ākārehi atṭhasu maggaphalesu ekekasmīṃ atṭhannaṃ atṭhannaṃ indriyānaṃ vasena catusaṭṭhiyā ākārehi. **Tiṇṇannaṃ indriyānanti** anaññātāññassāmītindriyaṃ aññindriyaṃ aññātāvindriyanti, imesaṃ tiṇṇannaṃ indriyānaṃ. **Vasibhāvatā paññāti** vasibhāvatāya pavattā paññā, arahattaphale atṭhannaṃ indriyānaṃ vasena atṭhahi ākārehi aññātāvindriyasseva vasibhāvatāya arahattamaggakkhaṇe abhāvepi kāraṇasiddhivasena tadatthasādhanatāya vuttanti veditabbaṃ. **Āsavānaṃ**

khaye ñāṇanti attanā vajjhānaṃ āsavānaṃ khayakaraṃ arahattamaggañāṇaṃ.

56-59. Idāni āsavānaṃ khayañāṇasaṅkhātaarahattamaggañāṇasambandhe catunnampi maggañāṇaṃ ekekassa maggañāṇassa ekābhisamayataṃ dassetuṃ “pariññatthe paññā”tiādīni cattāri ñāṇāni uddiṭṭhāni. Tatthāpi oḷārikattā sabbasattasādhāraṇattā ca suviññeyyanti dukkhasaccaṃ paṭhamam vuttaṃ, tasseva hetudassanattam tadanantaram samudayasaccaṃ, hetunirodhā phalanirodhoti ñāpanattam tadanantaram nirodhasaccaṃ, tadadhigamūpāyadassanattam ante maggasaccaṃ. Bhavasukhassādagadhitanam vā sattānaṃ samvegajananattam paṭhamam dukkhamāha, tam neva akataṃ āgacchati, na issaranimmānādito hoti, ito pana hotīti ñāpanattam tadanantaram samudayasaccaṃ, tato sahetukena dukkhena abhibhūtattā samvigamānasānaṃ dukkhanissaraṇagavesīnaṃ nissaraṇadassanena assāsajanattam nirodham, tato nirodhādhigamattam nirodhasampāpakaṃ magganti. Idāni tabbisayāni ñāṇāni teneva kamena uddiṭṭhāni. Tattha **pariññattheti** dukkhasa piḷanaṭṭhādike catubbidhe parijānitabbasabhāve. **Pahānattheti** samudayassa āyūhanaṭṭhādike catubbidhe pahātabbasabhāve. **Sacchikiriyattheti** nirodhassa nissaraṇatṭhādike catubbidhe sacchikātabbasabhāve. **Bhāvanattheti** maggassa niyyānatṭhādike catubbidhe bhāvetabbasabhāve.

60-63. Idāni bhāvitamaggassa paccavekkhaṇavasena vā abhāvitamaggassa anussavavasena vā visum visum saccañāṇāni dassetuṃ **dukkhe ñāṇā**dīni cattāri ñāṇāni uddiṭṭhāni. Tattha **dukkheti** ettha **du**-iti ayam saddo kucchite dissati. Kucchitañhi puttaṃ duputtoti vadanti. **Kham**-saddo pana tucche. Tucchañhi ākāsaṃ ‘kha’nti vuccati. Idañca paṭhamasaccaṃ kucchitam anekupaddavādhiṭṭhānato, tucchaṃ bālajanaparikipitadhuvasubhasukhattabhāvavirahitato. Tasmā kucchitattā tucchattā ca “dukkha”nti vuccati.

Dukkhasamudayeti ettha **sam**-iti ayam saddo “samāgamo sameta”ntiādīsu (vibha. 199; dī. ni. 2.396) viya samyogaṃ dīpeti. **U**-iti ayam saddo “uppannaṃ udita”ntiādīsu (pārā. 172; cūḷani. khaggavisāṇasuttaniddesa 141) viya uppattim. **Aya**-saddo pana kāraṇaṃ dīpeti. Idañcāpi dutiyasaccaṃ avasesapaccayasamāyoge sati dukkhasa uppattikāraṇaṃ. Iti dukkhasa samyoge uppattikāraṇattā “dukkhasamudaya”nti vuccati.

Dukkhanirodheti ettha **ni**-saddo abhāvaṃ, **rodha**-saddo ca cāraṇaṃ dīpeti. Tasmā abhāvo ettha saṃsārācārasaṅkhātassa dukkharodhassa sabbagatisuññattā, samadhigate vā tasmim saṃsārācārakassa dukkharodhassa abhāvo hoti tappaṭipakkhattātipi “dukkhanirodha”nti vuccati. Dukkhasa vā anuppattinirodhapaccayattā dukkhanirodhanti vuccati.

Dukkhanirodhagāminiyā paṭipadāyāti ettha yasmā ayam etaṃ dukkhanirodham gacchati ārammaṇakaraṇavasena tadabhimukhībhūtattā, paṭipadā ca hoti dukkhanirodhappattiyā, tasmā dukkhanirodhagāminipaṭipadāti vuccati. Cattāri maggañāṇāneva heṭṭhā vuṭṭhānākārādīpanavasena “magge ñāṇa”nti vuttāni, anantaraphaladāyakattassa kāraṇaparidīpanavasena “ānantarikasamādhimhi ñāṇa”nti vuttāni, vivaṭṭanākārādīpanavasena “saccavivaṭṭe ñāṇa”nti vuttāni, maggapaṭipāṭikkameneva arahattamaggañāṇuppattim, tassa ca ñāṇassa abhiññābhāvaṃ dīpetuṃ arahattamaggañāṇameva “āsavānaṃ khaye ñāṇa”nti vuttaṃ. Puna catunnampi maggañāṇaṃ ekābhisamayataṃ dīpetuṃ “pariññatthe paññā dukkhe ñāṇa”ntiādīni cattāri ñāṇāni vuttāni. Puna ekekasmim sacce visum visum uppattidīpanavasena “dukkhe ñāṇa”ntiādīni cattāri ñāṇāni uddiṭṭhānīti evaṃ pubbāparaviseso veditabboti.

64-67. Idāni sabbesaṃ ariyapuggalānaṃ ariyamaggānubhāveneva paṭisambhidāñāṇāni siddhānīti dassetuṃ **atthapaṭisambhide ñāṇanti**ādīni puna cattāri paṭisambhidāñāṇāni uddiṭṭhāni. Imāni hi paṭisambhidāpabhedābhāvepi sabbaariyapuggalasādhāraṇāni suddhikapaṭisambhidāñāṇāni, heṭṭhā uddiṭṭhāni pana pabhinnapaṭisambhidānaṃ pabhedappattāni paṭisambhidāñāṇānīti veditabbānīti ayametesam ubhayatthavacane viseso. Yasmā vā anantaram uddiṭṭham dukkhārammaṇam nirodhārammaṇaṃ ñāṇam atthapaṭisambhidā hoti, samudayārammaṇam maggārammaṇaṃ ñāṇam dhammapaṭisambhidā, tadabhilāpe ñāṇam niruttipaṭisambhidā, tesu ñāṇesu ñāṇam paṭibhānapaṭisambhidā, tasmā tampi atthavisesam dassetuṃ suddhikapaṭisambhidāñāṇāni uddiṭṭhānīti veditabbāni. Tasmāyeva ca

heṭṭhā nānattasaddena visesetvā vuttāni. Idha tathā avisesetvā vuttānīti.

68. Evaṃ paṭipāṭiyā sattasaṭṭhi sāvakasādhāraṇañāṇāni uddisitvā idāni sāvakehi asādhāraṇāni tathāgatānaṃyeva āveṇikāni ṇāṇāni dassetuṃ **indriyaparopariyattañāṇādīni** cha asādhāraṇañāṇāni uddiṭṭhāni. Tatthapi yasmā tathāgatā sattānaṃ dhammadesanāya bhājanābhājanattaṃ oloketā buddhacakkhunā oloketi. Buddhacakkhu nāma indriyaparopariyattāsayānusayañāṇadvayameva. Yathāha

“Addasā kho bhagavā buddhacakkhunā lokaṃ volokento satte apparajakkhe mahārajakkhe tikkhindriye mudindriye” tiādi (mahāva. 9; ma. ni. 1.283; 2.339).

Sattasantāne ca oloketā paṭhamam indriyaparipākāparipākam oloketi, indriyaparipākāṇca ṇatvā āsayādīnaṃ anurūpena dhammadesanattaṃ tato āsayānusayacaritāni oloketi, tasmāpi paṭhamam indriyaparopariyattañāṇam uddiṭṭham, tadanantaram āsayānusayañāṇam. Dhammam desentā ca yasmā pāṭihāriyena vinetabbānaṃ pāṭihāriyam karonti, tasmā āsayānusayañāṇanantaram yamakaṃpāṭihāriye ṇāṇam uddiṭṭham. Imesaṃ tiṇṇam ṇāṇānaṃ hetuparidīpanattaṃ tadanantaram mahākaruṇāñāṇam uddiṭṭham. Mahākaruṇāñāṇassa parisuddhabhāvaparidīpanattaṃ tadanantaram sabbaññutaññāṇam uddiṭṭham. Sabbaññussāpi sabbadhammānaṃ āvajjanapaṭibaddhabhāvaparidīpanattaṃ sabbaññutaññāṇassa anāvāriyabhāvaparidīpanattaṃ tadanantaram anāvāraṇāñāṇam uddiṭṭhanti veditabbam.

Indriyaparopariyattañāṇanti ettha upari “sattāna”nti padaṃ idheva āharitvā “sattānaṃ indriyaparopariyattañāṇa”nti yojetabbam. Parāni ca aparāni ca parāparānīti vattabbe sandhivasena rokāram katvā paroparānīti vuccati. Paroparānaṃ bhāvo paropariyam, paropariyameva paropariyattaṃ, veneyyasattānaṃ saddhādīnaṃ pañcannaṃ indriyānaṃ paropariyattaṃ indriyaparopariyattaṃ, indriyaparopariyattassa ṇāṇam indriyaparopariyattañāṇam, indriyānaṃ uttamānuttamabhāvāñāṇanti attho. “Indriyavaropariyattañāṇa”ntipi pāṭho. Varāni ca avariyaṇi ca varopariyaṇi, varopariyaṇam bhāvo varopariyattanti yojetabbam. **Avariyaṇīti** ca na uttamānīti attho. Atha vā parāni ca oparāni ca paroparāni, tesam bhāvo paropariyattanti yojetabbam. **Oparānīti** ca orānīti vuttaṃ hoti, lāmakānīti attho, “paroparā yassa samecca dhammā”tiādīsu (su. ni. 479) viya. “Indriyaparopariyatte ṇāṇa”nti bhumavacanenāpi pāṭho.

69. Sattānaṃ āsayānusaye ṇāṇanti ettha rūpādīsu khandhesu chandarāgena sattā visattāti sattā. Vuttañhetam bhagavatā –

“Rūpe kho, rādha, yo chando yo rāgo yā nandī yā taṇhā, tatra satto tatra visatto, tasmā ‘satto’ti vuccati. Vedanāya saññāya saṅkhāresu viññāṇe yo chando yo rāgo yā nandī yā taṇhā, tatra satto tatra visatto, tasmā ‘satto’ti vuccatī”ti (saṃ. ni. 3.161).

Akkharacintakā pana attham avicāretvā “nāmamattameta”nti icchanti. Yepi attham vicārenti, te satvayogena sattāti icchanti, tesam sattānaṃ. Āsayanti nissayanti etaṃ iti āsayo, micchādiṭṭhiyā, sammādiṭṭhiyā vā kāmādīhi, nekkhammādīhi vā paribhāvitassa santānassetam adhivacanaṃ. Sattasantāne anusenti anupavattantīti anusayā, thāmagatānaṃ kāmarāgādīnaṃ etaṃ adhivacanaṃ. Āsayo ca anusayo ca āsayānusayo. Jātiggahaṇena ca dvandasamāsavasena ca ekavacanaṃ veditabbam. Yasmā caritādhimuttiyo āsayānusayaṅgahitā, tasmā uddese caritādhimuttīsu ṇāṇāni āsayānusayañāṇeneva saṅgahetvā “āsayānusaye ṇāṇa”nti vuttaṃ. Yeneva hi adhippāyena uddeso kato, teneva adhippāyena niddeso katoti.

70. Yamakaṃpāṭihire ṇāṇanti ettha aggikkhandhaukadhārādīnaṃ apubbam acarimam sakimyeva pavattito yamakaṃ, assaddhiyādīnaṃ paṭipakkhadhammānaṃ haraṇato pāṭihīram, yamakaṇca tam pāṭihīraṇcāti yamakaṃpāṭihīram.

71. Mahākaruṇāsamāpattiyā ṇāṇanti ettha paradukkhe sati sādhuṇam hadayakampanam karotīti

karuṇā, kināti vā paradukkhaṃ hiṃsati vināsetīti karuṇā, kirīyati vā dukkhitesu pharaṇavasena pasārīyatīti karuṇā, pharaṇakammavasena kammaguṇavasena ca mahatī karuṇā mahākaruṇā, samāpajjanti etaṃ mahākāruṇikāti samāpatti, mahākaruṇā ca sā samāpatti cāti mahākaruṇāsamāpatti. Tassaṃ mahākaruṇāsamāpattiyā, taṃsāmpayuttaṃ ñāṇaṃ.

72-73. Sabbaññutaññāṇaṃ anāvaraṇaññāṇanti ettha pañcaneyyapathappabhedāṃ sabbaṃ aññāsīti sabbaññū, sabbaññussa bhāvo sabbaññūtā, sā eva ñāṇaṃ “sabbaññūtāññāṇa”nti vattabbe “sabbaññutaññāṇa”nti vuttaṃ. Saṅkhatāsāṅkhatādibhedā sabbadhammā hi saṅkhāro vikāro lakkhaṇaṃ nibbānaṃ paññattīti pañceva neyyapathā honti. **Sabbaññūti** ca kamasabbaññū, sakiṃsabbaññū, satatasabbaññū, sattisabbaññū, ñātasabbaññūti pañcavidhā sabbaññuno siyuṃ. Kamena sabbajānanakālāsambhavato kamasabbaññūtā na hoti, sakiṃ sabbārammaṇagahaṇābhāvato sakiṃsabbaññūtā na hoti, cakkhuvīññāṇādīnaṃ yathārammaṇacittasambhavato bhavaṅgacittavirodhato yuttīabhāvato ca satatasabbaññūtā na hoti, parisesato sabbajānanasamatthattā sattisabbaññūtā vā siyā, viditasabbadhammattā ñātasabbaññūtā vā siyā. Sattisabbaññuno sabbajānanattaṃ natthīti tampi na yujjati.

‘Na tassa addiṭṭhamidhatthi kiñci, atho aviññātamajānitabbaṃ;
Sabbaṃ abhiññāsi yadatthi neyyaṃ, tathāgato tena samantacakkhū’ti. (mahāni. 156; cūḷani. mogharājamāṇavapucchāniddeśa 85; paṭi. ma. 1.208) –

Vuttattā ñātasabbaññuttameva yujjati. Evañhi sati kiccato asaṃmohato kāraṇasiddhito āvajjanapaṭibaddhato sabbaññuttameva hoṭīti. Āvajjanapaṭibaddhattā eva hi natthi etassa āvaraṇanti anāvaraṇaṃ, tadeva anāvaraṇaññāṇanti vuccatīti.

Imāni tesattati ñāṇānīti sāvakehi sādharmaṇāsādharmaṇavasena uddiṭṭhāni imāni tesattati ñāṇāni. **Imesaṃ tesattatiyā ñāṇānanti** ādīto paṭṭhāya vuttānaṃ imesaṃ tesattatiñāṇānaṃ. Ubbāhanatthe cetam sāmivacanaṃ. Tesattatīnantipi paṭho. “Tesattatiyā”ti vattabbe ekasmiṃ bahuvacanaṃ veditabbaṃ. **Sattasatṭhi ñāṇānīti** ādīto paṭṭhāya sattasatṭhi ñāṇāni. **Sāvakasādhāraṇānīti** savanante ariyāya jātiyā jātatā sāvakā, samānaṃ dhāraṇametesanti sādharmaṇāni, tathāgatānaṃ sāvakehi sādharmaṇāni sāvakasādhāraṇāni. **Cha ñāṇānīti** ante uddiṭṭhāni cha ñāṇāni. **Asādhāraṇāni sāvakehīti** sāvakehi asādhāraṇāni tathāgatānaṃyeva ñāṇānīti.

Saddhammappakāsiniyā paṭisambhidāmagga-aṭṭhakathāya

Ñāṇakathāmātikuddesavāraṇaṇā niṭṭhitā.

1. Sutamayañāṇaniddesavaṇṇanā

Vissajjanuddesavaṇṇanā

1. Idāni yathānikkhittena uddesena saṅgahite dhamme pabhedato dassetuṃ **kathaṃ sotāvadhāne paññā sutamaye ñāṇanti** ādīti niddesavāro āraddho. Tattha yaṃ vuttaṃ, “sotāvadhāne paññā sutamaye ñāṇa”nti, taṃ kathaṃ hoṭīti? Ayaṃ kathetukamyatāpucchā. Pañcavidhā hi pucchā – adiṭṭhajotanāpucchā, diṭṭhasaṃsandanaṃpucchā, vimaticchedanaṃpucchā, anumatipucchā, kathetukamyatāpucchāti. Tāsaṃ idaṃ nānattaṃ –

Katamā **adiṭṭhajotanāpucchā**? (Mahāni. 150; cūḷani. puṇṇakamāṇavapucchāniddeśa 12) pakatiyā lakkhaṇaṃ aññātaṃ hoti adiṭṭhaṃ atulitaṃ atīritaṃ avibhūtaṃ avibhāvitaṃ, tassa ñāṇāya dassanāya tulanāya tīraṇāya vibhūtāya vibhāvanatthāya pañhaṃ pucchati, ayaṃ adiṭṭhajotanāpucchā.

Katamā **diṭṭhasaṃsandanaṃpucchā**? (Mahāni. 150; cūḷani. puṇṇakamāṇavapucchāniddeśa 12) pakatiyā lakkhaṇaṃ ñātaṃ hoti diṭṭhaṃ tulitaṃ tīritaṃ vibhūtaṃ vibhāvitaṃ, so aññehi paṇḍitehi saddhiṃ saṃsandanatthāya pañhaṃ pucchati, ayaṃ diṭṭhasaṃsandanaṃpucchā.

Katamā **vimaticchedanā**pucchā? (Mahāni. 150; cūḷani. puṇṇakamāṇavapucchāniddeṣa 12) pakatiyā saṃsayapakkhando hoti vimatipakkhando dvelhakajāto “evaṃ nu kho, nanu kho, kiṃ nu kho, katham nu kho”ti? So vimaticchedanattāya pañhaṃ pucchati, ayaṃ vimaticchedanāpucchā.

Katamā **anumatipucchā**? Bhagavā bhikkhūnaṃ anumatiyā pañhaṃ pucchati – “taṃ kiṃ maññatha, bhikkhave, rūpaṃ niccaṃ vā aniccaṃ vā”ti? “Aniccaṃ, bhante”. “Yaṃ panāniccaṃ, dukkhaṃ vā taṃ sukhaṃ vā”ti? “Dukkhaṃ, bhante”. “Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassitum ‘etaṃ mama, esohamasmi, eso me attā’”ti? “No hetam, bhante”ti (mahāva. 21), ayaṃ anumatiipucchā.

Katamā **kathetukamyatāpucchā**? Bhagavā bhikkhūnaṃ kathetukamyatāya pañhaṃ pucchati – “cattārome, bhikkhave, satipaṭṭhānā. Katame cattāro”ti (saṃ. ni. 5.390)? Ayaṃ kathetukamyatāpucchāti. Tāsu ayaṃ therassa kathetukamyatāpucchāti veditabbā.

Idāni samātikuddesāya kathetukamyatāpucchāya “ime dhammā abhiññeyyāti sotāvadhānaṃ, taṃpajānanā paññā sutamaye ñāṇa”ntiādayo soḷasa vissajjanuddesā. Tattha **ime dhammā abhiññeyyāti** “desayantassā”ti pāṭhaseso. Ime dhammā abhijānitabbāti satthuno, aññatarassa vā garuṭṭhāniyassa sabrahmacāriṣṣa dhammaṃ desayantassa pubbe vuttanayena sotāvadhānaṃ sutam **sotāvadhānaṃ** nāma. Taṃpajānanā paññā tassa sutassa pajānanā pariyāyaparicchindakapaññā sutamaye ñāṇaṃ nāmāti attho. Tassa pajānanā taṃpajānanāti sāmivacanasamāso. Taṃ pajānanāti vibhattivipallāsavasena upayogavacanaṃ vā. **Abhiññeyyāti** ca sabhāvalakkhaṇāvabodhavasena sobhanenākārena jānitabbā. **Pariññeyyāti** sāmāññalakkhaṇāvabodhavasena kiccasaṃpanavasena ca byāpivā jānitabbā. **Bhāvetabbāti** vaḍḍhetabbā. **Sacchikātabbāti** paccakkhaṃ kātabbā. Duvidhā hi sacchikiriyā paṭilābhasacchikiriyā ārammaṇasacchikiriyā ca. Paccanīkasamudācārasena parihāniyasaṅkhātāṃ hānaṃ bhajantīti **hānabhāgiyā**. Tadanudhammatāya satiyaṃ saṅghānavasena thānasaṅkhātāṃ thitīm bhajantīti **thitibhāgiyā**. Uparivisesādhigamavasena visesaṃ bhajantīti **visesabhāgiyā**. Anibbidhapubbaṃ appadālitapubbaṃ lobhakkhandhaṃ dosakkhandhaṃ mohakkhandhaṃ nibbijjhati padāletīti ariyamaggo nibbedho nāma, nibbidāsahagatānaṃ saññāmanasikārānaṃ samudācārasena taṃ nibbedhaṃ bhajantīti **nibbedhabhāgiyā**.

Sabbe saṅkhārāti sabbe sappaccayā dhammā. Te hi **saṅkhatasaṅkhārā** nāma. Paccayehi saṅgama karīyantīti saṅkhārā, te eva paccayehi saṅgama katattā saṅkhatāti visesetvā vuttā. Kammanibbattā tebhūmakarūpārūpadhammā abhisāṅkhatasaṅkhārāti aṭṭhakathāsu (visuddhi. 2.587; vibha. aṭṭha. 226 saṅkhārapadaniddeṣa) vuttā. Tepi “aniccā va saṅkhārā”tiādīsu (saṃ. ni. 1.186; 2.143; dī. ni. 2.221, 272) saṅkhatasaṅkhāresu saṅghaṃ gacchanti. “Avijjāgato ayaṃ, bhikkhave, purisapuggalo puññañceva saṅkhāraṃ abhisāṅkharoti”tiādīsu (saṃ. ni. 2.51) avijjāpaccayā saṅkhārāva āgatā tebhūmikakusalākusalacetanā **abhisāṅkharapaṅkasaṅkhārā** nāma. “Yāvatikā abhisāṅkhārassa gati, tāvatikaṃ gantvā akkhāhataṃ maññe aṭṭhāsī”tiādīsu āgataṃ kāyikaṃ cetasiṃ vīriyaṃ **payogābhisāṅkhāro** nāma. “Saññāvedayitanirodhaṃ samāpannassa kho, āvuso visākha, bhikkhuno paṭhamam nirujjhati vacīsaṅkhāro, tato kāyasaṅkhāro, tato cittaṃsaṅkhāro”tiādīsu (ma. ni. 1.464) āgatā vitakkavicārā. Vācaṃ saṅkharontīti **vacīsaṅkhārā**. Assāsapassāsā kāyena saṅkharīyantīti **kāyasaṅkhārā**. Saññā ca vedanā ca cittaṃ saṅkharīyantīti **cittaṃsaṅkhārā**. Idha pana saṅkhatasaṅkhārā adhippetā.

Aniccāti hutvā abhāvaṭṭhena. **Dukkhatī** pīḷanaṭṭhena. **Sabbe dhammāti** nibbānampi antokatvā vuttā. **Anattāti** avasavattanaṭṭhena. **Idam dukkhaṃ ariyasaccanti**ādīsu “dukkhasamudayo dukkhanirodho”ti vattabbe “dukkhasamudayaṃ dukkhanirodha”nti liṅgavipallāso kato. Yasmā pana buddhādayo ariyā paṭivijjhanti, tasmā ariyasaccāntī vuccanti. Yathāha “cattārimāni, bhikkhave, ariyasaccāni...pe... imāni kho, bhikkhave, cattāri ariyasaccāni. Ariyā imāni paṭivijjhanti, tasmā ariyasaccāntī vuccanti”ti. Ariyassa saccāntīpi ariyasaccāni. Yathāha “sadevake loke...pe... sadevamanussāya tathāgato ariyo, tasmā ariyasaccāntī vuccanti”ti (saṃ. ni. 5.1098). Etesaṃ abhisambuddhattā ariyabhāvasiddhitopi ariyasaccāni. Yathāha “imesaṃ kho, bhikkhave, catunnaṃ ariyasaccānaṃ yathābhūtaṃ abhisambuddhattā tathāgato araham sammāsambuddho ariyoti vuccati”ti (saṃ. ni. 5.1093). Ariyāni saccāntīpi ariyasaccāni. **Ariyāntī**

avitathāni, avisaṃvādakānīti attho. Yathāha “imāni kho, bhikkhave, cattāri ariyasaccāni tathāni avitathāni anaññathāni, tasmā ariyasaccānīti vuccanti”ti (saṃ. ni. 5.1097). **Saccānīti** ko saccaṭṭhoti ce? Yo paññācakkhunā upaparikkhamānaṃ māyāva viparīto, marīcīva viṣaṃvādako, titthiyānaṃ parikkappitaattāva anupalabbhasabhāvo ca na hoti, atha kho bādhanapabhavasantiyānappakārena tacchāvīparītabhūtabhāvena ariyāññassa gocaro hotiyeva. Esa aggilakkhaṇaṃ viya lokapakati viya ca tacchāvīparītabhūtabhāvo saccaṭṭhoti veditabbo. Yathāha “idaṃ dukkhanti, bhikkhave, tathametaṃ avitathametaṃ anaññathameta”nti (saṃ. ni. 5.1090) vitthāro. Apica –

Nābādhakam yato dukkham, dukkhā aññaṃ na bādhakam;
Bādhakattaniyāmena, tato saccamidaṃ mataṃ.

Taṃ vinā nāññato dukkham, na hoti na ca taṃ tato;
Dukkahetu niyāmena, iti saccaṃ visattikā.

Nāññā nibbānato santi, santaṃ na ca na taṃ yato;
Santabhāvaniyāmena, tato saccamidaṃ mataṃ.

Maggā aññaṃ na niyyānaṃ, aniyyāno na cāpi so;
Tacchaniyyānabhāvena, iti so saccasammato.

Iti tacchāvīpallāsa-bhūtabhāvaṃ catūsvapi;
Dukkhadīsvavisesena, saccaṭṭham āhu paṇḍitāti.

So panāyaṃ **saccasaddo** anekesu atthesu dissati. Seyyathidaṃ – “saccaṃ bhaṇe na kujjheyā”tiādīsu (dha. pa. 224) vācāsacce. “Sacce ṭhitā samaṇabrāhmaṇā cā”tiādīsu (jā. 2.21.433) viratisacce. “Kasmā nu saccāni vadanti nānā, pavādiyāse kusalāvadānā”tiādīsu (su. ni. 891) diṭṭhisacce. “Ekañhi saccaṃ na dutiyamatthi, yasmim pajā no vivade pajāna”ntiādīsu (su. ni. 890; mahāni. 119) paramatthasacce nibbāne ceva magge ca. “Catunnaṃ saccānaṃ kati kusalā kati akusalā”tiādīsu (vibha. 216) ariyasacce. Svāyamidhāpi ariyasacce pavattatīti.

Niddesavārasaṅgahitassa vissajjanuddesassa

Atthavaṇṇanā niṭṭhitā.

Abhiññeyyaniddesavaṇṇanā

2. Idāni vissajjanuddesasaṅgahite dhamme pabhedato dassetuṃ **kathaṃ ime dhammā abhiññeyyā**tiādī niddesavāro āraddho. Tattha abhiññeyyaniddesādīsu pañcasu ādīto ekakādivasena dasa dasa vissajjanāni **dasuttarapariyāyena** saṃsandetvā uddiṭṭhāni. Tesu abhiññeyyaniddese tāva **sabbe sattāti** kāmabhavādīsu saññābhavādīsu ekavokārabhavādīsu ca sabbabhavesu sabbe sattā. **Āhāraṭṭhitikāti** āhārato ṭhiti etesanti āhāraṭṭhitikā. **Ṭhitīti** cettha sakakkhaṇe atthitā adhippetā. Iti sabbasattānaṃ ṭhitihetu āhāro nā eko dhammo adhikena ñāṇena jānitabbo. Paccaye hi abhiññāte paccayuppannāpi abhiññātā honti ubhinnampi aññaṃaññaṃpekkhattā. Etena ñātapariññā vuttā hoti. Nanu ca evaṃ sante yaṃ vuttaṃ “asaññasattā devā ahetukā anāhārā aphassakā”tiādī (vibha. 1017), taṃ virujjhatīti. Tañca na virujjhati. Tesañhi jhānaṃ āhāroti. Evaṃ santepi “cattārome, bhikkhave, āhārā bhūtānaṃ vā sattānaṃ ṭhitiyā, sambhavesīnaṃ vā anuggahāya. Katame cattāro? Kabaḷikāro āhāro oḷāriko vā sukhumo vā, phasso dutiyo, manosañcetanā tatiyā, viññānaṃ catuttha”nti (saṃ. ni. 2.11) idaṃ virujjhatīti. Idampi na virujjhati. Etasmiñhi sutte nippariyāyena āhāralakkhaṇāva dhammā āhārāti vuttā. Idha pana pariyāyena paccayo āhāroti vutto. Sabbasaṅkhatadhammānañhi paccayo laddhuṃ vaṭṭati, so ca yaṃ yaṃ phalaṃ janeti, taṃ taṃ āharati nāma. Tasmā āhāroti vuccati. Tenevāha –

“Avijjampāhaṃ, bhikkhave, sāhāraṃ vadāmi, no anāhāraṃ. Ko ca, bhikkhave, avijjāya

āhāro? ‘Pañca nīvaraṇā’ tissa vacanīyaṃ. Pañca nīvaraṇepāhaṃ, bhikkhave, sāhāre vadāmi, no anāhāre. Ko ca, bhikkhave, pañcannaṃ nīvaraṇānaṃ āhāro. ‘Ayoniso manasikāro’ tissa vacanīya’ ntiādi (a. ni. 10.61). Ayaṃ idha adhippeto.

Etasmiñhi paccayāhāre gahite pariyāyāhāropi nippariyāyāhāropi sabbo gahitova hoti.

Tattha asaññabhavave paccayāhāro labbhati. Anuppanne hi buddhe titthāyatane pabbajitvā vāyokasiṇe parikkammaṃ katvā catutthajjhānaṃ nibbattetvā tato vuṭṭhāya “dhī cittaṃ, dhī cittaṃ, cittaṃ nāma abhāvoyeva sādhu. Cittañhi nissāya vadhabandhanādipaccayaṃ dukkhaṃ uppajjati, citte asati natthetha” nti khantiṃ ruciṃ uppādetvā aparihīnājjhānā kālaṃkatvā asaññabhavave nibbattanti. Yo yassa iriyāpatho manussaloke pañihito ahoṣi, so tena iriyāpathena nibbattitvā pañca kappasatāni tiṭṭhati. Ettakaṃ addhānaṃ nipanno viya nisinno viya ṭhito viya hoti. Evarūpānañca sattānaṃ paccayāhāro labbhati. Te hi yaṃ jhānaṃ bhāvetvā nibbattā, tade nesam paccayo hoti. Yathā jiyāvegena khittasaro yāva jiyāvego atthi, tāva gacchati, evaṃ yāva jhānapaccayo atthi, tāva tiṭṭhanti. Tasmim̄ niṭṭhite khīṇavego saro viya patanti.

Ye pana te nerayikā “nevuttānaphalūpajīvino na puññaphalūpajīvino” ti vuttā, tesam ko āhāro? Tesam kammameva āhāro. Kim̄ pañca āhārā atthīti? “Pañca, na pañcā” ti idaṃ na vattabbaṃ. Nanu “paccayo āhāro” ti vutto, tasmā yena kammena te niraye nibbattā, tadeva tesam ṭhitipaccayattā āhāro. Yaṃ sandhāya idaṃ vuttam̄ “na tāva kālaṃ karoti, yāva na taṃ pāpakammaṃ byantī hoti” ti (a. ni. 3.36; ma. ni. 3.250). Tasmā **āhāraṭṭhitikā**ti paccayaṭṭhitikāti attho. Kabaḷikāraṃ āhāraṃ ārabbhāti cetha vivādo na kātabbo. Mukhe uppannakheḷopi hi tesam āhāraṃ sādheti. Kheḷo hi niraye dukkhavedanīyo hutvā paccayo hoti, sagge sukhavedanīyo. Iti kāmabhavave nippariyāyena cattāro āhārā, rūpārūpabhavesu ṭhapetvā asaññabhavam̄ sesānaṃ tayo, asaññānañceva avasesānañca paccayāhāroti iminā āhārena sabbe sattā āhāraṭṭhitikā.

Sabbe sattāti ca puggalādhiṭṭhānā dhammadesanā, sabbe saṅkhārāti adhippāyo. Bhagavatopi hi dhammapuggalānaṃ vasena catubbidhā desanā – dhammādhiṭṭhānā dhammadesanā, dhammādhiṭṭhānā puggaladesanā, puggalādhiṭṭhānā puggaladesanā, puggalādhiṭṭhānā dhammadesanāti. “Nāhaṃ, bhikkhave, aññaṃ ekadhammampi samanupassāmi, yaṃ evaṃ bhāvitam̄ kammaniyam̄ hoti, yathayidaṃ cittaṃ. Cittaṃ, bhikkhave, bhāvitam̄ kammaniyam̄ hoti” ti (a. ni. 1.22) evarūpī **dhammādhiṭṭhānā dhammadesanā**. “Aṭṭhānametaṃ, bhikkhave, anavakāso yaṃ diṭṭhisampanno puggalo kañci saṅkhāraṃ niccato upagaccheyya, netam̄ ṭhānaṃ vijjati” ti (a. ni. 1.268) evarūpī **dhammādhiṭṭhānā puggaladesanā**. “Ekapuggalo, bhikkhave, loke uppajjamāno uppajjati bahujanahitāya bahujanasukhāya lokānukampāya atthāya hitāya sukhāya devamanussāna” nti (a. ni. 1.170, 309), evarūpī **puggalādhiṭṭhānā puggaladesanā**. “Ekapuggalassa bhikkhave, pātubhāvā mahato cakkhussa pātubhāvo hoti” ti (a. ni. 1.175-186) evarūpī **puggalādhiṭṭhānā dhammadesanā**. Tāsu idha puggalādhiṭṭhānā dhammadesanā. Upari yāva dasakā dhammānaṃyeva gahitattā sattaggahaṇena dhammaggaṇaṃ katanti veditabbaṃ, visesena vā sattasantānapariyāpannadhammānaṃyeva adhikena ñāṇena sabhāvato upaparikkhitabbattā sattaggahaṇaṃ katanti veditabbaṃ, saṅkhāre upādāya sattoti paññattimattasambhavato vā phalopacārena saṅkhārā “sattā” ti vuttāti veditabbaṃ. Na hi koci satto paccayaṭṭhitiko atthi aññaṭṭha saṅkhārehi, vohārasena pana evaṃ vuccati. Evametena ñātapariññā vuttā hoti.

Dve dhātuyoti saṅkhatā ca dhātu asāṅkhatā ca dhātu. Tattha anekehi paccayehi saṅgama katā pañcakkhandhā saṅkhatā dhātu, kehici paccayehi akataṃ nibbānaṃ asāṅkhatā dhātu.

Tisso dhātuyoti kāmādhātu rūpadhātu arūpadhātu (vibha. 181-182). Tattha katamā kāmādhātu? Heṭṭhato avīcinirayaṃ pariyantaṃ karitvā uparito paranimmitavasavattī deve antokaritvā yaṃ etasmiṃ antare etthāvacarā ettha pariyāpannā khandhā dhātū āyatanā rūpā vedanā saññā saṅkhārā viññānaṃ. Ayaṃ vuccati kāmādhātu (vibha. 182; dha. sa. 1287). Tattha katamā rūpadhātu? Heṭṭhato brahmalokaṃ pariyantaṃ karitvā uparito akaniṭṭhe deve antokaritvā yaṃ etasmiṃ antare etthāvacarā ettha pariyāpannā samāpannaṃ vā upapannaṃ vā diṭṭhadhammasukhavihārissa vā cittacetāsikā dhammā. Ayaṃ vuccati rūpadhātu. Tattha katamā arūpadhātu? Heṭṭhato ākāśānañcāyatanūpage deve pariyantaṃ karitvā uparito

nevasaññānāsaññāyatanūpage deve antokarivā yaṃ etasmiṃ antare etthāvacarā ettha pariyāpannā samāpannassa vā upapannassa vā diṭṭhadhammasukhavihārissa vā cittacetāsikā dhammā. Ayaṃ vuccati arūpadhātu. Aṭṭhakathāyaṃ pana “kāmadhātūti kāmabhavo pañcakkhandhā labbhanti, rūpadhātūti rūpabhavo pañcakkhandhā labbhanti. Arūpadhātūti arūpabhavo cattāro khandhā labbhanti”ti vuttaṃ. Ayaṃ dasuttarapariyāyena yojanā.

Saṅgītipariyāyena pana “tisso kusalahātuyo – nekkhammadhātu abyāpādadhātu avihimsādhātu. Aparāpi tisso dhātuyo – rūpadhātu arūpadhātu nirodhadhātu. Aparāpi tisso dhātuyo – hīnā dhātu majjhimā dhātu paṇīṭā dhātū”ti (dī. ni. 1.3.305) vuttā dhātuyopi ettha yujjanti (vibha. 181-182). Nekkhammapaṭisaṃyutto takko vitakko...pe... sammāsaṅkappo. Ayaṃ vuccati nekkhammadhātu. Sabbepi kusalā dhammā nekkhammadhātu. Abyāpādapaṭisaṃyutto takko vitakko...pe... sammāsaṅkappo abyāpādadhātu. Yā sattesu metti mettāyanā mettāyitattaṃ mettācetovimutti. Ayaṃ vuccati abyāpādadhātu. Avihimsāpaṭisaṃyutto takko vitakko...pe... sammāsaṅkappo avihimsādhātu. Yā sattesu karuṇā karuṇāyanā karuṇāyitattaṃ karuṇācetovimutti. Ayaṃ vuccati avihimsādhātu (vibha. 182). Rūpārūpadhātuyo vuttāyeva. Nirodhadhātu nibbānaṃ. Hīnā dhātu dvādasākusalacittuppādā, majjhimā dhātu avasesā tebhūmakadhammā. Paṇīṭā dhātu nava lokuttaradhammā. Sabbāpi ca nijjivattṭhena dhātu.

Cattāri ariyasaccānīti dukkhaṃ ariyasaccaṃ, dukkhasamudayaṃ ariyasaccaṃ, dukkhanirodhaṃ ariyasaccaṃ, dukkhanirodhagāminī paṭipadā ariyasaccaṃ. Imesaṃ vaṇṇanā saccavissajjanesuyeva bhavissati.

Pañca vimuttāyatanānīti attano hitatthāya parehi pavattitadhammadesanāsavanaṃ, paresaṃ hitatthāya attano yathāsutadhammadesanā, yathāsutassa dhammassa sajjhāyakaraṇaṃ, yathāsutassa dhammassa cetasā anuvitakkaṇaṃ, kasiṇāsubhādīsū anukūlaṃ ārammaṇanti, imāni pañca vimuccanakāraṇāni. Yathāha –

“Idha, bhikkhave, bhikkhuno satthā dhammaṃ deseti aññataro vā garuṭṭhāniyo sabrahmacārī, yathā yathā kho, bhikkhave, bhikkhuno satthā dhammaṃ deseti aññataro vā garuṭṭhāniyo sabrahmacārī, tathā tathā so tasmīṃ dhamme atthapaṭisaṃvedī ca hoti dhammapaṭisaṃvedī ca, tassa atthapaṭisaṃvedino dhammapaṭisaṃvedino pāmojjaṃ jāyati, pamuditassa pīti jāyati, pītimanassa kāyo passambhati, passaddhakāyo sukhaṃ vedeti, sukhino cittaṃ samādhīyati, idaṃ paṭhamaṃ vimuttāyatanaṃ.

“Puna caparaṃ, bhikkhave, bhikkhuno na heva kho satthā dhammaṃ deseti aññataro vā garuṭṭhāniyo sabrahmacārī, api ca kho yathāsutaṃ yathāpariyattaṃ dhammaṃ vitthārena paresaṃ deseti. Yathā yathā kho, bhikkhave, bhikkhuno...pe... sukhino cittaṃ samādhīyati. Idaṃ dutiyaṃ vimuttāyatanaṃ.

“Puna caparaṃ, bhikkhave, bhikkhuno naheva kho satthā dhammaṃ deseti aññataro vā garuṭṭhāniyo sabrahmacārī, nāpi yathāsutaṃ yathāpariyattaṃ dhammaṃ vitthārena paresaṃ deseti, api ca kho yathāsutaṃ yathāpariyattaṃ dhammaṃ vitthārena sajjhāyaṃ karoti. Yathā yathā kho, bhikkhave, bhikkhuno...pe... sukhino cittaṃ samādhīyati. Idaṃ tatiyaṃ vimuttāyatanaṃ.

“Puna caparaṃ, bhikkhave, bhikkhuno naheva kho satthā dhammaṃ deseti aññataro vā garuṭṭhāniyo sabrahmacārī, nāpi yathāsutaṃ yathāpariyattaṃ dhammaṃ vitthārena paresaṃ deseti, nāpi yathāsutaṃ yathāpariyattaṃ dhammaṃ vitthārena sajjhāyaṃ karoti, api ca kho yathāsutaṃ yathāpariyattaṃ dhammaṃ cetasā anuvitakketi anuvicāreti manasānupekkhati. Yathā yathā kho, bhikkhave, bhikkhuno...pe... sukhino cittaṃ samādhīyati. Idaṃ catutthaṃ vimuttāyatanaṃ.

“Puna caparaṃ, bhikkhave, bhikkhuno naheva kho satthā dhammaṃ deseti aññataro vā garuṭṭhāniyo sabrahmacārī, nāpi yathāsutaṃ yathāpariyattaṃ dhammaṃ vitthārena paresaṃ deseti, nāpi yathāsutaṃ yathāpariyattaṃ dhammaṃ vitthārena sajjhāyaṃ karoti, nāpi yathāsutaṃ

yathāpariyattaṃ dhammaṃ cetasā anuvitakketi anuvicāreti manasānupekkhati, api ca khvassa aññataraṃ samādhinimittaṃ suggahitaṃ hoti sumanasikataṃ sūpadhāritaṃ suppaṭividdhaṃ paññāya, yathā yathā kho, bhikkhave, bhikkhuno aññataraṃ samādhinimittaṃ suggahitaṃ hoti sumanasikataṃ sūpadhāritaṃ suppaṭividdhaṃ paññāya tathā tathā so tasmim̐ dhamme atthapaṭisaṃvedī ca hoti dhammapaṭisaṃvedī ca. Tassa atthapaṭisaṃvedino dhammapaṭisaṃvedino pāmojjaṃ jāyati, pamuditassa pīti jāyati, pītimanassa kāyo passambhati, passaddhakāyo sukhaṃ vedeti, sukhino cittaṃ samādhīyati. Idaṃ pañcamaṃ vimuttāyatana’’nti (a. ni. 5.26; dī. ni. 3.322).

Cha anuttariyānī ettha natthi etesaṃ uttaranti anuttarāni, anuttarāni eva anuttariyāni, jeṭṭhakānīti attho. Vuttañhettaṃ bhagavatā –

“Chayimāni (a. ni. 6.8, 30), bhikkhave, anuttariyāni. Katamāni cha? Dassanānuttariyaṃ, savanānuttariyaṃ, lābhānuttariyaṃ, sikkhānuttariyaṃ, pāricariyānuttariyaṃ, anussatānuttariyanti.

“Katamañca, bhikkhave, dassanānuttariyaṃ? Idha, bhikkhave, ekacco hatthiratanampi dassanāya gacchati, assaratanampi dassanāya gacchati, mañiratanampi dassanāya gacchati, uccāvacaṃ vā pana dassanāya gacchati, samaṇaṃ vā brāhmaṇaṃ vā micchādīṭṭhikaṃ micchāpaṭipannaṃ dassanāya gacchati. Atthetaṃ, bhikkhave, dassanaṃ, nettaṃ natthīti vadāmi. Tañca kho etaṃ, bhikkhave, dassanaṃ hīnaṃ gammaṃ pothujjanikaṃ anariyaṃ anattasamphitaṃ na nibbidāya na virāgāya na nirodhāya na upasamāya na abhiññāya na sambodhāya na nibbānāya saṃvattati. Yo ca kho, bhikkhave, tathāgataṃ vā tathāgatasāvakaṃ vā dassanāya gacchati niviṭṭhasaddho niviṭṭhapemo ekantagato abhippasanno. Etadānuttariyaṃ, bhikkhave, dassanānaṃ sattānaṃ visuddhiyā sokaparidevānaṃ samatikkamāya dukkhadomanassānaṃ atthaṅgamāya ñāyassa adhiḅgamāya nibbānassa sacchikiriyāya, yadidaṃ tathāgataṃ vā tathāgatasāvakaṃ vā dassanāya gacchati niviṭṭhasaddho niviṭṭhapemo ekantagato abhippasanno. Idaṃ vuccati, bhikkhave, dassanānuttariyaṃ. Iti dassanānuttariyaṃ.

“Savanānuttariyañca kathaṃ hoti? Idha, bhikkhave, ekacco bherisaddampi savanāya gacchati, vīṇāsaddampi savanāya gacchati, gītasaddampi savanāya gacchati, uccāvacaṃ vā pana savanāya gacchati, samaṇassa vā brāhmaṇassa vā micchādīṭṭhikassa micchāpaṭipannassa dhammassavanāya gacchati. Atthetaṃ, bhikkhave, savanaṃ, nettaṃ natthīti vadāmi. Tañca kho etaṃ, bhikkhave, savanaṃ hīnaṃ...pe... na nibbānāya saṃvattati. Yo ca kho, bhikkhave, tathāgatassa vā tathāgatasāvakassa vā dhammassavanāya gacchati niviṭṭhasaddho niviṭṭhapemo ekantagato abhippasanno. Etadānuttariyaṃ, bhikkhave, savanānaṃ sattānaṃ visuddhiyā...pe... nibbānassa sacchikiriyāya, yadidaṃ tathāgatassa vā tathāgatasāvakassa vā dhammassavanāya gacchati niviṭṭhasaddho niviṭṭhapemo ekantagato abhippasanno. Idaṃ vuccati, bhikkhave, savanānuttariyaṃ. Iti dassanānuttariyaṃ, savanānuttariyaṃ.

“Lābhānuttariyañca kathaṃ hoti? Idha, bhikkhave, ekacco puttalābhampi labhati, dāralābhampi labhati, dhanalābhampi labhati, uccāvacaṃ vā pana lābhampi labhati. Samaṇe vā brāhmaṇe vā micchādīṭṭhike micchāpaṭipanne saddhaṃ paṭilabhati. Attheso, bhikkhave, lābho, neso natthīti vadāmi. So ca kho eso, bhikkhave, lābho hīno...pe... na nibbānāya saṃvattati. Yo ca kho, bhikkhave, tathāgate vā tathāgatasāvake vā saddhaṃ paṭilabhati niviṭṭhasaddho niviṭṭhapemo ekantagato abhippasanno. Etadānuttariyaṃ, bhikkhave, lābhānaṃ sattānaṃ visuddhiyā...pe... nibbānassa sacchikiriyāya, yadidaṃ tathāgate vā tathāgatasāvake vā saddhaṃ paṭilabhati niviṭṭhasaddho niviṭṭhapemo ekantagato abhippasanno. Idaṃ vuccati, bhikkhave, lābhānuttariyaṃ. Iti dassanānuttariyaṃ, savanānuttariyaṃ, lābhānuttariyaṃ.

“Sikkhānuttariyañca kathaṃ hoti? Idha, bhikkhave, ekacco hatthismimpi sikkhati, assasmimpi sikkhati, rathasmimpi sikkhati, dhanusmimpi sikkhati, tharusmimpi sikkhati, uccāvacaṃ vā pana sikkhati, samaṇassa vā brāhmaṇassa vā micchādīṭṭhikassa micchāpaṭipannassa sikkhati. Atthesā, bhikkhave, sikkhā, nesā natthīti vadāmi. Sā ca kho esā, bhikkhave, sikkhā hīnā...

pe... na nibbānāya saṃvattati. Yo ca kho, bhikkhave, tathāgatappavedite dhammavinaye adhisīlampi sikkhati, adhicittampi sikkhati, adhipaññampi sikkhati niviṭṭhasaddho niviṭṭhapemo ekantagato abhippasanno. Etadānuttariyaṃ, bhikkhave, sikkhānaṃ sattānaṃ visuddhiyā...pe... nibbānassa sacchikiriya, yadidaṃ tathāgatappavedite dhammavinaye adhisīlampi sikkhati, adhicittampi sikkhati, adhipaññampi sikkhati niviṭṭhasaddho niviṭṭhapemo ekantagato abhippasanno. Idaṃ vuccati, bhikkhave, sikkhānuttariyaṃ. Iti dassanānuttariyaṃ, savanānuttariyaṃ, lābhānuttariyaṃ, sikkhānuttariyaṃ.

“Pāricariyānuttariyaṃ kathaṃ hoti? Idha, bhikkhave, ekacco khattiyampi paricarati, brāhmaṇampi paricarati, gahapatimpi paricarati, uccāvacaṃ vā pana paricarati, samaṇaṃ vā brāhmaṇaṃ vā micchādīṭṭhikaṃ micchāpaṭipannaṃ paricarati. Atthesā, bhikkhave, pāricariyā, nesā natthīti vadāmi. Sā ca kho esā, bhikkhave, pāricariyā hīnā...pe... na nibbānāya saṃvattati. Yo ca kho, bhikkhave, tathāgataṃ vā tathāgatasāvakaṃ vā paricarati niviṭṭhasaddho niviṭṭhapemo ekantagato abhippasanno. Etadānuttariyaṃ, bhikkhave, pāricariyānaṃ sattānaṃ visuddhiyā...pe... nibbānassa sacchikiriya, yadidaṃ tathāgataṃ vā tathāgatasāvakaṃ vā paricarati niviṭṭhasaddho niviṭṭhapemo ekantagato abhippasanno. Idaṃ vuccati, bhikkhave, pāricariyānuttariyaṃ. Iti dassanānuttariyaṃ, savanānuttariyaṃ, lābhānuttariyaṃ, sikkhānuttariyaṃ, pāricariyānuttariyaṃ.

“Anussatānuttariyaṃ kathaṃ hoti? Idha, bhikkhave, ekacco puttalābhampi anussarati, dāralābhampi anussarati, dhanalābhampi anussarati, uccāvacaṃ vā pana anussarati, samaṇaṃ vā brāhmaṇaṃ vā micchādīṭṭhikaṃ micchāpaṭipannaṃ anussarati. Atthesā, bhikkhave, anussati, nesā natthīti vadāmi. Sā ca kho esā, bhikkhave, anussati hīnā...pe... na nibbānāya saṃvattati. Yo ca kho, bhikkhave, tathāgataṃ vā tathāgatasāvakaṃ vā anussarati niviṭṭhasaddho niviṭṭhapemo ekantagato abhippasanno. Etadānuttariyaṃ, bhikkhave, anussatīnaṃ sattānaṃ visuddhiyā...pe... nibbānassa sacchikiriya, yadidaṃ tathāgataṃ vā tathāgatasāvakaṃ vā anussarati niviṭṭhasaddho niviṭṭhapemo ekantagato abhippasanno. Idaṃ vuccati, bhikkhave, anussatānuttariyaṃ. Imāni kho, bhikkhave, cha anuttariyāni”ti (a. ni. 6.30).

Satta niddasavatthūnī ettha natthi etassa dasāti niddaso. Niddasassa niddasabhāvassa vatthūni kāraṇāni niddasavatthūni. Khīṇāsavo hi dasavassakāle parinibbuto puna paṭisandhiyā abhāvā puna dasavasso na hotīti niddasoti vuccati. Na kevalaṅca dasavassova na hoti, navavassopi...pe... ekamuhuttikopi na hotiyeva. Na kevalaṅca dasavassakāle parinibbuto, sattavassikakāle parinibbutopi nissatto niddaso nimuhutto hotiyeva. Titthiyasamaye uppannavohāraṃ pana sāsane khīṇāsavassa āropetvā tattha tādisassa abhāvaṃ, idha ca sabbhāvaṃ dassento bhagavā tādisasabhāvassa kāraṇāni “satta niddasavatthūnī”ti āha. Yathāha –

“Sattimāni, bhikkhave, niddasavatthūni. Katamāni satta? Idha, bhikkhave, bhikkhu sikkhāsamādāne tibbacchando hoti, āyatiṅca sikkhāsamādāne avigatapemo. Dhammanisantiyā tibbacchando hoti, āyatiṅca dhammanisantiyā avigatapemo. Icchāvinaye tibbacchando hoti, āyatiṅca icchāvinaye avigatapemo. Paṭisallāne tibbacchando hoti, āyatiṅca paṭisallāne avigatapemo. Vīriyārambhe tibbacchando hoti, āyatiṅca vīriyārambhe avigatapemo. Satinepakke tibbacchando hoti, āyatiṅca satinepakke avigatapemo. Diṭṭhipaṭivedhe tibbacchando hoti, āyatiṅca diṭṭhipaṭivedhe avigatapemo. Imāni kho, bhikkhave, satta niddasavatthūnī”ti (a. ni. 7.20).

Theropi tatheva desanaṃ uddharitvā “satta niddasavatthūnī”ti āha.

Aṭṭha abhibhāyatanānī ettha abhibhuyamānāni āyatanāni etesaṃ jhānānanti abhibhāyatanāni, jhānāni. **Āyatanānī** adhiṭṭhānaṭṭhena āyatanasaṅkhātāni kasiṇārammaṇāni. Nānuttariko hi puggalo visadañño “kiṃ ettha ārammaṇe samāpajjitabbaṃ. Na mayhaṃ cittekaggatākaraṇe bhāro atthī”ti, tāni ārammaṇāni abhibhavivā samāpajjati, saha nimittuppādenevettha appanaṃ nibbattetīti attho. Evaṃ uppāditāni jhānāni “abhibhāyatanānī”ti vuccanti.

“Katamāni (a. ni. 8.65) aṭṭha? Ajjhattaṃ rūpasaññī eko bahiddhā rūpāni passati parittāni suvaṇṇadubbaṇṇāni, ‘tāni abhibhuyya jānāmi passāmī’ti evaṃsaññī hoti. Idaṃ paṭhamam abhibhāyatanam.

“Ajjhattaṃ rūpasaññī eko bahiddhā rūpāni passati appamāṇāni suvaṇṇadubbaṇṇāni, ‘tāni abhibhuyya jānāmi passāmī’ti evaṃsaññī hoti. Idaṃ dutiyam abhibhāyatanam.

“Ajjhattaṃ arūpasaññī eko bahiddhā rūpāni passati parittāni suvaṇṇadubbaṇṇāni, ‘tāni abhibhuyya jānāmi passāmī’ti evaṃsaññī hoti. Idaṃ tatiyam abhibhāyatanam.

“Ajjhattaṃ arūpasaññī eko bahiddhā rūpāni passati appamāṇāni suvaṇṇadubbaṇṇāni, ‘tāni abhibhuyya jānāmi passāmī’ti evaṃsaññī hoti. Idaṃ catuttham abhibhāyatanam.

“Ajjhattaṃ arūpasaññī eko bahiddhā rūpāni passati nīlāni nīlavaṇṇāni nīlanidassanāni nīlanibhāsāni. Seyyathāpi nāma umāpupphaṃ nīlam nīlavaṇṇam nīlanidassanam nīlanibhāsam, seyyathāpi vā pana taṃ vattham bārāṇaseyyakam ubhatobhāgavimaṭṭham nīlam nīlavaṇṇam nīlanidassanam nīlanibhāsam, evameva ajjhattaṃ arūpasaññī eko bahiddhā rūpāni passati nīlāni nīlavaṇṇāni nīlanidassanāni nīlanibhāsāni, ‘tāni abhibhuyya jānāmi passāmī’ti evaṃsaññī hoti. Idaṃ pañcamam abhibhāyatanam.

“Ajjhattaṃ arūpasaññī eko bahiddhā rūpāni passati pītāni pītavaṇṇāni pītanidassanāni pītanibhāsāni. Seyyathāpi nāma kaṇikārapupphaṃ pītam pītavaṇṇam pītanidassanam pītanibhāsam, seyyathāpi vā pana taṃ vattham bārāṇaseyyakam ubhatobhāgavimaṭṭham pītam pītavaṇṇam pītanidassanam pītanibhāsam, evameva ajjhattaṃ arūpasaññī eko bahiddhā rūpāni passati pītāni pītavaṇṇāni pītanidassanāni pītanibhāsāni, ‘tāni abhibhuyya jānāmi passāmī’ti evaṃsaññī hoti. Idaṃ chaṭṭham abhibhāyatanam.

“Ajjhattaṃ arūpasaññī eko bahiddhā rūpāni passati lohitaṇi lohitakavaṇṇāni lohitakanidassanāni lohitakanibhāsāni. Seyyathāpi nāma bandhujīvakapupphaṃ lohitaṇi lohitakavaṇṇam lohitakanidassanam lohitakanibhāsam, seyyathāpi vā pana taṃ vattham bārāṇaseyyakam ubhatobhāgavimaṭṭham lohitaṇi lohitakavaṇṇam lohitakanidassanam lohitakanibhāsam, evameva ajjhattaṃ arūpasaññī eko bahiddhā rūpāni passati lohitaṇi lohitakavaṇṇāni lohitakanidassanāni lohitakanibhāsāni, ‘tāni abhibhuyya jānāmi passāmī’ti evaṃsaññī hoti. Idaṃ sattamam abhibhāyatanam.

“Ajjhattaṃ arūpasaññī eko bahiddhā rūpāni passati odātāni odātavaṇṇāni odātanidassanāni odātanibhāsāni. Seyyathāpi nāma osadhitarakā odātā odātavaṇṇā odātanidassanā odātanibhāsā, seyyathāpi vā pana taṃ vattham bārāṇaseyyakam ubhatobhāgavimaṭṭham odātam odātavaṇṇam odātanidassanam odātanibhāsam, evameva ajjhattaṃ arūpasaññī eko bahiddhā rūpāni passati odātāni odātavaṇṇāni odātanidassanāni odātanibhāsāni, ‘tāni abhibhuyya jānāmi passāmī’ti evaṃsaññī hoti. Idaṃ aṭṭhamam abhibhāyatanam. Imāni aṭṭha abhibhāyatanāni (a. ni. 8.65; dī. ni. 3.358).

Nava anupubbavīhārāti pubbam pubbam anu anupubbam, anupubbam viharitabbato samāpajjitabbato vīhārā anupubbavīhārā, anupaṭipāṭiyā samāpajjitabbavīhārāti attho.

“Katame nava? Idha, bhikkhave, bhikkhu vivicceva kāmehi vivicca akusalehi dhammehi savitakkam savicāram vivekajam pītisukham paṭhamam jhānam upasampajja viharati. Vitakkavicārānam vūpasamā ajjhattaṃ sampasādanam cetaso ekodibhāvam avitakkam avicāram samādhijam pītisukham dutiyam jhānam upasampajja viharati. Pītiyā ca virāgā upekkhako ca viharati sato sampajāno, sukhañca kāyena paṭisaṃvedeti, yaṃ taṃ ariyā ācikkhanti ‘upekkhako satimā sukhavīhārī’ti, tatiyam jhānam upasampajja viharati. Sukhassa ca pahānā dukkhassa ca

pahānā pubbeva somanassadomanassānaṃ atthaṅgamā adukkhamasukhaṃ upekkhāsati pārisuddhiṃ catutthaṃ jhānaṃ upasampajja viharati. Sabbaso rūpasaññānaṃ samatikkamā paṭighasaññānaṃ atthaṅgamā nānattasaññānaṃ amanasikārā ‘ananto ākaso’ ti ākāsānañcāyatanaṃ upasampajja viharati. Sabbaso ākāsānañcāyatanaṃ samatikkamma ‘anantaṃ viññāna’ nti viññānañcāyatanaṃ upasampajja viharati. Sabbaso viññānañcāyatanaṃ samatikkamma ‘natthi kiñci’ ti ākiñcaññāyatanaṃ upasampajja viharati. Sabbaso ākiñcaññāyatanaṃ samatikkamma nevasaññānāsaññāyatanaṃ upasampajja viharati. Sabbaso nevasaññānāsaññāyatanaṃ samatikkamma saññāvedayitanirodhaṃ upasampajja viharati’ ti (a. ni. 9.33; dī. ni. 3.343, 359) vuttā nava anupubbavihārāva.

Dasa nijjaravatthūnī micchādīṭṭhādīnī nijjarayanti nāsayantīti nijjarānī. **Vatthūnī** kāraṇānī. Nijjarānī ca tānī vatthūnī cāti nijjaravatthūnī. Sammādīṭṭhādīnaṃ etaṃ adhivacanaṃ.

“Katamānī (a. ni. 10.106; dī. ni. 3.360) dasa? Sammādīṭṭhikassa, bhikkhave, micchādīṭṭhi nijjiṇṇā hoti. Ye ca micchādīṭṭhipaccayā aneke pāpakā akusalā dhammā sambhavanti, te cassa nijjiṇṇā honti, sammādīṭṭhipaccayā ca aneke kusalā dhammā bhāvanāpāripūriṃ gacchanti.

“Sammāsaṅkappassa, bhikkhave, micchāsaṅkappo nijjiṇṇo hoti. Ye ca micchāsaṅkappapaccayā aneke pāpakā akusalā dhammā sambhavanti, te cassa nijjiṇṇā honti, sammāsaṅkappapaccayā ca aneke kusalā dhammā bhāvanāpāripūriṃ gacchanti.

“Sammāvācassa, bhikkhave, micchāvācā nijjiṇṇā hoti. Ye ca micchāvācāpaccayā aneke pāpakā akusalā dhammā sambhavanti, te cassa nijjiṇṇā honti, sammāvācāpaccayā ca aneke kusalā dhammā bhāvanāpāripūriṃ gacchanti.

“Sammākammantassa, bhikkhave, micchākammanto nijjiṇṇo hoti. Ye ca micchākammantapaccayā aneke pāpakā akusalā dhammā sambhavanti, te cassa nijjiṇṇā honti, sammākammantapaccayā ca aneke kusalā dhammā bhāvanāpāripūriṃ gacchanti.

“Sammāājīvassa, bhikkhave, micchāājīvo nijjiṇṇo hoti. Ye ca micchāājīvapaccayā aneke pāpakā akusalā dhammā sambhavanti, te cassa nijjiṇṇā honti, sammāājīvapaccayā ca aneke kusalā dhammā bhāvanāpāripūriṃ gacchanti.

“Sammāvāyāmassa, bhikkhave, micchāvāyāmo nijjiṇṇo hoti. Ye ca micchāvāyāmapaccayā aneke pāpakā akusalā dhammā sambhavanti, te cassa nijjiṇṇā honti, sammāvāyāmapaccayā ca aneke kusalā dhammā bhāvanāpāripūriṃ gacchanti.

“Sammāsatissa, bhikkhave, micchāsati nijjiṇṇā hoti. Ye ca micchāsati paccayā aneke pāpakā akusalā dhammā sambhavanti, te cassa nijjiṇṇā honti, sammāsati paccayā ca aneke kusalā dhammā bhāvanāpāripūriṃ gacchanti.

“Sammāsamādhissa, bhikkhave, micchāsamādhi nijjiṇṇo hoti. Ye ca micchāsamādhipaccayā aneke pāpakā akusalā dhammā sambhavanti, te cassa nijjiṇṇā honti, sammāsamādhipaccayā ca aneke kusalā dhammā bhāvanāpāripūriṃ gacchanti.

“Sammāñāṇissa, bhikkhave, micchāñāṇaṃ nijjiṇṇaṃ hoti. Ye ca micchāñāṇapaccayā aneke pāpakā akusalā dhammā sambhavanti, te cassa nijjiṇṇā honti, sammāñāṇapaccayā ca aneke kusalā dhammā bhāvanāpāripūriṃ gacchanti.

“Sammāvimuttissa, bhikkhave, micchāvimutti nijjiṇṇā hoti. Ye ca micchāvimuttipaccayā aneke pāpakā akusalā dhammā sambhavanti, te cassa nijjiṇṇā honti, sammāvimuttipaccayā ca aneke kusalā dhammā bhāvanāpāripūriṃ gacchantī’ ti (a. ni. 10.106; dī. ni. 3.360) vuttānī dasa

nijjaravatthūni.

3. Sabbam, bhikkhave, abhiññeyyantiādi bhagavatā vuttaṃ idha āharitvā dassitanti veditabbaṃ. **Kiñca**-iti **ca**-kāro padapūraṇamate nipāto. **Cakkhādīni** tiṃsa vissajjanāni chasu dvāresu ekekasmim pañca pañca katvā dvārārammaṇapavattikkamena niddiṭṭhāni. Tattha duvidhaṃ cakkhu – maṃsacakkhu paññācakkhu ca. Tesu buddhacakkhu samantacakkhu ñāṇacakkhu dibbacakkhu dhammacakkhūti pañcavidhaṃ paññācakkhu. “Addasaṃ kho ahaṃ, bhikkhave, buddhacakkhunā lokaṃ volokento”ti (ma. ni. 1.283; 2.339; mahāva. 9) idaṃ **buddhacakkhu** nāma. “Samantacakkhu vuccati sabbaññutaññāṇa”nti (cūḷani. dhotakamāṇavapucchānidessa 32; mogharājamāṇavapucchānidessa 85) idaṃ **samantacakkhu** nāma. “Cakkhuṃ udapādi ñāṇaṃ udapādi”ti (saṃ. ni. 5.1081; mahāva. 15) idaṃ **ñāṇacakkhu** nāma. “Addasaṃ kho ahaṃ, bhikkhave, dibbena cakkhunā visuddhenā”ti (ma. ni. 1.285) idaṃ **dibbacakkhu** nāma. “Virajaṃ vītamaṃ dhammacakkhuṃ udapādi”ti (ma. ni. 2.395) idaṃ heṭṭhimamagattayasāṅkhātaṃ ñāṇaṃ **dhammacakkhu** nāma.

Maṃsacakkhupi sasambhāracakkhu, pasādacakkhūti duvidhaṃ hoti. Yvāyaṃ akkhikūpake patiṭṭhito heṭṭhā akkhikūpakaṭṭhikena upari bhamukaṭṭhikena ubhato akkhikūṭehi bahiddhā akkhipakhumehi paricchinno akkhikūpakamajjhā nikkhantena nhārusuttakena matthaluṅge ābaddho setakaṇhātikaṇhamaṇḍalavicitto maṃsapiṇḍo, idaṃ **sasambhāracakkhu** nāma. Yo pana ettha sito ettha paṭibaddho catunnaṃ mahābhūtānaṃ upādāya pasādo, idaṃ **pasādacakkhu** nāma. Idamidhādhippetam. Tadetam tassa sasambhāracakkhuno setamaṇḍalaparikkhittassa kaṇhamaṇḍalassa majjhe abhimukhe ṭhitānaṃ sarīrasaṅghānupattideso diṭṭhimaṇḍale sattu picupaṭalesu āsittatelaṃ picupaṭalāni viya satta akkhipaṭalāni byāpetvā pamāṇato muggavidalamattaṃ cakkhuvīññāṇādīnaṃ yathārahaṃ vatthudvārabhāvaṃ sādhamānaṃ tiṭṭhati. Tam cakkhatīti **cakkhu**, rūpaṃ assādeti vibhāveti cāti attho. Rūpayantīti **rūpā**, vaṇṇavikāraṃ āpajjamānā hadayaṅgatabhāvaṃ pakāsentīti attho. Cakkhuto pavattaṃ viññāṇaṃ, cakkhussa vā viññāṇaṃ **cakkhuvīññāṇaṃ**. Phusatīti phasso. Upasaggena padaṃ maṇḍetvā samphassotī vuttaṃ. Cakkhuto pavatto samphasso **cakkhusamphasso**. **Cakkhusamphassapaccayāti** cakkhuvīññāṇasampayuttaphassapaccayā. **Vedayitanti** vindanaṃ, vedanāti attho. Tadeva sukhayatīti **sukhaṃ**, yassuppajjati, tam sukhitaṃ karotīti attho. Suṭṭhu vā khādāti, khanati ca kāyacittābādhanīti sukhāṃ. Dukkhatīti **dukkhaṃ**, yassuppajjati, tam dukkhitaṃ karotīti attho. Na dukkhaṃ na sukhanti **adukkhamasukhaṃ**. **Ma**-kāro padasandhivasena vutto. So pana cakkhusamphasso attanā sampayuttāya vedanāya sahaṇāta aññamaññanissaya vipākāhārasampayuttaatthivigatavasena aṭṭhadhā paccayo hoti, sampaṭicchanasampayuttāya anantarasamanantaraanantarūpanissayanatthivigatavasenapañcadhā, santīraṇādisampayuttānaṃ upanissayavaseneva paccayo hoti.

Suṇātīti **sotaṃ**. Tam sasambhārasotabilassa anto tanutambalomācite aṅgulivedhakasaṅghāne padese sotaviññāṇādīnaṃ yathārahaṃ vatthudvārabhāvaṃ sādhamānaṃ tiṭṭhati. Sappantīti **saddā**, udāharīyantīti attho. Ghāyatīti **ghānaṃ**. Tam sasambhāraghānabilassa anto ajapadasaṅghāne padese ghānaviññāṇādīnaṃ yathārahaṃ vatthudvārabhāvaṃ sādhamānaṃ tiṭṭhati. Gandhayantīti **gandhā**, attano vatthuṃ sūcentīti attho. Jīvitamavhāyatīti **jivhā**, sāyanatṭhena vā jivhā. Sā sasambhārajivhāya atiaggamūlapassāni vajjetvā uparimatalamajjhe bhinnauppaladalaggasaṅghāne padese jivhāviññāṇādīnaṃ yathārahaṃ vatthudvārabhāvaṃ sādhamānā tiṭṭhati. Rasanti te sattāti **rasā**, assādentīti attho. Kucchitānaṃ sāsavadhammānaṃ āyoti **kāyo**. **Āyoti** uppattideso. So yāvata imasmim kāye upādiṇṇappavatti nāma atthi, tattha yebhuyyena kāyapasādo kāyaviññāṇādīnaṃ yathārahaṃ vatthudvārabhāvaṃ sādhamāno tiṭṭhati. Phusīyantīti **phoṭṭhabbā**. Munātīti **mano**, vijānātīti attho. Attano lakkhaṇaṃ dhārentīti **dhammā**. **Manoti** sahāvajjanaṃ bhavaṅgaṃ. **Dhammāti** dvādasapabhedā dhammārammaṇā dhammā. **Manoviññāṇanti** javanamanoviññāṇaṃ. **Manosamphassotī** taṃsāmpayutto phasso. So sampayuttāya vedanāya vipākāpaccayavajjehi sesehi sattahi paccayo hoti, anantarāya teheva, sesānaṃ upanissayavaseneva paccayo hoti.

Rūpādīni pañca vissajjanāni khandhavasena niddiṭṭhāni. Sītādīhi ruppāti pīḷiyatīti **rūpaṃ**. Vedayatīti **vedanā**. Sañjānātīti **saññā**. Sankharontīti **saṅkhārā**. **Vijānātīti viññāṇaṃ**. **Cakkhādīni** dhammavicārapariyantāni dasa chakkavasena, saṭṭhi vissajjanāni piyarūpasātarūpavasena niddiṭṭhāni.

Cakkhusamphassajādīkā vedanā taṃtaṃsampayuttāva. Rūpesu saññā **rūpasaññā**. Sañcetaṃsaññā, abhisandahatīti attho. Tasaṃsaññā **taṃhā**, pipāsātīti attho. Vitakketīti **vitakko**, vitakkaṃsaññā vā vitakko, ūhananti vuttaṃ hoti. Ārammaṇe tena cittaṃ vicarātīti **vicāro**, vicaraṃsaññā vā vicāro, anusañcaraṇanti vuttaṃ hoti.

4. Pathavīdhātādīni cha vissajjanāni saṃkhittena nāmarūpavavattānavasena niddiṭṭhāni. Patthaṭattā **pathavī**. Appeti, āpīyati, appāyātīti vā **āpo**. Tejayatīti **tejo**. Vāyatīti **vāyo**. Na kassati na nikassati, kasitūṃ chinditūṃ bhinditūṃ vā na sakkāti **ākāso**. Nissattaṭṭhena **dhātu**.

Pathavīkasiṇādīni dasa vissajjanāni kasiṇabhāvanāvasena niddiṭṭhāni. **Kasiṇanti** sakalapharaṇavasena kasiṇamaṇḍalampi tasmim upaṭṭhitanimittampi tadārammaṇaṃ jhānampi vuccati. Idha pana jhānaṃ adhippetam. Ādimhi cattāri mahābhūtakasiṇārammaṇāni jhānāni, tato parāni cattāri vaṇṇakasiṇārammaṇāni. **Ākāsakasiṇanti** paricchedākāso, tadārammaṇaṃca jhānaṃ, kasiṇugghāṭimākāso, tadārammaṇaṃca ākāsānañcāyatanaṃ. **Viññāṇakasiṇanti** ākāsānañcāyatanaviññāṇaṃ, tadārammaṇaṃca viññāṇañcāyatanaṃ.

Kesādīni dvattiṃsa vissajjanāni dvattiṃsākārakammaṭṭhānavasena niddiṭṭhāni. Tesu pana kesādīsū paṭikūlato upaṭṭhitesu kāyagatāsativasena asubhakammaṭṭhānaṃ hoti, vaṇṇato upaṭṭhitesu kasiṇakammaṭṭhānaṃ hoti, dhātuto upaṭṭhitesu catudhātuvavattānakammaṭṭhānaṃ hoti, kesātiādīni ca paṭikūlato vaṇṇato vā upaṭṭhitānaṃ tadārammaṇāni jhānāni, dhātuto upaṭṭhitassa te ca koṭṭhāsā tadārammaṇā ca dhātubhāvanā veditabbā.

Kesā ubhosu passesu kaṇṇacūlikāhi purato nalāṭantena, pacchato ca galavāṭakena paricchinnā sīsakaṭāhaveṭṭhanacamme vīhaggamattaṃ pavisitvā ṭhitā anekasatasahasasāṅkhā.

Lomā ṭhapetvā kesādīnaṃ paṭiṭṭhitokāsaṃ hatthatalapādātālāni ca yebhuyyena sarīracamme navanavutiyā lomakūpasahasessu likkhāmatṭaṃ pavisitvā ṭhitā.

Nakhā aṅgulīnaṃ aggapiṭṭhesu ṭhitā vīsati.

Dantā dvīsū haṇukaṭṭhikesu ṭhitā yebhuyyena dvattiṃsa.

Taco sakalasarīraṃ pariyoṇandhitvā pākāṭakilomakassa upari chaviyā heṭṭhā ṭhitaṃ cammaṃ.

Maṃsaṃ sādhiṅkāni tīṇi aṭṭhisatāni anulimpitvā ṭhitāni navamaṃsapesitāni.

Nhārū sakalasarīre aṭṭhīni ābandhitvā ṭhitāni nava nhārusatāni.

Aṭṭhī sakalasarīre heṭṭhā aṭṭhīnaṃ upari ṭhitāni sādhiṅkāni tīṇi aṭṭhisatāni.

Aṭṭhimiñjā tesam tesam aṭṭhīnaṃ abbhantare ṭhitā miñjā.

Vakkaṃ galavāṭakā nikkhantena ekamūlena thokaṃ gantvā dvidhā bhinnena thūlanhārunā vinibaddhā hutvā hadayamaṃsaṃ parikkhipitvā ṭhitā dve maṃsapiṇḍikā.

Hadayaṃ sarīrabhantare dvinnam thanānaṃ majjhe ṭhitaṃ anto cittasannissayaṃ aḍḍhapasatamattalohitapuṇṇaṃ punnāgaṭṭhipaṭiṭṭhānamattāvāṭakaṃ hadayamaṃsaṃ.

Yakanaṃ dvinnam thanānaṃ abbhantare dakkhiṇapassaṃ nissāya ṭhitaṃ yamakamaṃsapaṭalaṃ.

Kilomakaṃ hadayavakkāni paṭicchādetvā ṭhitaṃ paṭicchannakilomakasāṅkhātāṅka sakalasarīre

cammaṣṣa heṭṭhato maṃsaṃ pariyoṇandhitvā ṭhitam appaṭicchannakilomakasāṅkhātañcāti duvidham pariyoṇahanamaṃsaṃ.

Pihakaṃ hadayassa vāmapasse udarapaṭalassa matthakapassaṃ nissāya ṭhitam udarajivhāmaṃsaṃ.

Papphāsaṃ sarīrabbhantare dvinnaṃ thanānaṃ antare hadayayakanānaṃ upari chādetvā olambantaṃ ṭhitam dvattiṃsamamsakhaṇḍappabhedam papphāsamaṃsaṃ.

Antam upari galavātake heṭṭhā karīsamagge vinibandhattā galavātakakarīsamaggapariyante sarīrabbhantare ṭhitā purisassa dvattiṃsahattā itthiyā aṭṭhavīsatiḥattā ekavīsatiyā ṭhānesu obhaggā antavaṭṭi.

Antaguṇam antabhoge ekato agalante ābandhitvā ekavīsatiyā antabhogānaṃ antarā ṭhitam bandhanaṃ.

Udariyam dantamusalasañcuṇṇitaṃ jivhāhatthaparivattitaṃ kheḷalālāpalibuddham taṃkhaṇavigatavaṇṇagandharasādisampadaṃ tantavāyakhālisuvānavamathusadisam nipatitvā pittasemhavātapaliveṭṭhitam hutvā udaraggisāntāpavegakuthitaṃ kimikulākulaṃ uparūpari pheṇabubbulakāni muñcantaṃ paramakasambukaduggandhajegucchabhāvaṃ āpajjitvā āmāsayaṅkhāte uparinābhiantapaṭale ṭhitam nānappakāraṃ asitapītakhāyitasāyitaṃ.

Karīsam pakkāsayaṅkhāte heṭṭhā nābhipiṭṭhikaṇṭakamūlānaṃ antare ubbedhena aṭṭhaṅgulamatte antāvasāne ṭhitam vaccaṃ.

Pittam hadayamaṃsapapphāsānaṃ antare yakanamaṃsaṃ nissāya ṭhitam mahākosātakīkosakasādise pittakosake ṭhitam baddhapittasaṅkhātañca, kesalomanakhadantānaṃ maṃsaviniṃmuttaṭṭhānañceva thaddhasukkhacammañca ṭhapetvā avasesam sarīram byāpetvā ṭhitam abaddhapittasaṅkhātañcāti duvidham pittaṃ.

Semham udarapaṭale ṭhitam ekapatthapūrapamāṇam semham.

Pubbo khāṇukaṇṭakapaharaṇaggijālādīhi abbhigate vā sarīrappadese abbhantaradhātukkabhavasena vā uppannesu gaṇḍapīlakādīsu paripakkalohitapariṇāmo. **Lohitam** yakanassa heṭṭhābhāgaṃ pūretvā hadayavakkapapphāsānaṃ upari thokaṃ thokaṃ paggharantaṃ vakkahadayayakanapapphāse temayamānaṃ ṭhitam ekapatthapūramattaṃ sannicitlohitasāṅkhātañca, kesalomanakhadantānaṃ maṃsaviniṃmuttaṭṭhānañceva thaddhasukkhacammañca ṭhapetvā dhamanijālānusārena sabbaṃ upādiṇṇasarīram pharivā ṭhitam saṃsaraṇalohitasāṅkhātañcāti duvidham lohitaṃ.

Sedo aggisāntāpasūriyasāntāpautuvikārādīhi santatte sarīre sabbakesalomakūpavivarehi paggharaṇakaāpodhātu.

Medo thūlassa sakalasarīre cammamamaṃsantare kisassa jaṅghamaṃsādīni nissāya ṭhito thinasineho.

Assu somanassadomanassavisabhāgāhārautūhi samuṭṭhahitvā akkhikūpake pūretvā tiṭṭhantī vā paggharantī vā āpodhātu.

Vasā aggisāntāpasūriyasāntāpautuvisabhāgehi usmājātesu yebhuyyena hatthatalahatthapiṭṭhipādālapādapiṭṭhināsāpuṭanalāṭaṃsakūtesu ṭhito vilīnasineho.

Kheḷo tathārūpaṃ āhāraṃ passantassa vā sarantassa vā mukhe vā ṭhapentassa hadayaṃ vā ākilāyantassa kismiñciveva vā jigucchaṃ uppādentassa bhiyyo uppajjitvā ubhohi kapolapassehi oruyha

jivhāya tiṭṭhamānā pheṇamissā āpodhātu.

Siṅghāṇikā visabhāgāhārautuvaseṇa sañjātaḍḍhātukkabhassa vā rodantassa vā antosīse matthaluṅgato galitvā tālumatthakavivareṇa otaritvā nāsāpuṭe pūretvā tiṭṭhantaṃ vā paggharantaṃ vā pūti asuci picchilaṃ.

Lasikā aṭṭhisandhīnaṃ abbañjanakiccaṃ sādhamānaṃ asītisatasandhīnaṃ abbhantare ṭhitaṃ picchilakuṇapaṃ.

Muttaṃ āhārautuvaseṇa vatthipuṭabbhantare ṭhitā āpodhātu.

Matthaluṅgaṃ sīsakaṭāhabbhantare cattāro sibbinimagge nissāya ṭhito catupuṇḍasamodhāno miñjarāsī.

Cakkhāyatanādīni dvādasā vissajjanāni dvādasāyatanavasena niddiṭṭhāni. Āyatanato, āyānaṃ tananato, āyatassa ca nayanato āyatanāṃ. Cakkhurūpādīsu hi taṃtaṃdvārāmmaṇā cittacetāsikā dhammā sena sena anubhavanādīnā kiccena āyatanti uṭṭhahanti ghaṭanti, vāyamaṇṭīti vuttaṃ hoti. Te ca pana āyabhūte dhamme eṭāni tanonti, vitthārentīti vuttaṃ hoti. Idañca anamatagge saṃsāre pavattaṃ atīva āyataṃ saṃsāradukkhāṃ yāva na nivattati, tāva nayanti, pavattayantīti vuttaṃ hoti.

Apica nivāsaṭṭhānaṭṭhena ākaraṭṭhena samosaraṇaṭṭhānaṭṭhena sañjātidesaṭṭhena kāraṇaṭṭhena ca āyatanāṃ. Tathā hi loke “issarāyatanaṃ vāsudevāyatana”ntiādīsu nivāsaṭṭhānaṃ “āyatana”nti vuccati. “Suvanṇāyatanaṃ rajatāyatana”ntiādīsu ākaro. Sāsane pana “manorame āyatane, sevanti naṃ vihaṅgamā”tiādīsu (a. ni. 5.38) samosaraṇaṭṭhānaṃ. “Dakkiṇāpatho gunnaṃ āyatana”ntiādīsu sañjātideso. “Tatra tatreva sakkhibhaddantaṃ pāpuṇāti sati satiāyatane”tiādīsu (a. ni. 3.102; 5.23) kāraṇaṃ. Cakkhūādīsu cāpi te te cittacetāsikā dhammā nivasanti tadāyattavuttitāyāti cakkhādayo nesaṃ nivāsaṭṭhānaṃ, cakkhādīsu ca te ākiṇṇā tannissayattā tadāraṃmaṇaṭṭā cāti cakkhādayo ca nesaṃ ākaro, tattha tattha vatthudvārāmmaṇavasena samosaraṇato cakkhādayo ca nesaṃ samosaraṇaṭṭhānaṃ, taṃnissayāraṃmaṇabhāvena tattheva uppattito cakkhādayo ca nesaṃ sañjātideso, cakkhādīnaṃ abhāve abhāvato cakkhādayo ca nesaṃ kāraṇanti yathāvuttenatthena cakkhu ca taṃ āyatanañcāti **cakkhāyatanāṃ**. Evaṃ sesānīpi.

Cakkhudhātādīni aṭṭhārasa vissajjanāni aṭṭhārasadhātuvaseṇa niddiṭṭhāni. Cakkhādīsu ekeko dhammo yathāsambhavaṃ vidahati, dhīyate, vidhānaṃ vidhīyate, eṭāya, ettha vā dhīyatīti **dhātu**. Lokiyā hi dhātuyo kāraṇabhāvena vavattitā hutvā suvaṇṇarajatādīdhātuyo viya suvaṇṇarajatādīṃ, anekappaṅkāraṃ saṃsāradukkhāṃ vidahanti. Bhārahārehi ca bhāro viya sattehi dhīyante, dhāriyanti attho. Dukkhavidhānamattameva cetā avasavattanato. Eṭāhi ca kāraṇabhūtāhi saṃsāradukkhāṃ sattehi anuvīdhīyati. Tathāvīhitañcetaṃ eṭāsveva dhīyati, ṭhapiyatīti attho. Apica yathā tiṭṭhiyānaṃ attā nāma sabhāvato natthi, na evametā. Eṭā pana attano sabhāvaṃ dhārentīti dhātuyo. Yathā ca loke vicittā haritālamano silādayo selāvayavā dhātuyoti vuccanti, evametāpi dhātuyo viyāti dhātuyo. Vicittā hetā ñāṇaneyyāvayavāti. Yathā vā sarīrasaṅkhātassa samudāyassa avayavabhūtesu rasasoṇitādīsu aññamaññavisabhāgalakkhaṇaparicchinnesu dhātusamaññā, evamevetesupi pañcakkhandhasaṅkhātassa attabhāvassa avayavesu dhātusamaññā vedītabbā. Aññamaññavisabhāgalakkhaṇaparicchinā hete cakkhādayoti. Apica **dhātūti** nijjīvamattassetāṃ adhivacanaṃ. Tathā hi bhagavā “chadhāturo ayaṃ bhikkhu puriso”tiādīsu (ma. ni. 3.343-344) jīvasaññāsamūhanantaṃ dhātudesanaṃ akāsīti. Yathāvuttenatthena cakkhu ca taṃ dhātu cāti **cakkhudhātu**. Evaṃ sesāpi. **Manodhātūti** ca tisso manodhātuyo. **Dhammadhātūti** vedanāsaññāsāṅkhārakkhandhā soḷasa sukhumarūpāni nibbānañca. **Manoviññādhātūti** chasattati manoviññādhātuyo.

Cakkhundriyādīni bāvīsati vissajjanāni bāvīsatiṅdriyavasena niddiṭṭhāni. Cakkhumeva dassanalakkhaṇe indaṭṭhaṃ kāretīti **cakkhundriyaṃ**. Sotameva savanalakkhaṇe indaṭṭhaṃ kāretīti **sotindriyaṃ**. Ghānameva ghāyanalakkhaṇe indaṭṭhaṃ kāretīti **ghānindriyaṃ**. Jivhā eva sāyanalakkhaṇe

indaṭṭhaṃ kāretīti **jivhindriyaṃ**. Kāyo eva phusanalakkhaṇe indaṭṭhaṃ kāretīti **kāyindriyaṃ**. Manate iti mano, vijānātīti attho. Aṭṭhakathācariyā panāhu – nāliyā minamāno viya mahātulāya dhārayamāno viya ca ārammaṇaṃ manati jānātīti mano, tadeva mananalakkhaṇe indaṭṭhaṃ kāretīti **manindriyaṃ**.

Jīvanti tena taṃsahajātā dhammāti jīvitam, tadeva anupālanalakkhaṇe indaṭṭhaṃ kāretīti **jīvitindriyaṃ**. Taṃ rūpajīvitindriyaṃ arūpajīvitindriyanti duvidham. Sabbakammajarūpasahajaṃ saharūpānupālanam rūpajīvitindriyaṃ, sabbacittasahajaṃ saharūpānupālanam arūpajīvitindriyaṃ.

Thīyati saṅghātam gacchati etissā gabbhoti itthī, itthilingādīsu indaṭṭhaṃ kāretīti indriyaṃ, niyamato itthiyā eva indriyaṃ **itthindriyaṃ**.

Puṃ-vuccati nirayo, puṃ saṅkhāte niraye risīyati hiṃsīyatīti puriso, purisalingādīsu indaṭṭhaṃ kāretīti indriyaṃ, niyamato purisasseva indriyaṃ **purisindriyaṃ**. Dvīsupetesu ekekaṃ sabhāvakkassa ekekassa kammajarūpasahajaṃ hoti.

Kusalavipākakāyaviññāṇasampayuttaṃ sukham, kāyikasātalakkhaṇe indaṭṭhaṃ kāretīti indriyaṃ, sukhameva indriyaṃ **sukhindriyaṃ**.

Akusalavipākakāyaviññāṇasampayuttaṃ dukkham, kāyikaasātalakkhaṇe indaṭṭhaṃ kāretīti indriyaṃ, dukkhameva indriyaṃ **dukkhindriyaṃ**.

Pītisomanassayogato sobhanaṃ mano assāti sumano, sumanassa bhāvo somanassaṃ, cetasikasātalakkhaṇe indaṭṭhaṃ kāretīti indriyaṃ, somanassameva indriyaṃ **somanassindriyaṃ**.

Domanassayogato duṭṭhu mano assāti, hīnavedanattā vā kucchitam mano assāti dummano, dummanassa bhāvo domanassaṃ, cetasikasātalakkhaṇe indaṭṭhaṃ kāretīti indriyaṃ, domanassameva indriyaṃ **domanassindriyaṃ**. Sukhadukkhākārapavattiṃ upekkhati majjhatakkārasaṅghitattā tenākārena pavattatīti upekkhā, majjhatalakkhaṇe indaṭṭhaṃ kāretīti indriyaṃ, upekkhā eva indriyaṃ **upekkhindriyaṃ**.

Saddahanti etāya, sayam vā saddahati, saddahanamattameva vā esāti saddhā, assaddhiyassa abhibhavanato adhipatiatthena indriyaṃ, adhimokkhalakkhaṇe vā indaṭṭhaṃ kāretīti indriyaṃ, saddhāyeva indriyaṃ **saddhindriyaṃ**.

Vīrabhāvo vīriyaṃ, vīraṇam vā kammaṃ, vidhinā vā nayena īrayitabbaṃ pavattayitabbanti vīriyaṃ, kosajjassa abhibhavanato adhipatiatthena indriyaṃ, paggaṇalakkhaṇe vā indaṭṭhaṃ kāretīti indriyaṃ, vīriyameva indriyaṃ **vīriyindriyaṃ**.

Saranti tāya, sayam vā sarati, saraṇamattameva vā esāti sati, muṭṭhasaccassa abhibhavanato adhipatiatthena indriyaṃ, upaṭṭhānalakkhaṇe vā indaṭṭhaṃ kāretīti indriyaṃ, sati eva indriyaṃ **satindriyaṃ**.

Ārammaṇe cittaṃ sammā ādhiyati ṭhāpetīti samādhi, vikkhepassa abhibhavanato adhipatiatthena indriyaṃ, avikkhepalakkhaṇe vā indaṭṭhaṃ kāretīti indriyaṃ, samādhi eva indriyaṃ **samādhindriyaṃ**.

“Idaṃ dukkha”ntiādīnā nayena ariyasaccāni pajānātīti paññā. Aṭṭhakathāyaṃ pana “aniccam dukkhamanattāti paññāpanavasena paññā”ti vuttam. Avijjāya abhibhavanato adhipatiatthena indriyaṃ, dassanalakkhaṇe vā indaṭṭhaṃ kāretīti indriyaṃ, paññā eva indriyaṃ **paññindriyaṃ**.

Anamatagge saṃsāraṇaṭṭhe anaññātam amataṃ padaṃ catusaccadhammameva vā jānissāmīti

paṭipannassa uppajjanato indriyaṭṭhasambhavato ca **anaññātaññassāmītindriyaṃ**.
Sotāpattimaggaññassetam nāmaṃ.

Paṭhamamaggena ñātaṃ mariyādaṃ anatikkamitvā tesamyeva tena maggena ñātānaṃ
catusaccadhammānameva jānanato indriyaṭṭhasambhavato ca ājānanakaṃ indriyaṃ **aññindriyaṃ**.
Sotāpattiphalādīsu chasu ṭhānesu ññassetam nāmaṃ.

Aññātāvino catusaccesu niṭṭhitaññakiccassa khīṇāsavassa uppajjanato indriyaṭṭhasambhavato ca
aññātāvindriyaṃ, aññātāvīnaṃ vā catūsu saccesu niṭṭhitakiccānaṃ cattāri saccāni paṭivijjhivā ṭhitānaṃ
dhammānaṃ abbhantare indaṭṭhasādhanaena aññātāvindriyaṃ. Arahattaphalaññassetam nāmaṃ.
Sabbānipetāni yathāyogaṃ indaliṅgaṭṭhena indadesitaṭṭhena indadiṭṭhaṭṭhena indasiṭṭhaṭṭhena
indajuṭṭhaṭṭhena ca indriyāni. Bhagavā hi sammāsambuddho paramissariyabhāvato indo, kusalākusalañca
kammaṃ kammesu kassaci issariyābhāvato. Tenevettha kammajaniṭṭhāni indriyāni kusalākusalakammaṃ
ullīṅgenti, tena ca siṭṭhānīti indaliṅgaṭṭhena indasiṭṭhaṭṭhena ca indriyāni. Sabbāneva panetāni bhagavatā
munindena yathābhūtaṃ pakāsītāni abhisambuddhāni cāti indadesitaṭṭhena indadiṭṭhaṭṭhena ca indriyāni.
Teneva ca bhagavatā munindena kānīci gocarāsevanāya, kānīci bhāvanāsevanāya sevītānīti
indajuṭṭhaṭṭhenapi indriyāni. Apī ca ādhipaccasañkhātena issariyaṭṭhenapi etāni indriyāni.
Cakkhuvīññāḍipavattiyāñhi cakkhādīnaṃ siddhamādhipaccaṃ tasmīṃ tikkhe tikkhattā mande ca
mandattāti.

Kāmadhātuādīni dvādasa vissajjanāni bhavappabhedavasena niddiṭṭhāni. Kāmarāgasāñkhātena
kāmena yuttā dhātu **kāmadhātu**, kāmasāñkhātā vā dhātu kāmadhātu.

Kāmaṃ pahāya rūpena yuttā dhātu **rūpadhātu**, rūpasāñkhātā vā dhātu rūpadhātu.

Kāmañca rūpañca pahāya arūpena yuttā dhātu **arūpadhātu**, arūpasāñkhātā vā dhātu arūpadhātu.

Tā eva dhātuyo puna bhavapariyāyena vuttā. Bhavatīti hi bhavoti vuccatī. Saññāya yutto bhavo
saññābhavo, saññāsahagato vā bhavo saññābhavo, saññā vā ettha bhavo atthīti saññābhavo. So
kāma bhavo ca asaññābhavamutto rūpabhavo ca nevasaññānāsaññābhavamutto arūpabhavo ca hoti.

Na saññābhavo **asaññābhavo**, so rūpabhavekadeso.

Oḷārikattābhāvato nevasaññā, sukhumattena sambhavato nāsaññāti nevasaññānāsaññā, tāya yutto
bhavo **nevasaññānāsaññābhavo**. Atha vā oḷārikāya saññāya abhāvā, sukhumāya ca bhāvā
nevasaññānāsaññā asmīṃ bhaveti nevasaññānāsaññābhavo, so arūpabhavekadeso.

Ekena rūpakkhandhena vokiṇṇo bhavo ekena vokāro assa bhavassāti **ekavokārabhavo**, so
asaññābhavova.

Catūhi arūpakkhandhehi vokiṇṇo bhavo catūhi vokāro assa bhavassāti **catuvokārabhavo**, so
arūpabhavo eva.

Pañcahi khandhehi vokiṇṇo bhavo pañcahi vokāro assa bhavassāti **pañcavokārabhavo**, so
kāma bhavo ca rūpabhavekadeso ca hoti.

6. Paṭhamajjhānādīni dvādasa vissajjanāni jhānasamāpattivasena niddiṭṭhāni. **Jhānanti** idha
brahmavihāramattaṃ adhippetam. Vitakkavicārapīṭisukhacittakaggatāsampayuttaṃ **paṭhamaṃ jhānaṃ**.
Pīṭisukhacittakaggatāsampayuttaṃ **dutiyam jhānaṃ**. Sukhacittakaggatāsampayuttaṃ **tatiyam jhānaṃ**.
Upekkhācittakaggatāsampayuttaṃ **catuttham jhānaṃ**.

Medati mejjatīti mettā, sīniyatīti attho. Mitte vā bhavā, mittassa vā esā pavattīti mettā,

paccanīkadhammehi muttattā ārammaṇe cādhimuttattā vimutti, cetaso vimutti cetovimutti, mettā eva cetovimutti **mettācetovimutti**.

Karuṇā vuttatthā eva.

Modanti tāya taṃsamaṅgino, sayamaṃ vā modati, modanamattameva vā tanti **muditā**. ‘‘Averā hontū’’tiādibyāpārappahānena majjhatabhāvūpagamanena ca upekkhatīti **upekkhā**. Mettādayo tayo brahmavihāra paṭhamādīhi tīhi jhānehi yuttā. Upekkhābrahmavihāro catutthajjhānena yutto.

Pharaṇavasena natthi etassa antoti ananto. Ākāso ananto ākāsananto, kasinuggahāṭimākāso. Ākāsanantoyeva ākāsaṇācam, taṃ ākāsaṇācam adhiṭṭhānaṭṭhena āyatanamassa sasampayuttadhammassa jhānassa ‘‘devānaṃ devāyatanamivā’’ti ākāsaṇācāyatanam. Ākāsaṇācāyatanameva samāpatti **ākāsaṇācāyatanasamāpatti**. Pharaṇavasena ca natthi etassa antoti anantaṃ, taṃ ākāsaṇācam viññāṇam. Anantameva ānaṇcam, viññāṇam ānaṇcam ‘‘viññāṇānaṇca’’nti avatvā ‘‘viññāṇānaṇca’’nti vuttaṃ. Ayañhettha ruḷhisaddo. Taṃ viññāṇācam adhiṭṭhānaṭṭhena āyatanamassa sasampayuttadhammassa jhānassa ‘‘devānaṃ devāyatanamivā’’ti **viññāṇācāyatanam**. Natthi etassa kiñcananti akiñcanaṃ, antamaso bhaṅgamattampi assa avasiṭṭhaṃ natthīti vuttaṃ hoti. Akiñcanassa bhāvo ākiñcaññaṃ. Ākāsaṇācāyatanaviññāṇābhāvassetaṃ adhivacanaṃ. Taṃ ākiñcaññaṃ. Adhiṭṭhānaṭṭhena āyatanamassa sasampayuttadhammassa jhānassa ‘‘devānaṃ devāyatanamivā’’ti **ākiñcaññāyatanam**. Oḷārikāya saññāya abhāvato, sukhumāya ca bhāvato nevassa sasampayuttadhammassa jhānassa saññā nāsaññāti nevasaññānāsaññaṃ. Nevasaññānāsaññaṇca taṃ manāyatanadhammāyatanapariyāpannattā āyatanañcāti **nevasaññānāsaññāyatanam**. Atha vā yāyamaṭṭha saññā sā paṭusaññāciccaṃ kātuṃ asamattatāya nevasaññā, saṅkhārāvasesasukhumabhāvena vijjamānattā nāsaññāti nevasaññānāsaññā, nevasaññānāsaññā ca sā sesadhammānaṃ adhiṭṭhānaṭṭhena āyatanañcāti nevasaññānāsaññāyatanam. Ākiñcaññāyatanārammaṇāya samāpattiyā etaṃ adhivacanaṃ. Na kevalaṃ ettha saññā edisī, atha kho vedanāpi nevavedanā nāvedanā. Cittampi nevacittaṃ nācittaṃ. Phassopi nevaphasso nāphasso. Esa nayo sesasampayuttadhammesu. Saññāsīsenā paṇāyaṃ desanā katāti.

Avijjādīni dvāsa viṣajjanāni paṭicasamuppādaṅgavasena niddiṭṭhāni. Pūretuṃ ayuttatṭhena kāyaduccarītādi avindiyamaṃ nāma, aladdhabbanti attho. Taṃ avindiyamaṃ vindatīti **avijjā**. Tabbiparītato kāyasucarītādi vindiyamaṃ nāma, taṃ vindiyamaṃ na vindatīti avijjā. Khandhānaṃ rāsaṭṭhaṃ, āyatanānaṃ āyatanaṭṭhaṃ, dhātūnaṃ suññaṭṭhaṃ, indriyānaṃ adhipatiyaṭṭhaṃ, saccānaṃ tathaṭṭhaṃ aviditaṃ karotīti avijjā. Dukkhadīnaṃ pīlanādivasena vuttaṃ catubbidhaṃ catubbidhaṃ atthaṃ aviditaṃ karotīti avijjā, antavirahite saṃsāre sabbayonigatibhavaviññāṇaṭṭhitisattāvāsesu satte javāpetīti avijjā, paramatthato avijjamānesu itthipurisādīsū javatī, vijjamānesupi khandhādīsū na javatīti avijjā, api ca cakkhuviññānādīnaṃ vatthārammaṇānaṃ paṭicasamuppādapāṭicasamuppānānaṇca dhammānaṃ chādanatopi avijjā. Saṅkhataṃ abhisāṅkharontīti **saṅkhārā**. Vijjanatīti **viññāṇam**. Namatīti **nāmaṃ**, nāmayatīti vā nāmaṃ. Ruppātīti **rūpaṃ**. Āye tanoti, āyataṇca nayatīti **āyatanam**. Phusaṭīti **phasso**. Vedayatīti **vedanā**. Paritassaṭīti **taṇhā**. Upādiyati bhusamaṃ gaṇhātīti **upādānaṃ**. Bhavati, bhāvayatīti vā **bhavo**. Janamaṃ **jāti**. Jīraṇamaṃ **jarā**. Maranti etenāti **maraṇamaṃ**.

7. Dukkhadīni aṭṭhasatāni aṭṭha ca viṣajjanāni catusaccayojanāvasena niddiṭṭhāni. ‘‘Dukkhaṃ abhiññeyya’’ntiādīsū hi channaṃ catukkānaṃ vasena catuvīsati viṣajjanāni ‘‘cakkhu jarāmaraṇa’’nti peyyāle ‘‘cakkhu abhiññeyyamaṃ sotaṃ abhiññeyya’’ntiādīnā ‘‘jāti abhiññeyyā’’nti pariyoṣānena pañcanavutādhikena viṣajjanasatena yojetvā vuttāni. Pañcanavutādhikamaṃ catukkasaṃsataṃ hoti, tesamaṃ catukkānaṃ vasena asītiadhikāni satta viṣajjanasatāni. ‘‘Jarāmaramaṃ abhiññeyya’’ntiādike catukke ‘‘cattāri viṣajjanāni’’ti evamaṃ sabbāni aṭṭha ca satāni aṭṭha ca viṣajjanāni hontī. Ettha ca tassa tassa dhammassa padhānabhūto paccayo samudayoti vedītabbo. Sabbasaṅkhārehi suññaṃ nibbānaṃ nirodhoti vedītabbaṃ. Anaññātāññāssāmīti indriyādīnaṃ tiṇṇampi hi lokuttarindriyānaṃ ettha abhāvaṃ sandhāya anaññātāññāssāmīti indriyanirodhotīti yujjati. Nirodhagāminipaṭīpadāti ca sabbattha ariyamaggo eva. Evañhi vuccamāne phalepi maggavohārasambhavato aññindriyaaññātāvindriyānampi yujjati. Puna dukkhādīnaṃ pariññāṭṭhādivasena aṭṭhasatāni aṭṭha ca viṣajjanāni niddiṭṭhāni, puna dukkhādīnaṃ

pariññāpaṭivedhaṭṭhādivasena aṭṭhasatāni aṭṭha ca vissajjanāni niddiṭṭhāni. Pariññā ca sā paṭivijjhitabbaṭṭhena paṭivedho cāti pariññāpaṭivedho. Pariññāpaṭivedhova attho **pariññāpaṭivedhaṭṭho**.

8. Puna tāneva dukkhādīni jarāmaṇapariyantāni dviadhikāni dve padasatāni samudayādīhi sattahi sattahi padehi yojetvā dviadhikānaṃ dvinnaṃ aṭṭhakasatānaṃ vasena sahassaṅca cha ca satāni soḷasa ca vissajjanāni niddiṭṭhāni. Tattha padhānabhūto paccayo samudayo, tassa nirodho **samudayanirodho**. Chando eva rāgo chandarāgo, dukkhe sukhasaññāya dukkhassa chandarāgo, tassa nirodho **chandarāganirodho**. Dukkhaṃ paṭicca uppajjamānaṃ sukhaṃ somanassaṃ **dukkhassa assādo**. Dukkhassa aniccatā dukkhassa vipariññāmadhammatā **dukkhassa ādīnava**. Dukkhe chandarāgavinayo chandarāgappahānaṃ **dukkhassa nissaraṇaṃ**. “Yaṃ kho pana kiñci bhūtaṃ saṅkhatam paṭiccasamuppannaṃ nirodho tassa nissaraṇa”nti (paṭi. ma. 1.24) vacanato nibbānameva dukkhassa nissaraṇaṃ. “Dukkhanirodho samudayanirodho chandarāganirodho dukkhassa nissaraṇa”nti nānasaṅkhatapaṭipakkhavasena nānāpariyāyavacanehi catūsu ṭhānesu nibbānameva vuttanti veditabbaṃ. Keci pana “āhārasamudayā dukkhasamudayo āhāranirodhā dukkhanirodho sarasavasena samudayanirodho, atha vā udayabbayadassanena samudayanirodho saha vipassanāya maggo chandarāganirodho”ti vadanti. Evaṅca vuccamāne lokuttarindriyānaṃ avipassanūpagattā na sabbasādhāraṇaṃ hotīti paṭhamam vuttanayova gahetabbo. Lokuttarindriyesu hi chandarāgābhāvatoyeva chandarāganirodhoti yujjati. Sarīre chandarāgeneva sarīrekadesesu kesādīsipi chandarāgo katova hoti, jarāmaṇavantesu chandarāgeneva jarāmaṇesupi chandarāgo katova hoti. Evaṃ assādādīnavāpi yojetabbā. Puna dukkhādīni jarāmaṇapariyantāni dviadhikāni dve padasatāni samudayādīhi chahi chahi padehi yojetvā dviadhikānaṃ dvinnaṃ satta kasatānaṃ vasena nayasahassaṅca cattāri ca satāni cuddasa ca vissajjanāni niddiṭṭhāni.

9. Idāni rūpādīni jarāmaṇapariyantāni ekādhikāni dve padasatāni sattahi anupassanāhi yojetvā niddisituṃ paṭhamam tāva aniccānupassanādayo satta anupassanā niddiṭṭhā. Tāni sabbāni sattahi suddhikaanupassanāvissajjanehi saddhiṃ sahassaṅca cattāri ca satāni cuddasa ca vissajjanāni honti. Aniccanti anupassanā **aniccānupassanā**. Sā niccasaññāpaṭipakkhā. Dukkanti anupassanā **dukkhānupassanā**. Sā sukhasaññāpaṭipakkhā. Anattāti anupassanā **anattānupassanā**. Sā attasaññāpaṭipakkhā. Tissannaṃ anupassanānaṃ paripūrattā nibbindatīti nibbidā, nibbidā ca sā anupassanā cāti **nibbidānupassanā**. Sā nandipaṭipakkhā. Catassannaṃ anupassanānaṃ paripūrattā virajjatīti virāgo, virāgo ca so anupassanā cāti **virāgānupassanā**. Sā rāgapaṭipakkhā. Pañcannaṃ anupassanānaṃ paripūrattā rāgaṃ nirodhetīti nirodho, nirodho ca so anupassanā cāti **nirodhānupassanā**. Sā samudayaṭipakkhā. Channaṃ anupassanānaṃ paripūrattā paṭinissajjatīti paṭinissaggo, paṭinissaggo ca so anupassanā cāti **paṭinissaggānupassanā**. Sā ādānapaṭipakkhā. Lokuttarindriyānaṃ asatīpi vipassanūpagatte “sabbe saṅkhārā aniccā, sabbe saṅkhārā dukkhā, sabbe dhammā anattā”ti (dha. pa. 277-279; paṭi. ma. 1.31) vacanato tesampi aniccadukkhānattattā tattha niccasukhattasaññānaṃ nandiyā rāgassa ca abhāvā nirodhavantānīti anupassanato pariccāgapaṭinissaggapakhandanapaṭinissaggasambhavato ca tehipi satta anupassanā yojitāti veditabbā. Jarāmaṇavantesu aniccādito diṭṭhesu jarāmaṇampi aniccādito diṭṭham nāma hoti, jarāmaṇavantesu nibbindanto virajjanto jarāmaṇe nibbinno ca viratto ca hoti, jarāmaṇavantesu nirodhato diṭṭhesu jarāmaṇampi nirodhato diṭṭham nāma hoti, jarāmaṇavantesu paṭinissajjanto jarāmaṇaṃ paṭinissajjantova hotīti jarāmaṇehi satta anupassanā yojitāti veditabbā.

10. Idāni ādīnavaññassa vatthubhūtānaṃ uppādādīnaṃ pañcannaṃ ārammaṇānaṃ vasena uppādādīni tesam vevacanāni pañcadasa vissajjanāni niddiṭṭhāni, santipadaññassa tappaṭipakkhārammaṇavasena anuppādādīni pañcadasa vissajjanāni niddiṭṭhāni, puna tāneva uppādānuppādādīni padāni yugaḷakavasena yojetvā tiṃsa vissajjanāni niddiṭṭhāni. Evaṃ imasmiṃ nayeve saṭṭhi vissajjanāni honti. Tattha **uppādoti** purimakammaṃ paccayā idha uppatti. **Pavattanti** tathāuppānassa pavatti. **Nimittanti** sabbampi saṅkhāranimittaṃ. Yogāvacarassa hi saṅkhārā sasaṅghānā viya upaṭṭhahanti, tasmā nimittanti vuccanti. **Āyūhanāti** āyatim paṭisandhihetubhūtaṃ kammaṃ. Tañhi abhisankharaṇaṭṭhena āyūhanāti vuccati.

Paṭisandhī āyatim uppatti. Sā hi bhavantarapaṭisandhānato paṭisandhī vuccati. **Gatī** yāya gatiyā sā paṭisandhi hoti. Sā hi gantabbato gatī vuccati. **Nibbattī** khandhānaṃ nibbattanaṃ. **Upapattī** “samāpannassa vā upapannassa vā”ti (paṭi. ma. 1.72) evaṃ vuttā vipākapavatti. **Jātī** jananaṃ. Tattha tattha nibbattamānānaṃ sattānaṃ ye ye khandhā pātubhavanti, tesam tesam paṭhamam pātubhāvo. **Jarātī** jīraṇaṃ. Sā duvidhā ṭhitaññathattalakkhaṇasaṅkhātā saṅkhatalakkhaṇaṇca khaṇḍiccādisammato santatiyaṃ ekabhavapariyāpannakhandhānaṃ purāṇabhāvo ca. Sā idha adhippetā. **Byādhī** dhātukkabhappaccayasamuṭṭhito pittasemhavātasannipātautuvipariṇāmavisamaparihāraupakkamakammavipākavasena aṭṭhavidho ābādhō. Vividham dukkham ādahati vidahatī byādhī, byādhayati tāpeti, kampayatī vā byādhī. **Maraṇanti** maranti etenāti maraṇaṃ. Tam duvidham vayalakkhaṇasaṅkhātā saṅkhatalakkhaṇaṇca ekabhavapariyāpannajīvitindriyappabandhavicchedo ca. Tam idha adhippetam.

Sokoti socanaṃ. Ñātibhogarogasīladiṭṭhibyasanehi phuṭṭhassa cittasantāpo. **Paridevoti** paridevanaṃ. Ñātibyasanādīhiyeva phuṭṭhassa vacīpalāpo. **Upāyāsoti** bhuso āyāso. Ñātibyasanādīhiyeva phuṭṭhassa adhimattacetodukkhappabhāvito dosoyeva. Ettha ca uppādādayo pañceva ādīnavañāṇassa vatthuvāsena vuttā, sesā tesam vevacanavasena. “Nibbattī”ti hi uppādassa, “jātī”ti paṭisandhiyā vevacanaṃ, “gati upapattī”ti idam dvayaṃ pavattassa, jarādayo nimittassāti. Anuppādādivacanehi pana nibbānameva vuttam.

Puna tāneva uppādānuppādādīni saṭṭhi padāni dukkhasukhapadehi yojetvā saṭṭhi vissajjanāni, bhayakhemapadehi yojetvā saṭṭhi vissajjanāni, sāmisanirāmisapadehi yojetvā saṭṭhi vissajjanāni, saṅkhāranibbānapadehi yojetvā saṭṭhi vissajjanāni niddiṭṭhāni. Tattha **dukkhanti** aniccattā dukkham. Dukkhaṭṭhapaṭṭhapaṭṭhato **sukham**. Yaṃ dukkham, tam **bhayaṃ**. Bhayaṭṭhapaṭṭhapaṭṭhato **khemam**. Yaṃ bhayaṃ, tam vaṭṭhāmisalokāmisehi avippamuttattā **sāmisam**. Sāmisapaṭṭhapaṭṭhato **nirāmisam**. Yaṃ sāmisam, tam saṅkhāramattameva. Saṅkhārapaṭṭhapaṭṭhato santattā **nibbānaṃ**. Saṅkhārā hi ādittā, nibbānaṃ santanti. Dukkhākārena bhayākārena sāmīkārena saṅkhārākārenāti evaṃ tena tena ākārena pavattim sandhāya tathā tathā vuttanti veditabbanti.

11. Pariggahaṭṭhādīni ekatiṃsa vissajjanāni ariyamaggakkhaṇavasena niddiṭṭhāni.

Ariyamaggasampayuttā hi dhammā ādito pabhuti uppādanattham pariggayhante iti pariggahā, tesam sabhāvo **pariggahaṭṭho**. Tesamyeva aññamaññaparivārabhāvena **parivāraṭṭho**. Bhāvanāpāripūrivāsena **paripūraṭṭho**. Tesamyeva samādhivasena ekārammaṇapariggahamapekkhitvā **ekaggaṭṭho**. Nānārammaṇavikkhepābhāvamapekkhitvā **avikkhepaṭṭho**. Vīriyavasena **paggaṭṭho**. Samādhivasena udakena nhānīyacuṇṇānaṃ viya avippakiṇṇatā **avisāraṭṭho**. Samādhiyogena alulitattā **anāvilatṭho**. Avikampitattā **aniñjanaṭṭho**. **Ekattupaṭṭhānavasenāti** samādhiyogena ca ekārammaṇe bhusam patiṭṭhānavasena ca. **Ṭhitatṭhoti** ārammaṇe niccalabhāvena patiṭṭhitatṭho. Tassa nibbānārammaṇassa ālambanabhāvena **ārammaṇatṭho**. Tattheva nikāmacārabhāvena **gocaraṭṭho**. Nissaraṇapahānabhāvena nibbānassa **pahānaṭṭho**. Kilesapariccāgavasena ariyamaggassa **pariccāgaṭṭho**. Dubhato vuṭṭhānavasena **vuṭṭhānaṭṭho**. Nimittapavattehi nivattanavasena **nivattanaṭṭho**. Nibbutattā **santaṭṭho**. Atappakattā uttamattā ca **paṇītaṭṭho**. Kilesehi vimuttattā, ārammaṇe ca adhimuttattā **vimuttaṭṭho**. Āsavānaṃ avisayabhāvena parisuddhattā **anāsavaṭṭho**. Kilesakantārasamsārakantārātikkamanena **taraṇatṭho**. Saṅkhāranimittābhāvena **animittaṭṭho**. Taṇhāpaṇidhiabhāvena **appaṇihitaṭṭho**. Attasārābhāvena **suññataṭṭho**. Vimuttirasena ekarasatāya, samathavipassanānaṃ ekarasatāya vā **ekarasatṭho**. Samathavipassanānaṃ aññamaññaṃ **anativattanaṭṭho**. Tesamyeva **yuganaddhaṭṭho**. Ariyamaggassa saṅkhārato niggamana **niyyānaṭṭho**. Nibbānasampāpanena **hetuṭṭho**. Nibbānapaccakkhakaṇaṇena **dassanaṭṭho**. Adhipatibhāvena **ādhipateyyatṭhoti**.

12. Samathādīni cattāri vissajjanāni samathavipassanāvasena niddiṭṭhāni. Aniccādivasena anu anu passanato **anupassanaṭṭho**. Yuganaddhassa samathavipassanādvayassa ekarasabhāvena **anativattanaṭṭho**. **Sikkhādīni** nava vissajjanāni ariyamaggassa ādimajjhapariyosānavasena niddiṭṭhāni. Sikkhitabbattā **sikkhā**. Tassā samādātābato **samādānaṭṭho**. Sīle patiṭṭhāya kammaṭṭhānavasena gahitassa ārammaṇassa bhāvanāpavattiṭṭhānattā gocaraṭṭhānattā ca **gocaraṭṭho**. Samathakāle vipassanākāle vā kosajjavasena

līnassa cittassa dhammavicayavīriyapītisambojjhaṅgabhāvanāvasena ussāhanaṭṭho **paggaḥaṭṭho**. Uddhaccavasena uddhatassa cittassa passaddhisamādhīupekkhāsambojjhaṅgabhāvanāvasena sannisīdāpanaṭṭho **niggaḥaṭṭho**. **Ubho visuddhānanti** ubhato visuddhānaṃ, līnuddhatapakkhato nivāretvā visuddhānaṃ cittānanti attho. Majjhīmaḥāve t̥hitānaṃ santativasena pavattamānānaṃ cittānaṃ vasena bahuvacanaṃ katanti vedītabbaṃ. Ussāhanasannisīdāpanesu sabyāpārābhāvo **ajjupekkhanaṭṭho**. Samappavattassa cittassa vasena bhāvanā **visesādhigamaṭṭho**. Ariyamaggapātubhāvavasena **uttaripaṭivedhaṭṭho**. Ariyamaggasiddhacatusaccapaṭivedhavasena **saccābhisamayaṭṭho**. Phalasaṃpattivasena nirodhe **paṭiṭṭhāpakaṭṭho**. Sā hi taṃsamaṅgipuggalaṃ nirodhasaṅkhāte nibbāne paṭiṭṭhāpeti.

Saddhindriyādāni pañca vissajjanāni indriyaṭṭhavasena vuttāni. **Adhimokkhaṭṭhoti** adhimuccanaṭṭho. **Upaṭṭhānaṭṭhoti** ārammaṇaṃ upecca paṭiṭṭhānaṭṭho. **Dassanaṭṭhoti** sabhāvapekkhanaṭṭho. **Saddhābalādāni** pañca vissajjanāni balaṭṭhavasena niddiṭṭhāni. Akampiyaṭṭhena saddhāva balanti **saddhābalaṃ**. **Assaddhiyeti** assaddhiyena. **Assaddhiyanti** ca saddhāpaṭipakkhabhūto cittuppādo. **Akampiyaṭṭhoti** akampetaṭṭho, kampaṭṭho na sakkāti attho. **Kosajjeti** kusītabhāvasaṅkhātena thīnamiddhena. **Pamādeti** satipaṭipakkhena cittuppādena. **Uddhacceti** avūpasamasāṅkhātena uddhaccena. **Avijjāyāti** mohena. **Satisambojjhaṅgādāni** satta vissajjanāni bojjaṅgaṭṭhavasena niddiṭṭhāni. Bujjhanakassa aṅgo bojjaṅgo. Pasattho sundaro ca bojjaṅgo sambojjhaṅgo, satiyeva sambojjhaṅgo **satisambojjhaṅgo**. Dhamme vicināṭṭi dhammavicayo. Paññāyetaṃ nāmaṃ. **Pavicayaṭṭhoti** vicāraṭṭho. Pīnayaṭṭi **pīti**. **Pharaṇaṭṭhoti** visaraṇaṭṭho. Passambhanaṃ **passaddhi**. **Upasamaṭṭhoti** niddarathaṭṭho. Upapattito ikkhatī **upekkhā**, samaṃ pekkhatī apakkhapatitāva hutvā pekkhatī attho. Sā idha tatramajjhātupekkhā, bojjaṅgupekkhātipi tassā nāmaṃ. Samavāhitalakkhaṇatā **paṭisaṅkhānaṭṭho**.

Sammādiṭṭhādāni aṭṭha vissajjanāni maggavasena niddiṭṭhāni. Sammā passati, sammā vā tāya passanti, pasatthā sundarā vā diṭṭhīti sammādiṭṭhī. Tassā **sammādiṭṭhiyā**. Sammā saṅkappeti, sammā vā tena saṅkappenti, pasattho sundaro vā saṅkappoti **sammāsaṅkappo**. **Abhiropanaṭṭhoti** cittassa ārammaṇāropanaṭṭho. Ārammaṇābhīropanaṭṭhotipi pāṭho. Sammā vadati, sammā vā tāya vadanti, pasatthā sundarā vā vācāti **sammāvācā**. Micchāvācāviratīyā etaṃ nāmaṃ. **Pariggahaṭṭhoti** catubbidhavaśīsaṃvarapariggahaṭṭho. Sammā karoti, sammā vā tena karonti, pasattham sundaram vā kammaṃ sammākammanam, sammākammanameva **sammākammanto**. Micchākammantaviratīyā etaṃ nāmaṃ. **Samuṭṭhānaṭṭhoti** tivīdhakāyasaṃvarasamuṭṭhānaṭṭho. Sammā ājīvati, sammā vā tena ājīvanti, pasattho sundaro vā ājīvoti **sammāājīvo**. Micchājīvaviratīyā etaṃ nāmaṃ. **Vodānaṭṭhoti** parisuddhaṭṭho. Sammā vāyamaṃti, sammā vā tena vāyamaṃti, pasattho sundaro vā vāyamaṃti **sammāvāyāmo**. Sammā sarati, sammā vā tāya saranti, pasatthā sundarā vā satīti **sammāsati**. Sammā samādhīyati, sammā vā tena samādhīyanti, pasattho sundaro vā samādhīti **sammāsamādhī**.

13. Indriyādāni dasa vissajjanāni rāsikatvā anupubbapaṭipāṭivasena niddiṭṭhāni. **Ādhipateyyaṭṭhoti** indaṭṭhakaraṇavasena adhipatiattho. **Akampiyaṭṭhoti** paṭipakkhehi kampaṭṭho asakkuṇeyyaṭṭho. **Niyyānaṭṭhoti** lokiyalokuttarānampi paṭipakkhato niggaṃanaṭṭho. **Hetuṭṭhoti** micchādiṭṭhādānaṃ pahānāya sammādiṭṭhādayo hetūti vā sabbepi sammādiṭṭhādayo nibbānasampāpakahetūti vā hetuṭṭho. Satipaṭṭhānesu ārammaṇesu okkhanditvā pakkhanditvā upaṭṭhānato upaṭṭhānaṃ, satiyeva upaṭṭhānaṃ **satipaṭṭhānaṃ**. Kāyavedanācittadhammesu panassā asubhadukkhāniccānattākāragahaṇavase subhasukhaniccattasaññāpahānakiccāsādhānavasena ca pavattito catudhā bhedo hoti. Etāni pubbabhāge nānācittesu labbhanti, maggakkhaṇe pana ekāyeva satī cattāri nāmāni labhati.

Sammappadhānesu padahanti etenāti padhānaṃ, sobhanaṃ padhānaṃ **sammappadhānaṃ**. Sammā vā padahanti etenāti sammappadhānaṃ, sobhanaṃ vā taṃ kilesavīrūpattavīrahato padhānaṃ hitasukhanippadhakattena seṭṭhabhāvāvahanato padhānabhāvākaraṇato vā sammappadhānaṃ. Vīriyasettaṃ adhivacanaṃ. Uppannānuppannānaṃ anuppannuppannānaṃ akusalakusalānaṃ dhammānaṃ pahānānuppatiuppādaṭṭhitikiccāsādhānavasena pavattito panassa catudhā bhedo hoti. Etānīpi pubbabhāge nānācittesu labbhanti, maggakkhaṇe pana ekameva vīriyaṃ cattāri nāmāni labhati.

Padahanaṭṭhoti ussāhanaṭṭho. Padhānaṭṭhotipi pāṭho, soyevattho.

Iddhipādānanti ettha chandavīriyacittavīmaṃsāsu ekeko ijjaṭṭi iddhi, samijjhati nipphajjati attho. Ijjhanti vā etāya sattā iddhā vuddhā ukkaṃsagatā hontīti iddhi, paṭhamenaṭṭhena iddhi eva pādo **iddhipādo**, iddhikoṭṭhāsoti attho. Dutiyenaṭṭhena iddhiyā pādoti iddhipādo. **Pādoti** patiṭṭhā, adhigamūpāyoti attho. Tena hi yasmā uparūpari visesasaṅkhātaṃ iddhiṃ pajjanti pāpuṇanti, tasmā pādoti vuccati. Ete chandādayo pubbabhāge adhipativasena nānācittesu labbhanti, maggakkhaṇe pana saheva labbhanti. **Ijjhanaṭṭho**ti nipphajjanaṭṭho patiṭṭhānaṭṭho vā. **Saccānanti** catunnaṃ ariyasaccānaṃ. **Tathaṭṭho**ti yathāsabhāvaṭṭho. Imāni aṭṭha vissajjanāni lokiyalokuttaramissakāni. **Payogānanti** catunnaṃ ariyamaggapayogānaṃ. **Paṭippassaddhaṭṭho**ti catunnaṃ ariyaphalānaṃ paṭippassaddhaṭṭho. Maggapayogo hi phalakkhaṇe paṭippassaddho hoti niṭṭhitakiccattā. Maggapayogānaṃ phalodayena paṭippassaddhabhāvo vā. **Phalānaṃ sacchikiriyāṭṭho**ti ariyaphalānaṃ paccavekkhaṇavasena paccakkhakarāṇaṭṭho. Āramaṇasacchikiriyā vuttā hoti, phalakkhaṇe paṭilābhasacchikiriyā vā. **Vitakkādīni** pañca vissajjanāni jhānaṅgavasena niddiṭṭhāni. Vitakkaṃ **vitakko**, ūhananti vuttaṃ hoti. Vicaraṇaṃ **vicāro**, anusaṅcaraṇanti vuttaṃ hoti. **Upavicāraṭṭho**ti anumajjanaṭṭho. **Abhisandanaṭṭho**ti temanaṭṭho samādhivasena cittassa ekaggaṭṭho.

Āvajjanādīni pañcadasa vissajjanāni pakiṇṇakavasena niddiṭṭhāni. Pañcadvāraṇanodvāresu bhavaṅgāramaṇato aññāramaṇe cittasantānaṃ namentānaṃ dvinnaṃ cittānaṃ **āvajjanaṭṭho**. Viññānaṃ **viñjanaṭṭho**. Paññāya **pajānaṭṭho**. Saññāya **sañjanaṭṭho**. Samādhissa **ekodaṭṭho**. Dutiyajjhānaṃ samādhī eko udeṭṭi **ekodīti** vuccati, vitakkavicārehi anajjhāruḥhattā aggo seṭṭho hutvā uppajjati attho. Seṭṭho hi loke ekoti vuccati. Vitakkavicāravirahito vā eko asahāyo hutvā udeṭṭipi vaṭṭati. Sabbopi vā kusalasamādhī nīvaraṇādīnaṃ uddhaccasseva vā paṭipakkhattā tehi anajjhāruḥhoti aggo hutvā udeṭṭi vā tehi virahitoti asahāyo hutvā udeṭṭi vā ekodīti yujjati. **Abhiññāya nātaṭṭho**ti nītapariññāya sabhāvajjanaṭṭho. **Pariññāya tīraṇaṭṭho**ti tīraṇapariññāya aniccādito upaparikkhaṇaṭṭho. **Pahānaṃ pariccāgaṭṭho**ti pahānapariññāya paṭipakkhapajjanaṭṭho. Samappavattāya **bhāvanāya ekarasaṭṭho**. **Phassaṇaṭṭho**ti phusaṇaṭṭho vīdanaṭṭho. Pīlābhāravahanādīnā **khandhaṭṭho**. Suññādīnā **dhātuṭṭho**. Sakasakamariyādāyatanādīnā **āyatanaṭṭho**. Paccayehi saṅgama katavasena **saṅkhataṭṭho**. Tabbiparītena **asaṅkhataṭṭho**.

14. Cittatṭhādīni pañcadasa vissajjanāni cittasambandhena niddiṭṭhāni. **Cittatṭho**ti ettha āramaṇaṃ cintetīti cittaṃ, vijānātīti attho. Yaṃ panettha javanaṃ hoti, taṃ javanavīthivasena attano santānaṃ cinotīti cittaṃ, yaṃ vipākaṃ hoti, taṃ kammakilesehi citantīti cittaṃ, sabbampi yathānurūpaṃ cittaṭṭhāya cittaṃ, cittaṅgānaṭṭhāya cittaṃ, yaṃ vaṭṭassa paccayo hoti, taṃ saṃsāradukkhaṃ cinotīti cittaṃ. Evaṃ āramaṇe cittaṭṭhādito **cittatṭho**. Cittuppādane phaluppādane vā nāssa antaramatthīti anantaraṃ, anantarassa bhāvo ānantariyaṃ, cittassa ānantariyaṃ cittānantariyaṃ, so **cittānantariyaṭṭho**. Arahato cuticittaṃ vajjetvā yassa kassaci samanantaraniruddhassa cittassa anantaracittuppādane samatthabhāvo maggacittassa anantaraṃ phaluppādane samatthabhāvoti adhippāyo. **Cittassa vuṭṭhānaṭṭho**ti gotrabhucittassa nimittato, maggacittassa nimittapavattato vuṭṭhānaṭṭho. **Cittassa vivaṭṭanaṭṭho**ti tasseva cittadvayassa yathāvuttato vuṭṭhitassa nibbāne vivaṭṭanaṭṭho. **Cittassa hetuṭṭho**ti cittassa hetupaccayabhūtānaṃ navannaṃ hetūnaṃ hetuṭṭho. **Cittassa paccayaṭṭho**ti cittassa vatthāramaṇādīnaṃ anekesaṃ paccayānaṃ paccayaṭṭho. **Cittassa vatthuṭṭho**ti cittassa vatthubhūtānaṃ cakkhusotagānaṃ vīhākāyahadayaṭṭhūnaṃ vatthuṭṭho. **Cittassa bhūmaṭṭho**ti cittassa uppattidesavasena kāmāvacarādibhūmiattho. **Cittassa āramaṇaṭṭho**ti rūpādīraṇaṭṭho. Paricitassāramaṇassa saṅcaraṇaṭṭhānaṭṭhena **gocaraṭṭho**. Upari vuttaviññānacariyāvasena **cariyaṭṭho**. Atha vā payogasamudācāraṭṭho cariyaṭṭho. Cittassa gamanābhāvepi dūrasantikāramaṇagahaṇavasena **gataṭṭho**. **Abhinīhāraṭṭho**ti gahitāramaṇato aññāramaṇamanasikāraṭṭhaṃ cittassa abhinīhāraṇaṭṭho. **Cittassa niyyānaṭṭho**ti maggacittassa vaṭṭato niyyānaṭṭho. ‘Nekkhammaṃ paṭiladdhassa kāmaccchandato cittaṃ nissaṭṭhaṃ hoti’ tiādīnā (paṭi. ma. 1.24, 191 thokaṃ visadisam) nayena **cittassa nissaraṇaṭṭho**.

15. Ekattādīni dvācattālīsa vissajjanāni ekattasambandhena niddiṭṭhāni. **Ekatteti** āramaṇekatte, ekāramaṇeti attho. Paṭhamajjhānavasena **pakkhandanaṭṭho**. Dutiyajjhānavasena **pasīdanaṭṭho**.

Tatiyajjhānavasena **santiṭṭhanaṭṭho**. Catutthajjhānavasena **muccanaṭṭho**. Paccavekkhaṇavasena etaṃ santanti **passanaṭṭho**. **Yānikataṭṭhā**dayo pañca samādhissa vasībhāvavisesā. **Yānikataṭṭhoti** yuttayānasadisakataṭṭho. **Vatthukataṭṭhoti** patiṭṭhaṭṭhena vatthu viya kataṭṭho. **Anuṭṭhitaṭṭhoti** paccupaṭṭhitaṭṭho. **Paricitaṭṭhoti** samantato citaṭṭho. **Susamāradhaṭṭhoti** suṭṭhu samāradhaṭṭho, sukataṭṭhoti attho. Āvajjanasamāpajjanaadhiṭṭhānavuṭṭhānapaccavekkhaṇavasitāvasena vā paṭipāṭiyā pañca padāni yojetabbāni. Kasiṇādiārammaṇabhāvanāya sikhāppattakāle cittacetāsikānaṃ **pariggahaparivāraparipūraṭṭho**. Tesameva sammā samāhitattā ekārammaṇe samosaraṇena **samodhānaṭṭho**. Tesameva balappattiyā ārammaṇaṃ abhibhavitvā patiṭṭhānavasena **adhiṭṭhānaṭṭho**. Samathassa vipassanāya vā ādito, ādarena vā sevanavasena **āsevanaṭṭho**. Vaḍḍhanavasena **bhāvanaṭṭho**. Punappunaṃ karaṇavasena **bahulīkammaṭṭho**. Bahulīkatassa suṭṭhu samuṭṭhitaṭṭhavasena **susamuggataṭṭho**. Susamuggatassa paccanīkehi suṭṭhu vimuttivasena ārammaṇe ca suṭṭhu adhimuttivasena **suvimuttaṭṭho**.

Bujjanaṭṭhādīni cattāri padāni bojjaṅgavasena vuttāni. **Sotāpattimaggabojjaṅgānaṃ** **bujjanaṭṭho**. Sakadāgāmimaggabojjaṅgānaṃ **anubujjanaṭṭho**. Anāgāmimaggabojjaṅgānaṃ **paṭibujjanaṭṭho**. Arahattamaggabojjaṅgānaṃ **sambujjanaṭṭho**. Vipassanābojjaṅgānaṃ vā bujjhanaṭṭho. Dassanamaggabojjaṅgānaṃ anubujjanaṭṭho. Bhāvanāmaggabojjaṅgānaṃ paṭibujjanaṭṭho. Phalabojjaṅgānaṃ sambujjanaṭṭho. Yathāvuttanayeneva bojjaṅgānaṃ tassa tassa puggalassa bodhanādikaraṇena bodhanaṭṭhādayo cattāro atthā veditabbā. Yathāvuttānaṃyeva bojjaṅgānaṃ bujjhanaṭṭhena “bodho”ti laddhanāmassa puggalassa pakkhe bhavattā bodhipakkhiyā nāma. Tesam yathāvuttānaṃyeva bodhipakkhiyaṭṭhādayo cattāro atthā veditabbā. Vipassanāpaññāvasena **jotanaṭṭho**. Kamato catumaggapaññāvasena **ujjotanānujjotanapaṭijjotanasañjotanaṭṭho**. Kamato catumaggapaññāvasena vā jotanaṭṭhādayo, phalapaññāvasena sañjotanaṭṭho veditabbo.

16. Patāpanaṭṭhādīni aṭṭhārasa vissajjanāni ariyamaggavasena niddiṭṭhāni. Ariyamaggo hi yassuppajjati, taṃ patāpeti pabhāseti virocāpetīti patāpano, tassa **patāpanaṭṭho**. Tasseva atipabhassarabhāvena sayam **virocanaṭṭho**. Kilesānaṃ visosanena **santāpanaṭṭho**. Amalanibbānārammaṇattā **amalaṭṭho**. Sampayuttamalābhāvena **vimalaṭṭho**. Ārammaṇakaraṇamalābhāve **nimmalaṭṭho**. Atha vā sotāpattimaggassa amalaṭṭho. Sakadāgāmianāgāmimaggānaṃ vimalaṭṭho. Arahattamaggassa nimmalaṭṭho. Atha vā sāvakaṃaggassa amalaṭṭho. Paccakabuddhamaggassa vimalaṭṭho. Sammāsambuddhamaggassa nimmalaṭṭho. Kilesavisamābhāvena **samaṭṭho**. “Sammā mānābhīsamayā”tiādīsu (ma. ni. 1.28; a. ni. 3.33; 5.200) viya kilesappahānaṭṭhena **samayaṭṭho**. Vikkhambhanatadaṅgasamucchedapaṭippassaddhinissaraṇasaṅkhātesu pañcasu vivekesu samucchedavivekattā **vivekaṭṭho**, vinābhāvaṭṭho. Nissaraṇaviveke nibbāne caraṇato **vivekacariyaṭṭho**. Pañcasu virāgesu samucchedavirāgattā **virāgaṭṭho**, virajjanaṭṭho. Nissaraṇavirāge nibbāne caraṇato **virāgacariyaṭṭho**. Pañcasu nirodhesu samucchedanirodhattā **nirodhaṭṭho**. Dukkhanirodhe nibbāne caraṇato **nirodhacariyaṭṭho**. Pariccāgapakkhandanavosaggattā **vosaggaṭṭho**. Ariyamaggo hi samucchedavasena kilesappahānato pariccāgavosaggo, ārammaṇakaraṇena nibbānapakkhandanato pakkhandanavosaggo ca. Vipassanā pana tadaṅgavasena kilesappahānato pariccāgavosaggo, tanninnabhāvena nibbānapakkhandanato pakkhandanavosaggo. Na so idha adhippeto. Vosaggabhāvena caraṇato **vosaggacariyaṭṭho**. Pañcasu vimuttīsu samucchedavimuttittā **vimuttaṭṭho**. Nissaraṇavimuttiyaṃ caraṇato **vimutticariyaṭṭho**.

Chandavīriyacittavīmaṃsāsāṅkhātesu catūsu iddhipādesu ekekaidhipādavasena dasa dasa katvā caturiddhipādavasena **chandaṭṭhādīni** cattālīsa vissajjanāni niddiṭṭhāni. Kattukamyataṭṭho **chandaṭṭho**. Chandaṃ sīsaṃ katvā bhāvanārambhakāle **mūlaṭṭho**. Sahajātānaṃ patiṭṭhābhāvena **pādaṭṭho**. Padaṭṭhoti vā pāṭho. Iddhipādattā adhipatibhāvena **padhānaṭṭho**. Payogakāle **ijjanaṭṭho**. Saddhāsampayogena **adhimokkhaṭṭho**. Vīriyasampayogena **paggaṭṭho**. Satisampayogena **upaṭṭhānaṭṭho**. Samādhisampayogena **avikkhepaṭṭho**. Paññāsampayogena **dassanaṭṭho**. Paggahaṭṭho **vīriyaṭṭho**. Vīriyaṃ sīsaṃ katvā bhāvanārambhakāle mūlaṭṭho. Sayam vīriyattā paggaṭṭho. Cintanaṭṭhādiko **cittaṭṭho**. Cittaṃ sīsaṃ katvā bhāvanārambhakāle mūlaṭṭho. Uparikkhanaṭṭho **vīmaṃsaṭṭho**. Vīmaṃsaṃ sīsaṃ katvā bhāvanārambhakāle mūlaṭṭho. Sayam vīmaṃsattā dassanaṭṭho.

17. Dukkhasa pīlanatthotiādīni soḷasa vissajjanāni saccānaṃ tathalakkhaṇavasena niddiṭṭhāni. Dukkhadassaneneva **pīlanattho**. Dukkḥāyūhanasamudayadassanena **saṅkhatattho**. Sabbakilesasantāpaharasuṭīlamaggadassanena **santāpattho**. Avipariṇāmadhammanirodhadassanena **vipariṇāmattho**. Samudayadassaneneva **āyūhanattho**. Samudayāyūhitadukkhadassanena **nidānattho**. Visaññogabhūtanirodhadassanena **saññogattho**. Niyyānabhūtamaggadassanena **palibodhattho**. Nirodhadassaneneva **nissaraṇattho**. Avivekabhūtasamudayadassanena **vivekattho**. Saṅkhatabhūtamaggadassanena **asaṅkhatattho**. Visabhūtadukkhadassanena **amatattho**. Maggadassaneneva **niyyānattho**. Nibbānasampattiyā ahetubhūtasamudayadassanena **hetuttho**. Sududdasanirodhadassanena **dassanattho**. Kapaṇajanasadisadukkhadassanena uḷarakulasadiso **ādhipateyyattho** pātubhavatīti. Evaṃ taṃtaṃsaccadassanena tadaññasaccadassanena ca ekekassa saccassa cattāro cattāro lakkhaṇatthā vuttā.

Tathatthādīni dvādasa vissajjanāni sabbadhammasaṅgāhakadvādasapadavasena niddiṭṭhāni. **Tathattho**ti yathāsabhāvattho. **Anattattho**ti attavirahitattho. **Saccattho**ti avisaṃvādanattho. **Paṭivedhattho**ti paṭivijjhitattho. **Abhijānanattho**ti abhijānitattho. **Parijānanattho**ti ñātātirāṇapariñāya parijānitattho. **Dhammattho**ti sabhāvadadhāraṇādiattho. **Dhātuttho**ti suññādiattho. **Ñātattho**ti jānituṃ sakkuṇeyyattho. **Sacchikiriyattho**ti sacchikātattho. **Phassanattho**ti ñāṇena phusitattho. **Abhisamayattho**ti paccavekkhaṇāñāṇena abhisammāgantattho, ñāṇena paṭilābhitattho vā. Paṭilābhopi hi “atthābhisamayā dhīro”tiādīsu (saṃ. ni. 1.130) viya abhisamayoti vuccati.

18. Nekkhammādīni satta vissajjanāni upacārajjhānavasena niddiṭṭhāni. **Nekkhammanti** kāmaccandassa paṭipakkho alobho. **Alokasaññā**ti thinamiddhassa paṭipakkhe ālokanimitte saññā. **Avikkhepo**ti uddhaccassa paṭipakkho samādhi. **Dhammavavatthānanti** vicikicchāya paṭipakkhaṃ ñāṇaṃ. **Ñānanti** avijjāya paṭipakkhaṃ ñāṇaṃ. **Pāmojjanti** aratipaṭipakkhā pīti. **Paṭhamajjhānā**dīni atthā vissajjanāni rūpārūpasamāpattivasena niddiṭṭhāni. Heṭṭhā pana rūpasamāpattiantaram rūpajjhānasambandhena cattāro brahmavihārā niddiṭṭhā.

Aniccānupassanādīni lokuttaramaggassa pubbabhāge atthārasamahāvīpassanāvasena niddiṭṭhāni. Heṭṭhā pana rūpādīhi yojanūpagā satta anupassanā eva vuttā, idha pana sabbāpi vuttā. Kalāpasammasanaudayabbayānupassanā kasmā na vuttāti ce? Tāsaṃ dvinnāṃ vasena aniccānupassanādīnaṃ sijjhanato imāsu vuttāsu tā dvepi vuttāva hontī, aniccānupassanādīhi vā vinā tāsaṃ dvinnāṃ appavattīto imāsu vuttāsu tā dvepi vuttāva hontī. **Khayānupassanā**ti paccuppanānaṃ rūpakhandhādīnaṃ bhaṅgadassanañāṇaṇca taṃtaṃkhandhabhaṅgadassanānantaram tadārammaṇacittacetāsikabhaṅgadassanañāṇaṇca. **Vayānupassanā**ti paccuppanānaṃ khandhānaṃ bhaṅgadassanānantaram tadanvayeneva atītānāgatakhandhānaṃ bhaṅgadassanañāṇaṇca. **Vipariṇāmānupassanā**ti tasmiṃ bhaṅgasāṅkhāte nirodhe adhimuttatā, atha sabbepi atītānāgatapaccuppanā khandhā vipariṇāmavantoti sabbesaṃ vipariṇāmadassanañāṇaṇca. **Animittānupassanā**ti evaṃ sabbasaṅkhārānaṃ vipariṇāmaṃ disvā aniccato vipassantassa aniccānupassanāva niccanimittapajahanavasena niccanimittābhāvā animittānupassanā nāma hoti. **Appaṇihitānupassanā**ti aniccānupassanānantaram pavattā dukkhānupassanāva sukhapatthanāpajahanavasena paṇidhiabhāvā appaṇihitānupassanā nāma hoti.

Suññātānupassanāti dukkhānupassanānantaram pavattā anattānupassanāva attābhinivesapajahanavasena attasuññātādassanato suññātānupassanā nāma hoti. **Adhipaññādharmavipassanā**ti evaṃ saṅkhārānaṃ bhaṅgaṃ passitvā passitvā aniccādito vipassantassa saṅkhārāva bhijjanti, saṅkhārānaṃ maraṇaṃ na añño koci atthīti bhaṅgavasena suññātaṃ gahetvā pavattā vipassanā. Sā hi adhipaññā ca dhammesu ca vipassanāti katvā adhipaññādharmavipassanāti vuccati. **Yathābhūtañāṇadassananti** bhaṅgaṃ disvā disvā “sabhayā saṅkhārā”ti pavattaṃ bhayatupaṭṭhānañāṇaṇca. **Ādīnavānupassanā**ti bhayatupaṭṭhānavasena uppannaṃ sabbabhavādīsu ādīnavadassanañāṇaṇca. “Yā ca bhayatupaṭṭhāne paññā yaṇca ādīnave ñāṇaṃ yā ca nibbidā, ime dhammā ekatthā, byañjanameva nāna”nti (paṭi. ma. 1.227) vacanato bhayatupaṭṭhānādīnavānupassanāsu vuttāsu

nibbidānupassanā idhāpi vuttāva hoti. Ādīto catuttham katvā vuttattā panidha na vuttā.

Paṭisaṅkhānupassanāti muñcitukamyatāññāvasena uppannaṃ muñcanassa upāyakaṇaṃ paṭisaṅkhānupassanāsaññitaṃ aniccadukkhānattānupassanāññāṃ. “Yā ca muñcitukamyatā yā ca paṭisaṅkhānupassanā yā ca saṅkhārupekkhā, ime dhammā ekatthā, byañjanaṃeva nāna”nti (paṭi. ma. 1.227) vacanato paṭisaṅkhānupassanāya vuttāya muñcitukamyatāsaṅkhārupekkhāññāni vuttāneva honti. **Vivaṭṭanānupassanā**ti anulomaññāvasena uppannaṃ gotrabhuññāṃ. Anulomaññāna gotrabhuññāssa sijjhanato gotrabhuññā vutte anulomaññāṃ vuttameva hoti. Evañhi aṭṭhārasannaṃ mahāvīpassanānaṃ paṭipāṭi vuccamānā pāḷiyā sameti. Vuttañhi indriyakathāyaṃ –

“Pubbabhāge pañcahindriyehi paṭhamajjhānavasena pañcīndriyāni nissaṭāni honti, paṭhame jhāne pañcahindriyehi dutiyajjhānavasena pañcīndriyāni nissaṭāni hontī”ti (paṭi. ma. 1.192) –

Ādinā nayena yāva arahattaphalā uttaruttaripaṭipāṭiyā indriyāni vuttāni. Tasmā aṭṭhārasa mahāvīpassanā yathāvuttakkamena pāḷiyā yujjanti. Visuddhimagge pana –

“Khayānupassanāti ghanavinibbhogaṃ katvā aniccaṃ khayaṭṭhenāti evaṃ khayāṃ passato ñāṇaṃ. Vipariṇāmānupassanāti rūpasattakaarūpasattakādivasena taṃ taṃ paricchedaṃ atikkamma aññathā pavattidassanaṃ. Uppannassa vā jarāya ceva maraṇena ca dvīhākārehi vipariṇāmadassanaṃ. Yathābhūtaññānadassananti sapaccayanāmarūpapariggaho”ti (visuddhi. 2.850) –

Vuttaṃ. Taṃ tāya pāḷiyā viruddhaṃ viya dissati. Vivaṭṭanānupassanāti saṅkhārupekkhā ceva anulomañcāti vuttaṃ. Tañca pāḷiyā viruddhaṃ viya dissati. Cariyākathāyañhi –

“Aniccānupassanattāya āvajjanakiriyābyākātā viññānacariyā. Aniccānupassanā ñāṇacariyā...pe... paṭisaṅkhānupassanattāya āvajjanakiriyābyākātā viññānacariyā. Paṭisaṅkhānupassanā ñāṇacariyā”ti (paṭi. ma. 1.71) –

Yassa yassa ñāṇassa visuṃ visuṃ āvajjanaṃ labbhati, tassa tassa visuṃ visuṃ āvajjanaṃ vuttaṃ. Vivaṭṭanānupassanāya pana āvajjanaṃ avatvāva “vivaṭṭanānupassanā ñāṇacariyā”ti vuttaṃ. Yadi saṅkhārupekkhānulanomaññāni vivaṭṭanānupassanā nāma siyuṃ, tadāvajjanasambhavā tadattāya ca āvajjanaṃ vadeyya, na ca tadattāya āvajjanaṃ vuttaṃ. Gotrabhuññāssa pana visuṃ āvajjanaṃ natthi anulomāvajjanavīthiyaṃeva uppattito. Tasmā vivaṭṭanānupassanattāya āvajjanassa avuttattā gotrabhuññāneva “vivaṭṭanānupassanā”ti yujjati.

19. Sotāpattimaggadīni aṭṭha vissajjanāni lokuttaramaggaphalavasena niddiṭṭhāni. Sotassa āpajjanaṃ sotāpatti, sotāpatti eva maggo **sotāpattimaggo**. Sotāpattiyā phalaṃ sotāpattiphalaṃ, samāpajjīyatīti samāpatti, sotāpattiphalaṃeva samāpatti **sotāpattiphalasamāpatti**. Paṭisandhivasena sakīmyeva imaṃ lokaṃ āgacchatīti sakadāgāmī, tassa maggo **sakadāgāmimaggo**. Sakadāgāmissa phalaṃ **sakadāgāmiphalaṃ**. Paṭisandhivaseneva kāmabhavaṃ na āgacchatīti anāgāmī, tassa maggo **anāgāmimaggo**. Anāgāmissa phalaṃ **anāgāmiphalaṃ**. Kilesehi ārakattā, kilesārīnaṃ hatattā, saṃsāracakkassa arānaṃ hatattā, pāpakaraṇe rahābhavā, paccayādīnaṃ arahattā arahāṃ, arahato bhāvo arahattaṃ. Kiṃ taṃ? Arahattaphalaṃ. Arahattassa maggo **arahattamaggo**. Arahattameva phalaṃ **arahattaphalaṃ**.

“Adhimokkhaṭṭhena saddhindriya”ntiādīni “tathaṭṭhena saccā”tipariyantāni tettiṃsa vissajjanāni niddiṭṭhāni. Heṭṭhā “saddhindriyassa adhimokkhaṭṭho”tiādīhi tettiṃsāya vissajjanehi samānāni. Kevalañhi tattha dhammehi atthā niddiṭṭhā, idha atthehi dhammā niddiṭṭhāti ayaṃ viseso. “Avikkhepaṭṭhena samatho”tiādīnañca catunnaṃ vissajjanānaṃ heṭṭhā “samathassa avikkhepaṭṭho”tiādīnañca catunnaṃ vissajjanānaṃ viseso vuttanayeneva vedītabbo.

Samvaraṭṭhenātiādīni aṭṭha vissajjanāni silādībalapariyosānadhammavasena niddiṭṭhāni.

Sīlavisuddhī suparisuddhapātīmokkhasaṃvarādicatubbidhaṃ sīlaṃ dussīlyamalavisodhanato. **Cittavisuddhī** saupacārā aṭṭha samāpattiyo. Cittasīsenā hettha samādhī vutto. So cittalavivisodhanato cittavisuddhi. **Diṭṭhivissuddhī** nāmarūpānaṃ yathāsabhāvadassanaṃ sattadiṭṭhimalavisodhanato diṭṭhivissuddhi. **Muttaṭṭhenāti** tadaṅgavasena upakkilesato vimuttaṭṭhena ārammaṇe ca adhimuttaṭṭhena. **Vimokkhoti** tadaṅgavimokkho. **Paṭivedhaṭṭhena vijjāti** pubbenivāsānussatiñānaṃ purimabhavapaṭivedhaṭṭhena vijjā, dibbacakkhuñānaṃ sattānaṃ cutūpapātaṭṭhena vijjā, āsavānaṃ khaye ñānaṃ saccapaṭivedhaṭṭhena vijjā. **Paṭivedhaṭṭhenāti** jānanaṭṭhena. **Pariccāgaṭṭhena vimuttīti** yaṃ yaṃ pariccattaṃ, tato tato vimuttattā phalavimutti. **Samucchedaṭṭhena khaye ñānanti** kilesasamucchindanathena kilesakkhayakare ariyamagge ñānaṃ. **Paṭippassaddhaṭṭhena anuppāde ñānanti** maggakiccaśākhātapayogaṭṭhena paṭisandhivasena anuppādabhūte taṃtaṃmaggaṭṭhena anuppādapariyosāne uppanne ariyaphale ñānaṃ.

20. Chando mūlaṭṭhenātiādāni nava vissajjanāni ariyamaggassa ādimajjhapariyosānavasena niddiṭṭhāni. **Chando mūlaṭṭhenāti** kusalānaṃ dhammānaṃ kattukamyatāchando paṭipattiyaṃ ca nipphattiyā ca mūlattā mūlaṭṭhena. **Manasikāro samuṭṭhānaṭṭhenāti** yonisomanasikāro sabbakusaladhamme samuṭṭhāpeṭīti samuṭṭhānaṭṭhena. **Phasso samodhānaṭṭhenāti** yasmā taṇhāya viśesena vedanā padhānakāraṇaṃ, taṇhā ca pahīyamānā viśesena vedanāya pariññātāya pahīyati, tassā ca vedanāya phasso padhānakāraṇaṃ, tasmim pariññāte vedanā pariññātā hoti, tasmā sattu abhiññeyyavattūsu phasso paṭhamam vutto. So ca tikaśānīpātasākhātassa attano kāraṇassa vasena paveditattā “tikaśānīpātapaccupaṭṭhāno”ti vuttattā samodhānaṭṭhena abhiññeyyo. Keci pana “ñānaphasso phasso”ti vadanti.

Yasmā pana vedanā cittacetāsike attano vāse vattāpayamānā tattha samosarati pavisati, cittasāntānameva vā pavisati, tasmā **samosaraṇaṭṭhena abhiññeyyāti** vuttā. Keci pana “sabbānīpi pariññeyyāni vedanāsu samosaranti, vedanāsu pariññātāsu sabbam taṇhāvattu pariññātam hoti. Taṃ kissa hetu? Vedanāpaccayā hi sabbāpi taṇhā. Tasmā vedanā samosaraṇaṭṭhena abhiññeyyā”ti vadanti. Yasmā sabbagopānasīnaṃ ābandhanato kūṭāgāraṇṇikā viya cittacetāsikānaṃ sampiṇḍanato samādhī kusalānaṃ dhammānaṃ pamukho hoti jeṭṭhako, tasmā **samādhī pamukhaṭṭhenāti** vuttam. Pāmukhaṭṭhenātipi pāṭho. Yasmā samathavipassanaṃ bhāventassa ārammaṇūpaṭṭhānādhipati hoti sati, satiyā upaṭṭhite ārammaṇe sabbepi kusalā dhammā sakaṃ sakaṃ kiccaṃ sādheti, tasmā **sati ādhipateyyaṭṭhenāti** vuttam. **Paññā taduttaraṭṭhenāti** ariyamaggapaññā tesam kusalānaṃ dhammānaṃ uttaraṭṭhena seṭṭhaṭṭhena abhiññeyyā. Atha vā tato kilesehi, saṃsāraṇaṭṭhato vā uttaraṭṭhena samatikkamāṭīti taduttarā, tassā attho taduttaraṭṭho. Tena **taduttaraṭṭhena**. Tatuttaraṭṭhenātipi pāṭho, tato uttaraṭṭhenāti attho. **Vimutti sāraṭṭhenāti** phalavimutti aparīhānivasena thirattā sāro, taṃ atikkamītvā aññassa pariyesitabbassa abhāvatoṭī sāro. Sā vimutti tena sāraṭṭhena abhiññeyyā. **Amatogadham nibbānanti** natthi etassa maraṇasaṃkhātā matanti amataṃ, kilesavisaṭṭhānaṭṭhena agadantīpi amataṃ, sacchikiriyāya sattānaṃ paṭiṭṭhābhūtantī ogadham, saṃsāradukkhasantibhūtantī nibbutanti nibbānaṃ, natthettha taṇhāsaṃkhātā vānantīpi nibbānaṃ. Taṃ sāsanaṃ niṭṭhābhūtantī **pariyosānaṭṭhena abhiññeyyam**. Evaṃ imasmim abhiññeyyaniddese sattasahassāni sattasatāni cattālīsaṃca vissajjanāni honti.

Idāni tesam evam niddiṭṭhānaṃ dhammānaṃ “ye ye dhammā abhiññātā, te te dhammā ñātā hontī”ti nigamaṇaṃ karotī, tassa abhimukhaṃ katvā ñātā hontīti adhippāyo. **Taṃñātaṭṭhena ñānanti** tesam vuttapakāraṇaṃ dhammānaṃ jānanaṭṭhena ñānaṃ. **Pajānanaṭṭhena paññāti** pakārato jānanaṭṭhena paññā. **Tena vuccatīti**ādito pucchitapucchā nigamētvā dassitā. Tena kāraṇena “ime dhammā abhiññeyyāti sotāvadhānaṃ, taṃpajānanā paññā sutamaye ñāna”ntī vuccatīti atthoti.

Saddhammapakāsiniyā paṭisambhidāmaggaṭṭhakathāya

Abhiññeyyaniddesavaṇṇanā niṭṭhitā.

Pariññeyyaniddesavaṇṇanā

21. Pariññeyyaniddese kiñcāpi pariññāsaddena ñātapariññā, tīraṇapariññā, pahānapariññāti tisso pariññā saṅgahitā. Heṭṭhā “abhiññeyyā”ti ñātapariññāya vuttattā upari “pahātabbā”ti pahānapariññāya vuttattā tīraṇapariññāva idha adhippetā. **Phasso sāsavo upādāniyoti** āsavānañceva upādānānañca paccayabhūto tebhūmakaphasso. Sopi hi attānaṃ ārammaṇaṃ katvā pavattamānehi saha āsavehīti sāsavo, ārammaṇabhāvaṃ upagantvā upādānasambandhanena upādānaṃ hitoti upādāniyo. Yasmā phasse tīraṇapariññāya pariññāte phassamukhena sesāpi arūpadhammā tadanusārena ca rūpadhammā pariññāyanti, tasmā ekova phasso vutto. Evaṃ sesesupi yathāyogaṃ yojetabbaṃ.

Nāmanti cattāro khandhā arūpino nibbānañca. **Rūpanti** cattāri ca mahābhūtāni catunnañca mahābhūtānaṃ upādāyarūpāni catuvīsati. Cattāro khandhā namaṇaṭṭhena nāmaṃ. Te hi ārammaṇābhimukhā namanti. Sabbampi nāmaṇaṭṭhena nāmaṃ. Cattāro hi khandhā ārammaṇe aññamaññaṃ nāmenti, nibbānaṃ ārammaṇādhipatipaccayatāya attani anavajjadhamme nāmeti. Santativasena sītādīhi ruppanaṭṭhena rūpaṃ. **Ruppanaṭṭhenāti** kuppanaṭṭhena. Santativipariñāmasena hi sītādīhi ghaṭṭanīyaṃ dhammajātaṃ rūpanti vuccati. Idha pana nāmanti lokikameva adhippetāṃ, rūpaṃ pana ekantena lokikameva.

Tisso vedanāti sukhā vedanā, dukkhā vedanā, adukkhamasukhā vedanā. Tā lokikā eva. **Āharāti** paccayā. Paccayā hi attano phalaṃ āharatīti āhārā. Kabaḷīkāro āhāro phassāhāro manosañcetanāhāro viññāṇāhāroti cattāro. Vatthivasena kabaḷīkātabbattā kabaḷīkāro, ajjhoharitabbattā āhāro. Odanakummāsādivatthukāya ojāyetaṃ nāmaṃ. Sā hi ojaṭṭhamakarūpāni āharatīti āhāro. Cakkhusamphassādiko chabbidho phasso tisso vedanā āharatīti āhāro. Manaso sañcetanā, na sattassāti manosañcetanā yathā cittekaggatā. Manasā vā sampayuttā sañcetanā manosañcetanā yathā ājaññaratho. Tebhūmakakusalākusalacetanā. Sā hi tayo bhava āharatīti āhāro. **Viññāṇanti** ekūnavīsati bhedaṃ paṭisandhiviññānaṃ. Tañhi paṭisandhināmarūpaṃ āharatīti āhāro. **Upādānakkhandhāti** upādānagocarā khandhā, majjhapadalopo daṭṭhabbo. Upādānasambhūtā vā khandhā upādānakkhandhā yathā tiṇaggi thusaggi. Upādānavidheyyā vā khandhā upādānakkhandhā yathā rājapuriso. Upādānappabhavā vā khandhā upādānakkhandhā yathā puppharukkho phalarukkho. Upādānāni pana kāmupādānaṃ diṭṭhupādānaṃ sīlabbatupādānaṃ attavādupādānanti cattāri. Atthato pana bhusaṃ ādānanti upādānaṃ. Rūpupādānakkhandho, vedanupādānakkhandho, saññupādānakkhandho, saṅkhārupādānakkhandho, viññāṇupādānakkhandhoti pañca.

Cha ajjhattikāni āyatanāniti cakkhāyatanāṃ, sotāyatanāṃ, ghānāyatanāṃ, jivhāyatanāṃ, kāyāyatanāṃ, manāyatanāṃ.

Satta viññāṇaṭṭhitiyoti katamā satta? Vuttañhetāṃ bhagavatā –

“Santi, bhikkhave (a. ni. 7.44; dī. ni. 3.332), sattā nānattakāyā nānattasaññino. Seyyathāpi manussā ekacce ca devā ekacce ca vinipātikā. Ayaṃ paṭhamā viññāṇaṭṭhiti.

“Santi, bhikkhave, sattā nānattakāyā ekattasaññino. Seyyathāpi devā brahmakāyikā paṭhamābhiniḍḍattā. Ayaṃ dutiyā viññāṇaṭṭhiti.

“Santi, bhikkhave, sattā ekattakāyā nānattasaññino. Seyyathāpi devā ābhassarā. Ayaṃ tatiyā viññāṇaṭṭhiti.

“Santi, bhikkhave, sattā ekattakāyā ekattasaññino. Seyyathāpi devā subhakiṇhā. Ayaṃ catutthā viññāṇaṭṭhiti.

“Santi, bhikkhave, sattā sabbaso rūpasaññānaṃ samatikkamā paṭighasaññānaṃ atthaṅgamā nānattasaññānaṃ amanasikārā ‘ananto ākāso’ti ākāśānañcāyatanūpagā. Ayaṃ pañcamī viññāṇaṭṭhiti.

“Santi, bhikkhave, sattā sabbaso ākāsānañcāyatanam samatikkamma ‘anantaṃ viññāṇa’nti viññāṇañcāyatanūpagā. Ayaṃ chaṭṭhā viññāṇaṭṭhiti.

“Santi, bhikkhave, sattā sabbaso viññāṇañcāyatanam samatikkamma ‘natthi kiñcī’ti ākiñcaññāyatanūpagā. Ayaṃ sattamī viññāṇaṭṭhiti. Imā kho, bhikkhave, satta viññāṇaṭṭhitiyo’”ti (a. ni. 7.44; dī. ni. 3.332).

Viññāṇaṭṭhitiyo paṭisandhiviññāṇassa ṭhānāni saviññāṇakā khandhā eva. Tattha **seyyathāpī** nidassanatto nipāto. **Manussāti** aparimāṇesupi cakkavālesu aparimāṇānaṃ manussānaṃ vaṇṇasaṅghānādivasena dvepi ekasadisā natthi. Yepi vaṇṇena vā saṅghānena vā sadisā honti, tepi ālokitavilokitādīhi visadisāva honti, tasmā **nānattakāyāti** vuttā. Paṭisandhisaññā pana nesam tihetukāpi duhetukāpi ahētukāpi hoti, tasmā **nānattasaññinoti** vuttā. **Ekacce ca devāti** cha kāmāvacaradevā. Tesu hi kesañci kāyo nīlo hoti, kesañci pītakādivaṇṇo, saññā pana nesam tihetukāpi duhetukāpi hoti, ahētukā na hoti. **Ekacce ca vinipātikāti** catuapāyavinimuttā punabbasumātā yakkhinī, piyaṅkaramātā, phussamittā, dhammaguttāti evamādayo aññe ca vemānikā petā. Etesañhi odātakāḷamaṅguracchavisāmavaṇṇādivasena ceva kisathūlarassadīghavasena ca kāyo nānā hoti, manussānaṃ viya tihetukadvihetukāhetukavasena saññāpi. Te pana devā viya na mahesakkhā, kapaṇamanussā viya appesakkhā dullabhaghāsacchādanā dukkhapīṭitā viharanti. Ekacce kāḷapakkhe dukkhitā juṅhapakkhe sukhitā honti, tasmā sukhasamussayato vinipatitattā **vinipātikāti** vuttā. Ye panettha tihetukā, tesam dhammābhisamayopi hoti piyaṅkaramātādīnaṃ viya.

Brahmakāyikāti brahmapārisajjabrahmapurohitamahābrahmāno. **Paṭhamābhinibbattāti** te sabbe pi paṭhamajjhānena nibbattā. Brahmapārisajjā pana parittena, brahmapurohitā majjhimena, kāyo ca tesam vipphārikataro hoti. Mahābrahmāno paṇītena, kāyo pana nesam ativipphārikataro hoti. Iti te kāyassa nānattā, paṭhamajjhānavasena saññāya ekattā **nānattakāyā ekattasaññinoti** vuttā. Yathā ca te, evaṃ catūsu apāyesu sattā. Nirayesu hi kesañci gāvutaṃ, kesañci aḍḍhayaṇaṃ, kesañci tigāvutaṃ atabhāvo hoti, devadattassa pana yojanasatiko jāto. Tiracchānesupi keci khuddakā honti, keci mahantā. Pettivisayesupi keci saṭṭhihatthā keci asītihatthā honti keci suvaṇṇā keci dubbaṇṇā. Tathā kālakañcīkā asurā. Apicettha dīghapīṭhikā petā nāma saṭṭhiyojanikāpi honti, saññā pana sabbesampi akusalavipākāhetukāva hoti. Iti apāyikāpi “nānattakāyā ekattasaññino”ti saṅkhaṃ gacchanti.

Ābhassarāti daṇḍaukkāya acci viya etesaṃ sarīrato ābhā chijjivā chijjivā patantī viya sarati visaratīti ābhassarā. Tesu pañcakanaye dutiyatatiyajjhānadvayaṃ parittaṃ bhāvetvā uppannā **parittābhā** nāma honti, majjhimaṃ bhāvetvā uppannā **appamāṇābhā** nāma honti, paṇītaṃ bhāvetvā uppannā **ābhassarā** nāma honti. Idha pana ukkaṭṭhaparicchedavasena sabbeva te gahitā. Sabbesañhi tesam kāyo ekavipphārova hoti, saññā pana avitakkavicāramattā ca avitakkaavicārā cāti nānā.

Subhakiṇhāti subhena vokiṇṇā vikiṇṇā, subhena sarīrapabhāvaṇṇena ekagghanāti attho. Etesañhi na ābhassarānaṃ viya chijjivā chijjivā pabhā gacchatīti. Catukkanaye tatiyassa, pañcakanaye catutthassa parittamajjhimaṃ paṇītaṃ jhānassavasena **parittasubhaappamāṇasubhasubhakiṇhā** nāma hutvā nibbattanti. Iti sabbe pi te **ekattakāyā** ceva catutthajjhānasaññāya **ekattasaññino** cāti veditabbā. **Vehapphalāpi** catutthaviññāṇaṭṭhitimeva bhajanti. **Asaññasattā** viññāṇābhāvā ettha saṅgahaṃ na gacchanti, sattāvāsesu gacchanti.

Suddhāvāsā vivaṭṭapakkhe ṭhitā na sabbakālikā, kappasatasahassampi asaṅkhyeyampi buddhasuññe loke na uppajjanti, soḷasakappasahassabbhantare buddhesu uppannesuyeva uppajjanti, dhammacakkappavattassa bhagavato khandhāvārasadisā honti, tasmā neva viññāṇaṭṭhitim, na ca sattāvāsaṃ bhajanti. Mahāsīvatthero pana – “na kho pana so, sārīputta, sattāvāso sulabharūpo, yo mayā anāvutthapubbo iminā dīghena addhunā aññatra suddhāvāsehi devehi”ti (ma. ni. 1.160) iminā suttana suddhāvāsāpi catutthaṃ viññāṇaṭṭhitim catutthaṃ sattāvāsañca bhajantīti vadati, taṃ appaṭibāhitattā suttassa anuññātaṃ.

Nevasaññānāsaññāyatanam yatheva saññāya, evam viññāṇassāpi sukhumattā nevaviññāṇam nāviññāṇam, tasmā viññāṇaṭṭhitisu na vuttam.

Aṭṭha lokadhammāti lābho, alābho, yaso, ayaso, nindā, pasamsā, sukham, dukkhanti ime aṭṭha lokappavattiyā sati anuparamadhammakattā lokassa dhammāti lokadhammā. Etehi mutto satto nāma natthi, buddhānampi hontiyeva. Yathāha –

“Aṭṭhime, bhikkhave, lokadhammā lokam anuparivattanti, loko ca aṭṭha lokadhamme anuparivattati. Katame aṭṭha? Lābho ca alābho ca yaso ca ayaso ca nindā ca pasamsā ca sukhañca dukkhañca. Ime kho, bhikkhave, aṭṭha lokadhammā lokam anuparivattanti, loko ca ime aṭṭha lokadhamme anuparivattati”ti (a. ni. 8.6).

Tattha **anuparivattantī**ti anubandhanti nappajahanti, lokato na nivattantīti attho. **Lābhoti** pabbajitassa cīvarādi, gahaṭṭhassa dhanadhaññādi lābho. Soyeva alabbhamāno lābho **alābho**. Na lābho alābhoti vuccamāne atthābhāvāpattito pariññeyyo na siyā. **Yasoti** parivāro. Soyeva alabbhamānā yaso **ayaso**. **Nindā**ti avaṇṇabhaṇanam. **Pasamsā**ti vaṇṇabhaṇanam. **Sukhanti** kāmāvacarānam kāyikacetasiyam. **Dukkhanti** puthujjanasotāpannasakadāgāmīnam kāyikacetasiyam, anāgāmiarahantānam kāyikameva.

Nava sattāvāsāti sattānam āvāsā, vasanaṭṭhānānīti attho. Tāni pana tathāpakāsītā khandhā eva. Katame nava? Vuttañhetam bhagavatā –

“Navayime, bhikkhave (a. ni. 9.24; dī. ni. 3.341), sattāvāsā. Katame nava? Santi, bhikkhave, sattā nānattakāyā nānattasaññino, seyyathāpi manussā ekacce ca devā ekacce ca vinipātikā. Ayaṃ paṭhamo sattāvāso.

“Santi, bhikkhave, sattā nānattakāyā ekattasaññino, seyyathāpi devā brahmakāyikā paṭhamābhiniḥbattā. Ayaṃ dutiyo sattāvāso.

“Santi, bhikkhave, sattā ekattakāyā nānattasaññino, seyyathāpi devā ābhassarā. Ayaṃ tatiyo sattāvāso.

“Santi, bhikkhave, sattā ekattakāyā ekattasaññino, seyyathāpi devā subhakiṇhā. Ayaṃ catuttho sattāvāso.

“Santi, bhikkhave, sattā asaññino appaṭisaṃvedino, seyyathāpi devā asaññasattā. Ayaṃ pañcamao sattāvāso.

“Santi, bhikkhave, sattā sabbaso rūpasaññānam samatikkamā paṭighasaññānam atthaṅgamā nānattasaññānam amanasikārā ‘ananto ākāso’ti ākāsañcāyatanūpagā. Ayaṃ chaṭṭho sattāvāso.

“Santi, bhikkhave, sattā sabbaso ākāsañcāyatanam samatikkamma ‘anantaṃ viññāṇa’nti viññāṇañcāyatanūpagā. Ayaṃ sattamo sattāvāso.

“Santi, bhikkhave, sattā sabbaso viññāṇañcāyatanam samatikkamma ‘natthi kiñcī’ti ākiñcaññāyatanūpagā. Ayaṃ aṭṭhamo sattāvāso.

“Santi, bhikkhave, sattā sabbaso ākiñcaññāyatanam samatikkamma nevasaññānāsaññāyatanūpagā. Ayaṃ navamo sattāvāso. Ime kho, bhikkhave, nava sattāvāsā”ti (a. ni. 9.24; dī. ni. 3.341).

Dasāyatanānīti cakkhāyatanam rūpāyatanam sotāyatanam saddāyatanam ghāṇāyatanam

gandhāyatanam jivhāyatanam rasāyatanam kāyāyatanam phoṭṭhabbāyatananti evaṃ dasa. Manāyatanadhammāyatanāni pana lokuttaramissakattā na gahitāni. Imesu dasasu vissajjanesu vipassanāvasena tīraṇapariññā vuttā, ‘‘sabbam, bhikkhave, pariññeyya’’ntiādīsu pana anaññātaññassāmītindriyādīnam tiṇṇam, nirodhapaṭipadānam sacchikiriyābhāvanaṭṭhānam tesamyeva paṭivedhaṭṭhānam dukkhādīnam nissaraṇassa anuppādādīnam pañcadasannam, pariggahaṭṭhādīnam ekatimsāya, uttariṇapaṭivedhaṭṭhādīnam tiṇṇam, maggaṅgānam aṭṭhannam, ‘‘payogānam paṭippassaddhaṭṭho’’tiādīnam dvinnam, asaṅkhataṭṭhassa vuṭṭhānaṭṭhādīnam dvinnam, niyyānaṭṭhassa anubujjanaṭṭhādīnam tiṇṇam, anubodhanaṭṭhādīnam tiṇṇam, anubodhapakkhiyādīnam tiṇṇam, ujjotanaṭṭhādīnam catunnam, patāpanaṭṭhādīnam aṭṭhārasannam, vivaṭṭanānupassanādīnam navannam, khayeñānauppādeñānānam paññāvimuttinibbānānanti imesaṃ dhammānam paṭilābhavasena tīraṇapariññā vuttā, sesānam yathāyogaṃ vipassanāvasena ca paṭilābhavasena ca tīraṇapariññā vuttāti vedītabbā.

Yesam yesam dhammānam paṭilābhatthāya vāyamantassa, te te dhammā paṭiladdhā honti. Evaṃ te dhammā pariññātā ceva honti tīritā cāti hi kiccasaṃāpanaṭṭhena tīraṇapariññā vuttā. Kicce hi samāpīte te dhammā paṭiladdhā hontīti. Keci pana ‘‘avipassanūpagānam ñātapariññā’’ti vadanti. Abhiññeyyena ñātapariññāya vuttattā taṃ na sundaraṃ. **Pariññātā ceva honti tīritā cāti** te paṭiladdhā eva dhammā pariññātā ca nāma honti, tīritā ca nāmāti attho. Evaṃ kiccasaṃāpanatthavasena pariññātatto vutto hoti.

22. Idāni tamevatthaṃ ekekaḍḍhamme paṭilābhavasena yojetvā ante ca nigametvā dassetuṃ **nekkhammanti**ādīmāha. Taṃ sabbam pubbe vuttānusāreṇeva vedītabbanti.

Pariññeyyaniddesaṃṇanā niṭṭhitā.

Pahātabbaniddesaṃṇanā

23. Pahātabbaniddese **asmimānoti** rūpādīsu pañcasu upādānakkhandhesu asmīti māno. Tasmīñhi pahīne arahattaṃ pattaṃ hoti. Rūparāgādīsu vijjamānesupi sesāni avatvā asmimānasseva vacanaṃ diṭṭhipatirūpakattena tassa oḷārikattāti vedītabbā. **Avijjāti** suttantaṃpariyāyena dukkhādīsu catūsu ṭhānesu aññānam, abhidhammapariyāyena pubbantādīhi saddhiṃ aṭṭhasu. Vuttañhetam –

‘‘Tattha katamā avijjā? Dukkhe aññānam, dukkhasamudaye aññānam, dukkhanirodhe aññānam, dukkhanirodhagāminiyā paṭipadāya aññānam, pubbante aññānam, aparante aññānam, pubbantāparante aññānam, idappaccayatāpaṭiccasamuppannesu dhammesu aññāna’’nti (dha. sa. 1106; vibha. 226).

Bhavataṇhāti kāmabhavādīsu bhavesu patthanā. Yathāha –

‘‘Tattha katamā bhavataṇhā? Yo bhavesu bhavacchando bhavarāgo bhavanandī bhavataṇhā bhavasineho bhavapariḷāho bhavamucchā bhavajjhosāna’’nti (vibha. 895).

Tisso taṇhāti kāmataṇhā, bhavataṇhā, vibhavataṇhā. Tāsam abhidhamme evaṃ niddeso kato – tattha katamā bhavataṇhā? Bhavadiṭṭhisahagato rāgo...pe... cittassa sārāgo, ayaṃ vuccati bhavataṇhā. Tattha katamā vibhavataṇhā? Ucchedadiṭṭhisahagato rāgo...pe... cittassa sārāgo, ayaṃ vuccati vibhavataṇhā. Avasesā taṇhā kāmataṇhā. Tattha katamā kāmataṇhā? Kāmadhātupaṭisaṃyutto rāgo...pe... cittassa sārāgo, ayaṃ vuccati kāmataṇhā. Tattha katamā bhavataṇhā? Rūpadhātuarūpadhātupaṭisaṃyutto rāgo...pe... tatttha katamā vibhavataṇhā? Ucchedadiṭṭhisahagato rāgo...pe... (vibha. 916).

Aṭṭhakathāyaṃ pana ‘‘pañcakāmaguṇiko rāgo kāmataṇhā, rūpārūpabhavesu rāgo jhānanikantisassatadiṭṭhisahagato rāgo bhavavasena patthanā bhavataṇhā, ucchedadiṭṭhisahagato rāgo vibhavataṇhā’’ti vuttaṃ. Ayaṃ dasuttarasuttapariyāyena yojanā. Saṅgītipariyāyena pana abhidhammapariyāyena ca ‘‘aparāpi tisso taṇhā kāmataṇhā rūpataṇhā arūpataṇhā. Aparāpi tisso taṇhā

rūpaṇhā arūpaṇhā nirodhaṇhā’’ti (dī. ni. 3.305; vibha. 917-918) vuttā taṇhāpi ettha yujjanti. Tāsu pañca kāmādhāturūpadhāturūpadhātupaṭisamyuttā, antimā ucchedaditṭhisahagatā.

Cattāro oghāti kāmogho, bhavogho, diṭṭhogho, avijjogho. Yassa saṃvijjanti, taṃ vaṭṭasmim ohananti osīdāpentīti oghā. Balavakilesā ete. Kāmaguṇasaṅkhāte kāme ogho kāmogho. Kāmaṇhāyetam nāmaṃ. Rūpārūpasāṅkhāte kammato ca upapattito ca duvidhepi bhava ogho bhavogho. Bhavaṇhāyetam nāmaṃ. Diṭṭhi eva ogho diṭṭhogho. ‘‘Sassato loko’’tiādikāya diṭṭhiyā etaṃ nāmaṃ. Avijjā eva ogho avijjogho, dukkhādīsu aññānassetam nāmaṃ.

Pañca nīvaraṇānīti kāmācchandaṇīvaraṇaṃ byāpādaṇīvaraṇaṃ thinamiddhaṇīvaraṇaṃ uddhaccakukkuccaṇīvaraṇaṃ vicikicchāṇīvaraṇaṃ. Cittaṃ nīvaraṇanti pariyaṇandhantīti nīvaraṇāni. Kāmīyaṇtīti kāmā. Pañca kāmāguṇā. Kāmesu chando kāmācchando. Kāmāyaṇtīti vā kāmō, kāmō eva chando, na kattukāmyatāchando na dhammācchando kāmācchando. Kāmaṇhāyetam nāmaṃ. Byāpajjati tena cittaṃ pūtibhāvaṃ gacchati, byāpādayati vā vinayācārārūpasampattihitasukhānīti byāpādo. Dosassetam nāmaṃ. Thinaṇatā thinaṃ, middhaṇatā middhaṃ, anussāhasaṃhanaṇatā asattivighāto cāti attho. Cittaṃ anussāho thinaṃ, cetasaṅkānaṃ akamaṇñātā middhaṃ, thinaṇca middhaṇca thinamiddhaṃ. Uddhatassa bhāvo uddhaccaṃ, avūpasamoti attho. Vikkhepassetaṃ nāmaṃ. Kucchitaṃ kataṃ kukataṃ, kukatassa bhāvo kukuccaṃ, garaṇhitakiriyabhāvoti attho. Pacchānutāpassetaṃ nāmaṃ. Vigatā cikicchāti vicikicchā, vigatapaññāti attho. Sabhāvaṃ vā vicinanta eṭāya kicchati kilamāntīti vicikicchā. Buddhādīsu saṃsayassetam nāmaṃ. Kāmācchando eva nīvaraṇaṃ kāmācchandaṇīvaraṇaṃ. Evaṃ sesesupi.

Cha dhammā, chaddhammāti vā pāṭho. **Cha taṇhākāyāti** rūpaṇhā saddaṇhā gandhaṇhā rasataṇhā phoṭṭhabbataṇhā dhammataṇhā. Rūpe taṇhā rūpaṇhā. Sā eva kāmāṇhādibhedena anekābhedaṇtā rāsattṭhena kāyoti vuttā. Evaṃ sesesupi.

Sattānusayāti kāmarāgānusayo paṭighānusayo mānānusayo diṭṭhānusayo vicikicchānusayo bhavarāgānusayo avijjānusayo. Appahīnaṭṭhena anusentīti anusayā. Kāmesu rāgo kāmarāgo, kāmō eva vā rāgoti kāmarāgo. Ārammaṇasmim paṭihaññātīti paṭighaṃ. Ayāthāvadaṇṇaṇtṭhena diṭṭhi. Seyyādivasena maññātīti māno. Bhavesu rāgo bhavarāgo. Thāmagato kāmarāgo kāmarāgānusayo. Evaṃ sesesupi.

Aṭṭha micchattāti micchādiṭṭhi micchāsāṅkappo micchāvācā micchākammanto micchāājīvo micchāvāyāmo micchāsati micchāsamādhī. ‘‘Hitasukhāvahā me bhavissanti’’ti evaṃ āsītāpi tathāabhāvato asubhādīsuyeva subhantiādiviparītapavattito ca micchāsabhāvāti micchattā. Micchā passati, micchā vā eṭāya passantīti micchādiṭṭhi. Atha vā viparītā diṭṭhīti micchādiṭṭhi, ayāthāvadiṭṭhīti vā micchādiṭṭhi, virajjhītvā gahaṇato vā vitathā diṭṭhīti micchādiṭṭhi, anattāvahattā paṇḍitehi kucchitā diṭṭhīti vāmicchādiṭṭhi. Micchāsāṅkappādīsipi eseva nayo. **Micchādiṭṭhīti** sassatucchedābhiniveso. **Micchāsāṅkappoti** kāmavittakādividho vittakko. **Micchāvācāti** musāvādādicatubbidhā cetanā. **Micchākammantoti** paṇātipātādividhā cetanā. **Micchāājīvoti** micchājīvapaṇyogasaṃmuṭṭhāpikā cetanā. **Micchāvāyāmoti** akusalacittasampayuttaṃ vīriyaṃ. **Micchāsātīti** satipaṭipakkhabhūto akusalacittupādo. **Micchāsamādhīti** akusalasamādhī.

Nava taṇhāmūlakāti (dī. ni. 2.103; 3.359) taṇhaṃ paṭicca pariyaṇaṇā, pariyaṇaṇaṃ paṭicca lābho, lābhaṃ paṭicca vinicchayo, vinicchayaṃ paṭicca chandaṇāgo, chandaṇāgaṃ paṭicca ajjhosānaṃ, ajjhosānaṃ paṭicca pariggaho, pariggahaṃ paṭicca macchariyaṃ, macchariyaṃ paṭicca ārakkho, ārakkhādhikaraṇaṃ daṇḍādānaṇatṭhādānakalahaviggahavivādātuvāṃpesuññāmusāvādā aneke pāpakā akusalā dhammā sambhavanti (dī. ni. 2.104; 3.359). Ime nava taṇhāmūlakā dhammā. Taṇhā mūlaṃ etesanti taṇhāmūlakā. Pariyaṇaṇādayo akusalā eva. **Taṇhaṃ, paṭiccāti** taṇhaṃ nissāya. **Pariyaṇaṇāti** rūpādīārammaṇapariyaṇaṇā. Sā hi taṇhāya sati hoti. **Lābhoti** rūpādīārammaṇapaṭilābho, so hi pariyaṇaṇāya sati hoti. Vinicchayo pana ñāṇataṇhādiṭṭhivittakavasena catubbidho. Tattha ‘‘sukhavinicchayaṃ jaññā, sukhavinicchayaṃ ñatvā ajjhattaṃ sukhamanuyujjeyyā’’ti (ma. ni. 3.323) ayaṃ **ñāṇavinicchayo**. ‘‘Vinicchayoti dve vinicchayā taṇhāvinicchayo ca diṭṭhivinicchayo cā’’ti (mahāni. 102) evaṃ āgatāni aṭṭhasatataṇhāvīcarīṇāni **taṇhāvinicchayo**. Dvāsaṭṭhi diṭṭhiyo **diṭṭhivinicchayo**. ‘‘Chando kho,

devānaminda, vitakkanidāno”ti (dī. ni. 2.358) imasmiṃ pana sutte idha vinicchayoti vutto vitakkoyeva āgato. Lābhaṃ labhivā hi iṭṭhāniṭṭhaṃ sundarāsundarañca vitakkeneva vinicchinati “**ettakaṃ me rūpārammaṇatthāya bhavissati, ettakaṃ saddādiārammaṇatthāya, ettakaṃ mayhaṃ bhavissati, ettakaṃ parassa, ettakaṃ paribhuñjissāmi, ettakaṃ nidahissāmī**”ti. Tena vuttaṃ – “**lābhaṃ paṭicca vinicchayo**”ti. **Chandarāgoti** evaṃ akusalavitakkena vitakkite vatthusmiṃ dubbalarāgo ca balavarāgo ca uppajjati. **Chandoti** ettha dubbalarāgassādhivacanaṃ, **rāgoti** balavarāgassa. **Ajjhosānanti** ahaṃ mamāti balavasanniṭṭhānaṃ. **Pariggahoti** taṇhādiṭṭhivasena pariggahakaraṇaṃ. **Macchariyanti** parehi sādharmaṇabhāvassa asahanatā. Tenevassa porāṇā evaṃ vacanatthaṃ vadanti “**idaṃ acchariyaṃ mayhameva hotu, mā aññassa acchariyaṃ hotūti pavattattā macchariyanti vuccatī**”ti. **Ārakkhoti** dvārapidahanamañjūsagopanādivasena suṭṭhu rakkhaṇaṃ. Adhikarotīti adhikaraṇaṃ. Kāraṇassetam nāmaṃ. **Ārakkhādhikaraṇanti** bhāvanapuṃsakaṃ, ārakkhahetūti attho. Daṇḍādānādīsu paranisedhanatthaṃ daṇḍassa ādānaṃ **daṇḍādānaṃ**. Ekatoḍhārādīnaṃ satthassa ādānaṃ **satthādānaṃ**. Kāyakalahopi vācākalahopi **kalaho**. Purimo purimo virodho **viggaho**. Pacchimo pacchimo **vivādo**. **Tuvaṃtuvanti** agāravavasena tuvaṃtuvavaṃvacanaṃ.

Dasa micchattāti micchādiṭṭhi...pe... micchāsamādhi micchāñāṇaṃ micchāvimutti. Tattha **micchāñāṇanti** pāpakiriyaṃ upāyacintāvasena pāpaṃ katvā sukataṃ mayāti paccavekkhaṇākārena ca uppanno moho. **Micchāvimuttīti** avimuttasseva sato vimuttisaññitā.

Kāni anekabhedenā pahānena pahātabbe dassetuṃ **dve pahānānīti** āradhmaṃ. Pahānesu hi viññātesu tena tena pahātabbā dhammā suviññeyyā honti. Pañcasu pahānesu lokikāni ca dve pahānāni appayogaṃ nissaraṇappahānañca ṭhapetvā appayogāneva dve lokuttarapahānāni paṭhamaṃ vuttāni. Sammā ucchijjanti etena kilesāti samucchedo, pahīyanti etena kilesāti pahānaṃ. Samucchedasankhātāṃ pahānaṃ, na sesappahānanti **samucchedappahānaṃ**. Kilesānaṃ paṭippassaddhattā paṭippassaddhi, pahīnatā pahānaṃ, paṭippassaddhisankhātāṃ pahānaṃ **paṭippassaddhippahānaṃ**. Lokāṃ uttaratīti **lokuttaro**. Nibbānasankhātāṃ khayāṃ gacchatīti khayagāmī, khayagāmī ca so maggo cāti **khayagāmimaggo**, taṃ bhāvayato so maggo samucchedappahānanti attho. Tathā phalakkhaṇe lokuttaraphalameva paṭippassaddhippahānaṃ.

Kāmānametaṃ nissaraṇanti ādīsu kāmato rūpato saṅkhatato nissaranti etenāti **nissaraṇaṃ**, tehi vā nissaṭattā nissaraṇaṃ. Asubhajjhānaṃ. Kāmehi nikkhantattā **nekkhammaṃ**. Anāgāmimaggo vā. Asubhajjhānañhi vikkhambhanato kāmānaṃ nissaraṇaṃ, taṃ jhānaṃ pādakaṃ katvā uppāditaanāgāmimaggo pana samucchedo sabbaso kāmānaṃ accantanissaraṇaṃ. Ruppattīti rūpaṃ, na rūpaṃ arūpaṃ mittapaṭipakkhā amittā viya, lobhādiṭṭhā alobhādayo viya ca rūpaṭipakkhoti attho. Phalavasena vā natthettha rūpanti arūpaṃ, arūpameva **arūpaṃ**. Arūpajjhānāni. Tāni rūpānaṃ nissaraṇaṃ nāma. Arūpehi arahattamaggo puna uppattinivāraṇato sabbaso rūpānaṃ nissaraṇaṃ nāma. **Bhūtanti** jātaṃ. **Saṅkhatanti** paccayehi saṅgama kataṃ. **Paṭiccasamuppannaṃ** te te paccaye paṭicca sammā saha ca uppannaṃ. Paṭhamena sañjātattadīpanena aniccā, dutiyena aniccassāpi sato paccayānubhavadīpanena parāyattatā, tatiyena parāyattassāpi sato paccayānaṃ abyāpāratadīpanena evaṃdhammatā dīpitā hoti. **Nirodhoti** nibbānaṃ. Nibbānañhi āgama dukkhaṃ nirujjhatīti nirodhoti vuccatī. So eva ca sabbasaṅkhatato nissaṭattā tassa saṅkhatassa nissaraṇaṃ nāma. Aṭṭhakathāyaṃ pana –

“Nirodho tassa nissaraṇanti idha arahattaphalaṃ nirodhoti adhippetam. Arahattaphalena hi nibbāne diṭṭhe puna āyatim sabbasaṅkharā na hontīti arahattasaṅkhatassa nirodhassa paccayattā nirodhoti vutta”nti vuttaṃ.

Nekkhammaṃ paṭiladdhassatī ādīsu asubhajjhānassa nissaraṇatte vikkhambhanappahānena, anāgāmimaggassa nissaraṇatte samucchedappahānena kāmā pahīnā ceva honti pariccattā ca. Arūpajjhānaṃ nissaraṇatte ca arahattamaggassa nissaraṇatte ca evameva rūpā yojetabbā. Rūpesu hi chandarāgappahānena rūpānaṃ samucchedo hoti. **Rūpāti** cettha līngavipallāso kato. Nibbānassa nissaraṇatte nissaraṇappahānena, arahattaphalassa nissaraṇatte paṭippassaddhippahānena saṅkharā pahīnā ceva honti pariccattā ca. Nibbānassa ca nissaraṇatte ārammaṇakaraṇavasena paṭilābho vedittabbo.

Dukkhasaccantiādīsu pariññāpaṭivedhantiādi bhāvanapūṃsakavacanāṃ. Pariññāya paṭivedho pariññāpaṭivedho. Taṃ pariññāpaṭivedhaṃ. Esa nayo sesesupi. **Pajahātīti** tathā tathā paṭivijjhanto pahātabbe kilese pajahātīti attho gahetabbo. Lokiyalokuttaresupi chandarāgappahānena vā tāni pajahātīti attho. Pajahātītipi pāṭho. Yathā nāvā apubbaṃ acarimaṃ ekakkhaṇe cattāri kiccāni karoti, orimaṃ tīraṃ pajahāti, sotaṃ chīdati, bhaṇḍaṃ vahati, pārimaṃ tīraṃ appeti, evamevaṃ maggañāṇaṃ apubbaṃ acarimaṃ ekakkhaṇe cattāri saccāni abhisameti, dukkhaṃ pariññābhisamayena abhisameti, samudayaṃ pahānābhisamayena abhisameti, maggaṃ bhāvanābhisamayena abhisameti, nirodhaṃ sacchikiriyābhisamayena abhisameti. Kiṃ vuttaṃ hoti? “Nirodhaṃ ārammaṇaṃ katvā cattāri saccāni pāpuṇāti passati paṭivijjhātī”ti (visuddhi. 2.839) vuttattā ekakkhaṇepi visuṃ visuṃ viya pahānāni vuttānīti veditabbāni.

Pañcasu pahānesu yaṃ sasevāle uduke pakkhittena ghaṭena sevālassa viya tena tena lokiyasamādhinā nīvaraṇādīnaṃ paccanīkadhammānaṃ vikkhambhanaṃ dūrīkaraṇaṃ, idaṃ **vikkhambhanappahānaṃ** nāma. **Vikkhambhanappahānaṃ nīvaraṇānaṃ paṭhamāṃ jhānaṃ bhāvayatoti** nīvaraṇānaṃyeva pahānaṃ pākaṭattā vuttanti veditabbāṃ. Nīvaraṇāni hi jhānassa pubbabhāgepi pacchābhāgepi na sahasā cittaṃ ajjhottharanti, ajjhotthātesu ca tesu jhānaṃ parihāyati, vitakkādayo pana dutiyajjhānādito pubbe pacchā ca appaṭipakkhā hutvā pavattanti. Tasmā nīvaraṇānaṃ vikkhambhanaṃ pākaṭaṃ. Yaṃ pana rattibhāge samujjalitena padīpena andhakārassa viya tena tena vipassanāya avayavabhūtena jhānaṅgena paṭipakkhavaseneva tassa tassa ca pahātabbadhammassa pahānaṃ, idaṃ **tadaṅgappahānaṃ** nāma. **Tadaṅgappahānaṃ diṭṭhigatānaṃ nibbedhabhāgiyaṃ samādhim bhāvayatoti** diṭṭhigatānaṃyeva pahānaṃ oḷārikavasena vuttanti veditabbāṃ. Diṭṭhigatāni oḷārikaṃ, nīccasaññādayo sukhumā. Tattha diṭṭhigatānanti diṭṭhiyeva diṭṭhigataṃ “gūthagataṃ muttagata”ntiādīni (a. ni. 9.11) viya. Gantabbābhāvato cadiṭṭhiyā gatamattamevetanti diṭṭhigataṃ, dvāsaṭṭhidīṭṭhīsu antogadhattā diṭṭhīsu gatanti diṭṭhigataṃ. Bahuvacanena tesāṃ diṭṭhigatānaṃ. **Nibbedhabhāgiyaṃ samādhinti** vipassanāsampayuttaṃ samādhim. Yaṃ pana asanivicakkābhīhatassa (visuddhi. 2.851) rukkhassa viya ariyamaggañāṇena saṃyojanānaṃ dhammānaṃ yathā na puna pavattati, evaṃ pahānaṃ, idaṃ **samucchedappahānaṃ** nāma. **Nirodho nibbānanti** nirodhasaṅkhātaṃ nibbānaṃ.

Evaṃ pahānavasena pahātabbe dhamme dassetvā idāni sarūpeneva puna pahātabbe dhamme dassetuṃ **sabbaṃ, bhikkhave, pahātabbantiādīmāha**. Tattha cakkhādīni chandarāgappahānena pahātabbāni. **Rūpaṃ passanto pajahātītiādīsu rūpaṃ aniccādito passanto** pahātabbe kilese pajahāti. **Cakkhū...pe... jarāmarāṇaṃ...pe... amatogadhaṃ nibbānanti** peyyāladvaye anaññātaññassāmīndriyaṃ “passanto pajahātī”tiādīsu tesu lokuttaresu anaññātaññassāmīndriyaṃ passanto udikkhanto apekkhamāno icchamāno vipassanākkhaṇesu pahātabbe kilese pajahātīti taṃtaṃdhammānurūpena yojetabbāṃ.

Pahātabbaniddesavaṇṇanā niṭṭhitā.

Bhāvetabbaniddesavaṇṇanā

25. Bhāvetabbaniddese **kāyagatāsati**ti kāyagatāsatisuttante (ma. ni. 3.153 ādayo) vuttā ānāpānacatuiriyāpathakhuddakairiyāpathadvattiṃsākārakatudhātunavasivathikāpaṭīkūlavavattāpakamanasikārasampayuttā yathānurūpaṃ rūpajjhānasampayuttā ca sati. Sā hi tesu kāyesu gatā pavattāti kāyagatāti vuccati. **Sātasahagatāti** madhurasukhavedayitasankhātena sātena saha ekuppādādībhāvaṃ gatā. Tabbhāve vokiṇṇe ārammaṇe nissaye saṃsaṭṭhe dissati **sahagatasaddo** pañcasu atthesu jinavacane. “Yāyaṃ taṇhā ponobbhavikā nandirāgasahagatā”ti (vibha. 203) ettha tabbhāve, nandirāgabhūtāti attho. “Yā, bhikkhave, vīmaṃsā kosajjasahagatā kosajjasampayuttā”ti (saṃ. ni. 5.832) ettha vokiṇṇe, antarantarā uppajjamānena kosajjena vokiṇṇāti attho. “Lābhī hoti rūpasahagatānaṃ vā samāpattīnaṃ arūpasahagatānaṃ vā samāpattīna”nti (pu. pa. 3-8) ettha ārammaṇe, rūpārūpārammaṇānanti attho. “Aṭṭhikasāññāsahagataṃ satisambojjhaṅgaṃ bhāvetī”ti (saṃ. ni. 5.238) ettha nissaye, aṭṭhikasāññānissayaṃ aṭṭhikasāññaṃ bhāvetvā paṭiladdhanti attho. “Idaṃ sukhaṃ imāya pītiyā sahagataṃ hoti sahajātaṃ sampayutta”nti (vibha. 578) ettha saṃsaṭṭhe, sammissanti attho. Imasmimpi pade

samsaṅgā adhippeto. Sātasamsaṅgā hi sātasahagatāti vuttā. Sā hi ṭhapetvā catuttham jhānaṃ sesesu sātasahagatā hoti, satipi ca upekkhāsahagatatte yebhuyyavasena sātasahagatāti vuttā, purimajjhānamūlakattā vā catutthajjhānassa sātasahagatāya upekkhāsahagatāpi vuttāva hoti, upekkhāya pana sante sukhe vuttattā bhagavatā sātasahagatāti catutthajjhānasampayuttāpi vuttāva hoti.

Samatho ca vipassanā cāti kāmacchandādayo paccanīkadhamme sameti vināsetīti samatho. Samādhissetam nāmaṃ. Aniccatādivasena vividhehi ākārehi dhamme passatīti vipassanā. Paññāyetaṃ nāmaṃ. Ime pana dve dasuttarapariyāye pubbhāgāti vuttā, saṅgītipariyāye ca lokiyalokuttaramissakāti. **Tayo samādhīti** savitakko savicāro samādhī, avitakko vicāramatto samādhī, avitakko avicāro samādhī. Sampayogavasena vattamānena saha vitakkena savitakko, saha vicārena savicāro. So khaṇikasamādhī, vipassanāsamādhī, upacārasamādhī, paṭhamajjhānasamādhī. Natthi etassa vitakkoti avitakko. Vitakkavicāresu vicāro mattā paramā pamānaṃ etassāti vicāramatto, vicārato uttari vitakkena sampayogaṃ na gacchatīti attho. So pañcakanaye dutiyajjhānasamādhī, tadubhayavirahito avitakko avicāro samādhī. So catukkanaye dutiyajjhānādi, pañcakanaye tatiyajjhānādi rūpāvacarasamādhī. Ime tayopi lokiyā eva. Saṅgītipariyāye aparepi tayo samādhī vuttā – ‘suññato samādhī, animitto samādhī, appaṇihito samādhī’ ti (dī. ni. 3.305). Na te idha adhippetā.

Cattāro satipaṭṭhānāti kāyānupassanāsatiipaṭṭhānaṃ, vedanānupassanāsatiipaṭṭhānaṃ, cittānupassanāsatiipaṭṭhānaṃ, dhammānupassanāsatiipaṭṭhānaṃ. Pubbhāge cuddasavidhena kāyaṃ pariggaṇhato kāyānupassanāsatiipaṭṭhānaṃ, navavidhena vedanaṃ pariggaṇhato vedanānupassanāsatiipaṭṭhānaṃ, soḷasavidhena cittaṃ pariggaṇhato cittānupassanāsatiipaṭṭhānaṃ, pañcavidhena dhamme pariggaṇhato dhammānupassanāsatiipaṭṭhānaṃ veditabbaṃ. Lokuttaraṃ pana idha na adhippetam. **Pañcaṅgiko samādhīti** pañca aṅgāni assa santīti pañcaṅgiko, catutthajjhānasamādhī. Pītipharaṇatā, sukhapharaṇatā, cetopharaṇatā, ālokapharaṇatā, paccavekkhaṇanimittanti pañca aṅgāni. Pītiṃ pharamānā uppajjatīti dvīsu jhānesu paññā **pītipharaṇatā** nāma. Sukhaṃ pharamānā uppajjatīti tīsu jhānesu paññā **sukhapharaṇatā** nāma. Paresaṃ ceto pharamānā uppajjatīti cetopariyapaññā **cetopharaṇatā** nāma. Ālokaṃ pharamānā uppajjatīti dibbacakkhupaññā **ālokapharaṇatā** nāma. Paccavekkhaṇaṇānaṃ **paccavekkhaṇanimittaṃ** nāma. Vuttampi cetam –

‘‘Dvīsu jhānesu paññā pītipharaṇatā, tīsu jhānesu paññā sukhapharaṇatā, paracittapaññā cetopharaṇatā, dibbacakkhupaññā ālokapharaṇatā, tamhā tamhā samādhimhā vuṭṭhitassa paccavekkhaṇaṇānaṃ paccavekkhaṇanimitta’’nti (vibha. 804).

Taṅhi vuṭṭhitasamādhissa pavattākāragahaṇato nimittanti vuttaṃ. Tattha ca pītipharaṇatā sukhapharaṇatā dve pādā viya, cetopharaṇatā ālokapharaṇatā dve hatthā viya, abhiññāpādakaṃ catutthajjhānaṃ majjhimakāyo viya, paccavekkhaṇanimittaṃ sīsaṃ viya. Iti āyasmā dhammasenāpati sārīputtatthero pañcaṅgikaṃ sammāsamādhim aṅgapaccaṅgasampannaṃ purisaṃ viya katvā dassesi.

Cha anussatiṭṭhānānīti punappunaṃ uppajjanato satiyo eva anussatiyo, pavattitabbaṭṭhānasmiṃyeva pavattattā saddhāpabbajitassa kulaputtassa anurūpā satiyotipi anussatiyo, anussatiyo eva pītiādīnaṃ ṭhānattā anussatiṭṭhānāni. Katamāni cha? Buddhānussati dhammānussati saṅghānussati sīlānussati cāgānussati devatānussati (dī. ni. 3.327). **Bojjhaṅgāti** bodhiyā, bodhissa vā aṅgā. Idaṃ vuttaṃ hoti – yā esā dhammasāmaggi yāya lokuttaramaggakkhaṇe uppajjamānāya līnuddhaccapatiṭṭhānāyūhanakāmasukhattakīlamathānuyogaucchedasassatābhinivesādīnaṃ anekesaṃ upaddavānaṃ paṭipakkhabhūtāya satidhammavicayavīriyapītipassaddhisamādhīupekkhāsānkhatāya dhammasāmaggiyā ariyasāvako bujhatīti katvā bodhīti vuccati. **Bujhatīti** kilesasantānaniddāya vuṭṭhahati, cattāri vā ariyasaccāni paṭivijjhati, nibbānameva vā sacchikaroti, tassā dhammasāmaggiyā bodhiyā aṅgātipi bojjhaṅgā jhānaṅgamaggaṅgādayo viya. Yo panesa yathāvuttappakārāya etāya dhammasāmaggiyā bujhatīti katvā ariyasāvako bodhīti vuccati, tassa bodhissa aṅgātipi bojjhaṅgā senaṅgarathaṅgādayo viya. Tenāhu aṭṭhakathācariyā ‘‘bujjhanakassa puggalassa aṅgāti vā bojjhaṅgā’’ti. Apica ‘‘bojjhaṅgāti kenatṭhena bojjhaṅgā, bodhāya samvattantīti bojjhaṅgā’’tiādīnā (paṭi. ma. 2.17) nayena bojjhaṅgātho veditabbo. **Ariyo aṭṭhaṅgiko maggoti** taṃtaṃmaggaṃvijjhakilesehi

ārakattā ariyabhāvakarattā ariyaphalapaṭilābhakarattā ca ariyo. Aṭṭha aṅgāni assāti aṭṭhaṅgiko. Soyaṃ caturaṅgikā viya senā, pañcaṅgikaṃ viya ca tūriyaṃ aṅgamattameva hoti, aṅgavinimutto natthi. Bojjhaṅgamaggaṅgā lokuttarā, dasuttarapariyāyena pubbhāgāpi labbhanti.

Nava pārisuddhipadhāniyaṅgānī silavisuddhi pārisuddhipadhāniyaṅgaṃ, cittavisuddhi pārisuddhipadhāniyaṅgaṃ, diṭṭhivissuddhi pārisuddhipadhāniyaṅgaṃ, kaṅkhāvitaraṇavisuddhi pārisuddhipadhāniyaṅgaṃ, maggāmaggañānadassanavisuddhi pārisuddhipadhāniyaṅgaṃ, paṭipadāñānadassanavisuddhi pārisuddhipadhāniyaṅgaṃ, ñānadassanavisuddhi pārisuddhipadhāniyaṅgaṃ, paññā pārisuddhipadhāniyaṅgaṃ, vimutti pārisuddhipadhāniyaṅgaṃ (dī. ni. 3.359). **Silavisuddhī** visuddhiṃ pāpetuṃ samatthaṃ catupārisuddhisīlaṃ. Tañhi dussīyamalaṃ visodheti. **Pārisuddhipadhāniyaṅgānti** parisuddhabhāvassa padhānaṃ uttamaṃ aṅgaṃ. **Cittavisuddhī** vipassanāya padaṭṭhānabhūtā paguṇā aṭṭha samāpattiyo. Tā hi kāmacchandādicittamalaṃ visodhenti. **Diṭṭhivissuddhī** sappaccayanāmarūpadassanaṃ. Tañhi sattadiṭṭhimalaṃ visodheti. **Kaṅkhāvitaraṇavisuddhī** paccayākārañānaṃ. Tena hi tīsu addhāsu paccayavasena dhammā pavattantīti passanto tīsupi addhāsu sattakaṅkhāmalaṃ vitaranto visujjhati. **Maggāmaggañānadassanavisuddhī** udayabbayānupassanakkaṇe uppanā obhāsāñāpīti passaddhisukhaadhimokkhaupaggaupaṭṭhānaupekkhānikantīti dasa vipassanupakkilesā, na maggo, vīthipaṭipannaṃ udayabbayañānaṃ maggoti evaṃ maggāmagge ñānaṃ nāma. Tena hi amaggamalaṃ visodheti. **Paṭipadāñānadassanavisuddhī** vīthipaṭipannaṃ udayabbayānupassanāñānaṃ bhaṅgānupassanāñānaṃ bhayatupaṭṭhānānupassanāñānaṃ ādīnavānupassanāñānaṃ nibbidānupassanāñānaṃ muñcitukamyatāñānaṃ paṭisankhānupassanāñānaṃ saṅkhārupekkhāñānaṃ anulomañānanti imāni nava vipassanāñānāni. Tāni hi nīcāsāññādimalaṃ visodhenti. **Ñānadassanavisuddhī** catuariyamaggaṇāni. Sā hi samucchato sakasakamaggavajjhakilesamalaṃ visodheti. **Paññānti** arahattaphalapaññā. **Vimuttīti** arahattaphalavimutti.

Dasa kasiṇāyatanānī “pathavīkasiṇameko sañjānāti uddhaṃ adho tiriyaṃ advayaṃ appamāṇaṃ, āpokasiṇameko sañjānāti...pe... tejokasiṇameko sañjānāti...pe... vāyokasiṇameko sañjānāti...pe... nīlakasiṇameko sañjānāti...pe... pītakasiṇameko sañjānāti...pe... lohītakasiṇameko sañjānāti...pe... odātakasiṇameko sañjānāti...pe... ākāsakasiṇameko sañjānāti...pe... viññānakasiṇameko sañjānāti uddhaṃ adho tiriyaṃ advayaṃ appamāṇa”nti (a. ni. 10.25; dī. ni. 3.360) evaṃ vuttāni dasa. Etāni hi sakalapharaṇaṭṭhena kasiṇāni, tadārammaṇānaṃ dhammānaṃ khettaṭṭhena adhiṭṭhānaṭṭhena vā āyatanāni. **Uddhanti** uparigaganatalābhimukhaṃ. **Adhoti** heṭṭhābhūmītalābhimukhaṃ. **Tiriyanti** khettaṃṇālamiva samantā paricchinnaṃ. Ekacco hi uddhameva kasiṇaṃ vaḍḍheti ekacco adho, ekacco samantato. Ekopi tena tena vā kāraṇena evaṃ pasāreti ālokaṃ rūpadassanakāmo. Tena vuttaṃ – “pathavīkasiṇameko sañjānāti uddhaṃ adho tiriya”nti (a. ni. 10.25; dī. ni. 3.360). **Advayanti** idaṃ pana ekassa aññabhāvānupagamanatthaṃ vuttaṃ. Yathā hi udakaṃ pavīṭṭhassa sabbadisāsu udakameva hoti na aññaṃ, evameva pathavīkasiṇaṃ pathavīkasiṇameva hoti, natthi tassa aññakasiṇasambhedoti. Esa nayo sabbattha. **Appamāṇanti** idaṃ tassa tassa pharaṇaappamāṇavasena vuttaṃ. Tañhi manasā pharanto sakalameva pharati, na “ayamassa ādi idaṃ majjha”nti pamāṇaṃ gaṇhātīti. **Ākāsakasiṇanti** kasiṇugghāṭimākāso paricchedākāsakasiṇaṇca. **Viññānakasiṇanti** kasiṇugghāṭimākāse pavattaviññānaṃ. Tattha kasiṇavasena kasiṇugghāṭimākāse, kasiṇugghāṭimākāsavasena tattha pavattaviññāne uddhaṃ adhotiriyatā vedītabbā, paricchedākāsakasiṇassapi vaḍḍhanīyattā tassa vasenapīti.

26. Idāni bhāvanāpabhedam dassento **dve bhāvanānti**ādīmāha. Tattha **lokiyānti**ādīsu loko vuccati lujjanapalujjanaṭṭhena vaṭṭam, tasmim pariyāpanabhāvena loke niyuttāti lokiya, lokiyaṇaṃ dhammānaṃ bhāvanā lokiya. Kiñcāpi dhammānaṃ bhāvanānti vohārasena vuccati, tehi pana visuṃ bhāvanā natthi. Te eva hi dhammā bhāvīyamānā **bhāvanānti** vuccanti. Uttiṇṇānti uttarā, loke apariyāpanabhāvena lokato uttarānti **lokuttarā**.

Rūpabhavasāṅkhāte rūpe avacarantīti **rūpāvacarā**. **Kusalasaddo** panettha ārogyaanavajjachekasukhavipākesu dissati. “Kacci nu bhoto kusalaṃ? Kacci bhoto anāmaya”ntiādīsu (jā. 1.15.146; 2.20.129) ārogye. “Katamo pana, bhante, kāyasamācāro kusalo? Yo kho, mahārāja,

kāyasamācāro anavajjo”ti (ma. ni. 2.361) ca “puna caparaṃ, bhante, etadānuttariyaṃ, yathā bhagavā dhammaṃ deseti kusalesu dhammesu”ti (dī. ni. 3.145) ca evamādīsu anavajje. “Taṃ kiṃ maññasi, rājakumāra, kusalo tvaṃ rathassa aṅgapaccaṅgāna”nti? (Ma. ni. 2.87) “kusalā naccagītassa sikkhitā cāturitthiyo”ti (jā. 2.22.94) ca ādīsu cheke. “Kusalānaṃ dhammānaṃ samādānāhetu evamidaṃ puññaṃ pavaḍḍhati”ti (dī. ni. 3.80) “kusalassa kammaṃ katattā upacittā”ti (dha. sa. 431) ca ādīsu sukhavipāke. Svāyamidha ārogyepi anavajjepi sukhavipākepi vaṭṭati. Vacanattho panettha kucchite pāpake dhamme salayanti calayanti kampenti viddhamsentīti kusalā, kucchitena vā ākārena sayanti pavattantīti kusā, te akusalasāṅkhāte kuse lunanti chindantīti kusalā, kucchitānaṃ vā sānato tanukaraṇato kusā, ñānaṃ. Tena kusena lātabbā gahetabbā pavattetabbāti kusalā, yathā vā kusā ubhayabhāgagataṃ hatthappadesaṃ lunanti, evamimepi uppannānuppannabhāvena ubhayabhāgagataṃ saṃkilesapakkhaṃ lunanti, tasmā kusā viya lunantīti kusalā. Tesāṃ rūpāvacarakusalānaṃ bhāvanā. Arūpabhavasāṅkhāte arūpe avacarantīti **arūpāvacarā**. Tebhūmakavaṭṭe pariyāpannā antogadhāti pariyāpannā, tasmīṃ na pariyāpannāti **apariyāpannā**, lokuttarā.

Kāmāvacarakusalānaṃ dhammānaṃ bhāvanā kasmā na vuttāti ce? Appanāppattāya eva bhāvanāya abhidhamme bhāvanāti adhippetattā. Vuttañhi tattha –

“Yogavihitesu vā kammāyatanesu yogavihitesu vā sippāyatanesu yogavihitesu vā vijjāṭṭhānesu kammassakataṃ vā saccānulomikaṃ vā rūpaṃ aniccanti vā, vedanā aniccāti vā, saññā aniccāti vā, saṅkhārā aniccāti vā, viññānaṃ aniccanti vā yaṃ evarūpaṃ anulomikaṃ khantim diṭṭhiṃ ruciṃ mudim pekkhaṃ dhammanijjhānakkhantim parato asutvā paṭilabhati, ayaṃ vuccati cintāmayā paññā. Yogavihitesu vā kammāyatanesu...pe... dhammanijjhānakkhantim parato sutvā paṭilabhati, ayaṃ vuccati sutamayā paññā. Sabbāpi samāpannassa paññā bhāvanāmayā paññā”ti (vibha. 768).

Sā pana kāmāvacarabhāvanā āvajjanabhavaṅgapātehi antaritattā bhāvanāti na vuttāti veditabbā. Sabbesaṃ pana puññānaṃ tividhapuññakiriyavattānaṃ antogadhattā upacārasamādhivipassanāsamādhīnaṃ bhāvanāmayapuññatā siddhā. Idha pana lokiyabhāvanāya eva saṅgahitā. Rūpārūpāvacarānaṃ tividhabhāve **hīnāti** lāmakā. Hīnuttamānaṃ majjhe bhavā **majjhā**, majjhimātipi pāṭho. Padhānabhāvaṃ nītāti **pañītā**, uttamāti attho. Āyūhanavasena ayaṃ hīnamajjhimapañītāti veditabbā. Yassā hi āyūhanakkhaṇe chando vā hīno hoti vīriyaṃ vā cittaṃ vā vīmaṃsā vā, sā hīnā nāma. Yassā te dhammā majjhimā, sā majjhimā nāma. Yassā te dhammā pañītā, sā pañītā nāma. Mudukehi vā indriyehi sampayuttā hīnā nāma, majjhimehi indriyehi sampayuttā majjhimā, adhimattehi indriyehi sampayuttā pañītā nāma. Apariyāpannāya hīnamajjhimattābhāvā pañītāti eva vuttā. Sā hi uttamaṭṭhena atappakaṭṭhena ca pañītā.

27. Paṭhamabhāvanācatukke **bhāvetīti** ekasmiṃyeva khaṇe tathā tathā paṭivijjhanto ariyamaggaṃ bhāveti. Dutiyabhāvanācatukke **esanābhāvanāti** appanāpubbabhāge bhāvanā. Sā hi appanaṃ esanti etāyāti esanāti vuttā. **Paṭilābhābhāvanāti** appanābhāvanā. Sā hi tāya esanāya paṭilabbhattīti paṭilābhoti vuttā. **Ekarasābhāvanāti** paṭilābhe vasībhāvaṃ pattukāmassa payogakāle bhāvanā. Sā hi tena tena pahānena tehi tehi kilesehi vimuttattā vimuttirasena ekarasāti katvā ekarasāti vuttā. **Āsevanābhāvanāti** paṭilābhe vasippattassa yathārucci paribhogakāle bhāvanā. Sā hi bhusaṃ sevīyatīti āsevanāti vuttā. Keci pana “āsevanābhāvanā vasīkammaṃ, ekarasābhāvanā sabbatthikā”ti vaṇṇayanti. Catukkavibhāge **samādhim samāpajjantānanti** vattamānasamīpe vattamānavacanaṃ. **Tattha jātāti** tasmīṃ pubbabhāge jātā. **Ekarasā hontīti** appanuppādane samānakiccā honti. **Samādhim samāpannānanti** appitappanānaṃ. **Tattha jātāti** tassā appanāya jātā. **Aññamaññaṃ nātivattantīti** samappavattiyā aññamaññaṃ nātikkamanti. **Adhimokkhaṭṭhena saddhindriyaṃ bhāvayatoti** ādīsu ekakkhaṇepi ekekassa indriyassa sakasakakiccarāṇe taṃtaṃnissayavasena sakasakakiccarākāni sesānīpi indriyāni vimuttirasena ekarasā hontīti vimuttiraseneva ekarasāṭṭhena bhāvanā. Balabojjhaṅgamaggaṅgesupi eseva nayo. Ekarasāti ca līngavipallāso kato.

Idha bhikkhūti imasmīṃ sāsane bhikkhu. Saṃsāre bhayaṃ ikkhattīti bhikkhu.

Pubbaṅhasamayantiādīsu accantasamyogathe upayogavacanam, atthato pana bhummameva, divasassa pubbakāleti attho. **Āsevatīti** vasippattam samādhiṃ bhusam sevati. **Majjhānikasamayanti** divasassa majjhakāle. **Sāyanhasamayanti** divasassa sāyanhakāle. **Purebhānti** divābhāntato purekāle. **Pacchābhānti** divābhāntato pacchākāle. **Purimepi yāmeti** rattiya paṭhame koṭṭhāse. **Kāleti** kālapakkhe. **Juṅheti** sukkaṭṭhāse. **Purimepi vayokhandheti** paṭhame vayokoṭṭhāse, paṭhamavayeti attho. Tīsu ca vayesu vassatāyukassa purisassa ekekasmim vaye catumāsādhikāni tettiṃsa vassāni honti.

28. Tatiyabhāvanācatukke **tattha jātānaṃ dhammānaṃ anativattanaṭṭhenāti** tattha nekkhammādisu bhāvanāvisehesu jātānaṃ samādhipaññāsānkhātānaṃ yuganaddhadhammānaṃ aññamaññaṃ anatikkamanabhāvena. **Indriyānaṃ ekarasaṭṭhenāti** tattheva saddhādīnaṃ indriyānaṃ nānakīlesehi vimuttatā vimuttirasena ekarasabhāvena. **Tadupagavīriyavāhanaṭṭhenāti** tesam anativattanaekarasabhāvānaṃ anucchavikassa vīriyassa vāhanabhāvena. **Āsevanaṭṭhenāti** yā tassa tasmim samaye pavattā āsevanā. Tassā āsevanāya āsevanabhāvena.

Rūpasaññanti kusalavipākakiriyavasena pañcadasavidham rūpāvacarajjhānasānkhātānaṃ rūpasaññaṃ. Rūpāvacarajjhānampi hi rūpanti vuccati “rūpī rūpāni passati”tiādīsu (dī. ni. 2.174; a. ni. 8.66; dha. sa. 248), tassa jhānassa ārammaṇampi “bahiddhā rūpāni passati suvaṇṇadubbaṇṇāni”tiādīsu (dī. ni. 2.173; a. ni. 8.65-66; dha. sa. 247, 249). Rūpāvacarajjhānañhi saññāsīsena rūpe saññāti katvā rūpasaññāti vuccati. **Paṭighasaññanti** kusalavipākā pañca, akusalavipākā pañcāti evaṃ dasavidham paṭighasaññaṃ. Dvīpañcaviññānasampayuttā hi saññā cakkhādīnaṃ vatthūnaṃ rūpādīnaṃ ārammaṇānañca paṭighātena uppannā paṭighasaññāti vuccati. Rūpasaññā saddasaññā gandhasaññā rasasaññā phoṭṭhabbasaññātipi etissā eva nāmaṃ. **Nānattasaññanti** aṭṭha kāmāvacarakusalasaññā, dvādasa akusalasaññā, ekādasa kāmāvacarakusalavipākasaññā, dve akusalavipākasaññā, ekādasa kāmāvacarakiriyasaññāti evaṃ catucattālīsavidham nānattasaññaṃ. Sā hi nānatte nānāsabhāve rūpasaddādibhede gocare pavattā saññāti nānattasaññā, catucattālīsabhedato nānattā nānāsabhāvā aññamaññaṃ asadisā saññāti vā nānattasaññāti vuccati. Saññābahukattepi jātiggaḥaṇena ekavacanam kataṃ.

Niccasaññanti niccanti saññaṃ niccasaññaṃ. Evaṃ sukhasaññaṃ attasaññaṃ. **Nandinti** sappītikaṃ taṇhaṃ. **Rāganti** nippītikaṃ taṇhaṃ. **Samudayanti** rāgassa samudayaṃ. Atha vā bhaṅgānupassanāya bhaṅgasseva dassanato sañkhārānaṃ udayaṃ. **Ādānanti** nibbattanavasena kilesānaṃ, adosadassāvītyā sañkhātārammaṇassa vā ādānaṃ. **Ghanasaññanti** santativasena ghananti saññaṃ. **Āyūhananti** sañkhārānaṃ atthāya payogakaraṇaṃ. **Dhuvasaññanti** thiranti saññaṃ. **Nimittanti** niccanimittaṃ. **Pañidhinti** sukhatthanaṃ. **Abhinivesanti** atthi attāti abhinivesaṃ. **Sārādānābhinivesanti** niccāsāratasāragahaṇābhinivesaṃ. **Sammohābhinivesanti** “ahosiṃ nu kho ahaṃ atītāmadhāna”ntiādivasena (saṃ. ni. 2.20) “issarato loko sambhoti”tiādivasena ca sammohābhinivesaṃ. **Ālayābhinivesanti** ādīnavādassanena allīyitabbamidanti abhinivesaṃ. **Appaṭisañkhanti** anupāyagahaṇaṃ. **Saññogābhinivesanti** kāmāyogādikaṃ kilesappavattiṃ.

Diṭṭhekaṭṭheti diṭṭhīhi saha ekasmim ṭhitāti diṭṭhekaṭṭhā. Te diṭṭhekaṭṭhe. Kilesenti upatāpenti, vibādenti vāti kilesā. Te kilese. Duvidhañhi ekaṭṭhaṃ pahānekaṭṭhaṃ sahaṃjekaṭṭhañca. Pahānekaṭṭhaṃ sakkāyadiṭṭhipamukhāhi tesatṭhiyā diṭṭhīhi saha (paṭi. ma. aṭṭha. 2.1.118) yāva sotāpattimaggena pahānā, tāva ekasmim puggale ṭhitāti attho. Idamidhādhippetam. Dasasu hi kilesesu idha diṭṭhikilesoyeva āgato. Sesusu pana apāyagamanīyo lobho doso moho māno vicikicchā thinaṃ uddhaccaṃ ahirikaṃ anottappanti nava kilesā diṭṭhiyā saha pahānekaṭṭhā hutvā sotāpattimaggena pahīyanti, rāgadosamohapamukhesu vā diyaḍḍhesu kilesasahassesu sotāpattimaggena diṭṭhiyā pahīyamānāya diṭṭhiyā saha apāyagamanīyā sabbakilesā pahānekaṭṭhavasena pahīyanti, sahaṃjekaṭṭhe diṭṭhiyā saha ekasmim citte ṭhitāti attho. Sotāpattimaggena hi dvīsu diṭṭhisampayuttaasānkhārikacittesu pahīyamānesu tehi sahaṃjato lobho moho uddhaccaṃ ahirikaṃ anottappanti ime kilesā sahaṃjekaṭṭhavasena pahīyanti, dvīsu diṭṭhisampayuttasasānkhārikacittesu pahīyamānesu tehi sahaṃjato lobho moho thinaṃ uddhaccaṃ ahirikaṃ anottappanti ime kilesā sahaṃjekaṭṭhavasena pahīyanti. **Oḷārike kileseti** oḷārikabhūte kāmarāgabyāpāde. **Anusahagate kileseti** sukhumbhūte kāmarāgabyāpāde. **Sabbakileseti** maggattayena pahīnavasese.

Vīriyaṃ vāhetīti yogāvacarō vīriyaṃ pavatteti. Heṭṭhā esanāpaṭilābhaekarasaāsevanavacanāni bhāvanānaṃ visesadassanattaṃ vuttāni “evambhūtā ca bhāvanā”ti. Idha “tattha jātānaṃ dhammānaṃ anativattanaṭṭhena indriyānaṃ ekarasatṭhena tadupagavīriyavāhanaṭṭhena āsevanaṭṭhena”ti vacanāni bhāvanāhetudassanattaṃ vuttāni “iminā ca iminā ca hetunā bhāvanā”ti. Heṭṭhā āsevanābhāvanāti nānākkhaṇavasena vuttā, idha āsevanaṭṭhena bhāvanāti ekakkhaṇavasenaṭṭhena viseso. **Rūpaṃ passanto bhāvetīti**ādīsu rūpādīni passitabbākārena passanto bhāvetabbaṃ bhāvanaṃ bhāvetīti attho. **Ekarasā hontīti** vimuttirasena, kiccarasena vā ekarasā honti. **Vimuttirasoti** sampattirasō. Kiccasampattiatthena raso nāma pavuccatīti hi vuttanti.

Bhāvetabbaniddesavaṇṇanā niṭṭhitā.

Sacchikātabbaniddesavaṇṇanā

29. Sacchikātabbaniddese dasa ekuttaravissajjanāni paṭilābhasacchikiriyāvasena vuttāni. Tattha **akuppā cetovimuttīti** arahattaphalavimuttīti. Sā hi na kuppāti na calāti na parihāyatīti akuppā, sabbakilesehi cittaṃ vimuttattā cetovimuttīti vuccati. **Vijjāti** tisso vijjā. **Vimuttīti** dasuttarapariyāyena arahattaphalaṃ vuttaṃ, saṅgītipariyāyena pana “vimuttīti dve vimuttiyo cittaṃ ca adhimutti nibbānañcā”ti (dī. ni. aṭṭha. 3.304) vuttaṃ. Ettha ca aṭṭha samāpattiyo nīvaraṇādīhi suṭṭhu vimuttattā vimutti nāma, nibbānaṃ sabbasaṅkhatato vimuttattā vimutti nāma. **Tisso vijjāti** pubbenivāsānussatiñānaṃ vijjā sattānaṃ cutūpapāte ñānaṃ vijjā āsavānaṃ khaye ñānaṃ vijjā. Tamavijjhanaṭṭhena vijjā, viditakaraṇaṭṭhena vijjā. Pubbenivāsānussatiñānañhi uppajjamānaṃ pubbenivāsaṃ chādetvā ṭhitaṃ tamaṃ vijjhāti, pubbenivāsañca viditaṃ karotīti vijjā. Cutūpapāte ñānaṃ cutipaṭisandhicchādakaṃ tamaṃ vijjhāti, cutūpapātañca viditaṃ karotīti vijjā. Āsavānaṃ khaye ñānaṃ catusaccacchādakaṃ tamaṃ vijjhāti, catusaccadhamme ca viditaṃ karotīti vijjā. **Cattāri sāmāññaphalānīti** sotāpattiphalaṃ, sakadāgāmi phalaṃ, anāgāmi phalaṃ, arahattaphalaṃ. Pāpadhamme sameti vināsetīti samaṇo, samaṇassa bhāvo sāmāññaṃ. Catunnaṃ ariyamaggānametaṃ nāmaṃ. Sāmāññaṃ phalāni sāmāññaphalāni.

Pañca dhammakkhandaṭṭhāti silakkhandho, samādhikkhandho, paññākkhandho, vimuttikkhandho, vimuttiñānaḍḍassanakkhandho. **Dhammakkhandaṭṭhāti** dhammavibhāgā dhammakottaṭṭhāsā. **Silakkhandhā**disupi eseva nayo. Lokiyalokuttarā silasamādhīpaññā eva silasamādhīpaññākkhandhā. Samucchedapaṭippassaddhīnissaraṇavimuttiyo eva vimuttikkhandho. Tividhā vimuttipaccavekkhaṇā eva vimuttiñānaḍḍassanakkhandho. So lokiyō eva. Jānanaṭṭhena ñānameva dassanaṭṭhena dassananti ñānaḍḍassanaṃ, vimuttīnaṃ ñānaḍḍassanaṃ vimuttiñānaḍḍassananti vuccati. Vikkhambhanatadaṅgavimuttiyo pana samādhīpaññākkhandheheva saṅgahitā. Ime pañca dhammakkhandaṭṭhā sekkhānaṃ sekkhā, asekkhānaṃ asekkhāti vuttā. Etesu hi lokiyā ca nissaraṇavimutti ca nevasekkhānāsekkhā. Sekkhā hontāpi sekkhānaṃ ime iti sekkhā, asekkhānaṃ ime iti asekkhāti vuccanti. “Sekkhena vimuttikkhandhena samannāgato hotī”ti ettha pana nissaraṇavimuttiyā ārammaṇakaraṇavasena samannāgatoti veditabbo. **Cha abhiññāti** cha adhikāni ñāṇāni. Katamā cha? Iddhividhañānaṃ, dibbasotadhātuñānaṃ, pubbenivāsānussatiñānaṃ, cetopariyañānaṃ, dibbacakkuñānaṃ, āsavānaṃ khaye ñāṇanti imā cha.

Satta khīṇāsavabalānīti khīṇā āsavā assāti khīṇāsavo, khīṇāsavassa balāni khīṇāsavabalāni. Katamāni satta? Vuttāni bhagavatā –

“Idha, bhikkhave, khīṇāsavassa bhikkhuno aniccato sabbe saṅkhārā yathābhūtaṃ sammappaññāya sudiṭṭhā hontī. Yampi, bhikkhave, khīṇāsavassa bhikkhuno aniccato sabbe saṅkhārā yathābhūtaṃ sammappaññāya sudiṭṭhā hontī, idampi, bhikkhave, khīṇāsavassa bhikkhuno balaṃ hotī, yaṃ balaṃ āgamma khīṇāsavo bhikkhu āsavānaṃ khayāṃ paṭijānāti ‘khīṇā me āsavā’ti.

“Puna caparaṃ, bhikkhave, khīṇāsavassa bhikkhuno aṅgārakāsūpamā kāmāti yathābhūtaṃ sammappaññāya sudiṭṭhā hontī. Yampi, bhikkhave...pe... idampi khīṇāsavassa bhikkhuno balaṃ hotī...pe....

“Puna caparaṃ, bhikkhave, khīṇāsavassa bhikkhuno vivekaninnaṃ cittaṃ hoti vivekaṇaṃ vivekapabbhāraṃ vivekaṭṭhaṃ nekkhammābhirataṃ byantībhūtaṃ sabbaso āsavaṭṭhāniyehi dhammehi. Yampi, bhikkhave...pe... idampi khīṇāsavassa bhikkhuno balaṃ hoti...pe....

“Puna caparaṃ, bhikkhave, khīṇāsavassa bhikkhuno cattāro satipaṭṭhānā bhāvitā honti subhāvitā. Pañcindriyāni bhāvitāni honti subhāvitāni. Satta bojjhaṅgā bhāvitā honti subhāvitā. Ariyo aṭṭhaṅgiko maggo bhāvito hoti subhāvito. Yampi, bhikkhave, khīṇāsavassa bhikkhuno ariyo aṭṭhaṅgiko maggo bhāvito hoti subhāvito, idampi khīṇāsavassa bhikkhuno balaṃ hoti, yaṃ balaṃ āgamma khīṇāsavo bhikkhu āsavānaṃ khayamaṃ paṭijānāti ‘khīṇā me āsavā’”ti (a. ni. 10.90; dī. ni. 3.357; paṭi. ma. 2.44).

Tattha paṭhamena balena dukkhasaccapaṭivedho, dutiyena samudayasaccapaṭivedho, tatiyena nirodhasaccapaṭivedho, catūhi maggasaccapaṭivedho pakāsito hoti.

Aṭṭha vimokkhāti ārammaṇe adhimuccanaṭṭhena paccanīkadhammehi ca suṭṭhu muccanaṭṭhena vimokkhā. “Katame aṭṭha? Rūpī rūpāni passati, ayaṃ paṭhamo vimokkho. Ajjhataṃ arūpasāññī bahiddhā rūpāni passati, ayaṃ dutiyo vimokkho. ‘Subha’nteva adhimutto hoti, ayaṃ tatiyo vimokkho. Sabbaso rūpasāññānaṃ samatikkamā paṭighasaññānaṃ atthaṅgamā nānattasaññānaṃ amanasikārā ‘ananto ākāso’ti ākāśānañcāyatanaṃ upasampajja viharati, ayaṃ catuttho vimokkho. Sabbaso ākāśānañcāyatanaṃ samatikkamma ‘anantaṃ viññāṇa’nti viññāṇañcāyatanaṃ upasampajja viharati, ayaṃ pañcama vimokkho. Sabbaso viññāṇañcāyatanaṃ samatikkamma ‘natthi kiñcī’ti ākiñcaññāyatanaṃ upasampajja viharati, ayaṃ chaṭṭho vimokkho. Sabbaso ākiñcaññāyatanaṃ samatikkamma nevasaññānāsaññāyatanaṃ upasampajja viharati, ayaṃ sattamo vimokkho. Sabbaso nevasaññānāsaññāyatanaṃ samatikkamma saññāvedayitanirodhaṃ upasampajja viharati, ayaṃ aṭṭhama vimokkho”ti (dī. ni. 2.174; 3.358; a. ni. 8.66).

Nava anupubbanirodhāti nava anupaṭipāṭiyā nirodhā. “Katame nava? Paṭhamaṃ jhānaṃ samāpannaṃ kāmāsaññā niruddhā hoti, dutiyamaṃ jhānaṃ samāpannaṃ vitakkavicārā niruddhā honti, tatiyamaṃ jhānaṃ samāpannaṃ pīti niruddhā hoti, catutthamaṃ jhānaṃ samāpannaṃ assāsapassāsā niruddhā honti, ākāśānañcāyatanaṃ samāpannaṃ rūpasāññā niruddhā hoti, viññāṇañcāyatanaṃ samāpannaṃ ākāśānañcāyatanaṃ samāpannaṃ niruddhā hoti, ākiñcaññāyatanaṃ samāpannaṃ viññāṇañcāyatanaṃ samāpannaṃ niruddhā hoti, nevasaññānāsaññāyatanaṃ samāpannaṃ ākiñcaññāyatanaṃ samāpannaṃ niruddhā hoti, saññāvedayitanirodhaṃ samāpannaṃ saññā ca vedanā ca niruddhā honti”ti (a. ni. 9.31; dī. ni. 3.344, 359).

Dasa asekkhā dhammāti upari sikkhitabbābhāvato na sikkhantīti asekkhā. Atha vā tīsu sikkhāsu sikkhantīti sekkhā, vuddhippattā sekkhāti asekkhā, arahanto. Asekkhānaṃ ime itī asekkhā. “Katame dasa? Asekkhā sammādiṭṭhi, asekkho sammāsaṅkappo, asekkhā sammāvācā, asekkho sammākammanto, asekkho sammāājīvo, asekkho sammāvāyāmo, asekkhā sammāsati, asekkho sammāsamādhī, asekkhamaṃ sammāñānaṃ, asekkhā sammāvimuttī”ti (dī. ni. 3.348, 360). **Asekkhamaṃ sammāñānanti** arahattaphalapaññaṃ ṭhapetvā sesalokiyapaññaṃ. **Sammāvimuttīti** arahattaphalavimuttī. Aṭṭhakathāyamaṃ (dī. ni. aṭṭha. 3.348) pana vuttaṃ –

“Asekkhā sammādiṭṭhītiādayo sabbepi phalasampayuttadhammā eva. Ettha ca sammādiṭṭhi sammāñānanti dvīsu ṭhānesu paññāva kathitā. Sammāvimuttīti iminā pana padena vuttāvasesā phalasamāpattidhammā saṅgahitā”ti.

Sabbaṃ, bhikkhave, sacchikātabbantiādīsu ārammaṇasacchikiriyā veditabbā. **Rūpaṃ passanto sacchikarotīti**ādīsu rūpādīni lokiyāni passitabbākārena passanto tāneva rūpādīni ārammaṇasacchikiriyāya sacchikaroti, rūpādīni vā passitabbākārena passanto tena hetunā sacchikātabbaṃ nibbānaṃ sacchikaroti. Passantoti hi padaṃ hetuatthepi akkharacintakā icchanti. Anaññātāññassamīndriyādīni pana lokuttarāni paccavekkhaṇavasena passanto tāneva ārammaṇasacchikiriyāya sacchikaroti. “Amatogadhaṃ nibbānaṃ

pariyosānaṭṭhena sacchikarotī”ti idaṃ pariññeyyapahātabbasacchikātabbabhāvetabbesu sacchikātabbattā ujukameva. **Ye ye dhammā sacchikatā honti, te te dhammā phassitā hontīti** ārammaṇasacchikiriyāya sacchikatā ārammaṇaphassena phuṭṭhā honti, paṭilābhasacchikiriyāya sacchikatā paṭilābhaphassena phuṭṭhā hontīti.

Sacchikātabbaniddesavaṇṇanā niṭṭhitā.

Hānabhāgiyacatukkaniddesavaṇṇanā

30. Idāni yasmā hānabhāgiyāditā eekasseva samādhissa avatthābhedenā hoti, tasmā hānabhāgiyacatukkaṃ ekatoyeva niddiṭṭhaṃ. Tattha **paṭhamassa jhānassa lābhinti** paṭhamassa jhānassa lābhino. Sāmiatthe upayogavacanāṃ. Lābho sacchikiriyā assa atthīti lābhīti vuccati. **Kāmasahagatāti** ettha sahaगतasaddassa ārammaṇattho adhippeto, vatthukāmakilesakāmārammaṇāti attho. **Saññāmanasikārāti** javanasaññā ca tadāvajjanamanasikāro ca, saññāsampayuttamanasikāropi vaṭṭati. **Samudācarantīti** pavattanti. **Dhammoti** paṭhamajjhānadhammo. Jhānā parihāyanto tīhi kāraṇehi parihāyati kilesasamudācārena vā asappāyakiriyāya vā ananuyogena vā. Kilesasamudācārena parihāyanto sīghaṃ parihāyati, kammārāmatābhassārāmatāniddārāmatāsaṅgaṇikārāmatānuyogavasena asappāyakiriyāya parihāyanto dandhaṃ parihāyati, gelaññapaccayavekallādinā palibodhena abhikkhaṇaṃ asamāpajjanto ananuyogena parihāyantopi dandhaṃ parihāyati. Idha pana balavakāraṇameva dassento kilesasamudācāramevāha. Dutiyajjhānādīhi pana parihāyanto heṭṭhimahetṭhimajjhānanikantisamudācārenapi parihāyati. Kittāvataṃ parihāno hotīti? Yadā na sakkoti samāpajjituṃ, ettāvataṃ parihāno hotīti. **Tadanudhammatāti** anupavatto dhammo anudhammo, jhānaṃ adhikaṃ katvā pavattassa nikantidhammasetaṃ adhivacanāṃ. Anudhammo eva anudhammatā, tassa jhānassa anudhammatā tadanudhammatā. **Satīti** nikanti. **Santiṭṭhatīti** patiṭṭhāti. Taṃ paṭhamajjhānaṃ anuvattamānā nikanti pavattatīti vuttaṃ hoti. **Avitakkasahagatāti** dutiyajjhānārammaṇā. Tañhi natthettha vitakkoti avitakkanti vuccati. **Nibbidāsahagatāti** vipassanārammaṇā. Sā hi saṅkhāresu nibbindanato nibbidāti vuccati. “Nibbindaṃ virajjati”ti (mahāva. 23; saṃ. ni. 3.61) hi vuttaṃ. **Virāgūpasamhitāti** ariyamaggapaṭisaññitā vipassanā. Vipassanā hi sikhāppattā maggavutṭhānaṃ pāpeti. Tasmā vipassanārammaṇā saññāmanasikārā “virāgūpasamhitā”ti vuccanti, “virāgā vimuccati”ti hi vuttaṃ.

Vitakkasahagatāti vitakkavasena paṭhamajjhānārammaṇā. **Upekkhāsukhasahagatāti** tatramajjhattupekkhāya ca sukhavedanāya ca vasena tatiyajjhānārammaṇā. **Pītisukhasahagatāti** pītiyā ca sukhavedanāya ca vasena dutiyajjhānārammaṇā. **Adukkhamasukhasahagatāti** upekkhāvedanāvasena catutthajjhānārammaṇā. Sā hi vedanā na dukkhā na sukhāti adukkhāmasukhāti vuccati, ma-kāro panettha padasandhivasena vutto. **Rūpasahagatāti** rūpajjhānārammaṇā. Nevasaññānāsāññāyatane ṭhitassa hānabhāgiyaṭṭhitbhāgiyanibbedhabhāgiyattesu vijjamānesupi visesabhāgiyattābhāvā nevasaññānāsāññāyatanaṃ na niddiṭṭhaṃ. Sabbopi cesa lokiyo samādhī pamādavihārissa mudindriyassa hānabhāgiyo hoti, appamādavihārissa mudindriyassa ṭṭhitbhāgiyo hoti, taṇhācaritassa tikkhindriyassa visesabhāgiyo hoti, diṭṭhicaritassa tikkhindriyassa nibbedhabhāgiyo hotīti vuccati.

Hānabhāgiyacatukkaniddesavaṇṇanā niṭṭhitā.

Lakkhaṇattikaniddesavaṇṇanā

31. Idāni yasmā ekekopi lokiyadhammo tilakkhaṇabbhāhato, tasmā lakkhaṇattikaṃ ekato niddiṭṭhaṃ. Tattha **aniccaṃ khayaṭṭhenāti** tattha tattheva khīyanabhāvena aniccaṃ. “Khayadhammattā, vayadhammattā, virāgadhammattā, nirodhadhammattā anicca”nti eke. **Dukkhaṃ bhayaṭṭhenāti** sappaṭibhayatāya dukkhaṃ. Yañhi aniccaṃ, taṃ bhayāvahaṃ hoti sīhopamasutte (saṃ. ni. 3.78) devānaṃ viya. “Jātijarābyādhimaraṇabhayaṭṭhena dukkha”nti eke. **Anattā asārakaṭṭhenāti** “attā nivāsī kārako vedako sayamvasī”ti evaṃ parikkappitassa attasārassa abhāvena anattā. Yañhi aniccaṃ dukkhaṃ, taṃ attanopi aniccataṃ vā udayabbayapīlanaṃ vā dhāretuṃ na sakkoti, kuto tassa kārakādībhāvo. Vuttañca “rūpañca hidaṃ, bhikkhave, attā abhavissa, nayidaṃ rūpaṃ ābādāhāya saṃvatteyyā”tiādi (mahāva. 20).

“Attasāraniccasāravirahitattā anattā”ti eke.

Lakkhaṇattikaniddesavaṇṇanā niṭṭhitā.

Dukkhasaccaniddesavaṇṇanā

32-33 .

Ariyasaccacatukkampi tathaṭṭhena saccānaṃ ekasambandhattā ekato eva niddiṭṭhaṃ. Tattha **tatthā**ti tesu catūsu ariyasacesu. **Katamanti** kathetukamyatāpucchā. **Dukkhaṃ ariyasaccanti** pucchitadhammanidassanaṃ. Tattha **jātipi dukkhā**tiādīsu jātisaddassa tāva aneke atthā paveditā. Yathāha

“Bhavo kulaṃ nikāyo ca, sīlaṃ paññatti lakkhaṇaṃ;
Pasūti sandhi cevāti, jātiatthā paveditā”.

Tathā hissa “ekampi jātiṃ dvepi jātiyo”tiādīsu (pārā. 12) bhavo attho. “Akkhitto anupakkuṭṭho jātivādenā”ti (dī. ni. 1.331) ettha kulaṃ. “Atthi, visākhe, nigaṇṭhā nāma samaṇajātī”ti (a. ni. 3.71) ettha nikāyo. “Yatohaṃ, bhagini, ariyāya jātiyā jāto nābhijānāmī”ti (ma. ni. 2.351) ettha ariyasīlaṃ. “Tiriya nāma tiṇajāti nābhīyā uggantvā nabhaṃ āhacca ṭhitā ahoṣī”ti (a. ni. 5.196) ettha paññatti. “Jāti dvīhi khandhehi saṅgahitā”ti (dhātu. 71) ettha saṅkhatalakkhaṇaṃ. “Sampati jāto, ānanda, bodhisatto”ti (ma. ni. 3.207) ettha pasūti. “Bhavapaccayā jāti”ti (vibha. 354) ca “jātipi dukkhā”ti (paṭi. ma. 1.33; vibha. 190) ca ettha pariyaṇato paṭisandhikhandhā. Nippariyaṇato pana tattha tattha nibbattamānānaṃ sattānaṃ ye ye khandhā pātubhavanti, tesam tesam paṭhamaṃ pātubhāvo.

Kasmā panesā jāti dukkhāti ce? Anekesaṃ dukkhānaṃ vatthubhāvato. Anekāni hi dukkhāni. Seyyathidaṃ – dukkhadukkhaṃ, vipariṇāmadukkhaṃ, saṅkhāradukkhaṃ, paṭicchannadukkhaṃ, appaṭicchannadukkhaṃ, pariyaṇadukkhaṃ, nippariyaṇadukkhaṃ. Ettha kāyikacetasikā dukkhā vedanāsabhāvato ca nāmato ca dukkhattā **dukkhadukkhaṃ**ti vuccati. Sukhā vedanā vipariṇāmena dukkhuppattihetuto **vipariṇāmadukkhaṃ**. Upekkhāvedanā ceva avasesā ca tebhūmakasaṅkhārā udayabbaya paṭipīṭitattā **saṅkhāradukkhaṃ**. Kaṇṇasūladantasūlarāgajapariṇāhadosa japariṇāhādi kāyikacetasiko ābādho pucchitvā jānitabbato upakkamassa ca apākaṭabhāvato **paṭicchannadukkhaṃ**. Dvattiṃsakammakāraṇādisamuṭṭhāno ābādho apucchitvā jānitabbato upakkamassa ca pākaṭabhāvato **appaṭicchannadukkhaṃ**. Ṭhapetvā dukkhadukkhaṃ sesaṃ dukkhasaccavibhaṅge (vibha. 190 ādayo) āgataṃ jātiādi sabbampi tassa tassa dukkhassa vatthubhāvato **pariyaṇadukkhaṃ**. Dukkhadukkhaṃ pana **nippariyaṇadukkhaṃ**ti vuccati.

Tatrāyaṃ jāti yaṃ taṃ bālapaṇḍitasuttādīsu (ma. ni. 3.246 ādayo) bhagavatāpi upamāvasena pakāsitaṃ āpāyikaṃ dukkhaṃ, yañca sugatīyampi manussaloke gabbhokkantimūlakādibhedaṃ dukkhaṃ uppajjati, tassa vatthubhāvato dukkhā. Tatridaṃ gabbhokkantimūlakādibhedaṃ dukkhaṃ – ayañhi satto mātukucchimhi nibbattamāno na uppalapadumapuṇḍarīkādīsu nibbattati, atha kho heṭṭhā āmāsayaṃ upari pakkāsayaṃ udarapaṭalapiṭṭhikaṇṭakānaṃ vemajjhe paramasambādhe tibbandhakāre nānākuṇapagandhaparibhāvitaparamaduggandhapavanavīcarite adhimattajegucche kucchippadesa pūtimacchapūtikummāsacandanīkādīsu kimi viya nibbattati. So tattha nibbatta dasa māse mātukucchisambhavana usmanā puṭapākaṃ viya paccamāno piṭṭhapiṇḍi viya sediyamāno samīṇjanapasāraṇādivirahito adhimattaṃ dukkhaṃ paccanubhotīti. Idaṃ tāva **gabbhokkantimūlakaṃ** dukkhaṃ.

Yaṃ pana so mātu sahasā upakkhalanagamananisīdanauṭṭhānaparivattanādīsu surādhuttahatthagato eḷako viya ahitūṇḍikahatthagato sappapotako viya ca ākaḍḍhanaparikaḍḍhanaodhunanāniddhunanādinā upakkamena adhimattaṃ dukkhamanubhoti, yañca mātu sītudakapānakāle sītanarakūpapanno viya uṇhayāgubhattādiajjhoharaṇakāle aṅgaravutṭhisamparikīṇṇo viya loṇambilādiajjhoharaṇakāle

khārāpatacchikādikammakāraṇappatto viya adhimattaṃ dukkhamanubhoti. Idaṃ **gabbhāpariharaṇamūlakam** dukkham.

Yaṃ panassa mūḷhagabbhāya mātuyā mittāmaccasuhajjādīhipi adassanārahe dukkhuppattiṭṭhāne chedanaphālanādīhi dukkhamanubhavati. Idaṃ **gabbhavipattimūlakam** dukkham.

Yaṃ vijāyamānāya mātuyā kammajehi vātehi parivattetvā narakappapātaṃ viya atibhayānakam yonimaggaṃ paṭipādiyamānassa paramasambādheṇa ca yonimukheṇa tālacchiggaḷena viya nikaḍḍhiyamānassa mahānāgassa narakasattassa viya ca saṅghātapabbatehi vicuṇṇiyamānassa dukkhamuppajjati. Idaṃ **vijāyanamūlakam** dukkham.

Yaṃ pana jātassa taruṇavaṇasadisassa sukumārasarīrassa hatthagahaṇanāpanadhovanacolaṇaparimajjanādīkāle sūcimukhakhuradhārāvijjhanaphālanasadisam dukkhamuppajjati. Idaṃ mātukucchito **bahi nikkhamamūlakam** dukkham.

Yaṃ tato paraṃ pavattiyam attanāva attānaṃ vadhentassa acelakavatādivasena ātāpanaparitāpanānuyogamanuyuttassa kodhavasena abhuñjantassa ubbandhantassa ca dukkham hoti. Idaṃ **attupakkamamūlakam** dukkham.

Yaṃ pana parato vadhabandhanādīni anubhavantassa uppajjati. Idaṃ **parūpakkamamūlakam** dukkhanti. Iti imassa sabbassāpi dukkhassa ayaṃ jāti vatthumeva hoti. Tenetaṃ vuccati –

“Jāyetha no ce narakesu satto, tatthaggidāhādīkamappasayham;
Labhetha dukkham nu kuhiṃ patiṭṭham, iccāha dukkhāti munīdha jātiṃ.

“Dukkham tiracchesu kasāpatoda-
Daṇḍābhighātādibhavaṃ anekam;
Yaṃ taṃ katham tattha bhavēyya jātiṃ,
Vinā taṃ jāti tatopi dukkhā.

“Petesu dukkham pana khuppipāsā-
Vātātapādippabhavaṃ vicittam;
Yasmā ajātassa na tattha atthi,
Tasmāpi dukkham muni jātimāha.

“Tibbandhakāre ca asayhasīte,
Lokantare yaṃ asuresu dukkham;
Na taṃ bhava tattha na cassa jāti,
Yato ayaṃ jāti tatopi dukkhā.

“Yañcāpi gūthanarake viya mātugabbhe,
Satto vasaṃ ciramato bahi nikkhamañca;
Pappoti dukkhamatighoramidampi natthi,
Jātiṃ vinā itipi jāti ayañhi dukkhā.

“Kiṃ bhāsitena bahunā nanu yaṃ kuhiñci,
Atthīdha kiñcidapi dukkhamidaṃ kadāci;
Nevatthi jātivirahe yadato mahesī,
Dukkhati sabbapaṭhamam imamāha jāti’nti.

Jarāpi dukkhāti ettha duvidhā jarā saṅkhatalakkhaṇaṇca, khaṇḍiccādisammato santatīyaṃ

ekabhavapariyāpannakhandhapurāṇabhāvo ca. Sā idha adhippetā. Sā panesā dukkhā
saṅkhāradukkhabhāvato ceva dukkhavatthuto ca. Yaṃ hidam
aṅgapaccāṅgasithilībhāvaindriyavikāravirūpatā
yobbanavināsabalūpaghātasatimativippavāsaparaparibhavādiānekappaccayaṃ kāyikacetasiṃ
dukkhamuppajjati, jarā tassa vatthu. Tenetaṃ vuccati –

“Aṅgānaṃ sithilībhāvā, indriyānaṃ vikārato;
Yobbanassa vināsenā, balassa upaghātato.

“Vippavāsā satādīnaṃ, puttadārehi attano;
Appasādanīyato ceva, bhiyyo bālattapattiyā.

“Pappoti dukkhaṃ yaṃ macco, kāyikaṃ mānaṃ tathā;
Sabbametaṃ jarāhetu, yasmā tasmā jarā dukhā”ti.

Jarādukkhānantaraṃ byādhidukkhe vattabbepi kāyikadukkhagahaṇeneva byādhidukkhaṃ gahitaṃ
hotīti na vuttanti veditabbaṃ.

Maraṇampi dukkhanti etthāpi duvidhaṃ maraṇaṃ – saṅkhatalakkhaṇaṅca, yaṃ sandhāya vuttaṃ –
“jarāmarāṇaṃ dvīhi khandhehi saṅgahita”nti (dhātu. 71).
Ekabhavapariyāpannajīvitindriyappabandhavicchedo ca, yaṃ sandhāya vuttaṃ – “niccaṃ maraṇato
bhaya”nti (su. ni. 581). Taṃ idha adhippetam. Jātipaccayamarāṇaṃ upakkamamarāṇaṃ sarasamarāṇaṃ
āyukkhamaraṇaṃ puññakkhamaraṇanti pi tasseva nāmaṃ. Puna khaṇikamarāṇaṃ sammutimaraṇaṃ
samucchedamarāṇanti ayampettha bhedo veditabbo. Pavatte rūpārūpadhammānaṃ bhedo
khaṇikamarāṇaṃ nāma. “Tisso mato, phusso mato”ti idaṃ paramatthato sattassa abhāvā, “sassaṃ
mataṃ, rukkho mato”ti idaṃ jīvitindriyassa abhāvā **sammutimaraṇaṃ** nāma. Khīṇāsavassa
appaṭisandhikā kālakiriyā **samucchedamarāṇaṃ** nāma. Bāhirakaṃ sammutimaraṇaṃ ṭhapetvā itaraṃ
sammutimaraṇaṅca samucchedamarāṇaṅca yathāvuttapabandhavicchedeneva saṅgahitaṃ. Dukkhasa pana
vatthubhāvato dukkhaṃ. Tenetaṃ vuccati –

“Pāpassa pāpakammādinimittamanupassato;
Bhaddassāpasahantassa, viyogaṃ piyavatthukaṃ;
Mīyamānassa yaṃ dukkhaṃ, mānaṃ avisesato.

“Sabbesañcāpi yaṃ sandhibandhanacchedanādikaṃ;
Vitujjamaṇamammānaṃ, hoti dukkhaṃ sarīrajaṃ.

“Asayhamappaṭikāraṃ, dukkhassetassidaṃ yato;
Maraṇaṃ vatthu tenetaṃ, dukkhamicceva bhāsita”nti.

Sokādīsu **soko** nāma ñātibyasanādīhi phuṭṭhassa antonijjhānalakkhaṇo cittasantāpo. Dukkho pana
dukkhadukkhato dukkhavatthuto ca. Tenetaṃ vuccati –

“Sattānaṃ hadayaṃ soko, visasallaṃva tujjati;
Aggitattova nārāco, bhusaṃva dahate puna.

“Samāvahati byādhiṅca, jarāmarāṇabhedaṇaṃ;
Dukkhampi vividhaṃ yasmā, tasmā dukkhoti vuccatī”ti.

Paridevo nāma ñātibyasanādīhi phuṭṭhassa vacīpalāpo. Dukkho pana saṅkhāradukkhabhāvato
dukkhavatthuto ca. Tenetaṃ vuccati –

“Yaṃ sokasallavihato paridevamāno, kaṇṭhoṭṭhatālutasosajamappasayhaṃ;
Bhiyyodhimattamadhighacchatiyeva dukkhaṃ, dukkhoti tena bhagavā paridevamāhā”’ti.

Dukkhaṃ nāma kāyapīṭṭhanalakkhaṇaṃ kāyikadukkhaṃ. Dukkhaṃ pana dukkhadukkhatō mānasadukkahāvahanato ca. Tenetaṃ vuccati –

“Pīṭṭheti kāyikamidaṃ, dukkhaṃ dukkhaṇca mānasaṃ bhiyyo;
Janayati yasmā tasmā, dukkhanti visesato vutta”’nti.

Domanassaṃ nāma cittapīṭṭhanalakkhaṇaṃ mānasaṃ dukkhaṃ. Dukkhaṃ pana dukkhadukkhatō kāyikadukkahāvahanato ca. Cetodukkhasamappitā hi kese pakiriya kandanti, urāni paṭṭipisanti, āvaṭṭanti, vivaṭṭanti, uddhampādaṃ papatanti, satthaṃ āharanti, viṣaṃ khādanti, rajjuyā ubbandhanti, aggim pavisantīti nānappakāraṇaṃ dukkhamanubhavanti. Tenetaṃ vuccati –

“Pīṭṭheti yato cittaṃ, kāyassa ca pīṭṭhanaṃ samāvahati;
Dukkhanti domanassaṃ, vidomanassā tato āhū”’ti.

Upāyāso nāma ñātibyasanādīhi phuṭṭhassa adhimattacetodukkhabhāvito dosoyeva. “Saṅkhārakkhandhāpariyāpanno eko dhammo”’ti eke. Dukkho pana saṅkhāradukkhabhāvato cittaparidahanato kāyavisādanato ca. Tenetaṃ vuccati –

“Cittassa ca paridahanā, kāyassa visādanā ca adhimattaṃ;
Yaṃ dukkhamupāyāso, janeti dukkho tato vutto”’ti.

Ettha ca mandagginā antobhājane pāko viya soko, tikkhagginā paccamānassa bhājanato bahinikkhamaṇaṃ viya paridevo, bahinikkhantāvasesassa nikkhamitumpi appahontassa antobhājaneyeva yāva parikkhayā pāko viya upāyāso daṭṭhabbo.

Appiyasampayogo nāma appiyehi sattaṣaṅkhārehi samodhānaṃ. Dukkho pana dukkhavattthuto. Tenetaṃ vuccati –

“Disvāva appiye dukkhaṃ, paṭṭhamaṃ hoti cetasi;
Tadupakkamasambhūtamatha kāye yato idha.

“Tato dukkhadvayassāpi, vatthuto so mahesinā;
Dukkho vuttoti viññeyyo, appiyehi samāgamo”’ti.

Piyavippayogo nāma piyehi sattaṣaṅkhārehi vinābhāvo. Dukkho pana dukkhavattthuto. Tenetaṃ vuccati –

“Ñātīdhanādiviyogā, sokasarasamappitā vitujjanti;
Bālā yato tatoyam, dukkhoti mato piyavipiyogo”’ti.

Ichchitālābhe alabbhaneyyavattthūsu icchāva **yampicchaṃ na labhati, tampi dukkhanti** vuttā. Yenapi dhammena alabbhaneyyaṃ vatthum icchanto na labhati, tampi alabbhaneyyavattthumhi icchanaṃ dukkhanti attho. Dukkhaṃ pana dukkhavattthuto. Tenetaṃ vuccati –

“Taṃ taṃ patthayamānānaṃ, tassa tassa alābhato;
Yaṃ vighātamayaṃ dukkhaṃ, sattānaṃ idha jāyati.

“Alabbhaneyyavattthūnaṃ, patthanā tassa kāraṇaṃ;

Yasmā tasmā jino dukkhaṃ, icchitālābhamabravī’'ti.

Saṅkhittena pañcupādānakkhandhāti ettha pana **saṅkhittenāti** desanaṃ sandhāya vuttaṃ. Dukkhañhi ettakāni dukkhasatānīti vā ettakāni dukkhasahassānīti vā saṅkhipitum na sakkā, desanā pana sakkā. Tasmā “dukkhaṃ nāma na aññaṃ kiñci, saṅkhittena pañcupādānakkhandhā dukkhā’'ti desanaṃ saṅkhipanto evamāha. **Pañcāti** gaṇanaparicchedo. **Upādānakkhandhāti** upādānagocarā khandhā.

Jātipabbhutiṃ dukkhaṃ, yaṃ vuttamidha tādinaṃ;
Avuttaṃ yañca taṃ sabbhaṃ, vinā etena vijjati.

Yasmā tasmā upādānakkhandhā saṅkhepato ime;
Dukkhatī vuttā dukkhanta-desakena mahesinā.

Tathā hi indhanamiva pāvako, lakkhamiva paharaṇāni, gorūpaṃ viya ḍaṃsamakasādayo, khetamiva lāyakā, gāmaṃ viya gāmaghātakā, upādānakkhandhapañcakameva jātiādayo nānappakārehi vibādhentā tiṇalatādīni viya bhūmiyaṃ, pupphaphalapallavāni viya rukkesu upādānakkhandhesuyeva nibbattanti. Upādānakkhandhānañca ādidukkhāṃ jāti, majjhedukkhāṃ jarā, pariyośānadukkhāṃ maraṇaṃ, māraṇantikadukkhābhigāhātena pariḍayhanadukkhāṃ soko, tadasahanato lāpānādudukkhāṃ paridevo, tato dhātudukkhobhasaṅkhātāniṭṭhaphoṭṭhabbasamāyogato kāyassa ābādhanadukkhāṃ dukkhaṃ, tena ābādhiyamānānaṃ puthujjanānaṃ tattha paṭighuppattito cetobādhanadukkhāṃ domanassaṃ, sokādivuddhiyā janitavisādānaṃ anutthunanadukkhāṃ upāyāso, manorathaviḅhātappattānaṃ icchāviḅhātadukkhāṃ icchitālābhoti evaṃ nānappakārato upaparikkhiyamānā upādānakkhandhāva dukkhāti yadetāṃ ekamekaṃ dassetvā vuccamānaṃ anekehipi kappehi na sakkā anavasesato vuttum, taṃ sabbampi dukkhaṃ ekajalabindumhi sakalasaṃmuddajalarasaṃ viya yesu kesuci pañcasu upādānakkhandhesu saṅkhipitvā dassetum “saṅkhittena pañcupādānakkhandhā dukkhā’'ti bhagavatā vuttameva therō avocāti.

Tattha katamā jātiādiṃ padabhājanīyesu **tatthāti** dukkhasaccaniddese vuttasu jātiādiṃ. **Yā tesam tesam sattānanti** saṅkhepato anekesaṃ sattānaṃ sādharmaṇaniddeso. Yā devadattassa jāti, yā somadattassa jāti evañhi divasampi kathiyamāne neva sattā pariyādānaṃ gacchanti, na sabbhaṃ aparatthadīpanaṃ sijjhanti, imehi pana dvīhi padehi na koci satto aparīyādinno hoti, na kiñci aparatthadīpanaṃ na sijjhanti. **Tamhi tamhīti** ayaṃ gatijātivaseṇa anekesaṃ sattānikāyānaṃ sādharmaṇaniddeso. **Sattānikāyēti** sattānaṃ nikāye, sattaḅhaṭṭāyaṃ sattaṃsamūhetī attho. **Jāti**ti jāyānavaseṇa. Idamettha sabhāvapaccattaṃ. **Sañjāti**ti sañjāyānavaseṇa. Upasaggena padaṃ vaḍḍhitāṃ. **Okkanti**ti okkamaṇavaseṇa. Jāyānaṭṭhena vā jāti, sā aparipuṇṇāyānavaseṇa vuttā. Sañjāyānaṭṭhena sañjāti, sā paripuṇṇāyānavaseṇa vuttā. Okkamaṇaṭṭhena okkanti, sā aṇḍajajalābujavaseṇa vuttā. Te hi aṇḍakosaṃ vatthikosañca okkamanti, okkamantā pavisaṇtā viya paṭisaṇḍhiṃ gaṇhanti. Abhinibbattaṇṭhena **abhinibbatti**, sā saṃsedajaopapātīkavaseṇa vuttā. Te hi pākāṭā eva hutvā nibbattanti, ayaṃ tāva sammutikathā.

Idāni **khandhānaṃ pātubhāvo**, **āyatanānaṃ paṭilābhoti** paramatthakathā hoti. Khandhā eva hi paramatthato pātubhavanti, na sattā. Ettha **ca khandhānanti** ekavokārabhave ekassa, catuvokārabhave catunnaṃ, pañcavokārabhave pañcannaṃ gahaṇaṃ veditaṃ. **Pātubhāvoti** uppatti. **Āyatanānanti** tatra tatra uppajjamānāyānavaseṇa saṅgaho veditaṃ. **Paṭilābhoti** santatiyaṃ pātubhāvoyeva. Pātubhavantāneva hi tāni paṭiladdhāni nāma honti. **Ayaṃ vuccati jāti**ti ayaṃ jāti nāma kathīyati.

Jarāniddese **jarāti** sabhāvapaccattaṃ. **Jīraṇatāti** ākāraniddeso. **Khaṇḍiccanti**ādayo tayo kālātikkame kiccaṇḍesā, pacchimā dve pakatiniddesā. Ayañhi jarāti iminā padena sabhāvato dīpitā, tenassā idaṃ sabhāvapaccattaṃ. Jīraṇatāti iminā ākārato, tenassāyaṃ ākāraniddeso. Khaṇḍiccanti iminā kālātikkame dantaṇḍhānaṃ khaṇḍitabhāvakaraṇakiccato. **Pāliccanti** iminā kesalomānaṃ palitabhāvakaraṇakiccato. **Valittacatāti** iminā maṃsaṃ milāpetvā tace valibhāvakaraṇakiccato dīpitā. Tenassā ime tayo kālātikkame kiccaṇḍesā. Tehi imesaṃ vikāraṇaṃ dassānavaseṇa pākāṭibhūtā pākāṭajarā dassitā. Yatheva hi udakassa vā vātassa vā aggino vā tiṇarukkadhānaṃ sambhaggapalibhaggatāya vā jhāmatāya vā gatamaggo pākāṭo

hoti, na ca so gatamaggo tāneva udakādīni, evameva jarāya dantādīsu khaṇḍiccādivasena gatamaggo pākaṭo cakkhuṃ ummīletvāpi gayhati, na ca khaṇḍiccādīneva jarā. Na hi jarā cakkhuviññeyyā hoti.

Āyuno saṃhāni indriyānaṃ paripākoti imehi pana padehi kālātikameyeva abhivyattāya āyukkhayacakkhādīndriyaparipākasaṅkhātāya pakatiyā dīpitā, tenassime dve pakatiniddesāti veditabbā. Tattha yasmā jaraṃ pattassa āyu hāyati, tasmā jarā “āyuno saṃhāni”ti phalūpacārena vuttā. Yasmā ca daharakāle suppasannāni sukhumampi attano visayaṃ sukheveva gaṇhanasamatthāni cakkhādīni indriyāni jaraṃ pattassa paripakkāni āluḷitāni avisadāni oḷārikampi attano visayaṃ gahetuṃ asamatthāni honti, tasmā “indriyānaṃ paripāko”ti phalūpacārenea vuttā.

Sā panesā evaṃ niddiṭṭhā sabbāpi jarā pākaṭā paṭicchannāti duvidhā hoti. Tattha dantādīsu khaṇḍādībhāvadassanato rūpadhammesu jarā **pākaṭajarā** nāma. Arūpadhammesu pana jarā tādisassa vikārassa adassanato **paṭicchannajarā** nāma. Tatra yvāyaṃ khaṇḍādībhāvo dissati, so tādisānaṃ dantādīnaṃ vaṇṇoyeva. Taṃ cakkhunā disvā manodvārena cintevā “ime dantā jarāya pahaṭā”ti jaraṃ jānāti, udakaṭṭhāne baddhāni gosīṅgādīni oloketvā heṭṭhā udakassa atthibhāvajānaṃ viya. Puna ayaṃ jarā savīci avīcīti evampi duvidhā hoti. Tattha maṇikanakarajatapavāḷacandasūriyādīnaṃ mandadasakādīsu pāṇīnaṃ viya, pupphaphalavādīsu apāṇīnaṃ viya ca antarantarā vaṇṇavisesādīnaṃ dubbīññeyyattā jarā **avīcijarā** nāma, nirantarajarāti attho. Tato aññesu pana yathāvuttesu antarantarā vaṇṇavisesādīnaṃ suviññeyyattā jarā **savīcijarā** nāma.

Tattha savīcijarā upādiṇṇakaanupādiṇṇakavasena evaṃ veditabbā – daharakumārakānañhi paṭhamameva khīradantā nāma uṭṭhahanti, na te thirā. Tesu pana patītesu puna dantā uṭṭhahanti. Te paṭhamameva setā honti, jarāvātena pahaṭakāle kālakā honti. Kesā paṭhamameva tambā honti, tato kālakā, tato setā. Chavi pana salohitikā hoti. Vaḍḍhantānaṃ vaḍḍhantānaṃ odātānaṃ odātābhāvo, kālākānaṃ kālākābhāvo paññāyati. Jarāvātena pana pahaṭakāle valiṃ gaṇhāti. Sabbampi sassaṃ vapitakāle setaṃ hoti, pacchā nīlaṃ. Jarāvātena pana pahaṭakāle paṇḍukaṃ hoti. Ambaṅkurenāpi dīpetuṃ vaṭṭati.

Maraṇaniddese **cutīti** cavanavasena vuttaṃ. Ekacatupañcakkhandhānaṃ sāmāññavacanametam. **Cavanatāti** bhāvavacanena lakkhaṇanidassanaṃ. **Bhedoti** cutikhandhānaṃ bhaṅgupattiparidīpanaṃ. **Antaradhānanti** ghaṭassa viya bhinnassa bhinnānaṃ cutikhandhānaṃ yena kenaci pariyāyena ṭhānābhāvaparidīpanaṃ. **Maccu maraṇanti** maccusaṅkhātānaṃ maraṇaṃ, na khaṇikamaraṇaṃ. Kālo nāma antako, tassa kiriyāti **kālakiriyā**. Ettāvātā ca sammutiyaṃ maraṇaṃ dīpitaṃ.

Idāni paramatthena dīpetuṃ **khandhānaṃ bhedoti**ādīmāha. Paramatthena hi khandhāyeva bhijjanti, na satto nāma koci marati. Khandhesu pana bhijjamānesu satto marati, bhinnesu matoti vohāro hoti. Ettha ca catuvokārapañcavokāravasena **khandhānaṃ bhedo**, ekavokāravasena **kaḷavarassa nikkhepo**, catuvokāravasena vā khandhānaṃ bhedo, sesadvayavasena kaḷavarassa nikkhepo veditabbo. Kasmā? Bhavadvayepi rūpakāyasaṅkhātassa kaḷavarassa sambhavato. Yasmā vā cātumahārājikādīsūpi khandhā bhijjanteva, na kiñci nikkhipati, tasmā tesam vasena khandhānaṃ bhedo, manussādīsū kaḷavarassa nikkhepo. Ettha ca kaḷavarassa nikkhepakaraṇato maraṇaṃ “kaḷavarassa nikkhepo”ti vuttaṃ.

Jīvitindriyassupacchedoti iminā indriyabaddhasseva maraṇaṃ nāma hoti, anindriyabaddhassa maraṇaṃ nāma natthīti dasseti. “Sassaṃ mataṃ, rukkho mato”ti idaṃ pana vohāramattameva, atthato pana evarūpāni vacanāni sassādīnaṃ khayavayabhāvameva dīpenti.

Apica imāni jātijarāmaraṇāni nāma imesaṃ sattānaṃ vadhakapaccāmittā viya otāraṃ gavesantāni vicaranti. Yathā hi purisassa tīsu paccāmittesu otārāpekkhesu vicarantesu eko vadeyya “ahaṃ asukaaraññassa nāma vaṇṇaṃ kathetvā etaṃ ādāya tattha gamissāmi, ettha mayhaṃ dukkaraṃ natthī”ti. Dutīyo vadeyya “ahaṃ tava etaṃ gahetvā gatakāle pothetvā dubbalaṃ karissāmi, ettha mayhaṃ dukkaraṃ natthī”ti. Tatiyo vadeyya “tayā etasmim pothetvā dubbale kate tiṇhena asinā sīsacchedanaṃ nāma mayhaṃ bhāro hotū”ti te evaṃ vatvā tathā kareyyuṃ. Tattha paṭhamapaccāmittassa araṇṇavaṇṇaṃ kathetvā taṃ ādāya tattha gatakālo viya suhajjañātimaṇḍalato nikkadḍhitvā yattha katthaci nibbattāpanaṃ

nāma jātiyā kiccaṃ, dutiyassa pothetvā dubbalakaraṇaṃ viya nibbattakkhandhesu nipatitvā parādhīnamañcaparāyaṇabhāvākaraṇaṃ jarāya kiccaṃ, tatiyassa tiṇhena asinā sīsacchedanaṃ viya jīvitakkhayapāpanaṃ maraṇassa kiccanti veditabbaṃ.

Apicettha jātidukkaṃ sādīnavamahākantārappaveso viya daṭṭhabbaṃ, jarādukkaṃ tattha annapānarahitassa dubbalaṃ viya, maraṇadukkaṃ dubbalassa iriyāpathapavattane vihataparakkamassa vāḷādīhi anayabyasaṇāpādanaṃ viya daṭṭhabbanti.

Sokaniddese viyasatī byasaṇaṃ, hitasukkaṃ khipati viddhaṃsetī attho. Ñātīnaṃ byasaṇaṃ ñātībyasaṇaṃ, corarogabhayādīhi ñātikkhaya ñātīvināsoti attho. Tena **ñātībyasaṇena. Phuṭṭhassāti** ajjhotthaṭṭassa abhibhūtassa, samannāgatassāti attho. Sesesupi eseva nayo. Ayaṃ pana vireso – bhogānaṃ byasaṇaṃ **bhogabyasaṇaṃ**, rājacorādivasena bhogakkhaya bhogavināsoti attho. Rogoyeva byasaṇaṃ **rogabyasaṇaṃ**. Rogo hi ārogyaṃ viyasati vināsetī byasaṇaṃ. Sīlassa byasaṇaṃ **sīlabyasaṇaṃ**. Dussīlyassettaṃ nāmaṃ. Sammādiṭṭhiṃ vināsayamānā uppānā diṭṭhi eva byasaṇaṃ **diṭṭhibyasaṇaṃ**. Ettha ca purimāni dve anipphannāni, pacchimāni tīṇi nipphannāni tilakkaṇabbhāhatāni. Purimāni ca tīṇi neva kusalāni na akusalāni, sīladiṭṭhibyasaṇadvayaṃ akusalaṃ.

Aññataraññatarenāti gahitesu vā yena kenaci aggahitesu vā mittāmaccabyaṇādīsū yena kenaci. **Samannāgatassāti** samanubandhassa aparimuccamānassa. **Aññataraññatarena dukkhadhammenāti** yena kenaci sokadukkhassa uppattihetunā. **Sokoti** socanakavasena soko. Idaṃ tehi kāraṇehi uppajjanakasokassa sabhāvapaccattaṃ. **Socanāti** socanākāro. **Socitattanti** socitabhāvo. **Antosokoti** abbhantarasoko. Dutiyapadaṃ upasaggena vaḍḍhitaṃ. So hi abbhantaraṃ sukkhāpento viya parisukkhāpento viya uppajjati “antosoko antoparisoko”ti vuccati. **Cetaso pariṃjhāyanāti** cittassa pariṃjhāyanākāro. Soko hi uppajjamāno aggi viya cittaṃ jhāpeti dahati, “cittaṃ me jhāmaṃ, na me kiñci paṭibhātī”ti vadāpeti. Dukkhitō mano dummano, tassa bhāvo **domanassaṃ**. Anupaviṭṭhatṭhena sokova sallanti **sokasallaṃ**.

Paridevaniddese “mayhaṃ dhītā, mayhaṃ putto”ti evaṃ ādissa ādissa devanti rodanti etenāti **ādevo**. Taṃ taṃ vaṇṇaṃ parikittetvā parikittetvā devanti etenāti **paridevo**. Tato parāni dve dve padāni purimadvayasseva ākārabhāvaniddesavasena vuttāni. **Vācāti** vacanaṃ. **Palāpoti** tucchaṃ niratthakavacanaṃ. Upaḍḍhabhaṇitaaññabhaṇitādivasena virūpo palāpoti **vippalāpo**. **Lālappoti** punappunaṃ lapanāṃ. Lālappanākāro **lālappanā**. Lālappitassa bhāvo **lālappitattaṃ**.

Dukkhaniddese kāyanissitattā **kāyikaṃ**. Amadhuraṭṭhena **asātaṃ**. Kāyikapadena cetasikaasātaṃ paṭikkhipati, asātapadena kāyikasātaṃ. Tadeva dukkhayatīti **dukkhaṃ**, yassuppajjati, taṃ dukkhitāṃ karotīti attho. Dukkhamattā vā dukkhaṃ. **Kāyasamphassajanti** kāyasamphasse jātaṃ. **Asātaṃ dukkhaṃ vedayitanti** asātaṃ vedayitaṃ na sātaṃ, dukkhaṃ vedayitaṃ na sukhaṃ. Parato tīṇi padāni itthilīṅgavasena vuttāni. Asātā vedanā na sātā, dukkhā vedanā na sukhāti ayameva panettha attho. Yaṃ kāyikaṃ asātaṃ dukkhaṃ vedayitaṃ, yā kāyasamphassajā asātā dukkhā vedanā, idaṃ vuccati dukkhanti evaṃ yojanā veditabbā.

Domanassaniddese duṭṭhu manoti dummano, hīnavedanattā vā kucchitaṃ manoti dummano, dummanassa bhāvo **domanassaṃ**. Cittanissitattā **cetasikaṃ**. **Cetosamphassajanti** cettasamphasse jātaṃ.

Upāyāsaniddese āyāsaṇaṭṭhena **āyāso**. Saṃsīdanavisīdanākārappavattassa cittaṅgamaṭṭhassaṇṇaṃ nāmaṃ. Balavaāyāso **upāyāso**. Āyāsitaṃ bhāvo **āyāsitaṭṭhaṃ**. Upāyāsitaṃ bhāvo **upāyāsitaṭṭhaṃ**.

Appiyasampayoganiddese **idhāti** imasmiṃ loke. **Yassāti** ye assa. **Aniṭṭhāti** apariyesitā. Pariyesitā vā hontu apariyesitā vā, nāmaṃ evetaṃ amanāpārammaṇānaṃ. Manasmiṃ na kamanti na pavisaṇtīti **akantā**. Manasmiṃ na appiyanti, na vā manaṃ vaḍḍhentīti **amanāpā**. **Rūpāti** ādi tesaṃ sabhāvanidassanaṃ. Anatthaṃ kāmenti icchantīti **anattakāmā**. Ahitaṃ kāmenti icchantīti **ahitakāmā**. Aphāsuṃ dukkhavihāraṃ kāmenti icchantīti **aphāsukāmā**. Catūhi yogehi khemaṃ nibbhayaṃ vivaṭṭhaṃ na kāmenti,

sabhayaṃ vaṭṭameva nesam kāmenti icchantīti **ayogakkhemakāmā**. Apica saddhādīnaṃ vuddhisankhātassa atthassa akāmanato, tesamyeva hānisankhātassa anattassa ca kāmanato **anattakāmā**. Saddhādīnaṃyeva upāyabhūtassa hitassa akāmanato, saddhāhāniādīnaṃ upāyabhūtassa ahitassa ca kāmanato **ahitakāmā**. Phāsuvihārassa akāmanato, aphāsuvihārassa ca kāmanato **aphāsukāmā**. Yassa kassaci nibbhayassa akāmanato, bhayassa ca kāmanato **ayogakkhemakāmā**ti evamettha attho daṭṭhabbo.

Saṅgatīti gantvā saṃyogo. **Samāgamoti** āgatehi saṃyogo. **Samodhānanti** ṭhānanisajjādīsu sahabhāvo. **Missībhāvoti** sabbakiccānaṃ saha karaṇaṃ. Ayaṃ sattavasena yojanā. Saṅkhāravasena pana yaṃ labbhati, taṃ gahetabbaṃ. So pana appiyasampayogo atthato eko dhammo nāma natthi, kevalaṃ appiyasampayuttānaṃ duvidhassāpi dukkhassa vatthubhāvato dukkhoti vutto.

Piyavippayoganiddeso vuttapaṭipakkhanayena veditabbo. **Mātā vā**tiādi panettha atthakāme sarūpena dassetuṃ vuttaṃ. Tattha mamāyatīti **mātā**, piyāyatīti **pitā**. Bhajatīti **bhātā**, tathā **bhaginī**. Mettāyantīti **mittā**, minanti vā sabbaguyhesu anto pakkhipantīti mittā. Kiccakaraṇīyesu sahabhāvaṭṭhena amā hontīti **amaccā**. “Ayaṃ amhākaṃ ajjhantiko”ti evaṃ jānanti, nīyantīti vā **nīatī**. Lohitena sambandhāti **sālohitā**. Pitupakkhikā nīatī, mātupakkhikā sālohitā. Mātāpitupakkhikā vā nīatī, sassusapurapakkhikā sālohitā. Ayampi piyavippayogo atthato eko dhammo nāma natthi, kevalaṃ piyavippayuttānaṃ duvidhassāpi dukkhassa vatthubhāvato dukkhoti vutto. Idamettha sabbaaṭṭhakathāvacanaṃ. Saccānaṃ pana tathalakkhaṇatā sampayogavippayogavacanehi appiyapiyavattūniyeva visesitāntīti vattuṃ yujjatīti.

Ichchitālābhaniddese **jātidhammānanti** jātisabhāvānaṃ jātipakatikānaṃ. **Ichchā uppajjatīti** taṇhā uppajjati. **Aho vatā**ti patthanā. **Assāmā**ti bhaveyyāma. **Na kho panetaṃ icchāya pattabbanti** yaṃ etaṃ “aho vata mayaṃ na jātidhammā assāma, na ca vata no jāti āgaccheyyā”ti evaṃ pahīnasamudayesu sādhusu vijjamānaṃ ajātidhammattaṃ parinibbutesu ca vijjamānaṃ jātiyā anāgamaṃ icchitaṃ, taṃ icchantassāpi maggabhāvanāya vinā appattabbato, anicchantassāpi ca bhāvanāya pattabbato na icchāya pattabbaṃ nāma hoti. **Idampī**ti etampi. Upari sesāni upādāya **apisaddo**.

Upādānakkhandhaniddese **seyyathidanti** nipāto, tassa te katame iti ceti attho. Rūpameva upādānakkhandhoti **rūpupādānakkhandho**. Eseva nayo sesesupi.

Dukkhasaccaniddesavaṇṇanā niṭṭhitā.

Samudayasaccaniddesavaṇṇanā

34. Samudayasaccaniddese **yāyaṃ taṇhā**ti yā ayaṃ taṇhā. **Ponobhavikā**ti punabbhavakaraṇaṃ punobhavo, punobhavo sīlamassāti ponobhavikā. Apica punabbhavaṃ deti, punabbhavāya saṃvattati, punappunaṃ bhava nibbattetīti ponobhavikā. Sā panesā punabbhavassa dāyikāpi atthi adāyikāpi, punabbhavāya saṃvattanikāpi atthi asaṃvattanikāpi, dinnāya paṭisandhiyā upadhivepakkamattāpi. Sā tippakārāpi ponobhavikāti nāmaṃ labhati. Ponabbhavikātipi pāṭho, soyevattho. Abhinandanasankhātēna nandirāgena saha gatāti **nandirāgasahagatā**. Nandirāgena saddhiṃ atthato ekattameva gatāti vuttaṃ hoti. **Tatra tatrābhinandinī**ti yatra yatra attabhāvo nibbattati, tatra tatra abhinandinī. Rūpādīsu vā ārammaṇesu tatra tatrābhinandinī, rūpābhinandinī saddagandharasaphoṭṭhabbadhammābhinandinīti attho. Tatra tatrābhinandinītipi pāṭho, tatra tatra abhinandayātīti attho. **Seyyathidanti** nipāto, tassa sā katamā iti ceti attho. **Kāmatāṇhā**ti kāme taṇhā, pañcakāmaguṇikarāgassetam adhivacanaṃ. **Bhavataṇhā**ti bhava taṇhā. Bhavapatthanāvasena uppannassa sassatadiṭṭhisahagatassa rāgassa rūpārūpabhavarāgassa ca jhānanikantiyā ca etaṃ adhivacanaṃ. **Vibhavataṇhā**ti vibhava taṇhā. Uchedadiṭṭhisahagatarāgassetam adhivacanaṃ.

Idāni tassā taṇhāya vatthuṃ vitthārato dassetuṃ **sā kho panesā**tiādimāha. Tattha **uppajjatīti** jāyati. **Nivisatīti** punappunaṃ pavattivasena patiṭṭhāti. Uppajjamānā kattha uppajjati, nivisamānā kattha nivisatīti sambandho. **Yaṃ loke piyarūpaṃ satarūpanti** yaṃ lokasmiṃ piyasabhāvañceva madhurasabhāvañca. **Cakkhu loketi**ādīsu lokasmiñhi cakkhuādīsu mamattēna abhiniviṭṭhā sattā sampattiyaṃ patiṭṭhitā attano

cakkhum ādāsādīsu nimittaggahaṇānusārena vipprasannaṃ pañcapasādaṃ suvaṇṇavimāne ugghāṭitamaṇisīhapañjaraṃ viya maññanti, sotaṃ rajatapanālikāṃ viya pāmaṅgasuttakaṃ viya ca maññanti, tuṅgaṇāsātī laddhavohāraṃ ghānaṃ vaṭṭetvā ṭhapitaharītālavatṭiṃ viya maññanti, jivhaṃ rattakambalapaṭalaṃ viya mudusiniddhamadhurarasaṃ maññanti, kāyaṃ sālalaṭṭhiṃ viya suvaṇṇatoraṇaṃ viya ca maññanti, manaṃ aññesaṃ manena asadisāṃ ulāraṃ maññanti, rūpaṃ suvaṇṇakaṇikārapupphādivaṇṇaṃ viya, saddaṃ mattakaravīkakokilamandadhamitamaṇivaṃsanigghosaṃ viya, attanā paṭiladdhāni catusamuṭṭhānikagandhārammaṇādīni “kassaññassa evarūpāni atthī”ti maññanti, tesāṃ evaṃ maññamānānaṃ tāni cakkhādīni piyarūpāni ceva sātārūpāni ca honti. Atha nesāṃ tattha anuppannā ceva taṇhā uppajjati, uppannā ca punappunaṃ pavattivasena nivisati. Tasmā thero “cakkhu loke piyarūpaṃ sātārūpaṃ, etthesā taṇhā uppajjamānā uppajjati”tiādimāha. Tattha **uppajjamānā**ti yadā uppajjati, tadā ettha uppajjati attho.

Samudayasaccaniddesavaṇṇanā niṭṭhitā.

Nirodhasaccaniddesavaṇṇanā

Nirodhasaccaniddese **yo tassāyeva taṇhāyā**ti ettha “yo tasseva dukkhassā”ti vattabbe yasmā samudayanirodheneva dukkhaṃ nirujjhati, no aññathā. Yathāha –

“Yathāpi mūle anupaddave daḷhe, chinnopi rukkho punareva rūhati;
Evampi taṇhānusaye anūhate, nibbattaṭi dukkhamidaṃ punappuna”nti. (dha. pa. 338);

Tasmā taṃ dukkhanirodhaṃ dassento samudayanirodhena dassetuṃ evamāha. Sīhasamānavuttino hi tathāgatā, te dukkhaṃ nirodhentā dukkhanirodhañca dassentā hetumhi paṭipajjanti, na phale. Suvānavuttino pana aññatitthiyā, te dukkhaṃ nirodhentā dukkhanirodhañca dassentā attakilamathānuyogena ceva tasseva ca desanāya phale paṭipajjanti, na hetumhīti. Sīhasamānavuttitāya satthā hetumhi paṭipajjanto “yo tassāyevā”tiādimāha. Dhammasenāpatipi satthārā vuttakkamenevāha.

Tattha **tassāyeva taṇhāyā**ti yā sā taṇhā “ponobhavikā”ti vatvā kāmataṇhādivasena vibhattā uppattinivesanavasena ca heṭṭhā pakāsītā, tassāyeva taṇhāya. **Asesavirāganirodhoti** virāgo vuccati maggo, “virāgā vimuccatī”ti (ma. ni. 1.245; saṃ. ni. 3.12; mahāva. 23) hi vuttaṃ. Virāgena nirodho virāganirodho, anusayasamugghātato aseso virāganirodho asesavirāganirodho. Atha vā virāgoti hi pahānaṃ vuccati, tasmā aseso virāgo aseso nirodhoti evampettha yojanā daṭṭhabbā. Atthato pana sabbāneva panetāni asesavirāganirodhotiādinī nibbānasseva vevacanāni. Paramatthato hi dukkhanirodhaṃ ariyasaccanti nibbānaṃ vuccati. Yasmā pana taṃ āgamma taṇhā asesā virājjati nirujjhati, tasmā taṃ “tassāyeva taṇhāya asesavirāganirodho”ti vuccati. Nibbānañca āgamma taṇhā cajjīyati paṭinissajjīyati muccati na allīyati, kāmaguṇālayesu cettha ekopi ālayo natthi, tasmā nibbānaṃ **cāgo paṭinissaggo mutti anālayoti** vuccati. Ekameva hi nibbānaṃ, nāmāni panassa sabbasaṅkhatānaṃ nāmapaṭipakkhavasena anekāni honti. Seyyathidaṃ – asesavirāgo asesanirodho cāgo paṭinissaggo mutti anālayo rāgakkhayo dosakkhayo mohakkhayo taṇhākkhayo anuppādo appavattaṃ animittaṃ appaṇihitaṃ anāyūhanaṃ appaṭisandhi anupapatti agati ajātaṃ ajaraṃ abyādhi amataṃ asokaṃ aparidevaṃ anupāyāsaṃ asaṃkiliṭṭhantiādinī.

Idāni maggena chinnāya nibbānaṃ āgamma appavattippattāyapi ca taṇhāya yesu vatthūsu tassā uppatti dassitā, tattheva abhāvaṃ dassetuṃ **sā kho panesātī**tiādimāha. Tattha yathā puriso khetto jātaṃ tittakālābuvallīṃ disvā aggato paṭṭhāya mūlaṃ pariyesitvā chindeyya, sā anupubbena milāyitvā appaññattīṃ gaccheyya, tato tasmīṃ khetto tittakālābu niruddhā pahīnāti vucceyya, evameva khetto tittakālābu viya cakkhādīsu taṇhā. Sā ariyamaggena mūlacchinnā nibbānaṃ āgamma appavattīṃ gacchati. Evaṃ gatā pana tesu vatthūsu khetto tittakālābu viya na paññāyati. Yathā ca aṭavito core ānetvā nagarassa dakkhiṇadvāre ghāteyyuṃ, tato aṭaviyaṃ corā matāti vā mārītāti vā vucceyyuṃ, evameva aṭaviyaṃ corā viya yā cakkhādīsu taṇhā, sā dakkhiṇadvāre corā viya nibbānaṃ āgamma niruddhattā nibbāne niruddhā. Evaṃ niruddhā pana tesu vatthūsu aṭaviyaṃ corā viya na paññāyati. Tenassā tattheva nirodhaṃ dassento

“cakkhu loke piyarūpaṃ satarūpaṃ, etthesā taṅhā pahīyamānā pahīyatī” tiādimāha. Atha vā taṅhuppādavatthussa pariññātattā pariññātavatthusmiṃ puna na uppajjanato anuppādanirodhavasena taṅhuppādavatthusmiṃyeva nirujjhatīti vuccati. Ettha ca uppajjanapaṭipakkhavasena pahīyatīti vuttaṃ, nivisanapaṭipakkhavasena nirujjhatīti.

Nirodhasaccaniddesavaṇṇanā niṭṭhitā.

Maggasaccaniddesavaṇṇanā

36 Maggasaccaniddese **ayamevāti** aññamaggapaṭikkhepanatthaṃ niyamaṇaṃ (vibha. aṭṭha. 205). **Ariyoti** taṃtaṃmaggavajjhakilesehi ārakattā, ariyabhāvakarattā, ariyaphalapaṭilābhakarattā ca ariyo. Aṭṭha aṅgāni assāti **aṭṭhaṅgiko**. Svāyaṃ caturaṅgikā viya senā, pañcaṅgikaṃ viya tūriyaṃ aṅgamattameva hoti, aṅgavinimutto natthi.

Idāni aṅgamattameva maggo aṅgavinimutto natthīti dassento **sammādiṭṭhi...pe...** **sammāsamādhī**tiādimāha. Tattha sammā dassanalakkhaṇā **sammādiṭṭhi**. Sammā abhiniropanalakkhaṇo **sammāsaṅkappo**. Sammā pariggahalakkhaṇā **sammāvācā**. Sammā samuṭṭhāpanalakkhaṇo **sammākammanto**. Sammā vodāpanalakkhaṇo **sammāājīvo**. Sammā paggahalakkhaṇo **sammāvāyāmo**. Sammā upaṭṭhānalakkhaṇā **sammāsati**. Sammā samādhānalakkhaṇo **sammāsamādhī**. Tesu ekekassa tīṇi tīṇi kiccāni honti. Seyyathidaṃ – sammādiṭṭhi tāva aññehipi attano paccanīkakilesehi saddhiṃ micchādiṭṭhiṃ pajahati, nirodhañca ārammaṇaṃ karotī, sampayuttadhamme ca passati tappaṭicchādakamohavidhamanavasena asammoḥato. Sammāsaṅkappādayopi tatheva micchāsaṅkappādīni ca pajahanti, nibbānañca ārammaṇaṃ karonti. Visesto panettha sammāsaṅkappo sahaṅgātadhamme sammā abhiniropeti, sammāvācā sammā pariggaṇhāti, sammākammanto sammā samuṭṭhāpeti, sammāājīvo sammā vodāpeti, sammāvāyāmo sammā paggaṇhāti, sammāsati sammā upaṭṭhāpeti, sammāsamādhī sammā samādahati.

Apicesā sammādiṭṭhi nāma pubbabhāge nānākkhaṇā nānārammaṇā hoti, maggakāle ekakkhaṇā ekārammaṇā. Kiccato pana “dukkhe nāṇa”ntiādinī cattāri nāmāni labhati. Sammāsaṅkappādayopi pubbabhāge nānākkhaṇā nānārammaṇā honti, maggakāle ekakkhaṇā ekārammaṇā. Tesu sammāsaṅkappo kiccato nekkhammasaṅkappotiādinī tīṇi nāmāni labhati. Sammāvācādayo tayo pubbabhāge viratiyopi honti cetanāyopi, maggakkhaṇe pana viratiyoyeva. Sammāvāyāmo sammāsati idampi dvayaṃ kiccato sammappadhānasatiṭṭhānavasena cattāri nāmāni labhati. Sammāsamādhī pana pubbabhāgepi maggakkhaṇepi sammāsamādhīyeva.

Iti imesu aṭṭhasu dhammesu bhagavatā nibbānādhigamāya paṭipannassa yogino bahūpakārattā paṭhamaṃ sammādiṭṭhi desitā. Ayañhi “paññāpajjoto paññāsatta”nti (dha. sa. 16, 20, 29) ca vuttā. Tasmā etāya pubbabhāge vipassanāññāsaṅkhātāya sammādiṭṭhiyā avijjandhakāraṃ vidhamitvā kilesacore ghātento khemena yogāvacaro nibbānaṃ pāpuṇāti. Tasmā paṭhamaṃ sammādiṭṭhi desitā.

Sammāsaṅkappo pana tassā bahūpakāro. Tasmā tadanantaraṃ vutto. Yathā hi heraññiko hatthena parivattetvā parivattetvā cakkhunā kahāpaṇaṃ olokento “ayaṃ kūṭo ayaṃ cheko”ti jānāti, evaṃ yogāvacaropi pubbabhāge vitakkena vitakketvā vitakketvā vipassanāpaññāya olokayamāno “ime dhammā kāmāvacarā, ime rūpāvacarādayo”ti jānāti. Yathā vā pana purisena koṭiyaṃ gahetvā parivattetvā parivattetvā dinnāṃ mahārukkhaṃ tacchako vāsiyā tacchetvā kamme upaneti, evaṃ vitakkena vitakketvā vitakketvā dinnadhamme yogāvacaro paññāya “ime dhammā kāmāvacarā, ime rūpāvacarā”tiādinā nayena paricchinditvā kamme upaneti. Tasmā sammāsaṅkappo sammādiṭṭhānantaraṃ vutto.

Svāyaṃ yathā sammādiṭṭhiyā, evaṃ sammāvācāyapi upakārako. Yathāha – “pubbe kho, gahapati, vitakketvā vicāretvā pacchā vācaṃ bhindaṭī”ti (ma. ni. 1.463). Tasmā tadanantaraṃ sammāvācā vuttā.

Yasmā pana “idañcīdañca karissāmā”ti paṭhamaṃ vācāya saṃvidahitvā loke kammante payojenti,

tasmā vācā kāyakammaṣṣa upakārikāti sammāvācāya anantaraṃ sammākammanto vutto.

Catubbidhaṃ pana vacīduccaritaṃ, tividdhaṃ kāyaduccaritaṃ pahāya ubhayaṃ sucaritaṃ pūrentasseva yasmā ājivaṭṭhamakasiḷaṃ pūraṭi, na itarassa, tasmā tadubhayaṅnantaraṃ sammāājīvo vutto.

Evaṃ visuddhājīvena pana “parisuddho me ājīvo”ti ettāvataṃ paritoṣaṃ katvā suttappamattena viharitaṃ na yuttaṃ, atha kho sabbairiyāpathesu idaṃ vīriyamārabhitabbanti dassetuṃ tadanantaraṃ sammāvāyāmo vutto.

Tato āradhaviṛiyenāpi kāyādīsu catūsu vatthūsu sati sūpaṭṭhitā kātabbāti dassetuṃ tadanantaraṃ sammāsati vuttā.

Yasmā pana evaṃ sūpaṭṭhitāya satiyā samādhissa upakārānupakārānaṃ dhammānaṃ gatiyo samanvesitvā pahoti ekattāramaṇe cittaṃ samādhātuṃ, tasmā sammāsatiānantaraṃ sammāsamādhī vuttoti veditabboti.

Sammādiṭṭhiniddese “dukkhe ñāṇa”ntiādinā catusaccakammaṭṭhānaṃ dassitaṃ. Tattha purimāni dve saccāni vaṭṭaṃ, pacchimāni dve vivaṭṭaṃ. Tesu bhikkhuno vaṭṭe kammaṭṭhānābhiniveso hoti, vivaṭṭe natthi abhiniveso. Purimāni hi dve saccāni “pañcakkhandhā dukkhaṃ, taṇhā samudayo”ti evaṃ saṅkhepena ca, “katame pañcakkhandhā? Rūpakkhandaḥ”tiādinā nayena vitthārena ca ācariyasantike uggaṇhitvā vācāya punappunaṃ parivattento yogāvācaro kammaṃ karoti. Itaresu pana dvīsu saccesu “nirodhasaccaṃ iṭṭhaṃ kantaṃ manāpaṃ, maggasaccaṃ iṭṭhaṃ kantaṃ manāpa”nti evaṃ savaneneva kammaṃ karoti. So evaṃ kammaṃ karonto cattāri saccāni ekapaṭivedhena paṭivijjhati, ekābhisamayena abhisameti. Dukkhaṃ pariññāpaṭivedhena paṭivijjhati, samudayaṃ pahānapaṭivedhena paṭivijjhati. Nirodhaṃ sacchikiriyāpaṭivedhena paṭivijjhati, maggaṃ bhāvanāpaṭivedhena paṭivijjhati. Dukkhaṃ pariññābhisamayena...pe... maggaṃ bhāvanābhisamayena abhisameti.

Evamassa pubbhāge dvīsu saccesu uggaḥaparipucchāsavanadhāraṇasammasanapaṭivedho hoti, dvīsu savanapaṭivedhoyeva. Aparabhāge tīsu kiccato paṭivedho hoti nirodhe āramaṇapaṭivedho. Tattha sabbampi paṭivedhañāṇaṃ lokuttaraṃ, savanadhāraṇasammasanañāṇaṃ lokiyaṃ kāmāvacaraṃ. Paccavekkhaṇā pana pattasaccassa hoti, ayaṅca ādikammiko. Tasmā sā idha na vuttā. Imassa ca bhikkhuno pubbe pariggahato “dukkhaṃ parijānāmi, samudayaṃ pajahāmi, nirodhaṃ sacchikaromi, maggaṃ bhāvemī”ti ābhogasamannāhāramanasikārapaccavekkhaṇā natthi, pariggahato paṭṭhāya hoti. Aparabhāge pana dukkhaṃ pariññātaṃ eva hoti...pe... maggo bhāvitova hoti.

Tattha dve saccāni duddasattā gambhīrāni, dve gambhīrattā duddasāni. Dukkhasaccañhi uppattito pākaṭaṃ, khāṇukaṇṭakappahārādīsu “aho dukkha”nti vattabbatampi āpajjati. Samudayasaccaṃ khāditukāmatābhūñjitukāmatādivasena uppattito pākaṭaṃ. Lakkhaṇapaṭivedhato pana ubhayaṃpi gambhīraṃ. Iti tāni duddasattā gambhīrāni. Itaresaṃ pana dvinnaṃ dassanattāya payogo bhavaggaggaṇatthaṃ hatthapasāraṇaṃ viya, avāciphusanatthaṃ pādapasāraṇaṃ viya, satadhā bhinnassa vālassa koṭiyā koṭipaṭipādanaṃ viya ca hoti. Iti tāni gambhīrattā duddasāni. Evaṃ duddasattā gambhīresu gambhīrattā ca duddasesu catūsu saccesu uggaḥādivasena pubbhāgañāṇuppattiṃ sandhāya idaṃ “dukkhe ñāṇa”ntiādi vuttaṃ. Paṭivedhakkhaṇe pana ekameva taṃ ñāṇaṃ hoti.

Apare panāhu – catubbidhaṃ saccesu ñāṇaṃ sutamayañāṇaṃ vavattānañāṇaṃ sammasanañāṇaṃ abhisamayāñāṇanti. Tattha katamaṃ sutamayañāṇaṃ? Saṃkhittena vā vitthārena vā cattāri saccāni sutvā jānāti “idaṃ dukkhaṃ, ayaṃ samudayo, ayaṃ nirodho, ayaṃ maggo”ti. Idaṃ **sutamayañāṇaṃ**. Katamaṃ vavattānañāṇaṃ? So sutānaṃ atthaṃ upaparikkhati dhammato ca lakkhaṇato ca, “ime dhammā imasmiṃ sacce pariyaṇānā, imassa saccassa idaṃ lakkhaṇa”nti sannitthānaṃ karoti. Idaṃ **vavattānañāṇaṃ**. Katamaṃ sammasanañāṇaṃ? So evaṃ yathānupubbaṃ cattāri saccāni vavattāpetvā atha dukkameva gahetvā yāva gotrabhuñāṇaṃ aniccato dukkhato anattato sammasati. Idaṃ **sammasanañāṇaṃ**. Katamaṃ abhisamayāñāṇaṃ? Lokuttaramaggakkhaṇe ekena ñāṇena cattāri saccāni

apubbaṃ acarimaṃ abhisameti “dukkhaṃ pariññābhisamayena, samudayaṃ pahānābhisamayena, nirodhaṃ sacchikiriyābhisamayena maggaṃ bhāvanābhisamayena abhisameti”’ti. Idaṃ **abhisamayaññanti**.

Sammāsaṅkappaniddese kāmato nissaṭṭoti **nekkhammasaṅkappo**. Byāpādato nissaṭṭoti **abyāpādasāṅkappo**. Vihimsāya nissaṭṭoti **avihimsāsaṅkappo**. Tattha nekkhammavitakko kāmavitakkassa padaghātaṃ padacchedaṃ karonto uppajjati, abyāpādavitaṅkko byāpādavitaṅkassa, avihimsāvitaṅkko vihimsāvitaṅkassa. Tathā nekkhammaabyāpādaavihimsāvitaṅkā kāmabyāpādavihimsāvitaṅkānaṃ paccanīkā hutvā uppajjanti.

Tattha yogāvacaro kāmavitakkassa padaghātanatthaṃ kāmavitakkaṃ vā sammasati aññaṃ vā pana kiñci saṅkhāraṃ. Athassa vipassanākkhaṇe vipassanāsampayutto saṅkappo tadaṅgavasena kāmavitakkassa padaghātaṃ padacchedaṃ karonto uppajjati, vipassanaṃ ussukkāpetvā maggaṃ pāpeti. Athassa maggakkhaṇe maggasampayutto saṅkappo samucchavedavasena kāmavitakkassa padaghātaṃ padacchedaṃ karonto uppajjati. Byāpādavitaṅkassapī padaghātanatthaṃ byāpādavitaṅkaṃ vā aññaṃ vā saṅkhāraṃ, vihimsāvitaṅkassa padaghātanatthaṃ vihimsāvitaṅkaṃ vā aññaṃ vā saṅkhāraṃ sammasati. Athassa vipassanākkhaṇeti sabbaṃ purimanayeneva yojetabbaṃ.

Kāmavitakkādīnaṃ pana tiṇṇampi pāliyaṃ vibhatesu aṭṭhatimsārammaṇesu ekakammaṭṭhānampi apaccanīkaṃ nāma natthi. Ekantato pana kāmavitakkassa tāva asubhesu paṭhamajjhānameva paccanīkaṃ, byāpādavitaṅkassa mettāya tikacatukkajjhānāni, vihimsāvitaṅkassa karuṇāya tikacatukkajjhānāni. Tasmā asubhāparikkammaṃ katvā jhānaṃ samāpannassa samāpattikkhaṇe jhānasampayutto vitakko vikkhambhanavasena kāmavitakkassa paccanīko hutvā uppajjati, jhānaṃ pādakaṃ katvā vipassanaṃ paṭṭhapentassa vipassanākkhaṇe vipassanāsampayutto saṅkappo tadaṅgavasena kāmavitakkassa paccanīko hutvā uppajjati, vipassanaṃ ussukkāpetvā maggaṃ pāpentassa maggakkhaṇe maggasampayutto saṅkappo samucchavedavasena kāmavitakkassa paccanīko hutvā uppajjati. Evaṃ uppanno nekkhammasaṅkappoti vuccatīti veditabbo.

Mettāya pana parikkammaṃ katvā, karuṇāya parikkammaṃ katvā jhānaṃ samāpannassatī sabbaṃ purimanayeneva yojetabbaṃ. Evaṃ uppanno abyāpādasāṅkappoti vuccatīti, avihimsāsaṅkappoti vuccatīti veditabbo. Evamete nekkhammasaṅkappādayo vipassanājjhānavasena uppattīnaṃ nānattā pubbhāge nānā, maggakkhaṇe pana imesu tīsu ṭhānesu uppannassa akusalasaṅkappassa padacchedato anuppattisādhānavasena maggaṅgaṃ pūrayamāno ekova kusalasaṅkappo uppajjati. Ayaṃ sammāsaṅkappo nāma.

Sammāvācāniddese pi yasmā aññeneva cittaṃ musāvādā viramati, aññena aññena piṣuṇāvācādīhi, tasmā catassopetā veramaṇiyo pubbhāge nānā, maggakkhaṇe pana micchāvācāsaṅkhātāya catubbidhāya akusaladussīlyacetanāya padacchedato anuppattisādhānavasena maggaṅgaṃ pūrayamānā ekāva sammāvācāsaṅkhātā kusalaveramaṇi uppajjati. Ayaṃ sammāvācā nāma.

Sammākammantāniddese pi yasmā aññeneva cittaṃ paṇātipātā viramati, aññena adinnādānā, aññena micchācārā, tasmā tissopetā veramaṇiyo pubbhāge nānā, maggakkhaṇe pana micchākammantasaṅkhātāya tividhāya akusaladussīlyacetanāya padacchedato anuppattisādhānavasena maggaṅgaṃ pūrayamānā ekāva sammākammantasaṅkhātā kusalaveramaṇi uppajjati. Ayaṃ sammākammanto nāma.

Sammāājīvaniddese **idhāti** imasmiṃ sāsane. **Ariyasāvako**ti ariyassa buddhassa sāvako. **Micchāājīvaṃ pahāyāti** pāpakaṃ ājīvaṃ pajahitvā. **Sammāājīvenāti** buddhappasatthena kusalaājīvena. **Jīvikaṃ kappeti**ti jīvitappavattiṃ pavatteti. Idhāpi yasmā aññeneva cittaṃ kāyadvāravītikamā viramati, aññeneva vacīdvāravītikamā, tasmā pubbhāge nānākkhaṇesu uppajjati, maggakkhaṇe pana dvīsu dvāresu sattanaṃ kammaṭṭhānaṃ vasena uppannāya micchāājīvadussīlyacetanāya padacchedato anuppattisādhānavasena maggaṅgaṃ pūrayamānā ekāva sammāājīvasaṅkhātā kusalaveramaṇi uppajjati.

Ayaṃ sammāājīvo nāma.

Sammāvāyāmaniddese **idha bhikkhūti** imasmiṃ sāsane paṭipannako bhikkhu. **Anuppannānanti** anibbattānaṃ. **Pāpakānanti** lāmakānaṃ. **Akusalānaṃ dhammānanti** akosallasambhūtānaṃ dhammānaṃ. **Anuppādāyāti** na uppādanatthāya. **Chandaṃ janetīti** kattukamyatāsaṅkhātāṃ kusalacchandaṃ janeti uppādeti. **Vāyamatīti** payogaṃ janeti parakkamaṃ karoti. **Vīriyaṃ ārabhatīti** kāyikaṃ cetasikaṃ vīriyaṃ karoti. **Cittaṃ paggaṇhātīti** teneva sahaṃjātavīriyena cittaṃ ukkhipati. **Padahatīti** padhānavīriyaṃ karoti. Paṭipāṭiyā panetāni cattāripi padāni āsevanābhāvanābahulīkammaṣācakkiriyāhi yojetabbāni.

Uppannānanti anuppannānanti avattabbaṃ āpannānaṃ. **Pahānāyāti** pajāhanatthāya. **Anuppannānaṃ kusalānaṃ dhammānanti** anibbattānaṃ kosallasambhūtānaṃ dhammānaṃ. **Uppādāyāti** uppādanatthāya. **Uppannānanti** nibbattānaṃ. **Thitīyāti** thitatthāya. **Asammosāyāti** anassanatthāṃ. **Bhiyyobhāvāyāti** punappunaṃ bhāvāya. **Vepullāyāti** vipulabhāvāya. **Bhāvanāyāti** vaḍḍhiyā. **Pāripūriyāti** paripūraṇatthāya.

Ete pana sammāvāyāmasaṅkhātā cattāro sammappadhānā pubbabhāge lokiyā, maggakkhaṇe lokuttarā. Maggakkhaṇe pana ekameva vīriyaṃ catukiccasādhanaṣasena cattāri nāmāni labhati. Tattha lokiyā kassapaṣamyutte vuttanayeneva veditabbā. Vuttañhi tattha –

“Cattārome, āvuso, sammappadhānā; Katame cattāro? Idhāvuso, bhikkhu ‘anuppannā me pāpakā akusalā dhammā uppajjānānā anattāya saṃvatteyyu’nti ātappaṃ karoti, ‘uppannā me pāpakā akusalā dhammā appahīyamānā anattāya saṃvatteyyu’nti ātappaṃ karoti, ‘anuppannā me kusalā dhammā anuppajjānānā anattāya saṃvatteyyu’nti ātappaṃ karoti, ‘uppannā me kusalā dhammā nirujjhamānā anattāya saṃvatteyyu’nti ātappaṃ karoti’”ti (saṃ. ni. 2.145);

Tattha ca **anuppannāti** asamudācāraṣasena vā ananubhūtāraṃmaṇaṣasena vā anuppannā. Aññathā hi anamatagge saṃsāre anuppannā pāpakā akusalā dhammā nāma natthi, anuppannā pana uppajjānāpi eteṣeva uppajjanti, pahīyamānāpi eteṣeva pahīyanti.

Tattha ekaccassa vattaganthadhutaṅgasamādhivipassanānavakammabhavānaṃ aññataravaṣasena kilesā na samudācaranti. Kathaṃ? Ekacco hi vattasampanno hoti, asīti khandhakavattāni cuddasa mahāvattāni cetiyaṅgaṇabodhiyaṅgaṇapānīyamāḷakauposathāgāraāgantukagamikavattāni ca karontasseva kilesā okāsaṃ na labhanti. Aparabhāge panassa vattāni vissajjetvā bhinnavattassa carato ayonisomanasikāraṃ sativossaggaṅca āgamma uppajjanti. Evampi asamudācāraṣasena anuppannā uppajjanti nāma.

Ekacco ganthayutto hoti, ekampi nikāyaṃ gaṇhāti dvepi tayopi cattāropi pañcapi. Tassa tepītakam buddhavacanaṃ atthavaṣasena pāḷivaṣasena anusandhivaṣasena pubbāparaṣasena gaṇhantassa sajjhāyantassa cintentassa vācentassa desentassa pakāsentassa kilesā okāsaṃ na labhanti. Aparabhāge panassa ganthakammaṃ pahāya kusītassa carato ayonisomanasikārasativossagge āgamma uppajjanti. Evampi asamudācāraṣasena anuppannā uppajjanti nāma.

Ekacco pana dhutaṅgadhara hoti, terasa dhutaṅgagūṇe samādāya vattati, tassa dhutaṅgagūṇe parihaṛantassa kilesā okāsaṃ na labhanti. Aparabhāge panassa dhutaṅgāni vissajjetvā bāhullāya āvattassa carato ayonisomanasikārasativossagge āgamma uppajjanti. Evampi asamudācāraṣasena anuppannā uppajjanti nāma.

Ekacco aṭṭhasu samāpattīsu ciṅṅavasī hoti, tassa paṭhamajjhānādīsu āvajjanavaṣādināṃ vaṣasena vihaṛantassa kilesā okāsaṃ na labhanti. Aparabhāge panassa pariḥīnājjhānassa vā vissatṭhājjhānassa vā bhassādīsu anuyuttassa vihaṛato ayonisomanasikārasativossagge āgamma uppajjanti. Evampi asamudācāraṣasena anuppannā uppajjanti nāma.

Ekacco pana vipassako hoti, sattaṣu vā anupassanāsu (paṭi. ma. 3.35) aṭṭhārasasu vā mahāvipassanāsu (paṭi. ma. 1.22) kammaṃ karonto vihaṛati, tassa evaṃ vihaṛato kilesā okāsaṃ na labhanti. Aparabhāge

panassa vipassanākamman pahāya kāyadaḥhībahulassa viharato ayonisomanasikārasativossagge āgamma uppajjanti. Evampi asamudācāravasena anuppannā uppajjanti nāma.

Ekacco navakammiko hoti, uposathāgārabhojanasālādīni karoti, tassa tesam upakaraṇāni cintentassa kilesā okāsam na labhanti. Aparabhāge panassa navakamme niṭṭhite vā vissatṭhe vā ayonisomanasikārasativossagge āgamma uppajjanti. Evampi asamudācāravasena anuppannā uppajjanti nāma.

Ekacco pana brahmalokato āgato suddhasatto hoti, tassa anāsevanāya kilesā okāsam na labhanti. Aparabhāge panassa laddhāsevanassa ayonisomanasikārasativossagge āgamma uppajjanti. Evampi asamudācāravasena anuppannā uppajjanti nāma. Evaṃ tāva asamudācāravasena anuppannatā veditabbā.

Katham ananubhūtārammaṇavasena? Idhekacco ananubhūtapubbaṃ manāpikādibhedam ārammaṇam labhati, tassa tattha ayonisomanasikārasativossagge āgamma rāgādayo kilesā uppajjanti. Evaṃ ananubhūtārammaṇavasena anuppannā uppajjanti nāma. Evaṃ anuppannānam akusalānam uppāde sati attano anattam passivā tesam anuppādāya satipaṭṭhānabhāvanānuyogena paṭhamam sammappadhānam bhāveti, uppannesu pana tesu tesam appahānato attano anattam passivā tesam pahānāya dutiyam tattheva sammappadhānam bhāveti.

Anuppannā kusalā dhammāti samathavipassanā ceva maggo ca. Tesam anuppāde attano anattam passivā tesam uppādanatthāya tattheva tatiyam sammappadhānam bhāveti. **Uppannā kusalā dhammāti** samathavipassanāva. Maggo pana sakim uppajjivā nirujjhamāno anattāya samvattanako nāma natthi. So hi phalassa paccayam datvāva nirujjhati. Tāsam samathavipassanānam nirodhato attano anattam passivā tāsam ṭhitiyā tattheva catuttham sammappadhānam bhāveti. Lokuttaramaggakkhaṇe pana ekameva vīriyam.

Ye evam anuppannā uppajjeyyū, te yathā neva uppajjanti, evam tesam anuppannānam anuppādakiccaṃ, uppannānaṃca pahānakiccaṃ sādheti. **Uppannāti** cettha catubbidham uppannam vattamānuppannam bhūtāpagatuppannam okāsakatuppannam bhūmiladdhuppannanti. Tattha sabbampi uppādarābhāṅgasamaṅgisāṅkhātam **vattamānuppannam** nāma. Ārammaṇarasam anubhavitvā niruddham anubhūtāpagatasāṅkhātam kusalākusalam uppādādittayamanuppatvā niruddham bhutvāpagatasāṅkhātam sesasāṅkhātaṃca **bhūtāpagatuppannam** nāma. “Yānissa tāni pubbe katāni kammāni”ti evamādinā (ma. ni. 3.248) nayena vuttam kammaṃ atītampi samānam aññam vipākam paṭibāhitvā attano vipākassa okāsam katvā ṭhitattā tathā katokāsaṃca vipākam anuppannampi samānam evam kate okāse ekantena uppajjanato **okāsakatuppannam** nāma. Tāsu tāsu bhūmīsu asamūhatam akusalam **bhūmiladdhuppannam** nāma.

Ettha ca bhūmiyā bhūmiladdhassa ca nānattam veditabbaṃ – **bhūmīti** hi vipassanāya ārammaṇabhūtā tebhūmakā pañcakkhandhā. Bhūmiladdham nāma tesu khandhesu uppattiraham kilesajātam. Tena hi sā bhūmiladdhā nāma hotīti tasmā bhūmiladdhanti vuccati. Sā ca kho na ārammaṇavasena. Ārammaṇavasena hi sabbepi atītānāgate pariññātepi ca khīṇāsavānam khandhe ārabba kilesā uppajjanti. Yadi ca tam bhūmiladdham nāma siyā, tassa appaheyyato na koci bhavamūlam pajaheyya. Vatthivasena pana bhūmiladdham veditabbaṃ. Yattha yattha hi vipassanāya apariññātā khandhā uppajjanti, tattha tattha uppādato pabhuti tesu vaṭṭamūlam kilesajātam anuseti. Tam appahīnatṭhena bhūmiladdhanti veditabbaṃ.

Tattha ca yassa yesu khandhesu appahīnatṭhena anusayitā kilesā, tassa te eva khandhā tesam kilesānam vatthu, na aññesam santakā khandhā. Atītakhandhesu ca appahīnānusayitānam kilesānam atītakhandhāva vatthu, na itare. Esa nayo anāgatādīsu. Tathā kāmāvacarakkhandhesu appahīnānusayitānam kilesānam kāmāvacarakkhandhā eva vatthu, na itare. Esa nayo rūpārūpāvacaresu. Sotāpannādīsu pana yassa yassa ariyapuggalassa khandhesu tam tam vaṭṭamūlam kilesajātam tena tena maggena pahīnam, tassa tassa te te khandhā pahīnānam tesam tesam vaṭṭamūlakānam kilesānam avatthuto bhūmīti saṅkham na labhanti. Puthujjanassa sabbaso vaṭṭamūlakilesānam appahīnatṭā yamkiñci kariyamānam kammaṃ kusalamakusalam vā hoti, iccassa kammakilesapaccayāva vaṭṭam vaṭṭati, tassa

tasseva taṃ vaṭṭamūlaṃ rūpakkhandheyeva, na vedanādīsu. Viññāṇakkhandheyeva vā, na rūpakkhandhādīsūti na vattabbaṃ. Kasmā? Avisesena pañcasupi khandhesu anusayitattā. Kathaṃ? Pathavīrasādi viya rukkhe. Yathā hi mahārukkhe pathavītaḷaṃ adhiṭṭhāya pathavīrasaṅca āporasaṅca nissāya tappaccayā mūlakhandhasākhāpasākhāpallavapalāsapupphaphalehi vaḍḍhitvā nabhaṃ pūretvā yāva kappāvasānā bijaparamparāya rukkhapaveṇiṃ santānaya māne ṭhite taṃ pathavīrasādīmūleyeva, na khandhādīsu. Phaleyeva vā, na mūlādīsūti na vattabbaṃ. Kasmā? Avisesena sabbesu mūlādīsu anugatattāti. Yathā pana tasseva rukkhasa pupphaphalādīsu nibbinno koci puriso catūsu disāsu maṇḍūkakaṅṭakaṃ nāma visakaṅṭakaṃ ākoṭeyya, atha so rukkho tena visasamphassena phuṭṭho pathavīrasaāporasānaṃ pariyādinnattā appasavadhammataṃ āgamma puna santānaṃ nibbattetuṃ na sakkuṇeyya, evameva khandhappavattiyaṃ nibbinno kulaputto tassa purisassa catūsu disāsu rukkhe visayojanaṃ viya attano santāne catumaggabhāvanaṃ ārabhati. Athassa so khandhasantāno tena catumaggavisamphassena sabbaso vaṭṭamūlakilesānaṃ pariyādinnattā kiriyasabhāvamattaṃ upagatakāyakammādisabbakammappabhedo hutvā āyatiṃ punabbhāvānabhinibbattanadhammataṃ āgamma bhavantarasantānaṃ nibbattetuṃ na sakkoti, kevalaṃ carimaviññāṇanirodhena nirindhano viya jātavedo anupādāno parinibbāyati. Evaṃ bhūmiyā bhūmiladdhassa ca nānattaṃ veditabbaṃ.

Aparampi catubbidhaṃ uppannaṃ samudācāruppannaṃ ārammaṇādhiḡgahituppannaṃ avikkhambhituppannaṃ asamūhatuppannanti. Tattha vattamānuppannameva **samudācāruppannaṃ**. Cakkhādīnaṃ pana āpāthagate ārammaṇe pubbhāge anuppajjamānampi kilesajātaṃ ārammaṇassa adhiḡgahitattā eva aparabhāge ekantena uppattito **ārammaṇādhiḡgahituppannanti** vuccati. Samathavipassanānaṃ aññataravasena avikkhambhitaṃ kilesajātaṃ cittasantatimanārūḷhampi uppattinivāraḡkassa hetuno abhāvā **avikkhambhituppannaṃ** nāma. Samathavipassanāvasena pana vikkhambhitampi ariyamaggena asamūhatattā uppattidhammataṃ anatītattā **asamūhatuppannanti** vuccati. Tividhampi cetāṃ ārammaṇādhiḡgahitāvikkhambhitāsamūhatuppannaṃ bhūmiladdheneva saṅgahaṃ gacchatīti veditabbaṃ.

Iccetasmiṃ vuttappabhede uppanne yadetaṃ vattamānabhūtāpagatokāsakatasamudācārasaṅkhātaṃ uppannaṃ, taṃ amaggavajjhataṃ kenaci maggaññena pahātabbaṃ na hoti. Yaṃ panetaṃ bhūmiladdhārammaṇādhiḡgahitāvikkhambhitāsamūhataṃ uppannaṃ, tassa taṃ uppannabhāvaṃ nāsaya mānaṃ yasmā taṃ taṃ lokiyalokuttaraññaṃ uppajjati, tasmā taṃ sabbampi pahātabbaṃ hotīti. Evaṃ ye maggo kilese pajahati, te sandhāya “uppannāna”ntiādi vuttaṃ.

Atha maggakkhaṇe kathaṃ anuppannānaṃ kusalānaṃ uppādāya bhāvanā hoti, kathaṅca uppannānaṃ ṭhitiyāti? Maggappavattiyā eva. Maggo hi pavattamāno pubbe anuppannapubbattā anuppanno nāma vuccati. Anāgatapubbañhi ṭhānaṃ āgantvā ananubhūtapubbaṃ vā ārammaṇaṃ anubhavitvā vattāro bhavanti “anāgataṭṭhānaṃ āgatamha, ananubhūtaṃ ārammaṇaṃ anubhavāmā”ti. Yāvassa pavatti, ayameva ṭhiti nāmāti ṭhitiyā bhāvetītipi vattuṃ vaṭṭati. Evametassa bhikkhuno idaṃ lokuttaramaggakkhaṇe ekameva vīriyaṃ “anuppannānaṃ pāpakānaṃ akusalānaṃ dhammānaṃ anuppādāyā”tiādīni cattāri nāmāni labhati. Ayaṃ lokuttaramaggakkhaṇe sammappadhānakathā. Evamettha lokiyalokuttaramissakā sammappadhānā niddiṭṭhāti.

Sammāsatiniddese **kāyeti** rūpakāye. Rūpakāyo hi idha āṅgapaccaṅgānaṃ kesādīnaṅca dhammānaṃ samūhaṭṭhena hatthikāyarahakāyādayo viya kāyoti adhippeto. Yathā ca samūhaṭṭhena, evaṃ kucchitānaṃ āyaṭṭhena. Kucchitānañhi paramajegucchānaṃ so āyotipi kāyo. **Āyoti** uppattideso. Tatrāyaṃ vacanattho – āyanti tatoti āyo. Ke āyanti? Kucchitā kesādayo. Iti kucchitānaṃ āyoti kāyo.

Kāyanupassīti kāyaṃ anupassanasīlo, kāyaṃ vā anupassamāno. **Kāyeti** ca vatvāpi puna **kāyanupassīti** dutiyaṃ kāyaggahaṇaṃ asammissato vavattānaghanavinibbhogādidassanattaṃ katanti veditabbaṃ. Tena na kāye vedanānupassī cittadhammānupassī vā, atha kho kāyanupassīyevāti kāyasaṅkhāte vatthusmiṃ kāyanupassanākārasseva dassanena asammissato vavattānaṃ dassitaṃ hoti. Tathā na kāye āṅgapaccāṅgavinimuttaekadhammānupassī, nāpi kesalomādivinimuttaitthipurisānupassī. Yopi cettha kesalomādiko bhūtopādāyasamūhasaṅkhāto kāyo, tatthāpi na

bhūtopādāyavinimuttaekadhammānupassī, atha kho rathasambhārānupassako viya āṅgapaccāṅgasamūhānupassī, nagarāvayavānupassako viya kesalomādisamūhānupassī, kadalikkhandhapattavattivini bhujjako viya rittamuṭṭhiviniveṭṭhako viya ca bhūtopādāyasamūhānupassīyevāti samūhavaseneva kāyasaṅkhātassa vatthuno nānappakārato dassanena ghanavinibbhogo dassito hoti. Na hettha yathāvuttasamūhavinimutto kāyo vā itthī vā puriso vā añño vā koci dhammo dissati, yathāvuttadhammasamūhamatteyeva pana tathā tathā sattā micchābhinivesaṃ karonti. Tenāhu porāṇā –

“Yaṃ passati na taṃ diṭṭhaṃ, yaṃ diṭṭhaṃ taṃ na passati;
Apassaṃ bajjhate mūlho, bajjhamāno na muccati”ti.

Ghanavinibbhogādidassanattanti vuttaṃ. Ādisaddena cettha ayampi attho veditabbo – ayañhi etasmiṃ kāye kāyānupassīyeva, na aññadhammānupassī. Kiṃ vuttaṃ hoti? Yathā anudakabhūṭāyapi marīciyā udakānupassino honti, na evaṃ aniccadukkhānattāsubhabhūṭeyeva imasmiṃ kāye nīccasukhattasubhabhāvānupassī, atha kho kāyānupassī

Aniccadukkhānattāsubhākārasamūhānupassīyevāti vuttaṃ hoti. Atha vā yvāyaṃ mahāsati paṭṭhāne “idha, bhikkhave, bhikkhu araṇṇagato vā rukkhamaṅgagato vā...pe... so satova assasati”tiādinā (dī. ni. 2.374; ma. ni. 1.107) nayena assāsapassāsādi cuṇṇakajātaatṭhikapariyosāno kāyo vutto, yo ca parato satipaṭṭhānakathāyaṃ “idhekacco pathavīkāyaṃ aniccato anupassati, āpokāyaṃ, tejakāyaṃ, vāyokāyaṃ, kesakāyaṃ, lomakāyaṃ, chavikāyaṃ, cammakāyaṃ, maṃsakāyaṃ, ruhirakāyaṃ, nhārukāyaṃ, aṭṭhikāyaṃ, aṭṭhimiñjakāya”nti (paṭi. ma. 3.35) kāyo vutto, tassa sabbassa imasmiṃyeva kāye anupassanato kāye kāyānupassīti evampi attho daṭṭhabbo.

Atha vā kāye ahanti vā mamanti vā evaṃ gahetabbassa kassaci ananupassanato tassa tasseva pana kesalomādikassa nānādhammasamūhassa anupassanato kāye kesādidhammasamūhasaṅkhātakāyānupassīti evamattho daṭṭhabbo. Apica “imasmiṃ kāye aniccato anupassati, no niccato”tiādinā anukkamena parato āgatanayassa sabbasseva aniccalakkhaṇādino ākārasamūhasaṅkhātassa kāyassa anupassanato kāye kāyānupassīti evampi attho daṭṭhabbo. Ayaṃ pana catusatipaṭṭhānasādhāraṇo attho.

Kāye kāyānupassīti assāsapassāsakāyādi ke bahudhā vutte kāye ekekakāyānupassī. **Viharatīti** catūsu iriyāpathavihāresu aññataravihārasamāyogaparidīpanametaṃ, ekaṃ iriyāpathabādhanaṃ aññena iriyāpathena vicchinditvā apatamānaṃ attānaṃ harati pavatteṭṭi attho. **Ātāpīti** kāyapariggāhakavīriyasamāyogaparidīpanametaṃ. So hi yasmā tasmim samaye yaṃ taṃ vīriyaṃ tīsu bhavesu kilesānaṃ ātāpanato ātāpoti vuccati, tena samannāgato hoti, tasmā “ātāpī”ti vuccati. **Sampajānoti** kāyapariggāhakena sampajāññasaṅkhātēna ñāṇena samannāgato. **Satimāti** kāyapariggāhikāya satiyā samannāgato. Ayaṃ pana yasmā satiyā ārammaṇaṃ pariggahetvā paññāya anupassati. Na hi sativirahitassa anupassanā nāma atthi. Tenevāha – “satiṅca khvāhaṃ, bhikkhave, sabbatthikaṃ vadāmi”ti (saṃ. ni. 5.234). Tasmā ettha “kāye kāyānupassī viharatī”ti ettāvātā kāyānupassanāsati paṭṭhānakammaṭṭhānaṃ vuttaṃ hoti. Atha vā yasmā anātāpino antosaṅkhepo antarāyakaro hoti, asampajāno upāyapariggahe anupāyaparivajjane ca sammuyhati, muṭṭhassati upāyāpariccāge anupāyāpariggahe ca asamatto hoti, tenassa taṃ kammaṭṭhānaṃ na sampajjati, tasmā yesaṃ dhammānaṃ ānubhāvena taṃ sampajjati, tesaṃ dassanattaṃ “ātāpī sampajāno satimā”ti idaṃ vuttanti veditabbaṃ.

Iti kāyānupassanāsati paṭṭhānaṃ sampayogaṅgaṅca dassetvā idāni pahānaṅgaṃ dassetuṃ **vineyya loke abhijjhādomanassanti** vuttaṃ. Tatha **vineyyāti** tadaṅgavinayena vā vikkhambhanavinayena vā vinayitvā. **Loketi** yvāyaṃ kāyo pubbe pariggahito, sveva idha lujjanapalujjanaṭṭhena loko nāma. Tasmim loke abhijjhaṃ domanassaṅca pajahitvāti attho. Yasmā panassa na kāyamatteyeva abhijjhādomanassaṃ pahiyati, vedanādīsūpi pahiyatiyeva, tasmā “pañcapi upādānakkhandhā loko”ti (vibha. 362) vibhaṅge vuttaṃ. Lokasaṅkhātattāyeva tesaṃ dhammānaṃ atthuddhāravasenetaṃ vuttanti veditabbaṃ. Yaṃ panāha – “tatha katamo loko (vibha. 538), sveva kāyo loko”ti ayamevettha attho. Abhijjhādomanassanti ca

samāsetvā vuttaṃ. Saṃyuttaṅguttarapāṭhantaresu pana visuṃ katvā paṭhanti. Sā pana abhijjhāyanti patthayanti etāya, sayam vā abhijjhāyati, abhijjhāyanamattameva vā esāti abhijjhā. Yasmā panettha abhijjhāgahaṇena kāmaccando, domanassagahaṇena byāpādo saṅgahaṃ gacchati, tasmā nīvaraṇapariyāpannabalavadhammadvayadassanena nīvaraṇappahānaṃ vuttaṃ hotīti veditabbaṃ.

Visesena panettha abhijjhāvinayena kāyasampattimūlakassa anurodhassa, domanassavinayena kāyavipattimūlakassa virodhassa, abhijjhāvinayena ca kāye abhiratiyā, domanassavinayena kāyabhāvanāya anabhiratiyā, abhijjhāvinayena kāye abhūtānaṃ subhasukhabhāvādīnaṃ pakkhepassa, domanassavinayena kāye bhūtānaṃ asubhāsukhabhāvādīnaṃ apanayanassa pahānaṃ vuttaṃ. Tena yogāvacarassa yogānubhāvo yogasammatthā ca dīpitā hoti. Yogānubhāvo hi esa, yadayam anurodhavirodhavippamutto aratiratisaho abhūtapakkhepabhūtāpanayanavirahito ca hoti. Anurodhavirodhavippamutto cesa aratiratisaho abhūtaṃ apakkipanto bhūtaṅca anapanento yogasammattho hotīti.

Aparo nayo – ‘‘kāye kāyānupassī’’ti ettha anupassanāya kammaṭṭhānaṃ vuttaṃ. ‘‘Viharaṭī’’ti ettha vuttavīhārena kammaṭṭhānikassa kāyapariharaṇaṃ. ‘‘Ātāpī’’tiādīsu ātāpena sammappadhānaṃ, satisampajaññaena sabbatthakakammaṭṭhānaṃ, kammaṭṭhānapariharaṇūpāyo vā. Satiyā vā kāyānupassanāvasena paṭiladdhasamatho, sampajaññaena vipassanā, abhijjhādomanassavinayena bhāvanāphalaṃ vuttanti veditabbaṃ.

Vedanāsu vedanānupassītiādīsu ca vedanādīnaṃ puna vacane payojanaṃ kāyānupassanāyaṃ vuttanayeneva yathāyogaṃ yojetvā veditabbaṃ. Ayaṃ pana asādhāraṇattho – sukhādīsu anekappabhedāsu vedanāsu visuṃ visuṃ aniccādito ekeka vedanānupassīti, sarāgādike soḷasappabhede citte visuṃ visuṃ aniccādito ekekacittānupassīti, kāyavedanācittāni ṭhapetvā sesatebhūmakadhammesu visuṃ visuṃ aniccādito ekekadhammānupassīti, satipaṭṭhānasuttante (dī. ni. 2.382; ma. ni. 1.115) vuttanayena nīvaraṇādīdhammānupassīti vā. Ettha ca ‘‘kāye’’ti ekavacanaṃ sarīrassa ekattā, ‘‘citte’’ti ekavacanaṃ cittassa sabhāvabhedābhāvato jātiggaḥaṇena katanti veditabbaṃ. Yathā ca vedanādayo anupassitabbā, tathā anupassanto vedanāsu vedanānupassī, citte cittānupassī, dhammesu dhammānupassīti veditabbo. Kathaṃ tāva vedanā anupassitabbā? Sukhā tāva vedanā dukkhato, dukkhā vedanā sallato, adukkhamasukhā vedanā aniccato anupassitabbā. Yathāha –

‘‘Yo sukhaṃ dukkhato adda, dukkhamaddakkhi sallato;
Adukkhamasukhaṃ santaṃ, addakkhi naṃ aniccato;
Sa ve sammaddaso bhikkhu, pariṇāti vedanā’’ti. (saṃ. ni. 4.253);

Sabbā eva cetā dukkhatopi anupassitabbā. Vuttañhetam ‘‘yaṃkiñci vedayitaṃ, sabbaṃ taṃ dukkhasminti vadāmī’’ti (saṃ. ni. 4.259). Sukhadukkhatopi ca anupassitabbā. Yathāha – ‘‘sukhā vedanā ṭhitisukhā vipariṇāmadukkhā. Dukkhā vedanā ṭhitudukkhā vipariṇāmasukhā. Adukkhamasukhā vedanā ṇāṇasukhā aññānadukkhā’’ti (ma. ni. 1.465). Apica aniccādisattaanupassanāvasenāpi anupassitabbā.

Cittadhammesupi cittaṃ tāva ārammaṇādhipatisahajātabhūmikammavipākakiriyādinānattabhedānaṃ aniccādisattaanupassanānaṃ sarāgādisoḷasabhedānaṅca vasena anupassitabbaṃ, dhammā salakkhaṇasāmaññalakkhaṇānaṃ suññatādhammassa aniccādisattaanupassanānaṃ santāsantādīnaṅca vasena anupassitabbā. Kāmañcetta yassa kāyasankhāte loke abhijjhādomanassaṃ pahīnaṃ, tassa vedanādīlokesupi taṃ pahīnameva, nānāpuggalavasena pana nānākkhaṇikasatipaṭṭhānabhāvanāvasena ca sabbattha vuttaṃ. Yato vā ekattha pahīnaṃ, sesesupi pahīnaṃ hoti. Tenevassa tattha pahānadassanattampī evaṃ vuttanti veditabbaṃ.

Iti ime cattāro satipaṭṭhānā pubbabhāge nānācittesu labbhanti. Aññeneva hi cittaena kāyaṃ pariggaṇhāti, aññena vedanaṃ, aññena cittaṃ, aññena dhamme pariggaṇhāti. Lokuttaramaggakkhaṇe pana ekacittēyeva labbhanti. Ādito hi kāyaṃ pariggaṇhitvā āgatassa vipassanāsampayuttā sati kāyānupassanā nāma, tāya satiyā samannāgato puggalo kāyānupassī nāma. Vipassanaṃ ussukkāpetvā ariyamaggaṃ

pattassa maggakkhaṇe maggasampayuttā sati kāyānupassanā nāma, tāya satiyā samannāgato puggalo kāyānupassī nāma. Vedanaṃ pariggaṇhitvā cittaṃ pariggaṇhitvā dhamme pariggaṇhitvā āgatassa vipassanāsampayuttā sati dhammānupassanā nāma, tāya satiyā samannāgato puggalo dhammānupassī nāma. Vipassanaṃ ussukkāpetvā ariyamaggaṃ pattassa maggakkhaṇe maggasampayuttā sati dhammānupassanā nāma, tāya satiyā samannāgato puggalo dhammānupassī nāma. Evaṃ tāva desanā puggale tiṭṭhati. Kāye pana “subha”nti vipallāsappahānā kāyapariggāhikā sati maggena samijjhatīti kāyānupassanā nāma. Vedanāya “sukhā”ti vipallāsappahānā vedanāpariggāhikā sati maggena samijjhatīti vedanānupassanā nāma. Cितte “nicca”nti vipallāsappahānā cittapariggāhikā sati maggena samijjhatīti cittānupassanā nāma. Dhammesu “attā”ti vipallāsappahānā dhammapariggāhikā sati maggena samijjhatīti dhammānupassanā nāma. Iti ekāva maggasampayuttā sati catukiccasādhakattena cattāri nāmāni labhati. Tena vuttaṃ “lokuttaramaggakkhaṇe pana ekacittiveva labbhanti”ti.

Sammāsamādhiniddese **vivicceva kāmehīti** kāmehi viviccitvā vinā hutvā apakkamitvā. Yo pañāyameṭṭha evakāro, so niyamatthoti veditabbo. Yasmā ca niyamattho, tasmā paṭhamajjhānaṃ upasampajja viharāṇasamaye avijjamānānampi kāmānaṃ tassa paṭhamajjhānassa paṭipakkhabhāvaṃ kāmāpariccāgeneva cassa adhigamaṃ dīpeti. Kathaṃ? “Vivicceva kāmehī”ti evañhi niyame kayiramāne idaṃ paññāyati – nūnimassa jhānassa kāmā paṭipakkhabhūtā, yesu sati idaṃ na pavattati, andhakāre sati paḍīpobhāso viya, tesāṃ pariccāgeneva cassa adhigamo hoti orimatīrapariccāgena pārimatīrassa viya. Tasmā niyamaṃ karotīti.

Tattha siyā, kasmā panesa pubbapadeyeva vutto, na uttarapade, kiṃ akusalehi dhammehi aviviccāpi jhānaṃ upasampajja vihareyyāti? Na kho panetaṃ evaṃ daṭṭhabbaṃ. Taṃnissaraṇato hi pubbapade esa vutto. Kāmadhātusamatikkamanato hi kāmarāgapaṭipakkhato ca idaṃ jhānaṃ kāmānameva nissaraṇaṃ. Yathāha – “kāmānametaṃ nissaraṇaṃ yadidaṃ nekkhamma”nti (itivu. 72). Uttaraṇapadepi pana yathā “idheva, bhikkhave, samaṇo, idha dutiyo samaṇo”ti (ma. ni. 1.139; a. ni. 4.241) ettha evakāro ānetvā vuccati, evaṃ vattabbo. Na hi sakkā ito aññehipi nīvaraṇasaṅkhātehi akusalehi dhammehi avivicca jhānaṃ upasampajja viharitum. Tasmā “vivicceva kāmehi vivicceva akusalehi dhammehi”ti evaṃ padadvayepi esa daṭṭhabbo. Padadvayepi ca kiñcāpi viviccāti iminā sādharmaṇavacanena tadaṅgavikkhambhanasamucchedapaṭippassaddhinissaraṇavivekā citta kāyaupadhivivekā ca saṅghaṃ gacchanti, tathāpi pubbabhāge kāyavivekacittavivekavikkhambhanavivekā daṭṭhabbā, lokuttaramaggakkhaṇe kāyavivekacittavivekasamucchedavivekapaṭippassaddhivivekanissaraṇavivekā.

Kāmehīti iminā pana padena ye ca mahāniddese “katame vatthukāmā manāpikā rūpā”tiādinā (mahāni. 1) nayena vatthukāmā vuttā, ye ca tattheva vibhaṅge ca “chando kāmō, rāgo kāmō, chandarāgo kāmō, saṅkappo kāmō, rāgo kāmō, saṅkapparāgo kāmō”ti (mahāni. 1; vibha. 564) evaṃ kilesakāmā vuttā, te sabbepi saṅgahitā icceva daṭṭhabbā. Evañhi sati vivicceva kāmehīti vatthukāmehipi viviccevāti attho yujjati. Tena kāyaviveko vutto hoti.

Vivicca akusalehi dhammehīti kilesakāmehi sabbākusalehi vā viviccāti attho yujjati. Tena cittaviveko vutto hoti. Purimena cettha vatthukāmehi vivekavacanato eva kāmāsukhāpariccāgo, dutiyena kilesakāmehi vivekavacanato nekkhammasukhāpariggaho vibhāvito hoti. Evaṃ vatthukāmākilesakāmavivekavacanato yeva ca etesaṃ paṭhamena saṃkilesavatthuppahānaṃ, dutiyena saṃkilesappahānaṃ. Paṭhamena lolabhāvassa hetupariccāgo, dutiyena bālabhāvassa. Paṭhamena ca payogasuddhi, dutiyena āsayaposanaṃ vibhāvitaṃ hotīti viññātabbaṃ. Esa tāva nayo kāmehīti ettha vuttakāmesu vatthukāmapakkhe.

Kilesakāmapakkhe pana chandoti ca rāgoti ca evamādīhi anekabhedo kāmacchandova kāmoti adhippeto. So ca akusalapariyāpannopi samāno “tattha katame kāmā, chando kāmō”tiādinā (vibha. 564) nayena vibhaṅge upari jhānaṅgapaṭipakkhato visum vutto, kilesakāmattā vā purimapade vutto, akusalapariyāpannattā dutiyapade. Anekabhedato cassa kāmatoti avatvā kāmehīti vuttaṃ. Aññesampi ca dhammānaṃ akusalabhāve vijjamāne “tattha katame akusalā dhammā, kāmacchando”tiādinā (vibha. 564) nayena **vibhaṅge** upari jhānaṅgapaccanīkapaṭipakkhabhāvadassanato nīvaraṇāneva vuttāni. Nīvaraṇāni hi

jhānaṅgacchanīkāni, tesam jhānaṅgāneva paṭipakkhāni viddhamṣakāni vināsakānīti vuttaṃ hoti. Tathā hi “samādhi kāmaccchandassa paṭipakkho, pīti byāpādassa, vitakko thinamiddhassa, sukhaṃ uddhaccakukkucassa, vicāro vicikicchāya”ti peṭake vuttaṃ.

Evamettha “viviceva kāmehi”ti iminā kāmaccchandassa vikkhambhanaviveko vutto hoti. “Vivicca akusalehi dhammehi”ti iminā pañcannampi nīvaraṇānaṃ. Agahitaggahaṇena pana paṭhamena kāmaccchandassa, dutiyena sesanīvaraṇānaṃ. Tathā paṭhamena tīsu akusalāmūlesu pañcakāmaguṇabhedavisayassa lobhassa, dutiyena āghātavatthubhedādivisayānaṃ dosamohānaṃ. Oghādīsu vā dhammesu paṭhamena kāmoghakāmayogakāmāsavakāmupādānaabhijjhākāyagantha kāmārāgasaññojanānaṃ, dutiyena avasesaoghayogāsavaupādānaganthasamyojanānaṃ. Paṭhamena taṇhāya taṃsampayuttakānaṃca, dutiyena avijjāya taṃsampayuttakānaṃca. Apica paṭhamena lobhasampayuttaṭṭhacittupādānaṃ, dutiyena sesānaṃ catunnaṃ akusalacittupādānaṃ vikkhambhanaviveko vutto hotīti veditabbo.

Ettāvata ca paṭhamassa jhānassa pahānaṅgaṃ dassetvā idāni sampayogaṅgaṃ dassetuṃ **savitakkaṃ savicāra**ntīdi vuttaṃ. Tattha ārammaṇe cittassa abhiniropanalakkhaṇo **vitakko**. Ārammaṇānumajjanalakkhaṇo **vicāro**. Santepi ca nesaṃ katthaci avippayoge oḷārikatṭhena pubbaṅgamaṭṭhena ca ghaṇḍābhighāto viya cetaso paṭhamābhiniṭṭhāto vitakko, sukhumatṭhena anumajjanasabhāvena ca ghaṇḍānuravo viya anuppabandho vicāro. Vipphāravā cettha vitakko paṭhamuppattikāle paripphandanabhūto cittassa, ākāse uppatitukāmassa pakkhino pakkhavikkhepo viya, padumābhimukhapāto viya ca gandhānubandhacetaso bhamarassa. Santavutti vicāro nātiparipphandanabhūto cittassa, ākāse uppatitassa pakkhino pakkhappasāraṇaṃ viya, paribbhamanaṃ viya ca padumābhimukhapatitassa bhamarassa padumassa uparibhāge.

Dukanipātaṭṭhakathāyaṃ pana “ākāse gacchato mahāsakuṇassa ubhohi pakkhehi vātaṃ gahetvā pakkhe sannisīdāpetvā gamanaṃ viya ārammaṇe cetaso abhiniropanabhāvena pavatto vitakko, vātaggahaṇatthaṃ pakkhe phandāpayamānassa gamanaṃ viya anumajjanabhāvena pavatto vicāro”ti vuttaṃ. Taṃ anuppabandhena pavattiyaṃ yujjati. So pana tesam viseso paṭhamadutiyajjhānesu pākaṭo hoti. Apica malaggahitaṃ kaṃsabhājanaṃ ekena hatthena dalhaṃ gahetvā itarena hatthena cuṇṇatelaṅgalaṅgapaṅkaṃ parimajjantassa dalhaggahaṇattho viya vitakko, parimajjanattho viya vicāro. Tathā kumbhakārassa daṇḍappahārena cakkhaṃ bhamayitvā bhājanaṃ karontassa uppiḷānattho viya vitakko, ito cito ca saṃsaraṇattho viya vicāro. Tathā maṇḍalaṃ karontassa majjhe sannirujjhivā ṭhitakaṇṭako viya abhiniropano vitakko, bahi paribbhamanaṅgalaṅgako viya anumajjano vicāro. Iti iminā ca vitakkena iminā ca vicārena saha vattati rukkho viya pupphena phalena cāti idaṃ jhānaṃ “savitakkaṃ savicāra”nti vuccati.

Vivekajanti ettha vivitti viveko, nīvaraṇavigamoti attho. Vivittoti vā viveko, nīvaraṇavivitto jhānasampayuttadhammārāsīti attho. Tasmā vivekā, tasmim vā viveke jātanti vivekajaṃ. **Pītisukhanti** ettha pīṇayatīti pīti, sā sampiyāyanalakkhaṇā. Sā panesā khuddikā pīti, khaṇikā pīti, okkantikā pīti, ubbegā pīti, pharaṇā pīti pañcavidhā hoti.

Tattha **khuddikā pīti** sarīre lomahaṃsanamattameva kātuṃ sakkoti. **Khaṇikā pīti** khaṇe khaṇe vijjuppadasadisā hoti. **Okkantikā pīti** samuddatīraṃ vīci viya kāyaṃ okkamitvā okkamitvā bhijjati. **Ubbegā pīti** balavatī hoti kāyaṃ uddhagaṃ katvā ākāse laṅghāpanappamāṇappattā. **Pharaṇā pīti** atibalavatī hoti. Tāya hi uppanāya sakalasarīraṃ dhamitvā pūritavatthi viya mahatā udakoghena pakkhandapabbatakucchi viya ca anuparipuṭaṃ hoti. Sā panesā pañcavidhā pīti gabbhaṃ gaṇhantī paripākaṃ gacchantī duvidhaṃ passaddhiṃ paripūreti kāyapassaddhiṃca cittapassaddhiṃca. Passaddhi gabbhaṃ gaṇhantī paripākaṃ gacchantī duvidhampi sukhaṃ paripūreti kāyikaṃca cetasikaṃca. Sukhaṃ gabbhaṃ gaṇhantaṃ paripākaṃ gacchantāṃ tividhaṃ samādhiṃ paripūreti – khaṇikasamādhiṃ, upacārasamādhiṃ, appanāsamādhiṃcāti. Tāsu ca yā appanāsamādhissa mūlaṃ hutvā vaḍḍhamānā samādhisampayogaṃ gatā pharaṇā pīti, ayaṃ imasmim atthe adhippetā pīti.

Itaraṃ pana sukhayatīti sukhaṃ, yassuppajjati, taṃ sukhiṭaṃ karotīti attho. Sukhanaṃ vā sukhaṃ, suṭṭhu vā khādanti, khaṇati ca kāyacittābādhanā sukhaṃ, somanassavedanāyetaṃ nāmaṃ. Taṃ sātālakkaṇaṃ. Santepi ca nesāṃ katthaci avippayoge iṭṭhārammaṇapaṭilābhātuṭṭhi pīti, paṭiladdharasānubhavanaṃ sukhaṃ. Yattha pīti, tattha sukhaṃ. Yattha sukhaṃ, tattha na niyamato pīti. Saṅkhārakkhandhasaṅgahitā pīti, vedanākkhandhasaṅgahitaṃ sukhaṃ. Kantārakhinnassa vanantudakadassanasavanesu viya pīti, vanacchāyāpavesanaudakaparibhogesu viya sukhaṃ. Tasmim̐ tasmim̐ samaye pākaṭabhāvato cetāṃ vuttanti veditabbaṃ. Iti ayañca pīti idañca sukhaṃ assa jhānassa, asmim̐ vā jhāne atthīti idaṃ jhānaṃ “pītisukha”nti vuccati. Atha vā pīti ca sukhañca pītisukhaṃ dhammavinayādayo viya. Vivekajaṃ pītisukhaṃ assa jhānassa, asmim̐ vā jhāne atthīti evampi vivekajaṃ pītisukhaṃ. Yatheva hi jhānaṃ, evaṃ pītisukhampettha vivekajameva hoti. Tañcassa atthīti tasmā alopasamāsaṃ katvā ekapadeneva “vivekajaṃpītisukha”ntipi vattum̐ yujjati.

Paṭhamanti gaṇanānupubbatā paṭhamam̐, paṭhamam̐ uppannantipi paṭhamam̐. **Jhānanti** duvidham̐ jhānaṃ ārammaṇūpaniijhānañca lakkhaṇūpaniijhānañca. Tattha aṭṭha samāpattiyo pathavīkasiṇādīārammaṇam̐ upaniijhāyantīti “ārammaṇūpaniijhāna”nti saṅkhyam̐ gatā. Vipassanāmaggaṭṭhalāni pana lakkhaṇūpaniijhānaṃ nāma. Tattha vipassanā aniccādīlakkaṇassa upaniijhānato lakkhaṇūpaniijhānaṃ, vipassanāya katakicassa maggena ijjhanato maggo lakkhaṇūpaniijhānaṃ, phalaṃ pana nirodhasaccaṃ tathalakkhaṇam̐ upaniijhāyatīti lakkhaṇūpaniijhānaṃ. Tesu idha pubbhāge ārammaṇūpaniijhānaṃ, lokuttaramaggakkhaṇe lakkhaṇūpaniijhānaṃ adhippetam̐, tasmā ārammaṇūpaniijhānato lakkhaṇūpaniijhānato paccanīkajjhāpanato ca “jhāna”nti veditabbaṃ. **Upasampajjāti** upagantvā, pāpuṇitvāti vuttam̐ hoti. Upasampādayitvā vā, nipphādetvāti vuttam̐ hoti. **Viharatīti** tadanurūpena iriyāpathavihārena iriyati, vuttappakārajhānasamaṅgī hutvā attabhāvassa vuttim̐ abhinipphādeti.

Vitakkavicārānaṃ vūpasamāti ettha vitakkassa ca vicārassa cāti imesaṃ dvinnam̐ vūpasamā samatikkamā, dutiyajjhānakkhaṇe apātubhāvāti vuttam̐ hoti. Tattha kiñcāpi dutiyajjhāne sabbe pi paṭhamajjhānadharmā na santi, aññeyeva hi paṭhamajjhāne phassādayo, aññe idhāti. Oḷārikassa pana oḷārikassa āngassa samatikkamā paṭhamajjhānato paresam̐ dutiyajjhānādīnaṃ adhigamo hotīti dassanattam̐ “vitakkavicārānaṃ vūpasamā”ti evaṃ vuttanti veditabbaṃ. **Ajjhattanti** idha niyakajjhattam̐ adhippetam̐, tasmā attani jātam̐, attasantāne nibbantanti attho.

Sampasādananti sampasādanam̐ vuccati saddhā. Sampasādanayogato jhānampi sampasādanam̐ nīlavaṇṇayogato nīlavattham̐ viya. Yasmā vā taṃ jhānaṃ sampasādanasamannāgatattā vitakkavicārakkhobhavūpasamanena ca ceto sampasādayati, tasmāpi sampasādananti vuttam̐. Imasmiñca atthavikappe sampasādanam̐ cetasoti evaṃ padasambandho veditabbo, purimasim̐ pana atthavikappe cetasoti etaṃ ekodībhāvena saddhim̐ yojetabbaṃ.

Tatrāyam̐ atthayojanā – eko udetīti **ekodi**, vitakkavicārehi anajjhārūlḥhattā aggo seṭṭho hutvā udetīti attho. Seṭṭhopi hi loke ekoti vuccati. Vitakkavicāravirahito vā eko asahāyo hutvā itipi vattum̐ vaṭṭati. Atha vā sampayuttadhamme udāyatīti udi, uṭṭhapetīti attho. Seṭṭhaṭṭhena eko ca so udi cāti ekodi. Samādhissetam̐ adhivacanam̐. Iti imaṃ ekodim̐ bhāveti vaḍḍhetīti idaṃ dutiyam̐ jhānaṃ **ekodībhāvam̐**. So panāyam̐ ekodi yasmā cetaso, na sattassa na jīvassa. Tasmā etaṃ “cetaso ekodībhāva”nti vuttam̐.

Nanu cāyam̐ saddhā paṭhamajjhānepi atthi, ayañca ekodināmako samādhī. Atha kasmā idameva “sampasādanam̐ cetaso ekodībhāva”nti ca vuttanti? Vuccate – aduñhi paṭhamajjhānaṃ vitakkavicārakkhobhena vīcitarāṅgasamākulamiva jalaṃ na suppasannaṃ hoti, tasmā satiyāpi saddhāya “sampasādana”nti na vuttam̐. Na suppasannattāyeva cettha samādhipi na suṭṭhu pākaṭo. Tasmā “ekodībhāva”ntipi na vuttam̐. Imasim̐ pana jhāne vitakkavicārpalībodhābhāvena laddhokāsā balavatī saddhā, balavasaddhāsahāyapaṭilābheneva ca samādhipi pākaṭo, tasmā idameva evaṃ vuttanti veditabbaṃ.

Avitakkaṃ avicāranti bhāvanāya pahīnattā etasmim̐, etassa vā vitakko natthīti avitakkaṃ. Imināva nayena avicāram̐. Etthāha – “nanu ca ‘vitakkavicārānaṃ vūpasamā’ti imināpi ayamattho siddho. Atha

kasmā puna vuttaṃ ‘avitakkaṃ avicāra’nti’? Vuccate – evametam, siddhovāyamattho, na panetaṃ tadatthadīpakam, nanu avocumha ‘‘oḷārikassa pana oḷārikassa aṅgassa samatikkamā paṭhamajjhānato paresaṃ dutiyajjhānādīnaṃ samadhigamo hotīti dassanattaṃ vitakkavicārānaṃ vūpasamāti evaṃ vutta’nti.

Apica vitakkavicārānaṃ vūpasamā idaṃ sampasādanaṃ, na kilesakālussiyassa. Vitakkavicārānañca vūpasamā ekodibhāvaṃ, na upacārajjhānamiva nīvaraṇappahānā, na paṭhamajjhānamiva ca aṅgapātubhāvāti evaṃ sampasādanaekodibhāvānaṃ hetuparidīpakamidaṃ vacanaṃ. Tathā vitakkavicārānaṃ vūpasamā idaṃ avitakkaavicāraṃ, na tatiyacatutthajjhānāni viya cakkhuvīññāḍīni viya ca abhāvāti evaṃ avitakkaavicārābhāvassa hetuparidīpakañca. Na vitakkavicārābhāvamattaparidīpakaṃ, vitakkavicārābhāvamattaparidīpakameva pana ‘‘avitakkaṃ avicāra’nti idaṃ vacanaṃ. Tasmā purimaṃ vatvāpi puna vattabbamevāti.

Samādhijanti paṭhamajjhānasamādhito, sampayuttasamādhito vā jātanti attho. Tattha kiñcāpi paṭhamajjhānampi sampayuttasamādhito jātaṃ, atha kho ayameva samādhi ‘‘samādhi’nti vattabbaṃ arahati vitakkavicārakkhobhavirahena ativiya acalattā suppasannattā ca. Tasmā imassa vaṇṇabhaṇanattaṃ idameva ‘‘samādhija’nti vuttaṃ. **Pītisukhanti** idaṃ vuttanayameva. **Dutiyanti** gaṇanānupubbatā dutiyaṃ, idaṃ dutiyaṃ uppannantipi dutiyaṃ.

Pītiyā ca virāgāti virāgo nāma vuttappakārāya pītiyā jigucchanaṃ vā samatikkamo vā, ubhinnaṃ pana antarā casaddo sampiṇḍanatto, so vūpasamaṃ vā sampiṇḍeti vitakkavicārāvūpasamaṃ vā. Tattha yadā vūpasamameva sampiṇḍeti, tadā pītiyā virāgā ca, kiñca bhiyyo vūpasamā cāti evaṃ yojanā veditabbā. Imissā ca yojanāya virāgo jigucchanaṃ hoti, tasmā pītiyā jigucchanaṃ ca samatikkamā cāti ayamatto daṭṭhabbo. Yadā pana vitakkavicārāvūpasamaṃ sampiṇḍeti, tadā pītiyā ca virāgā, kiñca bhiyyo vitakkavicārānañca vūpasamāti evaṃ yojanā veditabbā. Imissā ca yojanāya virāgo samatikkamanatto hoti, tasmā pītiyā ca samatikkamā, vitakkavicārānañca vūpasamāti ayamatto daṭṭhabbo.

Kāmañcete vitakkavicārā dutiyajjhāneyeva vūpasantā, imassa pana jhānassa maggaparidīpanattaṃ vaṇṇabhaṇanattañcetaṃ vuttaṃ. Vitakkavicārānaṃ vūpasamāti hi vutte idaṃ paññāyati ‘‘nūna vitakkavicārāvūpasamo maggo imassa jhānassā’nti. Yathā ca tatiye ariyamagge appahīnānampi sakkāyadīṭṭhādīnaṃ ‘‘pañcannaṃ orambhāgiyānaṃ saṃyojanānaṃ pahānā’nti (dī. ni. 1.373; ma. ni. 2.133; saṃ. ni. 5.184; a. ni. 3.88) evaṃ pahānaṃ vuccamānaṃ vaṇṇabhaṇanaṃ hoti, tadadhigamāya ussukkānaṃ ussāhajanakaṃ, evameva idha avūpasantānampi vitakkavicārānaṃ vūpasamo vuccamāno vaṇṇabhaṇanaṃ hoti. Tenāyamattho vutto ‘‘pītiyā ca samatikkamā vitakkavicārānañca vūpasamā’nti.

Upekkhako ca viharatīti ettha upapattito ikkhatīti upekkhā, samaṃ passati apakkhapatitā hutvā passatīti attho. Tāya visadāya vipulāya thāmagatāya samannāgatattā tatiyajjhānasamaṅgī ‘‘upekkhako’nti vuccati.

Upekkhā pana dasavidhā hoti chaḷaṅgupekkhā brahmavihārupekkhā bojjhaṅgupekkhā vīriyupekkhā saṅkhārupekkhā vedanupekkhā vipassanupekkhā tatramajjhattupekkhā jhānupekkhā pārisuddhupekkhāti.

Tattha yā ‘‘idha, bhikkhave, khīṇāsavo bhikkhu cakkhunā rūpaṃ disvā neva sumano hoti na dummano, upekkhako ca viharatī sato sampajāno’nti (a. ni. 6.1) evamāgatā khīṇāsavassa chasu dvāresu iṭṭhāniṭṭhachalārammaṇāpāthe parisuddhapakatibhāvāvijāhanākārahūtā upekkhā, ayaṃ **chaḷaṅgupekkhā** nāma.

Yā pana ‘‘upekkhāsahagatena cetasā ekaṃ disaṃ pharivā viharatī’nti (dī. ni. 1.556; ma. ni. 1.77) evamāgatā sattesu majjhattākārahūtā upekkhā, ayaṃ **brahmavihārupekkhā** nāma.

Yā pana ‘‘upekkhāsambojjhaṅgaṃ bhāveti vivekanissita’nti (ma. ni. 2.247) evamāgatā saḷāṅgādhamaṇaṃ majjhattākārahūtā upekkhā, ayaṃ **bojjhaṅgupekkhā** nāma.

Yā pana “kālena kālaṃ upekkhānimittam manasikarotī”ti (a. ni. 3.103) evamāgatā anaccāraddhanātisithilavīriyasāṅkhātā upekkhā, ayaṃ **vīriyupekkhā** nāma.

Yā pana “kati saṅkhārupekkhā samathavasena uppajjanti, kati saṅkhārupekkhā vipassanāvasena uppajjanti? Aṭṭha saṅkhārupekkhā samathavasena uppajjanti, dasa saṅkhārupekkhā vipassanāvasena uppajjanti”ti (paṭi. ma. 1.57) evamāgatā nīvaraṇādipaṭisāṅkhāsantiṭṭhanāgahaṇe majjhatabhūtā upekkhā, ayaṃ **saṅkhārupekkhā** nāma.

Yā pana “yasmim samaye kāmāvacaram kusalam cittam uppannam hoti upekkhāsahagata”nti (dha. sa. 150) evamāgatā adukkhamasukhasaññitā upekkhā, ayaṃ **vedanupekkhā** nāma.

Yā “yadatthi yaṃ bhūtam, taṃ pajahati, upekkham paṭilabhatī”ti (ma. ni. 3.71; a. ni. 7.55) evamāgatā vicinane majjhatabhūtā upekkhā, ayaṃ **vipassanupekkhā** nāma.

Yā pana chandādīsu yevāpanakesu āgatā sahaṅgānaṃ samavāhitabhūtā upekkhā, ayaṃ **tatramajjhātupekkhā** nāma.

Yā pana “upekkhako ca viharatī”ti (dha. sa. 163; dī. ni. 1.230) evamāgatā aggasukhepi tasmim apakkhapātajananī upekkhā, ayaṃ **jhānupekkhā** nāma.

Yā pana “upekkhāsati pārisuddhim catuttham jhāna”nti (dha. sa. 165; dī. ni. 1.232) evamāgatā sabbapaccanīkarpārisuddhā paccanīkavūpasamanepi abyāpārabhūtā upekkhā, ayaṃ **pārisuddhupekkhā** nāma.

Tattha chaḷaṅgupekkhā ca brahmavihārupekkhā ca bojjhaṅgupekkhā ca tatramajjhātupekkhā ca jhānupekkhā ca pārisuddhupekkhā ca atthato ekā, tatramajjhātupekkhāva hoti. Tena tena avatthābhedenā panassāyaṃ bhedo. Ekassāpi sato sattassa kumārāyuvattherasenāpatirājādivasena bhedo viya, tasmā tāsu yattha chaḷaṅgupekkhā, na tattha bojjhaṅgupekkhādayo. Yattha vā pana bojjhaṅgupekkhā, na tattha chaḷaṅgupekkhādayo hontīti veditabbā.

Yathā cetāsam atthato ekībhāvo, evaṃ saṅkhārupekkhāvīpissanupekkhānampi. Paññā eva hi sā, kiccavasena dvidhā bhinnā. Yathā hi purisassa sāyaṃ gehaṃ pavīṭṭham sappam ājapadadaṇḍam gahetvā pariyesamānassa taṃ thusakoṭṭhake nipannaṃ disvā “sappo nu kho, no”ti avalokentassa sovattikattayaṃ disvā nibbematikassa “sappo, na sappo”ti vicinane majjhattatā uppajjati, evameva yā āraddhavīpassakassa vipassanāñāṇena lakkhaṇattaye diṭṭhe saṅkhārānaṃ aniccabhāvādivicinane majjhattatā uppajjati, ayaṃ vipassanupekkhā. Yathā pana tassa purisassa ājapadadaṇḍena gāḷhaṃ sappam gahetvā “kintāhaṃ imaṃ sappam aviheṭṭhento attānañca iminā aḍaṃsāpento muñceyya”nti muñcanākārameva pariyesato gahaṇe majjhattatā hoti, evameva yā lakkhaṇattayassa diṭṭhattā āditte viya tayo bhava passato saṅkhāragahaṇe majjhattatā, ayaṃ saṅkhārupekkhā. Iti vipassanupekkhāya siddhāya saṅkhārupekkhāpi siddhāva hoti. Iminā panesā vicinanagahaṇesu majjhattasaṅkhātena kiccena dvidhā bhinnāti. Vīriyupekkhā pana vedanupekkhā ca aññamaññaṇa avasesāhi ca atthato bhinnā evāti. Āha cettha –

“Majjhatabrahmabojjhaṅgachalaṅgajhānasuddhiyo;
Vipassanā ca saṅkhāavedanā vīriyaṃ iti.

Vitthārato dasopekkhā, cha majjhattādito tato;
Duve paññā tato dvīhi, catassova bhavantimā”ti.

Iti imāsu upekkhāsu jhānupekkhā idha adhippetā. Sā majjhattalakkhaṇā. Etthāha – “nanu cāyaṃ atthato tatramajjhātupekkhāva hoti, sā ca paṭhamadutiyaṃ jhānesupi atthi, tasmā tatrapi ‘upekkhako ca viharatī’ti evamayam vattabbā siyā, sā kasmā na vuttā”ti? Aparibyattakiccato. Aparibyattañhi tassa tattha

kiccaṃ vitakkādīhi abhibhūtattā, idha panāyaṃ vitakkavicārapītihi anabhibhūtattā ukkhittasirā viya hutvā paribyattakiccā jātā, tasmā vuttāti.

Idāni **sato ca sampajānoti** ettha saraṭīti sato. Sampajānātīti sampajāno. Iti puggalena sati ca sampajāññaṅca vuttaṃ. Tattha saraṇalakkhaṇā sati. Asammohalakkhaṇaṃ sampajāññaṃ. Tattha kiñcāpi idaṃ satisampajāññaṃ purimajjhānesupi atthi, muṭṭhassatissa hi asampajānassa upacāramattampi na sampajjati, pageva appanā. Oḷārikattā pana tesam jhānānaṃ bhūmiyaṃ viya purisassa cittassa gati sukhā hoti, abyattaṃ tattha satisampajāññakiccaṃ. Oḷārikāṅgappahānena pana sukhumattā imassa jhānassa purisassa khuradhārāyaṃ viya satisampajāññakiccapariggahitā eva cittassa gati icchitabbāti idheva vuttaṃ. Kiñca bhīyyo – yathā dhenupago vaccho dhenuto apanīto arakkhiyamāno punadeva dhenuṃ upagacchati, evamidaṃ tatiyajjhānasukhaṃ pītito apanītampi satisampajāññārakkhena arakkhiyamānaṃ punadeva pītīṃ upagaccheyya, pītisampayuttameva siyā. Sukhe vāpi sattā sārājanti, idaṅca atimadhuraṃ sukhaṃ tato paraṃ sukhābhāvā. Satisampajāññānubhāvena panettha sukhe asārajjanā hoti, no aññathāti imampi atthavisesaṃ dassetuṃ idaṃ idheva vuttanti veditabbaṃ.

Idāni **sukhaṅca kāyena paṭisaṃvedetīti** ettha kiñcāpi tatiyajjhānasamaṅgino sukhapaṭisaṃvedanābhogo natthi, evaṃ santepi yasmā tassa nāmakāyena sampayuttaṃ sukhaṃ, yaṃ vā taṃ nāmakāyasampayuttaṃ sukhaṃ, taṃsamuṭṭhānenassa yasmā atipaṇītena rūpena rūpakāyo phuṭṭho, yassa phuṭṭhattā jhānā vuṭṭhitopi sukhaṃ paṭisaṃvedeyya, tasmā etamatthaṃ dassento ‘‘sukhaṅca kāyena paṭisaṃvedehī’’ti āha.

Idāni **yaṃ taṃ ariyā ācikkhanti upekkhako satimā sukhavīhārīti** ettha yaṃjhānāhetu yaṃjhānakāraṇā taṃ tatiyajjhānasamaṅgipuggalaṃ buddhādayo ariyā ācikkhanti desenti paññāpenti paṭṭhapenti vivaranti vibhajanti uttānikaronti pakāsentī, pasaṃsantīti adhippāyo. Kinti? Upekkhako satimā sukhavīhārīti. Taṃ tatiyaṃ jhānaṃ upasampajja viharatīti evamettha yojanā veditabbā.

Kasmā pana taṃ te evaṃ pasaṃsantīti? Pasaṃsārahato. Ayañhi yasmā atimadhurasukhe sukhapāramippattepi tatiyajjhāne upekkhako, na tattha sukhābhisaṅgena ākaḍḍhiyati. Yathā ca pīti na uppajjati, evaṃ upaṭṭhitassatītāya satimā. Yasmā ca ariyakantaṃ ariyajjanasevitameva ca asaṃkiliṭṭhaṃ sukhaṃ nāmakāyena paṭisaṃvedeti, tasmā pasaṃsāraho hoti. Iti pasaṃsārahato naṃ ariyā te evaṃ pasaṃsārahahetubhūte guṇe pakāsentā ‘‘upekkhako satimā sukhavīhārī’’ti evaṃ pasaṃsantīti veditabbaṃ. **Tatiyanti** gaṇanānupubbatā tatiyaṃ, tatiyaṃ uppannantipi tatiyaṃ.

Sukhassa ca pahānā dukkhassa ca pahānāti kāyikasukhassa ca kāyikadukkhassa ca pahānā. **Pubbevāti** taṅca kho pubbeva, na catutthajjhānakkhaṇe. **Somanassadomanassānaṃ atthaṅgamāti** cetasikasukhassa cetasikadukkhassa cāti imesampi dvinnaṃ pubbeva atthaṅgamā, pahānā icceva vuttaṃ hoti. Kadā pana nesam pahānaṃ hoti? Catunnaṃ jhānānaṃ upacārakkhaṇe. Somanassañhi catutthassa jhānassa upacārakkhaṇeyeva pahīyati, dukkhadomanassasukhāni paṭhamadutiyaṭatiyānaṃ upacārakkhaṇesu. Evametesam pahānakkamena avuttānaṃ **indriyavibhaṅge** (vibha. 219 ādayo) pana indriyānaṃ uddesakkameneva idhāpi vuttānaṃ sukhadukkhassomanassadomanassānaṃ pahānaṃ veditabbaṃ.

Yadi panetāni tassa tassa jhānassa upacārakkhaṇeyeva pahīyanti, atha kasmā ‘‘kattha cuppannaṃ dukkhindriyaṃ aparisesaṃ nirujjhati? Idha, bhikkhave, bhikkhu vivicceva kāmehi...pe... paṭhamajjhānaṃ upasampajja viharati. Ettha cuppannaṃ dukkhindriyaṃ aparisesaṃ nirujjhati. Kattha cuppannaṃ domanassindriyaṃ, sukhindriyaṃ, somanassindriyaṃ aparisesaṃ nirujjhati? Idha, bhikkhave, bhikkhu sukhassa ca pahānā...pe... catutthaṃ jhānaṃ upasampajja viharati. Ettha cuppannaṃ somanassindriyaṃ aparisesaṃ nirujjhati’’ti (saṃ. ni. 5.510) evaṃ jhānesveva nirodho vuttoti? Atisayanirodhattā. Atisayanirodho hi tesam paṭhamajjhānādīsu, na nirodhoyeva. Nirodhoyeva pana upacārakkhaṇe, nātisayanirodho. Tathā hi nānāvajjane paṭhamajjhānūpacāre niruddhassāpi dukkhindriyassa ḍaṃsamakāsādisamphassa vā visamāsanūpatāpena vā siyā uppatti, na tveva antoappanāyaṃ. Upacāre vā niruddhampetaṃ na suṭṭhu niruddhaṃ hoti paṭipakkhena avihatattā. Antoappanāyaṃ pana pītipharaṇena

sabbo kāyo sukhokkanto hoti, sukhokkantakāyassa ca suṭṭhu niruddhaṃ hoti dukkhindriyaṃ paṭipakkhena vihatattā. Nānāvajjaneyeva ca dutiyajjhānūpacāre pahīnassāpi domanassindriyassa, yasmā etaṃ vitakkavicārapaccayepi kāyakilamathe cittūpaghāte ca sati uppajjati, vitakkavicārābhāve neva uppajjati. Yattha pana uppajjati, tattha vitakkavicārābhāve. Appahīnāyeva ca dutiyajjhānūpacāre vitakkavicārāti tatthassa siyā uppatti, natveva dutiyajjhāne pahīnapaccayattā. Tathā tatiyajjhānūpacāre pahīnassāpi sukhindriyassa pītisamuṭṭhānapanātarūpaphuṭṭhakāyassa siyā uppatti, natveva tatiyajjhāne. Tatiyajjhāne hi sukhasa paccayabhūtā pīti sabbaso niruddhā hoti. Tathā catutthajjhānūpacāre pahīnassāpi somanassindriyassa āsannattā, appanāppattāya upekkhāya abhāvena sammā anatikkantattā ca siyā uppatti, natveva catutthajjhāne. Tasmā eva ca “*etthuppannaṃ dukkhindriyaṃ aparisesaṃ nirujjhatī*”ti tattha tattha aparisesaggahaṇaṃ katanti.

Etthāha – “*athevaṃ tassa tassa jhānassūpacāre pahīnāpi etā vedanā idha kasmā samāharī*”ti? Sukhaggahaṇatthaṃ. Yā hi ayaṃ “*adukkhamasukha*”nti ettha adukkhamasukhā vedanā vuttā, sā sukhumā dubbhiññeyyā na sakkā sukkena gahetuṃ, tasmā yathā nāma duṭṭhassa yathā tathā vā upasaṅkamitvā gahetuṃ asakkuṇeyyassa goṇassa gahaṇatthaṃ gopo ekasmiṃ vaje sabbā gāvo samāharati, athekekaṃ nīharanto paṭipāṭiyā āgataṃ “*ayaṃ so gaṇhatha na*”nti tampi gāhāpeti, evamevaṃ sukhaggahaṇatthaṃ sabbāpi etā samāhari. Evañhi samāhaṭā etā dassetvā “*yaṃ neva sukhaṃ, na dukkhaṃ, na somanassaṃ, na domanassaṃ, ayaṃ adukkhamasukhāvedanā*”ti sakkā hoti eṣā gāhayituṃ.

Apica adukkhamasukhāya cetovimuttiyā paccayadassanattāñcāpi etā vuttāti veditabbā. Sukhadukkhaṇādayo hi tassā paccayā. Yathāha – “*cattāro kho, āvuso, paccayā adukkhamasukhāya cetovimuttiyā samāpattiyā. Idhāvuso, bhikkhu sukhasa ca pahānā...pe... catutthaṃ jhānaṃ upasampajja viharati. Ime kho āvuso, cattāro paccayā adukkhamasukhāya cetovimuttiyā samāpattiyā*”ti (ma. ni. 1.458). Yathā vā aññattha pahīnāpi sakkāyadīṭṭhiādayo tatiyamaggassa vaṇṇabhaṇanattā tattha pahīnāti vuttā, evaṃ vaṇṇabhaṇanattāmetassa jhānassetā idha vuttātipi veditabbā. Paccayaghātena vā ettha rāgadosānaṃ atidūrabhāvaṃ dassetumpetā vuttāti veditabbā. Etāsu hi sukhaṃ somanassassa paccayo, somanassaṃ rāgassa, dukkhaṃ domanassassa, domanassaṃ dosassa. Sukhādighātena ca sappaccayā rāgadosā hatāti atidūre hontīti.

Adukkhamasukhanti dukkhābhāvena adukkhaṃ. Sukhābhāvena asukhaṃ. Etenettha dukkhasukhapaṭipakkhabhūtaṃ tatiyavedanaṃ dīpeti, na dukkhasukhābhāvamattaṃ. Tatiyavedanā nāma adukkhamasukhā, upekkhātipi vuccati. Sā iṭṭhāniṭṭhaviaparītānubhavanalakkhaṇā. **Upekkhāsatipārisuddhanti** upekkhāya janitasatipārisuddhiṃ. Imasmiñhi jhāne supārisuddhā sati, yā ca tassā satiā pārisuddhi, sā upekkhāya katā, na aññena. Tasmā etaṃ “*upekkhāsatipārisuddhi*”nti vuccati. Yāya ca upekkhāya ettha satiā pārisuddhi hoti, sā atthato tatramajjhataṭī veditabbā. Na kevalañcetta tāya satiyeva pārisuddhā, apica kho sabbepi sampayuttadhammā, satisīsenā pana desanā vuttā.

Tattha kiñcāpi ayaṃ upekkhā heṭṭhāpi tīsu jhānesu vijjati, yathā pana divā sūriyappabhābhāvā somabhāvena ca attano upakārakattena vā sabhāgāya rattiyā alābhā divā vijjamānāpi candalekhā aparissuddhā hoti aparīyodātā, evamayampi tatramajjhattupekkhācandalekhā vitakkādīpaccanīkadhammatejābhāvā sabhāgāya ca upekkhāvedanārattiyā alābhā vijjamānāpi paṭhamajjhānādībhede aparissuddhā hoti. Tassā ca aparissuddhāya divā aparissuddhacandalekhāya pabhā viya sahaṭāpi satiādayo aparissuddhā hontī. Tasmā tesu ekampi “*upekkhāsatipārisuddhi*”nti na vuttaṃ. Idha pana vitakkādīpaccanīkatejābhāvābhāvā sabhāgāya ca upekkhāvedanārattiyā paṭilābhā ayaṃ tatramajjhattupekkhācandalekhā ativiya pārisuddhā. Tassā pārisuddhattā pārisuddhacandalekhāya pabhā viya sahaṭāpi satiādayo pārisuddhā hontī pariyoḍātā. Tasmā idameva “*upekkhāsatipārisuddhi*”nti vuttanti veditabbā. **Catutthanti** gaṇanānupubbā catutthaṃ, catutthaṃ uppannantipi catutthaṃ.

Imāni cattāri jhānāni pubbhāgepi nānā, maggakkhaṇepi. Pubbhāge samāpattivasena nānā, maggakkhaṇe nānamaggavasena. Ekassa hi paṭhamamaggo paṭhamajjhāniko hoti, dutiyamaggādayopi paṭhamajjhānikā vā dutiyādīsu aññatarajjhānikā vā. Ekassa paṭhamamaggo dutiyādīnaṃ aññatarajjhāniko hoti, dutiyādayopi dutiyādīnaṃ aññatarajjhānikā vā paṭhamajjhānikā vā. Evaṃ cattāropi maggā

jhānavasena sadisā vā asadisā vā ekaccasadisā vā honti. Ayaṃ panassa viseso pādakajjhānaniyamena hoti. Paṭhamajjhānalābhino hi paṭhamajjhānā vuṭṭhāya vipassantassa uppannamaggo paṭhamajjhāniko hoti, maggaṅgabojjhaṅgāni panettha paripuññāneva honti. Dutiyajjhānato vuṭṭhāya vipassantassa uppanno dutiyajjhāniko hoti, maggaṅgāni panettha satta honti. Tatiyajjhānato vuṭṭhāya vipassantassa uppanno tatiyajjhāniko, maggaṅgāni panettha satta, bojjhaṅgāni cha honti. Esa nayo catutthajjhānato paṭṭhāya yāva nevasaññānāsaññāyatanā. Āruppe catukkapañcakajjhānaṃ uppajjati, tañca kho lokuttaraṃ, na lokiyanti vuttaṃ. Ettha kathanti? Etthapi paṭhamajjhānādīsu yato vuṭṭhāya sotāpattimaggam paṭilabhitvā arūpasamāpattiṃ bhāvetvā yo āruppe uppanno, taṃjhānikāva tassa tattha tayo maggā uppajjanti. Evaṃ pādakajjhānameva niyameṭi. Keci pana therā “vipassanāya ārammaṇabhūtā khandhā niyameṭi” ti vadanti. Keci “puggalajjhāsayo niyameṭi” ti vadanti. Keci “vuṭṭhānagāminī vipassanā niyameṭi” ti vadanti.

Tatrāyaṃ anupubbikathā – vipassanāniyamena hi sukkhavipassakassa uppannamaggopi, samāpattilābhino jhānaṃ pādakaṃ akatvā uppannamaggopi, paṭhamajjhānaṃ pādakaṃ katvā pakiñṇakasāṅkhāre sammasitvā uppāditamaggopi paṭhamajjhānikova hoti, sabbesu satta bojjhaṅgāni aṭṭha maggaṅgāni pañca jhānaṅgāni honti. Tesañhi pubbhāgavipassanā somanassasahagatāpi upekkhāsahagatāpi hutvā vuṭṭhānakāle saṅkhārupekkhābhāvaṃ pattā somanassasahagatāva hoti.

Pañcakanaye dutiyatatiyacatutthajjhānāni pādakāni katvā uppāditamaggesu yathākkameneva jhānaṃ caturaṅgikaṃ tivaṅgikaṃ duvaṅgikañca hoti, sabbesu pana satta maggaṅgāni honti, catutthe cha bojjhaṅgāni. Ayaṃ viseso pādakajjhānaniyamena ceva vipassanāniyamena ca hoti. Tesampi hi pubbhāgavipassanā somanassasahagatāpi upekkhāsahagatāpi hoti, vuṭṭhānagāminī somanassasahagatāva.

Pañcamajjhānaṃ pādakaṃ katvā nibbattitamagge pana upekkhācittakaggatāvasena dve jhānaṅgāni, bojjhaṅgamaggaṅgāni cha satta ceva. Ayampi viseso ubhayaniyamavasena hoti. Imasmiñhi naye pubbhāgavipassanā somanassasahagatā vā upekkhāsahagatā vā hoti, vuṭṭhānagāminī upekkhāsahagatāva hoti. Arūpajjhānāni pādakāni katvā uppāditamaggepi eseva nayo. Idha pana catukkanaye avitakkavicāramattassa dutiyajjhānassa abhāvā taṃ apānetvā sesānaṃ vasena yojettabbaṃ. Evaṃ pādakajjhānato vuṭṭhāya ye keci saṅkhāre sammasitvā nibbattitamaggassa āsannapadesa vuṭṭhitasamāpatti attanā sadisabhāvaṃ karoti bhūmivaṇṇo viya godhāvaṇṇassa.

Dutiyattheravāde pana yato yato samāpattito vuṭṭhāya ye ye samāpattidhamme sammasitvā maggo nibbattito hoti, taṃtaṃsamāpattisadisova hoti. Tatrāpi ca vipassanāniyamo vuttanayeneva veditabbo.

Tatiyattheravāde attano ajjhāsayaṇurūpena yaṃ yaṃ jhānaṃ pādakaṃ katvā ye ye jhānadhamme sammasitvā maggo nibbattito, taṃtaṃjhānasadisova hoti. Pādakajjhānaṃ pana sammasitajjhānaṃ vā vinā ajjhāsayaṃatteneva taṃ na ijjhati. Etthāpi ca vipassanāniyamo vuttanayeneva veditabbo.

Ayaṃ vuccati sammāsamādhīti yā imesu catūsu jhānesu ekaggatā, ayaṃ pubbhāge lokiyo, aparabhāge lokuttaro sammāsamādhī nāma vuccati. Evaṃ lokiyalokuttaravasena dhammasenāpati maggasaccaṃ deseti. Tattha lokiyamagge sabbāneva maggaṅgāni yathānurūpaṃ chasu ārammaṇesu aññatarārammaṇāni honti. Lokuttaramagge pana catusaccappaṭivedhāya pavattassa ariyasāvakkassa nibbānārammaṇaṃ avijjānusayasamugghātakaṃ paññācakkhu sammādiṭṭhi, tathā sampannadiṭṭhissa taṃsāmpayutto tividhamicchāsāṅkappasamugghātako cetaso nibbānapadābhiniropano sammāsāṅkappo, tathā passantassa vitakkentassa ca taṃsāmpayuttāva catubbidhavacīduccaritasamugghātikā micchāvācāya viratī sammāvācā, tathā viramantassa taṃsāmpayuttāva tividhamicchākammantasamucchedikā micchākammantā viratī sammākammanto, tesāṃyeva cassa vācākammantānaṃ vodānabhūtā taṃsāmpayuttāva kuhanādisamucchedikā micchāājīvā viratī sammāājīvo, tassāyevassa sammāvācākammantājīvasāṅkhātāya sīlabhūmiyaṃ patiṭṭhamānassa tadanurūpo taṃsāmpayutto va kosajjasamucchedako, anuppannuppannānaṃ akusalakusalānaṃ anuppādappahānuppādattṭhitisādhako ca vīriyārambho sammāvāyāmo, evaṃ vāyamantassa taṃsāmpayuttova micchāsativiniddhunako, kāyādīsu

kāyānupassanādisādhako ca cetaso asammoso sammāsati. Evaṃ anuttarāya satiyā suvihitacittārakkhassa taṃsampayuttāva micchāsamādhividdhaṃsikā cित्तेkaggatā sammāsamādhi. Esa lokuttaro ariyo aṭṭhaṅgiko maggo.

Yo saha lokiyena maggena dukkhanirodhagāminipaṭipadāti saṅkhyāṃ gato, so kho panesa maggo sammādiṭṭhisāṅkappānaṃ vijjāya sesadhammānaṃ caraṇena saṅgahitattā vijjā ceva caraṇaṅca. Tathā tesāṃ dvinnāṃ vipassanāyānena itaresāṃ samathayānena saṅgahitattā samatho ceva vipassanā ca. Tesāṃ dvinnāṃ paññākkhandhena tadanantarānaṃ tiṇṇāṃ sīlakkhandhena avasesānaṃ tiṇṇāṃ samādhikkhandhena adhipaññāadhisīlaadhicittasikkhāhi ca saṅgahitattā khandhattayaṅceva sikkhattayaṅca hoti. Yena samannāgato ariyasāvako dassanasamatthehi cakkhūhi gamanasamatthehi ca pādehi samannāgato addhiko viya vijjācaraṇasampanno hutvā vipassanāyānena kāmasukhallikānuyogaṃ samathayānena attakilamathānuyoganti antadvayaṃ parivajjetvā majjhimaṃpaṭipadaṃ paṭipanno paññākkhandhena mohakkhandhaṃ, sīlakkhandhena dosakkhandhaṃ, samādhikkhandhena ca lobhakkhandhaṃ padāleno adhipaññāsikkhāya paññāsampadaṃ, adhisīlasikkhāya sīlasampadaṃ, adhicitasikkhāya samādhisampadanti tisso sampattiyo patvā amataṃ nibbānaṃ sacchikaroti. Ādimajjhapariyosānakalyāṇaṃ sattatiṃsabodhipakkhiyadhammaratanavicittaṃ sammattaniyāmasāṅkhātāṃ ariyabhūmiṃ okkanto hotīti.

Maggasaccaniddesavaṇṇanā niṭṭhitā.

Saccapakiṇṇakavaṇṇanā

Catūsu pana saccesu bādhanalakkhaṇaṃ dukkhasaccaṃ, pabhavalakkhaṇaṃ samudayasaccaṃ, santilakkhaṇaṃ nirodhasaccaṃ, niyyānalakkhaṇaṃ maggasaccaṃ, apica pavattipavattakanivattinivattakalakkhaṇāni paṭipāṭiyā. Tathā saṅkhatataṇhāsaṅkhatadassanalakkhaṇāni ca.

Kasmā pana cattāreva ariyasaccāni vuttāni anūnāni anadhikānīti ce? Aññassa asambhavato aññatarassa ca anapaneyyabhāvato. Na hi etehi aññaṃ adhikaṃ vā, etesaṃ vā ekampi apanetabbaṃ sambhoti. Yathāha –

‘‘Idha, bhikkhave, āgaccheyya samaṇo vā brāhmaṇo vā ‘netāṃ dukkhaṃ ariyasaccaṃ, aññaṃ dukkhaṃ ariyasaccaṃ. Yaṃ samaṇena gotamena desitaṃ, ahametaṃ dukkhaṃ ariyasaccaṃ ṭhapetvā aññaṃ dukkhaṃ ariyasaccaṃ paññapessāmī’ ti netāṃ ṭhānaṃ vijjati’’ tiādi.

Yathā cāha –

‘‘Yo hi koci, bhikkhave, samaṇo vā brāhmaṇo vā evaṃ vadeyya ‘netāṃ dukkhaṃ paṭhamaṃ ariyasaccaṃ, yaṃ samaṇena gotamena desitaṃ, ahametaṃ dukkhaṃ paṭhamaṃ ariyasaccaṃ paccakkhāya aññaṃ dukkhaṃ paṭhamaṃ ariyasaccaṃ paññapessāmī’ ti netāṃ ṭhānaṃ vijjati’’ tiādi (saṃ. ni. 5.1086).

Apica pavattimācikkhanto bhagavā sahetukaṃ ācikkhi, nivattiṅca saupāyaṃ. Iti pavattinivattitadubhayahetūnaṃ etapparamato cattāreva vuttāni. Tathā pariññeyyapahātabbasacchikātabbhāvetabbānaṃ, taṇhāvattutaṇhātaṇhānirodhataṇhānirodhūpāyānaṃ, ālayaālayarāmātaālayasamugghātaālayasamugghātūpāyānaṅca vasenāpi cattāreva vuttānīti.

Ettha ca oḷārikattā sabbasattasādhāraṇattā ca suviññeyyanti dukkhasaccaṃ paṭhamaṃ vuttaṃ. Tasseva hetudassanatthaṃ tadanantaraṃ samudayasaccaṃ, hetunirodhā phalanirodhoti nīpanatthaṃ tato nirodhasaccaṃ, tadadhigamūpāyadassanatthaṃ ante maggasaccaṃ. Bhavasukhassādagadhitānaṃ vā sattānaṃ saṃvegajananatthaṃ paṭhamaṃ dukkhamāha. Taṃ neva akataṃ āgacchati, na issaranimmānādito hoti, ito pana hotīti nīpanatthaṃ tadanantaraṃ samudayaṃ. Tato sahetukena dukkhena abhibhūtattā

saṃviggamānasānaṃ dukkhanissaraṇagavesīnaṃ nissaraṇadassanena assāsajananatthaṃ nirodhaṃ. Tato nirodhādhiḡamanatthaṃ nirodhasaṃpāpakaṃ magganti ayametesaṃ kamo.

Etesu pana bhāro viya dukkhasaccaṃ daṭṭhabbaṃ, bhārādānamiva samudayasaccaṃ, bhāranikkhepanamiva nirodhasaccaṃ, bhāranikkhepanūpāyo viya maggasaccaṃ. Rogo viya vā dukkhasaccaṃ, roganidānamiva samudayasaccaṃ, rogavūpasamo viya nirodhasaccaṃ, bhesajjamiva maggasaccaṃ. Dubbhikkhamiva vā dukkhasaccaṃ, dubbuṭṭhi viya samudayasaccaṃ, subhikkhamiva nirodhasaccaṃ, suvuṭṭhi viya maggasaccaṃ. Apica verīveramūlaverasamugghātaverasamugghātūpāyehi, visarukkharukkhamūlamūlūpacchedatadupacchedūpāyehi, bhayabhayamūlanibbhayatadadhiḡamūpāyehi, orimatīramahoghapārimatīrataṃsāmpāpakavāyāmehi ca yojetvāpetāni upamāto veditabbānīti.

Sabbāneva panetāni saccāni paramatthena vedakakāraṇanibbutagamakābhāvato suññānīti veditabbāni. Tenetaṃ vuccati –

“Dukkameva hi na koci dukkhito, kārako na kiriyāva vijjati;
Atthi nibbuti na nibbuto pumā, maggamatthi gamako na vijjati”’ti.

Atha vā –

Dhuvasubhasukhattasuññaṃ, purimadvayamattasuññamamatapadaṃ;
Dhuvasukhaattavirahito, maggo iti suññatā tesu.

Nirodhasuññāni vā tīpi, nirodho ca sesattayasūñño. Phalasuñño vā ettha hetu samudaye dukkhassa bhāvato, magge ca nirodhassa, na phalena sagabbho pakativādīnaṃ pakati viya. Hetusuññaṇca phalaṃ dukkhasamudayānaṃ nirodhamaggānaṇca asamavāyā, na hetusamavetaṃ hetuphalaṃ samavāyavādīnaṃ dvīaṇukādi viya. Tenetaṃ vuccati –

“Tayamidha nirodhasuññaṃ, tayena tenāpi nibbuti suñña;
Suñño phalena hetu, phalampi taṃhetunā suñña”’nti.

Sabbāneva saccāni aññaṃaññasabhāgāni avitathato attasuññato dukkarapaṭivedhato ca. Yathāha –

“Taṃ kiṃ maññaṇsi, ānanda, katamaṃ nu kho dukkarataraṃ vā durabhisambhavataraṃ vā, yo dūratova sukhumena tālacchiggaḡena asanaṃ atipāteyya poṅkhānupōṅkhaṃ avirādhitāṃ, yo vā sattadhā bhinnassa vālassa koṭiyā koṭiṃ paṭivijjheyyāti? Etadeva, bhante, dukkarataraṇceva durabhisambhavataraṇca; Yo vā sattadhā bhinnassa vālassa koṭiyā koṭiṃ paṭivijjheyyāti; Atha kho te, ānanda, duppaṭivijjhataṃ paṭivijjhanti, ye ‘idaṃ dukkha’nti yathābhūtaṃ paṭivijjhanti...pe... ‘ayaṃ dukkhanirodhagāminī paṭipadā’ti yathābhūtaṃ paṭivijjhanti”’ti (saṃ. ni. 5.1115);

Visabhāgāni salakkhaṇavavattānato. Purimāni ca dve sabhāgāni duravagāhatthena gambhīratā lokiyatā sāsavattā ca, visabhāgāni phalāhetubhedato pariññeyyapahātabbato ca. Pacchimānīpi dve sabhāgāni gambhīratena duravagāhatā lokuttaratā anāsavattā ca, visabhāgāni visayavisayābhedato sacchikātabbhāvetabbato ca. Paṭhamatatiyāni cāpi sabhāgāni phalāpadesato, visabhāgāni saṅkhatāsaṅkhatato. Dutiyacatutthāni cāpi sabhāgāni hetuapadesato, visabhāgāni ekantakusalākusalato. Paṭhamacatutthāni cāpi sabhāgāni saṅkhatato, visabhāgāni lokiyalokuttarato. Dutiyatatiyāni cāpi sabhāgāni nevasekkhānāsekkhabhāvato, visabhāgāni sārammaṇānārammaṇato.

“Iti evaṃ pakārehi, nayehi ca vicakkhaṇo;
Vijañña ariyasaccānaṃ, sabhāgavisabhāgata”’nti.

Sabbameva cettha dukkhaṃ ekavidhaṃ pavattibhāvato, duvidhaṃ nāmarūpato, tividhaṃ kāmarūpārūpūpapattibhavābhedato, catubbidhaṃ catuāhārabhedato, pañcavidhaṃ

pañcupādānakkhandhabhedato. Samudayopi ekavidho pavattakabhāvato, duvidho diṭṭhisampayuttāsampayuttato, tividho kāmabhavavibhavataṇhābhedato, catubbidho catumaggappaheyyato, pañcavidho rūpābhinandanādibhedato, chabbidho chataṇhākāyabhedato. Nirodhopi ekavidho asaṅkhatadhātubhāvato, pariyāyato pana duvidho saupādisesaanupādisesato, tividho bhavattayavūpasamato, catubbidho catumaggādhiḡamanīyato, pañcavidho pañcābhinandanavūpasamato, chabbidho chataṇhākāyakkhayabhedato. Maggopi ekavidho bhāvetabbato, duvidho samathavipassanābhedato, dassanabhāvanābhedato vā, tividho khandhattayabhedato. Ayañhi sappadesattā nagaraṃ viya rajjena nippadesehi tīhi khandhehi saṅgahito. Yathāha –

“Na kho, āvuso visākha, ariyena aṭṭhaṅgikena maggena tayo khandhā saṅgahitā, tīhi ca kho, āvuso visākha, khandhehi ariyo aṭṭhaṅgiko maggo saṅgahito. Yā, cāvuso visākha, sammāvācā yo ca sammākammanto yo ca sammāājīvo, ime dhammā sīlakkhandhe saṅgahitā. Yo ca sammāvāyāmo yā ca sammāsati yo ca sammāsamādhī, ime dhammā samādhikkhandhe saṅgahitā. Yā ca sammādiṭṭhi yo ca sammāsaṅkappo, ime dhammā paññākkhandhe saṅgahitā”ti (ma. ni. 1.462).

Catubbidho sotāpattimaggādivasena.

Apica sabbāneva saccāni ekavidhāni avitathattā, abhiññeyyattā vā. Duvidhāni lokiyalokuttarato, saṅkhatāsaṅkhatato vā. Tividhāni dassanabhāvanāhi pahātābbato appahātābbato nevapahātābbanāpahātābbato ca. Catubbidhāni pariññeyyapahātābbasacchikātabbabbhāvetabbatoti.

“Evaṃ ariyasaccānaṃ, dubbodhānaṃ budho vidhiṃ;
Anekabhedato jaññā, hitāya ca sukhāya cā”ti.

Saccapakiṇṇakavaṇṇanā niṭṭhitā.

Idāni dhammasenāpati bhagavatā desitakkameneva ante saccacattakkaṃ niddisitvā “taṃ nīatāṭṭhena ñāṇa”ntiādinā saccacattakavasena sutamaye ñāṇaṃ nigametvā dasseti. Evaṃ “sotāvadhāne paññā sutamaye ñāṇa”nti pubbe vuttaṃ sabbāṃ nigametvā dasseti.

Saddhammapakāsiniyā paṭisambhidāmaggaṭṭhakathāya

Sutamayaññāniddesavaṇṇanā niṭṭhitā.

2. Sīlamayaññāniddesavaṇṇanā

37. Sīlamayaññāniddese **pañcā**ti gaṇanaparichedo. **Sīlānī**ti paricchinnadhammanidassanaṃ. **Pariyantapārisuddhisīlā**ntiādi pañcannaṃ sarūpato dassanaṃ. Pariyantapārisuddhītiādisu yathā nīlavaṇṇayogato vatthampi nīlamassa atthīti nīlanti vuccati, evaṃ gaṇanavasena pariyaṅto paricchedo assā atthīti pariyaṅtā, upasampannasīle patto anupasampannasīlassa avasānasabbhāvato vā pariyaṅto avasānaṃ assā atthīti pariyaṅtā. Sapariyaṅtāti vā vattābe sakāralopo katoti vedītabbo “dakaṃ dakāsaya pavisanti”ti (saṃ. ni. 3.78; a. ni. 4.33) ettha ukāralopo viya. Parisuddhabhāvo pārisuddhi, pariyaṅtā ca sā pārisuddhi cāti pariyaṅtapārisuddhi, pariyaṅtapārisuddhisāṅkhātaṃ sīlaṃ pariyaṅtapārisuddhisīlaṃ. Vuttapaṭipakkhena na pariyaṅtāti **apariyaṅtā**, natthi etissā pariyaṅtotipi apariyaṅtā, vuddho etissā pariyaṅtotipi apariyaṅtā. Samādānato pabhuti akhaṇḍitattā khaṇḍitāpi katapaṭikammattā cittuppādamattakenāpi malena virahitattā ca parisuddhajātimaṇi viya sudhantasuparikammakatasuvaṇṇaṃ viya ca parisuddhattā ariyamaggassa padaṭṭhānabhūtā anūnaṭṭhena **paripūṇṇā**. Diṭṭhiyā pahīnattā diṭṭhiparāmāsena aggahitattā **aparāmaṭṭhā**. Ayaṃ te sīle dosoti kenaci codakena parāmasitūṃ asakkuṇeyyattā vā aparāmaṭṭhā. Arahattaphalakkhaṇe sabbadarathapaṭippassaddhiyā **paṭippassaddhi**. **Anupasampannā**nti anavasesasamādānavasena sīlasampadāya bhusaṃ sampannāti upasampannā, na upasampannā anupasampannā. Tesāṃ anupasampannānaṃ.

Pariyantasikkhāpadānanti ettha sikkhitabbaṭṭhena sikkhā, koṭṭhāsaṭṭhena padāni, sikkhitabbaṭṭhāsānīti attho. Apica sīle patiṭṭhitena uparipattabbattā sabbe kusalā dhammā sikkhā, sīlāni tāsāṃ sikkhānaṃ patiṭṭhatṭhena padānīti sikkhānaṃ padattā sikkhāpadāni, pariyantāni sikkhāpadāni etesanti pariyantasikkhāpadā. Tesāṃ pariyantasikkhāpadānaṃ. Ettha ca dve pariyantā sikkhāpadapariyanto ca kālapariyanto ca. Katamo sikkhāpadapariyanto? Upāsakopāsikānaṃ yathāsamādānavasena ekaṃ vā dve vā tīṇi vā cattāri vā pañca vā aṭṭha vā dasa vā sikkhāpadāni honti, sikkhamānasāmaṇerasāmaṇerīnaṃ dasa sikkhāpadāni. Ayaṃ sikkhāpadapariyanto. Katamo kālapariyanto? Upāsakopāsikā dānaṃ dadamānā parivesanapariyantaṃ sīlaṃ samādiyanti, vihāragatā vihārapariyantaṃ sīlaṃ samādiyanti, ekaṃ vā dve vā tayo vā bhīyyo vā rattindivāni paricchedaṃ katvā sīlaṃ samādiyanti. Ayaṃ kālapariyanto. Imesu dvīsu pariyantesu sikkhāpadaṃ pariyaṃtaṃ katvā samādinnaṃ sīlaṃ vītikkamanena vā maraṇena vā paṭippassambhati, kālaṃ pariyaṃtaṃ katvā samādinnaṃ taṃtaṃkālātikkaṃmena paṭippassambhati.

Apariyantasikkhāpadānanti –

“Nava koṭṭisahasāni, asīti satakoṭṭiyo;
Paññāsa satahasassāni, chattiṃsa ca punāpare.

“Ete saṃvaravinayā, sambuddhena pakāsītā;
Peyyālamukhena niddiṭṭhā, sikkhā vinayasamvare”’ti. –

Evamaṃ gaṇanavasena pariyaṃtānampi sikkhāpadānaṃ anavasesasamādānabhāvavasena lābhayasañātiāṅgajīvītaṃhetu adīṭṭhapariyaṃtabhāvavasena upari rakkhitabbasīlaparicchedābhāvavasena ca natthi etesaṃ pariyaṃtoti apariyaṃtāni. Apariyaṃtāni sikkhāpadāni etesanti apariyantasikkhāpadā. Tesāṃ apariyantasikkhāpadānaṃ, vuddhapariyantasikkhāpadānanti vā attho.

Puthujjanakalyāṇakānantiādīsu –

“Puthūnaṃ jananādīhi, kāraṇehi puthujjano;
Puthujjanantogadhattā, puthuvāyaṃ jano iti”’ti. –

Vuttaputhujjanalakkhaṇānatikkamepi –

“Duve puthujjanā vuttā, buddhenādiccabandhunā;
Andho puthujjano eko, kalyāṇeko puthujjano”’ti. –

Vuttaputhujjanadvaye kalyāṇadhammasamāgamena andhaputhujjanabhāvaṃ atikkamma kalyāṇaputhujjanabhāve ṭhitānaṃ puthujjanakalyāṇakānaṃ kalyāṇaputhujjanānanti vuttaṃ hoti. Puthujjanesu vā kalyāṇakānaṃ puthujjanakalyāṇakānaṃ.

Kusaladhamme yuttānanti ettha **kusalasaddo** tāva ārogyānavajjachekasukhavipākesu dissati. Ayañhi “kacci nu bhoto kusalaṃ, kacci bhoto anāmaya”’ntiādīsu (jā. 1.15.146; 2.20.129) ārogye dissati. “Katamo pana, bhante, kāyasamācāro kusalo? Yo kho, mahārāja, kāyasamācāro anavajjo”’ti (ma. ni. 2.361) ca “puna caparaṃ, bhante, etadānuttariyaṃ yathā bhagavā dhammaṃ deseti kusalesu dhammesū”’ti ca (dī. ni. 3.145) evamādīsu anavajje. “Kusalo tvaṃ rathassa aṅgapaccaṅgānaṃ (ma. ni. 2.87), kusalā naccagītassa sikkhitā cāturiṭṭhiyo”’tiādīsu (jā. 2.22.94) cheke. “Kusalānaṃ, bhikkhave, dhammānaṃ samādānāhetu (dī. ni. 3.80). Kusalassa kammassa katattā upacittatā”’tiādīsu (dha. sa. 431) sukhavipāke. Svāyamidha ārogyepi anavajjepi sukhavipākepi vaṭṭati.

Vacanattho panettha kucchite pāpake dhamme salayanti calayanti kampaṇti viddhaṃsentīti kusalā. Kucchitena vā ākārena sayanti pavattantīti kusā, te kuse lunanti chindantīti kusalā. Kucchitānaṃ vā sānato tanukaraṇato kusāṃ ṇāṇaṃ. Tena kusena lātabbā gahetabbā pavattetabbāti kusalā, yathā vā kusā ubhayabhāgagataṃ hatthappadesaṃ lunanti, evamimepi uppannānuppannabhāvena ubhayabhāgagataṃ

saṃkilesapakkhaṃ lunanti, tasmā kusā viya lunantīti kusalā. Apica ārogyaṭṭhena anavajjaṭṭhena kosallasambhūtaṭṭhena vā kusalā. Idha pana yasmā vipassanākusalameva adhippettaṃ, tasmā sese vihāya tasseva dassanattaṃ ‘‘kusaladhamme’’ti ekavacanāṃ katanti veditabbaṃ. Vipassanākusaladhamme sātaccakiriyatāya sakkaccakāritāya ca yuttānanti attho.

Sekkhapariyante paripūrakārīnanti ettha tīsu sikkhāsu jātātipi sekkhā, sattannaṃ sekkhānaṃ etetipi sekkhā, sayameva sikkhantītipi sekkhā. Sotāpattimagga phalasa kadāgāmimaggaphalaanāgāmimaggaphalaarahattamaggadhammā. Te sekkhā dhammā pariyante avasāne etassa, te vā sekkhā dhammā pariyanto paricchedo etassāti sekkhapariyanto. Tasmīṃ sekkhapariyante dhammeti sambandho. Paripūraṃ paripuṇṇataṃ karontīti paripūrakārīno, paripūrakāro paripūrakiriyā etesaṃ atthīti vā paripūrakārīno. Tesāṃ sotāpattimaggaassa pubbhāgabhūte sekkhapariyante paṭipadādhamme vipassanāparipūriyā paripūrakārīnaṃ. **Kāye ca jīvite ca anapekkhānanti** ettha **kāyeti** sarīre. Sarīrañhi asucisañcayato kucchitānañca kesādīnaṃ cakkhurogādīnañca rogasatānaṃ āyabhūtattā kāyoti vuccati. **Jīvite**ti jīvitindriye. Tañhi jīvanti tenāti jīvitanti vuccati. Natthi etesaṃ apekkhāti anapekkhā, nissinehāti attho. Tesāṃ tasmīṃ kāye ca jīvite ca anapekkhānaṃ.

Idāni tesāṃ tesu anapekkhattassa kāraṇaṃ dassento **pariccattajīvitānanti** āha. Bhagavato ācariyassa vā sakajīvitapariccāgeneva hi te kilamamānēpi kāye vinassamānēpi jīvite anapekkhā hontīti. **Sattannaṃ sekkhānanti** sikkhantīti sekkhāti laddhanāmānaṃ sotāpattimaggaṭṭhādīnaṃ sattannaṃ ariyapuggalānaṃ. **Tathāgatasāvakananti** tathāgatassa sāvakanāṃ. Aṭṭhapi hi ariyapuggalā savanante ariyāya jātiyā jātattā bhagavato desanaṃ anusīṭṭhiṃ aveccappasādayogena sakkaccaṃ suṇantīti sāvakā. Tesupi arahattaphalaṭṭheyeva visesetvā dassento **khīṇāsavānanti** āha, arahattamaggañāṇena parikkhīṇasabbāsavānanti attho. **Paccekabuddhānanti** taṃ taṃ kāraṇaṃ paṭicca ekova anācariyako catusaccaṃ bujjhitavāti paccekabuddho. Tādisānaṃ paccekabuddhānaṃ.

Tathāgatānanti ettha aṭṭhahi kāraṇehi bhagavā tathāgato – tathā āgatoti tathāgato, tathā gatoti tathāgato, tathalakkhaṇaṃ āgatoti tathāgato, tathadhamme yāthāvato abhisambuddhoti tathāgato, tathadassitāya tathāgato, tathavāditāya tathāgato, tathā kāritāya tathāgato, abhibhavanatṭhena tathāgato.

Kathaṃ bhagavā **tathā āgatoti tathāgato**? Yathā sabbalokahitāya ussukkamāpannā purimakā sammāsambuddhā āgatā. Kiṃ vuttaṃ hoti? Yenābhinihārena purimakā bhagavanto āgatā, teneva amhākampi bhagavā āgato. Atha vā yathā purimakā bhagavanto dānasīlanekkhamma paññāvīriyakhantisaccādhiṭṭhānamettupekkhāsāṅkhātā dasa pāramiyo, dasa upapāramiyo, dasa paramatthapāramiyoti samatīṃsa pāramiyo pūretvā aṅgapariccāgaṃ nayanadhanarajjaputtadārapariccāganti ime pañca mahāpariccāge pariccajivā, pubbayogapubbacariyadhammakkhānañātattacariyādayo pūretvā buddhicariyāya koṭiṃ patvā āgatā, tathā amhākampi bhagavā āgato. Yathā ca purimakā bhagavanto cattāro satipaṭṭhāne cattāro sammappadhāne cattāro iddhipāde pañcindriyāni pañca balāni satta bojjhaṅge ariyaṃ aṭṭhaṅgikaṃ maggaṃ bhāvetvā brūhetvā āgatā, tathā amhākampi bhagavā āgatoti tathāgato.

‘‘Yatheva dīpaṅkarabuddhaādayo, sabbaññubhāvaṃ munayo idhāgatā;
Tathā ayaṃ sakyamunīpi āgato, tathāgato vuccati tena cakkhumā’’ti.

Kathaṃ **tathā gatoti tathāgato**? Yathā sampatijātā purimakā bhagavanto gatā. Kathaṅca te gatā? Te hi sampatijātā samehi pādehi pathaviyaṃ patiṭṭhāya uttarenamukhā sattapadavītihārena gatā. Yathāha ‘‘sapatijāto, ānanda, bodhisatto samehi pādehi pathaviyaṃ patiṭṭhahitvā uttarābhimukho sattapadavītihārena gacchati setamhi chatte anudhārayamāne, sabbā ca disā anuviloketi, āsabhīṅca vācaṃ bhāsati ‘aggohamasmi lokassa, jeṭṭhohamasmi lokassa, seṭṭhohamasmi lokassa, ayamantimā jāti, natthi dāni punabbhavo’’ti (ma. ni. 3.207; dī. ni. 2.31). Tañcassa gamanaṃ tathaṃ ahoṣi avitathaṃ anekesaṃ visesādhihamānaṃ pubbanimittabhāvena. Yañhi so sampatijāto samehi pādehi patiṭṭhahi, idamassa caturiddhipādapaṭilābhassa pubbanimittaṃ, uttaramukhabhāvo panassa sabbalokuttarabhāvassa

pubbanimittam, sattapadavītihāro sattabojjhaṅgaratanapaṭilābhassa pubbanimittam, “suvanṇadaṇḍā vītipatanti cāmarā”’ti (su. ni. 693) ettha vuttacāmarukkhepo pana sabbatitthiyanimmathanassa pubbanimittam, setacchattadhāraṇam arahattaphalavimuttivaravimalasetacchattapaṭilābhassa pubbanimittam, sabbādisānuvilokanam sabbaññūtānāvarenañāṇapaṭilābhassa pubbanimittam, āsabhivācābhāsanam pana appaṭivattiyavaradhammacakkappavattanassa pubbanimittam. Tathāyaṃ bhagavāpi gato. Tañcassa gamanam tatham ahoṣi avitatham tesameva visesādhigamānam pubbanimittabhāvena. Tenāhu porāṇā –

“Muhuttajātova gavaṃpatī yathā, samehi pādehi phusī vasundharam;
So vikkamī satta padāni gotamo, setaṇca chattaṃ anudhārayuṃ marū.

“Gantvāna so satta padāni gotamo, disā vilokesi samā samantato;
Aṭṭhaṅgupetaṃ giramabbhudīrayi, sīho yathā pabbatamuddhaniṭṭhito”’ti.

Evam tathā gatoti tathāgato.

Atha vā yathā purimakā bhagavanto, ayampi bhagavā tatheva nekkhammena kāmacchandam...pe... paṭhamajjhānena nīvaraṇe...pe... aniccānupassanāya niccasaññaṃ...pe... arahattamaggena sabbakilese pahāya gato. Evampi tathā gatoti tathāgato.

Katham **tathalakkhaṇam āgatoti tathāgato?** Pathavīdhātuyā kakkhaḷattalakkhaṇam tatham avitatham, āpodhātuyā paggharaṇalakkhaṇam, tejodhātuyā uṇhatalakkhaṇam, vāyodhātuyā vitthambhanalakkhaṇam, ākāsadhātuyā asamphuṭṭhalakkhaṇam, viññāṇadhātuyā vijānanalakkhaṇam.

Rūpassa ruppanalakkhaṇam, vedanāya vedayitalakkhaṇam, saññāya sañjānanalakkhaṇam, saṅkhārānam abhisāṅkharāṇalakkhaṇam, viññāṇassa vijānanalakkhaṇam.

Vitakkassa abhiniropanalakkhaṇam, vicārassa anumajjanalakkhaṇam, pītiyā pharaṇalakkhaṇam, sukhasa sātālakkhaṇam, cittekaggatāya avikkhepalakkhaṇam, phassassa phusanalakkhaṇam.

Saddhindriyassa adhimokkhalakkhaṇam, vīriyindriyassa paggahalakkhaṇam, satindriyassa upaṭṭhānalakkhaṇam, samādhindriyassa avikkhepalakkhaṇam, paññindriyassa pajānanalakkhaṇam.

Saddhābalassa assaddhiye akampiyalakkhaṇam, vīriyabalassa kosajje, satibalassa muṭṭhassacce, samādhibalassa uddhacce, paññābalassa avijjāya akampiyalakkhaṇam.

Satisambojjhaṅgassa upaṭṭhānalakkhaṇam, dhammavicayasambojjhaṅgassa pavicayalakkhaṇam, vīriyasambojjhaṅgassa paggahalakkhaṇam, pītisambojjhaṅgassa pharaṇalakkhaṇam, passaddhisambojjhaṅgassa upasamalakkhaṇam, samādhisambojjhaṅgassa avikkhepalakkhaṇam, upekkhāsambojjhaṅgassa paṭisaṅkhānalakkhaṇam.

Sammādiṭṭhiyā dassanalakkhaṇam, sammāsaṅkappassa abhiniropanalakkhaṇam, sammāvācāya pariggahalakkhaṇam, sammākammantassa samuṭṭhānalakkhaṇam, sammāājīvassa vodānalakkhaṇam, sammāvāyāmassa paggahalakkhaṇam, sammāsatiyā upaṭṭhānalakkhaṇam, sammāsamādhissa avikkhepalakkhaṇam.

Avijjāya aññānalakkhaṇam, saṅkhārānam cetanālakkhaṇam, viññāṇassa vijānanalakkhaṇam, nāmassa namanalakkhaṇam, rūpassa ruppanalakkhaṇam, saḷāyatanassa āyatanalakkhaṇam, phassassa phusanalakkhaṇam, vedanāya vedayitalakkhaṇam, taṇhāya hetulakkhaṇam, upādānassa gahaṇalakkhaṇam, bhavassa āyūhanalakkhaṇam, jātiyā nibbatilakkhaṇam, jarāya jīraṇalakkhaṇam, maraṇassa cutilakkhaṇam.

Dhātūnaṃ suññatālakkaṇaṃ, āyatanānaṃ āyatanalakkaṇaṃ, satipaṭṭhānānaṃ upaṭṭhānalakkaṇaṃ, sammappadhānānaṃ padahanalakkaṇaṃ, iddhipādānaṃ ijjhanalakkaṇaṃ, indriyānaṃ adhipatilakkaṇaṃ, balānaṃ akampiylakkaṇaṃ, bojjhaṅgānaṃ niyyānalakkaṇaṃ, maggassa hetulakkaṇaṃ.

Saccānaṃ tathalakkaṇaṃ, samathassa avikkhepalakkaṇaṃ, vipassanāya anupassanālakkaṇaṃ, samathavipassanānaṃ ekarasalakkaṇaṃ, yuganaddhānaṃ anativattanalakkaṇaṃ.

Sīlavissuddhiyā saṃvaralakkaṇaṃ, cittavisuddhiyā avikkhepalakkaṇaṃ, diṭṭhivissuddhiyā dassanalakkaṇaṃ.

Khaye ñāṇassa samucchedalakkaṇaṃ, anuppāde ñāṇassa passaddhilakkaṇaṃ.

Chandassa mūlalakkaṇaṃ, manasikārassa samuṭṭhānalakkaṇaṃ, phassassa samodhānalakkaṇaṃ, vedanāya samosaraṇalakkaṇaṃ, samādhissa pamukhalakkaṇaṃ, satiṃ ādhipeyyalakkaṇaṃ, paññāya tatuttarilakkaṇaṃ, vimuttiyā sāralakkaṇaṃ, amatogadhassa nibbānassa pariyoṣānalakkaṇaṃ tathaṃ avitathaṃ. Etaṃ tathalakkaṇaṃ ñāṇagatiyā āgato avirajjhivā patto anuppattoti tathāgato. Evaṃ tathalakkaṇaṃ āgatoti tathāgato.

Kathaṃ **tathadhamme yāthāvato abhisambuddhoti tathāgato?** Tathadhammā nāma cattāri ariyasaccāni. Yathāha – ‘‘cattārimāni, bhikkhave, tathāni avitathāni anaññathāni. Katamāni cattāri? ‘Idaṃ dukkha’nti, bhikkhave, tathametaṃ avitathametaṃ anaññathameta’nti (saṃ. ni. 5.1090) vitthāro. Tāni ca bhagavā abhisambuddhoti tathānaṃ abhisambuddhattā tathāgatoti vuccati. Abhisambodhattho hi ettha gatasaddo.

Apica jarāmaṇassa jātipaccayasambhūtasamudāgataṭṭho tatho avitatho anaññatho...pe... saṅkhārānaṃ avijjāpaccayasambhūtasamudāgataṭṭho tatho avitatho anaññatho. Tathā avijjāya saṅkhārānaṃ paccayaṭṭho tatho avitatho anaññatho...pe... jātiyā jarāmaṇassa paccayaṭṭho tatho avitatho anaññatho. Taṃ sabbaṃ bhagavā abhisambuddho. Tasmāpi tathānaṃ abhisambuddhattā tathāgato. Evaṃ tathadhamme yāthāvato abhisambuddhoti tathāgato.

Kathaṃ **tathadassitāya tathāgato?** Bhagavā yaṃ sadevake loke...pe... sadevamanussāya aparimāṇāsu lokadhātūsu aparimāṇānaṃ sattānaṃ cakkhuvāre āpāthaṃ āgacchantaṃ rūpārammaṇaṃ nāma atthi, taṃ sabbākārena jānāti passati. Evaṃ jānatā passatā ca tena taṃ itṭhāniṭṭhādivasena vā diṭṭhasutamutaviññātesu labbhamānakapadavasena vā ‘‘katamaṃ taṃ rūpaṃ rūpāyatanaṃ? Yaṃ rūpaṃ catunnaṃ mahābhūtānaṃ upādāya vaṇṇanibhā sanidassanaṃ sappatiṅgaṃ nīlaṃ pītaka’’ntiadinā (dha. sa. 616) nayena anekehi nāmehi terasahi vārehi dvipaññāsāya nayehi vibhajjamānaṃ tathameva hoti, vitathaṃ natthi. Esa nayo sotadvārādīsipi āpāthamāgacchantesu saddādīsū. Vuttampi cetamaṃ bhagavatā ‘‘yaṃ, bhikkhave, sadevakassa lokassa...pe... sadevamanussāya diṭṭhaṃ sutamaṃ mutamaṃ viññātaṃ pattaṃ pariyesitaṃ anuvicariṃ manasā, tamahaṃ jānāmi, tamahaṃ abbhaññāsiṃ, taṃ tathāgatassa viditaṃ, taṃ tathāgato na upaṭṭhāsī’’ti (a. ni. 4.24). Evaṃ tathadassitāya tathāgato. Tattha tathadassitathe tathāgatoti padasambhavo veditabbo.

Kathaṃ **tathavāditāya tathāgato?** Yaṃ rattiṃ bhagavā bodhimaṇḍe aparājitaṃ nisinno catunnaṃ mārānaṃ matthakaṃ madditvā anuttaraṃ sammāsambodhiṃ abhisambuddho, yañca rattiṃ yamakasālānamantare anupādisesāya nibbānadhātuyā parinibbāyī, etthantare pañcaccattālīsavassaparimāṇe kāle paṭhamabodhiyāpi majjhimbodhiyāpi pacchimabodhiyāpi yaṃ bhagavatā bhāsitaṃ suttaṃ geyyaṃ...pe... vedallaṃ, taṃ sabbaṃ atthato ca byañjanato ca anavajjaṃ anupavajjaṃ anūnāmanadhikaṃ sabbākārāparipuṇṇaṃ rāgamadanimmadanaṃ dosamohamadanimmadanaṃ, natthi tattha vālaggamattampi pakkhalitaṃ, sabbaṃ taṃ ekamuddikāya lañchitaṃ viya, ekanāḷikāya mitaṃ viya, ekatulāya tulitaṃ viya, ca tathameva hoti. Yathāha ‘‘yañca, cunda, rattiṃ tathāgato anuttaraṃ sammāsambodhiṃ abhisambujjhāti, yañca rattiṃ anupādisesāya nibbānadhātuyā parinibbāyati, yaṃ etasmiṃ antare bhāsati lapati niddisati,

sabbaṃ taṃ tathameva hoti, no aññathā. Tasmā ‘tathāgato’ti vuccatī’ti (dī. ni. 3.188). Gadaattho hi ettha gatasaddo. Evaṃ tathavāditāya tathāgato.

Apica āgadanam āgado, vacananti attho. Tatho aviparīto āgado assāti dakārassa takāraṃ katvā tathāgatoti evametasmim atthe padasiddhi veditabbā.

Kathaṃ **tathākāritāya tathāgato**? Bhagavato hi vācāya kāyo anulometi, kāyassāpi vācā, tasmā yathāvādī tathākārī yathākārī tathāvādī ca hoti. Evaṃbhūtassa cassa yathā vācā, kāyopi tathā gato pavattoti attho. Yathā ca kāyo, vācāpi tathā gatā pavattāti tathāgato. Tenevāha – ‘yathāvādī, bhikkhave, tathāgato tathākārī, yathākārī tathāvādī. Iti yathāvādī tathākārī, yathākārī tathāvādī. Tasmā ‘tathāgato’ti vuccatī’ti. Evaṃ tathākāritāya tathāgato.

Kathaṃ **abhibhavanaṭṭhena tathāgato**? Upari bhavaggaṃ heṭṭhā avīciṃ pariyantaṃ katvā tiriyaṃ aparimāṇāsu lokadhātūsu sabbasatte abhibhavati sīlena samādhinā paññāya vimuttiyā vimuttiñāṇadassanena, na tassa tulā vā pamāṇaṃ vā atthi, atulo appameyyo anuttaro rājādhirajā devānaṃ atidevo sakkānaṃ atisakko brahmānaṃ atibrahmā. Tenāha – ‘sadevake, bhikkhave, loke...pe... sadevamanussāya tathāgato abhibhū anabhibhūto aññadatthu daso vasavattī. Tasmā ‘tathāgato’ti vuccatī’ti (a. ni. 4.23).

Tatthevaṃ padasiddhi veditabbā – agado viya agado. Ko panesa? Desanāvilāso ceva puññussayo ca. Tena hesa mahānubhāvo bhisakko dibbāgadena sappe viya sabbaparappavādīno sadevakañca lokam abhibhavati. Iti sabbalokābhibhavane tatho aviparīto desanāvilāsamayo ceva puññamayo ca agado assāti dakārassa takāraṃ katvā tathāgatoti veditabbo. Evaṃ abhibhavanaṭṭhena tathāgato.

Apica tathāya gatotipi tathāgato, tathaṃ gatotipi tathāgatoti. **Gatoti** avagato atīto patto paṭipannoti attho. Tattha sakalam lokam tīraṇapariññāya tathāya gato avagatoti tathāgato, lokasamudayaṃ pahānapariññāya tathāya gato atītoti tathāgato, lokanirodham sacchikiriyāya tathāya gato pattoti tathāgato, lokanirodhagāminipaṭipadam tathaṃ gato paṭipannoti tathāgato. Tena yaṃ vuttaṃ bhagavatā – ‘loko, bhikkhave, tathāgatena abhisambuddho, lokasmā tathāgato viṣaṃyutto. Lokasamudayo, bhikkhave, tathāgatena abhisambuddho, lokasamudayo tathāgatassa pahīno. Lokanirodho, bhikkhave, tathāgatena abhisambuddho lokanirodho tathāgatassa sacchikato. Lokanirodhagāminī paṭipadā, bhikkhave, tathāgatena abhisambuddhā, lokanirodhagāminīpaṭipadā tathāgatassa bhāvitā. Yaṃ, bhikkhave, sadevakassa lokassa... pe... anuvicariṃ manasā, sabbaṃ taṃ tathāgatena abhisambuddham. Tasmā ‘tathāgato’ti vuccatī’ti (a. ni. 4.23). Tassa evampi attho veditabbo. Idampi ca tathāgatassa tathāgatabhāvadīpane mukhamattameva. Sabbākārena pana tathāgatova tathāgatassa tathāgatabhāvaṃ vaṇṇeyya. Yasmā pana sabbabuddhā tathāgataguṇenāpi samasamā, tasmā sabbesaṃ vasena **tathāgatānanti** āha.

Arahantānanti kilesehi ārakattā, arīnaṃ arānañca hatattā, paccayādīnaṃ arahattā, pāpakaraṇe rahābhāvā tathāgato araham. Ārakā hi so sabbakilesehi suvidūravidūre ṭhito maggena savāsanānaṃ kilesānaṃ pahīnattāti araham.

So tato ārakā nāma, yassa yenāsamaṅgitā;
Asamaṅgī ca dosehi, nātho tenārahaṃ mato.

Te cānena kilesārayo maggena hatāti arīnaṃ hatattāpi araham.

Yasmā rāgādisaṅkhātā, sabbepi arayo hatā;
Paññāsathena nāthena, tasmāpi araham mato.

Yañcetaṃ avijjābhavataṇhāmayanābhīpuññādiabhisāṅkhārānaṃ jarāmarāṇanemi āsavaśamudayamayena akkhena vijjhivā tibhavarathe samāyojitaṃ anādikālapavattaṃ saṃsāracakkaṃ, tassānena bodhimaṇḍe vīriyapādehi sīlapathaviyaṃ patiṭṭhāya saddhāhatthena kammakkhayaṃ

ñāṇapharasuṃ gahevā sabbe arā hatāti arānaṃ hatattāpi arahaṃ.

Arā saṃsāracakkassa, hatā ñāṇasīnā yato;
Lokanāthena tenesa, arahanti pavucati.

Aggadakkhiṇeyyattā ca cīvarādipaccaye arahati pūjāvīsesaṇca. Teneva ca uppanne tathāgate ye keci mahesakkhā devamanussā, na te aññattha pūjaṃ karonti. Tathā hi brahmā sahampati sinerumattena ratanadāmena tathāgataṃ pūjesi, yathābalaṇca aññe devā manussā ca bimbisārakosalarājādayo. Parinibbutampi ca bhagavantaṃ uddissa channavutikoṭidhanaṃ vissajjetvā asokamahārājā sakalajambudīpe caturāsīti vihārasahassāni patitthāpesi, ko pana vādo aññesaṃ pūjāvīsesānanti paccayādīnaṃ arahattāpi arahaṃ.

Pūjāvīsesaṃ saha paccayehi, yasmā ayaṃ arahati lokanātho;
Atthānurūpaṃ arahanti loke, tasmā jino arahati nāmametaṃ.

Yathā ca loke ye keci paṇḍitamānino bālā asilokabhayena raho pāpaṃ karonti, evamesa na kadāci karotīti pāpakaraṇe rahābhāvatopi arahaṃ.

Yasmā natthi raho nāma, pāpakammesu tādino;
Rahābhāvena tenesa, arahaṃ iti vissuto.

Evam sabbathāpi –

Ārakattā hatattā ca, kilesārīna so muni;
Hatasāṃsāracakkāro, paccayādīna cāraho;
Na raho karoti pāpāni, arahaṃ tena vuccatīti.

Yasmā pana sabbabuddhā arahattaguṇenāpi samasamā, tasmā sabbesaṃ vasena “arahantāna”nti āha.

Sammāsambuddhānanti sammā sāmāṇca sabbadhammānaṃ buddhattā sammāsambuddho. Tathā hesa sabbadhamme sammā sambuddho, abhiññeyye dhamme abhiññeyyato buddho, pariññeyye dhamme pariññeyyato, pahātabbe dhamme pahātabbato, sacchikātabbe dhamme sacchikātabbato, bhāvetabbe dhamme bhāvetabbato. Tenevāha –

“Abhiññeyyaṃ abhiññātaṃ, bhāvetabbaṇca bhāvitaṃ;
Pahātabbaṃ pahīnaṃ me, tasmā buddhosmi brāhmaṇā”ti. (ma. ni. 2.399; su. ni. 563);

Atha vā cakkhu dukkhasaccaṃ, tassa mūlakāraṇabhāvena samuṭṭhāpikā purimatanhā samudayasaccaṃ, ubhinnaṃ appavatti nirodhasaccaṃ, nirodhappajānanā paṭipadā maggasaccanti evaṃ ekekapaduddhārenāpi sabbadhamme sammā sāmāṇca buddho. Esa nayo sotaghānājivhākāyamanesu. Eteneva nayena rūpādīni cha āyatanāni, cakkhuvīññādayo cha viññāṇakāyā, cakkhusamphassādayo cha phassā, cakkhusamphassajādayo cha vedanā, rūpasaññādayo cha saññā, rūpasaññetanādayo cha cetanā, rūpatañhādayo cha tañhākāyā, rūpavitakkādayo cha vitakkā, rūpavicārādayo cha vicārā, rūpakkhandhādayo pañcakkhandhā, dasa kasiṇāni, dasa anussatiyo, uddhumātakasaññādivasena dasa saññā, kesādayo dvattiṃsākārā, dvādasāyatanāni, aṭṭhārasa dhātuyo, kāmabhavādayo nava bhavā, paṭhamādīni cattāri jhānāni, mettābhāvanādayo catasso appamaññā, catasso arūpasamāpattiyo, paṭilomato jarāmarāṇādīni, anulomato avijjādīni paṭiccasamuppādaṅgāni ca yojetabbāni. Tatrāyaṃ ekapadayojanā – jarāmarāṇaṃ dukkhasaccaṃ, jāti samudayasaccaṃ, ubhinnaṃ nissaraṇaṃ nirodhasaccaṃ, nirodhappajānanā paṭipadā maggasaccanti evaṃ ekekapaduddhārena sabbadhamme sammā sāmāṇca buddho anubuddho paṭividdho. Yaṃ vā pana kiñci atthi neyyaṃ nāma, sabbassa sammā sambuddhattā vimokkhanāññāvasena sammāsambuddho. Tassa pana vibhāgo upari āvi bhavissatīti. Yasmā pana sabbabuddhā sammāsambuddhaguṇenāpi samasamā, tasmā sabbesaṃ vasena “sammāsambuddhāna”nti

āha.

38. Idāni pariyantapārisuddhiapariyantapārisuddhisīladvaye ekekameva sīlaṃ pañcadhā bhinditvā dassetuṃ **atthi sīlaṃ pariyaṃtaṃ, atthi sīlaṃ aperiyaṃtanti**ādīmāha. Itaresu pana tīsu sīlesu tathāvidho bhedo natthīti. Tattha **lābhapariyaṃtanti** lābhena pariyaṃto bhedo etassāti lābhapariyaṃtaṃ. Evaṃ sesānīpi. **Yasoti** panettha parivāro. **Idhāti** imasmim loke. **Ekaccoti** eko. **Lābhahetūti** lābhoyeva hetu lābhahetu, tasmā lābhahetutoti vuttaṃ hoti. Hetvatthe nissakkavacanaṃ. “Lābhapaccayā lābhakāraṇā”ti tasseva vevacanaṃ. Hetumeva hi paṭicca etaṃ phalametīti **paccayoti** ca, phaluppattim kārayatīti **kāraṇanti** ca vuccati.

Yathāsamādinnaṃ yaṃ yaṃ samādinnaṃ gahitaṃ. **Vītikkaṃatīti** ajjhācarati. **Evarūpānīti** evaṃsabhāvāni, vuttappakārānīti adhippāyo. **Silānīti** gahaṭṭhasīlāni vā hontu pabbajitasīlāni vā, yesaṃ ādimhi vā ante vā ekaṃ bhinnaṃ, tāni pariyaṃte chinnasāṭako viya **khaṇḍāni**. Yesaṃ vemajjhe ekaṃ bhinnaṃ, tāni majjhe vinividdhasāṭako viya **chiddāni**. Yesaṃ paṭipāṭiyā dve vā tīni vā bhinnāni, tāni piṭṭhiyā vā kucchiyā vā utṭhitena dīghavaṭṭādisaṅṭhānena visabhāgavaṇṇena kālarattādīnaṃ aññatarasarīraṇṇā gāvī viya **sabalāni**. Yesaṃ antarantarā ekekāni bhinnāni, tāni antarantarā visabhāgavaṇṇabindu vicitrā gāvī viya **kammāsāni**. Avisesena vā sabbānīpi sattavidhena methunasam̐yogena kodhūpanāhādīhi ca pāpadhammehi upahatattā khaṇḍāni chiddāni sabalāni kammāsānīti. Tāniyeva taṇhādāsabyato mocetvā bhujissabhāvākāraṇena **na bhujissāni**. Buddhādīhi viññūhi na pasatthattā **na viññuppasatthāni**. Taṇhādīṭṭhihi parāmaṭṭhattā, kenaci vā “ayaṃ te sīlesu doso”ti parāmaṭṭhuṃ sakkuṇeyyatāya **parāmaṭṭhāni**. Upacārasamādhim̐ appanāsamādhim̐ vā, atha vā maggasamādhim̐ phalasamādhim̐ vā na sam̐vattayantīti **asamādhisam̐vattanikāni**. Na samādhisam̐vattanikānītipi pāṭho.

Keci pana “khaṇḍānīti kusalanāṃ dhammānaṃ appatiṭṭhābhūtattā, chiddānītipi evaṃ. Sabalānīti vivaṇṇakāraṇattā, kammāsānītipi evaṃ. Na bhujissānīti taṇhādāsabyaṃ gatattā. Na viññuppasatthānīti kusalehi garahitattā. Parāmaṭṭhānīti taṇhāya gahitattā. Asamādhisam̐vattanikānīti vipaṭṭisāravatthubhūtattā”ti evamatthaṃ vaṇṇayanti.

Na avippaṭṭisāravatthukānīti vipaṭṭisārāvahattā avippaṭṭisārassa patiṭṭhā na hontīti attho. **Na pāmojjavatthukānīti** avippaṭṭisārājāya dubbalapītiyā na vatthubhūtāni tassā anāvahattā. Evaṃ sesesupi yojanā kātabbā. **Na pītivatthukānīti** dubbalapītiyāya balavapītiyā na vatthubhūtāni. **Na passaddhivatthukānīti** balavapītiyāya kāyacittapassaddhiyā na vatthubhūtāni. **Na sukhavatthukānīti** passaddhiyassa kāyikacetāsikasukhassa na vatthubhūtāni. **Na samādhivatthukānīti** sukhajassa samādhissa na vatthubhūtāni. **Na yathābhūtañāḍassanavatthukānīti** samādhipadaṭṭhānassa yathābhūtañāḍassanassa na vatthubhūtāni.

Na ekantanibbidāyātiādīsu **na-kārameva** āharitvā “na virāgāyā”tiādīnā nayena sesapadehipi yojetabbaṃ. **Na virāgāyāti**ādīsu sanakāro vā pāṭho. Tattha **ekantanibbidāyāti** ekantena vaṭṭe nibbindanattāyā na sam̐vattantīti sambandho. Evaṃ sesesupi yojetabbaṃ. **Virāgāyāti** vaṭṭe virajjanattāyā. **Nirodhāyāti** vaṭṭassa nirodhanattāyā. **Upasamāyāti** nirodhitassa puna anuppattivasena vaṭṭassa upasamanattāyā. **Abhiññāyāti** vaṭṭassa abhijānanattāyā. **Sambodhāyāti** kilesaniddāvigamena vaṭṭato pabujjhanattāyā. **Nibbānāyāti** amatanibbānattāyā.

Yathāsamādinnaṃ sikkhāpadaṃ vītikkaṃāyāti yathāsamādinnaṃ sikkhāpadassa vītikkaṃanattāyā. Vibhattivipallāsavasena panettha upayogavacanaṃ kataṃ. **Cittampi na uppādetīti** cittuppādasuddhiyā sīlassa ativisuddhabhāvadassanattāṃ vuttaṃ, na pana cittuppādamattena sīlaṃ bhijjati. **Kim so vītikkaṃissatīti** kimatthaṃ vītikkaṃamaṃ karissati, neva vītikkaṃamaṃ karissatīti attho. **Akhaṇḍānīti**ādīni heṭṭhā vuttapaṭipakkhanayena vedittābāni. Na khaṇḍānītipi pāṭho. “Ekantanibbidāyā”tiādīsu ekantena vaṭṭe nibbindanattāyātiādīnā nayena yojetabbaṃ. Ettha pana **nibbidāyāti** vipassanā. **Virāgāyāti** maggo. **Nirodhāya upasamāyāti** nibbānaṃ. **Abhiññāya sambodhāyāti** maggo. **Nibbānāyāti** nibbānameva. Ekasmim̐ ṭhāne vipassanā, dvīsu maggo, tīsu nibbānaṃ

vuttanti evaṃ avatthānakathā veditabbā. Pariyāyena pana sabbānipetāni maggavevacanānīpi nibbānavevacanānīpi hontiyeva.

39. Idāni pariyaṅtāpariyaṅtavasena vijjamaṇapabhedam dassetvā puna dhammavasena jātivasena paccayavasena sampayuttavasena sīlassa pabhedam dassetuṃ **kiṃ sīlanti**ādīmāha. Tattha samuṭṭhāti etenāti samuṭṭhānaṃ. Paccayasetaṃ nāmaṃ. Kiṃ samuṭṭhānamassāti **kiṃsamuṭṭhānaṃ**. Katiṇaṃ dhammānaṃ samodhānaṃ samavāyo assāti **katidhammasamodhānaṃ**.

Cetanā sīlanti pāṇātipātādīhi viramantassa, vattapaṭipattiṃ vā pūrentassa cetanā. **Cetasikaṃ sīlanti** pāṇātipātādīhi viramantassa virati. Apica cetanā sīlaṃ nāma pāṇātipātādīni pajahantassa sattakammāpathacetanā. Cetasikaṃ sīlaṃ nāma “abhijjhaṃ loke pahāya vigatābhijjhena cetasā viharatī”tiādīnā (dī. ni. 1.217) nayena vuttā anabhijjhābyāpādasammādiṭṭhidhammā. **Samvaro sīlanti** ettha pañcavidho samvaro veditabbo – pātimokkhasamvaro, satsamvaro, ñāṇasamvaro, khantisamvaro, vīriyasamvaroti. Tattha “iminā pātimokkhasamvarena upeto hoti samupeto”ti (vibha. 511) ayaṃ **pātimokkhasamvaro**. “Rakkhati cakkhundriyaṃ, cakkhundriye samvaram āpajjati”ti (dī. ni. 1.213; ma. ni. 1.295; saṃ. ni. 4.239; a. ni. 3.16) ayaṃ **satsamvaro**.

“Yāni sotāni lokasmiṃ, (ajitāti bhagavā;)
Sati tesam nivāraṇaṃ;
Sotānaṃ samvaram brūmi, paññāyete pidhīyare”ti. (su. ni. 1041) –

Ayaṃ **ñāṇasamvaro**. Paccayapaṭisevanampi ettheva samodhānaṃ gacchati. Yo panāyaṃ “khamo hoti sītassa uṇhassā”tiādīnā (ma. ni. 1.24; a. ni. 4.114; 6.58) nayena āgato, ayaṃ **khantisamvaro** nāma. Yo cāyaṃ “uppannaṃ kāmavitakkaṃ nādhivāseti”tiādīnā (ma. ni. 1.26; a. ni. 4.114; 6.58) nayena āgato, ayaṃ **vīriyasamvaro** nāma. Ājīvapārisuddhipi ettheva samodhānaṃ gacchati. Iti ayaṃ pañcavidhopi samvaro, yā ca pāpabhīrukānaṃ kulaputtānaṃ sampattavatthuto virati, sabbametaṃ samvarasīlanti veditabbaṃ. **Avītikkamo sīlanti** samādinnaṃsīlassa kāyikavācasiko avītikkamo. Idaṃ tāva **kiṃ sīlanti** pañhassa vissajjanaṃ.

Kati sīlanīti pañhassa vissajjane **kusalasīlaṃ akusalasīlaṃ abyākatasīlanti** ettha yasmā loke tesam tesam sattānaṃ pakati sīlanti vuccati, yaṃ sandhāya “ayaṃ sukhasīlo, ayaṃ dukkhasīlo, ayaṃ kalahasīlo, ayaṃ maṇḍanasīlo”ti bhaṇanti. Tasmā tena pariyaṅyena atthuddhāravasena akusalasīlamapi sīlanti vuttaṃ. Taṃ pana “sutvāna samvare paññā”ti (paṭi. ma. 1.37) vacanato idhādhippetasīlaṃ na hotīti.

Yasmā pana cetanādibhedassa sīlassa sampayuttacittaṃ samuṭṭhānaṃ, tasmā **kusalacittasamuṭṭhānaṃ kusalasīlanti**ādīmāha.

Samvarasamodhānaṃ sīlanti samvarasampayuttakandhā. Te hi samvarena samāgatā missībhūtāti samvarasamodhānanti vuttā. Evaṃ avītikkamasamodhānaṃ sīlanti veditabbaṃ. **Tathābhāve jātacetanā samodhānaṃ sīlanti** samvarabhāve avītikkamabhāve jātacetanāsampayuttā kandhā. Yasmā ca tīsupi cetesu taṃsāmpayuttā dhammā adhippetā, tasmā cetanāsamodhānena cetasikānampi saṅgahitattā cetasikasamodhānasīlaṃ visuṃ na niddiṭṭhanti veditabbaṃ. Heṭṭhā cetanādayo dhammā “sīla”nti vuttā. Na kevalaṃ te eva sīlaṃ, taṃsāmpayuttā dhammāpi sīlamevāti dassanattaṃ ayaṃ tiko vuttoti veditabbo.

40. Idāni yasmā cetanācetasikā samvarāvītikkamāyeva honti na visuṃ, tasmā samvarāvītikkameyeva yāva arahattamaggā sādharmaṇakkamena yojento **pāṇātipātaṃ samvaratṭhena sīlaṃ, avītikkamatṭhena sīlanti**ādīmāha. Pāṇātipātā veramaṇīdayo hi yasmā attano attano paccanīkaṃ samvaranti, taṃ na vītikkamanti ca, tasmā samvaraṇato avītikkamanato ca samvaratṭhena sīlaṃ avītikkamatṭhena sīlaṃ nāma hoti. Tattha **pāṇātipātaṃ samvaratṭhenāti** pāṇātipātassa pidhanaṭṭhena sīlaṃ. Kiṃ taṃ? Pāṇātipātā veramaṇī. Sā ca taṃ samvarantīyeva taṃ na vītikkamatīti **avītikkamatṭhena sīlaṃ**. Evameva **adinnādānā veramaṇī**dayo anabhijjhābyāpādasammādiṭṭhiyo yojetabbā.

Pāṇātipātantiādīsu pana dasasu akusalakammaphesu pāṇassa atipāto **pāṇātipāto**. Pāṇavadho pāṇaghātoto vuttaṃ hoti. **Pāṇoti** cettha vohārato satto, paramatthato jīvitindriyaṃ. Tasmim̐ pana pāṇe pāṇasaññino jīvitindriyupacchedakaupakkamasamuṭṭhāpikā kāyavacīdvārānaṃ aññataradvārappavattā vadhakacetanā pāṇātipāto. So guṇavirahitesu tiracchānagatādīsu pāṇesu khuddake pāṇe appasāvajjo, mahāsārīre mahāsāvajjo. Kasmā? Payogamahantatāya. Payogasamattepi vatthumahantatāya. Guṇavantesu manussādīsu appaguṇe pāṇe appasāvajjo, mahāguṇe mahāsāvajjo. Sarīraguṇānaṃ pana samabhāve sati kilesānaṃ upakkamānañca mudutāya appasāvajjo, tibbatāya mahāsāvajjoti veditabbo. Tassa pañca sambhārā – pāṇo, pāṇasaññitā, vadhakacittaṃ, upakkamo, tena maraṇanti.

Adinnassa ādānaṃ **adinnādānaṃ**, parasamharaṇaṃ, theyyaṃ, corikāti vuttaṃ hoti. Tattha **adinnanti** parapariggahitaṃ, yattha paro yathākāmakāritaṃ āpajjanto adaṇḍārāho anupavajjo ca hoti, tasmim̐ parapariggahite parapariggahitasaññino tadādāyakaupakkamasamuṭṭhāpikā kāyavacīdvārānaṃ aññataradvārappavattā theyyacetanā adinnādānaṃ. Taṃ hīne parasantake appasāvajjaṃ, paṇīte mahāsāvajjaṃ. Kasmā? Vatthupaṇītātāya. Vatthusamatte sati guṇādhikānaṃ santake vatthusmim̐ mahāsāvajjaṃ, taṃ taṃ guṇādhikaṃ upādāya tato tato hīnaguṇassa santake vatthusmim̐ appasāvajjaṃ. Tassa pañca sambhārā – parapariggahitaṃ, parapariggahitasaññitā theyyacittaṃ, upakkamo, tena haraṇanti.

Kāmesūti methunasamācāresu. **Micchācāroti** ekantanindito lāmakācāro. Lakkhaṇato pana asaddhammādhippāyena kāyadvārappavattā agamanīyaṭṭhānavītikkamacetanā kāmesu micchācāro.

Tattha **agamanīyaṭṭhānaṃ** nāma purisānaṃ tāva māturakkhitā, piturakkhitā, mātāpiturakkhitā, bhāturakkhitā, bhaginirakkhitā, ñātirakkhitā, gottarakkhitā, dhammarakkhitā, sārakkhā, saporidaṇḍāti māturakkhitādayo dasa, dhanakkītā, chandavāsini, bhogavāsini, paṭavāsini, odapattakini, obhatacumbaṭā, dāsī ca, bhariyā ca, kammakārī ca bhariyā ca, dhajāhaṭā muhuttikāti dhanakkītādayo dasāti vīsati itthiyo. Itthīsu pana dvinnaṃ sārakkhasaporidaṇḍānaṃ dasannañca dhanakkītādīnanti dvādasannaṃ itthīnaṃ aññe purisā, idaṃ agamanīyaṭṭhānaṃ nāma.

So panesa micchācāro sīlādiguṇarahite agamanīyaṭṭhāne appasāvajjo, sīlādiguṇasampanne mahāsāvajjo. Tassa cattāro sambhārā – agamanīyavattu, tasmim̐ sevanacittaṃ, sevanapayogo, maggenamaggapaṭipattiadhivāsanti.

Musāti viṣaṃvādanapurekkhārassa atthabhañjako vacīpayogo, kāyapayogo vā. Viṣaṃvādanādhippāyena panassa paraviṣaṃvādakakāyavacīpayogasamuṭṭhāpikā cetanā musāvādo. Aparo nayo – **musāti** abhūtaṃ atacchaṃ vatthu. **Vādoti** tassa bhūtato tacchato viññāpanaṃ. Lakkhaṇato pana atathaṃ vatthuṃ tathato paraṃ viññāpetukāmassa tathāviññattisamuṭṭhāpikā cetanā musāvādo. So yamatthaṃ bhañjati, tassa appatāya appasāvajjo, mahantatāya mahāsāvajjo. Apica gahaṭṭhānaṃ attano santakaṃ adātukāmatāya natthītiadinayappavatto appasāvajjo, sakkhinā hutvā atthabhañjanatthaṃ vutto mahāsāvajjo. Pabbajitānaṃ appakampi telaṃ vā sappim̐ vā labhitvā hasādhippāyena “ajja gāme telaṃ nadī maññe sandatī”ti pūraṇakathānāyena pavatto appasāvajjo, adīṭṭhamyeva pana diṭṭhantiadinā nayena vadantānaṃ mahāsāvajjo. Tassa cattāro sambhārā – atathaṃ vatthu, viṣaṃvādanacittaṃ, tajjo vāyāmo, parassa tadatthavijānananti.

Yāya vācāya yassa taṃ vācaṃ bhāsati, tassa hadaye attano piyabhāvaṃ, parassa ca suññabhāvaṃ karoti, sā **pisuṇā vācā**. Yāya pana attānampi parampi pharusā karoti, yā vācā sayampi pharusā neva kaṇṇasukhā na hadayasukhā vā, ayaṃ **pharusā vācā**. Yena samphaṃ palapati niratthakaṃ, so **samphappalāpo**. Tesam̐ mūlabhūtā cetanāpi pisuṇāvācādināmeva labhati. Sā eva ca idha adhippetāti.

Tattha saṃkiliṭṭhacittassa paresaṃ vā bhedāya attano piyakamyatāya vā kāyavacīpayogasamuṭṭhāpikā cetanā pisuṇā vācā. Sā yassa bhedaṃ karoti, tassa appaguṇatāya appasāvajjā, mahāguṇatāya mahāsāvajjā. Tassā cattāro sambhārā – bhinditabbo paro, “iti ime nānā bhavissanti”ti bhedapurekkhārātā vā “iti ahaṃ piyo bhavissāmi vissāsiko”ti piyakamyatā vā, tajjo vāyāmo, tassa tadatthavijānananti. Pare pana abhinne

kammopathabhedo natthi, bhinneyeva hoti.

Parassa mammachedakakāyavacīpayogasamuṭṭhāpikā ekantapharusacetanā pharusā vācā. Mammachedakopi pana payogo cittasaṅhatāya pharusā vācā na hoti. Mātāpitaro hi kadāci puttake evampi vadanti “corā vo khaṇḍākhaṇḍikaṃ karontū”ti. Uppalapattampi ca nesaṃ upari patantaṃ na icchanti. Ācariyupajjhāyā ca kadāci nissitake evaṃ vadanti “kiṃ ime ahirikā anottappino, niddhamatha ne”ti. Atha ca nesaṃ āgamādhigamasampattiṃ icchanti. Yathā ca cittasaṅhatāya pharusā vācā na hoti, evaṃ vacanaṅgaṅhatāya aphaṅgā vācāpi na hoti. Na hi mārapetukāmassa “imaṃ sukhaṃ sayāpethā”ti vacanaṃ aphaṅgā vācā hoti, cittapharusatāya panesā pharusā vācāva. Sā yaṃ sandhāya pavattitā, tassa appaṅgātāya appasāvajjā, mahāṅgātāya mahāsāvajjā. Tassā tayo sambhārā – akkositabbo paro, kupitacittaṃ, akkosanāti.

Anatthaviññāpikā kāyavacīpayogasamuṭṭhāpikā akusalacetanā samphappalāpo. So āsevanamandatāya appasāvajjo, āsevanamahantatāya mahāsāvajjo. Tassa dve sambhārā – bhāratayuddhasītāharaṇādiniratthakakathāpurekkhārātā, tathārūpikathākathanañcāti. Pare pana taṃ kathaṃ gaṅghante kammopathabhedo natthi, parena samphappalāpe gahiteyeva hoti.

Abhijjhāyatīti **abhijjhā**, parabhaṇḍābhimukhī hutvā tanninatāya pavattatīti attho. Sā “aho vata idaṃ mamassā”ti evaṃ parabhaṇḍābhijjhāyanalakkhaṇā, adinnādānaṃ viya appasāvajjā mahāsāvajjā ca. Tassa dve sambhārā – parabhaṇḍaṃ, attano pariṇāmanañcāti. Parabhaṇḍavatthuke hi lobhe uppannepi na tāva kammopathabhedo hoti, yāva “aho vata idaṃ mamassā”ti attano na pariṇāmeti.

Hitasukhaṃ byāpādayatīti **byāpādo**. So paravināsāya manopadosalakkhaṇo, pharusā vācā viya appasāvajjo mahāsāvajjo ca. Tassa dve sambhārā – parasatto ca, tassa ca vināsacintāti. Parasattavatthuke hi kodhe uppannepi na tāva kammopathabhedo hoti, yāva “aho vatāyaṃ ucchijjeyya vinasseyyā”ti tassa vināsaṃ na cinteti.

Yathābhuccagahaṇābhāvena micchā passatīti **micchādiṭṭhi**. Sā “natthi dinna”ntiadinā nayena viparītadassanalakkhaṇā, samphappalāpo viya appasāvajjā, mahāsāvajjā ca. Apica aniyatā appasāvajjā, niyatā mahāsāvajjā. Tassā dve sambhārā – vatthuno ca gahitākāraviparītātā, yathā ca taṃ gaṅghāti, tathābhāvena tassūpaṭṭhānanti. Tattha natthikāhetukaakiriyadiṭṭhīhi eva kammopathabhedo hoti, na aññadiṭṭhīhi.

Imesaṃ pana dasanaṃ akusalakammopathānaṃ dhammato, koṭṭhāsato, ārammaṇato, vedanāto, mūlatoti pañcahākārehi vinicchayo veditabbo.

Tattha **dhammatoti** etesu hi satta paṭipāṭiyā cetanādhammāva honti, abhijjhādayo tayo cetanāsampayuttā.

Koṭṭhāsatoti paṭipāṭiyā satta, micchādiṭṭhi cāti ime aṭṭha kammopathā eva honti, no mūlāni. Abhijjhābyāpādā kammopathā ceva mūlāni ca. Abhijjhā hi mūlaṃ patvā lobho akusalamūlaṃ hoti, byāpādo doso akusalamūlaṃ.

Ārammaṇatoti pāṇātipāto jīvitindriyārammaṇato saṅkhārārammaṇo. Adinnādānaṃ sattārammaṇaṃ vā saṅkhārārammaṇaṃ vā. Micchācāro phoṭṭhabbavasena saṅkhārārammaṇo, sattārammaṇotipi eke. Musāvādo sattārammaṇo vā saṅkhārārammaṇo vā. Tathā pisuṇā vācā. Pharusā vācā sattārammaṇāva samphappalāpo diṭṭhasutamutaviññātavasena sattārammaṇo vā saṅkhārārammaṇo vā. Tathā abhijjhā. Byāpādo sattārammaṇova. Micchādiṭṭhi tebhūmakadhammavasena saṅkhārārammaṇāva.

Vedanātoti pāṇātipāto dukkhavedano hoti. Kiñcāpi hi rājāno coraṃ disvā hasamānāpi “gacchatha bhaṇe, māretha na”nti vadanti, sannitṭhāpakacetanā pana nesaṃ dukkhasampayuttāva hoti. Adinnādānaṃ tivedanaṃ. Tañhi parabhaṇḍaṃ disvā haṭṭhatuṭṭhassa gaṅghato sukhavedanaṃ hoti, bhītatasitassa gaṅghato

dukkhavedanaṃ, tathā vipākanissandaphalāni paccavekkhantassa. Gahaṇakāle majjhatabhāve t̥hitassa pana gaṇhato adukkhamasukhavedanaṃ hoti. Micchācāro sukhamajjhattavasena dvivedano, sannit̥hāpakacitte pana majjhattavedano na hoti. Musāvādo adinnādāne vuttanayeneva tivedano, tathā pisuṇā vācā. Pharusā vācā dukkhavedanā. Samphappalāpo tivedano. Paresu hi sādhuḥkāraṃ dentesu celādīni ukkhipantesu haṭṭhatuṭṭhassa sītāharaṇabhāratayuddhādīni kathanakāle so sukhavedano hoti, paṭhamaṃ dinnavetanena ekena pacchā āgantvā “ādito paṭṭhāya kathehī”ti vutte “niravasesaṃ yathānusandhikaṃ pakiṇṇakakathaṃ kathessāmi nu kho, no”ti domanassitassa kathanakāle dukkhavedano hoti, majjhattassa kathayato adukkhamasukhavedano hoti. Abhijjhā sukhamajjhattavasena dvivedanā, tathā micchādīṭṭhi. Byāpādo dukkhavedano.

Mūlatoti pāṇātipāto dosamohavasena dvimūlako hoti, adinnādānaṃ dosamohavasena vā lobhamohavasena vā, micchācāro lobhamohavasena, musāvādo dosamohavasena vā lobhamohavasena vā. Tathā pisuṇā vācā samphappalāpo ca. Pharusā vācā dosamohavasena, abhijjhā mohavasena ekamūlā, tathā byāpādo. Micchādīṭṭhi lobhamohavasena dvimūlāti.

Akusalakammamapathakathā niṭṭhitā.

Pāṇātipātādīhi pana viratiyo, anabhijjhāabyāpādasammādiṭṭhiyo cāti ime dasa kusalakammamapathā nāma. Pāṇātipātādīhi etāya viramanti, sayaṃ vā viramati, viramaṇamattameva vā etanti **virati**. Yā pāṇātipātādīhi viramantassa kusalacittasampayuttā virati, sā pabhedato tividhā hoti sampattavirati samādānavirati samucchadavirati. Tattha asamādinnaikkhāpadānaṃ attano jātivayabāhusaccādīni paccavekkhitvā “ayuttaṃ amhākaṃ evarūpaṃ pāpaṃ kātu”nti sampattavatthuṃ avītikkamantānaṃ uppajjamānā virati **sampattavirati** nāma. Samādinnaikkhāpadānaṃ pana sikkhāpadasamādāne ca tatuttari ca attano jīvitampi pariccajivā vatthuṃ avītikkamantānaṃ uppajjamānā virati **samādānavirati** nāma. Ariyamaggasampayuttā pana virati **samucchadavirati** nāma, yassā uppattito pabhuti ariyapuggalānaṃ “pāṇaṃ ghātessāmā”tiadicittampi na uppajjatīti.

Idāni akusalakammamapathānaṃ viya imesaṃ kusalakammamapathānaṃ dhammato, koṭṭhāsato, ārammaṇato, vedanāto, mūlatoti pañcahākārehi vinicchayo veditaḅbo.

Tattha **dhammatoti** etesupi paṭipāṭiyā satta cetanāpi vaṭṭanti viratiyopi, ante tayo cetanāsampayuttāva.

Koṭṭhāsatoti paṭipāṭiyā satta kammamapathā eva, no mūlāni, ante tayo kammamapathā ceva mūlāni ca. Anabhijjhā hi mūlaṃ patvā alobho kusalamūlaṃ hoti, abyāpādo adoso kusalamūlaṃ, sammādiṭṭhi amoho kusalamūlaṃ.

Ārammaṇatoti pāṇātipātādīnaṃ ārammaṇāneva etesaṃ ārammaṇāni. Vītikkamitabbatoyeva hi veramaṇī nāma hoti. Yathā pana nibbānārammaṇo ariyamaggo kilese pajahati, evaṃ jīvitindriyādiārammaṇāpete kammamapathā pāṇātipātādīni dussīlyāni pajahantīti.

Vedanātoti sabbe sukhavedanā vā honti majjhattavedanā vā. Kusalaṃ patvā hi dukkhā vedanā nāma natthi.

Mūlatoti paṭipāṭiyā satta ñāṇasampayuttacittena viramantassa alobhaadosaamohavasena timūlā honti. Ñāṇavippayuttacittena viramantassa alobhādosavasena dvimūlā. Anabhijjhā ñāṇasampayuttacittena viramantassa adosaamohavasena dvimūlā. Ñāṇavippayuttacittena viramantassa adosavasena ekamūlā. Alobho pana attanāva attano mūlaṃ na hoti. Abyāpādepi eseva nayo. Sammādiṭṭhi alobhādosavasena dvimūlāvāti.

Kusalakammamapathakathā niṭṭhitā.

Evam dasakusalakammavāsesena sīlaṃ dassetvā idāni nekkhammādīnaṃ arahattamaggapariyosānānaṃ sattatimsadhammānaṃ vasena dassetuṃ **nekkhammena kāmacchandaṃ saṃvaraṭṭhena sīlaṃ, avītikkamaṭṭhena sīlantiādīmāha**. Tattha yasmā nekkhammena kāmacchandaṃ saṃvarati na vītikkamati, tasmā nekkhammaṃ sīlanti adhippāyo. Paccattatthe vā karaṇavacanaṃ, nekkhammanti attho. Esa nayo sesesu. Pāḷiyaṃ pana nekkhammaabyāpāde dassetvā heṭṭhā vuttanayattā sesaṃ saṅkhipitvā ante arahattamaggoyeva dassito.

Evam saṃvaraavītikkamavasena sīlaṃ dassetvā idāni tesamyeva dvinnāṃ pabhedadassanattamaṃ **pañca sīlāni pāṇātipātassa pahānaṃ sīlantiādīmāha**. Ettha ca pāṇātipātassa pahānaṃ sīlaṃ, pāṇātipātā veramaṇī sīlaṃ, pāṇātipātassa paṭipakkhacetaṇā sīlaṃ, pāṇātipātassa saṃvaro sīlaṃ, pāṇātipātassa avītikkamo sīlanti yojanā kātabbā. **Pahānanti** ca koci dhammo nāma natthi aññātra vuttappakāraṇaṃ pāṇātipātādīnaṃ anuppādamattato. Yasmā pana taṃ taṃ pahānaṃ tassa tassa kusalassa dhammassa paṭiṭṭhānaṭṭhena upadhāraṇaṃ hoti, vippakīṇasabhāvākaraṇena ca samodhānaṃ, tasmā pubbe vutteneva upadhāraṇasamodhānasāṅkhātena sīlaṇaṭṭhena sīlanti vuttaṃ. Itare cattāro dhammā tato tato veramaṇivasena tassa tassa saṃvaravasena tadubhayasampayuttacetanāvasena taṃ taṃ avītikkamantassa avītikkamavasena ca cetaso pavattisabhāvaṃ sandhāya vuttā.

Atha vā pahānampi dhammato atthiyeva. Kathaṃ? Pahīyate anena pāṇātipātādipaṭipakkho, pajahati vā taṃ paṭipakkhanti pahānaṃ. Kiṃ taṃ? Sabbepi kusalā khandhā. Aññe pana ācariyā “nekkhammādīsūpi ‘veramaṇī sīla’nti vacanamattaṃ gahetvā sabbakusalesūpi niyatayevāpanakabhūtā virati nāma atthi”ti vadanti, na tathā idhāti. Evamimehi pahānādīhi pañcahi padehi visesetvā pariyantāpariyantasīladvaye apariyantasīlameva vuttaṃ. Tasmā eva hi **evarūpāni sīlāni cittassa avippaṭisārāya saṃvattanti...pe... sacchikātabbaṃ sacchikaronto sikkhatīti** vuttaṃ.

Tattha **avippaṭisārāya saṃvattantīti** “saṃvaro avippaṭisārathāyā”ti (pari. 366) ca “avippaṭisārathāni kho, ānanda, kusalāni sīlāni avippaṭisārānisamsāni”ti (a. ni. 10.1; 11.1) ca vacanato avippaṭisārathāya saṃvattanti. “Avippaṭisāro pāmojjatthāyā”ti (pari. 366) ca “yoniso manasikaroto pāmojjaṃ jāyatī”ti (paṭi. ma. 1.74) ca vacanato **pāmojjāya saṃvattanti**. “Pāmojjaṃ pītatthāyā”ti (pari. 366) ca “pamuditassa pīti jāyatī”ti (a. ni. 5.26; saṃ. ni. 5.376; dī. ni. 3.322) ca vacanato **pītiyā saṃvattanti**. “Pīti passaddhatthāyā”ti (pari. 366) ca “pītimanassa kāyo passambhatī”ti (a. ni. 5.26; saṃ. ni. 5.376; dī. ni. 3.322) ca vacanato **passaddhiyā saṃvattanti**. “Passaddhi sukhatthāyā”ti (pari. 366) ca “passaddhakāyo sukhaṃ vedetī”ti (a. ni. 5.26; saṃ. ni. 5.376; dī. ni. 3.322) ca vacanato **somanassāya saṃvattanti**. Cetasikaṃ sukhañhi somanassanti vuccati. **Āsevanāyāti** bhusā sevanā āsevanā. Kassa āsevanā? Anantaraṃ somanassavacanaena sukhasa vuttattā sukhaṃ siddhaṃ. “Sukhino cittaṃ samādhīyatī”ti (a. ni. 5.26; saṃ. ni. 5.376; dī. ni. 3.322) ca vacanato tena sukheṇa samādhī siddho hoti. Evam siddhasa samādhissa āsevanā. Tassa samādhissa **āsevanāya saṃvattanti**, paṇḍabalavabhāvāya saṃvattantīti attho. **Bhāvanāyāti** tasseva samādhissa vuddhiyā. **Bahulīkammāyāti** tasseva samādhissa punappunaṃ kiriyaṃ. Avippaṭisārādīpavattiyā mūlakāraṇaṃ hutvā samādhissa saddhindriyādiālāṅkārāsādhanaena **alāṅkāryā saṃvattanti**. Avippaṭisārādīkassa samādhisambhārasa sādhanena **parikkhāryā saṃvattanti**. “Ye ca kho ime pabbajitena jīvitaparikkhāra samudānetabbā”tiādīsū (ma. ni. 1.192) viya hi ettha sambhārattho parikkhārasaddo. “Ratho sīlāparikkhāro, jhānakkho cakkavīriyo”tiādīsū (saṃ. ni. 3.54) pana alāṅkārattho. “Sattahi nagaraparikkhārehi suparikkhataṃ hotī”tiādīsū (a. ni. 7.67) parivārattho. Idha pana alāṅkāraparivāraṇaṃ visuṃ āgatattā sambhārattho vuttaṃ. Sambhārattho ca paccayattho. Mūlakāraṇabhāveneva samādhisampayuttaphassādīdhammasampattisādhanaena **parivāryā saṃvattanti**. Samādhissa vipassanāya ca padaṭṭhānabhāvapāpanena vasībhāvapāpanena ca paripuṇṇabhāvasādhanaato **pāripūriyā saṃvattanti**.

Evam sīlūpanissayena sabbākāraparipūraṃ samādhīṃ dassetvā idāni “samāhite citte yathābhūtaṃ jānāti passati, yathābhūtaṃ jānaṃ passaṃ nibbindati, nibbindaṃ virajjati, virāgā vimuccatī”ti (paṭi. ma. 1.73; dī. ni. 3.359) vacanato sīlamūlakāni samādhīpadaṭṭhānāni yathābhūtañāṇadassanādīni dassento **ekantanibbidāyātiādīmāha**. Nibbidāya hi dassitāya tassā padaṭṭhānabhūtaṃ yathābhūtañāṇadassanaṃ

dassitameva hoti. Tasmiñhi asiddhe nibbidā na sijjhatīti. Tāni pana vuttatthāneva. Yathābhūtaññadassanaṃ panettha sappaccayanāmarūpariggaho.

Evam amatamahānibbānapariyosānaṃ sīlappayojanaṃ dassetvā idāni tassa sīlassa adhisīlasikkhābhāvaṃ tammūlakā ca adhicitāadhipaññāsikkhā dassetukāmo **evarūpānaṃ sīlānaṃ saṃvarapārisuddhi adhisīlanti**ādīmāha. Tattha saṃvaroyeva pārisuddhi **saṃvarapārisuddhi**. Evarūpānaṃ apariyantabhūtānaṃ vivaṭṭanissitānaṃ sīlānaṃ saṃvarapārisuddhi vivaṭṭanissitattā sesasīlato adhikaṃ sīlanti **adhisīlanti** vuccati. **Samvarapārisuddhiyā t̥hitam cittanti** edisāya sīlasaṃvarapārisuddhiyā patiṭṭhitam cittaṃ suṭṭhu avipparisārādīnaṃ āvahanato na vikkhepaṃ gacchati, samādhismiṃ patiṭṭhātīti attho. Avikkhepoyeva pārisuddhi **avikkhepapārisuddhi**. So sabbamalavirahito nibbedhabhāgiyo samādhī sesasamādhito adhikattā **adhicittanti** vuccati. Cittasīsenā hettha samādhī niddiṭṭho. **Samvarapārisuddhiṃ sammā passatīti** parisuddhaṃ sīlasaṃvaraṃ ñātapariññāvasena tīraṇapariññāvasena ca sammā passati, evameva avikkhepapārisuddhisāṅkhātāṃ parisuddhaṃ samādhim sammā passati. Evam passato cassa dassanasāṅkhātā pārisuddhi **dassanapārisuddhi**. Sāyeva sesapaññāya adhikattā **adhīpaññāti** vuccati. **Yo tatthāti** yo tattha saṃvaraavikkhepadassanesu. **Samvaraṭṭhoti** saṃvarabhāvo. Evameva avikkhepaṭṭhadassanaṭṭhā ca vedītabbā. Adhisīlameva sikkhā **adhisīlasikkhā**. Evam itarāpi vedītabbā.

Evam tisso sikkhāyo dassetvā idāni tasmaṃ pāripūrikkamaṃ dassetuṃ **imā tisso sikkhāyo āvajjanto sikkhatīti**ādīmāha. Tassattho – paccemaṃ paripūretuṃ āvajjantopi sikkhati nāma, āvajjetvā ‘‘āyaṃ nāma sikkhā’’ti jānantopi sikkhati nāma, jānitvā punappunaṃ passantopi sikkhati nāma, passitvā yathādiṭṭhaṃ paccavekkhantopi sikkhati nāma, paccavekkhitvā tattheva cittaṃ acalaṃ katvā patiṭṭhapentopi sikkhati nāma, taṃtaṃsikkhāsampayuttasaddhāvīriyasatisamādhīpaññāhi sakasakakiccaṃ karontopi sikkhati nāma, abhiññeyyābhijānanādīkālepi taṃ taṃ kiccaṃ karonto tissopi sikkhāyo sikkhati nāmāti. Puna **pañca sīlānīti**ādīni vuttatthāneva. **Arahattamaggena sabbakilesānanti**ādīsū pana arahantānaṃ suṭṭhu vipparisārādīabhāvato āsevanādībhāvato ca tāni padāni yujjanteva. **Ekantanibbidāyāti**ādīni pana satīpaṭṭhānasammappadhānāni viya maggakkhaṇeyeva yojetabbāni.

Samvarapārisuddhiṃ sammā passati, avikkhepapārisuddhiṃ sammā passatīti idaṃ pana vacanadvayaṃ phalasaṃpattatthāya vipassanāvasena yojetabbam, dutiyavacanaṃ pana nirodhasaṃpattatthāya vipassanāvasenāpi yujjati. **Āvajjanto sikkhatīti**ādīsū pañcasu vacanesu arahato sikkhitabbābhāvepi asekkhasīlakkhandhādisabhāvato ‘‘sikkhatī’’ti vuttanti vedītabbā. **Saddhāya adhimuccanto sikkhatīti**ādīni pana maggakkhaṇaññeva sandhāya vuttāni. Aññānīpi upacārappanāvīpassanāmagavasena vuttāni vacanāni yathāyogaṃ yojetabbānīti.

Sīlamayaññāniddesavaṇṇanā niṭṭhitā.

3. Samādhībhāvanāmayaññāniddesavaṇṇanā

43. Samādhībhāvanāmayaññāniddese ādito tāva ekakato paṭṭhāya yāva dasakā samādhīpabbhedam dassento **eko samādhīti**ādīmāha. Tattha **cittassa ekaggatāti** nānārammaṇavikkhepābhāvato ekaṃ ārammaṇaṃ aggaṃ uttamaṃ assātī ekaggo, ekaggassa bhāvo ekaggatā. Sā pana ekaggatā cittassa, na sattassātī dassanattam ‘‘cittassā’’ti vuttam. Duke **lokiyoti** loko vuccati lujjanapalujjanaṭṭhena vaṭṭam, tasmim pariyāpanabhāvena loke niyuttoti lokiyo. **Lokuttaroti** uttiṇṇoti uttaro, loke apariyāpanabhāvena lokato uttaroti lokuttaro. Tike savitakko ca so savicāro cāti **savitakkasavicāro**. Evam **avitakkaavicāro**. Vitakkavicāresu vicārova mattā pamāṇaṃ etassātī vicāramatto, vicārato utthari vitakkena saddhim sampayogaṃ na gacchātīti attho. Avitakko ca so vicāramatto cāti **avitakkavicāramatto**. Tīsupi vicchedam katvāpi paṭṭhanti. Catukkapañcakā vuttatthā. Chakke punappunaṃ uppajjanato satiyeva anussati, pavattitabbaṭṭhānamhiyeva vā pavattatā saddhāpabbajitassa kulaputtassa anurūpā satītipi anussati, buddham ārabba uppanā anussati **buddhānussati**. Arahātādībuddhaguṇārammaṇāya satiyā etaṃ adhivacanaṃ. Tassā buddhānussatiyā vasena cittassa ekaggatāyeva uddhaccasāṅkhātassa vikkhepassa paṭīpakkhābhāvato na vikkhepoti **avikkhepo**. Dhammaṃ ārabba uppanā anussati **dhammānussati**.

Svākkhātātādiddhammaguṇārammaṇāya satiyā etaṃ adhivacanaṃ. Saṅghaṃ ārabba uppannā anussati **saṅghānussati**. Suppaṭipannatādisaṅghaguṇārammaṇāya satiyā etaṃ adhivacanaṃ. Sīlaṃ ārabba uppannā anussati **sīlānussati**. Attano akhaṇḍatādisīlaguṇārammaṇāya satiyā etaṃ adhivacanaṃ. Cāgaṃ ārabba uppannā anussati **cāgānussati**. Attano muttacāgatādicāgaguṇārammaṇāya satiyā etaṃ adhivacanaṃ. Devatā ārabba uppannā anussati **devatānussati**. Devatā sakkhiṭṭhāne ṭhapetvā attano saddhādiguṇārammaṇāya satiyā etaṃ adhivacanaṃ.

Sattake **samādhikusalatā**ti ekavidhādibhedena anekabhede samādhimhi “ayamevaṃvidho samādhi, ayamevaṃvidho samādhi”ti chekabhāvo. Samādhiparicchedakapaññāyetaṃ adhivacanaṃ. Samādhiuppādanavidhānēpi chekabhāvo samādhikusalatā.

Samādhissa samāpattikusalatāti uppāditassa samādhissa samāpajjane chekabhāvo. Etena samāpajjanavasitā vuttā hoti.

Samādhissa ṭhitikusalatāti samāpannassa samādhissa santativasena yathārucci ṭhapane chekabhāvo. Etena adhiṭṭhānavasitā vuttā hoti. Atha vā nimittaggahaṇena cassa puna te ākāre sampādayato appanāmatameva ijjhāti, na ciraṭṭhānaṃ. Ciraṭṭhānaṃ pana samādhiparipanthānaṃ dhammānaṃ suvisodhitattā hoti. Yo hi bhikkhu kāmādīnavapaccavekkhaṇādīhi kāmacchandaṃ na suṭṭhu vikkhambhetvā, kāyapassaddhivasena kāyaduṭṭhullaṃ na suppaṭippassaddhaṃ katvā, ārambhadhātumanasikārādivasena thinamiddhaṃ na suṭṭhu paṭivinodetvā, samathanimittamanasikārādivasena uddhaccakukkuccaṃ na suṭṭhu samūhataṃ katvā, aññēpi samādhiparipanthe dhamme na suṭṭhu visodhetvā jhānaṃ samāpajjati, so avisodhitaṃ āsayam paviṭṭhabhamaro viya, asuddhaṃ uyyānaṃ paviṭṭharājā viya ca khippameva nikkhamati. Yo pana samādhiparipanthe dhamme suṭṭhu visodhetvā jhānaṃ samāpajjati, so suvisodhitaṃ āsayam paviṭṭhabhamaro viya, suparisuddhaṃ uyyānaṃ paviṭṭharājā viya ca sakalampi divasabhāgaṃ antosamāpattiyamyeva hoti. Tenāhu porāṇā –

“Kāmesu chandaṃ paṭighaṃ vinodaye, uddhaccathīnaṃ vicikicchapañcamaṃ;
Vivekapāmojjakarena cetasā, rājāva suddhantagato taṃ rame”ti .

Tasmā “ciraṭṭhitikāmena pāripanthikadhamme sodhetvā jhānaṃ samāpajjitabba”nti vuttattā taṃ vidhiṃ sampādetvā samādhissa ciraṭṭhitikaraṇe chekabhāvoti vuttaṃ hoti.

Samādhissa vuṭṭhānakusalatāti santativasena yathārucci pavattassa samādhissa yathāparicchinakāleyeva vuṭṭhānena samādhissa vuṭṭhāne chekabhāvo. “Yassa hi dhammaṃ puriso vijaññā”tiādīsu (jā. 1.10.152) viya nissakkatthe vā sāmivacanaṃ katanti veditabbanti. Etena vuṭṭhānavasitā vuttā hoti.

Samādhissa kallatākusalatāti agilānabhāvo arogabhāvo kallatā. Gilāno hi akallakoti vuccati. Vinayepi vuttaṃ “nāhaṃ, bhante, akallako”ti (pārā. 151). Anaṅgaṇasuttavattasuttetu (ma. ni. 1.57 ādayo, 70 ādayo) vuttānaṃ jhānapaṭilābhapaccanīkānaṃ pāpakānaṃ icchāvacaṇānaṃ abhāvena ca abhijjhādīnaṃ cittassa upakkilesānaṃ vigamena ca samādhissa agilānabhāvakarāṇe chekabhāvo samādhissa kallatākusalatā, kilesagelaññarahitabhāve kusalatāti vuttaṃ hoti. Atha vā **kallatā**ti kammaññatā kammaññatāpariyāyattā kallavacanaṃ. “Yā cittassa akallatā akammaññatā”ti (dha. sa. 1162) hi vuttaṃ “kallacittaṃ muducittaṃ vinīvaraṇacitta”nti (dī. ni. 1.298; ma. ni. 2.395; mahāva. 26) ca. Ettha kallasaddo kammaññattho. Tasmā kasiṇānulomato kasiṇapaṭilomato kasiṇānulomapaṭilomato jhānānulomato jhānapaṭilomato jhānānulomapaṭilomato jhānukkantikato kasiṇukkantikato jhānakasiṇukkantikato aṅgasaṅkantito ārammaṇasaṅkantito aṅgārammaṇasaṅkantito aṅgavavattānato ārammaṇavavattānatoti imehi cuddasahi ākārehi, aṅgārammaṇavavattānatoti iminā saha pañcadasahi vā ākārehi cittaparidamanena samādhissa kammaññabhāvakarāṇe kusalabhāvoti vuttaṃ hoti.

Samādhissa gocarakusalatāti samādhissa gocaresu kasiṇādīsu ārammaṇesu taṃ taṃ jhānaṃ

samāpajjitukāmatāya yathārucci āvajjanakaraṇavasena tesu ārammaṇesu chekabhāvo. Etena kasiṇāvajjanavasena āvajjanavasitā vuttā hoti. Atha vā tasmim̄ tasmim̄ disābhāge kasiṇapharaṇavasena evaṃ phuṭṭhassa kasiṇassa ciraṭṭhānavasena ca samādhissa gocaresu chekabhāvo.

Samādhissa abhinīhārakusalatāti ekattanayena heṭṭhāheṭṭhāsamādhim̄ uparūparisamādhivūpanayanena abhinīharaṇe abhininnāmane chekabhāvo. Upacārajjhānañhi vasippattam̄ paṭhamajjhānatthāya vipassanatthāya vā abhinīharati, evaṃ paṭhamajjhānādīni dutiyajjhānādiatthāya vipassanatthāya vā, catutthajjhānam̄ arūpasamāpattatthāya abhiññatthāya vipassanatthāya vā, ākāsaṇācāyatanādayo viññāṇācāyatanādiatthāya vipassanatthāya vā abhinīharatīti evaṃ samādhissa tattha tattha abhinīhārakusalatā. Yasmā pana kusalatā nāma paññā, sā samādhi na hoti, tasmā samādhipariṇāyakapaññavasena sattavidho samādhi vuttoti veditabbo.

Keci pana ācariyā “samādhikusalatāti yena manasikārena cittaṃ na vikkhipati, tattha kusalatā. Samāpattikusalatāti yena manasikārena samāpajjantassa jhānaṅgāni pātubhavanti, tattha kusalatā. Ṭhitikusalatāti yena manasikārena appito samādhi na vikkhipati, tattha kusalatā. Vuṭṭhānakusalatāti nīvaraṇavuṭṭhānam̄ jānāti paṭhamajjhāne, aṅgavuṭṭhānam̄ jānāti tīsu jhānesu, ārammaṇavuṭṭhānam̄ jānāti arūpasamāpattīsu, vikkhepavuṭṭhānam̄ jānāti visayādhimattesu, sacchandavuṭṭhānam̄ jānāti pariyantakāle ca avasānakaraṇīyakāle ca. Kallatākusalatāti cittaphāsutāya sarīraphāsutāya āhāraphāsutāya senāsānaphāsutāya puggalaphāsutāya ca samādhissa kallatā hotīti jānāti. Gocarakusalatāti ārammaṇassa paricchedam̄ kātuṃ jānāti, disāpharaṇam̄ kātuṃ jānāti, vaḍḍhetum̄ jānāti. Abhinīhārakusalatāti tattha tattha sammā manasikārena cittaṃ abhinīharati abhininnāmeti, upacāre vasippatte paṭhamajjhāne abhinīharati, evaṃ uparūparijhānesu abhiññāsu arūpasamāpattīsu vipassāsu ca abhinīharati. Evaṃ tattha tattha abhinīhārakusalatā”ti evametesam̄ padānam̄ attham̄ vaṇṇayanti.

Aṭṭhakam̄ vuttatthameva. Navake **rūpāvacaroti** “katame dhammā rūpāvacarā? Heṭṭhato brahmapārisajjam̄ pariyantaṃ karitvā uparito akaniṭṭhe deve antokaritvā”tiādīnā (dha. sa. 1289) nayena vuttetu rūpāvacaradhammesu pariyāpanno. Tatrāyam̄ vacanatto – rūpakkhandhasaṅkhātāṃ rūpaṃ ettha avacarati, na kāmoti rūpāvacaro. Rūpakkhandhopi hi rūpanti vuccati “rūpakkhandho rūpa”ntiādīsu (yama. 1.khandhayamaka.2) viya. So pana brahmapārisajjabrahmapurohitamahābrahmānam̄ paritābhaappamāṇābhaābhassarānam̄ parittasubhaappamāṇasubhasubhakiṇhānam̄ asaññasattavehapphalānam̄ avihātappasudassasudassīkaniṭṭhānañca vasena soḷasavidho padeso. So rūpāvacarasāṅkhāto padeso uttarapadalopam̄ katvā “rūpa”nti vuccati, tasmim̄ rūpe avacaratīti rūpāvacaro. Rūpabhavo vā rūpaṃ, tasmim̄ avacaratīti rūpāvacaram̄. Kiñcāpi hi eso samādhi kāmabhavēpi avacarati, yathā pana saṅgāme avacaraṇato saṅgāmāvacaroti laddhanāmo nāgo nagare carantopi saṅgāmāvacaroti vuccati, thalacārā jalacārā ca pāṇino athale ajale ca ṭhitāpi thalacārā jalacārāti vuccanti, evamayaṃ aññattha avacarantopi rūpāvacaroti vutto. Apica rūpabhavasāṅkhāte rūpe paṭisandhim̄ avacāretītipi rūpāvacaro. **Hīnoti** lāmako. Hīnuttamānam̄ majjhe bhavo **majjho**. Majjihomotipi pāṭho, soyevattho. Padhānabhāvam̄ nīto **pañīto**, uttamoti attho. Ete pana āyūhanavasena veditabbā. Yassa hi āyūhanakkhaṇe chando vā hīno hoti vīriyam̄ vā cittaṃ vā vīmaṃsā vā, so hīno nāma. Yassa te dhammā majjihimā, so majjihimo. Yassa pañītā, so pañīto. Uppādītamatto vā hīno, nātisubhāvito majjihimo, atisubhāvito vasippatto pañīto. **Arūpāvacaro** rūpāvacare vuttanayānusārena veditabbo.

Suññato samādhītiādīsu “sabbe saṅkhārā aniccā dukkhā anattā”ti vipassanāpaṭipāṭiyā vipassantassa anattānupassanāya maggavuṭṭhāne jāte yasmā sā vipassanā attavirahitesu saṅkhāresu suññato pavattā, tasmā suññatā nāma hoti. Tāya siddho ariyamaggasamādhī **suññato samādhi** nāma hoti, suññatavasena pavattasamādhīti attho. Vipassanāya pavattākārena hi so pavattati. Aniccānupassanāya maggavuṭṭhāne jāte yasmā sā vipassanā niccanimittapaṭipakkhavasena pavattā, tasmā animittā nāma hoti. Tāya siddho ariyamaggasamādhī **animitto samādhi** nāma hoti, niccanimittavirahito samādhīti attho. Vipassanāya pavattākārena hi so pavattati. Dukkhānupassanāya maggavuṭṭhāne jāte yasmā sā vipassanā pañidhipaṭipakkhavasena pavattā, tasmā appaṇihitā nāma hoti. Tāya siddho ariyamaggasamādhī **appaṇihito samādhi** nāma hoti, pañidhivirahito samādhīti attho. Vipassanāya pavattākārena hi so pavattati. Tādīsā eva tayo phalasangāhāyopi etehiyeva tīhi samādhīhi gahitā hotīti veditabbā.

Lokuttarasamādhīnaṃ pana paṇītattā hīnādibhedo na uddhaṭo.

Dasake **uddhumātakasaññāvasenā**tiādīsu bhastā viya vāyunā uddhaṃ jīvitapariyādānā yathānukkamaṃ samuggatena sūnabhāvena uddhumātattā uddhumātaṃ, uddhumātameva **uddhumātakam**, paṭikūlattā vā kucchitaṃ uddhumātanti uddhumātakam. Tathārūpassa chavasarīrassetaṃ adhivacanaṃ. Vinīlaṃ vuccati viparibhinnavaṇṇaṃ, vinīlameva **vinīlakam**, paṭikūlattā vā kucchitaṃ vinīlanti vinīlakam. Mamsussadaṭṭhānesu rattavaṇṇassa, pubbasannicayaṭṭhānesu setavaṇṇassa, yebhuyyena ca nīlavaṇṇassa nīlaṭṭhāne nīlasāṭakapārutasseva chavasarīrassetaṃ adhivacanaṃ. Paribhinnaṭṭhānesu vissandamānapubbaṃ vipubbaṃ, vipubbameva **vipubbakam**, paṭikūlattā vā kucchitaṃ vipubbanti vipubbakam. Tathārūpassa chavasarīrassetaṃ adhivacanaṃ. Vicchiddaṃ vuccati dvidhā chindanena apadhāritaṃ, vicchiddameva **vicchiddakam**, paṭikūlattā vā kucchitaṃ vicchiddanti vicchiddakam. Vemaḷḷhe chinnassa chavasarīrassetaṃ adhivacanaṃ. Ito ca etto ca vividhākārena soṇasingālādīhi khāyitanti vikkhāyitaṃ, vikkhāyitanti vattabbe vikkhāyitanti vuttaṃ. Vikkhāyitameva **vikkhāyitakam**, paṭikūlattā vā kucchitaṃ vikkhāyitanti vikkhāyitakam. Tathārūpassa chavasarīrassetaṃ adhivacanaṃ. Vividhaṃ khittaṃ vikkhittaṃ, vikkhittameva **vikkhittakam**, paṭikūlattā vā kucchitaṃ vikkhittanti vikkhittakam. Aññena hatthaṃ aññena pādaṃ aññena sīsanti evaṃ tato tato khittassa chavasarīrassetaṃ adhivacanaṃ. Hatañca taṃ purimanayeneva vikkhittakañcāti **hatavikkhittakam**. Kākapadākārena aṅgapaccaṅgesu satthena hanitvā vuttanayena vikkhittassa chavasarīrassetaṃ adhivacanaṃ. Lohitaṃ kirati vikkhipati ito cito ca paggharatīti **lohitakam**. Paggharitalohitamakkhitassa chavasarīrassetaṃ adhivacanaṃ. Puḷavā vuccanti kimayo, puḷave kiratīti **puḷavakam**. Kimiparipuṇṇassa chavasarīrassetaṃ adhivacanaṃ. Aṭṭhiyeva **aṭṭhikam**, paṭikūlattā vā kucchitaṃ aṭṭhīti aṭṭhikam. Aṭṭhisāṅkhalikāyapi ekaṭṭhikassapi etaṃ adhivacanaṃ. Imāni ca pana uddhumātakādīni nissāya uppannamittānampi nimittesu paṭiladdhajjhānānampi etāneva nāmāni. Idha pana uddhumātakanimutte paṭikūlakāragāhikā appanāvasena uppannā saññā uddhumātakasaññā, tassā uddhumātakasaññāya vasena **uddhumātakasaññāvasena**. Sesesupi eseva nayo. **Pañcapaññāsa samādhīti** ekakādivasena vuttā.

44. Evaṃ ekakādivasena samādhippabhedam dassetvā idāni aññenapi pariyāyena samādhim dassetukāmo **apicāti** aññaṃ pariyāyārambhaṃ dassetvā **pañcavīsati**tiādīmāha. Tattha **samādhissa samādhīṭṭhāti** samādhissa samādhībhave sabhāvā, yehi sabhāvehi so samādhi hoti, te tasmim atthā nāma. **Pariggahaṭṭhena samādhīti** saddhādīhi indriyehi pariggahitattā tasmā pariggahitasabhāvena samādhi. Tāneva ca indriyāni aññamaññaparivārāni honti, bhāvanāpāripūriyā paripuṇṇāni ca honti. Tasmā **parivāraṭṭhena paripūraṭṭhena samādhi**. Tesameva samādhivasena ekārammaṇamapekkhitvā **ekaggaṭṭhena**, nānārammaṇavikkhepābhāvamapekkhitvā **avikkhepaṭṭhena**, lokuttarasseva mahatā vīriyabalapaggahena pattabbattā lokuttaramaggasseva ca parihānivasena visārābhāvato heṭṭhā gahitapaggahaṭṭhaavisāraṭṭhā idha na gahitāti veditabbā. Kilesakālussiyassābhāvena **anāvilaṭṭhena samādhi**. Avikampattā **aniñjanaṭṭhena samādhi**. Vikkhambhanavasena samucchadavasena vā kilesehi vimuttattā ārammaṇe ca adhimuttattā **vimuttaṭṭhena samādhi**.

Ekattupaṭṭhānavasena cittassa ṭhitattāti samādhियogeneva ekārammaṇe bhusaṃ paṭiṭṭhānavasena cittassa ārammaṇe niccalabhāvena paṭiṭṭhitattā. Aṭṭhasu yugalesu esati nesati, ādiyati nādiyati, paṭipajjati na paṭipajjati imāni tīni yugalāni appanāvīthito pubbabhāge upacārassa mudumajjhādhimattatāvasena vuttānīti veditabbāni, jhāyati jhāpetīti idaṃ appanāvīthiyaṃ upacāravasena veditabbaṃ. Esitattā nesitattā, ādinnattā anādinnattā, paṭipannattā nappaṭipannattā, jhātattā na jhāpitattāti imāni cattāri yugalāni appanāvasena vuttānīti veditabbāni.

Tattha **samaṃ esatīti samādhī**tiādīsu **samanti** appanaṃ. Sā hi paccanīkadhamme sameti nāsetīti samā, paccanīkavisamābhāvato vā samabhūtāti samā. Taṃ samaṃ esati ajjhāsayavasena gavesati. **Itisaddo** kāraṇattho, yasmā samaṃ esati, tasmā samādhīti attho. **Visamaṃ nesatīti** taṃ taṃ jhānapaccanīkasāṅkhātaṃ visamaṃ na esati. Mudubhūto hi pubbabhāgasamādhi ādibhūtattā **samaṃ esati**, **visamaṃ nesati** nāma. Majjhimabhūto thirabhūtattā **samaṃ ādiyati**, **visamaṃ nādiyati** nāma. Adhimattabhūto appanāvīthiyā āsannabhūtattā **samaṃ paṭipajjati**, **visamaṃ nappaṭipajjati** nāma. **Samaṃ jhāyatīti** bhāvanapuṃsakavacanaṃ, samaṃ hutvā jhāyati, samena vā ākārena jhāyatīti attho.

Appanāvīthiyañhi samādhi paccanīkadhammavigamena santattā, santāya appanāya anukūlabhāvena ca tñitattā samēnākārena pavattati. **Jhāyatīti** ca pajjalatīti attho “ete maṇḍalamāle dīpā jhāyanti (dī. ni. 1.159) sabbarattim, sabbarattiyo ca telappadīpo jhāyati, telappadīpo cettha jhāyeyyā”tiādīsu (sam. ni. 4.255-256) viya. Samaṃ jāyatītipi pāṭho, samēnākārena uppajjatīti attho. Jhāyati jhāpetīti yugalattā pana purimapāṭhova sundarataro. **Jhāpetīti** ca dahatīti attho. So hi samādhipaccanīkadhamme dūratarakaraṇena dahati nāma. Esanānesanādīnaṃ pana appanāya siddhattā “esitattā nesitattā”tiādīhi appanāsamādhi vutto. **Samaṃ jhātattāti** samaṃ jalitattā. Samaṃ jātattātipi pāṭho. Iti imesaṃ aṭṭhannaṃ yugalānaṃ vasena soḷasa, purimā ca navāti ime pañcavīsati samādhissa samādhiṭṭhā.

Samo ca hito ca sukho cāti samādhīti idaṃ pana pañcavīsatiyā ākārehi sādhitassa samādhissa atthasāadhanatthaṃ vuttaṃ. Tattha **samoti** samasaddassa, saṃsaddassa vā attho. So hi paccanīkakkhobhavisamavirahitattā samo. **Hitoti** ādhisaddassa attho, ārammaṇe āhito niccalabhāvakaraṇena patiṭṭhāpitoti adhippāyo. Ubhayena samo ca āhito cāti samādhīti vuttaṃ hoti. **Sukhoti** santatṭhena sukho. “Yāyaṃ, bhante, adukkhamasukhā vedanā, santasmim esā paṇīte sukhe vuttā bhagavatā”ti (ma. ni. 2.88) ca “upekkhā pana santattā, sukhamicceva bhāsītā”ti ca vuttattā tena santatṭhena sukhasaddena upekkhāsahagatasamādhipi gahito hoti. Aniyāmena hi sabbasamādhayo idha vuccanti. Tena ca sukhasaddena āhitabhāvassa kāraṇaṃ vuttaṃ hoti. Yasmā santo, tasmā ekārammaṇe āhitoti adhippāyo veditabboti.

Samādhībhāvanāmayañāṇaniddesavaṇṇanā niṭṭhitā.

4. Dhammaṭṭhitiñāṇaniddesavaṇṇanā

45. Dhammaṭṭhitiñāṇaniddese **avijjāsāṅkhārānaṃ uppādaṭṭhiti**tiādīsu tiṭṭhanti etāya saṅkhārāti tñiti. Kā sā? Avijjā. Sā hi saṅkhārānaṃ uppādāya nibbattiyā tñiti kāraṇanti **uppādaṭṭhiti**. Uppannānaṃ pavattiyāpi kāraṇanti **pavattaṭṭhiti**. Kiñcāpi hi janakapaccayassa janakakhaṇeyeva kiccānubhāvo hoti, tena pana janitānaṃyeva pavattattā sakakkhaṇe pavattiyāpi kāraṇaṃ nāma hoti, santativasena vā pavattiyā kāraṇanti attho. **Pavattanti** ca napuṃsake bhāvavacanametam, tasmā pavattaṃ pavattīti atthato ekaṃ. Pavattisaddassa pana pākaṭattā tena yojetvā attho vutto. Bhāvepi tñitisaddassa sijjhanato na idha bhāve tñitisaddo, kāraṇe tñitisaddoti dassanattaṃ **nimittaṭṭhiti**ti vuttaṃ, nimittabhūtā tñitīti attho, kāraṇabhūtāti vuttaṃ hoti. Na kevalaṃ nimittamattaṃ hoti, atha kho saṅkhārajanane sabyāpārā viya hutvā āyūhati vāyamatīti paccayasamatthataṃ dassento **āyūhanaṭṭhiti**ti āha, āyūhanabhūtā tñitīti attho. Yasmā avijjā saṅkhāre uppādayamānā uppāde saṃyojeti nāma, ghaṭetīti attho. Saṅkhāre pavattayamānā pavattiyāṃ palibundhati nāma, bandhatīti attho. Tasmā **saññogaṭṭhiti palibodhaṭṭhiti**ti vuttā. Saññogabhūtā tñiti, palibodhabhūtā tñitīti attho. Yasmā avijjāva saṅkhāre uppādayamānā uppādāya pavattiyā ca mūlakāraṇatṭhena samudayo nāma, samudayabhūtā tñitīti **samudayaṭṭhiti**, mūlakāraṇabhūtā tñitīti attho. Avijjāva saṅkhārānaṃ uppāde janakapaccayattā, pavattiyāṃ upatthambhakapaccayattā **hetuṭṭhiti paccayaṭṭhiti**ti vuttā, hetubhūtā tñiti, paccayabhūtā tñitīti attho. Janakapaccayo hi hetūti, upatthambhako paccayoti vuccati. Evaṃ sesesupi yojetabbaṃ.

Bhavo jātiyā, jāti jarāmarañassāti ettha pana uppādaṭṭhiti saññogaṭṭhiti hetuṭṭhiti uppādasena yojitāni padāni jātijarāmarañavantānaṃ khandhānaṃ vasena pariyāyena vuttānīti veditabbāni. Keci pana “uppādāya tñiti uppādaṭṭhiti”ti evamādinā nāyenttha atthaṃ vaṇṇayanti. **Avijjā paccayoti** avijjāya saṅkhārānaṃ paccayabhāvaṃ apekkhitvā vuttaṃ. Avijjāyapi paccayasambhūtattā tassā api paccayapariggahaṇadassanattaṃ **ubhopete dhammā paccayasamuppānāti paccayapariggahe paññāti** vuttaṃ. Evaṃ sesesupi yojetabbaṃ. **Jāti paccayo, jarāmarānaṃ paccayasamuppānanti** pana pariyāyena vuttaṃ. **Atītampi addhānanti** atikkantampi kālaṃ. **Anāgatampi addhānanti** appattampi kālaṃ. Ubhayatthāpi accantasamyogethe upayogavacanāṃ.

46. Idāni navākāravārānantaraṃ te navākāre vihāya hetupaṭiccapaccayapadeheva yojetvā **avijjā hetu, saṅkhārā hetusamuppānāti**tiādāyo tayo vārā niddiṭṭhā. Navākāravāre janakaupatthambhakavasena paccayo vutto. Idha pana hetuvārassa paccayavārassa ca viṣuṃ āgatattā **hetūti** janakapaccayattaṃ,

paccayoti upatthambhakapaccayattam veditabbam ekekassāpi avijjādikassa paccayassa ubhayathā sambhavato. Paṭiccavāre **avijjā paṭiccāti** attano uppāde saṅkhārānaṃ avijjāpekkhattā saṅkhārehi avijjā paṭimukhaṃ etabbā gantabbāti paṭiccā. Etena avijjāya saṅkhārappādanasamatthatā vuttā hoti. **Saṅkhārā paṭiccasamuppannāti** saṅkhārā avijjā paṭicca tadabhimukhaṃ pavattanato paṭimukhaṃ katvā na viḥāya samaṃ uppannā. Evaṃ sesesupi liṅgānurūpena yojetabbaṃ. Avijjā paṭiccāti ussukkavasena vā pāṭho, attho panettha avijjā attano paccaye paṭicca pavattāti pāṭhasavasena yojetabbo. Evaṃ sesesupi. Catūsipi ca etesu vāresu dvādasannaṃ paṭiccasamuppādaṅgānaṃ paccayasseva vasena dhammaṭṭhitiñānaṃ niddisittabbattā avijjādīnaṃ ekādasannaṃyeva aṅgānaṃ vasena dhammaṭṭhitiñānaṃ niddiṭṭhaṃ, jarāmarāṇassa pana ante ṭhitattā tassa vasena na niddiṭṭhaṃ. Jarāmarāṇassāpi sokaparidevadukkhadomanassupāyāsānaṃ paccayattā jarāmarāṇaṃ tesam paccayaṃ katvā upaparikkhamānaṃ tassāpi jarāmarāṇassa vasena dhammaṭṭhitiñānaṃ yujjateva.

47. Idāni tāneva dvādasā paṭiccasamuppādaṅgāni vīsatiākārasena vibhajitvā catusaṅkhepatiyaddhatisandhiyo dassetvā dhammaṭṭhitiñānaṃ niddisittukāmo **purimakammabhavasminti**ādimāha. Tatha **purimakammabhavasminti** purime kammabhava, atītajātiyaṃ kammabhava kariyamāneti attho. **Moho avijjāti** yo tadā dukkhādīsu moho, yena mūlho kammaṃ karoti, sā avijjā. **Āyūhanā saṅkhārāti** taṃ kammaṃ karontassa purimacetanāyo, yathā “dānaṃ dassāmī”ti cittaṃ uppādetvā māsampi saṃvaccharampi dānūpakaraṇāni sajjentassa uppannā purimacetanāyo. Paṭiggāhakānaṃ pana hatthe dakkhiṇaṃ paṭiṭṭhāpayato cetanā bhavoti vuccati. Ekāvajjanesu vā chasu javanesu cetanā āyūhanā saṅkhārā nāma, sattamajavane cetanā bhavo. Yā kāci vā pana cetanā bhavo, taṃsāmpayuttā āyūhanā saṅkhārā nāma.

Nikanti taṇhāti yā kammaṃ karontassa tassa phale upapattibhave nikāmanā patthanā, sā taṇhā nāma. **Upagamaṇaṃ upādānanti** yaṃ kammabhavassa paccayabhūtaṃ “imasmiṃ nāma kamme kate kāmā sampajantī”ti vā “idaṃ katvā asukasmiṃ nāma ṭhāne kāme sevissāmī”ti vā “attā ucchinno suucchinno hotī”ti vā “sukhī hotiṃ vigataparilāho”ti vā “sīlabbatam sukkena paripūrati”ti vā pavattam upagamaṇaṃ daḷhagahaṇaṃ, idaṃ upādānaṃ nāma. **Cetanā bhavoti** āyūhanāvasāne vuttā cetanā bhavo nāma. **Purimakammabhavasminti** atītajātiyā kammabhava kariyamāne pavattā. **Idha paṭisandhiyā paccayāti** paccuppannapaṭisandhiyā paccayabhūtā.

Idha paṭisandhi viññāṇanti yaṃ paccuppannabhavassa bhavantarapaṭisandhānavasena uppannattā paṭisandhīti vuccati, taṃ viññāṇaṃ. **Okkanti nāmarūpanti** yā gabbhe rūpārūpadhammānaṃ okkanti āgantvā pavisaṇaṃ viya, idaṃ nāmarūpaṃ. **Pasādo āyatananti** yo pasannabhāvo, idaṃ āyatanam. Jātiggaḥaṇena ekavacanaṃ kataṃ. Etena cakkhādīni pañcāyatanāni vuttāni. “Pabhassaramidaṃ, bhikkhave, cittaṃ, tañca kho āgantukehi upakkilesehi upakkiliṭṭha”nti (a. ni. 1.49) ettha bhavaṅgacittaṃ adhippetanti vacanato idhāpi manāyatanassa vipākabhūtattā, tassa ca kilesakālussiyābhāvena pasannattā pasādavacanena manāyatanampi vuttanti veditabbaṃ. **Phuṭṭho phassoti** yo ārammaṇaṃ phuṭṭho phusanto uppanno, ayaṃ phasso. **Vedayitam vedanāti** yaṃ paṭisandhivīññāṇena vā saḷāyatanapaccayena vā phassena saha uppannaṃ vipākavedayitam, ayaṃ vedanā. **Idhupapattibhavasmim purekatassa kammaṃ paccayāti** paccuppanne vipākabhava atītajātiyaṃ katassa kammaṃ paccayena pavattantīti attho.

Idha paripakkattā āyatanānanti paripakkāyatanassa kammakaraṇakāle mohādayo dassitā. **Āyatim paṭisandhiyāti** anāgate paṭisandhiyā. Āyatim paṭisandhi **viññāṇanti**ādīni vuttatthāni.

Kathaṃ pana dvādasahi paṭiccasamuppādaṅgehi ime vīsati ākāra gahitā hontīti? Avijjā saṅkhārāti ime dve atītatheyo sarūpato vuttā. Yasmā pana avidvā paritassati, paritassito upādiyati, tassupādānapaccayā bhavo, tasmā tehi dvīhi gahitehi taṇhupādānabhavāpi gahitāva honti. Paccuppanne viññāṇanāmarūpasāḷāyatanaphassavedanā sarūpato vuttāyeva. Taṇhupādānabhavā paccuppannahetuyo sarūpato vuttā. Bhave pana gahite tassa pubbabhāgā taṃsāmpayuttā vā saṅkhārā gahitāva honti, taṇhupādānaggahaṇena ca taṃsāmpayuttā. Yāya vā mūlho kammaṃ karoti, sā avijjā gahitāva hoti. Anāgate jāti jarāmarāṇanti dve sarūpena vuttāni, jātijarāmarāṇaggahaṇeneva pana viññāṇādīni pañca

anāgataphalāni gahitāneva honti. Tesamyeva hi jātijarāmarañānīti evaṃ dvādasahi aṅgehi vīsati ākāra gahitā honti.

“Atīte hetavo pañca, idāni phalapañcakaṃ;
Idāni hetavo pañca, āyatim phalapañcaka”nti. –

Gāthāya ayamevattho vutto. **Itimeti** iti ime. Iti imeti vā pāṭho.

Catusaṅkhepeti caturo rāsī. Atīte pañca hetudhammā eko hetusaṅkhepo, paccuppanne pañca phaladhammā eko phalasaṅkhepo, paccuppanne pañca hetudhammā eko hetusaṅkhepo, anāgate pañca phaladhammā eko phalasaṅkhepo.

Tayo addheti tayo kāle. Paṭhamapañcakavasena atītakālo, dutiyatatiyapañcakavasena paccuppannakālo, catutthapañcakavasena anāgatakālo veditabbo.

Tisandhinti tayo sandhaya assāti tisandhi, taṃ tisandhiṃ. Atītahetupaccuppannaphalānamantarā eko hetuphalasandhi, paccuppannaphalaanāgatahetūnamantarā eko phalahetusandhi, paccuppannahetuanāgataphalānamantarā eko hetuphalasandhi.

Paṭiccasamuppādapāliyaṃ sarūpato āgatavasena pana avijjāsaṅkhārā eko saṅkhepo, viññāṇanāmarūpasaḷāyanaphassavedanā dutiyo, taṇhupādānabhavā tatiyo, jātijarāmarañam catuttho. Avijjāsaṅkhārāti dve aṅgāni atītakālāni, viññāṇādīni bhavāvasānāni aṭṭha paccuppannakālāni, jātijarāmarañanti dve anāgatakālāni. Saṅkhāraviññāṇānam antarā eko hetuphalasandhi, vedanātaṇhānamantarā eko phalahetusandhi, bhavajātīnamantarā eko hetuphalasandhi.

Vīsatiyā ākārehīti vīsatiyā koṭṭhāsehi. Catusaṅkhepe ca tayo addhe ca tisandhiṃ paṭiccasamuppādañca vīsatiyā ākārehi jānātīti sambandho.

Jānātīti sutānusārena bhāvanārambhañāṇena jānāti. **Passatīti** nātameva cakkhunā diṭṭhaṃ viya hatthatale āmalakaṃ viya ca phuṭaṃ katvā ñāṇeneva passati. **Aññātīti** diṭṭhamariyādeneva āsevanam karonto ñāṇeneva jānāti. Mariyādattho hi ettha ākāro. **Paṭivijjhatīti** bhāvanāpāripūriyā niṭṭhaṃ pāpento ñāṇeneva paṭivedhaṃ karoti. Salakkhaṇavasena vā jānāti, sarasavasena passati, paccupaṭṭhānavasena aññāti, padaṭṭhānavasena paṭivijjhati.

Tattha **paṭiccasamuppādoti** paccayadhammā veditabbā. **Paṭiccasamuppānā dhammāti** tehi tehi paccayehi nibbattadhammā. Kathamidam jānitabbanti ce? Bhagavato vacanena. Bhagavatā hi paṭiccasamuppādapāṭiccasamuppānadhammadesanāsutte –

“Katamo ca, bhikkhave, paṭiccasamuppādo, jātipaccayā, bhikkhave, jarāmarañam, uppādā vā tathāgatānaṃ anuppādā vā tathāgatānaṃ ṭhitāva sā dhātu dhammaṭṭhitatā dhammaniyāmatā idappaccayatā, taṃ tathāgato abhisambujjhati abhisameti, abhisambujjhivā abhisametvā ācikkhati deseti paññāpeti paṭṭhapeti vivarati vibhajati uttānīkaroti ‘passathā’ti cāha. Jātipaccayā, bhikkhave, jarāmarañam, bhavapaccayā, bhikkhave, jāti...pe... avijjāpaccayā, bhikkhave, saṅkhārā. Uppādā vā tathāgatānaṃ...pe... uttānīkaroti ‘passathā’ti cāha. Avijjāpaccayā, bhikkhave, saṅkhārā. Iti kho, bhikkhave, yā tatrata thatā avitathatā anaññathatā idappaccayatā. Ayaṃ vuccati, bhikkhave, paṭiccasamuppādo”ti (saṃ. ni. 2.20) –

Evaṃ paṭiccasamuppādam desentena tathatādīhi vevacanehi paccayadhammāva paṭiccasamuppādoti vuttā. Tasmā jarāmarañādīnaṃ paccayalakkhaṇo paṭiccasamuppādo, dukkhānubandhanaraso kummaggapaccupaṭṭhāno, ayampi sapaccayatā attano visesapaccayapadaṭṭhāno.

Uppādā vā anuppādā vāti uppāde vā anuppāde vā, tathāgatesu uppannesupi anuppannesupīti attho.

Ṭhitāva sā dhātūti ṭhitova so paccayasabhāvo, na kadāci jātijarāmarāṇassa paccayo na hotīti attho. **Dhammaṭṭhitatā dhammaniyāmatā idappaccayatāti** jātipaccayoyeva. Jātipaccayena hi jarāmarāṇasaṅkhāto paccayasamuppānadhāmo tadāyattatāya tiṭṭhati, jātipaccayova jarāmarāṇadhāmaṃ niyāmeti, tasmā jāti “dhammaṭṭhitatā dhammaniyāmatā”ti vuccati. Jātiyeva imassa jarāmarāṇassa paccayoti idappaccayo, idappaccayova **idappaccayatā**. **Tanti** taṃ paccayaṃ. **Abhisambujjhatīti** ñāṇena abhisambujjhati. **Abhisametīti** ñāṇena abhisamāgacchati. **Ācikkhatīti** katheti. **Desetīti** dasseti. **Paññāpetīti** jānāpeti. **Paṭṭhapetīti** ñāṇamukhe ṭhapeti. **Vivaratīti** vivarivā dasseti. **Vibhajātīti** vibhāgato dasseti. **Uttānikarotīti** pākāṃ karoti. **Iti khoti** evaṃ kho. **Yā tatrāti** yā tesu “jātipaccayā jarāmarāṇa”ntiādīsu. So pañāyaṃ paṭṭicasamuppādo tehi tehi paccayehi anūnādhikeheva tassa tassa dhammassa sambhavato **tathatāti**, sāmaggiṃ upāgatesu paccayesu muhuttampi tato nibbattanadhammānaṃ asambhavābhāvato **avitathatāti**, aññadhāmapaccayehi aññadhāmanuppattito **anaññathatāti**, yathāvuttānaṃ etesaṃ jarāmarāṇādīnaṃ paccayato vā paccayasamūhato vā **idappaccayatāti** vutto. Tatrāyaṃ vacanatto – imesaṃ paccayā idappaccayā, idappaccayā eva idappaccayatā, idappaccayānaṃ vā samūho idappaccayatā. Lakkhaṇaṃ panettha saddasatthato veditabbanti.

Dhammaṭṭhitiñāṇaniddesavaṇṇanā niṭṭhitā.

5. Sammasanañāṇaniddesavaṇṇanā

48. Sammasanañāṇaniddese **yaṃ kiñcīti** anavasesapariyādānaṃ. **Rūpanti** atippasaṅganiyamaṇaṃ. Evaṃ padadvayenāpi rūpassa asesapariggaho kato hoti. Athassa atītādīnā vibhāgaṃ ārabhati. Tañhi kiñci atītaṃ kiñci anāgatādibhedanti. Esa nayo vedanādīsupi. Tattha rūpaṃ tāva addhāsantatisamayakhaṇavasena catudhā atītaṃ nāma hoti, tathā anāgatapaccuppannaṃ. Tattha **addhāvasena** tāva ekassa ekasmiṃ bhāve paṭisandhito pubbe atītaṃ, cutito uddhaṃ anāgataṃ, ubhinnaṃ antare paccuppannaṃ. **Santativasena** sabhāgaekautusamuṭṭhānaṃ ekāhārasamuṭṭhānaṃ pubbāpariyabhāvena vattamānampi paccuppannaṃ, tato pubbe visabhāgautuāhārasamuṭṭhānaṃ atītaṃ, pacchā anāgataṃ. Cittaṃ ekavīthiekajavanaekasamāpattisamuṭṭhānaṃ paccuppannaṃ, tato pubbe atītaṃ, pacchā anāgataṃ, kammaṃ samuṭṭhānaṃ pāṭiyekkaṃ santativasena atītādibhedo natthi, tesaññeva pana utuāhāracittasamuṭṭhānaṃ upatthambhanavasena tassa atītādibhāvo veditabbo. **Samayavasena** ekamuhuttapubbaṅhasāyanharattindivādīsu samayesu santānavasena pavattamānaṃ taṃ taṃ samayaṃ paccuppannaṃ nāma, tato pubbe atītaṃ, pacchā anāgataṃ. **Khaṇavasena** uppādādīkhaṇattayapariyāpannaṃ paccuppannaṃ, tato pubbe anāgataṃ, pacchā atītaṃ. Apica atikkantahetupaccayakiccaṃ atītaṃ, niṭṭhitahetukiccamaniṭṭhitapaccayakiccaṃ paccuppannaṃ, ubhayakiccamaṃ pattamānaṃ anāgataṃ. Sakiccakkaṇe vā paccuppannaṃ, tato pubbe anāgataṃ, pacchā atītaṃ. Ettha ca khaṇādīkathāva nippariyāyā sesā sapariyāyā.

Ajjhattanti pañcasupi khandhesu idha niyakajjhantaṃ adhippetam, tasmā attano santāne pavattaṃ pāṭipuggalikaṃ rūpaṃ ajjhattanti veditabbam. Tato bahibhūtaṃ pana indriyabaddhaṃ vā anindriyabaddhaṃ vā rūpaṃ **bahiddhā** nāma. **Oḷārikanti** cakkhusotaghānājivhākāyarūpasaddagandharasaphoṭṭhabbasāṅkhātā pathavītejavāyo cāti dvādasavidhaṃ rūpaṃ ghaṭṭanavasena gahetabbato oḷārikaṃ. Sesamā pana āpodhātu itthindriyaṃ purisindriyaṃ jīvitindriyaṃ hadayavatthu oḷā ākāsadhātu kāyaviññatti vacīviññatti rūpassa lahutā mudutā kammaññatā upacayo santati jaratā aniccatāti soḷasavidhaṃ rūpaṃ ghaṭṭanavasena agahetabbato **sukhumaṃ**. **Hīnaṃ vā pañītaṃ vāti** ettha hīnapañītabhāvo pariyāyato nippariyāyato ca. Tattha akaniṭṭhānaṃ rūpato sudassīnaṃ rūpaṃ hīnaṃ, tadeva sudassānaṃ rūpato pañītaṃ. Evaṃ yāva narakasattānaṃ rūpaṃ, tāva pariyāyato hīnapañītatā veditabbā. Nippariyāyato pana yattha akusalavipākaṃ uppajjati, taṃ hīnaṃ. Yattha kuslavipākaṃ, taṃ pañītaṃ. **Yaṃ dūre santike vāti** ettha yaṃ sukhumaṃ, tadeva dūrapañīvijjhasabhāvattā dūre. Yaṃ oḷārikaṃ, tadeva suppaṭivijjhasabhāvattā santike.

Sabbaṃ rūpaṃ aniccatō vavattethi ekam sammasanaṃ, dukkhato vavattethi ekam sammasanaṃ, anattato vavattethi ekam sammasananti ettha ayaṃ bhikkhu “yaṃ kiñci rūpa”nti evaṃ

aniyamaniddiṭṭhaṃ sabbampi rūpaṃ atītattikena ceva catūhi ajjhataḍḍidukehi cāti ekādasahi okāsehi paricchinditvā sabbam rūpaṃ aniccato vavattheti aniccanti sammasati. Kathaṃ? Parato vuttanayena. Vuttañhetam – “rūpaṃ atītānāgatapaccuppannaṃ aniccaṃ khayattṭhenā”’ti (paṭi. ma. 1.48). Tasmā esa yaṃ atītaṃ rūpaṃ, taṃ yasmā atīteyeva khīṇaṃ, nayimaṃ bhavaṃ sampattanti aniccaṃ khayattṭhena, yaṃ anāgataṃ rūpaṃ anantarabhava nibbattissati, tampi tattheva khīyissati, na tato paraṃ bhavaṃ gamissatīti aniccaṃ khayattṭhena, yaṃ paccuppannaṃ rūpaṃ, taṃ idheva khīyati, na ito gacchatīti aniccaṃ khayattṭhena, yaṃ ajjhataṃ rūpaṃ, tampi ajjhataṃmeva khīyati, na bahiddhābhāvaṃ gacchatīti aniccaṃ khayattṭhena, yaṃ bahiddhā oḷārikaṃ sukhumaṃ hīnaṃ paṇītaṃ dūre santike, tampi ettheva khīyati, na dūrabhāvaṃ gacchatīti aniccaṃ khayattṭhenāti sammasati. Idaṃ sabbampi “aniccaṃ khayattṭhenā”’ti etassa vasena ekaṃ sammasanaṃ, pabhedato pana ekādasavidhaṃ hoti.

Sabbameva cetam dukkhaṃ bhayaṭṭhenāti sammasati. **Bhayaṭṭhenāti** sappatibhayatāya. Yañhi aniccaṃ, taṃ bhayāvahaṃ hoti sihopamasutte (a. ni. 4.33; saṃ. ni. 3.78) devānaṃ viya. Iti idampi “dukkhaṃ bhayaṭṭhenā”’ti etassa vasena ekaṃ sammasanaṃ, pabhedato pana ekādasavidhaṃ hoti.

Yathā ca dukkhaṃ, evaṃ sabbampi taṃ anattā asāraṇattṭhenāti sammasati. **Asāraṇattṭhenāti** “attā nivāsī kāraṇo vedako sayamvasi”’ti evaṃ parikkappitassa attasārassa abhāvena. Yañhi aniccaṃ dukkhaṃ, attanopi aniccataṃ vā udayabbayapīlanaṃ vā vāretuṃ na sakkoti, kuto tassa kāraḍḍibhāvo. Tenāha – “rūpaṇca hidaṃ, bhikkhave, attā abhaviṣṣa, nayidaṃ rūpaṃ ābādhāya saṃvatteyyā”’tiādi (saṃ. ni. 3.59). Iti idaṃ “anattā asāraṇattṭhenā”’ti etassa vasena ekaṃ sammasanaṃ, pabhedato pana ekādasavidhaṃ hoti. Eseva nayo vedanādīsu. Iti ekekasmim khandhe ekādasā ekādasā katvā pañcasu khandhesu pañcapaññāsa sammasanāni honti, aniccato pañcapaññāsa, dukkhato pañcapaññāsa, anattato pañcapaññāsāti tividhānupassanāvasena sabbāni pañcasatṭhisatasammasanāni honti.

Keci pana “sabbam rūpaṃ, sabbam vedanaṃ, sabbam saññaṃ, sabbe saṅkhāre, sabbam viññānanti padampi pakkhipitvā ekekasmim khandhe dvādasā dvādasā katvā pañcasu satṭhi, anupassanāto asītisatasammasanāni”’ti vadanti.

Atītādivibhāge panettha santativasena khaṇādivasena ca vedanāya atītānāgatapaccuppannabhāvo veditabbo. Tattha **santativasena** ekavīthiekajavanaekasamāpattipariyāpannā ekavidhavisayasamāyogappavattā ca paccuppannā, tato pubbe atītā, pacchā anāgatā. **Khaṇādivasena** khaṇattayapariyāpannā pubbantāparantamajjhagatā sakiccaṇca kurumānā vedanā paccuppannā, tato pubbe atītā, pacchā anāgatā. Ajjhatabhiddhābhedo niyakajjhattavaseneva veditabbo.

Oḷārikasukhumabhāvo “akusalā vedanā oḷārikā, kusalābyākatā vedanā sukhumā”’tiādinā (vibha. 4) nayena vibhaṅge vuttena jātisabhāvapuggalalokiyalokuttaravasena veditabbo. **Jātivasena** tāva akusalā vedanā sāvajjakiriyahetuto, kilesasantāpabhāvato ca avūpasantavuttīti kusalavedanāya oḷārikā, sabyāpārato saussāhato savipākato kilesasantāpabhāvato sāvajjato ca vipākābyākatāya oḷārikā, savipākato kilesasantāpabhāvato sabyābjhato sāvajjato ca kiriyābyākatāya oḷārikā. Kusalābyākatā pana vuttavipariyāyato akusalāya vedanāya sukhumā. Dvepi kusalākusalā vedanā sabyāpārato saussāhato savipākato ca yathāyogaṃ duvidhāyapi abyākatāya oḷārikā, vuttavipariyāyena duvidhāpi abyākatā tāhi sukhumā. Evaṃ tāva jātivasena oḷārikasukhumatā veditabbā.

Sabhāvavasena pana dukkhā vedanā nirassādato savipphārato khobhakarāṇato ubbejanīyato abhibhavanato ca itarāhi dvīhi oḷārikā, itarā pana dve sātato santato paṇītato manāpato majjhataṇato ca yathāyogaṃ dukkhāya sukhumā. Ubho pana sukhadukkhā savipphārato ubbejanīyato khobhakarāṇato pākāṇato ca adukkhamasukhāya oḷārikā, sā vuttavipariyāyena tadubhayato sukhumā. Evaṃ sabhāvavasena oḷārikasukhumatā veditabbā.

Puggalavasena pana asamāpannassa vedanā nānārammaṇe vikkhittabhāvato samāpannassa vedanāya oḷārikā, vipariyāyena itarā sukhumā. Evaṃ puggalavasena oḷārikasukhumatā veditabbā.

Lokiyalokuttaravasena pana sāsavā vedanā lokiyā, sā āsavuppattihetuto oghaniyato yoganiyato ganthaniyato nīvaraniyato upādāniyato saṃkilesikato puthujjanasādhāraṇato ca anāsavāya oḷārikā, anāsavā ca vipariyāyena sāsavāya sukhumā. Evaṃ lokiyalokuttaravasena oḷārikasukhumatā veditabbā.

Tattha jātiādivasena sambhedo pariharitabbo. Akusalavipākakāyaviññāṇasampayuttā hi vedanā jātivasena abyākatattā sukhumāpi samānā sabhāvādivasena oḷārikā hoti. Vuttañhetam –

“Abyākatā vedanā sukhumā, dukkhā vedanā oḷārikā. Samāpannassa vedanā sukhumā, asamāpannassa vedanā oḷārikā. Anāsavā vedanā sukhumā, sāsavā vedanā oḷārikā”ti (vibha. 11).

Yathā ca dukkhā vedanā, evaṃ sukhādayopi. Tāpi hi jātivasena oḷārikā, sabhāvādivasena sukhumā honti. Tasmā yathā jātiādivasena sambhedo na hoti, tathā vedanānaṃ oḷārikasukhumatā veditabbā. Seyyathidaṃ, abyākatā jātivasena kusalākusalāhi sukhumā. Tattha katamā abyākatā? Kiṃ dukkhā? Kiṃ sukhā? Kiṃ samāpannassa? Kiṃ asamāpannassa? Kiṃ sāsavā? Kiṃ anāsavāti? Evaṃ sabhāvādibhedo na parāmasitabbo. Esa nayo sabbattha.

Apica “taṃ taṃ vā pana vedanaṃ upādāyupādāya vedanā oḷārikā sukhumā daṭṭhabbā”ti vacanato akusalādīsupi lobhasahagatāya dosasahagatā vedanā aggi viya nissayadhanato oḷārikā, lobhasahagatā sukhumā. Dosasahagatāpi niyatā oḷārikā, aniyatā sukhumā. Niyatāpi kappatṭhitikā oḷārikā, itarā sukhumā. Kappatṭhitikāsupi asaṅkhārikā oḷārikā, itarā sukhumā. Lobhasahagatā pana diṭṭhisampayuttā oḷārikā, itarā sukhumā. Sāpi niyatā kappatṭhitikā asaṅkhārikā oḷārikā, itarā sukhumā. Avisesena ca akusalā bahuvipākā oḷārikā, appavipākā sukhumā. Kusalā pana appavipākā oḷārikā, bahuvipākā sukhumā.

Apica kāmāvacarakusalā oḷārikā, rūpāvacarā sukhumā, tato arūpāvacarā, tato lokuttarā. Kāmāvacarā ca dānamayā oḷārikā, sīlamayā sukhumā. Sīlamayāpi oḷārikā, tato bhāvanāmayā sukhumā. Bhāvanāmayāpi duhetukā oḷārikā, tihetukā sukhumā. Tihetukāpi asaṅkhārikā oḷārikā, asaṅkhārikā sukhumā. Rūpāvacarā ca paṭhamajjhānikā oḷārikā...pe... pañcamajjhānikā sukhumāva. Arūpāvacarā ca ākāśānañcāyatanasampayuttā oḷārikā...pe... nevaññānāsaññāyatanasampayuttā sukhumāva. Lokuttarā ca sotāpattimaggasampayuttā oḷārikā...pe... arahattamaggasampayuttā sukhumāva. Esa nayo taṃtaṃbhūmivipākakiriyāvedanāsu dukkhādivasena vuttavedanāsu ca. Okāsavasena vāpi niraye dukkhā oḷārikā, tiracchānayanayaṃ sukhumā...pe... paranimmitavasavattīsū sukhumāva. Yathā ca dukkhā, evaṃ sukhāpi sabbattha yathānurūpaṃ yojetabbā. Vatthuvaseṇa cāpi hīnavatthukā yā kāci vedanā oḷārikā, pañītavatthukā sukhumā. Hīnapañītabhede yā oḷārikā, sā hīnā. Yā ca sukhumā, sā pañītāti daṭṭhabbā.

Dūrasantikapade pana “akusalā vedanā kusalābyākatāhi vedanāhi dūre, akusalā vedanā akusalāya vedanāya santike”tiādinā (vibha. 13) nayena vibhāṅge vibhattā. Tasmā akusalā vedanā visabhāgato asaṃsaṭṭhato asarikkhato ca kusalābyākatāhi dūre, tathā kusalābyākatā akusalāya. Esa nayo sabbavāresu. Akusalā pana vedanā sabhāgato saṃsaṭṭhato sarikkhato ca akusalāya santiketī idam vedanāya atītādivibhāge vitthārakathā mukhaṃ. Taṃtaṃvedanāsampayuttānaṃ pana saññādīnampi etaṃ evameva veditabbam.

Ye panettha vedanādisu **caḅkhu...pe... jarāmarāṇanti** peyyālena saṃkhattesu ca dhammesu lokuttaradhammā āgatā, te asammasanūpagattā imasmiṃ adhikāre na gahetabbā. Te pana kevalaṃ tena tena padena saṅgahitadhammadassanavasena ca abhiññeyyaniddese āgatanayena ca vuttā. Yepi ca sammasanūpagā, tesu ye yassa pākaṭā hontī, sukhena pariggahaṃ gacchantī, tesu tena sammasanaṃ ārabhitabbam. Jātijarāmarāṇavasena visuṃ sammasanābhāvepi jātijarāmarāṇavantesuyeva pana sammasitesu tānīpi sammasitāni hontīti pariyaṃyena tesampi vasena sammasanaṃ vuttanti veditabbam. **Atītānāgatapaccuppannaṃ aniccato vavatthetī**tiādinā nayena atītattikasseva ca vasena sammasanassa vuttattā ajjhātādibhedam anāmasitvāpi atītattikasseva vasena paricchinditvāpi aniccādito sammasanaṃ kātabbameva.

Yaṃ pana aniccaṃ, taṃ yasmā niyamato saṅkhatādibhedam hoti, tenassa pariyāyadassanattam, nānākārehi vā manasikārappavattidassanattam **rūpaṃ atītānāgatapaccuppannaṃ aniccaṃ saṅkhatanti**ādīmāha. Tañhi hutvā abhāvattṭhena **aniccaṃ**, aniccantikātāya ādiantavantatāya vā aniccaṃ. Paccayehi samāgantvā katattā **saṅkhatam**. Paccaye paṭicca nissāya samaṃ, saha vā uppannattā **paṭiccasamuppannaṃ**. Etena paccayehi katepi paccayānaṃ abyāpāratam dasseti. **Khayadhammanti** khīyanadhammaṃ khīyanapakatikaṃ. **Vayadhammanti** nassanadhammaṃ. Nayidaṃ mandībhāvakkhayavasena khayadhammaṃ, kevalam vigamanapakatikaṃ. Pahūtassa mandībhāvopi hi loke khayoti vuccati. **Virāgadhammanti** nayidaṃ kuhiñci gamanavasena vayadhammaṃ, kevalam sabhāvātikkamanapakatikaṃ. “Virāgo nāma jigucchanaṃ vā samatikkamo vā”ti hi vuttam. **Nirodhadhammanti** nayidaṃ sabhāvātikkamena punarāvattidhammaṃ, kevalam apunarāvattinirodhena nirujjhanapakatikanti purimapurimapaḍassa atthavivaraṇavasena pacchimapacchimapaḍam vuttanti veditabbaṃ.

Atha vā ekabhavapariyāpannarūpabhaṅgavasena khayadhammaṃ, ekasantatipariyāpannarūpakkhayavasena vayadhammaṃ, rūpassa khaṇabhaṅgavasena virāgadhammaṃ, tiṇṇampi apunappavattivasena nirodhadhammantipi yojetabbaṃ.

Jarāmarāṇam aniccantiādīsu jarāmarāṇam na aniccaṃ, aniccasabhāvānaṃ pana khandhānaṃ jarāmarāṇattā aniccaṃ nāma jātam. Saṅkhatādīsupi eseva nayo. Antarapeyyāle jātiyāpi aniccādītāya eseva nayo.

Jātipaccayā jarāmarāṇantiādī na vipassanāvasena vuttam, kevalam paṭiccasamuppāḍassa ekekaaṅgavasena saṅkhipitvā vavattṭhānato sammāsanañāṇam nāma hotīti pariyāyena vuttam. Na panetaṃ kalāpasammasanañāṇam dhammaṭṭhitiñāṇameva taṃ hotīti. **Asati jātiyāti** līṅgavipallāso kato, asatiyā jātiyāti vuttam hoti. **Asati saṅkhāresūti** vacanavipallāso kato, asantesu saṅkhāresūti vuttam hoti. **Bhavapaccayā jāti, asatīti**ādī “bhavapaccayā jāti, asati bhava natthi jāti”tiādīnā nayena yojetabbaṃ.

Sammasanañāṇaniddesavaṇṇanā niṭṭhitā.

6. Udayabbayañāṇaniddesavaṇṇanā

49. Idāni anantaram vuttassa sammāsanañāṇassa nānāyehi bhāvanāthirakaraṇena pāram gantvā ṭṭhitena aniccādito diṭṭhe saṅkhāre udayabbayena paricchinditvā aniccādito vipassanattam vuttassa udayabbayānupassanāñāṇassa niddese **jātam rūpanti**ādīsu santativasena yathāsakaṃ paccayehi nibbattaṃ rūpaṃ. **Tassa** jātassa rūpassa **nibbattilakkhaṇam** jātiṃ uppādam abhinavākāram **udayoti**, **vipariṇāmalakkhaṇam** khayaṃ bhaṅgaṃ **vayoti**, **anupassanā** punappunaṃ nisāmanā, udayabbaya anupassanāñāṇanti attho. Vedanādīsupi eseva nayo. Jātijarāmarāṇavantaṇāmyeva udayabbayassa pariggahetabbattā jātijarāmarāṇānaṃ udayabbayābhāvato jātijarāmarāṇam anāmasitvā **jātam cakkhu... pe... jāto bhavoti** peyyālam kataṃ. So evaṃ pañcannaṃ khandhānaṃ udayabbayaṃ passanto evaṃ jānāti “imesaṃ khandhānaṃ uppattito pubbe anuppannānaṃ rāsi vā nicayo vā natthi, uppajjamānānampi rāsito vā nicayato vā āgamaṇam nāma natthi, nirujjhamānānampi disāvidisāgamaṇam nāma natthi, niruddhānampi ekasmiṃ ṭṭhāne rāsito nicayato nidhānato avaṭṭhānaṃ nāma natthi. Yathā pana vīṇāya vādiyamānāya uppannassa saddassa neva uppattito pubbe sannicayo atthi, na uppajjamāno sannicayato āgato, na nirujjhamānassa disāvidisāgamaṇam atthi, na niruddho katthaci sannicito tiṭṭhati, atha kho vīṇāṇca upavīṇāṇca purisassa ca tajjaṃ vāyāmaṃ paṭicca ahutvā sambhoti, hutvā paṭiveti, evaṃ sabbepi rūpārūpino dhammā ahutvā sambhonti, hutvā paṭiventī”ti.

50. Evaṃ saṅkhepato udayabbayadassanaṃ dassetvā idāni vitthārato dassetaṃ **pañcannaṃ khandhānaṃ udayam passanto kati lakkhaṇāni passatīti**ādīhi rāsito gaṇanaṃ pucchitvā, pañcannaṃ khandhānaṃ udayam passanto **pañcavīsati lakkhaṇāni passatīti**ādīhi rāsitova gaṇanaṃ vissajjetvā, puna **rūpakkhandhassa udayam passanto kati lakkhaṇāni passatīti**ādīhi vibhāgato gaṇanaṃ pucchitvā **rūpakkhandhassa udayam passanto pañca lakkhaṇāni passatīti**ādīhi vibhāgato gaṇanaṃ vissajjetvā,

puna **rūpakkhandhassa udayaṃ passanto katamāni pañca lakkhaṇāni passatī**ādīhi lakkhaṇavibhāgaṃ pucchitvā vissajjanaṃ kataṃ.

Tattha **avijjāsamudayā rūpasamudayoti** “purimakammabhavasmiṃ moho avijjā”ti vuttāya avijjāya sati imasmiṃ bhava rūpassa uppādo hotīti attho. **Paccayasamudayaṭṭhenāti** paccayassa uppanabhāvenāti attho. Avijjātaṇhākammāni cettha idha paṭisandhihetubhūtā atītapaccayā. Imesu ca tīsu gahitesu saṅkhārupādānāni gahitāneva honti. **Āhārasamudayāti** pavattipaccayesu kabaḷīkārāhārassa balavattā soyeva gahito. Tasmim̐ pana gahite pavattihetubhūtāni utucittānipi gahitāneva honti. **Nibbatilakkhaṇanti** addhāsantatikhaṇavasena rūpassa uppādaṃ, uppādoyeva saṅkhatalakkhaṇattā lakkhaṇanti ca vutto. **Pañca lakkhaṇānti** avijjā taṇhā kammāhārā nibbatti cāti imāni pañca lakkhaṇāni. Avijjādayopi hi rūpassa udayo lakkhīyati etehīti lakkhaṇāni. Nibbatti pana saṅkhatalakkhaṇameva, tampi saṅkhatanti lakkhīyati etenāti lakkhaṇaṃ.

Avijjānirodhā rūpanirodhoti anāgatabhavassa paccayabhūtāya imasmiṃ bhava avijjāya arahattamaggañāṇena nirodhe kate paccayābhāvā anāgatassa rūpassa anuppādo nirodho hotīti attho. **Paccayanirodhaṭṭhenāti** paccayassa niruddhabhāvenāti attho. Nirodho cettha anāgatapaṭisandhipaccayānaṃ idha avijjātaṇhākammānaṃyeva nirodho. **Āhāranirodhā rūpanirodhoti** pavattipaccayassa kabaḷīkārāhārassa abhāve taṃsamuttānarūpābhāvo hoti. **Vipariṇāmalakkhaṇanti** addhāsantatikhaṇavasena rūpassa bhaṅgaṃ, bhaṅgoyeva saṅkhatalakkhaṇattā lakkhaṇanti vutto. Idha **pañca lakkhaṇānti** avijjātaṇhākammāhārānaṃ abhāvanirodhā cattāri, vipariṇāmo ekanti pañca. Esa nayo vedanākkhanthādīsu. Ayaṃ pana viseso – arūpakkhandhānaṃ udayabbayadassanaṃ addhāsantivasena, na khaṇavasena. Phasso vedanāsaññāsaṅkhārakkhandhānaṃ pavattipaccayo, taṃnirodhā ca tesam̐ nirodho. Nāmarūpaṃ viññānakkhandhassa pavattipaccayo, taṃnirodhā ca tassa nirodhoti.

Keci panāhu – “catudhā paccayato udayabbayadassane atītādivibhāgaṃ anāmasitvāva sabbasāmaññavasena avijjādīhi udeṭīti uppajjamānabhāvamattaṃ gaṇhāti, na uppādaṃ. Avijjādinirodhā nirujjati anuppajjamānabhāvamattaṃ gaṇhāti, na bhaṅgaṃ. Khaṇato udayabbayadassane paccuppanānaṃ uppādaṃ bhaṅgaṃ gaṇhāti”ti.

Vipassamāno pana vipassako paṭhamaṃ paccayato udayabbayaṃ manasikarivā vipassanākāle avijjādike caturo dhamme vissajjetvā udayabbayavanteyeva khandhe gahetvā tesam̐ udayabbayaṃ passati, evañca tassa vipassakassa “evaṃ rūpādānaṃ udayo, evaṃ vayo, evaṃ rūpādayo udeṭīti, evaṃ ventī”ti paccayato ca khaṇato ca vitthārena udayabbayaṃ passato “iti kira ime dhammā ahutvā sambhontī, hutvā paṭiventī”ti ñāṇaṃ visadatarāṃ hoti, saccapaṭiccasamuppādanayaḷlakkhaṇabhedā pākaṭā honti. Yañhi so avijjādisamudayā khandhānaṃ samudayaṃ avijjādinirodhā ca khandhānaṃ nirodhaṃ passati, idamassa paccayato udayabbayadassanaṃ. Yaṃ pana nibbatilakkhaṇavipariṇāmalakkhaṇāni passanto khandhānaṃ udayabbayaṃ passati, idamassa khaṇato udayabbayadassanaṃ. Uppattikkhaṇeyeva hi nibbatilakkhaṇaṃ, bhaṅgakkhaṇe ca vipariṇāmalakkhaṇaṃ.

Iccassevaṃ paccayato ceva khaṇato ca dvedhā udayabbayaṃ passato paccayato udayadassanena samudayasaccaṃ pākaṭaṃ hoti janakāvabodhato. Khaṇato udayadassanena dukkhasaccaṃ pākaṭaṃ hoti jātidukkhāvabodhato. Paccayato vayadassanena nirodhasaccaṃ pākaṭaṃ hoti paccayānuppādena paccayavataṃ anuppādāvabodhato. Khaṇato vayadassanena dukkhasaccameva pākaṭaṃ hoti maraṇadukkhāvabodhato. Yañcassa udayabbayadassanaṃ, maggovāyaṃ lokikoti maggasaccaṃ pākaṭaṃ hoti tatra sammohavighātato.

Paccayato cassa udayadassanena anulomo paṭiccasamuppādo pākaṭo hoti “imasmiṃ sati idaṃ hotī”ti (ma. ni. 1.404; saṃ. ni. 2.21; udā. 1) avabodhato. Paccayato vayadassanena paṭilomo paṭiccasamuppādo pākaṭo hoti “imassa nirodhā idaṃ nirujjati”ti (ma. ni. 1.406; saṃ. ni. 2.21; udā. 2) avabodhato. Khaṇato pana udayabbayadassanena paṭiccasamuppānā dhammā pākaṭā honti saṅkhatalakkhaṇāvabodhato. Udayabbayavanto hi saṅkhatā, te ca paṭiccasamuppānāti.

Paccayato cassa udayadassanena ekattanayo pākaṭo hoti hetuphalasambandhena santānassa anupacchedāvabodhato. Atha suṭṭhutam uchedadiṭṭhiṃ pajahati. Khaṇato udayadassanena nānattanayo pākaṭo hoti navanavānaṃ uppādāvabodhato. Atha suṭṭhutam sassatadiṭṭhiṃ pajahati. Paccayato cassa udayabbayadassanena abyāpāranayo pākaṭo hoti dhammānaṃ avasavattibhāvāvabodhato. Atha suṭṭhutam attadiṭṭhiṃ pajahati. Paccayato pana udayadassanena evaṃdhammatānayo pākaṭo hoti paccayānurūpena phalassuppādāvabodhato. Atha suṭṭhutam akiriyadiṭṭhiṃ pajahati.

Paccayato cassa udayadassanena anattalakkhaṇaṃ pākaṭaṃ hoti dhammānaṃ nirīhakattapaccayapaṭibaddhavuttitāvabodhato. Khaṇato udayabbayadassanena aniccalakkhaṇaṃ pākaṭaṃ hoti hutvā abhāvāvabodhato, pubbantāparantavivekāvabodhato ca. Dukkhalakkhaṇampi pākaṭaṃ hoti udayabbayehi paṭipīḷānāvabodhato. Sabhāvalakkhaṇampi pākaṭaṃ hoti udayabbayaparicchinnāvabodhato. Sabhāvalakkhaṇe saṅkhatalakkhaṇassa tāvakālikattampi pākaṭaṃ hoti, udayakkhaṇe vayassa, vayakkhaṇe ca udayassa abhāvāvabodhatoti.

Tassevaṃ pākaṭibhūtasaccapaṭiccasamuppādanayalakkhaṇabhedassa “evaṃ kira nāmime dhammā anuppannapubbā uppajjanti, uppannā nirujjhanti”ti niccanavāva hutvā saṅkhārā upaṭṭhahanti. Na kevalaṅca niccanavāva, sūriyuggamane ussāvabindu viya udakapubbulo viya udaye daṇḍarāji viya āragge sāsapo viya vijjuppādo viya ca parittaṭṭhāyino māyāmarīcisupinantaalātacakkagandhabbanagaraphena kadaliādayo viya asārā nissārāti cāpi upaṭṭhahanti. Ettāvātā tena “vayadhammameva uppajjati, uppannaṅca vayaṃ upeti”ti iminā ākārena samapaññāsa lakkhaṇāni paṭivijjhivā ṭhitam udayabbayānupassanā nāma paṭhamam taruṇavipassanāññānaṃ adhigataṃ hoti, yassādhiḡamā “āraddhavipassako”ti saṅkham gacchati. Imasmiṃ ñāṇe ṭhitassa obhāsādayo dasa vipassanūpakkilesā uppajjanti, yesam upattiyā akusalo yogāvacaro tesu maggaññāsaññī hutvā amaggameva “maggo”ti gaṇhāti, upakkilesajaṭaṭaṭo ca hoti. Kusalo pana yogāvacaro tesu vipassanaṃ āropento upakkilesajaṭam vijaṭetvā “ete dhammā na maggo, upakkilesavimuttaṃ pana vīthipaṭipannaṃ vipassanāññānaṃ maggo”ti maggaṅca amaggaṅca vavatthapeti. Tassevaṃ maggaṅca amaggaṅca ñatvā ṭhitam ñāṇam maggāmaggaññānadassanavisuddhi nāma.

Ettāvātā ca pana tena catunnam saccānaṃ vavatthānaṃ kataṃ hoti. Kathaṃ? Nāmarūpariḡgahe sati paccayapariḡgahasambhavato dhammaṭṭhitiññāvacaneneva vuttena diṭṭhivisuddhisāṅkhātena nāmarūpavavatthāpanena dukkhasaccassa vavatthānaṃ kataṃ hoti, kaṅkhāvitaraṇavisuddhisāṅkhātena paccayapariḡgahaṇena samudayasaccassa vavatthānaṃ, udayabbayānupassanena ca khaṇato udayabbayadassanena dukkhasaccassa vavatthānaṃ kataṃ, paccayato udayadassanena samudayasaccassa vavatthānaṃ, paccayato vayadassanena nirodhasaccassa vavatthānaṃ, yaṅcassa udayabbayadassanaṃ, maggovāyaṃ lokikoti tatra sammohavighātato imissaṅca maggāmaggaññānadassanavisuddhiyaṃ vipassato sammā maggassa avadhāraṇena maggasaccassa vavatthānaṃ kataṃ. Evaṃ lokiyena tāva ñāṇena catunnam saccānaṃ vavatthānaṃ kataṃ hotīti.

Udayabbayaññānaniddesavaṇṇanā niṭṭhitā.

7. Bhaṅgānupassanāññānaniddesavaṇṇanā

51. So udayabbayānupassanāyaṃ ṭhito yogāvacaro maggāmaggavavatthāpanena upakkilesavimuttaṃ vīthipaṭipannaṃ udayabbayānupassanāññānaṃ “maggo”ti ñatvā tilakkhaṇasallakkhaṇena tasseva maggassa suvisadakaraṇattham puna udayabbayānupassanaṃ ārabhitvā udayabbayena paricchinne saṅkhāre aniccādito vipassati. Evaṃ tassa taṃ ñāṇam tikkham hutvā vahati, saṅkhārā lahuṃ upaṭṭhahanti, ñāṇe tikkhe vahante saṅkhāresu lahuṃ upaṭṭhahantesu uppādam atikkamitvā bhaṅge eva sati santiṭṭhati. Nirodhādhimuttatā vā udayam pahāya bhaṅgeyeva satim upaṭṭhahati. Etasmiṃ ṭhāne bhaṅgānupassanāññānaṃ uppajjati. Idāni tassa ñāṇassa niddese **rūpārammaṇatā cittaṃ uppajjitvā bhijjati** rūpārammaṇam cittaṃ uppajjitvā bhijjati. Atha vā rūpārammaṇabhāve cittaṃ uppajjitvā bhijjati attho. **Tam ārammaṇam paṭisaṅkhāti** tam rūpārammaṇam paṭisaṅkhāya jānitvā, khayato vayato disvāti attho. **Tassa cittassa bhaṅgam anupassati**ti yena cittaṃ tam rūpārammaṇam khayato vayato diṭṭham,

tassa cittassa aparena cittena bhaṅgaṃ anupassatīti attho. Tenāhu porāṇā – “ñātañca ñāṇañca ubho vipassatī”ti. **Cittanti** cettha sasampayuttacittam adhippetam.

Anupassatīti anu anu passati, anekehi ākārehi punappunam passatīti attho. Tenāha **anupassatīti katham anupassati, aniccato anupassatīti**ādi. Tattha yasmā bhaṅgo nāma aniccatāya paramā koṭi, tasmā bhaṅgānupassako yogāvacaro sabbam rūpagatam aniccato anupassati, no niccato. Tato aniccassa dukkhattā, dukkhassa ca anattattā, tadeva dukkhato anupassati, no sukkhato. Anattato anupassati, no attato. Yasmā pana yaṃ aniccaṃ dukkhamanattā, na taṃ abhinanditabbaṃ. Yañca na abhinanditabbaṃ, na tattha rajjitabbaṃ. Tasmā esa tasmim bhaṅgānupassanānusārena “aniccam dukkhamanattā”ti diṭṭhe rūpagate nibbindati, no nandati. Virajjati, no rajjati. So evaṃ virajjanto lokikeneva tāva ñāṇena rāgaṃ nirodheti, no samudeti, samudayaṃ na karotīti attho. Atha vā so evaṃ viratto yathā diṭṭham rūpagatam, tathā adiṭṭhampi anvayañāṇavasena nirodheti, no samudeti. Nirodhatova manasi karoti, nirodhamevassa passati, no samudayanti attho. So evaṃ paṭipanno paṭinissajjati, no ādiyati. Kim vuttam hoti? Ayampi hi aniccādiānupassanā tadaṅgavasena saddhim khandhābhisankhārehi kilesānam pariccajanato, sankhatadosadassanena ca tabbiparīte nibbāne tanninnatāya pakkhandanato pariccāgapaṭinissaggo ceva pakkhandanapaṭinissaggo cāti vuccati. Tasmā tāya samannāgato bhikkhu yathāvuttena nayena kilese ca pariccajati, nibbāne ca pakkhandati. Nāpi nibbattanavasena kilese ādiyati, na adosadassitāvasena sankhatārammaṇam. Tena vuccati **paṭinissajjati, no ādiyatīti**.

52. Idānissa tehi ñāṇehi yesam dhammānam pahānam hoti, taṃ dassetuṃ **aniccato anupassanto niccasaññam pajahatīti**ādi vuttam. Tattha **nandinti** sappītikam taṇham. **Rāganti** sesam taṇham. **Samudayanti** rāgassa uppattim. Atha vā rūpagatassa udayam. **Ādānanti** nibbattanavasena kilesānam ādānam. Vedanārammaṇatātiādīni idha ca heṭṭhā ca vuttanayeneva veditabbāni.

Gāthāsu pana **vatthusankamanāti** rūpādīsu ekekassa bhaṅgaṃ disvā puna yena cittena bhaṅgo diṭṭho, tassāpi bhaṅgadassanavasena purimavattuto aññavattusankamana. **Paññāya ca vivaṭṭanāti** udayam pahāya vaye santiṭṭhanā. **Āvajjanā balañcevāti** rūpādīsu ekekassa bhaṅgaṃ disvā puna bhaṅgārammaṇassa cittassa bhaṅgadassanattam anantameva āvajjanasamatthā. **Paṭisañkhā vipassanāti** esā ārammaṇapaṭisañkhā bhaṅgānupassanā nāma. **Ārammaṇaanvayena ubho ekavavattanāti** paccakkhato diṭṭhassa ārammaṇassa anvayena anugamanena yathā idam, tathā atītepi sankhāragatam bhijji, anāgatepi bhijjissatīti evaṃ ubhinnaṃ ekasabhāvene va vavattāpananti attho. Vuttampi cetam porāṇehi –

“Saṃvijjamānamhi visuddhadassano, tadanvayaṃ neti atītanāgate;
Sabbepi sankhāragatā palokino, usāvabindū sūriyeva uggate”ti.

Nirodhe adhimuttatīti evaṃ ubhinnaṃ bhaṅgavasena ekavavattānaṃ katvā tasmimyeva bhaṅgasankhāte nirodhe adhimuttatā taggarutā tanninnatā tappoṇatā tappabbhāratāti attho. **Vayalakkhaṇavipassanāti** esā vayalakkhaṇavipassanā nāmāti vuttam hoti. **Ārammaṇañca paṭisañkhāti** purimañca rūpādīārammaṇam jānitvā. **Bhaṅgañca anupassatīti** tassārammaṇassa bhaṅgaṃ disvā tadārammaṇassa cittassa ca bhaṅgaṃ anupassati. **Suññato ca upaṭṭhānanti** tassevam bhaṅgamanupassato “sankhārāva bhijjanti, tesam bhedo maraṇam, na añño koci atthī”ti suññato upaṭṭhānam ijjhanti. Tenāhu porāṇā –

“Khandhā nirujjhanti na catthi añño, khandhāna bhedo maraṇanti vuccati;
Tesaṃ khayam passati appamatto, maṇimva vijjham vajirena yoniso”ti.

Adhipaññā vipassanāti yā ca ārammaṇapaṭisañkhā, yā ca bhaṅgānupassanā, yañca suññato upaṭṭhānam, ayaṃ adhipaññā vipassanā nāmāti vuttam hoti. **Kusalo tīsu anupassanāsūti** aniccānupassanādīsu tīsu cheko bhikkhu. **Catasso ca vipassanāsūti** nibbidādīsu ca catūsu vipassanāsu. **Tayo upaṭṭhāne kusalatāti** khayato vayato suññatoti imasmiñca tividhe upaṭṭhāne kusalatāya. **Nānādiṭṭhīsu na kampatīti** sassatadiṭṭhīādīsu nānappakārāsu diṭṭhīsu na vedhati. So evaṃ avedhamāno

“aniruddhameva nirujjhati, abhinnameva bhijjati”ti pavattamanasikāro dubbalabhājanassa viya bhijjamānassa, sukhumarajasseva vippakiriyamānassa, tilānaṃ viya bhajjiyamānānaṃ sabbasaṅkhārānaṃ uppādaṭṭhitipavattanimittam vijjāyeva bhedameva passati. So yathā nāma cakkhumā puriso pokkharāṇīre vā nadīre vā ṭhito thūlaphusitake deve vassante udakapiṭṭhe mahantamahantāni udakapubbūṇi uppajjitvā uppajjitvā sīghaṃ sīghaṃ bhijjamānāni passeyya, evameva sabbe saṅkhārā bhijjanti bhijjantīti passati. Evarūpaṇhi yogāvacaraṃ sandhāya vuttaṃ bhagavatā –

“Yathā pubbuḷakaṃ passe, yathā passe marīcikaṃ;
Evaṃ lokaṃ avekkhantaṃ, maccurājā na passatī”ti. (dha. pa. 170);

Tassevaṃ “sabbe saṅkhārā bhijjanti bhijjantī”ti abhiṅgaṃ passato aṭṭhānisaṃsaparivāraṃ bhaṅgānupassanāñānaṃ balappattaṃ hoti. Tatrime aṭṭhānisaṃsā – bhavadiṭṭhippahānaṃ, jīvitānīkanti-pariccāgo, sadāyuttapayuttatā, visuddhājīvitā, ussukkappahānaṃ, vigatabhayatā, khantisoraccapaṭilābho, aratiratisahanatāti. Tenāhu porāṇā –

“Imāni aṭṭhaggaṇamuttamāni, disvā taṃ sammasatī punappunaṃ;
Ādittacelasīrasūpamo muni, bhaṅgānupassī amatassa pattiyā”ti.

Bhaṅgānupassanāñānaniddesavaṇṇanā niṭṭhitā.

8. Ādīnavañānaniddesavaṇṇanā

53. Ādīnavañānaniddese **uppādoti** purimakammaṃ paccayā idha uppatti. **Pavattanti** tathāuppannaṃ pavatti. **Nimittanti** sabbampi saṅkhāranimittaṃ. **Āyūhanāti** āyatim paṭisandhihetubhūtaṃ kammaṃ. **Paṭisandhīti** āyatim uppatti. **Gatīti** yāya gatiyā sā paṭisandhi hoti. **Nibbattīti** khandhānaṃ nibbattaṃ. **Upapattīti** “samāpannaṃ vā upapannaṃ vā”ti (dha. sa. 1289) evaṃ vuttā vipākappavatti. **Jātīti** jarādīnaṃ paccayabhūtaṃ bhavapaccayā jāti. Nippariyāyato tattha tattha nibbattamānānaṃ sattānaṃ ye ye khandhā pātubhavanti, tesam paṭhamapātubhāvo jāti. **Jarātīti** khaṇḍiccādisammato santatīyaṃ ekabhavapariyāpannakhandhasantānassa purāṇabhāvo. **Sokotīti** nītibyasanādīhi phuṭṭhassa cittasantāpo. **Paridevotīti** nītibyasanādīhi phuṭṭhassa vacīpalāpo. **Upāyāsotīti** bhūso āyāso, nītibyasanādīhi phuṭṭhassa adhimattacetodukkhappabhāvito dosoyeva. Ettha ca uppādādayo pañceva ādīnavañānaṃ vattuvasena vuttā, sesā tesam vevacanasena. “Nibbatti jāti”ti idaṇhi dvayaṃ uppādassa ceva paṭisandhiyā ca vevacanaṃ, “gati upapatti”ti idaṃ dvayaṃ pavattassa, jarādayo nimittassatī. Tenāha –

“Uppādañca pavattañca, nimittaṃ dukkhanti passati;
Āyūhanaṃ paṭisandhim, ñānaṃ ādīnave ida”nti. ca
“Idaṃ ādīnave ñānaṃ, pañcaṭṭhānesu jāyatī”ti. ca

Sabbapadesu ca **bhayanti** iccetassa vacanassa bhayaṃ itīti padacchedo. **Bhayanti** pīḷāyogato sappaṭibhayatāya bhayaṃ. **Itīti** bhayatupaṭṭhānaṃ kārānaniddeso.

Anuppādo khemanti santipade ñānantiādi pana ādīnavañānaṃ paṭipakkhañānadassanattam vuttaṃ. Bhayatupaṭṭhānena vā ādīnavaṃ disvā ubbiggahadayaṃ abhayampi atthi khemaṃ nirādīnavanti assāsajanantthampi etaṃ vuttaṃ. Yasmā vā yassa uppādādayo bhayato sūpaṭṭhitā honti, tassa tappaṭipakkhaninnaṃ cittaṃ hoti, tasmā bhayatupaṭṭhānavasena siddhassa ādīnavañānaṃ ānisaṃsadassanattampetaṃ vuttanti veditabbaṃ. **Anuppādo appavattanti**ādi nibbānameva. **Santipadeti** santikoṭṭhāse, nibbāneti attho. Anussavavasenāpi hi santipadanti nāmamattaṃ gahetvā uppannaṃ ñānampi “santipade ñāna”nti vuttaṃ.

Uppādo bhayaṃ, anuppādo khemantiādi vipakkhapaṭipakkhavasena ubhayaṃ samāsetvā uppajjamānaṃ ñānaṃ gahetvā vuttaṃ. Ettha ca yaṃ bhayaṃ, taṃ yasmā niyamato dukkhaṃ. Yañca dukkhaṃ, taṃ vaṭṭāmisalokāmisakilesāmisehi avippamuttattā sāmisaṃ. Yañca sāmisaṃ, taṃ

saṅkhāramattameva. Tasmā **uppādo dukkhanti bhayatupaṭṭhāne paññā ādīnave ñāṇantiādi** vuttaṃ. Evaṃ santēpi bhayākārena dukkhākārena sāmisaṅkārena saṅkhārākārenāti evaṃ ākāranānattato pavattivāsenettha nānattaṃ vedītabbaṃ. Uppādo bhayaṃ, dukkhaṃ, sāmisaṃ, saṅkhārā cāti uppādādīlingamanapekkhitvā “netam kho saraṇaṃ khemaṃ, netam saraṇamuttama”ntiādīsu (dha. pa. 189) viya attano līngāpekkhameva vuttaṃ. Saṅkhārāti ca ekattamanapekkhitvā “appaccayā dhammā, asaṅkhatā dhammā”tiādīsu (dha. sa. dukamātikā 7-8) viya bahuvacanaṃ kataṃ, uppādādīnaṃ vā saṅkhārekadesattā “uttare pañcālā, dakkhiṇe pañcālā”tiādīsu viya bahunnaṃ ekadesepi bahuvacanaṃ katanti vedītabbaṃ. **Khemaṃ sukhaṃ nirāmiṣaṃ nibbānanti** nibbānameva vuttākārānaṃ paṭipakkhavasena catudhā vuttaṃ. **Dasa ñāṇe pajānātīti** ādīnave ñāṇaṃ pajānanto uppādādivatthukāni pañca, anuppādādivatthukāni pañcāti dasa ñāṇe pajānāti paṭivijjhati sacchikaroti. **Dvīnaṃ ñāṇānaṃ kusalatāti** ādīnavañāṇassa ceva santīpadañāṇassa cāti imesaṃ dvīnaṃ ñāṇānaṃ kusalatāya. **Nānādīṭṭhīsu na kampaṭīti** paramadīṭṭhadhammanibbānādīvasena pavattāsu dīṭṭhīsu na vedhatīti.

Ādīnavañāṇaniddesavaṇṇanā niṭṭhitā.

9. Saṅkhārupekkhāñāṇaniddesavaṇṇanā

54. Saṅkhārupekkhāñāṇaniddese **uppādādīni** vuttatthāneva. **Dukkhanti bhayanti sāmīsanti saṅkhārāti** uppādādīmuñcanañāṇassa kāraṇavacanāni. Evañca lakkhaṇato saṅkhārupekkhaṃ dassetvā idāni atthato dassetuṃ **uppādo saṅkhārā, te saṅkhāre ajjupekkhatīti saṅkhārupekkhāti**ādīmāha. Tattha **saṅkhāre ajjupekkhatīti** tassa āradhāvīpassakassa vipassanāñāṇena lakkhaṇattayassa dīṭṭhattā lakkhaṇavicīnane pahīnabyāpārassa ādīte viya tayo bhava passato saṅkhāraggaṇe majjhattassa taṃ vipassanāñāṇaṃ te saṅkhāre vīsesena ca ikkhati, gahaṇena vajjitañca hutvā ikkhati oloketīti saṅkhārupekkhā nāmāti attho. Yathā loke vīsesena jayanto adhījayatīti, annena vajjito vasanto upavasatīti vuccati. Puna saṅkhāre aniccādīto vipassitvā gahaṇe majjhattabhāvasaṅṭhitam saṅkhārupekkhampi aniccādīto vipassitvā tassāpi saṅkhārupekkhāya gahaṇe majjhattākārasaṅṭhitāya saṅkhārupekkhāya sabbhāvato **ye ca saṅkhārā yā ca upekkhāti**ādī vuttaṃ.

55. Idāni saṅkhārupekkhāya cittābhīnīhārabhedam dassetuṃ **katihākārehīti**ādīmāha. Tattha **saṅkhārupekkhāyāti** bhummavacanaṃ. **Cittassa abhīnīhāroti** saṅkhārupekkhālābhīno tato aññassa cittassa saṅkhārupekkhābhīmukhaṃ katvā bhusaṃ haraṇaṃ. Abhīmukhattho hi ettha **abhisaddo**, bhusattho **nīsaddo**. **Katihākārehīti** pucchitam puccham **aṭṭhahākārehīti** vissajjetvā dutīyapucchāvīssajjaneneva te aṭṭhākāre dassetukāmo te adassetvā **puthujjanassa katihākārehīti**ādī puccham akāsi. **Puthujjanassāti** ettha pana –

Duve puthujjanā vuttā, buddhenādīcābandhunā;
Andho puthujjano eko, kalyāṇeko puthujjanoti.

Tattha yassa khandhadhātuāyatanādīsu uggahaparīpucchāsavanadhāraṇapaccavekkhaṇādīni natthi, ayaṃ andhaputhujjano. Yassa tāni atthi, so kalyāṇaputhujjano. Duvidhopi panesa –

Puthūnaṃ janānādīhi, kāraṇehi puthujjano;
Puthujjanantogadhattā, puthuvāyaṃ jano itī.

So hi puthūnaṃ nānappakārānaṃ kilesādīnaṃ janānādīhi kāraṇehi **puthujjano**. Yathāha – “puthu kīlese janentīti puthujjanā, puthu avīhatasakkāyādīṭṭhīkāti puthujjanā, puthu sathārānaṃ mukhullokkīkāti puthujjanā, puthu sabbagatīhi avuṭṭhītātī puthujjanā, puthu nānābhīsaṅkhāre abhīsaṅkharontīti puthujjanā, puthu nānāoghehi vuyhantīti puthujjanā, puthu nānāsantāpehi santappentīti puthujjanā, puthu nānāparīlāhehi parīdayhantīti puthujjanā, puthu pañcasu kāmaguṇesu rattā giddhā gadhitā mucchītā ajjhosannā laggā laggītā palibuddhātī puthujjanā, puthu pañcahi nīvaraṇehi āvutā nivutā ovutā pihītā paṭīcchannā paṭīkujjītātī puthujjanā”ti (mahāni. 94). Puthūnaṃ vā gaṇanapathātītanam ariyadhammaparammukhānaṃ nīcadhammasamācārānaṃ janānaṃ antogadhattāpi puthujjanā, puthu vā

ayaṃ viṣuṃyeva saṅkhaṃ gato, viṣaṃsaṭṭho sīlasutādiguṇayuttehi ariyehi janotipi puthujjano. Tesu kalyāṇaputhujjano idhādhippeto itarassa bhāvanāya eva abhāvā.

Sekkhassāti ettha satta sekkhā

soṭāpattimaggaphalasakadāgāmimaggaphalaanāgāmimaggaphalaarahattamaggaṭṭhā. Te hi tisso sikkhā sikkhantīti sekkhā. Tesu soṭāpattisakadāgāmianāgāmiphalaṭṭhā tayo idhādhippetā maggaṭṭhānaṃ saṅkhārupekkhāya cittābhinihārābhāvā.

Vītarāgassāti ettha samucchavedavigamena vigato rāgo assāti vītarāgo. Arahato etaṃ adhvacaṇaṃ. Tīsupi padesu jātiggahaṇena ekavacaṇaṃ kataṃ.

Saṅkhārupekkhaṃ abhinandatīti tasmim upekkhāvihāre phāsuvihārasaññaṃ paṭilabhitvā phāsuvihāranikantiyā saṅkhārupekkhābhimukho hutvā nandati, sappītikaṃ taṇhaṃ uppādetīti attho. **Vipassatīti** soṭāpattimaggapaṭilābhatthaṃ aniccādivasena vividhā passati, sekkho uparimaggatthaṃ, vītarāgo diṭṭhadhammasukhavihāratthaṃ vipassati. **Paṭisaṅkhāyāti** aniccādivaseneva upaparikkhitvā. Yasmā pana soṭāpannādayo ariyā sakaṃ sakaṃ phalasaṃpattim samāpajjamānā udayabbayaññādihi navahi vipassanāññehi avipassitvā samāpajjitum na sakkonti, tasmā **paṭisaṅkhāya vā phalasaṃpattim samāpajjatīti** vuttaṃ.

Phalasaṃpattiyā pavattidassanattaṃ pana tesam idaṃ pañhakammaṃ – kā phalasaṃpatti? Ke taṃ samāpajjanti? Ke na samāpajjanti? Kasmā samāpajjanti? Kathaṅcassā samāpajjanaṃ hoti? Kathaṃ ṭhānaṃ? Kathaṃ vuṭṭhānaṃ? Kiṃ phalassa anantaraṃ? Kassa ca phalaṃ anantaranti?

Tattha **kā phalasaṃpattīti**? Yā ariyaphalassa nirodhe appanā.

Ke taṃ samāpajjanti? Ke na samāpajjantīti? Sabbepi puthujjanā na samāpajjanti. Kasmā? Anadhigatattā. Ariyā pana sabbepi samāpajjanti. Kasmā? Adhigatattā. Uparimā pana heṭṭhimaṃ na samāpajjanti puggalantarabhāvūpagamanena paṭippassaddhattā, heṭṭhimā ca uparimaṃ anadhigatattā. Attano attanoyeva pana phalaṃ sabbepi samāpajjantīti idamettha sannitṭhānaṃ.

Keci pana “soṭāpannasakadāgāminopi na samāpajjanti, uparimā dveyeva samāpajjanti”ti vadanti. Idañca nesaṃ kāraṇaṃ – ete hi samādhismim paripūrakārinoti. Taṃ puthujjanassāpi attanā paṭiladdhaṃ lokiyasaṃpattim samāpajjanato akāraṇameva. Kiñcetta kāraṇākāraṇacintāya. Nanu idheva pāliyaṃ “katame dasa saṅkhārupekkhā vipassanāvasena uppajjanti, katame dasa gotrabhudhammā vipassanāvasena uppajjanti”ti (paṭi. ma. 1.60) imesaṃ pañhānaṃ vissajjane “soṭāpattiphalasaṃpattatthāya sakadāgāmiphalasaṃpattatthāyā”ti (paṭi. ma. 1.60) viṣuṃ viṣuṃ vuttā. Tasmā sabbepi ariyā attano attano phalaṃ samāpajjantīti niṭṭhamettha gantabbam.

Kasmā samāpajjantīti? Diṭṭhadhammasukhavihāratthaṃ. Yathā hi rājāno rajjasukhaṃ, devatā dibbasukhamaṇubhavanti, evaṃ ariyā “lokuttarasukhaṃ aṇubhavissāmā”ti addhānaparicchedaṃ katvā icchiticchitakkhaṇe phalasaṃpattim samāpajjanti.

Kathaṅcassā samāpajjanaṃ hoti, kathaṃ ṭhānaṃ, kathaṃ vuṭṭhānanti? Dvīhi tāva ākārehi assā samāpajjanaṃ hoti nibbānato aññaṃ ārammaṇassa amanasikārā, nibbānassa ca manasikārā. Yathāha – “dve kho, āvuso, paccayā animittāya cetovimuttiyā samāpattiyā sabbanimittānañca amanasikāro, animittāya ca dhātuyā manasikāro”ti (ma. ni. 1.458). Ayaṃ panettha samāpajjanakkamo – phalasaṃpattatthikena hi ariyasāvakena rahogatenā paṭisallīnena udayabbayādivasena saṅkhārā vipassitabbā. Tassa pavattānupubbavipassanassa saṅkhārārammaṇagotrabbhuññānantaraṃ phalasaṃpattivasena nirodhe cittaṃ appeti. Phalasaṃpattininnatāya cettha sekkhassāpi phalameva uppajjati, na maggo. Ye pana vadanti “soṭāpanno ‘phalasaṃpattim samāpajjissāmī’ti vipassanaṃ paṭṭhapetvā sakadāgāmī hoti, sakadāgāmī ca anāgāmī”ti. Te vattabbā “evaṃ sati anāgāmī arahā bhavissati, arahā paccekabuddho, paccekabuddho ca buddho”ti.

Tasmā na kiñci etaṃ, pāḷivaseneva ca paṭikkhittantipi na gahetabbaṃ. Idameva pana gahetabbaṃ. Sekkhassāpi phalameva uppajjati, na maggo. Phalañcassa sace anena paṭhamajjhāniko maggo adhigato hoti, paṭhamajjhānikameva uppajjati, sace dutiyādīsu aññatarajjhāniko, dutiyādīsu aññatarajjhānikamevāti evaṃ tāvassā samāpajjanaṃ hoti.

“Tayo kho, āvuso, paccayā animittāya cetovimuttiyā ṭhitiyā sabbanimittānañca amanasikāro, animittāya ca dhātuyā manasikāro, pubbe ca abhisankhāro”ti (ma. ni. 1.458) vacanato panassā tīhākārehi ṭhānaṃ hoti. Tattha **pubbe ca abhisankhāro**ti samāpattito pubbe kālaparicchedo. “Asukasmiṃ nāma kāle vuṭṭhahissāmī”ti paricchinnattā hissā yāva so kālo nāgacchati, tāva ṭhānaṃ hoti. Evamassa ṭhānaṃ hoti.

“Dve kho, āvuso, paccayā animittāya cetovimuttiyā vuṭṭhānāya sabbanimittānañca manasikāro, animittāya ca dhātuyā amanasikāro”ti (ma. ni. 1.458) vacanato panassā dvīhākārehi vuṭṭhānaṃ hoti. Tattha **sabbanimittānanti** rūpanimittavedanāsaññāsankhāravīññāṇanimittānaṃ. Kāmañca na sabbānevetāni ekato manasi karoti, sabbasaṅgāhikavasena panetaṃ vuttaṃ. Tasmā yaṃ bhavaṅgassa ārammaṇaṃ hoti, taṃ manasikaroto phalasaṃpattito vuṭṭhānaṃ hotīti evamassā vuṭṭhānaṃ veditabbaṃ.

Kiṃ phalassa anantaraṃ, kassa ca phalaṃ anantaranti? Phalassa tāva phalameva vā anantaraṃ hoti bhavaṅgaṃ vā. Phalaṃ pana atthi maggānantaraṃ, atthi phalānantaraṃ, atthi gotrabhuanantaraṃ, atthi nevasaññānāsaññāyatanānantaranti. Tattha maggavīthiyaṃ maggānantaraṃ, purimassa purimassa pacchimaṃ pacchimaṃ phalānantaraṃ, phalasaṃpattīsu purimaṃ purimaṃ gotrabhuanantaraṃ. **Gotrabhūti** cettha anulomaṃ veditabbaṃ. Vuttañhetamaṃ paṭṭhāne “arahato anulomaṃ phalasaṃpattiyā antarapaccayena paccayo. Sekkhānaṃ anulomaṃ phalasaṃpattiyā antarapaccayena paccayo”ti (paṭṭhā. 1.1.417). Yena phalena nirodhā vuṭṭhānaṃ hoti, taṃ nevasaññānāsaññāyatanānantaranti. Tattha ṭhapetvā maggavīthiyaṃ uppanaphalaṃ avasesaṃ sabbamaṃ phalasaṃpattivasena pavattaṃ nāma. Evametaṃ maggavīthiyaṃ vā phalasaṃpattiyaṃ vā uppajjanavasena –

“Paṭippassaddhadarathaṃ, amatārammaṇaṃ subhaṃ;
Vantalokāmisamaṃ santaṃ, sāmāññaphalamuttama”nti.

Ayamettha phalasaṃpattikathā.

Tadajjupekkhitvāti taṃ saṅkhārupekkhaṃ aññena tādiseneva vipassanāññāna ajjupekkhitvā. **Suññatavīhārena vāti**ādīsu phalasaṃpattim vīnā vipassanāvīhāreneva viharitukāmassa arahato attābhinivesaṃ bhayato disvā suññatādhimuttassa saṅkhārupekkhāya vayaṃ passantassa vipassanattayavīhāro suññatavīhāro nāma, saṅkhāranimittaṃ bhayato disvā animittādhimuttassa saṅkhārupekkhāya vayaṃ passantassa vipassanattayavīhāro animittavīhāro nāma, taṇhāpaṇidhiṃ bhayato disvā appaṇihitādhimuttassa saṅkhārupekkhāya vayaṃ passantassa vipassanattayavīhāro appaṇihitavīhāro nāma. Tathā hi parato vuttaṃ –

“Abhinivesaṃ bhayato sampassamāno suññate adhimuttattā phussa phussa vayaṃ passati, suññato vīhāro. Nimittaṃ bhayato sampassamāno animitte adhimuttattā phussa phussa vayaṃ passati, animitto vīhāro. Paṇidhiṃ bhayato sampassamāno appaṇihite adhimuttattā phussa phussa vayaṃ passati, appaṇihito vīhāro”ti (paṭi. ma. 1.78).

Chaḷaṅgupekkhāsabbhāvena ca paṭikūle appaṭikūlasaññādivīhārasabbhāvena ca arahatoyeva sabbākārena cittaṃ vase vattati, tato ayaṃ vipassanāvīhāro arahatoyeva ijjaṭīti vuttaṃ hoti. **Vītarāgo saṅkhārupekkhaṃ vipassati vāti** ettha pana tidhā ca bhayaṃ, tidhā ca adhimuttim anāpajjitvā kevalaṃ vipassanāti veditabbā. Evañhi sati pubbāparaviseso hoti.

56. Idāni dvinnaṃ tiṇṇaṃ puggalānaṃ vasena saṅkhārupekkhāya ekattanānattabhedamaṃ dassetukāmo **kathaṃ puthujjanassa ca sekkhassa cāti**ādīmāha. Tattha **cittassa abhinīhāro ekattaṃ hotīti** eko hoti, sakatthe bhāvavacananti veditabbaṃ. Yathā idappaccayā eva idappaccayatāti vuttaṃ, tathā ekova ekattaṃ.

Abhinīhāroti sāmīatthe paccattavacanāṃ vā, abhinīhārassāti attho. “So deso sammajjitvā”tiādīsu (mahāva. 168) viya vibhattivipallāso katoti veditabbo. **Cittam kilissatīti** vipassanānikantisānkhātena lobhakilesena cittaṃ kilissati, tāpīyati bādhiyatīti attho. **Bhāvanāya paripantho hotīti** paṭiladdhāya vipassanābhāvanāya upaghāto hoti. **Paṭivedhassa antarāyo hotīti** vipassanābhāvanāya paṭilabbhitabbassa saccappaṭivedhassa paṭilābhantarāyo hoti. **Āyatim paṭisandhiyā paccayo hotīti** saṅkhārupekkhāsampayuttakammassa balavattā teneva sugatipaṭisandhiyā dīyamānāya atinandanasānkhāto lobhakilesa anāgate kāmāvacarasugatipaṭisandhiyā paccayo hoti. Yasmā kilesasahāyaṃ kammaṃ vipākaṃ janeti, tasmā kammaṃ janakapaccayo hoti, kilesa upatthambhakapaccayo. Sekkhassa pana **uttaripaṭivedhassāti** sakadāgāmimaggādivasena saccappaṭivedhassa. **Āyatim paṭisandhiyā paccayo hotīti** sekkhesu sotāpānasakadāgāmīnaṃ anadhigatajjhānānaṃ saṅkhārupekkhākammena dīyamānāya kāmāvacarasugatipaṭisandhiyā abhinandanakilesa paccayo hoti, jhānalābhīnaṃ pana anāgāmiṃsa ca brahmalokeya paṭisandhānato paccayo na hoti, anulomagotrabhūhi ca dīyamānāya paṭisandhiyā ayameva kilesa paccayo hotīti veditabbo.

Aniccatoti hutvā abhāvaṭṭhena aniccantikatāya ādiantavantatāya ca aniccato. **Dukkhatoti** abhiṇhaṃ paṭipīlanatṭhena uppādavayapaṭipīlanatāya dukkhavattutāya ca dukkhato. **Anattatoti** avasavattanatṭhena paccayāyattavuttitāya sāmīnivāsīkārakavedakābhāvena ca anattato. **Anupassanaṭṭhenāti** anu anu aniccādito passanaṭṭhena. **Abhinīhāro nānattam hotīti** abhinīhāro nānā hotīti vā abhinīhārassa nānābhāvo hotīti vā veditabbaṃ.

Kusalāti ārogyatṭhena anavajjattṭhena kosallasambhūtattṭhena ca. **Abyākatāti** kusalākusalabhāvena na byākatā. **Kiñcikāle suviditāti** vipassanākāle suṭṭhu viditā. **Kiñcikāle na suviditāti** abhinandanakāle na suṭṭhu viditā. **Accantaṃ suviditāti** abhinandanāya pahīnattā ekantena suviditā. **Viditattṭhena ca aviditattṭhena cāti** ettha puthujanasekkhānaṃ suviditattṭhopi vītarāgassa accantasuvīditattṭhopi viditattṭhova hoti, dvinnampi na suviditattṭho aviditattṭhova.

Atittattāti vipassanāya karaṇīyassa aperiyoṣitattā appaṇītabhāvena. Tabbiparītena **tittattā. Tiṇṇaṃ saññojanānaṃ pahānāyāti** sakkāyadīṭṭhivicikicchāsīlabbataparāmāsānaṃ pahānatthaṃ. Pacchimabhavikāpi bodhisattā ettheva saṅghaṃ gacchanti. Apacchimabhavikā pana vipassanaṃ saṅkhārupekkhaṃ pāpetvā ṭhapenti. **Sotāpattimaggam paṭilābhatthāyāti** asamāsetvā paṭhanti, samāsetvā pāṭho sundarataro. **Sekkho tiṇṇaṃ saññojanānaṃ pahīnattāti** sotāpānasakadāgāmīnāgāmīnaṃ sāmāññena vuttaṃ. Sakadāgāmīnāgāmīnampi hi tāni pahīnāneva. **Uttaripaṭilābhatthāyāti** uparūparimaggapaṭilābhatthaṃ. **Diṭṭhadhammasukhavihāratthāyāti** diṭṭheva dhamme paccakkhe attabhāve yo sukho vihāro, tadatthāya. **Vihārasamāpattattṭhenāti** sekkhassa phalasaṃpattattṭhena, vītarāgassa vipassanāvīhāraphalasaṃpattattṭhena.

57. Idāni saṅkhārupekkhānaṃ gaṇanaparicchedaṃ dassetuṃ **kati saṅkhārupekkhāti**tiādīmāha. Tattha **samathavasenāti** samādhivasena. Ayameva vā pāṭho. **Nīvaraṇe paṭisaṅkhāti** pañca nīvaraṇāni pahātābbabhāvena pariggahetvā. **Santiṭṭhanāti** nīvaraṇānaṃ pahānābhīmukhībhūtattā tesam pahānepi abyāpārābhāvūpagamanena majjhattatāya santiṭṭhanā. **Saṅkhārupekkhāsūti** nīvaraṇappahāne byāpārākaraṇena nīvaraṇasaṅkhātānaṃ saṅkhārānaṃ upekkhānāsu. Esa nayo vitakkavicārādīsu ca. Samathe saṅkhārupekkhā nāma appanāvīthiyā āsannapubbabhāge balappattābhāvanāmayaññaṃ. **Sotāpattimaggam paṭilābhatthāyāti**tiādīsu catūsu maggavāresu suññatānimittaappaṇihitamaggānaṃ aññataraññataro maggo labbhatī. **Sotāpattiphalasaṃpattattṭhāyāti**tiādīsu catūsu phalavāresu pana appaṇihitā phalasaṃpattī veditabbā. Kasmā? “Suññatāvīhārasamāpattattṭhāya animittāvīhārasamāpattattṭhāyā”ti itarāsaṃ dvinnam phalasaṃpattīnaṃ visum vuttattā. Aniccānupassanāvuttṭhānavasena hi animittamaggo, tatheva phalasaṃpattīkāle animittaphalasaṃpattī, dukkhānupassanāvuttṭhānavasena appaṇihitamaggaphalasaṃpattīyo, anattānupassanāvuttṭhānavasena suññatamaggaphalasaṃpattīyo suttāntanayeneva veditabbā.

Ettha ca catūsu maggavāresu **uppādanti**tiādīni pañca mūlapadāni, **gatinti**tiādīni dasa vevacanapadānīti pannarasa padāni vuttāni. Chasu pana phalasaṃpattīvāresu pañca mūlapadāneva vuttāni. Tam kasmā iti

ce? Saṅkhārupekkhāya tikkhabhāve sati kilesappahāne samatthassa maggassa sambhavato tassā tikkhabhāvadassanattam vevacanapadehi saha daḷham katvā mūlapadāni vuttāni. Phalassa nirussāhabhāvena santasabhāvattā maggāyattattā ca mandabhūtāpi saṅkhārupekkhā phalassa paccayo hotīti dassanattam mūlapadāneva vuttānīti veditabbāni.

58. Idāni jātivāsena pucchitvā labbhamānavāsena vissajjetum **kati saṅkhārupekkhā kusalā**tiādīmāha. Tattha **pannarasa saṅkhārupekkhā**ti samathavasena aṭṭha, catunnam maggānam tiṇnam phalānam vasena sattāti pannarasa. Samathavasena aṭṭha saṅkhārupekkhā arahato nīvaraṇapaṭisaṅkhābhāvato, vitakkavicārādīnam pahānabyāpāram vinā sukhena pahānato ca saṅkhārupekkhānamassa ananurūpāti katvā tāsam abyākatatā na vuttāti veditabbā. Arahātā pana phalasaṃpattim samāpajantena saṅkhārupekkham vinā samāpajitum na sakkāti tisso saṅkhārupekkhā abyākatāti vuttā. Appaṇihitasuññātānimittavasena hi arahato tisso saṅkhārupekkhā.

Idāni saṅkhārupekkhānam saṃvaṇṇanāvasena vuttāsu tīsu gāthāsu **paṭisaṅkhāsantiṭṭhanā paññāti** saṅkhārupekkhā. **Aṭṭha cittassa gocarāti** samathavasena vuttā aṭṭha saṅkhārupekkhā samādhissa visayā, bhūmiyoti attho. “Cittam paññaṅca bhāvaya”ntiādīsu (saṃ. ni. 1.23, 192) viya cittaśīsena samādhi niddiṭṭho, “gocare, bhikkhave, caratha sake pettike visaye”tiādīsu (saṃ. ni. 5.372) viya gocarasaddena visayo. Yañhi yadāyattam, tassesu visayoti vuccati. **Puthujjanassa dveti** samathavasena vipassanāvasena ca. **Tayo sekkhassāti** samathavipassanāsamāpattivasena. **Tayo ca vītarāgassāti** appaṇihitasuññātānimittaphalasaṃpattivasena. “Tisso”ti vattabbe “tayo”ti ca līngavipallāso kato. Tayo saṅkhārupekkhā dhammāti vā yojetabbam. **Yehi cittam vivaṭṭatīti** yehi saṅkhārupekkhādhammehi vitakkavicārādito, uppādādito vā cittam apagacchati. Vītarāgassāpi hi saṅkhārupekkhāsabhāvato ca saṅkhārato cittam vivaṭṭitvā nibbānam pakkhandatīti vuttam hoti. **Aṭṭha samādhissa paccayāti** samathavasena vuttā aṭṭha appanāsampāpakattā appanāsamādhissa paccayā. **Dasa ñāṇassa gocarāti** vipassanāvasena vuttā dasa maggañāṇassa phalañāṇassa ca bhūmiyo. **Tiṇnam vimokkhāna paccayāti** suññātānimittappaṇihitavimokkhānam upanissayapaccayā. **Nānādiṭṭhīsu na kampaṭīti** bhaṅgam avissajjitvāva saṅkhāre aniccādivāsena vipassanto sassatadiṭṭhiādīsu nānappakārāsu diṭṭhīsu na vedhatīti.

Saṅkhārupekkhāñāṇaniddesavaṇṇanā niṭṭhitā.

10. Gotrabhuñāṇaniddesavaṇṇanā

59. Gotrabhuñāṇaniddese **abhibhuyatīti** abhibhavati atikkamati. **Bahiddhā saṅkhāranimittanti** sakasantānappavattaakusalakkhandhato bahiddhābhūtam saṅkhāranimittam. Lokikasaṅkhārā hi kilesānam nimittatā, nimittākārena upaṭṭhānato vā nimittanti vuccanti. **Abhibhuyatīti gotrabhūti** ca puthujjanagottābhibhavanato gotrabhubhāvo vutto. **Pakkhandatīti gotrabhūti** ariyagottabhāvanato gotrabhubhāvo vutto. **Abhibhuyitvā pakkhandatīti gotrabhūti** ubho atthe samāsetvā vuttam. **Vuṭṭhātīti gotrabhūti** ca **vivaṭṭatīti gotrabhūti** ca mātikāya vuṭṭhānavivaṭṭanapadānurūpena puthujjanagottābhibhavanatthoyeva vutto. Samathavasena vuttagotrabhūnam pana nīvaraṇādigottābhibhavanato gotrabhūti, “sotāpattiphalasaṃpattatthāyā”tiādīsu chasu samāpattivāresu uppādādigottābhibhavanato gotrabhūti, “sakadāgāmimaggam paṭilābhatthāyā”tiādīsu tīsu maggavāresu sotāpannādigottābhibhavanato gotrabhūti attho veditabbo. Gottattho cettha bījattho. Vattanipakarāṇe kira vuttam – gottam vuccati nibbānam sabbaparipanthehi guttattā, tam paṭipajjatīti gotrabhūti, aṭṭha samāpattiyopi gottam gotrabhuparipanthehi guttattā, tam gottam paṭipajjatīti gotrabhūti vuttam. “Catunnam maggānamyeva gotrabhu nibbānārammaṇam, catassannaṃ phalasaṃpattīnam gotrabhu saṅkhārārammaṇam phalasaṃpattininnatā”ti vadanti. Vuttañhetam visuddhimagge – “tassa pavattānupubbavipassanassa saṅkhārārammaṇagotrabhuñāṇānantaram phalasaṃpattivasena nirodhe cittam appetī”ti (visuddhi. 2.863). Tenevettha maggavāresu soḷasamam katvā gahitassa bahiddhāsaṅkhāranimittapadassa samāpattivāresu chaṭṭham katvā gahaṇam na katanti veditabbam. Itarathā hi mūlapadagahaṇena gahetabbam bhaveyya.

Aññe pana “yo nibbāne paṭhamābhogo paṭhamasamannāhāro, ayam vuccati gotrabhū”ti vadanti.

Taṃ phalaṃ sandhāya na yujjati. **Pannarasa gotrabhuddhammā kusalā**ti ettha arahato abhibhavitabbānābhāvato vitakkavicārādīnaṃ sukheva pahātabbābhāvato ca abhibhavanatthēna gotrabhunāmaṃ nārahantīti katvā gotrabhūnaṃ abyākataṭā na vuttāti veditabbā. Arahataṭā pana phalasaṃpattīṃ samāpajjantena saṅkhāre anabhibhuyya samāpajjitūṃ na sakkāti ‘‘tayo gotrabhuddhammā abyākataṭā’’ti vuttā. Keci pana ‘‘atthā samāpattiyo nibbedhabhāgiyā eva idha niddiṭṭhā, tasmā atthā samāpattigotrabhū kusalā hontī’’ti vadantī. Tathā saṅkhārupekkhāyapi veditabbāṃ.

60. Sāmisāñcātiādīsu vaṭṭāmisalokāmisakilesāmisānaṃ kilesāmisena sāmisāṃ sanikantikattā. Kiṃ taṃ? Atthavidhaṃ samathagotrabhuñāṇaṃ. **Vaṭṭāmisanti** cettha tebhūmakavaṭṭameva. **Lokāmisanti** pañca kāmagaṇā. **Kilesāmisanti** kilesā eva. **Nirāmisanti** dasavidhaṃ vipassanāgotrabhuñāṇaṃ anikantikattā. Na hi ariyā gotrabhusmiṃ nikantiṃ karontī. Potthake ‘‘sāmisāñce’’ti likhanti, taṃ na sundarataṃ. Evameva paṇihitañca appaṇihitaṃ saññuttañca visaññuttaṃ vuṭṭhitañca avuṭṭhitaṃ veditabbāṃ. Nikanti paṇidhiyā hi **paṇihitaṃ** patthitanti attho. Tadabhāvena **appaṇihitaṃ**. Nikanti saññogena **saññuttaṃ**. Tadabhāvena **visaññuttaṃ**. **Vuṭṭhiti** vipassanāgotrabhuñāṇameva. Tañhi nikanti cchedakattā vuṭṭhitaṃ nāma. Itaraṃ **avuṭṭhitaṃ**. Bahiddhā vuṭṭhānattā vā vuṭṭhitaṃ. Phalagotrabhupi hi nibbānjhāsaya vasena nibbānābhīmukhībhūtattā bahiddhāsaṅkhāranimittā vuṭṭhitaṃ nāmāti veditabbāṃ. Heṭṭhābhivhanavavuttānavivaṭṭanavāresupi phalagotrabhu ajjhāsaya vasena nibbānābhīmukhībhūtattā abhibhuyyati vuṭṭhāti vivaṭṭatīti veditabbāṃ. **Tiṇṇaṃ vimokkhāna paccayā**ti tiṇṇaṃ lokuttaravimokkhānaṃ samathagotrabhu pakatūpanissaya paccayā hontī, vipassanāgotrabhu anantarasamanantarūpanissaya paccayā hontī. **Paññā yassa pariccitā**ti pubbhāgapaññā yassa pariccitā paricīṇā. **Kusalo vivaṭṭe vuṭṭhāneti** asammohavaseneva vivaṭṭasaṅkhāte gotrabhuñāṇe kusalo cheko, pubbhāgapaññāna vā kusalo. **Nānādiṭṭhīsu na kampa**ti samucchēdena pahīnāsu nānappaṅkārasu diṭṭhīsu na vedhatīti.

Gotrabhuñāṇaniddesavaṇṇanā niṭṭhitā.

11. Maggañāṇaniddesavaṇṇanā

61. Maggañāṇaniddese **micchādiṭṭhiyā vuṭṭhātī**ti diṭṭhānusayappahānena samucchēdavasena dvāsaṭṭhibhedato micchādiṭṭhito vuṭṭhāti. **Tadanuvattakakilesehi**ti micchādiṭṭhisampayogavasena ca micchādiṭṭhiupanissayena ca uppajjamānehi micchādiṭṭhianuvattamānehi nānāvidhehi kilesehi. Tena tadekaṭṭhakilesappahānaṃ vuttaṃ hoti. Duvidhañhi ekaṭṭhaṃ sahaṃ ekaṭṭhaṃ pahānekaṭṭhañca. Tāya diṭṭhiyā saha ekasmiṃ citte, ekasmiṃ puggale vā yāva pahānā ṭhitāti tadekaṭṭhā. Diṭṭhiyā hi pahīyamānāya diṭṭhisampayuttesu dvīsu asaṅkhārikacittesu tāya diṭṭhiyā sahaṃ jātā lobho moho uddhaccaṃ ahirikaṃ anottappanti ime kilesā, dvīsu asaṅkhārikacittesu tāya diṭṭhiyā sahaṃ jātā lobho moho thināṃ uddhaccaṃ ahirikaṃ anottappanti ime kilesā **sahaṃ ekaṭṭhavasena** pahīyanti. Diṭṭhikileseyeva pahīyamāne tena saha ekasmiṃ puggale ṭhitā apāyagamanīyā lobho doso moho māno vicikicchā thināṃ uddhaccaṃ ahirikaṃ anottappanti ime kilesā **pahānekaṭṭhavasena** pahīyanti. **Khandhehi**ti tadanuvattakeheva khandhehi, taṃ diṭṭhiṃ anuvattamānehi sahaṃ ekaṭṭhehi ca pahānekaṭṭhehi ca catūhi arūpakkhandhehi, taṃsamuttānarūpehi vā saha pañcahi khandhehi micchādiṭṭhiādikilesapaccayā anāgate uppajjitabbehi vipākakkhandhehi. **Bahiddhā ca sabbanimittehi**ti yathāvuttakilesakkhandhato bahibhūtehi sabbasaṅkhāranimittehi. **Micchāsaṅkappā vuṭṭhātī**ti sotāpattimaggena pahātabbesu catūsū diṭṭhisampayuttesu, vicikicchāsaṅkappā cāti pañcasu cittesu apāyagamanīyasesākusalacittesu ca micchāsaṅkappā vuṭṭhāti.

Micchāvācāya vuṭṭhātīti musāvādato ceva apāyagamanīyapisaṅkappasamphappalāpehi ca vuṭṭhāti. **Micchākammantā vuṭṭhātī**ti pañātipātādinānāmicchācārehi vuṭṭhāti. **Micchāājīvā vuṭṭhātī**ti kuhanā lapanā nemittikatā nippesikatā lābhena lābhamaññijjīsanatā, ājīvahetukehi vā sattaḥipi kāyavacīkammehi vuṭṭhāti. Micchāvāyāmicchāsatimicchāsamādhīhi vuṭṭhānaṃ micchāsaṅkappavuttāne vuttanayeneva veditabbāṃ. **Micchāsaṭṭhi**ti ca satiyā paṭipakkhāreṇa uppajjamānā akusalacittupādāmatameva. Uparimaggattaye ‘‘dassanaṭṭhena sammādiṭṭhī’’tiādīni atthā maggaṅgāni yathā paṭhamajjhānike paṭhamamagge labbhanti, tatheva labbhanti. Tattha paṭhamamagge

sammādiṭṭhi micchādiṭṭhiṃ pajahatīti sammādiṭṭhi. Sammāsankappādayopi micchāsankappādīnaṃ pajahanattheneva veditabbā. Evaṃ sante paṭhamamaggeneva dvāsaṭṭhiyā diṭṭhigatānaṃ pahīnattā uparimaggattayena pahātabbā diṭṭhi nāma natthi.

Tattha sammādiṭṭhīti nāmaṃ kathaṃ hotīti? Yathā viṣaṃ atthi vā hotu mā vā, agado agadotveva vuccati, evaṃ micchādiṭṭhi atthi vā hotu mā vā, ayaṃ sammādiṭṭhi eva nāma. Yadi evaṃ nāmamattamevetam hoti, uparimaggattaye pana sammādiṭṭhiyā kiccābhāvo āpajjati, maggaṅgāni na paripūrenti. Tasmā sammādiṭṭhi sakiccakā kātabbā, maggaṅgāni paripūretabbānīti. Sakiccakā cettha sammādiṭṭhi yathālābhaniyamena dīpetabbā. Uparimaggattayavajjho hi eko māno atthi, so diṭṭhiṭṭhāne tiṭṭhati, sā taṃ mānaṃ pajahatīti sammādiṭṭhi. Sotāpattimaggasmiṃhi sammādiṭṭhi micchādiṭṭhiṃ pajahati. Sotāpanassa pana sakadāgāmimaggavajjho māno atthi, taṃ mānaṃ pajahatīti sammādiṭṭhi. Tasseva sattaakusalacittasahajāto saṅkappo atthi, teheva cittehi vācaṅgacopanaṃ atthi, kāyaṅgacopanaṃ atthi, paccayaparibhogo atthi, saḥajātavāyāmo atthi, assatiyabhāvo atthi, saḥajātacittekkaggatā atthi, ete micchāsankappādayo nāma. Sakadāgāmimagge sammāsankappādayo tesam pahānena sammāsankappādayoti veditabbā. Evaṃ sakadāgāmimagge aṭṭhaṅgāni sakiccakāni honti. Sakadāgāmissa anāgāmimaggavajjho māno atthi, so diṭṭhiṭṭhāne tiṭṭhati. Tasseva sattahi cittehi saḥajātā saṅkappādayo atthi. Tesam pahānena anāgāmimagge aṭṭhannaṃ aṅgānaṃ sakicakatā veditabbā. Anāgāmissa arahattamaggavajjho māno atthi, so diṭṭhiṭṭhāne tiṭṭhati. Yāni panassa pañca akusalacittāni, tehi saḥajātā saṅkappādayo atthi. Tesam pahānena arahattamagge aṭṭhannaṃ aṅgānaṃ sakicakatā veditabbā.

Olārikāti kāyavaḥdvāre vītikkamassa paccayabhāvena thūlabhūtāmhā. **Kāmarāgasaññojanāti** methunarāgasankhātā saññojanā. So hi kāmabhave saññojetīti saññojananti vuccati. **Paṭighasaññojanāti** byāpādasaññojanā. So hi ārammaṇe paṭihaññatīti paṭighanti vuccati. Te eva thāmagataṭṭhena santāne anusentīti **anusayā**. **Aṇusahagatāti** aṇubhūtā, sukhumabhūtāti attho. Tabbhāve hi ettha saḥagatasaddo. Sakadāgāmissa hi kāmarāgabyāpādā dvīhi kāraṇehi aṇubhūtā adhiccuppattiyā ca pariyuṭṭhānamandatāya ca. Tassa hi bālaputhujjanassa viya kilesā abhiñhaṃ na uppajjanti, kadāci karahaci uppajjanti. Uppajjamānā ca bālaputhujjanassa viya maddantā pharantā chādentā andhaandham karontā na uppajjanti, dvīhi pana maggehi pahīnattā mandamandā tanukākārā hutvā uppajjanti, vītikkamaṃ pāpetuṃ samatthā na honti. Evaṃ tanubhūtā anāgāmimaggena pahīyanti **rūparāgāti** rūpabhave chandarāgā. **Arūparāgāti** arūpabhave chandarāgā. **Mānāti** unnatilakkhaṇā. **Uddhaccāti** avūpasamalakkhaṇā. **Avijjāyāti** andhalakkhaṇāya. **Bhavarāgānusayāti** rūparāgārūparāgavasena pavattabhavarāgānusayā.

62. Idāni maggañāṇasaṃvaṇṇanaṃ karonto **ajātaṃ jhāpetīti**ādimāha. Tattha ca **ajātaṃ jhāpeti jātena, jhānaṃ tena pavuccatīti** attano santāne pātubhūtena tena tena lokuttarajjhānena taṃsamaṅgīpuggalo ajātameva taṃ taṃ kilesaṃ jhāpeti dahati samucchindati, tena kāraṇena taṃ lokuttaram jhānanti pavuccatīti attho. **Jhānavimokkhe kusalatāti** tasmim ariyamaggasampayutte vitakkādiḥ jhāne ca vimokkhasankhāte ariyamagge ca asammohavasena kusalatāya paṭhamamaggeneva pahīnāsu nānādiṭṭhisu na kampati. Jhānaṃ nāma duvidham ārammaṇūpanijjhānañca lakkhaṇūpanijjhānañca. Lokiyapaṭhamajjhānadikaṃ kasiṇādiārammaṇūpanijjhānaṭṭhena jhānaṃ, vipassanāsankhārānaṃ sabhāvasāmaññalakkhaṇūpanijjhānaṭṭhena jhānaṃ, lokuttaram nibbāne tathalakkhaṇūpanijjhānaṭṭhena jhānaṃ. Idha pana gotrabhunāpi sādharānaṃ lakkhaṇūpanijjhānaṭṭham anāmasitvā asādharānena kilesajhāpanaṭṭhena jhānaṃ vuttaṃ. Vimokkhaṭṭho panettha nibbānārammaṇe suṭṭhu adhimuccanaṭṭho kilesehi ca suṭṭhu muccanaṭṭho.

Samādahitvā yathā ce vipassatīti appanūpacārakhaṇikasamādhīnaṃ aññatarena samādhinā paṭhamam cittasamādhānaṃ katvā pacchā yathā vipassati ca. Samuccayattho ce-saddo vipassanaṃ samuccinoti. **Vipassamāno tathā ce samādaheti** vipassanā nāmesā lūkhabhūtā nirassādā, samatho ca nāma siniddhabhūto saassādo. Tasmā tāya lūkhabhūtaṃ cittaṃ sinehetuṃ vipassamāno tathā ca samādahe. Vipassamāno puna samādhim pavisitvā cittasamādhānañca tatheva kareyya, yatheva vipassananti attho. Idha ce-saddo samādahanaṃ samuccinoti. Ubhayatthāpi gāthābandhānuvattanena ce-kāro kato, attho pana ca-kārattho eva. **Vipassanā ca samatho tadā ahūti** yasmā samathavipassanānaṃ yuganaddhabhāve sati ariyamaggapātubhāvo hoti, tasmā ariyamaggajananasamatthattā yadā tadubhayasamāyogo hoti, tadā

vipassanā ca samatho ca ahu, samathavipassanā bhūtā nāma hotīti attho. Tā ca samathavipassanā ariyamaggābhimukhikāle ca maggakkhaṇe ca **samānabhāgā yuganaddhā vattare** samāno samo bhāgo koṭṭhāso etesanti samānabhāgā, yuge naddhā viyāti yuganaddhā, aññamaññaṃ anativattanaṭṭhena samadhurā samabalāti attho. Vitthāro panassa yuganaddhakathāyaṃ āvibhavissati.

Dukkhā saṅkhārā sukho, nirodho iti dassanaṃ. Dubhato vuṭṭhitā paññā, phasseti amataṃ padanti dukkhā saṅkhārā, sukho nirodho nibbānanti paṭipannassa tato nibbānadassanaṃ ariyamaggaññaṃ dubhato vuṭṭhitā paññā nāma. Sā eva ca paññā amataṃ padaṃ nibbānaṃ ārammaṇaphusanaena phusati, paṭilabhatīti attho. Nibbānañhi atappakaṭṭhena amatasadisanti amataṃ, nāssa mataṃ maraṇaṃ vayo atthītipi amataṃ, pubbabhāgato paṭṭhāya mahatā ussāhena mahatiyā paṭipadāya pajjati paṭipajjīyatīti padanti vuccati.

Vimokkhacariyaṃ jānātīti vimokkhapavattiṃ asammohavasena jānāti, paccavekkhaṇavasena jānāti. “Dubhato vuṭṭhāno vimokkho, dubhato vuṭṭhānā cattāro vimokkhā, dubhato vuṭṭhānaṃ anulomā cattāro vimokkhā, dubhato vuṭṭhānapaṭippassaddhi cattāro vimokkhā”ti hi upari vimokkhakathāyaṃyeva (paṭi. ma. 1.209 ādayo) āgatā vimokkhacariyā veditabbā. Tesam vitthāro tattheva āgato. **Nānattekattakovidoti** tesam vimokkhānaṃ nānābhāve ekabhāve ca kusalo. Dubhato vuṭṭhānavimokkhavasena hi tesam ekattaṃ, catuariyamaggavasena nānattaṃ, ekekassāpi vā ariyamaggassa anupassanābhedenā nānattaṃ, ariyamaggabhāvena ekattaṃ veditabbaṃ. **Dvinnaṃ ñāṇānaṃ kusalatāti** dassanasāṅkhātassa ca bhāvanāsāṅkhātassa cāti imesaṃ dvinnaṃ ñāṇānaṃ kusalatāya. **Dassananti** hi sotāpattimaggo. So hi paṭhamam nibbānadassanato dassananti vutto. Gotrabhu pana kiñcāpi paṭhamataram nibbānaṃ passati, yathā pana rañño santikaṃ kenacideva karaṇīyena āgato puriso dūratova rathikāya carantaṃ hatthikkhandhagataṃ rājānaṃ disvāpi “diṭṭho te rājā”ti puṭṭho disvā kattabbakiccassa akatattā “na passāmi”ti āha, evameva nibbānaṃ disvā kattabbassa kilesappahānassābhāvā na “dassana”nti vuccati. Tañhi ñāṇaṃ maggassa āvajjanaṭṭhāne tiṭṭhati. **Bhāvanāti** sesamaggattayaṃ. Tañhi paṭhamamaggena diṭṭhasmiṃyeva dhamme bhāvanāvasena uppajjati, na adīṭṭhapubbaṃ kiñci passati, tasmā “bhāvanā”ti vuccati. Heṭṭhā pana bhāvanāmaggassa apariniṭṭhitattā “dvinnaṃ ñāṇāna”nti avatvā sotāpattisakadāgāmianāgāmimaggalābhino sandhāya “jhānavimokkhe kusalatā”ti vuttaṃ, arahattamaggalābhino pana bhāvanāmaggassa pariniṭṭhitattā “dvinnaṃ ñāṇānaṃ kusalatā”ti vuttanti veditabbaṃ.

Maggañāṇaniddesavaṇṇanā niṭṭhitā.

12. Phalañāṇaniddesavaṇṇanā

63. Phalañāṇaniddese **tampayogappaṭippassaddhattāti** tassa ajjhatabhiddhā vuṭṭhānapayogassa paṭippassaddhattā. Maggo hi sakakkhaṇe kilesappahānena ubhato vuṭṭhānapayogaṃ karoti nāma, phalakkhaṇe kilesānaṃ pahīnattā maggassa ubhato vuṭṭhānapayogo paṭippassaddho vūpasanto nāma hoti. **Uppajjati** maggānantaram sakim vā dvikkhattuṃ vā uppajjati, phalasaṃpattikāle pana bahukkhattuṃ, nirodhā vuṭṭhahantassa dvikkhattuṃ uppajjati, sabbampi hi taṃ payogappaṭippassaddhattā uppajjati. **Maggassetam phalanti** phalaṃ apekkhitvā napuṃsakavacanaṃ kataṃ. Sakadāgāmimaggakkhaṇādīsipi ekekamaggaṅgavaseneva vuṭṭhānayojanā veditabbā.

Phalañāṇaniddesavaṇṇanā niṭṭhitā.

13. Vimuttiñāṇaniddesavaṇṇanā

64. Vimuttiñāṇaniddese **sakkāyadiṭṭhīti** vijjamānaṭṭhena sati khandhapañcakasaṅkhāte kāye, sayam vā satī tasmim kāye diṭṭhīti sakkāyadiṭṭhī. **Vicikicchāti** vigaṭā cikicchā, sabhāvaṃ vā vicinanto etāya kicchati kilamatīti vicikicchā. **Silabbataparāmāsoti** sīlena suddhi vatena suddhi sīlabbatena suddhīti gahitaabhiniveso. So hi sabhāvaṃ atikkamitvā parato āmasatīti sīlabbataparāmāso. Ubhinnaṃ samānepi diṭṭhibhāve takkañca parūpadesaṅca vinā pakatiyā eva sakkāyadiṭṭhigahaṇato pakatibhūtāya

vīsativatthukāya sakkāyaditthiyā pahāneneva sabbaditthippahānadassanattam sakkāyaditthi vuttā. Sīlabbataparāmāso pana “suddhipaṭipadam paṭipajjāmā”ti paṭipannānam paṭipadāya micchābhāvadassanattam visum vuttoti veditabbo. Tiṇṇampi anusayappahāneneva pahānam dassetum **ditthānusayo vicikicchānusayoti** vuttam, na visum kilesattā. **Upakkilesāti** kilesenti upatāpenti vibādhentīti kilesā, thāmagataṭṭhena bhusā kilesāti upakkilesā. **Sammā samucchinnā honṭīti** samucchadappahānena anuppādanirodhena sammā samucchinnā honti. **Sapariyuṭṭhānehīti** cittaṃ pariyonandhantāni uṭṭhenti uppajantīti pariyuṭṭhānāni, samudācārappattānam kilesānametaṃ adhivacanam. Saha pariyuṭṭhānehīti sapariyuṭṭhānāni. Tehi sapariyuṭṭhānehi anusayitupakkilesehi. **Cittam vimuttam hotīti** tesam abhappattikabhūtattā santativasena pavattamānam cittaṃ tato vimuttam nāma hoti. Tadeva suṭṭhu vimuttattā **suvimuttam**. **Tamvimuttiñātaṭṭhenāti** tassā vimuttiyā jānanaṭṭhena.

Vimuttiñānaniddesavaṇṇanā niṭṭhitā.

14. Paccavekkhaṇāñānaniddesavaṇṇanā

65. Paccavekkhaṇāñānaniddese maggakkhaṇeyeva hetuṭṭhena paṭhamam maggaṅgāni visum visum vatvā puna maggaṅgabhūte ca amaggaṅgabhūte ca dhamme “bujjhanaṭṭhena bodhī”ti laddhanāmassa ariyassa aṅgabhāvena bojjaṅge visum dassesi. Satidhammavicayavīriyasamādhisambojjhaṅgā hi maggaṅgāneva, pītipassaddhiupekkhāsambojjhaṅgā amaggaṅgāni. Puna balavasena indriyavasena ca visum niddiṭṭhesu saddhā eva amaggaṅgabhūtā. Puna maggakkhaṇe jāteyeva dhamme rāsivasena dassento **ādhipateyyaṭṭhenāti**ādīmāha. Tatha **upaṭṭhānaṭṭhena satipaṭṭhānāti** ekāva nibbānārammaṇā sati kāyavedanācittadhammesu subhasukhaniccaattasaññāpahānakiccāsādhana vasena cattāro satipaṭṭhānā nāma. Nibbānārammaṇam ekameva vīriyam uppānānuppānānam akusalānam pahānānuppattikiccassa, anuppānuppānānam kusalānam uppādaṭṭhitikiccassa sādhanavasena cattāro sammappadhānā nāma.

Tathaṭṭhena saccāti dukkhabhāvādīsu avisaṃvādakaṭṭhena cattāri ariyasaccāni. Etāneva cettha paṭivedhaṭṭhena tadā samudāgatāni, “amatogadham nibbāna”nti visum vuttam nibbānaṅca, sesā pana dhammā paṭilābhaṭṭhena tadā samudāgatā. “Tathaṭṭhena saccā tadā samudāgatā”ti vacanato maggaphalariyosāne avassam cattāri saccāni paccavekkhātīti niṭṭhamettha gantabbam. “Kataṃ karaṇīyam nāparam itthattāyāti pajānātī”ti (dī. ni. 1.248) vacanato ca “dukkham me pariññātam, samudayo me pahīno, nirodho me sacchikato, maggo ca me bhāvito”ti paccavekkhaṇam vuttameva hoti. Tathā paccavekkhaṇam yujjati ca. **Samudayoti** cettha tamtamaggavajjhoyeva veditabbo. Ettha vuttasamudayapaccavekkhaṇavaseneva aṭṭhakathāyam duvidham kilesapaccavekkhaṇam maggaphalanibbānapaccavekkhaṇāni idha sarūpeneva āgatānīti vuttāni. Kevalam dukkhapaccavekkhaṇameva na vuttam. Kiñcāpi na vuttam, atha kho pāṭhasabbhāvato yuttisabbhāvato ca gahetabbameva. Saccapaṭivedhatthañhi paṭipannassa niṭṭhite saccapaṭivedhe sayam katakiccapaccavekkhaṇam yuttamevāti. **Avikkhepaṭṭhena samathoti**ādi maggasampayutte eva samathavipassanādhame ekarasatṭhena anativattanattṭhena ca dassetum vuttam. **Samvaraṭṭhena sīlavisuddhīti** sammāvācākammantājīvā eva. **Avikkhepaṭṭhena cittavisuddhīti** sammāsamādhī eva. **Dassanaṭṭhena ditthivisuddhīti** sammāditthiyeva. **Vimuttaṭṭhenāti** samucchadavasena maggavajjhakilesehi mucanaṭṭhena, nibbānārammaṇe vā adhimucanaṭṭhena. **Vimokkhoti** samucchadavimokkho, ariyamaggoyeva. **Paṭivedhaṭṭhena vijjāti** saccapaṭivedhaṭṭhena vijjā, sammāditthiyeva. **Pariccāgaṭṭhena vimuttīti** maggavajjhakilesānam pajahanaṭṭhena tato mucanato vimutti, ariyamaggoyeva. **Samucchedaṭṭhena khaye ñāṇanti** kilesasamucchindanaṭṭhena kilesakkhayaṅka ariyamagge ñāṇam, sammāditthiyeva.

Chandādayo heṭṭhā vuttanayeneva veditabbā. Kevalañhettha maggakkhaṇeyeva maggassa ādimajjhariyosānākārena dassitā. **Vimuttīti** cettha maggavimuttiyeva. “Tathaṭṭhena saccā”ti ettha gahitampi ca nibbānam idha pariyoṣānabhāvadassanattam puna vuttanti veditabbam. Phalakkhaṇepi eseva nayo. Ettha pana **hetuṭṭhena maggoti** phalamaggabhāveneva. **Sammappadhānāti** maggakkhaṇe catukiccāsādhakassa vīriyakiccassa phalassa uppādakkaṇe siddhattā vuttanti veditabbam. Aññathā hi phalakkhaṇe sammappadhānā eva na labbhanti. Vuttañhi maggakkhaṇe sattatiṃsa bodhipakkhiyadhamme

uddharantena therena “phalakkhaṇe ṭhapetvā cattāro sammappadhāne avasesā tettiṃsa dhammā labbhanti”’ti. Evameva paṭivedhakiccādisiddhivasena saccādinipi yathāyogaṃ veditabbāni. **Vimokkhoti** ca phalavimokkho. **Vimuttīti** phalavimutti. **Paṭippassaddhaṭṭhena anuppāde nāṇaṃ** vuttatthameva. **Vuṭṭhahitvā** antarā vuṭṭhānābhāvā phalāvasānena evaṃ vuttaṃ. **Ime dhammā tadā samudāgatā** ime vuttappakārā dhammā maggakkhaṇe phalakkhaṇe ca samudāgatā paccavekkhatīti iti-saddaṃ pāṭhasesaṃ katvā sambandho veditabbo.

Paccavekkhaṇānāṇaniddesavaṇṇanā niṭṭhitā.

15. Vatthunānattañāṇaniddesavaṇṇanā

66. Vatthunānattañāṇaniddese **cakkhuṃ ajjhattaṃ vavatthetīti** ajjhatabhūtaṃ cakkhuṃ vavatthapeti. Yathā so cakkhuṃ vavatthapeti, tathā vattukāmo **kathaṃ cakkhuṃ ajjhattaṃ vavatthetīti** pucchitvā puna **cakkhu avijjāsambhūtaṃ vavatthetīti**adinā vavatthāpanākāraṃ dasseti. Tattha avijjātaṇhā atītā upatthambhakahetuyo, kammaṃ atītaṃ janakahetu, āhāro idāni upatthambhakahetu. Etena cakkhūpatthambhakāni utucittāni gahitāneva honti. **Catunnaṃ mahābhūtānaṃ upādāyā**ti upayogathe sāmivacanaṃ, cattāri mahābhūtāni upādiyitvā pavattanti attho. Etena pasādacakkhubhāvo dassito hoti, sasambhārabhāvo paṭikkhitto. **Uppannanti** addhāvasena, santatikhaṇavasena vā paccuppannaṃ. **Samudāgatanti** hetuto samuṭṭhitaṃ. Ettāvataṃ vipassanāpubbabhāge cakkhuvavatthānaṃ dassitaṃ. **Ahutvā sambhūta**tiadinā aniccānupassanā. Pubbe udayā avijjamānato ahutvā sambhūtaṃ, uddhaṃ vayā abhāvato hutvā na bhavissati. **Antavantotīti** anto assa atthīti antavā, antavā eva antavanto yathā “satimanto, gatimanto, dhitimanto ca yo isī”’ti (theragā. 1052). Tato antavantato, bhaṅgavijjamānatotīti attho. **Addhuvanti** sabbāvatthānipātītāya, thirabhāvassa ca abhāvātāya na thiraṃ. **Asassatanti** na niccaṃ. **Vipariṇāmadhammanti** jarāya ceva maraṇena cāti dvedhā vipariṇāmapakatikaṃ. **Cakkhu aniccanti**adinā **cakkhuṃ aniccanti**adinā ca vuttatthāni. **Manoti** idha bhavaṅgamanassa adhippetatā **avijjāsambhūtotīti** ujjatiyeva. **Āhārasambhūtotīti** ettha sampayuttaphassāhāraṃmanosañcetanāhārasena veditabbaṃ. **Uppannoti** ca addhāsantativasena.

Vatthunānattañāṇaniddesavaṇṇanā niṭṭhitā.

16. Gocaranānattañāṇaniddesavaṇṇanā

67. Gocaranānattañāṇaniddese **rūpe bahiddhā vavatthetīti** ajjhattato bahiddhābhūte rūpāyanadhamme vavatthapetīti attho. **Avijjāsambhūta**tiadinā attabhāvapariyāpannakammajarūpattā vuttaṃ. Āhāropi hi kammajarūpassa upatthambhakaṃpaccayo hoti. Saddassa pana utucittasamuṭṭhānattā avijjāsambhūtaṃdicatukkaṃ na vuttaṃ. Phoṭṭhabbānaṃ sayāṃ mahābhūtattā “catunnaṃ mahābhūtānaṃ upādāyā”’ti na vuttaṃ. **Dhammā**ti cettha bhavaṅgamanosampayuttā tayo arūpino khandhā, dhammāyanapariyāpannāni sukhumarūpāni ca kammāsamuṭṭhānāni, sabbānipi rūpādinī ca. Apica yāni yāni yena yena samuṭṭhahanti, tāni tāni tena tena veditabbāni. Itarathā hi sakasantānapariyāpannāpi rūpādayo dhammā sabbe na saṅgaṇṇeyyūṃ. Yasmā anindriyabaddharūpādayopi vipassanūpagā, tasmā tesāṃ kammāsamuṭṭhānapadena saṅgaho veditabbo. Tepi hi sabbasattasādhāraṇakammāpaccayautusamuṭṭhānā. Aññe pana “anindriyabaddhā rūpādayo avipassanūpagā”’ti vadanti. Taṃ pana –

“Sabbe saṅkhārā aniccāti, yadā paññāya passati;
Atha nibbindati dukkhe, esa maggo visuddhiyā”’ti. (dha. pa. 277) –

Ādikāya pāṭiyā virujjhati. Vuttañca visuddhimagge – “idhekacco āditova ajjhattasaṅkhāre abhinivisitvā vipassati, yasmā pana na suddhaajjhataṃdassanāmatteva maggavuṭṭhānaṃ hoti, bahiddhāpi daṭṭhabbameva, tasmā parassa khandhepi anupādinnaṃsaṅkhārepi aniccaṃ dukkhamānattāti vipassati”’ti (visuddhi. 2.784). Tasmā paresāṃ cakkhādivavatthānāmpī anindriyabaddharūpādivavatthānāmpī icchitabbameva, tasmā tebhūmakasaṅkhārā avipassanūpagā nāma natthi.

Gocaranānattañāṇaniddesavaṇṇanā niṭṭhitā.

17. Cariyānānattañāṇaniddesavaṇṇanā

68. Cariyānānattañāṇaniddese **viññāṇacariyā**tiādīsu ārammaṇe caratīti cariyā, viññāṇameva cariyā **viññāṇacariyā**. Aññāṇena caraṇaṃ, aññāṇena vā carati, aññāte vā carati, aññāṇassa vā caraṇanti **aññāṇacariyā**. Nāṇameva cariyā, ñāṇena vā cariyā, ñāṇena vā carati, ñāte vā carati, ñāṇassa vā caraṇanti **ñāṇacariyā**. **Dassanattḥāyā**ti rūpadassanattḥāya pavattā. **Āvajjanakiriyābyākatā**ti bhavaṅgasantānato apanetvā rūpārammaṇe cittasantānaṃ āvajjeti nāmetīti āvajjanaṃ, vipākābhāvato karaṇamattanti kiriyā, kusalākusalavasena na byākatāti abyākatā. **Dassanattḥoti** passanti tena, sayamaṃ vā passati, dassanamattameva vā tanti dassanaṃ, dassanameva attho dassanattḥo. **Cakkhuvīññāṇanti** kusalavipākaṃ vā akusalavipākaṃ vā. **Diṭṭhattā**ti adiṭṭhe sampañicchanassa abhāvato cakkhuvīññāṇena rūpārammaṇassa diṭṭhattā. **Abhiniropanā vipākamanodhātū**ti diṭṭhārammaṇameva ārohatīti atiniropanā, ubhayavipākā sampañicchanamanodhātu. **Abhiniropitattā**ti rūpārammaṇaṃ abhiruḥhattā. **Vipākamanovīññāṇadhātū**ti ubhayavipākā santīraṇamanovīññāṇadhātu. Esa nayo sotadvārādīsipi. Santīraṇānantaraṃ voṭṭhabbane avuttepi aṭṭhakathācariyehi vuttattā labbhātīti gahetabbaṃ. **Vijānanattḥāyā**ti dhammārammaṇassa ceva rūpādiārammaṇassa ca vijānanattḥāya. **Āvajjanakiriyābyākatā**ti manodvārāvajjanacittaṃ. **Vijānanattḥoti** tadanantarajavanavasena ārammaṇassa vijānanameva attho, na añño. Upari akusalajavanānaṃ vipassanāmaggaḥalajavanānaṃca visumaṃ vuttattā sesajavanāni idha gahetabbāni siyumaṃ. “Kusalehi kammehi vippayuttā caratīti viññāṇacariyā”tiādivacanato (paṭi. ma. 1.70) pana hasituppādacittajavanameva gahetabbaṃ. Chasu dvāresu ahetukānaṃyeva cittānaṃ vuttattā dve āvajjanāni dve pañcaviññāṇāni dve sampañicchanāni tīṇi santīraṇāni ekaṃ hasituppādacittanti aṭṭhārasa ahetukacittāniyeva viññāṇacariyāti veditabbāni.

69. Idāni visayavijānanamattatṭhena viññāṇacariyāti dassetuṃ **nīrāgā caratī**tiādīmāha, viññāṇaṃhi rāgādīsampayoge saddhādīsampayoge ca avatthantaraṃ pāpuṇāti, tesu asati sakāvattḥāyameva tiṭṭhati. Tasmā nīrāgādivacanena tesamaṃ vuttaviññāṇaṃ viññāṇakiccamaṃ dasseti. Natthi etissā rāgoti nīrāgā. Nīrāgāti rassaṃ katvāpi paṭhanti. So pana rajjanavasena **rāgo**. Itaresu dussanavasena **doso**. Muihanavasena **moho**. Maññānavasena **māno**. Viparītadassanavasena **diṭṭhi**. Uddhatabhāvo, avūpasantabhāvo vā **uddhaccaṃ**. **Vicikicchā** vuttatthā. Anusentīti **anusayā**. “Niranusayā”ti vattabbe **nānusayā**ti vuttaṃ, soyevattho. Pariyuṭṭhānappattānamevettha abhāvo veditabbo. Na hi viññāṇacariyā pahīnānusayānaṃyeva vuttā. Yā ca nīrāgādīnāmā, sā rāgādīhi vippayuttāva nāma hotīti pariyaṅantaradassanattamaṃ **rāgavippayuttā**tiādīmāha. Puna aññehi ca vippayuttamaṃ dassetuṃ **kusalehi kammehī**tiādīmāha. Kusalāniyeva rāgādivajjābhāvā **anavajjāni**. Parisuddhabhāvakarehi hiriottappehi yuttattā **sukkāni**. Pavattisukhattā sukho udayo uppatti etesanti **sukhudrayāni**, sukhavipākattā vā sukho udayo vaḍḍhi etesanti sukhudrayāni. Vuttavipakkhena akusalāni yojetabbāni. **Viññāte caratī**ti viññāṇena viññāyamānaṃ ārammaṇaṃ viññātaṃ nāma, tasmiṃ viññāte ārammaṇe. Kim vuttaṃ hoti? Nīlavaṇṇayogato nīlavatthamaṃ viya viññāyogato viññātaṃ viññānaṃ nāma hoti, tasmiṃ viññāṇe caratīti **viññāṇacariyā**ti vuttaṃ hoti. **Viññāṇassa evarūpā cariyā hotīti** vuttappakārassa viññāṇassa vuttappakārā cariyā hotīti attho. “Viññāṇassa cariyā”ti ca vohāravasena vuccati, viññāṇato pana visumaṃ cariyā natthi. **Pakatiparisuddhamidaṃ cittaṃ nikkilesatṭhenā**ti idaṃ vuttappakāraṃ cittaṃ rāgādīkilesābhāvena pakatiyā eva parisuddhaṃ. Tasmā vijānanamattameva cariyāti **viññāṇacariyā**ti vuttaṃ hoti. Niklesatṭhenātipi pāṭho.

Aññāṇacariyāya **manāpiyesū**ti manasi appenti pasīdanti, manaṃ vā appāyanti vaḍḍhentīti manāpāni, manāpāniyeva manāpiyāni. Tesu manāpiyesu. Tāni pana iṭṭhāni vā hontu anīṭṭhāni vā, gahaṇavasena manāpiyāni. Na hi iṭṭhasmiṃyeva rāgo anīṭṭhasmiṃyeva doso uppajjati. **Rāgassa javanattḥāyā**ti santativasena rāgassa javanattḥāya pavattā. **Āvajjanakiriyābyākatā**ti cakkhudvāre ayoniso manasikārabhūtā āvajjanakiriyābyākatā manodhātu. **Rāgassa javanā**ti yebhuyyena sattakkhattumaṃ rāgassa pavatti, punappunaṃ pavatto rāgoyeva. **Aññāṇacariyā**ti aññāṇena rāgassa sambhavato aññāṇena rāgassa cariyāti vuttaṃ hoti. Sesesupi eseva nayo. **Tadubhayena asamapekkhanasmiṃ vatthusminti** rāgadosavasena samapekkhanavirahite rūpārammaṇasaṅkhāte vatthusmiṃ. **Mohassa javanattḥāyā**ti

vicikicchāuddhaccavasena mohassa javanattāya. **Aññācariyā**ti aññāsseva cariyā, na aññassa. **Vinibandhassā**tiādīni mādānaṃ sabhāvavacanāni. Tattha **vinibandhassā**ti unnativasena vinibandhitvā tthitassa. **Parāmatthāyā**ti rūpassa aniccabhāvādiṃ atikkamitvā parato niccabhāvādiṃ amatthāya gahitāya. **Vikkhepagatassā**ti rūpārammaṇe vikkhittabhāvaṃ gatassa. **Aniṭṭhaṅgatāyā**ti asanniṭṭhānabhāvaṃ gatāya. **Thāmagatassā**ti balappattassa. **Dhammesū**ti rūpādīsu vā dhammārammaṇabhūtesu vā dhammesu.

70. Yasmā rāgādayo aññāṇena honti, tasmā rāgādisampayogena aññāṇaṃ visesento **sarāgā caratī**tiādīmāha. Tattha **sarāgā caratī**ti mohamānadiṭṭhimānānusayadiṭṭhānusayaavijjānusayajavanavasena cariyā veditabbā. **Sadosā caratī**ti mohaavijjānusayajavanavasena. **Samohā caratī**ti rāgadosamānadiṭṭhiuddhaccavicikicchānusayajavanavasena. **Samānā caratī**ti rāgamohakāmarāgabhavarāgāvijjānusayajavanavasena. **Sadiṭṭhi caratī**ti rāgamohakāmarāgāvijjānusayajavanavasena. **Sauddhaccā carati savicikicchā caratī**ti mohaavijjānusayajavanavasena. **Sānusayā caratī**ti ethāpi vuttanayeneva ekekaṃ anusayaṃ mūlaṃ katvā tasmīṃ citte labbhamānakasesānusayavasena sānusayatā yojetabbā. **Rāgasampayuttā**tiādī sarāgādivacanameva. Sā eva hi cariyā sampayogavasena saha rāgādīhi vattatīti sarāgādiādīni nāmāni labhati. Rāgādīhi samaṃ ekuppādekanirodhekavatthekārammaṇādīhi pakārehi yuttāti **rāgasampayuttā**tiādīni nāmāni labhati. Sāyeva ca yasmā kusalādīhi kammehi vippayuttā, akusalādīhi kammehi sampayuttā, tasmāpi aññācariyāti dassetuṃ **kusalehi kammehī**tiādīmāha. Tattha **aññā**ti mohassa aññāṇalakkhaṇattā yathāsabhāvena aññāte ārammaṇe. Sesam vuttatthameva.

71. Ñāṇacariyāyaṃ yasmā vivaṭṭanānupassanādīnaṃ anantarapaccayabhūtā āvajjanakiriyābyākatā natthi, tasmā tesam atthāya āvajjanakiriyābyākatam avatvā vivaṭṭanānupassanādayova vuttā. Anulomañāṇattāya eva hi āvajjanā hoti, tato vivaṭṭanānupassanāmaggaḥhalāni. **Phalasaṃpattī**ti cettha maggānantarajā vā hotu kālantarajā vā, ubhopi adhippetā. **Nirāgā caratī**tiādīsu rāgādīnaṃ paṭipakkhavasena nīrāgādītā veditabbā, viññācariyāyaṃ rāgādīnaṃ abhāvamattaṭṭhena. **Ñā**ti yathāsabhāvato ñāte. **Aññā viññācariyā**tiādīhi tissannaṃ cariyānaṃ aññamaññāmasammissataṃ dasseti. Viññācariyāyaṃ hi ahetukacittuppādā viññācariyā, aññācariyāyaṃ dvādasannaṃ akusalacittuppādānaṃ vaseneva aññācariyā, visesena ñācariyāyaṃ vipassanāmaggaḥhalānaṃ vasena ñācariyā. Evamimā aññamaññāmasammissā ca, vipassanaṃ tthapetvā sahetukakāmaṃvacaravipākā ca, rūpāvacarārūpāvacarakusalābyākatā ca tīhi cariyāhi vinimuttāti veditabbā. Nibbānārammaṇāya vivaṭṭanānupassanāya ñācariyāya niddiṭṭhattā nibbānamaggaḥhalapaccavekkhaṇabhūtāni sekkhasekkhānaṃ paccavekkhaṇaññāni ñācariyāya saṅgahitānti veditabbāni. Tāni hi visesena ñācariyāya eva vā vuttatthameva.

Cariyānānattaññānidde savāṇṇanā niṭṭhitā.

18. Bhūminānattaññānidde savāṇṇanā

72. Bhūminānattaññānidde **bhūmiyoti** bhāgā paricchedā vā. **Kāmāvacarā**ti ettha duvidho kāmo kilesakāmo vatthukāmo ca. Kilesakāmo chandarāgo, vatthukāmo tebhūmakavattaṃ. Kilesakāmo kāmētīti kāmo, vatthukāmo kāmīyatīti kāmo. So duvidho kāmo pavattivasena yasmīṃ padese avacarati, so padeso kāmo ettha avacarati kāmāvacaro. So pana padeso catunnaṃ apāyānaṃ, manussalokassa, channañca devalokānaṃ vasena ekādasavidho. Yathā hi yasmīṃ padese sasatthā purisā avacaranti, so vijjamānesupi aññesu dvipadacatupadesu avacarantesu tesam abhilakkhitattā “sasatthāvacaro”ti vuccati, evam vijjamānesupi aññesu rūpāvacarādīsu tattha avacarantesu tesam abhilakkhitattā ayaṃ padeso “kāmāvacaro”tveva vuccati. Svāyaṃ yathā rūpabhavo rūpaṃ, evam uttarapadalopaṃ katvā “kāmo”tveva vuccati. Tappaṭibaddho ekeko dhammo imasmīṃ ekādasavidhapadesasāṅkhāte kāmāvacarati kāmāvacaro. Kiñcāpi hi ettha keci dhammā rūpārūpabhavesupi avacaranti, yathā pana saṅgāme avacaraṇato “saṅgāmāvacaro”ti laddhanāmo nāgo nagare carantopi “saṅgāmāvacaro”tveva vuccati, thalajalacarā ca paṇino athale ajale ca tthitāpi “thalacarā jalacarā”tveva vuccanti, evam te aññattha avacarantāpi kāmāvacarāyevāti veditabbā. Arammaṇakaraṇavasena vā etesu vuttappakāresu dhammesu

kāmo avacaratīti kāmāvacarā. Kāmañcesa rūpārūpāvacaradhammesupi avacarati, yathā pana “vadatīti vaccho, mahiyaṃ setīti mahiṃso”ti vutte na yattakā vadanti, mahiyaṃ vā senti, sabbesaṃ taṃ nāmaṃ hoti. Evaṃsampadamidaṃ veditabbaṃ. Ettha sabbe te dhamme ekarāsiṃ katvā vuttabhūmisaddamapekkhitvā kāmāvacarāti itthilingavacanaṃ kataṃ. Rūpāvacarātiādīsu rūpabhavo rūpaṃ, tasmīṃ rūpe avacarantīti **rūpāvacarā**. Arūpabhavo arūpaṃ, tasmīṃ arūpe avacarantīti **arūpāvacarā**. Tebhūmakavaṭṭe pariyāpannā antogadhāti pariyāpannā, tasmīṃ na pariyāpannāti **apariyāpannā**.

Kāmāvacarādibhūminiddesesu **heṭṭhatoti** heṭṭhābhāgena. **Avīcinirayanti** jālānaṃ vā sattānaṃ vā vedanānaṃ vā vīci antaraṃ chiddaṃ ettha natthīti avīci. Sukhasaṅkhāto ayo ettha natthīti nirayo, niratiatthenapi nirayo. **Pariyantaṃ karitvāti** taṃ avīcisaṅkhātaṃ nirayaṃ antaṃ katvā. **Uparitoti** uparibhāgena. **Paranimmitavasavattī deveti** paranimmitiesu kāmesu vasaṃ vattanato evaṃladdhavohāre deve. **Anto karitvāti** anto pakkhipitvā. **Yaṃ etasmiṃ antareti** ye etasmiṃ okāse. **Yanti** ca lingavacanaṃvippallāso kato. **Etthāvacarāti** iminā yasmā tasmīṃ antare aññepi caranti kadāci katthaci sambhavato, tasmā tesāṃ asaṅgaṇhanatthaṃ avacarāti vuttaṃ. Tena ye ekasmiṃ antare ogāḷhā hutvā caranti, sabbattha sadā ca sambhavato, adhobhāge ca caranti avīcinirayassa heṭṭhā bhūtūpādāya pavattibhāvena, tesāṃ saṅgaho kato hoti. Te hi ogāḷhā caranti, adhobhāge ca carantīti avacarā. **Ettha pariyāpannāti** iminā pana yasmā ete etthāvacarā aññatthāpi avacaranti, na pana tattha pariyāpannā honti, tasmā tesāṃ aññatthāpi avacarantānaṃ pariggaho kato hoti.

Idāni te ettha pariyāpanne dhamme rāsisuññatāpaccayabhāvato ceva sabhāvato ca dassento **khandhadhātuāyatanāti**ādīmāha. **Brahmalokanti** paṭhamajjhānabhūmisaṅkhātaṃ brahmaṭṭhānaṃ. **Akaniṭṭheti** uttamaṭṭhena na kaniṭṭhe. **Samāpannassāti** samāpattiṃ samāpannassa. Etena kusalajjhānaṃ vuttaṃ. **Upapannassāti** vipākavasena brahmaloke upapannassa. Etena vipākajjhānaṃ vuttaṃ. **Diṭṭhadhammasukhavihārissāti** diṭṭheva dhamme paccakkhe attabhāve sukho vihāro diṭṭhadhammasukhavihāro, so assa atthīti diṭṭhadhammasukhavihārī, arahā. Tassa diṭṭhadhammasukhavihārissa. Etena kiriyaajjhānaṃ vuttaṃ. **Cetasikāti** cetasi bhavā cetasikā, cittasampayuttāti attho. **Ākāsānañcāyatanūpageti** ākāsānañcāyatanasaṅkhātaṃ bhavaṃ upagate. Dutiyapadepe eseve nayo. **Maggāti** cattāro ariyamaggā. **Maggaphalānīti** cattāri ariyamaggaphalāni. **Asaṅkhatā ca dhātūti** paccayehi akatā nibbānadhātu.

Aparāpi catasso bhūmiyoti ekekatatukkasena veditabbā. **Cattāro satipaṭṭhānāti** kāyānupassanāsatiṭṭhānaṃ vedanānupassanāsatiṭṭhānaṃ cittānupassanāsatiṭṭhānaṃ dhammānupassanāsatiṭṭhānaṃ. Tassattho – patiṭṭhātīti paṭṭhānaṃ, upaṭṭhāti okkanditvā pakkhanditvā pavattatīti attho. Satiyeva paṭṭhānaṃ satipaṭṭhānaṃ. Atha vā saraṇaṭṭhena sati, upaṭṭhānaṭṭhena paṭṭhānaṃ, sati ca sā paṭṭhānañcātīpi satipaṭṭhānaṃ. Ārammaṇavasena bahukā tā satiyoti satipaṭṭhānā. **Cattāro sammappadhānāti** anuppannānaṃ akusalānaṃ anuppādāya sammappadhānaṃ, uppannānaṃ akusalānaṃ pahānāya sammappadhānaṃ, anuppannānaṃ kusalānaṃ uppādāya sammappadhānaṃ, uppannānaṃ kusalānaṃ ṭhitiyā sammappadhānaṃ. Padahanti vāyamanti etenāti padhānaṃ, vīriyassettaṃ nāmaṃ. **Sammappadhānāti** aviparītappadhānaṃ kāraṇappadhānaṃ upāyappadhānaṃ yonisopadhānaṃ. Ekameva vīriyaṃ kiccavasena catudhā katvā sammappadhānāti vuttaṃ. **Cattāro iddhipādāti** chandiddhipādo, cittiddhipādo, vīriyiddhipādo, vīmaṃsiddhipādo. Tassattho vuttoyeva. **Cattāri jhānānīti** vitakkavicārapītisukhacittakaggatāvasena pañcaṅgikaṃ paṭhamajjhānaṃ. Pītisukhacittakaggatāvasena tivaṅgikaṃ dutiyajjhānaṃ, sukhacittakaggatāvasena duvaṅgikaṃ tatiyajjhānaṃ, upekkhācittakaggatāvasena duvaṅgikaṃ catutthajjhānaṃ. Imāni hi aṅgāni ārammaṇūpanijjhānaṭṭhena jhānanti vuccanti. **Catasso appamaññāyoti** mettā, karuṇā, muditā, upekkhā. Pharaṇaappamaṇavasena appamaññāyo. Etāyo hi ārammaṇavasena appamaṇe vā satte pharanti, ekaṃ sattampi vā anavasesapharaṇavasena pharantīti pharaṇaappamaṇavasena appamaññāyoti vuccanti. **Catasso arūpasamāpattiyoti** ākāsānañcāyatanasamāpatti, viññānañcāyatanasamāpatti, ākiñcaññāyatanasamāpatti, nevasaññānāsaññāyatanasamāpatti. **Catasso paṭisambhidā** vuttatthā eva.

Catasso paṭipadāti “dukkhā paṭipadā dandhābhiññā, dukkhā paṭipadā khippābhiññā, sukhā paṭipadā

dandhābhiññā, sukhā paṭipadā khippābhiññā’’ti (dī. ni. 3.311) vuttā catasso paṭipadā. **Cattāri ārammaṇānī** parittaṃ parittārammaṇaṃ, parittaṃ appamāṇārammaṇaṃ, appamāṇaṃ parittārammaṇaṃ, appamāṇaṃ appamāṇārammaṇanti (dha. sa. 181 ādayo) vuttāni cattāri ārammaṇāni. Kasiṇādiārammaṇaṃ avavatthāpetabbato ārammaṇavantaṇi jhānāni vuttānīti veditabbāni. **Cattāro ariyavaṃsā**ti ariyā vuccanti buddhā ca paccekabuddhā ca tathāgatasāvaka ca, tesam ariyānaṃ vaṃsā tantiyo pavēniyoti ariyavaṃsā. Ke pana te? Cīvarasantoso piṇḍapātasantoso senāsanasantoso bhāvanārāmatāti ime cattāro. Gilānapaccayasantoso piṇḍapātasantose vutte vuttōyeva hoti. Yo hi piṇḍapāte santuṭṭho, so kathaṃ gilānapaccaye asantuṭṭho bhavissati.

Cattāri saṅghavatthūnīti cattāri janasaṅgaṇhanakāraṇāni – dānaṅca peyyavajjaṅca atthacariyā ca samānattatā cāti imāni cattāri. **Dānanti** yathārahaṃ dānaṃ. **Peyyavajjanti** yathārahaṃ piyavacanaṃ. **Atthacariyāti** tattha tattha kattabbassa karaṇavasena kattabbākattabbānusāsanavasena ca vuddhikiriya. **Samānattatāti** saha mānena samāno, saparimāṇo saparigaṇanoti attho. Samāno parassa attā etenāti samānatto, samānattassa bhāvo samānattatā, ‘‘ayaṃ mayā hīno, ayaṃ mayā sadiso, ayaṃ mayā adhiko’’ti parigaṇetvā tadanurūpena upacaraṇaṃ karaṇanti attho. ‘‘Samānasukhadukkhatā samānattatā’’ti ca vadanti.

Cattāri cakkānīti ettha cakkaṃ nāma dārucakkaṃ, ratanacakkaṃ, dhammacakkaṃ, iriyāpathacakkaṃ, sampatticakkaṃti pañcavidhaṃ. Tattha ‘‘yaṃ pana taṃ, deva, cakkaṃ chahi māsehi niṭṭhitaṃ chārattūnehi’’ti (a. ni. 3.15) idaṃ dārucakkaṃ. ‘‘Cakkaṃ vattayato pariggahetvā’’ti (jā. 1.13.68) idaṃ ratanacakkaṃ. ‘‘Mayā pavattitaṃ cakka’’nti (su. ni. 562) idaṃ dhammacakkaṃ. ‘‘Catucakkaṃ navadvāra’’nti (saṃ. ni. 1.29) idaṃ iriyāpathacakkaṃ. ‘‘Cattārimāni, bhikkhave, cakkāni, yehi samannāgatānaṃ devamanussānaṃ catucakkaṃ vattati. Katamāni cattāri? Patirūpadesavāso, sappurisāvassayo, attasammāpaṇidhi, pubbe ca katapuññatā’’ti (a. ni. 4.31) idaṃ sampatticakkaṃ. Idhāpi etadeva adhippetam. Tattha **patirūpadesavāso**ti yatha catasso parisā sandissanti, evarūpe anucchavike dese vāso. **Sappurisāvassayoti** buddhādīnaṃ sappurisānaṃ avassayanaṃ sevanaṃ bhajanaṃ. **Attasammāpaṇidhī**ti attano sammā patiṭṭhāpanaṃ. Sace pubbe assaddhādīhi samannāgato hoti, tāni pahāya saddhādīsu patiṭṭhāpanaṃ. **Pubbe ca katapuññatāti** pubbe upacitakusalatā. Idameva cettha pamāṇaṃ. Yena hi ñāṇasampayuttacittena kusalakammaṃ kataṃ hoti, tadeva kusalaṃ taṃ purisaṃ patirūpadese upaneti, sappurise bhajāpeti, so eva puggalo attānaṃ sammā ṭhapetīti.

Cattāri dhammapadānīti cattāro dhammakotṭhāsā. Katamāni cattāri? Anabhijjhā dhammapadaṃ, abyāpādo dhammapadaṃ, sammāsati dhammapadaṃ, sammāsamādhi dhammapadaṃ. **Anabhijjhā dhammapadaṃ** nāma alobho vā anabhijjhāvasena adhigatajjhānavipassanāmaggaḥalanibbānāni vā. **Abyāpādo dhammapadaṃ** nāma akopo vā mettāsīsenā adhigatajjhānādīni vā. **Sammāsati dhammapadaṃ** nāma sūpaṭṭhitassati vā satisīsenā adhigatajjhānādīni vā. **Sammāsamādhi dhammapadaṃ** nāma aṭṭhasamāpatti vā aṭṭhasamāpattisīsenā adhigatajjhānādīni vā. Dasaasubhavasena vā adhigatajjhānādīni anabhijjhā dhammapadaṃ, catubrahmavihāra vasena adhigatāni abyāpādo dhammapadaṃ, dasānussatiāhārepaṭikūlasaññāvasena adhigatāni sammāsati dhammapadaṃ, dasakasiṇānāpānavasena adhigatāni sammāsamādhi dhammapadanti. **Imā catasso bhūmiyoti** ekekaṃ catukkavaseneva yojetabbaṃ.

Bhūminānattañānaniddesavaṇṇanā niṭṭhitā.

19. Dhammanānattañānaniddesavaṇṇanā

73. Dhammanānattañānaniddese **kammāpatheti** kammāni ca tāni pathā ca apāyagamanāyāti kammāpathā, te kammāpathe. **Dasa kusalakammāpathā** nāma paṇātipātā adinnādānā kāmesumicchācārā veramaṇīti tīṇi kāyasucaritāni, musāvādā pisuṇāya vācāya pharusāya vācāya samphappalāpā veramaṇīti cattāri vacīsucaritāni, anabhijjhā abyāpādo sammādiṭṭhīti tīṇi manosucaritāni. **Dasa akusalakammāpathā** nāma paṇātipāto adinnādānaṃ kāmesumicchācāroti tīṇi kāyaduccaritāni, musāvādo pisuṇā vācā pharusā vācā samphappalāpoti cattāri vacīduccaritāni, abhijjhā byāpādo micchādiṭṭhīti tīṇi manoduccaritāni. Kusalākusalāpi ca paṭisandhijanākāyeva kammāpathāti vuttā, vuttāvasesā paṭisandhijanane anekanti kattā

kammāpathāti na vuttā. Oḷārikakusalākusalagahaṇeṇeva sesakusalākusalāpi gahitāti veditabbā. **Rūpanti** bhūtopādāyabhedato aṭṭhavisatividhaṃ rūpaṃ. **Vipākanti** kāmāvacarakusalavipākānaṃ soḷasannaṃ, akusalavipākānaṃ sattannaṃca vasena tevīsatividhaṃ vipākaṃ. **Kiriyanti** tiṇṇamahetukakiriyānaṃ, aṭṭhannaṃ sahetukakiriyānaṃca vasena ekādasavidhaṃ kāmāvacarakiriyānaṃ. Vipākābhāvato kiriyāmatṭāti kiriyā. Ettāvātā kāmāvacarameva rūpābyākatavipākābyākatakiriyābyākatavasena vuttaṃ.

Idhaṭṭhassāti imasmim loke ṭhitassa. Yebhuyyena manussaloke jhānabhāvanāsabbhāvato manussalokavasena vuttaṃ, jhānāni pana kadāci karahaci devalokepi labbhanti, rūpībrahmalokepi tatrūpapattikaheṭṭhūpapattikauparūpapattikānaṃ vasena labbhanti. Suddhāvāse pana arūpāvacare ca heṭṭhūpapattikā natthi. Rūpārūpāvacaresu abhāvitajjhānā heṭṭhā nibbattamānā kāmāvacarasugatiyaṃyeva nibbattanti, na duggatiyaṃ. **Tatrūpapannassāti** vipākavasena brahmaloke upapannassa paṭisandhibhavaṅgacutivasena vattamānāni cattāri vipākajjhānāni. Rūpārūpāvacarajjhānasamāpattīsu kiriyābyākatāni na vuttāni. Kiñcāpi na vuttāni, atha kho kusalehi samānapavattittā kusalesu vuttetu vuttāneva hontīti veditabbāni. Yathā paṭṭhāne “kusalākusale niruddhe vipāko tadārammaṇatā uppajjati” ti (paṭṭhā. 1.1.406, 409) kusalajavanagahaṇeṇeva kiriyajavanaṃ saṅgahitaṃ, evamidhāpi daṭṭhabbaṃ. **Sāmaññaphalānīti** cattāri sāmaññaphalāni. Etena lokuttaravipākābyākatam vuttaṃ. **Nibbānanti** nibbānābyākatam.

Pāmojjamūlakāti pāmojjaṃ mūlaṃ ādi etesanti pāmojjamūlakā, pāmojjādikāti attho. Pāmojjena hi samāgatāneva honti. **Aniccato manasikaroto pāmojjaṃ jāyatīti** ettha yonisomanasikarotoyeva pāmojjaṃ jāyati, na ayonisomanasikaroto. Ayonisomanasikaroto kusaluppattiyeva natthi, pageva vipassanā. Kasmā sarūpena vuttanti ce? Pāmojjassa balavabhāvadassanattaṃ. Pāmojje hi asati pantesu ca senāsanesu adhikusalesu ca dhammesu arati ukkaṅṭhitā uppajjati. Evaṃ sati bhāvanāyeva ukkamati. Pāmojje pana sati aratiabhāvato bhāvanāpāripūriṃ gacchati. Yonisomanasikārassa pana mūlabhāvena bhāvanāya bahūpakāraṭṭam dassetuṃ upari navakaṃ vakkhati.

“Yato yato sammasati, khandhānaṃ udayabbayaṃ;
Labhatī pītipāmojjaṃ, amataṃ taṃ vijānata” nti. (dha. pa. 374) –

Vacanaṭṭo vipassakassa vipassanāpaccayā pāmojjaṃ uppajjati. Idha pana kalāpasammasanapaccayā pāmojjaṃ gahetabbam. Pamuditassa bhāvo pāmojjaṃ, dubbalā pīti. Ādikammatthe pa-kāro daṭṭhabbo. **Pamuditassāti** tena pāmojjena pamuditassa tuṭṭhassa. Pamuditassāti pi pāṭho. Soyevattho. **Pīti**ti balavapīti. **Pītimanassāti** pītiyuttamanassa. Yuttasaddassa lopo daṭṭhabbo yathā assarathoti. **Kāyoti** nāmakāyo, rūpakāyena saha vā. **Passambhatīti** vūpasantadaratho hoti. **Passaddhakāyoti** ubhayapassaddhiyogena nibbutakāyo. **Sukhaṃ vedetīti** cetasi kaṃ sukhaṃ vindati, kāyikasukhena saha vā. **Sukhinoti** sukhasamaṅgissa. **Cittaṃ samādhīyatīti** cittaṃ samaṃ ādhiyati, ekaggaṃ hoti. **Samāhite cītetīti** bhāvenabhāvalakkaṇatthe bhummavacanaṃ. Cittasamāhitabhāvena hi yathābhūtajānaṃ lakkhīyati. **Yathābhūtaṃ pajānātīti** udayabbayañādivasena saṅkhāraṃ yathāsabhāvaṃ jānāti. **Passatīti** taṃyeva cakkhunā diṭṭhaṃ viya phuṭaṃ katvā paññācakkhunā passati. **Nibbindatīti** navavidhavipassanāñāyogena saṅkhāresu ukkaṅṭhati. **Nibbindaṃ virajjatīti** taṃ vipassanaṃ sikkhaṃ pāpento maggañāyogena saṅkhārehi viratto hoti. **Virāgā vimuccatīti** virāgasāṅkhātamaggahetu phalavimuttiyā nibbāne adhimokkkena vimuccati. Kesuci pana potthakesu imasmim vāre “samāhitena cītena idaṃ dukkhanti yathābhūtaṃ pajānātī” tiādi saccanayo likhito, sopi ca kesuci potthakesu “idaṃ dukkhanti yoniso manasi karotī” tiādinā nayena likhito. Vāradvayepi byañjanatoyeva viseso, na atthato. “Nibbindaṃ virajjati” ti hi maggañāyassa vuttattā maggañāye ca siddhe catusaccābhisamayakiccaṃ siddhameva hoti. Tasmā catusaccanayena vuttavāropi iminā vārena atthato avisiṭṭhoyeva.

74. Idāni **aniccatoti**ādihi ārammaṇassa avisesetvā vuttattā ārammaṇaṃ visesento **rūpaṃ aniccato manasi karotīti**ādimāha. **Yonisomanasikāramūlakāti** yonisomanasikāro mūlaṃ patiṭṭhā etesanti yonisomanasikāramūlakā. Yonisomanasikāraṃ muñcitvāyeva hi pāmojjādayo nava na honti. **Samāhitena cītenāti** kāraṇabhūtena cītena. **Yathābhūtaṃ pajānātīti** paññāya pajānāti. “Idaṃ dukkhanti yoniso

manasi karotī’ ti vuccamāne anussavavasena pubbabhāgasaccānubodhopi saṅgayhati.
Yonisomanasikāroti ca upāyena manasikāro.

Dhātunānattaṃ paṭicca uppajjati phassanānattanti cakkhādīdhātunānattaṃ paṭicca cakkhusamphassādīnānattaṃ uppajjati attho. **Phassanānattaṃ paṭiccā**ti cakkhusamphassādīnānattaṃ paṭicca. **Vedanānānattanti** cakkhusamphassajādivedanānānattaṃ. **Saññānānattanti** kāmasaññādīnānattaṃ. **Saṅkappanānattanti** kāmasaṅkappādīnānattaṃ. **Chandanānattanti** saṅkappanānattatāya rūpe chando sadde chandoti evaṃ chandanānattaṃ uppajjati. **Pariḷāhanānattanti** chandanānattatāya rūpāpariḷāho saddapariḷāhoti evaṃ pariḷāhanānattaṃ uppajjati. **Pariyesanānānattanti** pariḷāhanānattatāya rūpāpariyesanādīnānattaṃ uppajjati. **Lābhanānattanti** pariyesanānānattatāya rūpāpariḷābhādīnānattaṃ uppajjati.

Dhammanānattañāṇaniddesavaṇṇanā niṭṭhitā.

20-24. Ñāṇapañcakaniddesavaṇṇanā

75. Ñāṇapañcakaniddese tesam pañcannaṃ ñāṇānaṃ anupubbāsambandhasabbhāvato ekatova pucchāvissajjanāni katāni. **Abhiññātā hontī**ti dhammasabhāvalakkhaṇajānavasena suṭṭhu ñātā hontī. **Ñātā hontī**ti ñātapariññāvasena sabhāvato ñātattā ñātā nāma hontī. Yena ñāṇena te dhammā ñātā hontī, taṃ ñātattāhena ñāṇaṃ, pajānanaṭṭhena paññāti sambandho. Imināva nayena sesaññāṇāni yojetabbāni. **Pariññātā hontī**ti sāmāññalakkhaṇavasena samantato ñātā hontī. **Tīritā hontī**ti tīraṇapariññāvasena aniccādito upaparikkhitā samāpitā nāma hontī. **Pahīnā hontī**ti aniccānupassanādīnā ñāṇena nīccasaññādayo bhaṅgānupassanato paṭṭhāya pahīnā hontī. **Pariccattā hontī**ti pahānavaseneva chaḍḍitā nāma hontī. **Bhāvitā hontī**ti vaḍḍhitā paribhāvitā ca hontī. **Ekarasā hontī**ti sakīccasādhanapaṭipakkhapahānena ekakīccā hontī, paccanīkato vā vimuttivasena vimuttirasena ekarasā hontī. **Sacchikatā hontī**ti paṭilābhavasena phaladhammo paṭivedhavasena nibbānadhammoti paccakkhatā hontī. **Phassitā hontī**ti paṭilābhaphusanena paṭivedhaphusanena ca phassitā anubhūtā hontī. Imāni pañca ñāṇāni heṭṭhā sutamayaññāvasena vuttāni, idha sakīccasādhanavasena.

Ñāṇapañcakaniddesavaṇṇanā niṭṭhitā.

25-28. Paṭisambhidāñāṇaniddesavaṇṇanā

76. Paṭisambhidāñāṇaniddese yasmā dhamme avutte tassa kiccaṃ na sakkā vattuṃ, tasmā uddiṭṭhānaṃ paṭipāṭiṃ anādiyitvā paṭhamam dhammā niddiṭṭhā. Dhammādīnaṃ atthā vuttāyeva. **Saddhindriyaṃ dhammoti**ādīhi dhammasaddapariyāpanne dhamme vatvā nānattasaddassa attham dassento **añño saddhindriyaṃ dhammoti**ādīmāha. “Añño dhammo” ti hi vutte dhammānaṃ nānattaṃ dassitaṃ hoti. **Paṭivīditā**ti abhimukhabhāvena viditā pākāṭā nāma hontī. Tena paṭisambhidāpadassa attho vutto. **Adhimokkhaṭṭho atthoti**ādīhi tesam saddhādīnaṃ adhimuccanādīkiccaṃ attho nāmāti dasseti. **Sandassetunti** param ñāpetukāmassa param sandassetuṃ. Parassa pana vacanaṃ suṇantassāpi labbhatīyeva. **Byañjananiruttābhilāpāti** nāmabyañjanaṃ nāmanirutti nāmābhilāpo. Nāmañhi attham byañjayatīti byañjanaṃ, “saṅkhatamabhisaṅkharontīti kho, bhikkhave, tasmā saṅkhārāti vuccantī” ti (saṃ. ni. 3.79) evaṃ niddhāretvā sahetukaṃ katvā vuccamānattā nirutti, abhilapīyati etena atthoti abhilāpoti vuccati.

Nāmañca nāmetaṃ catubbidham – sāmāññānāmaṃ, guṇanāmaṃ, kittimanāmaṃ, opapāṭikanāmanti. Tattha paṭhamakappikesu mahājanena sammānitvā ṭhapitattā “mahāsammato” ti rañño nāmaṃ **sāmāññānāmaṃ**. Yaṃ sandhāya vuttaṃ “mahājanasammato” ti kho, vāseṭṭha, ‘mahāsammato mahāsammato’ tveva paṭhamam akkharam upanibbatta’ nti (dī. ni. 3.131). “Dhammakathiko paṃsukūliko vinayadharo tipīṭakadharo saddho sato” ti evarūpaṃ guṇato āgatanāmaṃ **guṇanāmaṃ**. “Bhagavā arahaṃ sammāsambuddho” tiādīnīpi tathāgatassa anekāni nāmasatāni guṇanāmāneva. Tena vuttaṃ –

“Asaṅkhyeyyāni nāmāni, saṅḡeṇa mahesino;
Guṇehi nāmamuddheyyaṃ, api nāmasahassato”ti.

Yaṃ pana jātassa kumārakassa nāmaggaḥaḍḍivase dakkhiṇeyyānaṃ sakkāraṃ katvā samīpe ʒhitā ṇātakā kappetvā pakappetvā “ayaṃ asuko nāmā”ti nāmaṃ karonti, idaṃ **kittimanāmaṃ**. Yā pana purimapaññatti aparapaññattiyam patati, purimavohāro pacchimavohāre patati. Seyyathidaṃ, purimakappepi cando candoyeva nāma, etarahipi candoyeva. Atīte sūriyo, samuddo, pathavī, pabbato pabbatoyeva nāma, etarahipi pabbatoyevāti, idaṃ **opapātikanāmaṃ**. Idaṃ catubbidhampi nāmaṃ ekaṃ nāmameva hoti, taṃ lokasaṅketamattasiddhaṃ paramatthato avijjamānaṃ. Aññe pana “nāmaṃ nāma atthajotako saddo”ti vadanti. Balabojjhaṅgamaggaṅgānaṃ vuttanayānusāreṇeva attho veditabbo.

Paṭisambhidāññāniddesavaṇṇanā niṭṭhitā.

29-31. Ñāṇattayaniddesavaṇṇanā

78. Ñāṇattayaniddese **nimittanti** saṅkhāranimittam. **Animitteti** saṅkhāranimittapaṭipakkhe nibbāne. **Adhimuttattāti** tanninnabhāvena cittassa viṣṭattattā. **Phussa phussa vayaṃ passatī** saṅkhāranimittam ṇāṇeṇa phusitvā phusitvā tassa bhaṅgaṃ vipassanāññāṇeṇeva passati. Etena bhaṅgānupassanā siddhā. Sā aniccānupassanaṃ sādheti, aniccassa dukkhattā sā dukkhānupassanaṃ, dukkhassa anattattā sā anattānupassanaṃ evamettha tisso anupassanā vuttā honti. **Animitto vihāroti** nimittam bhayato diṭṭhattā so vipassanattayavihāro animittavihāro nāma hoti. **Paṇidhinti** taṇhaṃ. **Appaṇihiteti** taṇhāpaṭipakkhe nibbāne. **Abhinivesanti** attābhinivesam. **Suññateti** attavirahite nibbāne. **Suññatoti** suññāmyeva suññato. **Pavattam ajjupekkhitvāti** vipākappavattam saṅkhārupekkhāya ajjupekkhitvā. Sugatisaṅkhātavipākappavattābhinandino hi sattā. Ayaṃ pana phalasaṃpattim samāpajjitukāmo taṃ pavattam, sabbaṅca saṅkhāragataṃ aniccāditto passitvā ajjupekkhatiyeva. Evañhi diṭṭhe phalasaṃpattim samāpajjitum sakkoti, na aññathā. **Āvajjitvāti** āvajjanena āvajjitvā. **Samāpajjatī** phalasaṃpattim paṭipajjati. **Animittā samāpattī** nimittam bhayato disvā samāpannattā animittā samāpatti nāma. **Animittavihārasamāpattī** vipassanāvihārasena ca phalasaṃpattivasena ca tadubhayaṃ nāma hoti.

79. Idāni saṅkhāranimittameva vibhajitvā dassento **rūpanimittanti**ādīmāha. Jarāmaṇaggahaṇe vattabbaṃ pubbe vuttameva. “Añño animittavihāro”tiādīhi vutṭeyeva nigametvā dasseti. Saṅkhepena **vihāraṭṭhe ṇāṇam** nāma phalasaṃpattiyā pubbhāge saṅkhārupekkhāññāṇe ʒhitassa vipassanāvihāranānatte ṇāṇam **samāpattaṭṭhe ṇāṇam** nāma phalasaṃpattinānatte ṇāṇam. **Vihārasamāpattaṭṭhe ṇāṇam** nāma tadubhayanānatte ṇāṇam. Vipassanāvihāreṇeva vītināmetukāmo vipassanāvihārameva pavatteti, phalasaṃpattivihāreṇeva vītināmetukāmo vipassanāpaṭipāṭiyā ussakkitvā phalasaṃpattivihārameva pavatteti, tadubhayaṇa vītināmetukāmo tadubhayaṃ pavatteti. Evaṃ puggalādhippāyavasena tividhaṃ jātam. Sesamettha vattabbaṃ saṅkhārupekkhāññāvaṇṇanāyaṃ vuttameva.

Ñāṇattayaniddesavaṇṇanā niṭṭhitā.

32. Ānantarikasamādhināṇaniddesavaṇṇanā

80. Ānantarikasamādhināṇaniddese **nekkhamvasenāti**ādīsu nekkhammaabyāpādaalokasaññāvikkhepadhammavavattānaññāpāmojjāni sukkhavipassakassa upacārajjhānasampayuttā tassa tassa kilesassa vipakkabhūtā satta dhammā ekacittasampayuttā eva. **Cittassa ekaggatā avikkhepoti** ekaggassa bhāvo ekaggatā, nānārammaṇe na vikkhipati tena cittanti avikkhepo, cittassa ekaggatāsaṅkhāto avikkhepoti attho. **Samādhī** ekārammaṇe samaṃ ādhīyati tena cittanti samādhī nāmāti attho. **Tassa samādhissa vasenāti** upacārasamādhināpi samāhitacittassa yathābhūtāvabodhato vuttappakārassa samādhissa vasena. **Uppajjati ṇāṇanti** maggaññāṇam yathākkamena uppajjati. **Khīyantī** samucchadavasena khīyanti. **Itī** vuttappakārassa atthassa nigamaṇam. **Paṭhamam samathoti** pubbhāge samādhī hoti. **Pacchā ṇāṇanti** aparabhāge maggakkhaṇe ṇāṇam hoti.

Kāmāsavoti pañcakāmaguṇikarāgo. **Bhavāsavoti** rūpārūpabhavesu chandarāgo jhānanikanti sassataditṭhisahajāto rāgo bhavavasena patthanā. **Diṭṭhāsavoti** dvāsaṭṭhi diṭṭhiyo. **Avijjāsavoti** dukkhādīsu aṭṭhasu ṭhānesu aññāṇaṃ. Bhumavacanaena okāsapucchaṃ katvā “sotāpattimaggenā” tiādīnā āsavakkhayakarena maggena āsavakkhayaṃ dassetvā “etthā” ti okāsavissajjanaṃ kataṃ, maggakkhaṇeti vuttaṃ hoti. **Anavasesoti** natthi etassa avasesoti anavaseso. **Apāyagamanīyoti** nirayatiracchānayanipettivisayāsuraṅkāyā cattāro sukhasaṅkhātā ayā apētattā apāyā, yassa saṃvijjati, taṃ puggalaṃ apāye gametīti apāyagamanīyo. Āsavakkhayakathā dubhatovuṭṭhānakathāyaṃ vuttā.

Avikkhepavasenāti pavattamānassa samādhissa upanissayabhūtasamādhivasena. **Pathavīkaṣiṇavasenāti** adīsu dasa kaṣiṇāni tadārammaṇikaappanāsamādhivasena vuttāni, buddhānussatiādāyo maraṇassati upasamānussati ca upacārajjhānavasena vuttā, ānāpānassati kāyagatāsati ca appanāsamādhivasena vuttā, dasa asubhā paṭhamajjhānavasena vuttā.

Buddhaṃ ārabha uppannā anussati **buddhānussati**. “Itipi so bhagavā araha” ntiādibuddhaguṇārammaṇāya (ma. ni. 1.74; a. ni. 3.71; 9.27) satiyā etaṃ adhivacanaṃ, tassā buddhānussatiyā vasena. Tathā dhammaṃ ārabha uppannā anussati **dhammānussati**. “Svākkhāto bhagavatā dhammo” tiādīdhammaguṇārammaṇāya satiyā etaṃ adhivacanaṃ. Saṅghaṃ ārabha uppannā anussati **saṅghānussati**. “Suppaṭipanno bhagavato sāvakaṣaṅgho” tiādīsaṅghaguṇārammaṇāya satiyā etaṃ adhivacanaṃ. Sīlaṃ ārabha uppannā anussati **sīlānussati**. Attano akhaṇḍatādīsīlaguṇārammaṇāya satiyā etaṃ adhivacanaṃ. Cāgaṃ ārabha uppannā anussati **cāgānussati**. Attano muttacāgatādicāguṇārammaṇāya satiyā etaṃ adhivacanaṃ. Devatā ārabha uppannā anussati **devatānussati**. Devatā sakkhiṭṭhāne ṭhapetvā attano saddhādīguṇārammaṇāya satiyā etaṃ adhivacanaṃ. Ānāpāne ārabha uppannā sati **ānāpānassati**. Ānāpānanimittārammaṇāya satiyā etaṃ adhivacanaṃ. Maraṇaṃ ārabha uppannā sati **marāṇassati**. Ekabhavapariyāpannajīvitindriyupacchedasaṅkhātamarāṇārammaṇāya satiyā etaṃ adhivacanaṃ. Kucchitānaṃ kesādīnaṃ paṭikūlānaṃ āyattā ākarattā kāyotisaṅkhāte sarīre gatā pavattā, tādīsaṃ vā kāyaṃ gatā sati **kāyagatāsati**. “Kāyagatasati” ti vattabbe rassaṃ akatvā “kāyagatāsati” ti vuttā. Tatheva idhāpi kāyagatāsativasenāti vuttaṃ. Kesādīkesu kāyakoṭṭhāsesu paṭikūlanimittārammaṇāya satiyā etaṃ adhivacanaṃ. Upasamaṃ ārabha uppannā anussati **upasamānussati**. Sabbadukkhūpasamārammaṇāya satiyā etaṃ adhivacanaṃ. Dasa asubhā heṭṭhā vuttatthā.

81. Dīghaṃ assāsavasenāti adīni appanūpacārasamādhībhedaṃyeva dassetuṃ vuttāni. **Dīghaṃ assāsavasenāti** dīghanti vuttaassāsavasena. “Dīghaṃ vā assasanto dīghaṃ assasāmīti pajānāti” ti (dī. ni. 2.374; ma. ni. 1.107; 3.148) hi vuttaṃ. Esa nayo sesesupi. **Sabbakāyapaṭisaṃvedīti** sabbassa assāsapassāsakāyassa paṭisaṃvedī. **Passambhayaṃ kāyasaṅkhāranti** oḷārikaṃ assāsapassāsasaṅkhātaṃ kāyasaṅkhāraṃ passambhento vūpasamento. “Dīghaṃ rassaṃ sabbakāyapaṭisaṃvedī passambhayaṃ kāyasaṅkhāra” nti imināva catukkena appanāsamādhī vutto. **Pītipaṭisaṃvedīti** pītiṃ pākātaṃ karonto. **Cittasaṅkhārapaṭisaṃvedīti** saññāvedanāsaṅkhātaṃ cittasaṅkhāraṃ pākātaṃ karonto. **Abhippamodayaṃ cittanti** cittaṃ modento. **Samādahaṃ cittanti** ārammaṇe cittaṃ samaṃ ṭhapento. **Vimocayaṃ cittanti** cittaṃ nīvaraṇādīhi vimocento. **Pītipaṭisaṃvedī sukhapaṭisaṃvedī cittasaṅkhārapaṭisaṃvedī passambhayaṃ cittasaṅkhāranti** catukkaṅca **cittapaṭisaṃvedī abhippamodayaṃ cittaṃ samādahaṃ cittaṃ vimocayaṃ cittanti** catukkaṅca appanāsamādhivasena vipassanāsampayuttasamādhivasena ca vuttāni. **Aniccānupassīti** aniccānupassanāvasena. **Virāgānupassīti** nibbidānupassanāvasena. **Nirodhānupassīti** bhaṅgānupassanāvasena. **Paṭinissaggānupassīti** vuṭṭhānagāminīvipassanāvasena. Sā hi tadaṅgavasena saddhiṃ khandhābhisaṅkhārehi kilese pariccajati. Saṅkhatadosadassanena ca tabbiparīte nibbāne tanninnatāya pakkhandati. Idaṃ catukkaṃ vipassanāsampayuttasamādhivaseneva vuttaṃ. **Assāsavasena passāsavasenāti** cettha assāsapassāsapavattimattaṃ gahetvā vuttaṃ, na tadārammaṇakaraṇavasena. Vitthāro panettha ānāpānakathāyaṃ āvibhavissati.

Ānantarikasamādhīñānaniddesavaṇṇanā niṭṭhitā.

33. Araṇavihārañāṇaniddesavaṇṇanā

82. Araṇavihārañāṇaniddese aniccānupassanādayo vuttatthā. **Suññato vihāroti** anattānupassanāya vuṭṭhitassa suññatākāreṇeva pavattā arahattaphalasaṃpatti. **Animitto vihāroti** aniccānupassanāya vuṭṭhitassa animittākāreṇeva pavattā arahattaphalasaṃpatti. **Appaṇihito vihāroti** dukkhānupassanāya vuṭṭhitassa appaṇihitākāreṇeva pavattā arahattaphalasaṃpatti. **Suññate adhimuttatāti** suññate phalasaṃpattiyā pubbhāgapaññāvasena adhimuttatā. Sesadvayepi eseṇa nayo. **Paṭhamam jhānanti**ādīhi arahattaphalasaṃpattiṃ samāpajjitukāmassa vipassanāya ārammaṇabhūtā jhānasamāpattiyō vuttā. Arahatoyeva hi vipassanāphalasaṃpatti paṇītādhimuttijhānasamāpattiyō sabbakilesānaṃ pahīnattā “araṇavihāro”ti vattum arahanti.

Paṭhamena jhānena nīvaraṇe haratīti araṇavihāroti paṭhamajjhānasamaṅgī paṭhamena jhānena nīvaraṇe haratīti taṃ paṭhamam jhānaṃ araṇavihāroti attho. Sesesupi eseṇa nayo. Arahatō nīvaraṇābhāvepi nīvaraṇavipakkhattā paṭhamassa jhānassa nīvaraṇe haratīti vuttanti veditabbaṃ. Vipassanāphalasaṃpatti paṇītādhimuttivasena tidhā araṇavihārañāṇaṃ uddisitvā kasmā jhānasamāpattiyova araṇavihāroti niddiṭṭhāti ce? Uddesavaseneva tāsam tissannaṃ araṇavihāratāya siddhattā. Phalasaṃpattivipassanāya pana bhūmibhūtānaṃ jhānasamāpattīnaṃ araṇavihāratā avutte na sijjhati, tasmā asiddhameva sādhetum “paṭhamam jhānaṃ araṇavihāro”tiādi vuttanti veditabbaṃ. Tāsañhi araṇavihāratā uddesavasena asiddhāpi niddese vuttattā siddhāti. Tesam vā yojitanayeneva “aniccānupassanā niccasaññaṃ haratīti araṇavihāro, dukkhānupassanā sukhasaññaṃ haratīti araṇavihāro, anattānupassanā attasaññaṃ haratīti araṇavihāro, suññato vihāro asuññataṃ haratīti araṇavihāro, animitto vihāro nimittaṃ haratīti araṇavihāro, appaṇihito vihāro paṇidhiṃ haratīti araṇavihāro, suññatādhimuttatā asuññatādhimuttiṃ haratīti araṇavihāro, animittādhimuttatā nimittādhimuttiṃ haratīti araṇavihāro, appaṇihitādhimuttatā paṇihitādhimuttiṃ haratīti araṇavihāro”ti yojetvā gahetabbaṃ.

Araṇavihārañāṇaniddesavaṇṇanā niṭṭhitā.

34. Nirodhasamāpattiñāṇaniddesavaṇṇanā

83. Nirodhasamāpattiñāṇaniddese **samathabalanti** kāmacchandādayo paccaṇīkadhamme sametīti samatho, soyeṇa akampanīyaṭṭhena balaṃ. Anāgāmiarahantānaṃyeṇa samādhipaṭipakkhassa kāmacchandassa pahānena samādhimiṃ paripūrakāribhāvappattatā tesamyeṇa samādhi balappattoti katvā “samathabala”nti vuccati, na aññesaṃ. Samādhibalantipi pāṭho. **Vipassanābalanti** aniccādivasena vividhehi ākārehi dhamme passatīti vipassanā, sāyeṇa akampanīyaṭṭhena balaṃ. Tesamyeṇa ubhinnaṃ balappattaṃ vipassanāñāṇaṃ. Tattha samathabalaṃ anupubbena cittasantānavūpasamanatthaṃ nirodhe ca paṭipādanatthaṃ, vipassanābalaṃ pavatte ādīnavadassanatthaṃ nirodhe ca ānisaṃsadassanatthaṃ.

Nīvaraṇeti nimittatthe bhummavacanaṃ, nīvaraṇanimittaṃ nīvaraṇapaccayāti attho. Karaṇatthe vā bhummavacanaṃ, nīvaraṇenāti attho. **Na kampaṭīti** jhānasamaṅgīpuggalo. Atha vā jhānanti jhānaṅgānaṃ adhippetattā paṭhamena jhānena taṃsampayuttasamādhi nīvaraṇe na kampaṭi. Ayameṇa cettha yojanā gahetabbā. **Uddhacce cāti** uddhaccasahagatacittuppāde uddhacce ca. **Uddhaccanti** ca uddhatabhāvo, taṃ avūpasamalakkhaṇaṃ. **Uddhaccasahagatakilese cāti** uddhaccena sahagate ekuppādādibhāvaṃ gate uddhaccasampayutte mohaahirikaanottappakilese ca. **Khandhe cāti** uddhaccasampayuttacatukkhandhe ca. **Na kampaṭi na calati na vedhatīti** aññamaññāvevacanāni. Uddhacce na kampaṭi, uddhaccasahagatakilese na calati, uddhaccasahagatakkhandhe na vedhatīti yojetabbaṃ. Vipassanābalaṃ sattannaṃyeṇa anupassanānaṃ vuttattā tāsamyeṇa vasena vipassanābalaṃ paripunnaṃ hotīti veditabbaṃ. **Avijjāya cāti** dvādasasupi akusalacittuppādesu avijjāya ca. **Avijjāsahagatakilese cāti** yathāyogaṃ avijjāya sampayuttalobhadosaṃmānadiṭṭhivicikicchāthinauddhaccaahirikaanottappakilese ca.

Vacīsaṅkhārāti vitakkavicārā. “Pubbe kho, āvuso visākha, vitakketvā vicāretvā pacchā vācaṃ bhindati, tasmā vitakkavicārā vacīsaṅkhāro”ti (ma. ni. 1.463) vacanato vācaṃ saṅkharonti uppādentīti vacīsaṅkhārā. **Kāyasaṅkhārāti** assāsapassāsā. “Assāsapassāsā kho, āvuso visākha, kāyikā ete dhammā

kāyapaṭibaddhā, tasmā assāsapassāsā kāyasankhāro”ti (ma. ni. 1.463) vacanato kāyena sankharīyantīti kāyasankhārā. **Saññāvedayitanirodhanti** saññāya vedanāya ca nirodham. **Cittasankhārāti** saññā ca vedanā ca. “Cetasikā ete dhammā cittaṭṭibaddhā, tasmā saññā ca vedanā ca cittasankhāro”ti (ma. ni. 1.463) vacanato cittena sankharīyantīti cittasankhārā.

84. Nāṇacariyāsu anupassanāvasāne, vivaṭṭanānupassanāgahaṇena vā tassā ādibhūtā cariyākathāya nāṇacariyāti vuttā sesānupassanāpi gahitā hontīti veditabbaṃ. **Soḷasahi nāṇacariyāhīti** ca ukkaṭṭhaparicchedo, anāgāmissa pana arahattamaggaphalavajjāhi cuddasahipi hoti paripuṇṇabalattā.

85. Navahi samādhicariyāhīti ettha paṭhamajjhānādīhi aṭṭha, paṭhamajjhānādīnaṃ paṭilābhatthāya sabbattha upacārajjhānavasena ekāti nava samādhicariyā. Balacariyānaṃ kiṃ nānattaṃ? Samathabalenapi hi “nekkhammavasena”tiādīhi sattahi pariyāyehi upacārasamādhī vutto, peyyālavittthārato “paṭhamajjhānavasena”tiādīhi samasattatiyā vārehi yathāyogaṃ appanūpacārasamādhī vutto, samādhicariyāyapi “paṭhamam jhāna”ntiādīhi aṭṭhahi pariyāyehi appanāsamādhī vutto. **Paṭhamam jhānaṃ paṭilābhatthāyāti**ādīhi aṭṭhahi pariyāyehi upacārasamādhī vuttoti ubhayatthāpi appanūpacārasamādhīyeva vutto. Evaṃ santepi akampiyatṭhena balāni vasībhāvattṭhena cariyāti veditabbā. Vipassanābale pana satta anupassanāva “vipassanābala”nti vuttā, nāṇacariyāya satta ca anupassanā vuttā, vivaṭṭanānupassanādayo nava ca visesetvā vuttā. Idam nesaṃ nānattaṃ. Satta anupassanā pana akampiyatṭhena balāni vasībhāvattṭhena cariyāti veditabbā.

“Vasībhāvātā paññā”ti (paṭi. ma. 1.34 mātikā) ettha vuttavasiyo vissajjetuṃ **vasīti pañca vasiyoti** itthilingavohārena vuttaṃ. Vaso eva vasīti vuttaṃ hoti. Puna puggalādhiṭṭhānāya desanāya tā vasiyo vissajjento **āvajjanavasīti**ādīmāha. Āvajjanāya vaso āvajjanavaso, so assa atthīti āvajjanavasī. Eseva nayo sesesu. **Paṭhamam jhānaṃ yatthicchakanti** yattha yattha padese icchati gāme vā araññe vā, tattha tattha āvajjati. **Yadicchakanti** yadā yadā kāle sītakāle vā uṇhakāle vā, tadā tadā āvajjati. Atha vā yaṃ yaṃ paṭhamam jhānaṃ icchati pathavīkasiṇārammaṇaṃ vā sesārammaṇaṃ vā, taṃ taṃ āvajjati. Ekekakasiṇārammaṇassaṃpi jhānassa vasitānaṃ vuttattā purimayojanāyeva sundaratarā. **Yāvaticchakanti** yāvatakaṃ kālaṃ icchati accharāsāṅghātamattaṃ sattāhaṃ vā, tāvatakaṃ kālaṃ āvajjati. **Āvajjanāyāti** manodvārāvajjanāya. **Dandhāyitanti** avasavattibhāvo, alasabhāvo vā. **Samāpajjati**ti paṭipajjati, appetīti attho. **Adhiṭṭhāti**ti antosamāpattiyam adhikaṃ katvā tiṭṭhati. **Vuṭṭhānavasiyam**paṭhamam jhānanti nissakkatthe upayogavacanam, paṭhamajjhānāti attho. **Paccavekkhati**ti paccavekkhaṇajavanehi nivattitvā passati. Ayamettha pālivaṇṇanā.

Ayaṃ pana atthappakāsānā – paṭhamajjhānato vuṭṭhāya vitakkaṃ āvajjayato bhavaṅgaṃ upacchinditvā pavattāvajjanānantaram vitakkārammaṇāneva cattāri pañca vā javanāni javanti, tato dve bhavaṅgāni, tato puna vicārārammaṇaṃ āvajjanaṃ vuttanayeneva javanānīti evaṃ pañcasu jhānaṅgesu yadā niranantaraṃ cittaṃ pesetuṃ sakkoti, athassa āvajjanavasī siddhāva hoti. Ayaṃ pana matthakappattā vasī bhagavato yamakapāṭihāriyeva labbhati. Ito paraṃ sīghatarā āvajjanavasī nāma natthi. Aññesaṃ pana antarantarā bhavaṅgavāre gaṇanā natthi. Mahāmoggallānattherassa nandopanandadamane viya sīghaṃ samāpattisamāpajjanasamatthatā samāpajjanavasī nāma. Accharāmatthaṃ vā dasaccharāmatthaṃ vā khaṇaṃ samāpattiṃ ṭhpetuṃ samatthatā adhiṭṭhānavasī nāma. Tatheva tato lahuṃ vuṭṭhānasamatthatā vuṭṭhānavasī nāma. Paccavekkhaṇavasī pana āvajjanavasiyā eva vuttā. Paccavekkhaṇajavanāneva hi tattha āvajjanānantarānīti. Iti āvajjanavasiyā siddhāya paccavekkhaṇavasī siddhā hoti, adhiṭṭhānavasiyā ca siddhāya vuṭṭhānavasī siddhā hoti. Evaṃ santepi “ayaṃ pana matthakappattā vasī bhagavato yamakapāṭihāriyeva labbhati”ti vuttattā pāṭihāriyakāle jhānaṅgapaccavekkhaṇānaṃ abhāvato nānāvīdhavaṇṇādinimmānassa nānākasiṇavasena ijjhanato taṃtaṃkasiṇārammaṇaṃ jhānaṃ samāpajjitukāmassa yathāruci lahuṃ tasmim kasiṇe vuttanayena āvajjanapavattanasamatthatā āvajjanavasī, tadāvajjanavāthiyāmyeva tassa jhānassa appanāsamatthatāsamāpajjanasamatthatā samāpajjanavasī. Evañhi vuccamāne yutti ca na virujjhati, vasīpaṭipāṭi ca yathākkameneva yujjati. Jhānaṅgapaccavekkhaṇāyamaṃ pana “matthakappattāyeva pañca javanāni”ti vuttattā vuttanayena sattaṃsupi javanesu javantesu paccavekkhaṇavasīyeva hoti. Evaṃ sante “paṭhamajjhānaṃ āvajjati”ti vacanaṃ na yujjati ce? Yathā kasiṇe pavattaṃ jhānaṃ kāraṇopacārena kasiṇanti vuttaṃ, tathā jhānapaccayaṃ

kasiṇaṃ “sukho buddhānamuppādo”tiādīsu (dha. pa. 194) viya phalopacārena jhānanti vuttaṃ. Yathāparicchinne kāle tathā vuṭṭhitassa niddāya pabuddhassa puna niddokkamane viya puna jhānokkamane satipi adhiṭṭhānavasīyeva nāma, yathāparicchedena vuṭṭhitassa pana vuṭṭhāneyeva adhiṭṭhāne satipi vuṭṭhānavasī nāma hotīti ayaṃ tesāṃ vireso.

Nirodhasamāpattiyā vibhāvanatthaṃ pana idaṃ pañhakammaṃ – kā nirodhasamāpatti, ke taṃ samāpajjanti, ke na samāpajjanti, kattha samāpajjanti, kasmā samāpajjanti, kathañcassā samāpajjanaṃ hoti, kathaṃ tñānaṃ, kathaṃ vuṭṭhānaṃ, vuṭṭhitassa kinninnaṃ cittaṃ hoti, matassa ca samāpannassa ca ko vireso, nirodhasamāpatti kiṃ saṅkhatā asaṅkhatā lokiyā lokuttarā nipphannā anipphannāti?

Tattha **kā nirodhasamāpattī**? Yā anupubbanirodhavasena cittacetāsikānaṃ dhammānaṃ appavattī.

Ke taṃ samāpajjanti, ke na samāpajjanti? Sabbepi puthujjanā sotāpannā sakadāgāmino sukkhavi-passakā ca anāgāmī arahanto na samāpajjanti, aṭṭhasamāpattilābhino pana anāgāmino ca khīṇāsavā ca samāpajjanti.

Kattha samāpajjanti? Pañcavokārabhave. Kasmā? Anupubbasaṃpattisabbhāvato. Catuvokārabhave pana paṭhamajjhānādīnaṃ uppattiyeva natthi, tasmā na sakkā tattha samāpajjituṃ.

Kasmā samāpajjanti? Saṅkhārānaṃ pavattibhede ukkaṅṭhitvā diṭṭheva dhamme acittakā hutvā “nirodhaṃ nibbānaṃ patvā sukhaṃ viharissāmā”ti samāpajjanti.

Kathaṃ cassā samāpajjanaṃ hotīti? Samathavi-passanāvasena ussakkivā katapubbakiccassa nevasaññānāsaññāyatanaṃ nirodhayato evamassā samāpajjanaṃ hoti. Yo hi samathavaseneva ussakkati, so nevasaññānāsaññāyatanaṃ samāpattiṃ patvā tiṭṭhati. Yo vipassanāvaseneva ussakkati, so phalasaṃpattiṃ patvā tiṭṭhati. Yo pana ubhayavasena ussakkivā nevasaññānāsaññāyatanaṃ nirodheti, so taṃ samāpajjati ayamettha saṅkhepo.

Ayaṃ pana vitthāro – idha bhikkhu nirodhaṃ samāpajjitukāmo katabhattakicco sudhotahatthapādo vivitte okāse supaññatte āsane nisīdati pallaṅkaṃ ābhujitvā ujum kāyaṃ pañidhāya parimukhaṃ satim upaṭṭhapetvā. So paṭhamajjhānaṃ samāpajjitvā vuṭṭhāya tattha saṅkhāre aniccato dukkhato anattato vipassati. Vipassanā panesā tividhā hoti – saṅkhārapariggaṇhanakavi-passanā, phalasaṃpattivipassanā, nirodhasaṃpattivipassanāti. Tattha saṅkhārapariggaṇhanakavi-passanā mandā vā hotu tikkhā vā, maggassa padaṭṭhānaṃ hotiyeva. Phalasaṃpattivipassanā tikkhāva vaṭṭati maggabhāvanāsadisā. Nirodhasaṃpattivipassanā pana nātimandā nātittikkhā vaṭṭati. Tasmā esa nātimandāya nātittikkhāya vipassanāya te saṅkhāre vipassati. Tato dutiyajjhānaṃ samāpajjitvā vuṭṭhāya tattha saṅkhāre tatheva vipassati. Tato tatiyajjhānaṃ...pe... tato viññāṇācāyatanaṃ samāpajjitvā vuṭṭhāya tattha saṅkhāre tatheva vipassati. Atha ākiñcaññāyatanaṃ samāpajjitvā vuṭṭhāya catubbidhaṃ pubbakiccaṃ karoti – nānābaddhaavikopanaṃ, saṅghapaṭimānaṃ, satthupakkosanaṃ, addhānaparicchedanti.

Tattha **nānābaddhaavikopanaṃ** yaṃ iminā bhikkhunā saddhiṃ ekābaddhaṃ na hoti, nānābaddhaṃ hutvā tñitaṃ pattacīvaraṃ vā mañcapīṭhaṃ vā nivāsagehaṃ vā aññaṃ vā pana kiñci parikkhārajātaṃ, taṃ yathā na vikuppati, aggiudakavātacoraundūrādīnaṃ vasena na vinassati, evaṃ adhiṭṭhātabbaṃ. Tatridaṃ adhiṭṭhānavidhānaṃ – “idañcidañca imasmiṃ sattāhabbhantare mā agginā jhāyatu, mā udakena vuyhatu, mā vātena viddhaṃsatu, mā corehi harīyatu, mā undūrādīhi khajjatū”ti. Evaṃ adhiṭṭhite taṃ sattāhaṃ tassa na koci parissayo hoti, anadhiṭṭhahato pana aggīādīhi vinassati. Idaṃ nānābaddhaavikopanaṃ nāma. Yaṃ pana ekābaddhaṃ hoti nivāsanapārupanaṃ vā nisinnāsaṃ vā, tattha viṣuṃ adhiṭṭhānakiccaṃ natthi, samāpattiyeva naṃ rakkhati.

Saṅghapaṭimānaṃ bhikkhusaṅghassa paṭimānaṃ udikkhanaṃ. Yāva eso bhikkhu āgacchati, tāva saṅghakammaṃsā akaraṇanti attho. Ettha ca na paṭimānaṃ etassa pubbakiccaṃ, paṭimānanāvajjanaṃ pana pubbakiccaṃ. Tasmā evaṃ āvajjitabbaṃ – “sace mayi sattāhaṃ nirodhaṃ

samāpajjitvā nisinne saṅgho apalokanakammādīsu kiñcīdeva kammaṃ kattukāmo hoti, yāva maṃ koci bhikkhu āgantvā na pakkosati, tāvadeva vuṭṭhahissāmī”ti. Evaṃ katvā samāpanno hi tasmim samaye vuṭṭhātiyeva. Yo pana evaṃ na karoti, saṅgho ca sannipatitvā taṃ apassanto “asuko bhikkhu kuhi”nti pucchitvā “nirodhaṃ samāpanno”ti vutte kañci bhikkhuṃ peseti “gaccha taṃ saṅghassa vacanena pakkosā”ti. Athassa tena bhikkhunā savanūpacāre ṭhatvā “saṅgho taṃ āvuso paṭimānetī”ti vuttamatteyeva vuṭṭhānaṃ hoti. Evaṃgarukā hi saṅghassa āṇā nāma. Tasmā taṃ āvajjitvā yathā sayameva vuṭṭhāti, evaṃ samāpajjitabbaṃ.

Satthupakkosananti idhāpi satthupakkosanāvajjanameva imassa pubbakiccaṃ. Tasmā tampi evaṃ āvajjitabbaṃ – “sace mayi sattāhaṃ nirodhaṃ samāpajjitvā nisinne satthā otiṇṇe vatthusmiṃ sikkhāpadaṃ vā paññapeti, tathārūpāya vā aṭṭhuppattiyā dhammaṃ deseti. Yāva maṃ koci āgantvā na pakkosati, tāvadeva vuṭṭhahissāmī”ti. Evaṃ katvā nisinno hi tasmim samaye vuṭṭhātiyeva. Yo pana evaṃ na karoti, satthā ca saṅghe sannipatite taṃ apassanto “asuko bhikkhu kuhi”nti pucchitvā “nirodhaṃ samāpanno”ti vutte kañci bhikkhuṃ peseti “gaccha taṃ mama vacanena pakkosā”ti. Athassa tena bhikkhunā savanūpacāre ṭhatvā satthā āyasmantaṃ āmantetī”ti vuttamatteyeva vuṭṭhānaṃ hoti. Evaṃgarukañhi satthupakkosanaṃ. Tasmā taṃ āvajjitvā yathā sayameva vuṭṭhāti, evaṃ samāpajjitabbaṃ.

Addhānaparicchedoti jīvitaddhānassa paricchedo. Iminā hi bhikkhunā addhānaparicchede kusalena bhavitabbaṃ. “Attano āyusañkhārā sattāhaṃ pavattissanti, na pavattissanti”ti āvajjitvāva samāpajjitabbaṃ. Sace hi sattāhabbhantare nirujjhanake āyusañkhāre anāvajjitvāva samāpajjati, tassa nirodhasamāpatti maraṇaṃ paṭibāhituṃ na sakkoti. Antonirodhe maraṇassa natthitāya antarāva samāpattito vuṭṭhāti, tasmā etaṃ āvajjitvāva samāpajjitabbaṃ. Avasesaṃhi anāvajjitungpi vaṭṭati, idaṃ pana āvajjitabbamevāti vuttaṃ. So evaṃ ākiñcaññāyatanam samāpajjitvā vuṭṭhāya imaṃ pubbakiccaṃ katvā nevasaññānāsaññāyatanam samāpajjati. Athekaṃ vā dve vā cittavāre atikkamitvā acittako hoti, nirodhaṃ phusati. Kasmā panassa dvinnam cittānaṃ upari cittāni nappavattantī? Nirodhassa payogattā. Idañhi imassa bhikkhuno dve samathavipassanādhamme yuganaddhe katvā aṭṭhasamāpattiārohanam anupubbanirodhassa payogo, na nevasaññānāsaññāyatanasamāpattiyāti nirodhassa payogattā dvinnam cittānaṃ upari nappavattanti.

Kathaṃ ṭhānanti? Evaṃ samāpannāya panassā kālaparicchedavasena ceva antarā āyukkhayaṃsaṅghapaṭimānanasatthupakkosanābhāvena ca ṭhānaṃ hoti.

Kathaṃ vuṭṭhānanti? Anāgāmissa anāgāmiphalasamāpattiyā arahato arahattaphalasamāpattiyāti evaṃ dvedhā vuṭṭhānaṃ hoti.

Vuṭṭhitassa kinninnaṃ cittaṃ hotīti? Nibbānaninnaṃ. Vuttañhetam – “saññāvedayitanirodhasamāpattiyā vuṭṭhitassa kho, āvuso visākha, bhikkhuno vivekaninnaṃ cittaṃ hoti vivekaṇaṃ vivekapabbhāra”nti (ma. ni. 1.464).

Matassa ca samāpannassa ca ko visesoti? Ayampi attho sutte vuttoyeva. Yathāha – “yo cāyaṃ, āvuso, mato kālaṅkato, tassa kāyasañkhārā niruddhā paṭippassaddhā, vacīsañkhārā, cittasañkhārā niruddhā paṭippassaddhā, āyu parikkhīṇo, usmā vūpasantā, indriyāni paribhinnāni. Yvāyaṃ bhikkhu saññāvedayitanirodhaṃ samāpanno, tassapi kāyasañkhārā niruddhā paṭippassaddhā, vacīsañkhārā, cittasañkhārā niruddhā paṭippassaddhā, āyu aparikkhīṇo, usmā avūpasantā, indriyāni aparibhinnāni”ti (ma. ni. 1.457).

Nirodhasamāpatti kiṃ sañkhatātiādipucchāyaṃ pana “sañkhatā”tipi “asañkhatā”tipi “lokiyā”tipi “lokuttarā”tipi na vattabbā. Kasmā? Sabhāvato natthitāya. Yasmā pana samāpajjantassa vasena samāpanno nāma hoti, tasmā nipphannāti vattum vaṭṭati, no anipphannāti.

“Iti santā samāpatti, ayaṃ ariyanisevitā;
Diṭṭheva dhamme nibbānamiti sañkhamupāgatā”ti.

Nirodhasamāpattiñāṇaniddesavaṇṇanā niṭṭhitā.

35. Parinibbānañāṇaniddesavaṇṇanā

86. Parinibbānañāṇaniddese **idhāti** imasmiṃ sāsane. **Sampajānoti** sātthakasampajāññaṃ, sappāyasampajāññaṃ, gocarasampajāññaṃ, asammohasampajāññanti imehi catūhi sampajāññehi sampajāno. **Pavattanti** sabbattha yathānurūpaṃ pariyuṭṭhānapavattañca anusayappavattañca. **Pariyādiyātī** upacārappanāvasena vuttesu vikkhambhanavasena, vipassanāvasena vuttesu tadaṅgavasena, maggavasena vuttesu samucchadavasena khepeti appavattaṃ karoti. Peyyālamukhena hi dutiyādiñhānasamāpattimahāvipassanāmaggā saṃkhittā. Yasmā etaṃ paccavekkhantassa pavattaṃ ñāṇaṃ parinibbāne ñāṇaṃ nāma hoti, tasmā vikkhambhanaparinibbānaṃ tadaṅgaparinibbānaṃ samucchadaparinibbānantipi vuttameva hoti. Etehi kilesaparinibbānapaccavekkhaṇaññaṃ vuttaṃ. **Atha vā panāti**ādīhi khandhaparinibbānapaccavekkhaṇaññaṃ niddisati. **Anupādisesāya nibbānadhātuyāti** duvidhā hi nibbānadhātu saupādisesā ca anupādisesā ca. Tattha upādīyate “ahaṃ mamā”ti bhusaṃ gaṇhīyatīti upādi, khandhapañcakassetāṃ adhivacanaṃ. Upādīyeva seso avasiṭṭhoti upādiseso, saha upādisesena vattatīti saupādisesā. Natthettha upādisesoti anupādisesā. Saupādisesā paṭhamaṃ vuttā. Ayaṃ pana anupādisesā. Tāya anupādisesāya nibbānadhātuyā. **Cakkhupavattanti** cakkhupavatti cakkhusamudācāro. **Pariyādiyātī** khepīyati maddīyatīti. Esa nayo sesesu.

Parinibbānañāṇaniddesavaṇṇanā niṭṭhitā.

36. Samasīsaṭṭhañāṇaniddesavaṇṇanā

87. Samasīsaṭṭhañāṇaniddese **pañcakkhandhāti**ādīhi dasahi rāsīhi sabbadhammasaṅgaho vedītabbo. Na hi ekekassa vasena āyatanadhāturaśivajjehi sesehi aṭṭhahi rāsīhi visuṃ visuṃ sabbadhammo saṅgayhatīti. Yasmā pana lokuttaradhammā hetusamucchadena samucchindītabbā na hontī, tasmā sabbadhammasaddena saṅgahitāpi lokuttaradhammā samucchadavasena sambhavato idha na gahetabbā, hetusamucchadena samucchindītabbā eva tebhūmakadhammā gahetabbā. **Sammā samucchindatīti** yathāyogaṃ vikkhambhanatadaṅgasamucchadapahānavasena pariyuṭṭhānaṃ anusayañca nirodhento sammā samucchindati. Evaṃ puggalādhīttānāya desanāya sammā samucchedo niddīṭṭho. **Nirodhetīti** anuppādanīrodhena nirodheti. Iminā samucchadattho vutto. **Na upaṭṭhātīti** evaṃ nirodhe kate so so dhammo puna na upatīṭṭhati, na uppajjatīti attho. Iminā nirodhattho vutto. Evaṃ anupaṭṭhahanadhammavasena anupaṭṭhānabhāvo niddīṭṭho. **Samanti** kāmacchandāṇaṃ samitattā samaṃ. Tāni pana nekkhammādīni satta, rūpārūpajjhānāni aṭṭha, mahāvīpassanā aṭṭhārasa, ariyamaggā cattāroti sattatīmsa hontī.

Terasa sīsāni sīsabhūtānaṃ sabbesaṃ saṅgahavasena vuttāni. Idha pana saddhādīni aṭṭheva sīsāni yujjanti. Na hi arahato taṇhādīni pañca sīsāni santi. **Palibodhasīanti** palibundhanaṃ palibodho, nibbānamaggāvaraṇanti attho. **Sīsanti** padhānaṃ, adhikanti attho. Palibodhoyeva sīsaṃ, taṃsampayuttādisabbapalibodhesu vā sīsanti palibodhasīsaṃ. Esa nayo sesesu. Visesto pana **vinibandhananti** unnatīvasena saṃsāre bandhanaṃ. **Parāmāsoti** abhiniveso. **Vikkhepoti** vippakiṇṇatā. **Kilesoti** kilissanaṃ. **Adhimokkhoti** adhimuccanaṃ. **Paggahoti** ussāhanaṃ. **Upaṭṭhānanti** apilāpanaṃ. **Avikkhepoti** avippakiṇṇatā. **Dassananti** yathāsabhāvapaṭīvedho. **Pavattanti** upādinakkhandhappavattaṃ. **Gocaroti** ārammaṇaṃ. Imesu dvādasasupi vāresu padhānaṭṭho sīsaṭṭho. **Vimokkhoti** vikkhambhanatadaṅgasamucchadapaṭīpassaddhinissaraṇavimuttīsu pañcasu nissaraṇavimuttī nibbānaṃ. **Saṅkhārasīanti** sabbasaṅkhatasāṅkhārānaṃ sīsaṃ, koṭi avasānanti attho. Etena anupādisesaparinibbānaṃ vuttaṃ. Saṅkhārābhāvamattavasena vā khandhaparinibbānameva vuttaṃ hoti. Nekkhammādikaṃ samañca saddhādikaṃ sīsañca, samasīsaṃ vā assa atthīti samasīsīti. Atha vā terasannaṃ sīsānaṃ taṇhādīni pañca sīsāni samudayasaccaṃ, saddhādīni pañca maggasaccaṃ, pavattasīsaṃ jīvitindriyaṃ dukkhasaccaṃ, gocarasīsañca saṅkhārasīsañca nirodhasaccanti imesaṃ catunnaṃ ariyasaccānaṃ ekasmiṃ roge vā ekasmiṃ iriyāpathe vā ekasmiṃ sabhāgajīvitindriye vā abhisamayo ca anupādisesaparinibbānañca yassa hoti, so pubbe vuttasamānañca imesañca sīsānaṃ atthitāya samasīsīti vuccati.

Samasīsaṭṭhañāṇaniddesavaṇṇanā niṭṭhitā.

37. Sallekhaṭṭhañāṇaniddesavaṇṇanā

88. Sallekhaṭṭhañāṇaniddese **rāgo puthūti** rāgo visuṃ, lokuttarehi asammissoti attho. Esa nayo sesesu. **Rāgoti** rañjanaṭṭhena. **Dosoti** dussanaṭṭhena. **Mohoti** muyhanaṭṭhena. Rañjanalakkhaṇo rāgo, dussanalakkhaṇo doso, muyhanalakkhaṇo mohoti ime tayo sīsakilese vatvā idāni pabhedato dassento **kodhoti**ādimāha. Tattha kujjhanalakkhaṇo **kodhoti** idha sattavatthuko adhippeto. Upanandhanalakkhaṇo **upanāho**, daḷhabhāvappatto kodhoyeva. Paraguṇamakkhanalakkhaṇo **makkho**, paraguṇapuñchananti attho. Yugaggāhalakkhaṇo **paḷāso**, yugaggāhavasena paraguṇadassananti attho. Parasampattikhīyanalakkhaṇā **issā**, usūyanāti attho. Attasampattinigūhanalakkhaṇaṃ **macchariyaṃ**, “mayhaṃ acchariyaṃ mā parassa hotū”ti attho. Attanā katapāpapaṭicchādanalakkhaṇā **māyā**, paṭicchādanaṭṭhena māyā viyāti attho. Attano avijjamānaguṇappakāsanalakkhaṇaṃ **sāṭheyyaṃ**, saṭhabhāvoti attho. Cittassa uddhumātabhāvalakkhaṇo **thambho**, thaddhabhāvoti attho. Karaṇuttariyalakkhaṇo **sārambho**. Unnatilakkhaṇo **māno**. Abbhunnatilakkhaṇo **atimāno**. Mattabhāvalakkhaṇo **mado**. Pañcasu kāmaguṇesu cittavosaggalakkhaṇo **pamādo**.

Evaṃ visuṃ visuṃ kilesavasena puthū dassetvā vuttakilese ca avutte ca aññe sabbasaṅgāhikavasena dassetuṃ **sabbe kilesāti**ādimāha. Tattha diṭṭhadhammasamparāyesu satte kilesenti upatāpentī vibādhentīti kilesā. Akusalakammapathasaṅgahitā ca asaṅgahitā ca. Duṭṭhu caritā, duṭṭhā vā caritāti **duccaritā**. Te pana kāyaduccaritaṃ vacīduccaritaṃ manoduccaritaṃ tippakārā. Vipākaṃ abhisāṅkharontīti **abhisāṅkhārā**. Tepi puññābhisaṅkhāro apuññābhisaṅkhāro āneñjābhisaṅkhāroti tippakārā. Vipākavasena bhavaṃ gacchantītibhavadāmino, bhavadāmino kammā **bhavadāmikammā**. Iminā abhisāṅkhārabhāvepi sati avedanīyāni kammāni paṭikkhittāni hontīti ayaṃ viseso. “Duccaritā”ti ca “kammā”ti ca liṅgavipallāso kato. **Nānattekattanti** ettha uddese ekattasaddassa abhāvepi nānattekattānaṃ aññamaññāpekkhattā ekattampi niddisitikāmena “nānattekatta”nti uddeso kato. Nānattasallekhake ekatte dassīte sallekhañāṇaṃ sukhena dassīyatīti. **Nānattanti** anavaṭṭhitattā saparipphandattā ca nānāsabhāvo. **Ekattanti** avaṭṭhitattā aparipphandattā ca ekasabhāvo.

Caraṇatejoti caranti tena agataṃ disaṃ nibbānaṃ gacchantīti caraṇaṃ. Kiṃ taṃ? Sīlaṃ. Tadeva paṭipakkhatāpanaṭṭhena tejo. **Guṇatejoti** sīlena laddhapatiṭṭho samādhitejo. **Paññātejoti** samādhinā laddhapatiṭṭho vipassanātejo. **Puññatejoti** vipassanāhi laddhapatiṭṭho ariyamaggakusalatejo. **Dhammatejoti** catunnaṃ tejanaṃ patiṭṭhābhūto buddhavacanaṭṭho. **Caraṇatejena tejitattāti** sīlatejena tikhiṇīkatattā. **Dussīlyatejanti** dussīlabhāvasaṅkhātaṃ tejaṃ. Tampi hi santānaṃ tāpanato tejo nāma. **Pariyādiyatīti** khepeti. **Agūṇatejanti** samādhissa paṭipakkaṃ vikkhepejaṃ. **Duppaññatejanti** vipassanāñāpapaṭipakkaṃ mohatejaṃ. **Apuññatejanti** taṃtaṃmaggavajjhakilesappahānena kilesasahāyaṃ akusalakammatejaṃ. Na kevalañhetā apuññameva khepeti, “atthi, bhikkhave, kammaṃ akaṇhaṃ asukkaṃ akaṇhaasukkavipākaṃ kammaṃ kammakkhayāya saṃvattatī”ti (a. ni. 4.233; dī. ni. 3.312; ma. ni. 2.18) vacanato kusalakammampi khepetiyeva. Puññatejapaṭipakkhavasena apuññatejameva vuttaṃ. **Adhammatejanti** nānātitthiyānaṃ samayavacanaṭṭho. Imassa ñāṇassa uddesavaṇṇanāyaṃ vutte dutiye atthavikappe rāgādayo ekūnavīsati puthu dussīlyatejā honti. “Abhisāṅkhārā, bhavadāmikammā”ti ettha apuññābhisaṅkhārā akusalakammañca apuññatejā honti, āneñjābhisaṅkhārāni lokiyakusalakammāni puññatejeneva khepanīyato apuññatejapakkhikāva honti. Kāmacchandādayo pañcadasa nānattā agūṇatejā honti, niccasaññādayo aṭṭhārāsa nānattā duppaññatejā honti, catumaggavajjhā cattāro nānattā apuññatejā honti. Sotāpattimaggavajjhanānattena adhammatejo saṅgahetabbo.

Niddese sallekhaṭṭhapaṭipakkhena asallekhena sallekhaṃ dassetukāmena asallekhaṃpubbako sallekho niddiṭṭho. Nekkhammādayo sattatiṃsa ekattadhammāva paccanīkānaṃ sallikhanato “sallekho”ti vuttā. Tasmīṃ nekkhammādiṅke sattatiṃsapabhede sallekhe ñāṇaṃ **sallekhaṭṭhe ñāṇanti**.

Sallekhaṭṭhañāṇaniddesavaṇṇanā niṭṭhitā.

38. Vīriyārambhañāṇaniddesavaṇṇanā

89. Vīriyārambhañāṇaniddese **anuppannānanti** ekasmiṃ attabhāve, ekasmiṃ vā ārammaṇe anibbattānaṃ. Anamatagge hi saṃsāre anuppannā akusalā nāma natthi, kusalā pana atthi. **Pāpakānanti** lāmakānaṃ. **Akusalānaṃ dhammānanti** akosallasambhūtānaṃ dhammānaṃ. **Anuppādāyāti** na uppādanatthāya. **Uppannānanti** imasmiṃ attabhāve nibbattānaṃ. **Pahānāyāti** pajahanatthāya. **Anuppannānaṃ kusalānaṃ dhammānanti** imasmiṃ attabhāve anibbattapubbānaṃ kosallasambhūtānaṃ dhammānaṃ. **Uppādāyāti** uppādanatthāya. **Uppannānanti** imasmiṃ attabhāve nibbattānaṃ. **Ṭhitiyāti** ṭhitatthāya. **Asammosāyāti** avināsatthāya. **Bhiyyobhāvāyāti** punappunabhāvāya. **Vepullāyāti** vipulabhāvāya. **Bhāvanāyāti** vadḍhiyā. **Pāripūriyāti** paripūraṇatthāya.

Idāni akusalesu kāmacchandaṃ, kusalesu nekkhammaṃ visesetvā dassetuṃ **anuppannassa kāmacchandassāti**ādīmāha. Tattha **kāmacchandoti** samādhipaṭṭipakkho kāmarāgo. **Nekkhammanti** paṭhamajjhānasamādhi, paṭhamajjhānaṃ vā, sabbe eva vā kusalā dhammā nekkhammaṃ.

Idāni sabbakilesānaṃ sabbakilesapaṭṭipakkhassa arahattamaggassa ca vasena yojetvā dassetuṃ **anuppannānaṃ sabbakilesānanti**ādīmāha. Tattha **uppannassa arahattamaggassa ṭhitiyāti**ādīsū uppādakkhaṇe uppannassa arahattamaggassa ṭhitikkhaṇabhāṅgakkhaṇavasena “ṭhitiyā”tiādīyojanaṃ veditabbā. Vibhaṅgaṭṭhakathāyampi “yā cassa pavatti, ayameva ṭhiti nāmā”ti (vibha. aṭṭha. 406) vuttaṃ. Keci pana “arahattamaggassa pubbhāgamaggo daṭṭhabbo”ti vadanti.

Vīriyārambhañāṇaniddesavaṇṇanā niṭṭhitā.

39. Atthasandassanañāṇaniddesavaṇṇanā

90. Atthasandassanañāṇaniddese **pañcakkhandhāti**ādīni vuttatthāneva. **Pakāsetīti** pākaṭaṃ karoti, sotūnaṃ ñāṇacakkhunā dassanaṃ sampādetīti attho. **Nānādhammāti** lokiyalokuttarā sabbadhammā vuttā. Kasmā pakāsanāniddese lokiyā eva vuttāti ce? Aniccādivasena pakāsanāya āradhata. Lokuttarānaṃ asammasanūpagattā lokuttarā na vuttā. Nānādhammaniddesena pana atthasandassananiddesena ca tesam saṅgahitattā yathā te pakāsetabbā, tathā pakāsanā pakāsanāyeva. **Pajahantoti** sotāraṃ pajahāpentoti attho. **Sandassetīti** sotūnaṃ sammā dasseti. Keci pana “kāmacchandassa pahīnattā nekkhammatthaṃ sandassetī”tiādīnā nayena paṭhanti. Tesam ujukameva sotūnaṃ dosappahāne guṇapaṭilābhe ca kate sikhāppattaṃ desanāñāṇaṃ hotīti dassanatthaṃ ayaṃ nayo vuttoti veditabbo.

Atthasandassanañāṇaniddesavaṇṇanā niṭṭhitā.

40. Dassanavisuddhiñāṇaniddesavaṇṇanā

91. Dassanavisuddhiñāṇaniddese **sabbe dhammā ekasaṅgahitāti** sabbe saṅkhatāsaṅkhatā dhammā ekena saṅgahitā paricchinā. **Tathaṭṭhenāti** bhūtaṭṭhena, attano attano sabhāvavasena vijjānāntthenāti attho. **Anattaṭṭhenāti** kāravakadakaṅkhatena attanā rahitaṭṭhena. **Saccaṭṭhenāti** avisaṃvādaṭṭhena, attano sabhāvāññatthābhāvenāti attho. **Paṭivedhaṭṭhenāti** sabhāvato ñāṇena paṭivijjhitattaṭṭhena. Idha lokuttarañāṇena asammoḥato ārammaṇato ca paṭivedho veditabbo. **Abhijānanatṭhenāti** lokikena ñāṇena ārammaṇato, lokuttarena ñāṇena asammoḥato ārammaṇato ca tesam tesam dhammānaṃ sabhāvato abhijānitaṭṭhena. “Sabbam, bhikkhave, abhiññeyya”nti (saṃ. ni. 4.46) hi vuttaṃ. **Parijānanatṭhenāti** vuttanayeneva lokiyalokuttarehi ñāṇehi sabhāvato abhiññātānaṃ dhammānaṃ aniccādito niyyānādito ca paricchinditvā jānitaṭṭhena. “Sabbam, bhikkhave, pariññeyya”nti hi vuttaṃ. **Dhammatṭhenāti** sabhāvadhāraṇādinā dhammatṭhena. **Dhātuṭṭhenāti** nijjīvatādinā dhātuṭṭhena. **Ñātaṭṭhenāti** lokiyalokuttarehi ñāṇehi ñātuṃ sakkūṇeyyaṭṭhena. Yathā daṭṭhuṃ sakkūṇeyyādinā atthena “diṭṭhaṃ sutam mutaṃ viññātaṃ rūpa”nti vuttaṃ, evamidhāpi ñātuṃ sakkūṇeyyaṭṭho ñātaṭṭhoti veditabbo. **Sacchikiriyaṭṭhenāti** ārammaṇato paccakkhātattaṭṭhena. **Phusanatṭhenāti** paccakkhakatassa ārammaṇato punappaṇaṃ phusitaṭṭhena. **Abhisamayaṭṭhenāti** lokikena ñāṇena

abhisamāgantabbatthēna. Kiñcāpi hi ‘‘tathatthē paññā saccavivaṭṭe ñāṇaṃ, abhiññāpaññā ñātaṭṭhe ñāṇaṃ, sacchikiriyāpaññā phassanattē ñāṇa’’nti ekekameva ñāṇaṃ vuttaṃ. Aṭṭhakathāyañca –

‘‘Samavāye khaṇe kāle, samūhe hetudiṭṭhisu;
Paṭilābhe pahāne ca, paṭivedhe ca dissatī’’ti . –

Gāthāvaṇṇanāyaṃ abhisamayāsaddassa paṭivedhattho vutto, idha pana yathāvuttēna atthēna tesam nānattaṃ veditaṃ. Aṭṭhakathāyameva hi so lokiyañāṇavasēna dhammābhisamayo vuttoti.

Kāmacchando nānattanti vikkhepasabbhāvato nānārammaṇattā ca nānāsabhāvoti attho. Evaṃ sabbakilesā veditaṃ. **Nekkhammaṃ ekattanti** cittekaggaṭāsabbhāvato nānārammaṇavikkhepābhāvato ca ekasabhāvanti attho. Evaṃ sabbakusalā veditaṃ. Idha peyyālena saṃkhittānaṃ byāpādādīnaṃ akusalānaṃ yathāvuttēna atthēna nānattaṃ veditaṃ. Vitakkavicārādīnaṃ pana hetṭhimānaṃ hetṭhimānaṃ uparimato uparimato oḷārikaṭṭhēna nānattaṃ veditaṃ. Yasmā ekasaṅghitanānatekattānaṃ paṭivedho maggakkhaṇe saccapaṭivedhēna sijjhati, tasmā ‘‘paṭivedho’’ti padaṃ uddharitvā saccābhisamayaṃ dassesi.

Pariññā paṭivedhaṃ paṭivijjhatīti pariññābhisamayēna abhisamēti. Esa nayo sesesu. Saccābhisamayakālasmiñhi maggañāṇassa ekakkhaṇe pariññā, pahānaṃ, sacchikiriyā, bhāvanāti cattāri kiccāni honti. Yathā nāvā apubbaṃ acarimaṃ ekakkhaṇe cattāri kiccāni karoti, orimaṃ tīraṃ pajahati, sotaṃ chindati, bhaṇḍaṃ vahati, pārimaṃ tīraṃ appeti, evameva maggañāṇaṃ apubbaṃ acarimaṃ ekakkhaṇe cattāri saccāni abhisamēti, dukkhaṃ pariññābhisamayēna abhisamēti, samudayaṃ pahānābhisamayēna abhisamēti, maggaṃ bhāvanābhisamayēna abhisamēti, nirodhaṃ sacchikiriyābhisamayēna abhisamēti. Kiṃ vuttaṃ hoti? Nirodhaṃ ārammaṇaṃ katvā kiccavasēna cattāripi saccāni pāpuṇāti passati paṭivijjhatīti. Yathā orimaṃ tīraṃ pajahati, evaṃ maggañāṇaṃ dukkhaṃ parijānāti. Yathā sotaṃ chindati, evaṃ samudayaṃ pajahati. Yathā bhaṇḍaṃ vahati, evaṃ sahaṅgātādipaccayatāya maggaṃ bhāveti. Yathā pārimaṃ tīraṃ appeti, evaṃ pārimatīrabhūtaṃ nirodhaṃ sacchikarotīti evaṃ upamāsaṃsandanaṃ veditaṃ.

Dassanaṃ visujjhatīti taṃtaṃmaggavajjhakilesatamappahānēna ñāṇadassanaṃ visuddhibhāvaṃ pāpuṇāti. **Dassanaṃ visuddhanti** tassa tassa phalassa uppādakkhaṇe tassa tassa maggañāṇassa kiccāsiddhippattito ñāṇadassanaṃ visuddhibhāvaṃ pattaṃ hoti. Sabbadhammānaṃ ekasaṅghitāya nānatekappaṭivedhapaññāya maggaphalañāṇehi siddhito ante maggaphalañāṇāni vuttāni.

Dassanavisuddhiñāṇaniddesavaṇṇanā niṭṭhitā.

41-42. Khantiñāṇapariyogāhaṇaṇāṇaniddesavaṇṇanā

92-93. Khantiñāṇapariyogāhaṇaṇāṇaniddesesu **rūpaṃ aniccato viditanti** aniccānupassanāya aniccanti ñātaṃ. **Rūpaṃ dukkhato viditanti** dukkhānupassanāya dukkhanti ñātaṃ. **Rūpaṃ anattato viditanti** anattānupassanāya anattāti ñātaṃ. **Yaṃ yaṃ viditaṃ, taṃ taṃ khamatīti** yaṃ yaṃ rūpaṃ aniccādito viditaṃ, taṃ taṃ rūpaṃ aniccādito khamati rucati. ‘‘Rūpaṃ aniccato viditaṃ, yaṃ yaṃ viditaṃ, taṃ taṃ khamatī’’ti visuṃ visuñca katvā kesuci potthakesu likhitaṃ. ‘‘Vedanā saññā saṅkhārā aniccato viditā’’tiādinā līngavacanāni parivattētvā yojetabbāni. **Phusatīti** vipassanāñāṇaphusanēna phusati pharati. **Pariyogahatīti** vipassanāñāṇēna pavasati. Pariyogāhatītipi pāṭho.

Khantiñāṇapariyogāhaṇaṇāṇaniddesavaṇṇanā niṭṭhitā.

43. Padesavihārañāṇaniddesavaṇṇanā

94. Padesavihārañāṇaniddese yenākāreṇa mātikāya uddiṭṭho padeso paccavekkhitabbo, taṃ dassento **micchādiṭṭhipaccayāpi vedayitanti**ādimāha. Tattha **micchādiṭṭhipaccayāti** diṭṭhisampayuttavedanāpi

vaṭṭati diṭṭhiṃ upanissayaṃ katvā uppannā kusalākusalavedanāpi vipākavedanāpi. Tattha micchādiṭṭhisampayuttā akusalāva hoti, diṭṭhiṃ pana upanissāya kusalāpi uppajjanti akusalāpi. Micchādiṭṭhikā hi diṭṭhiṃ upanissāya pakkhadivasesu yāgubhattādīni denti, andhakuṭṭhiādīnaṃ vattaṃ paṭṭhapenti, catumahāpathe sālāṃ karonti, pokkharāṇiṃ khaṇāpenti, pupphārāmaṃ phalārāmaṃ ropenti, nadīviduggesu setuṃ attharanti, visamaṃ samaṃ karonti. Iti tesāṃ kusalā vedanā uppajjati. Micchādiṭṭhiṃ pana nissāya sammādiṭṭhike akkosanti paribhāsanti vadhabandhādīni karonti, pāṇaṃ vadhitvā devatānaṃ upaharanti. Iti nesaṃ akusalā vedanā uppajjati. Vipākavedanā pana bhavantaragatānaṃ hoti. Sā pana micchādiṭṭhi sahaḷātāya vedanāya sahaḷātānaññamaññanissayasampayuttaatthiavigatapaccayehi paccayo hoti, samanantaraniruddhā micchādiṭṭhi paccuppannamicchādiṭṭhisampayuttāya vedanāya anantarasamanantarūpanissayaāsevananatthiavigatapaccayehi paccayo hoti, micchādiṭṭhiṃ garuṃ katvā abhinandantassa lobhasahagatavedanāya ārammaṇārammaṇādhipatiārammaṇūpanissayapaccayehi paccayo hoti, sabbākusalehi micchādiṭṭhiṃ ārammaṇamattaṃ karontassa sabbākusalavedanāya micchādiṭṭhiṃ paccavekkhantassa vipassantassa kusalābyākatavedanāya ārammaṇapaccayena paccayo hoti, micchādiṭṭhipaccayena uppajjamānānaṃ kusalākusalavedanānaṃ bhavantare vipākavedanānañca upanissayapaccayena paccayo hoti.

Micchādiṭṭhivūpasamapaccayāti micchādiṭṭhivūpasamo nāma sammādiṭṭhi, tasmā yaṃ sammādiṭṭhipaccayā vedayitaṃ vuttaṃ, tadeva “micchādiṭṭhivūpasamapaccayā”ti veditabbaṃ. Keci pana “micchādiṭṭhivūpasamo nāma vipassanākkhaṇe sotāpattimaggakkhaṇe cā”ti vadanti.

Sammādiṭṭhipaccayāpi vedayitanti etthāpi sammādiṭṭhisampayuttavedanāpi vaṭṭati sammādiṭṭhiṃ upanissayaṃ katvā uppannā kusalākusalavedanāpi vipākavedanāpi. Tattha sammādiṭṭhisampayuttā kusalāva hoti, sammādiṭṭhiṃ pana upanissāya buddhapūjā dīpamālāropanaṃ mahādhammassavanaṃ appatiṭṭhite disābhāge cetiyapatiṭṭhāpananti evamādīni puññāni karonti. Iti nesaṃ kusalā vedanā uppajjati. Sammādiṭṭhimeva nissāya micchādiṭṭhike akkosanti paribhāsanti, attānaṃ ukkaṃsanti, paraṃ vambhenti. Iti nesaṃ akusalā vedanā uppajjati. Vipākavedanā pana bhavantaragatānaṃyeva hoti. Sā pana sammādiṭṭhi sahaḷātāya samanantaraniruddhāya paccuppannāya vedanāya micchādiṭṭhiyā vuttapaccayeheva paccayo hoti, lokikasammādiṭṭhi paccavekkhaṇasampayuttāya vipassanāsampayuttāya nikantisampayuttāya ca vedanāya ārammaṇapaccayena paccayo hoti, micchādiṭṭhiyā vuttanayeneva upanissayapaccayena paccayo hoti, maggaphalasammādiṭṭhi paccavekkhaṇasampayuttāya vedanāya ārammaṇārammaṇādhipatiārammaṇūpanissayapaccayavasena paccayo hoti.

Sammādiṭṭhivūpasamapaccayāpi vedayitanti sammādiṭṭhivūpasamo nāma micchādiṭṭhi, tasmā yaṃ micchādiṭṭhipaccayā vedayitaṃ vuttaṃ, tadeva “sammādiṭṭhivūpasamapaccayā”ti veditabbaṃ.

Micchāsāṅkappapaccayā micchāsāṅkappavūpasamapaccayātitiādīsipi eseva nayo. Yassa yassa hi “vūpasamapaccayā”ti vuccati, tassa tassa paṭipakkhadhammapaccayāva taṃ taṃ vedayitaṃ adhippetāṃ. Micchāñāṇādisu pana **micchāñāṇaṃ** nāma pāpakiriyāsu upāyacintā. Atha vā micchāñāṇaṃ micchāpaccavekkhaṇāñāṇaṃ. **Sammāñāṇaṃ** nāma vipassanāsammādiṭṭhiṃ lokuttarasammādiṭṭhiñca ṭhapetvā avasesakusalābyākatāṃ ñāṇaṃ. **Micchāvimutti** nāma pāpādhimuttitā. Atha vā ayāthāvavimutti aniyyānikavimutti avimuttasseva sato vimuttisaññitī. **Sammāvimutti** nāma kalyāṇādhimuttitā phalavimutti ca. Sammādiṭṭhiādayo heṭṭhā vuttatthāyeva.

Chandapaccayāpītitiādīsipi pana chando nāma lobho, chandapaccayā aṭṭhalobhasahagatacittasampayuttavedanā veditabbā. **Chandavūpasamapaccayā** paṭhamajjhānavedanāva. **Vitakkapaccayā** paṭhamajjhānavedanā. **Vitakkavūpasamapaccayā** dutiyajjhānavedanā. **Saññāpaccayā** ṭhapetvā paṭhamajjhānaṃ sesā cha samāpattivedanā. **Saññāvūpasamapaccayā** nevasaññānāsaññāyanavedanā.

Chando ca avūpasanto hotītitiādīsipi sace chandavitakkasaññā avūpasantā hotīti attho. **Tappaccayāti** so chandavitakkasaññānaṃ avūpasamo eva paccayo tappaccayo, tasmā tappaccayā. Chandavitakkasaññānavūpasamapaccayā vedanā hotīti attho. Sā aṭṭhalobhasahagatacittasampayuttavedanā hoti. Sace chando vūpasanto vitakkasaññā avūpasantā. **Tappaccayāti** so chandassa vūpasamo

vitakkasaññānaṃ avūpasamo eva paccayo tappaccayo, tasmā tappaccayā. Sā paṭhamajjhānavedanāva. Sace chandavitakkā vūpasantā saññā avūpasantā. **Tappaccayāti** so chandavitakkānaṃ vūpasamo saññāya avūpasamo eva paccayo tappaccayo, tasmā tappaccayā. Sā dutiyajjhānavedanāva. Sace chandavitakkasaññā vūpasantā. **Tappaccayāti** so chandavitakkasaññānaṃ vūpasamo eva paccayo tappaccayo, tasmā tappaccayā. Sā nevasaññānāsaññāyatanavedanāva. Keci pana “chando nāma appanaṃ pāpuṇissāmīti pubbabhāge dhammacchando, appanāppattassa so chando vūpasanto hoti. Paṭhamajjhāne vitakko hoti, dutiyajjhānappattassa vitakko vūpasanto hoti. Sattasu samāpattīsu saññā hoti, nevasaññānāsaññāyatanāṃ samāpannessa ca nirodhaṃ samāpannessa ca saññā vūpasantā hoti”ti evaṃ vaṇṇayanti. Idha pana nirodhasamāpatti na yujjati. **Appattassa pattiyaṃ** arahattaphalassa pattatthāya. **Atthi āyavanti** atthi vīriyaṃ. Āyavanti paṭho. **Tasmimpi thāne anuppatteti** tassa vīriyārambhassa vasena tasmimā arahattaphalassa kāraṇe ariyamagge anuppatte. **Tappaccayāpi vedayitanti** arahattassa thānapaccayā vedayitaṃ. Etena catummaggasahajāta nibbattitalokuttaravedanā gahitā. Keci pana “āyavanti paṭipatti. Tasmimpi thāne anuppatteti tassā bhūmiyā pattiyaṃ”ti vaṇṇayanti.

Padesavihārañāṇaniddesavaṇṇanā niṭṭhitā.

44-49. Vivaṭṭañāṇachakkaniddesavaṇṇanā

95. Vivaṭṭañāṇachakkaniddese nekkhammādhīpatattā paññāti nekkhammaṃ adhikaṃ katvā nekkhammādhīkabhāvena pavattā paññā. **Kāmacchandato saññāya vivaṭṭatīti** nekkhammādhīpatikatapaññāsampayuttasaññāya hetubhūṭāya, karaṇabhūṭāya vā kāmacchandato vivaṭṭati parāvattati, parammukhī hotīti attho. Esa nayo sesesu.

96. Kāmacchando nānattanti kāmacchando santavuttitāya abhāvato na ekasabhāvo. **Nekkhammaṃ ekattanti** nekkhammaṃ santavuttibhāvato ekasabhāvo. **Nekkhammekattaṃ cetayatoti** kāmacchande ādīnavadassanena nekkhammaṃ pavattayato. **Kāmacchandato cittaṃ vivaṭṭatīti** diṭṭhādīnavato kāmacchandato nekkhammakkaṇe cittaṃ vivaṭṭati. Esa nayo sesesu.

97. Kāmacchandaṃ pajahantoti nekkhammapavattikkhaṇe kāmacchandaṃ vikkhambhanappahānena pajahanto. **Nekkhammasena cittaṃ adhiṭṭhātīti** paṭiladdhassa nekkhammasa vasena taṃsāmpayuttacittaṃ adhiṭṭhātīti adhikaṃ karonto tiṭṭhātīti, pavatteṭīti attho. Esa nayo sesesu.

98. Cakkhu suññaṃ attena vāti bālaṇaparikkappitassa kāravēdakasaṅkhātassa attano abhāvā cakkhu attena ca suññaṃ. Yañhi yattha na hoti, tena taṃ suññaṃ nāma hoti. **Attaniyena vāti** attano abhāveneva attano santakassapi abhāvā attano santakena ca suññaṃ. Lokassa attāti ca attaniyanti ca ubhayathā gāhasambhavato tadubhayagāhapaṭisedhanatthaṃ attābhāvō ca attaniyābhāvō ca vutto. **Niccena vāti** bhaṅgaṃ atikkamivā tiṭṭhantassa kassaci abhāvato niccena ca suññaṃ. **Dhuvēna vāti** pavattikkhaṇepi thirassa kassaci abhāvato dhuvēna ca suññaṃ. **Sassatena vāti** sabbakālepi vijjamaṇassa kassaci abhāvato sassatena ca suññaṃ. **Avipariṇāmadhammena vāti** jarābhaṅgavasena dvidhā aparivattamaṇapakatikassa kassaci abhāvato avipariṇāmadhammena ca suññaṃ. Atha vā niccabhāvena ca dhuvabhāvena ca sassatabhāvena ca avipariṇāmadhamabhāvena ca suññanti attho. Samuccayattho vā-saddo. **Yathābhūtaṃ jānato passatoti** iccevaṃ anattānupassanāñāṇena yathāsbabhāvena jānantassa cakkhunā viya ca passantassa. **Cakkhābhīnivesato nāṇaṃ vivaṭṭatīti** cakkhu attāti vā attaniyanti vā pavattamaṇato diṭṭhābhīnivesato tadanāgappahānavasena nāṇaṃ vivaṭṭati. Esa nayo sesesu.

99. Nekkhammena kāmacchandaṃ vosajjati nekkhammalābhī puggalo nekkhammena tappaṭipakkhaṃ kāmacchandaṃ paricajati. **Vosagge paññāti** kāmacchandassa vosaggabhūte nekkhamme taṃsāmpayuttā paññā. Esa nayo sesesu. **Piṇaṭṭhādayo** heṭṭhā vuttatthā eva. **Parijānanto vivaṭṭatīti** puggalādhīṭṭhānā desanā, maggasamaṅgīpuggalo dukkhassa catubbidhaṃ atthaṃ kiccavasena parijānanto dubhato vuṭṭhānavasena vivaṭṭati, nāṇavivaṭṭanepi nāṇasamaṅgī vivaṭṭatīti vutto.

100. Tathaṭṭhe paññāti etassa puggalasseva tathaṭṭhe vivaṭṭanā paññā. Esa nayo sesesu. Idāni maggakkhaṇe eva kiccavasena ākāraṇānattato cha vivaṭṭañāṇāni dassetuṃ **saññāvivaṭṭoti**tiādimātikaṃ ṭhapetvā taṃ atthato vibhajanto **sañjānanto vivaṭṭatī**tiādimāha. Tattha **sañjānanto vivaṭṭatī saññāvivaṭṭoti** yasmā pubbhāge nekkhammādiṃ adhipatito sañjānanto yogī pacchā nekkhammasampayuttañāṇena kāmacchandādito vivaṭṭati, tasmā taṃ ñāṇaṃ saññāvivaṭṭo nāmāti attho. **Cetayanto vivaṭṭatī cetovivaṭṭoti** yasmā yogī nekkhammekattādīni cetayanto sampayuttañāṇena kāmacchandādito vivaṭṭati, tasmā taṃ ñāṇaṃ cetovivaṭṭo nāmāti attho. **Vijānanto vivaṭṭatī cittavivaṭṭoti** yasmā yogī nekkhammādivasena cittādhiṭṭhāṇena vijānanto taṃsāmpayuttañāṇena kāmacchandādito vivaṭṭati, tasmā taṃ ñāṇaṃ cittavivaṭṭo nāmāti attho. **Ñāṇaṃ karonto vivaṭṭatī ñāṇavivaṭṭoti** yasmā yogī chabbidhaṃ ajjhātikāyatanāṃ anattānupassanāñāṇena suññato viditaṃ karonto teneva ñāṇena diṭṭhābhinivesato vivaṭṭati, tasmā taṃ ñāṇaṃ ñāṇavivaṭṭo nāmāti attho. **Vosajjanto vivaṭṭatī vimokkhavivaṭṭoti** yasmā yogī nekkhammādihi kāmacchandādīni vosajjanto taṃsāmpayuttañāṇena kāmacchandādito vivaṭṭati, tasmā taṃ ñāṇaṃ vimokkhavivaṭṭo nāmāti attho. **Tathaṭṭhe vivaṭṭatī saccavivaṭṭoti** yasmā yogī catubbidhe tathaṭṭhe dubhato vuṭṭhānavasena vivaṭṭati, tasmā maggañāṇaṃ saccavivaṭṭo nāmāti attho. Maggañāṇameva vā tathaṭṭhe dubhato vuṭṭhānabhāvena vivaṭṭatī saccavivaṭṭoti attho.

Yattha saññāvivaṭṭotitiādi saccavivaṭṭañāṇaniddese vuttattā saccavivaṭṭañāṇakkhaṇameva sandhāya vuttanti veditabbaṃ. Maggakkhaṇeyeva hi sabbāni yujjanti. Kathaṃ? Ñāṇavivaṭṭe ñāṇaṃhi vajjetvā sesesu ariyamaggo sarūpeneva āgato. Vipassanākiccassa pana maggeneva sijjhanato vipassanākiccāsiddhivasena ñāṇavivaṭṭañāṇampi maggakkhaṇe yujjati. Maggañāṇeneva vā “cakkhu suñña”ntiādi kiccavasena paṭividdhameva hoṭīti maggakkhaṇe taṃ ñāṇaṃ vattuṃ yujjatiyeva. Atthayojanā panettha “yattha maggakkhaṇe saññāvivaṭṭo, tattha cetovivaṭṭo. Yattha maggakkhaṇe cetovivaṭṭo, tattha saññāvivaṭṭo”ti evamādinā nayena sabbasaṃsandanesu yojanā kātabbā. Atha vā saññāvivaṭṭacetovivaṭṭacittavivaṭṭavimokkhavivaṭṭesu catunnaṃ ariyamaggānaṃ āgatattā saccavivaṭṭo āgatoyeva hoti. Ñāṇavivaṭṭo ca saccavivaṭṭeneva kiccavasena siddho hoti. Saññācetocittavimokkhavivaṭṭesveva ca peyyāle vitthāriyamāne “anattānupassanādhīpatattā paññā abhinivesato saññāya vivaṭṭatī adhipatattā paññā saññāvivaṭṭe ñāṇa”nti ca, “abhiniveso nānattaṃ, anattānupassanā ekattaṃ. Anattānupassanā ekattaṃ cetayato abhinivesato cittaṃ vivaṭṭatīti nānatte paññā cetovivaṭṭe ñāṇa”nti ca, “abhinivesaṃ pajahanto anattānupassanāvasena cittaṃ adhiṭṭhātīti adhiṭṭhāne paññā cittavivaṭṭe ñāṇa”nti ca, “anattānupassanāya abhinivesaṃ vosajjātīti vosagge paññā vimokkhavivaṭṭe ñāṇa”nti ca pāṭhasambhavato ñāṇavivaṭṭe ñāṇampi tesu āgatameva hoti. Ñāṇavivaṭṭe ca anattānupassanāya vuṭṭhāya ariyamaggaṃ paṭiladdhassa kiccavasena “cakkhu suññaṃ attena vā attaniyena vā”tiādiyujjanato saccavivaṭṭo labbhanti, tasmā ekekaṃ vivaṭṭe sesā pañca pañca vivaṭṭa labbhanti. Tasmā evaṃ “yattha saññāvivaṭṭo, tattha cetovivaṭṭo”tiādikāni saṃsandanāni vuttānīti veditabbaṃ.

Vivaṭṭañāṇachakkaniddesavaṇṇanā niṭṭhitā.

50. Iddhividhañāṇaniddesavaṇṇanā

101. Iddhividhañāṇaniddesaṃ idha bhikkhūti imasmiṃ sāsane bhikkhu.

Chandasamādhīpadhānasāṅkhārasamannāgatanti ettha chandahetuko samādhī, chandādhiko vā samādhī chandasamādhī, kattukamyatāchandaṃ adhipatiṃ karitvā paṭiladdhasamādhissetaṃ adhivacanaṃ. Padhānabhūtā saṅkhārā padhānasāṅkhārā, catukiccasādhakassa sammappadhānavīriyassettaṃ adhivacanaṃ. Catukiccasādhanavasena bahuvacanaṃ kataṃ. **Samannāgatanti** chandasamādhinā ca padhānasāṅkhārehi ca upetaṃ. **Iddhipādanti** nipphattipariyāyena vā ijjhanaṭṭhena, ijjhanti etāya sattā iddhā vuddhā ukkaṃsagatā hontīti iminā vā pariāyena iddhīti saṅkhaṃ gatānaṃ upacārajhānādikusalacittasampayuttānaṃ chandasamādhīpadhānasāṅkhārānaṃ adhiṭṭhānaṭṭhena pādabhūtaṃ sesacittacetāsikarāsinti attho. Vuttañhi iddhīpādavibhaṅge suttantabhājanīye “iddhipādoti tathābhūtassa vedanākkhandho...pe... viññāṇakkhandho”ti (vibha. 434). Abhidhammabhājanīye ca “iddhipādoti tathābhūtassa phasso vedanā...pe... paggāho avikkhepo”ti (vibha. 447) vuttaṃ. Tasmā

“sesacittacetasarāsi”nti ettha? Chandasamādhīpadhānasāṅkhāresu ekekaṃ iddhiṃ katvā dvīhi dvīhi saha sesavacanaṃ katanti vedītabbaṃ. Evañhi cattāro khandhā sabbe ca phassādayo dhammā saṅgahitā honti. Iminā nayena sesesupi attho vedītabbo. Yatheva hi chandaṃ adhipatiṃ karitvā paṭiladdhasamādhī chandasamādhīti vutto, evaṃ vīriyaṃ cittaṃ vīmaṃsaṃ adhipatiṃ karitvā paṭiladdhasamādhī vīmaṃsāsamādhīti vuccati. Evamekekasmīṃ iddhipāde chandādayo vīriyādayo cittādayo vīmaṃsādayoti tayo tayo dhammā iddhīpi honti iddhipādāpi, sesā pana sampayuttakā cattāro khandhā iddhipādāyeva. Yasmā vā ime tayo tayo dhammā sampayuttakehi catūhi khandhehi saddhimyeva ijjhanti, na vinā tehi, tasmā tena pariyāyena sabbe cattāropi khandhā ijjhanaṭṭhena iddhi nāma honti, patiṭṭhaṭṭhena pādā nāmātipi vedītabbaṃ.

Vīriyasamādhīpadhānasāṅkhārasamannāgatanti ettha pana vīriyanti ca padhānasāṅkhāroti ca ekoyeva. Kasmā dvidhā vuttanti ce? Vīriyassa adhipatibhāvadassanavasenettha paṭhamaṃ vīriyaggahaṇaṃ kataṃ, tasseva catukkasādhakattadassanattamaṃ padhānasāṅkhāravacanaṃ kataṃ. Evaṃ dvidhā vuttattā eva cetthāpi tayo tayo dhammāti vuttaṃ. Keci pana “vibhaṅge ‘iddhīti yā tesam tesam dhammānaṃ iddhi samiddhi ijjhanā samijjhanā’ti (vibha. 434) vuttattā iddhi nāma anipphannā, iddhipādo nipphanno”ti vadanti. Idha pana iddhipi iddhipādopi nipphanno lakkhaṇabbhāhatoti sanniṭṭhānaṃ kataṃ. Iddhi samiddhītiādīhi ijjhanākārena dhammā eva vuttāti vedītabbaṃ.

Bhāvetīti āsevati. Suttantabhājanīye (vibha. 431 ādayo) viya idhāpi iddhipādabhāvanā lokiyā eva. Tasmā iddhividhaṃ tāva sampādetukāmo lokiyaṃ iddhipādaṃ bhāvento pathavīkasiṇādīsū aṭṭhasu kasiṇesu adhikatasippattaatṭhasamāpattiko kasiṇānulomato kasiṇapaṭilomato kasiṇānulomapaṭilomato jhānānulomato jhānapaṭilomato jhānānulomapaṭilomato jhānukkantikato kasiṇukkantikato jhānakasiṇukkantikato aṅgasāṅkantikato ārammaṇasāṅkantikato aṅgārammaṇasāṅkantikato aṅgavavattānato ārammaṇavavattānatoti imehi cuddasahi ākārehi cittaṃ paridametvā chandasīsavīriyasīsacittasīsavīmaṃsāsīsavasena punappunaṃ jhānaṃ samāpajjati. Aṅgārammaṇavavattānampi keci icchanti. Pubbahetusampanna pana kasiṇesu catukkajjhānamatte ciṇṇavasināpi kātuṃ vaṭṭatīti taṃ taṃ iddhipādaṃ samādhīṃ bhāvento “anuppannaṃ pāpakānaṃ akusalānaṃ dhammānaṃ anuppādāyā”tiādikaṃ (vibha. 432) catuppakāraṃ vīriyaṃ adhiṭṭhāti, tassa ca hānivuddhiyo ṇatvā vīriyasamataṃ adhiṭṭhāti. So evaṃ catūsu iddhipādesu cittaṃ paribhāvetvā iddhividhaṃ sampādeti.

So imesu catūsu iddhipādesūtiādīsū soti so bhāvitacaturiddhipādo bhikkhu. **Catūsu iddhipādesu cittaṃ paribhāvetīti** punappunaṃ chandādīsū ekekaṃ adhipatiṃ katvā jhānasamāpajjanavasena tesu cittaṃ paribhāveti nāma, chandādivāsanaṃ gāhāpetīti attho. **Paridametīti** nibbisevanaṃ karoti. Purimaṃ pacchimassa kāraṇavacanaṃ. Paribhāvitañhi cittaṃ paridamitaṃ hotīti. **Mudumaṃ karotīti** tathā dantaṃ cittaṃ vasippattaṃ karoti. Vase vattamānañhi cittaṃ “mudū”ti vuccati. **Kammaniyaṃ** kammakkhamaṃ kammayoggaṃ karoti. Mudu hi cittaṃ kammaniyaṃ hoti sudhantamiva suvaṇṇaṃ, idha pana iddhividhakammakkhamaṃ. **Soti** so paribhāvitacitto bhikkhu. **Kāyampi cittaṃ samodahatīti** iddhi karaṇakāle yathāsukhaṃ cittaṃ cārassa ijjhanatthaṃ yogavidhānaṃ dassetaṃ vuttaṃ. Tatha **kāyampi cittaṃ samodahatīti** attano karajakāyampi pādakajjhānacitte samodahati paveseti āropeti, kāyaṃ cittaṃ āropeti karotīti attho. Evaṃ karaṇaṃ adissamānena kāyena gamanassa upakārāya hoti. **Cittampi kāyampi samodahatīti** pādakajjhānacittaṃ attano karajakāye samodahati āropeti, cittaṃ kāyānugatikaṃ karotīti attho. Evaṃ karaṇaṃ dissamānena kāyena gamanassa upakārāya hoti. Samādahatītipi pāṭho, patiṭṭhāpetīti attho. **Kāyavasena cittaṃ pariṇāmetīti** pādakajjhānacittaṃ gahetvā karajakāye āropeti kāyānugatikaṃ karoti, idaṃ cittaṃ kāye samodahanassa vevacanaṃ. **Cittavasena kāyaṃ pariṇāmetīti** karajakāyaṃ gahetvā pādakajjhānacitte āropeti, cittaṃ āropeti, idaṃ kāyaṃ cittaṃ samodahanassa vevacanaṃ. **Adhiṭṭhātīti** “evaṃ hotū”ti adhiṭṭhāti. Samodahanassa atthavivaraṇatthaṃ pariṇāmo vutto, pariṇāmassa atthavivaraṇatthaṃ adhiṭṭhānaṃ vuttaṃ. Yasmā samodahatīti mūlapadaṃ, pariṇāmeti adhiṭṭhātīti tassa atthaniddesapadāni, tasmā tesam dvinnaṃyeva padānaṃ vasena pariṇāmetvāti adhiṭṭhahitvāti vuttaṃ, na vuttaṃ samodahitvāti.

Sukhasaññaṃ lahusaññaṃ kāye okkamitvā viharatīti catutthajjhānena sahaṅgatasukhasaññaṃ

lahusaññañca samāpajjanavasena karajakāye okkamitvā pavesetvā viharati. Tāya saññāya okkantakāyassa panassa karajakāyopi tūlapicu viya lahuko hoti. **Soti** so katayogavidhāno bhikkhu. **Tathābhāvitena cittenā**ti itthambhūtalakkhaṇe karaṇavacanāṃ, hetuatthe vā, tathābhāvitena cittena hetubhūtenāti attho. **Parisuddhenā**ti upekkhāsatiṃ parisuddhibhāvato parisuddhena. Parisuddhattāyeva **pariyodātena**, pabhassarenāti attho. **Iddhividhaññāyā**ti iddhikoṭṭhāse, iddhivikappe vā ñāṇatthāya. **Cittam abhinīharatī**ti so bhikkhu vuttappakāravasena tasmim citta abhiññāpādake jāte iddhividhaññādhigamatthāya parikammacittam abhinīharati, kasiṇārammaṇato apanetvā iddhividhābhimukhaṃ peseti. **Abhininnāmetī**ti adhigantabbaidhipoṇam iddhipabbhāram karoti. **Soti** so evaṃ katacittābhinīhāro bhikkhu. **Anekavihitanti** anekavidham nānappakārakam. **Iddhividhanti** iddhikoṭṭhāsam, iddhivikappam vā. **Paccanubhotī**ti paccanubhavati, phasseti sacchikaroti pāpuṇātīti attho.

102. Idānissa anekavihitabhāvaṃ dassento **ekopi hutvā**tiādīmāha. Tattha **ekopi hutvā**ti iddhikaraṇato pubbe pakatiyā ekopi hutvā. **Bahudhā hotī**ti bahunnaṃ santike caṅkamitukāmo vā, sajjhāyaṃ vā kattukāmo, pañhaṃ vā pucchitukāmo hutvā satampi sahasampi hoti. Kathaṃ panāyamevaṃ hoti? Iddhiyā bhūmipādapadamūlabhūte dhamme sampādetvā abhiññāpādakajjhānaṃ samāpajjitvā vuṭṭhāya sace satam icchatī, “satam homī satam homī”ti parikammaṃ katvā puna pādakajjhānaṃ samāpajjitvā vuṭṭhāya adhiṭṭhāti. Adhiṭṭhānacittena saheva satam hoti. Sahassādīsupi eseva nayo. Sace evaṃ na ijhati, puna parikammaṃ katvā dutiyampi samāpajjitvā vuṭṭhāya adhiṭṭhātabbam. Saṃyuttaṭṭhakathāyañhi “ekavāram dhevāram samāpajjitum vaṭṭatī”ti vuttam. Tattha pādakajjhānacittam nimittārammaṇam, parikammacittāni satārammaṇāni vā sahasārammaṇāni vā. Tāni ca kho vaṇṇavaseneva, no paṇṇattivasena. Adhiṭṭhānacittampi tatheva satārammaṇam vā sahasārammaṇam vā, taṃ paṭhamappanācittamiva gotrabhuanantaram ekameva uppajjati rūpāvacaracatutthajjhānikam. Tattha ye te bahū nimmitā, te aniyametvā nimmitattā iddhimatā sadisāva hontī. Tānanisajjādīsu vā bhāsītatūñhībhāvādīsu vā yaṃ yaṃ iddhimā karoti, taṃtadeva karontī. Sace pana nānavaṇṇe kātukāmo hoti, keci paṭhamavaye keci majjhimavaye keci pacchimavaye, tathā dīghakese upadḍhamuṇḍamuṇḍe missakakese upadḍharattacīvare paṇḍukacīvare padabhāṇadhammakathāsaraḥhaññaṇapañhapucchanaṇapañhavissajjanarajanapacanaṇacīvarasibbanadhovanādīni karonte, aparepi vā nānappakāraṇe kātukāmo hoti, tena pādakajjhānato vuṭṭhāya “ettakā bhikkhū paṭhamavayā hontū”tiādīnā nayena parikammaṃ katvā puna samāpajjitvā vuṭṭhāya adhiṭṭhātabbam. Adhiṭṭhānacittena saddhim icchitappakārayeva hontīti. Esa nayo “bahudhāpi hutvā eko hotī”tiādīsu. Ayaṃ pana viseso – iminā hi bhikkhunā evaṃ bahubhāvaṃ nimminivā puna “ekova hutvā caṅkamissāmi, sajjhāyaṃ karissāmi, pañhaṃ pucchissāmi”ti cintetvā vā “ayaṃ vihāro appabhikkhuko, sace keci āgamissanti, kuto ime ettakā ekasadisā bhikkhū addhā therassa esānubhāvoti maṃ jānissanti”ti appicchatāya vā antarāva “eko homī”ti icchantena pādakajjhānaṃ samāpajjitvā vuṭṭhāya “eko homī”ti parikammaṃ katvā puna samāpajjitvā vuṭṭhāya “eko homī”ti adhiṭṭhātabbam. Adhiṭṭhānacittena saddhimyeva eko hoti. Evaṃ akaronto pana yathāparicchinnaḥkālavasena sayameva eko hoti.

Āvibhāvanti pākāṭabhāvaṃ karotīti attho. **Tirobhāvanti** paṭicchannabhāvaṃ karotīti attho. Āvibhāvaṃ paccanubhoti, tirobhāvaṃ paccanubhotīti purimena vā sambandho. Tatrāyaṃ iddhimā āvibhāvaṃ kattukāmo andhakāram vā ālokaṃ karoti, paṭicchannaṃ vā vivaṭam karoti, anāpāthaṃ vā āpāthaṃ karoti. Kathaṃ? Ayañhi yathā paṭicchannopi dūre tṭhītopi vā dissati, evaṃ attānaṃ vā paraṃ vā kattukāmo pādakajjhānato vuṭṭhāya “idaṃ andhakāram ālokajātam hotū”ti vā, “idaṃ paṭicchannaṃ vivaṭam hotū”ti vā, “idaṃ anāpāthaṃ āpāthaṃ hotū”ti vā āvajjitvā parikammaṃ katvā vuttanayeneva adhiṭṭhāti. Saha adhiṭṭhānā yathādhiṭṭhitameva hoti. Pare dūre tṭhītāpi passanti, sayampi passitukāmo passati. Tirobhāvaṃ kattukāmo pana ālokaṃ vā andhakāram karoti, appaṭicchannaṃ vā paṭicchannaṃ, āpāthaṃ vā anāpāthaṃ karoti. Kathaṃ? Ayañhi yathā appaṭicchannopi samīpe tṭhītopi vā na dissati, evaṃ attānaṃ vā paraṃ vā kattukāmo pādakajjhānā vuṭṭhahitvā “idaṃ ālokaṭṭhānaṃ andhakāram hotū”ti vā, “idaṃ appaṭicchannaṃ paṭicchannaṃ hotū”ti vā, “idaṃ āpāthaṃ anāpāthaṃ hotū”ti vā āvajjitvā parikammaṃ katvā vuttanayeneva adhiṭṭhāti. Saha adhiṭṭhānā yathādhiṭṭhitameva hoti. Pare samīpe tṭhītāpi na passanti, sayampi apassitukāmo na passati. Apica sabbampi pākāṭapāṭihāriyaṃ āvibhāvo nāma, apākāṭapāṭihāriyaṃ tirobhāvo nāma. Tattha pākāṭapāṭihāriye iddhipi paññāyati iddhimāpi. Taṃ yamakapāṭihāriyena dīpetabbam. Apākāṭapāṭihāriye iddhiyeva paññāyati, na iddhimā. Taṃ mahakasuttēna

(saṃ. ni. 4.346) ca brahmanimantanikasuttana (ma. ni. 1.501 ādayo) ca dīpetabbaṃ.

Tirokuṭṭanti parakuṭṭaṃ, kuṭṭassa parabhāganti vuttaṃ hoti. Esa nayo **tiropākāratiropabbatesu**. **Kuṭṭoti** ca gehabhitti. **Pākāroti** gehavihāragāmādīnaṃ parikkhepapākāro. **Pabbatoti** paṃsupabbato vā pāsānapabbato vā. **Asajjamānoti** alaggamāno. **Seyyathāpi ākāseti** ākāse viya. Evaṃ gantukāmena pana ākāsakasiṇaṃ samāpajjitvā vuṭṭhāya kuṭṭaṃ vā pākāraṃ vā pabbataṃ vā āvajjitvā kataparikkammaṃ “ākāso hotū”ti adhiṭṭhātabbo, ākāsova hoti. Adho otaritukāmassa, uddhaṃ vā ārohitukāmassa susiro hoti, vinivijjhivā gantukāmassa chiddo. So tattha asajjamāno gacchati. Sace panassa bhikkhuno adhiṭṭhahitvā gacchantassa antarā pabbato vā rukkho vā uṭṭheti, kiṃ puna samāpajjitvā adhiṭṭhātabbanti? Doso natthi. Puna samāpajjitvā adhiṭṭhānañhi upajjhāyassa santike nissayaggahaṇasadiṣaṃ hoti. Iminā pana bhikkhunā “ākāso hotū”ti adhiṭṭhitattā ākāso hotiyeva. Purimādhīṭṭhānabaleneva cassa antarā añño pabbato vā rukkho vā utumayo uṭṭhahissatīti aṭṭhānametaṃ. Aññena iddhimatā nimmite pana paṭhamam nimmānaṃ balavaṃ hoti. Itarena tassa uddhaṃ vā adho vā gantabbaṃ.

Pathaviyāpi ummujjanimumujjanti ettha **ummujjanti** uṭṭhānaṃ, **nimumujjanti** saṃsīdanaṃ, ummujjañca nimumujjañca ummujjanimumujjaṃ. Evaṃ kattukāmena pana āpokasiṇaṃ samāpajjitvā vuṭṭhāya “ettake ṭhāne pathavī udakaṃ hotū”ti paricchinditvā parikkammaṃ katvā vuttanayeneva adhiṭṭhātabbaṃ. Saha adhiṭṭhānā yathāparicchinne ṭhāne pathavī udakameva hoti. So tattha ummujjanimumujjaṃ karoti seyyathāpi uduke. Na kevalaṇca ummujjanimumujjameva, nhānapānamukhadhovanabhaṇḍakadhovanādīsu yaṃ yaṃ icchati, taṃ taṃ karoti. Na kevalaṇca udakameva karoti, sappitelamadhuphāñitādīsipi yaṃ yaṃ icchati, taṃ taṃ “idañcidañca ettakaṃ hotū”ti āvajjitvā parikkammaṃ katvā adhiṭṭhahantassa yathādhiṭṭhitameva hoti. Uddharitvā bhājanagataṃ karontassa sappi sappiyeva hoti, telādīni telādīniyeva, udakaṃ udakameva. So tattha temitukāmo temeti, na temitukāmo na temeti. Tasseva ca sā pathavī udakaṃ hoti, sesajanassa pathaviyeva. Tattha manussā pattikāpi gacchanti, yānādhipi gacchanti, kasikkammādīnipi karontiyeva. Sace panāyaṃ “tesampi udakaṃ hotū”ti icchati, hotiyeva. Paricchinnakālaṃ pana atikkamitvā yaṃ pakatiyā ghaṭataḷākādīsū udakaṃ, taṃ ṭhapetvā avasesaṃ paricchinnatṭhānaṃ pathaviyeva hoti.

Udukepi abhijjamāne gacchatīti ettha yaṃ udakaṃ akkamitvā saṃsīdati, taṃ bhijjamānanti vuccati, viparītaṃ abhijjamānaṃ. Evaṃ gantukāmena pana pathavīkasiṇaṃ samāpajjitvā vuṭṭhāya “ettake ṭhāne udakaṃ pathavī hotū”ti paricchinditvā parikkammaṃ katvā vuttanayeneva adhiṭṭhātabbaṃ. Saha adhiṭṭhānā yathāparicchinnatṭhāne udakaṃ pathaviyeva hoti. So tattha gacchati seyyathāpi pathaviyaṃ. Na kevalaṇca gacchati, yaṃ yaṃ iriyāpathaṃ icchati, taṃ taṃ kappeti. Na kevalaṇca pathavimeva karoti, maṇisuvāṇṇapabbatarukkhādīsipi yaṃ yaṃ icchati, taṃ taṃ vuttanayeneva āvajjitvā adhiṭṭhāti, yathādhiṭṭhitameva hoti. Tasseva ca taṃ udakaṃ pathavī hoti, sesajanassa udakameva. Macchakacchapā ca udakakādayo ca yathārucci vicaranti. Sace panāyaṃ aññesampi manussānaṃ taṃ pathaviṃ kātuṃ icchati, karontiyeva. Yathāparicchinnakālātikkamena pana udakameva hoti.

Ākāsepi pallaṅkena kamatīti antalikkhe samantato ūrubaddhāsanena gacchati. **Pakkhī sakuṇoti** pakkhehi yutto sakuṇo, na aparipuṇṇapakkho lūnapakkho vā. Tādīso hi ākāse gantuṃ na sakkoti. Evamākāse gantukāmena pana pathavīkasiṇaṃ samāpajjitvā vuṭṭhāya sace nisīno gantumicchati, pallaṅkappamānaṃ ṭhānaṃ paricchinditvā parikkammaṃ katvā vuttanayeneva adhiṭṭhātabbaṃ. Sace nipanno gantukāmo hoti, mañcappamānaṃ, sace padasā gantukāmo hoti, maggappamānanti evaṃ yathānurūpaṃ ṭhānaṃ paricchinditvā vuttanayeneva “pathavī hotū”ti adhiṭṭhātabbaṃ. Saha adhiṭṭhānā pathaviyeva hoti. Ākāse gantukāmena ca bhikkhunā dibbacakkhulābhīnāpi bhavitabbaṃ. Kasmā? Yasmā antarā utusamutṭhānā vā pabbatarukkhādayo honti, nāgasupaṇṇādayo vā usūyantā māpenti, tesam dassanattamaṃ. Te pana disvā kiṃ kātābbanti? Pādakajjhānaṃ samāpajjitvā vuṭṭhāya “ākāso hotū”ti parikkammaṃ katvā adhiṭṭhātabbaṃ. Apica okāse orohaṇattampi iminā dibbacakkhulābhīnā bhavitabbaṃ. Ayañhi sace anokāse nhānatitthe vā gāmadvāre vā orohati, mahājanassa pākāto hoti, tasmā dibbacakkhunā passitvā anokāsaṃ vajjetvā okāse otarāṭīti.

Imepi candimasūriye evaṃmahiddhike evaṃmahānubhāveti ettha candimasūriyaṇaṃ dvācattālīsayojanasahassoparicaraṇena mahiddhikatā, tīsu dīpesu ekakkhaṇe ālokakaraṇena

mahānubhāvātā veditabbā, evaṃ uparicaraṇāalokapharaṇehi vā mahiddhike, teneva mahiddhikattena mahānubhāve. **Parāmasatīti** pariggaṇhāti, ekadese vā phusati. **Parimajjati** samantato ādāsatalaṃ viya parimajjati. Ayaṃ panassa iddhi abhiññāpādakajjhānavaseneva ijjhati, natthettha kaṣiṇasamāpattiniyamo. Svāyaṃ yadi icchati gantvā parāmasitūṃ, gantvā parāmasati. Sace pana idheva nisinnako vā nipannako vā parāmasitukāmo hoti, “hatthapāse hotū”ti adhiṭṭhāti. Adhiṭṭhānabalena vaṇṭā muttātālahalaṃ viya āgantvā hatthapāse ṭhite vā parāmasati, hatthaṃ vā vaḍḍhetvā parāmasati. Hatthaṃ vaḍḍhentassa pana kiṃ upādinnakaṃ vaḍḍhati anupādinnakaṃ vāti? Upādinnakaṃ nissāya anupādinnakaṃ vaḍḍhati. Yo evaṃ katvā na kevalaṃ candimasūriye parāmasati, sace icchati, pādakathalikaṃ katvā pāde ṭhapeti, pīṭhaṃ katvā nisīdati, mañcaṃ katvā nipajjati, apassenaphalakaṃ katvā apassayati. Yathā eko, evaṃ aparopi. Anekesupi hi bhikkhusatasahasseeva evaṃ karontesu tesañca ekamekassa tatheva ijjhati. Candimasūriyānañca gamanampi ālokakaraṇampi tatheva hoti. Yathā hi pātisahassesu udakapūresu sabbapātisu candamaṇḍalāni dissanti, pākatikameva candassa gamanaṃ ālokakaraṇaṃ hoti, tathūpamameṭaṃ pātihāriyaṃ. **Yāva brahmalokāpi kāyena vasaṃ vatteti** brahmalokaṃ paricchedaṃ katvā etthantare anekavidhaṃ abhiññāṃ karonto attano kāyena vasaṃ issariyaṃ vatteti. Vitthāro panettha iddhikathāyaṃ āvibhavissatīti.

Iddhividhaññāniddesavaṇṇanā niṭṭhitā.

51. Sotadhātuvisuddhiññāniddesavaṇṇanā

103. Sotadhātuvisuddhiññāniddese **dūrepi saddānanti**ādi dibbasotaṃ uppādetukāmassa ādikammikassa bhikkhuno upāyasandassanattaṃ vuttaṃ. Tattha **dūrepi saddānaṃ saddanimittanti** dūre saddānaṃ antare saddaṃ. Saddoyeva hi nimittakaraṇavasena saddanimittaṃ. “Dūre”ti vuttepi pakatisotassa āpāthattāhāneyeva. **Oḷārikānanti** thūlānaṃ. **Sukhumānanti** aṇūnaṃ. **Sanhasaṇhānanti** saṇhatopi saṇhānaṃ, atisaṇhānanti attho. Etena paramasukhumā saddā vuttā honti. Imaṃ ñāṇaṃ uppādetukāmena ādikammikena jhāyinaṃ abhiññāpādakajjhānaṃ samāpajjitvā vuttāya parikammasamādhicittena paṭhamataraṃ pakatisotapathe dūre oḷāriko araṇṇe sīhādīnaṃ saddo āvajjitabbo. Vihāre ghaṇḍisaddo bherisaddo saṅkhasaddo sāmaṇeradahaṃbhikkhūnaṃ sabbathāmena sajjhāyantānaṃ sajjhāyanasaddo pakatikathaṃ kathentānaṃ “kiṃ, bhante, kiṃ, āvuso”tiādisaddo saṅkhasaddo vātasaddo padasaddo pakkuthitaudakassa cicciṭāyanasaddo ātape sussaṃnātālapaṇṇasaddo kunthakipillikādisaddoti evaṃ sabboḷārikato pabhuti yathākkamena sukhumasukhumasaddā āvajjitabbā.

Evaṃ karontena ca puratthimādīsu dasasu disāsu kamena ekekissā disāya saddanimittaṃ vuttanayena manasi kātabbaṃ. Manasi karontena ca ye saddā pakatisotassa suyyanti, tesu pakatisotamodhāya manodvārikena cittena manasi kātabbaṃ. Tassa te saddā pakaticittassāpi pākaṭā honti, parikammasamādhicittassa pana ativiya pākaṭā honti. Tassevaṃ saddanimittaṃ manasikaroto idāni dibbasotadhātu uppajjissatīti tesu saddesu aññataraṃ ārammaṇaṃ katvā manodvārāvajjanaṃ uppajjati, tasmimṃ niruddhe cattāri pañca vā javanāni javanti. Yesaṃ purimāni tīṇi cattāri vā parikammopacārānulomagotrabhunāmākāni kāmāvacarāni, catutthaṃ pañcamaṃ vā appanācittaṃ rūpāvacaracatutthajjhānikaṃ. Tattha yaṃ tena appanācittena saddhimṃ uppannaṃ ñāṇaṃ, ayaṃ dibbasotadhātu. Taṃ thāmagataṃ karontena “etthantare saddaṃ suṇāmī”ti ekaṅgulamattaṃ paricchinditvā vaḍḍhetabbaṃ, tato dvaṅgulacaturaṅgulaatṭhaṅgulavidatthiratanaantogabbhapamukha-pāsādapariveṇasaṅghārāmagocaragāmājanapadādivasena yāva cakkavālaṃ, tato vā bhīyyopi paricchinditvā paricchinditvā vaḍḍhetabbaṃ. Evaṃ adhigatābhiñño esa pādakajjhānārammaṇena phuttthokāsabbhantaragate sadde puna pādakajjhānaṃ asamāpajjitvāpi abhiññāññāṇena suṇātiyeva. Evaṃ suṇanto ca sacepi yāvabrahmalokā saṅkhabheripaṇavādisaddehi ekakolāhalaṃ hoti, pātīyekaṃ vavatthāpetukāmatāya sati “ayaṃ saṅkhasaddo, ayaṃ bherisaddo”ti vavatthāpetuṃ sakkotiyeva. Abhiññāññāṇena sute sātthake sadde pacchā kāmāvacaracittena atthaṃ jānāti. Dibbasotaṃ pakatisotavatoyeva uppajjati, no badhirassa. Pacchā pakatisote vinaṭṭhepi dibbasotaṃ na vinassatīti vadanti.

So dibbāya sotadhātuyāti ettha dibbasadisattā dibbā. Devānañhi sucaritakammābhiniḃbattā pittasemharudhirādīhi apalibuddhā upakkilesavimuttatāya dūrepi ārammaṇasampaṭicchanasamatthā dibbā

pasādasotadhātu hoti. Ayañcāpi imassa bhikkhuno vīriyabhāvanābalanibbattā nāṇasotadhātu tādīsāyevāti dibbasadisattā dibbā. Apica dibbavīhārasena paṭiladdhattā, attanā ca dibbavīhārasannissittāpi dibbā, savanaṭṭhena nijjīvattṭhena ca sotadhātu, sotadhātukiccakaraṇena ca sotadhātu viyātipi sotadhātu. Tāya dibbāya sotadhātuyā. **Visuddhāyāti** parisuddhāya nirupakkilesāya. **Atikkantamānusikāyāti** manussūpacāraṃ atikkamitvā saddasavanena mānusikaṃ maṃsasotadhātum atikkantāya vītivattitvā ṭhitāya. **Ubho sadde suṇātīti** dve sadde suṇāti. Katame dve? **Dibbe ca mānuse ca**, devānañca manussānañca saddeti vuttaṃ hoti. Etena padesapariyādānaṃ veditabbaṃ. **Ye dūre santike cāti** ye saddā dūre paracakkavālepi, ye ca santike antamaso sadehasannissitapāṇakasaddāpi, te suṇātīti vuttaṃ hoti. Etena nippadesapariyādānaṃ veditabbanti.

Sotadhātuvisuddhiñāṇaniddesavaṇṇanā niṭṭhitā.

52. Cetopariyañāṇaniddesavaṇṇanā

104. Cetopariyañāṇaniddese **so evaṃ pajānātīti** idāni vattabbaṃ vidhānaṃ upadisati. **Idaṃ rūpaṃ somanassindriyasamuṭṭhitanti**ādi ādikammikena jhāyinā paṭipajjitabbaṃ vidhānaṃ. Kathaṃ? Etañhi ñāṇaṃ uppādetukāmena jhāyinā paṭhamaṃ tāva dibbacakkhuñāṇaṃ uppādetabbaṃ. Etañhi dibbacakkhavasena ijjhāti, taṃ etassa parikkamaṃ. Tasmā tena bhikkhunā ālokaṃ vaḍḍhetvā dibbena cakkhunā parassa hadayarūpaṃ nissāya vattamānassa lohitassa vaṇṇaṃ passivā passivā cittaṃ pariyesitabbaṃ. Tañhi lohitaṃ kusalasomanasse vattamāne rattaṃ hoti nigrodhapakkavaṇṇaṃ, akusalasomanasse vattamāne tadeva luḷitaṃ hoti, domanasse vattamāne kāḷakaṃ hoti jambupakkavaṇṇaṃ luḷitaṃ. Kusalūpekkhāya vattamānāya pasannaṃ hoti tilatelavaṇṇaṃ. Akusalūpekkhāya vattamānāya tadeva luḷitaṃ hoti. Tasmā tena “idaṃ rūpaṃ somanassindriyasamuṭṭhitaṃ, idaṃ rūpaṃ domanassindriyasamuṭṭhitaṃ, idaṃ rūpaṃ upekkhindriyasamuṭṭhitaṃ”nti parassa hadayalohitavaṇṇaṃ passivā passivā cittaṃ pariyesantena cetopariyañāṇaṃ thāmagataṃ kātābbaṃ. Evaṃ thāmagate hi tasmim̐ anukkamena sabbampi kāmāvacarādibhedam̐ cittaṃ pajānāti cittaṃ cittaṃ eva saṅkamanto vinā hadayarūpadassanena. Vuttampi cetam̐ aṭṭhakathāyaṃ –

“Āruppe parassa cittaṃ jānitukāmo kassa hadayarūpaṃ passati, kassindriyavikāraṃ oloketīti? Na kassaci. Iddhimato visayo esa, yadidaṃ yattha katthaci cittaṃ āvajjanto soḷasappabhedam̐ cittaṃ jānāti. Akatābhinivesassa pana vasena ayaṃ kathā”ti (visuddhi. 2.401).

Parasattānanti attānaṃ ṭhapetvā sesasattānaṃ. **Parapuggalānanti** idampi iminā ekatthameva, veneyyavasena pana desanāvīlāsena ca byañjanena nānattaṃ kataṃ. **Cetasā ceto paricca pajānātīti** attano cittaṃ tesam̐ cittaṃ paricchinditvā sarāgādivasena nānappakārato jānāti. **Sarāgaṃ vāti**ādīsu vā-saddo samuccayattho. Tattha aṭṭhavidham̐ lobhasahagatacittaṃ **sarāgaṃ** cittaṃ nāma, avasesam̐ catubhūmakakusalābyākatacittaṃ **vītarāgaṃ** nāma. Dve domanassacittāni, dve vicikicchāuddhaccacittānīti imāni pana cattāri cittaṃ imasmim̐ duke saṅgahaṃ na gacchanti. Keci pana therā tānīpi vītarāgapadena saṅgaṇhanti. Duvidham̐ pana domanassasahagataṃ cittaṃ **sadosam̐** cittaṃ nāma, sabbampi catubhūmakaṃ kusalābyākataṃ **vītadosam̐** nāma. Sesāni dasa akusalacittāni imasmim̐ duke saṅgahaṃ na gacchanti. Keci pana therā tānīpi vītadosapadena saṅgaṇhanti. **Samohaṃ vītamohanti** ettha pana mohekahetukavasena vicikicchāuddhaccasahagatadvayameva **samohaṃ**. Mohassa pana sabbākusalesu sambhavato dvādasavidhampi akusalam̐ cittaṃ “samoha”nti veditabbaṃ. Avasesam̐ kusalābyākataṃ **vītamohaṃ**. Thinamiddhānugataṃ pana **saṃkhittaṃ**, uddhaccānugataṃ **vikkhittaṃ**. Rūpāvacarārūpāvacaraṃ **mahaggaṃ**, avasesam̐ **amahaggaṃ**. Sabbampi tebhūmakaṃ **sauttaraṃ**, lokuttaraṃ **anuttaraṃ**. Upacārappattaṃ appanāppattañca **samāhitaṃ**, tadubhayamasampattaṃ **asamāhitaṃ**. Tadaṅgavikkhambhanasamuccedapaṭippassaddhinissaraṇavimuttippattaṃ **vimuttaṃ**, pañcavidhampi etaṃ vimuttimappattaṃ **avimuttanti** veditabbaṃ. Iti cetopariyañāṇalābhī bhikkhu soḷasappabhedampi cittaṃ pajānāti. Puthujjanā pana ariyānaṃ maggaphalacittaṃ na jānanti, ariyāpi ca heṭṭhimā heṭṭhimā uparimānaṃ uparimānaṃ maggaphalacittaṃ na jānanti, uparimā uparimā pana heṭṭhimānaṃ heṭṭhimānaṃ cittaṃ jānantīti.

Cetopariyaññaniddesavaññanā niṭṭhitā.

53. Pubbenivāsānussatiññaniddesavaññanā

105. Pubbenivāsānussatiññaniddese **evaṃ pajānātī**tiādi catūsu iddhipādesu paribhāvitacittassa pubbenivāsānussatiññanaṃ uppādetukāmassa taduppādanavidhānadassanattamaṃ vuttaṃ. Kamato hi paṭiccasamuppādaṃ passitvā viññāṇanāmarūpasalāyatanaphassavedanāsankhātamaṃ paccuppannaṃ phalasaṅkhepaṃ passati, tassa paccayaṃ purimabhava kammakilesasaṅkhātamaṃ hetusaṅkhepaṃ passati, tassa paccayaṃ purimabhaveyeva phalasaṅkhepaṃ passati, tassa paccayaṃ tatiyabhava hetusaṅkhepaṃ passati. Evaṃ paṭiccasamuppādadassanena jātiparamparaṃ passati. Evaṃ bahūpakāro pubbenivāsānussatiññassa paṭiccasamuppādamanasikāro. Tattha ‘‘imasmiṃ sati idaṃ hoti, imassuppādā idaṃ uppajjati’’ti idaṃ paṭiccasamuppādaniddesassa uddesavacanaṃ. Evaṃ tesamaññataravacaneneva atthe siddhe dvidhā vacanaṃ kasmāti ce? Atthanānattasabbhāvato. Kathamaṃ? **Imasmiṃ satīti** imasmiṃ paccaye vijjamāne. Idaṃ sabbapaccayānaṃ sādharmaṇavacanaṃ. **Idamaṃ hotīti** idaṃ paccayuppannaṃ bhavati. Idaṃ sabbapaccayuppannānaṃ sādharmaṇavacanaṃ. Iminā sakalena vacanena ahetukavādo paṭisiddho hoti. Ye hi dhammā paccayasambhavā honti, na paccayābhavā, te ahetukā nāma na hontīti. **Imassuppādāti** imassa paccayassa uppādahetu. Idaṃ sabbapaccayānaṃ uppādavantaṭādīpanavacanaṃ. **Idamaṃ uppajjati**ti idaṃ paccayuppannaṃ uppajjati. Idaṃ sabbapaccayuppannānaṃ tato uppajjamānatādīpanavacanaṃ. Iminā sakalena vacanena sassatāhetukavādo paṭisiddho hoti. Ye hi uppādavanto dhammā, te aniccā. Tasmā satipi sahetukatte aniccahetukā ete dhammā na loke nīccasammatapakatipurisādihetukāti vuttaṃ hoti.

Yadidanti niddisittabbatthasandassanaṃ. **Avijjāpaccayā saṅkhārāti** ettha yaṃ paṭicca phalameti, so paccayo. **Paṭiccāti** na vinā, apaccakkhitvāti attho. **Etīti** uppajjati ceva pavattati cāti attho. Apica upakāraṭṭho paccayaṭṭho, avijjā ca sā paccayo cāti avijjāpaccayo. Tasmā avijjāpaccayā saṅkhārā sambhavanti yojanā. Evaṃ sambhavanti-saddassa sesapadehipi yojanā kātabbā. Sokādīsu ca socanaṃ **soko**. Paridevanaṃ **paridevo**. Dukkhatīti **dukkhamaṃ**. Uppādaṭṭhitivasena vā dvedhā khanatītipi dukkhamaṃ. Dummanassa bhāvo **domanassaṃ**. Bhuso āyāso **upāyāso**. **Sambhavanti**ti nibbattanti. **Evanti** niddiṭṭhanayanidassanaṃ. Tena avijjādīheva kāraṇehi, na issaranimmānādīhīti dasseti. **Etassāti** yathāvuttassa. **Kevalassāti** asammissassa, sakalassa vā. **Dukkhaṅkhandhassāti** dukkhasamūhassa, na sattassa na sukhasubhādīnaṃ. **Samudayoti** nibbatti. **Hotīti** sambhavati.

Tattha katamā avijjā? Dukkhe aññānaṃ, dukkhasamudaye aññānaṃ, dukkhanirodhe aññānaṃ, dukkhanirodhagāminiyā paṭipadāya aññānaṃ, pubbante aññānaṃ, aparante aññānaṃ, pubbantāparante aññānaṃ, idappaccayatāpaṭiccasamuppannesu dhammesu aññānaṃ. Katame saṅkhārā? Puññābhisaṅkhāro, apuññābhisaṅkhāro, āneñjābhisaṅkhāro, kāyasaṅkhāro, vacīsaṅkhāro, cittasaṅkhāro. Aṭṭha kāmāvacarakusalacetanā pañca rūpāvacarakusalacetanā puññābhisaṅkhāro, dvādasa akusalacetanā apuññābhisaṅkhāro, catasso arūpāvacarakusalacetanā āneñjābhisaṅkhāro. Kāyasañcetanā kāyasaṅkhāro, vacīsañcetanā vacīsaṅkhāro, manosañcetanā cittasaṅkhāro.

Tattha siyā – kamaṃ panetaṃ jānitabbaṃ ‘‘ime saṅkhārā avijjāpaccayā hontī’’ti? Avijjābhāve bhāvato. Yassa hi dukkhādīsu avijjāsaṅkhātamaṃ aññānaṃ appahīnaṃ hoti. So dukkhe tāva pubbantādīsu ca aññāṇena saṃsāradukkhamaṃ sukhasaññāya gahetvā tasseva hetubhūte tividhepi saṅkhāre ārabhati. Samudaye aññāṇena dukkhahetubhūtepi taṇhāparikkhāre saṅkhāre sukhahehuto maññamāno ārabhati. Nirodhe pana magge ca aññāṇena dukkhassa anirodhabhūtepi gativisehe dukkhanirodhasaññī hutvā nirodhassa ca amaggabhūtesupī yaññāmaratapādīsu nirodhamaggasaññī hutvā dukkhanirodham patthayamāno yaññāmaratapādīmukhena tividhepi saṅkhāre ārabhati.

Apica so tāya catūsu saccesu appahīnāvijjātāya visesato jātijarārogamarañānianekādīnavavokiṇṇampi puññaphalasaṅkhātamaṃ dukkhamaṃ dukkhato ajānanto tassa adhigamāya kāyavacīcittasaṅkhārabhedamaṃ puññābhisaṅkhāraṃ ārabhati devaccharakāmaṃ viya marupapātaṃ. Sukhasammatassāpi ca tassa puññaphalassa ante mahāparilāhajanikaṃ vipariṇāmadukkhataṃ appassādatañca apassantopī tappaccayaṃ

vuttappakārameva puññābhisāṅkhāraṃ ārabhati salabho viya dīpasikhābhiniṇipātaṃ, madhubindugiddho viya ca madhulittasatthadhārālehanāṃ. Kāmūpasevanādīsu ca savipākesu ādīnavaṃ apassanto sukhasaññāya ceva kilesābhibhūtātāya ca dvāratayappavattampi apuññābhisāṅkhāraṃ ārabhati bālo viya gūthakīḷanaṃ, maritukāmo viya ca visakhādanāṃ. Āruppavipākesu cāpi saṅkhāravipariṇāmadukkhataṃ anavabujjhamāno sassatādivipallāsena cittasaṅkhārabhūtaṃ āneñjābhisāṅkhāraṃ ārabhati disāmūḷho viya pisācanagarābhimukhamaggagamaṃ. Evaṃ yasmā avijjābhāvatova saṅkhārabhāvo, na abhāvato, tasmā jānitabbametam “ime saṅkhārā avijjāpaccayā hontī”ti.

Etthāha – gaṇhāma tāva etaṃ “avijjā saṅkhārānaṃ paccayo”ti. Kiṃ panāyamekāva avijjā saṅkhārānaṃ paccayo, udāhu aññepi paccayā santīti? Kiṃ panettha yadī tāva ekāva, ekakāraṇavādo āpajjati. Atha aññepi santi, “avijjāpaccayā saṅkhārā”ti ekakāraṇaniddeso nupapajjati? Na nupapajjati. Kasmā? Yasmā –

“Ekaṃ na ekato idha, nānekamanekatopi no ekaṃ;
Phalamatthi atthi pana eka-hetuphaladīpane attho”.

Bhagavā hi katthaci padhānattā katthaci pākaṭattā katthaci asādhāraṇattā desanāvīlāsassa ca veneyyānañca anurūpato ekameva hetuñca phalañca dīpeti. Tasmā ayamidha avijjā vijjamānesupi aññesu vatthārammaṇasahajātadhammādīsu saṅkhārakāraṇesu “assādānupassino taṇhā pavaḍḍhati”ti (saṃ. ni. 2.52) ca, “avijjāsamudayā āsavaśamudayo”ti (ma. ni. 1.104) ca vacanato aññesampi taṇhādīnaṃ saṅkhārahetūnaṃ hetūti padhānattā, “avidvā, bhikkhave, avijjāgato puññābhisāṅkhārampi abhisāṅkharotī”ti pākaṭattā, asādhāraṇattā ca saṅkhārānaṃ hetubhāvena dīpitāti veditabbā. Eteneva ca ekekahetuphaladīpanaparīhāravacanena sabbattha ekekahetuphaladīpane payojanaṃ veditabbanti.

Etthāha – evaṃ santepi ekantāniṭṭhaphalāya sāvajjāya avijjāya kathaṃ puññāneñjābhisāṅkhārapaccayattaṃ yujjati? Na hi nimbabījato ucchu uppajjati. Kathaṃ na yujjissati? Lokasmiñhi –

“Viruddho cāviruddho ca, sadisāsadisō tathā;
Dhammānaṃ paccayo siddho, vipākā eva te ca na”.

Iti ayaṃ avijjā vipākavasena ekantāniṭṭhaphalā, sabhāvavasena ca sāvajjāpi samānā sabbesampi etesaṃ puññābhisāṅkhārādīnaṃ yathānurūpaṃ ṭhānakiccasabhāvaviruddhāvīruddhapaccayavasena sadisāsadisapaccayavasena ca paccayo hotīti veditabbā.

Apica –

“Cutūpapāte saṃsāre, saṅkhārānañca lakkhaṇe;
Yo paṭiccasamuppanna-dhammesu ca vimuyhati.

“Abhisāṅkharotī so ete, saṅkhāre tividhe yato;
Avijjā paccayo tesam, tividhānaṃ ayaṃ tato.

“Yathāpi nāma jaccandho, naro aparīṇāyako;
Ekadā yāti maggena, ummaggenāpi ekadā.

“Saṃsāre saṃsaraṃ bālo, tathā aparīṇāyako;
Karotī ekadā puññaṃ, apuññaṃapi ekadā.

“Yadā ca ñatvā so dhammaṃ, saccāni abhisamessati;
Tadā avijjūpasamā, upasanto carissatī”ti.

Saṅkhārapaccayā viññāṇanti cha viññāṇakāyā cakkhuvīññāṇaṃ sotaviññāṇaṃ ghānaviññāṇaṃ jivhāvīññāṇaṃ kāyaviññāṇaṃ manoviññāṇaṃ. Tattha cakkhuvīññāṇaṃ kusalavipākaṃ akusalavipākanti duvidhaṃ. Tathā sotaghānajivhākāyaviññāṇāni. Manoviññāṇaṃ dve vipākamanodhātuyo, tisso ahetukamanoviññāṇadhātuyo, aṭṭha sahetukavipākacittāni, pañca rūpāvacarāni, cattāri arūpāvacarānīti bāvīsatividhaṃ. Iti sabbāni bāttīṃsa lokiyavipākavīññāṇāni.

Tattha siyā – kathaṃ panetaṃ jānitabbaṃ “idaṃ vuttappakāraṃ viññāṇaṃ saṅkhārapaccayā hotī”ti? Upacitakammābhāve vipākābhāvato. Vipākāñhetuṃ, vipākāñca na upacitakammābhāve uppajjati. Yadi uppajjeyya, sabbesaṃ sabbavipākāni uppajjeyyūṃ, na ca uppajjantīti jānitabbametaṃ “saṅkhārapaccayā idaṃ viññāṇaṃ hotī”ti. Sabbameva hi idaṃ pavattipaṭisandhivasena dvedhā pavattati. Tattha dve pañcaviññāṇāni dve manodhātuyo somanassasahagatāhetukamanoviññāṇadhātūti imāni terasa pañcavokārabhave pavattiyāmyeva pavattanti, sesāni ekūnavīsati tīsu bhavesu yathānurūpaṃ pavattiyampi paṭisandhiyampi pavattanti.

“Laddhappaccayamiti dhammamattametaṃ bhavantaramupeti;
Nāssa tato saṅkanti, na tato hetuṃ vinā hotī”.

Iti hetuṃ laddhappaccayaṃ rūpārūpadhammamattaṃ uppajjamānaṃ bhavantaramupetīti vuccati, na satto, na jīvo. Tassa ca nāpi atītabhavato idha saṅkanti atthi, nāpi tato hetuṃ vinā idha pātubhāvo. Ettha ca purimaṃ cavanato cuti, pacchimaṃ bhavantarādipaṭisandhānato paṭisandhīti vuccati.

Etthāha – nanu evaṃ asaṅkantipātubhāve sati ye imasmiṃ manussattabhāve khandhā, tesāṃ niruddhattā, phalappaccayassa ca kammassa tattha agamanato, aññassa aññato ca taṃ phalaṃ siyā. Upabhuñjake ca asati kassa taṃ phalaṃ siyā. Tasmā na sundaramidaṃ vidhānanti. Tatridaṃ vuccati –

“Santāne yaṃ phalaṃ etaṃ, nāññassa na ca aññato;
Bījānaṃ abhisāṅkhāro, etassatthassa sādhaṃ.”

“Phalassuppattiyā eva, siddhā bhuñjakasammuti;
Phaluppādena rukkhassa, yathā phalati sammutī”ti.

Yopi vadeyya “evaṃ santepi ete saṅkhārā vijjamānā vā phalassa paccayā siyuṃ avijjamānā vā. Yadi ca vijjamānā, pavattikkhaṇeyeva nesaṃ vipākena bhavitabbaṃ. Athāpi avijjamānā, pavattito pubbe pacchā ca niccaṃ phalāvahā siyu”nti. So evaṃ vattabbo –

“Katattā paccayā ete, na ca niccaṃ phalāvahā;
Pāṭibhogādikaṃ tattha, veditabbaṃ nidassana”nti.

Viññāṇapaccayā nāmarūpanti idha vedanā saññā saṅkhārakkhandhā nāmaṃ, cattāri ca mahābhūtāni catunnañca mahābhūtānaṃ upādāyarūpaṃ rūpaṃ. Abhāvakagabbhaseyyakānaṃ aṇḍajānañca paṭisandhikkhaṇe vatthudasakaṃ kāyadasakanti vīsati rūpāni, tayo ca arūpino khandhāti ete tevīsati dhammā viññāṇapaccayā nāmarūpanti veditabbā. Sabhāvakānaṃ bhāvadasakaṃ pakkhipitvā tettiṃsa, opapātikasattesu brahmakāyikādīnaṃ paṭisandhikkhaṇe cakkhusotavattthudasakāni jīvitindriyanavakañcāti ekūnacattālīsa rūpāni, tayo ca arūpino khandhāti ete dvācattālīsa dhammā viññāṇapaccayā nāmarūpaṃ. Kāmabhave pana sesaopapātikānaṃ saṃsedajānaṃ vā sabhāvakaparipuṇṇāyatanānaṃ paṭisandhikkhaṇe cakkhusotaghānajivhākāyavatthubhāvadasakānīti sattati rūpāni, tayo ca arūpino khandhāti ete tesattati dhammā viññāṇapaccayā nāmarūpaṃ. Esa ukkaṃso. Avakaṃsena pana taṃtaṃdasakavikalānaṃ tassa tassa vasena hāpetvā hāpetvā paṭisandhiyaṃ viññāṇapaccayā nāmarūpasāṅkhā veditabbā. Arūpīnaṃ pana tayova arūpino khandhā, asaññānaṃ rūpato jīvitindriyanavakamevāti. Esa tāva paṭisandhiyaṃ nayo.

Tattha siyā – kathaṃ panetaṃ jānitabbaṃ “paṭisandhināmarūpaṃ viññāṇapaccayā hotī”ti? Suttato yuttito ca. Sutte hi “cittānuparivattino dhammā”tiādīnā (dha. sa. dukamātikā 62) nayena bahudhā

vedanādīnaṃ viññāṇapaccayatā siddhā. Yuttito pana –

Cittajena hi rūpena, idha diṭṭhena sijjhati;
Adiṭṭhassāpi rūpassa, viññāṇaṃ paccayo itī.

Nāmarūpapaccayā saḷāyatananti nāmaṃ vuttameva. Idha pana rūpaṃ niyamato cattāri bhūtāni cha vatthūni jīvitindriyanti ekādasavidhaṃ. Saḷāyatanam – cakkhāyatanam, sotāyatanam, ghāṇāyatanam, jivhāyatanam, kāyāyatanam, manāyatanam.

Tattha siyā – kathaṃ panetaṃ jānitabbaṃ “nāmarūpaṃ saḷāyatanassa paccayo”ti? Nāmarūpabhāve bhāvato. Tassa tassa hi nāmassa rūpassa ca bhāve taṃ taṃ āyatanam hoti, na aññathāti.

Saḷāyatanapaccayā phassoti –

“Chaḷeva phassā saṅkhepā, cakkhusamphassaādayo;
Viññāṇamiva bāttiṃsa, vitthārena bhavanti te”.

Phassapaccayā vedanāti –

“Dvārato vedanā vuttā, cakkhusamphassajādikā;
Chaḷeva tā pabhedena, idha bāttiṃsa vedanā”.

Vedanāpaccayā taṇhāti –

“Rūpataṇhādibhedena, cha taṇhā idha dīpitā;
Ekekā tividhā tattha, pavattākārato matā.

“Dukkhī sukhaṃ patthayati, sukhī bhīyyopi icchati;
Upekkhā pana santattā, sukhamicceva bhāsītā.

“Taṇhāya paccayā tasmā, honti tissopi vedanā;
Vedanāpaccayā taṇhā, itī vuttā mahesinā”.

Taṇhāpaccayā upādānanti cattāri upādānāni – kāmupādānaṃ, diṭṭhupādānaṃ, silabbatupādānaṃ, attavādupādānaṃ. **Upādānapaccayā bhavoti** idha kammabhavo adhippeto. Upapattibhavo pana paduddhāravasena vutto. **Bhavapaccayā jāṭīti** kammabhavapaccayā paṭisandhikhandhānaṃ pātubhāvo.

Tattha siyā – kathaṃ panetaṃ jānitabbaṃ “bhavo jāṭiyā paccayo”ti ce? Bāhirapaccayasamattepi hīnapaṇīṭādivisesadassanato. Bāhirānañhi janakajanānisukkasoṇitāhārādīnaṃ paccayānaṃ samattepi sattānaṃ yamakānampi sataṃ hīnapaṇīṭādiviseso dissati. So ca na ahetuko sabbadā ca sabbesañca abhāvato, na kammabhavato aññahetuko tadabhinibbattakasattānaṃ ajjhattasantāne aññassa kāraṇassa abhāvatoṭi kammabhavahetukoyeva. Kammañhi sattānaṃ hīnapaṇīṭādivisesassa hetu. Tenāha bhagavā – “kammaṃ satte vibhajati, yadidaṃ hīnapaṇīṭatāyā”ti (ma. nī. 3.289).

Jātipaccayā jarāmarāṇantiādīsu yasmā asati jāṭiyā jarāmarāṇaṃ nāma sokādayo vā dhammā na honti, jāṭiyā pana sati jarāmarāṇaṃceva jarāmarāṇasañkhātadukkhadhammaphuṭṭhassa ca bālassa jarāmarāṇābhisambandhā vā tena tena dukkhadhammena phuṭṭhassa anabhisambandhā vā sokādayo ca dhammā honti, tasmā ayaṃ jāṭi jarāmarāṇassa ceva sokādīnañca paccayo hotīti veditabbā.

So tathābhāvitena cittenātiādīsu **pubbenivāsānussatiñāyāti** etassa ñāṇassa adhiḡamāya, pattiyāti vuttaṃ hoti. **Anekavihitanti** anekavidhaṃ nānappakāraṃ, anekehi vā pakārehi pavattitaṃ, saṃvaṇṇitanti

attho. **Pubbenivāsanti** samanantarātītaṃ bhavaṃ ādiṃ katvā tattha tattha nivutthasantānaṃ. **Anussarati** khandhapaṭipāṭivasena cutipaṭisandhivasena vā anugantvā anugantvā sarati. Imañhi pubbenivāsaṃ cha janā anussaranti titthiyā pakatisāvaka mahāsāvaka aggasāvaka paccekabuddhā buddhāti. Tattha **titthiyā** cattālīsaṃyeva kappe anussaranti, na tato paraṃ. Kasmā? Dubbalapaññattā. Tesañhi nāmarūpaparicchedavirahitattā dubbalā paññā hoti. **Pakatisāvaka** kappasatampi kappasahassampi anussarantiyeva balavapaññattā. Asīti **mahāsāvaka** satasahassakappe anussaranti. Dve **aggasāvaka** ekamasāṅkheyyaṃ kappasatasahassaṅca. **Paccekabuddhā** dve asaṅkheyyāni satasahassaṅca. Ettako hi tesāṃ abhinīhāro. **Buddhānaṃ** pana paricchedo nāma natthi. Titthiyā ca khandhapaṭipāṭimeva saranti, paṭipāṭiṃ muñcivā cutipaṭisandhivasena sarituṃ na sakkonti. Yathā andhā yaṭṭhiṃ amuñcivāva gacchanti, evaṃ te khandhapaṭipāṭiṃ amuñcivāva saranti. Pakatisāvaka khandhapaṭipāṭiyāpi anussaranti, cutipaṭisandhivasenāpi saṅkamanti, tathā asīti mahāsāvaka. Dvinaṃ pana aggasāvakaṇaṃ khandhapaṭipāṭikiccaṃ natthi. Ekassa atabhāvassa cutiṃ disvā paṭisandhiṃ passanti, puna aparassa cutiṃ disvā paṭisandhinti evaṃ cutipaṭisandhivaseneva saṅkamantā gacchanti, tathā paccekabuddhā. **Buddhānaṃ** pana neva khandhapaṭipāṭikiccaṃ, na cutipaṭisandhivasena saṅkamanakiccaṃ atthi. Tesañhi anekāsu kappakoṭīsu heṭṭhā vā upari vā yaṃ yaṃ ṭhānaṃ icchanti, taṃ taṃ pākaṭameva hoti. Tasmā anekāpi kappakoṭīyo saṅkhipitvā yaṃ yaṃ icchanti, tattha tattheva okkamantā sīhokkantavasena gacchanti. Evaṃ gacchantānaṃ nesaṃ ṇāṇaṃ antarantarāsu jāṭīsu asajjamānaṃ icchiticchitaṭṭhānameva gaṇhāti.

Imesu pana chasu pubbenivāsaṃ anussarantesu titthiyānaṃ pubbenivāsadassanaṃ khajjopanakappabhāsadisaṃ hutvā upaṭṭhāti, pakatisāvakaṇaṃ dīpappabhāsadisaṃ, mahāsāvakaṇaṃ ukkāpabhāsadisaṃ, aggasāvakaṇaṃ osadhitarākāpabhāsadisaṃ, paccekabuddhānaṃ candappabhāsadisaṃ. **Buddhānaṃ** rasmisahassapaṭiṃaṇḍitasaradasūriyamaṇḍaladisaṃ hutvā upaṭṭhāti. Titthiyānaṃ pubbenivāsānussaraṇaṃ andhānaṃ yaṭṭhikoṭigamaṇaṃ viya hoti. Pakatisāvakaṇaṃ daṇḍakasetugamaṇaṃ viya, mahāsāvakaṇaṃ jaṅghasetugamaṇaṃ viya, aggasāvakaṇaṃ sakaṭasetugamaṇaṃ viya, paccekabuddhānaṃ jaṅghamaggagamaṇaṃ viya, buddhānaṃ mahāsakaṭamaggagamaṇaṃ viya hoti. Imasmiṃ pana adhikāre sāvakaṇaṃ pubbenivāsānussaraṇaṃ adhippettaṃ.

Tasmā evaṃ anussaritukāmena ādikammikena bhikkhunā pacchābhattaṃ piṇḍapātapaṭikkantena rahogatena paṭisallīnena paṭipāṭiyā cattāri jhānāni samāpajjitvā abhiññāpādaḥkajjhānato vuṭṭhāya vuttanayena paṭiccasamuppādaṃ paccavekkhitvā sabbapacchimā nisajjā āvajjitabbā. Tato āsanapaññāpanaṃ senāsanappavesanaṃ pattacivarapaṭisāmanaṃ bhojanakālo gāmato āgamanakālo gāme piṇḍāya caritakālo gāmaṃ piṇḍāya pavitṭhakālo vihārato nikkhamanakālo cetiyabodhivandanakālo pattadhovanakālo pattapaṭiggahaṇakālo pattapaṭiggahaṇato yāva mukhadhovanā katakiccaṃ paccūsakāle katakiccaṃ, majjhimayāme paṭhamayāme katakiccanti evaṃ paṭilomakkamena sakalaṃ rattindivaṃ katakiccaṃ āvajjitabbaṃ. Ettakaṃ pana pakaticittassapi pākaṭaṃ hoti, parikammasamādhicittassa pana atipākaṭameva. Sace panettha kiñci na pākaṭaṃ hoti, puna pādaḥkajjhānaṃ samāpajjitvā vuṭṭhāya āvajjitabbaṃ. Ettakena dīpe jalite viya pākaṭaṃ hoti. Evaṃ paṭilomakkameneva dutiyadivasepi tatiyacatutthapañcamadivasesupi dasāhepi addhamāsepi māsepi saṃvaccharepi katakiccaṃ āvajjitabbaṃ. Eteneva upāyena dasa vassāni vīsati vassānīti yāva imasmiṃ bhava attano paṭisandhi, tāva āvajjantena purimabhava cutikkhaṇe pavattaṃ nāmarūpaṃ āvajjitabbaṃ. Pahoti hi paṇḍito bhikkhu paṭhamavāreṇeva paṭisandhiṃ ugghāṭetvā cutikkhaṇe nāmarūpaṃ ārammaṇaṃ kātuṃ. Yasmā pana purimabhava nāmarūpaṃ asesāṃ niruddhaṃ, idha aññaṃ uppannaṃ, tasmā taṃ ṭhānaṃ āhunderikaṃ andhatamamiva hoti sududdasaṃ duppañña. Tenāpi ‘na sakkomaḥ paṭisandhiṃ ugghāṭetvā cutikkhaṇe nāmarūpārammaṇaṃ kātu’nti dhuranikkhepo na kātabbo. Tadeva pana pādaḥkajjhānaṃ punappunaṃ samāpajjitvā vuṭṭhāya vuṭṭhāya taṃ ṭhānaṃ āvajjitabbaṃ.

Evaṃ karonto hi seyyathāpi nāma balavā puriso kūṭāgārakaṇṇikatthāya mahārukkhaṃ chindanto sākāpalāsacchedanamatteneva pharasudhārāya vipannāya mahārukkhaṃ chindituṃ asakkontopi dhuranikkhepaṃ akatvāva kammārasālaṃ gantvā tikhiṇaṃ pharaṃ kārāpetvā puna āgantvā chindeyya, puna vipannāya ca punapi tatheva kāretvā chindeyya, so evaṃ chindanto chinnassa chinnassa puna chettabbābhāvato achinnassa ca chedanato nacirasseva mahārukkhaṃ pāteyya, evameva pādaḥkajjhānā vuṭṭhāya pubbe āvajjitaṃ anāvajjitvā paṭisandhimeva āvajjanto taṃ nacirasseva paṭisandhiṃ ugghāṭetvā

cutikkhaṇe nāmarūpaṃ ārammaṇaṃ kareyyāti. Tattha pacchimanisajjato pabhuti yāva paṭisandhito ārammaṇaṃ katvā pavattaṃ ñāṇaṃ pubbenivāsañāṇaṃ nāma na hoti, taṃ pana parikkammaṃ samādhiñāṇaṃ nāma hoti. “Atītaṃsañāṇa”nti peṭaṃ eke vadanti. Taṃ atītaṃsañāṇassa rūpāvacarattā rūpāvacaraṃ sandhāya vacanaṃ na yujjati. Yadā panassa bhikkhuno paṭisandhiṃ atikkamma cutikkhaṇe pavattaṃ nāmarūpaṃ ārammaṇaṃ katvā manodvārāvajjanaṃ uppajjitvā pubbe vuttanayena appanācittaṃ uppajjati, tadāssa tena cittaṃ sampayuttaṃ ñāṇaṃ pubbenivāsānussatiñāṇaṃ nāma. Tena ñāṇena sampayuttāya satiyā pubbenivāsaṃ anussarati.

Tattha **seyyathidanti** āradhappakāradassanathe nipāto. Teneva yvāyaṃ pubbenivāso āradhho, tassa pakārapabbhedaṃ dassento **ekampi jātinti**ti dimāha. Tattha **ekampi jātinti** ekampi paṭisandhimūlaṃ cutipariyosānaṃ ekabhavapariyāpanaṃ khandhasantānaṃ. Esa nayo **dvepi jātiyoti**ti adīsu. **Anekepi samvaṭṭakappeti**ti adīsu pana pariḥāyamāno kappo samvaṭṭakappo tadā sabbesaṃ brahmaloke sannipatanato. Vaḍḍhamāno kappo vivaṭṭakappo tadā brahmalokato sattānaṃ vivaṭṭanato. Tattha samvaṭṭena samvaṭṭatṭhāyī gahito hoti taṃmūlakattā. Vivaṭṭena ca vivaṭṭatṭhāyī. Evañhi sati “cattārimāni, bhikkhave, kappassa asaṅkhyeyyāni. Katamāni cattāri? Yadā, bhikkhave, kappo samvaṭṭati, taṃ na sukaraṃ saṅkhātum. Yadā, bhikkhave, kappo samvaṭṭo tiṭṭhati...pe... yadā, bhikkhave, kappo vivaṭṭati... pe... yadā, bhikkhave, kappo vivaṭṭo tiṭṭhati, taṃ na sukaraṃ saṅkhātu”nti (a. ni. 4.156) vuttāni cattāri asaṅkhyeyyāni pariggahitāni honti.

Tattha tayo samvaṭṭā – tejosamvaṭṭo, āposamvaṭṭo, vāyosamvaṭṭoti. Tisso samvaṭṭasīmā – ābhassarā, subhakiṇhā, vehapphalāti. Yadā kappo tejena samvaṭṭati, ābhassarato heṭṭhā agginā ḍayhati. Yadā āpena samvaṭṭati, subhakiṇhato heṭṭhā udakena vilīyati. Yadā vāyunā samvaṭṭati, vehapphalato heṭṭhā vātena viddhamāsiyati. Vitthārato pana sadāpi ekaṃ buddhakkhettaṃ vinassati. Buddhakkhettaṃ nāma tividdhaṃ hoti – jātikkhettaṃ, āṇākkhettaṃ, visayakkhettaṃ. Tattha **jātikkhettaṃ** dasasahasacakkavālapariyantaṃ hoti, yaṃ tathāgatassa paṭisandhigahaṇādīsu kampaṭi. **Āṇākkhettaṃ** koṭisatasahasacakkavālapariyantaṃ, yattha ratanaparittaṃ, khandhaparittaṃ, dhajaggaparittaṃ, āṭānāṭiyaparittaṃ, moraparittanti imesaṃ parittānaṃ ānubhāvo vattati. **Visayakkhettaṃ** anantamaparimāṇaṃ, yaṃ “yāvata vā pana ākaṅkheyyā”ti (a. ni. 3.81) vuttaṃ. Tattha yaṃ yaṃ tathāgato ākaṅkhati, taṃ taṃ jānāti. Evametesu tīsu buddhakkhettesu ekaṃ āṇākkhettaṃ vinassati, tasmim̐ pana vinassante jātikkhettaṃ vinaṭṭhameva hoti, vinassantaṃ ekaṃ ekatova vinassati, saṅṭhahantaṃ ekaṃ ekatova saṅṭhahati.

Tassevaṃ vināso ca saṅṭhahanaṃ vedittabbaṃ – yasmiṃ samaye kappo agginā nassati, āditova kappavināsakamahāmegho vuṭṭhahitvā koṭisatasahasacakkavāle ekaṃ mahāvassaṃ vassati. Manussā tuṭṭhā sabbabījāni nīharitvā vapanti. Sassesu pana gokhāyitakamattesu jātesu gadrabharavaṃ ravanto ekabindumattampi na vassati, tadā pacchinnaṃ pacchinnameva vassaṃ hoti. Vassūpajjvino sattā kamena brahmaloke nibbattanti, pupphaphalūpajjviniyo ca devatā. Evaṃ dīghe addhāne vītivatte tattha tattha udakaṃ parikkhayaṃ gacchati. Athānukkamena macchakacchapāpi kālaṃ katvā brahmaloke nibbattanti, nerayikasattāpi. Tattha “nerayikā sattamasūriyapātubhāve vinassanti”ti eke. Jhānaṃ vinā natthi brahmaloke nibbatti, etesaṃ keci dubbhikkhapīṭhā, keci abhabbā jhānādhigamāya, te kathaṃ tattha nibbattanti? Devaloke paṭiladdhajjhānavasena. Tadā hi “vassasatasahasassa accayena kappavuṭṭhānaṃ bhavissati”ti lokabyūhā nāma kāmāvacaradevā muttasirā vikiṇṇakesā rudamukhā assūni hatthehi puñchamānā rattavattanivatthā ativiya virūpavesadhārino hutvā manussapathe vicarantā evaṃ ārocenti – “mārisā, mārisā, ito vassasatasahasassa accayena kappavuṭṭhānaṃ bhavissati, ayaṃ loko vinassissati, mahāsamuddopi ussussissati, ayaṃ mahāpathavī sineru ca pabbatarājā uddayhissanti vinassissanti, yāva brahmalokā lokavināso bhavissati. Mettaṃ, mārisā, bhāvētha. Karuṇaṃ... muditaṃ... upekkhaṃ, mārisā, bhāvētha. Mātaraṃ upaṭṭhahatha, pitaraṃ upaṭṭhahatha, kule jeṭṭhāpacāyino hothā”ti. Tesam vacanaṃ sutvā yebhuyyena manussā ca bhummā devā ca samvegaṃ jātā aññamaññaṃ muducittā hutvā mettādīni puññāni karitvā devaloke nibbattanti. Tattha dibbasudhābhōjanaṃ bhuñjitvā vāyokasiṇe parikkammaṃ katvā jhānaṃ paṭilabhanti. Tadaññe pana aparapariyavedanīyena kammena devaloke nibbattanti. Aparapariyavedanīyakammaṃ hi saṃsāre saṃsaranto nāma satto natthi. Tepi tattha tatheva jhānaṃ paṭilabhanti. Evaṃ devaloke paṭiladdhajjhānavasena sabbepi brahmaloke nibbattanti.

Vassūpacchedato pana uddham dīghassa addhuno accayena dutiyo sūriyo pātubhavati, tasmim pātubhūte neva rattiparicchedo, na divāparicchedo paññāyati. Eko sūriyo udeti, eko attham gacchati, avicchinnasūriyasantāpova loko hoti. Yathā ca pakatisūriye sūriyadevaputto hoti, evam kappavināsakasūriye natthi. Tattha pakatisūriye vattamāne ākāse valāhakāpi dhūmasikhāpi caranti. Kappavināsakasūriye vattamāne vigatadhūmavalāhakaṃ ādāsamaṇḍalaṃ viya nimmalaṃ nabham hoti. Thapetvā pañca mahānadiyo sesakunnadīdīsū udakaṃ sussati.

Tatopi dīghassa addhuno accayena tatiyo sūriyo pātubhavati, yassa pātubhāvā mahānadiyopi sussanti.

Tatopi dīghassa addhuno accayena catuttho sūriyo pātubhavati, yassa pātubhāvā himavati mahānadīnaṃ pabhavā – “sīhapapātano, haṃsapātano, kaṇṇamuṇḍako, rathakāradaho, anotattadaho, chaddantadaho, kuṇḍaladaho”ti ime satta mahāsarā sussanti.

Tatopi dīghassa addhuno accayena pañcama sūriyo pātubhavati, yassa pātubhāvā anupubbena mahāsamudde aṅgulipabbatemanamattampi udakaṃ na saṅṭhāti.

Tatopi dīghassa addhuno accayena chaṭṭho sūriyo pātubhavati, yassa pātubhāvā sakalacakkavāḷaṃ ekadhūmaṃ hoti pariyādinnaṃ sineaṃ dhūmena. Yathā cidam, evam koṭisatasahassacakkavāḷāni.

Tatopi dīghassa addhuno accayena sattamo sūriyo pātubhavati, yassa pātubhāvā sakalacakkavāḷaṃ ekajālaṃ hoti saddhim koṭisatasahassacakkavāḷehi. Yojanasatikādibhedāni sinerukūṭāni palujjivā ākāseyeva antaradhāyanti. Sā aggijālā uṭṭhahitvā cātumahārājike gaṇhāti. Tattha kanakavimānaratanavimānanaṃ jhāpetvā tāvatimsabhavanaṃ gaṇhāti. Eteneva upāyena yāva paṭhamajjhānabhūmiṃ gaṇhāti. Tattha tayopi. Brahmaloce jhāpetvā ābhassare āhacca tiṭṭhati. Sā yāva aṇumattampi saṅkhāragataṃ atthi, tāva na nibbāyati. Sabbasaṅkhāraparikkhayā pana sappitelajjhāpanaggisikhā viya chārikampi anavasesetvā nibbāyati. Heṭṭhāākāsena saha upariākāso eko hoti mahandhakāro.

Atha dīghassa addhuno accayena mahāmegho uṭṭhahitvā paṭhamam sukhamaṃ sukhamaṃ vassati. Anupubbena kumudanājayatthimusalatālakkhandhādippamāñāhi dhārāhi vassanto koṭisatasahassacakkavāḷesu sabbam daḍḍhatṭhānaṃ pūretvā antaradhāyati. Tam udakaṃ heṭṭhā ca tiriyañca vāto samuṭṭhahitvā ghaṇaṃ karoti parivaṭṭamaṃ paduminipatte udakabindusadisamaṃ. Katham tāva mahantaṃ udakarāsiṃ ghaṇaṃ karotīti ce? Vivarasampadānato. Tam hissa tahiṃ tahiṃ vivaraṃ deti. Tam evam vātena sampiṇḍiyamānaṃ ghaṇaṃ kariyamānaṃ parikkhayamānaṃ anupubbena heṭṭhā otarati. Otiṇṇe otiṇṇe uduke brahmalokaṭṭhāne brahmalokā, upari catukāmāvacaradevalokaṭṭhāne ca devalokā pātubhavanti. Purimathaviṭṭhānaṃ otiṇṇe pana balavavātā uppajjanti. Te tam pihitadvāre dhamakaraṇe thitaudakamiva nirussāsaṃ katvā rumbhanti. Madhurodakaṃ parikkhayam gacchamānaṃ upari rasapathaviṃ samuṭṭhāpeti. Sā vaṇṇasampannā ceva hoti gandharasasampannā ca nirudakapāyāsassa upari paṭalaṃ viya. Tadā ca ābhassarabrahmaloke paṭhamatarābhiniṃ battā sattā āyukkhayā vā puññakkhayā vā tato cavivā idhūpapajjanti. Te honti sayampabhā antalikkhacarā. Te **aggaññasutte** (dī. ni. 3.120) vuttanayena tam rasapathaviṃ sāyivā taṇhābhūhūtā āluppakāraṃ paribhuñjitum upakkamanti.

Atha tesam sayampabhā antaradhāyati, andhakāro hoti. Te andhakāraṃ disvā bhāyanti. Tato nesam bhayaṃ nāsetvā sūrabhāvaṃ janayantaṃ paripuṇṇapaññāsajjanam sūriyamaṇḍalaṃ pātubhavati. Te tam disvā “ālokaṃ paṭilabhimhā”ti haṭṭhatuṭṭhā hutvā “amhākaṃ bhītānaṃ bhayaṃ nāsetvā sūrabhāvaṃ janayanto uṭṭhito, tasmā sūriyo hotū”ti sūriyotvevassa nāmaṃ karonti. Atha sūriye divasaṃ ālokaṃ katvā atthaṅgate “yampi ālokaṃ labhimha, sopi no naṭṭho”ti puna bhītā honti, tesam evam hoti “sādhu vatassa sace aññaṃ ālokaṃ labheyyamā”ti. Tesam cittaṃ ñatvā viya ekūnapaññāsajjanam candamaṇḍalaṃ pātubhavati. Te tam disvā bhiyyosomattāya haṭṭhatuṭṭhā hutvā “amhākaṃ chandaṃ ñatvā viya uṭṭhito, tasmā cando hotū”ti candotvevassa nāmaṃ karonti.

Evam candimasūriyesu pātubhūtesu nakkhattāni tākararūpāni pātubhavanti. Tato pabhuti rattindivā

paññāyanti anukkamena ca māsaddhamāsausamvaccharā. Candimasūriyānaṃ pana pātubhūta divaseyeva sinerucakkavālahimavantapabbatā pātubhavanti. Te ca kho apubbaṃ acarimam phagguṇapunṇamadivaseyeva pātubhavanti. Kathaṃ? Yathā nāma kaṅgubhatte paccamāne ekappahāreṇeva pubbuḷakā uṭṭhahanti, eke padesā thūpathūpā honti, eke ninnaninnā eke samasamā, evamevaṃ thūpathūpaṭṭhāne pabbatā honti ninnaninnaṭṭhāne samuddā samasamaṭṭhāne dīpāti.

Atha tesam sattānaṃ rasapathaviṃ paribhuñjantānaṃ kamena ekacce vaṇṇavanto, ekacce dubbaṇṇā honti. Tattha vaṇṇavanto dubbaṇṇe atimaññanti. Tesam atimānapaccayā sā rasapathavī antaradhāyati, bhūmipappaṭako pātubhavati. Atha tesam teneva nayena sopi antaradhāyati, padālatā pātubhavati. Teneva nayena sāpi antaradhāyati, akaṭṭhapāko sāli pātubhavati akaṇo athuso suddho sugandhā taṇḍulapphalo. Tato nesam bhājanāni uppajjanti. Te sāliṃ bhājane ṭhapetvā pāsāṇapīṭṭhiyaṃ ṭhapenti. Sayameva jālāsikhā uṭṭhahitvā taṃ pacati. So hoti odano sumanaṇṇātipupphasadiso. Na tassa sūpena vā byañjanena vā karaṇīyaṃ atthi, yaṃ yaṃ rasaṃ bhūñjitukāmā honti, taṃ taṃ rasova hoti. Tesam taṃ oḷārikaṃ āhāraṃ āharayataṃ tato pabhuti muttakarīsaṃ sañjāyati. Atha nesam tassa nikkhamanattāya vaṇamukhāni pabhijjanti. Purisassa purisabhāvo, itthiyā itthibhāvo pātubhavati. Tatra sudaṃ itthi purisaṃ, puriso ca itthiṃ ativelaṃ upanijjhāyati. Tesam ativelaṃ upanijjhāyanapaccayā kāmāpariḷāho uppajjati. Tato methunaṃ dhammaṃ paṭisevanti. Te asaddhammapaṭisevanapaccayā viññūhi garahiyamānā viheṭṭhiyamānā tassa asaddhammassa paṭicchādanahetu agārāni karonti. Te agāraṃ ajjhāvasamānā anukkamena aññatarassa alasaṇṇātikassa sattassa diṭṭhānugatiṃ āpajjantā sannidhiṃ karonti. Tato pabhuti kaṇopi thusopi taṇḍulaṃ pariyonandhati, lāyitaṭṭhānampi na paṭivirūhati. Te sannipatitvā anutthunanti “pāpakā vata bho dhammā sattesu pātubhūtā, mayaṃhi pubbe manomayā ahumhā”ti **aggaññasutte** (dī. ni. 3.128) vuttanayena vitthāretabbaṃ. Tato mariyādaṃ ṭhapenti.

Atha aññataro satto aññassa bhāgaṃ adinnaṃ ādiyati. Taṃ dvikkhattuṃ paribhāsivā tatiyavāre pañileḍḍudaṇḍehi paharanti. Te evaṃ adinnādānagarahamusāvādadaṇḍādānesu uppannesu sannipatitvā cintayanti “yaṃnūna mayaṃ ekaṃ sattaṃ sammanneyyāma, yo no sammā khīyitabbaṃ khīyeyya, garahitabbaṃ garaheyya, pabbājetabbaṃ pabbājeyya. Mayaṃ panassa sālīnaṃ bhāgaṃ anupadassamā”ti. Evaṃ katasanniṭṭhānesu pana sattesu imasmiṃ tāva kappe ayameva bhagavā bodhisattabhūto tena samayena tesu sattesu abhirūpataro ca dassanīyataro ca mahesakkhataro ca buddhisampanno paṭibalo niggaḥapaggahaṃ kātuṃ. Te taṃ upasaṅkamitvā yācitvā sammanniṃsu. So “tena mahājanena sammatoti **mahāsammato**, khettānaṃ adhipatīti **khattiyo**, dhammena samena pare rañjetīti **rājā**”ti tīhi nāmehi paññāyittha. Yaṃhi loke acchariyaṭṭhānaṃ, bodhisattova tattha ādipurisoti. Evaṃ bodhisattaṃ ādiṃ katvā khattiyamaṇḍale saṅṭhite anupubbena brāhmaṇādayopi vaṇṇā saṅṭhahiṃsu. Tattha kappavināsakamahāmeghato yāva jālūpacchedo, idamekamasāṅkheyyaṃ **samvaṭṭoti** vuccati. Kappavināsakajālūpacchedato yāva koṭisatasahassacakkavāḷāparipūrako sampattimahāmegho, idaṃ dutiyamasāṅkheyyaṃ **samvaṭṭaṭṭhāyīti** vuccati. Sampattimahāmeghato yāva candimasūriyapātubhāvo, idaṃ tatiyamasāṅkheyyaṃ **vivaṭṭoti** vuccati. Candimasūriyapātubhāvato yāva puna kappavināsakamahāmegho, idaṃ catutthamasāṅkheyyaṃ **vivaṭṭaṭṭhāyīti** vuccati. Imāni cattāri asaṅkheyyāni eko mahākappo hoti. Evaṃ tāva agginā vināso ca saṅṭhahanaṇca veditabbaṃ.

Yasmiṃ pana samaye kappo udakena nassati, āditova kappavināsakamahāmegho uṭṭhahitvāti pubbe vuttanayeneva vitthāretabbaṃ. Ayaṃ pana viseso – yathā tattha dutiyo sūriyo, evamidha kappavināsako khārūdakamahāmegho uṭṭhāti. So ādito sukhumam sukhumam vassanto anukkamena mahādhārāhi koṭisatasahassacakkavāḷānaṃ pūrento vassati. Khārūdakena phuṭṭhaphuṭṭhā pathavīpabbatādayo vilīyanti. Udaḥ samantato vātehi dhārīyati. Pathavito yāva dutiyajjhānabhūmiṃ udakaṃ gaṇhāti, tattha tayopi brahmaloke vilīyāpetvā subhakiṇhe āhacca tiṭṭhati. Taṃ yāva aṇumattampi saṅkhāragataṃ atthi, tāva na vūpasammati.

Udakānugataṃ pana sabbasaṅkhāragataṃ abhibhavitvā sahasā vūpasammati, antaradhānaṃ gacchati. Heṭṭhāākāsena saha upariākāso eko hoti mahandhakāroti sabbam vuttasadiṣaṃ. Kevalam panidha ābhassarabrahmalokaṃ ādiṃ katvā loko pātubhavati. Subhakiṇhato ca cavitvā ābhassaraṭṭhānādīsu sattā nibbattanti. Tattha kappavināsakamahāmeghato yāva kappavināsakakhārūdakūpacchedo, idamekaṃ

asaṅkheyyaṃ. Udakūpacchedato yāva sampattimahāmegho, idaṃ dutiyamasāṅkheyyaṃ. Sampattimahāmeghato...pe... imāni cattāri asaṅkheyyāni eko mahākappo hoti. Evaṃ udakena vināso ca saṅghahanaṅca veditabbaṃ.

Yasmim̐ pana samaye kappo vātena vinassati, āditova kappavināsakamahāmegho vuṭṭhahitvāti pubbe vuttanayeneva vitthāretabbaṃ. Ayaṃ pana viseso – yathā tattha dutiyasūriyo, evamidha kappavināsanatthaṃ vāto samuṭṭhāti. So paṭhamam̐ thūlarajam̐ uṭṭhāpeti, tato saṅgharajam̐ sukhumavālikam̐ thūlavālikam̐ sakkharapāsāṇādayoti yāva kūṭāgāramatte pāsāṇe visamaṭṭhāne thitamahārukkhe ca uṭṭhāpeti. Te pathavito nabhamuggatā na puna patanti, tattheva cuṇṇavicuṇṇā hutvā abhāvaṃ gacchanti. Athānukkamena heṭṭhāmahāpathaviyā vāto samuṭṭhahitvā pathaviṃ parivattetvā uddham̐ mūlam̐ katvā ākāse khipati. Yojanasatappamāṇā pathavippadesā dviyojanatiyojanacatuyojanapañcayojanasatappamāṇāpi bhijjitvā vātavegukkhittā ākāseyeva cuṇṇavicuṇṇā hutvā abhāvaṃ gacchanti. Cakkavālapabbatampi sinerupabbatampi vāto ukkhipitvā ākāse khipati. Te aññamaññaṃ abhiantvā cuṇṇavicuṇṇā hutvā vinassanti. Eteneva upāyena bhūmaṭṭhakavimānāni ca ākāsaṭṭhakavimānāni ca vināsento cha kāmāvacaradevaloke vināsetvā koṭisatasahassacakkavāḷāni vināseti. Tattha cakkavāḷā cakkavāḷehi, himavantā himavantehi, sinerū sinerūhi aññamaññaṃ samāgantvā cuṇṇavicuṇṇā hutvā vinassanti. Pathavito yāva tatiyājñānabhūmiṃ vāto gaṇhāti, tattha tayo brahmaloke vināsetvā vehapphale āhacca tiṭṭhati. Evaṃ sabbasaṅkhāragataṃ vināsetvā sayampi vinassati. Heṭṭhāākāseṇa saha upariākāso eko hoti mahandhakāroti sabbam̐ vuttasadisam̐. Idha pana subhakiṇhabrahmalokam̐ ādiṃ katvā loko pātubhavati. Vehapphalato ca cavitvā subhakiṇhaṭṭhānādīsu sattā nibbattanti. Tattha kappavināsakamahāmeghato yāva kappavināsakavātūpacchedo, idamekam̐ asaṅkheyyaṃ. Vātūpacchedato yāva sampattimahāmegho, idaṃ dutiyamasāṅkheyyaṃ...pe... imāni cattāri asaṅkheyyāni eko mahākappo hoti. Evaṃ vātena vināso ca saṅghahanaṅca veditabbaṃ.

Kiṃ kāraṇā evaṃ loko vinassati? Akusalamūlakāraṇā. Akusalamūlesu hi ussannesu evaṃ loko vinassati. So ca kho rāge ussannatare agginā vinassati, dose ussannatare udakena vinassati. Keci pana “dose ussannatare agginā, rāge udakenā”ti vadanti. Mohe ussannatare vātena vinassati. Evaṃ vinassantopi ca nirantameva satta vāre agginā nassati, aṭṭhame vāre udakena. Puna satta vāre agginā, aṭṭhame vāre udakenāti evaṃ aṭṭhame aṭṭhame vāre vinassanto sattakkhattuṃ udakena vinassitvā puna satta vāre agginā nassati. Ettāvātā tesatṭhi kappā atītā honti. Etthantare udakena nassanavāraṃ sampattampi paṭibāhitvā laddhokāso vāto paripuṇṇacatusatṭhikappāyuke subhakiṇhe viddham̐sento lokam̐ vināseti.

Pubbenivāsaṃ anussarantopi ca kappānussaraṇako bhikkhu etesu kappesu anekepi saṃvaṭṭakappe anekepi vivaṭṭakappe anekepi saṃvaṭṭavivaṭṭakappe anussarati. **Saṃvaṭṭakappe vivaṭṭakappeti** ca kappassa aḍḍham̐ gahetvā vuttaṃ. **Saṃvaṭṭavivaṭṭakappeti** sakalakappam̐ gahetvā vuttaṃ. Katham̐ anussaratīti ce? **Amutrāsinti**ādīnā nayena. Tattha **amutrāsinti** amumhi saṃvaṭṭakappe aham̐ amumhi bhava vā yoniyā vā gatiyā vā viññāṇaṭṭhitiyā vā sattāvāse vā sattanikāye vā āsiṃ. **Evaṃnāmoti** tisso vā phusso vā. **Evaṃgottoti** kaccāno vā kassapo vā. Idamassa atītābhava attano nāmagottānussaraṇavasena vuttaṃ. Sace pana tasmim̐ kāle attano vaṇṇasampattiṃ vā lūkhapaṇītajīvikabhāvaṃ vā sukhadukkhahulataṃ vā appāyukadīghāyukabhāvaṃ vā anussarītukāmo hoti, tampi anussaratiyeva. Tenāha “evaṃvaṇṇo...pe... evamāyupariyanto”ti. Tattha **evaṃvaṇṇoti** odāto vā sāmo vā. **Evaṃāhāroti** sālīmaṃsodanāhāro vā pavattaphalabhojano vā. **Evaṃsukhadukkhappaṭisaṃvedīti** anekappakārena kāyikacetāsikānaṃ sāmisanirāmisādippabhedānaṃ vā sukhadukkhānaṃ paṭisaṃvedī. **Evaṃāyupariyantoti** evaṃ vassasataparimāṇāyupariyanto vā caturāsītīkappasatasahassāyupariyanto vā.

So tato cuto amutra udapādinti so aham̐ tato bhavato yonito gatito viññāṇaṭṭhitito sattāvāsato sattanikāyato vā cuto puna amukasmim̐ nāma bhava yoniyā gatiyā viññāṇaṭṭhitiyā sattāvāse sattanikāye vā udapādiṃ. **Tatrāpāsinti** atha tatrāpi bhava yoniyā gatiyā viññāṇaṭṭhitiyā sattāvāse sattanikāye vā puna ahoṣiṃ. **Evaṃnāmoti**ādī vuttanayameva. Apica yasmā **amutrāsinti** idaṃ anupubbena ārohantassa yāvaticchakam̐ (visuddhi. 2.410) anussaraṇam̐, **so tato cutoti** paṭinivattantassa paccavekkhaṇam̐, tasmā **idhūpapannoti** imissā idhūpapattiyā anantamevassa upapattiṭṭhānaṃ sandhāya **amutra udapādinti**

idaṃ vuttanti vedittabbaṃ. **Tatrāpāsinti** evamādi panassa tatra imissā upapattiyā anantare upapattiṭṭhāne nāmagottādīnaṃ anussaraṇadassanattaṃ vuttaṃ. **So tato cuto idhūpapannoti** svāhaṃ tato anantarūpapattiṭṭhānato cuto idha amukasmim nāma khattiyakule vā brāhmaṇakule vā nibbattoti. **Itti** evaṃ. **Sākāraṃ sauddesanti** nāmagottavasena sauddesaṃ, vaṇṇādivasena sākāraṃ. Nāmagottena hi satto tisso phusso kassapoti uddisīyati, vaṇṇādīhi sāmo odātoti nānattato paññāyati. Tasmā nāmagottaṃ uddeso, itare ākarāti.

Pubbenivāsānussatiñāṇaniddesavaṇṇanā niṭṭhitā.

54. Dibbacakkhuñāṇaniddesavaṇṇanā

106. Dibbacakkhuñāṇaniddese **ālokasaññaṃ manasi karotīti** divā vā rattim vā sūriyajoticandamaṇiālokaṃ ālokoti manasi karoti. Evaṃ manasikaronto ca ālokoti saññaṃ manasi pavattanato “ālokasaññaṃ manasi karotī”ti vuccati. **Divāsaññaṃ adhiṭṭhātīti** evaṃ ālokasaññaṃ manasikarivā divāti saññaṃ ṭhapeti. **Yathā divā tathā rattinti** yathā divā āloko diṭṭho, tatheva rattimpi manasi karoti. **Yathā rattim tathā divāti** yathā rattim āloko diṭṭho, tatheva divāpi manasi karoti. **Iti vivaṭena cetasāti** evaṃ apihitena cittena. **Apariyonaddhenāti** samantato anaddhena. **Sappabhāsaṃ cittaṃ bhāvetīti** saobhāsaṃ cittaṃ vaḍḍheti. Etena dibbacakkhussa parikammālokārammaṇaṃ cittaṃ kathitaṃ. Ālokakasiṇārammaṇaṃ catutthajjhānameva vā sandhāya vuttaṃ. Tassevaṃ bhāvayato obhāsajātaṃ cittaṃ hoti vīgatandhakārāvaraṇaṃ. Tena hi dibbacakkhuṃ uppādetukāmena ādikammikena kulaputtana imissāyeva pāliyā anusārena kasīṇārammaṇaṃ abhiññāpādakajjhānaṃ sabbākārena abhinīhāraṃkatvā “tejokasiṇaṃ odātakasiṇaṃ ālokakasiṇa”nti imesu tisu kasīṇesu aññataraṃ āsannaṃ kātabbaṃ, upacārajjhānagocaraṃ katvā vaḍḍhetvā ṭhapetabbaṃ, na tattha appanā uppādetabbāti adhippāyo. Sace hi uppādeti, pādakajjhānaniṣsayam hoti, na parikammanissayam. Imesu ca pana tisu ālokakasiṇaṃyeva seṭṭhataraṃ, tadanulomena pana itaraṃ kasīṇadvayampi vuttaṃ. Tasmā ālokakasiṇaṃ itaresaṃ vā aññataraṃ ārammaṇaṃ katvā cattāri jhānāni uppādetvā puna upacārabhūmiyaṃyeva ṭhatvā kasīṇaṃ vaḍḍhetabbaṃ. Vaḍḍhitavaḍḍhitattāhānassa antoyeva rūpagataṃ passitabbaṃ. Rūpagataṃ passato panassa tena byāpārena parikammacittena ālokapharaṇaṃ akubbato parikammassa vāro atikkamati, tato āloko antaradhāyati, tasmim antarahite rūpagatampi na dissati. Athānena punappunaṃ pādakajjhānameva pavisitvā tato vuṭṭhāya āloko pharitaṃ. Evaṃ anukkamena āloko thāmagato hotīti. “Ettha āloko hotū”ti yattakaṃ ṭhānaṃ paricchindati, tattha āloko tiṭṭhatiyeva. Divasampi nisīditvā passato rūpadassanaṃ hoti. Tattha yadā tassa bhikkhuno maṃsacakkhussa anāpāthagataṃ antokucchigataṃ hadayavatthunissitaṃ heṭṭhāpathavītanissitaṃ tirokuṭṭapabbatapakāragataṃ paracakkavāḷagatanti idaṃ rūpaṃ ñāṇacakkhussa āpāthaṃ āgacchati, maṃsacakkhunā dissamānaṃ viya hoti, tadā dibbacakkhu uppannaṃ hoti. Tadeva cettha rūpadassanasamattaṃ, na pubbhāgacittāni.

Tatrāyaṃ dibbacakkhuno uppattikkamo – vuttappakārametaṃ rūpamārammaṇaṃ katvā manodvārāvajjane uppajjitvā niruddhe tadeva rūpamārammaṇaṃ katvā cattāri pañca vā javanāni uppajjantīti pubbe vuttanāyeneva vedittabbaṃ. Idaṃ pana ñāṇaṃ “sattānaṃ cutūpapāte ñāṇa”ntipi “dibbacakkhuñāṇa”ntipi vuccati. Taṃ panetaṃ puthujjanassa paripantho hoti. So hi “yattha yattha āloko hotū”ti adhiṭṭhātīti, taṃ taṃ pathavīsamuddapabbate vinivijjhivāpi ekālokaṃ hoti. Athassa tattha bhayānakāni yakkharakkhasādirūpāni passato bhayaṃ uppajjati. Tena cittavikkhepaṃ patvā jhānavibbhantaṃ hoti. Tasmā rūpadassane appamattena bhavitabbaṃ.

Sattānaṃ cutūpapātāñāyāti sattānaṃ cutiyā ca upapāte ca ñāṇāya. Yena ñāṇena sattānaṃ cuti ca upapāto ca ñāyati, tadattaṃ dibbacakkhuñāṇatthanti vuttaṃ hoti. **Dibbena cakkhunāti** vuttatthameva. **Visuddhenāti** cutūpapātadassanena diṭṭhivisuddhihetuttā visuddhaṃ. Yo hi cutimattameva passati, na upapātaṃ, so ucchedadiṭṭhim gaṇhāti. Yo upapātameva passati, na cutim, so navasattapātubhāvaditṭhim gaṇhāti. Yo pana tadubhayaṃ passati, so yasmā duvidhampi taṃ diṭṭhigatamativattati, tasmāssa taṃ dassanaṃ diṭṭhivisuddhihetu hoti. Ubhayañcetaṃ buddhaputtā passanti. Tena vuttaṃ – “cutūpapātadassanena diṭṭhivisuddhihetuttā visuddha”nti. Manussūpacāraṃ atikkamitvā rūpadassanena **atikkantamānusaṃ**, mānusaṃ vā maṃsacakkhuṃ atikkantattā atikkantamānusaṃ. Tena dibbena

cakkhunā visuddhena atikkantamānusakena.

Satte passatīti manussānaṃ maṃsacakkhunā viya satte oloketi. **Cavamāne upapajjamāneti** ettha cutikkhaṇe upapattikkhaṇe vā dibbacakkhunā daṭṭhuṃ na sakkā, ye pana āsannacutikā idāni cavissanti. Te **cavamānā**. Ye ca gahitapaṭisandhikā sampatinibbattā vā, te **upapajjamānāti** adhippetā. Te evarūpe cavamāne ca upapajjamāne ca passatīti dasseti. **Hīneti** mohanissandayuttattā hīnānaṃ jātikulabhogādīnaṃ vasena hīlite ohīlite oññāte avaññāte. **Pañītetī** amohanissandayuttattā tabbiparīte. **Suvaṇṇeti** adosanissandayuttattā iṭṭhakantamanāpavaṇṇayutte. **Dubbaṇṇeti** dosanissandayuttattā aniṭṭhākantāmanāpavaṇṇayutte, anabhirūpe virūpetipi attho. **Sugateti** sugatigate, alobhanissandayuttattā vā aḍḍhe mahaddhane. **Duggateti** duggatigate, lobhanissandayuttattā vā dalidde appannapāne. **Yathākammūpageti** yaṃ yaṃ kammaṃ upacitaṃ, tena tena upagate. Tattha purimehi “cavamāne”tiādīhi dibbacakkhukiccaṃ vuttaṃ, iminā pana padena yathākammūpagaññakiccaṃ.

Tassa ca ñāṇassa ayamuppattikkamo – idha bhikkhu heṭṭhānirayābhimukhaṃ ālokaṃ vaḍḍhetvā nerayike satte passatī mahādukkhamanubhavamāne, taṃ dassanaṃ dibbacakkhukiccameva. So evaṃ manasi karoti “kiṃ nu kho kammaṃ katvā ime sattā etaṃ dukkhamanubhavanti”ti. Athassa “idaṃ nāma katvā”ti taṃkammārammaṇaṃ ñāṇamuppajjati. Tathā uparidevalokābhimukhaṃ ālokaṃ vaḍḍhetvā nandanavanamissakavanaphārusakavanādīsu satte passatī mahāsampattim anubhavamāne, tampi dassanaṃ dibbacakkhukiccameva. So evaṃ manasi karoti “kiṃ nu kho kammaṃ katvā ime sattā etaṃ sampattim anubhavanti”ti. Athassa “idaṃ nāma katvā”ti taṃkammārammaṇaṃ ñāṇamuppajjati. Idaṃ yathākammūpagaññānaṃ nāma. Imassa viṣuṃ parikammaṃ nāma natthi. Yathā cimassa, evaṃ anāgataṃsaññāssaṃpi. Dibbacakkhupādakāneva hi imāni dibbacakkhunā saheva ijjhanti.

Ime vata bhontotiādīsu **imeti** dibbacakkhunā diṭṭhānaṃ nidassanavacanaṃ. **Vatāti** anulomavacanatthe nipāto. **Bhontoti** bhavanto. Duṭṭhu caritaṃ, duṭṭhaṃ vā caritaṃ kilesapūtikattāti duccharitaṃ, kāyena duccharitaṃ, kāyato vā uppannaṃ duccharitanti **kāyaduccharitaṃ**. Itaresupi eseva nayo. **Samannāgatāti** samaṅgībhūtā. **Ariyānaṃ upavādakāti** buddhapaccekabuddhasāvakaṇaṃ ariyānaṃ antamaso gihisotāpannānaṃpi anattakāmā hutvā antimavatthunā vā guṇaparidhamāsanena vā upavādakā, akkosakā garahakāti vuttaṃ hoti. Tattha “natthi imesaṃ samaṇadhammo, assamaṇā ete”ti vadanto antimavatthunā upavadati, “natthi imesaṃ jhānaṃ vā vimokkho vā maggo vā phalaṃ vā”tiādīni vadanto guṇaparidhamāsanena upavadatīti veditabbo. So ca jānaṃ vā upavadeyya ajānaṃ vā, ubhayathāpi ariyūpavādova hoti. Bhāriyaṃ kammaṃ ānantariyasadisāṃ saggāvaraṇaṃ maggāvaraṇaṇca, satekicchaṃ pana hoti. Tasmā yo ariyaṃ upavadati, tena gantvā sace attanā vuḍḍhataro hoti, ukkuṭikaṃ nisīditvā “ahaṃ āyasmantaṃ idaṅcīdaṅca avacaṃ, taṃ me khamāhi”ti khamāpetabbo. Sace navakataro hoti, vanditvā ukkuṭikaṃ nisīditvā añjaliṃ paggahetvā “ahaṃ, bhante, tumhe idaṅcīdaṅca avacaṃ, taṃ me khamathā”ti khamāpetabbo. Sace disāpakkanto hoti, sayaṃ vā gantvā saddhivihārikādike vā pesetvā khamāpetabbo. Sace nāpi gantuṃ na pesetuṃ sakkā hoti, ye tasmim vihāre bhikkhū vasanti, tesam santikaṃ gantvā sace navakatarā honti, ukkuṭikaṃ nisīditvā, sace vuḍḍhatarā, vuḍḍhe vuttanayeneva paṭipajjitvā “ahaṃ, bhante, asukaṃ nāma āyasmantaṃ idaṅcīdaṅca avacaṃ, khamatu me so āyasmā”ti vatvā khamāpetabbo. Sammukhā akkhamantepi etadeva kātabbaṃ. Sace ekacārikabhikkhu hoti, neva tassa vasanaṭṭhānaṃ, na gataṭṭhānaṃ paññāyati, ekassa paṇḍitassa bhikkhuno santikaṃ gantvā “ahaṃ, bhante, asukaṃ nāma āyasmantaṃ idaṅcīdaṅca avacaṃ, taṃ me anussarato vipaṭisāro hoti, kiṃ karomī”ti vattabbaṃ. So vakkhati “tumhe mā cintayittha, thero tumhākaṃ khamati, cittaṃ vūpasamethā”ti. Tenāpi ariyassa gatadisābhimukhena añjaliṃ paggahetvā “khamathā”ti vattabbaṃ. Yadi so parinibbuto hoti, parinibbutamañcaṭṭhānaṃ gantvā yāva sivathikaṃ gantvāpi khamāpetabbaṃ. Evaṃ kate neva saggāvaraṇaṃ, na maggāvaraṇaṃ hoti, pākatikameva hotīti.

Micchādīṭṭhikāti viparītadassanā. **Micchādīṭṭhikammasamādānāti** micchādīṭṭhivasena samādinnaṇāvidhakammā, ye ca micchādīṭṭhimūlakesu kāyakammādīsu aññepi samādapenti. Ettha ca vacīduccaritaggaṇe neva ariyūpavāde, manoduccharitaggaṇe na ca micchādīṭṭhiyā saṅgahitāyapi imesaṃ dvinnāṃ puna vacanaṃ mahāsāvajjabhāvadassanattanti veditabbaṃ. Mahāsāvajjo hi ariyūpavādo ānantariyasadisattā. Vuttampi cetāṃ “seyyathāpi, sārīputta, bhikkhu sīlasampanno samādhisampanno

paññasampanno diṭṭheva dhamme aññaṃ ārādheyya, evaṃsampadamidaṃ sārīputta vadāmi taṃ vācaṃ appahāya taṃ cittaṃ appahāya taṃ diṭṭhiṃ appaṭinissajjitvā yathābhatam nikkhitto, evaṃ niraye’’ti (ma. ni. 1.149). Micchādiṭṭhito ca mahāsāvajjatarāṃ nāma aññaṃ natthi. Yathāha – “nāhaṃ, bhikkhave, aññaṃ ekadhammampi samanupassāmi, yaṃ evaṃ mahāsāvajjaṃ, yathayidaṃ, bhikkhave, micchādiṭṭhi, micchādiṭṭhiparamāni, bhikkhave, vajjānī’’ti (a. ni. 1.310).

Kāyassa bhedāti upādinakkhandhapariccāgā. **Paraṃ maraṇāti** tadanantaram abhinibbattikkhandhaggaṇe. Atha vā **kāyassa bhedāti** jīvitindriyassupacchedā. **Paraṃ maraṇāti** cuticcittato uddham. **Apāyanti** evamādi sabbam nirayavevacanameva. Nirayo hi saggamokkhaḥetubhūṭā puññasammata āyā apētattā, sukhānaṃ vā āyassa abhāvā apāyo. Dukkassa gati paṭisaraṇanti **duggati**, dosabahulatāya vā duṭṭhena kammunā nibbattā gati duggati. Vivasā nipatanti tatha dukkaṭakārinoti **vinipāto**, vinassantā vā ettha patanti sambhijjamānaṅgapaccaṅgātipi vinipāto. Natthi ettha assādasāññito ayoti **nirayo**.

Atha vā apāyaggaṇeṇa tiracchānayoṇiṃ dīpeti. Tiracchānayoṇi hi apāyo sugatito apētattā, na duggati mahesakkhānaṃ nāgarājādīnaṃ sambhavato. Duggatiggaṇeṇa pettivisayaṃ. So hi apāyo ceva duggati ca sugatito apētattā dukkassa ca gatibhūṭattā, na tu vinipāto asurasadisam avinipatitattā. Vinipātaggaṇeṇa asurakāyaṃ. So hi yathāvuttēna atthēna apāyo ceva duggati ca sabbasamussayehi ca vinipatitattā vinipātoti vuccati. Nirayaggaṇeṇa avīciādīmanekappakāram nirayamevāti. **Upapannāti** upagatā, tatha abhinibbattāti adhippāyo. Vuttavipariyāyēna sukkapakko vedītabbo.

Ayaṃ pana viśeso – tatha sugatiggaṇeṇa manussagatipi saṅgayhatī, saggaggaṇeṇa devagatiyeva. Tatha sundarā gatīti **sugati**. Rūpādīhi viśayehi suṭṭhu aggoti **saggo**. So sabbopi lujjanapalujjanaṭṭhēna **lokoti** ayaṃ vacanatto. Iti “dībba cakkhunā’’tiādi sabbam nigamanavacanam. Evaṃ dībba cakkhunā passatīti ayamettha saṅkhepatthoti.

Dibbacakkhuññaṇaniddesavaṇṇanā niṭṭhitā.

Pañcaññaṇapakiṇṇakam

Imesu pañcasu ññaṇesu **iddhividhaññaṇam** parittamahaggataatītānāgatapaccuppannaajjhatabahiddhārammaṇavasena sattu ārammaṇesu pavattati. **Sotadhātuvisuddhiññaṇam** parittapaccuppannaajjhatabahiddhārammaṇavasena catūsu ārammaṇesu pavattati. **Cetopariyaññaṇam** parittamahaggataappamāṇamaggaatītānāgatapaccuppannabahiddhārammaṇavasena aṭṭhasu ārammaṇesu pavattati. **Pubbenivāsānussatiññaṇam**

Parittamahaggataappamāṇamaggaatītaajjhatabahiddhānavattabbārammaṇavasena aṭṭhasu ārammaṇesu pavattati. **Dibbacakkhuññaṇam** parittapaccuppannaajjhatabahiddhārammaṇavasena catūsu ārammaṇesu pavattati. **Yathākammūpagaññaṇam** parittamahaggataatītaajjhatabahiddhārammaṇavasena pañcasu ārammaṇesu pavattati. **Anāgataṃsaññaṇam** parittamahaggataappamāṇamaggaanāgataajjhatabahiddhānavattabbārammaṇavasena aṭṭhasu ārammaṇesu pavattati.

Pañcaññaṇapakiṇṇakam niṭṭhitam.

55. Āsavakkhayaññaṇaniddesavaṇṇanā

107. Āsavakkhayaññaṇaniddese **anaññātaññassāmītindriyādīni** vuttatthāni. **Kati ṭhānāni gacchatīti** ekekassa uppattiṭṭhānaniyamanattham pucchā. **Ekam ṭhānam gacchatīti** ekasmiṃ ṭhāne uppajjatīti vuttam hoti. Uppatiokāsaṭṭhānañhi tiṭṭhati etthāti ṭhānanti vuccati. **Cha ṭhānānti** cha maggaphalakkhaṇe. Indriyānam anaññātaññassāmītindriyādīsū tīsū ekekameva adhikam hotīti dassanattam **saddhindriyam**

adhimokkharivāraṃ hotītiādi vuttaṃ. Yathā “saddhindriyassa adhimokkhattho”tiādīsu (paṭi. ma. 1.12) adhimokkhādayo saddhindriyādīnaṃ kiccavasena vuttā, evamidhāpi “adhimokkharivāraṃ hotī”ti saddhindriyaṃ adhimokkhatthena parivāraṃ hotīti vuttaṃ hoti. Esa nayo sesesupi. **Parivāraṃ** ca līngavipallāso kato. **Paññindriyaṃ** anaññātaññassāmītiindriyameva pajānanasabhāvadassanattamaṃ viṣuṃ katvā vuttaṃ. Abhidhammepi (vibha. 219) hi paññāya kiccavisesadassanattamaṃ maggakkhaṇe ca phalakkhaṇe ca ekāva paññā aṭṭhadhā vibhattā. **Abhisandanaparivāraṃ** nhāniyacunṇānaṃ udakaṃ viya cittacetāsikānaṃ sinehanakiccena parivāraṃ hoti. Iduṃ somanassasampayuttamaggavaseneva vuttaṃ. Upekkhāsampayuttamagge pana somanassindriyaṭṭhāne upekkhindriyaṃ daṭṭhabbaṃ. Taṃ pana sampayuttānaṃ nātiupabrūhanaparivāraṃ gahetabbaṃ. **Pavattasantatādhipateyyaparivāraṃ** pavattā santati pavattasantati, vattamānasantānanti attho. Adhipatibhāvo ādhipateyyaṃ, pavattasantatiyā ādhipateyyaṃ pavattasantatādhipateyyaṃ. Vattamānajīvitindriyassa uparipavattiyā ca paccayattā pubbāparavasena pavattasantatiyā adhipatibhāvena anaññātaññassāmītiindriyassa parivāraṃ hoti.

Sotāpattimaggakkhaṇe jātā dhammātiādi sabbesaṃ maggasampayuttakānaṃ vaṇṇabhaṇanattamaṃ vuttaṃ. Tattha **maggakkhaṇe jātā**ti maggasamuṭṭhitā eva, na aññe. Yasmā pana maggasamuṭṭhitampi rūpaṃ kusalādīnaṃ na labhati, tasmā taṃ apanto **ṭhapetvā cittasamuṭṭhānaṃ rūpaṃ** āha. Sabbeva hi te dhammā kucchitānaṃ salanādīhi atthehi **kusalā**. Te ārammaṇaṃ katvā pavattamānā natthi etesaṃ āsavāti **anāsavā**. Vaṭṭamūlaṃ chindantā nibbānaṃ ārammaṇaṃ katvā vaṭṭato niyyantīti **niyyānikā**. Kusalākusalasaṅkhātā cayā apettā apacayasāṅkhātamaṃ nibbānaṃ ārammaṇaṃ katvā pavattanato apacayaṃ gacchantīti **apacayagāmino**, pavattamaṃ apacinantā viddhamsentā gacchantīti apacayagāmino. Loke apariyāpanabhāvena lokato uttarā uttiṇṇāti **lokuttarā**. Nibbānaṃ ārammaṇaṃ etesanti **nibbānārammaṇā**.

Imāni aṭṭhindriyānītiādi pubbe vuttaparivārabhāvassa ca tena sahaṭṭādibhāvassa ca ādivuttaākārānaṃ dīpanattamaṃ vuttaṃ. Tattha **aṭṭhindriyānī**ti pubbe vuttanayena paññindriyena saha aṭṭha. **Sahajātaparivāraṃ**ti aṭṭhasu ekekena saha itare itare satta sahajātā hutvā tassa sahajātaparivārā hontī. Tattheva aññaṃ aññassa aññaṃ aññassāti evaṃ **aññamaññaparivārā** hontī. Tattheva aññamaññaṃ **nissayaparivārā sampayuttaparivārā** ca hontī. **Sahagatā**ti tena anaññātaññassāmītiindriyena saha ekuppādādibhāvaṃ gatā. **Sahajātā**ti teneva saha jātā. **Samsaṭṭhā**ti teneva saha missitā. **Sampayuttā**ti teneva samaṃ ekuppādādīpakārehi yuttā. **Tevā**ti te eva aṭṭha indriyadhammā. **Tassā**ti anaññātaññassāmītiindriyassa. **Ākāra**ti parivāraṅkoṭṭhāsā.

Phalakkhaṇe jātā dhammā sabbeva abyākatā hontīti rūpassapi abyākatattā cittasamuṭṭhānarūpena saha vuttā. Maggasseva kusalattā niyyānikattā apacayagāmittā ca phalakkhaṇe “kusalā”ti ca “niyyānikā”ti ca “apacayagāmino”ti ca na vuttaṃ. **Itī**tiādi vuttapakāranigamaṇaṃ. Tattha **aṭṭhaṭṭhakānī**ti aṭṭhasu maggaphalesu ekekassa aṭṭhakassa vasena aṭṭha indriyaṭṭhakānī. **Catusaṭṭhi hontī**ti catusaṭṭhi ākāra hontī. **Āsavā**tiādi heṭṭhā vuttatthameva. Idha arahattamaggavajjheyeva āsave avatvā sesamaggattayavajjhānampi vacanaṃ āsavakkhayavacanasāmaññaṃ māttena vuttanti veditabbaṃ. Arahattamaggaññaṃ meva hi keci āsave asesetvā āsavānaṃ khepanato “khaye ñāṇa”nti vuccati. Tasmāyeva ca arahāyeva khīṇāsavoti vuccatīti.

Āsavakkhayaññaṇaniddesavaṇṇanā niṭṭhitā.

56-63. Saccañānacatukkadvayaniddesavaṇṇanā

108-9. Saccañānacatukkadvayaniddese **dukkhassa pīlanatṭhoti**ādīni vuttatthāneva.

Maggasamaṅgissa ñāṇaṃ dukkhepetamaṃ ñāṇantiādi anantaracatukke viya ekābhisamayavasena vuttaṃ. Duvidhañhi saccañānaṃ lokiyaṃ lokuttarañca. Lokikaṃ duvidhaṃ anubodhaññaṃ paccavekkhaṇaṇāññaṃ. **Anubodhaññaṃ** ādikammikassa anussavādivasena nirodhe magge ca pavattati, dukkhe samudaye ca ārammaṇakaraṇavasena. **Paccavekkhaṇaṇāññaṃ** paṭividdhasaccassa catūsipi saccesu ārammaṇakaraṇavasena. Lokuttaraṃ paṭivedhaññaṃ nirodhamārammaṇaṃ katvā kiccato cattāri saccāni paṭivijjhati. Yathāha – “yo, bhikkhave, dukkhaṃ passati, dukkhasamudayampi so passati,

dukkhanirodhampi passati, dukkhanirodhagāminiṃ paṭipadampi passatī”ti (saṃ. ni. 5.1100) sabbam vattabbaṃ. Idhāpi iminā vārena idameva vuttaṃ. Taṃ pana lokuttarampi “dukkhe ñāṇa”ntiādīni nāmāni labhatīti dassanattaṃ vuttaṃ. Idha pana lokikañāṇameva adhippetam. Tasmāyeva ca **tattha katamaṃ dukkhe ñāṇantiādīmāha**.

Tattha **dukkhaṃ ārabbhāti** dukkhasaccaṃ ālambivā, ārammaṇaṃ katvāti attho. **Paññātiādīsu** tassa tassa atthassa pākaṭakaraṇasaṅkhātena paññāpanatṭhena **paññā**, tena tena vā aniccādīnā pakārena dhamme jānātītipi paññā. Idamassā sabhāvapadaṃ. Pajānanākāro **pajānanā**. Aniccādīni vicinātīti **vicayo**. **Pavicayoti** upasaggena padaṃ vaḍḍhitam, pakārena vicayoti attho. Catusaccadhammaṃ vicinātīti **dhammavicayo**. Aniccādīnaṃ sammā lakkhaṇavasena **sallakkhaṇā**. Sā eva upasaggaṇānattena **upalakkhaṇā paccupalakkhaṇāti** vuttā. Bhusaṃ lakkhaṇā te te aniccādīdhamme paṭicca upalakkhaṇāti attho. Paṇḍitabhāvo **paṇḍiccaṃ**. Kusalabhāvo **kosallaṃ**. Nipuṇabhāvo **nepuññaṃ**. Aniccādīnaṃ vibhāvanavasena **vebhabyā**. Aniccādīnaṃ cintanakavasena **cintā**, yassa uppajjati, taṃ aniccādīni cintāpetītipi cintā. Aniccādīni upaparikkhatīti **upaparikkhā**. **Bhūrīti** pathavī. Ayampi saṅhaṭṭhena vitthataṭṭhena ca bhūrī viyāti bhūrī. Atha vā paññāyeva bhūte atthe ramatīti bhūrīti vuccati. Asani viya siluccaye kilese medhati hiṃsatīti **medhā**, khippaṃ gahaṇadhāraṇatṭhena vā medhā. Yassa uppajjati, taṃ atthapāṭipattiyam sampayuttadhamme ca yāthāvalakkhaṇapaṭivedhe parinetīti **pariṇāyikā**. Dhamme aniccādivasena vividhā passatīti **vipassanā**. Sammā pakārehi aniccādīni jānātīti sampajāno, tassa bhāvo **sampajāññaṃ**. Uppathapaṭipanne sindhave vīthiāropanattham patodo viya uppathe dhāvanakaṃ kūṭacittaṃ vīthiāropanattham vijjhatīti patodo viya **patodo**.

Dassanalakkhaṇe indatṭham karotīti indriyaṃ, paññāsaṅkhātaṃ indriyaṃ **paññindriyaṃ**. Kiṃ vuttaṃ hoti? Nayidaṃ “purisassa indriyaṃ purisindriya”ntiādi viya paññāya indriyaṃ paññindriyaṃ. Atha kho paññā eva indriyaṃ paññindriyanti vuttaṃ hoti. Avijjāya na kampaṭīti **paññābalaṃ**. Kilesacchedanaṭṭhena paññāva sattham **paññāsattham**. Accuggataṭṭhena paññāva pāsādo **paññāpāsādo**. Ālokaṇatṭhena paññāva āloko **paññāāloko**. Obhāsanaṭṭhena paññāva obhāso **paññāobhāso**. Pajjotanaṭṭhena paññāva pajjoto **paññāpajjoto**. Paññāvato hi ekapallaṅkena nisinnassa dasasahassilokadhātu ekālokā ekobhāsā ekapajjotā hoti. Tenetaṃ vuttaṃ. Imesu pana tīsu padesu ekapadenāpi etasmiṃ atthe siddhe yāni panetāni bhagavatā “cattārome, bhikkhave, ālokā. Katame cattāro? Candāloko, sūriyāloko, aggāloko, paññāloko. Ime kho, bhikkhave, cattāro ālokā. Etadaggaṃ, bhikkhave, imesaṃ catunnaṃ ālokānaṃ yadidaṃ paññāloko”. Tathā “cattārome, bhikkhave, obhāsā. Cattārome, bhikkhave, pajjotā”ti (a. ni. 4.144-145) sattānaṃ ajjhāsaya vasena suttāni desitāni. Tadanurūpeneva idhāpi therena desanā katā. Attho hi anekehi ākārehi vibhajjamaṇo suvibhatto hoti, aññathā ca añño bujjhati, aññathā aññoti. Ratikaraṇatṭhena pana ratidāyakaṭṭhena ratijanakaṭṭhena cittīkataṭṭhena dullabhapātubhāvattṭhena atulattṭhena anomasattaparibhogattṭhena ca paññāva ratanaṃ **paññāratanaṃ**.

Na tena sattā muyhanti, sayam vā ārammaṇe na muyhatīti **amoho**. **Dhammavicaya** padaṃ vuttatthameva. Kasmā panetaṃ puna vuttanti? Amohassa mohapaṭipakkhabhāvādīpanattham. Tenetaṃ dīpeti “yvyāyaṃ amoho, so na kevalaṃ mohato añño dhammo, mohassa pana paṭipakkho dhammavicaya saṅkhāto amoho nāma idha adhippeto”ti. **Sammādiṭṭhīti** yāthāvaniyyānikakusaladiṭṭhi. “Tattha katamaṃ dukkhasamudaye ñāṇaṃ, tattha katamaṃ dukkhanirodhe ñāṇaṃ, tattha katamaṃ dukkhanirodhagāminiyā paṭipadāya ñāṇa”nti pucchāvacaṇāni saṅkhepavasena vuttāntīti.

Saccañācatukkadvayaniddesavaṇṇanā niṭṭhitā.

64-67. Suddhikapaṭisambhidāñāṇaniddesavaṇṇanā

110. Suddhikapaṭisambhidāñāṇaniddese imesaṃ ñāṇaṇaṃ pabhedābhāvato yeva heṭṭhā viya pabhedam adassetvāyeva **atthesu ñāṇaṃ atthapaṭisambhidāti**ādī vuttaṃ. Paññāpabhedābhāvepi attanā paṭividhacatusaccadhammattavasena nānattasabbhāvato **atthanānatte paññā atthapaṭisambhide ñāṇanti**ādī vuttaṃ. Tattha **nānatteti** atthādīnaṃ anekabhāve. **Vavatthāneti** atthādīnaṃ nicchayane. **Sallakkhaṇeti** atthādīnaṃ sammādassane. **Upalakkhaṇeti** atthādīnaṃ bhusaṃdassane. **Pabhedeti**

atthādīnaṃ nānābhede. **Pabhāvaneti** atthādīnaṃ pākāṭikaraṇena uppādane. **Jotaneti** atthādīnaṃ dīpane. **Virocaneti** atthādīnaṃ vividhā dīpane. **Pakāsānēti** atthādīnaṃ pabhāsane. “Nānatte”ti mūlapadaṃ katvā sabbasādhāraṇavasena vuttaṃ. “Vavattāne”ti sotāpannassa vasena, “sallakkhaṇe upalakkhaṇe”ti sakadāgāmissa vasena, “pabhede pabhāvane”ti anāgāmissa vasena, “jotane virocane pakāsane”ti arahato vasena vuttanti evampettha yojanā kātabbāti.

Suddhikapaṭisambhidāñāṇaniddesavaṇṇanā niṭṭhitā.

Iti saddhammappakāsiniyā paṭisambhidāmagga-aṭṭhakathāya

Paṭhamo bhāgo niṭṭhito.

Namo tassa bhagavato arahato sammāsambuddhassa

Khuddakanikāye

Paṭisambhidāmagga-aṭṭhakathā

(Dutiyo bhāgo)

68. Indriyaparopariyattañāṇaniddesavaṇṇanā

111. Indriyaparopariyattañāṇaniddese **tathāgatassāti** vacane uddese sarūpato avijjamānēpi “cha ñāṇāni asādhāraṇāni sāvakehī”ti (paṭi. ma. mātikā 1.73) vuttattā “tathāgatassā”ti vuttameva hoti. Tasmā uddese atthato siddhassa tathāgatavacanassa niddese gahaṇaṃ kataṃ. **Satte passatīti** rūpādīsu chandarāgena sattatāya laggatāya sattā, te satte indriyaparopariyattañāṇena cakkhunā passati oloketi. **Apparajakkheti** paññāmaye akkhiṃhi appaṃ rāgādiraḷo etesanti apparajakkhā, appaṃ rāgādiraḷo etesanti vā apparajakkhā. Te apparajakkhe. **Mahārajakkheti** paññāmaye akkhiṃhi mahantaṃ rāgādiraḷo etesanti mahārajakkhā, mahantaṃ rāgādiraḷo etesanti vā mahārajakkhā. **Tikkhindriye mudindriyeti** tikkhāni saddhādīni indriyāni etesanti tikkhindriyā, mudūni saddhādīni indriyāni etesanti mudindriyā. **Svākāre dvākāreti** sundarā saddhādayo ākāra koṭṭhāsā etesanti svākāra, kucchitā garahitā saddhādayo ākāra koṭṭhāsā etesanti dvākāra. **Suviññāpaye duviññāpayeti** ye kathitaṃ kāraṇaṃ sallakkhenti sukhena sakkā honti viññāpetuṃ, te suviññāpayā, tabbiparītā duviññāpayā. **Appekacce paralokavajjabhayadassāvinoti** api eke paralokañceva rāgādivajjañca bhayato passante, imassa pana padassa niddese paralokasseva na vuttattā khandhādiloke ca rāgādivajje ca paraṃ bālhaṃ bhayaṃ passanasīlāti paralokavajjabhayadassāvinoti. Te paralokavajjabhayadassāvineti evamattho gahetabbo. **Appekacce na paralokavajjabhayadassāvinoti** tabbiparīte. **Lokoti** ca lujjanapalujjanatṭhena. **Vajjanti** ca vajjanīyatṭhena. Ettāvata uddesassa niddeso kato hoti.

Puna niddesassa paṇiniddesaṃ karonto **apparajakkhe mahārajakkheti**ādīmāha. Tattha tīsu ratanesu okappanasāṅkhātā saddhā assa atthīti **saddho**. So saddhāsampanno puggalo assaddhiyarajassa ceva assaddhiyamūlakassa sesākusalaraḷassa ca appakattā **apparajakkho**. Natthi etassa saddhāti **assaddho**. So vuttappakārassa raḷassa mahantattā **mahārajakkho**. Āraddhaṃ vīriyamanenāti **āraddhavīriyo**. So kosajjarajassa ceva kosajjamūlakassa sesākusalaraḷassa ca appakattā apparajakkho. Hīnavīriyattā kucchitena ākārena sīdatīti kusīdo, kusīdo eva **kusīto**. So vuttappakārassa raḷassa mahantattā mahārajakkho. Ārammaṇaṃ upecca ṭhitā sati assāti **upaṭṭhitassati**. So muṭṭhassaccaraḷassa ceva muṭṭhassaccamūlakassa sesākusalaraḷassa ca appakattā apparajakkho. Muṭṭhā natṭhā sati assāti **muṭṭhassati**. So vuttappakārassa raḷassa mahantattā mahārajakkho. Appanāsamādhinā upacārasamādhinā vā ārammaṇe samaṃ, sammā vā āhito ṭhitoti **samāhito**, samāhitacittoti vā samāhito. So uddhaccaraḷassa ceva uddhaccamūlakassa sesākusalaraḷassa ca appakattā apparajakkho. Na samāhito **asamāhito**. So

vuttappakārassa rajassa mahantattā mahārajakkho. Udayatthagāminī paññā assa atthīti **paññavā**. So moharajassa ceva mohamūlakassa sesākusalarajassa ca appakattā apparajakkho. Mohamūlhattā dutṭhā paññā assāti **duppañño**. So vuttappakārassa rajassa mahantattā mahārajakkho. **Saddho puggalo tikkhindriyoti** bahulaṃ uppajjamānāya balavatiyā saddhāya saddho, teneva saddhindriyena tikkhindriyo. **Assaddho puggalo mudindriyoti** bahulaṃ uppajjamānena assaddhiyena assaddho, antarantarā uppajjamānena dubbalena saddhindriyena mudindriyo. Esa nayo sesesupī. **Saddho puggalo svākāroti** tāya eva saddhāya sobhanākāro. **Assaddho puggalo dvākāroti** teneva assaddhiyena virūpākāro. Esa nayo sesesupī. **Suviññāpayoti** sukkena viññāpetuṃ sakkuṇeyyo. **Duviññāpayoti** dukkhena viññāpetuṃ sakkuṇeyyo. **Paralokavajjabhayadassāvīti** ettha yasmā paññāsampannasseva saddhādīni suparisuddhāni hontī, tasmā suparisuddhasaddhādisampanno taṃsampayuttāya, suparisuddhasaddhādisampannopi vā tappaccayāya paññāya paralokavajjabhayadassāvī hotī. Tasmā eva hi saddhādayopi cattāro “paralokavajjabhayadassāvī”ti vuttā.

112. Idāni “paralokavajjabhayadassāvī”ti ettha vuttaṃ lokañca vajjañca dassetuṃ **lokotiādimāha**. Ettha khandhā eva lujjanapalujjanaṭṭhena lokoti **khandhaloko**. Sesadvayepi eseva nayo. **Vipattibhavalokoti** apāyaloko. So hi aniṭṭhaphalattā virūpo lābhoti vipattī, bhavatīti bhavo, vipattī eva bhavo vipattibhavo, vipattibhavo eva loko vipattibhavaloko. **Vipattisambhavalokoti** apāyūpagaṃ kammaṃ. Tañhi sambhavati etasmā phalanti sambhavo, vipattiyā sambhavo vipattisambhavo, vipattisambhavo eva loko vipattisambhavaloko. **Sampattibhavalokoti** sugatiloko. So hi iṭṭhaphalattā sundaro lābhoti sampattī, bhavatīti bhavo, sampattī eva bhavo sampattibhavo, sampattibhavo eva loko sampattibhavaloko. **Sampattisambhavalokoti** sugatūpagaṃ kammaṃ. Tañhi sambhavati etasmā phalanti sambhavo, sampattiyā sambhavo sampattisambhavo, sampattisambhavo eva loko sampattisambhavaloko. **Eko lokotiādi**ni heṭṭhā vuttatthāneva.

Vajjanti napuṃsakavacanaṃ asukoti aniddiṭṭhattā kataṃ. **Kilesāti** rāgādayo. **Duccaritāti** paṇātipātādayo. **Abhisankhārāti** puññābhisaṅkhārādayo. **Bhavadgāmikammāti** attano vipākādānavasena bhavaṃ gacchantīti bhavadgāmino, abhisankhāresupī vipākajanakāneva kammāni vuttāni. **Itīti** vuttappakāranidassanaṃ. **Imasmiñca loke imasmiñca vajjeti** vuttappakāre loke ca vajje ca. **Tibbā bhayasaññāti** balavatī bhayasaññā. **Tibbāti** parasaddassa attho vutto, **bhayasaññāti** bhayasaddassa, lokavajjadvayampi hi bhayavatthuttā sayañca sabhayattā bhayaṃ, bhayamiti saññā bhayasaññā. **Paccupaṭṭhitā hotīti** taṃ taṃ paṭicca upecca ṭhitā hoti. **Seyyathāpi ukkhittāsike vadhaketi** yathā nāma paharituṃ uccāritakhagge paccāmitte tibbā bhayasaññā paccupaṭṭhitā hoti, evameva loke ca vajje ca tibbā bhayasaññā paccupaṭṭhitā hoti. **Imehi paññāsāya ākārehīti** apparajakkhapañcakādīsu dasasu pañcakesu ekekasmīṃ pañcannaṃ pañcannaṃ ākāraṇaṃ vasena paññāsāya ākārehi. **Imāni pañcindriyānīti** saddhindriyādīni pañcindriyāni. **Jānātīti** tathāgato paññāya pajānāti. **Passatīti** dibbacakkhunā diṭṭhaṃ viya karoti. **Aññātīti** sabbākāramariyādāhi jānāti. **Paṭivijjhatīti** ekadesaṃ asesetvā niravasesadassanavasena paññāya padāletīti.

Indriyaparopariyattañānaniddesavaṇṇanā niṭṭhitā.

69. Āsayānusayañānaniddesavaṇṇanā

113. Āsayānusayañānaniddese **idha tathāgatotiādi** pañcadhā ṭhapito niddeso. Tattha **āsayānusayā** vuttatthā eva. **Caritanti** pubbe kataṃ kusalākusalaṃ kammaṃ. **Adhimuttinti** sampati kusale akusale vā cittavosaggo. **Bhabbābhabbeti** bhabbe ca abhabbe ca. Ariyāya jātiyā sambhavanti jāyantīti bhabbā. Vattamānasamīpe vattamānavacanaṃ. Bhavissanti jāyissantīti vā bhabbā, bhājanabhūtāti attho. Ye ariyamaggapaṭivedhassa anucchavikā upanissayasampannā, te bhabbā. Vuttapaṭipakkhā abhabbā.

Katamo sattānaṃ āsayotiādi niddesassa paṇiniddeso. Tattha **sassatoti** nicco. **Lokoti** attā. Idha sarīraṃyeva nassati, attā pana idha parattha ca soyevatī maññanti. So hi sayāmyeva āloketīti katvā “loko”ti maññanti. **Asassatoti** anicco. Attā sarīreneva saha nassatīti maññanti. **Antavāti** paritte kasiṇe jhānaṃ uppādetvā taṃparittakasiṇārammaṇaṃ cittaṃ sapariyanto attāti maññanti. **Anantavāti** na antavā

appamāṇe kaṣiṇe jhānaṃ uppādetvā taṃappamāṇakaṣiṇārammaṇaṃ cittaṃ apariyanto attāti maññanti. **Taṃ jīvaṃ taṃ sarīraṃ**ti jīvo ca sarīraṇca taṃyeva. **Jīvoti** attā, līngavipallāsena napuṃsakavacanaṃ kataṃ. **Sarīraṃ**ti rāsaṭṭhena khandhapaṇcakaṃ. **Aññaṃ jīvaṃ aññaṃ sarīraṃ**ti añño jīvo aññaṃ khandhapaṇcakaṃ. **Hoti tathāgato paraṃ maraṇāti** khandhā idheva vinassanti, satto maraṇato paraṃ hoti vijjati na nassati. “Tathāgato”ti cettha sattādhivacanaṃti vadanti. Keci pana “tathāgatoti arahā”ti vadanti. Ime “na hoti”ti pakkhe dosaṃ disvā evaṃ gaṇhanti. **Na hoti tathāgato paraṃ maraṇāti** khandhāpi idheva nassanti, tathāgato ca maraṇato paraṃ na hoti ucchijjati vinassati. Ime “hoti”ti pakkhe dosaṃ disvā evaṃ gaṇhanti. **Hoti ca na ca hotīti** ime ekekapakkhapariggāhe dosaṃ disvā ubhayapakkhaṃ gaṇhanti. **Neva hoti na na hotīti** ime ubhayapakkhapariggāhe ubhayadosāpattiṃ disvā “hotīti ca na hoti, neva hotīti ca na hotī”ti amarāvikkhepapakkhaṃ gaṇhanti.

Ayaṃ panettha aṭṭhakathānayo – “sassato lokoti vā”tiādīhi dasahākārehi diṭṭhipabhedova vutto. Tattha **sassato lokoti** ca khandhapaṇcakaṃ lokoti gahetvā “ayaṃ loko nicco dhuvo sabbakāliko”ti gaṇhantassa sassatanti gahaṇākārappavattā diṭṭhi. **Asassatoti** tameva lokaṃ “ucchijjati vinassati”ti gaṇhantassa ucchedaggahaṇākārappavattā diṭṭhi. **Antavāti** parittakasiṇalābhino supparamatte vā sarāvamatte vā kaṣiṇe samāpannassa antosamāpattiyaṃ pavattitarūpārūpadhamme “loko”ti ca kaṣiṇaparicchedantena “antavā”ti ca gaṇhantassa “antavā loko”ti gahaṇākārappavattā diṭṭhi. Sā sassatadiṭṭhipi hoti ucchedadiṭṭhipi. Vipulakasiṇalābhino pana tasmim kaṣiṇe samāpannassa antosamāpattiyaṃ pavattitarūpārūpadhamme “loko”ti ca kaṣiṇaparicchedantena “na antavā”ti ca gaṇhantassa “anantavā loko”ti gahaṇākārappavattā diṭṭhi. Sā sassatadiṭṭhipi hoti ucchedadiṭṭhipi. **Taṃ jīvaṃ taṃ sarīraṃ**ti bhedanadhammassa sarīrasseva “jīva”nti gahitattā “sarīre ucchijjamāne jīvampi ucchijjati”ti ucchedaggahaṇākārappavattā diṭṭhi. Dutiyapade sarīrato aññaṃ jīvassa gahitattā “sarīre ucchijjamānepi jīvaṃ na ucchijjati”ti sassataggahaṇākārappavattā diṭṭhi. **Hoti tathāgatoti**ādīsu “satto tathāgato nāma, so paraṃ maraṇā hoti”ti gaṇhato paṭhamā sassatadiṭṭhi. “Na hoti”ti gaṇhato dutiyā ucchedadiṭṭhi. “Hoti ca na ca hoti”ti gaṇhato tatiyā ekaccasassatadiṭṭhi. “Neva hoti na na hoti”ti gaṇhato catutthā amarāvikkhepadiṭṭhīti.

Itīti vuttappakāradiṭṭhinissayanidassanaṃ. **Bhavadiṭṭhisannissitā vā sattā honti vibhavadiṭṭhisannissitā vāti** bhavo vuccati sassato, sassatavasena uppajjamānadiṭṭhi bhavadiṭṭhi, bhavoti diṭṭhīti vuttaṃ hoti. Vibhavo vuccati ucchedo, ucchedavasena uppajjamānadiṭṭhi vibhavadiṭṭhi, vibhavoti diṭṭhīti vuttaṃ hoti. Vuttappakārā dasavidhā diṭṭhi bhavadiṭṭhi ca vibhavadiṭṭhi cāti dvidhāva hoti. Tāsu dvīsu ekekaṃ sannissitā apassitā allīnā sattā honti.

Ete vā pana ubho ante anupagammāti ettha “aggito vā udakato vā mithubhedā vā”tiādīsu (dī. ni. 2.152) viya vā-saddo samuccayatto. Ete vuttappakāre sassatucchedavasena dve pakkhe ca na upagantvā anallīyitvā pahāyāti attho. “Anulomikā vā khantī”ti vikappatthova. **Idappaccayatāpaṭiccasamuppannesūti** imesaṃ jarāmaraṇādīnaṃ paccayā idappaccayā, idappaccayā eva idappaccayatā, idappaccayānaṃ vā samūho idappaccayatā. Lakkhaṇaṃ panettha saddasatthato pariyesitabbaṃ. Te te paccaye paṭicca saha sammā ca uppannā paṭiccasamuppannā. Tassā idappaccayatāya ca tesu paṭiccasamuppannesu ca dhammesu. **Anulomikāti** lokuttaradhammānaṃ anulomato anulomikā. **Khantīti** nānaṃ. Nānañhi khamanato khanti. **Paṭiladdhā hotīti** sattehi adhigatā hoti. Idappaccayatāya khantiyā ucchedattānupagamo hoti paccayuppānadhammānaṃ paccayasāmaggiyaṃ āyattavuttittā paccayānuparamadassanena phalānuparamadassanato. Paṭiccasamuppannesu dhammesu khantiyā sassatattānupagamo hoti paccayasāmaggiyaṃ navanavānaṃ paccayuppānadhammānaṃ uppādadassanato. Evamete ubho ante anupagamma paṭiccasamuppādapāṭiccasamuppānadhammadassanena na ucchedo na sassatoti pavattaṃ sammādasanaṃ “anulomikā khantī”ti veditabbaṃ. Evañhi tadubhayadiṭṭhipaṭipakkhabhūtā sammādiṭṭhi vuttā hoti. **Yathābhūtaṃ vā nāṇanti** yathābhūtaṃ yathāsabhāvaṃ neyyaṃ. Tattha pavattañānaṃpi visayavohārena “yathābhūtañāna”nti vuttaṃ. Taṃ pana saṅkhārupekkhāpariyantaṃ vipassanāñānaṃ idhādhīpettaṃ. Heṭṭhā pana “yathābhūtañānadassana”nti bhayātūpaṭṭhānañānaṃ vuttaṃ. Yathābhūtaṃ vā nānaṃ sattehi paṭiladdhaṃ hotīti sambandho.

Idāni “sassato loko”tiādīhi micchādīṭṭhiparibhāvitaṃ “ete vā panā”tiādīhi sammādīṭṭhiparibhāvitaṃ sattanānaṃ dassetvā “kāmaṃ sevantaññevā”tiādīhi sesākusalehi sesakusalehi ca paribhāvitaṃ sattanānaṃ dasseti. Tattha kāmaṃ sevantaṃyeva puggalaṃ tathāgato jānātīti yojanā kātabbā. **Sevantanti** ca abhiṅhasamudācāravasena sevamānaṃ. Pubbe āsevitavasena kilesakāmo garu assāti **kāmagaruko**. Tatheva kāmo āsaye santāne assāti **kāmāsayo**. Santānavaseneva kāme adhimutto laggoti **kāmādhimutto**. Sesesupi eseva nayo. **Nekkhammādīni** vuttatthāneva. Kāmādīhi ca tīhi sesākusalā, nekkhammādīhi tīhi sesakusalā gahitāva hontīti veditabbā. “Ayaṃ sattānaṃ āsayo”ti tidhā vuttaṃ santānameva dasseti.

Ayaṃ panettha aṭṭhakathānayo – “iti bhavadiṭṭhisannissitā vā”ti evaṃ sassatadiṭṭhiṃ vā sannissitā. Sassatadiṭṭhi hi ettha bhavadiṭṭhīti vuttā, ucchedadiṭṭhi ca vibhavadiṭṭhīti. Sabbadiṭṭhīnañhi sassatucchedadiṭṭhīhi saṅgahitattā sabbepime diṭṭhigatikā sattā imāva dve diṭṭhiyo sannissitā honti. Vuttampi cetam “dvayanissito khvāyaṃ, kaccāna, loko yebhuyyena atthitañceva natthitañcā”ti (saṃ. ni. 2.15). Ettha hi **atthitāti** sassataṃ. **Natthitāti** ucchedo. Ayaṃ tāva vaṭṭanissitānaṃ puthujjanānaṃ sattānaṃ āsayo. Idāni vivaṭṭanissitānaṃ suddhasattānaṃ āsayam dassetuṃ “ete vā pana ubho ante anupagammā”tiādi vuttaṃ. Tattha “ete vā panā”ti eteyeva. “Ubho ante”ti sassatucchedasaṅkhāte dve ante. “Anupagammā”ti na allīyivā. “Idappaccayatāpaṭṭicasamuppannesu dhammesū”ti idappaccayatāya ceva paṭṭicasamuppannadhammesu ca. “Anulomikā khantī”ti vipassanāññānaṃ. “Yathābhūtaṃ ñāṇa”nti maggaññānaṃ. Idaṃ vuttaṃ hoti – yā paṭṭicasamuppāde ceva paṭṭicasamuppannadhammesu ca ete ubho sassatucchedaante anupagantvā vipassanā paṭiladdhā, yañca tato uttari maggaññānaṃ, ayaṃ sattānaṃ āsayo. Ayaṃ vaṭṭanissitānañca vivaṭṭanissitānañca sabbesampi sattānaṃ āsayo idaṃ vasaṇaṭṭhānanti. Ayaṃ ācariyānaṃ samānaṭṭhakathā.

Vitaṇḍavādī panāha “maggo nāma vāsaṃ viddhaṃsento gacchati, tvaṃ maggo vāsoti vadesī”ti? So vattabbo “tvaṃ ariyavāsabhāṇako hosi na hosi”ti? Sace “na homī”ti vadati, “tvaṃ abhāṇakatāya na jānāsī”ti vattabbo. Sace “bhāṇakosmī”ti vadati, “suttaṃ āharā”ti vattabbo. Sace āharati, iccetaṃ kusalaṃ. No ce āharati, sayam āharitabbaṃ “dasayime, bhikkhave, ariyāvāsā, yadariyā āvasiṃsu vā āvasanti vā āvasissanti vā”ti (a. ni. 10.19). Etañhi suttaṃ maggassa vāsabhāvaṃ dīpeti. Tasmā sukathitamevetanti. Imaṃ pana bhagavā sattānaṃ āsayam jānanto imesañca diṭṭhigatānaṃ imesañca vipassanāññānamaggaññānaṃ appavattikkhaṇepi jānāti eva. Tasmāyeva ca “kāmaṃ sevantaṃyeva jānātī”tiādi vuttanti.

Anusayaniddese **anusayāti** kenatṭhena anusayā? Anusayanatṭhena. Ko esa anusayanatṭho nāmāti? Appahīnatṭho. Ete hi appahīnatṭhena tassa tassa santāne anusenti nāma. Tasmā “anusayā”ti vuccanti. **Anusentīti** anurūpaṃ kāraṇaṃ labhitvā uppajjantīti attho. Athāpi siyā – anusayanatṭho nāma appahīnākāro, so ca uppajjatīti vattum na yujjati, tasmā na anusayā uppajjantīti. Tatridaṃ paṭivacanaṃ – na appahīnākāro, anusayoti pana appahīnatṭhena thāmagatakilesa vuccati. So cittasampayutto sārammaṇo sappaccayatṭhena sahetuko ekantākusalo atītopi hoti anāgatopi paccuppannopi, tasmā uppajjatīti vattum yujjati. Tatridaṃ pamāṇaṃ – idheva tāva abhisamayakathāya (paṭi. ma. 3.21) “paccuppanne kilese pajahatī”ti pucchaṃ katvā anusayānaṃ paccuppannabhāvassa atthitāya “thāmagato anusayam pajahatī”ti vuttaṃ. Dhammasaṅgaṇiyaṃ mohassa padabhājane “avijjānusayo avijjāpariyuṭṭhānaṃ avijjālaṅgī moho akusalamūlaṃ, ayaṃ tasmim samaye moho hotī”ti (dha. sa. 390) akusalacittena saddhim mohassa uppānabhāvo vutto. Kathāvatthusmim “anusayā abyākatā anusayā ahetakā anusayā cittavippayuttā”ti sabbe vādā paṭisedhitā. Anusayayamake sattānaṃ mahāvārānaṃ aññatarasmim uppajjanavāre “yassa kāmarāgānusayo uppajjati, tassa paṭighānusayo uppajjati”tiādi (yama. 2.anusayayamaka.300) vuttaṃ. Tasmā “anusentīti anurūpaṃ kāraṇaṃ labhitvā uppajjantī”ti yaṃ vuttaṃ, taṃ iminā tantippamāṇena yuttanti veditabbaṃ. Yampi “cittasampayutto sārammaṇo”tiādi vuttaṃ, tampi suvuttameva. Anusayo hi nāmesa parinipphanno cittasampayutto akusaladhammoti niṭṭhamettha gantabbaṃ.

Kāmarāgānusayotitiādīsu kāmarāgo ca so appahīnatṭhena anusayo cāti kāmarāgānusayo. Sesapadesupi eseva nayo. Kāmarāgānusayo cettha lobhasahagatacittesu sahaṇātasena ārammaṇavasena ca manāpesu avasesakāmāvacaradhammesu ārammaṇavaseneva uppajjamāno lobho. **Paṭighānusayo** ca

domanassasahagatacittesu sahaĵātavasena ārammaṇavasena ca amanāpesu avasesakāmāvacaradhammesu ārammaṇavaseneva uppajjamāno doso. **Mānānusayo** diṭṭhigatavippayuttalobhasahagatacittesu sahaĵātavasena ārammaṇavasena ca dukkhavedanāvajjesu avasesakāmāvacaradhammesu rūpārūpāvacaradhammesu ca ārammaṇavaseneva uppajjamāno māno. **Diṭṭhānusayo** catūsu diṭṭhigatasampayuttesu. **Vicikicchānusayo** vicikicchāsahagate. **Avijjānusayo** dvādasasu akusalacittesu sahaĵātavasena ārammaṇavasena ca. Tayopi avasesatebhūmakadhammesu ārammaṇavaseneva uppajjamānā diṭṭhivicikicchāmohā. Bhavarāgānusayo catūsu diṭṭhigatavippayuttesu uppajjamānopi sahaĵātavasena na vutto, ārammaṇavaseneva pana rūpārūpāvacaradhammesu uppajjamāno lobho vutto.

114. Idāni yathāvuttānaṃ anusayānaṃ anusayanaṭṭhānaṃ dassento **yaṃ loketiādimāha**. Tattha **yaṃ loke piyarūpanti** yaṃ imasmiṃ loke piyajātikaṃ piyasabhāvaṃ. **Sātarūpanti** sātajātikaṃ assādapadaṭṭhānaṃ iṭṭhārammaṇaṃ. **Ettha sattānaṃ kāmarāgānusayo anuseti** etasmiṃ iṭṭhārammaṇe sattānaṃ appahīnaṭṭhena kāmarāgānusayo anuseti. ‘Piyarūpaṃ sātarūpa’nti ca idha kāmāvacaradhammoyeva adhippeto. Yathā nāma uduke nimuggassa heṭṭhā ca upari ca samantā ca udakameva hoti, evameva iṭṭhārammaṇe rāguppatti nāma sattānaṃ āciṇṇasamāciṇṇā. Tathā aniṭṭhārammaṇe paṭighuppatti. **Iti imesu dvīsu dhammesūti** evaṃ imesu dvīsu iṭṭhāniṭṭhārammaṇadhammesu. **Avijjānupatitāti** kāmarāgapaṭighasampayuttā hutvā ārammaṇakaraṇavasena avijjā anupatitā anugatā. Vicchedaṃ katvāpi pāṭho. **Tadekaṭṭhoti** tāya avijjāya sahaĵekaṭṭhavasena ekato ṭhito. **Māno ca diṭṭhi ca vicikicchā cāti** navavidhamāno, dvāsaṭṭhividhā diṭṭhi, aṭṭhavatthukā vicikicchā, tadekaṭṭho māno ca tadekaṭṭhā diṭṭhi ca tadekaṭṭhā vicikicchā cāti yojanā. **Daṭṭhabbāti** passitabbā avagantabbā. Tayo ekato katvā bahuvacanaṃ kataṃ. Bhavarāgānusayo panettha kāmarāgānusayeneva saṅgahitoti veditabbo.

Caritaniddese terasa cetanā **puññābhisaṅkhāro**. Dvādasa **apuññābhisaṅkhāro**. Catasso **āneñjābhisaṅkhāro**. Tattha kāmāvacaro **parittabhūmako**. Itaro **mahābhūmako**. Tīsupi vā etesu yo koci appavipāko **parittabhūmako**, mahāvīpāko **mahābhūmakoti** veditabbo.

115. Adhimuttiniddese **santīti** saṃvijjanti. **Hīnādhimuttikāti** lāmakajjhāsaya. **Paṇitādhimuttikāti** kalyāṇajjhāsaya. **Sevantīti** nissayanti allīyanti. **Bhajanīti** upasaṅkamanti. **Payirupāsantīti** punappunaṃ upasaṅkamanti. Sace hi ācariyupajjhāyā na sīlavanto honti, antevāsikasaddhivihārikā sīlavanto, te attano ācariyupajjhāyepi na upasaṅkamanti, attano sadise sārūpe bhikkhūyeva upasaṅkamanti. Sacepi ācariyupajjhāyā sārūpā bhikkhū, itare asārūpā, tepi na ācariyupajjhāye upasaṅkamanti, attano sadise hīnādhimuttikeyeva upasaṅkamanti. Evaṃ upasaṅkamaṇaṃ pana na kevalaṃ etarahiyeva, atītānāgatepīti dassetuṃ **atītampi addhānantiādimāha**. Tattha **atītampi addhānanti** atītasmiṃ kāle, accantasamāyogatthe vā upayogavacanaṃ. Sesamā uttānatthameva. Idaṃ pana dussīlānaṃ dussīlasevanameva, sīlavantānaṃ sīlavantasevanameva, duppaññānaṃ duppaññasevanameva, paññavantānaṃ paññavantasevanameva ko niyametīti? Ajjhāsayaadhātu niyametīti.

Bhabbābhabbaniddese chaḍḍetabbe paṭhamaṃ niddisitvā gahetabbe pacchā niddisituṃ uddesassa uppaṭipāṭiyā paṭhamaṃ abhabbā niddiṭṭhā. Uddese pana dvandasamāse accitassa ca mandakkharassa ca padassa pubbanipātalakkhaṇavasena bhabbasaddo pubbaṃ payutto. **Kammāvaraṇenāti** pañcavidhena ānantariyakamma. **Samannāgatāti** samaṅgībhūtā. **Kilesāvaraṇenāti** niyatamicchādiṭṭhiyā. Imāni dve saggamaggānaṃ āvaraṇato āvaraṇāni. Bhikkhunīdūsakādīni kammānīpi kammāvaraṇeneva saṅgahitāni. **Vipākāvaraṇenāti** ahetukapaṭisandhiyā. Yasmā pana duhetukānampi ariyamaggapaṭivedho natthi, tasmā duhetukā paṭisandhipi vipākāvaraṇamevāti veditabbā, **assaddhāti** buddhādīsu saddhārahitā. **Acchandikāti** kattukamyatākusalacchandarahitā. Uttarakurukā manussā acchandiṭṭhānaṃ pavīṭṭhā. **Duppaññāti** bhavaṅgapaññāya parihīnā. Bhavaṅgapaññāya pana paripuññāyapi yassa bhavaṅgaṃ lokuttarassa pādakaṃ na hoti, sopi duppaññoyeva nāma. **Abhabbā niyāmaṃ okkamituṃ kusalesu dhammesu sammattanti** kusalesu dhammesu sammattaniyāmasaṅkhātānaṃ ariyamaggaṃ okkamituṃ abhabbā. Ariyamaggo hi sammā sabhāvoti sammattaṃ, soyeva anantaraphaladāne, sayameva vā acalabhāvato niyāmo, taṃ okkamituṃ pavisitūṃ abhabbā. **Na kammāvaraṇenātiādi**ni vuttavipariyāyeneva veditabbānti.

Āsayānusayaññāniddesavaṇṇanā niṭṭhitā.

70. Yamakapāṭihīraññāniddesavaṇṇanā

116. Yamakapāṭihīraññāniddese **asādhāraṇaṃ sāvakehī**ti sesāsādhāraṇaññāniddese aññavacanehi okāsābhāvato na vuttaṃ, idha pana aññavacanābhāvato vuttanti veditabbaṃ. **Uparimakāyatoti** nābhiyā uddhaṃ sarīrato. **Aggikkhandho pavattatī**ti tejokasiṇārammaṇaṃ pādakajjhānaṃ samāpajjitvā vuṭṭhāya “uparimakāyato aggijālā vuṭṭhātū”ti āvajjitvā parikammaṃ katvā anantaraṃ abhiññāññāna “uparimakāyato aggijālā vuṭṭhātū”ti adhiṭṭhite saha adhiṭṭhānā uparimakāyato aggijālā vuṭṭhātī. Sā hi idha rāsaṭṭhena khandhoti vuttā. **Heṭṭhimakāyatoti** nābhito heṭṭhā sarīrato. **Udakadhārā pavattatī**ti āpokasiṇārammaṇaṃ pādakajjhānaṃ samāpajjitvā vuṭṭhāya “heṭṭhimakāyato udakadhārā vuṭṭhātū”ti āvajjitvā parikammaṃ katvā anantaraṃ abhiññāññāna “heṭṭhimakāyato udakadhārā vuṭṭhātū”ti adhiṭṭhite saha adhiṭṭhānā heṭṭhimakāyato udakadhārā vuṭṭhātī. Ubhayatthāpi abbocchedavasena pavattatīti vuttaṃ. Adhiṭṭhānassa āvajjanassa ca antare dve bhavaṅgacittāni vattanti. Tasmāyeva yugalā hutvā aggikkhandhaudakadhārā pavattanti, antaraṃ na paññāyati. Aññesaṃ pana bhavaṅgaparicchedo natthi. **Puratthimakāyatoti** abhimukhapassato. **Pacchimakāyatoti** piṭṭhipassato. **Dakkhiṇaakkhito vāmaakkhitoti**tiadi samāsapāṭhoyeva, na añño. Dakkhiṇanāsikāsatoto vāmanāsikāsatototi pāṭho sundaro. Rassam katvāpi paṭhanti. **Aṃsakūṭatoti** ettha abbhuggataṭṭhena kūṭo viyāti kūṭo, aṃsoyeva kūṭo aṃsakūṭo. **Āngulaṅgulehī**ti āngulīhi āngulīhi. **Āngulantarikāhī**ti āngulīnaṃ antarikāhi. **Ekekalomato aggikkhandho pavattati, ekekalomato udakadhārā pavattatī**ti ubhayatthāpi āmedītavacanena sabbalomānaṃ pariādinnattā ekekalomatova aggikkhandhaudakadhārā yugalā yugalā hutvā pavattantīti vuttaṃ hoti. **Lomakūpato lomakūpato aggikkhandho pavattati, lomakūpato lomakūpato udakadhārā pavattatī**ti etthāpi eseva nayo. Kesuci potthakesu “ekekalomato aggikkhandho pavattati. Lomakūpato lomakūpato udakadhārā pavattati, lomakūpato lomakūpato aggikkhandho pavattati, ekekalomato udakadhārā pavattatī”ti likhitam. Tampi yujjatiyeva. Pāṭihīrassa atisukhumattadīpanato pana purimapaṭhoyeva sundarataro.

Idāni **channaṃ vaṇṇānanti** ko sambandho? Heṭṭhā “uparimakāyato”tiādīhi anekehi sarīrāvayavā vuttā. Tena sarīrāvayavasambandho pavattatīti vacanasambandhena ca yamakapāṭihīrādhikārena ca channaṃ vaṇṇānaṃ sarīrāvayavabhūtānaṃ rasmiyo yamakā hutvā pavattantīti vuttaṃ hoti. Sāmivacanasambandhena ca avassaṃ “rasmiyo”ti pāṭhaseso icchitabboyeva. **Nīlānanti** umāpupphavaṇṇānaṃ. **Pītakānanti** kaṇikārapupphavaṇṇānaṃ. **Lohitakānanti** indagopakavaṇṇānaṃ. **Odātānanti** osadhitarakavaṇṇānaṃ. **Mañjiṭṭhānanti** mandarattavaṇṇānaṃ. **Pabhassarānanti** pabhāsanapakatikānaṃ pabhassaravaṇṇānaṃ. Pabhassaravaṇṇe visuṃ avijjamānepi vuttasu pañcasu vaṇṇesu ye ye pabhā samujjalā, te te pabhassarā. Tathā hi tathāgatassa yamakapāṭihīraṃ karontassa yamakapāṭihīraññābaleneva kesamassūnañceva akkhīnañca nīlaṭṭhānehi nīlarasmiyo nikkhamanti, yāsaṃ vasena gaganatalaṃ añjanacuṇṇasamokiṇṇaṃ viya umāpupphanīluppalaḍalasañchannaṃ viya vītipatantamañītalavaṇṇaṃ viya pasāritamecakaṇṇaṃ viya ca hoti. Chavito ceva akkhīnañca pītakatṭhānehi pītarasmiyo nikkhamanti, yāsaṃ vasena disābhāgā suvaṇṇarasaniñcamānā viya suvaṇṇapaṭapasāritā viya kuṅkumacuṇṇakaṇikārapupphasamparikiṇṇā viya ca virocanti. Maṃsalohitehi ceva akkhīnañca rattatṭhānehi lohitarasmiyo nikkhamanti, yāsaṃ vasena disābhāgā cinapiṭṭhacuṇṇarañjita viya supakkalākhārasaniñcamānā viya rattakambalaparikkhittā viya jayasumanapālibhaddakabandhujīvakkakusumasamparikiṇṇā viya ca virocanti. Aṭṭhīhi ceva dantehi ca akkhīnañca setatṭhānehi odātarasmiyo nikkhamanti, yāsaṃ vasena disābhāgā rajatakuṭehi āsiñcamānakhīradhārāsamparikiṇṇā viya pasāritarajatapaṭṭavitānā viya vītipatantarajatatalavaṇṇā viya kundakumudasinduvārasumanamallikādikusumasañchannā viya ca virocanti. Hatthatalapādatalādīhi mandarattatṭhānehi mañjiṭṭharasmiyo nikkhamanti, yāsaṃ vasena disābhāgā pavāḷajalaparikkhittā viya rattakuravakkakusumasamokiṇṇā viya ca virocanti. Uṇṇānakhādīhi pabhassaratṭhānehi pabhassararasmiyo nikkhamanti, yāsaṃ vasena disābhāgā osadhitarakapuñjapunṇā viya vijjupaṭalādīparipunnā viya ca virocanti.

Bhagavā caṅkamatītiadi “bhagavato ca nimmitānañca nānāriyāpathakaraṇaṃ yamakapāṭihīreneva

hotī”ti dassanattamaṃ vuttaṃ. Tesañhi nimmitānaṃ iriyāpathā yugalāva hutvā vattanti. Yadi nimmitā bahukā honti, “nimmito”tiādi kasmā ekavacanaṃ katanti ce? Nimmitesupi ekekassa nānāriyāpathabhāvadassanattamaṃ. Bahuvacanaena hi vutte sabbepe nimmitā sakim ekekairiyāpathikā viya honti. Ekavacanaena pana vutte nimmitesu ekeko nānāriyāpathikoti ñayati. Tasmā ekavacananiddeso kato. Cūḷapanthakattheropi tāva nānāriyāpathikabhikkhūnaṃ sahassaṃ māpesi, kim pana bhagavā yamakapāṭihīre bahū nimmite na karissati. Cūḷapanthakattheraṃ muñcitvā aññesaṃ sāvakaṇaṃ ekāvajjanena nānāriyāpathikānaṃ nānārūpānañca nimmānaṃ na ijjhati. Aniyamtvā hi nimmitā iddhitatā sadisāva honti. Thānanisajjādīsu vā bhāsitatunhībhāvādīsu vā yaṃ yaṃ iddhitā karoti, taṃ tadeva karonti, visadisakaraṇaṃ nānākiriyaḷakaraṇaṇca “ettakā idisā hontu, ettakā imaṃ nāma karontū”ti visuṃ visuṃ āvajjitvā adhiṭṭhānena ijjhati. Tathāgatassa pana ekāvajjanādhiṭṭhāneneva nānappakāranimmānaṃ ijjhati. Evameva aggikkhandhaudakadhārānimmāne ca nānāvāṇṇanimmāne ca vedittabbaṃ. Tattha **bhagavā caṅkamatīti** ākāse vā pathaviyaṃ vā caṅkamati. **Nimmitoti** iddhiyā māpitabuddharūpaṃ. **Tiṭṭhati vātiādīnipi** ākāse vā pathaviyaṃ vā. **Kappetīti** karoti. **Bhagavā tiṭṭhatīti**ādīsipi eseva nayoti.

Yamakapāṭihīraññāniddesavaṇṇanā niṭṭhitā.

71. Mahākaruṇāññāniddesavaṇṇanā

117. Mahākaruṇāññāniddese **bahukehi ākārehi** idāni vuccamānehi ekūnanavutiyaṃ pakārehi. **Passantānanti** ñāṇacakkhunā ca buddhacakkhunā ca oloketānaṃ. **Okkamati** otarati pavisati. **Ādittoti** dukkhalakkhaṇavasena pīḷayogato santāpanaṭṭhena ādīpito. “Yadaniccaṃ, taṃ dukkha”nti (saṃ. ni. 3.15) vuttatā sabbasaṅkhatassa ceva dukkhalakkhaṇavasena pīḷitattā dukkhassa ca karuṇāya mūlabhūtattā paṭhamam dukkhalakkhaṇavasena “āditto”ti vuttanti vedittabbaṃ. Rāgādīhi ādittataṃ pana upari vakkhati. Atha vā **ādittoti** rāgādīhiyeva āditto. Upari pana “tassa natthañño koci nibbāpetā”ti atthāpekkhanavasena puna vuttanti vedittabbaṃ. **Lokasannivāsoti** pañcakkhandhā lujjanapalujjanaṭṭhena loko, taṇhādīṭṭhivasena sannivasanti ettha sattāti sannivāso, lokova sannivāso lokasannivāso. Dukkhitam khandhasantānaṃ upādāya sattavohārasabbhāvato lokasannivāsayogato sattasamūhopi lokasannivāso. Sopi ca sahakhandhakoyeva. **Uyyuttoti** anekesu kicesu niccabyāpāratāya katayogo kataussāho, satatakicesu saussukkoti attho. Ghaṭṭanayuttoti vā uyyutto. **Payātoti** pabbateyyā nadī viya anavaṭṭhitagamanena maraṇāya yātuṃ āraddho. **Kummaggappaṭipannoti** kucchitam micchāmaggaṃ paṭipanno. Upari pana “vipathapakkhando”ti nānāpadehi visesetvā vuttaṃ.

Upanīyatīti jarāvasena maraṇāya upanīyati harīyati. Jarā hi “āyuno saṃhānī”ti (saṃ. ni. 2.2) vuttā. **Addhuvoti** na thiro, sadā tatheva na hoti. Yasmā addhuvo, tasmā upanīyatīti purimassa kāraṇavacanametam. Etena sakāraṇam jarādukkham vuttaṃ. Taṃ jarādukkham disvā jarāpārijuññarahitāpi viññū pabbajanti. **Atānoti** tāyitum rakkhitum samatthena rahito, anārakkhoti vuttaṃ hoti. **Anabhissaroti** abhisaritvā abhigantvā byāharaṇena assāsetum samatthena rahito, asahāyoti vā attho. Yasmā anabhissaro, tasmā atānoti purimassa kāraṇavacanametam. Etena sakāraṇam piyavippayogadukkham vuttaṃ. Taṃ piyavippayogadukkham disvā ñātipārijuññarahitāpi viññū pabbajanti. **Assakoti** sakabhaṇḍarahito. **Sabbaṃ pahāya gamanīyanti** sakabhaṇḍanti sallakkhitam sabbaṃ pahāya lokena gantabbaṃ. Yasmā sabbaṃ pahāya gamanīyam, tasmā assakoti purimassa kāraṇavacanametam. Etena sakāraṇam maraṇadukkham vuttaṃ. Taṃ disvā bhogapārijuññarahitāpi viññū pabbajanti. Aññattha “kammassakā māṇavasattā”ti (ma. ni. 3.289) vuttaṃ, idha ca raṭṭhapālasutte ca “assako loko”ti (ma. ni. 2.305) vuttaṃ, taṃ katham yujjati ce? Pahāya gamanīyam sandhāya “assako”ti vuttaṃ, kammaṃ pana na pahāya gamanīyam. Tasmā “kammassakā”ti vuttaṃ. Raṭṭhapālasutteyeva ca evametam vuttaṃ “tvam pana yathākamam gamissasī”ti (ma. ni. 2.306). **Ūnoti** pāripūrirahito. **Atittoti** bhīyō bhīyō patthanāyapi na suhito. Idaṃ ūnabhāvassa kāraṇavacanam. **Taṇhādāsoti** taṇhāya vase vattanato taṇhāya dāsabhūto. Idaṃ atittabhāvassa kāraṇavacanam. Etena icchārogāpadesena sakāraṇam byādhidukkham vuttaṃ. Taṃ byādhidukkham disvā byādhipārijuññarahitāpi viññū pabbajanti. **Atāyanoti** puttādīhipi tāyanassa abhāvato atāyano anārakkho, alabbhaneyyakhemo vā. **Aleṇoti** alliyitum nissitum anaraho allīnānampi ca leṇakiccākārako. **Asaraṇoti** nissitānaṃ na bhayasārako na bhayavināsako. **Asaraṇibhūtoti** pure uppattiyā attano abhāveneva asaraṇo,

uppattisamakālemeva asaraṇībhūtoti attho.

Uddhatoti sabbākusalesu uddhaccassa uppajjanato sattasantāne ca akusaluppattibāhullato akusalasamaṅgīloko tena uddhaccena uddhato. **Avūpasantoti** avūpasamanalakkhaṇassa uddhaccasseva yogena avūpasanto bhantamigapaṭibhāgo. “Upanīyati loko”tiādīsu catūsu ca “uddhato loko”ti ca pañcasu thānesu lokoti āgatam, sesesu lokasannivāsoti. Ubhayathāpi lokoyeva. **Sasalloti** pīḷājanakatāya antotudanatāya dunnīharaṇīyatāya ca sallāti saṅkham gatehi rāgādīhi sallehi sahavattanako. **Viddhoti** migādayo kadāci parehi viddhā honti, ayam pana loko niccam attanāva viddho. **Puthusallehīti** “satta sallāni – rāgasallam, dosasallam, mohasallam, mānasallam, diṭṭhisallam, kilesasallam, duccharitasalla”nti (mahāni. 174) vuttehi sattahe sallehi. **Tassāti** tassa lokasannivāsassa. **Sallānam uddhatāti** tesam sallānam sattasantānato uddharitā puggalo. **Aññatra mayāti** maṃ ṭhapetvā. Yepi bhagavato sāvakā sallāni uddharanti, tesam bhagavato vacaneneva uddharaṇato bhagavāva uddharati nāma. **Avijjandhakārāvaraṇoti** avijjā eva sabhāvadassanacchādanena andham viya karotīti avijjandhakāro, sova sabhāvāvagamananivāraṇena āvaraṇam etassāti avijjandhakārāvaraṇo. **Kilesapañjarapakkhittoti** kilesā eva kusalagamanasannirujjhanatthena pañjaroti kilesapañjaro, avijjāpabhava kilesapañjare pakkhitto pātito. **Ālokam dassetāti** paññālokam dassanasīlo, paññālokassa dassetāti vā attho. **Avijjāgatoti** avijjam gato pavittho. Na kevalam avijjāya āvaraṇamattameva, atha kho gahanagato viya avijjākosassa anto pavitthoti purimato viseso. **Aṇḍabhūtoti**ādayo ca visesāyeva. **Aṇḍabhūtoti** aṇḍe bhūto nibbato. Yathā hi aṇḍe nibbattā ekacce sattā “aṇḍabhūtā”ti vuccanti, evamayam loko avijjāṇḍakose nibbattattā “aṇḍabhūto”ti vuccati. **Pariyonaddhoti** tena avijjāṇḍakosena samantato onaddho baddho veṭhito.

Tantākulakajātoti tantam viya ākulabhūto. Yathā nāma dunnikkhittam mūsikacchinnaṃ pesakārānam tantam tahiṃ tahiṃ ākulam hoti, idam aggam idam mūlanti aggena vā aggam, mūlena vā mūlam samānetum dukkaram hoti, evameva sattā paccayākāre khalitā ākulā byākulā honti, na sakkonti paccayākāram ujum kātum. Tattha tantam paccattapurisakāre ṭhatvā sakkāpi bhaveyya ujum kātum, ṭhapetvā pana dve bodhisatte añño satto attano dhammatāya paccayākāram ujum kātum samattho nāma natthi. Yathā pana ākulam tantam kañjikam datvā kocchena pahaṭam tattha tattha kulakajātam hoti gaṇṭhibaddham, evamayam loko paccayesu pakkhalitvā paccaye ujum kātum asakkonto dvāsaṭṭhidiṭṭhigatavasena kulakajāto hoti gaṇṭhibaddho. Ye hi keci diṭṭhiyo nissitā, sabbe te paccayam ujum kātum na sakkontiyeva. **Kulāgaṇṭhikajātoti** kulāgaṇṭhikam viya bhūto. Kulāgaṇṭhikam vuccati pesakārakañjikasuttaṃ. “Kulā nāma sakuṇikā, tassā kulāvako”tipi eke. Yathā tadubhayampi ākulam aggena vā aggam, mūlena vā mūlam samānetum dukkaranti purimanayeneva yojetabbaṃ. **Muñjapabbajabhūtoti** muñjatiṇam viya pabbajatiṇam viya ca bhūto muñjatiṇapabbajatiṇasadiso jāto. Yathā tāni tiṇāni koṭṭetvā koṭṭetvā katarajju jinṇakāle katthaci patitam gahetvā tesam tiṇānam “idam aggam idam mūla”nti aggena vā aggam, mūlena vā mūlam samānetum dukkaram, tampi paccattapurisakāre ṭhatvā sakkā bhaveyya ujum kātum, ṭhapetvā pana dve bodhisatte añño satto attano dhammatāya paccayākāram ujum kātum samattho nāma natthi. Evamayam loko paccayākāram ujum kātum asakkonto dvāsaṭṭhidiṭṭhigatavasena gaṇṭhijāto hutvā apāyam duggatiṃ vinipātam saṃsāram nātivattati.

Tattha **apāyoti** nirayo tiracchānayoni pettivisayo asurakāyo. Sabbepi hi te vaḍḍhisankhātassa āyassa abhāvato “apāyo”ti vuccanti. Tathā dukkhassa gatibhāvato **duggati**. Sukhasamussayato vinipatitattā **vinipāto**. Itaro pana –

“Khandhānaṅca paṭipāṭi, dhātūāyatanāna ca;
Abocchinnaṃ vattamānā, saṃsāroti pavuccati”.

Tam sabbampi nātivattati nātikkamati. Atha kho cutito paṭisandhiṃ, paṭisandhito cutinti evam punappunam cutipaṭisandhiyo gaṇhamāno tīsu bhavesu catūsu yonīsu pañcasu gatīsu sattu viññāṇaṭṭhitīsu navasu sattāvāsesu mahāsamudde vātukkhattanāvā viya yantagoṇo viya ca paribbhamatiyeva. **Avijjāvisadosasallittoti** avijjāyeva akusaluppādanena kusalajīvitānāsanato visanti avijjāvisam, tadeva santānadūsanato avijjāvisadoso, tena anusayapariyuṭṭhānaduccarita bhūtena bhusam

litto makkhitoti avijjāvisadosasallitto. **Kilesakalalībhūtoti** avijjādīmūlakā kilesā eva ośīdanatthēna kalalam kaddamoti kilesakalalam, tadassa atthīti kilesakalalī, evambhūto. **Rāgadosamohajaṭṭajāṭitoti** lobhapaṭighāvijjāsāṅkhātā rāgadosamohā eva rūpādīsu ārammaṇesu heṭṭhupariyavasena punappunam uppajjanato saṃsibbanatthēna veḷugumbādīnam sākḥājālasāṅkhātā jaṭṭa viyāti jaṭṭa, tāya rāgadosamohajaṭṭa jaṭṭo. Yathā nāma veḷujaṭṭādīhi veḷuādayo, evam tāya jaṭṭa ayam loko jaṭṭo vinaddho saṃsibbitoti attho. **Jaṭṭam vijaṭṭetāti** imam evam tedhātukam lokam jaṭṭetvā ṭhitam jaṭṭam vijaṭṭetā saṃchinditā sampadālayitā.

Taṅhāsaṅghāṭapaṭimukkoti taṅhā eva abbochinnaṃ pavattito saṅghaṭitattthēna saṅghāṭoti taṅhāsaṅghāṭo, tasmim taṅhāsaṅghāṭe paṭimukko anupaviṭṭho antogatoti taṅhāsaṅghāṭapaṭimukko. **Taṅhājālena otthaṭoti** taṅhā eva pubbe vuttanayena saṃsibbanatthēna jālanti taṅhājālam, tena taṅhājālena otthaṭo samantato chādito paliveṭhito. **Taṅhāsotena vuyhatīti** taṅhā eva saṃsāre ākaḍḍhanatthēna sototi taṅhāsoto, tena taṅhāsotena vuyhati ākaḍḍhīyati. **Taṅhāsaṅghojanena saṅghuttoti** taṅhā eva lokam vaṭṭasim saṃyojanato bandhanato saṃyojananti taṅhāsaṃyojanam, tena taṅhāsaṃyojanena saṅghutto baddho. **Taṅhānusayena anusaṭoti** taṅhā eva anusayanatthēna anusayoti taṅhānusayo, tena taṅhānusayena anusaṭo anugato thāmagato. **Taṅhāsantāpena santappatīti** taṅhā eva pavattikāle phalakāle ca lokam santāpetīti santāpo, tena taṅhāsantāpena santappati santāpiyati. **Taṅhāpariḷāhena pariḍayhatīti** taṅhā eva balavabhūtā pavattikāle phalakāle ca samantato dhanatthēna mahāpariḷāhoti taṅhāpariḷāho, tena taṅhāpariḷāhena pariḍayhati samantato ḍahīyati. **Diṭṭhisāṅghāṭādayo** imināva nayena yojetabbā.

Anugatoti anupaviṭṭho. **Anusaṭoti** anudhāvito. **Abhibhūtoti** pīlito. **Abbhāhatoti** abhiāhato abhimukham bhusam pahato. **Dukkhe paṭiṭṭhitoti** dukkhe khandhapaṅcake sukhavipallāsena paṭiṭṭhito abhiniviṭṭho.

Taṅhāya uḍḍitoti taṅhāya ullaṅghito. Cakkhu hi taṅhārajjunā āvunitvā rūpanāgadante uḍḍitam, sotādīni taṅhārajjunā āvunitvā saddādīnāgadantesu uḍḍitāni. Taṃsamaṅgīlokoṇi uḍḍitoyeva nāma. **Jarāpākāraparikkhittoti** anatikkamanīyatthēna pākārabhūtāya jarāya parivārito. **Maccupāsena parikkhittoti** dummoanīyatthēna pāsabhūtena maraṇena baddho. **Mahābandhanabaddhoti** daḷhattā ducchedattā ca mahantehi bandhanehi baddho. **Rāgabandhanenāti** rāgo eva bandhati saṃsārato calitum na detīti rāgabandhanam. Tena rāgabandhanena. Sesesupi eseve nayo. **Kilesabandhanenāti** vuttāvasesena kilesabandhanena. **Duccaribandhanenāti** tividhena. Sucaritam pana bandhanamokkhassa hetubhūtam bandhanamokkhabhūtaṅca atthi. Tasmā tam na gahetabbam.

Bandhanam mocetāti tassa bandhanam mocetā. Bandhanā mocetātipi pāṭho, bandhanato tam mocetāti attho. **Mahāsambādhappaṭipannoti** kusalasaṅcārapīlanena mahāsambādhasaṅkhātam rāgadosamohamānadīṭṭhikilesaduccaritagahanam paṭipanno. **Okāsam dassetāti** lokiyalokuttarasamādhipaññāokāsam dassetā. **Mahāpalibodhena palibuddhoti** mahānivāraṇena nivuto. Mahālepena vā litto. **Palibodhoti** ca rāgādisattavidho eva. “Taṅhādiṭṭhipalibodho”ti eke. **Palibodham chetāti** tam palibodham chinditā. **Mahāpapātetīti** paṅcagatipapāte, jāṭijarāmarāṇapapāte vā. Tam sabbampi duruttaraṇatthēna papāto. **Papātā uddhatāti** tamhā papātato uddharitā. **Mahākantārappaṭipannoti** jāṭijarābyādhimaraṇasokaparidevadukkhadomanassupāyāsakantāram paṭipanno. Sabbampi tam duratikkamanatthēna kantāro, tam **kantāram tāretā**. Kantārā tāretāti vā pāṭho. **Mahāsaṃsārappaṭipannoti** abbochinnaṃ khandhasantānam paṭipanno. **Saṃsārā mocetāti** saṃsārato mocetā. Saṃsāram mocetāti vā pāṭho. **Mahāviduggeti** saṃsāravidugge. Saṃsāroyeva hi duggamanatthēna viduggo. **Samparivattatīti** bhusam nivattitvā carati. **Mahāpalipeti** mahante kāmakkaddame. Kāmo hi ośīdanatthēna palipo. **Palipannoti** laggo. Mahāpalipalipannotipi pāṭho.

Abbhāhatoti sabbopaddavehi abbhāhato. **Rāgaggināti** rāgādayoyeva anudhanatthēna aggi, tena rāgagginā. Sesesupi eseve nayo. **Unnītakoti** uggahetvā nīto, jāṭiyā uggahetvā jarādiupaddavāya nītoti attho. Ka-kāro panettha anukampāya daṭṭhabbo. **Haṅṅati nīccamatāṇoti** parittāyakena rahito satatam pīlīyati. **Pattadaṇḍoti** rājādīhi laddhaāṇo. **Takkaroti** coro. **Vajjabandhanabaddhoti** rāgādivajjabandhanehi baddho. **Āghātanapaccupaṭṭhitoti** maraṇadhammaṅṭhikaṭṭhānam upecca ṭhito.

Koci bandhanā mocetā. Koci bandhanam mocetātipi pātho. **Anāthoti** natthi etassa nātho issaro, sayam vā na nātho na issaroti anātho, asaraṇoti vā attho. **Paramakāpaññappattoti** jarādipaṭibāhane appahutāya atīva kapaṇabhāvaṃ patto. **Tāyetāti** rakkhitā. Tāyitāti vā pātho sundaro. **Dukkābhittunnoti** jātidukkāhādīhi anekehi dukkhehi abhittunno atibyādhito atikampito ca. **Cirarattam pīloti** dukkheheva dīghamaddhānam pīlito ghaṭṭito. **Gadhiti** gedhena giddho, abhijjhākāyaganthena vā ganthito. **Niccam pipāsiti** pātum bhuñjitum icchā pipāsā, sā taṇhā eva, taṇhāpipāsāya nirantaram pipāsito.

Andhoti dassanaṭṭhena cakkhūti saṅkham gatāya paññāya abhāvato kāṇo. Paññā hi dhammasabhāvaṃ passati. **Acakkhukoti** tam pana andhattam na pacchā sambhūtam, pakatiyā eva avijjamānacakkhukoti tameva andhattam viseseti. **Hatanettoti** nayanaṭṭhena nettanti saṅkham gatāya paññāya abhāvato yeva vinaṭṭhanettako. Samavisamaṃ dassentaṃ atabhāvaṃ netīti nettanti hi vuttam. Paññāya sugatiṅca agatiṅca nayati. Hatanettattāyevassa netuabhāvaṃ dassento **aparīṇāyakoti** āha, avijjamānaneṭṭakoti attho. Aññopissa netā na vijjatīti vuttam hoti. **Vipathapakkhandoti** viparīto, visamo vā patho vipatho, tam vipatham pakkhando pavīṭṭho paṭipannoti vipathapakkhando, micchāpathasaṅkhātāṃ micchādīṭṭhiṃ paṭipannoti attho. **Añjasāparaddhoti** añjase ujumaggasmim majjhimaṭṭhapaṭipadāya aparaddho viraddho. **Ariyapatham ānetāti** ariyam aṭṭhaṅgikam maggam upaneṭṭa paṭipādayitā. **Mahoghapakkhandoti** yassa saṃvijjanti, tam vaṭṭasmim ohananti osīdāpentīti oghā, pakatioghato mahantā oghāti mahoghā. Te kāmogho bhavogho dīṭṭhogho avijjoghoti catuppabhedā. Te mahoghe pakkhando pavīṭṭhoti mahoghapakkhando, saṃsārasaṅkhātāṃ mahogham vā pakkhandoti.

118. Idāni ekuttarikanayo. Tattha **dvīhi dīṭṭhigatehīti** sassatucchedadīṭṭhīhi. Tattha dīṭṭhiyeva dīṭṭhigatam “gūthagatam muttagata”ntiādīni (a. ni. 9.11) viya. Gantabbābhāvato vā dīṭṭhiyā gatamattamevetanti dīṭṭhigatam, dīṭṭhīsu gatam idam dassanam dvāsattīdīṭṭhiantogadhattātipi dīṭṭhigatam. Dvāsattīhitesattīdīṭṭhiyopi hi sassatadīṭṭhi ucchedadīṭṭhīti dveva dīṭṭhiyo honti. Tasmā saṅkhepena sabbā dīṭṭhiyo anto karonto “dvīhi dīṭṭhigatehī”ti vuttam. **Pariyutṭhitoti** pariyutṭhānam patto samudācāram patto, uppajjitum appadānena kusalaṅcārassa gahaṇam pattoti attho. Vuttañhetam bhagavatā – “dvīhi, bhikkhave, dīṭṭhigatehi pariyutṭhitā devamanussā olīyanti eke, atidhāvanti eke, cakkhumanto ca passanti”tiādī (itīvu. 49).

Tīhi ducarītehīti tividhakāyaducarītena catubbidhavadīduccarītena tividhamanoducarītena. **Vipattipannoti** virūpaṃ paṭipanno, micchāpaṭipannoti attho. **Yogehi yuttoti** vaṭṭasmim yojeṭṭīti yogā, tīatthena vā yogā, tehi yogehi yutto samappito. **Catuyogayojitoti** kāmayogo, bhavayogo, dīṭṭhiyogo, avijjāyogoti imehi catūhi yogehi sakaṭasmim yogo viya vaṭṭasmim yojito. Pañcakāmaguṇiko rāgo kāmayogo. Rūpārūpabhavesu chandarāgo, jhānanikanti ca, sassatadīṭṭhisahajāto rāgo bhavavasena patthanā bhavayogo. Dvāsattīhi dīṭṭhiyo dīṭṭhiyogo. Aṭṭhasu ṭhānesu aññānam avijjāyogo. Te eva cattāro balavabhūtā oghā, dubbalabhūtā yogā.

Catūhi ganthehīti yassa saṃvijjanti, tam cutipaṭisandhivasena vaṭṭasmim ganthenti ghaṭṭentīti ganthā. Te abhijjhā kāyagantho, byāpādo kāyagantho, sīlabbataparāmāso kāyagantho, idamsaccābhiniveso kāyaganthoti catuppabhedā. Abhijjhāyanti etāya, sayam vā abhijjhāyati, abhijjhāyanamattameva vā esāti abhijjhā, lobhoyeva. Nāmakāyam gantheti cutipaṭisandhivasena vaṭṭasmim ghaṭṭentīti kāyagantho. Byāpajjati tena cittam pūtibhāvaṃ gacchati, byāpādayati vā vinayācārārūpasampattihitasukhādīnīti byāpādo. Ito bahiddhā samaṇabrāhmaṇānam sīlena suddhi vatena suddhi sīlavatena suddhīti parāmasanam sīlabbataparāmāso. Sabbaññubhāsītampi paṭikkhipitvā “sassato loko, idameva saccam moghamañña”ntiādīnā ākārena abhinivisatīti idamsaccābhiniveso. Tehi catūhi ganthehi ganthito, baddhoti attho.

Catūhi upādānehīti bhusam ādiyanti daḥhaggāham gaṇhantīti upādānā. Te kāmupādānam dīṭṭhupādānam sīlabbatupādānam attavādupādānanti catuppabhedā. Vatthusaṅkhātāṃ kāmam upādiyātīti kāmupādānam, kāmo ca so upādānañcātīpi kāmupādānam. Dīṭṭhi ca sā upādānañcātī dīṭṭhupādānam, dīṭṭhiṃ upādiyātītipi dīṭṭhupādānam. “Sassato attā ca loko cā”tiādīsu (paṭi. ma. 1.147) hi purimadīṭṭhiṃ uttaradīṭṭhi upādiyati. Sīlabbatam upādiyātīti sīlabbatupādānam, sīlabbatañca tam upādānañcātīpi

sīlabbatupādānaṃ. Gosīlagovatādāni hi evaṃ visuddhīti abhinivesato sayameva upādānāni. Vadanti etenāti vādo, upādiyanti etenāti upādānaṃ. Kiṃ vadanti, upādiyanti vā? Attānaṃ. Attano vādupādānaṃ attavādupādānaṃ, attavādamattameva vā attāti upādiyanti etenāti attavādupādānaṃ. Ṭhapetvā imā dve diṭṭhiyo sabbāpi diṭṭhī diṭṭhupādānaṃ. Tehi catūhi upādānehi. **Upādiyatīti** bhusaṃ gaṇhīyati. Upādiyatīti vā pāṭho, loko upādānehi taṃ taṃ ārammaṇaṃ bhusaṃ gaṇhātīti attho.

Pañcagatisamāruḷhoti sukata dukkaṭakāraṇehi gammati upasaṅkamīyatīti gati, saḥokāsakā khandhā. Nirayo tiracchānayoṇi pēttivisaḃo manussā devātī imā pañca gatiyo vakkamanabhāvena bhusaṃ āruḷho. **Pañcahi kāmagaṇehīti** rūpasaddagandharasaphoṭṭhabbasāṅkhātehi pañcahi vatthukāmakotṭhāsehi. **Rajjatīti** ayonisomanasikāraṃ paṭicca rāguppādanena tehi rañjīyati, sāratto karīyatīti attho. **Pañcahi nīvaraṇehīti** cittaṃ nīvaranti pariyaṇandhantīti nīvaraṇā. Kāmacchandabyāpādathinamidhaudhaccakukkucavīkicchāsāṅkhātehi pañcahi nīvaraṇehi. **Otthaṭoti** uparito pihito.

Chahi vivādamūlehīti chahi vivādassa mūlehi. Yathāha –

“Chayimāni, bhikkhave, vivādamūlāni. Katamāni cha? Idha, bhikkhave, bhikkhu kodhano hoti upanāhī. Yo so, bhikkhave, bhikkhu kodhano hoti upanāhī. So sattharipi agāraḃo viharati appatisso, dhammeḃi, saṅgheḃi, sikkhāyapi na paripūrakārī. Yo so, bhikkhave, bhikkhu satthari agāraḃo viharati appatisso, dhammeḃi, saṅgheḃi, sikkhāyapi na paripūrakārī, so saṅghe vivādaṃ janeti. Yo hoti vivādo bahujanāhitāya bahujanāsukhāya bahuno janassa anattāya ahitāya dukkhāya devamanussānaṃ. Evarūpaṃ ce tumhe, bhikkhave, vivādamūlaṃ ajjhattaṃ vā bahiddhā vā samanupasseyyātha, tatra tumhe, bhikkhave, tasseva pāpakassa vivādamūlassa pahānāya vāyameyyātha. Evarūpaṃ ce tumhe, bhikkhave, vivādamūlaṃ ajjhattaṃ vā bahiddhā vā na samanupasseyyātha. Tatra tumhe, bhikkhave, tasseva pāpakassa vivādamūlassa āyatīṃ anavassavāya paṭipajjeyyātha. Evametassa pāpakassa vivādamūlassa pahānaṃ hoti. Evametassa pāpakassa vivādamūlassa āyatīṃ anavassavo hoti.

“Puna caparaṃ, bhikkhave, bhikkhu makkhī hoti paḷāsī. Issukī hoti maccharī. Saṭho hoti māyāvī. Pāpiccho hoti micchādīṭṭhi. Sandīṭṭhiparāmāsī hoti ādhānaggāhī duppaṭinissaggī. Yo so, bhikkhave, bhikkhu sandīṭṭhiparāmāsī hoti ādhānaggāhī duppaṭinissaggī, so sattharipi...pe... āyatīṃ anavassavo hotī”ti (pari. 272; a. ni. 6.36).

Tattha **kodhanoti** kujjhanalakkhaṇena kodhena samannāgato. **Upanāhīti** veraappaṭinissajjanalakkhaṇena upanāhena samannāgato. **Ahitāya dukkhāya devamanussānanti** dvinnaṃ bhikkhūnaṃ vivādo kathaṃ devamanussānaṃ ahitāya dukkhāya saṃvattatīti? Kosambakakkhandhake (mahāva. 451 ādayo) viya dvīsu bhikkhūsu vivādaṃ āpannesu tasmīṃ vihāre tesāṃ antevāsikā vivadanti, tesāṃ ovādaṃ gaṇhanto bhikkhunisaṅgho vivadati, tato tesāṃ upaṭṭhākāpi vivadanti. Atha manussānaṃ ārakkhadevatā dve koṭṭhāsā honti. Dhammavādīnaṃ ārakkhadevatā dhammavādīniyo honti adhammavādīnaṃ adhammavādīniyo. Tato ārakkhadevatānaṃ mittā bhummaṭṭhadevatā bhijjanti. Evaṃ paramparāya yāva brahmalokā ṭhapetvā ariyasāvake sabbe devamanussā dve koṭṭhāsā honti. Dhammavādīhi pana adhammavādīnova bahutarā honti. Tato yaṃ bahuḃeḃi gahitaṃ, sabbaṃ taṃ saccanti dhammaṃ vissajjetvā bahutarāva adhammaṃ gaṇhanti. Te adhammaṃ purakkhatvā viharantā apāyesu nibbattanti. Evaṃ dvinnaṃ bhikkhūnaṃ vivādo devamanussānaṃ ahitāya dukkhāya hoti. **Ajjhattaṃ vāti** tumhākaṃ abhantaraparīsāya vā. **Bahiddhā vāti** paresāṃ parīsāya vā. **Makkhīti** paresāṃ guṇamakkhaṇalakkhaṇena makkhena samannāgato. **Paḷāsīti** yugaggāhalakkhaṇena paḷāsena samannāgato. **Issukīti** paresāṃ sakkārādiissāyanalakkhaṇāya issāya samannāgato. **Maccharīti** āvāsamacchariyādīhi pañcahi macchariyehi samannāgato. **Saṭhoti** kerāṭiko. **Māyāvīti** katapāpapaṭicchādako. **Pāpicchoti** asantasambhāvanicchako dussīlo. **Micchādīṭṭhīti** natthikavādī ahetukavādī akiriyavādī. **Sandīṭṭhiparāmāsīti** sayāṃ diṭṭhimeva parāmasati. **Ādhānaggāhīti** daḷhaggāhī. **Duppaṭinissaggīti** na sakkā hoti gahitaṃ vissajjāpetuṃ. Khuddakavattthuvibhaṅge pana “tattha katamāni cha vivādamūlāni? Kodho makkho issā sāṭheyyaṃ pāpicchatā sandīṭṭhiparāmāsītā, imāni

cha vivādamūlānī”ti (vibha. 944) padhānavasena ekekoyeva dhammo vutto.

Chahi taṇhākāyehīti “rūpaṇhā, saddaṇhā, gandhaṇhā, rasaṇhā, phoṭṭhabbaṇhā, dhammaṇhā”ti (vibha. 944) vuttāhi chahi taṇhāhi. Tattha yasmā ekekāyeva taṇhā anekavisayattā ekekasmimpi visaye punappunaṃ uppattito anekā honti, tasmā samūhaṭṭhena kāyasaddena yojetvā taṇhākāyāti vuttaṃ. Taṇhākāyāti vuttepi taṇhā eva. **Rajjati**ti sayam ārammaṇe rajjati, sāratto hoti.

Chahi diṭṭhigatehīti sabbāsavasutte vuttehi. Vuttañhi tattha –

“Tassa evaṃ ayoniso manasikaroto channaṃ diṭṭhīnaṃ aññatarā diṭṭhi uppajjati. ‘Atthi me attā’ti vā assa saccato thetato diṭṭhi uppajjati, ‘natthi me attā’ti vā assa saccato thetato diṭṭhi uppajjati, ‘attanāva attānaṃ sañjānāmī’ti vā assa saccato thetato diṭṭhi uppajjati, ‘attanāva anattānaṃ sañjānāmī’ti vā assa saccato thetato diṭṭhi uppajjati, ‘anattanāva attānaṃ sañjānāmī’ti vā assa saccato thetato diṭṭhi uppajjati. Atha vā panassa evaṃ diṭṭhi hoti ‘yo me ayaṃ attā vado vedeyyo tatra tatra kalyāṇapāpakānaṃ kammānaṃ vipākaṃ paṭisaṃvedeti, so ca kho pana me ayaṃ attā nicco dhuvo sassato avipariṇāmadhammo sassatisamaṃ tatheva ṭhassati’”ti (ma. ni. 1.19).

Tattha **atthi me attāti** sassatadiṭṭhi sabbakālesu attano atthitaṃ gaṇhāti. **Saccato thetatoti** bhūtato ca thirato ca, “idaṃ sacca”nti suṭṭhu daḷhabhāvenāti vuttaṃ hoti. **Natthi me attāti** ucchedadiṭṭhi sato sattassa tattha tattha vibhavaggahaṇato. Atha vā purimāpi tīsu kālesu atthīti gahaṇato sassatadiṭṭhi, paccuppannameva atthīti gaṇhantī ucchedadiṭṭhi, pacchimāpi atītānāgatesu natthīti gahaṇato “bhassantā āhutiyo”ti gahitadiṭṭhigatikānaṃ viya ucchedadiṭṭhi. Atīte eva natthīti gaṇhantī adhiccasaṃmuppannakassa viya sassatadiṭṭhi. **Attanāva attānaṃ sañjānāmīti** saññākkhandhasīsenā khandhe attāti gahetvā saññāya avasesakkhandhe sañjānato iminā attanā imaṃ attānaṃ sañjānāmīti hoti. **Attanāva anattānanti** saññākkhandhaṃyeva attāti gahetvā, itare cattāropi anattāti gahetvā saññāya te sañjānato evaṃ hoti. **Anattanāva attānanti** saññākkhandhaṃ anattāti gahetvā, itare cattāropi attāti gahetvā saññāya te sañjānato evaṃ hoti. Sabbāpi sassatucchedadiṭṭhiyova. **Vado vedeyyoti**ādayo pana sassatadiṭṭhiyā eva abhinivesākārā. Tattha vadatīti vado, vacīkammassa kārakoti vuttaṃ hoti. Vedayatīti vedeyyo, jānāti anubhavati cāti vuttaṃ hoti. Kiṃ vedetīti? **Tatra tatra kalyāṇapāpakānaṃ kammānaṃ vipākaṃ paṭisaṃvedeti. Tatra tatrāti** tesu tesu yonigatiṭṭhitinivāsānikāyesu ārammaṇesu vā. **Niccoti** uppādayarahito. **Dhuvoti** thiro sārabhūto. **Sassatoti** sabbakāliko. **Avipariṇāmadhammoti** attano pakatibhāvaṃ avijānaḍḍhammo, kakaṇṭako viya nānappakārataṃ nāpajjati. **Sassatisamanti** candasūriyasamuddamahāpathavīpabbatā lokavohārena sassatiyoti vuccanti. Sassatīhi samaṃ sassatisamaṃ. Yāva sassatiyo tiṭṭhanti, tāva tatheva ṭhassatīti gaṇhato evaṃ diṭṭhi hoti.

Khuddakavatthuvibhaṅge pana “tatra tatra dīgharattaṃ kalyāṇapāpakānaṃ kammānaṃ vipākaṃ paccanubhoti, na so jāto nāhosi, na so jāto na bhavissati, nicco dhuvo sassato avipariṇāmadhammoti vā panassa saccato thetato diṭṭhi uppajjati”ti (vibha. 948) cha diṭṭhī evaṃ visesetvā vuttā.

Tattha **na so jāto nāhosi**ti so attā ajātidhammato na jāto nāma, sadā vijjānānoyevāti attho. Teneva atīte nāhosi, anāgate na bhavissati. Yo hi jāto, so ahosi. Yo ca jāyissati, so bhavissatīti vuccati. Atha vā **na so jāto nāhosi**ti so sadā vijjānānattā atītepi na jāto na ahosi, anāgatepi na jāto na bhavissati. **Anusayā** vuttatthā.

Sattahi saññojanehīti sattakanipāte vuttehi. Vuttañhi tattha –

“Sattimāni, bhikkhave, saṃyojanāni. Katamāni satta? Anunayasamyojanaṃ, paṭighasamyojanaṃ, diṭṭhisamyojanaṃ, vicikicchāsamyojanaṃ, mānasamyojanaṃ, bhavarāgasamyojanaṃ, avijjāsamyojanaṃ. Imāni kho, bhikkhave, satta saṃyojanāni”ti (a. ni. 7.8).

Tattha **anunayasamyojananti** kāmarāgasamyojanaṃ. Sabbānevetāni bandhanaṭṭhena saṃyojanāni.

Sattahi mānehīti khuddakavatthuvibhaṅge vutthehi. Vuttañhi tattha –

“Māno, atimāno, mānātimāno, omāno, adhimāno, asmimāno, micchāmāno”ti (vibha. 950).

Tattha **mānoti** seyyādivasena puggalaṃ anāmasitvā jātiādīsu vatthivaseneva unnati. **Atimānoti** jātiādīhi “mayā sadiso natthī”ti atikkamitvā unnati. **Mānātimānoti** “ayaṃ pubbe mayā sadiso, idāni ahaṃ seṭṭho, ayaṃ hīnataro”ti uppannamāno. **Omānoti** jātiādīhi attānaṃ heṭṭhā katvā pavattamāno, hīnohamasmīti mānoyeva. **Adhimānoti** anadhigateyeva catusaccadhamme adhigatoti māno. Ayaṃ pana adhimāno parisuddhasīlassa kammaṭṭhāne appamattassa nāmarūpaṃ vavatthapetvā paccayapariggahena vitīṇṇakaṅkhassa tilakkhaṇaṃ āropetvā saṅkhāre sammasantassa āradhāvippassakassa puthujjanassa uppajjati, na aññesaṃ. **Asmimānoti** rūpādīsu khandhesu asmīti māno, “ahaṃ rūpa”ntīdivasena uppannamānoti vuttaṃ hoti. **Micchāmānoti** pāpakena kammāyatanādinā uppannamāno.

Lokadhammā vuttatthā. **Samparivattatīti** lokadhammehi hetubhūtehi lābhādīsu catūsu anurodhavasena, alābhādīsu catūsu paṭivirodhavasena bhusaṃ nivattati, pakatibhāvaṃ jahātīti attho. **Micchattāpi** vuttatthā. **Niyyātoti** gato pakkhando, abhibhūtoti attho.

Aṭṭhahi purisadosehīti aṭṭhakanipāte upamāhi saha, khuddakavatthuvibhaṅge upamaṃ vinā vutthehi. Vuttañhi tattha –

“Katame aṭṭha purisadosā? Idha bhikkhū bhikkhuṃ āpattiyā codenti. So bhikkhu bhikkhūhi āpattiyā codiyamāno ‘na sarāmi na sarāmī’ti assatīyāva nibbeṭheti. Ayaṃ paṭhamo purisadoso.

“Puna caparaṃ bhikkhū bhikkhuṃ āpattiyā codenti. So bhikkhu bhikkhūhi āpattiyā codiyamāno codakaṃyeva paṭippharati ‘kiṃ nu kho tuyhaṃ bālassa abyattassa bhaṇitena, tvampi nāma maṃ bhaṇitabbaṃ maññasī’ti? Ayaṃ dutiyo purisadoso.

“Puna caparaṃ bhikkhū bhikkhuṃ āpattiyā codenti. So bhikkhu bhikkhūhi āpattiyā codiyamāno codakaṃyeva paccāropeti ‘tvampi khosi itthannāmaṃ āpattiṃ āpanno, tvaṃ tāva paṭhamam paṭikarohī’ti. Ayaṃ tatiyo purisadoso.

“Puna caparaṃ bhikkhū bhikkhuṃ āpattiyā codenti. So bhikkhu bhikkhūhi āpattiyā codiyamāno aññenaññaṃ paṭicarati, bahiddhā kathaṃ apanāmeti, kopañca dosañca appaccayañca pātukaroti. Ayaṃ catuttho purisadoso.

“Puna caparaṃ bhikkhū bhikkhuṃ āpattiyā codenti. So bhikkhu bhikkhūhi āpattiyā codiyamāno saṅghamajjhe bāhāvikkhepakam bhaṇati. Ayaṃ pañcama purisadoso.

“Puna caparaṃ bhikkhū bhikkhuṃ āpattiyā codenti. So bhikkhu bhikkhūhi āpattiyā codiyamāno anādiyitvā saṅgham anādiyitvā codakam sāpattikova yena kāmam pakkamati. Ayaṃ chaṭṭho purisadoso.

“Puna caparaṃ bhikkhū bhikkhuṃ āpattiyā codenti. So bhikkhu bhikkhūhi āpattiyā codiyamāno ‘nevāham āpannomhi, na panāham anāpannomhi’ti so tuṅhībhūto saṅgham viheseti. Ayaṃ sattamo purisadoso.

“Puna caparaṃ bhikkhū bhikkhuṃ āpattiyā codenti. So bhikkhu bhikkhūhi āpattiyā codiyamāno evamāha – ‘kiṃ nu kho tumhe āyasmanto atibāḷhaṃ mayi byāvaṭā? Idānāham sikkham paccakkhāya hīnāyāvattissāmī’ti. So sikkham paccakkhāya hīnāyāvattitvā evamāha ‘idāni kho tumhe āyasmanto attamaṇā hothā’ti. Ayaṃ aṭṭhama purisadoso. Ime aṭṭha purisadosā”ti (vibha. 957; a. ni. 8.14).

Tattha **purisadosāti** purisānaṃ dosā, te pana purisasantānaṃ dūsentīti dosā. **Na sarāmi na sarāmīti** “mayā etassa kammassa kataṭṭhānaṃ nassarāmi na sallakkhemī”ti evaṃ assatibhāvena nibbeṭheti moceti. **Codakamyeva paṭippharātīti** paṭiviruddho hutvā pharati, paṭiānibhāvena tiṭṭhati. **Kiṃ nu kho tuyhanti** tuyhaṃ bālassa abyattassa bhaṇitena nāma kiṃ, yo tvaṃ neva vatthūṃ, na āpattim, na codanaṃ jānāsīti dīpeti. Tvampi nāma evaṃ kiñci ajānanto bhaṇitabbaṃ maññasīti ajjhottharati. **Paccāropetīti** “tvampi khosi”tiādīni vadanto patiāropeti. **Paṭikarohīti** desanāgāminim desehi, vuṭṭhānagāminito vuṭṭhāhi, tato suddhante patiṭṭhito aññaṃ codessasīti dīpeti. **Aññenaññaṃ paṭicarātīti** aññena kāraṇena, vacanena vā aññaṃ kāraṇaṃ, vacanaṃ vā paṭicchādeti. “Āpattim āpannosī”ti vutto “ko āpanno, kiṃ āpanno, kismim āpanno, kathaṃ āpanno, kaṃ bhaṇatha, kiṃ bhaṇathā”ti bhaṇati. “Evarūpaṃ kiñci tayā diṭṭha”nti vutte “na suṇāmi”ti sotaṃ upaneti. **Bahiddhā kathaṃ apanāmetīti** “itthannāmaṃ āpattim āpannosī”ti puṭṭho “pāṭaliputtam gatohī”ti vatvā puna “na tava pāṭaliputtagamanaṃ pucchāmā”ti vutte tato rājagahaṃ gatohīti. “Rājagahaṃ vā yāhi brāhmaṇagehaṃ vā, āpattim āpannosī”ti. “Tattha me sūkaramaṃsaṃ laddha”ntiādīni vadanto kathaṃ bahiddhā vikkhipati. **Kopanti** kupitabhāvaṃ, **dosanti** duṭṭhabhāvaṃ. Ubhayampetaṃ kodhasseva nāmaṃ. **Appaccayanti** asantuṭṭhākāraṃ, domanassassetam nāmaṃ. **Pātukarotīti** dasseti pakāseti. **Bāhāvikkhepakam bhaṇatīti** bāhaṃ vikkhipitvā vikkhipitvā alajjivacanaṃ vadati. **Anādiyitvāti** cittikārena aggahetvā avajānitvā, anādaro hutvāti attho. **Vihesetīti** viheṭheti bādhati. **Atibāhanti** atidaḥhaṃ atippamaṇaṃ. **Mayi byāvaṭāti** mayi byāpāraṃ āpannā. **Hīnāvattitvāti** hīnassa gihibhāvassa atthāya āvattitvā, gihī hutvāti attho. **Attamanā hothāti** tuṭṭhacittā hotha, “mayā labhitabbaṃ labhatha, mayā vasitabbaṭṭhāne vasatha, phāsuvihāro vo mayā kato”ti adhippāyena vadati. **Dussatīti** duṭṭho hoti.

Navahi āghātavatthūhīti sattesu uppattivaseneva kathitāni. Yathāha –

“Navayimāni, bhikkhave, āghātavatthūni. Katamāni nava? ‘Anatthaṃ me acarī’ti āghātaṃ bandhati, ‘anattaṃ me caratī’ti āghātaṃ bandhati, ‘anattaṃ me carissatī’ti āghātaṃ bandhati, ‘piyassa me manāpassa anattaṃ acari, anattaṃ carati, anattaṃ carissatī’ti āghātaṃ bandhati, ‘appiyassa me amanāpassa atthaṃ acari, atthaṃ carati, atthaṃ carissatī’ti āghātaṃ bandhati. Imāni kho, bhikkhave, nava āghātavatthūnī”ti (a. ni. 9.29).

Tattha **āghātavatthūnīti** āghātakāraṇāni. **Āghātanti** cettha kopo, soyeva uparūpari kopassa vatthuttā āghātavatthū. **Āghātaṃ bandhatīti** kopam bandhati karoti uppādeti. “Atthaṃ me nācari, na carati, na carissati. Piyassa me manāpassa atthaṃ nācari, na carati, na carissati. Appiyassa me amanāpassa anattaṃ nācari, na carati, na carissatī”ti (mahāni. 85; vibha. 960; dha. sa. 1066) niddese vuttāni aparānipi nava āghātavatthūni imeheva navahi saṅghatāni. **Āghātītōti** ghaṭṭito.

Navavidhamānehīti katame navavidhamānā? Seyyassa seyyohamasmīti māno, seyyassa sadisohamasmīti māno, seyyassa hīnohamasmīti māno. Sadisassa seyyohamasmīti māno, sadisassa sadisohamasmīti māno, sadisassa hīnohamasmīti māno. Hīnassa seyyohamasmīti māno, hīnassa sadisohamasmīti māno, hīnassa hīnohamasmīti māno. Ime navavidhamānā (vibha. 962).

Ettha pana **seyyassa seyyohamasmīti māno** rājūnañceva pabbajitānañca uppajjati. Rājā hi “raṭṭhena vā dhanena vā vāhanehi vā ko mayā sadiso atthī”ti etaṃ mānaṃ karoti, pabbajitopi “sīladhutaṅgādīhi ko mayā sadiso atthī”ti etaṃ mānaṃ karoti.

Seyyassa sadisohamasmīti mānōpi etesaṃyeva uppajjati. Rājā hi “raṭṭhena vā dhanena vā vāhanehi vā aññarājūhi saddhim mayhaṃ kiṃ nānākaraṇa”nti etaṃ mānaṃ karoti, pabbajitopi “sīladhutaṅgādīhi aññena bhikkhunā mayhaṃ kiṃ nānākaraṇa”nti etaṃ mānaṃ karoti.

Seyyassa hīnohamasmīti mānōpi etesaṃyeva uppajjati. Yassa hi rañño raṭṭhaṃ vā dhanam vā vāhanādīni vā nātisampannāni hontī, so “mayhaṃ rājāti vohārasukhamattakameva, kiṃ rājā nāma aha”nti etaṃ mānaṃ karoti, pabbajitopi appalābhasakkāro “ahaṃ dhammakathiko bahussuto mahātheroti kathāmattameva, kiṃ dhammakathiko nāmāhaṃ, kiṃ bahussuto nāmāhaṃ, kiṃ mahāthero nāmāhaṃ,

yassa me lābhasakkāro natthī”ti etaṃ mānaṃ karoti.

Sadisassa seyyohamasmīti mānādayo amaccādīnaṃ uppajjanti. Amacco vā hi raṭṭhiyo vā “bhogayānavāhanādīhi ko mayā sadiso añño rājapuriso atthī”ti vā, “mayhaṃ aññehi saddhiṃ kiṃ nānākaraṇa”nti vā, “amaccoti nāmameva mayhaṃ, ghāsacchādanamattampi me natthi, kiṃ amacco nāmāha”nti vā etaṃ mānaṃ karoti.

Hīnassa seyyohamasmīti mānādayo dāsādīnaṃ uppajjanti. Dāso hi “mātito vā pitito vā ko mayā sadiso añño dāso nāma atthi, aññe jīvituṃ asakkontā kucchihetu dāsā nāma jātā, ahaṃ pana paveniāgatattā seyyo”ti vā, “paveniāgatabhāvena ubhatosuddhikadāsattena asukadāsena nāma saddhiṃ mayhaṃ kiṃ nānākaraṇa”nti vā, “kucchivasenāhaṃ dāsabyaṃ upagato, mātāpitukoṭiyā pana me dāsattāhānaṃ natthi, kiṃ dāso nāma aha”nti vā etaṃ mānaṃ karoti. Yathā ca dāso, evaṃ pukkusacaṇḍālādayopi etaṃ mānaṃ karontiyeva. Ettha ca seyyassa seyyohamasmīti uppannamānova yāthāvamāno, itare dve ayāthāvamānā. Tathā sadisassa sadisohamasmīti hīnassa hīnohamasmīti uppannamānova yāthāvamāno, itare dve ayāthāvamānā. Tatha yāthāvamānā arahattamaggavajjhā, ayāthāvamānā sotāpattimaggavajjhāti.

Taṇhāmūlakā vuttāyeva. **Rajjatīti** na kevalaṃ rāgeneva rajjati, atha kho taṇhāmūlakānaṃ pariyesanādīnampi sambhavato taṇhāmūlakehi sabbehi akusaladhammehi rajjati, yujjati bajjhatīti adhippāyo.

Dasahi kilesavatthūhīti katamāni dasa kilesavatthūni? Lobho, doso, moho, diṭṭhi, vicikicchā, thināṃ, uddhaccaṃ, ahirikaṃ, anottappanti imāni dasa kilesavatthūni (vibha. 966).

Tattha kilesā eva **kilesavatthūni**, vasanti vā ettha akhīṇāsavā sattā lobhādīsu patiṭṭhitattāti vatthūni, kilesā ca te tappatiṭṭhānaṃ sattānaṃ vatthūni cāti kilesavatthūni. Yasmā cettha anantarapaccayādibhāvena uppajjamānāpi kilesā vasanti eva nāma, tasmā kilesānaṃ vatthūnītipi kilesavatthūni. Lubbhanti tena, sayāṃ vā lubbhati, lubbhanamattameva vā tanti **lobho**. Dussanti tena, sayāṃ vā dussati, dussanamattameva vā tanti **doso**. Muyhanti tena, sayāṃ vā muyhati, muyhanamattameva vā tanti **moho**. Maññatīti **māno**. **Diṭṭhi**ādayo vuttatthāva. Na hiriyatīti ahiriko, tassa bhāvo **ahirikaṃ**. Na ottappatīti anottappī, tassa bhāvo **anottappaṃ**. Tesu ahirikaṃ kāyaduccarītādīhi ajjucchanalakkhaṇaṃ, anottappaṃ teheva asārajjanalakkhaṇaṃ, **kilissatīti** upatāpīyati vibādhiyati.

Dasahi āghātavatthūhīti pubbe vuttehi navahi ca “aṭṭhāne vā panāghāto jāyatī”ti (dha. sa. 1066) vuttena cāti dasahi. Anattaṃ me acarītiādīnīpi hi avikappetvā khāṇukaṇṭakādīhipi aṭṭhāne āghāto uppajjati.

Dasahi akusalakammapathehīti katame dasa akusalakammapatthā (dī. ni. 3.360)? Pāṇātipāto, adinnādānaṃ, kāmesumicchācāro, musāvādo, piṣuṇā vācā, pharusā vācā, samphappalāpo, abhijjhā, byāpādo, micchādiṭṭhi. Ime dasa akusalakammapatthā. Tattha akusalakammāni ca tāni pathā ca duggatīyāti **akusalakammapatthā**. **Samannāgatoti** samaṅgībhūto.

Dasahi saññojanehīti katamāni dasa saṃyojanāni (dha. sa. 1118)? Kāmarāgasamyojanaṃ, paṭighasamyojanaṃ, mānasamyojanaṃ, diṭṭhisamyojanaṃ, vicikicchāsamyojanaṃ, sīlabbataparāmāsasamyojanaṃ, bhavarāgasamyojanaṃ, issāsamyojanaṃ, macchariyasamyojanaṃ, avijjāsamyojanaṃ, imāni dasa saṃyojanāni. **Micchattā** vuttāyeva.

Dasavatthukāya micchādiṭṭhiyāti katamā dasavatthukā micchādiṭṭhi (vibha. 971)? Natthi dīnaṃ, natthi yitṭhaṃ, natthi hutāṃ, natthi sukata dukkaṭānaṃ kammānaṃ phalaṃ vipāko, natthi ayaṃ loko, natthi paro loko, natthi mātā, natthi pitā, natthi sattā opapātikā, natthi loke samaṇabrāhmaṇā sammaggatā sammāpaṭipannā ye imaṇca lokaṃ paraṇca lokaṃ sayāṃ abhiññā sacchikatvā pavedenti. Ayaṃ dasavatthukā micchādiṭṭhi.

Tattha **dasavatthukā**ti dasa vatthūni etissāti dasavatthukā. **Natthi dinnanti** dinnaṃ nāma atthi, sakkā kassaci kiñci dātunti jānāti. Dinnassa pana phalaṃ vipāko natthīti gaṇhāti. **Natthi yiṭṭhanti** yiṭṭhaṃ vuccati mahāyāgo, taṃ yajituṃ sakkāti jānāti. Yiṭṭhassa pana phalaṃ vipāko natthīti gaṇhāti. **Hutanti** āhunapāhunamaṅgalakiriyā, taṃ kātuṃ sakkāti jānāti. Tassa pana phalaṃ vipāko natthīti gaṇhāti. **Sukatadukkaṭṭananti** ettha dasa kusalakammaphā sukatakammāni nāma, dasa akusalakammaphā dukkaṭṭakammāni nāma. Tesam atthibhāvaṃ jānāti. Phalaṃ vipāko pana natthīti gaṇhāti. **Natthi ayam lokoti** paraloke ʒhito imaṃ lokaṃ natthīti gaṇhāti. **Natthi paro lokoti** idhaloke ʒhito paralokaṃ natthīti gaṇhāti. **Natthi mātā natthi pitāti** mātāpitūnaṃ atthibhāvaṃ jānāti. Tesu katappaccayena koci phalaṃ vipāko natthīti gaṇhāti. **Natthi sattā opapātikāti** cavanakaupapajjanakasattā natthīti gaṇhāti. **Sammaggatā sammāpaṭipannāti** anulomapaṭipadaṃ paṭipannā dhammikasamaṇabrāhmaṇā lokasmiṃ natthīti gaṇhāti. **Ye imaṅca lokaṃ...pe... pavedenti**ti imaṅca paraṅca lokaṃ attanāva abhivisiṭṭhena ṅāṇena ṅatvā pavedanasamattho sabbaṅṅū buddho natthīti gaṇhāti.

Antaggāhikāya diṭṭhiyāti “sassato loko”tiādikaṃ ekekaṃ antaṃ bhāgaṃ gaṇhātīti antaggāhikā. Atha vā antassa gāho antaggāho, antaggāho assā atthīti antaggāhikā. Tāya antaggāhikāya. Sā pana vuttāyeva.

Aṭṭhasatataṅhāpapañcasatehīti aṭṭhuttaraṃ satam aṭṭhasatam. Saṃsāre papañceti ciraṃ vasāpetīti papañco, taṅhā eva papañco taṅhāpapañco, ārammaṇabhedena punappunaṃ uppattivāsena ca taṅhānaṃ bahukattā bahuvacanaṃ katvā taṅhāpapañcānaṃ satam taṅhāpapañcasatam. Tena “taṅhāpapañcasatenā”ti vattabbe vacanavipallāsavasena “taṅhāpapañcasatehī”ti bahuvacananiddeso kato. Aṭṭhasatanti saṅkhātena taṅhāpapañcasatenāti attho daṭṭhabbo. Aṭṭha abbohārikāni katvā satameva gahitanti veditabbaṃ. Khuddakavatthuvibhaṅge pana taṅhāvicarītānīti āgataṃ. Yathāha –

“Aṭṭhārasa taṅhāvicarītāni ajjhakkassa upādāya, aṭṭhārasa taṅhāvicarītāni bāhirassa upādāya, tadekajjhaṃ abhisāṅṅuhitvā abhisāṅṅhipitvā chattiṃsa taṅhāvicarītāni honti. Iti atītāni chattiṃsa taṅhāvicarītāni, anāgatāni chattiṃsa taṅhāvicarītāni, paccuppannāni chattiṃsa taṅhāvicarītāni tadekajjhaṃ abhisāṅṅuhitvā abhisāṅṅhipitvā aṭṭhataṅhāvicaritasatam hotī”ti (vibha. 842).

Taṅhāpapañcāyeva panettha **taṅhāvicarītānīti** vuttā. Taṅhāsamudācārā taṅhāpavattiyoti attho. **Ajjhattikassa upādāyāti** ajjhakkassa khandhapañcakaṃ upādāya. Idaṅhi upayogathe sāmivacanaṃ. Vitthāro panassa tassa niddese (vibha. 973) vuttanayeneva veditabbo. Ayam pana aparo nayo – rūpārammaṇāyeva kāmataṅhā, bhavataṅhā, vibhavataṅhāti tisso taṅhā hontī, tathā saddādiārammaṇāti chasu ārammaṇesu aṭṭhārasa taṅhā hontī, ajjhattārammaṇā aṭṭhārasa, bahiddhārammaṇā aṭṭhārasāti chattiṃsa hontī. Tā eva atītārammaṇā chattiṃsa, anāgatārammaṇā chattiṃsa, paccuppannārammaṇā chattiṃsāti aṭṭhataṅhāvicaritasatam hotī. **Papañcitoti** ārammaṇe, saṃsāre vā papañcito ciravāsito.

Dvāsaṭṭhiyā diṭṭhigatehīti “katamāni dvāsaṭṭhi diṭṭhigatāni brahmajāle veyyākaraṇe vuttāni bhagavatā? Cattāro sassatavādā, cattāro ekaccasassatavādā, cattāro antānantikā, cattāro amarāvikkhepikā, dve adhiccasamuppannikā, soḷasa saṅṅivādā, aṭṭha asaṅṅivādā, aṭṭha nevasaṅṅināsaṅṅivādā, satta ucchedavādā, pañca diṭṭhadhammanibbānavādāti imāni dvāsaṭṭhi diṭṭhigatāni brahmajāle veyyākaraṇe vuttāni bhagavatā”ti (vibha. 977). Vitthāro panettha brahmajālasutte vuttanayeneva veditabbo.

Ahaṅcamhi tiṅṅoti ahaṅca caturogaṃ, saṃsārasamuddaṃ vā tiṅṅo amhi bhavāmi. **Muttoti** rāgādibandhanehi mutto. **Dantoti** nibbisevano nipparipphando. **Santoti** sītībhūto. **Assatthoti** nibbānadassane laddhassāso. **Parinibbutoti** kilesaparinibbānena parinibbuto. **Pahomīti** samatthomhi. **Khoiti** ekaṃsatthe nipāto. **Pare ca parinibbāpetunti** ettha pare ca-saddo “pare ca tāretu”ntiādīhipi yojetabboti.

Mahākaruṇāṅṅānaniddesavaṅṅanā niṭṭhitā.

72-73. Sabbaṅṅūtaṅṅānaniddesavaṅṅanā

119. Sabbaññutaññāṇaniddese **katamaṃ tathāgatassa sabbaññutaññāṇanti** pucchitvā tena samagatikattā teneva saha anāvaraṇaṇāṇaṃ niddiṭṭhaṃ. Na hi anāvaraṇaṇāṇaṃ dhammato viṣuṃ atthi, ekameva hetuṃ ñāṇaṃ ākārabhedato dvedhā vuccati saddhindriyasaddhābalādīni viya. Sabbaññutaññāṇameva hi natthi etassa āvaraṇanti, kenaci dhammena, puggalena vā āvaraṇaṃ kātuṃ asakkuṇeyyatāya anāvaraṇanti vuccati āvajjanaṇapaṭibaddhattā sabbadhammānaṃ. Aññe pana āvajjitvāpi na jānanti. Keci panāhu ‘‘manoviññāṇaṃ viya sabbārammaṇikattā sabbaññutaññāṇaṃ. Taṃyeva ñāṇaṃ indavajiraṃ viya visayesu appaṭihatattā anāvaraṇaṇāṇaṃ. Anupubbasabbaññutāpaṭikkhepo sabbaññutaññāṇaṃ, sakimsabbaññutāpaṭikkhepo anāvaraṇaṇāṇaṃ, bhagavā sabbaññutaññāṇapaṭilābhenapi sabbaññūti vuccati, na ca anupubbasabbaññū. Anāvaraṇaṇāṇapaṭilābhenapi sabbaññūti vuccati, na ca sakimsabbaññū’’ti.

Sabbaṃ saṅkhatamasāṅkhatam anavasesaṃ jānāti ettha **sabbanti** jātivaseṇa sabbadhammānaṃ nissesapariyādānaṃ. **Anavasesanti** ekekasseva dhammassa sabbākāravaseṇa nissesapariyādānaṃ. **Saṅkhatamasāṅkhatanti** dvidhā pabhedadassanaṃ. Saṅkhatañhi eko pabhedo, asaṅkhatam eko pabhedo. Paccayehi saṅgama katanti saṅkhatam. Khandhapañcakaṃ. Tathā na saṅkhatanti asaṅkhatam. Nibbānaṃ. Saṅkhatam aniccadukkhaṇattādīhi ākārehi anavasesaṃ jānāti, asaṅkhatam suññatānimittaappaṇihitādīhi ākārehi anavasesaṃ jānāti. Natthi etassa saṅkhatassa asaṅkhatassa ca avasesoti anavasesaṃ. Saṅkhatam asaṅkhatañca. Anekabhedāpi paññatti paccayehi akatattā asaṅkhatapakkaṃ bhajati. Sabbaññutaññāṇaṇhi sabbāpi paññattiyo anekabhedato jānāti. Atha vā **sabbanti** sabbadhammaggaṇaṃ. **Anavasesanti** nippadesaggaṇaṃ. **Tattha āvaraṇaṃ natthīti** tattha tasmim anavasese saṅkhatāsaṅkhate nissaṅgattā sabbaññutaññāṇassa āvaraṇaṃ natthīti tadeva sabbaññutaññāṇaṃ anāvaraṇaṇāṇaṃ nāmāti attho.

120. Idāni anekavisayabhedato dassetuṃ **atīti**tiādīmāha. Tattha **atīti** **anāgataṃ paccuppananti** kālabhedato dassitaṃ, **cakkhu ceva rūpā cāti**tiādi vatthārammaṇabhedato. **Evaṃ taṃ sabbanti** tesam cakkhurūpānaṃ anavasesapariyādānaṃ. Evaṃ sesesu. **Yāvātīti** anavasesapariyādānaṃ. **Aniccaṭṭhanti**tiādi sāmāññalakkhaṇabhedato dassitaṃ. **Aniccaṭṭhanti** ca aniccākāraṃ. Paccattatthe vā upayogavacanam. Esa nayo edisesu. **Rūpassāti**tiādi khandhabhedato dassitaṃ. **Cakkhussa...pe... jarāmaṇassāti** heṭṭhā vuttapeyyālanayena yojetabbaṃ. **Abhiññāyāti**tiādisu heṭṭhā vuttaññāṇeṇa. **Abhiññāṭṭhanti** abhijānanasabhāvaṃ. Esa nayo edisesu. **Kandhānaṃ kandhaṭṭhanti**tiādi heṭṭhā vuttanayeneva veditabbaṃ. **Kusale dhammeti**tiādi kusalattikavasena bhedo. **Kāmāvacare dhammeti**tiādi catubhūmakavasena. Ubhayatthāpi ‘‘sabbe jānāti’’ti bahuvacanapāṭho sundaro. Ekavacanasote patitattā pana potthakesu ekavacanena likhitaṃ. **Dukkassāti**tiādi cuddasannaṃ buddhaññāṇaṃ visayabhedo. **Indriyaparopariyatte ñāṇanti**tiādi cattāri ñāṇāni vatvā sabbaññutaññāṇaṃ kasmā na vuttanti ce? Vuccamānassa sabbaññutaññāṇattā. Visayabhedato hi sabbaññutaññāṇe vuccamāne taṃ ñāṇaṃ na vattabbaṃ hoti, sabbaññutaññāṇaṃ pana sabbaññutaññāṇassa visayo hotiyeva.

Puna kālakārāmasuttantādīsu (a. ni. 4.24) vuttanayena sabbaññutaññāṇabhūmiṃ dassento **yāvātā sadevakassa lokassāti**tiādīmāha. Tattha saha devehi **sadevakassa**. Saha māreṇa **samārakassa**. Saha brahmunā **sabrahmakassa** lokassa. Saha samaṇabrāhmaṇehi **sassamaṇabrāhmaṇiyā**. Saha devamanussehi **sadevamanussāya** pajāya. Pajātattā **pajāti** sattalokassa pariyāyavacanametam. Tattha sadevakavacanena pañcakāmāvacaradevaggahaṇaṃ, samāravacanena chaṭṭhakāmāvacaradevaggahaṇaṃ, sabrahmakavacanena brahmakāyikātibrahmaggaṇaṃ, sassamaṇabrāhmaṇivacanena sāsanaṃ paccatthikapaccāmittasamaṇabrāhmaṇaggahaṇaṃ samitapāpabāhitapāpasamaṇabrāhmaṇaggahaṇaṇca, pajāvacanena sattalokaggahaṇaṃ, sadevamanussavacanena sammutidevasesamanussaggahaṇaṃ veditabbaṃ. Evamettha tīhi padehi okāsaloko, dvīhi pajāvasena sattaloko gahitoti veditabbo.

Aparo nayo – sadevakaggahaṇena arūpāvacaraloko gahito, samāravakaggahaṇena chakāmāvacaradevaloko, sabrahmakaggahaṇena rūpāvacarabrahmaloko, sassamaṇabrāhmaṇādiggaṇaṇena catuparisavasena, sammutidevehi vā saha manussaloko, avasesasattaloko vā.

Apicettha sadevakavacanena ukkaṭṭhaparicchedato sabbassapi lokassa diṭṭhādijānanabhāvaṃ sādheti. Tato yesaṃ siyā “māro mahānubhāvo chakāmāvacarissaro vasavattī, kiṃ tassāpi diṭṭhādiṃ jānātī”ti, tesam vimatiṃ vidhamanto “samārakassā”ti āha. Yesaṃ pana siyā “brahmā mahānubhāvo ekaṅguliyā ekasmiṃ cakkavālasahassee ālokaṃ pharati, dvīhi...pe... dasahi aṅgulīhi dasasu cakkavālasahassesu ālokaṃ pharati, anuttarañca jhānasamāpattisukhaṃ paṭisaṃvedeti, kiṃ tassāpi diṭṭhādiṃ jānātī”ti, tesam vimatiṃ vidhamanto “sabrahmakassā”ti āha. Tato yesaṃ siyā “puthū samaṇabrāhmaṇā sāsanaṃ paccatthikā, kiṃ tesampi diṭṭhādiṃ jānātī”ti, tesam vimatiṃ vidhamanto “sassamaṇabrāhmaṇiyā pajāyā”ti āha. Evaṃ ukkaṭṭhānaṃ diṭṭhādijānanabhāvaṃ pakāsetvā atha sammutideve avasesamanusse ca upādāya ukkaṭṭhaparicchedavasena sesasattalokassa diṭṭhādijānanabhāvaṃ pakāseti. Ayamettha anusandhikkamo. Porāṇā panāhu – **sadevakassāti** devatāhi saddhiṃ avasesalokassa. **Samārakassāti** mārena saddhiṃ avasesalokassa. **Sabrahmakassāti** brahmehi saddhiṃ avasesalokassa. Evaṃ sabbepi tībhavūpage satte tīhākārehi tīsu padesu pakkhipitvā puna dvīhākārehi pariyādātuṃ **sassamaṇabrāhmaṇiyā pajāya sadevamanussāyāti** vuttaṃ. Evaṃ pañcahi padehi tena tena ākārena tedhātukameva pariyādinnaṃ hotīti.

Diṭṭhanti rūpāyatanaṃ. **Sutanti** saddāyatanaṃ. **Mutanti** patvā gahetabbato gandhāyatanaṃ, rasāyatanaṃ, phoṭṭhabbāyatanaṃ. **Viññātanti** sukhadukkhādīdhammārammaṇaṃ. **Pattanti** pariyesitvā vā apariyesitvā vā pattaṃ. **Pariyesitanti** pattaṃ vā appattaṃ vā pariyesitaṃ. **Anuvaritanti** manasāti cittaṃ anusañcaritaṃ. **Sabbaṃ jānātīti** iminā etaṃ dasseti – yaṃ aparimāṇasu lokadhātūsu imassa sadevakassa lokassa “nīlaṃ pīta”ntiādi (dha. sa. 619) rūpārammaṇaṃ cakkhuvāre āpāthaṃ āgacchati, ayaṃ satto imasmiṃ khaṇe imaṃ nāma rūpārammaṇaṃ disvā sumano vā dummano vā majjhato vā jātoti taṃ sabbaṃ tathāgatassa sabbaññutaññānaṃ jānāti. Tathā yaṃ aparimāṇasu lokadhātūsu imassa sadevakassa lokassa “bherisaddo, mudīgasaddo”tiādi saddārammaṇaṃ sotadvāre āpāthaṃ āgacchati, “mūlagandho tacagandho”tiādi (dha. sa. 624-627) gandhārammaṇaṃ ghānavāre āpāthaṃ āgacchati, “mūlaraso, khandharaso”tiādi (dha. sa. 628-631) rasārammaṇaṃ jivhāvāre āpāthaṃ āgacchati, “kakkhalaṃ, muduka”ntiādi (dha. sa. 647-650) pathavīdhātutejodhātuvāyodhātubhedam phoṭṭhabbārammaṇaṃ kāyāvāre āpāthaṃ āgacchati, ayaṃ satto imasmiṃ khaṇe imaṃ nāma phoṭṭhabbārammaṇaṃ phusitvā sumano vā dummano vā majjhato vā jātoti taṃ sabbaṃ tathāgatassa sabbaññutaññānaṃ jānāti. Tathā yaṃ aparimāṇasu lokadhātūsu imassa sadevakassa lokassa sukhadukkhādīdhammārammaṇaṃ manodvāre āpāthaṃ āgacchati, ayaṃ satto imasmiṃ khaṇe imaṃ nāma dhammārammaṇaṃ vijānitvā sumano vā dummano vā majjhato vā jātoti taṃ sabbaṃ tathāgatassa sabbaññutaññānaṃ jānāti. Imassa pana mahājanassa pariyesitvā appattampi atthi, pariyesitvā pattampi atthi. Apariyesitvā appattampi atthi, apariyesitvā pattampi atthi. Sabbaṃ tathāgatassa sabbaññutaññānaṃ appattaṃ nāma natthīti.

121. Puna aparena pariyāyena sabbaññutaññānaṃ bhāvasādhanatthaṃ **na tassāti** gāthamāha. Tattha **na tassa addiṭṭhamidhatthi kiñcīti** tassa tathāgatassa idha imasmiṃ tedhātuke loke, imasmiṃ paccuppannakāle vā paññācakkhunā addiṭṭhaṃ nāma kiñci appamattakampi na atthi na saṃvijjati. **Atthīti** idaṃ vattamānakālikam ākhyātapadam. Iminā paccuppannakālikassa sabbadhammassa ñātabhāvaṃ dasseti. Gāthābandhasukhatthaṃ panettha da-kāro saṃyutto. **Atho aviññātanti** ettha **athoiti** vacanopādāne nipāto. **Aviññātanti** atītakālikam aviññātam nāma kiñci dhammajātam. Nāhosīti pāthaseso. Abyayabhūtaṃ atthisaddassa gahaṇe pāthasesam vināpi yujjatiyeva. Iminā atītakālikassa sabbadhammassa ñātabhāvaṃ dasseti. **Ajānitabbanti** anāgatakālikam ajānitabbaṃ nāma dhammajātam na bhavissati, natthi vā. Iminā anāgatakālikassa sabbadhammassa ñātabhāvaṃ dasseti. Jānanakiriyāvisesanamattameva vā ettha a-kāro. **Sabbaṃ abhiññāsi yadatthi neyyanti** ettha yaṃ tekālikam vā kālavinutāya vā neyyam jānitabbaṃ kiñci dhammajātam atthi, taṃ sabbaṃ tathāgato abhiññāsi adhikena sabbaññutaññānaṃ jāni paṭivijjhi. Ettha atthisaddena tekālikassa kālavinutāya ca gahaṇā atthi-saddo abyayabhūtoyeva daṭṭhabbo. **Tathāgato tena samantacakkhūti** kālavasena okāsavasena ca nippadesattā samantā sabbato pavattaṃ ñānacakkhu assāti samantacakkhu. Tena yathāvuttena kāraṇena tathāgato samantacakkhu, sabbaññūti vuttaṃ hoti. Imissā gāthāya puggalādhiṭṭhānāya desanāya sabbaññutaññānaṃ sādhitam.

Puna buddhaññānaṃ visayavasena sabbaññutaññānaṃ dassetukāmo **samantacakkhūti kenatṭhena**

samantacakkhūtiādīmāha. Tattha gāthāya **samantacakkhūti** vuttapade yaṃ taṃ samantacakkhu, taṃ kenatthēna samantacakkhūti attho. Attho panassa **yāvata dukkhassa dukkhatthoti**ādīhi vuttoyeva hoti. Sabbaññutaññānañhi samantacakkhu. Yathāha – “samantacakkhu vuccati sabbaññutaññāna”nti (cūḷani. dhotakamānavapucchānidessa 32). Tasmim sabbaññutaññānañthe vutte samantacakkhuṭṭho vuttoyeva hotīti. Buddhasseva ñāṇānīti **buddhaññāni**. **Dukkhe ñāṇā**dīnipi hi sabbākārena buddhasseva bhagavato pavattanti, itaresaṃ pana ekadesamatteneva pavattanti. **Sāvakasādhāraṇānīti** pana ekadesenāpi atthitaṃ sandhāya vuttaṃ. **Sabbo ñātoti** sabbo ñāṇena ñāto. **Aññāto dukkhattho natthīti** vuttameva atthaṃ paṭisedhena vibhāveti. **Sabbo diṭṭhoti** na kevalaṃ ñātamattoyeva, atha kho cakkhunā diṭṭho viya kato. **Sabbo viditoti** na kevalaṃ diṭṭhamattoyeva, atha kho pākaṭo. **Sabbo sacchikatoti** na kevalaṃ viditoyeva, atha kho tattha ñāṇapaṭilābhavasena paccakkhīkato. **Sabbo phassitoti** na kevalaṃ sacchikatoyeva, atha kho punappunaṃ yathārucci samudācāravasena phuṭṭhoti. Atha vā **ñāto** sabhāvalakkhaṇavasena. **Diṭṭho** sāmāññalakkhaṇavasena. **Vidito** rasavasena. **Sacchikato** paccupaṭṭhānavasena. **Phassito** padaṭṭhānavasena. Atha vā ñāto ñāṇuppādavasena. Diṭṭho cakkhuppādavasena. Vidito paññuppādavasena. Sacchikato vijjuppādavasena. Phassito ālokuppādavasena. “Yāvata dukkhassa dukkhattho, sabbo diṭṭho, adiṭṭho dukkhattho natthī”tiādīnā nayena ca “yāvata sadevakassa lokassa...pe... anuvaritaṃ manasā, sabbaṃ ñātaṃ, aññātaṃ natthī”tiādīnā nayena ca vitthāro vedītabbo. Paṭhamam vuttagāthā nigamanavasena puna vuttā. Tamnigamaneyeva hi kate ñāṇanigamanampi katameva hotīti.

Sabbaññutaññānaniddesavaṇṇanā niṭṭhitā.

Saddhammappakāsiniyā paṭisambhidāmagga-aṭṭhakathāya

Ñāṇakathāvaṇṇanā niṭṭhitā.

2. Diṭṭhikathā

1. Assādadiṭṭhiniddesavaṇṇanā

122. Idāni ñāṇakathānantaraṃ kathitāya diṭṭhikathāya anupubbaanuvaṇṇanā anuppattā. Ayañhi diṭṭhikathā ñāṇakathāya kataññāparicayassa samadhigatasammādiṭṭhissa micchādiṭṭhimalavisodhanā sukarā hoti, sammādiṭṭhi ca suparisuddhā hotīti ñāṇakathānantaraṃ kathitā. Tattha **kā diṭṭhī**tiādīkā pucchā. **Kā diṭṭhī abhinivesaparāmāso diṭṭhī**tiādīkaṃ pucchitapucchāya vissajjanaṃ. **Katham abhinivesaparāmāso diṭṭhī**tiādīko vissajjitavissajjanassa vitthāraniddeso, **sabbava tā diṭṭhiyo assādadiṭṭhiyoti**tiādīkā diṭṭhisuttasaṃsandanaṃti evamime cattāro paricchedā. Tattha pucchāparicchede tāva **kā diṭṭhī**ti dhammapucchā, sabhāvapucchā. **Kati diṭṭhiṭṭhānānīti** hetupucchā paccayapucchā, kittakāni diṭṭhīnaṃ kāraṇānīti attho. **Kati diṭṭhipariyuṭṭhānānīti** samudācārapucchā vikārapucchā. Diṭṭhiyo eva hi samudācāravasena cittaṃ pariyanandhantiyo uṭṭhahantīti diṭṭhipariyuṭṭhānāni nāma honti. **Kati diṭṭhiyoti** diṭṭhīnaṃ saṅkhāpucchā gaṇanāpucchā. **Kati diṭṭhābhinivesāti** vatthuppabhedavasena ārammaṇanāntavāsena diṭṭhippabhedapucchā. Diṭṭhiyo eva hi taṃ taṃ vatthum taṃ taṃ ārammaṇam abhinivisanti parāmasantīti diṭṭhiparāmāsāti vuccanti. **Katamo diṭṭhiṭṭhānasamugghātoti** diṭṭhīnaṃ paṭipakkhapucchā pahānūpāyapucchā. Diṭṭhikāraṇāni hi khandhādīni diṭṭhisamugghātena tāsam kāraṇāni na hontīti tāni ca kāraṇāni samugghātītāni nāma honti. Tasmā diṭṭhiṭṭhānāni sammā bhusaṃ haññanti etenāti diṭṭhiṭṭhānasamugghātoti vuccati.

Idāni eṭasaṃ channaṃ pucchānaṃ **kā diṭṭhī**tiādīni cha vissajjanāni. Tattha **kā diṭṭhī**ti vissajjetabbapucchā. **Abhinivesaparāmāso diṭṭhī**ti vissajjanaṃ. Sā pana aniccādiṭṭhi vattusmim niccādivasena abhinivisati paṭiṭṭhahati dāḷhaṃ gaṇhātīti **abhiniveso**. Aniccādiṭṭhiākaṃ atikkamitvā niccāntīdivasena vattamāno parato āmasati gaṇhātīti **parāmāso**. Atha vā niccāntīdiṭṭhiākaṃ paraṃ uttamaṃ saccanti āmasati gaṇhātīti parāmāso, abhiniveso ca so parāmāso cāti **abhinivesaparāmāso**. Evampakāro diṭṭhīti kiccatto diṭṭhisabhāvaṃ vissajjeti. **Tīni satanti** tīni satāni, vacanavipallāso kato. **Katamo**

diṭṭhiṭṭhānasamugghātoti puccham anuddharitvāva **sotāpattimago diṭṭhiṭṭhānasamugghātoti** vissajjanam katam.

123. Idāni **katham abhinivesaparāmāsoti**ādi vitthāraniddeso. Tattha **rūpanti** upayogavacanam. Rūpam abhinivesaparāmāsoti sambandho. **Rūpanti** cettha rūpupādānakkhandho kasiṇarūpaṇca. “Etam mamā”ti abhinivesaparāmāso diṭṭhi, “esohamasmī”ti abhinivesaparāmāso diṭṭhi, “eso me attā”ti abhinivesaparāmāso diṭṭhīti paccekam yojetabbam. **Etanti** sāmāññavacanam. Teneva “vedanam etam mama, saṅkhāre etam mamā”ti napuṃsakavacanam ekavacanaṇca katam. Esoti pana vattabbamapekkhitvā pulliṅgekavacanam katam. **Etam mamāti** taṇhāmaññanāmūlikā diṭṭhi. **Esohamasmīti** mānamaññanāmūlikā diṭṭhi. **Eso me attāti** diṭṭhimaññanā eva. Keci pana “etam mamāti mamaṅkārappanā, esohamasmīti ahaṅkārappanā, eso me attāti ahaṅkāramamaṅkārappito attābhinivesoti ca, tathā yathākkameneva taṇhāmūlaniveso mānapaggāho, taṇhāmūlaniviṭṭho mānapaggahito, attābhinivesoti ca, saṅkhārānam dukkhalakkhaṇādassanam, saṅkhārānam aniccalakkhaṇādassanam, saṅkhārānam tilakkhaṇādassanahetuko attābhinivesoti ca, dukkhe asubhe ca sukham subhanti vipallāsagatassa, anicce niccanti vipallāsagatassa, catubbidhavipallāsagatassa ca attābhinivesoti ca, pubbenivāsaññassa ākārappanā, dibbacakkuññassa anāgatapaṭilābhakappanā, pubbantāparantaidappaccayatāpaṭiccasamuppannesu dhammesu kappanissitassa attābhinivesoti ca, nandiyā atītamanvāgameti, nandiyā anāgataṃ paṭikaṅkhati, paccuppannesu dhammesu saṃhīrati attābhinivesoti ca, pubbante aññānahetukā diṭṭhi, aparante aññānahetukā diṭṭhi, pubbantāparante idappaccayatāpaṭiccasamuppannesu dhammesu aññānahetuko attābhiniveso”ti ca etesaṃ tiṇṇam vacanānam attham vaṇṇayanti.

Diṭṭhiyo panettha paṭhamaṃ pañcakkhandhavatthukā. Tato chaajjhattikabāhirāyatanaviññāṇakāyasamphassakāyavedanākāyasaññākāyacetanākāyataṇhākāyavitakkavicārādhatudasakasiṇadvattiṃsākāravatthukā diṭṭhiyo vuttā. Dvattiṃsākāresu ca yattha visuṃ abhiniveso na yujjati, tattha sakalasarīrābhinivesavaseneva visuṃ abhiniveso viya katoti veditabbam. Tato dvādasāyatanaaṭṭhārasadhātuekūnavīsatiindriyavasena yojanā katā. Tīṇi ekantalokuttarindriyāni na yojitāni. Na hi lokuttaravatthukā diṭṭhiyo honti. Sabbatthāpi ca lokiyalokuttaramissesu dhammesu lokuttare ṭhapetvā lokiyā eva gahetabbā. Anindriyabaddharūpaṇca na gahetabbameva. Tato tedhātukavasena navavidhabhavavasena jhānabrahmavihārasamāpattivasena paṭiccasamuppādaṅgavasena ca yojanā katā. Jātijarāmarāṇānam visuṃ gahaṇe parihāro vuttanayo eva. Sabbāni cetāni rūpādikāni jarāmarāṇantāni aṭṭhanavutisatam padāni bhavanti.

124. Diṭṭhiṭṭhānesu **kandhāpi diṭṭhiṭṭhānanti** vīsativatthukāyapi sakkāyaditṭhiyā pañcannam kandhānamyeva vatthuttā “ye hi keci, bhikkhave, samaṇā vā brāhmaṇā vā attānam samanupassamānā samanupassanti, sabbe te pañcupādānakkhandhesuyeva samanupassanti, etesaṃ vā aññatara”nti (saṃ. ni. 3.47) vuttattā ca pañcupādānakkandhā diṭṭhīnam kāraṇam. **Avijjāpi diṭṭhiṭṭhānanti** avijjāya andhikatānam diṭṭhiuppattito “yāyam, bhante, diṭṭhi ‘asammāsambuddhesu sammāsambuddhā’ti, ayam nu kho, bhante, diṭṭhi kiṃ paṭicca paññāyatīti? Mahatī kho esā, kaccāna, dhātu, yadidaṃ avijjādhātu. Hīnam, kaccāna, dhātuṃ paṭicca uppajjati hīnā saññā hīnā diṭṭhī”ti (saṃ. ni. 2.97) vacanato ca avijjā diṭṭhīnam kāraṇam. **Phassopi diṭṭhiṭṭhānanti** tena phassena phuṭṭhassa diṭṭhiuppattito “ye te, bhikkhave, samaṇabrāhmaṇā pubbantakappikā pubbantānuditṭhino pubbantaṃ ārabba anekavihitāni adhivuttipadāni abhivadanti, tadapi phassapaccayā”ti (dī. ni. 1.123) vacanato ca phasso diṭṭhīnam kāraṇam. **Saññāpi diṭṭhiṭṭhānanti** ākāramattaggahaṇena ayāthāvasabhāvagāhahetuttā saññāya –

“Yāni ca tīṇi yāni ca saṭṭhi, samaṇappavādasitāni bhūripaṇña;
Saññakkharasaññanissitāni, osaraṇāni vineyya oghatamaḡā”ti. (su. ni. 543) –

Vacanato “saññānidānā hi papañcasaṅkhā”ti (su. ni. 880; mahāni. 109) vacanato ca saññā diṭṭhīnam kāraṇam. **Vitakkopi diṭṭhiṭṭhānanti** ākāraparivitakkena diṭṭhiuppattito –

“Naheva saccāni bahūni nānā, aññatra saññāya niccāni loke;

Takkañca diṭṭhīsu pakappayitvā, saccam musāti dvayadhammāhū’’ti. (su. ni. 892) –

Vacanato ca vitakko diṭṭhīnaṃ kāraṇaṃ. **Ayonisomanasikāropi diṭṭhiṭṭhānanti** ayoniso manasikārassa akusalānaṃ asādhāraṇahetuttā “tassevaṃ ayoniso manasikāro channaṃ diṭṭhīnaṃ aññatarā diṭṭhi uppajjati’’ti (ma. ni. 1.19) vacanato ca ayoniso manasikāro diṭṭhīnaṃ kāraṇaṃ. **Pāpamittopi diṭṭhiṭṭhānanti** pāpamittassa diṭṭhānugatiāpajjanena diṭṭhiuppattito “bāhiraṃ, bhikkhave, aṅganti karitvā na aññaṃ ekaṅgampi samanupassāmi, yaṃ evaṃ mahato anattāya saṃvattati. Yathayidaṃ, bhikkhave, pāpamittatā’’ti (a. ni. 1.110) vacanato ca pāpamitto diṭṭhīnaṃ kāraṇaṃ. **Paratopi ghoso diṭṭhiṭṭhānanti** durakkhātadhammassavanena diṭṭhiuppattito “dveme, bhikkhave, hetū dve paccayā micchādiṭṭhiyā uppādāya parato ca ghoso ayoniso ca manasikāro’’ti (a. ni. 2.126) vacanato ca parato ghoso micchādiṭṭhikato micchādiṭṭhipaṭisaññuttakathā diṭṭhīnaṃ kāraṇaṃ.

Idāni **diṭṭhiṭṭhānanti** padassa atthaṃ vivaranto **khandhā hetu khandhā paccayotiādimāha**. Khandhā eva diṭṭhīnaṃ **upādāya**, janakahetu ceva upatthambhakapaccayo cāti attho. **Samuṭṭhānaṭṭhenāti** samuṭṭhahanti uppajjanti etenāti samuṭṭhānaṃ, kāraṇanti attho. Tena samuṭṭhānaṭṭhena, diṭṭhikāraṇabhāvenāti attho.

125. Idāni kiccabhedena diṭṭhibhedam dassento **katamāni aṭṭhārasa diṭṭhipariyuṭṭhānānītiādimāha**. Tattha **yā diṭṭhīti** idāni vuccamānānaṃ aṭṭhārasannaṃ padānaṃ sādharmaṇaṃ mūlapadaṃ. Yā diṭṭhi, tadeva diṭṭhigataṃ, yā diṭṭhi, tadeva diṭṭhigahananti sabbehi sambandho kātabbo. Ayāthāvadassanaṭṭhena diṭṭhi, tadeva diṭṭhīsu gataṃ dassanaṃ dvāsaṭṭhidiṭṭhiantogadhattāti **diṭṭhigataṃ**. Heṭṭhāpissa attho vuttoyeva. Dvinnāṃ antānaṃ ekantagataṭṭhāpi **diṭṭhigataṃ**. Sā eva diṭṭhi duratikkamanaṭṭhena **diṭṭhigahanam** tiṇagahanavanagahanapabbatagahanāni viya. Sāsaṅkasappaṭibhayaṭṭhena **diṭṭhikantāram** corakantāravāḷakantāranirudakakantāradubbhikkhakantāra viya. Dhammasaṅgaṇiyam “diṭṭhikantāro’’ti sakalīṅgeneva āgataṃ. Sammādiṭṭhiyā vinivijjanaṭṭhena paṭilomaṭṭhena ca **diṭṭhivisūkam**. Micchādassanañhi uppajjamānaṃ sammādassanaṃ vinivijjhati ceva vilometi ca. Dhammasaṅgaṇiyam (dha. sa. 392, 1105) “diṭṭhivisūkāyika’’nti āgataṃ. Kadāci sassatassa, kadāci ucchedassa gahaṇato diṭṭhiyā virūpaṃ phanditanti **diṭṭhivipphanditam**. Diṭṭhigatiko hi ekasmiṃ patiṭṭhātum na sakkoti, kadāci sassataṃ anussarati, kadāci ucchedaṃ. Diṭṭhiyeva anatthe saṃyojetīti **diṭṭhisaññojanam**. Diṭṭhiyeva antotudanaṭṭhena dunnīharaṇīyaṭṭhena ca sallanti **diṭṭhisallam**. Diṭṭhiyeva pīlākaraṇaṭṭhena sambādhoti **diṭṭhisambādho**. Diṭṭhiyeva mokkhāvaraṇaṭṭhena palibodhoti **diṭṭhipalibodho**. Diṭṭhiyeva dummocanīyaṭṭhena bandhananti **diṭṭhibandhanam**. Diṭṭhiyeva duruttaraṭṭhena papātoti **diṭṭhipapāto**. Diṭṭhiyeva thāmagataṭṭhena anusayoti **diṭṭhānusayo**. Diṭṭhiyeva attānaṃ santāpetīti **diṭṭhisantāpo**. Diṭṭhiyeva attānaṃ anudahaṭṭīti **diṭṭhipariḷāho**. Diṭṭhiyeva kilesakāyaṃ ganthetīti **diṭṭhigantho**. Diṭṭhiyeva bhusaṃ ādiyaṭṭīti **diṭṭhupādānam**. Diṭṭhiyeva “sacca’’ntiādivasena abhinivisaṭṭīti **diṭṭhābhiniveso**. Diṭṭhiyeva idaṃ paranti āmasati, parato vā āmasaṭṭīti **diṭṭhiparāmāso**.

126. Idāni rāsivasena soḷasa diṭṭhiyo uddisanto **katamā soḷasa diṭṭhiyotiādimāha**. Tattha sukhāsomānassasaṅkhāte assāde diṭṭhi **assādadiṭṭhi**. Attānaṃ anugatā diṭṭhi **attānudiṭṭhi**. Natthīti pavattatā viparītā diṭṭhi **micchādiṭṭhi**. Sati kāye diṭṭhi, santī vā kāye diṭṭhi **sakkāyadiṭṭhi**. **Kāyoti** cettha khandhapañcakaṃ, khandhapañcakasaṅkhāto sakkāyo vatthu patiṭṭhā etissāti **sakkāyavatthukā**. Sassatanti pavattā diṭṭhi **sassatadiṭṭhi**. Ucchedoti pavattā diṭṭhi **ucchedadiṭṭhi**. Sassatādiantaṃ gaṇhātīti **antaggāhikā**, antaggāho vā assā atthīti antaggāhikā. Afītasāṅkhātaṃ pubbantaṃ anugatā diṭṭhi **pubbantānudiṭṭhi**. Anāgatasāṅkhātaṃ aparantaṃ anugatā diṭṭhi **aparantānudiṭṭhi**. Anatthe saṃyojetīti **saññojanikā**. Ahaṅkārasena ahanti uppānna mānena diṭṭhiyā mūlabhūtena vinibandhā ghaṭīti uppādītā diṭṭhi **ahanti mānavinibandhā diṭṭhi**. Tathā mamaṅkārasena mamanti uppānna mānena vinibandhā diṭṭhi **mamanti mānavinibandhā diṭṭhi**. Attano vānaṃ kathanam attavādo, tena paṭisaññuttā baddhā diṭṭhi **attavādapaṭisaṃyuttā diṭṭhi**. Attānaṃ lokoti vānaṃ kathanam lokavādo, tena paṭisaññuttā diṭṭhi **lokavādapaṭisaṃyuttā diṭṭhi**. Bhavo vuccati sassataṃ, sassatavasena uppajjanadiṭṭhi **bhavadiṭṭhi**. Vibhavo vuccati ucchedo, ucchedavasena uppajjanadiṭṭhi **vibhavadiṭṭhi**.

127-128. Idāni tīṇi satam diṭṭhābhinivese niddisitukāmo **katame tīṇi satam diṭṭhābhinivesāti**

pucchitvā te avissajjetvāva visum visum abhinivesavissajjaneneva te vissajjetukāmo **assādadiṭṭhiyā**, **katihākārehi abhiniveso hotīti**ādīnā nayena soḷasannaṃ diṭṭhīnaṃ abhinivesākāragāṇanaṃ pucchitvā puna **assādadiṭṭhiyā pañcatimsāya ākārehi abhiniveso hotīti** tāsamaṃ soḷasannaṃ diṭṭhīnaṃ abhinivesākāragāṇanaṃ vissajjetvā puna tāni gaṇaṇāni vissajjento **assādadiṭṭhiyā katamehi pañcatimsāya ākārehi abhiniveso hotīti**ādīmāha. Tattha **rūpaṃ paṭiccāti** rūpakkhandaṃ paṭicca. **Uppajjati sukhaṃ somanassanti** “ayaṃ me kāyo īdiso”ti rūpasampadaṃ nissāya gehasitaṃ rāgasampayuttaṃ sukhaṃ somanassaṃ uppajjati. Heṭṭhā vuttenaṭṭhena sukhañca somanassañca. Taṃyeva **rūpassa assādoti** rūpanissayo assādo. Tañhi sukhaṃ taṇhāvasena assādīyati upabhuñjīyatīti assādo. **Abhinivesaparāmāso diṭṭhīti** so assādo sassatoti vā ucchijjissatīti vā sassataṃ vā ucchijjamānaṃ vā attānaṃ sukhitamaṃ karotīti vā abhinivesaparāmāso hoti. Tasmā yā ca diṭṭhi yo ca assādoti assādassa diṭṭhibhāvābhāvepi assādaṃ vinā sā diṭṭhi na hotīti katvā ubhayampi samuccitaṃ. **Assādadiṭṭhīti** assāde pavattā diṭṭhīti vuttaṃ hoti.

Idāni nānāsuttehi saṃsandetvā micchādiṭṭhiṃ micchādiṭṭhikañca garahitukāmo **assādadiṭṭhi micchādiṭṭhīti**ādīmāha. Tattha **diṭṭhivipattīti** sammādiṭṭhivināsakamicchādiṭṭhisāṅkhātadiṭṭhiyā vipattī. **Diṭṭhivipannoti** vipannaṃ vinaṭṭhā sammādiṭṭhi assāti diṭṭhivipanno, vipannadiṭṭhīti vuttaṃ hoti. Micchādiṭṭhiyā vā vipanno vinaṭṭhoti diṭṭhivipanno. **Na sevitaḃbo** upasaṅkamanena. **Na bhajitaḃbo** cittena. **Na payirupāsitaḃbo** upasaṅkamitvā nisīdanena. **Taṃ kissa hetūti** “taṃ sevanādikaṃ kena kāraṇena na kātabba”nti tassa kāraṇapucchā. **Diṭṭhi hissa pāpikāti** kāraṇavissajjanaṃ. Yasmā assa puggalassa diṭṭhi pāpikā, tasmā taṃ sevanādikaṃ na kātabbanti attho. **Diṭṭhiyā rāgoti** “sundarā me diṭṭhī”ti diṭṭhiṃ ārabba diṭṭhiyā uppajjanarāgo. **Diṭṭhirāgarattoti** tena diṭṭhirāgena raṅgena rattaṃ vatthaṃ viya ratto. **Na mahapphalanti** vipākaphalena. **Na mahānisamsanti** nissandaphalena.

Purisapuggalassāti purisasaṅkhātassa puggalassa. Lokiyavohārena hi puri vuccati sarīraṃ, tasmim purismim seti pavattatīti puriso, puṃ vuccati nirayo, taṃ puṃ galati gacchatīti puggalo. Yebhuyyena hi sattā sugatito cutā duggatīyaṃyeva nibbattanti. **Taṃ kissa hetūti** taṃ na mahapphalattaṃ kena kāraṇena hoti. **Diṭṭhi hissa pāpikāti** yasmā assa puggalassa diṭṭhi pāpikā, tasmā na mahapphalaṃ hotīti attho. **Dveva gatiyoti** pañcasu gatīsu dveva gatiyo. Vipajjamānāya diṭṭhiyā **nirayo**. Sampajjamānāya **tiracchānayo**. **Yañceva kāyakammanti** sakalingadhāraṇapaṭipadānuyogaabhiṃvādanapaccuṭṭhānaañjalikammādi kāyakammaṃ. **Yañca vacīkammanti** sakasamayapariyāpuṇanasajjhāyanadesanāsamādapanādi vacīkammaṃ. **Yañca manokammanti** idhalokacintāpaṭisaṃyuttañca paralokacintāpaṭisaṃyuttañca katākatacintāpaṭisaṃyuttañca manokammaṃ. Tiṇakaṭṭhadhaññabījesu sattadiṭṭhissa dānānuppadānapaṭiggahaṇaparibhogesu ca kāyavacīmanokammāni. **Yathādiṭṭhīti** yā ayaṃ diṭṭhi, tassānurūpaṃ. **Samattanti** paripuṇṇaṃ. **Samādinanti** gahitaṃ.

Aṭṭhakathāyaṃ pana vuttaṃ – tadetaṃ yathādiṭṭhiyaṃ ṭhitakāyakammaṃ, diṭṭhisahajātakāyakammaṃ, diṭṭhānulomikakāyakammanti tividdhaṃ hoti. Tattha “pāṇaṃ hanato adinnaṃ ādiyato micchācarato natthi tatonidānaṃ pāpaṃ, natthi pāpassa āgamo”ti yaṃ evaṃ diṭṭhikassa sato pāṇātipātaadinnādānamicchācārasaṅkhātamaṃ kāyakammaṃ, idaṃ **yathādiṭṭhiyaṃ ṭhitakāyakammaṃ** nāma. “Pāṇaṃ hanato adinnaṃ ādiyato micchācarato natthi tatonidānaṃ pāpaṃ, natthi pāpassa āgamo”ti yaṃ imāya diṭṭhiyā iminā dassanena sahaajātaṃ kāyakammaṃ, idaṃ **diṭṭhisahajātakāyakammaṃ** nāma. Tadeva pana samattaṃ samādinnaṃ gahitaṃ parāmaṭṭhaṃ **diṭṭhānulomikakāyakammaṃ** nāma. Vacīkammamanokammesupi eseva nayo. Ettha pana musā bhaṇato piṣuṇaṃ bhaṇato pharusamaṃ bhaṇato samphaṃ palapato abhijjhāluno byāpannacittassa micchādiṭṭhikassa sato natthi tatonidānaṃ pāpaṃ, natthi pāpassa āgamoti yojanā kātabbā. Liṅgadhāraṇādipariyāpuṇanādilokacintādivasena vuttanayo cettha sundaro.

Cetanādīsu diṭṭhisahajātā cetanā **cetanā** nāma. Diṭṭhisahajātā patthanā **patthanā** nāma. Cetanāpatthanānaṃ vasena cittaṭṭhapanā **paṇidhi** nāma. Tehi pana cetanādīhi sampayuttā phassādayo saṅkhārakkhandhāpariyāpannā dhammā **saṅkhārā** nāma. **Aniṭṭhāyāti**ādīhi dukkhameva vuttaṃ. Dukkhañhi sukhakāmehi sattehi na esitattā **aniṭṭhaṃ**. Appiyattā **akantaṃ**. Manassa avaḍḍhanato, manasi

avisappanato ca **amanāpaṃ**. Āyatim abhaddatāya **ahitaṃ**. Pīlanato **dukkhanti**. **Taṃ kissa hetūti** taṃ evaṃ saṃvattanaṃ kena kāraṇena hotīti attho. Idānissa kāraṇaṃ **diṭṭhi hissa pāpikāti**. Yasmā tassa puggalassa diṭṭhi pāpikā lāmakā, tasmā evaṃ saṃvattatīti attho. **Allāya pathaviyā nikkhittanti** udakena tīntāya bhūmiyā ropitaṃ. **Pathavīrasaṃ āporasanti** tasmim tasmim ṭhāne pathaviyā ca sampadaṃ āpassa ca sampadaṃ. Bījanikkhattaṭṭhāne hi na sabbā pathavī na sabbo āpo ca bījaṃ phalaṃ gaṇhāpeti. Yo pana tesam padeso bījaṃ phusati, soyeva bījaṃ phalaṃ gaṇhāpeti. Tasmā bījaposaṇāya paccayabhūtoyeva so padeso pathavīraso āporasoti veditabbo. Rasasaddassa hi sampatti ca attho. Yathāha “kiccasampattiatthēna raso nāma pavuccatī”ti. Loke ca “suraso gandhabbo”ti vutte susampanno gandhabboti attho ñāyati. **Upādiyatīti** gaṇhāti. Yo hi padeso paccayo hoti, taṃ paccayaṃ labhamānaṃ bījaṃ taṃ gaṇhāti nāma. **Sabbaṃ tantī** sabbaṃ taṃ rasajātaṃ. **Tittakattāyāti** so pathavīraso āporaso ca atittako samānopi tittakaṃ bījaṃ nissāya nimbarukkhādīnaṃ tesam phalānañca tittakabhāvāya saṃvattati. **Kaṭukattāyāti** idaṃ purimasseva vevacanaṃ.

“Vaṇṇagandharasūpeto, amboyaṃ ahuvā pure;
Tameva pūjaṃ labhamāno, kenambo kaṭukapphalo”ti. (jā. 1.2.71) –

Āgataṭṭhāne viya hi idhāpi tittakameva appiyatṭhena kaṭukanti veditabbaṃ. **Asātattāyāti** amadhurabhāvāya. Asāduttāyātipi pāṭho, asādubhāvāyāti attho. **Sādūti** hi madhuraṃ. **Bījaṃ hissāti** assa nimbādikassa bījaṃ. **Evamevanti** evaṃ evaṃ. Yasmā sukhā vedanā paramo assādo, tasmā micchādiṭṭhiyā dukkhavedanāvasena ādīnavaṃ dassitoti. Puna aṭṭhārasabhedena diṭṭhiyā ādīnavaṃ dassetuṃ **assādadiṭṭhi micchādiṭṭhīti**ādīmāha. Taṃ vuttatthameva. **Imehi aṭṭhārasahi ākārehi pariyaṭṭhitacittassa saññogoti** diṭṭhiyā eva saṃsāre bandhanaṃ dasseti.

129. Yasmā pana diṭṭhibhūtānīpi saññojanāni atthi adīṭṭhibhūtānīpi, tasmā taṃ pabhedam dassento **atthi saññojanāni cevāti**ādīmāha. Tattha yasmā kāmarāgasaññojanasseva **anunayasaññojananti** āgataṭṭhānampi atthi, tasmā anunayasaññojananti vuttaṃ. Kāmarāgabhāvaṃ appatvā pavattaṃ lobhaṃ sandhāya etaṃ vuttanti veditabbaṃ. Sesakhandhāyatanādīmūlakesupi vāresu imināva nayena attho veditabbo. Vedanāparamattā ca assādassa vedanāpariyosānā eva desanā katā. Saññādayo na gahitā. **Imehi pañcatīmsāya ākārehi**ti pañcakkhandhā ajjhattikāyatanādīni pañca chakkāni cāti imāni pañcatīmsa vatthūni nissāya uppannaassādārammaṇavasena pañcatīmsāya ākārehi.

Assādadiṭṭhiniddesavaṇṇanā niṭṭhitā.

2. Attānudiṭṭhiniddesavaṇṇanā

130. Attānudiṭṭhiyaṃ **assutavā puthujjanoti** āgamādhigamābhāvā ñeyyo assutavā iti. Yassa hi khandhadhātuāyatanasaccapaccayākārasatipaṭṭhānādīsu uggahaparipucchāvinicchayavirahitattā attānudiṭṭhipaṭisedhakaro neva āgamo, paṭipattiyā adhigantabbassa anadhigatattā na ca adhigamo atthi, so āgamādhigamānaṃ abhāvā ñeyyo assutavā iti. **Sutanti** hi buddhavacanāgamo ca sutaphalattā hetuvohārasena adhigamo ca, taṃ sutam assa atthīti sutavā, na sutavā assutavā. Svāyaṃ –

Puthūnaṃ janānādīhi, kāraṇehi puthujjano;
Puthujjanantogadhattā, puthuvāyaṃ jano iti.

So hi puthūnaṃ nānappakārānaṃ kilesādīnaṃ janānādīhi kāraṇehi **puthujjano**. Yathāha – “puthu kilese janentīti puthujjanā, puthu avihatasakkāyadīṭṭhikāti puthujjanā, puthu sathhārānaṃ mukhullokikāti puthujjanā, puthu sabbagatīhi avuṭṭhitātī puthujjanā, puthu nānābhisañkhāre abhisāñkharontīti puthujjanā, puthu nānāoghehi vuyhantīti puthujjanā, puthu nānāsantāpehi santappentīti puthujjanā, puthu nānāpariḷāhehi paridayhantīti puthujjanā, puthu pañcasu kāmaguṇesu rattā giddhā gadhitā mucchitā ajjhosannā laggā laggitā palibuddhātī puthujjanā, puthu pañcahi nīvaraṇehi āvutā nivutā ovutā pihitā paṭicchannā paṭikujjitātī puthujjanā”ti (mahāni. 94). Puthūnaṃ vā gaṇanapathamattīnaṃ ariyadhammaparammukhānaṃ nīcadhammasamudācārānaṃ janānaṃ antogadhattāpi puthujjanā, puthu vā

ayaṃ, viṣuṃyeva saṅkhaṃ gato viṣaṃsaṭṭho sīlasutādiguṇayuttehi ariyehi janotipi puthujjano. Evametehi “assutavā puthujjano”ti dvīhi padehi ye te –

“Dve puthujjanā vuttā, buddhenādiccabandhunā;
Andho puthujjano eko, kalyāṇeko puthujjano”ti. –

Dve puthujjanā vuttā, tesu andhaputhujjano vutto hotīti veditabbo.

Ariyānaṃ adassāvītiādīsu **ariyāti** ārakattā kilesehi, anaye na iriyanato, aye ca iriyanato, sadevakena ca lokena araṇīyato buddhā ca paccekabuddhā ca buddhasāvaka ca vuccanti, buddhā eva vā idha ariyā. Yathāha – “sadevake, bhikkhave, loke...pe... tathāgato ariyoti vuccatī”ti (saṃ. ni. 5.1098).

Sappurisāti ettha pana paccekabuddhā tathāgatasāvaka ca “sappurisā”ti veditabbā. Te hi lokuttaraguṇayogena sobhanā purisāti sappurisā. Sabbeyeva vā ete dvedhāpi vuttā. Buddhāpi hi ariyā ca sappurisā ca paccekabuddhā buddhasāvaka pi. Yathāha –

“Yo ve kataññū katavedi dhīro, kalyāṇamitto daḷhabhatti ca hoti;
Dukhitassa sakkacca karoti kiccaṃ, tathāvidhaṃ sappurisaṃ vadantī”ti. (jā. 2.17.78);

Ettha hi “kataññū katavedi dhīro”ti paccekasambuddho vutto, “kalyāṇamitto daḷhabhatti cā”ti buddhasāvako, “dukhitassa sakkacca karoti kicca”nti sammāsambuddhoti. Idāni yo tesam ariyānaṃ adassanasīlo, na ca dassane sādhuṅkāri, so “ariyānaṃ adassāvī”ti veditabbo. So ca cakkhunā adassāvī ñāṇena adassāvīti duvidho. Tesu ñāṇena adassāvī idhāhippeto. Maṃsacakkhunā hi dibbacakkhunā vā ariyā diṭṭhāpi adiṭṭhāva honti tesam cakkhūnaṃ vaṇṇamattagahaṇato na ariyabhāvagocarato. Soṇasingālādayopi hi cakkhunā ariye passanti, na ca te ariyānaṃ dassāvino, tasmā cakkhunā dassanaṃ na dassanaṃ, ñāṇena dassanameva dassanaṃ. Yathāha – “kiṃ te, vakkali, iminā pūtikāyena diṭṭhena, yo kho, vakkali, dhammaṃ passati, so maṃ passatī”ti (saṃ. ni. 3.87). Tasmā cakkhunā passantopi ñāṇena ariyehi diṭṭhaṃ aniccādīlakkhaṇaṃ apassanto ariyādhiḡataṅca dhammaṃ anadhigacchanto ariyakaradhammānaṃ ariyabhāvassa ca adiṭṭhattā “ariyānaṃ adassāvī”ti veditabbo.

Ariyadhammassa akovidoti satipaṭṭhānādibhede ariyadhamme akusalo. **Ariyadhamme avinītoti** ettha pana –

Duvidho vinayo nāma, ekamekettha pañcadhā;
Abhāvato tassa ayaṃ, “avinīto”ti vuccati.

Ayañhi saṃvaravinayo pahānavinayoti duvidho vinayo. Ettha ca duvidhepi vinaye ekameko vinayo pañcadhā bhijjati. **Saṃvaravinayopi** hi sīlasaṃvaro, satisaṃvaro, ñāṇasaṃvaro, khantisāṃvaro, vīriyasāṃvaroti pañcavidho. **Pahānavinayopi** tadaṅgappahānaṃ, vikkhambhanappahānaṃ, samucchadappahānaṃ, paṭippassaddhippahānaṃ, nissaraṇappahānanti pañcavidho.

Tattha “iminā pātimokkhasaṃvarena upeto hoti samupeto”ti (vibha. 511) ayaṃ **sīlasaṃvaro**. “Rakkhati cakkhundriyaṃ cakkhundriye saṃvaram āpajjatī”ti (dī. ni. 1.213; ma. ni. 1.295; saṃ. ni. 4.239; a. ni. 3.16) ayaṃ **satisaṃvaro**.

“Yāni sotāni lokasmiṃ, (ajitāti bhagavā)
Sati tesam nivāraṇaṃ;
Sotānaṃ saṃvaram brūmi, paññāyete pidhīyare”ti. (su. ni. 1041; cūḷani. ajitamānavapucchāniddeṣa 4) –

Ayaṃ **ñāṇasaṃvaro**. “Khamo hoti sītassa uṇhassā”ti (ma. ni. 1.24; a. ni. 4.114; 6.58) ayaṃ **khantisāṃvaro**. “Uppannaṃ kāmavitakkaṃ nādhivāsetī”ti (ma. ni. 1.26; a. ni. 4.114; 6.58) ayaṃ

vīriyasamvaro. Sabbopi cāyaṃ samvaro yathāsakaṃ samvaritabbānaṃ vinetabbānañca kāyaduccaritādīnaṃ samvaraṇato “samvaro”, vinayanato “vinayo”ti vuccati. Evaṃ tāva samvaravinayo pañcadhā bhijjatīti veditabbo.

Tathā yaṃ nāmarūpaparicchedādīsu vipassanāññesu paṭipakkhabhāvato dīpālakena viya tamassa tena tena vipassanāññena tassa tassa anathassa pahānaṃ, seyyathidaṃ – nāmarūpavavattānena sakkāyaditṭhiyā, paccayapariggahena ahetuvisamahetuditṭhīnaṃ, kaṅkhāvitaraṇena kathamaṃkathābhāvassa, kalāpasammasanena “ahaṃ mamā”ti gāhassa, maggāmaggavavattānena amagge maggasaññāya, udayadassanena ucchedaditṭhiyā, vayadassanena sassataditṭhiyā, bhayadassanena sabhaye abhayaññāya, ādīnavadassanena assādasaññāya, nibbidānupassanena abhiratisaññāya, muñcitukamyatāññānena amuñcitukamyatāya, upekkhāññānena anupekkhāya, anulomaññānena dhammaṭṭhitiyaṃ nibbāne ca paṭilomabhāvassa, gotrabhunā saṅkhāranimittagāhassa pahānaṃ, etaṃ **tadaṅgappahānaṃ** nāma.

Yaṃ pana upacārappanābhedenā samādhinā pavattibhāvanivāraṇato ghaṭappahārena viya udakapitṭhe sevālassa tesāṃ tesāṃ nīvaraṇādīdhammānaṃ pahānaṃ, idaṃ **vikkhambhanappahānaṃ** nāma. Yaṃ catunnaṃ ariyamaggānaṃ bhāvitattā taṃtaṃmaggavato attano santāne “dīṭṭhigatānaṃ pahānāyā”tiādīnā (dha. sa. 277; vibha. 628) nayena vuttassa samudayapakkhikassa kilesaggaṇassa accantaappavattibhāvena pahānaṃ, idaṃ **samucchedappahānaṃ** nāma. Yaṃ pana phalakkhaṇe paṭippassaddhattaṃ kilesānaṃ, idaṃ **paṭippassaddhippahānaṃ** nāma. Yaṃ sabbasaṅkhatanissaṭṭatā pahīnasabbasaṅkhatāṃ nibbānaṃ, idaṃ **nissaraṇappahānaṃ** nāma. Sabbampi cetāṃ pahānaṃ yasmā cāgaṭṭhena pahānaṃ, vinayanaṭṭhena vinayo, tasmā “pahānavinayo”ti vuccati, taṃtaṃpahānavato vā tassa tassa vinayassa sambhavatopetaṃ “pahānavinayo”ti vuccati. Evaṃ pahānavinayopi pañcadhā bhijjatīti veditabbo.

Evamayaṃ saṅkhepato duvidho, pabhedato ca dasavidho vinayo bhinnasamvarattā pahātabbassa ca appahīnattā yasmā etassa assutavato puthujjanassa natthi, tasmā abhāvato tassa ayaṃ “avinīto”ti vuccatīti. Esa nayo **sappurisānaṃ adassāvī sappurisadhammassa akovido sappurisadhamme avinītoti** etthāpi. Ninnānākāraṇaṇhi etaṃ atthato. Yathāha – “yeva te ariyā, teva te sappurisā. Yeva te sappurisā, teva te ariyā. Yova so ariyānaṃ dhammo, sova so sappurisānaṃ dhammo. Yova so sappurisānaṃ dhammo, sova so ariyānaṃ dhammo. Yeva te ariyavinayā, teva te sappurisavinayā. Yeva te sappurisavinayā, teva te ariyavinayā. Ariyeti vā sappuriseti vā, ariyadhammeti vā sappurisadhammeti vā, ariyavinayeti vā sappurisavinayeti vā esese eke ekaṭṭhe same samabhāge tajjāte taññevā”ti.

Kasmā pana thero **attānudiṭṭhiyā katamehi vīsatiyā ākārehi abhiniveso hotīti** pucchitvā taṃ avissajjetvāva “idha assutavā puthujjano”ti evaṃ puthujjanaṃ niddisīti? Puggalādhiṭṭhānāya desanāya taṃ atthaṃ āvikātaṃ paṭhamaṃ puthujjanaṃ niddisīti veditabbaṃ.

131. Evaṃ puthujjanaṃ niddisitvā idāni abhinivesuddesaṃ dassento **rūpaṃ attato samanupassatī**tiādīmāha. Tattha **rūpaṃ attato samanupassatī** rūpakkhandhaṃ kaṣiṇarūpañca “attā”ti dīṭṭhipassanāya samanupassatī. Niddese panassa rūpakkhandhe abhiniveso pañcakkhandhādhikārattā pākaṭoti taṃ avatvā kaṣiṇarūpameva “rūpa”nti sāmāññavasena vuttanti veditabbaṃ. **Rūpavantāṃ vā attānanti** arūpaṃ “attā”ti gahetvā taṃ attānaṃ rūpavantāṃ samanupassatī. **Attāni vā rūpanti** arūpameva “attā”ti gahetvā tasmim attāni rūpaṃ samanupassatī. **Rūpasmim vā attānanti** arūpameva “attā”ti gahetvā taṃ attānaṃ rūpasmim samanupassatī.

Tattha **rūpaṃ attato samanupassatī**ti suddharūpameva “attā”ti kathitaṃ. **Rūpavantāṃ vā attānaṃ, attāni vā rūpaṃ, rūpasmim vā attānaṃ, vedanaṃ attato samanupassatī, saññaṃ, saṅkhāre, viññāṇaṃ attato samanupassatī**ti imesu sattasu ṭhānesu arūpaṃ “attā”ti kathitaṃ. **Vedanāvantāṃ vā attānaṃ, attāni vā vedanaṃ, vedanāya vā attānanti** evaṃ catūsu khandhesu tiṇṇaṃ tiṇṇaṃ vasena dvādasasu ṭhānesu rūpārūpamissako attā kathito. Tā pana vīsatiṃ dīṭṭhiyo maggāvaraṇā, na saṅgāvaraṇā, sotāpattimaggavajjhā.

Idāni taṃ niddisanto **kathaṃ rūpanti**tiādīmāha. Tattha **pathavīkaṣiṇanti** pathavīmaṇḍalaṃ nissāya

uppāditaṃ paṭibhāganimittasāṅkhātaṃ sakalapharaṇavasena pathavīkasiṇaṃ. **Ahanti** attānameva sandhāya gaṇhāti. **Attanti** attānaṃ. **Advayanti** ekameva. **Telappadīpassāti** telayuttassa padīpassa. **Jhāyatoti** jalato. **Yā acci, so vaṇṇoti**ādi acciṃ muñcitvā vaṇṇassa abhāvato vuttaṃ. **Yā ca diṭṭhi yañca vatthūti** tadubhayaṃ ekato katvā rūpavattukā attānudiṭṭhi vuccatīti attho.

Āpokasiṇādīni āpādīni nissāya uppāditakasiṇanimittāneva. Paricchinnākāsakasiṇaṃ pana rūpajjhānassa ārammaṇaṃ hontampi ākāsakasiṇanti vuccamāne arūpajjhānārammaṇena kasiṇuggahāṭimākāsena saṃkiṇṇaṃ hotīti na gahitanti veditabbaṃ. Rūpādhikārattā viññāṇakasiṇaṃ na gahetabbamevāti. **Idhekacco vedanaṃ saññaṃ saṅkhāre viññāṇaṃ attato samanupassatīti** cattāro khandhe abhinditvā ekato gahaṇavasena vuttaṃ. So hi cittacetāsikānaṃ visuṃ visuṃ karaṇe asamatthattā sabbe ekato katvā “attā”ti gaṇhāti. **Iminā rūpena rūpavāti** ettha sarīrarūpampi kasiṇarūpampi labbhati. **Chāyāsampannoti** chāyāya sampanno aviraḷo. **Tamenāti** ettha ena-saddo nipātamattaṃ, tametanti vā attho. **Chāyāvāti** vijjamaṇacchāyo. Rūpaṃ attāti aggahitepi rūpaṃ amuñcitvā diṭṭhiyā uppannattā **rūpavattukāti** vuttaṃ.

Attani rūpaṃ samanupassatīti sarīrarūpassa kasiṇarūpassa ca cittanissitattā tasmīṃ arūpasamudāye attani taṃ rūpaṃ samanupassati. **Ayaṃ gandhoti** ghāyitagandhaṃ āha. **Imasmīṃ puppheti** pupphanissitattā gandhassa evamāha.

Rūpasmīṃ attānaṃ samanupassatīti yathā rūpaṃ gacchati, tattha cittaṃ gacchati. Tasmā rūpanissitaṃ cittaṃ gahetvā taṃ arūpasamudāyaṃ attānaṃ tasmīṃ rūpe samanupassati. Oḷārikattā rūpassa oḷārikādhāraṃ karaṇḍakamāha.

132. Idhekacco cakkhusamphassaṃ vedanantiādīsu visuṃ visuṃ vedanāya diṭṭhigahaṇe asatipi vedanāti ekaggahaṇena gahite sabbāsaṃ vedanānaṃ antogadhattā visuṃ visuṃ gahitā eva hontīti visuṃ visuṃ yojanā katāti veditabbā. So hi anubhavanavasena vedanāya oḷārikattā vedanaṃyeva “attā”ti gaṇhāti. **Saññaṃ saṅkhāre viññāṇaṃ rūpaṃ attato samanupassatīti** saññādayo arūpadhamme rūpañca ekato katvā “attā”ti samanupassati. Ummattako viya hi puthujjano yathā yathā upaṭṭhāti, tathā tathā gaṇhāti.

133. Cakkhusamphassaṃ saññantiādīsu sañjānavasena saññāya pākaṭattā saññaṃ “attā”ti gaṇhāti. Sesam vedanāya vuttanayena veditabbaṃ.

134. Cakkhusamphassaṃ cetanantiādīsu saṅkhārakkhandhapariyāpannesu dhammesu cetanāya padhānattā pākaṭattā ca cetanā eva niddiṭṭhā. Tāya itarepi niddiṭṭhāva honti. So pana cetāsikabhāvavasena pākaṭattā cetanaṃ “attā”ti gaṇhāti. Sesam vuttanayameva.

135. Cakkhuvīññāṇantiādīsu vijānavasena cittassa pākaṭattā cittaṃ “attā”ti gaṇhāti. Sesametthāpi vuttanayameva.

Attānudiṭṭhiniddesavaṇṇanā niṭṭhitā.

3. Micchādiṭṭhiniddesavaṇṇanā

136. Micchādiṭṭhi heṭṭhā vuttatthāyeva. Ayaṃ pana aparo nayo – **natthi dinnanti** ucchedadiṭṭhikattā dānaphalaṃ paṭikkhipati. **Natthi yiṭṭhanti** ettha **yiṭṭhanti** khuddakayañño. **Hutanti** mahāyañño. Dvinnampi phalaṃ paṭikkhipati. **Natthi sukatadukkaṭānaṃ kammānaṃ phalaṃ vipākoti** dānaphalassa paṭikkhittattā silādīnaṃ puññakammānaṃ, pāṇātipātādīnaṃ pāpakammānaṃ phalaṃ paṭikkhipati. **Natthi ayaṃ lokoti** pure katena kammunā. **Natthi paro lokoti** idha katena kammunā. **Natthi mātā, natthi pitāti** tesu katakammānaṃ phalaṃ paṭikkhipati. **Natthi sattā opapātikāti** kammahetukaṃ upapattim paṭikkhipati. **Natthi loke samaṇabrāhmaṇā...pe... pavedentīti** idhalokaparaloke passituṃ abhiññapaṭilābhāya paṭipadaṃ paṭikkhipati. Idha pāliyaṃ pana **natthi dinnanti vatthūti** natthi dinnanti

vuccamānaṃ dānaṃ, tassā diṭṭhiyā vatthūti attho. **Evamvādo micchāti** evaṃ natthi dinnanti vādo vacanaṃ micchā viparītoti attho.

Micchādiṭṭhiniddesavaṇṇanā niṭṭhitā.

4. Sakkāyadiṭṭhiniddesavaṇṇanā

137. Sakkāyadiṭṭhi pana attānudiṭṭhiyeva, aññattha āgatapariyāyavacanadassanattaṃ vuttāti veditabbā.

Sakkāyadiṭṭhiniddesavaṇṇanā niṭṭhitā.

5. Sassatadiṭṭhiniddesavaṇṇanā

138. Sakkāyavatthukāya sassatadiṭṭhiyāti kammadhārayasamāso. **Rūpavantaṃ vā attānantiādīnaṃ** pannarasannaṃ vacanānaṃ ante samanupassatīti sambandho kātabbo, pāṭho vā. Aññathā hi na ghaṭiyatīti. Evaṃ “rūpavantaṃ vā attānaṃ samanupassatī”ti ekameva dassetvā sesā cuddasa saṃkhittā.

Sassatadiṭṭhiniddesavaṇṇanā niṭṭhitā.

6. Ucchedadiṭṭhiniddesavaṇṇanā

139. Sakkāyavatthukāya ucchedadiṭṭhiyā evaṃ “rūpaṃ attato samanupassatī”ti ekameva dassetvā sesā catasso saṃkhittā.

Ucchedadiṭṭhiniddesavaṇṇanā niṭṭhitā.

7. Antaggāhikādiṭṭhiniddesavaṇṇanā

140. Antaggāhikāya diṭṭhiyā paṭhamavāre ākārapucchā. Dutiye ākāragahaṇaṃ. Tatiye ākāravissajjanaṃ. Tattha **lokoti** attā. **So antoti** aññamaññapaṭipakkhesu sassatuccedantesu sassataggāhe sassatanto, asassataggāhe ucchedanto. **Parittaṃ okāsanti** suppaṃattaṃ vā sarāvamattaṃ vā khuddakaṃ ṭhānaṃ. **Nīlakato pharatīti** nīlanti ārammaṇaṃ karoti. **Ayaṃ lokoti** attānaṃ sandhāya vuttaṃ. **Parivaṭumoti** samantato paricchedavā. **Antasaññīti** antavātisaññī. Anto assa atthīti antoti gahetabbaṃ. **Yaṃ pharatīti** yaṃ kasiṇarūpaṃ pharati. **Taṃ vatthu ceva loko cāti** taṃ kasiṇarūpaṃ ārammaṇaṇceva ālokiyaṭṭhena loko ca. **Yena pharatīti** yena cittaṃ pharati. **So attā ceva loko cāti** attānamapekkhitvā pulliṅgaṃ kataṃ, taṃ cittaṃ attā ceva ālokanaṭṭhena loko cāti vuttaṃ hoti. **Antavāti** anto. **Okāsakato pharatīti** ālokakasiṇavasena tejokasiṇavasena odātakasiṇavasena vā obhāsoti pharati. Nīlādīnaṃ pañcannaṃ pabhassarakasiṇānaṃyeva gahitattā pathavīpovāyokasiṇavasena attābhiniveso na hotīti gahetabbaṃ.

Vipulaṃ okāsanti khalamaṇḍalamattādivasena mahantaṃ ṭhānaṃ. **Anantavāti** vuddhaanantavā. **Apariyantoti** vuddhaapariyanto. **Anantasaññīti** anantotisaññī. **Taṃ jīvanti** so jīvo. Liṅgavipallāso kato. **Jīvoti** ca attā eva. Rūpādīni pañcapi parivaṭumaṭṭhena sarīraṃ. **Jīvaṃ na sarīranti** attasaṅkhāto jīvo rūpasāṅkhātaṃ sarīraṃ na hoti. Esa nayo vedanādīso. **Tathāgatoti** satto. Arahanti eke. **Paraṃ maraṇāti** maraṇato uddhaṃ, paraloketi attho. **Rūpaṃ idheva maraṇadhamanti** attano pākaṭakkhandhasīsena pañcakkhandhaggahaṇaṃ, taṃ imasmiṃyeva loke nassanapakatikanti attho. Sesakkhandhesupi eseva nayo. **Kāyassa bhedaṃti** khandhapañcakasaṅkhātassa kāyassa bhedato paraṃ. Iminā vacanena “paraṃ maraṇā”ti etassa uddesassa attho vutto. **Hotipītiādīso hotīti** mūlapadaṃ. Catūsipi api-saddo samuccayatto. **Tiṭṭhatīti** sassatattā tiṭṭhati, na cavatīti attho. “Hotī”ti padassa vā atthavisesanattaṃ

“tiṭṭhatī”ti padaṃ vuttanti veditabbaṃ. **Uppajjatīti** aṇḍajajalābujayonipavesavasena uppajjati nāma, **nibbattatīti** saṃsedajaopapātikayonipavesavasena nibbattati nāmāti atthayojanā veditabbā. **Ucchijjatīti** pabandhābhāvavasena. **Vinassatīti** bhaṅgavasena. **Na hoti paraṃ maraṇāti** purimapadānaṃ atthavivaraṇaṃ, cutito uddhaṃ na vijjatīti attho. **Hoti ca na ca hotīti** ekaccasassatikānaṃ diṭṭhi, ekena pariyāyena hoti, ekena pariyāyena na hotīti attho. Jīvabhāvena hoti, pubbajīvassa abhāvena na hotīti vuttaṃ hoti. **Neva hoti na na hotīti** amarāvikkhepikānaṃ diṭṭhi, hotīti ca neva hoti, na hotīti ca na hotīti attho. Anuvādabhayā musāvādabhayā ca mandattā momūhattā ca pubbavuttanayassa paṭikkhepamattaṃ karoti. **Imehi paññāsāya ākārehīti** yathāvuttānaṃ dasannaṃ pañcakānaṃ vasena paññāsāya ākārehīti.

Antaggāhikādiṭṭhiniddesavaṇṇanā niṭṭhitā.

8. Pubbantānudiṭṭhiniddesavaṇṇanā

141. Pubbantāparantānudiṭṭhīsu sassataṃ vadantīti **sassatavādā**. Atha vā vadanti etenāti vādo, diṭṭhigatassetāṃ adhivacanaṃ. Sassatanti vādopi sassatayogena sassato, sassato vādo etesanti sassatavādā. Tathā ekaccaṃ sassatanti vādo ekaccasassato, so etesaṃ atthīti **ekaccasassatikā**. Tathā antavā, anantavā, antavā ca anantavā ca, nevantavā nānantavāti pavatto vādo antānanto, so etesaṃ atthīti **antānantikā**. Na maratīti amarā. Kā sā? “Evampi me no”tiādinā (dī. ni. 1.62-63) nayena pariyantarahitassa diṭṭhigatikassa diṭṭhi ceva vācā ca. Vividho khepo vikkhepo, amarāya diṭṭhiyā, vācāya vā vikkhepo amarāvikkhepo, so etesaṃ atthīti **amarāvikkhepikā**. Aparo nayo – amarā nāma macchajāti, sā ummujjananimujjanādivasena udake sandhāvamānā gahetuṃ na sakkā hoti, evamevaṃ ayampi vādo ito cito ca sandhāvati, gāhaṃ na upagacchatīti amarāvikkhepoti vuccatī, so etesaṃ atthīti amarāvikkhepikā. **Adhiccasaṃuppannoti** akāraṇasaṃuppanno attā ca loko cāti dassanaṃ adhiccasaṃuppannaṃ, taṃ etesaṃ atthīti **adhiccasaṃuppannikā**.

Pubbantānudiṭṭhiniddesavaṇṇanā niṭṭhitā.

9. Aparantānudiṭṭhiniddesavaṇṇanā

142. Saññiṃ vadantīti **saññivādā**. Asaññiṃ vadantīti **asaññivādā**. Nevasaññināsaññiṃ vadantīti **nevasaññināsaññivādā**. Atha vā saññīti pavatto vādo saññivādo, so yesaṃ atthīti te saññivādā, tathā asaññivādā, nevasaññināsaññivādā ca. Uccedaṃ vadantīti **uccedavādā**. **Diṭṭhadhammoti** paccakkhadhammo, tattha tattha paṭiladdhaattabhāvassetāṃ adhivacanaṃ. **Diṭṭhadhamme nibbānaṃ** diṭṭhadhammanibbānaṃ, imasmiṃyeva attabhāve dukkhavūpasamoti attho, taṃ vadantīti **diṭṭhadhammanibbānavādā**. Imasmiṃ panatthe vitthāriyamāne sātthakathaṃ sakalaṃ brahmajālasuttaṃ vattabbaṃ hoti. Evañca satī atipapañco hotīti na vitthārito. Tadatthikehi taṃ apekkhitvā gahetabbo.

Aparantānudiṭṭhiniddesavaṇṇanā niṭṭhitā.

10-12. Saññojanikādiṭṭhiniddesavaṇṇanā

143. Yasmā saññojanikā diṭṭhi sabbadiṭṭhisādhāraṇā, tasmā tassā sabbadiṭṭhisaññojanattā sabbadiṭṭhisādhāraṇo attho niddiṭṭho. So heṭṭhā vuttadiṭṭhipariyuyūṭṭhānāneva.

144. Mānavinibandhadiṭṭhīsu **cakkhu ahanti abhinivesaparāmāsoti** mānapubbako abhinivesaparāmāso. Na hi diṭṭhi mānasampayuttā hoti. Teneva ca mānavinibandhāti vuttaṃ, mānapaṭibandhā mānamūlakāti attho.

145. Cakkhu mamanti abhinivesaparāmāsoti etthāpi eseva nayo. Ettha pana “mamā”ti vattabbe “mama”nti anunāsikāgamo veditabbo. “Aha”nti mānavinibandhāya rūpādīnipi ajjhattikāneva. Na hi kasiṇarūpaṃ vinā bāhirāni “aha”nti gaṇhāti. “Mama”nti mānavinibandhāya pana bāhirānipi labbhanti. Bāhirānipi hi “mama”nti gaṇhāti. Yasmā pana dukkhā vedanā anīṭṭhattā mānavatthu na hoti, tasmā cha

vedanā tāsam mūlapaccayā cha phassā ca na gahitā. Saññādayo pana idha pacchinnattā na gahitāti veditabbā.

Samyojanikādidiṭṭhiniddesavaṇṇanā niṭṭhitā.

13. Attavādapaṭisaṃyuttadiṭṭhiniddesavaṇṇanā

146. Attavādapaṭisaṃyuttā diṭṭhi attānudiṭṭhiyeva. Attāti vādena paṭisaṃyuttattā puna evaṃ vuttā.

Attavādapaṭisaṃyuttadiṭṭhiniddesavaṇṇanā niṭṭhitā.

14. Lokavādapaṭisaṃyuttadiṭṭhiniddesavaṇṇanā

147. Attā ca loko cāti so eva attā ca ālokanatṭhena loko cāti attho. Sassatoti sassatavādānaṃ diṭṭhi. Asassatoti ucchedavādānaṃ. Sassato ca asassato cāti ekaccasassatikānaṃ. Neva sassato nāsassatoti amarāvikkhepikānaṃ. Antavāti parittakasiṇalābhīnaṃ takkikānaṃca nigaṇṭhājīvikānaṃca. Atha vā ucchedavādino “satto jātiyā pubbantavā, maraṇena aparantavā”ti vadanti. Adhiccasaṃyuttāni “satto jātiyā pubbantavā”ti vadanti. Anantavāti appamāṇakasiṇalābhīnaṃ. Sassatavādino pana “pubbantāparantā natthi, tena anantavā”ti vadanti. Adhiccasaṃyuttāni “aparantena anantavā”ti vadanti.

Antavā ca anantavā cāti uddhamadho avaḍḍhitvā tiriyaṃ vaḍḍhitakasiṇānaṃ. Neva antavā na anantavāti amarāvikkhepikānaṃ.

Lokavādapaṭisaṃyuttadiṭṭhiniddesavaṇṇanā niṭṭhitā.

15-16. Bhavavibhavadiṭṭhiniddesavaṇṇanā

148. Bhavavibhavadiṭṭhīnaṃ yathāvuttadiṭṭhito viṣuṃ abhinivesābhāvato viṣuṃ niddesaṃ akatvā yathāvuttadiṭṭhīnaṃyeva vasena “olīyanaṃ atidhāvana”nti ekekaṃ ākāraṃ niddisitaṃ pucchaṃ akatvā ca olīyanābhiniveso bhavadiṭṭhi, atidhāvanābhiniveso vibhavadiṭṭhi āha. Tattha “bhavanirodhāya dhamme desiyamāne cittaṃ na pakkhandatī”ti (itivu. 49) vuttaolīyanābhiniveso, sassatasaññāya nibbānato saṅkocanābhinivesoti attho. “Bhaveneva kho paneke aṭṭiyamānā harāyamānā jigucchamānā vibhavaṃ abhinandantī”ti vuttaatidhāvanābhiniveso, ucchedasaññāya nirodhagāminipaṭipadātikkaṃamanābhinivesoti attho.

Idāni tāva bhavavibhavadiṭṭhiyo sabbadiṭṭhīsu yojetvā dassetaṃ assādadiṭṭhiyātiādimāha. Tattha yasmā assādadiṭṭhikā sassataṃ vā ucchedaṃ vā nissāya “natthi kāmesu doso”ti gaṇhanti, tasmā pañcatimsākārāpi assādadiṭṭhiyo siyā bhavadiṭṭhiyo, siyā vibhavadiṭṭhiyoti vuttā. Tattha yasmā ekekāpi diṭṭhiyo sassataggāhavasena bhavadiṭṭhiyo bhavayyūṃ, ucchedaggāhavasena vibhavadiṭṭhiyo bhavayyunti attho. Attānudiṭṭhiyā rūpaṃ attato samanupassati, vedanaṃ... saññānaṃ... saṅkhāre... viññānaṃ attato samanupassatīti pañcasu rūpādito attano anaññattā tesu ucchinnesu attā ucchinnoti gahaṇato pañca vibhavadiṭṭhiyoti vuttā. Sesesu pañcadasasu ṭhānesu rūpādito attano aññattā tesu ucchinnesupi “attā sassatoti gahaṇato pannarasa bhavadiṭṭhiyoti vuttā.

Micchādiṭṭhiyā “sabbāva tā vibhavadiṭṭhiyo”ti ucchedavasena pavattattā antavānantavādiṭṭhīsu parittārammaṇaappamāṇārammaṇajhānalābhīno dibbacakkhunā rūpadhātuyā cavitvā satte aññattha upapanne passitvā bhavadiṭṭhiṃ apassitvā vibhavadiṭṭhiṃ gaṇhanti. Tasmā tattha siyā bhavadiṭṭhiyo, siyā vibhavadiṭṭhiyoti vuttā. Hoti ca na ca hotīti ettha hoti cāti bhavadiṭṭhi, na ca hotīti vibhavadiṭṭhi. Neva hoti na na hotīti ettha neva hotīti vibhavadiṭṭhi, na na hotīti bhavadiṭṭhi. Tasmā tattha “siyā”ti vuttā.

Pubbantānudiṭṭhiyā ekaccasassatikā sassatañca paññapenti, asassatañca paññapenti. Tasmā sā bhavadiṭṭhi ca vibhavadiṭṭhi ca hoti. Cattāro antānantikā antānantaṃ attānaṃ paññapenti. Tasmā sā attānudiṭṭhisadisā bhavadiṭṭhi ca vibhavadiṭṭhi ca. Cattāro amarāvikkhepikā bhavadiṭṭhiṃ vā vibhavadiṭṭhiṃ vā nissāya vācāvikkhepaṃ āpajjanti, avasesā pana bhavadiṭṭhiyova. Tasmā te te sandhāya “siyā”ti vuttaṃ. Aparantānudiṭṭhiyā satta ucchedavādā vibhavadiṭṭhiyo, avasesā bhavadiṭṭhiyo. Tasmā te te sandhāya “siyā”ti vuttaṃ. Saññojanikadiṭṭhiyā sabbadiṭṭhinaṃ vasena “siyā”ti vuttaṃ. Ahanti mānavinibandhāya diṭṭhiyā cakkhādīnaṃ ahanti gahitattā tesam vināse attā vinaṭṭho hotīti **sabbāva tā vibhavadiṭṭhiyoti** vuttaṃ. Attānudiṭṭhiyo viya mamanti mānavinibandhāya diṭṭhiyā cakkhādito attano aññattā tesam vināsepi attā na vinassatīti **sabbāva tā bhavadiṭṭhiyoti** vuttaṃ. Lokavādapaṭisaṃyuttāya diṭṭhiyā “sassato attā ca loko cā”tiādīna (paṭi. ma. 1.147) nayena vuttattā bhavavibhavadiṭṭhi pākaṭāyeva. Ettāvatā assādadiṭṭhādīkā vibhavadiṭṭhipariyosānā soḷasa diṭṭhiyo tīnisatañca diṭṭhābhinivesā niddiṭṭhā hontī. Attānudiṭṭhi ca sakkāyadiṭṭhi ca attavādapaṭisaññūtā diṭṭhi ca atthato ekā pariyāyena tividhā vuttā. Saññojanikā pana diṭṭhi avatthābhedenā sabbāpi diṭṭhiyo hontī.

Idāni **sabbāva tā diṭṭhiyo assādadiṭṭhiyoti**tiādī aññena pariyāyena yathāyogaṃ diṭṭhisamsandanā. Tattha **sabbāva tā diṭṭhiyoti** yathāvuttā anavasesā diṭṭhiyo. Diṭṭhirāgarattattā tañhāssādanissitattā ca **assādadiṭṭhiyo**, attasinehānugatattā **attānudiṭṭhiyo**, viparītadassanattā **micchādiṭṭhiyo**, khandhavatthukattā **sakkāyadiṭṭhiyo**, ekekassa antassa gahitattā **antaggāhikā diṭṭhiyo**, anattasamyojanikattā **saññojanikā diṭṭhiyo**, attavādena yuttattā **attavādapaṭisaṃyuttā diṭṭhiyoti** imā satta diṭṭhiyo sabbadiṭṭhisangāhikā, sesā pana nava diṭṭhiyo na sabbadiṭṭhisangāhikā.

Idāni vitthārato vuttā sabbāva tā diṭṭhiyo dvīsuyeva diṭṭhīsu saṅkhipitvā sattānaṃ diṭṭhidvayanissayaṃ dassento **bhavañca diṭṭhintigāthamāha**. Sabbāpi hi tā diṭṭhiyo bhavadiṭṭhī vā hontī vibhavadiṭṭhī vā. **Bhavañca diṭṭhiṃ vibhavañca diṭṭhinti** ettha pana ca-saddo diṭṭhimeva samuccinoti, na nissayaṃ. Na hi eko bhavavibhavadiṭṭhidvayaṃ nissayati. Yathāha – “iti bhavadiṭṭhisannissitā vā sattā hontī vibhavadiṭṭhisannissitā vā”ti (paṭi. ma. 1.113). **Takkikā**ti takkena vadantīti takkikā. Te hi diṭṭhigatikā sabhāvapaṭivedhapaññāya abhāvā kevalaṃ takkena vattanti. Yepi ca jhānalābhino abhiññālābhino vā diṭṭhiṃ gaṇhanti, tepi takketvā gahaṇato takkikā eva. **Nissitāseti** nissitāti attho. Ekameva padaṃ, “se”ti nipātamattaṃ vā. **Tesam nirodhamhi na hatthi nāṇanti** diṭṭhinissayassa kāraṇavacanametam. Sakkāyadiṭṭhinirodhe nibbāne yasmā tesam nāṇaṃ natthi, tasmā etaṃ diṭṭhidvayaṃ nissitāti attho. “Na hi atthi nāṇa”nti ettha hi-kāro kāraṇopadese nipāto. **Yatthāyaṃ loko viparītasāññīti** yattha sukhe nirodhamhi ayaṃ sadevako loko “dukkha”miti viparītasāññī hoti, tasmim nirodhamhi na hatthi nāṇanti sambandho. Dukkhamiti viparītasāññītāya idaṃ suttaṃ –

“Rūpā saddā rasā gandhā, phassā dhammā ca kevalā;
Iṭṭhā kantā manāpā ca, yāvatatthīti vuccati.

“Sadevakassa lokassa, ete vo sukhasammatā;
Yattha cete nirujjhanti, taṃ nesam dukkhasammatam.

“Sukhanti diṭṭhamariyehi, sakkāyassuparodhanaṃ;
Paccanīkamidaṃ hoti, sabbalokena passatam.

“Yaṃ pare sukhatō āhu, tadariyā āhu dukkhato;
Yaṃ pare dukkhato āhu, tadariyā sukhatō vidū.

“Passa dhammaṃ durājānaṃ, sampamūlhetthaviddasu;
Nivutānaṃ tamo hoti, andhakāro apassatam.

“Satañca vivaṭaṃ hoti, āloko passatāmiva;
Santike na vijānanti, magā dhammassakovidā.

“Bhavarāgaparetehi, bhavasotānusāribhi;
Māradheyyānupannehi, nāyaṃ dhammo susambudho.

“Ko nu aññatra ariyebhi, padaṃ sambuddhumarahati;
Yaṃ padaṃ sammadaññāya, parinibbanti anāsavā”’ti. (su. ni. 764-771);

149. Idāni sabbāsaṃ diṭṭhīnaṃ diṭṭhidvayabhāvaṃ diṭṭhisamugghātakañca sammādiṭṭhiṃ suttato dassetukāmo, **dvīhi bhikkhavi** suttam āhari. Tattha **devāti** brahmānopi vuccanti. **Oliyantīti** saṅkucanti. **Atidhāvanti** atikkamitvā gacchanti. **Cakkhumantoti** paññavanto. Ca-saddo atirekattho. **Bhavārāmāti** bhavo ārāmo abhiraṃtānaṃ etesanti bhavārāmā. **Bhavaratāti** bhavā abhiratā. **Bhavasammuditāti** bhavena santuṭṭhā. **Desiyamāneti** tathāgatena vā tathāgatasāvakena vā desiyamāne. **Na pakkhandatīti** dhammadesanaṃ vā bhavanirodham vā na pavasi. **Na pasīdatīti** tattha pasādaṃ na pāpuṇāti. **Na santiṭṭhatīti** tattha na patiṭṭhāti. **Nādhimuccatīti** tattha ghanabhāvaṃ na pāpuṇāti. Ettāvataṃ sassatadiṭṭhi vuttā.

Atṭiyamānāti dukkham pāpuṇamānā. **Harāyamānāti** lajjam pāpuṇamānā. **Jigucchamānāti** jiguccham pāpuṇamānā. **Vibhavam abhinandantīti** ucchedaṃ paṭicca tussanti, ucchedaṃ patthayantīti vā attho. **Kirāti** anussavanatthe nipāto. **Bhoti** ālapanametaṃ. **Santanti** nibbutam. **Paṇītanti** dukkhābhāvato paṇītam, padhānabhāvaṃ nītanti vā paṇītam. **Yāthāvanti** yathāsabhāvaṃ. Ettāvataṃ ucchedadiṭṭhi vuttā.

Idhāti imasmiṃ sāsane. **Bhūtanti** hetuto sañjātaṃ khandhapañcakasañkhātaṃ dukkham. **Bhūtato passatīti** idaṃ bhūtaṃ dukkhanti passati. **Nibbidāyāti** vipassanattāya. **Virāgāyāti** ariyamaggaṭṭhāya. **Nirodhāyāti** nibbānatthāya. **Paṭipanno hotīti** tadanurūpaṃ paṭipadaṃ paṭipanno hoti. **Evam passantīti** iminā pakārena pubbhāge lokiyaññāna, paṭivedhakāle lokuttaraññāna passanti. Ettāvataṃ sammādiṭṭhi vuttā.

Idāni dvīhi gāthāhi tassā sammādiṭṭhiyā ānisaṃsaṃ dasseti. Tattha **yo bhūtaṃ bhūtato disvāti** dukkham pariññābhisamayena abhisamēvāti attho. **Bhūtassa ca atikkamanti** nirodham sacchikiriyaṃ bhisamayena abhisamēvāti attho. **Yathābhūtedhimuccatīti** maggabhāvanābhisamayavasena yathāsabhāve nirodhe “etaṃ santaṃ, etaṃ paṇīta”’nti adhimuccatī. **Bhavataṇhā parikkhayāti** samudayassa pahānenāti attho. Asatīpi cettha saccānaṃ nānābhisamayatte “disvā”’ti pubbakālikavacanaṃ saddhiṃ pubbhāgaṭṭhāpadāya vohārasena vuttanti veditabbaṃ. Na hi pubbaṃ passitvā pacchā adhimuccatī. Catusaccābhisamayo samānakālemeva hoti. Samānakālepi vā pubbakālikāni padāni bhavanti na doso. **Sa veti** ekaṃsena so arahaṃ. **Bhūtapariññātoti** dukkham pariññātavā. **Vītataṇhoti** vigatataṇho. **Bhavābhaveti** khuddake ca mahante ca bhavē. Vuddhiatthepi hi a-kārassa sambhavato **abhavoti** mahābhavo. So pana khuddakamahantabhāvo upādāyupādāya veditabbo. Atha vā **bhaveti** sassate. **Abhaveti** ucchede. Tadubhayepi diṭṭhirāgābhāvena vītataṇho. **Bhūtassa vibhavāti** vaṭṭadukkhasa samucchēdā. **Nāgacchati punabbhavanti** arahato parinibbānaṃ vuttaṃ.

150. Tayo puggalātiādi micchādiṭṭhikagaranattham sammādiṭṭhikapasaṃsanattham vuttaṃ. Tattha virūpabhāvaṃ pannā gatā diṭṭhi etesanti **vipannadiṭṭhī**. Sundarabhāvaṃ pannā gatā diṭṭhi etesanti **sampannadiṭṭhī**. **Titthiyoti** tittham vuccatī diṭṭhi, taṃ paṭipannattā titthe sādhu, tittham yassa atthīti vā titthiyo. Ito bahiddhā pabbajjūpagato. **Titthiyasāvako**ti tesam diṭṭhānugatimāpanno gahaṭṭho. **Yo ca micchādiṭṭhiko**ti tadubhayabhāvaṃ anupagantvā yāya kāyaci diṭṭhiyā micchādiṭṭhiko.

Tathāgatoti sammāsambuddho. Paccakabuddhōpi ettheva saṅgahito. **Tathāgatasāvako**ti maggappatto phalappatto ca. **Yo ca sammādiṭṭhiko**ti tadubhayavinimutto lokiyasammādiṭṭhiyā sammādiṭṭhiko.

Gāthāsu **kodhanoti** yo abhinham kujjhati, so. **Upanāhīti** tameva kodham vaḍḍhetvā upanandhanasīlo. **Pāpamakkhīti** lāmakabhūtamakkhavā. **Māyāvīti** katapāpapaṭicchādanavā. **Vasaloti** hīnajacco. **Visuddhoti** ñāṇadassanavisuddhiyā visuddho. **Suddhatam gatoti** maggaphalasañkhātaṃ suddhabhāvaṃ

gato. **Medhāvīti** paññavā. Imāya gāthāya lokuttarasammādiṭṭhisampanno eva thomito.

Vipannadiṭṭhiyo sampannadiṭṭhiyoti puggalavohāraṃ pahāya dhamameva garahanto thomento ca āha. **Etaṃ mamāti** tañhamaññanavasena diṭṭhi. **Esohamasmīti** mānamaññanamūlikā diṭṭhi. **Eso me attāti** diṭṭhimaññanameva.

Etaṃ mamāti kā diṭṭhītiādīhi tissannaṃ vipannadiṭṭhīnaṃ vibhāgañca gaṇanañca kālasaṅgahañca pucchitvā vissajjanaṃ kataṃ. Tattha **kā diṭṭhīti** anekāsu diṭṭhīsu katamā diṭṭhīti attho. **Katamantānuggahitāti** pubbantāparantasaṅkhātakāladvaye katamena kālena anuggahitā, anubaddhāti attho. Yasmā “etaṃ mamā”ti parāmasanto “etaṃ mama ahoṣi, evaṃ mama ahoṣi, ettakaṃ mama ahoṣi”ti atītaṃ vatthum apadisitvā parāmasati, tasmā **pubbantānudiṭṭhi** hoti. **Pubbantānuggahitā** ca tā diṭṭhiyo honti. Yasmā “esohamasmī”ti parāmasanto “imināhaṃ sīlena vā vatena vā tapena vā brahmacariyena vā esosmi visujjhissāmī”ti anāgataphalaṃ upādāya parāmasati, tasmā **aparantānudiṭṭhi** hoti. **Aparantānuggahitā** ca tā diṭṭhiyo honti. Yasmā “eso me attā”ti parāmasanto atītānāgataṃ upādinnasantatiṃ upādāya “eso me attā”ti parāmasati, sakkāyadiṭṭhivasena ca parāmasati, tasmā sakkāyadiṭṭhi hoti. **Pubbantāparantānuggahitā** ca tā diṭṭhiyo honti. Yasmā pana sakkāyadiṭṭhippamukhāyeva dvāsaṭṭhi diṭṭhiyo honti, sakkāyadiṭṭhisamugghāteneva ca dvāsaṭṭhi diṭṭhiyo samugghātaṃ gacchanti, tasmā **sakkāyadiṭṭhippamukhena dvāsaṭṭhi diṭṭhigatānīti** vuttā, sakkāyadiṭṭhippamukhena sakkāyadiṭṭhidvārena dvāsaṭṭhi diṭṭhigatāni hontīti attho. Sakkāyadiṭṭhippamukhānīti pāṭho sundarataro. Sakkāyadiṭṭhi pamukhā ādi etesanti sakkāyadiṭṭhippamukhāni. Kāni tāni? Dvāsaṭṭhi diṭṭhigatāni.

“Kā diṭṭhī”ti pucchāya vīsativatthukā attānudiṭṭhi, vīsativatthukā sakkāyadiṭṭhīti vissajjanaṃ. “Kati diṭṭhiyo”ti pucchāya sakkāyadiṭṭhippamukhāni dvāsaṭṭhi diṭṭhigatānīti vissajjanaṃ. Sāyeva pana sakkāyadiṭṭhi “eso me attā”ti vacanasāmaññena attānudiṭṭhīti vuttā. Tassā vuttāya attavādapaṭisaññuttā diṭṭhipi vuttāyeva hoti.

151. Ye keci, bhikkhavitiādīsuttāharaṇaṃ sampannadiṭṭhipuggalasambandhena sampannadiṭṭhipuggalavibhāgadassanattaṃ kataṃ. Tattha **niṭṭhaṃ gatāti** maggañānavasena sammāsambuddho bhagavāti nicchayaṃ gatā, nibbematikāti attho. Niṭṭhagatāti pāṭho samāsapadaṃ hoti, attho pana soyeva. **Diṭṭhisampannāti** diṭṭhiyā sundarabhāvaṃ gatā. **Idha niṭṭhāti** imissā kāmabhāvaṃ parinibbānaṃ. **Idha vihāya niṭṭhāti** imaṃ kāmabhavaṃ vijahitvā suddhāvāsabrahmaloke parinibbānaṃ. **Sattakkhattuparamassāti** sattakkhattuparamā sattavāraparamā bhavūpapatti attabhāvaggahaṇaṃ assa, tato paraṃ aṭṭhamaṃ bhavaṃ nādiyatīti sattakkhattuparamo. Tassa sattakkhattuparamassa sotāpannassa. **Kolaṃkolassāti** kulato kulaṃ gacchatīti kolaṃkolo. Sotāpattiphalasacchikiriyato hi paṭṭhāya nīce kule upapatti nāma natthi, mahābhogakulesuyeva nibbattaṭīti attho. Tassa kolaṃkolassa sotāpannassa. **Ekabjissāti** khandhabījaṃ nāma kathitaṃ. Yassa hi sotāpannassa ekaṃyeva khandhabījaṃ atthi, ekaṃ attabhāvaggahaṇaṃ, so ekabjī nāma. Tassa ekabjissa sotāpannassa. Bhagavatā gahitanāmasasenevetāni etesaṃ nāmāni. Ettakañhi ṭhānaṃ gato sattakkhattuparamo nāma hoti, ettakaṃ kolaṃkolo, ettakaṃ ekabjīti bhagavatā etesaṃ nāmaṃ gahitaṃ. Bhagavā hi “ayaṃ ettakaṃ ṭhānaṃ gamissati, ayaṃ ettakaṃ ṭhānaṃ gamissati”ti ñatvā tesam tāni tāni nāmāni aggahesi. Mudupañño hi sotāpanno satta bhava nibbattento sattakkhattuparamo nāma, majjhimañña paraṃ chaṭṭhaṃ bhavaṃ nibbattento kolaṃkolo nāma, tikkhapañña ekaṃ bhavaṃ nibbattento ekabjī nāma. Taṃ panetaṃ tesam mudumajjhimatikkhapaññaṭaṃ pubbahetu niyameti. Ime tayopi sotāpannā kāmabhavavasena vuttā, rūpārūpabhava pana bahukāpi paṭisandhiyo gaṇhanti. **Sakadāgāmissāti** paṭisandhivasena sakiṃ kāmabhavaṃ āgacchatīti sakadāgāmī. Tassa sakadāgāmissa. **Diṭṭheva dhamme arahāti** imasmimyeva attabhāve arahā. Arahantipi pāṭho. **Idha niṭṭhāti** kāmabhavaṃ saṃsaranteyeva sandhāya vuttaṃ. Rūpārūpabhava uppannā pana ariyā kāmabhava na uppajjanti, tattheva parinibbāyanti.

Antarāparinibbāyissāti āyuvemajjhassa antarāyeva kilesaparinibbānena parinibbāyanato antarāparinibbāyī. So pana uppannasamanantarā parinibbāyī, āyuvemajjhaṃ appatvā parinibbāyī, āyuvemajjhaṃ patvā parinibbāyīti tividho hoti. Tassa antarāparinibbāyissa anāgāmino.

Upahaccaparinibbāyissāti āyuvemajjhaṃ atikkamitvā vā kālakiriyaṃ upagantvā vā kilesaparinibbānena parinibbāyantassa anāgāmino. **Asaṅkhāraparinibbāyissāti** asaṅkhārena appayogena adhimattappayogaṃ akatvā vā kilesaparinibbānena parinibbāyanadhammassa anāgāmino. **Sasaṅkhāraparinibbāyissāti** sasaṅkhārena dukkhena kasirena adhimattappayogaṃ katvā vā kilesaparinibbānena parinibbāyanadhammassa anāgāmino. **Uddhamṣotassa akaniṭṭhagāminoti** uddhamvāhibhāvena uddhamassa taṇhāsotaṃ vaṭṭasotaṃ vāti uddhamṣoto, uddham vā gantvā paṭilabhitabbato uddhamassa maggasotanti uddhamṣoto, akaniṭṭhaṃ gacchatīti akaniṭṭhagāmī. Tassa uddhamṣotassa akaniṭṭhagāmino anāgāmissa. Ayaṃ pana anāgāmī catuppabhedo – yo avihato paṭṭhāya cattāro brahmaloke sodhetvā akaniṭṭhaṃ gantvā parinibbāyati, ayaṃ uddhamṣoto akaniṭṭhagāmī nāma. Yo heṭṭhā tayo brahmaloke sodhetvā sudassībrahmaloke ṭhatvā parinibbāyati, ayaṃ uddhamṣoto na akaniṭṭhagāmī nāma. Yo ito akaniṭṭhameva gantvā parinibbāyati, ayaṃ na uddhamṣoto akaniṭṭhagāmī nāma. Yo heṭṭhā catūsu brahmalokesu tattha tattheva parinibbāyati, ayaṃ na uddhamṣoto na akaniṭṭhagāmī nāmāti. Ime pañca anāgāmino suddhāvāsaṃ gahetvā vuttā. Anāgāmino pana rūparāgārūparāgānaṃ appahīnattā ākaṅkhamānā sesarūpārūpabhavesupi nibbattanti. Suddhāvāse nibbattā pana aññattha na nibbattanti. **Aveccappasannāti** ariyamaggavasena jānitvā bujjhitvā acalappasādena pasannā. **Sotāpannāti** ariyamaggasotaṃ āpannā. Iminā sabbepi ariyaphalaṭṭhā puggalā gahitāti.

Bhavavibhavadiṭṭhiniddesavaṇṇanā niṭṭhitā.

Saddhammapakāsiniyā paṭisambhidāmaggaṭṭhakathāya

Diṭṭhikathāvaṇṇanā niṭṭhitā.

3. Ānāpānassatikathā

1. Gaṇanavāraṇṇanā

152. Idāni diṭṭhikathānantaraṃ kathitāya **ānāpānassatikathāya** apubbatthānuvaṇṇanā anuppattā. Ayañhi **ānāpānassatikathā** diṭṭhikathāya suviditadiṭṭhādīnavassa micchādiṭṭhimalavisodhanena suvisuddhacittassa yathābhūtavabodhāya samādhībhāvanā sukarā hoti, sabbasamādhībhāvanāsu ca sabbasabbaññubodhisattānaṃ bodhimūle imināva samādhinā samāhitacittānaṃ yathābhūtavabodhato ayameva samādhībhāvanā padhānāti ca diṭṭhikathānantaraṃ kathitā. Tattha **soḷasavatthukaṃ ānāpānassatisamādhīṃ bhāvayato samadhikāni dve ñāṇasatāni uppajjantīti** ñāṇagaṇanuddeso, **aṭṭha paripantho ñāṇānītiādi** ñāṇagaṇaniddeso, **katamāni aṭṭha paripantho ñāṇānītiādi**. **Imāni ekavīsati vimuttisukhe ñāṇānītipariyaṇṇaṃ sabbañāṇānaṃ vitthāraniddeso**, ante **soḷasavatthukaṃ ānāpānassatisamādhīṃ bhāvayatotiādi** nigamananti evaṃ tāva pāḷivavatthānaṃ veditabbaṃ.

Tattha gaṇanuddese gaṇanavāre tāva **soḷasavatthukanti** dīghaṃ rassaṃ sabbakāyapaṭisaṃvedī passambhayaṃ kāyasāṅkhāranti kāyānupassanācatukkaṃ, pītipaṭisaṃvedī sukhapaṭisaṃvedī cittasāṅkhārapaṭisaṃvedī passambhayaṃ cittasāṅkhāranti vedanānupassanācatukkaṃ, cittapaṭisaṃvedī abhippamodayaṃ cittaṃ samādahaṃ cittaṃ vimocayaṃ cittanti cittānupassanācatukkaṃ, aniccānupassī virāgānupassī nirodhānupassī paṭinissaggānupassīti dhammānupassanācatukkanti imesaṃ catunnaṃ catukkānaṃ vasena soḷasa vatthūni paṭiṭṭhā ārammaṇāni assāti soḷasavatthuko. Taṃ soḷasavatthukaṃ. Samāsavasena panettha vibhattilopo kato. **Ānanti** abbhantaraṃ pavisanavāto. **Āpānanti** bahinikkhāmanavāto. Keci pana vipariyāyena vadanti. Apānañhi apetaṃ ānatoti apānanti vuccati, niddese (paṭi. ma. 1.160) pana nā-kārassa dīghattamajjuhekkhitvā āpānanti. Tasmīṃ ānāpāne sati ānāpānassati, assāsapassāsapariggāhikāya satiyā etaṃ adhivacanaṃ. Ānāpānassatiyā yutto samādhī, ānāpānassatiyaṃ vā samādhī ānāpānassatisamādhī. **Bhāvayatoti** nibbedhabhāgiyaṃ bhāventassa. **Samadhikānīti** saha adhikena vattantīti samadhikāni, sātirekānīti attho. Ma-kāro panettha padasandhikaro. Keci pana “samadhikāni”ti vadanti. Evaṃ sati dve ñāṇasatāniyeva adhikānīti āpajjati, taṃ na yujjati. Imāni hi vīsatiadhikāni dve ñāṇasatāni hontīti.

Paripanthe ñāṇānī paripantham ārammaṇam katvā pavattañāṇāni. Tathā **upakāre upakkilese ñāṇāni**. **Vodāne ñāṇānī** vodāyati, tena cittaṃ parisuddham hotīti vodānaṃ. Kiṃ taṃ? Ñāṇaṃ. “Vodānañāṇāni”ti vattabbe “sutamaye ñāṇa”ntiādīsu (paṭi. ma. mātikā 1.1; paṭi. ma. 1.1) viya “vodāne ñāṇāni”ti vuttaṃ. Sato sampajāno hutvā karotīti satokārī, tassa **satokārissa ñāṇāni**. **Nibbidāñāṇānī** nibbidābhūtāni ñāṇāni. **Nibbidānulomañāṇānī** nibbidāya anukūlāni ñāṇāni. Nibbidānulomiñāṇānītipi pāṭho, nibbidānulomo etesaṃ atthīti nibbidānulomīti attho. **Nibbidāpaṭippassaddhiñāṇānī** nibbidāya paṭippassaddhiyaṃ ñāṇāni. **Vimuttisukhe ñāṇānī** vimuttisukhena sampayuttāni ñāṇāni.

Katamāni atṭhātīādīhi paripanthaupakārānaṃ paṭipakkhaviṭṭhāyugalattā tesu ñāṇāni saheva niddiṭṭhāni. **Kāmacchandanekkhammādīni** heṭṭhā vuttatthāni. **Upakāranti** ca liṅgavipallāsavasena napuṃsakavacanaṃ kataṃ. **Sabbepi akusalā dhammāti** vuttāvasesā ye keci akusalā dhammā. Tathā sabbepi nibbedhabhāgiyā **kusalā dhammā**. “Paripantho upakāra”nti ca taṃ tadeva apekkhitvā ekavacanaṃ kataṃ. Ettha ca **paripanthe ñāṇāni** ca **upakāre ñāṇāni** ca pucchitvā tesam ārammaṇāneva vissajjitvā teheva tāni vissajjitāni hontīti tadārammaṇāni ñāṇāni nigametvā dassesi. **Upakkilese ñāṇādīsupi** eseva nayo.

Gaṇanavāraṇṇanā niṭṭhitā.

2. Soḷasañāṇaniddesavaṇṇanā

153. Soḷasahi ākārehīti ubhayapakkhavasena vuttehi soḷasahi ñāṇakoṭṭhāsehi. **Uducitaṃ cittaṃ samuducitanti** upacārabhūmiyaṃ cittaṃ uddham ucitaṃ, sammā uddham ucitaṃ, uparūpari kataparicayaṃ sammā uparūpari kataparicayanti attho. Udujitaṃ cittaṃ samudujitanti pāṭho. Uparibhāvāya jitaṃ, uparibhāvakarehi vā ñāṇehi jitaṃ **udujitaṃ**. **Samudujitanti** samā uparibhāvāya, uparibhāvakarehi vā ñāṇehi jitaṃ. **Samāti** cettha visamabhāvapaṭikkhepo. Imasmiṃ pāṭhe u, du-iti dve dve upasaggā honti. Urūjitaṃ cittaṃ sammārūjitantipi pāṭho. Etthāpi jitatthoyeva. Urū arūti idaṃ pana nipātamattamevāti vadanti. Viṇopamaṭṭhakathāya tajjitaṃ sutajjitanti ca attho vutto, so idha na yujjati. **Ekatte santiṭṭhatīti** upacārabhūmiyaṃ tāva nānārammaṇavikkhepābhāvena ekatte patiṭṭhāti. **Niyyānāvaraṇaṭṭhena nīvaraṇāti** ettha aratipi sabbepi akusalā āvaraṇaṭṭhena nīvaraṇāti vuttā. **Niyyānāvaraṇaṭṭhenāti** niyyānānaṃ āgamanamaggapidahanaṭṭhena. Niyyānāvaraṇaṭṭhenāti pāṭho, niyyānānaṃ paṭikkhepanaṭṭhenāti attho. **Nekkhammaṃ ariyānaṃ niyyānanti** maggaṭṭhānaṃ ariyānaṃ niyyānasaṅkhātassa ariyamaggassa hetuttā phalūpacārena ariyānaṃ niyyānaṃ. Tena ca hetubhūtena maggakkhaṇe ariyā niyyanti nigacchanti. Keci pana “niyyānanti maggo”ti vadanti. Idha upacārassa adhippetattā maggakkhaṇe ca ālokasaññāya sabbakusaladhammānaṃca abhāvā taṃ na yujjati. **Nivutattāti** paṭicchannattā. **Nappajānātīti** puggalavasena vuttaṃ.

Visuddhacittassāti upacārabhūmiyaṃeva. **Khaṇikasamodhānāti** cittakkhaṇe cittakkhaṇe uppajjanato khaṇo etesaṃ atthīti khaṇikā, upakkilesā, khaṇikānaṃ samodhāno samāgamo pabandho khaṇikasamodhāno. Tasmā khaṇikasamodhānā, uppajjamānā upakkilesā khaṇikappabandhavasena khaṇikaparamparāvasena uppajjanti, na ekacittakkhaṇavasenāti vuttaṃ hoti.

Soḷasañāṇaniddesavaṇṇanā niṭṭhitā.

3. Upakkilesañāṇaniddesavaṇṇanā

Paṭhamacchakkaṃ

154. Paṭhamacchakke assāsādimaḷḷhapariyosānanti abhantarapavisanavātassa nāsikaggaṃ vā mukhanimittaṃ vā ādi, hadayaṃ majjhaṃ, nābhi pariyosānaṃ. Taṃ tassa ādimajjhapariyosānaṃ satiyā anugacchato yogissa ṭhānanānattānugamanena cittaṃ ajjhataṃ vikkhepaṃ gacchati, taṃ ajjhataṃ vikkhepagataṃ cittaṃ ekatte asaṅṭhahanato samādhissa paripantho.

Passāsādimaḷḷhapariyosānanti bahinikkhamanavātassa nābhi ādi, hadayaṃ majjhaṃ, nāsikaggaṃ vā

mukhanimittam vā bahiākāso vā pariyoṣānaṃ. Yojanā panettha vuttanayeneva veditabbā.

Assāsapaṭikaṅkhanā nikaṅkhanā **nikantitaṅhācariyā**ti “nāsikāvātāyattamidaṃ kammaṭṭhāna”nti sallakkhetvā oḷārikoḷārikassa assāsassa patthanāsankhātā nikāmanā eva taṅhāpavatti. Taṅhāpavattiyā sati ekatte asaṅghahanato samādhissa paripantho. **Passāsapaṭikaṅkhanā nikaṅkhanā** puna assāsapubbakassa passāsassa patthanāsankhātā nikaṅkhanā. Sesam vuttanayeneva yojetabbam. **Assāsenābhittunnassā**ti atidīgham atirassam vā assāsam karontassa assāsamūlakassa kāyacittakilamathassa sabbhāvato tena assāsena viddhassa pīḷitassa. **Passāsapaṭilābhe mucchanā**ti assāsena pīḷitattāyeva passāse assādasaññino passāsam patthayato tasmim passāsapaṭilābhe rajjanā. Passāsamūlakepi eseve nayo.

Vuttasseva atthassa anuvaṇṇanattham vuttetu gāthābandhesu **anugacchanā**ti anugacchamānā. **Satī**ti ajjhatabhiddhāvikkhepahetubhūtā sati. Vikkhipati anena cittanti vikkhepo. Ko so? Assāso. Ajjhattam vikkhepo ajjhattavikkhepo, tassa ākaṅkhanā **ajjhattavikkhepākaṅkhanā**, asammāmanasikāravasena ajjhattavikkhepakassa assāsassa ākaṅkhanāti vuttam hoti. Eteneva nayena bahiddhāvikkhepapatthanā veditabbā. **Yehī**ti yehi upakkilesehi. **Vikkhippamānassā**ti vikkhipiyamānassa vikkhepam āpādiyamānassa. **No ca cittaṃ vimuccatī**ti cittaṃ assāsapassāsārammaṇe ca nādhimuccati, paccanīkadhammehi ca na vimuccati. Cittaṃ no ca vimuccati parapattiyā ca hontīti sambandho. **Vimokkham appajānantā**ti so vā añño vā ārammaṇādhimuttivimokkhañca paccanīkavimuttivimokkhañca evam appajānantā. **Parapattiyā**ti parapaccayaṃ parasaddahanam arahanti, na attapaccakkham ñāṇanti “parapaccayikā”ti vattabbe “parapattiyā”ti vuttam. Attho pana soyeva.

Dutiyacchakkaṃ

155. Dutiyacchakke **nimittanti** assāsapassāsānaṃ phusanaṭṭhānaṃ. Assāsapassāsā hi dīghanāsikassa nāsāpuṭam ghaṭṭentā pavattanti, rassanāsikassa uttaroṭṭham. Yadi hi ayam yogī tam nimittameva āvajjati, tassa nimittameva āvajjamānassa assāse cittaṃ vikampati, na patitṭhātīti attho. Tassa tasmim citte appatitṭhite samādhissa abhāvato tam vikampanam samādhissa paripantho. Yadi assāsameva āvajjati, tassa cittaṃ abhantarapavesanavasena vikkhepam āvahati, nimitte na patitṭhātīti, tasmā nimitte vikampati. Iminā nayena sesesupī yojanā kātabbā. Gāthāsu **vikkhippateti** vikkhipīyati vikkhepam āpādīyati.

Tatīyacchakkaṃ

156. Tatīyacchakke **atītānuddhāvanam cittaṃ**ti phusanaṭṭhānaṃ atikkamitvā gataṃ assāsam vā passāsam vā anugacchamānaṃ cittaṃ. **Vikkhepānupatitanti** vikkhepena anugataṃ, vikkhepam vā sayam anupatitam anugataṃ. **Anāgatapaṭikaṅkhanam cittaṃ**ti phusanaṭṭhānaṃ appattam assāsam vā passāsam vā paṭikaṅkhamānaṃ paccāsīsamānaṃ cittaṃ. **Vikampitanti** tasmim appatitṭhāneneva vikkhepena vikampitam. **Linanti** atisithilavīriyatādīhi sankucitam. **Kosajjānupatitanti** kusītabhāvānugataṃ. **Atipaggahitanti** accāraddhavīriyatādīhi atiusāhitam. **Uddhaccānupatitanti** vikkhepānugataṃ. **Abhinatanti** assādavatthūsu bhūsam nataṃ allīnaṃ. **Apanatanti** nirassādavatthūsu patihataṃ, tato apagataṃ vā, apagatanataṃ vā, na tato apagatanti attho. **Rāgānupatitanti** ettha assāsapassāsanimittam manasikaroto uppannapītisukhe vā pubbe hasitalapitakīḷitavatthūsu vā rāgo anupatati. **Byāpādānupatitanti** ettha manasikāre nirassādagatacittassa uppannadomanassavasena vā pubbe samudāciṇṇesu āghātavatthūsu vā byāpādo anupatati. Gāthāsu **na samādhiyatīti** na samāhitam hoti. **Adhicittanti** cittaśīsena nidditṭho adhiko samādhī.

157. Ettāvātā tīhi chakkehi aṭṭhārasa upakkilese niddisitvā idāni tesam upakkilesānaṃ samādhissa paripanthabhāvasādhanaena ādīnavam dassento puna **assāsādīmajjhāpariyoṣāna**ntiādīmāha. Tattha **kāyopi cittampi sāraddhā ca hontīti** vikkhepasamuṭṭhānarūpanam vasena rūpakāyopi, vikkhepasantativasena cittampi mahatā khobhena khubhitā sadarathā ca hontīti. Tato mandatarena **injitā** kampitā, tato mandatarena **phanditā** calitā hontīti. Balavāpi majjhīmopi mandopi khobho hotiyeva, na sakkā khobhena na bhavituntīti vuttam hoti. **Cittaṃ vikampitattā**ti cittaṃ vikampitattā. Gāthāsu **paripuṇṇā abhāvitā**ti yathā paripuṇṇā hoti, tathā abhāvitā. **Injitoti** kampito. **Phanditoti** mandakampito. Heṭṭhā nīvaraṇānaṃ anantarattā “imehi ca pana nīvaraṇehī”ti (paṭi. ma. 1.153)

accantasamīpanidassanavacanaṃ kataṃ. Idha pana nigamane nīvaraṇānaṃ santarattā **tehi ca pana nīvaraṇehīti** parammukhanidassanavacanaṃ kataṃ.

Upakkilesañānaniddesavaṇṇanā niṭṭhitā.

4. Vodānañānaniddesavaṇṇanā

158. Vodāne ñāṇānīti visuddhañāṇāni. **Taṃ vivajjayitvāti** yaṃ pubbe vuttaṃ atītānudhāvanaṃ cittaṃ vikkhepānupatitaṃ, taṃ vivajjayitvāti sambandhitabbaṃ. **Ekaṭṭhāne samādahatīti** assāsapassāsānaṃ phusanaṭṭhāne samaṃ ādahati patiṭṭhāpeti. **Tattheva adhimocetīti** ekaṭṭhāneti vutte assāsapassāsānaṃ phusanaṭṭhāneyeva sannitṭhāpeti sannitṭhānaṃ karoti. **Paggaṇhitvāti** dhammavicayapītisambojjhaṅgabhāvanāya paggaṇhetvā. **Viniggaṇhitvāti** passaddhisamādhipekkhāsambojjhaṅgabhāvanāya viniggaṇhitvā. “Satindriyavīriyindriyehi paggaṇhetvā, satindriyasamādhindriyehi viniggaṇhetvā”tipi vadanti. **Sampajāno hutvāti** asubhabhāvanādīhi. Puna **sampajāno hutvāti** mettābhāvanādīhi. Yena rāgena anupatitaṃ, yena byāpādena anupatitaṃ, taṃ pajahatīti sambandho. Taṃ cittaṃ īdisanti sampajānanto tappaṭipakkhena rāgaṃ pajahati, byāpādaṃ pajahatīti vā attho. **Parisuddhanti** nirupakkilesaṃ. **Pariyodātanti** pabhassaraṃ. **Ekattagataṃ hotīti** taṃ taṃ visesaṃ pattassa taṃ taṃ ekattaṃ gataṃ hoti.

Katame te ekattāti idha yujjamānāyujjamānepi ekatte ekato katvā pucchati.

Dānūpasaggupaṭṭhānekattanti dānavatthusañkhātassa dānassa upasaggo vosajjanaṃ dānūpasaggo, dānavatthupariccāgacetanā. Tassa upaṭṭhānaṃ ārammaṇakaraṇavasena upagantvā ṭhānaṃ dānūpasaggupaṭṭhānaṃ, tadeva ekattaṃ, tena vā ekattaṃ ekaggabhāvo dānūpasaggupaṭṭhānekattaṃ. Dānavosaggupaṭṭhānekattanti pāṭho sundarataro, so evattho. Etena paduddhāravasena cāgānussatisamādhi vutto. Paduddhāravasena vuttopi cesa itaresaṃ tiṇṇampi ekattānaṃ upanissayapaccayo hoti, tasmā idha nidditṭhanti vadanti. Visākhāpi hi mahāupāsikā āha – “idha, bhante, disāsu vassaṃvuṭṭhā bhikkhū sāvatthiṃ āgacchissanti bhagavantaṃ dassanāya, te bhagavantaṃ upasaṅkamitvā pucchissanti ‘itthannāmo, bhante, bhikkhu kālaṅkato, tassa kā gati, ko abhisamparāyo’ti? Taṃ bhagavā byākarissati sotāpattiphale vā sakadāgāmiphale vā anāgāmiphale vā arahatte vā. Tyāhaṃ upasaṅkamitvā pucchissāmi ‘āgatapubbā nu kho, bhante, tena ayyena sāvatthi’ti? Sace me vakkhanti ‘āgatapubbā tena bhikkhunā sāvatthi’ti. Niṭṭhamettha gacchissāmi nissaṃsayāṃ paribhuttaṃ tena ayyena vassikasāṭikā vā āgantukabhattaṃ vā gamikabhattaṃ vā gilānabhattaṃ vā gilānupaṭṭhākabhattaṃ vā gilānabhesajjaṃ vā dhuvayāgu vāti. Tassā me tadanussarantiyā pāmojjaṃ jāyissati, pamuditāya pīti jāyissati, pītimanāya kāyo passambhissati, passaddhakāyā sukhaṃ vedayissāmi, sukhiniyā cittaṃ samādhivyissati, sā me bhavissati indriyabhāvanā balabhāvanā bojjhaṅgabhāvanā”ti (mahāva. 351). Atha vā ekattesu paṭhamāṃ upacārasamādhivasena vuttaṃ, dutiyaṃ appanāsamādhivasena, tatiyaṃ vipassanāvasena, catutthaṃ maggaphalavasenāti veditabbaṃ. Samathassa nimittaṃ **samathanimittaṃ**. Vayo bhaṅgo eva lakkhaṇaṃ **vayalakkhaṇaṃ**. **Nirodho** nibbānaṃ. Sesametesu tīsu vuttanayeneva yojetabbaṃ.

Cāgādhimuttānanti dāne adhimuttānaṃ. **Adhicittanti** vipassanāpādakasamādhi. **Vipassakānanti** bhaṅgānupassanato paṭṭhāya tīhi anupassanāhi saṅkhāre vipassantānaṃ. **Ariyapuggalānanti** aṭṭhannaṃ. Dutiyādīni tīhi ekattāni ānāpānassativasena sesakammaṭṭhānavasena ca yujjanti. **Catūhi ṭhānehīti** catūhi kāraṇehi. Samādhivipassanāmaggaphalānaṃ vasena “ekattagataṃ cittaṃ paṭipadāvisuddhipakkhandañceva hoti upekkhānubrūhitaṅca ñāṇena ca sampahaṃsita”nti uddesapadāni. “Paṭhamassa jhānassa ko ādī”tiādīni tesāṃ uddesapadānaṃ vitthāretukamyatāpucchāpubbaṅgamāni niddesapadāni. Tatha **paṭipadāvisuddhipakkhandanti** paṭipadā eva nīvaraṇamalavisodhanato visuddhi, taṃ paṭipadāvisuddhiṃ pakkhandāṃ pavitṭhaṃ. **Upekkhānubrūhitanti** tatramajjhātupekkhāya brūhitaṃ vaḍḍhitaṃ. **Ñāṇena ca sampahaṃsanti** pariyodāpakena ñāṇena sampahaṃsitaṃ pariyodāpitaṃ visodhitaṃ. **Paṭipadāvisuddhi** nāma sasambhāriko upacāro, **upekkhānubrūhanā** nāma appanā, **sampahaṃsanā** nāma paccavekkhaṇāti evameke vaṇṇayanti. Yasmā pana “ekattagataṃ cittaṃ paṭipadāvisuddhipakkhandañceva hoti”tiādī vuttaṃ, tasmā antoappanāyameva āgamanavasena paṭipadāvisuddhi, tatramajjhātupekkhāya kiccavasena upekkhānubrūhanā, dhammānaṃ

anativattanādibhāvasādhanena pariyodāpakassa ñāṇassa kiccanipphattivasena sampahaṃsanā veditabbā. Kathaṃ? Yasmiñhi vāre appanā uppajjati, tasmim̐ yo nīvaraṇasaṅkhāto kilesagaṇo tassa jhānassa paripantho, tato cittaṃ visujjhati, visuddhattā āvaraṇavirahitaṃ hutvā majjhimaṃ samathanimittaṃ paṭipajjati. **Majjhimaṃ samathanimittaṃ** nāma samappavatto appanāsamādhiyeva. Tadanantaraṃ pana purimacittaṃ ekasantatipariṇāmanayena tathattaṃ upagacchamānaṃ majjhimaṃ samathanimittaṃ **paṭipajjati** nāma. Evaṃ **paṭipannattā** tathattupagamanena **tattha pakkhandati** nāma. Evaṃ tāva purimacitte vijjamānākāranipphādikā paṭhamassa jhānassa uppādakkhaṇeyeva āgamanavasena paṭipadāvisuddhi veditabbā. Evaṃ visuddhassa pana tassa puna visodhetabbābhāvato visodhane byāpāraṃ akaronto **visuddhaṃ cittaṃ ajjupekkhati** nāma. Samathabhāvūpagamanena samathapaṭipannassa puna samādāne byāpāraṃ akaronto **samathapaṭipannaṃ ajjupekkhati** nāma. Samathapaṭipannabhāvato eva cassa kilesasaṃsaggaṃ pahāya ekattena upaṭṭhitassa puna ekattupaṭṭhāne byāpāraṃ akaronto **ekattupaṭṭhānaṃ ajjupekkhati** nāma. Evaṃ tatra majjhattupekkhāya kiccavasena upekkhānubrūhanā veditabbā.

Ye panete evaṃ upekkhānubrūhite tattha jātā samādhipaññāsāṅkhātā yuganaddhadhammā aññamaññaṃ anativattamānā hutvā pavattā, yāni ca saddhādīni indriyāni nānākilesehi vimuttattā vimuttirasena ekarasāni hutvā pavattāni, yaṃ cesa tadupagaṃ tesam̐ anativattanaekarasabhāvānaṃ anucchavikaṃ vīriyaṃ vāhayati, yā cassa tasmim̐ khaṇe pavattā āsevanā, sabbepe te ākāra yasmā ñāṇena saṃkilesavodānesu taṃ taṃ ādīnavañca ānisaṃsañca disvā tathā tathā sampahaṃsitattā visodhitattā pariyodāpitattā nipphannā, tasmā dhammānaṃ anativattanādibhāvasādhanena pariyodāpakassa ñāṇassa kiccanipphattivasena sampahaṃsanā veditabbāti vuttaṃ. Tattha yasmā upekkhāvasena ñāṇaṃ pākāṭaṃ hoti, yathāha – ‘‘tathāpaggahitaṃ cittaṃ sādhukaṃ ajjupekkhati, upekkhāvasena paññāvasena paññindriyaṃ adhimattaṃ hoti. Upekkhāvasena nānattakilesehi cittaṃ vimuccati, vimokkhavasena paññāvasena paññindriyaṃ adhimattaṃ hoti. Vimuttattā te dhammā ekarasā honti, ekarasaṭṭhena bhāvanā’’ti (paṭi. ma. 1.201). Tasmā ñāṇakiccabhūtā **sampahaṃsanā pariyoṣānanti** vuttā.

Evaṃ tivattagatantiādīni tasseva cittassa thomanavacanāni. Tattha **evaṃ tivattagatanti** evaṃ yathāvuttena vidhinā paṭipadāvisuddhipakkhandanaupekkhānubrūhanāñāṇasampahaṃsanāvasena tividhabhāvaṃ gataṃ. **Vitakkasampannanti** kilesakkhobhavirahitattā vitakkena sundarabhāvaṃ pannaṃ gataṃ. **Cittassa adhiṭṭhānasampannanti** tasmim̐yeva ārammaṇe cittassa nīrantarappavattisaṅkhātena adhiṭṭhānena sampannaṃ anūnaṃ. Yathā adhiṭṭhānavasiyaṃ adhiṭṭhānanti jhānappavatti, tathā idhāpi cittassa adhiṭṭhānanti cittekaggatāpi yujjati. Tena hi ekasmim̐yeva ārammaṇe cittaṃ adhiṭṭhāti, na ettha vikkhipatīti. ‘‘Samādhisampanna’’nti visuṃ vuttattā pana vuttanayeneva gahetabbaṃ. Atha vā samādhisseva jhānasaṅgahitattā **cittassa adhiṭṭhānasampannanti** jhānaṅgapañcakavasena vuttaṃ. **Samādhisampannanti** indriyasaṅgahitattā indriyapañcakavasena, dutiyajjhānādīsu pana alabbhamānāni padāni pahāya labbhamānakavasena **pītisampannanti**ādī vuttaṃ.

Aniccānupassanādīsu aṭṭhārasasu mahāvīpassanāsu vitakkādayo paripuṇṇāyeva tāsam̐ kāmāvacarattā. Etāsu ca appanāya abhāvato paṭipadāvisuddhiādayo khaṇikasamādhisvasena yojetabbā. Catūsu maggesu paṭhamajjhānikavasena vitakkādīnaṃ labbhanato labbhamānakavaseneva vitakkādayo paripuṇṇā vuttā. Dutiyajjhānikādīsu hi maggesu vitakkādayo jhānesu viya parihāyantīti. Ettāvattā terasa vodānañāṇāni vitthārato niddiṭṭhāni honti. Kathaṃ? Ekaṭṭhāne samādahanena tattheva adhimuccanena kosajjappajahanena uddhaccappajahanena rāgappajahanena byāpādappajahanena sampayuttāni cha ñāṇāni, catūhi ekattehi sampayuttāni cattāri ñāṇāni, paṭipadāvisuddhiupekkhānubrūhanāsampahaṃsanāhi sampayuttāni tīni ñāṇānti evaṃ terasa ñāṇāni niddiṭṭhāni.

159. Evaṃ santepi ānāpānassatisamādhibhāvanāvasena tesam̐ nipphattiṃ dassetukāmo tāni ñāṇāni anīgametvāva **nimittaṃ assāsapassāsāti**ādīnā nayena codanāpubbaṅgamaṃ ānāpānassatisamādhibhāvanāvidhiṃ dassetvā ante tāni ñāṇāni nīgametvā dassesi. Tattha **nimittaṃ** vuttameva. **Anārammaṇamekacittassāti** anārammaṇā ekacittassa. Ma-kāro panettha padasandhikaro. Anārammaṇamekacittassātipi pāṭho, ekassa cittassa ārammaṇaṃ na bhavanti attho. **Tayo dhammeti** nimittādayo tayo dhamme. **Bhāvanāti** ānāpānassatisamādhibhāvanā. **Kathanti** paṭhamaṃ vuttāya

codanāgāthāya anantaram vuttāya parihāragāthāya attham kathetukamyatāpucchā. **Na cimetī** na ca ime. Na cametipi pātho, soyeva padacchedo. Katham na ca aviditā honti, katham na ca cittaṃ vikkhepaṃ gacchatīti evaṃ katham saddo sesehi pañcahi yojetabbo. **Padhānañca paññāyatīti** ānāpānassatisamādhībhāvanārambhakam vīriyam sandissati. Vīriyañhi padahanti tenāti padhānanti vuccati. **Payogañca sādhetīti** nīvaraṇavikkhambhakam jhānañca yogī nipphādeti. Jhānañhi nīvaraṇavikkhambhanāya payuñjīyatīti payogoti vuttam. **Visesamadhigacchatīti** saṃyojanappahānakaram maggañca paṭilabhati. Maggo hi samathavipassanānam ānisaṃsattā visesoti vutto. Visesassa ca pamukhabhūtattā ca-kārena samuccayo na kato.

Idāni taṃ pucchitamattham upamāya sādiento **seyathāpi rukkhoti**ādīmāha. Tassattho – yathā nāma kakacena phālanattham vāsiyā tacchitvā rukkho phālanakāle niccalabhāvattam **same** bhūmipadese payogakkhamam katvā ṭhapito. **Kakacenāti** hatthakakacena. **Āgateti** rukkham phusitvā attano samīpabhāgam āgate. **Gateti** rukkham phusitvā parabhāgam gate. Vā-saddo samuccayattho. **Na aviditā hontīti** rukkhe kakacadantehi phuṭṭham purisena pekkhamānam ṭhānam appatvā tesam āgamanagamanābhāvato sabbepe kakacadantā viditāva honti. **Padhānanti** rukkhachedanavīriyam. **Payoganti** rukkhachedanakiriyam. “Visesamadhigacchatī”ti vacanam upamāya natthi. **Upanibandhanā nimittanti** upanibandhanāya satiyā nimittabhūtam kāraṇabhūtam nāsikaggam vā mukhanimittam vā. Upanibandhati etāya ārammaṇe cittanti upanibandhanā nāma sati. **Nāsikagge vāti** dīghanāsiko nāsikagge. **Mukhanimitte vāti** rassanāsiko uttarotṭhe. Uttaroṭṭho hi mukhe satiyā nimittanti mukhanimittanti vutto. **Āgateti** phuṭṭhatṭhānato abbhantaram āgate. **Gateti** phuṭṭhatṭhānato bahiddhā gate. **Na aviditā hontīti** phusanatṭhānam appatvā assāsapassāsānam āgamanagamanābhāvato sabbepe te viditā eva honti. **Kammaniyam hotīti** yena vīriyena kāyopi cittampi kammaniyam bhāvanākammakkhamam bhāvanākammayoggam hoti. **Idam vīriyam padhānam** nāmāti phalena kāraṇam vuttam hoti. **Upakkilesā pahīyantīti** vikkhambhanavasena nīvaraṇāni pahīyanti. **Vitakkā vūpasammantīti** nānārammaṇacārino anavaṭṭhitā vitakkā upasamam gacchanti. Yena jhānena upakkilesā pahīyanti, vitakkā vūpasammanti. **Ayam payogoti** payogamapekkhitvā pullīganiddeso kato. **Saññojanā pahīyantīti** taṃtaṃmaggaṃvājāhā saññojanā samucchedappahānena pahīyanti. **Anusayā byantīhontīti** pahīnānam puna anuppattidhammakattā vīgato uppādanto vā vayanto vā etesanti byantā, pubbe abyantā byantā hontīti byantīhontī, vinassantīti attho. Saññojanappahānam anusayappahānena hoti, na aññathāti dassanattam anusayappahānamāha. Yena maggena saññojanā pahīyanti anusayā byantīhontī, **ayam visesoti** attho. Catutthacatukke ariyamaggassāpi niddiṭṭhattā idha ariyamaggo vutto. Ekacittassa ārammaṇadvayābhāvassa avuttepi siddhattā taṃ avissajjetvāva **evam ime tayo dhammā ekacittassa ārammaṇā na hontīti** nigamanam katam.

160. Idāni taṃ bhāvanāsiddhisādhakam yogāvacaram thunanto **ānāpānassati yassāti** gātham vatvā tassā niddesamāha. Tattha ānāpānassatiyo **yathā buddhena desitā**, tathā **paripuṇṇā subhāvitā anupubbam paricitā** yassa atthi saṃvijjanti. **So imam lokam pabhāseti**. Kim viya? **Abbhā muttova candimā** yathā abbhādīhi mutto candimā imam okāsalokam pabhāseti, tathā so yogāvacaro imam khandhādīlokam pabhāsetīti gāthāya sambandho. “Abbhā muttova candimā”ti ca padassa niddese mahikādīnampi vuttattā ettha ādisaddalopo katoti vedītabbo. Gāthāniddese **no passāso no assāsoti** so soyeva attho paṭisedhena visesetvā vutto. **Upaṭṭhānam satīti** asammussanatāya tameva assāsam upagantvā ṭhānam sati nāmāti attho. Tathā **passāsam**. Ettāvata ānāpānesu sati ānāpānassatīti attho vutto hoti.

Idāni sativaseneva “yassā”ti vuttam puggalam niddisitukāmo **yo assasati, tassupaṭṭhāti. Yo passasati, tassupaṭṭhāti**ti vuttam. Yo assasati, tassa sati assāsam upagantvā tiṭṭhati. Yo passasati, tassa sati passāsam upagantvā tiṭṭhatīti attho. **Paripuṇṇāti** jhānavipassanāmaggaṃparamparāya arahattamaggappattiyā paripuṇṇā. Teyeve hi jhānavipassanāmaggaḍhamme sandhāya **pariggahaṭṭhenāti**ādīmāha. Te hi dhammā iminā yoginā pariggayhamānattā pariggahā, tena **pariggahaṭṭhena paripuṇṇā**. Tattha sabbesam cittacetāsikānam aññamaññaparivāratā **parivāraṭṭhena paripuṇṇā**. Bhāvanāparipūrivāsena **paripūraṭṭhena paripuṇṇā**. **Catasso bhāvanāti**ādīni subhāvitāti vuttapadassa atthavasena vuttāni. Catasso bhāvanā heṭṭhā vuttāyeva. **Yānikatāti** yuttayānasadisā katā. **Vatthukatāti** patiṭṭhatṭhena vatthusadisā katā. **Anuṭṭhitāti** paccupaṭṭhitā. **Paricitāti** samantato citā

upacitā. **Susamāraddhāti** suṭṭhu samāraddhā sukātā. **Yattha yattha ākaṅkhatīti** yesu yesu jhānesu yāsu yāsu vipassanāsu sace icchati. **Tattha tatthāti** tesu tesu jhānesu tāsu tāsu vipassanāsu. **Vasippattoti** vasībhāvaṃ bahubhāvaṃ patto. **Balappattoti** samathavipassanābalappatto. **Vesārajappattoti** visāradabhāvaṃ paṭubhāvaṃ patto. **Te dhammāti** samathavipassanā dhammā. **Āvajjanapaṭibaddhāti** āvajjanāyattā, āvajjītamatteyeva tassa santānena, nānena vā sampayogaṃ gacchantīti attho. **Ākaṅkhaṭibaddhāti** ruciāyattā, rocitamatteyeva vuttanayena sampayogaṃ gacchantīti attho. **Manasikāro** panettha āvajjanāya cittuppādo. Ākaṅkhanāya vevacanavasena atthavivaraṇattham vutto. **Tena vuccati yānikatāti** evaṃ katattāyeva te yuttayānasadisā katā hontīti vuttam hoti.

Yasmim yasmim vatthusminti soḷasasu vatthūsu ekekasmim. **Svādhiṭṭhitanti** suppatiṭṭhitam. **Sūpaṭṭhitāti** suṭṭhu upaṭṭhitā. Sampayuttacittasatīnaṃ saheva sakasakakiccakaraṇato anulomapaṭilomavasena yojetvā te dve dhammā dassitā. **Tena vuccati vatthukatāti** evaṃ bhūtattāyeva katapatiṭṭhā hontīti vuttam hoti. **Yena yena cittam abhinīharatīti** pubbappavattito apanetvā yattha yattha bhāvanāvisese cittam upaneti. **Tena tena sati anuparivattatīti** tasmim tasmimyeva bhāvanāvisese sati anukūlā hutvā pubbappavattito nivattitvā pavattati. “Yena, tenā”ti cettha “yena bhagavā tenupasaṅkamī”tiādīsu (khu. pā. 5.1; su. ni. maṅgalasutta) viya bhummattho veditabbo. **Tena vuccati anuṭṭhitāti** evaṃ karaṇatoyeva taṃ taṃ bhāvanam anugantvā ṭhitā hontīti vuttam hoti. Ānāpānassatiyā satipadhānattā vatthukatānuṭṭhitapadesu satiyā saha yojanā katāti veditabbā.

Yasmā pana paripuṇṇāyeva paricitā honti vaḍḍhitā laddhāsevanā, tasmā “paripuṇṇā”tipade vuttā tayo atthā “paricitā”tipadepi vuttā, catuttho visesatthopi vutto. Tattha **satiyā pariggaṇhantoti** sampayuttāya, pubbabhāgāya vā satiyā pariggahetabbe pariggaṇhanto yogī. **Jināti pāpake akusale dhammeti** samucchadavasena lāmake kilese jināti abhibhavati. Ayañca puggalādhīṭṭhānā dhammadesanā. Dhammesu hi jinantesu taṃdhammasamaṅgīpuggalopi jināti nāma. Te ca dhammā satim avihāya attano pavattikkhaṇe jinitumāraddhā jītāti vuccanti yathā “bhuñjitumāraddho bhutto”ti vuccati. Lakkhaṇam panettha saddasatthato veditabbaṃ. Evaṃ santepi “parijitā”ti vattabbe ja-kārassa ca-kāram katvā “paricitā”ti vuttam, yathā sammā gado assāti sugatoti atthavikappe da-kārassa ta-kāro niruttillakkhaṇena kato, evamidhāpi veditabbo. Imasmim atthavikappe paricitāti padaṃ kattusādhanam, purimāni tīṇi kammāsādhanāni.

Cattāro susamāraddhāti cattāro susamāraddhatthāti vuttam hoti, atthasaddassa lopo daṭṭhabbo. Susamāraddhāti padassa atthāpi hi idha susamāraddhāti vuttāti veditabbā, susamāraddhadhammā vā. Caturatthabhedato cattāroti vuttāti veditabbā, na dhammabhedato. Yasmā pana subhāvitāyeva susamāraddhā hontī, na aññe, tasmā tayo bhāvanatthā idhāpi vuttā. Āsevanatthopi tīsu vuttessu vuttoyeva hoti, tasmā taṃ avatvā tappaccanīkānam susamūhatattho vutto. Paccanīkasamuggātena hi āraddhapariyosānam paññāyati, tena susamāraddhassa sikhāppatto attho vutto hoti. Tattha **tappaccanīkānanti** tesam jhānavipassanāmaggānam paṭipakkhabhūtānam. **Kilesānanti** kāmacchandādīnam nīcāsāññādisampayuttānam sakkāyadīṭṭhādīnañca. **Susamūhatattāti** vikkhambhanatadaṅgasamucchadavasena suṭṭhu samūhatattā nāsittatā. Potthakesu pana “susamuggātattā”ti likhanti, taṃ na sundaram.

161. Puna tasseva padassa aññampi atthavikappam dassento **susamanti**ādīmāha. Tattha **tattha jātāti** tasmim sikhāppattabhāvanāvisese jātā. **Anavajjāti** kilesānam ārammaṇabhāvanupagamanena kilesadosavirahitā. **Kusalāti** jātivasena kusalā. **Bodhipakkhiyāti** bujjhanaṭṭhena bodhīti laddhanāmassa ariyassa pakkhe bhavattā bodhipakkhiyā. **Pakkhe bhavattāti** hi upakārabhāve ṭhitattā. Te ca “cattāro satipaṭṭhānā, cattāro sammappadhānā, cattāro iddhipādā, pañcindriyāni, pañca balāni, satta bojjhaṅgā, ariyo aṭṭhaṅgiko maggo”ti (ma. ni. 3.35; cūḷani. mettagūmānavapucchānidessa 22; mi. pa. 5.4.1) sattatimṣa dhammā. **Idam samanti** idam maggakkhaṇe dhammajātam samucchadavasena kilese sameti vināsetīti samaṃ nāma. **Nirodho nibbānanti** dukkhanirodhattā nirodho, vānasāṅkhātāya taṇhāya abhāvā nibbānam. **Idam susamanti** idam nibbānam sabbasaṅkhatavisamāpagatattā suṭṭhu samanti susamaṃ nāma. **Ñātanti** bodhipakkhiyasaṅkhātānam samaṃ asammoḥato nānena nātānam, nibbānasaṅkhātānam susamaṃ ārammaṇato nānena nātānam. Tadeva dvayaṃ teneva cakkhunā viya **diṭṭham**. **Viditanti** tadeva dvayaṃ

santāne uppādanena ārammaṇakaraṇena ca paṭiladdhaṃ. Ñātaṃ viya paññāya **sacchikataṃ phassitaṇca**. “Asallīnaṃ asammūṭṭhā asāraddho ekagga”nti purimassa purimassa padassa atthappakāsaṇaṃ. Tattha **āraddhanti** paṭṭhapitaṃ. **Asallīnanti** asaṅkucitaṃ. **Upaṭṭhitāti** upagantvā ṭhitā. **Asammūṭṭhāti** avinaṭṭhā. **Passaddhoti** nibbuto. **Asāraddhoti** niddaratho. **Samāhitanti** samaṃ ṭhapitaṃ. **Ekagganti** avikkhittaṃ.

“Cattāro susamāraddhā”tiādi sakalassa susamāraddhavadanassa mūlattho. “Atthi sama”ntiādi pana susamavacanassa, “ñāta”ntiādi āradhavadanassa vikappatthā. Tatthāyaṃ padatthasamsandanā – “samā ca susamā ca samasusamā”ti vattabbe ekadesasarūpekasesaṃ katvā “susamā” icceva vuttā yathā nāmaṇca rūpaṇca nāmarūpaṇca nāmarūpanti. “Idaṃ samaṃ, idaṃ susama”nti pana anaññāpekkhaṃ katvā napuṃsakavacanamaṃ kataṃ. Yasmā pana ñātampi diṭṭhanti vuccati, diṭṭhaṇca āradhaṇca atthato ekaṃ. Viditasacchikataphassitāni pana ñātavevacanāni, tasmā ñātanti āradhatthoyeva vutto hoti.

Āradhamaṃ hoti vīriyaṃ asallīnanti ayaṃ pana āradhavadanassa ujukathoyeva. **Upaṭṭhitā satīti**ādīni pana sampayuttavīriyassa upakāradhammadassanattaṃ vuttāni, na āradhavadanassa atthadassanattaṃ. Purimena atthena suṭṭhu samāraddhāti susamāraddhā ca, iminā atthena susamā āradhāti susamāraddhā ca ekasese kate “susamāraddhā”ti vuccanti. Imamatthaṃ pariggahetvā “tena vuccati susamāraddhā”ti vuttaṃ.

Anupubbanti yathānukkamenāti attho, pubbaṃ pubbaṃ anūti vuttaṃ hoti. **Dīghamaṃ assāsavasenāti** dīghanti vuttaassāsavaseṇa. **Purimā purimāti** purimā purimā satī. Etena pubbantipadassa attho vutto hoti. **Pacchimā pacchimāti** satīyeva. Etena anūtipadassa attho vutto hoti. Ubhayena pubbaṇca anu ca paricitāti attho vutto hoti. Upari soḷasa vatthūni vitthāretvā vacanato idha saṅkhipitvā “paṭinissaggānupassī”ti antimameva dassitaṃ. Yasmā sikhāpattabhāvanassa sabbāpi ānāpānassatiyo punappunaṃ yathārucci pavattanato anuparicitāpi honti. Tena vuttaṃ – “aññamaññamaṃ paricitā ceva honti anuparicitā cā”ti.

Yathatthāti yathāsabhāvatthā. **Attadamathatthoti** arahattamaggakkhaṇe attano nibbisevanattho. **Samathatthoti** sītibhāvattho. **Parinibbāpanatthoti** kilesaparinibbānena. **Abhiññatthoti** sabbadhamavasena. **Pariññatthā**dayo maggaññakiccavasena. **Saccābhisamayattho** catunnaṃ saccānaṃ ekapaṭivedhadassanavasena. **Nirodhe patiṭṭhāpakattho** ārammaṇakaraṇavasena.

Buddhotipadassa abhāvepi buddhenātipade yo so buddho, taṃ niddisitukāmena **buddhoti** vuttaṃ. **Sayambhūti** upadesaṃ vinā sayameva bhūto. **Anācariyakoti** sayambhūpadassa atthavivaraṇaṃ. Yo hi ācariyaṃ vinā saccāni paṭivijjhanti, so sayambhū nāma hoti. **Pubbe ananussutesūti**ādi anācariyakabhāvassa atthappakāsaṇaṃ. **Ananussutesūti** ācariyaṃ ananussutesu. **Sāmanti** sayameva. **Abhisambujjhīti** bhusaṃ sammā paṭivijjhi. **Tattha ca sabbaññutaṃ pāpuṇi** tesu ca saccesu sabbaññubhāvaṃ pāpuṇi. Yathā saccāni paṭivijjhantā sabbaññuno hontī, tathā saccānaṃ paṭividdhattā evaṃ vuttaṃ. Sabbaññutaṃ pattotipi pāṭho. **Balesu ca vasibhāvanti** dasasu ca tathāgatabalesu issarabhāvaṃ pāpuṇi. Yo so evaṃ bhūto, so buddhoti vuttaṃ hoti. Tattha sabbesu dhammesu appaṭihataññanimittānuttaravimokkhādhigamaparibhāvitaṃ khandhasantānaṃ upādāya paṇṇattiko, sabbaññutapadaṭṭhānaṃ vā saccābhisambodhimupādāya paṇṇattiko sattaviseso buddho. Ettāvataṃ atthato buddhavibhāvanā katā hoti.

162. Idāni byañjanato vibhāvento **buddhoti kenatthena buddhoti**ādīmāha. Tattha yathā loke avagantā avagatoti vuccati, evaṃ **bujjhitaṃ saccānīti buddho**. Yathā paṇṇasosā vātā paṇṇasusāti vuccanti, evaṃ **bodhetā pajāyāti buddho**. **Sabbaññutāya buddhoti** sabbadhammabujjhanasamatthāya buddhiyā buddhoti vuttaṃ hoti. **Sabbadassāvītāya buddhoti** sabbadhammaṇaṃ ñānacakkhunā diṭṭhattā buddhoti vuttaṃ hoti. **Anaññaneyyatāya buddhoti** aññena abodhanīyato sayameva buddhattā buddhoti vuttaṃ hoti. **Visavitāya buddhoti** nānāguṇavisavanato padumamiva vikasaṇatthena buddhoti vuttaṃ hoti. **Khīṇāsavaśākhātena buddhoti**ādīhi chahi pariyāyehi cittasaṅkocakaradhammappahānena niddakkhayavibuddho puriso viya sabbakilesaniddakkhayavibuddhattā buddhoti vuttaṃ hoti. Saṅkhā saṅkhātanti atthato ekattā **saṅkhātenāti** vacanassa koṭṭhāsenāti attho. Taṇhālepaditthilepābhāvena

nirupalepasāṅkhātena. Savāsanānaṃ sabbakilesānaṃ pahīnattā ekantavacanena visesetvā **ekantavītarāgoti**ādi vuttaṃ. **Ekantanikkilesoti** rāgadosamohāvasesehi sabbakilesehi nikkilesa. **Ekāyanamaggaṃ gatoti buddhoti** gamanattānaṃ dhātūnaṃ bujjanattattā bujjanattāpi dhātuyo gamanattā honti, tasmā ekāyanamaggaṃ gatattā buddhoti vuttaṃ hoti. **Ekāyanamaggoti** cettha –

“Maggo pantho patho pajjo, añjasam vaṭumāyanam;
Nāvā uttarasetu ca, kullo ca bhisi saṅkamo”ti . (cūḷani. pārāyanatthutīgāthāniddeśa 101) –

Maggassa bahūsu nāmesu ayananāmena vutto. Tasmā ekamaggabhūto maggo, na dvedhāpathabhūtoti attho. Atha vā ekena ayitabbo maggoti ekāyanamaggo. **Ekenāti** gaṇasaṅgaṇikaṃ pahāya pavivekena cittaena. **Ayitabboti** paṭipajjitabbo. Ayanti vā etenāti ayano, saṃsārato nibbānaṃ gacchantīti attho. Ekesam ayano ekāyano. **Eketi** seṭṭhā, sabbasattaseṭṭhā ca sammāsambuddhā, tasmā ekāyanamaggoti sammāsambuddhānaṃ ayanabhūto maggoti vuttaṃ hoti. Ayatīti vā ayano, gacchati pavattatīti attho. Ekasmiṃ ayano maggoti ekāyanamaggo, ekasmiṃyeva buddhasāsane pavattamāno maggo, na aññattāti vuttaṃ hoti. Api ca ekaṃ ayatīti ekāyano, pubbhāge nānāmukhabhāvanāyappavattopī aparabhāge ekaṃ nibbānameva gacchatīti vuttaṃ hoti, tasmā ekāyanamaggoti ekanibbānagamanamaggoti attho. **Eko anuttaraṃ sammāsambodhiṃ abhisambuddhoti buddhoti** na parehi buddhattā buddho, kiṃ pana sayameva anuttaraṃ sammāsambodhiṃ abhisambuddhattā buddhoti vuttaṃ hoti. **Abuddhivihatattā buddhipaṭilābhā buddhoti** buddhi buddhaṃ bodhoti pariyaṇavacanametam. Tattha yathā nīlarattagūṇayogā nīlo paṭo ratto paṭoti vuccati, evaṃ buddhagūṇayogā buddhoti ñāpetum vuttaṃ.

Tato paraṃ **buddhoti netam nāmanti**ādi “atthamanugatā ayaṃ paññattī”ti ñāpanattham vuttaṃ. Tattha **mittā** sahāyā. **Amaccā** bhaccā. **Ñātī** pitupakkhikā. **Sālohitā** mātupakkhikā. **Samaṇā** pabbajjūpagatā. **Brāhmaṇā** bhovādino, samitapāpabāhitapāpā vā. **Devatā** sakkādayo brahmāno ca. **Vimokkhantikanti** vimokkho arahattamaggo, vimokkhassa anto arahattaphalaṃ, tasmīṃ vimokkhante bhavaṃ vimokkhantikaṃ nāma. Sabbaññubhāvo hi arahattamaggena sijjhati, arahattaphalodaye siddho hoti, tasmā sabbaññubhāvo vimokkhante bhavo hoti. Tam nemittikampi nāmaṃ vimokkhante bhavaṃ nāma hoti. Tena vuttaṃ – “vimokkhantikametam buddhānaṃ bhagavantāna”nti. **Bodhiyā mūle saha sabbaññutaññāssa paṭilābhāti** mahābodhirukkhamūle yathāvuttakkhaṇe sabbaññutaññāssa paṭilābhena saha. **Sacchikā paññattīti** arahattaphalasacchikiriyāya, sabbadhammasacchikiriyāya vā jātā paññatti. **Yadidaṃ buddhoti** yā ayaṃ buddhoti paññatti, ayaṃ byañjanato buddhavibhāvanā.

“Yathā buddhena desitā”tigāthāpādassa pana iminā padabhājanīye vuttatthena ayaṃ saṃsandana – ānāpānassatiyo ca yathā buddhena desitā, yena pakārena desitā. Yathāsaddena saṅgahitā dasa yathatthā ca yathā buddhena desitā, yena pakārena desitāti pakāratthassa ca yathāsaddassa, sabhāvattassa ca yathāsaddassa sarūpekasesavasena ekasesam katvā “yathā”ti vuttanti veditabbaṃ. Padabhājanīye panassa yathatthesu ekekassa yojanāvasena “desito”ti ekavacanam katam.

“Soti gahaṭṭho vā hoti pabbajito vā”ti vuttattā ādipadepi yassa gahaṭṭhassa vā pabbajitassa vāti vuttameva hoti. Lokattho vuttoyeva. **Pabhāsetīti** attano ñāssa pākaṭam karotīti attho. **Abhisambuddhattāti** sāvakaṃpāramiñāṇenapi paṭividhābhāvena. **Obhāsetīti** kāmāvacarabhūtam lokam. **Bhāsetīti** rūpāvacarabhūtam lokam. **Pabhāsetīti** arūpāvacarabhūtam lokam.

Ariyañāṇanti arahattamaggañāṇam. **Mahikā muttoti** mahikāya mutto. **Mahikāti** nīhāro vuccati. Mahiyā muttotipi pāṭho. **Dhūmarajā muttoti** dhūmato ca rajato ca mutto. **Rāhugahaṇā vippanuttoti** rāhuno candassa āsannupakkilesattā dvīhi upasaggehi visesetvā vuttaṃ. **Bhāsate** iti saobhāsattāna. **Tapate** iti satejattāna. **Virocate** iti rucirattāna. **Evamevanti** evaṃ evaṃ. Yasmā pana candopi sayam bhāsanto tapanto virocanto imaṃ okāsalokaṃ obhāseti, bhikkhu ca paññāya bhāsanto tapanto virocanto imaṃ khandhādilokaṃ paññāya obhāseti, tasmā ubhayatrāpi “bhāseti”ti avatvā “bhāsate” icceva vuttaṃ. Evañhi vutte hetuatthopi vutto hoti. Ativisadarābhāsūriyopamaṃ aggahetvā kasmā candopamā gahitāti ce? Sabbakilesapariḷāhavūpasameṇa santassa bhikkhuno santagūṇayuttacandopamā anucchavikāti gahitāti veditabbaṃ. Evaṃ ānāpānassatibhāvanāsiddhisādhakaṃ yogāvacaram thunitvā **imāni terasa vodāne**

ñāṇānīti tāni ñāṇāni nigametvā dassetīti.

Vodānañāṇaniddesavaṇṇanā niṭṭhitā.

5. Satokāriñāṇaniddesavaṇṇanā

163. Satokāriñāṇaniddese mātikāyaṃ **idha bhikkhūti** imasmiṃ sāsane bhikkhu. Ayañhi ettha idha-saddo sabbappakāraānāpānassatisamādhiniḥbattakassa puggalassa sannissayabhūtasāsanaparidīpano, aññasāsanassa tathābhāvapaṭisedhano ca. Vuttañhettaṃ – “idheva, bhikkhave, samaṇo...pe... suññā parappavādā samaṇebhi aññehī”ti (ma. ni. 1.139; a. ni. 4.241).

Araññagato vā rukkhamūlagato vā suññāgāragato vāti idamassa ānāpānassatisamādhi bhāvanānurūpasenāsanapariggahaparidīpanaṃ. Imassa hi bhikkhuno dīgharattaṃ rūpādīsu ārammaṇesu anuvisaṭṭaṃ cittaṃ ānāpānassatisamādhīārammaṇaṃ abhiruhitaṃ na icchati, kūṭaṇayuttaratho viya uppathameva dhāvati. Tasmā seyyathāpi nāma gopo kūṭadhenuyā sabbam khīraṃ pivitvā vaḍḍhitaṃ kūṭavacchaṃ dametukāmo dhenuto apanetvā ekamante mahantaṃ thambhaṃ nikhaṇitvā tattha yottena bandheyya, athassa so vaccho ito cito ca vipphanditvā palāyitaṃ asakkonto tameva thambhaṃ upanisīdeyya vā upanipajjeyya vā, evameva imināpi bhikkhunā dīgharattaṃ rūpārammaṇādirasapānavaḍḍhitaṃ duṭṭhacittaṃ dametukāmena rūpādīārammaṇato apanetvā araññaṃ vā rukkhamūlaṃ vā suññāgāraṃ vā pavesetvā tattha assāsapassāsathambhe satiyottena bandhitabbaṃ. Evamassa taṃ cittaṃ ito cito ca vipphanditvāpi pubbe āciṇṇārammaṇaṃ alabhamānaṃ satiyottaṃ chinditvā palāyitaṃ asakkontaṃ tamevārammaṇaṃ upacārappanāvasena upanisīdati ceva upanipajjati ca. Tenāhu porāṇā –

“Yathā thambhe nibandheyya, vacchaṃ damaṃ naro idha;
Bandheyyevaṃ sakaṃ cittaṃ, satiyārammaṇe daḷha”nti. (visuddhi. 1.217; pārā. aṭṭha. 2.165; dī.
ni. aṭṭha. 2.374; ma. ni. aṭṭha. 1.107) –

Evamassa taṃ senāsaṇaṃ bhāvanānurūpaṃ hoti. Atha vā yasmā idaṃ kammaṭṭhānappabhede muddhabhūtaṃ sabbabuddhapaccekabuddhabuddhasāvakaṇaṃ visesādhigamadiṭṭhadhammasukhavihārapadaṭṭhānaṃ ānāpānassatikammaṭṭhānaṃ itthipurisahatthiassādisaddasamākulaṃ gāmaṇaṃ apariccajivā na sukaraṃ bhāvetuṃ saddakaṇṭakattā jhānassa. Agāmake pana araññe sukaraṃ yogāvacaraṇa idaṃ kammaṭṭhānaṃ pariggahetvā ānāpānacatukkajjhānaṃ nibbattetvā tadeva pādakaṃ katvā saṅkhāre sammasitvā aggaphalaṃ arahattaṃ pāpuṇitaṃ. Tasmā tassa anurūpaṃ senāsaṇaṃ upadisanto bhagavā “araññagato vā”tiādimāha, tatheva thero.

Vatthuvijjācariyo viya hi bhagavā, so yathā vatthuvijjācariyo nagarabhūmiṃ passitvā suṭṭhu upaparikkhitvā “ettha nagaraṃ māpethā”ti upadisati, sotthinā ca nagare niṭṭhite rājakulato mahāsakkāraṃ labhati, evamevaṃ yogāvacaṇassa anurūpaṃ senāsaṇaṃ upaparikkhitvā “ettha kammaṭṭhānaṃ anuyuñjītabba”nti upadisati, tato tattha kammaṭṭhānamanuyuttena yoginā kamena arahatte patte “sammāsambuddho vata so bhagavā”ti mahantaṃ sakkāraṃ labhati. Ayaṃ pana bhikkhu “dīpisadiso”ti vuccati. Yathā hi mahādīpīrājā araññe tiṇagahaṇaṃ vā vanagahaṇaṃ vā pabbatagahaṇaṃ vā nissāya nilīyitvā vanamahimsagokaṇṇasūkarādayo mige gaṇhāti, evamevaṃ ayaṃ araññādīsu kammaṭṭhānamanuyuñjanto bhikkhu yathākkamena sotāpattisakadāgāmiānāgāmiarahattamagge ceva ariyaphalāni ca gaṇhātīti veditabbo. Tenāhu porāṇā –

“Yathāpi dīpiko nāma, nilīyitvā gaṇhate mige;
Tathevāyaṃ buddhaputto, yuttayogo vipassako;
Araññaṃ pavisitvāna, gaṇhāti phalamuttama”nti. (mi. pa. 6.1.5);

Tenassa parakkamajavayoggabhūmiṃ araññasenāsaṇaṃ dasseto “araññagato vā”tiādimāha.

Tattha **araññagatoti** upari vuttalakkhaṇaṃ yaṃkiñci pavivekasukhaṃ araññaṃ gato. **Rukkhamūlagatoti** rukkhasamīpaṃ gato. **Suññāgāragatoti** suññaṃ vivittokāsaṃ gato. Ettha ca ṭhapetvā araññañca rukkhamūlañca avasesasattavidhasenāsaṇaṃ gatopi “suññāgāragato”ti vattum vaṭṭati. Navavidhañhi senāsaṇaṃ. Yathāha – “so vivittaṃ senāsaṇaṃ bhajati araññaṃ rukkhamūlaṃ pabbataṃ kandaraṃ giriguhaṃ susānaṃ vanapatthaṃ abbhokāsaṃ palālapuñja”nti (vibha. 508). Evamassa ututtayānukūlaṃ dhātucariyānukūlañca ānāpānassatibhāvanānūrūpaṃ senāsaṇaṃ upadisitvā alīnānuddhaccapakkhikaṃ santamiriyāpathaṃ upadisanto **nisīdatīti** āha. Athassa nisajjāya daḷhabhāvaṃ assāsapassāsānaṃ pavattanasamatthataṃ ārammaṇapariggahūpāyañca dassento **pallaṅkaṃ abhujitvā**tiādīmāha. Tattha **pallaṅkanti** samantato ūrubaddhāsaṇaṃ. **Ābhujitvā**ti bandhitvā. **Ujuma kāyaṃ paṇidhāyāti** uparimasarīraṃ ujumaṃ ṭhapetvā aṭṭhārasa piṭṭhikaṇṭake koṭiyā koṭiṃ paṭipādetvā. Evañhi nisinnassa dhammamaṃsaṇhārūni na paṇamanti. Athassa yā tesāṃ paṇamaṇapaccayā khaṇe khaṇe vedanā uppajjeyyumaṃ, tā na uppajjanti. Tāsu anuppajjamānāsu cittaṃ ekaggaṃ hoti, kammaṭṭhānaṃ na paripatati, vuddhiṃ phātiṃ upagacchati.

Parimukhaṃ satim upaṭṭhapetvāti kammaṭṭhānābhimukhaṃ satim ṭhapayitvā. **So satova assasati sato passasatīti** so bhikkhu evaṃ nisīditvā evañca satim upaṭṭhapetvā taṃ satim avijahanto sato eva assasati sato passasati, satokārī hotīti vuttaṃ hoti.

Idāni yehi pakārehi satokārī hoti, te pakāre dassetuṃ **dīghaṃ vā assasantoti**tiādīmāha. Tattha **dīghaṃ vā assasantoti** dīghaṃ vā assāsaṃ pavattayanto. Tathā **rassaṃ**. Yā pana nesāṃ dīgharassatā, sā kālavasena veditabbā. Kadāci hi manussā hatthiāhiādayo viya kālavasena dīghaṃ assasanti ca passasanti ca, kadāci sunakhasasādayo viya rassaṃ. Aññathā hi cuṇṇavicuṇṇā assāsapassāsā dīgharassā nāma na honti. Tasmā te dīghaṃ kālaṃ pavisantā ca nikkhamantā ca dīghā, rassaṃ kālaṃ pavisantā ca nikkhamantā ca rassāti veditabbā. Tatrāyaṃ bhikkhu upari vuttehi navahākārehi dīghaṃ assasanto ca passasanto ca **dīghaṃ assasāmi, passasāmīti pajānāti**, tathā **rassaṃ**.

Evaṃ pajānato ca –

“Dīgho rasso ca assāso, passāsopi ca tādiso;
Cattāro vaṇṇā vattanti, nāsikageva bhikkhuno”ti. (visuddhi. 1.219; pārā. aṭṭha. 2.165);

Navannañcassa ākāraṇaṃ ekenākāreṇa kāyānupassanāsatiṭṭhānabhāvanā sampajjati veditabbā. **Sabbakāyapaṭisaṃvedī assasissāmīti sikkhati. Sabbakāyapaṭisaṃvedī passasissāmīti sikkhatīti** sakalassa assāsakāyassādimaṃjhapariyosānaṃ viditaṃ karonto pākaṭaṃ karonto assasissāmīti sikkhati. Sakalassa passāsakāyassādimaṃjhapariyosānaṃ viditaṃ karonto pākaṭaṃ karonto passasissāmīti sikkhati. Evaṃ viditaṃ karonto pākaṭaṃ karonto ñāṇasampayuttacittena assasati ceva passasati ca. Tasmā “assasissāmīti passasissāmīti sikkhati”ti vuccati. Ekassa hi bhikkhuno cuṇṇavicuṇṇavisate (visuddhi. 1.219; pārā. 2.165) assāsakāye, passāsakāye vā ādi pākaṭo hoti, na maṃjhapariyosānaṃ. So ādimeva pariggahetuṃ sakkoti, maṃjhapariyosāne kilamati. Ekassa maṃjhaṃ pākaṭaṃ hoti, na ādipariyosānaṃ. So maṃjhameva pariggahetuṃ sakkoti, ādipariyosāne kilamati. Ekassa pariyoṣānaṃ pākaṭaṃ hoti, na ādimajjhaṃ. So pariyoṣānaṃyeva pariggahetuṃ sakkoti, ādimajjhe kilamati. Ekassa sabbhaṃ pākaṭaṃ hoti, so sabbampi pariggahetuṃ sakkoti, na katthaci kilamati. Tādisena bhavitabbanti dassento āha – “sabbakāyapaṭisaṃvedī”tiādi.

Tattha **sikkhatīti** evaṃ ghaṭati vāyamati. Yo vā tathābhūtaṃ saṃvaro, ayamettha adhisīlasikkhā. Yo tathābhūtaṃ samādhī, ayaṃ adhicittasikkhā. Yā tathābhūtaṃ paññā, ayaṃ adhipaññāsikkhāti imā tisso sikkhāyo tasmim ārammaṇe tāya satiyā tena manasikāreṇa sikkhati āsevati bhāveti bahulīkarotīti evamettha attho daṭṭhabbo. Tattha yasmā purimanayena kevalaṃ assasitabbaṃ passasitabbaṃ eva ca, na aññaṃ kiñci kātabbaṃ, ito paṭṭhāya pana ñāṇuppādanādīsu yogo karaṇīyo. Tasmā tattha “assasāmīti pajānāti passasāmīti pajānāti”ceva vattamānakālavasena paḷiṃ vatvā ito paṭṭhāya kattabbaṃ ñāṇuppādanādīno ā-kārassa dassanattaṃ “sabbakāyapaṭisaṃvedī assasissāmī”tiādinā nayena anāgatakālavasena paḷi āropitāti veditabbā.

Passambhayaṃ kāyasaṅkhāraṃ...pe... sikkhatīti oḷārikaṃ assāsapassāsasaṅkhātaṃ kāyasaṅkhāraṃ passambhento paṭippassambhento nirodhento vūpasamento assasissāmi passasissāmīti sikkhati.

Tatrevaṃ oḷārikasukhumatā ca passaddhi ca veditabbā – imassa hi bhikkhuno pubbe apariggahitakāle kāyo ca cittaṅca sadarathā honti oḷārikā. Kāyacittānaṃ oḷārikatte avūpasante assāsapassāsāpi oḷārikā honti, balavatarā hutvā pavattanti, nāsikā nappahoti, mukhena assasantopi passasantopi tiṭṭhati. Yadā panassa kāyopi cittampi pariggahitā honti, tadā te santā honti vūpasantā. Tesu vūpasantesu assāsapassāsā sukhumā hutvā pavattanti, “atthi nu kho, natthī”ti vicetabbākārappattā honti. Seyyathāpi purisassa dhāvītvā pabbatā vā orohitvā mahābhāraṃ vā sīsato oropetvā ṭhitassa oḷārikā assāsapassāsā honti, nāsikā nappahoti, mukhena assasantopi passasantopi tiṭṭhati. Yadā panesa taṃ parissamaṃ vinodetvā nhatvā ca pivītvā ca allasātaṃ hadaye katvā sītāya chāyāya nipanno hoti, athassa te assāsapassāsā sukhumā honti “atthi nu kho, natthī”ti vicetabbākārappattā, evamevaṃ imassa bhikkhuno apariggahitakāleti vitthāretabbā. Tathā hissa pubbe apariggahitakāle “oḷārikoḷārike kāyasaṅkhāre passambhemī”ti ābhogasamānāhāramanasikāro natthi, pariggahitakāle pana atthi. Tenassa apariggahitakālato pariggahitakāle kāyasaṅkhāro sukhumo hoti. Tenāhu porāṇā –

“Sāraddhe kāye citte ca, adhimattaṃ pavattati;
Asāraddhamhi kāyamhi, sukhumaṃ sampavattati”ti. (visuddhi. 1.220; pārā. aṭṭha. 2.165);

Pariggahepi oḷāriko, paṭhamajjhānūpacāre sukhumo. Tasmimpi oḷāriko, paṭhamajjhāne sukhumo. Paṭhamajjhāne ca dutiyajjhānūpacāre ca oḷāriko, dutiyajjhāne sukhumo. Dutiyajjhāne ca tatiyajjhānūpacāre ca oḷāriko, tatiyajjhāne sukhumo. Tatiyajjhāne ca catutthajjhānūpacāre ca oḷāriko, catutthajjhāne atisukhumo appavattimeva pāpuṇāti. Idaṃ tāva **diḅhabhāṇakasaṃyuttabhāṇakānaṃ** matam.

Majjhimbhāṇakā pana “paṭhamajjhāne oḷāriko, dutiyajjhānūpacāre sukhumo”ti evaṃ heṭṭhimahēṭṭhimajjhānato uparūparijjhānūpacārepi sukhumataraṃ icchanti. Sabbesaṃyeva pana matena apariggahitakāle pavattakāyasaṅkhāro pariggahitakāle paṭippassambhati, pariggahitakāle pavattakāyasaṅkhāro paṭhamajjhānūpacāre...pe... catutthajjhānūpacāre pavattakāyasaṅkhāro catutthajjhāne paṭippassambhati. Ayaṃ tāva samathe nayo.

Vipassanāyaṃ pana apariggahitakāle pavattakāyasaṅkhāro oḷāriko, mahābhūtapariggahe sukhumo. Sopi oḷāriko, upādārūpariggahe sukhumo. Sopi oḷāriko, sakalarūpariggahe sukhumo. Sopi oḷāriko, arūpariggahe sukhumo. Sopi oḷāriko, rūpārūpariggahe sukhumo. Sopi oḷāriko, paccayapariggahe sukhumo. Sopi oḷāriko, sappaccayanāmarūpadassane sukhumo. Sopi oḷāriko, lakkhaṇārammaṇika vipassanāya sukhumo. Sopi dubbalavipassanāya oḷāriko, balavavipassanāya sukhumo. Tattha pubbe vuttanayeneva purimassa purimassa pacchimena pacchimena paṭippassaddhi veditabbā. Evamettha oḷārikasukhumatā paṭippassaddhi ca veditabbā. Ayaṃ tāvettha kāyānupassanāvasena vuttassa paṭhamacatukkassa anupubbapadaṇṇanā.

Yasmā panettha idameva catukkaṃ ādikammikassa kammaṭṭhānavasena vuttaṃ, itarāni pana tīṇi catukkāni ettha pattajjhānassa vedanācittadhammānupassanāvasena, tasmā imaṃ kammaṭṭhānaṃ bhāvetvā ānāpānacatukkajjhānapadaṭṭhānāya vipassanāya saha paṭisambhidāhi arahattaṃ pāpuṇitukāmena ādikammikena kulaputtana visuddhimagge vuttanayena sīlāparisodhanādīni sabbakiccāni katvā sattaṅgasamānāgatassa ācariyassa santike pañcasandhikaṃ kammaṭṭhānaṃ uggahetabbā. Tatrima pañca sandhaya uggaho paripucchā upaṭṭhānaṃ appanā lakkhaṇanti. Tattha **uggaho** nāma kammaṭṭhānassa uggaṇhanaṃ. **Paripucchā** nāma kammaṭṭhānassa paripucchanaṃ. **Upaṭṭhānaṃ** nāma kammaṭṭhānassa upaṭṭhānaṃ. **Appanā** nāma kammaṭṭhānassa appanā. **Lakkhaṇaṃ** nāma kammaṭṭhānassa lakkhaṇaṃ, “evaṃ lakkhaṇamidaṃ kammaṭṭhāna”nti kammaṭṭhānasabhāvūpadhāraṇanti vuttaṃ hoti.

Evaṃ pañcasandhikaṃ kammaṭṭhānaṃ uggaṇhanto attanāpi na kilamati, ācariyampi na viheseti. Tasmā thokaṃ uddisāpetvā bahuṃ kālaṃ sajjhāyītvā evaṃ pañcasandhikaṃ kammaṭṭhānaṃ uggahetvā

ācariyassa santike vā aññattha vā aṭṭhārasa dosayutte vihāre vajjetvā pañcaṅgasamannāgate senāsane vasantena upacchinnakhuddakapalibodhena katabhattakiccena bhattasammadaṃ paṭivinodetvā sukhanisinnena ratanattayaguṇānussaraṇena cittaṃ sampahaṃsetvā ācariyuggahato ekapadampi aparihāpentena idaṃ ānāpānassatikammaṭṭhānaṃ manasi kātappaṃ. Tatrāyaṃ manasikāraviddhi –

“Gaṇanā anubandhanā, phusanā ṭhapanā sallakkhaṇā;
Vivaṭṭanā pārisuddhi, tesaṇca paṭipassanā”ti.

Tattha **gaṇanā**ti gaṇanāyeva. **Anubandhanā**ti anugamanā. **Phusanā**ti phuṭṭhaṭṭhānaṃ. **Ṭhapanā**ti appanā. **Sallakkhaṇā**ti vipassanā. **Vivaṭṭanā**ti maggo. **Pārisuddhī**ti phalaṃ. **Tesaṇca paṭipassanā**ti paccavekkhaṇā. Tattha iminā ādikammikena kulaputtana paṭhamaṃ gaṇanāya idaṃ kammaṭṭhānaṃ manasi kātappaṃ. Gaṇentena pana pañcannaṃ heṭṭhā na ṭhabetappaṃ, dasannaṃ upari na netappaṃ, antarā khaṇḍaṃ na dassetappaṃ. Pañcannaṃ heṭṭhā ṭhabetassa hi sambādhe okāse cittuppādo vipphandati sambādhe vaje sanniruddhagogaṇo viya. Dasannaṃ upari nentassa gaṇananissitova cittuppādo hoti. Antarā khaṇḍaṃ dassentassa “sikhāppattaṃ nu kho me kammaṭṭhānaṃ, no”ti cittaṃ vikampati, tasmā ete dose vajjetvā gaṇetappaṃ.

Gaṇentena ca paṭhamaṃ dandhagaṇanāya **dhaññamāpakagaṇanāya** gaṇetappaṃ. Dhaññamāpako hi nāliṃ pūretvā “eka”nti vatvā okirati, puna pūrento kiñci kacavaraṃ disvā chaḍḍento “ekaṃ eka”nti vadati. Eseva nayo dve dvetiādīsu. Evamevaṃ imināpi assāsapassāsesu yo upaṭṭhāti, taṃ gaṇetvā “ekaṃ eka”ntiādīṃ katvā yāva “dasa dasā”ti pavattamānaṃ pavattamānaṃ upalakkhetvāva gaṇetappaṃ. Tassa evaṃ gaṇayato nikkhamantā ca pavisantā ca assāsapassāsā pākaṭā hontī.

Athānena taṃ dandhagaṇanaṃ dhaññamāpakagaṇanaṃ pahāya sīghagaṇanāya **gopālakagaṇanāya** gaṇetappaṃ. Cheko hi gopālako sakkharādayo ucchaṅgena gaṇetvā rajjudandaḍhattho pātova vajaṃ gantvā gāvo piṭṭhiyaṃ paharivā palighatthambhamatthake nisinno dvāraṃ pattamāya gāvaṃ “eko dve”ti sakkharaṃ khipitvā khipitvā gaṇeti. Tiyaṃarattimā sambādhe okāse dukkhaṃ vutthagogaṇo nikkhamanto aññamaññaṃ upanighaṃsanto vegena vegena puñjapuñjo hutvā nikkhamati. So vegena vegena “tīṇi cattāri pañca dasā”ti gaṇetiyeva, evamassāpi purimanayena gaṇayato assāsapassāsā pākaṭā hutvā sīghaṃ sīghaṃ punappunaṃ sañcaranti. Tato tena “punappunaṃ sañcaranti”ti ṇatvā anto ca bahi ca aggahetvā dvārappattaṃ dvārappattaṃyeva gaṇetvā “eko dve tīṇi cattāri pañca, eko dve tīṇi cattāri pañca cha, eko dve tīṇi cattāri pañca cha satta...pe... aṭṭha nava dasā”ti sīghaṃ sīghaṃ gaṇetabbameva. Gaṇanāpaṭibaddhe hi kammaṭṭhāne gaṇanabaleneva cittaṃ ekaggaṃ hoti arittupatthambhanavasena caṇḍasote nāvāṭhapanamiva.

Tassevaṃ sīghaṃ sīghaṃ gaṇayato kammaṭṭhānaṃ nirantaraṃ pavattaṃ viya hutvā upaṭṭhāti. Atha “nirantaraṃ pavattati”ti ṇatvā anto ca bahi ca vātaṃ apariggahetvā purimanayeneva vegena vegena gaṇetappaṃ. Antopavisanavātena hi saddhiṃ cittaṃ pavesayato abbhantaraṃ vātabbhāhataṃ medapūritamā viya hoti. Bahinikkhamanavātena saddhiṃ cittaṃ nīharato bahiddhā puthuttārammaṇe cittaṃ vikkhipati. Phuṭṭhaphuṭṭhokāse pana satimā ṭhabetvā bhāventasseva bhāvanā sampajjati. Tena vuttaṃ – “anto ca bahi ca vātaṃ apariggahetvā purimanayeneva vegena vegena gaṇetabba”nti.

Kīvaciraṃ panetaṃ gaṇetabbanti? Yāva vinā gaṇanāya assāsapassāsārammaṇe sati santiṭṭhati. Bahi visaṭavittakkavicchedaṃ katvā assāsapassāsārammaṇe sati saṅṭhāpanatthaṃyeva hi gaṇanāti.

Evaṃ gaṇanāya manasi katvā **anubandhanāya** manasi kātappaṃ. **Anubandhanā** nāma gaṇanaṃ paṭisaṃharitvā satiyaṃ nirantaraṃ assāsapassāsānaṃ anugamanaṃ. Taṇca kho na ādimajjhapariyosānānugamanavasena. Ādimajjhapariyosānāni tassānugamane ādīnavā ca heṭṭhā vuttāyeva.

Tasmā anubandhanāya manasikarontena na ādimajjhapariyosānavasena manasi kātappaṃ, apica kho **phusanāvasena** ca **ṭhapanāvasena** ca manasi kātappaṃ. Gaṇanānubandhanāvasena viya hi phusanāṭhapanāvasena viya manasikāro natthi, phuṭṭhaphuṭṭhaṭṭhāneyeva pana gaṇento gaṇanāya ca

phusanāya ca manasi karoti, tattheva gaṇanam paṭisaṃharitvā te satiyā anubandhanto, appanāvasena ca cittaṃ ṭhapento “anubandhanāya ca phusanāya ca ṭhapanāya ca manasi karoti”ti vuccati. Svāyamattho **aṭṭhakathāsu** vuttapaṅguladovārikopamāhi idheva pāliyaṃ vuttakakacūpamāya ca veditabbo.

Tatrāyaṃ **paṅguḷopamā** – seyyathāpi paṅguḷo dolāya kīlatam mātāputtānaṃ dolaṃ khipitvā tattheva dolāthambhamūle nisinno kamena āgacchantassa ca gacchantassa ca dolāphalakassa ubho koṭiyo majjhañca passati, na ca ubhokoṭimajjhānaṃ dassanattam byāvaṇo hoti, evameva bhikkhu sativasena upanibandhanattambhamūle ṭhatvā assāsapassāsadolaṃ khipitvā tattheva nimitte satiyā nisīdanto kamena āgacchantānañca gacchantānañca phuṭṭhaṭṭhāne assāsapassāsānaṃ ādimajjhapariyosānaṃ satiyā anugacchanto tattheva (visuddhi. 1.225) cittaṃ ṭhapetvā passati, na ca tesam dassanattam byāvaṇo hoti. Ayaṃ paṅguḷopamā.

Ayaṃ pana **dovārikopamā** – seyyathāpi dovāriko nagarassa anto ca bahi ca purise “ko tvam, kuto vā āgato, kuhiṃ vā gacchasi, kiṃ vā te hatthe”ti na vīmaṃsati. Na hi tassa te bhārā, dvārappattam dvārappattameva pana vīmaṃsati, evameva imassa bhikkhuno antopaviṭṭhavātā ca bahinikkhantavātā ca na bhārā honti, dvārappattā dvārappattāyeva bhārāti ayaṃ dovārikopamā.

Kakacūpamā pana “nimittam assāsapassāsā”tiādinā (paṭi. ma. 1.159) nayena idha vuttāyeva. Idha panassa āgatāgatavasena amanasikāramattameva payoananti veditabbaṃ.

Idam kammaṭṭhānaṃ manasikaroto kassaci na cireneva nimittañca uppajjati, avasesajhānaṅgaṭṭhānaṃ appanāsaṅkhātā ṭhapanā ca sampajjati. Kassaci pana gaṇanāvaseneva manasikārakālato pabhuti yathā sāraddhakāyassa mañce vā piṭṭhe vā nisīdato mañcapīṭham onamati vikūjati, paccattharaṇam valim gaṇhāti, asāraddhakāyassa pana nisīdato neva mañcapīṭham onamati na vikūjati, na paccattharaṇam valim gaṇhāti, tūlapicupūritam viya mañcapīṭham hoti. Kasmā? Yasmā asāraddho kāyo lahuko hoti, evamevaṃ gaṇanāvasena manasikārakālato pabhuti anukkamato oḷārikaassāsapassāsānirodhavasena kāyadarathe vūpasante kāyopi cittampi lahukaṃ hoti, sarīram ākāse laṅghanākārappattam viya hoti.

Tassa oḷārike assāsapassāse niruddhe sukhumaassāsapassāsānimittārammaṇam cittaṃ pavattati. Tasmimpi niruddhe aparāparam tato sukhumataram sukhumataram assāsapassāsānimittārammaṇam pavattatiyeva. Svāyamattho upari vuttakaṃsathālopaṃmāya veditabbo.

Yathā hi aññāni kammaṭṭhānāni uparūpari vibhūtāni honti, na tathā idam. Idam pana uparūpari bhāventassa sukhumatam gacchati, upaṭṭhānampi na upagacchati. Evaṃ anupaṭṭhahante pana tasmim tena bhikkhunā “ācariyaṃ pucchissāmi”ti vā “naṭṭham dāni me kammaṭṭhāna”nti vā uṭṭhāyāsānā na gantabbaṃ. Iriyāpatham vikopetvā gacchato hi kammaṭṭhānaṃ navanavameva hoti. Tasmā yathānisinneneva desato āharitabbaṃ.

Tatrāyaṃ āharaṇūpāyo – tena bhikkhunā kammaṭṭhānassa anupaṭṭhānabhāvaṃ ñatvā iti paṭisañcikkhitabbaṃ “ime assāsapassāsā nāma kattha atthi, kattha natthi. Kassa vā atthi, kassa vā natthi”ti. Athevaṃ paṭisañcikkhato “ime antomātukucchiyaṃ natthi, udake nimuggānaṃ natthi, tathā asaṅṅibhūtānaṃ matānaṃ catutthajjhānasamāpannānaṃ rūpārūpabhavasamaṅgīnaṃ nirodhasamāpannāna”nti ñatvā evaṃ attanāva attā paṭicodetabbo “nanu, tvam paṇḍita, neva mātukucchigato, na udake nimuggo, na asaṅṅibhūto, na mato, na catutthajjhānasamāpanno, na rūpārūpabhavasamaṅgī, na nirodhasamāpanno. Atthiyeva te assāsapassāsā, mandapaññātāya pana pariggahetuṃ na sakkosi”ti. Athānena pakatiphuṭṭhavasena cittaṃ ṭhapetvā manasikāro pavattetabbo. Ime hi dīghanāsikassa nāsāpuṭam ghaṭṭentā pavattanti, rassanāsikassa uttarotṭham. Tasmānena imam nāma ṭhānaṃ ghaṭṭentīti nimittam ṭhapetabbaṃ. Imameva hi atthavasam paṭicca vuttam bhagavatā – “nāham, bhikkhave, muṭṭhassatissa asampajānassa ānāpānassatibhāvanam vadāmi”ti (ma. ni. 3.149; sam. ni. 5.992). Kiñcāpi hi yaṃkiñci kammaṭṭhānaṃ satassa sampajānasseva sampajjati, ito aññam pana manasikarontassa pākaṃ hoti. Idam pana ānāpānassatikammaṭṭhānaṃ garukaṃ garukabhāvanam

buddhapaccekabuddhabuddhaputtānaṃ mahāpurisānaṃyeva manasikārabhūmibhūtaṃ, na ceva ittaṃ, na ca ittarasattasamāsevitaṃ. Yathā yathā manasi karīyati, tathā tathā santañceva hoti sukhumañca. Tasmā ettha balavatī sati ca paññā ca icchitabbā.

Yathā hi maṭṭhasātakassa tunnakaraṇakāle sūcīpi sukhumā icchitabbā, sūcīpāsavedhanampi tato sukhumataraṃ, evamevaṃ maṭṭhasātakasadisassa imassa kammaṭṭhānassa bhāvanākāle sūcīpaṭibhāgā satīpi sūcīpāsavedhanapaṭibhāgā taṃsampayuttā paññāpi balavatī icchitabbā. Tāhi ca pana satipaññāhi samannāgatena bhikkhunā na te assāsapassāsā aññatra pakatiphuṭṭhokāsā pariyesitabbā.

Yathā hi kassako khettaṃ kasitvā balībadde muñcitvā gocaramukhe katvā chāyāya nisīno vissameyya, athassa te balībaddā vegena aṭaviṃ paviseyyuṃ. Yo hoti cheko kassako, so puna te gahetvā yojetukāmo na tesāṃ anupadaṃ gantvā aṭaviṃ āhiṇḍati. Atha kho rasmiñca patodañca gahetvā ujukameva tesāṃ nipātanatitthaṃ gantvā nisīdati vā nipajjati vā. Atha te goṇe divasabhāgaṃ caritvā nipātanatitthaṃ otarivā nhatvā ca pivitvā ca paccuttarivā ṭhite disvā rasmiyā bandhitvā patodena vijjhanto ānetvā yojetvā puna kammaṃ karoti. Evamevaṃ tena bhikkhunā na te assāsapassāsā aññatra pakatiphuṭṭhokāsā pariyesitabbā. Satirasmīṃ pana paññāpatodañca gahetvā pakatiphuṭṭhokāse cittaṃ ṭhapetvā manasikāro pavattetabbo. Evaṃ hissa manasikaroto na cirasseva te upaṭṭhahanti nipātanatithe viya goṇā. Tato tena satirasmīyā bandhitvā tasmiṃyeva ṭhāne yojetvā paññāpatodena vijjhantena punappunaṃ kammaṭṭhānaṃ anuyuñjītabbaṃ. Tassevamanuyuñjato na cirasseva nimittaṃ upaṭṭhāti. Taṃ panetaṃ na sabbesaṃ ekasadisāṃ hoti, apica kho kassaci sukhasamphassaṃ uppādayamāno tūlapicu viya kappāsapicu viya vātadhārā viya ca upaṭṭhātīti ekacce āhu.

Ayaṃ pana **aṭṭhakathāsu vinicchayo** – idañhi kassaci tārakarūpaṃ viya maṇigūlikā viya muttāgūlikā viya ca, kassaci kharasamphassaṃ hutvā kappāsāṭṭhi viya dārusārasūci viya ca, kassaci dīghapāmaṅgasuttaṃ viya kusumadāmaṃ viya dhūmasikhā viya ca, kassaci vitthataṃ makkaṭakasuttaṃ viya valāhakapaṭalaṃ viya padumapupphaṃ viya rathacakkaṃ viya candamaṇḍalaṃ viya sūriyamaṇḍalaṃ viya ca upaṭṭhāti, tañca panetaṃ yathā sambahulesu bhikkhūsu suttantaṃ sajjhāyitvā nisīnesu ekena bhikkhunā “tumhākaṃ kīdisāṃ hutvā idaṃ suttaṃ upaṭṭhāti”ti vutte eko “mayhaṃ mahatī pabbateyyā nadī viya hutvā upaṭṭhāti”ti āha. Aparo “mayhaṃ ekā vanarāji viya”. Añño “mayhaṃ eko sītaccāyo sākāsāmpanno phalabhārabharito rukkho viyā”ti. Tesañhi taṃ ekameva suttaṃ saññānānatāya nānato upaṭṭhāti. Evaṃ ekameva kammaṭṭhānaṃ saññānānatāya nānato upaṭṭhāti. Saññājañhi etaṃ saññānidānaṃ saññāpabhavaṃ, tasmā saññānānatāya nānato upaṭṭhātīti veditabbaṃ.

Evaṃ upaṭṭhite pana nimitte tena bhikkhunā ācariyassa santikaṃ gantvā ārocetabbaṃ “mayhaṃ, bhante, evarūpaṃ nāma upaṭṭhāti”ti. Ācariyena pana “nimittamidaṃ, āvuso, kammaṭṭhānaṃ punappunaṃ manasi karohi sappurisā”ti vattabbo. Athānena nimittēyeva cittaṃ ṭhapetabbaṃ. Evamassāyaṃ ito pabhuti ṭhapanāvasena bhāvanā hoti. Vuttañhettaṃ porāṇehi –

“Nimitte ṭhapayaṃ cittaṃ, nānākāraṃ vibhāvayaṃ;
Dhīro assāsapassāse, sakaṃ cittaṃ nibbandhāti”ti. (pārā. aṭṭha. 2.165; visuddhi. 1.232);

Tassevaṃ nimittupaṭṭhānato pabhuti nīvaraṇāni vikkhambhitāneva honti, kilesā sannisinnāva, cittaṃ upacārasamādhiṇā samāhitameva. Athānena taṃ nimittaṃ neva vaṇṇato manasi kātabbaṃ, na lakkhaṇato paccavekkhitabbaṃ, apica kho khattiyamahesiyā cakkavattigabbho viya kassakena sāliyavagabbho viya ca āvāsādīni satta asappāyāni vajjetvā tāneva satta sappāyāni sevantena sādhukaṃ rakkhitabbaṃ, atha naṃ evaṃ rakkhitvā punappunaṃ manasikārasena vuddhiṃ virūhiṃ gamayitvā dasavidhaṃ appanākosallaṃ sampādetabbaṃ, vīriyasamatā yojetabbā. Tassevaṃ ghaṭentassa visuddhimagge vuttānukkamena tasmiṃ nimitte catukkapañcakajjhānāni nibbattanti. Evaṃ nibbattacattukkapañcakajjhāno panettha bhikkhu sallakkhaṇāvivaṭṭanāvasena kammaṭṭhānaṃ vaḍḍhetvā pārisuddhiṃ pattukāmo tadeva jhānaṃ pañcahākārehi vasippattaṃ paguṇaṃ katvā nāmarūpaṃ vavatthapetvā vipassanaṃ paṭṭhapi. Kathaṃ? So hi samāpattito vuṭṭhāya assāsapassāsānaṃ samudayo karajakāyo ca cittañcāti passati. Yathā hi kammāragaggariyā dhamamānāya bhastañca purisassa ca tājjaṃ vāyāmaṃ paṭicca vāto sañcarati,

evamevaṃ kāyañca cittañca paṭicca assāsapassāsāti. Tato assāsapassāse ca kāyañca rūpanti, cittañca taṃsamyatthe ca dhamme arūpanti vavatthapeti.

Evam nāmarūpaṃ vavatthapetvā tassa paccayaṃ pariyesati, pariyesanto ca taṃ disvā tīsupi addhāsu nāmarūpassa pavattiṃ ārabha kaṅkhaṃ vitarati, vitinṇakaṅkho kalāpasammasanavasena “aniccaṃ dukkhamanattā”ti tilakkhaṇaṃ āropetvā udayabbayānupassanāya pubbabhāge uppanne obhāsādayo dasa vipassanupakkilese pahāya upakkilesavimuttaṃ udayabbayānupassanāññāṇaṃ “maggo”ti vavatthapetvā udayaṃ pahāya bhaṅgānupassanaṃ patvā nirantaraṃ bhaṅgānupassanena bhayato upaṭṭhitesu sabbasaṅkhāresu nibbindanto virajjanto vimuccanto yathākkamena cattāro ariyamagge pāpuṇitvā arahattaphale patiṭṭhāya ekūnavīsatiḥhedassa paccavekkhaṇāññāṇassa pariyaṇṇaṃ patto sadevakassa lokassa aggadakkhiṇeyyo hoti. Ettāvataṃ cassa gaṇanaṃ ādiṃ katvā vipassanāpariyosānā ānāpānassatisamādhībhāvanā samattā hotīti. Ayaṃ sabbākārato paṭhamacatukkavaṇṇanā.

Itaresu pana tīsu catukkesu yasmā viṣuṃ kammaṭṭhānabhāvanānayo nāma natthi, tasmā anupadavaṇṇanāyeneva tesam evamattho veditabbo. **Pītipaṭisaṃvedīti** pītiṃ paṭisaṃviditaṃ karonto pākāṭaṃ karonto assasissāmi passasissāmīti sikkhati. Tattha dvīhākārehi pīti paṭisaṃviditā hoti ārammaṇato ca asammoḥato ca.

Kathaṃ **ārammaṇato** pīti paṭisaṃviditā hoti? Sappīṭike dve jhāne samāpajjati, tassa samāpattikkhaṇe jhānapaṭilābhena ārammaṇato pīti paṭisaṃviditā hoti ārammaṇassa paṭisaṃviditattā.

Kathaṃ **asammohato**? Sappīṭike dve jhāne samāpajjitvā vuṭṭhāya jhānasampayuttaṃ pītiṃ khayato vayato sammāsati, tassa vipassanākkhaṇe lakkhaṇapaṭivedhena asammoḥato pīti paṭisaṃviditā hoti. Eteneva nayena avasesapadānipi atthato veditabbāni. Idaṃ panettha viśesamattaṃ – tiṇṇaṃ jhānānaṃ vasena sukhapaṭisaṃviditā hoti. Catunnampi jhānānaṃ vasena cittasaṅkhārapaṭisaṃviditā veditabbā. **Cittasaṅkhāro**ti vedanāsaññākkhandhā. **Passambhayaṃ cittasaṅkhāranti** oḷārikaṃ oḷārikaṃ cittasaṅkhāraṃ passambhento, nirodhentoti attho. So vitthārato kāyasaṅkhāre vuttanayena veditabbo. Apicettha **pītipade** pītīsena vedanā vuttā, **sukhapade** sarūpeneva vedanā. Dvīsu cittasaṅkhārapadesu “saññā ca vedanā ca cetasikā, ete dhammā cittaapaṭibaddhā cittasaṅkhārā”ti (paṭi. ma. 1.174; ma. ni. 1.463) vacanato saññāsampayuttā vedanāti evaṃ vedanānupassanāyena idaṃ catukkaṃ bhāsitaṃ veditabbam.

Tatīyacatukkepi catunnaṃ jhānānaṃ vasena cittaapaṭisaṃviditā veditabbā. **Abhippamodayaṃ cittanti** cittaṃ modento pamodento hāsento pahāsento assasissāmi passasissāmīti sikkhati. Tattha dvīhākārehi abhippamodo hoti samādhivasena ca vipassanāvasena ca.

Kathaṃ **samādhivasena**? Sappīṭike dve jhāne samāpajjati, so samāpattikkhaṇe sampayuttāya pītiyā cittaṃ āmodeti pamodeti. Kathaṃ **vipassanāvasena**? Sappīṭike dve jhāne samāpajjitvā vuṭṭhāya jhānasampayuttaṃ pītiṃ khayato vayato sammāsati. Evaṃ vipassanākkhaṇe jhānasampayuttaṃ pītiṃ ārammaṇaṃ katvā cittaṃ āmodeti pamodeti. Evaṃ paṭipanno “abhippamodayaṃ cittaṃ assasissāmi passasissāmīti sikkhati”ti vuccati.

Samādahaṃ cittanti paṭhamajjhānādivasena ārammaṇe cittaṃ samaṃ ādahanto samaṃ ṭhapento, tāni vā pana jhānāni samāpajjitvā vuṭṭhāya jhānasampayuttaṃ cittaṃ khayato vayato sammāsato vipassanākkhaṇe lakkhaṇapaṭivedhena uppajjati khaṇikacittekaggatā, evaṃ uppannāya khaṇikacittekaggatāya vasenapi ārammaṇe cittaṃ samaṃ ādahanto samaṃ ṭhapento “samādahaṃ cittaṃ assasissāmi passasissāmīti sikkhati”ti vuccati.

Vimocayaṃ cittanti paṭhamajjhānena nīvaraṇehi cittaṃ mocento vimocento, dutiyena vitakkavicārehi, tatīyena pītiyā, catutthena sukhadukkhehi cittaṃ mocento vimocento, tāni vā pana jhānāni samāpajjitvā vuṭṭhāya jhānasampayuttaṃ cittaṃ khayato vayato sammāsati. So vipassanākkhaṇe aniccānupassanāya niccasaññāto cittaṃ mocento vimocento, dukkhānupassanāya sukhasaññāto,

anattānupassanāya attasaññāto, nibbidānupassanāya nandito, virāgānupassanāya rāgato, nirodhānupassanāya samudayato, paṭinissaggānupassanāya ādānato cittaṃ mocento vimocento assasati ceva passasati ca. Tena vuccati – “vimocayaṃ cittaṃ assasissāmi passasissāmīti sikkhatī”ti. Evaṃ cittaṃnupassanāvasena idaṃ catukkaṃ bhāsitaṃ veditabbaṃ.

Catutthacatukke pana **aniccānupassīti** ettha tāva aniccaṃ veditabbaṃ, aniccata veditabbā, aniccānupassanā veditabbā, aniccānupassī veditabbo. Tattha **aniccanti** pañcakkhandhā. Kasmā? Uppādavayaññathattabhāvā. **Aniccata**ti tesamyeva uppādavayaññathattaṃ, hutvā abhāvo vā, nibbattānaṃ tenevākārena aṭṭhatvā khaṇabhaṅgena bhedoti attho. **Aniccānupassanāti** tassā aniccataya vasena rūpādīsu “anicca”nti anupassanā. **Aniccānupassīti** tāya anupassanāya samannāgato. Tasmā evaṃbhūto assasanto ca passasanto ca idha “aniccānupassī assasissāmi passasissāmīti sikkhatī”ti veditabbo.

Virāgānupassīti ettha pana dve virāgā khayavirāgo ca accantavirāgo ca. Tattha **khayavirāgoti** saṅkhārānaṃ khaṇabhaṅgo. **Accantavirāgoti** nibbānaṃ. **Virāgānupassanāti** tadubhayadassanavasena pavattā vipassanā ca maggo ca. Tāya duvidhāyapi anupassanāya samannāgato hutvā assasanto ca passasanto ca “virāgānupassī assasissāmi passasissāmīti sikkhatī”ti veditabbo. **Nirodhānupassī**padepi eseva nayo.

Paṭinissaggānupassīti etthāpi dve paṭinissaggā pariccāgapaṭinissaggo ca pakkhandanapaṭinissaggo ca. Paṭinissaggoyeva anupassanā paṭinissaggānupassanā, vipassanāmaggānametaṃ adhivacanaṃ. **Vipassanāti** tadanavasena saddhiṃ khandhābhisaṅkhārehi kilese pariccajati, saṅkhatadosadassanena ca tabbiparīte nibbāne tanninnatāya pakkhandatīti **pariccāgapaṭinissaggo** ceva **pakkhandanapaṭinissaggo** cāti vuccati. **Maggo** samucchadavasena saddhiṃ khandhābhisaṅkhārehi kilese pariccajati, ārammaṇakaraṇena ca nibbāne pakkhandatīti **pariccāgapaṭinissaggo** ceva **pakkhandanapaṭinissaggo** cāti vuccati. Ubhayampi pana purimapurimaññānaṃ anuanu passanato anupassanāti vuccati. Tāya duvidhāyapi paṭinissaggānupassanāya samannāgato hutvā assasanto ca passasanto ca “paṭinissaggānupassī assasissāmi passasissāmīti sikkhatī”ti veditabbo.

Ettha ca “aniccānupassī”ti taruṇavipassanāya vasena vuttaṃ, “virāgānupassī”ti tato balavatarāya saṅkhāresu virajjanasamatthāya vipassanāya vasena, “nirodhānupassī”ti tato balavatarāya kilesanirodhanasamatthāya vipassanāya vasena, “paṭinissaggānupassī”ti maggassa āsannabhūtāya atitikkhāya vipassanāya vasena vuttanti veditabbaṃ. Yattha pana maggopi labbhati, so abhinnoyeva. Evamidam catukkaṃ suddhavipassanāvasena vuttaṃ, purimāni pana tīṇi samathavipassanāvasenāti.

Ānāpānassatimātikāvaṇṇanā niṭṭhitā.

164. Idāni yathānikkhittaṃ mātikaṃ paṭipāṭiyā bhājetvā dassetaṃ **idhāti imissā diṭṭhiyā**tiādi āradhamaṃ. Tattha **imissā diṭṭhiyā**tiādīhi dasahi padehi sikkhattayasāṅkhātāṃ sabbaññubuddhasāsanameva kathitaṃ. Tañhi buddhena bhagavatā diṭṭhattā **diṭṭhīti** vuccati, tasseva khamanavasena **khanti**, ruccanavasena **rucci**, gahaṇavasena **ādāyo**, sabhāvaṭṭhena **dhammo**, sikkhitabbaṭṭhena **vinayo**, tadubhayenapi **dhammavinayo**, pavuttavasena **pāvacaṇaṃ**, seṭṭhacariyaṭṭhena **brahmacariyaṃ**, anusitṭhidānavasena **satthusāsana**nti vuccati. Tasmā “imissā diṭṭhiyā”tiādīsu imissā buddhadiṭṭhiyā, imissā buddhakhantiyā, imissā buddharuciya, imasmim buddhaādāye, imasmim buddhadhamme, imasmim buddhavinaye, imasmim buddhadhammavinaye, imasmim buddhapāvacane, imasmim buddhabrahmacariye, imasmim buddhasatthusāsanaṃ attho veditabbo. Apicetaṃ sikkhattayasāṅkhātāṃ sakalaṃ pāvacaṇaṃ bhagavatā diṭṭhattā sammādiṭṭhipaccayattā sammādiṭṭhipubbaṅgamattā ca diṭṭhi. Bhagavato khamanavasena khanti. Ruccanavasena ruci. Gahaṇavasena ādāyo. Attano kāraṃ apāye apatamānaṃ dhāretīti dhammo. Sova saṃkilesapakkhaṃ vinetīti vinayo. Dhammo ca so vinayo cāti dhammavinayo, kusaladhammehi vā akusaladhammānaṃ esa vinayoti dhammavinayo. Teneva vuttaṃ – “ye ca kho tvaṃ, gotami, dhamme jāneyyāsi ime dhammā virāgāya saṃvattanti, no sarāgāya...pe... ekaṃsena, gotami, dhāreyyāsi eso dhammo eso vinayo etaṃ satthusāsana”nti (a. ni. 8.53; cūḷava. 406). Dhammena vā vinayo, na daṇḍādīhīti dhammavinayo. Vuttampi cetam –

“Daṇḍeneke damayanti, añkusehi kasāhi ca;
Adaṇḍena asatthena, nāgo danto mahesinā”ti. (ma. ni. 2.352; cūḷava. 342);

Tathā “dhammena nayamānānaṃ, kā usūyā vijānata”nti (mahāva. 63). Dhammāya vā vinayo dhammavinayo. Anavajjadhammatthaṃ hesa vinayo, na bhavabhogāmisatthaṃ. Tenāha bhagavā – “nayidaṃ, bhikkhave, brahmacariyaṃ vussati janakuhanattha”nti (itivu. 35; a. ni. 4.25) vitthāro. Puṇṇattheropi āha – “anupādāparinibbānatthaṃ kho, āvuso, bhagavati brahmacariyaṃ vussati”ti (ma. ni. 1.259). Visuddhaṃ vā nayatīti vinayo, dhammato vinayo dhammavinayo. Saṃsāradhammato hi sokādidhammato vā esa visuddhaṃ nibbānaṃ nayati, dhammassa vā vinayo, na tittthakarānanti dhammavinayo. Dhammabhūto hi bhagavā, tasseva esa vinayo. Yasmā vā dhammā eva abhiññeyyā pariññeyyā pahātabbā bhāvetabbā sacchikātabbā ca, tasmā esa dhammesu vinayo, na sattesu na jīvesu cāti dhammavinayo. Sātthasabyañjanatādīhi aññesaṃ vacanato padhānaṃ vacananti pavacanaṃ, pavacanameva pāvacanaṃ. Sabbacariyāhi viṣiṭṭhacariyabhāvena brahmacariyaṃ. Devamanussānaṃ satthubhūtaṃ bhagavato sāsanaṃ satthusāsanaṃ, satthubhūtaṃ vā sāsanaṃ satthusāsanaṃ. “Yo vo, ānanda, mayā dhammo ca vinayo ca desito paññatto, so vo mamaccayena satthā”ti (dī. ni. 2.216) hi dhammavinayova satthāti vutto. Evametesam padānaṃ attho vedītabbo. Yasmā pana imasmiṃyeva sāsane sabbākāraṇāpānassatisamādhinibbattako bhikkhu vijjati, na aññatra, tasmā tattha tattha “imissā”ti ca “imasmi”nti ca ayaṃ niyamo katoti vedītabbo. Ayaṃ “idhā”timātikāya niddeṣassa attho.

Puthujjanakalyāṇako vātiādīnā ca bhikkhusaddassa vacanattaṃ avatvā idhāhippetabhikkhuyeva dassito. Tattha puthujjano ca so kilesānaṃ asamucchinnatā, kalyāṇo ca sīlādīpaṭṭipattiyuttatīti puthujjanakalyāṇo, puthujjanakalyāṇova **puthujjanakalyāṇako**. Adhisīlādīni sikkhatīti **sekkho**. Soṭāpanno vā sakadāgāmī vā anāgāmī vā. Akuppo calayitumasakkuṇeyyo arahattaphaladhammo assāti **akuppadhammo**. Sopi hi imaṃ samādhim bhāveti.

Araññaniddese vinayapariyāyena tāva “ṭhapetvā gāmañca gāmūpacārañca avasesaṃ arañña”nti (pārā. 92) āgataṃ. Suttantapariyāyena āraññakaṃ bhikkhuṃ sandhāya “āraññakaṃ nāma senāsaṃ pañcadhanusatikaṃ pacchima”nti (pāci. 573) āgataṃ. Vinayasuttantā pana ubhopi pariyaḍesaṇā nāma, abhidhammo nipariyaḍesaṇāti abhidhammapariyaḍeyena (vibha. 529) araññaṃ dassetaṃ **nikkhamitvā bahi indakhīlāti** vuttaṃ, indakhīlato bahi nikkhamitvāti attho. Nikkhamitvā bahi indakhīlantipi pāṭho, indakhīlaṃ atikkamitvā bahīti vuttaṃ hoti. **Indakhīloti** cettha gāmassa vā nagarassa vā ummāro.

Rukkhamūlaniddese rukkhamūlassa pākāṭatā taṃ avatvāva **yatthātiādīmāha**. Tattha **yatthāti** yasmim rukkhamūle. Āsanti nisīdanti etthāti **āsaṇaṃ**. **Paññattanti** ṭhapitaṃ. **Mañco vātiādīni** āsanassa pabhedavacanāni. Mañcopi hi nisajjāyapi okāsattā idha āsanesu vutto. So pana masārakabundikābaddhakuḷīrapādakaāhaccapādakānaṃ aññataro. **Pīṭhaṃ** tesam aññatarameva. **Bhisīti** uṇṇābhisicoḷabhisivākabhisitiṇabhisipaṇṇābhisīnaṃ aññatarā. **Taṭṭikāti** tālapaṇṇādīhi cinitvā katā. **Cammakhaṇḍoti** nisajjāraho yo koci cammakhaṇḍo. **Tiṇasantharādayo** tiṇādīni gumbetvā katā. **Tatthāti** tasmim rukkhamūle. **Caṅkamati vātiādīhi** rukkhamūlassa catuiriyaṭṭhapaṭṭanayogyatā kathitā. “Yatthā”tiādīhi sabbapadehi rukkhamūlassa sandacchāyatā janavivattatā ca vuttā hoti. **Kenacīti** kenaci samūhena. Taṃ samūhaṃ bhinditvā vitthārento **gahaṭṭhehi vā pabbajitehi vāti** āha. **Anākiṇṇanti** asaṃkiṇṇaṃ asambādhaṃ. Yassa senāsanassa samantā gāvutampi aḍḍhajojanampi pabbatagahaṇaṃ vanagahaṇaṃ nadīgahaṇaṃ hoti, na koci avelāya upasaṅkamitum sakkoti, idaṃ santikepi anākiṇṇaṃ nāma. Yaṃ pana aḍḍhajojanikaṃ vā yojanikaṃ vā hoti, idaṃ dūratāya eva anākiṇṇaṃ nāma.

Vihāroti aḍḍhayogādimmuttako avasesāvāso. **Aḍḍhayogoti** supaṇṇavaṅkagehaṃ. **Pāsādoti** dve kaṇṇikā gahetvā kato dīghapāsādo. **Hammiyanti** upariākāsatale paṭiṭṭhitakūṭāgārapāsādo yeva. **Guhāti** iṭṭhakāguhā silāguhā dāruguhā paṃsuguhāti evaṇhi khandhakaṭṭhakathāyaṃ (cūḷava. aṭṭha. 294) vuttaṃ. Vibhaṅgaṭṭhakathāyaṃ pana **vihāroti** samantā parihārapathaṃ antoyeva rattitṭhānadivāṭṭhānāni ca dassetvā katasenāsaṃ. **Guhāti** bhūmiguhā, yattha rattindivaṃ dīpaṃ laddhuṃ vaṭṭati. Pabbataguhā vā bhūmiguhā vāti idaṃ dvayaṃ visesetvā vuttaṃ. Mātikāya sabbakālasādhāraṇalakkaṇavasena “nisīdatī”ti vattamānavacanaṃ kataṃ, idha pana nisinnassa bhāvanārambhasabbhāvato

nisajjārambhapariyosānadassanattam **nisinnoti** niṭṭhānavacanaṃ kataṃ. Yasmā pana ujum kāyaṃ pañidhāya nisinnassa kāyo ujuko hoti, tasmā byañjane ādaraṃ akatvā adhippetama eva dassento **ujukoti**ādīmāha. Tattha **ṭhito supaṇihototi** ujukaṃ paṇihattā ujuko hutvā ṭhito, na sayamevāti attho. **Pariggahaṭṭhoti** pariggahitaṭṭho. Kiṃ pariggahitaṃ? Niyyānaṃ. Kiṃ niyyānaṃ? Ānāpānassatisamādhieva yāva arahattamaggā niyyānaṃ. Tenāhaniyyānaṭṭhoti mukhasaddassa jeṭṭhakatthavasena saṃsārato niyyānaṭṭho vutto. **Upaṭṭhānaṭṭhoti** sabhāvaṭṭhoyeva. Sabbehi panetehi padehi pariggahitaniyyānaṃ satim katvāti attho vutto hoti. Keci pana “pariggahaṭṭhoti satiyā pariggahaṭṭho, niyyānaṭṭhoti assāsapassāsānaṃ pavisananikkhamaṇadvāraṭṭho”ti vaṇṇayanti. Pariggahitaassāsapassāsāniyyānaṃ satim upaṭṭhapetvāti vuttaṃ hoti.

165. Bāttimsāya ākārehīti tāsū tāsū avatthāsū yathākkamena labbhamānānaṃ anavaśesapariyādānavasena vuttaṃ. **Dīghaṃ assāsavasenāti** mātikāya “dīgha”ntivuttaassāsavasena. Evaṃ sesesu. **Ekaggatanti** ekaggabhāvaṃ. **Avikkhepanti** avikkhipanaṃ. Ekaggatā eva hi nānārammaṇesu cittassa avikkhipanato avikkhepoti vuccati. **Pajānatoti** asammoḥavasena pajānantassa, vindantassāti vā attho. “Avikkhepo me paṭiladdho”ti ārammaṇakaraṇavasena pajānantassa vā. **Tāya satiyāti** tāya upaṭṭhitāya satiyā. **Tena nāṇenāti** tena avikkhepajānanañāṇena. **Sato kāri hotīti** ettha yasmā nāṇasampayuttā eva satī satīti adhippetā, yathāha – “satimā hoti paramena satinepakkena samannāgato”ti (vibha. 467). Tasmā “sato”ti vacaneneva nāṇampi gahitameva hoti.

166. Addhānasāṅkhātetī dīghasāṅkhāte kāle. Dīgho hi maggo addhānoti vuccati. Ayampi kālo dīghattā addhāno viya addhānoti vutto. “Assasatī”ti ca “passasatī”ti ca assāsañca passāsañca viṣuṃ viṣuṃ vatvāpi bhāvanāya nīrantarappavattidassanattam “assasatīpi passasatīpi”ti puna samāsetvā vuttaṃ. **Chando uppajjati** bhāvanābhivuddhiyā bhīyyobhāvāya chando jāyati. **Sukhumataranti** passambhanasabbhāvato vuttaṃ. **Pāmojjaṃ uppajjati** bhāvanāpāripūriyā pīti jāyati. **Assāsapassāsāpi cittaṃ vivattati** assāsapassāse nissāya paṭibhāganimitte uppajjante pakatiassāsapassāsato cittaṃ nivattati. **Upekkhā saṅṭhātīti** tasmim paṭibhāganimitte upacārappanāsamādhīpattiyā puna samādhāne byāpārābhāvato tatramajjhātupekkhā saṅṭhātīti nāma. **Navahākārehīti** ettha bhāvanārambhato pabhutī pure chanduppādā “assasatīpi passasatīpi”ti vuttā tayo ākāra, chanduppādato pabhutī pure pāmojjuppādā tayo, pāmojjuppādato pabhutī tayoti nava ākāra. **Kāyoti** cuṇṇavicuṇṇāpi assāsapassāsā samūhaṭṭhena kāyo. Pakatiassāsapakatipassāse nissāya uppannamittampi assāsapassāsāti nāmaṃ labhati. **Upaṭṭhānaṃ satīti** taṃ ārammaṇaṃ upecca tiṭṭhatīti satī upaṭṭhānaṃ nāma. **Anupassanā nāṇanti** samathavasena nimittakāyānupassanā, vipassanāvasena nāmakāyarūpakāyānupassanā nāṇanti attho. **Kāyo upaṭṭhānanti** so kāyo upecca tiṭṭhati ettha satīti upaṭṭhānaṃ nāma. **No satīti** so kāyo satī nāma na hotīti attho. **Tāya satiyāti** idāni vuttāya satiyā. **Tena nāṇenāti** idāneva vuttena nāṇena. **Taṃ kāyaṃ anupassati** samathavipassanāvasena yathāvuttaṃ kāyaṃ anugantvā jhānasampayuttañāṇena vā vipassanāñāṇena vā passati.

Mātikāya kāyādīnaṃ padānaṃ abhāvepi imassa catukkassa kāyānupassanāvasena vuttattā idāni vattabbaṃ “kāye kāyānupassanāsatiṭṭhānabhāvanā”ti vacanaṃ sandhāya kāyapadaniddeso kato. **Kāye kāyānupassanāti** bahuvīdhe kāye tassa tassa kāyassa anupassanā. Atha vā kāye kāyānupassanā, na aññadhammānupassanāti vuttaṃ hoti. Aniccadukkhānattāsūbhābhūte kāye na nīccasukhattasūbhānupassanā, atha kho aniccadukkhānattāsūbhāto kāyasseva anupassanā. Atha vā kāye ahanti vā mamanti vā itthīti vā purisoti vā gahetabbassa kassaci ananupassanato tasseva kāyamattassa anupassanāti vuttaṃ hoti. Upari **vedanāsu vedanānupassanāti**ādīsū tīsūpi eseva nayo. Satiyeva upaṭṭhānaṃ satipaṭṭhānaṃ, kāyānupassanāya sampayuttaṃ satipaṭṭhānaṃ kāyānupassanāsatiṭṭhānaṃ, tassa bhāvanā **kāyānupassanāsatiṭṭhānabhāvanā**.

167. Taṃ kāyanti aniddiṭṭhepi nāmarūpakāye kāyasaddena tassāpi saṅgahitattā niddiṭṭhaṃ viya katvā vuttaṃ. Aniccānupassanādayo hi nāmarūpakāye eva labbhanti, na nimittakāye. Anupassanā ca bhāvanā ca vuttatthā eva. **Dīghaṃ assāsapassāsavasenāti**ādī ānāpānassatibhāvanāya ānisamaṃ dassetuṃ vuttaṃ. Tassā hi satīvepullatāñāṇavepullatā ca ānisamaṃso. Tattha **cittassa ekaggataṃ avikkhepaṃ pajānatoti** paṭiladdhājjhānassa vipassanākāle cittekkaggataṃ sandhāya vuttaṃ. **Viditā vedanāti** sāmāññato

udayadassanena viditā vedanā. **Viditā upaṭṭhahantī** khayato vayato suññato viditā upaṭṭhahanti. **Viditā abbattham gacchantī** sāmāññato vayadassanena viditā vināsaṃ gacchanti, bhijjantīti attho. **Saññāvitakkesupi** ese va nayo. Imesu pana tīsu vuttesu sesā rūpadhammāpi vuttā honti. Kasmā pana ime tayo eva vuttāti ce? Duppariggahattā. Vedanāsu tāva sukhadukkhā pākaṭā, upekkhā pana sukhumā duppariggahā, na suṭṭhu pākaṭā. Sāpi cassa pākaṭā hoti, saññā ākāramattaggāhakattā na yathāsabhāvaggāhinī. Sā ca sabhāvasāmāññalakkhaṇaggāhakena vipassanāññāṇena sampayuttā ati viya apākaṭā. Sāpi cassa pākaṭā hoti, vitakko ñāṇapatirūpakattā ñāṇato visum katvā duppariggaho. Ñāṇapatirūpako hi vitakko. Yathāha – “yā cāvuso visākhā, sammādiṭṭhi yo ca sammāsaṅkappo, ime dhammā paññākkhandhe saṅgahitā”ti (ma. ni. 1.462). Sopi cassa vitakko pākaṭo hotīti evaṃ duppariggahesu vuttesu sesā vuttāva hontīti. Imesaṃ pana padānaṃ niddese **katham viditā vedanā uppajjantīti** pucchitvā taṃ avissajjetvāva vedanuppādassa viditatteyeva vissajjite vedanāya viditattaṃ vissajjitaṃ hotīti **katham vedanāya uppādo vidito hotīti**ādīmāha. Sesesupi ese va nayo. **Avijjāsamudayā avijjānirodhā**tiādayo heṭṭhā vuttatthā eva. Imināva nayena saññāvitakkāpi veditabbā. Vitakkavāre pana “phassasamudayā phassanirodhā”ti avatvā phassaṭṭhāne **saññāsamudayā saññānirodhā**ti vuttaṃ. Taṃ kasmā iti ce? Saññāmūlakattā vitakkassa. “Saññānānattaṃ paṭicca uppajjati saṅkappanānatta”nti (dī. ni. 3.359) hi vuttaṃ.

Aniccato manasikarotītiādīsu ca “vedanaṃ aniccato manasikaroto”tiādinā nayena tasmim tasmim vāre so soye va dhammo yojetabbo. Yasmā pana vipassanāsampayuttā vedanā vipassanākkiccarāṇe asamattatthā vipassanāya anupakārikā, tasmāye va ca bodhipakkhiyadhammesu nāgatā. Vipassanāsampayuttāya pana saññāya kiccame va aparibyattaṃ, tasmā sā vipassanāya ekantamanupakārikā eva. Vitakkaṃ pana vinā vipassanākkiccame va natthi. Vitakkasahāyā hi vipassanā sakakiccaṃ karoti. Yathāha –

“Paññā attano dhammatāya aniccaṃ dukkhamanattāti ārammaṇaṃ nicchetuṃ na sakkoti, vitakke pana ākoṭetvā ākoṭetvā dente sakkoti. Kathaṃ? Yathā hi heraññiko kahāpaṇaṃ hatthe ṭhapetvā sabbabhāgesu oloketukāmo samānopi na cakkhūtalene va parivattetuṃ sakkoti, aṅgulipabbehi pana parivattetvā parivattetvā ito cito ca oloketuṃ sakkoti, evame va na paññā attano dhammatāya aniccādivasena ārammaṇaṃ nicchetuṃ sakkoti, abhiniropanalakkhaṇena pana āhananapariyāhananarasena vitakkena ākoṭentena viya parivattentena viya ca ādāyādāya dinname va nicchetuṃ sakkoti”ti (visuddhi. 2.568).

Tasmā vedanāsaññānaṃ vipassanāya anupakāratthā lakkhaṇamattavasene va dassetuṃ “vedanāya saññāyā”ti tattha tattha ekavacanena niddeso kato. Yattako pana vipassanāya bhedo, tattako eva vitakkasāti dassetuṃ “vitakkāna”nti tattha tattha bahuvacanena niddeso katoti vattuṃ yujjati.

168. Puna **dīghaṃ assāsapassāsavasenā**tiādi ānāpānassatibhāvanāya sampattiṃ bhāvanāphalañca dassetuṃ vuttaṃ. Tattha **samodhānetī**ti ārammaṇaṃ ṭhāpeti, ārammaṇaṃ patiṭṭhāpetīti vā attho. Samodahanabyāpārābhāvepi bhāvanāpāripūriyā eva samodahati nāma. **Gocaranti** vipassanākkhaṇe saṅkhārārammaṇaṃ, maggakkhaṇe phalakkhaṇe ca nibbānārammaṇaṃ. **Samatthanti** samame va attho, samassa vā atthoti samattho. Taṃ samatthaṃ. Sesesupi ese va nayo. **Maggaṃ samodhānetī**ti maggaphalakkhaṇeye va gocaraṃ nibbāname va. **Ayaṃ puggaloti** ānāpānassatibhāvanaṃ anuyutto yogāvacarova. **Imasmim ārammaṇeti** ettha pana “kāye”tipadena saṅgahite nāmarūpakāyasāṅkhāte saṅkhatārammaṇe tene va kamena magge nibbānārammaṇe ca. **Yaṃ tassāti**ādīhi ārammaṇagocarasaddānaṃ ekatthā vuttā. **Tassāti** tassa puggalassa. **Pajānātīti puggalo pajānanā paññāti** puggalo paññāya pajānātīti vuttaṃ hoti. **Ārammaṇassa upaṭṭhānanti** vipassanākkhaṇe saṅkhārārammaṇassa, maggaphalakkhaṇe nibbānārammaṇassa upaṭṭhānaṃ sati. Ettha ca kammatthe sāmivacanaṃ yathā rañño upaṭṭhānanti. **Avikkhepoti** samādhī. **Adhiṭṭhānanti** yathāvuttasaṅkhārārammaṇaṃ nibbānārammaṇaṃ. Tañhi adhiṭṭhāti ettha cittanti adhiṭṭhānaṃ. **Vodānanti** ñāṇaṃ. Tañhi vodāyati visujjhati tena cittanti vodānaṃ. Līnapakkhiko samādhī alīnabhāvappattiyā samabhūtattā **samaṃ**, uddhaccapakkhikaṃ ñāṇaṃ anuddhatabhāvappattiyā samabhūtattā samaṃ. Tena vipassanāmaggaphalakkhaṇesu samathavipassanānaṃ yuganaddhatā vuttā hoti.

Sati pana sabbatthikattā tadubhayasamatāya upakārikāti samaṃ, ārammaṇaṃ samatādhiṭṭhānattā samaṃ. **Anavajjaṭṭhoti** vipassanāya anavajjasabhāvo. **Nikkilesaṭṭhoti** maggassa nikkilesasabhāvo. Nikkilesaṭṭhoti vā paṭho. **Vodānaṭṭhoti** phalassa parisuddhasabhāvo. **Paramaṭṭhoti** nibbānassa sabbadhammuttasabhāvo. **Paṭivijjhatīti** taṃ taṃ sabhāvaṃ asammoḥato paṭivijjhatī. Ettha ca “ārammaṇassa upaṭṭhāna”ntiādīhi sammā paṭivedho vutto. Ettheva ca vodānaṭṭhapaṭivedhassa vuttattā tena ekalakkhaṇā anavajjaṭṭhanikkilesaṭṭhaparamaṭṭhā lakkhaṇahārasena vuttāyeva hontī. Yathāha –

“Vuttamhi ekadhamme, ye dhammā ekalakkhaṇā keci;
Vuttā bhavanti sabbe, so hāro lakkhaṇo nāmā”ti. (netti. 4.5 niddesavāra);

Anavajjaṭṭho nikkilesaṭṭho cettha avikkhepasāṅkhātassa samassa attho payojananti samattho, vodānaṭṭho vipassanāmaggaṇodānaṃ sandhāya samameva atthoti samattho, phalavodānaṃ sandhāya maggaṇodānasāṅkhātassa samassa atthoti samattho, paramaṭṭho pana samameva atthoti vā nibbānapayojanattā sabbassa samassa atthoti vā samattho, taṃ vuttappakāraṃ samañca samatthañca ekadesasarūpekasesaṃ katvā **samatthañca paṭivijjhatīti** vuttaṃ. Indriyabalabojjhaṅgadhammā vipassanāmaggaṇalakkhaṇepi labbhanti, maggo ca tisso ca visuddhiyo maggaṇalakkhaṇeyeva, vimokkho ca vijjā ca khaye ñāṇaṇca maggaṇalakkhaṇeyeva, vimutti ca anuppāde ñāṇaṇca phalalakkhaṇeyeva, sesā vipassanākkhaṇepīti. Dhammavāre **ime dhamme imasmiṃ ārammaṇe samodhānetīti** nibbānaṃ ṭhapetvā sesā yathāyogaṃ veditabbā. Idaṃ pana yebhuyyavasena vuttaṃ. Avuttatthā panettha heṭṭhā vuttā eva. Ekekacatukkavasenettha niyyāne dassitepi catukkantogadhassa ekekassāpi bhāgassa niyyānassa upanissayattā ekekabhāgavasena niyyānaṃ dassitaṃ. Na hi ekekaṃ vinā niyyānaṃ hotīti.

Dīghamaṣṣāsapassāsaniddesavaṇṇanā niṭṭhitā.

169. Rassaniddese **ittarasāṅkhāte**ti parittasāṅkhāte kāle. Sesamettha vuttanayena veditabbam.

170. Sabbakāyapaṭisaṃvediniddese arūpadhammesu vedanāya oḷārikattā sukhaḅḅhaṇattham paṭhamam iṭṭhāniṭṭhārammaṇasaṃvedikā vedanā vuttā, tato yaṃ vedeti, taṃ sañjānātīti evaṃ vedanāvisayassa ākāraggāhikā saññā, tato saññāvasena abhisāṅkhārikā cetanā, tato “phuṭṭho vedeti, phuṭṭho sañjānāti, phuṭṭho ceteti”ti (saṃ. ni. 4.93) vacanato phasso, tato sabbesaṃ sādharāṇalakkhaṇo manasikāro, cetanādīhi saṅkhāraṅkhandho vutto. Evaṃ tīsu khandhesu vuttasu taṃnissayo viññāṇakkhandho vuttova hoti. **Nāmañcāti** vuttappakāraṃ nāmañca. **Nāmakāyo cāti** idaṃ pana nāmena nibbānassapi saṅgahitattā lokuttarānañca avipassanupagattā taṃ apanetuṃ vuttaṃ. “Kāyo”ti hi vacanena nibbānaṃ apanītaṃ hoti nibbānassa rāsiviniṃvuttattā. **Ye ca vuccanti cittasāṅkhārāti** “saññā ca vedanā ca cetasikā ete dhammā cittapaṭibaddhā cittasāṅkhārā”ti (paṭi. ma. 1.174; ma. ni. 1.463) evaṃ vuccamānāpi cittasāṅkhārā idha nāmakāyeneva saṅgahitātīti vuttaṃ hoti. **Mahābhūtāti** mahantapātubhāvato mahābhūtasāmaññato mahāparihārato mahāvīkārato mahantabhūtattā cāti mahābhūtā. Te pana – pathavī āpo tejo vāyoti cattāro. **Catunnañca mahābhūtānaṃ upādāyarūpanti** upayogathe sāmivacanaṃ, cattāro mahābhūte upādāya nissāya amuñcitvā pavattarūpanti attho. Taṃ pana – cakkhu sotaṃ ghānaṃ jivhā kāyo rūpaṃ saddo gandho raso itthindriyaṃ purisindriyaṃ jīvitindriyaṃ hadayaṇvatthu oḷā kāyaviññatti vacīviññatti ākāsadhātu rūpassa lahuṭā mudutā kammaññattā upacayo santati jaratā aniccatāti catuvīsatividham. **Assāso ca passāso cāti** pākatikoyeva. Assāsapassāse nissāya uppannaṃ paṭibhāganimittampi tadeva nāmaṃ labhati pathavīkasiṇādīni viya. Rūpasarikkhakkattā rūpanti ca nāmaṃ labhati “bahiddhā rūpāni passatī”tiādīsu (dha. sa. 204; dī. ni. 3.338) viya. **Nimittañca upanibandhanāti** satiupanibandhanāya nimittabhūtaṃ assāsapassāsānaṃ phusaṇaṭṭhānaṃ. **Ye ca vuccanti kāyasāṅkhārāti** “assāsapassāsā kāyikā ete dhammā kāyapaṭibaddhā kāyasāṅkhārā”ti (paṭi. ma. 1.171; ma. ni. 1.463) evaṃ vuccamānāpi kāyasāṅkhārā idha rūpakāyeneva saṅgahitātīti vuttaṃ hoti.

Te kāyā paṭividitā hontīti jhānakkhaṇe assāsapassāsanimittakāyā vipassanākkhaṇe avasesarūpārūpakāyā ārammaṇato paṭividitā hontī, maggaṇalakkhaṇe asammoḥato paṭividitā hontī. Assāsapassāsavasena paṭiladdhajjhānassa yogissa uppannavipassanāmaggepi sandhāya **dīgham assāsapassāsavasena**tiādī vuttaṃ.

Āvajjato pajānatotiādīni sīlakathāyaṃ vuttatthāni. Te vuttappakāre kāye antokarivā “sabbakāyapaṭisaṃvedī”ti vuttaṃ.

Sabbakāyapaṭisaṃvedī assāsapassāsānaṃ saṃvaraṭṭhenātiādīsu

“sabbakāyapaṭisaṃvedī”tivuttaassāsapassāsato uppannajjhānavipassanāmaggesu saṃvaroyeva **saṃvaraṭṭhena sīlavisuddhi**. Avikkhepoyeva **avikkhepaṭṭhena cittavisuddhi**. Paññāyeva **dassanaṭṭhena diṭṭhivissuddhi**. Jhānavipassanāsu viratiabhāvepi pāpābhāvamattameva **saṃvaro** nāmāti veditabbaṃ.

171. Passambhayantiādīnaṃ niddese **kāyikāti** rūpakāye bhavā. **Kāyapaṭibaddhāti** kāyaṃ paṭibaddhā kāyaṃ nissitā, kāye sati honti, asati na honti, tasmāyeva te kāyena saṅkharīyantīti **kāyasaṅkhārā**. **Passambhentoti** nibbāpento sannisīdāpento. Passambhanavacaneneva oḷārikānaṃ passambhanaṃ siddhaṃ. **Nirodhentoti** oḷārikānaṃ anuppādanena nirodhento. **Vūpasamentoti** oḷārikeyeva ekasantatipariṇāmanayena santabhāvaṃ nayanto. **Sikkhatīti** adhiḅkāravasena assāsissāmīti sikkhatīti sambandho, tisso sikkhā sikkhatīti vā attho.

Idāni oḷārikapassambhanaṃ dassetuṃ **yathārūpehīti**ādīmāha. Tattha **yathārūpehīti** yādisehi. **Ānāmanāti** pacchato namanā. **Vināmanāti** ubhayapassato namanā. **Sannāmanāti** sabbatopi namantassa suṭṭhu namanā. **Paṇāmanāti** purato namanā. **Īñjanāti** kampanā. **Phandanāti** īsakaṃ calanā. **Pakampanāti** bhusaṃ kampanā. Yathārūpehi kāyasaṅkhārehi kāyassa ānāmanā...pe... pakampanā, tathārūpaṃ kāyasaṅkhāraṃ passambhayanti ca, yā kāyassa ānāmanā...pe... pakampanā, tañca passambhayanti ca sambandho kātabbo. Kāyasaṅkhāresu hi passambhitesu kāyassa ānāmanādayo ca passambhitāyeva hotīti. Yathārūpehi kāyasaṅkhārehi kāyassa na ānāmanādikā hoti, tathārūpaṃ santaṃ sukhumaṃpi kāyasaṅkhāraṃ passambhayanti ca, yā kāyassa na ānāmanādikā, tañca santaṃ sukhumaṃ passambhayanti ca sambandhato veditabbaṃ. **Santaṃ sukhumanti** ca bhāvanapūṃsakavacanametāṃ. **Iti kirāti** ettha **iti** evamatthe, **kira** yadiatthe. Yadi evaṃ sukhumakepi assāsapassāsē passambhayaṃ assāsissāmīti sikkhatīti codakena codanā āradhā hoti. Atha vā **kirāti** codakavacanattā asaddahanatthe asahanatthe parokkhatthe ca yujjatiyeva, evaṃ sukhumānaṃpi passambhanaṃ sikkhatīti na saddahāmi na sahāmi apaccakkhaṃ meti vuttaṃ hoti.

Evaṃ santeti evaṃ sukhumānaṃ passambhane sante. **Vātūpaladdhiyā ca pabhāvanā na hotīti** assāsapassāsāvātassa upaladdhiyā. **Upaladdhīti** viññānaṃ. Assāsapassāsāvātaṃ upalabbhamānassa tadārammaṇassa bhāvanāviññānaṃ pabhāvanā uppādanā na hoti, tassa ārammaṇassa bhāvanā na hotīti attho. **Assāsapassāsānañca pabhāvanā na hotīti** bhāvanāya sukhumakānaṃpi assāsapassāsānaṃ nirodhanato tesañca uppādanā pavattanā na hotīti attho. **Ānāpānassatiyā ca pabhāvanā na hotīti** assāsapassāsābhāvatoyeva tadārammaṇāya bhāvanāviññānasampayuttāya satiyā ca pavattanā na hoti. Tasmāyeva taṃsampayuttassa ānāpānassatisamādhissa ca bhāvanā na hoti. **Na ca naṃ tanti** ettha **ca nanti** nipātamattaṃ “bhikkhu ca na”ntiādīsu (pārā. 273) viya. Taṃ vuttavidhiṃ samāpattim paṇḍitā na samāpajjantipi tato na vuṭṭhahantipīti sambandho. Codanāpakkhassa parihāravacane **iti kirāti** evameva. Ettha evakāratthe kirasaddo daṭṭhabbo. **Evaṃ santeti** evaṃ passambhane sante eva.

Yathā kathaṃ viyāti yathā taṃ vuttavidhānaṃ hoti, tathā taṃ kathaṃ viyāti upamaṃ pucchati. Idāni **seyyathāpīti** taṃ upamaṃ dasseti. **Kaṃseti** kaṃsamayabhājane. **Nimittanti** tesāṃ saddānaṃ ākāraṃ. “Nimitta”nti ca sāmīatthe upayogavacanāṃ, nimittassāti attho. Saddanimittañca saddato anaññaṃ. **Suggahitattāti** suṭṭhu uggahitattā. Sugahitattātipi pāṭho, suṭṭhu gahitattāti attho. **Sumanasikatattāti** suṭṭhu āvajjitattā. **Sūpadhāritattāti** suṭṭhu citte ṭhapitattā. **Sukhumasaddanimittārammaṇatāpīti** tadā sukhumānaṃpi saddānaṃ niruddhattā anuggahitasaddanimittassa anārammaṇaṃpi sukhumataṃ saddanimittaṃ ārammaṇaṃ katvā sukhumataṃ saddanimittārammaṇaṃpi cittaṃ pavattati, sukhumatarasaddanimittārammaṇabhāvatopīti vā attho. Imināva nayena appanāyampi attho veditabbo.

Passambhayantiādīsu “passambhayaṃ kāyasaṅkhārā”nti vuttā assāsapassāsā kāyoti vā “passambhayaṃ kāyasaṅkhārā”nti ettha assāsapassāsā kāyoti vā yojanā veditabbā. Bhāvanāvisuddhiyā

kāyasaṅkhāre passambhamānepi oḷārikam kāyasaṅkhāram passambhemīti yogino ābhoge sati tenādarena ativiya passambhati. Anupaṭṭhahantampi sukhumaṃ suānayaṃ hoti.

Aṭṭha anupassanāñāṇānī “dīghaṃ rassaṃ sabbakāyapaṭisaṃvedī passambhayaṃ kāyasaṅkhāra”nti vuttasu catūsu vatthūsu assāsavasena catasso, passāsavasena catassoti aṭṭha anupassanāñāṇāni. **Aṭṭha ca upaṭṭhānānussatiyoti** “dīghaṃ assāsavasena cittassa ekaggataṃ avikkhepaṃ pajānato sati upaṭṭhitā hoti”tiādīnā (paṭi. ma. 1.170) nayena vuttasu catūsu vatthūsu assāsavasena catasso, passāsavasena catassoti aṭṭha ca upaṭṭhānānussatiyo. Aṭṭha cupaṭṭhānānussatiyoti paṭho. **Cattāri suttantikavatthūnī** bhagavatā ānāpānassatisuttante (ma. ni. 3.144 ādayo) vuttatā paṭhamacatukkavasena cattāri suttantikavatthūnī.

Paṭhamacatukkaniddesavaṇṇanā niṭṭhitā.

172. Dutiyacatukkassa pītipaṭisaṃvediniddese **uppajjati pīti pāmojjanti** ettha **pīṭi** mūlapadaṃ. **Pāmojjanti** tassa atthapadaṃ, pamuditabhāvoti attho. **Yā pīti pāmojjanti**ādīsu yā “pīṭi”ti ca “pāmojja”nti ca evamādīni nāmāni labhati, sā pīṭi vuttaṃ hoti. Tattha **pīṭi** sabhāvapadaṃ. Pamuditassa bhāvo **pāmojjaṃ**. Āmodanākāro **āmodanā**. Pamodanākāro **pamodanā**. Yathā vā bhesajjānaṃ vā telānaṃ vā uṇhodakasītodakānaṃ vā ekatokaraṇaṃ modanāti vuccati, evamayampi dhammānaṃ ekatokaraṇena **modanā**, upasaggavasena pana padaṃ maṇḍetvā **āmodanā pamodanā**ti vuttaṃ. Hāsetīti **hāso**, pahāsetīti **pahāso**, haṭṭhapahaṭṭhākārānametaṃ adhivacanaṃ. **Vittī**ti vittaṃ, dhanassetāṃ nāmaṃ. Ayaṃ pana somanassapaccayattā vittisarikkhatāya vitti. Yathā hi dhanino dhanam paṭicca somanassaṃ uppajjati, evaṃ pītimatopi pītim paṭicca somanassaṃ uppajjati. Tasmā “vitti”ti vuttā. Tuṭṭhisabhāvasaṅghitāya hi pīṭiyā etaṃ nāmaṃ. Pītimā pana puggalo kāyacittānaṃ uggatattā abbhuggatattā “udaggo”ti vuccati, udaggassa bhāgo **odagyaṃ**. Attano manatā **attamanatā**. Anabhiraddhassa hi mano dukkhapadaṭṭhānattā na attano mano nāma hoti, abhiraddhassa sukhapadaṭṭhānattā attano mano nāma hoti, iti attano manatā attamanatā, sakamanatā sakamanassa bhāvoti attho. Sā pana yasmā na aññassa kassaci attano manatā, cittasseva paneso bhāvo cetāsiko dhammo, tasmā **attamanatā cittassā**ti vuttā. Sesamettha ca upari ca heṭṭhā vuttanayena yojetvā veditabbaṃ.

173. Sukhapaṭisaṃvediniddese **dve sukhānī**ti samathavipassanābhūmidassanattamaṃ vuttaṃ. Kāyikañhi sukhaṃ vipassanāya bhūmi, cetāsikaṃ sukhaṃ samathassa ca vipassanāya ca bhūmi. **Kāyikanti** pasādakāyaṃ vinā anuppattito kāye niyuttanti kāyikaṃ. **Cetasikanti** avippayogavasena cetasi niyuttanti cetāsikaṃ. Tattha kāyikapadena cetāsikaṃ sukhaṃ paṭikkhipati, sukhapadena kāyikaṃ dukkhaṃ. Tathā cetāsikapadena kāyikaṃ sukhaṃ paṭikkhipati, sukhapadena cetāsikaṃ dukkhaṃ. **Sātanti** madhuraṃ sumadhuraṃ. **Sukhanti** sukhameva, na dukkhaṃ. **Kāyasamphassajanti** kāyasamphasse jātaṃ. **Sātaṃ sukhaṃ vedayitanti** sātaṃ vedayitaṃ, na asātaṃ vedayitaṃ. Sukhaṃ vedayitaṃ, na dukkhaṃ vedayitaṃ. Parato tīṇi padāni itthilingavasena vuttāni. Sātā vedanā, na asātā. Sukhā vedanā, na dukkhāti ayameva panettha attho.

Cetasikasukhaniddeso vuttapaṭipakkhanayena yojetabbo. **Te sukhā**ti liṅgavipallāso kato, tāni sukhānīti vuttaṃ hoti. Sesamettha catukke heṭṭhā paṭhamacatukke vuttanayeneva veditabbaṃ. Cattāri suttantikavatthūni dutiyacatukkavasena veditabbānīti.

Dutiyacatukkaniddesavaṇṇanā niṭṭhitā.

176. Tatiyacatukkaniddese **cittanti** mūlapadaṃ. **Viññāṇanti** atthapadaṃ. **Yaṃ cittanti**ādī pīṭiyam vuttanayena yojetabbaṃ. Tattha **cittanti**ādīsu cittavicittatāya cittaṃ. Ārammaṇaṃ minamānaṃ jānātīti **mano**. **Mānasanti** manoyeva. “Antalikkhacaro pāso, yvāyaṃ carati mānaso”ti (saṃ. ni. 1.151; mahāva. 33) hi ettha pana sampayuttakadhammo mānasoti vutto.

“Kathañhi bhagavā tuyhaṃ, sāvako sāsane rato;
Appattamānaso sekkho, kālaṃ kayirā jane sutā”ti. (saṃ. ni. 1.159) –

Ettha arahattaṃ mānasanti vuttaṃ. Idha pana manova mānasam. Byañjanavasena hettaṃ padaṃ vaḍḍhitaṃ.

Hadayanti cittaṃ. “Cittaṃ vā te khipissāmi, hadayaṃ vā te phālessāmī”ti (saṃ. ni. 1.237; su. ni. ālavakasutta) ettha uro hadayanti vuttaṃ. “Hadayā hadayaṃ maññe aññāya tacchaṭī”ti (ma. ni. 1.63) ettha cittaṃ. “Vakkaṃ hadaya”nti (dī. ni. 2.377; ma. ni. 1.110) ettha hadayavatthu. Idha pana cittameva abbhantaraṭṭhena “hadaya”nti vuttaṃ. Tadeva parisuddhaṭṭhena **paṇḍaram**. Bhavaṅgaṃ sandhāyetaṃ vuttaṃ. Yathāha – “pabhassaramidaṃ, bhikkhave, cittaṃ, tañca kho āgantukehi upakkilesehi upakkiliṭṭha”nti (a. ni. 1.49). Tato nikkhantattā pana akusalampi gaṅgāya nikkhantā nadī gaṅgā viya, godhāvarito nikkhantā godhāvarī viya ca “paṇḍara”ntveva vuttaṃ. Yasmā pana ārammaṇavijānanalakkhaṇaṃ cittaṃ upakkilesena kilesa na hoti, sabhāvato parisuddhameva hoti, upakkilesayoge pana sati upakkiliṭṭhaṃ nāma hoti, tasmāpi “paṇḍara”nti vattum yujjati.

Mano manāyatanaṃ idha pana manogahaṇaṃ manasseva āyatanabhāvadīpanatthaṃ. Tenetaṃ dīpeti – “nayidaṃ devāyatanaṃ viya manassa āyatanattā manāyatanaṃ, atha kho mano eva āyatanam manāyatana”nti.

Āyatanattho hetthā vuttoyeva. Manate iti mano, vijānātīti attho. Aṭṭhakathācariyā panāhu – nāliyā minamāno viya mahātulāya dhārayamāno viya ca ārammaṇaṃ jānātīti mano, tadeva mananalakkhaṇe indaṭṭhaṃ kāretīti indriyaṃ, manova indriyaṃ **manindriyaṃ**.

Vijānātīti **viññānaṃ**. Viññānameva khandho **viññānakkhandho**. Ruḷhito khandho vutto. Rāsaṭṭhena hi viññānakkhandhassa ekadeso ekaṃ viññānaṃ. Tasmā yathā rukkhassa ekadesaṃ chindanto rukkhaṃ chindatīti vuccati, evameva viññānakkhandhassa ekadesabhūtaṃ ekampi viññānaṃ ruḷhito “viññānakkhandho”ti vuttaṃ. Yasmā pana rāsaṭṭhoyeva khandhaṭṭho na hoti, koṭṭhāsaṭṭhōpi khandhaṭṭhoyeva, tasmā koṭṭhāsaṭṭhena viññānakoṭṭhāsoṭīpi attho. **Tajjā manoviññānadhātūti** tesam phassādīnaṃ sampayuttadhammānaṃ anucchavikā manoviññānadhātu. Imasmiñhi pade ekameva cittaṃ minanaṭṭhena mano, vijānanaṭṭhena viññānaṃ, sabhāvaṭṭhena, nissattaṭṭhena vā dhātūti tīhi nāmehi vuttaṃ.

Ahhippamodoti adhikā tuṭṭhi.

178. Samādhiniddese acalabhāvena ārammaṇe tiṭṭhatīti **ṭhiti**. Parato padadvayaṃ upasaggavasena vaḍḍhitaṃ. Apica sampayuttadhamme ārammaṇamhi sampiṇḍetvā tiṭṭhatīti **saṅṭhiti**. Ārammaṇaṃ ogāhetvā anupavisitvā tiṭṭhatīti **avaṭṭhiti**. Kusalapakkhasmiṃ hi cattāro dhammā ārammaṇaṃ ogāhanti saddhā sati samādhi paññāti. Teneva saddhā “okappanā”ti vuttā, sati “apilāpanatā”ti, samādhi “avaṭṭhiti”ti, paññā “pariyogāhanā”ti. Akusalapakkhe pana tayo dhammā ārammaṇaṃ ogāhanti taṇhā diṭṭhi avijjāti. Teneva te “oghā”ti vuttā. Uddhaccavicikicchāvasena pavattassa visāhārasa paṭipakkhato **avisāhāro**, avisāharaṇanti attho. Uddhaccavicikicchāvaseneva gacchantam cittaṃ vikkhipati nāma, ayaṃ pana tathā na hotīti **avikkhepo**. Uddhaccavicikicchāvaseneva cittaṃ visāhaṭṭhaṃ nāma hoti, ito cito ca harīyati, ayaṃ pana avisāhaṭṭassa mānasassa bhāvoti **avisāhaṭṭamānasatā**.

Samathoti tividho samatho cittasamatho adhikaraṇasamatho sabbasaṅkhārasamathoti. Tattha aṭṭhasu samāpattīsu cittaṅgaṭṭhā **cittasamatho** nāma. Tañhi āgamma cittaṅgaṭṭhaṃ cittaṅgaṭṭhaṃ sammanti vūpasammanti, tasmā so “cittasamatho”ti vuccati. Sammukhāvinayādisattavidho **adhikaraṇasamatho** nāma. Tañhi āgamma tāni tāni adhikaraṇāni sammanti vūpasammanti, tasmā so “adhikaraṇasamatho”ti vuccati. Yasmā pana sabbe saṅkhārā nibbānaṃ āgamma sammanti vūpasammanti, tasmā taṃ **sabbasaṅkhārasamathoti** vuccati. Imasmiṃ atthe cittasamatho ahippeto. Samādhilakkhaṇe indaṭṭhaṃ kāretīti **samādhindriyaṃ**. Uddhacce na kampaṭīti **samādhibalaṃ**. **Sammāsamādhīti** yāthāvasamādhī niyyānikasamādhī kusalasamādhī.

179. Rāgato vimocayaṃ cittantiādīhi dasahi kilesavatthūhi vimocanaṃ vuttaṃ. Thinaggahaṇeneva cettha middhaggahaṇaṃ, uddhaccaggahaṇeneva ca kukkucaggahaṇaṃ kataṃ hotīti aññesu pāṭhesu sahaṅgāritā kilesavatthuto vimocanavacaneneva paṭhamajjhānādīhi nīvaraṇādito vimocanaṃ,

aniccānupassanādīhi niccasaññādito ca vimocanaṃ vuttameva hotīti. **Kathaṃ taṃ cittaṃ anupassatīti** ettha peyyāle ca aniccānupassanādīhi niccasaññādīnaṃ pahānaṃ vuttameva. Cattāri suttantikavatthūni tatiyacatukkavasena veditabbānīti.

Tatiyacatukkaniddesavaṇṇanā niṭṭhitā.

180. Catutthacatukkaniddese “aniddiṭṭhe napuṃsaka”nti vacanato asukanti aniddiṭṭhattā “aniccanti kiṃ anicca”nti napuṃsakavacanena pucchā katā. **Uppādavayaṭṭhenāti** uppādavayasankhātena atthēna, uppādavayasabhāvenāti attho. Ettha ca pañcakkhandhā sabhāvalakkhaṇaṃ, pañcannaṃ khandhānaṃ uppādavayā vikāralakkhaṇaṃ. Etena hutvā abhāvena aniccāti vuttaṃ hoti. Teneva ca aṭṭhakathāyaṃ “saṅkhalakkhaṇavasena aniccāti tesameva uppādavayaññathatta”nti ca vatvāpi “hutvā abhāvo vā”ti vuttaṃ. Etena hutvā abhāvākāro aniccalakkhaṇanti vuttaṃ hoti. “Pañcannaṃ khandhānaṃ udayabbayaṃ passanto imāni paññāya lakkhaṇāni”ti peyyālaṃ katvā vuttaṃ. **Dhammāti** rūpakkhandhādayo yathāvuttadhammā.

Virāgānupassāniddese **rūpe ādīnaṃ disvāti** bhaṅgānupassanato paṭṭhāya parato vuttehi aniccaṭṭhādīhi rūpakkhandhe ādīnaṃ disvā. **Rūpavirāgeti** nibbāne. Nibbānañhi āgamma rūpaṃ virajjati apunaruppattidhammataṃ āpajjanena nirujjhati, tasmā nibbānaṃ “rūpavirāgo”ti vuccati. **Chandajāto hotīti** anussavavasena uppannadhammacchando hoti. **Saddhādhimuttoti** tasmīṃyeva nibbāne saddhāya ca adhimutto nicchito. **Cittañcassa svādhiṭṭhitanti** assa yogissa cittaṃ khayavirāgasankhāte rūpabhaṅge ārammaṇavasena, accanta virāgasankhāte rūpavirāge nibbāne anussavavasena suṭṭhu adhiṭṭhitaṃ suṭṭhu paṭiṭṭhitaṃ hotīti sambandhato veditabbaṃ. **Rūpe virāgānupassīti** rūpassa khayavirāgo rūpe virāgoti pakatibhumavacanena vutto. Rūpassa accantavirāgo rūpe virāgoti nimittatthe bhummavacanena vutto. Taṃ duvidhampi virāgaṃ ārammaṇato ajjhāsayaṃ ca anupassanasīlo “rūpe virāgānupassī”ti vutto. Esa nayo vedanādīsu. Nirodhānupassīpadaniddesepe eseva nayo.

181. Katihākārehītiādi panettha viseso – tattha avijjādīnaṃ paṭiccasamuppādaṅgānaṃ ādīnavanirodhadassaneneva rūpādīnampi ādīnavanirodhā dassitā honti tesampi paṭiccasamuppādaṅgānavattanato. Iminā eva ca visesavacanena virāgānupassanato nirodhānupassanāya viṣiṭṭhabhāvo vutto hoti. Tattha **aniccaṭṭhenāti** khayatṭhena, hutvā abhāvattṭhena vā. **Dukkhaṭṭhenāti** bhayaṭṭhena, paṭipīḷanaṭṭhena vā. **Anattaṭṭhenāti** asāraṇatṭhena, avasavattanaṭṭhena vā. **Santāpaṭṭhenāti** kilesasantāpanaṭṭhena. **Vipariṇāmaṭṭhenāti** jarābhaṅgavasena dvidhā pariṇāmanaṭṭhena. **Nidānanirodhenāti** mūlapaccayābhāvena. **Nirujjhatīti** na bhavati. **Samudayanirodhenāti** āsannapaccayābhāvena. Mūlapaccayo hi byādhissa asappāyabhojanaṃ viya nidānanti vutto, āsannapaccayo byādhissa vātapittasemhā viya samudayoti vutto. Nidānañhi nicchayena dadāti phalamīti nidānaṃ, samudayo pana suṭṭhu udeti etasmā phalamīti samudayo. **Jātinirodhenāti** mūlapaccayassa uppattiabhāvena. **Pabhavanirodhenāti** āsannapaccayassa uppattiabhāvena. Jātiyeva hi pabhavati etasmā dukkhanti pabhavoti vuttaṃ yujjati. **Hetunirodhenāti** janakapaccayābhāvena. **Paccayanirodhenāti** upatthambhakapaccayābhāvena. Mūlapaccayopi hi āsannapaccayo ca janakapaccayo upatthambhakapaccayo ca hotiyeva. Etehi tikkhavipassanākkhaṇe tadaṅganirodho, maggakkhaṇe samucchedanirodho vutto hoti. **Ñānuppādenāti** tikkhavipassanāññāṇassa vā maggaññāṇassa vā uppādena. **Nirodhupaṭṭhānenāti** vipassanākkhaṇe paccakkhato khayanirodhassa anussavavasena nirodhasankhātassa nibbānassa upaṭṭhānena, maggakkhaṇe paccakkhato ca nibbānassa upaṭṭhānena. Etehi visayavisayiniyamova kato hoti, tadaṅgasamucchedanirodho ca vutto hoti.

182. Paṭinissaggānupassīpadaniddese **rūpaṃ pariccajātīti** ādīnavadassanena nirapekkhatāya rūpakkhandhaṃ pariccajati. **Pariccāgapaṭinissaggoti** pariccāgaṭṭhena paṭinissaggoti vuttaṃ hoti. Etena paṭinissaggapadassa pariccāgaṭṭho vutto, tasmā kilesānaṃ pajahananti attho. Ettha ca vuṭṭhānagāminī vipassanā kilese tadaṅgavasena pariccajati, maggo samucchedavasena. **Rūpanirodhe nibbāne cittaṃ pakkhandatīti** vuṭṭhānagāminī taṃninnatāya pakkhandati, maggo ārammaṇakaraṇena. **Pakkhandanapaṭinissaggoti** pakkhandanaṭṭhena paṭinissaggoti vuttaṃ hoti. Etena paṭinissaggapadassa pakkhandanaṭṭho vutto, tasmā cittaṃ nibbāne vissajjananti attho. Cattāri suttantikavatthūni

catutthacatukkavasena veditabbāni. Imasmiṃ catukke jarāmarañe vattabbaṃheṭṭhā vuttanayeneva veditabbaṃ. Satipaṭṭhānesu ca “kāye kāyānupassanā, citte cittānupassanā”ti kāyacittānaṃ ekattavohāravasena ekavacananiddeso kato. “Vedanāsu vedanānupassanā, dhammesu dhammānupassanā”ti vedanādhamaṇaṃ nānattavohāravasena bahuvacananiddeso katoti veditabboti.

Catutthacatukkaniddesavaṇṇanā niṭṭhitā.

Niṭṭhitā ca satokāriṇāṇaniddesavaṇṇanā.

6. Nāṇarāsichakkaniddesavaṇṇanā

183. Idāni chahi rāsīhi uddiṭṭhañāṇesu catuvīsatisamādhināṇaniddese tāva kāyānupassanādīnaṃ tiṇṇaṃ catukkānaṃ vasena dvādasannaṃ vatthūnaṃ ekekasmim assāsavasena eko, passāsavasena ekoti dve dve samādhīti dvādasasu vatthūsu catuvīsati samādhayo honti. Jhānakkhaṇe tehi sampayuttāni catuvīsatisamādhivasena ñāṇāni.

Dvāsattativipassanāñāṇaniddese **dīghaṃ assāsāti** “dīgha”ntivuttaassāsato. Kim vuttaṃ hoti? Dīghaṃ assāsahetu jhānaṃ paṭilabhitvā samāhitena cittena vipassanākkhaṇe aniccato anupassanaṭṭhena vipassanāti vuttaṃ hoti. Esa nayo uttaratrāpi. Tesamyeva dvādasannaṃ vatthūnaṃ ekekasmim assāsavasena tisso, passāsavasena tissoti cha cha anupassanāti dvādasasu vatthūsu dvāsattati anupassanā honti. Tā eva dvāsattati anupassanā dvāsattativipassanāvasena ñāṇāni.

Nibbidāñāṇaniddese **aniccānupassī assasanti** aniccānupassī hutvā assasanto, aniccānupassī hutvā vattentoti attho. “Assasa”nti ca idaṃ vacanaṃ hetuatthe daṭṭhabbaṃ. **Yathābhūtaṃ jānāti passatīti nibbidāñāṇanti** kalāpasammasanato paṭṭhāya yāva bhaṅgānupassanā pavattavipassanāñāṇena saṅkhārānaṃ yathāsabhāvaṃ jānāti, cakkhunā diṭṭhamiva ca teneva ñāṇacakkhunā passati. Tasmā nibbidāñāṇaṃ nāmāti attho, saṅkhāresu nibbindañāṇaṃ nāmāti vuttaṃ hoti. Upari bhayatūpaṭṭhānādīnaṃ muñcitukamyatādīnaṃca ñāṇānaṃ viṣuṃ āgatattā idha yathāvuttāneva vipassanāñāṇāni nibbidāñāṇānti veditabbāni.

Nibbidānulomañāṇaniddese **aniccānupassī assasanti** aniccānupassino assasantassa. Sāmiatthe paccattavacanaṃ. **Bhayatupaṭṭhāne paññātivacaneneva** bhayatupaṭṭhānaādīnavānupassanānibbidānupassanāñāṇāni vuttāni honti tiṇṇaṃ ekalakkaṇattā. Imāni tīṇi ñāṇāni anantarā vuttānaṃ nibbidāñāṇaṃ anukūlabhāvena anulomato nibbidānulomañāṇānti vuttāni.

Nibbidāpaṭippassaddhiñāṇaniddese **aniccānupassī assasanti** anantarasadisameva. **Paṭisaṅkhā santiṭṭhanā paññātivacaneneva** muñcitukamyatāpaṭisaṅkhānupassanāsaṅkhārupekkhāñāṇāni vuttāni honti tiṇṇaṃ ekalakkaṇattā. “Paṭisaṅkhā santiṭṭhanā”tivacaneneva anulomañāṇamaggañāṇāni gahitāni honti. Saṅkhārupekkhāñāṇaanulomañāṇāni hi nibbidāya sikhāppattattā nibbidājananabyāpārappahānena nibbidāpaṭippassaddhiñāṇāni nāma honti. Maggañāṇaṃ pana nibbidāpaṭippassaddhante uppajjanato nibbidāpaṭippassaddhiñāṇaṃ nāma hotīti ativiya yujjati. Nibbidānulomañāṇesu viya ādibhūtaṃ muñcitukamyatāñāṇaṃ aggahetvā “paṭisaṅkhā santiṭṭhanā”ti ante ñāṇadvayaggahaṇaṃ maggañāṇasaṅgahaṇatthaṃ. Muñcitukamyatāti hi vutte anulomañāṇaṃ saṅgayhati, na maggañāṇaṃ. Maggañāṇāhi muñcitukamyatā nāma na hoti, kiccāsiddhiyaṃ santiṭṭhanato pana santiṭṭhanā nāma hoti. Aṭṭhakathāyampi ca “phusanāti appanā”ti vuttaṃ. Idañca maggañāṇaṃ nibbāne appanāti katvā santiṭṭhanā nāma hotīti “santiṭṭhanā”tivacanena maggañāṇampi saṅgayhati. Nibbidānulomañāṇāni atthato nibbidāñāṇāneva hontīti tāni hi nibbidāñāṇehi saṅgahetvā nibbidāpaṭippassaddhiñāṇānti nibbidāgahaṇameva kataṃ, na nibbidānulomaggaṇaṃ. Tīsupi cetesu ñāṇaṭṭhakaniddesesu catutthassa dhammānupassanācatukkassa vasena vuttānaṃ catunnaṃ vatthūnaṃ ekekasmim assāsavasena ekaṃ, passāsavasena ekanti dve dve ñāṇānti catūsu vatthūsu aṭṭha ñāṇāni honti.

Vimuttisukhañāṇaniddese **pahīnattāti** pahānaṃ dassetvā tassa pahānassa samucchadappahānattaṃ

dassento **samucchinnattā**ti āha. **Vimuttisukhe ñāṇanti** phalavimuttisukhasampayuttañāṇaṇca phalavimuttisukhārammaṇapaccavekkhaṇaṇāṇaṇca. Anusayavatthussa kilesassa pahānena pariyuṭṭhānaduccaritavathuppahānaṃ hotīti dassanatthaṃ puna anusayānaṃ pahānaṃ vuttaṃ. Ekavīsati phalañāṇaṃ sandhāya pahīnakilesagaṇanāyapi ñāṇagaṇanā katā hoti, paccavekkhaṇaṇāṇca sandhāya pahīnakilesapaccavekkhaṇagaṇanāya phalapaccavekkhaṇaṇāṇagaṇanā katā hotīti.

Ñāṇarāsichakkaniddesavaṇṇanā niṭṭhitā.

Saddhammappakāsiniyā paṭisambhidāmaggaṭṭhakathāya

Ānāpānassatikathāvaṇṇanā niṭṭhitā.

4. Indriyakathā

1. Paṭhamasuttantāniddesavaṇṇanā

184. Idāni ānāpānassatikathānantaraṃ kathitāya indriyakathāya apubbatthānuvaṇṇanā anuppattā. Ayañhi indriyakathā ānāpānassatibhāvanāya upakāraṇaṃ indriyānaṃ abhāve ānāpānassatibhāvanāya abhāvato tadupakāraṇaṃ indriyānaṃ visodhanādividhiddassanatthaṃ ānāpānassatikathānantaraṃ kathitāti tañca kathetabbaṃ indriyakathaṃ attanā bhagavato sammukhā suttaṃ viññātādhippāyasuttantikadesanaṃ pubbaṅgamaṃ katvā tadatthappakāsanavasena kathetukāmo paṭhamaṃ tāva **evaṃ me sutanti**ādīmāha.

Tattha **evanti** nipātapadaṃ. **Meti**ādīni nāmapadāni. **Viharatīti** ettha **vi**-iti upasaggapadaṃ, **haratīti** ākhyātapadanti iminā tāva nayena padavibhāgo vedītabbo.

Atthato pana upamūpadesagarahapasaṃsanākāravacanaggahaṇesu **evaṃ**-saddo dissati nidassanatthe ca avadhāraṇatthe ca. Idha pana evaṃsaddo ākāratthe nidassanatthe ca viññūjanena pavutto, tatheva avadhāraṇatthe ca.

Tattha ākārathena **evaṃ**saddena etamatthaṃ dīpeti – nānāyanipuṇamanekajjhāsayasamuṭṭhānaṃ atthabyañjanasampannaṃ vividhapāṭihāriyaṃ dhammatthadesanāpaṭivedhagamhīraṃ sabbasattānaṃ sakasakabhāsānurūpato sotapathamāgacchantaṃ tassa bhagavato vacanaṃ sabbappakārena ko samattho viññātuṃ, sabbathāmena pana sotukāmatāṃ janetvāpi evaṃ me suttaṃ, mayāpi ekenākārena sutanti.

Nidassanatthena “nāhaṃ sayambhū, na mayā idaṃ sacchikata”nti attānaṃ parimocento “evaṃ me suttaṃ, mayāpi evaṃ suta”nti idāni vattabbaṃ sakalaṃ suttaṃ nidasseti.

Avadhāraṇatthena thero sārīputto “etadaggaṃ, bhikkhave, mama sāvakaṇaṃ bhikkhūnaṃ mahāpaññaṃ yadidaṃ sārīputto”ti (a. ni. 1.188-189), “nāhaṃ, bhikkhave, aññaṃ ekapuggalampi samanupassāmi, yo evaṃ tathāgatena anuttaraṃ dhammacakkaṃ pavattitaṃ sammadeva anuppavatteti yathayidaṃ, bhikkhave, sārīputto. Sārīputto, bhikkhave, tathāgatena anuttaraṃ dhammacakkaṃ pavattitaṃ sammadeva anuppavatteti”ti evamādinā (a. ni. 1.187) nayena bhagavatā pasatthabhāvānurūpaṃ attano dhāraṇabalaṃ dassento sattānaṃ sotukāmatāṃ janeti “evaṃ me suttaṃ, tañca kho atthato vā byañjanato vā anūnāmanadhikaṃ, evameva, na aññathā daṭṭhabba”nti.

Mesaddo karaṇasampadānasāmiatthesu dissati. Idha pana “mayā suttaṃ, mama suta”nti ca atthadvaye yujjati.

Sutanti ayaṃsaddo saupasaggo anupasaggo ca vissutagamanakilinnaupacitaanuyogasotaviññeyyesu dissati viññātepi ca sotadvārānusārena. Idha panassa sotadvārānusārena upadhāritanti vā upadhāraṇanti vā

attho. Me-saddassa hi mayātiatthe sati “evaṃ mayā sutam sotadvārānusārena upadhārita”nti yujjati, mamātiatthe sati “evaṃ mama sutam sotadvārānusārena upadhāraṇa”nti yujjati.

Apica “evaṃ me suta”nti attanā uppāditabhāvaṃ appaṭṭijānanto purimasavanaṃ vivaranto “sammukhā paṭiggahitamidaṃ mayā tassa bhagavato catuvesārajjavisāradassa dasabaladharassa āsabhaṭṭhānaṭṭhāyino sīhanādanādino sabbasattuttamassa dhammissarassa dhammarājassa dhammādhīpatino dhammadīpassa dhammasaraṇassa saddhammavaracakkavattino sammāsambuddhassa vacanaṃ, na ettha atthe vā dhamme vā pade vā byañjane vā kaṅkhā vā vimati vā kātabbā”ti imasmiṃ dhamme assaddhiyaṃ vināseti, saddhāsampadaṃ uppādetīti. Tenetaṃ vuccati –

“Vināsayati assaddhaṃ, saddhaṃ vaḍḍheti sāsane;
Evaṃ me sutamiccevaṃ, vadaṃ gotamasāvako”ti.

Ekanti gaṇanaparicchedaniddeso. **Samayanti** paricchinnaniddeso. **Ekaṃ samayanti** aniyamitaparidīpanaṃ. Tattha **samayasaddo** –

Samavāye khaṇe kāle, samūhe hetudiṭṭhisu;
Paṭilābhe pahāne ca, paṭivedhe ca dissati.

Idha panassa kālo attho. Tena saṃvaccharautumāsaddhamāsarattindivapubbaṇhamajjhanhikasāyanhapaṭhama-majjhimapacchimayāmamuhuttādīsu kālappabhedabhūtesu samayesu ekaṃ samayanti dīpeti.

Tattha kiñcāpi etesu saṃvaccharādīsu samayesu yaṃ yaṃ suttaṃ yaṃ yaṃ saṃvacchare utumhi māse pakkhe rattibhāge divasabhāge vā vuttaṃ, sabbaṃ taṃ therassa suviditaṃ suvatthāpitaṃ paññāya. Yasmā pana “evaṃ me sutam asukasamvacchare asukautumhi asukamāse asukapakkhe asukarattibhāge asukadivasabhāge vā”ti evaṃ vutte na sakkā sukhena dhāretuṃ vā uddisitūṃ vā uddisāpetuṃ vā, bahu ca vattabbaṃ hoti, tasmā ekeneva padena tamatthaṃ samodhānetvā “ekaṃ samaya”nti āha.

Ye vā ime gabbhokkantisamayo jātisamayo saṃvegasamayo abhinikkhamanasamayo dukkarakārikasamayo māravijayasamayo abhisambodhisamayo diṭṭhadhammasukhavihārasamayo desanāsamayo parinibbānasamayotievamādayo bhagavato devamanussesu ativiya pakāsā anekakālappabhedā eva samayā, tesu samayesu desanāsamayaśākhātaṃ ekaṃ samayanti dīpeti. Yo cāyaṃ ñāṇakarūṇākiccasamayesu karūṇākiccasamayo, attahitaparahitapaṭipattisamayesu parahitapaṭipattisamayo, sannipatitānaṃ karaṇīyadvayasamayesu dhammikathāsamayo, desanāpaṭipattisamayesu desanāsamayo, tesupi samayesu aññataraṃ samayaṃ sandhāya “ekaṃ samaya”nti āha.

Yasmā pana “ekaṃ samaya”nti accantasamyogettho sambhavati. Yañhi samayaṃ bhagavā imaṃ aññaṃ vā suttantaṃ desesi, accantameva taṃ samayaṃ karuṇāvihārena vihāsi, tasmā tadatthajotanatthaṃ idha upayogavacanāniddeso katoti.

Tenetaṃ vuccati –

“Taṃ taṃ atthamapekkhitvā, bhummāna karaṇena ca;
Aññatra samayo vutto, upayogena so idhā”ti.

Porāṇā pana vaṇṇayanti – “tasmīṃ samaye”ti vā “tena samayenā”ti vā “taṃ samaya”nti vā abhilāpamattabhedo esa, sabbattha bhummamevatthoti. Tasmā “ekaṃ samaya”nti vuttepi “ekasmiṃ samaye”ti attho veditabbo.

Bhagavāti garu. Garuñhi loke “bhagavā”ti vadanti. Ayañca sabbaguṇavisiṭṭhatāya sabbasattānaṃ

garu, tasmā “bhagavā”ti veditabbo. Porāṇehipi vuttaṃ –

“Bhagavāti vacanaṃ seṭṭhaṃ, bhagavāti vacanamuttamaṃ;
Garu gāravayutto so, bhagavā tena vuccatī”ti.

Apica –

“Bhāgyavā bhaggavā yutto, bhagehi ca vibhattavā;
Bhattavā vantagamano, bhavesu bhagavā tato”ti. –

Imissāpi gāthāya vasena assa padassa vitthārato attho veditabbo. So ca **visuddhimagge** buddhānussatiniddese (visuddhi. 1.123 ādayo) vuttoyeva.

Ettāvātā cettha **evanti** vacanena desanāsampattiṃ niddisati, **me sutanti** sāvakasampattiṃ, **ekaṃ samayanti** kālasampattiṃ, **bhagavāti** desakasampattiṃ.

Sāvattthiyanti ettha ca savatthassa isino nivāsaṭṭhānabhūtā nagarī sāvattthī, yathā kākandī mākandīti evaṃ tāva akkharacintakā. Aṭṭhakathācariyā pana bhaṇanti – yaṃ kiñci manussānaṃ upabhogaparibhogam sabbamettha atthīti sāvattthī, satthasamāyoge ca kiṃ bhaṇḍamatthīti pucchite sabbamatthītipi vacanamupādāya sāvattthī.

“Sabbadā sabbūpakaraṇaṃ, sāvattthiyaṃ samohitaṃ;
Tasmā sabbamupādāya, sāvattthīti pavuccatī”ti. –

Tassaṃ **sāvattthiyaṃ**. Samīpatthe bhummavacanaṃ. **Viharatīti** avisesena iriyāpathadibbrahmaariyavihāresu aññataravihārasamaṅgiparidīpanametam, idha pana ṭhānagamanāsanasayanappabhedesu iriyāpathesu aññatarairiyāpathasamāyogaparidīpanam. Tena ṭhitopi gacchantopi nisinnopi sayānopi bhagavā “viharatī”ceva veditabbo. So hi bhagavā ekaṃ iriyāpathabādhanam aññena iriyāpathena vicchindivā aparipatantamattabhāvaṃ harati pavatteti, tasmā “viharatī”ti vuccati.

Jetavaneti ettha attano paccatthikajanaṃ jinātīti jeto, rañño vā attano paccatthikajane jite jātoti jeto, maṅgalakamyatāya vā tassa evaṃnāmameva katanti jeto, vanayatīti vanaṃ, attasampadāya sattānaṃ bhattiṃ kāreti, attani sinehaṃ uppādetīti attho. Vanute iti vā vanaṃ, nānāvīdhakusumagandhasammodamattakokilādivihaṅgābhīrutehi mandamārutacalitarukkhasākḥaviṭapapallavapalāsehi “etha maṃ paribhuñjathā”ti pāṇino yācati viyāti attho. Jetassa vanaṃ jetavanaṃ. Tañhi jetena rājakumārena ropitaṃ saṃvaddhitaṃ paripālitaṃ, so ca tassa sāmī ahoṣi, tasmā jetavananti vuccati. Tasmim jetavane. Vanañca nāma ropimaṃ sayamjātanti duvidhaṃ. Idañca veḷuvanādīni ca ropimāni, andhavanamahāvanādīni sayamjātāni.

Anāthapiṇḍikassa ārāmeti sudatto nāma so gahapati mātāpitūhi katanāmavasena. Sabbakāmasamiddhatāya pana vigatamaccheratāya karuṇādiguṇasamaṅgitāya ca niccakālam anāthānaṃ piṇḍamadāsi, tena anāthapiṇḍikoti saṅkhaṃ gato. Āramanti ettha pāṇino, viśesena vā pabbajitāti ārāmo, tassa pupphaphalādisobhāya nātidūranaccāsannatādiपांचविधhasenāsaṅgasampattiyā ca tato tato āgamma ramanti abhīramanti, anukkaṇṭhitā hutvā nivasantīti attho. Vuttappakārāya vā sampattiyā tattha tattha gatepi attano abhīrantaraṃ ānetvā ramāpetīti ārāmo. So hi anāthapiṇḍikena gahapatinā jetassa rājakumārassa hatthato aṭṭhārasahi hiraññakoṭṭhi koṭṭisantharena kiṇṭivā aṭṭhārasahi hiraññakoṭṭhi senāsanāni kārapetvā aṭṭhārasahi hiraññakoṭṭhi vihāramahaṃ niṭṭhāpetvā evaṃ catupaññāsahiraññakoṭṭipariccāgena buddhappamukhassa bhikkhusaṅghassa niyyādito, tasmā “anāthapiṇḍikassa ārāmo”ti vuccati. Tasmim **anāthapiṇḍikassa ārāme**.

Ettha ca “jetavane”tivacanaṃ purimasāmparikkitaṃ, “anāthapiṇḍikassa ārāme”ti

pacchimasāniparikittanaṃ. Kimetesam parikittane payojananti? Puññakāmānaṃ diṭṭhānugatiāpajjanaṃ. Tattha hi dvārakoṭṭhakapāsādamāpane bhūmivikkayaladdhā aṭṭhārasa hiraññakoṭṭiyo anekakoṭṭiagghanakā rukkhā ca jetassa pariccāgo, catupaññāsa hiraññakoṭṭiyo anāthapiṇḍikassa. Iti tesam parikittanena evaṃ puññakāmā puññāni karontīti dassento āyasmā sārīputto aññepi puññakāme tesam diṭṭhānugatiāpajjane niyojeti.

Tattha siyā – yadi tāva bhagavā sāvattiyam viharati, “jetavane anāthapiṇḍikassa ārāme”ti na vattabbaṃ. Atha tattha viharati, “sāvattiyā”nti na vattabbaṃ. Na hi sakkā ubhayattha ekaṃ samayaṃ viharituntī. Na kho panetaṃ evaṃ daṭṭhabbaṃ, nanu avocumha “samīpatthe bhummavacana”nti. Tasmā yathā gaṅgāyamunādīnaṃ samīpe goyūthāni carantāni “gaṅgāya caranti, yamunāya carantī”ti vuccanti, evamidhāpi yadidaṃ sāvattiyā samīpe jetavanaṃ anāthapiṇḍikassa ārāmo, tattha viharanto vuccati “sāvattiyam viharati jetavane anāthapiṇḍikassa ārāme”ti. Gocaragāmanidassanattaṃ hissa sāvattivacanaṃ, pabbajitānurūpanivāsattānānidassanattaṃ sesavacanaṃ.

Tattha sāvattikittanena āyasmā sārīputto bhagavato gahaṭṭhānuggahakaraṇaṃ dasseti, jetavanādikittanena pabbajitānuggahakaraṇaṃ. Tathā purimena paccayaggahaṇato attakilamathānuyogavivajjanaṃ, pacchimena vatthukāmapphānato kāmāsukhallikānuyogavivajjanūpāyaṃ. Atha vā purimena ca dhammadesanābhīyogaṃ, pacchimena vivekādhimuttim. Purimena karuṇāya upagamaṃ, pacchimena paññāya apagamaṃ. Purimena sattānaṃ hitasukhanipphādanādhimuttataṃ, pacchimena parahitasukhakarāṇe nirupalepataṃ. Purimena dhammikasukhāpariccāganimittaṃ phāsuvihāraṃ, pacchimena uttarimanussadhammānuyoganimittaṃ. Purimena manussānaṃ upakārabahulataṃ, pacchimena devānaṃ. Purimena loke jātassa loke samvaddhabhāvaṃ, pacchimena lokena anupalittataṃ. Purimena “ekapuggalo, bhikkhave, loke uppajjamāno uppajjati bahujanahitāya bahujanasukhāya lokānukampāya atthāya hitāya sukhāya devamanussānaṃ. Katamo ekapuggalo? Tathāgato araham sammāsambuddho”ti (a. ni. 1.170) vacanato yadattaṃ bhagavā uppanno, tadatthaparidīpanaṃ, pacchimena yattha uppanno, tadanurūpavīhāraparidīpanaṃ. Bhagavā hi paṭthamaṃ lumbinivane, dutiyaṃ bodhimāṇḍeti lokiyalokuttarassa uppattiyā vaneyeva uppanno, tenassa vaneyeva vihāraṃ dasseti evamādinā nāyenettha atthayojanā veditabbā.

Tatrāti desakālaparidīpanaṃ. Tañhi yaṃ samayaṃ viharati, tatra samaye, yasmiñca jetavane viharati, tatra jetavaneti dīpeti. Bhāsītābbayutte vā desakāle dīpeti. Na hi bhagavā ayutte dese kāle vā dhammaṃ deseti. “Akālo kho tāva bāhiyā”tiādi (udā. 10) cettha sādhaṃ. **Khoti** padapūraṇamatte avadhāraṇatthe ādikālatthe vā nipāto. **Bhagavā**ti lokagarudīpanaṃ. **Bhikkhū**ti kathāsavanayuttapuggalavacanaṃ. Apicettha “bhikkhakoti bhikkhu, bhikkhācariyaṃ ajjhupagatoti bhikkhū”tiādinā (vibha. 510; pārā. 45) nayena vacanatto veditabbo. **Āmantesī**ti ālapi abhāsi sambodhesi, ayamettha attho. Aññatra pana ñāpanepi pakkosanepi. **Bhikkhavo**ti āmantanākāradīpanaṃ. Tena tesam bhikkhūnaṃ bhikkhanasīlatābhikkhanadhammatābhikkhanesādhukāritādiguṇayogasiddhena vacanena hīnādhikajanasevitaṃ vuttim pakāsento uddhatādinābhāvaniggahaṃ karoti. “Bhikkhavo”ti iminā ca karuṇāvīpphārasommahadayanayanānipātapubbaṅgamaṃ vacanena te attano mukhābhīmukhe karonto teneva kathetukamyatādīpakena vacanena nesaṃ sotukamyataṃ janeti. Teneva ca sambodhanatthena vacanena sādhuśāvanamanasikārepi te niyojeti. Sādhuśāvanamanasikārayattā hi sāsanasampatti.

Aparesu devamanussesu vijjāmaṇesu kasmā bhikkhūyeva āmantesīti ce? Jeṭṭhaseṭṭhāsannasādāsannihitabhājanabhāvato. Sabbaparisaśādhāraṇā hi bhagavato dhammadesanā. Parisāya ca jeṭṭhā bhikkhū paṭthamuppannattā, seṭṭhā anagāriyabhāvaṃ ādim katvā satthu cariyānuvidhāyakattā sakalasāsanapaṭṭigāhakattā ca, āsannā tattha nisinnesu satthusannikattā, sādāsannihitā satthusantikāvacarattā, dhammadesanāya ca te eva bhājanaṃ yathānusiṭṭhaṃ paṭṭipattisabbhāvato.

Tattha siyā – kimatthaṃ pana bhagavā dhammaṃ desento paṭthamaṃ bhikkhū āmantesi, na dhammameva desesīti? Satijananattaṃ. Parisāya hi bhikkhū aññaṃ cintentāpi vikkhittacittāpi dhammaṃ

paccavekkhantāpi kammaṭṭhānaṃ manasikarontāpi nisinnā honti, te anāmantetvā dhamme desiyamāne “ayaṃ desanā kimnidānā kiṃpaccayā katamāya atthupattiyā desitā”ti sallakkhetuṃ asakkontā vikkhepaṃ āpajjeyyūṃ, duggahitaṃ vā gaṇheyyūṃ. Tena tesāṃ satijananatthaṃ bhagavā paṭhamāṃ āmantetvā pacchā dhammaṃ deseti.

Bhadanteti gāravavacanametāṃ, satthuno paṭivacanadānaṃ vā. Apicettha “bhikkhavo”ti vadamāno bhagavā te bhikkhū ālapati, “bhadante”ti vadamānā te bhagavantaṃ paccālapanti. Tathā “bhikkhavo”ti bhagavā ābhāsati, “bhadante”ti te paccābhāsanti. “Bhikkhavo”ti paṭivacanaṃ dāpeti, bhadanteti paṭivacanaṃ denti. **Te bhikkhūti** ye bhagavā āmantesi. **Bhagavato paccassosunti** bhagavato āmantanaṃ paṭiassosūṃ, abhimukhā hutvā suṇiṃsu sampaṭicchīṃsu paṭiggahesunti attho. **Bhagavā etadvocāti** bhagavā etaṃ idāni vattabbaṃ sakalasuttaṃ avoca.

Ettāvatā ca yaṃ āyasmatā sārīputtena kamalakuvalayujjalavimalasādurasasilāya pokkharāṇiyā sukhāvataṇṇatthaṃ nimmalasilālaracānavilāsasopānaṃ vippakīṇṇamuttajālasadisavālikākīṇṇapaṇḍarabhūmibhāgaṃ titthaṃ viya, suvibhattabhittivicitravedikāparikkhittassa nakkhattapathaṃ phusitukāmatāya viya, vijambhitasamussayassa pāsādarassa sukhārohaṇatthaṃ dantamayasaṇhamuduphalakakañcanaḷatāvīnaddhamaṇiṅgaṇappabhāsamudayujjalasobhaṃ sopānaṃ viya, suvaṇṇavalayanūpurādisaṅghaṭṭanasaddasammissitakathitahasitamadhurassaragehajanavīcaritassa uḷārissariyavibhavasobhitassa mahāgharassa sukhappavesanatthaṃ suvaṇṇarajatamaṇimuttāpavāḷādijutivisadavijjotitasuppatitṭhitavisāladvārakavāṭaṃ mahādvāraṃ viya atthabyañjanasampannaṃ buddhānaṃ desanāññagambhīrabhāvasaṃsūcakassa imassa suttassa sukhāvagāhaṇatthaṃ kāladesadesakaparisaṃpadesapaṭimaṇḍitaṃ nidānaṃ bhāsitaṃ, tassa atthavaṇṇanā samattā.

Suttante **pañcāti** gaṇanaparicchedo. **Imāni indriyānīti** paricchinnadhammanidassanaṃ. Indriyaṭṭho heṭṭhā vutto.

185. Idāni imaṃ suttantaṃ dassetvā imasmiṃ suttante vuttānaṃ indriyānaṃ visuddhibhāvanāvidhānaṃ bhāvitattaṃ paṭippassaddhiṅca dassetukāmo **imāni pañcindriyānīti**ādīmāha. Tattha **visujjhantīti** visuddhiṃ pāpuṇanti. **Assaddheti** tīsu ratanesu saddhāvīrahite. **Saddheti** tīsu ratanesu saddhāsampanne. **Sevatoti** cittaṃ sevantaṃ. **Bhajatoti** upasāṅkamantaṃ. **Payirupāsati** sakkaccaṃ upanīdantaṃ. **Pasādanīye suttanteti** pasādanāke ratanattayaṅgaṇapaṭisaṃyutte suttante. **Kusītetī** kucchitena ākārena sīdantīti kusīdā, kusīdā eva kusīdā. Te kusīte. **Sammappadhāneti** catukkasādhakavīriyapaṭisaṃyuttasuttante. **Muṭṭhassatīti** naṭṭhassatike. **Satipaṭṭhāneti** satipaṭṭhānādhikāraṃ suttante. **Jhānavimokkheti** catutthajjhānaatṭhavimokkhatividhāvimokkhādhikāraṃ suttante. **Duppaññeti** nippaññe, paññābhāvato vā duṭṭhā paññā etesanti duppaññā. Te duppaññe. **Gambhīraññacarīyanti** catusappaṭiccasamuppādāpāṭisaṃyutte suttante, ñāṇakathāsādise vā. **Suttantakkhandheti** suttantakoṭṭhāse. **Assaddhiyanti**ādisu **assaddhiyanti** assaddhabhāvaṃ. Assaddhiye ādīnavadassāvī assaddhiyaṃ pajahanto saddhindriyaṃ bhāveti, saddhindriye ānisaṃsadassāvī saddhindriyaṃ bhāvento assaddhiyaṃ pajahati. Esa nayo sesesu. **Kosajjanti** kusītabhāvaṃ. **Pamādanti** sativippavāsaṃ. **Uddhaccanti** uddhatabhāvaṃ, vikkhepanti attho. **Pahīnattāti** appanāvasena jhānapāripūriyā pahīnattā. **Suppahīnattāti** vuṭṭhānagāminivasena vipassanāpāripūriyā suṭṭhu pahīnattā. **Bhāvitaṃ hoti subhāvitanti** vuttakkameneva yojetabbaṃ. Vipassanāya hi vipakkhavasena pahīnattā “suppahīnattā”ti vattūṃ yujjati. Tasmāyeva ca “subhāvita”nti, na tathā jhānena. Yasmā pana pahātabbānaṃ pahānena bhāvanāsiddhi, bhāvanāsiddhiyā ca pahātabbānaṃ pahānasiddhi hoti, tasmā yamakaṃ katvā niddiṭṭhaṃ.

186. Paṭippassaddhivāre **bhāvitāni ceva honti subhāvitāni cāti** bhāvitānaṃyeva subhāvitā. **Paṭippassaddhāni ca suppaṭippassaddhāni cāti** paṭippassaddhānaṃyeva suppaṭippassaddhatā vuttā. Phalakkhaṇe maggakiccaṇibbattivasena bhāvitā paṭippassaddhatā ca veditabbā. **Samucchedavisuddhiyoti** maggavisuddhiyoyeva. **Paṭippassaddhivisuddhiyoti** phalavisuddhiyo eva.

Idāni tathā vuttavidhānāni indriyāni kārakapuggalavasena yojetvā dassetuṃ **katinam puggalānanti**ādīmāha. Tattha **savanena buddhoti** sammāsambuddhato dhammakathāsavanena catusaccaṃ buddhavā, ñātavāti attho. Idaṃ bhāvitindriyabhāvassa kāraṇavacanaṃ. Bhāvanābhisamayavasena hi maggassa buddhattā phalakkhaṇe bhāvitindriyo hoti. Aṭṭhannampi ariyānaṃ tathāgatassa sāvakkatā visesetvā arahattaphalaṭṭhameva dassento **khīṇāsavoti** āha. Soyeva hi sabbakiccanipphattiyā **bhāvitindriyoti** vutto. Itarepi pana taṃtaṃmaggakiccanipphattiyā pariyāyena bhāvitindriyā eva. Tasmā eva ca catūsu phalakkhaṇesu “pañcindriyāni bhāvitāni ceva honti subhāvitāni cā”ti vuttaṃ. Yasmā pana tesam uparimaggaṭṭhāya indriyabhāvanā atthiyeva, tasmā te na nippariyāyena bhāvitindriyā. **Sayaṃ bhūtaṭṭhenāti** anācariyo hutvā sayameva ariyāya jātiyā bhūtaṭṭhena jātaṭṭhena bhagavā. Sopi hi bhāvanāsiddhivasena phalakkhaṇe sayambhū nāma hoti. Evaṃ sayaṃ bhūtaṭṭhena bhāvitindriyo. **Appameyyaṭṭhenāti** anantaḡuṇayogato pamāṇetuṃ asakkuṇeyyaṭṭhena. Bhagavā phalakkhaṇe bhāvanāsiddhito appameyyoti. Tasmāyeva bhāvitindriyo.

Paṭhamasuttantaṇṇidesavaṇṇanā niṭṭhitā.

2. Dutiyasuttantaṇṇidesavaṇṇanā

187. Puna aññaṃ suttantaṃ nikkhipitvā indriyavidhānaṃ niddisitukāmo **pañcimāni, bhikkhavi**tiādikaṃ suttantaṃ dasseti. Tattha **ye hi kecīti** anavasesapariyādānaṃ, **hi-kāro** padapūraṇamate nipāto. **Samaṇā vā brāhmaṇā vāti** lokavohāravasena vuttaṃ. **Samudayanti** paccayaṃ. **Atthaṅgamanti** uppannānaṃ abhāvagamaṇaṃ, anuppannānaṃ anuppādaṃ vā. **Assādanti** ānisaṃsaṃ. **Ādīnavanti** dosaṃ. **Nissaraṇanti** niggamaṇaṃ. **Yathābhūtaṃti** yathāsabhāvaṃ. **Samaṇesūti** samitapāpesu. **Samaṇasammataṃti** na mayā samaṇāti sammata. “Sammata”ti vattamānakālavasena vuccamāne saddalakkhaṇavasena “me”ti ettha sāmivacanameva hoti. **Brāhmaṇesūti** bāhitapāpesu. **Sāmaññatthanti** samaṇabhāvassa atthaṃ. **Brahmaññatthanti** brāhmaṇabhāvassa atthaṃ. Dvayenāpi arahattaphalameva vuttaṃ. Atha vā **sāmaññatthanti** heṭṭhā tīṇi phalāni. **Brahmaññatthanti** arahattaphalaṃ. Sāmaññabrahmaññanti hi ariyamaggoyeva. **Diṭṭheva dhammeti** paccakkheyyeva attabhāve. **Sayaṃ abhiññā sacchikatvāti** attanāyeva adhikena ñāṇena paccakkhaṃ katvā. **Upasampajjāti** pāpuṇitvā, nipphadetvā vā.

188. Suttantaṇṇidesa paṭhamaṃ indriyasamudayādīnaṃ pabhedagaṇaṇaṃ pucchitvā puna pabhedagaṇanā vissajjitā. Tattha **asītisatanti** asītiuttaraṃ satam. Paṇḍitehi “asītisata”nti vuttehi ākārehīti yojanā.

Puna pabhedagaṇanāpucchāpubbaṅgame gaṇanāṇṇidesa **adhimokkhatthāyāti** adhimuccanattāyā saddahanattāyā. **Āvajjanāya samudayoti** manodvārāvajjanacittassa samudayo. **Saddhindriyassa samudayoti** saddhindriyassa paccayo, saddhaṃ uppādessāmīti pubbabhāgāvajjanaṃ saddhindriyassa upanissayapaccayo, saddhindriyajavanassa āvajjanaṃ paṭhamassa javanassa anantarapaccayo, dutiyajavanādīnaṃ upanissayapaccayo. **Adhimokkhavasenāti** chandasampayuttaadhimokkhavasena. **Chandassa samudayoti** pubbabhāgāvajjanapaccayā uppannassa adhimokkhasampayuttassa yevāpanakabhūtassa dhammacchandassa samudayo. So pana saddhindriyassa sahaajātaaññaṃāññanissayasampayuttaatthiavigatavasena paccayo hoti, chandādhīpatikāle adhipatipaccayo ca hoti, soyeva dutiyassa anantarasamanantaraanantarūpanissayāsevananattthiavigatavasena paccayo hoti. Imināva nayena manasikārassapi yojanā kātabbā. Kevalañhettha **manasikāro**ti saraṇalakkhaṇo yevāpanakamanasikāro. Adhipatipaccayatā panassa na hoti. Sampayuttesu imesaṃ dvinnaṃyeva gahaṇaṃ balavapaccayatāti veditabbaṃ. **Saddhindriyassa vasenāti** bhāvanābhivuddhiyā indriyabhāvaṃ pattassa saddhindriyassa vasena. **Ekattupaṭṭhānanti** ekārammaṇe acalabhāvena bhusaṃ ṭhānaṃ uparūpari saddhindriyassa paccayo hoti. Saddhindriye vuttanayeneva sesindriyānīpi veditabbāni. Evamekekassa indriyassa cattāro cattāro samudayāti pañcannaṃ indriyānaṃ vīsati samudayā honti. Puna catunnaṃ samudayānaṃ ekekasmīṃ samudaye pañca pañca indriyāni yojetvā vīsati samudayā vuttā. Paṭhamavīsati nānamaggavasena daṭṭhabbā, dutiyavīsati ekamaggavasena daṭṭhabbāti vadanti. Evaṃ cattālīsa ākāra honti. Atthaṅgamavāropi imināva nayena veditabbo. So pana atthaṅgamo indriyabhāvaṇaṃ ananuyuttassa

appaṭiladdhā paṭilābhatthaṅgamo, indriyabhāvanāya parihīnassa paṭiladdhāparihāni atthaṅgamo, phalappattassa paṭippassaddhiatthaṅgamo. **Ekattaanupaṭṭhānanti** ekatte anupaṭṭhānaṃ.

Ka. assādaniddesavaṇṇanā

189. Assādaniddese **assaddhiyassa anupaṭṭhānanti** assaddhe puggale parivajjayato saddhe puggale sevato pasādanīyasuttante paccavekkhato tattha yonisomanasikāraṃ bahulīkaroto ca assaddhiyassa anupaṭṭhānaṃ hoti. **Assaddhiyapariḷāhassa anupaṭṭhānanti** ettha assaddhassa saddhākathāya pavattamānāya dukkhaṃ domanassaṃ uppajjati. Ayaṃ assaddhiyapariḷāho. **Adhimokkhacariyāya vesārajanti** saddhāvattuvasena vā bhāvanāya vā vasippattassa saddhāpavattiyā visāradabhāvo hoti. **Santo ca vihārādhigamoti** samathassa vā vipassanāya vā paṭilābho. **Sukhaṃ somanassanti** ettha cetasikasukhabhāvadassanattaṃ somanassavacanāṃ. Saddhindriyasamuṭṭhitapaṇītarūpaphuṭṭhakāyassa kāyikasukhampi labbhatiyeva. Sukhasomanassassa padhānassādattā “ayaṃ saddhindriyassa assādo”ti visesetvā vuttaṃ. Imināva nayena sesindriyassādāpi yojetvā veditabbā.

Kha. ādīnavaniddesavaṇṇanā

190. Ādīnavaniddese **aniccaṭṭhenāti** saddhindriyassa aniccaṭṭhena. So aniccaṭṭho saddhindriyassa ādīnavoti vuttaṃ hoti. Itaradvayepi eseva nayo. Ime samudayatthaṅgamassādādīnavā lokiyaindriyānamevāti veditabbā.

Ga. nissaraṇaniddesavaṇṇanā

191. Nissaraṇaniddese **adhimokkhaṭṭhenāti**ādīsu ekekasmim indriye pañca pañca katvā pañcannaṃ indriyānaṃ pañcavīsati nissaraṇāni maggaphalavasena niddiṭṭhāni. Tattha **tato paṇītarasaddhindriyassa paṭilābhāti** tato vipassanākkhaṇe pavattasaddhindriyato maggakkhaṇe paṇītarasassa saddhindriyassa paṭilābhavasena. **Purimatarasaddhindriyā nissaṭaṃ hotīti** tasmim maggakkhaṇe saddhindriyaṃ purimatarato vipassanākkhaṇe pavattasaddhindriyato nikkhantaṃ hoti. Imināva nayena phalakkhaṇe saddhindriyampi ubhayattha sesindriyānipi yojetabbāni.

192. Pubbabhāge pañcahi indriyehīti paṭhamajjhānūpacāre pañcahi indriyehi paṭhamajjhānādiaṭṭhasamāpattivāsena aṭṭha nissaraṇāni, aniccānupassanādiaṭṭhārasamahāvīpassanāvāsena aṭṭhārasa nissaraṇāni, sotāpattimaggādivāsena aṭṭha lokuttaranissaraṇāni. Evaṃ jhānasamāpattimahāvīpassanāmaggaphalavasena catuttimsa nissaraṇāni purimapurimasamatikkamato niddiṭṭhāni. **Nekhamme pañcindriyānīti**ādīni pana sattatiṃsa nissaraṇāni paṭipakkhapahānavāsena paṭipakkhato niddiṭṭhāni. Tattha nekkhammādīsu sattasu satta nissaraṇāni upacārabhūmivasena vuttāni, phalāni pana paṭipakkhapahānābhāvato na vuttāni.

193. Diṭṭhekaṭṭhehīti yāva sotāpattimaggā diṭṭhiyā saha ekasmim puggale ṭhitāti diṭṭhekaṭṭhā. Tehi diṭṭhekaṭṭhehi. **Oḷārikehīti** thūlehi kāmarāgabyāpādehi. **Aṇusahagatehīti** sukhumabhūtehi kāmarāgabyāpādehiyeva. **Sabbakilesehīti** rūparāgādīhi. Tesu hi pahīnesu sabbakilesā pahīnā honti, tasmā “sabbakilesehī”ti vuttaṃ. Avuttatthāni panettha padāni heṭṭhā vuttatthānevāti. **Sabbesaññeva khīṇāsavānaṃ tattha tattha pañcindriyānīti** “adhimokkhaṭṭhenā”tiādīsu pubbe vuttasu ṭhānesu tasmim tasmim ṭhāne pañcindriyāni buddhapaccekabuddhasāvakanāṃ khīṇāsavānaṃ yathāyogaṃ tato tato nissaṭāni honti. Imasmim vāre paṭhamāṃ vuttanayā eva yathāyogaṃ khīṇāsavavasena vuttā.

Kathaṃ panetāni nissaraṇāni asītisatāṃ hontīti? Vuccate – maggaphalavasena vuttāni pañcavīsati, samatikkamavasena vuttāni catuttimsa, paṭipakkhavasena vuttāni sattatiṃsāti paṭhamavāre sabbāni channavuti nissaraṇāni honti, etānīyeva dutiyavāre khīṇāsavānaṃ vasena dvādasasu apanītesu caturāsīti honti. Iti purimāni channavuti, imāni ca caturāsīti asītisatāṃ honti. Katamāni pana dvādasā khīṇāsavānaṃ apanetabbāni? Samatikkamato vuttasu maggaphalavasena vuttāni aṭṭha nissaraṇāni, paṭipakkhato vuttasu maggavasena vuttāni cattārīti imāni dvādasā apanetabbāni. Arahattaphalavasena vuttāni kasmā

apanetabbānīti ce? Sabbapaṭhamam vuttānam pañcavīsatiyā nissaraṇānam maggaphalavaseneva labbhanato. Arahattaphalavasena nissaraṇāni vuttāneva honti. Heṭṭhimam heṭṭhimam pana phalasaṃpattiṃ uparimā uparimā na samāpajjantiyevāti heṭṭhā tīṇipi phalāni na labbhantiyeva. Jhānasamāpattivipassanānekkhammādīni ca kiriyāvasena labbhanti. Pañcapi cetāni indriyāni pubbameva paṭipakkhānam paṭipassaddhattā paṭipakkhato nissaṭṭāneva hontīti.

Dutiyasuttantaniddesavaṇṇanā niṭṭhitā.

3. Tatiyasuttantaniddesavaṇṇanā

194. Puna aññaṃ suttantaṃ nikkhipitvā indriyavidhānaṃ niddisitukāmo **pañcimāni**, **bhikkhavi**tiādīmāha. Tattha **soṭāpattiyaṅgesūti** ettha soto ariyo aṭṭhaṅgiko maggo, sotassa āpatti bhusaṃ pāpuṇanaṃ soṭāpatti, soṭāpattiyā aṅgāni sambhārāni soṭāpattiaṅgāni. Soṭāpannatāya pubbhāgapaṭilābhaaṅgāni. Sappurisasamsevo soṭāpattiaṅgaṃ, saddhammassavanaṃ soṭāpattiaṅgaṃ, yonisomanasikāro soṭāpattiaṅgaṃ, dhammānudhammapaṭipatti soṭāpattiaṅgaṃ, imāni cattāri soṭāpattiaṅgāni. Sesā heṭṭhā vuttā eva. Idañca imesaṃ indriyānaṃ sakavisaye jeṭṭhakabhāvadassanattamaṃ vuttaṃ. Yathā hi cattāro seṭṭhiputtā rājātirājapañcamesu sahāyesu “nakkhattaṃ kiṭṭissāmā”ti vīthiṃ otiṇṇesu ekassa seṭṭhiputtassa gehaṃ gatakāle itare cattāro tuṇhī nisīdanti, gehasāmikova “imesaṃ khādanīyaṃ bhojanīyaṃ detha, imesaṃ gandhamālālānkārādīni dethā”ti gehe vicāreti, dutiyassa tatiyassa catutthassa gehaṃ gatakāle itare cattāro tuṇhī nisīdanti, gehasāmikova “imesaṃ khādanīyaṃ bhojanīyaṃ detha, imesaṃ gandhamālālānkārādīni dethā”ti gehe vicāreti, atha sabbapacchā rañño gehaṃ gatakāle kiñcāpi rājā sabbattha issarova, imasmiṃ pana kāle attano geheyeva “imesaṃ khādanīyaṃ bhojanīyaṃ detha, imesaṃ gandhamālālānkārādīni dethā”ti vicāreti, evameva saddhāpañcamakesu indriyesu tesu sahāyesu ekato vīthiṃ otarantesu viya ekārammaṇe uppajjamānesupi yathā paṭhamassa gehe itare cattāro tuṇhī nisīdanti, gehasāmikova vicāreti, evaṃ soṭāpattiaṅgāni patvā adhimokkhalakkhaṇaṃ saddhindriyameva jeṭṭhakaṃ hoti pubbaṅgamaṃ, sesāni tadanvayāni honti. Yathā dutiyassa gehe itare cattāro tuṇhī nisīdanti, gehasāmikova vicāreti, evaṃ sammappadhānāni patvā paggahaṇalakkhaṇaṃ vīriyindriyameva jeṭṭhakaṃ hoti pubbaṅgamaṃ, sesāni tadanvayāni honti. Yathā tatiyassa gehe itare cattāro tuṇhī nisīdanti, gehasāmikova vicāreti, evaṃ satipaṭṭhānāni patvā upaṭṭhānalakkhaṇaṃ satindriyameva jeṭṭhakaṃ hoti pubbaṅgamaṃ, sesāni tadanvayāni honti. Yathā catutthassa gehe itare cattāro tuṇhī nisīdanti, gehasāmikova vicāreti, evaṃ jhānāni patvā avikkhepalakkhaṇaṃ samādhindriyameva jeṭṭhakaṃ hoti pubbaṅgamaṃ, sesāni tadanvayāni honti. Sabbapacchā rañño gehaṃ gatakāle pana yathā itare cattāro tuṇhī nisīdanti, rājāva vicāreti, evaṃ ariyasaccāni patvā pajānanalakkhaṇaṃ paññindriyameva jeṭṭhakaṃ hoti pubbaṅgamaṃ, sesāni tadanvayāni hontīti.

Ka. pabhedagaṇananiddesavaṇṇanā

195. Suttantassa pabhedagaṇanāpucchāpubbaṅgameva pabhedagaṇananiddese **sappurisasamseveti** sobhanānaṃ purisānaṃ sammā sevane. **Adhimokkhādhipeyyaṭṭhenāti** adhimokkhasaṅkhātēna sesindriyesu adhipatibhāvaṭṭhena, sesindriyānaṃ pubbaṅgaṃṭṭhenāti attho. **Saddhammasavaneti** sataṃ dhammo, sobhano vā dhammoti saddhammo. Tassa saddhammassa savane. **Yonisomanasikāreti** upāyena manasikāre. **Dhammānudhammapaṭipattiyāti** ettha nava lokuttaradhamme anugato dhammo dhammānudhammo, sīlasamādhipaññāsāṅkhātassa dhammānudhammassa paṭipatti paṭipajjanaṃ dhammānudhammapaṭipatti. **Sammappadhānādīsupi** eseva nayo.

Kha. cariyāvāraṇṇanā

196. Cariyāvārepi imināva nayena attho veditabbo. Kevalaṃ paṭhamavāro indriyānaṃ uppādanakālavasena vutto, cariyāvāro uppannānaṃ āsevanakālavasena ca pāripūrikālavasena ca vutto. Cariyā pakati ussannaṭṭīti hi atthato ekaṃ.

Cāravihāraniddesavaṇṇanā

197. Idāni cariyāsambandheneva cāravihāraniddesavasena aparena pariyāyena indriyavidhānaṃ niddisitukāmo **cāro ca vihāro cāti**ādikaṃ uddesaṃ uddisitvā tassa niddesamāha. Tattha uddese tāva yathā carantaṃ viharantaṃ viññū sabrahmacārī gambhīresu ṭhānesu okappeyyuṃ – addhā ayamāyasmā patto vā pāpuṇissati vāti, tathā indriyasampannaṃ cāro ca vihāro ca viññūhi sabrahmacārīhi anubuddho hoti paṭividdhoti uddesassa sambandho vedītabbo. Uddesaniddese cariyā cāroyeva. Cāro cariyāti hi atthato ekaṃ. Tasmā “cāro”tipadassa niddese “cariyā”ti vuttaṃ. **Iriyāpathacariyāti** iriyāpathānaṃ cariyā, pavattananti attho. Sesesupi eseva nayo. **Āyatanacariyā** pana āyatanesu satisampajaññānaṃ cariyā. **Pattīti** phalāni. Tāni hi pāpuṇiyantīti “pattī”ti vuttā. Sattalokassa diṭṭhadhammikasamparāyikā atthā **lokatthāti** ayaṃ viseso.

Idāni tāsamaṃ cariyānaṃ bhūmiṃ dassento **catūsu iriyāpathesūti**ādīmāha. **Satipaṭṭhānesūti** ārammaṇasatipaṭṭhānesu. Satipaṭṭhānesupi vuccamānesu satīto anaññāni vohāravasena aññāni viya katvā vuttaṃ. **Ariyasaccesūti** pubbhāgalokiyasaccaññānaṃ visumaṃ visumaṃ saccapariggahavasena vuttaṃ. **Ariyamaggesu sāmāññaphalesūti** ca vohāravaseneva vuttaṃ. **Padeseti** lokatthacariyāya ekadeso. Nippadesato hi lokatthacariyaṃ buddhā eva karonti. Puna tā eva cariyāyo kārakapuggalavasena dassento **paṇidhisampannānanti**ādīmāha. Tattha paṇidhisampannā nāma iriyāpathānaṃ santattā iriyāpathaguttiyā sampannā akampitairiyāpathā bhikkhubhāvānurūpena santena iriyāpathena sampannā. Indriyesu **guttadvārānanti** cakkhādīsu chasu indriyesu attano attano visaye pavattaekadvāravasena guttaṃ dvāraṃ etesanti guttadvārā. Tesamaṃ guttadvārānaṃ. **Dvāranti** cettha uppattidvāravasena cakkhādayo eva. **Appamādavihārīnanti** silādīsu appamādavihāravataṃ. **Adhicittamanuyuttānanti** vipassanāya pādakabhāvena adhicittasankhātamaṃ samādhimanuyuttānaṃ. **Buddhisampannānanti** nāmarūpavavattānaṃ ādīmaṃ katvā yāva gotrabhu, tāva pavattena ñānaṃ sampannānaṃ. **Sammāpaṭipannānanti** catumaggakkhaṇe. **Adhigataphalānanti** catuphalakkhaṇe.

Adhimuccantoti adhimokkhaṃ karonto. **Saddhāya caratīti** saddhāvasena pavattati. **Paggaṇhantoti** catusammappadhānavīriyena padahanto. **Upaṭṭhāpentoti** satiyā ārammaṇaṃ upaṭṭhāpento. **Avikkhepaṃ karontoti** samādhivasena vikkhepaṃ akaronto. **Pajānantoti** catusaccapajānanapaññāya pakārena jānanto. **Vijānantoti** indriyasampayuttajavanapubbaṅgamaṃ āvajjanaviññānaṃ ārammaṇaṃ vijānanto. **Viññānacariyāyāti** āvajjanaviññānacariyavasena. **Evamaṃ paṭipannassāti** sahajavanāya indriyacariyāya paṭipannassa. **Kusalā dhammā āyāpentīti** samathavipassanāvasena pavattā kusalā dhammā bhusaṃ yāpenti, pavattantīti attho. **Āyatanacariyāyāti** kusalānaṃ dhammānaṃ bhusaṃ yatanacariyāya, ghaṭanacariyāya pavattanacariyāyāti vuttaṃ hoti. **Visesamadhigacchatīti** vikkhambhanatadaṅgasamucchadapaṭippassaddhivasena visesamaṃ adhigacchati. **Dassanacariyādayo** vuttatthāyeva.

Saddhāya viharatītiādīsu saddhādisamaṅgissa iriyāpathavihāro daṭṭhabbo. **Anubuddhoti** anumānabuddhiyā. **Paṭividdhoti** paccakkhabuddhiyā. Yasmā adhimokkhaṭṭhādīsu anubuddhesu paṭividdhesu ca cāro ca vihāro ca anubuddho hoti paṭividdho, tasmā anubodhapaṭivedhesu adhimokkhaṭṭhādayo ca niddiṭṭhā.

Evamaṃ saddhāya carantantiādīsu evanti vuttappakāraṃ niddisanto yathāsaddassa atthaṃ niddisati. **Viññūti**ādīsipi yathāsabhāvaṃ jānantīti viññū. Viññātaṃ sabhāvaṃ vibhāventi pakātaṃ karontīti **vibhāvī**. Asani viya siluccaye kilese medhati hiṃsatīti medhā, khippamaṃ gahaṇadhāraṇaṭṭhena vā medhā, medhā etesamaṃ atthīti **medhāvī**. Nānagatiyā paṇḍanti gacchanti pavattantīti **paṇḍitā**. Buddhisampadāya samannāgatattā **buddhisampannā**. Saha brahmaṃ cariyamaṃ uttamaṃ paṭipadaṃ carantīti **sabrahmacārino**. Apalokanakammādicatubbidhamaṃ kammaṃ ekato karaṇavasena **ekaṃ kammaṃ**. Tathā pañcavidho pātimokkhuddeso **ekuddeso**. Samā sikkhā etesanti samasikkhā, samasikkhānaṃ bhāvo **samasikkhatā**. Samasikkhātīpi paṭhanti. Yesamaṃ ekaṃ kammaṃ eko uddeso samasikkhatā, te sabrahmacārīti vuttaṃ hoti. “Jhānāni”ti vattabbe **jhānāti** līngavipallāso kato. **Vimokkhāti** tayo vā aṭṭha vā vimokkhā. **Samādhīti** savitakkasavicāraavitakkavicāramattaavitakkāvicārā tayo samādhī. **Samāpattiyoti** suññatānimitṭappaṇihitā. **Abhiññāyoti** cha abhiññā.

Eko aṃso bhāgo, na dutiyoti ekaṃso, ekaṃsassa atthassa vacanaṃ **ekaṃsavacanaṃ**. Evaṃ sesesupi yojanā kātabbā. Visesato pana samaṃ, samantā vā seti pavattatīti samsayo, natthettha samsayoti **nissamsayo**. Ekasmimyeva anicchayatā hutvā itarampi kaṅkhatīti kaṅkhā, natthettha kaṅkhāti **nikkaṅkho**. Dvidhā bhāvo dvejjhaṃ, natthettha dvejjhanti **advejjho**. Dvidhā elayati kompetīti dvelhakaṃ, natthettha dvelhakanti **advelhako**. Niyogena niyamaena vacanaṃ **niyogavacanaṃ**. Niyogavacanaṃtipi paṭhanti. Apaṇṇakassa aviraddhassa niyyānikassa atthassa vacanaṃ **apaṇṇakavacanaṃ**. **Avatthāpanavacanaṃ**ti nicchayavacanaṃ. Sabbampi hetam vicikicchābhāvassa vevacanaṃ. Piyassa atthassa sabbhāvato vacanaṃ, piyamevāti **piyavacanaṃ**. Tathā **garuvacanaṃ**. Saha gāravena garubhāvena sagāraṃ. Patissayanaṃ patissayo paraṃ garuṃ katvā nissayanaṃ apassayananti attho. Patissavanaṃ vā patissavo, nivātavuttitāya paravacanasavananti attho. Ubhayathāpi parajeṭṭhakabhāvassetaṃ nāmaṃ. Saha gāravena vattatīti sagāraṃ. Saha patissayena, patissavena vā vattatīti sappatissayaṃ. “Sappatissava”nti vā vattabbe ya-kāraṃ, va-kāraṃ vā lopam katvā “sappatissa”nti vuttaṃ. Adhikaṃ viṣiṭṭhaṃ vacanaṃ adhivacanaṃ, sagāraṃca taṃ sappatissañcāti sagārasappatissaṃ, sagārasappatissaṃ adhivacanaṃ **sagārasappatissādhivacanaṃ**. Ubhayathāpi vevacanavikappanānattavasena punappunaṃ **etanti** vuttaṃ. **Patto vā pāpuṇissati vāti** jhānādīniyevāti.

Tatīyasuttantaṇṇidesavaṇṇanā niṭṭhitā.

4. Catutthasuttantaṇṇidesavaṇṇanā

198. Puna paṭhamasuttameva nikkhipitvā aparena ākārena indriyāni niddisati. Tattha **katihākārehi kenatthena daṭṭhabbānīti** katihā ākārehi daṭṭhabbāni. **Kenatthena daṭṭhabbānīti** daṭṭhabbākāre ca daṭṭhabbaṭṭhañca pucchati. **Chahākārehi tenatthena daṭṭhabbānīti** chahi ākārehi daṭṭhabbāni, teneva chaākārasaṅkhātenatthena daṭṭhabbāni. **Ādhipateyyatthēnāti** adhipatibhāvātthēna. **Ādivisodhanatthēnāti** kusalanāṃ dhammānaṃ ādibhūtaṃ sīlassa visodhanatthēna. **Adhimattatthēnāti** balavatthēna. Balavañhi adhikā mattā pamāṇaṃ assāti adhimattanti vuccati. **Adhiṭṭhānatthēnāti** patiṭṭhānatthēna. **Pariyādānatthēnāti** khepanatthēna. **Patiṭṭhāpakatthēnāti** patiṭṭhāpanatthēna.

Ka. ādhipateyyatthānidesavaṇṇanā

199. Ādhipateyyatthānidde **assaddhiyaṃ pajahatotiādi** ekekasseva indriyassa paṭipakkhapajahanavacanaṃ ekakkhaṇepi attano attano paṭipakkhapahānakiccasādhane adhipatibhāvasādhanatthaṃ vuttaṃ. Sesāni cattāri indriyāni taṃsampayuttāneva vuttāni. Nānākkhaṇesu vā ekekaṃ indriyaṃ dhuraṃ katvā tassa tassa paṭipakkhassa taṃ taṃ indriyaṃ jeṭṭhakaṃ katvā sesāni tadanvayāni katvā vuttantipi veditabbaṃ. **Kāmacchandaṃ pajahatotiādi** pana ekakkhaṇavaseneva vuttaṃ.

Kha. ādivisodhanatthānidesavaṇṇanā

200. Ādivisodhanatthānidde **assaddhiyaṃvaraṭṭhena sīlavisuddhīti** assaddhiyassa nivāraṇatthēna viratīatthēna sīlamalavisodhanato sīlavisuddhi nāma. **Saddhindriyassa ādivisodhanāti** saddhindriyassa upanissayavasena ādibhūtaṃ sīlassa visodhanā. Imināva nayena sesānīpi kāmacchandaṃdisaṃvaraṇamūlakāni ca indriyāni veditabbāni.

Ga. adhimattatthānidesavaṇṇanā

201. Adhimattatthānidde **saddhindriyassa bhāvanāya chando uppajjati**ti saddhassa puggalassa saddhāpaṭisaṃyuttaṃ dhammaṃ sutvā vā saddhindriyabhāvanāya assādaṃ disvā vā saddhindriye kusalo dhammacchando jāyati. **Pāmojjaṃ uppajjati**ti chandajātatā dubbalapīti uppajjati. **Pīti uppajjati**ti pamuditattā balavapīti uppajjati. **Passaddhi uppajjati**ti pītiyā pīṇitattā kāyacittapassaddhi uppajjati. **Sukhaṃ uppajjati**ti passaddhakāyacittattā cetasiṃ sukhaṃ uppajjati. **Obhāso uppajjati**ti sukheṇa abhisannattā ñāṇobhāso uppajjati. **Samvego uppajjati**ti ñāṇobhāseṇa viditasāṅkhārādīnavattā

saṅkhārapavattiyam samvego uppajjati. **Samvejtvā cittaṃ samādahatī**ti samvegaṃ uppādetvā teneva samvegena cittaṃ samāhitam karoti. **Sādhukam paggaṇhātī**ti līnuddhatabhāvaṃ mocetvā sutṭhu paggaṇhātī. **Sādhukam ajjupekkhatī**ti vīriyassa samaṃ hutvā pavattattā puna vīriyasamatānīyojane byāpāraṃ akaronto tatramajjhattupekkhāvasena sādhukam ajjupekkhati nāma. **Upekkhāvasenā**ti samavāhitalakkhaṇāya tatramajjhattupekkhāya vasena. **Nānattakilesehī**ti vipassanāya paṭipakkhabhūtehi nānāsbhāvehi kilesehi. **Vimokkhāvasenā**ti bhaṅgānupassanato paṭṭhāya nānattakilesehi vimuccanavasena. **Vimuttattā**ti nānattakilesehi vimuttattā.

Te dhammāti chandādayo dhammā. **Ekarasā honṭī**ti vimuttirasena ekarasā hontī. **Bhāvanāvasenā**ti ekarasabhāvanāvasena. **Tato paṇītare vivaṭṭantī**ti tena kāraṇena vipassanārammaṇato paṇītare nibbānārammaṇe vivaṭṭanānupassanāsaṅkhātena gotrabhuñāṇena chandādayo dhammā nivattanti, saṅkhārārammaṇato apagantvā nibbānārammaṇe pavattantīti attho. **Vivaṭṭanāvasenā**ti evaṃ gotrabhukhaṇe saṅkhārārammaṇato vivaṭṭanavasena. **Vivaṭṭitattā tato vosajjati**ti maggasamaṅgipuggalo maggassa uppādakkhaṇeyeva dubhatovuttānavasena vivaṭṭitattā teneva kāraṇena kilese ca khandhe ca vosajjati. **Vosajjitattā tato nirujjhanti**ti maggassa uppādakkhaṇeyeva kilese ca khandhe ca vosajjitattā teneva kāraṇena kilesā ca khandhā ca anuppattinīrodhavasena nirujjhanti. **Vosajjitattā**ti ca āsaṃsāyaṃ bhūtavacanaṃ kataṃ. Kilesanīrodhe sati khandhanīrodhasabbhāvato ca khandhanīrodho vutto. **Nīrodhāvasenā**ti yathāvuttanīrodhavasena. Tasseva maggassa uppādakkhaṇe dve vosagge dassetukāmo **nīrodhāvasena dve vosaggā**tiādīmāha. Dvepi heṭṭhā vuttatthā eva. **Assaddhiyassa pahānāya chando uppajjati**tiādīsopi imināva nayena vitthārato attho veditabbo. Vīriyindriyādimūlakesopi vāresu eseva nayo. Imināva nayena adhiṭṭhānaṭṭhaniddesopi vitthārato veditabbo. Kevalañhettha **adhiṭṭhātī**ti viseso, paṭiṭṭhātīti attho.

Gha-ṇa. pariādānaṭṭhapatiṭṭhāpakaṭṭhaniddesavaṇṇanā

202-203. Pariādānaṭṭhaniddese **pariyādiyatī**ti khepeti. Paṭiṭṭhāpakaṭṭhaniddese **saddho saddhindriyaṃ adhimokkhe paṭiṭṭhāpetī**ti saddhāsampanno “sabbe saṅkhārā aniccā dukkhā anattā”ti adhimuccanto saddhindriyaṃ adhimokkhe paṭiṭṭhāpeti. Iminā puggalavisesena indriyabhāvanāviseso niddiṭṭho. **Saddhassa saddhindriyaṃ adhimokkhe paṭiṭṭhāpetī**ti saddhāsampannassa puggalassa saddhindriyaṃ taṃyeva saddham paṭiṭṭhāpeti. Tathā adhimuccantaṃ adhimokkhe paṭiṭṭhāpetīti. Iminā indriyabhāvanāvisesena puggalaviseso niddiṭṭho. Evaṃ cittaṃ paggaṇhanto paggahe paṭiṭṭhāpeti, satim upaṭṭhāpento upaṭṭhāne paṭiṭṭhāpeti, cittaṃ samādahanto avikkhepe paṭiṭṭhāpeti, aniccaṃ dukkhaṃ anattāti passanto dassane paṭiṭṭhāpetīti sesesupi yojanā veditabbā. **Yogāvacaroti**ti samathayoge, vipassanāyoge vā avacaratīti yogāvacarō. **Avacaratī**ti pavisitvā caratīti.

Catutthasuttantaṇṇiddesavaṇṇanā niṭṭhitā.

5. Indriyasamodhānavāṇṇanā

204. Idāni samādhiṃ bhāvayato vipassanaṃ bhāvayato ca indriyasamodhānaṃ dassetukāmo paṭhamam tāva upaṭṭhānakosallappabhedam niddisitum **puthujjano samādhiṃ bhāventoti**ādīmāha. Tattha **puthujjano samādhiṃ bhāventoti**ti nibbedhabhāgiyaṃ samādhiṃ bhāvento. Sekkhassa vītarāgassa ca pana lokuttaropi samādhi labbhati. **Āvajjitattā**ti kasiṇādinimittassa āvajjitattā, kasiṇādi parikkamaṃ katvā tattha uppāditanimittattāti vuttaṃ hoti. **Ārammaṇūpaṭṭhānakusaloti** tassa uppādītassa nimittasseva upaṭṭhāne kusalo. **Samathanimittūpaṭṭhānakusaloti** accāraddhavīriyatādīhi uddhate citte passaddhisamādhiupekkhāsambojjhaṅgabhāvanāvasena cittopasamanimittassa upaṭṭhāne kusalo. **Paggahanimittūpaṭṭhānakusaloti** atisithilavīriyatādīhi līne citte dhammavicayavīriyapītisambojjhaṅgabhāvanāvasena cittapaggahanimittassa upaṭṭhāne kusalo. **Avikkhepūpaṭṭhānakusaloti**ti anuddhatālīnacittassa sampayuttassa samādhissa upaṭṭhāne kusalo. **Obhāsūpaṭṭhānakusaloti**ti paññāpayogamandatāya nirassāde citte aṭṭhasamvegavatthupaccavekkhaṇena cittaṃ samvejtvā ñāṇobhāsassa upaṭṭhāne kusalo. **Aṭṭha samvegavatthūni**ti nāma jātijarābyādhimaraṇāni cattāri, apāyadukkhaṃ pañcamam, atīte vaṭṭamūlakam dukkhaṃ, anāgate vaṭṭamūlakam dukkhaṃ,

paccuppanne āhārapariyettimūlakam dukkhanti. **Sampahaṃsanūpaṭṭhānakusaloti** upasamasukhānadhigamena nirassāde citte buddhadhammasaṅghaguṇānussaraṇena cittaṃ pasādentō sampahaṃsanassa upaṭṭhāne kusalo. **Upekkhūpaṭṭhānakusaloti** uddhatādidōsavirahite citte niggaḥapaggahādīsu byāpārābhāvakaṇaṇena upekkhāya upaṭṭhāne kusalo. **Sekkhōti** tisso sikkhā sikkhatīti sekkho. **Ekattūpaṭṭhānakusaloti** sakkāyadīṭṭhādīnaṃ pahīnattā nekkhammādino ekattassa upaṭṭhāne kusalo.

Vītarāgoti sabbaso pahīnarāgattā vītarāgo khīṇāsavo. **Ñāṇūpaṭṭhānakusaloti** arahā dhammesu vigatasammohattā tattha tattha asaṃmohañāṇassa upaṭṭhāne kusalo. **Vimuttūpaṭṭhānakusaloti** arahattaphalavimuttiyā upaṭṭhāne kusalo. **Vimuttīti** hi sabbakilesehi vimuttattā arahattaphalavimutti adhippetā.

205. Vipassanābhāvanāya upaṭṭhānānupaṭṭhānesu **aniccatotiādīni niccatotiādīni** ca sīlakathāyaṃ vuttanayeneva vedītabbāni. Pāṭhato pana “āyūhanānupaṭṭhānakusalō vipariṇāmūpaṭṭhānakusalō animittūpaṭṭhānakusalō nimittānupaṭṭhānakusalō appaṇihitūpaṭṭhānakusalō paṇidhianupaṭṭhānakusalō abhinivesānupaṭṭhānakusalō”ti etesu sāmivacanena samāsapadacchedo kātabbo. Sesesu pana nissakkavacanena pāṭho.

206. Suññatūpaṭṭhānakusaloti panettha suññato upaṭṭhānakusaloti vā suññatāya upaṭṭhānakusaloti vā padacchedo kātabbo. Yasmā pana nibbidāvīrāganīrodhapaṭinissaggānupassanā adhipaṇṇādhammavipassanā yathābhūtañāṇadassanaṃ paṭisaṅkhānupassanā vivaṭṭanānupassanāti imā aṭṭha mahāvīpassanā attano sabhāvavisesena viśesitā, na ārammaṇavisesena, tasmā imāsaṃ aṭṭhannaṃ “aniccato upaṭṭhānakusalō hotī”tiādīni vacanāni viya “nibbidāto upaṭṭhānakusalō hotī”tiādīni vacanāni na yujjanti. Tasmā eva imā aṭṭha na yojitā. Ādīnavānupassanā pana “suññatūpaṭṭhānakusalō hotī, abhinivesānupaṭṭhānakusalō hotī”ti iminā yugalakavacaneneva atthato “ādīnavato upaṭṭhānakusalō hotī, ālayābhinivesānupaṭṭhānakusalō hotī”ti yojitāva hotīti sarūpena na yojitā. Iti purimā ca aṭṭha, ayaṅca ādīnavānupassanāti aṭṭhārasasu mahāvīpassanāsu imā nava ayojetvā itarā eva nava yojitāti vedītabbā. **Ñāṇūpaṭṭhānakusaloti** sekkho vipassanūpakkilesānaṃ abhāvato vipassanābhāvanāya ñāṇassa upaṭṭhāne kusalo. Samādhībhāvanāya pana nikantisabbhāvato ñāṇūpaṭṭhāne kusalo na vutto.

Visaññogūpaṭṭhānakusaloti “kāmayogavisaññogo bhavayogavisaññogo dīṭṭhiyogavisaññogo avijjāyogavisaññogo”ti (dī. ni. 3.312) catudhā vuttassa visaññogassa upaṭṭhāne kusalo. **Saññogānupaṭṭhānakusaloti** kāmayogabhavayogadīṭṭhiyogāvijjāyogavasena catudhā vuttassa saññogassa anupaṭṭhāne kusalo. **Nīrodhūpaṭṭhānakusaloti** “puna caparaṃ, bhikkhave, khīṇāsavassa bhikkhuno nibbānaninnaṃ cittaṃ hotī nibbānappaṇaṃ nibbānapabbhāraṃ vivekaṭṭhaṃ nekkhammābhīrataṃ byantībhūtaṃ sabbaso āsavaṭṭhāniyeḥi dhammehī”ti (a. ni. 10.90; paṭi. ma. 2.44 atthato samānaṃ) vuttakhīṇāsavabalavasena nibbānaninnacittattā khīṇāsavova nīrodhasaṅkhātassa nibbānassa upaṭṭhāne kusalo.

Ārammaṇūpaṭṭhānakusalavasenātiādīsu kusalanti ñāṇaṃ. Ñāṇampi hi kusalapuggalayogato kusalaṃ yathā paṇḍitapuggalayogato “paṇḍitā dhammā”ti (dha. sa. dukamātikā 103). Tasmā kosallavasenāti attho.

207. Idāni **catusaṭṭhiyā ākāreḥītiādī** ñāṇakathāyaṃ (paṭi. ma. 1.107) vuttampi indriyakathāsambandhena idhānetvā vuttaṃ. Taṃ heṭṭhā vuttanayeneva vedītabbaṃ.

208. Puna samantacakkhusambandhena indriyavidhānaṃ vattukāmo **na tassa addiṭṭhamidhatthi kiñcītiādīmāha**. Tattha **samantacakkhūti** sabbaññūtaññānaṃ. **Paññindriyassa vasenātiādīna** pañcannaṃ indriyānaṃ aviyogitaṃ dasseti. **Saddahanto paggaṇhātītiādīhi** ekekindriyamūlakehi pañcahi catukkehi pañcannaṃ indriyānaṃ ninnapayogakāle vā maggakkhaṇe vā ekarasabhāvaṃ aññamaññapaccayabhāvaṅca dasseti. **Saddahitattā paggaḥitantiādīhi** ekekindriyamūlakehi pañcahi catukkehi pañcannaṃ indriyānaṃ nibbattikāle vā phalakāle vā ekarasabhāvaṃ aññamaññapaccayabhāvaṅca dasseti. Puna

buddhacakkhusambandhena indriyavidhānaṃ vattukāmo **yaṃ buddhacakkhūti**ādīmāha. Tattha **buddhacakkhūti** indriyaparopariyattañānaṃ āsayānusayañānaṃca. **Buddhañānanti** ca idaṃ tadeva dvayaṃ, sesaṃ heṭṭhā vuttatthamevāti.

Indriyasamodhānavañṇanā niṭṭhitā.

Saddhammappakāsiniyā paṭisambhidāmagga-aṭṭhakathāya

Indriyakathāvāṇṇanā niṭṭhitā.

5. Vimokkhakathā

1. Vimokkhuddesavañṇanā

209. Idāni indriyakathānantaraṃ kathitāya vimokkhakathāya apubbatthānuvañṇanā anuppattā. Ayañhi vimokkhakathā indriyabhāvanūyuttassa vimokkhasabbhāvato indriyakathānantaraṃ kathitā. Tañca kathento bhagavato sammukhā sutasuttantadesanāpubbaṅgamaṃ katvā kathesi. Tattha suttante tāva **suññato vimokkhoti**ādīsu suññatākārena nibbānaṃ ārammaṇaṃ katvā pavatto ariyamaggo suññato vimokkho. So hi suññatāya dhātuyā uppunnattā suññato, kilesehi vimuttattā vimokkho. Eteneva nayena animittākārena nibbānaṃ ārammaṇaṃ katvā pavatto **animitto**, appaṇihitākārena nibbānaṃ ārammaṇaṃ katvā pavatto **appaṇihitoti** veditabbo.

Eko hi āditova aniccato saṅkhāre sammāsati. Yasmā pana na aniccato sammāsanaṃmatteneva maggavuṭṭhānaṃ hoti, dukkhatopi anattatopi sammāsitaṃbameva, tasmā dukkhatopi anattatopi sammāsati. Tassa evaṃ paṭipannassa aniccato ce sammāsanaṃkāle maggavuṭṭhānaṃ hoti, ayaṃ **aniccato abhinivisitvā aniccato vuṭṭhāti** nāma. Sace panassa dukkhatopi anattato sammāsanaṃkāle maggavuṭṭhānaṃ hoti, ayaṃ **aniccato abhinivisitvā dukkhatopi, anattato vuṭṭhāti** nāma. Esa nayo dukkhatopi anattato abhinivisitvā vuṭṭhānesupi. Ettha ca yopi aniccato abhinivittāho, yopi dukkhatopi, yopi anattato. Vuṭṭhānaṃkāle ce aniccato vuṭṭhānaṃ hoti, tayopi janā adhivimokkhabahulā honti, saddhindriyaṃ paṭilabhanti, animittavimokkhena vimuccanti, paṭhamamaggakkaṇe saddhānusārino honti, sattaṃ ṭhānesu saddhāvimuttā. Sace pana dukkhatopi vuṭṭhānaṃ hoti, tayopi janā passaddhibahulā honti, samādhindriyaṃ paṭilabhanti, appaṇihitavimokkhena vimuccanti, sabbattha kāyasakkhino honti. Yassa panettha arūpajjhānaṃ pādakaṃ hoti, so aggaphale ubhatobhāgavimutto hoti. Atha nesam anattato vuṭṭhānaṃ hoti, tayopi janā vedabahulā honti, paññindriyaṃ paṭilabhanti, suññatavimokkhena vimuccanti, paṭhamamaggakkaṇe dhammānusārino honti, chasu ṭhānesu diṭṭhipattā, aggaphale paññāvimuttāti.

Apica maggo nāma pañcahi kāraṇehi nāmaṃ labhati sarasena vā paccanīkena vā saṅgheṇa vā ārammaṇeṇa vā āgamaṇeṇa vā. Sace hi saṅkhārupekkhā aniccato saṅkhāre sammāsivā vuṭṭhāti, animittavimokkhena vimuccati. Sace dukkhatopi sammāsivā vuṭṭhāti, appaṇihitavimokkhena vimuccati. Sace anattato sammāsivā vuṭṭhāti, suññatavimokkhena vimuccati. Idaṃ **sarasato** nāmaṃ nāma. Aniccānupassanāya pana saṅkhārānaṃ ghanavinibbhogaṃ katvā niccānimittadhuvanimittasassatanimittāni pahāya āgatattā animitto, dukkhānupassanāya sukhasaññaṃ pahāya paṇidhipatthanaṃ sukkhāpetvā āgatattā appaṇihito, anattānupassanāya attasattapuggalasaññaṃ pahāya saṅkhāre suññato diṭṭhattā suññatoti idaṃ **paccanīkato** nāmaṃ nāma. Rāgādīhi pana suññattā suññato, rūpanimittādīnaṃ, rāganimittādīnaṃyeva vā abhāvena animitto, rāgapaṇidhiādīnaṃ abhāvato appaṇihitoti idamassa **sagūṇato** nāmaṃ nāma. Soyaṃ suññaṃ animittaṃ appaṇihitañca nibbānaṃ ārammaṇaṃ karotītipi suññato animitto appaṇihitoti vuccati. Idamassa **ārammaṇato** nāmaṃ nāma. Āgamaṇaṃ pana duvidhaṃ vipassanāgamaṇaṃ maggāgamaṇaṃca. Tattha magge vipassanāgamaṇaṃ labbhati, phale maggāgamaṇaṃ. Anattānupassanā hi suññatā nāma, suññatavipassanāya maggo suññato, suññatamaggassa phalaṃ suññataṃ. Aniccānupassanā animittā nāma, animittavipassanāya maggo animitto. Idaṃ pana nāmaṃ abhidhammapariyāye na labbhati, suttantapariyāye pana labbhati. Tattha hi gotrabhuññaṃ animittaṃ

nibbānaṃ ārammaṇaṃ katvā animittanāmakam hutvā sayam āgamanīyaṭṭhāne ṭhatvā maggassa nāmaṃ detīti vadanti. Tena maggo animittoti vutto. Maggāgamanena phalaṃ animittanti yujjatiyeva. Dukkhanupassanā saṅkhāresu paṇidhiṃ sukkhāpetvā āgatattā appaṇihitā nāma, appaṇihitavipassanāya maggo appaṇihito, appaṇihitamaggassa phalaṃ appaṇihitanti evaṃ vipassanā attano nāmaṃ maggassa deti, maggo phalassāti idaṃ **āgamanato** nāmaṃ nāma. Evaṃ saṅkhārupekkhā vimokkhavisesaṃ niyametīti.

Evaṃ bhagavatā desite tayo mahāvattukhe vimokkhe uddisitvā taṃniddeavaseneva aparepi vimokkhe niddisitukāmo **apica aṭṭhasaṭṭhi vimokkhā**tiādimāha. Tattha **apicā**ti aparapariyāyadassanaṃ. Kathaṃ te aṭṭhasaṭṭhi hontī, nanu te pañcasattatīti? Saccam yathārutavasena pañcasattati. Bhagavatā pana desite tayo vimokkhe ṭhapetvā aññavimokkhe niddisanato imesaṃ tadavarodhato ca ime tayo na gaṇetabbā, ajjhattavimokkhādayo tayopi vimokkhā catudhā vitthāravacaneyeva antogadhattā na gaṇetabbā, “paṇihito vimokkho, appaṇihito vimokkho”ti ettha appaṇihito vimokkho paṭhamam uddiṭṭhena ekanāmikattā na gaṇetabbo, evaṃ imesu sattasu apanītesu sesā aṭṭhasaṭṭhi vimokkhā honti. Evaṃ sante suññatavimokkhādayo tayo puna kasmā uddiṭṭhāti ce? Uddesena saṅgahetvā tesampi niddesakaraṇattham. Ajjhattavutṭhānādayo pana tayo pabhedam vinā mūlarāsivasena uddiṭṭhā, paṇihitavimokkhapaṭipakkhavasena puna appaṇihito vimokkho uddiṭṭhoti veditabbo.

Ajjhattavutṭhānādīsu ajjhattato vutṭhātīti **ajjhattavutṭhāno**. Anulomentīti **anulomā**. Ajjhattavutṭhānānaṃ paṭippassaddhi apagamā **ajjhattavutṭhānapaṭippassaddhi**. Rūpīti ajjhattam kesādīsu uppāditam rūpajjhānaṃ rūpaṃ, tam rūpamassa atthīti rūpī **rūpāni passatī**ti bahiddhā nīlakasiṇādirūpāni jhānacakkhunā passati. Iminā ajjhattabahiddhāvattukhesu kasiṇesu jhānapaṭilābho dassito. **Ajjhattam arūpasaññī**ti ajjhattam na rūpasaññī, attano kesādīsu anuppāditarūpāvacarajjhānoti attho. Iminā bahiddhā parikkammaṃ katvā bahiddhāva paṭiladdhajjhānatā dassitā. **Subhanteva adhimuttoti** “subha”micceva ārammaṇe adhimutto. Tattha kiñcāpi antoappanāyaṃ “subha”nti ābhogo natthi, yo pana appaṭikūlākārena sattārammaṇaṃ pharanto viharati, so yasmā “subha”nteva adhimutto hoti, tasmā evaṃ uddeso katoti. Appitappitasamaye eva vikkhambhanavimuttisabbhāvato **samayavimokkho**. Soyeva sakiccakaraṇavasena appitasamaye eva niyuttoti **sāmayiko**. Sāmāyikotipi pāṭho. Kopetum bhañjitum sakkuṇeyyatāya **kuppo**. Lokaṃ anatikkamanato loke niyuttoti **lokiko**. Lokiyotipi pāṭho. Lokaṃ uttarati, uttiṇṇoti vā **lokuttaro**. Ārammaṇakaraṇavasena saha āsavehīti **sāsavo**. Ārammaṇakaraṇavasena sampayogavasena ca natthettha āsavāti **anāsavo**. Rūpasaṅkhātena saha āmisenāti **sāmiso**. Sabbaso rūpārūpappahānā nirāmisatopi nirāmisataroti **nirāmisā nirāmisataro**. **Paṇihitoti** taṇhāvasena paṇihito patthito. Ārammaṇakaraṇavasena saññojanehi saṃyuttattā **saññutto**. **Ekattavimokkhoti** kilesehi anajjhāruḷhattā ekasabhāvo vimokkho. **Saññāvimokkhoti** vipassanāññānameva viparītasaññāya vimuccanato saññāvimokkho. Tadeva vipassanāññānaṃ sammohato vimuccanavasena ññānameva vimokkhoti **ññāvimokkho**. **Sītisiyāvimokkhoti** vipassanāññānameva sīti bhavēyyāti pavatto vimokkho sītisiyāvimokkho. Sītisikāvimokkhotipi pāṭho, sītibhāvīkāya vimokkhoti tassa attham vaṇṇayanti. **Jhānavimokkhoti** upacārappanābhedaṃ lokiyalokuttarabhedaṃca jhānameva vimokkho. **Anupādā cittassa vimokkhoti** anupādiyitvā gahaṇaṃ akatvā cittassa vimokkho. Sesam vuttanayeneva veditabbanti.

Vimokkhuddesavaṇṇanā niṭṭhitā.

2. Vimokkhaniddesavaṇṇanā

210. Katamotiādike uddesassa niddese **iti paṭisañcikkhatī**ti evaṃ upaparikkhati. **Suññamidanti** idaṃ khandhapañcakaṃ suññaṃ. Kena suññaṃ? Attena vā attaniyena vā. Tattha **attena vā**ti bālayanaparikkappitassa attano abhāvā tena attanā ca suññaṃ. **Attaniyena vā**ti tassa parikkappitassa attano santakena ca suññaṃ. Attano abhāveneva attaniyābhāvo. Attaniyañca nāma niccaṃ vā siyā sukhaṃ vā, tadubhayampi natthi. Tena niccapaṭikkhepena aniccānupassanā, sukhaṭikkhepena dukkhānupassanā ca vuttā hoti. **Suññamidam attena vā**ti anattānupassanāyeva vuttā. **Soti** so evaṃ tīhi anupassanāhi vipassamāno bhikkhu. **Abhinivesam na karotī**ti anattānupassanāvasena attābhinivesam na karoti.

Nimittam na karotīti aniccānupassanāvasena niccanimittam na karoti. **Paṇidhiṃ na karotīti** dukkhānupassanāvasena paṇidhiṃ na karoti. Ime tayo vimokkhā pariyāyena vipassanākkhaṇe tadaṅgavasenāpi labbhanti, nipariyāyena pana samucchadavasena maggakkhaṇeyeva. Cattāri jhānāni ajjhataṃ nīvaraṇādīhi vuṭṭhānato **ajjhattavuṭṭhāno vimokkho**. Catasso arūpasamāpattiyo ārammaṇehi vuṭṭhānato **bahiddhāvuṭṭhāno vimokkho**. Ārammaṇampi hi bāhirāyatanāni viya idha “bahiddhā”ti vuttaṃ. Ime dve vikkhambhanavimokkhā, dubhato vuṭṭhāno pana samucchadavimokkho.

Nīvaraṇehi vuṭṭhātītiādīhi ajjhattavuṭṭhānaṃ sarūpato vuttaṃ. **Rūpasaññāyāti**ādīhi kasiṇādīārammaṇasamatikkamassa pākāṭattā taṃ avatvā suttantesu vuttarūpasaññādisamatikkamo vutto. **Sakkāyadīṭṭhivicikicchāsīlabbataparāmāsāti** samāsapadaṃ, sakkāyadīṭṭhiyā vicikicchāya sīlabbataparāmāsāti vicchedo. Ayameva vā pāṭho.

211. Vitakko cātiādīhi jhānānaṃ samāpattīnaṃ upacārabhūmiyo vuttā. **Aniccānupassanāti**ādīhi catunnaṃ maggānaṃ pubbabhāgavipassanā vuttā. **Paṭilābho vāti** pañcavidhavasippattiyā byāpito patthaṭo lābhoti paṭilābho. Vasippattiyā hi sabbo jhānapayogo ca samāpattipayogo ca paṭippassaddho hoti, tasmā paṭilābho “paṭippassaddhivimokkho”ti vutto. Vipāko pana jhānassa samāpattiyā ca paṭippassaddhi hotīti ujukameva. Keci pana “upacārapayogassa paṭippassaddhattā jhānassa samāpattiyā ca paṭilābho hoti, tasmā jhānasamāpattipaṭilābho ‘paṭippassaddhivimokkho’ti vuccatī”ti vadanti.

212. Ajjhantanti attānaṃ adhikicca pavattaṃ. **Paccattanti** attānaṃ paṭicca pavattaṃ. Ubhayenāpi niyakajjhattameva dīpeti **nīlanimittanti** nīlameva. **Nīlasaññaṃ paṭilabhatīti** tasmim nīlanimitte nīlamitisaññaṃ paṭilabhati. **Suggahitaṃ karotīti** parikammabhūmiyaṃ suṭṭhu uggahitaṃ karoti. **Sūpadhāritaṃ upadhāretīti** upacārabhūmiyaṃ suṭṭhu upadhāritaṃ katvā upadhāreti. **Svāvathitaṃ avatthāpetīti** appanābhūmiyaṃ suṭṭhu nicchitaṃ nicchināti. Vavatthāpetītipi pāṭho. Ajjhatañhi nīlaparikammaṃ karonto kese vā pitte vā akkhitarākāyaṃ vā karoti. **Bahiddhā nīlanimitteti** nīlapupphanīlavatthanīladhātūnaṃ aññatare nīlakaṣiṇe. **Cittaṃ upasaṃharatīti** cittaṃ upaneti. **Pītādīsūpi** eseva nayo. **Āsevatīti** tameva saññaṃ ādito sevati. **Bhāvetīti** vaḍḍheti. **Bahulikarotīti** punappunaṃ karoti. **Rūpanti** nīlanimittaṃ rūpaṃ. **Rūpasaññīti** tasmim rūpe saññā rūpasaññā, sā assa atthīti rūpasaññā. **Ajjhattaṃ pītanimittādisū** pītaparikammaṃ karonto mede vā chaviyā vā akkhīnaṃ pītaṭṭhāne vā karoti. Lohitaparikammaṃ karonto maṃse vā lohite vā jivhāya vā hatthatalapādātalesu vā akkhīnaṃ rattaṭṭhāne vā karoti. Odātaparikammaṃ karonto aṭṭhimhi vā dante vā nakhe vā akkhīnaṃ setaṭṭhāne vā karoti. **Ajjhattaṃ arūpanti** ajjhattaṃ rūpanimittaṃ natthīti attho.

Mettāsahagatenāti paṭhamadutiyaṭṭiyajjhānavasena mettāya samannāgatena. **Cetasāti** cittena. **Ekam disanti** ekam ekissā disāya paṭhamapariggahitaṃ sattaṃ upādāya ekadisāpariyāpannasattapharaṇavasena vuttaṃ. **Pharivāti** phusitvā ārammaṇaṃ katvā. **Viharatīti** brahmavīhārādhiṭṭhitaṃ iriyāpathavīhāraṃ pavatteti. **Tathā dutiyanti** yathā puratthimādisū yaṃkiñci ekam disaṃ pharivā viharati, tatheva tadanantaraṃ dutiyaṃ tatiyaṃ catutthaṃ vāti attho. **Iti uddhanti** eteneva nayena uparimaṃ disanti vuttaṃ hoti. **Adho tiriyaṃ** adhodisampi tiriyaṃ disampi evameva. Tattha ca **adhoti** heṭṭhā. **Tiriyaṃ** anudisā. Evaṃ sabbadisāsu assamaṇḍalikāya assamiva mettāsahagataṃ cittaṃ sāretipi paccāsāretipīti. Ettāvātā ekamekaṃ disaṃ pariggahetvā odhiso mettāpharaṇaṃ dassitaṃ. **Sabbadhīti**ādī pana anodhiso dassanattaṃ vuttaṃ. Tattha **sabbadhīti** sabbattha. **Sabbattatāyāti** sabbesu hīnamajjhimukkaṭṭhamittasapattamajjhattādiṭṭhādesu attatāya, “ayaṃ parasatto”ti vibhāgaṃ akatvā attasamatāyāti vuttaṃ hoti. Atha vā **sabbattatāyāti** sabbena cittabhāvena, īsakampi bahi avikkhipamānoti vuttaṃ hoti. **Sabbāvantaṃ** sabbasattavantaṃ, sabbasattayuttanti attho. Sabbavantaṃtipi pāṭho. **Lokanti** sattalokaṃ.

Vipulenāti evamādiṭṭhiyāyadassanato panettha puna “mettāsahagatenā”ti vuttaṃ. Yasmā vā ettha odhiso pharaṇe viya puna tathāsaddo vā iti-saddo vā na vutto, tasmā puna “mettāsahagatena cetasā”ti vuttaṃ, nigamanavasena vā etaṃ vuttaṃ. **Vipulenāti** ettha pharaṇavasena vipulatā daṭṭhabbā. Bhūmivasena pana taṃ **mahaggataṃ**. Tañhi kilesavikkhambhanasamatthātāya vipulaphalatāya dīghasantānatāya ca mahantabhāvaṃ gataṃ, mahantehi vā ulāracchandavīriyacittapaññehi gataṃ

paṭipannanti mahaggaṭaṃ. Paṇḍavasena appamāṇasattārammaṇavasena ca **appamāṇaṃ**. Byāpādapaccatthikappahānena **averaṃ**. Domanassappahānato **abyāpajjaṃ**, niddukkanti vuttaṃ hoti. **Appaṭikūlā hontīti** bhikkhuno cittaṃ appaṭikūlā hutvā upaṭṭhahanti. Sesesupi vuttanayeneva karuṇāmuditāupekkhāvasena yojetabbaṃ. Karuṇāya vihesāpaccatthikappahānena averaṃ, muditāya aratipaccatthikappahānena.

Upekkhāsahagatenāti catutthajjhānavasena upekkhāya samannāgatena. Rāgapaccatthikappahānena averaṃ, gehasitasomanassappahānato abyāpajjaṃ. Sabbampi hi akusalaṃ kilesapariḷāhayogato sabyāpajjamevāti ayametesam vireso.

213. Sabbasoti sabbākārena, sabbāsaṃ vā, anavasesānanti attho. **Rūpasaññānanti** saññāsīsenā vuttarūpāvacaṛajjhānānañceva tadārammaṇānañca. Rūpāvacaṛajjhānampi hi rūpanti vuccati “rūpī rūpāni passatī”tiādīsu (paṭi. ma. 1.209; dha. sa. 248), tassa ārammaṇampi bahiddhā rūpāni passati “suvaṇṇadubbaṇṇānī”tiādīsu (dha. sa. 223). Tasmā idha rūpe saññā rūpasaññāti evaṃ saññāsīsenā vuttarūpāvacaṛajjhānassetam adhivacaṇaṃ. Rūpaṃ saññā assatī rūpasaññaṃ, rūpamassa nāmanāti vuttaṃ hoti. Evaṃ pathavīkasiṇādibhedassa tadārammaṇassa cetam adhivacaṇanti veditabbaṃ. **Samatikkamāti** virāgā nirodhā ca. Kiṃ vuttaṃ hoti? Etāsaṃ kusalavipākakiriyāvasena pañcadasannaṃ jhānasaṅkhātānaṃ rūpasaññānaṃ, etesañca pathavīkasiṇādivasena navannaṃ ārammaṇasaṅkhātānaṃ rūpasaññānaṃ sabbākārena, anavasesānaṃ vā virāgā ca nirodhā ca virāgahetu ceva nirodhahetu ca ākāsānañcāyatanam upasampajja viharati. Na hi sakkā sabbaso anatikkantarūpasaññāna etam upasampajja viharitunti. Yasmā pana ārammaṇasamatikkamena pattabbā etā samāpattiyo, na ekasmiṃyeva ārammaṇe paṭhamajjhānādīni viya. ārammaṇe avirattassa ca saññāsamatikkamo na hoti, tasmā ayaṃ ārammaṇasamatikkamavaseṇāpi atthavaṇṇanā katāti veditabbā.

Paṭighasaññānaṃ atthaṅgamāti cakkhādīnaṃ vatthūnaṃ rūpādīnaṃ ārammaṇānañca paṭighātena uppannā saññā paṭighasaññā, rūpasaññādīnaṃ etam adhivacaṇaṃ. Tāsaṃ kusalavipākānaṃ pañcannaṃ, akusalavipākānaṃ pañcannanti sabbaso dasannaṃ paṭighasaññānaṃ atthaṅgamā pahānā asamuppādā, appavattim katvāti vuttaṃ hoti. Kāmañcetā paṭhamajjhānādīni samāpannassapi na santi, na hi tasmim samaye pañcadvārasena cittaṃ pavattati, evaṃ santepi aññattha pahīnaṃ sukhadukkhānaṃ catutthajjhāne viya sakkāyaditthādīnaṃ tatiyamagge viya ca imasmiṃ jhāne ussāhajananattham imassa jhānassa pasamsāvasena etāsaṃ ettha vacanaṃ veditabbaṃ. Atha vā kiñcāpi tā rūpāvacaṇaṃ samāpannassa na santi, atha kho na pahīnattā na santi. Na hi rūpavirāgāya rūpāvacaṇabhāvanā samvattati, rūpāyattāyeva ca etāsaṃ pavatti. Ayaṃ pana bhāvanā rūpavirāgāya samvattati, tasmā tā ettha pahīnāti vuttam vaṭṭati. Na kevalaṇca vuttam, ekasmiṃyeva evaṃ dhāretumpi vaṭṭati. Tāsañhi ito pubbe appahīnattāyeva “paṭhamajjhānaṃ samāpannassa saddo kaṇṭako”ti (a. ni. 10.72) vutto bhagavatā. Idha ca pahīnattāyeva arūpasamāpattīnaṃ āneñjatā santavimokkhatā ca vuttā.

Nānattasaññānaṃ amanasikārāti nānatte vā gocare pavattānaṃ saññānaṃ, nānattānaṃ vā saññānaṃ. Yasmā hetā rūpasaddādibhede nānatte nānāsabhāve gocare pavattanti, yasmā cetā aṭṭha kāmāvacaṇakusalasaññā, dvādasā akusalasaññā, ekādasā kāmāvacaṇakusalavipākasaññā, dve akusalavipākasaññā, ekādasā kāmāvacaṇakiriyāsaññāti evaṃ catucattālīsampi saññā nānattā nānāsabhāvā aññamaññāvisadisā, tasmā “nānattasaññā”ti vuttā. Tāsaṃ sabbaso nānattasaññānaṃ amanasikārā anāvajjanā citte ca anuppādanā. Yasmā tā nāvajjati citte ca na uppādeti na manasikaroti na paccavekkhati, tasmāti vuttaṃ hoti. Yasmā cettha purimā rūpasaññā paṭighasaññā ca iminā jhānena nibbatte bhavēpi na vijjanti, pageva tasmim bhavē imaṃ jhānaṃ upasampajja viharāṇakāle, tasmā tāsaṃ samatikkamā atthaṅgamāti dvedhāpi abhāvoyeva vutto. Nānattasaññāsu pana yasmā aṭṭha kāmāvacaṇakusalasaññā, nava kiriyāsaññā, dasākusalasaññāti imā sattavīsati saññā iminā jhānena nibbatte bhavē vijjanti, tasmā tāsaṃ amanasikārāti vuttanti veditabbaṃ. Tatthāpi hi imaṃ jhānaṃ upasampajja viharanto tāsaṃ amanasikārāyeva upasampajja viharati. Tā pana manasikaronto asamāpanno hotīti. Saṅkhepato cettha “rūpasaññānaṃ samatikkamā”tiiminā sabbarūpāvacaṇadhammānaṃ pahānaṃ vuttaṃ. “Paṭighasaññānaṃ atthaṅgamā nānattasaññānaṃ amanasikārā”tiiminā sabbesaṃ kāmāvacaṇacittacetāsikānaṃ pahānañca amanasikāro ca vuttoti veditabbo.

Ananto ākāsoti ettha paññattimattattā nāssa uppādanto vā vayanto vā paññāyatīti ananto, anantapharaṇavasenāpi ananto. Na hi so yogī ekadesavasena pharati, sakalavaseneva pharati. **Ākāsoti** kasinugghāṭimākāso. **Ākāsānañcāyatanādīni** vuttatthāni. **Upasampajja viharatīti** taṃ patvā nipphādetvā tadanurūpena iriyāpathena viharatī. Tadeva samāpajjitabbato **samāpatti**.

Ākāsānañcāyatanam samatikkammāti pubbe vuttanayena jhānampi ākāsānañcāyatanam ārammaṇampi. Ārammaṇampi hi pubbe vuttanayeneva ākāsānañcam ca taṃ paṭhamassa āruppajjhānassa ārammaṇattā devānam devāyatanam viya adhiṭṭhānaṭṭhena āyatanañcāti ākāsānañcāyatanam, tathā ākāsānañcam ca taṃ tassa jhānassa sañjātihetuttā “kambojā assānam āyatana”ntiādīni viya sañjātidesaṭṭhena āyatanañcātipi ākāsānañcāyatanam. Evametam jhānañca ārammaṇañcāti ubhayampi appavattikaraṇena ca amanasikaraṇena ca samatikkamitvāva yasmā idaṃ viññānañcāyatanam upasampajja vihātabbam, tasmā ubhayampetamekajjham katvā “ākāsānañcāyatanam samatikkammā”ti idaṃ vuttanti veditabbam. **Anantaṃ viññāṇanti** taṃyeva “ananto ākāso”ti pharitvā pavattaṃ viññāṇam “anantaṃ viññāṇa”nti manasikarontoti vuttaṃ hoti. Manasikāravasena vā anantaṃ. So hi taṃ ākāsārammaṇam viññāṇam anavasesato manasikaronto anantaṃ manasi karoti.

Viññānañcāyatanam samatikkammāti etthāpi ca pubbe vuttanayeneva jhānampi viññānañcāyatanam ārammaṇampi. Ārammaṇampi hi pubbe vuttanayeneva viññānañcam ca taṃ dutiyassa āruppajjhānassa ārammaṇattā adhiṭṭhānaṭṭhena āyatanañcāti viññānañcāyatanam, tathā viññānañcam ca taṃ tasseva jhānassa sañjātihetuttā sañjātidesaṭṭhena āyatanañcātipi viññānañcāyatanam. Evametam jhānañca ārammaṇañcāti ubhayampi appavattikaraṇena ca amanasikaraṇena ca samatikkamitvāva yasmā idaṃ ākiñcaññāyatanam upasampajja vihātabbam, tasmā ubhayampetamekajjham katvā “viññānañcāyatanam samatikkammā”ti idaṃ vuttanti veditabbam. **Natthi kiñcīti** natthi natthi, suññaṃ suññaṃ, vivittaṃ vivittanti evaṃ manasikarontoti vuttaṃ hoti.

Ākiñcaññāyatanam samatikkammāti etthāpi pubbe vuttanayeneva jhānampi ākiñcaññāyatanam ārammaṇampi. Ārammaṇampi hi pubbe vuttanayeneva ākiñcaññañca taṃ tatiyassa āruppajjhānassa ārammaṇattā adhiṭṭhānaṭṭhena āyatanañcāti ākiñcaññāyatanam, tathā ākiñcaññañca taṃ tasseva jhānassa sañjātihetuttā sañjātidesaṭṭhena āyatanañcātipi ākiñcaññāyatanam. Evametam jhānañca ārammaṇañcāti ubhayampi appavattikaraṇena ca amanasikaraṇena ca samatikkamitvāva yasmā idaṃ nevasaññānāsaññāyatanam upasampajja vihātabbam, tasmā ubhayampetamekajjham katvā “ākiñcaññāyatanam samatikkammā”ti idaṃ vuttanti veditabbam. Saññāvedayitanirodhakathā heṭṭhā kathitāva.

“Rūpī rūpāni passatī”tiādikā satta vimokkhā paccanīkadhammehi suṭṭhu vimuccanaṭṭhena ārammaṇe abhirativasena suṭṭhu muccanaṭṭhena ca vimokkhā, nirodhasamāpatti pana cittacetāsikehi vimuttaṭṭhena vimokkho. Samāpattisamāpannasamaye vimutto hoti, vuṭṭhitasamaye avimutto hotīti **samayavimokkho**. Samucchedavimuttivasena accantavimuttattā ariyamaggā, paṭippassaddhivimuttivasena accantavimuttattā sāmāññaphalāni, nissaraṇavimuttivasena accantavimuttattā nibbānaṃ **asamayavimokkho**. Tathā **sāmayikāsāmayikavimokkhā**.

Pamādaṃ āgamma parihāyatīti **kuppo**. Tathā na parihāyatīti **akuppo**. Lokāya saṃvattatīti **lokiyo**. Ariyamaggā lokaṃ uttarantīti **lokuttarā**, sāmāññaphalāni nibbānañca lokato uttiṇṇāti lokuttarā. Ādittam ayogulaṃ makkhikā viya tejussadaṃ lokuttaram dhammaṃ āsavā nālabantīti **anāsavo**. **Rūpappaṭisaññuttoti** rūpajjhānāni. **Arūpappaṭisaññuttoti** arūpasamāpattiyo. Taṇhāya ālambito **paṇihito**. Anālambito **appaṇihito**. Maggaphalāni ekārammaṇattā ekaniṭṭhattā ca **ekattavimokkho**, nibbānaṃ adutiyaṭṭā **ekattavimokkho**, ārammaṇanānattā vipākanānattā ca **nānattavimokkho**.

214. Siyāti bhaveyya, dasa hontīti ca eko hotīti ca bhaveyyāti attho. “Siyā”ti ca etaṃ vidhivacanaṃ, na pucchāvacanaṃ. **Vatthuvasenāti** niccasaññādidasavatthuvaseṇa dasa hontī. **Pariyāyenāti** vimuccanapariyāyena eko hoti. **Siyāti kathañca siyāti** yaṃ vā siyāti vihitam, taṃ katham siyāti pucchati. **Aniccānupassanaññāṇanti** samāsapadaṃ. Aniccānupassanaññāṇanti vā pāṭho. Tathā sesesupi. **Niccato**

saññāyāti niccato pavattāya saññāya, “nicca”nti pavattāya saññāyāti attho. Esa nayo **sukhato attato nimittato saññāyāti** etthāpi. **Nimittatoti** ca niccanimittato. **Nandiyā saññāyāti** nandivasena pavattāya saññāya, nandisampayuttāya saññāyāti attho. Esa nayo **rāgato samudayato ādānato pañidhito abhinivesato saññāyāti** etthāpi. Yasmā pana khayavayavipariṇāmānupassanā tisso aniccānupassanādīnaṃ balavabhāvāya balavapaccayabhūtā bhaṅgānupassanāvisesā. Bhaṅgadassanena hi aniccānupassanā balavatī hoti. Aniccānupassanāya ca balavatiyā jātāya “yadaniccaṃ taṃ dukkhaṃ, yaṃ dukkhaṃ tadanattā”ti (saṃ. ni. 3.15) dukkhānattānupassanāpi balavatiyo honti. Tasmā aniccānupassanādīsu vuttāsu tāpi tisso vuttāva honti. Yasmā ca suññatānupassanā “abhinivesato saññāya muccatī”ti vacaneneva sārādānābhinivesasammohābhinivesaālayābhinivesasaññogābhinivesato saññāya muccatīti vuttameva hoti, abhinivesābhāveneva appaṭṭisaṅkhāto saññāya muccatīti vuttameva hoti, tasmā adhipaññādhammavipassanādayo pañcāpi anupassanā na vuttāti veditabbā. Evaṃ aṭṭhārasasu mahāvīpassanāsu etā aṭṭha anupassanā avatvā daseva anupassanā vuttāti veditabbā.

215. Aniccānupassanā yathābhūtaṃ ñāṇanti aniccānupassanāyeva yathābhūtañāṇaṃ. Ubhayampi paccattavacanāṃ. **Yathābhūtañāṇanti** ñāṇattho vutto. Evaṃ sesesupi. **Sammohā aññāṇāti** sammohabhūtā aññāṇā. **Muccatīti** vimokkhattho vutto.

216. Aniccānupassanā anuttaraṃ sītibhāvañāṇanti ettha sāsaneveva sabbhāvato uttamattāhena anuttaraṃ, anuttarassa paccayattā vā anuttaraṃ, sītibhāvo eva ñāṇaṃ sītibhāvañāṇaṃ. Taṃ aniccānupassanāsāṅkhātāṃ anuttaraṃ sītibhāvañāṇaṃ. “Chahi, bhikkhave, dhammehi samannāgato bhikkhu bhabbo anuttaraṃ sītibhāvaṃ sacchikātu”nti (a. ni. 6.85) ettha nibbānaṃ anuttaro sītibhāvo nāma. Idha pana vipassanā anuttaro sītibhāvo. **Niccato santāpapaṭṭhādarathā muccatīti** etthāpi “nicca”nti pavattakilesā eva idha cāmutra ca santāpanaṭṭhena santāpo, paridhanaṭṭhena pariṭṭhā, uṇhaṭṭhena darathoti vuccanti.

217. Nekkhammaṃ jhāyātīti jhānantiādayo heṭṭhā vuttatthā. Nekkhammādiṇi cettha aṭṭha samāpattiyo ca nibbedhabhāgiyāneva.

218. Anupādā cittassa vimokkhoti idha vipassanāyeva. “Etadatthā kathā, etadatthā mantanā, yadidaṃ anupādā cittassa vimokkho”ti (pari. 366; a. ni. 3.68) ettha pana nibbānaṃ anupādā cittassa vimokkho. **Katihupādānehi** katihī upādānehi. **Katamā ekupādānāti** katamato ekupādānato. **Idaṃ ekupādānāti** ito ekato upādānato. **Idanti** pubbañāṇapekkhaṃ vā. Upādānato mucanesu yasmā ādīto saṅkhārānaṃ udayabbayaṃ passivā passivā aniccānupassanāya vipassati, pacchā saṅkhārānaṃ bhaṅgameva passivā animittānupassanāya vipassati. Aniccānupassanāvisesoyeva hi animittānupassanā. Saṅkhārānaṃ udayabbayadassanena ca bhaṅgadassanena ca attābhāvo pākaṭṭho hoti. Tena diṭṭhupādānassa ca attavādupādānassa ca pahānaṃ hoti. Diṭṭhippahāneva ca “sīlabbatena attā sujḥatī”ti dassanassa abhāvato sīlabbatupādānassa pahānaṃ hoti. Yasmā ca anattānupassanāya ujukameva attābhāvaṃ passati, anattānupassanāvisesoyeva ca suññatānupassanā, tasmā imāni cattāri ñāṇāni diṭṭhupādānādīhi tīhi upādānehi muccanti. Dukkānupassanādīnaṃyeva pana catassannaṃ taṇhāya ujuvipaccanīkattā aniccānupassanādīnaṃ catassannaṃ kāmupādānato mucanaṃ na vuttaṃ. Yasmā ādīto dukkhānupassanāya “saṅkhārā dukkhā”ti passato pacchā appaṇihitānupassanāya ca “saṅkhārā dukkhā”ti passato saṅkhārānaṃ patthanā pahīyati. Dukkānupassanāvisesoyeva hi appaṇihitānupassanā. Yasmā ca saṅkhāresu nibbidānupassanāya nibbindantassa virāgānupassanāya virajantassa saṅkhārānaṃ patthanā pahīyati, tasmā imāni cattāri ñāṇāni kāmupādānato muccanti. Yasmā nirodhānupassanāya kilese nirodheti, paṭṭinissaggānupassanāya kilese pariccajati, tasmā imāni dve ñāṇāni catūhi upādānehi muccantīti evaṃ sabhāvanānattena ca ākāraṇānattena ca aṭṭhasaṭṭhi vimokkhā niddiṭṭhā.

219. Idāni ādīto uddiṭṭhānaṃ tiṇṇaṃ vimokkhānaṃ mukhāni dassetvā vimokkhamukhaṃpubbaṅgamaṃ indriyavisesaṃ puggalavisesaṃca dassetukāmo **tīpi kho paṇimānīti**ādimāha. Tattha **vimokkhamukhānīti** tiṇṇaṃ vimokkhānaṃ mukhāni. **Lokaniyyānāya saṃvattantīti** tedhātukalokato niyyānāya niggamaṇāya saṃvattantīti. **Sabbasaṅkhāre paricchedaparivaṭṭumato samanupassanāyāti** sabbesaṃ saṅkhārānaṃ udayabbayavasena paricchedato ceva parivaṭṭumato ca samanupassanāyāya. Lokaniyyānaṃ hotīti

pāthaseso. Aniccānupassanā hi udayato pubbe saṅkhārā natthīti paricchinditvā tesam gatim samannesamānā vayato param na gacchanti, ettheva antaradhāyantīti parivaṭumato pariyantato samanupassati. Sabbasaṅkhārā hi udayena pubbantaparicchinnā, vayena aparantaparicchinnā. **Animittāya ca dhātuyā cittasampakkhandanatāyāti** vipassanākkhaṇepi nibbānaninnatāya animittākārena upaṭṭhānato animittasaṅkhātāya nibbānadhātuyā cittapavisanaṭāya ca lokaniyyānaṃ hoti. **Manosamuttejanatāyāti** cittasaṃvejanatāya. Dukkhanupassanāya hi saṅkhāresu cittaṃ saṃvijjati. **Appaṇihitāya ca dhātuyāti** vipassanākkhaṇepi nibbānaninnatāya appaṇihitākārena upaṭṭhānato appaṇihitasāṅkhātāya nibbānadhātuyā. **Sabbadhammeti** nibbānassa avipassanupagattepi anattasabhāvasabbhāvato “sabbasaṅkhāre”ti avatvā “sabbadhamme”ti vuttaṃ. **Parato samanupassanatāyāti** paccayāyattattā avasatāya avidheyyatāya ca “nāhaṃ na mama”nti evaṃ anattato samanupassanatāya. **Suññatāya ca dhātuyāti** vipassanākkhaṇepi nibbānaninnatāya suññatākārena upaṭṭhānato suññatasaṅkhātāya nibbānadhātuyā. Iti imāni tīṇi vacanāni aniccadukkhanattānupassanānaṃ vasena vuttāni. Teneva tadanantaraṃ **aniccato manasikarototi**ādi vuttaṃ. Tattha **khayatoti** khīyanato. **Bhayatoti** sabhayato. **Suññatoti** attarahitato.

Adhimokkhabahulanti aniccānupassanāya “khaṇabhaṅgavasena saṅkhārā bhijjantī”ti saddhāya paṭipannassa paccakkhato khaṇabhaṅgadassanena “saccaṃ vatāha bhagavā”ti bhagavati saddhāya saddhābahulaṃ cittaṃ hoti. Atha vā paccuppannānaṃ padesaṅkhārānaṃ aniccataṃ passitvā “evaṃ aniccā atītānāgatapaccuppannā sabbe saṅkhārā”ti adhimuccanato adhimokkhabahulaṃ cittaṃ hoti. **Passaddhibahulanti** dukkhanupassanāya cittakkhobhakarāya paṇidhiyā pajahanato cittadarathābhāvena passaddhibahulaṃ cittaṃ hoti. Atha vā dukkhanupassanāya saṃvegajananato saṃviggassa ca yoniso padahanato vikkhepābhāvena passaddhibahulaṃ cittaṃ hoti. **Vedabahulanti** anattānupassanāya bāhirakehi adiṭṭhaṃ gambhīraṃ anattalakkhaṇaṃ passato ñāṇabahulaṃ cittaṃ hoti. Atha vā “sadevakena lokena adiṭṭhaṃ anattalakkhaṇaṃ diṭṭha”nti tuṭṭhassa tuṭṭhibahulaṃ cittaṃ hoti.

Adhimokkhabahulo saddhindriyaṃ paṭilabhatīti pubbabhāge adhimokkho bahulaṃ pavattamāno bhāvanāpāripūriyā saddhindriyaṃ nāma hoti, taṃ so paṭilabhati nāma. **Passaddhibahulo samādhindriyaṃ paṭilabhatīti** pubbabhāge passaddhibahulassa “passaddhakāyo sukhaṃ vedeti, sukhino cittaṃ samādhiyati”ti (paṭi. ma. 1.73; a. ni. 5.26) vacanato bhāvanāpāripūriyā passaddhipaccayā samādhindriyaṃ hoti, taṃ so paṭilabhati nāma. **Vedabahulo paññindriyaṃ paṭilabhatīti** pubbabhāge vedo bahulaṃ pavattamāno bhāvanāpāripūriyā paññindriyaṃ nāma hoti, taṃ so paṭilabhati nāma.

Ādhipateyyaṃ hotīti chandādi ke adhipatibhūtepi sakiccanipphādanavasena adhipati hoti padhāno hoti. **Bhāvanāyāti** bhummavacanaṃ, uparūpari bhāvanatthāya vā. **Tadanvayā hontīti** taṃ anugāminī taṃ anuvattinī honti. **Sahajātapaccayā hontīti** uppajjamānā ca sahauppādanabhāvena upakārakā honti pakāsassa padīpo viya. **Aññamaññapaccayā hontīti** aññamaññaṃ uppādanupatthambhanabhāvena upakārakā honti aññamaññūpatthambhakaṃ tidaṇḍaṃ viya. **Nissayapaccayā hontīti** adhiṭṭhānākārena nissayākārena ca upakārakā honti tarucittakammānaṃ pathavīpaṭādi viya. **Sampayuttapaccayā hontīti** ekavatthukaekārammaṇaekuppādaekanirodhasaṅkhātēna sampayuttabhāvena upakārakā honti.

220. Paṭivedhakāleti maggakkhaṇe saccapaṭivedhakāle. **Paññindriyaṃ ādhipateyyaṃ hotīti** maggakkhaṇe nibbānaṃ ārammaṇaṃ katvā saccadassanakiccakaraṇavasena ca kilesappahānakiccakaraṇavasena ca paññindriyameva jeṭṭhakaṃ hoti. **Paṭivedhāyāti** saccapaṭivijjhanatthāya. **Ekarasāti** vimuttirasena. **Dassanaṭṭhenāti** saccadassanaṭṭhena. **Evaṃ paṭivijjhantopi bhāveti, bhāventopi paṭivijjhatīti** maggakkhaṇe sakimyeva bhāvanāya ca paṭivedhassa ca sabbhāvadassanaṭṭhaṃ vuttaṃ. Anattānupassanāya vipassanākkhaṇepi paññindriyasēva ādhipateyyatā “paṭivedhakālepi”ti apisaddo payutto.

221. Aniccato manasikaroto katamindriyaṃ adhimattaṃ hotītiādi indriyavisesena puggalavisesaṃ dassetuṃ vuttaṃ. Tattha **adhimattanti** adhikaṃ. Tattha saddhindriyasamādhindriyapaññindriyānaṃ adhimattatā saṅkhārupekkhāya veditabbā. **Saddhāvimuttoti** ettha avisesetvā vuttepi upari visesetvā vuttattā sotāpattimaggaṃ ṭhapetvā sesesu sattasu ṭhānesu

saddhāvimuttoti vuttaṃ hoti. Saddhāvimutto saddhindriyassa adhimattattā hoti, na saddhindriyassa adhimattattā sabbattha saddhāvimuttotipi vuttaṃ hoti. Soṭāpattimaggakkhaṇe saddhindriyassa adhimattattāyeva sesesu samādhindriyapaññindriyādhimattattepi sati saddhāvimuttōyeva nāma hotīti vadanti. **Kāyasakkhī hotīti** aṭṭhasupi ṭhānesu kāyasakkhī nāma hoti. **Diṭṭhippattro hotīti** saddhāvimutte vuttanayeneva vedittabbaṃ.

Saddahanto vimuttoti saddhāvimuttoti saddhindriyassa adhimattattā soṭāpattimaggakkhaṇe saddahanto catūsipi phalakkhaṇesu vimuttoti saddhāvimuttoti vuttaṃ hoti. Uparimaggattayakkhaṇe saddhāvimuttattaṃ idāni vakkhati. Soṭāpattimaggakkhaṇe pana saddhānusārittaṃ pacchā vakkhati. **Phuṭṭhattā sacchikatoti kāyasakkhīti** sukkhavipassakatte sati upacārajjhānaphassassa rūpārūpajjhānalābhitte sati rūpārūpajjhānaphassassa phuṭṭhattā nibbānaṃ sacchikatoti kāyasakkhī, nāmakāyena vuttappakāre jhānaphasse ca nibbāne ca sakkhīti vuttaṃ hoti. **Diṭṭhattā pattoti diṭṭhippattoti** soṭāpattimaggakkhaṇe sampayuttana paññindriyena paṭhamam nibbānassa diṭṭhattā pacchā soṭāpattiphalādivasena nibbānaṃ pattoti diṭṭhippattro, paññindriyasankhātāya diṭṭhiyā nibbānaṃ pattoti vuttaṃ hoti. Soṭāpattimaggakkhaṇe pana dhammānusārittaṃ pacchā vakkhati. **Saddahanto vimuccatīti saddhāvimuttoti** saddhindriyassa adhimattattā sakadāgāmianāgāmīarahattamaggakkhaṇesu saddahanto vimuccatīti saddhāvimutto. Ettha vimuccamānopi āsaṃsāya bhūtavacanavasena “vimutto”ti vutto. **Jhānaphassanti** tividhaṃ jhānaphassaṃ. “Jhānaphassa”ntiādīni “dukkhā sankhārā”tiādīni ca paṭhamam vuttaṃ dvayameva visesetvā vuttāni. **Nātam hotīti**ādīni heṭṭhā vuttatthāni. Ettha ca jhānalābhī puggalo samādhindriyassa anukūlāya dukkhānupassanāya eva vuṭṭahitvā maggaphalāni pāpuṇātīti ācariyānaṃ adhippāyo.

Siyāti siyumaṃ, bhaveyyunti attho. “Siyā”ti etaṃ vidhivacanameva. **Tayo puggalāti** vipassanāniyamena indriyaniyamena ca vuttā tayo puggalā. **Vatthuvasenāti** tīsu anupassanāsu ekekāndriyavattuvasena. **Pariyāyenāti** teneva pariyāyena. Iminā vārena kiṃ dassitaṃ hoti? Heṭṭhā ekekissā anupassanāya ekekassa indriyassa ādhipaccaṃ yebhuyyavasena vuttanti ca, kadāci tīsupi anupassanāsu eekasseva indriyassa ādhipaccaṃ hotīti ca dassitaṃ hoti. Atha vā pubbhāgavipassanākkhaṇe tissannampi anupassanānaṃ sabbhāvato tāsu pubbhāgavipassanāsu tesam tesam indriyānaṃ ādhipaccaṃ apekkhitvā maggaphalakkhaṇesu saddhāvimuttādīni nāmāni hotīti. Evañhi vuccamāne heṭṭhā vuṭṭhānagāminivipassanāya upari ca kato indriyādhippaccapuggalāniyamo sukatoyeva nicaloyeva ca hoti. Anantaravāre **siyāti aññoyevāti** evaṃ siyāti attho. Ettha pubbe vuttoyeva niyamo.

Idāni maggaphalavasena puggalavisesaṃ vibhajitvā dassetuṃ **aniccato manasikaroto...pe...** **soṭāpattimaggam paṭilabhatīti**ādīmāha. Tattha saddhaṃ anussarati anugacchati, saddhāya vā nibbānaṃ anussarati anugacchatīti **saddhānusārī**. **Sacchikatanti** paccakkhakataṃ. **Arahattanti** arahattaphalaṃ. Paññāsaṅkhātāṃ dhammaṃ anussarati, tena vā dhammena nibbānaṃ anussaratīti **dhammānusārī**.

222. Puna aparehi pariyāyehi indriyattayavisesena puggalavisesaṃ vaṇṇetukāmo **ye hi kecīti**ādīmāha. Tattha **bhāvītā vāti** atīte bhāvayīṃsu vā. **Bhāventi vāti** paccuppanne. **Bhāvissanti vāti** anāgate. **Adhigatā vāti**ādī ekekantikaṃ purimassa purimassa atthavivaraṇatthaṃ vuttaṃ. **Phassitā vāti** nīṇaphusanāya phusiṃsu vā. **Vasippattāti** issarabhāvaṃ pattā. **Pāramippattāti** vosānaṃ pattā. **Vesārajappattāti** visāradabhāvaṃ pattā. Sabbattha saddhāvimuttādayo heṭṭhā vuttakkhaṇesuyeva, satipaṭṭhānādayo maggakkhaṇeyeva. **Aṭṭha vimokkheti** “rūpi rūpāni passati”tiādike (paṭi. ma. 1.209; dha. sa. 248) paṭisambhidāmaggapattiyā eva pattā.

Tisso sikkhāti adhisīlasikkhā adhicittasikkhā adhipaññāsikkhā maggappattā eva sikkhamānā. **Dukkhaṃ parijānantīti**ādīni maggakkhaṇeyeva. **Pariññāpaṭivedhaṃ paṭivijjhatīti** pariññāpaṭivedhena paṭivijjhāti, pariññāya paṭivijjhatabbanti vā pariññāpaṭivedhaṃ. Evaṃ sesesupi. Sabbadhammādīhi visesetvā **abhiññāpaṭivedhā**dayo vuttā. **Sacchikiriyāpaṭivedho** pana maggakkhaṇeyeva nibbānapaccavekkhaṇāñānasiddhivasena vedittabboti. Evamidha pañca ariyapuggalā niddiṭṭhā honti, ubhatobhāgavimutto ca paññāvimutto cāti ime dve aniddiṭṭhā. Aññattha (visuddhi. 2.773) pana “yo pana dukkhato manasikaronto passaddhibahulo samādhindriyaṃ paṭilabhati, so sabbattha kāyasakkhī nāma hoti,

arūpajjhānaṃ pana patvā aggaphalaṃ patto ubhatobhāgavimutto nāma hoti. Yo pana anattato manasikaronto vedabahulo paññindriyaṃ paṭilabhāti, sotāpattimaggaṃ dhammānusārī hoti, chasu ṭhānesu diṭṭhippatto, aggaphale paññāvimutto”ti vuttaṃ. Te idha kāyasakkhidiṭṭhippattehiyeva saṅgahitā. Aththato pana arūpajjhānena ceva ariyamaggena cāti ubhatobhāgena vimuttoti ubhatobhāgavimutto. Pajānanto vimuttoti paññāvimuttoti. Ettāvataṃ indriyapuggalavisesā niddiṭṭhā honti.

223-226. Idāni vimokkhapubbaṅgamameva vimokkhavisesaṃ puggalavisesaṃ dassetukāmo **aniccato manasikarototi**tiādīmāha. Tattha **dve vimokkhā**ti appaṇihitasuññatavimokkhā. Aniccānupassanāgamanavasena hi animittavimokkhoti laddhanāmo maggo rāgadosamohapaṇidhīnaṃ abhāvā saguṇato ca tesameva paṇidhīnaṃ abhāvā appaṇihitanti laddhanāmaṃ nibbānaṃ ārammaṇaṃ karotīti ārammaṇato ca appaṇihitavimokkhoti nāmampi labhati. Tathā rāgadosamohehi suññatā saguṇato ca rāgādīhiyeva suññatā suññatanti laddhanāmaṃ nibbānaṃ ārammaṇaṃ karotīti ārammaṇato ca suññatavimokkhoti nāmampi labhati. Tasmā te dve vimokkhā animittavimokkhanvayā nāma honti. Animittamaggato anaññepi aṭṭhannaṃ maggaṅgānaṃ ekekassa maggaṅgassa vasena sahaṃjātādīpaccayā ca hontīti veditabbā. Puna **dve vimokkhā**ti suññatānimittavimokkhā. Dukkhanupassanāgamanavasena hi appaṇihitavimokkhoti laddhanāmo maggo rūpanimittādīnaṃ rāganimittādīnaṃ niccanimittādīnaṃ abhāvā saguṇato ca tesameva nimittānaṃ abhāvā animittasaṅkhātānaṃ nibbānaṃ ārammaṇaṃ karotīti ārammaṇato ca animittavimokkhoti nāmampi labhati. Sesam vuttanayeneva yojetabbaṃ. Puna **dve vimokkhā**ti animittappaṇihitavimokkhā. Yojanā panettha vuttanayā eva.

Paṭivedhakāleti indriyānaṃ vuttakkameneva vuttaṃ. Maggakkhaṇaṃ pana muñcitvā vipassanākkhaṇe vimokkho nāma natthi. Paṭhamam vuttoyeva pana maggavimokkho “paṭivedhakāle”ti vacanena visesetvā dassito. “Yo cāyaṃ puggalo saddhāvimutto”tiādīkā dve vārā ca “aniccato manasikaronto sotāpattimaggaṃ paṭilabhāti”tiādīko vāro ca saṅkhitto, vimokkhavasena pana yojetvā vitthārato veditabbo. **Ye hi keci nekkhammanti**tiādīko vāro vuttanayeneva veditabboti. Ettāvataṃ vimokkhapuggalavisesā niddiṭṭhā hontīti.

227. Puna vimokkhamukhāni ca vimokkhe ca anekadhā niddisitukāmo **aniccato manasikarontoti**tiādīmāha. Tattha **yathābhū**tanti yathāsabhāvena. **Jānā**tīti ñāṇena jānāti. **Passatī**ti teneva ñāṇena cakkhunā viya passatī. **Tadanvayenā**ti tadanugamanena, tassa paccakkhato ñāṇena diṭṭhassa anugamanenāti attho. **Kaṅkhā pahī**yatīti aniccānupassanāya niccāniccakaṅkhā, itarāhi itarakaṅkhā. **Nimittanti** santatighanavinibbhogena niccasaññāya pahīnattā ārammaṇabhūtaṃ saṅkhāranimittaṃ yathābhūtaṃ jānāti. **Tena vuccati sammā**dassananti tena yathābhūtajānanena taṃ ñāṇaṃ “sammādasana”nti vuccati. **Pavattanti** dukkhappattākāre sukhasaññaṃ ugghāṭetvā sukhasaññāya pahānena paṇidhisāṅkhātāya taṃhāya pahīnattā sukhasammatampi vipākapavattaṃ yathābhūtaṃ jānāti. **Nimittaṅca pavattaṅcā**ti nānādhātumanasikārasambhavena samūhaghanavinibbhogena ubhayathāpi attasaññāya pahīnattā saṅkhāranimittaṅca vipākapavattaṅca yathābhūtaṃ jānāti. **Yaṅca yathābhūtaṃ ñāṇanti**tiādittayaṃ idāni vuttameva, na aññaṃ. **Bhayato upaṭṭhā**tīti niccasukhaattābhāvadassanato yathākkamaṃ taṃ taṃ bhayato upaṭṭhāti. **Yā ca bhayatupaṭṭhāne paññā**tiādīnā “udayabbayānupassanāññaṃ bhaṅgānupassanāññaṃ bhayatupaṭṭhānaññaṃ ādīnavānupassanāññaṃ nibbidānupassanāññaṃ muñcitukamyatāññaṃ paṭisaṅkhānupassanāññaṃ saṅkhārupekkhāññaṃ anulomañña”nti vuttasu paṭipadāññadassanavisuddhisāṅkhātesu navasu vipassanāññesu bhayatupaṭṭhānasambandhena avatthābhedenā bhinnāni ekaṭṭhāni tīṇi ñāṇāni vuttāni, na sesāni.

Puna tīsu anupassanāsu ante ṭhitāya anantarāya anattānupassanāya sambandhena tāya saha suññatānupassanāya ekaṭṭhataṃ dassetuṃ **yā ca anattānupassanā yā ca suññatānupassanā**tiādīmāha. Imāni hi dve ñāṇāni atthato ekameva, avatthābhedenā pana bhinnāni. Yathā ca imāni, tathā aniccānupassanā ca animittānupassanā ca atthato ekameva ñāṇaṃ, dukkhanupassanā ca appaṇihitānupassanā ca atthato ekameva ñāṇaṃ, kevalam avatthābhedeneva bhinnāni. Anattānupassanāsuññatānupassanānaṃ ekaṭṭhatāya vuttāya tesam dvinnam dvinnampi ñāṇaṃ ekalakkhaṇattā ekaṭṭhatā vuttāva hotīti. **Nimittaṃ paṭisaṅkhā ñāṇaṃ uppajjati**ti “saṅkhāranimittaṃ addhavaṃ tāvakālika”nti aniccalakkhaṇavasena jānitvā ñāṇaṃ uppajjati. Kāmaṅca na paṭhamam jānitvā

pacchā ñāṇaṃ uppajjati, vohārasena pana ‘‘manañca paṭicca dhamme ca uppajjati manoviññāṇa’’ntiādīni (saṃ. ni. 4.60; ma. ni. 1.400; 3.421) viya evaṃ vuccati. Saddasatthavidūpi ca ‘‘ādiccaṃ pāpuṇitvā tamo vigacchatī’’tiādīsu viya samānakālepi imaṃ padaṃ icchanti. Ekattanayena vā purimañca pacchimañca ekaṃ katvā evaṃ vuttanti veditabbaṃ. Iminā nayena itarasmimpi padadvaye attho veditabbo. **Muñcītukamyatādīnaṃ tiṇṇaṃ ñāṇaṃ ekaṭṭhatā heṭṭhā vuttanayā eva.**

Nimittā cittaṃ vuṭṭhātī saṅkhāranimittē dosadassanena tattha anallīnatāya saṅkhāranimittā cittaṃ vuṭṭhātī nāma. **Animittē cittaṃ pakkhandatī** saṅkhāranimittapaṭipakkhena animittasaṅkhāte nibbāne tanninatāya cittaṃ pavisati. Sesānupassanādvayepi iminā nayena attho veditabbo. **Nirodhe nibbānadhātuyā**ti idha vutteneva paṭhamānupassanādvayampi vuttameva hoti. Nirodhetipi pāṭho. **Bahiddhāvutṭhānavivaṭṭane paññā**ti vuṭṭhānasambandhena gotrabhuññaṃ vuttaṃ. **Gotrabhū dhammā**ti gotrabhuññaṃeva. Itarathā hi ekaṭṭhatā na yujjati. ‘‘Asaṅkhatā dhammā, appaccayā dhammā’’tiādīsu (dha. sa. dukamātikā 7, 8) viya vā catumaggavasena vā bahuvacanaṃ katanti veditabbaṃ. Yasmā vimokkhoti maggo, maggo ca dubhatovuṭṭhāno, tasmā tena sambandhena **yā ca dubhatovuṭṭhānavivaṭṭane paññā**tiādī vuttaṃ.

228. Puna vimokkhānaṃ nānākkhaṇānaṃ ekakkhaṇapariyāyaṃ dassetukāmo **katihākārehī**tiādīmāha. Tattha **ādhipateyyaṭṭhenā**ti jeṭṭhakaṭṭhena. **Adhiṭṭhānaṭṭhenā**ti paṭiṭṭhānaṭṭhena. **Abhinīhāraṭṭhenā**ti vipassanāvīthito nīharaṇaṭṭhena. **Niyyānaṭṭhenā**ti nibbānupagamaṇaṭṭhena. **Aniccato manasikarototi** vuṭṭhānagāminivipassanākkhaṇeyeva. **Animitto vimokkhoti** maggakkhaṇeyeva. Esa nayo sesesu. **Cittaṃ adhiṭṭhātī** cittaṃ adhikaṃ katvā ṭhātī, cittaṃ paṭiṭṭhāpetīti adhippāyo. **Cittaṃ abhinīharatī**ti vipassanāvīthito cittaṃ nīharatī. **Nirodhaṃ nibbānaṃ niyyātī**ti nirodhasaṅkhātaṃ nibbānaṃ upagacchatīti evaṃ ākāraṇānattato catudhā nānākkhaṇatā dassitā.

Ekakkhaṇatāya **samodhānaṭṭhenā**ti ekajjhaṃ samosaraṇaṭṭhena. **Adhigamaṇaṭṭhenā**ti vindanaṭṭhena. **Paṭilābhaṭṭhenā**ti pāpuṇanaṭṭhena. **Paṭivedhaṭṭhenā**ti ñāṇena paṭivijjanaṭṭhena. **Sacchikiriyāṭṭhenā**ti paccakkhakaṇaṭṭhena. **Phassanaṭṭhenā**ti ñāṇaphusaṇāya phusaṇaṭṭhena. **Abhisamayaṭṭhenā**ti abhimukhaṃ samāgamaṇaṭṭhena. Ettha ‘‘samodhānaṭṭhenā’’ti mūlapadaṃ, sesāni adhigamavevacanāni. Tasmāyeva hi sabbesaṃ ekato vissajjanaṃ kataṃ. **Nimittā muccatī**ti niccanimittato muccati. Iminā vimokkhaṭṭho vutto. **Yato muccatī**ti yato nimittato muccati. **Tattha na paṇidahaṭṭī**ti tasmim nimitte patthanaṃ na karoti. **Yattha na paṇidahaṭṭī**ti yasmim nimitte na paṇidahaṭṭī. **Tena suññoti** tena nimittena suñño. **Yena suññoti** yena nimittena suñño. **Tena nimittena animittoti** iminā animittaṭṭho vutto.

Paṇidhiyā muccatīti paṇidhito muccati. ‘‘Paṇidhi muccatī’’ti pāṭho nissakkatthoyeva. Iminā vimokkhaṭṭho vutto. **Yattha na paṇidahaṭṭī**ti yasmim dukkhe na paṇidahaṭṭī. **Tena suññoti** tena dukkhena suñño. **Yena suññoti** yena dukkhanimittena suñño. **Yena nimittēnā**ti yena dukkhanimittena. **Tattha na paṇidahaṭṭī**ti iminā appaṇihitaṭṭho vutto. **Abhinivesā muccatī**ti iminā vimokkhaṭṭho vutto. **Yena suññoti** yena abhinivesanimittena suñño. **Yena nimittēnā**ti yena abhinivesanimittena. **Yattha na paṇidahaṭṭī, tena suññoti** yasmim abhinivesanimittē na paṇidahaṭṭī, tena abhinivesanimittena suñño. Iminā suññataṭṭho vutto.

229. Puna aṭṭhavimokkhādīni niddisitukāmo **atthi vimokkhoti**tiādīmāha. Tattha **niccato abhinivesā**tiādīni saññāvimokkhe vuttanayena veditabbāni. **Sabbābhinivesehī**ti vuttappakārehi abhinivesehi. Iti abhinivesamuccanavasena suññatavimokkhā nāma jātā, teyeva niccādinimittamuccanavasena animittavimokkhā, niccantiādipaṇidhīhi muccanavasena appaṇihitavimokkhā. Ettha ca **paṇidhi muccatī**ti sabbattha nissakkattho veditabbo. Paṇidhiyā muccatīti vā pāṭho. ‘‘Sabbapaṇidhīhi muccatī’’ti cettha sādhaṃ. Evaṃ tisso anupassanā tadaṅgavimokkhattā ca samucchedavimokkhassa paccayattā ca pariyaṇena vimokkhātī vuttā.

230. Tattha jātāti anantare vipassanāvimokkhepi sati imissā kathāya maggavimokkhādhikāratā tasmim maggavimokkhe jātāti vuttaṃ hoti. **Anavajjakusalā**ti rāgādivajjavirahitā kusalā. Vicchedaṃ katvā vā pāṭho. **Bodhipakkhiyā dhammā**ti ‘‘cattāro satipaṭṭhānā, cattāro sammappadhānā, cattāro iddhipādā,

pañcendriyāni, pañca balāni, satta bojjhaṅgā, ariyo aṭṭhaṅgiko maggo’’ti (ma. ni. 3.35, 43; cūḷani. mettagūmaṇavapucchāniddeśa 22; mi. pa. 5.4.1) vuttā sattatiṃsa bodhipakkhiyadhammā. **Idaṃ mukhanti** idaṃ vuttappakāraṃ dhammajātaṃ ārammaṇato nibbānapavesāya mukhattā mukhaṃ nāmāti vuttaṃ hoti. **Tesaṃ dhammānanti** tesaṃ bodhipakkhiyānaṃ dhammānaṃ. **Idaṃ vimokkhamukhanti** nibbānaṃ vikkhambhanatadaṅgasamucchedapaṭippassaddhinissaraṇavimokkhesu nissaraṇavimokkhova, ‘‘yāvata, bhikkhave, dhammā saṅkhatā vā asaṅkhatā vā, virāgo tesaṃ dhammānaṃ aggamakkhāyati’’ti (itivu. 90; a. ni. 4.34) vuttattā uttamaṭṭhena mukhañcāti vimokkhamukhaṃ. Vimokkhañca taṃ mukhañca vimokkhamukhanti kammadhārayasamāsavasena ayameva attho vutto. **Vimokkhañcāti** ettha līngavipallāso kato. **Tīṇi akusalamūlānīti** lobhadosaṃmohā. **Tīṇi duccharitānīti** kāyavacīmanoduccharitāni. **Sabbepi akusalā dhammāti** akusalamūlehi sampayuttā duccharitehi sampayuttā ca asampayuttā ca sevītabbādomanassādīni ṭhapetvā sabbepi akusalā dhammā. **Kusalamūlasucaritāni** vuttapaṭipakkhena vedītabbāni. **Sabbepi kusalā dhammāti** vuttanayeneva sampayuttā asampayuttā ca vimokkhassa upanissayabhūtā sabbepi kusalā dhammā. Vivatṭakathā heṭṭhā vuttā. Vimokkhavivaṭṭasambandhena panettha sesavivaṭṭāpi vuttā. **Āsevanāti** ādito sevanā. **Bhāvanāti** tasseva vadḍhanā. **Bahulikammanti** tasseva vasippattiyā punappunaṃ karaṇaṃ. Maggassa pana ekakkhaṇeyeva kiccaśādhanavasena āsevanādīni vedītabbāni. **Paṭilābho vā vipāko vāti**ādīni heṭṭhā vuttatthānevāti.

Vimokkhaniddesavaṇṇanā niṭṭhitā.

Saddhammapakāsiniyā paṭisambhidāmagga-aṭṭhakathāya

Vimokkhakathāvaṇṇanā niṭṭhitā.

6. Gatikathā

Gatikathāvaṇṇanā

231. Idāni tassā vimokkhuppattiyā hetubhūtaṃ hetusampattiṃ dassentena kathitāya gatikathāya apubbatthānuvaṇṇanā. Duhetukapaṭisandhikassāpi hi ‘‘natthi jhānaṃ apaññassā’’ti (dha. pa. 372) vacanato jhānampi na uppajjati, kiṃ pana vimokkho. Tattha **gatisampattiyaṭi** nirayatiracchānayanipettivisayamanussadevasaṅkhātāsu pañcasu gatīsu manussadevasaṅkhātāya gatisampattiyā. Etena purimā tisso gativipattiyō paṭikkhipati. Gatiyā sampatti gatisampatti, sugatīti vuttaṃ hoti. **Gatīti** ca saḥokāsā khandhā. Pañcasu ca gatīsu pattivisayaggahaṇeneva asurakāyopi gahito. **Devāti** cha kāmāvacaradevā brahmāno ca. Devaggahaṇena asurāpi saṅgahitā. **Ñāṇasampayutteti** ñāṇasampayuttapaṭisandhikkhaṇe. Khaṇopi hi ñāṇasampayuttayogena teneva vohārena vuttoti vedītabbo. **Katīnaṃ hetūnanti** alobhādosāṃmohahetūsu katīnaṃ hetūnaṃ. **Upapattīti** upapajjanaṃ, nibbatīti attho.

Yasmā pana suddakulajātāpi tihetukā honti, tasmā te sandhāya paṭhamapucchā. Yasmā ca yebhuyyena mahāpuññā tīsu mahāsālakulesu jāyanti, tasmā tesaṃ tiṇṇaṃ kulānaṃ vasena tisso pucchā. Pāṭho pana saṅkhitto. Mahatī sālā etesanti mahāsālā, mahāgharā mahāvībhavāti attho. Atha vā mahā sāro etesanti mahāsārāti vattabbe ra-kārassa la-kāraṃ katvā ‘‘mahāsālā’’ti vuttaṃ. Khattiyā mahāsālā, khattiyesu vā mahāsālāti **khattiyamahāsālā**. Sesesupī eseva nayo. Tattha yassa khattiyassa gehe pacchimantena koṭisatāṃ dhanāṃ nidhānagataṃ hoti, kahāpaṇānañca vīsati ambaṇāni divasaṃ valañje nikkhamanti, ayaṃ **khattiyamahāsālo** nāma. Yassa brāhmaṇassa gehe pacchimantena asītikoṭidhanāṃ nidhānagataṃ hoti, kahāpaṇānañca dasa ambaṇāni divasaṃ valañje nikkhamanti, ayaṃ **brāhmaṇamahāsālo** nāma. Yassa gahapatissa gehe pacchimantena cattālīsakoṭidhanāṃ nidhānagataṃ hoti, kahāpaṇānañca pañca ambaṇāni divasaṃ valañje nikkhamanti, ayaṃ **gahapatimahāsālo** nāma.

Rūpāvacarānaṃ arūpāvacarānañca ekantatihetukattā ‘‘ñāṇasampayutte’’ti na vuttaṃ, manussesu pana duhetukāhetukānañca sabbhāvato, kāmāvacaresu devesu duhetukānañca sabbhāvato sesesu ‘‘ñāṇasampayutte’’ti vuttaṃ. Ettha ca kāmāvacaradevā pañcakāmaguṇaratiyā kīḷanti, sarīrajutiyā ca

jotantīti **devā**, rūpāvacarabrahmāno jhānaratiyā kīlanti, sarīrajutiyā ca jotantīti devā, arūpāvacarabrahmāno jhānaratiyā kīlanti, ñāṇajutiyā ca jotantīti devā.

232. Kusalakammassa javanakkhaṇeti atītajātiyā idha tihetukapaṭisandhijanakkassa tihetukakāmāvacarakusalakammassa ca javanavīthiyaṃ punappunaṃ uppattivāsena sattavāraṃ javanakkhaṇe, pavattanakāleti attho. **Tayo hetū kusalāti** alobho kusalahetu adoso kusalahetu amoho kusalahetu. **Tasmim khāṇe jātacetanāyāti** tasmim vuttakkhaṇeyeva jātāya kusalacetanāya. **Sahajātapaccayā hontīti** uppajjamānā ca sahauppādanabhāvena upakārakā hontī. **Tena vuccatīti** tena sahajātapaccayabhāveneva vuccatī. **Kusalamūlapaccayāpi saṅkhārāti** ekacittakkhaṇikapaccayākāranayena vuttaṃ. “Saṅkhārā”ti ca bahuvacanena tattha saṅkhārakkhandhasaṅgahitā sabbe cetasikā gahitāti vedītabbaṃ. Apisaddena saṅkhārapaccayāpi kusalamūlānītipi vuttaṃ hoti.

Nikantikkhāṇeti attano vipākaṃ dātuṃ paccupaṭṭhitakamme vā tathā paccupaṭṭhitakammena upaṭṭhāpīte kammanimitte vā gatinimitte vā uppajjamānānaṃ nikantikkhāṇe. **Nikantīti** nikāmanā patthanā. Āsannamaraṇassa hi mohena ākulacittatā avīcijālāyapi nikanti uppajjati, kiṃ pana sesesu nimittesu. **Dve hetūti** lobho akusalahetu moho akusalahetu. Bhavanikanti pana paṭisandhianantaram pavattabhavaṅgavīthito vuṭṭhitamattasseva attano khandhasantānaṃ ārabba sabbesampi uppajjati. “Yassa vā pana yattha akusalā dhammā na uppajjittha, tassa tattha kusalā dhammā na uppajjitthāti āmantā”ti evamādi idameva sandhāya vuttaṃ. **Tasmim khāṇe jātacetanāyāti** akusalacetanāya.

Paṭisandhikkhaṇeti tena kammena gahitapaṭisandhikkhaṇe. **Tayo hetūti** alobho abyākatahetu adoso abyākatahetu amoho abyākatahetu. **Tasmim khāṇe jātacetanāyāti** vipākābyākataacetanāya. **Nāmarūpapaccayāpi viññāṇanti** ettha tasmim paṭisandhikkhaṇe tayo vipākahetū sesacetasikā ca nāmaṃ, hadayavattu rūpaṃ. Tato nāmarūpapaccayatopi paṭisandhiviññāṇaṃ pavattati. **Viññāṇapaccayāpi nāmarūpanti** etthāpi nāmaṃ vuttappakārameva, rūpaṃ pana idha sahetukamanussapaṭisandhiyā adhippetatā gabbhaseyyakānaṃ vatthudasakaṃ kāyadasakaṃ bhāvadasakanti samatiṃsa rūpāni, saṃsedajānaṃ opapātikānaṃca paripuṇṇāyatanānaṃ cakkhudasakaṃ sotadasakaṃ ghānadasakaṃ jivhādasakaṃcāti samasattati rūpāni. Taṃ vuttappakāraṃ nāmarūpaṃ paṭisandhikkhaṇe paṭisandhiviññāṇapaccayā pavattati.

Pañcakkhandhāti ettha paṭisandhicittena paṭisandhikkhaṇe labbhamānāni rūpāni rūpakkhandho, sahajātā vedanā vedanākkhandho, saññā saññākkhandho, sesacetasikā saṅkhārakkhandho, paṭisandhicittaṃ viññāṇakkhandho. **Sahajātapaccayā hontīti** cattāro arūpino khandhā aññamaññaṃ sahajātapaccayā hontī, rūpakkhandhe cattāro mahābhūtā aññamaññaṃ sahajātapaccayā hontī, arūpino khandhā ca hadayarūpaṃca aññamaññaṃ sahajātapaccayā hontī, mahābhūtāpi upādārūpānaṃ sahajātapaccayā hontī. **Aññamaññapaccayā hontīti** aññamaññaṃ uppādanupatthambhanabhāvena upakārakā hontī, cattāro arūpino khandhā ca aññamaññapaccayā hontī, cattāro mahābhūtā aññamaññapaccayā hontī. **Nissayapaccayā hontīti** adhiṭṭhānākārena nissayākārena ca upakārakā hontī, cattāro arūpino khandhā ca aññamaññaṃ nissayapaccayā hontīti sahajātā viya vitthāretabbā. **Vippayuttapaccayā hontīti** ekavatthukādibhāvānupagamanena vippayuttabhāvena upakārakā hontī, arūpino khandhā paṭisandhirūpānaṃ vippayuttapaccayā hontī, hadayarūpaṃ arūpīnaṃ khandhānaṃ vippayuttapaccayo hoti. “Pañcakkhandhā”ti hettha evaṃ yathālābhavasena vuttaṃ.

Cattāro mahābhūtāti ettha tayo paccayā paṭhamaṃ vuttāyeva. **Tayo jīvitasāṅkhārāti** āyu ca usmā ca viññāṇaṃca. **Āyūti** rūpajīvitindriyaṃ arūpajīvitindriyaṃca. **Usmāti** tejodhātu. **Viññāṇanti** paṭisandhiviññāṇaṃ. Etāni hi uparūpari jīvitasāṅkhāraṃ saṅkharonti pavattentīti jīvitasāṅkhārā. **Sahajātapaccayā hontīti** arūpajīvitindriyaṃ paṭisandhiviññāṇaṃca sampayuttakānaṃ khandhānaṃca hadayarūpassa ca aññamaññasahajātapaccayā hontī, tejodhātu tiṇṇaṃ mahābhūtānaṃ aññamaññasahajātapaccayo hoti, upādārūpānaṃ sahajātapaccayova, rūpajīvitindriyaṃ sahajātarūpānaṃ pariāyena sahajātapaccayo hotīti vedītabbaṃ. **Aññamaññapaccayā hontī, nissayapaccayā hontīti** dvayaṃ arūpajīvitindriyaṃ paṭisandhiviññāṇaṃca sampayuttakhandhānaṃ aññamaññapaccayā hontī.

Aññamaññanissayapaccayā hontīti vuttanayeneva yojetvā veditabbaṃ. **Vippayuttapaccayā hontīti** arūpajīvitindriyaṃ paṭisandhiviññāṇaṃ paṭisandhirūpānaṃ vippayuttapaccayā honti. Rūpajīvitindriyaṃ pana aññamaññanissayavippayuttapaccayatte na yujjati. Tasmā “tayo jīvitasāṅkhārā”ti yathālābhavasena vuttaṃ. Nāmaṇca rūpaṇca vuttanayeneva catupaccayatte yojetabbaṃ. **Cuddasa dhammāti** pañcakkhandhā, cattāro mahābhūtā, tayo jīvitasāṅkhārā, nāmaṇca rūpaṇcāti evaṃ gaṇanāvasena cuddasa dhammā. Tesaṇca upari aññesaṇca sahaajātādipaccayabhāvo vuttanayo eva. **Sampayuttapaccayā hontīti** puna ekavattukaekārammaṇaekuppādaekanirodhasāṅkhātena sampayuttabhāvena upakārakā honti.

Pañcindriyānīti saddhindriyādīni. **Nāmaṇcāti** idha vedanādayo tayo khandhā. **Viññāṇaṇcāti** paṭisandhiviññāṇaṃ. Puna **cuddasa dhammāti** cattāro khandhā, pañcindriyāni, tayo hetū, nāmaṇca viññāṇaṇcāti evaṃ gaṇanāvasena cuddasa dhammā. **Aṭṭhavīsati dhammāti** purimā ca cuddasa, ime ca cuddasāti aṭṭhavīsati. Idha rūpassāpi pavīṭṭhattā sampayuttapaccayaṃ apanetvā vippayuttapaccayo vutto.

Evaṃ paṭisandhikkhaṇe vijjamānassa tassa tassa paccayuppannassa dhammassa taṃ taṃ paccayabhedam dassetvā paṭhamam niddiṭṭhe hetū nigametvā dassento **imesam aṭṭhannaṃ hetūnaṃ paccayā upapatti hotīti** āha. Kammāyūhanakkhaṇe tayo kusalahetū, nikantikkhaṇe dve akusalahetū, paṭisandhikkhaṇe tayo abyākatahetūti evaṃ aṭṭha hetū. Tattha tayo kusalahetū, dve akusalahetū ca idha paṭisandhikkhaṇe pavattiyā upanissayapaccayā honti. Tayo abyākatahetū yathāyogaṃ hetupaccayasahaajātapaccayavasena paccayā honti. Sesavāresupi eseva nayo.

Arūpāvācarānaṃ pana rūpābhāvā **nāmapaccayāpi viññāṇam, viññāṇapaccayāpi nāmantī** vuttaṃ. Rūpamissakacuddasakopi ca parihīno. Tassa parihīnattā “aṭṭhavīsati dhammā”ti vāro ca na labbhati.

233. Idāni vimokkassa paccayabhūtaṃ tihetukapaṭisandhiṃ dassetvā teneva sambandhena duhetukapaṭisandhivisesaṇca dassetukāmo **gatisampattiyā ñānavippayutteti**ādīmāha. **Kusalakammaṃ javanakkhaṇeti** atītajātiyā idha paṭisandhijanakkassa duhetukakusalakammaṃ vuttanayeneva javanakkhaṇe. **Dve hetūti** ñānavippayuttattā alobho kusalahetu adoso kusalahetu. Dve abyākatahetūpi alobhādosāyeva.

Cattāri indriyānīti paññindriyavajjāni saddhindriyādīni cattāri. **Dvādasa dhammāti** paññindriyassa amohahetussa ca parihīnattā dvādasa. Tesaṃ dvinnāmyeva parihīnattā chabbīsati. **Channaṃ hetūnanti** dvinnaṃ kusalahetūnaṃ, dvinnaṃ akusalahetūnaṃ, dvinnaṃ vipākahetūnanti evaṃ channaṃ hetūnaṃ. Rūpārūpāvācarā panettha ekantatihetukattā na gahitā. Sesam paṭhamavāre vuttanayeneva veditabbaṃ. Imasmiṃ vāre duhetukapaṭisandhiyā duhetukakammaṃ vuttattā tihetukakammaṃ duhetukapaṭisandhi na hotīti vuttaṃ hoti. Tasmā yaṃ dhammasāṅgahaṭṭhakathāyaṃ (dha. sa. aṭṭha. 498) tipīṭakamahādhammarakkhitattheravāde “tihetukakammaṃ paṭisandhi tihetukāva hoti, duhetukāhetukā na hoti. Duhetukakammaṃ duhetukāhetukā hoti, tihetukā na hoti”ti vuttaṃ, taṃ imāya pāliyā sameti. Yaṃ pana tipīṭakacūlanāgattherassa ca moravāpivāsimahādattattherassa ca vādesu “tihetukakammaṃ paṭisandhi tihetukāpi hoti duhetukāpi, ahetukā na hoti. Duhetukakammaṃ duhetukāpi hoti ahetukāpi, tihetukā na hoti”ti vuttaṃ, taṃ imāya pāliyā viruddham viya dissati. Imissā kathāya hetuadhikāratā ahetukapaṭisandhi na vuttāti.

Gatikathāvaṇṇanā niṭṭhitā.

7. Kammakathāvaṇṇanā

Kammakathāvaṇṇanā

234. Idāni tassā hetusampattiyā paccayabhūtaṃ kammaṃ dassentena kathitāya kammakathāya apubbathānuvaṇṇanā. Tattha **ahosi kammaṃ ahosi kammavipākoti**ādīsu atītabhavesu katassa kammaṃ atītabhavesuyeva vipakkavipākaṃ gahetvā “ahosi kammaṃ ahosi kammavipāko”ti vuttaṃ. Tasseva

atītassa kammassa diṭṭhadhammavedanīyassa upapajjavedanīyassa ca paccayavekallena atītabhavesuyeva avipakkavipākañca atīteyeva parinibbutassa ca diṭṭhadhammavedanīyaupapajjavedanīyaaparapariyāyavedanīyassa kammassa avipakkavipākañca gahetvā **ahosi kammaṃ nāhosi kammavipākoti** vuttaṃ. Atītasveva kammassa avipakkavipākassa paccuppannabhava paccayasampattiyā vipaccamānaṃ vipākaṃ gahetvā **ahosi kammaṃ atthi kammavipākoti** vuttaṃ. Atītasveva kammassa atikkantavipākakālassa ca paccuppannabhava parinibbāyantassa ca avipaccamānaṃ vipākaṃ gahetvā **ahosi kammaṃ natthi kammavipākoti** vuttaṃ. Atītasveva kammassa vipākārahassa avipakkavipākassa anāgate bhava paccayasampattiyā vipaccitabbaṃ vipākaṃ gahetvā **ahosi kammaṃ bhavissati kammavipākoti** vuttaṃ. Atītasveva kammassa atikkantavipākakālassa ca anāgatabhave parinibbāyitabbassa ca avipaccitabbaṃ vipākaṃ gahetvā **ahosi kammaṃ na bhavissati kammavipākoti** vuttaṃ. Evaṃ atītakammaṃ atītapaccuppannānāgatavipākāvīpākavasena chadhā dassitaṃ.

Paccuppannabhava katassa diṭṭhadhammavedanīyassa kammassa idheva vipaccamānaṃ vipākaṃ gahetvā **atthi kammaṃ atthi kammavipākoti** vuttaṃ. Tasseva paccuppannassa kammassa paccayavekallena idha avipaccamānañca diṭṭheva dhamme parinibbāyantassa idha avipaccamānañca vipākaṃ gahetvā **atthi kammaṃ natthi kammavipākoti** vuttaṃ. Paccuppannasveva kammassa upapajjavedanīyassa ca aparapariyāyavedanīyassa ca anāgatabhave vipaccitabbaṃ vipākaṃ gahetvā **atthi kammaṃ bhavissati kammavipākoti** vuttaṃ. Paccuppannasveva kammassa upapajjavedanīyassa paccayavekallena anāgatabhave avipaccitabbañca anāgatabhave parinibbāyitabbassa aparapariyāyavedanīyassa avipaccitabbañca vipākaṃ gahetvā **atthi kammaṃ na bhavissati kammavipākoti** vuttaṃ. Evaṃ paccuppannakammaṃ paccuppannānāgatavipākāvīpākavasena catudhā dassitaṃ.

Anāgatabhave kātabbassa kammassa anāgatabhave vipaccitabbaṃ vipākaṃ gahetvā **bhavissati kammaṃ bhavissati kammavipākoti** vuttaṃ. Tasseva anāgatassa kammassa paccayavekallena avipaccitabbañca anāgatabhave parinibbāyitabbassa avipaccitabbañca vipākaṃ gahetvā **bhavissati kammaṃ na bhavissati kammavipākoti** vuttaṃ. Evaṃ anāgatakammaṃ anāgatavipākāvīpākavasena dvidhā dassitaṃ. Taṃ sabbaṃ ekato katvā dvādasavidhena kammaṃ dassitaṃ hoti.

Imasmim̐ ṭhāne ṭhatvā tīṇi kammacatukkāni āharitvā vuccanti – tesu hi vuttesu ayamatto pākaṭataro bhavissatīti. Catubbidhañhi kammaṃ diṭṭhadhammavedanīyaṃ upapajjavedanīyaṃ aparapariyāyavedanīyaṃ ahosikammanti. Tesu ekajavanavīthiyaṃ sattasu cītesu kusalā vā akusalā vā paṭhamajavanacetanā **diṭṭhadhammavedanīyakammaṃ** nāma. Taṃ imasmim̐yeva attabhāve vipākaṃ deti. Tathā asakkontaṃ pana “ahosi kammaṃ nāhosi kammavipāko, na bhavissati kammavipāko, natthi kammavipāko”ti imassa tikassa vasena **ahosikammaṃ** nāma hoti. Atthasādhikā pana sattamajavanacetanā **upapajjavedanīyakammaṃ** nāma. Taṃ anantare attabhāve vipākaṃ deti. Tathā asakkontaṃ vuttanayeneva ahosikammaṃ nāma hoti. Ubhinnaṃ antare pana pañcājavanacetanā aparapariyāyavedanīyakammaṃ nāma. Taṃ anāgate yadā okāsaṃ labhati, tadā vipākaṃ deti. Sati saṃsārappavattiyā ahosikammaṃ nāma na hoti.

Aparampi catubbidhaṃ kammaṃ yaggarukaṃ yabbahulaṃ yadāsannaṃ kaṭattā vā pana kammanti. Tattha kusalaṃ vā hotu akusalaṃ vā, garukāgarukesu yaṃ garukaṃ mātughātādikammaṃ vā mahaggatakammaṃ vā, tadeva paṭhamaṃ vipaccati. Tathā bahulābahulesupi yaṃ bahulaṃ hoti susīlyaṃ vā dussīlyaṃ vā, tadeva paṭhamaṃ vipaccati. Yadāsannaṃ nāma maraṇakāle anussaritakammaṃ vā katakammaṃ vā. Yañhi āsannamaraṇe anussarituṃ sakkoti kātuṃ vā, teneva upapajjati. Etehi pana tīhi muttaṃ punappunaṃ laddhāsevanaṃ kaṭattā vā pana kammaṃ nāma hoti. Tesam̐ abhāve taṃ paṭisandhiṃ ākaḍḍhati.

Aparaṃ vā catubbidhaṃ kammaṃ janakaṃ upatthambhakaṃ upapīlakaṃ upaghātakanti. Tattha **janakaṃ** nāma kusalampi hoti akusalampi. Taṃ paṭisandhiyaṃ pavattepi rūpārūpavipākaṃ janeti. **Upatthambhakaṃ** pana janetuṃ na sakkoti, aññena kammaṃ dinnāya paṭisandhiyā janite vipāke

uppajjanakasukhadukkhaṃ upatthambheti, addhānaṃ pavatteti. **Upapīlakam** aññena kammena dinnāya paṭisandhiyā janite vipāke uppajjanakasukhadukkhaṃ pīleti bādhati, addhānaṃ pavattitum na deti. **Upaghātakam** pana kusalampi akusalampi samānaṃ aññaṃ dubbalakammaṃ ghātetvā tassa vipākaṃ paṭibāhitvā attano vipākassa okāsaṃ karoti. Evaṃ pana kammena kate okāse taṃ vipākaṃ uppannaṃ nāma vuccati.

Iti imesaṃ dvādasannaṃ kammānaṃ kammantarañca vipākantarañca buddhānaṃ kammavipākaññasseva yāthāvasarasato pākaṭaṃ hoti asādhāraṇaṃ sāvakehi. Vipassakena pana kammantaraṃ vipākantarañca ekadesato jānitabbaṃ. Tasmā ayaṃ mukhamattadassanena kammaviseso pakāsitoti.

235. Evaṃ suddhikakammavasena paṭhamavāraṃ vatvā tadeva kammaṃ dvidhā vibhajitvā kusalākusalādiyugalavasena dasahi pariyaeyehi apare dasa vārā vuttā. Tattha ārogyaṭṭhena **kusalam**, anārogyaṭṭhena **akusalam**, idaṃ dukkaṃ jātivaseṇa vuttaṃ. Akusalameva rāgādidosasaṃyogena **sāvajjam**, kusalam tadabhāvena **anavajjam**. Akusalam aparisuddhattā, kaṇhābhijātihetuttā vā **kaṇham**, kusalam parisuddhattā, sukkābhijātihetuttā vā **sukkam**. Kusalam sukhavuddhimattā **sukhudrayam**, akusalam dukkhavuddhimattā **dukkhudrayam**. Kusalam sukhaphalavattā **sukhavipākam**, akusalam dukkhaphalavattā **dukkhavipākanti** evametesam nānakāro veditabboti.

Kammakathāvaṇṇanā niṭṭhitā.

8. Vipallāsakathā

Vipallāsakathāvaṇṇanā

236. Idāni tassa kammaṃ paccayabhūte vipallāse dassentena kathitāya suttantapubbaṅgamāya vipallāsakathāya apubbathānuvaṇṇanā. Suttante tāva **saññāvipallāsoti** saññāya vipallatthabhāvā viparītabhāvā, viparītasaññāti attho. Sesadvayesupi eseṇa nayo. Cittakiccassa dubbalatṭhāne diṭṭhivirahitāya akusalasaññāya sakakiccassa balavakāle **saññāvipallāso**. Diṭṭhivirahitasseva akusalacittassa sakakiccassa balavakāle **cittavipallāso**. Diṭṭhisampayutte citte **diṭṭhivipallāso**. Tasmā sabbadubbalo saññāvipallāso, tato balavataro cittavipallāso, sabbabalavataro diṭṭhivipallāso. Ajātabuddhidāraṇassa kahāpaṇadassanaṃ viya hi saññā ārammaṇassa upaṭṭhānākāramattaggahaṇato. Gāmikapurisassa kahāpaṇadassanaṃ viya cittaṃ lakkhaṇapaṭivedhassāpi sampāpanato. Kammārasa mahāsaṇḍāsena ayogahaṇaṃ viya diṭṭhi abhinivissa parāmasanato. **Anicce niccanti saññāvipallāsoti** anicce vatthusmiṃ “niccaṃ ida”nti evaṃ gahetvā uppajjanakasaññā saññāvipallāso. Iminā nayena sabbapadesu attho veditabbo. **Na saññāvipallāso na cittavipallāso na diṭṭhivipallāsoti** catūsu vatthūsu dvādasannaṃ vipallāsaggāhānaṃ abhāvā yāthāvaggahaṇaṃ vuttaṃ.

Gāthāsu **anattani ca attāti** anattani attāti evaṃsaññinoti attho. **Micchādiṭṭhihatāti** na kevalaṃ saññinova, saññāya viya uppajjamānāya micchādiṭṭhiyāpi hatā. **Khittacittāti** saññādiṭṭhihi viya uppajjamānena khittena vibbhantena cittaṃ samannāgatā. **Visaññinoti** desanāmettaṃ, viparītasaññācittadiṭṭhinoti attho. Atha vā saññāpubbaṅgamattā diṭṭhiyā paṭhamam catūhi padehi saññāvipallāso vutto, tato **micchādiṭṭhihatāti** diṭṭhivipallāso, **khittacittāti** cittavipallāso. **Visaññinoti** tīhi vipallāsaggāhehi pakatisaññāvirahitā moḥam gatā “mucchito visavegena, visaññī samapajjathā”tiettha (jā. 2.22.328) viya. **Te yogayuttā mārassāti** te janā sattā mārassa yoge yuttā nāma honti. **Ayogakkheminoti** catūhi yogehi tīhi khemaṃ nibbānaṃ appattā. **Sattā gacchanti saṃsāranti** teyeva puggalā saṃsāraṃ saṃsaranti. Kasmā? **Jātimaraṇagāmino** hi te, tasmā saṃsarantīti attho. **Buddhāti** catusaccabuddhā sabbāññuno. Kālattayasādhāraṇavasena bahuvacanaṃ. **Lokasminti** okāsaloke. **Pabhaṅkarāti** lokassa paññālokaṃ karā. **Imaṃ dhammaṃ pakāsenti** vipallāsappahānaṃ dhammaṃ jotenti. **Dukkūpasamaḡāminanti** dukkhavūpasamaṃ nibbānaṃ gacchantam. **Tesaṃ sutvānāti** tesam buddhānaṃ dhammaṃ sutvāna. **Sappaññāti** bhābhābhūtā paññavanto. **Sacittam paccaladdhūti**

vipallāsavajjitam sakacittam paṭilabhitvā. Paṭialaddhūti padacchedo. Atha vā paṭilabhiṃsu paṭialaddhūti padacchedo. **Aniccato dakkhūti** aniccavaseneva addasaṃsu. **Anattani anattāti** anattānam anattāti addakkhū. Atha vā anattani vatthusmiṃ attā natthīti addakkhū. **Sammādiṭṭhisamādānāti** gahitasammādassanā. **Sabbaṃ dukkhaṃ upaccagūti** sakalaṃ vaṭṭadukkhaṃ samatikkantā.

Pahīnāpahīnapucchāya **diṭṭhisampannassāti** sotāpannassa. **Dukkhe sukhanti saññā uppajjati.** **Cittam uppajjati**ti mohakālussiyassa appahīnattā saññāmatam vā cittamatam vā uppajjati, anāgāmissapi uppajjati, kiṃ pana sotāpannassa. Ime dve arahatoyeva pahīnā. **Asubhe subhanti saññā uppajjati.** **Cittam uppajjati**ti sakadāgāmissapi uppajjati, kiṃ pana sotāpannassa. Ime dve anāgāmissa pahīnāti aṭṭhakathāyaṃ vuttam. Tasmā idaṃ dvayaṃ sotāpannasakadāgāmino sandhāya vuttanti veditabbaṃ. Anāgāmino kāmarāgassa pahīnattā “asubhe subha”nti saññācittavipallāsānañca pahānaṃ vuttanti veditabbaṃ. **Dvīsu vatthūsūti**ādīhi padehi pahīnāpahīne nigamtvā dasseti. Tattha “anicce nicca”nti, “anattani attā”ti imesu dvīsu vatthūsū cha vipallāsā pahīnā. “Dukkhe sukha”nti, “asubhe subha”nti imesu dvīsu vatthūsū dve diṭṭhivipallāsā pahīnā. Kesuci potthakesu dveti paṭhamam likhitam, pacchā chāti. **Catūsū vatthūsūti** cattāri ekato katvā vuttam. **Aṭṭhāti** dvīsu cha, dvīsu dveti aṭṭha. **Cattāro**ti dukkhāsuhavattūsū ekekasmīṃ dve dve saññācittavipallāsāti cattāro. Kesuci potthakesu “cha dvīsū”ti vuttaṭṭhānesupi evameva likhitanti.

Vipallāsakathāvaṇṇanā niṭṭhitā.

9. Maggkathā

Maggkathāvaṇṇanā

237. Idāni tesam tiṇṇam vipallāsānam pahānakaram ariyamaggaṃ dassentena kathitāya maggkathāya apubbattānuvaṇṇanā. Tattha **maggoti kenatṭhena maggoti** yo buddhasāsane maggoti vuccati, so kenatṭhena maggo nāma hotīti attho. **Micchādiṭṭhiyā pahānāyāti**ādīsu dasasu pariyaesu paṭhamo paṭhamo tassa tassa maggaṅgassa ujuvipaccanīkavasena vutto. **Maggo ceva hetu cāti** tassa tassa kiccassa karaṇāya paṭipadaṭṭhena maggo, sampāpakaṭṭhena hetu. Tena maggassa paṭipadaṭṭho sampāpakaṭṭho ca vutto hoti. “Ayaṃ maggo ayaṃ paṭipadā”tiādīsu (saṃ. ni. 5.5, 48) hi paṭipadā maggo, “maggassa niyyānaṭṭho hetuṭṭho”tiādīsu (paṭi. ma. 2.8) sampāpako hetu. Evaṃ dvīhi dvīhi padehi “maggoti kenatṭhena maggo”ti pucchāya vissajjanam kataṃ hoti. **Sahajātānam dhammānam upatthambhanāyāti** attanā sahajātānam arūpadhammānam sahajātānaññamaññanissayādi bhāvena upatthambhanabhāvāya. **Kilesānam pariyaḍānāyāti** tamtam maggavajjhānam vuttāvesakilesānam khepanāya. **Paṭivedhādivisodhanāyāti** ettha yasmā “ko cādi kusalānam dhammānam, sīlañca suvisuddham diṭṭhi ca ujukā”ti (saṃ. ni. 5.369, 381) vacanato sīlañca diṭṭhi ca saccapaṭivedhassa ādi. So ca ādimaggakkhaṇe visujjhati. Tasmā “paṭivedhādivisodhanāyā”ti vuttam. **Cittassa adhiṭṭhānāyāti** sampayuttacittassa sakakicce paṭiṭṭhānāya. **Cittassa vodānāyāti** cittassa parisuddhabhāvāya. **Visesādhigamāyāti** lokiyato visesapaṭilābhāya. **Uttari paṭivedhāyāti** lokiyato uttari paṭivijjhanatthāya. **Saccābhisamayāyāti** catunnam saccānam ekābhisamayāya kiccānipphattivasena ekapaṭivedhāya. **Nirodhe paṭiṭṭhāpanāyāti** cittassa vā puggalassa vā nibbāne paṭiṭṭhāpanatthāya. Sakadāgāmi maggakkhaṇādīsu aṭṭha maggaṅgāni ekato katvā tamtam maggavajjhakilesappahānaṃ vuttam. Evaṃ vacane karaṇam heṭṭhā vuttameva. Yasmā uparūparimaggēnāpi suṭṭhu ādivisodhanā suṭṭhu cittavodānañca hoti, tasmā tānīpi padāni vuttāni.

Dassanamaggotiādīhi yāva pariyaṇā tassa dhammassa lakkhaṇavasena maggaṭṭho vutto. Tāni sabbānīpi padāni abhiññeyyaniddese vuttatthāneva. Evamettha yathāsambhavaṃ lokiyalokuttaro maggo niddiṭṭho. **Hetuṭṭhena maggoti** ca aṭṭhaṅgiko maggo niddiṭṭho. Nipariyaṃ maggattā cassa puna “maggo”ti na vuttam. **Ādhipateyyaṭṭhena indriyāti** ādīni ca indriyādinam atthavasena vuttāni, na maggaṭṭhavasena. **Saccānīti** cettha saccañānāni. Sabbepi te dhammā nibbānassa paṭipadaṭṭhena **maggo**. Ante vuttam **nibbānam** pana saṃsāradukkhabhībūtehi dukkhanissaraṇatthikehi sappurisehi maggiyati

gavesīyatīti **maggoti** vuttanti veditabbanti.

Maggakathāvaṇṇanā niṭṭhitā.

10. Maṇḍapeyyakathā

Maṇḍapeyyakathāvaṇṇanā

238. Idāni tassa maggassa maṇḍapeyyattam dassentena kathitāya bhagavato vacanekadesapubbaṅgamāya maṇḍapeyyakathāya apubbatthānuvaṇṇanā. Tatha **maṇḍapeyyanti** yathā sampannam nimmalam vipasannaṃ sappi sappimaṇḍoti vuccati, evaṃ vipasannaṭṭhena maṇḍo, pātabbatṭhena peyyaṃ. Yañhi pivitvā antaravīthiyaṃ patitā visaññino attano sātakādīnampi assāmikā honti, taṃ pasannampi na pātabbam. Mayhaṃ pana idaṃ sikkhattayasaṅgahitaṃ sāsana brahmacariyaṃ sampannattā nimmalattā vipasannattā maṇḍaṅca hitasukhāvahattā peyyaṅcāti maṇḍapeyyanti dīpeti. Maṇḍo peyyo etthāti maṇḍapeyyaṃ. Kiṃ taṃ? Sāsana **brahmacariyaṃ**. Kasmā sikkhattayaṃ brahmacariyaṃ nāma? Uttamaṭṭhena nibbānaṃ brahmaṃ nāma, sikkhattayaṃ nibbānatthāya pavattanato brahmatthāya cariyāti brahmacariyanti vuccati. Sāsana brahmacariyanti taṃyeva. **Satthā sammukhībhūtoti** idamettha kāraṇavacanam. Yasmā pana satthā sammukhībhūto, tasmā vīriyapayogaṃ katvā pivathetaṃ maṇḍam. Bāhirakañhi bhesajjamaṇḍam vejjassa asamukhā pivantānaṃ pamānaṃ vā uggamananiggamanaṃ vā na jānāmāti āsaṅkā hoti. Vejjassa sammukhā pana vejjo jānissatīti nirāsaṅkā pivanti. Evamevaṃ amhākaṅca dhammassāmī satthā sammukhībhūtoti vīriyaṃ katvā pivathāti maṇḍapāne sanniyojeti. Diṭṭhadhammikasamparāyikaparamatthehi yathārahaṃ anusāsati satthā. Apica “satthā bhagavā satthavāho”tiādīnā (mahāni. 190) niddeśanayenapettha attho veditabbo. Sandissamāno mukho bhūtoti sammukhībhūto.

Maṇḍapeyyaniddese **tidhattamaṇḍoti** tidhābhāvo tidhattam. Tidhattena maṇḍo tidhattamaṇḍo, tividhena maṇḍoti attho. **Satthari sammukhībhūtet**i idaṃ sabbākāraparipuṇṇamaṇḍattayadassanattham vuttam. Parinibbutepi pana satthari ekadesena maṇḍattayaṃ pavattatiyeva. Teneva cassa niddese “satthari sammukhībhūte”ti avatvā **katamo desanāmaṇḍoti**adi vuttanti veditabbam.

Desanāmaṇḍoti dhammadesanā eva maṇḍo. **Paṭiggahamaṇḍoti** desanāpaṭiggāhako eva maṇḍo. **Brahmacariyamaṇḍoti** maggabrahmacariyameva maṇḍo.

Ācikkhanāti desetabbānaṃ saccādīnaṃ imāni nāmānīti nāmavasena kathanā. **Desanāti** dassanā. **Paññāpanāti** jānāpanā, ñāṇamukhe ṭhapanā vā. Āsanaṃ ṭhapento hi “āsanaṃ paññāpetī”ti vuccati. **Paṭṭhapanāti** paññāpanā, pavattanāti attho, ñāṇamukhe ṭhapanā vā. **Vivaraṇāti** vivaṭakaraṇam, vivaritvā dassanāti attho. **Vibhajanāti** vibhāgakiriyā, vibhāgato dassanāti attho. **Uttānikammanti** pākaṭabhāvakaraṇam. Atha vā **ācikkhanāti** desanādīnaṃ channaṃ padānaṃ mūlapadaṃ. Desanādīni cha padāni tassa atthavivaraṇattham vuttāni. Tatha **desanāti** ugghaṭitaññūnaṃ vasena saṅkhepato paṭhamam uddesavasena desanā. Ugghaṭitaññū hi saṅkhepena vuttam paṭhamam vuttaṅca paṭivijjhanti. **Paññāpanāti** vipaṅcitaññūnaṃ vasena tesam cittatosanena buddhinisānena ca paṭhamam saṅkhittassa vitthārato niddesavasena paññāpanā. **Paṭṭhapanāti** tesameva niddiṭṭhassa niddesassa paṭiniddesavasena vitthārataravacanena paññāpanā. **Vivaraṇāti** niddiṭṭhassāpi punappunaṃ vacanena vivaraṇā. **Vibhajanāti** punappunaṃ vuttassāpi vibhāgakaraṇena vibhajanā. **Uttānikammanti** vivaṭassa vitthārataravacanena, vibhattassa ca nidassanavacanena uttānikaraṇam. Ayaṃ desanā neyyānampi paṭivedhāya hoti. **Yevāpanaṅñepi kecīti** piyaṅkaramāṭadikā vinipātikā gahitā. **Viññātāro**ti paṭivedhavasena lokuttaradhammaṃ viññātāro. Ete hi bhikkhūdayo paṭivedhavasena dhammadesanaṃ paṭiggāṇantīti **paṭiggahā**. **Ayamevāti**ādīni paṭhamaññāniddese vuttatthāni. Ariyamaggo nibbānena saṃsandanato brahmatthāya cariyāti **brahmacariyanti** vuccati.

239. Idāni **adhimokkhamāṇḍoti**ādīhi tasmim maggakkhaṇe vijjamānāni

indriyabalabojjhaṅgamaggaṅgāni maṇḍapeyyavidhāne yojetvā dasseti. Tattha **adhimokkhamañḍoti** adhimokkhasaṅkhāto maṇḍo. **Kasaṭoti** pasādavirahito āvilo. **Chaḍḍetvā**ti samucchavedavasena pahāya. **Saddhindriyassa adhimokkhamañḍam pivatīti maṇḍapeyyanti** saddhindriyato adhimokkhamañḍassa anaññattepi sati aññaṃ viya katvā vohāravasena vuccati, yathā loke nisadapotako nisadapotasarīrassa anaññattepi sati nisadapotassa sarīranti vuccati, yathā ca pāḷiyam “phusitatta”ntiādīsu dhammato anaññopi bhāvo añño viya vutto, yathā ca aṭṭhakathāyam “phusanalakkhaṇo phasso”tiādīsu (dha. sa. aṭṭha. 1 dhammuddesavāra phassapañcamakarāsivaṇṇanā) dhammato anaññampi lakkhaṇam aññaṃ viya vuttam, evamidanti veditabbam. **Pivatīti** cettha taṃsamaṅgipuggaloti vuttam hoti. Taṃsamaṅgipuggalo tam maṇḍam pivatīti katvā tena puggalena so maṇḍo pātabbato maṇḍapeyyam nāma hotīti vuttam hoti. “Maṇḍapeyyo”ti ca vattabbe “maṇḍapeyya”nti liṅgavipallāso kato. Sesānampi iminā nayena attho veditabbo. Apubbesu pana **pariḷāhoti** piṇanalakkhaṇāya pītiyā paṭipakkho kilesasantāpo. **Duṭṭhullanti** upasamaṭipakkho kilesavasena oḷārikabhāvo asantabhāvo. **Appaṭisaṅkhāti** paṭisaṅkhānapaṭipakkho kilesavasena asamavāhitabhāvo.

240. Puna aññena pariyāyena maṇḍapeyyavidhiṃ niddisitukāmo **atthi maṇḍoti**ādīmāha. Tattha **tatthā**ti tasmim saddhindriye. **Attharasoti**ādīsu saddhindriyassa adhimuccanam attho, saddhindriyam dhammo, tadeva nānākilesehi vimuttatā vimutti, tassa atthassa sampatti **attharaso**. Tassa dhammassa sampatti **dhammaraso**. Tassā vimuttiyā sampatti **vimuttiraso**. Atha vā atthapaṭilābharati attharaso, dhammapaṭilābharati dhammaraso, vimuttiapaṭilābharati vimuttiraso. **Ratīti** ca taṃsamyuttā, tadārammaṇā vā pīti. Iminā nayena sesapadesupi attho veditabbo. Imasmim pariyāye maṇḍassa peyyam maṇḍapeyyanti attho vutto hoti.

Evam indriyādibodhipakkiyadhammapaṭipāṭiyā indriyabalabojjhaṅgamaggaṅgānam vasena maṇḍapeyyam dassetvā puna ante ṭhitam brahmacariyamaṇḍam dassento maggassa padhānattā maggam pubbaṅgamam katvā uppaṭipāṭivasena maggaṅgabojjhaṅgabalaṅdriyāni dassesi. **Ādhipateyyaṭṭhena indriyā maṇḍoti**ādayo yathāyogam lokiyalokuttarā maṇḍā. Tam heṭṭhā vuttanayena veditabbam. **Tathaṭṭhena saccā maṇḍoti** ettha pana dukkhasamudayānam maṇḍattābhāvā mahāhatthipadasutte (ma. ni. 1.300) viya saccañāṇāni saccāti vuttanti veditabbam.

Saddhammapakāsiniyā paṭisambhidāmagga-aṭṭhakathāya

Maṇḍapeyyakathāvaṇṇanā niṭṭhitā.

Niṭṭhitā ca mahāvaggavaṇṇanā.

(2) Yuganaddhavaggo

1. Yuganaddhakathā

Yuganaddhakathāvaṇṇanā

1. Idāni maṇḍapeyyaguṇassa ariyamaggassa yuganaddhaguṇam dassentena kathitāya suttantapubbaṅgamāya yuganaddhakathāya apubbatthānuvaṇṇanā. Yasmā pana dhammasenāpati dhammarāje dharamāneyeva dhammarājassa parinibbānasamvacchare parinibbuto, tasmā dhammarāje dharamāneyeva dhammabhaṇḍāgārikena desitam idam suttantam tasseva sammukhā sutvā **evam me sutanti**ādīmāhāti veditabbam. Tattha **āyasmāti** piyavacanam garuvacanam sagāravasappatissavacanam, āyumāti attho. **Ānandoti** tassa therassa nānam. So hi jāyamānoyeva kule ānandam bhusam tuṭṭhim akāsi. Tasmāssa “ānando”ti nānam katanti veditabbam. **Kosambiyanti** evaṃnāmake nagare. Tassa hi nagarassa āramapokkharāṇiādīsu tesu tesu ṭhānesu kosambarukkhā ussannā ahesum, tasmā tam kosambīti saṅkham agamāsi. “Kusambassa isino assamato avidūre māpitattā”ti eke.

Ghositārāmeti ghositaseṭṭhinā kārite ārāme. Kosambiyañhi tayo seṭṭhino ahesuṃ ghositaseṭṭhi kukkuṭaseṭṭhi pāvārikaseṭṭhīti. Te tayopi “loke buddho uppanno”ti sutvā pañcahi pañcahi sakaṭasatehi dānūpakaraṇāni gāhāpetvā sāvattim gantvā jetavanasaṃpe khandhāvāraṃ bandhitvā satthu santikaṃ gantvā vanditvā paṭisanthāraṃ katvā nisinnā satthu dhammadesanaṃ sutvā sotāpattiṃphale paṭiṭṭhahitvā satthāraṃ nimantetvā buddhappamukhassa bhikkhusaṅghassa aḍḍhamāsamattaṃ mahādānaṃ datvā bhagavato pādamūle nipajjitvā sakajanapadagamanatthaṃ bhagavantaṃ yācitvā “suññāgāre kho gahapatayo tathāgatā abhiramantī”ti bhagavatā vutte “dinnā no bhagavatā paṭiññā”ti ñatvā ativiya tuṭṭhā dasabalaṃ vanditvā nikkhantā antarāmagge yojane yojane bhagavato nivāsattaṃ vihāraṃ kārentā anupubbena kosambim patvā attano attano ārāme mahantaṃ dhanapariccāgaṃ katvā bhagavato vihāre kārapayimsu. Tattha ghositaseṭṭhinā kārito ghositārāmo nāma ahoṣi, kukkuṭaseṭṭhinā kārito kukkuṭārāmo nāma, pāvārikaseṭṭhinā ambavane kārito pāvārikambavanaṃ nāma. Taṃ sandhāya vuttaṃ “ghositaseṭṭhinā kārite ārāme”ti.

Āvuso bhikkhavoti ettha buddhā bhagavanto sāvake ālapantā “bhikkhavo”ti ālapanti. Sāvakā pana “buddhehi sadisā mā homā”ti “āvuso”ti paṭhamaṃ vatvā pacchā “bhikkhavo”ti vadanti. Buddhehi ca ālapite bhikkhusaṅgho “bhadante”ti paṭivacanaṃ deti, sāvakehi ālapite “āvuso”ti.

Yo hi kocīti aniyamavacanaṃ. Etena tādisānaṃ sabbabhikkhūnaṃ pariyādānaṃ. **Mama santiketi** mama saṃpe. **Arahattappattanti** attanā arahattassa pattaṃ. Napuṃsake bhāve siddhavacanaṃ. Arahattaṃ pattanti vā padacchedo, attanā pattaṃ arahattanti attho. Arahattappattaṃ attānanti vā pāṭhaseso. **Catūhi maggehīti** upari vuccamānehi catūhi paṭipadāmaggehi, na ariyamaggehi. “Catūhi maggehi”ti visuñca vuttattā kassaci arahato paṭhamassa ariyamaggassa dhammuddhaccapubbaṅgamo maggo, ekassa ariyamaggassa samathapubbaṅgamo, ekassa vipassanāpubbaṅgamo, ekassa yuganaddhapubbaṅgamoti evaṃ cattāropi paṭipadā maggā hontīti veditabbaṃ. **Etesaṃ vā aññatarenāti** etesaṃ catunnaṃ paṭipadānaṃ maggānaṃ ekena vā, paṭipadāmaggena arahattappattaṃ byākarotīti attho. Sukkhavipassakassa hi arahato dhammuddhaccapubbaṅgamaṃ sotāpattimaggānaṃ patvā sesamaggattayampi suddhavipassanāhiyeva pattassa arahattappatti dhammuddhaccapubbaṅgamamaggā hoti. Dhammuddhaccaviggahaṃ patvā vā appatvā vā samathapubbaṅgamādīnaṃ tiṇṇaṃ paṭipadānaṃ maggānaṃ ekekassa vasena pattacatumaggassa arahato arahattappatti itaraekekamaggapubbaṅgamā hoti. Tasmā āha – “etesaṃ vā aññatarenā”ti.

Samathapubbaṅgamaṃ vipassanaṃ bhāvetīti samathaṃ pubbaṅgamaṃ purecārikaṃ katvā vipassanaṃ bhāveti, paṭhamaṃ samādhim uppādetvā pacchā vipassanaṃ bhāvetīti attho. **Maggo sañjāyatīti** paṭhamo lokuttaramaggo nibbattati. **So taṃ maggantiādisu** ekacittakkhaṇikassa maggassa āsevanādīni nāma natthi, dutiyamaggādayo pana uppādetto tameva maggaṃ “āsevati bhāveti bahulīkarotī”ti vuccati. **Saññojanāni pahīyanti, anusayā byantīhontīti** yāva arahattamaggā kamena sabbe saññojanā pahīyanti, anusayā byantīhontīti. **Anusayā byantīhontīti** ca puna anuppattiyā vigatantā hontīti attho.

Puna caparanti puna ca aparaṃ kāraṇaṃ. **Vipassanāpubbaṅgamaṃ samathaṃ bhāvetīti** vipassanaṃ pubbaṅgamaṃ purecārikaṃ katvā samathaṃ bhāveti, paṭhamaṃ vipassanaṃ uppādetvā pacchā samādhim bhāvetīti attho. **Yuganaddhaṃ bhāvetīti** yuganaddhaṃ katvā bhāveti. Ettha teneva cittaṃ samāpattiṃ samāpajjitvā teneva saṅkhāre sammasitūṃ na sakkā. Ayaṃ pana yāvataṃ samāpattiyo samāpajjati, tāvatā saṅkhāre sammasati. Yāvataṃ saṅkhāre sammasati, tāvatā samāpattiyo samāpajjati. Kathaṃ? Paṭhamajjhānaṃ samāpajjati, tato vuṭṭhāya saṅkhāre sammasati. Saṅkhāre sammasitvā dutiyajjhānaṃ samāpajjati, tato vuṭṭhāya saṅkhāre sammasati. Saṅkhāre sammasitvā tatiyajjhānaṃ...pe... nevasaññānāsaññāyatanasamāpattiṃ samāpajjati, tato vuṭṭhāya saṅkhāre sammasati. Evaṃ samathavipassanaṃ yuganaddhaṃ bhāveti nāma.

Dhammuddhaccaviggahaṃ mānasaṃ hotīti ettha mandapaññānaṃ vipassakānaṃ upakkilesavattthuttā vipassanupakkilesasaññītesu obhāsādīsū dasasu dhammesu bhantatāvāsena uddhaccasahagatacittupattiyā vikkhepasāṅkhātaṃ uddhaccaṃ dhammuddhaccaṃ, tena

dhammuddhaccena viggahitaṃ virūpaggahitaṃ virodhamāpāditaṃ mānasaṃ cittaṃ dhammuddhaccaviggahitaṃ mānasaṃ hoti, tena vā dhammuddhaccena kāraṇabhūtena tammūlakataṇhāmānadiṭṭhuppattiyā viggahitaṃ mānasaṃ hoti. Dhammuddhaccaviggahitaṃ mānasaṃ vā pāṭho. **Hoti so āvuso samayoti** iminā maggāmaggaṃ avatthānena taṃ dhammuddhaccaṃ paṭibāhitvā puna vipassanāvīthiṃ paṭipannaṃ kālāṃ dasseti. **Yaṃ taṃ cittanti** yasmim̐ samaye taṃ vipassanāvīthiṃ okkamitvā pavattaṃ cittaṃ. **Ajjhattameva santiṭṭhātī** vipassanāvīthiṃ paccotaritvā tasmim̐ samaye gocarajjhattasāṅkhāte ārammaṇe santiṭṭhātī patiṭṭhātī. **Sannisīdatī** tattheva pavattivasena sammā nisīdati. **Ekodi hotī** ekaggaṃ hoti. **Samādhīyatī** sammā ādhiyati suṭṭhu ṭhitaṃ hotī.

Ayaṃ suttantavaṇṇanā.

1. Suttantaniiddesavaṇṇanā

2. Tassa suttantassa niddesakathāya **tattha jāte dhammeti** tasmim̐ samādhismim̐ jāte cittacetāsike dhamme. **Aniccato anupassanaṭṭhenā**tiādīnā vipassanāya bhedaṃ dasseti. **Sammādiṭṭhi maggoti** sammādiṭṭhisāṅkhāto maggo. Atṭhasu maggaṅgesu ekekopi hi maggoti vuccati. **Āsevatī** sotāpattimaggasena. **Bhāvetī** sakadāgāmi magguppādanena. **Bahulīkarotī** anāgāmiarahattamagguppādanena. Imesaṃ tiṇṇaṃ avatthābhedeṃ sati āvajjanādīnaṃ sādharāṇattā sadisameva vissajjanaṃ kataṃ.

3. Ālokasaññāpaṭinissaggānupassanānaṃ antarāpeyyāle avikkhepādīni ca jhāna samāpattikasīṇānussatiasubhā ca dīghaṃ assāsādīni ca ānantarikasamādhīñānaniddese (paṭi. ma. 1.80-81) niddiṭṭhattā saṅkhittāni. Tattha ca **avikkhepavasenā**ti pubbhāgāvikkhepavasena gahetabbā. **Aniccānupassī assāsavasenā**tiādike suddhaviṃpassanāvasena vuttacatukke pana taruṇaviṃpassanākāle vipassanāsampayuttasamādhīpubbhaṅgamā balavaviṃpassanā veditabbā.

4. Vipassanāpubbhaṅgamavāre paṭhamaṃ **aniccatoti**ādīnā ārammaṇaṃ aniyamtvā vipassanā vuttā, pacchā **rūpaṃ aniccatoti**ādīnā ārammaṇaṃ niyamtvā vuttā. **Tattha jātānanti** tassā vipassanāya jātānaṃ cittacetāsikānaṃ dhammānaṃ. **Vosaggārammaṇatā**ti ettha vosaggo nibbānaṃ. Nibbānañhi saṅkhatavosaggo pariccāgato “vosaggo”ti vutto. Vipassanā ca taṃsampayuttadhammā ca nibbānaninnatāya ajjhāsayavasena nibbāne patiṭṭhitattā nibbānapatiṭṭhā nibbānārammaṇā. Patiṭṭhāpi hi ālambiyatī ārammaṇaṃ nāma hoti, nibbāne patiṭṭhatṭheneva nibbānārammaṇā. Aññattha pāḷiyampi hi patiṭṭhā “ārammaṇa”nti vuccanti. Yathāha – “seyyathāpi, āvuso, naḷāgāraṃ vā tiṇṇāgāraṃ vā sukkhaṃ koḷāpaṃ terovassikaṃ puratthimāya cepi disāya puriso ādittāya tiṇṇukkāya upasāṅkameyya, labhetha aggi otāraṃ, labhetha aggi ārammaṇa”ntiādi (saṃ. ni. 4.243). Tasmā tattha jātānaṃ dhammānaṃ vosaggārammaṇatāya nibbānapatiṭṭhābhāvena hetubhūtena uppādito yo cittassa ekaggaṭṭāsāṅkhāto upacārappanābhedo avikkhepo, so samādhīti vipassanāto pacchā uppādito nibbedhabhāgiyo samādhī niddiṭṭho hoti. Tasmāyeva hi **iti paṭhamaṃ vipassanā, pacchā samatho**ti vuttaṃ.

5. Yuganaddhaniddese yasmā heṭṭhā suttantavaṇṇanāyaṃ vutto yuganaddhakkamo purimadvayaniddesanayeneva pākaṭo, maggakkhaṇe yuganaddhakkamo pana na pākaṭo, tasmā pubbhāge anekantikaṃ yuganaddhabhāvanaṃ avatvā maggakkhaṇe ekantena labbhāmānāyuganaddhabhāvanameva dassento **soḷasahi ākāre**tiādīmāha. Tattha **ārammaṇaṭṭhenā**tiādīsū sattarasasu ākāresu ante uddiṭṭhaṃ yuganaddhaṃ mūlapadena ekaṭṭhattā taṃ vippahāya sesānaṃ vasena “soḷasahī”ti vuttaṃ. **Ārammaṇaṭṭhenā**ti ālambanaṭṭhena, ārammaṇavasenāti attho. Evaṃ sesesupi. **Gocaraṭṭhenā**ti ārammaṇaṭṭhepi sati nissayitabbaṭṭhānaṭṭhena. **Pahānaṭṭhenā**ti pajhanaṭṭhena. **Pariccāgaṭṭhenā**ti pahānepi sati puna anādiyanena pariccāgaṭṭhena. **Vutthānaṭṭhenā**ti uggamanaṭṭhena. **Vivaṭṭanaṭṭhenā**ti uggamanepi sati apunaravaṭṭanena nivattanaṭṭhena. **Santaṭṭhenā**ti nibbutaṭṭhena. **Paṇītaṭṭhenā**ti nibbutaṭṭhepi sati uttamaṭṭhena, atappakaṭṭhena vā. **Vimuttaṭṭhenā**ti bandhanāpagataṭṭhena. **Anāsavaṭṭhenā**ti bandhanamokkhepi sati ārammaṇaṃ katvā pavattamānāsavavirahitaṭṭhena. **Taraṇaṭṭhenā**ti anosīditvā pilavanaṭṭhena, atikkamanaṭṭhena vā. **Animittaṭṭhenā**ti saṅkhāranimittavirahitaṭṭhena. **Appaṇihitaṭṭhenā**ti paṇidhivirahitaṭṭhena.

Suññatattthenāti abhinivesavirahitatthēna. **Ekarasattthenā**ti ekakiccatthēna. **Anativattanaattthenā**ti aññamaññaṃ anatikkamanaattthēna. **Yuganaddhattthenā**ti yugalakattthēna.

Uddhaccaṃ pajahato, avijjaṃ pajahatoti yogino tassa tassa paṭipakkhappahānavasena vuttaṃ. Nirodho cettha nibbānameva. **Aññamaññaṃ nātivattantī**ti samatho ce vipassanaṃ ativatteyya, līnapakkhikattā samathassa cittaṃ kosajjāya saṃvatteyya. Vipassanā ce samathaṃ ativatteyya, uddhaccapakkhikattā vipassanāya cittaṃ uddhaccāya saṃvatteyya. Tasmā samatho ca vipassanaṃ anativattamāno kosajjapātaṃ na karoti, vipassanā samathaṃ anativattamānā uddhaccapātaṃ na karoti. Samatho samaṃ pavattamāno vipassanaṃ uddhaccapātato rakkhati, vipassanā samaṃ pavattamānā samathaṃ kosajjapātato rakkhati. Evamime ubho aññamaññaṃ anativattanakiccena ekakiccā, samā hutvā pavattamānena aññamaññaṃ anativattamānā atthasiddhikarā honti. Tesam maggakkhaṇe yuganaddhattam vuttānagāminivipassanākkhaṇe yuganaddhattāyeva hoti. Pahānapariccāgavuttānāvattanakaraṇānaṃ maggakkicavasena vuttattā sakalassa maggakkicassa dassanattam uddhaccasahagatakilesā ca khandhā ca avijjāsahagatakilesā ca khandhā ca niddiṭṭhā. Sesānaṃ na tathā vuttattā paṭipakkhadhammattadassanavasena uddhaccāvijjā eva niddiṭṭhā. **Vivaṭṭatoti** nivattantassa.

Samādhi kāmāsavā vimutto hotīti samādhissa kāmaccandapaṭipakkhattā vuttaṃ. **Rāgavirāgā**ti rāgassa virāgo samatikkamo etissā atthīti rāgavirāgā, “rāgavirāgato”ti nissakkavacanaṃ vā. Tathā **avijjāvirāgā**. **Cetovimuttī**ti maggasampayutto samādhi. **Paññāvimuttī**ti maggasampayuttā paññā. **Taratoti** tarantassa. **Sabbapaṇidhī**ti rāgadosamohapaṇidhīhi, sabbapatthanāhi vā. Evaṃ cuddasa ākāre vissajjitvā ekarasattthaṇca anativattanaattthaṇca avibhajitvāva **imehi soḷasahi ākārehī**ti āha. Kasmā? Tesam cuddasannaṃ ākāraṇaṃ ekekassa avasāne “ekarasā honti, yuganaddhā honti, aññamaññaṃ nātivattantī”ti niddiṭṭhattā te dvepi ākāra niddiṭṭhāva honti. Tasmā “soḷasahī”ti āha. Yuganaddhattāho pana uddesepi na bhaṇitoyevāti.

2. Dhammuddhaccavāraniddesavaṇṇanā

6. Dhammuddhaccavāre **aniccato manasikaroto obhāso uppajjati**ti udayabbayānupassanāya ṭhitassa tīhi anupassanāhi punappunaṃ saṅkhāre vipassantassa vipassantassa vipassanāññānesu paripākagatesu tadaṅgavasena kilesappahānena parisuddhacittassa aniccato vā dukkhato vā anattato vā manasikārakkhaṇe vipassanāññānubhāvena pakatiyāva obhāso uppajjati paṭhamaṃ tāva aniccato manasikaroto obhāso kathito. Akusalo vipassako tasmim obhāse uppanne “na ca vata me ito pubbe evarūpo obhāso uppannapubbo, addhā maggaṃ pattomhi, phalaṃ pattomhī”ti amaggaṃyeva “maggo”ti, aphalameva “phala”nti gaṇhāti. Tassa amaggaṃ “maggo”ti, aphalaṃ “phala”nti gaṇhato vipassanāvīthi ukkantā hoti. So attano vipassanāvīthim vissajjetvā vikkhepamāpanno vā obhāsameva taṇhādīṭṭhimaññānāhi maññamāno vā nisīdati. So kho panāyaṃ obhāso kassaci bhikkhuno pallānkatthānamattameva obhāsento uppajjati, kassaci antogabbhaṃ, kassaci bahigabbhampi, kassaci sakalavīhāraṃ, gāvutaṃ adḍhayojanaṃ yojanaṃ dviyojanaṃ...pe... kassaci pathavitalato yāva akaniṭṭhabrahmalokā ekālokaṃ kurumāno. Bhagavato pana dasasahasilokadhātuṃ obhāsento udapādi. Ayañhi obhāso caturaṅgasamannāgatepi andhakāre taṃ taṃ ṭhānaṃ obhāsento uppajjati.

Obhāso dhammoti obhāsaṃ āvajjatiti ayaṃ obhāso maggadhammo phaladhammoti vā taṃ taṃ obhāsaṃ manasi karoti. **Tato vikkhepo uddhaccanti** tato obhāsato dhammoti āvajjanakaraṇato vā yo uppajjati vikkhepo, so uddhaccaṃ nāmāti attho. **Tena uddhaccena viggahitamānasoti** tena evaṃ uppajjamānena uddhaccena virodhitacitto, tena vā uddhaccena kāraṇabhūtena tammūlakakilesupattiyā virodhitacitto vipassako vipassanāvīthim okkamitvā vikkhepaṃ vā tammūlakakilesesu vā ṭhitattā aniccato dukkhato anattato upaṭṭhānāni yathābhūtaṃ nappajānāti. “Tena vuccati dhammuddhaccaviggahitamānaso”ti evaṃ iti-saddo yojetabbo. **Hoti so samayoti** evaṃ assādasasena upakkiliṭṭhacittassāpi yogino sace upaparikkhā uppajjati, so evaṃ pajānāti – “vipassanā nāma saṅkhārārammaṇā, maggaphalāni nibbānārammaṇāni, imāni ca cittāni saṅkhārārammaṇāni, tasmā nāyamobhāso maggo, udayabbayānupassanāyeva nibbānassa lokiko maggo”ti maggāmaggaṃ vavattapetvā taṃ vikkhepaṃ parivajjayitvā udayabbayānupassanāya ṭhatvā sādhukaṃ saṅkhāre aniccato

dukkhato anattato vipassati. Evaṃ upaparikkhantassa so samayo hoti. Evaṃ apassanto pana “maggaḥappattomhī”ti adhimāniko hoti.

Yaṃ taṃ cittanti yaṃ taṃ vipassanācittaṃ. **Ajjhattamevā**ti aniccānupassanāya ārammaṇe gocarajjhateyyeva. **Ñāṇaṃ uppajjati**ti tasseva yogāvacarassa rūpārūpadhamme tulayantassa tīrayantassa viṣṭhaindavajiramiva avihatavegaṃ tikhiṇaṃ sūramativisadaṃ vipassanāñāṇaṃ uppajjati. **Pīti uppajjati**ti tasseva tasmiṃ samaye khuddikā pīti, khaṇikā pīti, okkantikā pīti, ubbegā pīti, pharaṇā pītīti ayam pañcavidhā vipassanāsampayuttā pīti sakalasarīraṃ pūrayamānā uppajjati. **Passaddhi uppajjati**ti tasseva tasmiṃ samaye kāyacittānaṃ neva daratho, na gāravatā, na kakkhaḷatā, na akammaññatā, na gelaññatā, na vaṅkatā hoti. Atha kho panassa kāyacittāni passaddhāni lahūni mudūni kammaññāni paguṇāni suvisadāni ujukāniyeva honti. So imehi passaddhādīhi anuggahitakāyacitto tasmiṃ samaye amānusim nāma ratim anubhavati. Yaṃ sandhāya vuttaṃ –

“Suññāgāraṃ pavitṭhassa, santacittassa bhikkhuno;
Amānusī ratī hoti, sammā dhammaṃ vipassato.

“Yato yato sammasati, khandhānaṃ udayabbayaṃ;
Labhatī pītipāmojjaṃ, amataṃ taṃ vijānata”nti. (dha. pa. 373-4) –

Evaṃassa imaṃ amānusim ratim sādhamānā lahutādīhi sahitā vipassanāsampayuttā kāyacittapassaddhi uppajjati. **Sukhaṃ uppajjati**ti tasseva tasmiṃ samaye sakalasarīraṃ abhisandayamānaṃ vipassanāsampayuttaṃ sukhaṃ uppajjati. **Adhimokkho uppajjati**ti tasseva tasmiṃ samaye cittacetāsikānaṃ atisayapasādabhūtā vipassanāsampayuttā saddhā uppajjati. **Paggaho uppajjati**ti tasseva tasmiṃ samaye asithilamanaccāraddhaṃ supaggahitaṃ vipassanāsampayuttaṃ vīriyaṃ uppajjati. **Upaṭṭhānaṃ uppajjati**ti tasseva tasmiṃ samaye sūpaṭṭhitā suppaṭṭhitā nikhātā acalā pabbatarājasadisā vipassanāsampayuttā sati uppajjati. So yaṃ yaṃ ṭhānaṃ āvajjati samannāharatī manasi karoti paccavekkhati, taṃ taṃ ṭhānaṃ okkantivā pakkhanditvā dibbacakkhuno paraloko viya satiyā upaṭṭhāti (visuddhi. 2.734).

Upekkhāti vipassanupekkhā ceva āvajjanupekkhā ca. Tasmiñhi samaye sabbasaṅkhāresu majjhatabhūtā vipassanupekkhāpi balavatī uppajjati, manodvāre āvajjanupekkhāpi. Sā hissa taṃ taṃ ṭhānaṃ āvajjantassa viṣṭhaindavajiramiva pattapuṭe pakkhandatattanārāco viya ca sūrā tikhiṇā hutvā vahati. Evañhi visuddhimagge (visuddhi. 2.734) vuttaṃ. **Vipassanupekkhāti** cettha “vipassanāsampayuttā tatramajjhātupekkhā”ti ācariyā vadanti. Vipassanāñāṇe hi gayhamāne “ñāṇaṃ uppajjati”ti vipassanāñāṇassa āgatattā punaruttidoso hoti. Tatiyajjhānavāṇanāyāṇa “saṅkhārupekkhāvīpissanupekkhānampi atthato ekībhāvo. Paññā eva hi sā, kiccavasena dvidhā bhinnā”ti vuttaṃ. Tasmā vipassanāsampayuttāya tatramajjhātupekkhāya vuccamānāya punaruttidoso ca na hoti, tatiyajjhānavāṇanāya ca sameti. Yasmā ca pañcasu indriyesu “ñāṇaṃ adhimokkho paggaho upaṭṭhāna”nti paññindriyasaddhindriyavīriyindriyasatindriyāni niddiṭṭhāni, samādhindriyaṃ pana aniddiṭṭhaṃ hoti, yuganaddhavasenāpi ca samādhindriyaṃ niddisitabbameva hoti, tasmā samappavatto samādhi puna samādhāne byāpārappahānakaṛaṇena “upekkhā”ti vuttoti veditabbaṃ.

Nikanti uppajjatiti evaṃ obhāsādipaṭimaṇḍitāya vipassanāya ālayaṃ kurumānā sukhumā santākārā nikanti uppajjati, yā kilesoti pariggahetumpi na sakkā hoti. Yathā ca obhāse, evaṃ etesupi aññatarasmiṃ uppanne yogāvacaro “na ca vata me ito pubbe evarūpaṃ ñāṇaṃ uppannapubbaṃ, evarūpā pīti passaddhi sukhaṃ adhimokkho paggaho upaṭṭhānaṃ upekkhā nikanti uppannapubbā, addhā maggaṃ pattomhi, phalaṃ pattomhī”ti amaggameva “maggo”ti, aphalameva “phala”nti gaṇhāti. Tassa amaggaṃ “maggo”ti, aphalaṇca “phala”nti gaṇhato vipassanāvīthi ukkantā hoti. So attano mūlakammaṭṭhānaṃ viṣṭajetvā nikantimeva assādentō nisīdati. Ettha ca obhāsādayo upakkilesavatthutāya upakkilesāti vuttā, na akusalattā. Nikanti pana upakkilesō ceva upakkilesavatthu ca. Vatthavaseneva cete dasa, gāhavasena pana samatīṃsa honti. Kathaṃ? “Mama obhāso uppanno”ti gaṇhato hi diṭṭhiggāho hoti, “manāpo vata obhāso uppanno”ti gaṇhato mānaggāho, obhāsaṃ assādayato taṇhāggāho. Iti obhāse

diṭṭhimānatanḥāvasena tayo gāhā. Tathā sesesupīti evaṃ gāhavasena samatiṃsa upakkilesā honti. **Dukkhatō manasikaroto, anattato manasikarototi** vāresupi imināva nayena attho veditabbo. Ekekaanupassanāvasena hettha ekekassa vipassanupakkilesuppatti veditabbā, na ekasseva.

Tīsu anupassanāsu. Evaṃ abhedato vipassanāvasena upakkilese dassetvā puna bhedavasena dassento **rūpaṃ aniccato manasikarototi**ādīmāha. Tattha **jarāmaraṇaṃ aniccato upaṭṭhānanti** jarāmarāṇassa aniccato upaṭṭhānaṃ.

7. Yasmā pubbe vuttānaṃ samatiṃsāya upakkilesānaṃ vasena akusalo abyatto yogāvacaro obhāsādīsu vikampati, obhāsādīsu ekekaṃ “etaṃ mama, esohamasmi, eso me attā”ti samanupassati, tasmā tamatthaṃ dassento **obhāse ceva nāṇe cāti**ādīgāthāvayamāha. Tattha **vikampatīti** obhāsādike ārammaṇe nānākilesavasena vividhā kampati vedhati. **Yehi cittaṃ pavedhatīti** yehi passaddhisukhehi cittaṃ nānākilesavasena nānappakārena vedhati kampati. Tasmā **passaddhiyā sukhe ceva** yogāvacaro vikampatīti sambandho veditabbo. **Upekkhāvajjanāya cevāti** upekkhāsāṅkhātāya āvajjanāya ceva vikampati, āvajjanupekkhāya ceva vikampatīti attho. Visuddhimagge (visuddhi. 2.736) pana “upekkhāvajjanāyañcā”ti vuttaṃ. **Upekkhāya cāti** heṭṭhā vuttappakārāya upekkhāya ca vikampati, nikantiyā ca vikampatīti attho. Ettha ca dvinnaṃ upekkhānaṃ niddiṭṭhattā heṭṭhā “upekkhā uppajjati”ti vuttaṭṭhāne ca ubhayathā attho vutto. Aniccānupassanādīsu ca ekekissāyeva āvajjanupekkhāya sabbhāvato ekekāyeva anupassanā aniccaṃ aniccaṃ, dukkhaṃ dukkhaṃ, anattā anattāti punappunaṃ bhāvīyatīti vuttaṃ hoti. Yasmā pana kusalo paṇḍito byatto buddhisampanno yogāvacaro obhāsādīsu uppannesu “ayaṃ kho me obhāso uppanno, so kho paṇāyaṃ anicco saṅkhato paṭiccasamuppanno khayadhammo vayadhammo virāgadhammo nirodhadhammo”ti iti vā naṃ paññāya paricchindati upaparikkhati. Atha vā panassa evaṃ hoti – sace obhāso attā bhavēyya, “attā”ti gahetuṃ vaṭṭeyya. Anattāva paṇāyaṃ “attā”ti gahito. Tasmāyaṃ avasavattanaṭṭhena anattāti passanto diṭṭhiṃ ugghāṭeti. Sace obhāso nicco bhavēyya, “nicco”ti gahetuṃ vaṭṭeyya. Aniccova paṇāyaṃ “nicco”ti gahito. Tasmāyaṃ hutvā abhāvattṭhena aniccoti passanto mānaṃ samugghāṭeti. Sace obhāso sukho bhavēyya, “sukho”ti gahetuṃ vaṭṭeyya. Dukkho paṇāyaṃ “sukho”ti gahito. Tasmāyaṃ uppādavayapaṭipīḷanaṭṭhena dukkhoti passanto nikantiṃ pariyaḍiyati. Yathā ca obhāse, evaṃ sesesupīti.

Evaṃ upaparikkhitvā obhāsaṃ “netāṃ mama, nesohamasmi, na meso attā”ti samanupassati. Nāṇaṃ...pe... nikantiṃ “netāṃ mama, nesohamasmi, na meso attā”ti samanupassati. Evaṃ samanupassanto obhāsādīsu na kampati na vedhati. Tasmā tamatthaṃ dassento **imāni dasa ṭhānānīti** gāthamāha. Tattha **dasa ṭhānānīti** obhāsādīni. **Paññā yassa pariccitāti** yassa upakkilesavimuttāya paññāya paricitāni punappunaṃ phuṭṭhāni paribhāvītāni. **Dhammuddhaccakusalo hotīti** so paññāya paricitadasaṭṭhāno yogāvacaro pubbe vuttappakārassa dhammuddhaccassa yathāsabhāvapaṭivedhena cheko hoti. **Na ca sammoha gacchatīti** dhammuddhaccakusalattāyeva taṇhāmānadiṭṭhugghāṭavasena sammohaṇca na gacchati.

Idāni pubbe vuttameva vidhiṃ aparena pariyaḍiyena vibhāvetvā dassento **vikkhipati ceva kilissati cāti**ādīgāthamāha. Tattha mandapañño yogāvacaro obhāsādīsu vikkhepaṇca avasesakilesuppattiṇca pāpuṇāti. Majjhimapañño vikkhepameva pāpuṇāti, nāvasesakilesuppattiṃ, so adhimāniko hoti. Tikkhapañño vikkhepaṃ pāpuṇitvāpi taṃ adhimānaṃ pahāya vipassanaṃ ārabhati. Atitikkhapañño na vikkhepaṃ pāpuṇāti, na cāvasesakilesuppattiṃ. **Vikkhipati cevāti** tesu mandapañño dhammuddhaccasāṅkhātāṃ vikkhepaṇceva pāpuṇīyati. **Kilissati cāti** taṇhāmānadiṭṭhikilesehi kilesīyati ca, upatāpīyati vibādhiyatīti attho. **Cavati cittabhāvanāti** tassa mandapaññassa vipassanācittabhāvanā kilesesuyeva ṭhānato paṭipakkhāvihatattā cavati, paripatatīti attho. **Vikkhipati na kilissatīti** majjhimapañño vikkhepena vikkhipati, kilesehi na kilissati. **Bhāvanā parihāyatīti** tassa majjhimapaññassa adhimānikattā vipassanārambhābhāvena vipassanā parihāyati, nappavattatīti attho. **Vikkhipati na kilissatīti** tikkhapaññopi vikkhepena vikkhipati, kilesehi na kilissati. **Bhāvanā na parihāyatīti** tassa tikkhapaññassa santepi vikkhepe taṃ adhimānavikkhepaṃ pahāya vipassanārambhāsabbhāvena vipassanābhāvanā na parihāyati, pavattatīti attho. **Na ca vikkhipate cittaṃ na kilissatīti** atitikkhapaññassa cittaṃ na vikkhepena vikkhipati, na ca kilesehi kilissati. **Na cavati**

cittabhāvanāti tassa vipassanācittabhāvanā na cavati, vikkhepakilesābhāvena yathāṭhāne tiṭṭhatīti attho.

Imehi catūhi ṭhānehītiādīsu idāni vuttehi imehi catūhi ṭhānehi hetubhūtehi, karaṇabhūtehi vā obhāsādiḷe dasa ṭhāne cittaṣṣa saṅkhepena ca vikkhepena ca viḷgahitaṃ mānaṣaṃ vikkhepakilesuppattivirahito catuttho kusalo mahāpañño yogāvacaro mandapaññādīnaṃ tiṇṇaṃ yogāvacarānaṃ mānaṣaṃ evañca evañca hotīti nānappakārato jānātīti sambandhato atthavaṇṇanā veditaḷbā. **Saṅkhepoti** cettha vikkhepassa ceva kilesānañca uppattivaseṇa cittaṣṣa līnabhāvo veditaḷbo. **Vikkhepoti** “vikkhipati na kilissatī”ti dvīsu ṭhānesu vuttavikkhepavasena cittaṣṣa uddhatabhāvo veditaḷboti.

Yuganaddhakathāvaṇṇanā niṭṭhitā.

2. Saccakathā

Saccakathāvaṇṇanā

8. Idāni yuganaddhaguṇassa ariyamaggassa vaseṇa saccaṭṭhaṃ saccaṭṭivedhavisesaṃ saccalakkhaṇādividhānañca dassenteṇa kathitāya suttantaḷpubbaṅgaṃāya saccakathāya aḷpubbatthānuvaṇṇanā. Tattha suttante tāva **tathānīti** yathāsabhāvavasena tacchāni. Yathāsabhāvabhūtāneva hi dhammajātāni saccaṭṭhena saccāni. Saccaṭṭho paṭhamaññāniddesavaṇṇanāyaṃ vutto. **Avitathānīti** vuttasabhāve vipariyāyavirahitāni. Na hi saccāni asaccāni nāma honti. **Anaññathānīti** aññasabhāvavirahitāni. Na hi asaccāni saccāni nāma honti. **Idaṃ dukkhanti, bhikkhave, tathametanti** bhikkhave, idaṃ dukkhanti yaṃ vuccati, etaṃ yathāsabhāvattā tathaṃ. Dukkameva hi dukkhaṃ. Vuttasabhāve vipariyāyābhāvato **avitathaṃ**. Na hi dukkhaṃ adukkhaṃ nāma hoti. Aññasabhāvavirahitattā **anāññathaṃ**. Na hi dukkhaṃ samudayādisabhāvaṃ hoti. Samudayādīsūpi eseva nayo.

1. Paṭhamasuttantaṇiddesavaṇṇanā

Tathaṭṭhenāti yathāsabhāvattṭhena. **Pīḷanaṭṭhā**dayo ñāṇakathāyaṃ vuttatthāyeva.

9. **Ekappaṭivedhānīti** ekeṇa maggaññāneṇa paṭivedho, ekato vā paṭivedho etesanti ekappaṭivedhāni. **Anattaṭṭhenāti** catunnaḷpī saccānaṃ attavirahitattā anattaṭṭhena. Vuttaññetaṃ visuddhimagge (visuddhi. 2.567) – paramatthato hi sabbāneva saccāni vedakakāraṇanibbutagamakābhāvato suññānīti veditaḷbāni. Tenetaṃ vuccati –

“Dukkameva hi, na koci dukkhito, kāraḷo na, kiriyāva vijjati;
Atthi nibbuti, na nibbuto pumā, maggamatthi, gamako na vijjati”ti. (visuddhi. 2.567);

Atha vā –

“Dhuvasubhasukhattasuññaṃ, purimadvayamattasuññaṃamatapadaṃ;
Dhuvasukhaattavirahito, maggo iti suññatā tesū”ti. (visuddhi. 2.567);

Saccaṭṭhenāti avisaṃvādaḷṭhena. **Paṭivedhaṭṭhenāti** maggakkhaṇe paṭivijjhitaḷbatṭhena. **Ekasaṅgahitānīti** tathaṭṭhādīnā ekekeṇeṇa atthena saṅgahitāni, ekagaṇanaṃ gatānīti attho. **Yaṃ ekasaṅgahitaṃ, taṃ ekattanti** yasmā ekeṇa saṅgahitaṃ, tasmā ekattanti attho. Saccānaṃ bahutṭepi ekattamaḷpekkhitvā ekavacanaṃ kataṃ. **Ekattaṃ ekeṇa ñāṇeṇa paṭivijjhātīti** pubbaḷbhāge catunnaṃ saccānaṃ nānatteḷkattaṃ svāvattṭhitaṃ vavattṭhapaṭvā ṭhito maggakkhaṇe ekeṇa maggaññāneṇa tathaṭṭhāditaṃtaḷmekattaṃ paṭivijjhati. Kathaṃ? Nirodhasaccassa tathaṭṭhādīke ekatte paṭividdhe

sesasaccānampi tathaṭṭhādikaṃ ekattaṃ paṭividdhameva hoti. Yathā pubbabhāge pañcannaṃ khandhānaṃ nānattekattaṃ svāvattthitaṃ vavattthapetvā ṭhitassa maggavuṭṭhānakāle aniccato vā dukkhato vā anattato vā vuṭṭhahantassa ekasmimpi khandhe aniccādito diṭṭhe sesakhandhāpi aniccādito diṭṭhāva honti, evamidanti daṭṭhabbaṃ. **Dukkhasa dukkhaṭṭho tathaṭṭhoti** dukkhasaccassa pīḷanaṭṭhādiko catubbidho attho sabhāvaṭṭhena tathaṭṭho. Sesasacesupi eseva nayo. Soyeva catubbidho attho attābhāvato **anattaṭṭho**. Vuttasabhāve avisaṃvādakato **saccaṭṭho**. Maggakkhaṇe paṭivijjhatabbato **paṭivedhaṭṭho** vuttoti veditabbaṃ.

10. Yaṃ aniccantiādi sāmāññalakkhaṇapubbaṅgamaṃ katvā dassitaṃ. Tatha **yaṃ aniccaṃ, taṃ dukkhaṃ. Yaṃ dukkhaṃ, taṃ aniccanti** dukkhasamudayamaggā gahitā. Tāni hi tīṇi saccāni aniccāni ceva aniccattā dukkhāni ca. **Yaṃ aniccaṇca dukkhaṇca, taṃ anattāti** tāniyeva tīṇi gahitāni. **Yaṃ aniccaṇca dukkhaṇca anattā cāti** tehi tīhi saha nirodhasaccaṇca saṅgahitaṃ. Cattāripi hi anattāyeva. **Taṃ tathanti taṃ saccacatukkaṃ sabhāvabhūtaṃ. Taṃ saccanti** tadeva saccacatukkaṃ yathāsabhāve avisaṃvādakamaṃ. **Navahākārehītiādīsu** ‘‘sabbamaṃ, bhikkhave, abhiññeyya’’nti (paṭi. ma. 1.3; saṃ. ni. 4.46) vacanato abhiññāṭṭhena, dukkhasa pariññāṭṭhe, samudayassa pahānaṭṭhe, maggassa bhāvanaṭṭhe, nirodhassa sacchikiriyāṭṭhe āvenikepi idha catūsipi saccesu nītapariññāsabbhāvato pariññāṭṭhena, catusaccadassanena pahānasabbhāvato pahānaṭṭhena, catusaccabhāvanāsabbhāvato bhāvanaṭṭhena, catunnaṃ saccānaṃ sacchikiriyasabbhāvato sacchikiriyāṭṭhenāti niddiṭṭhanti veditabbaṃ. **Navahākārehi tathaṭṭhenātiādīsu** paṭhamaṃ vuttanayeneva yojanā kātabbā.

11. Dvādasahi ākārehītiādīsu tathaṭṭhādayo nīṇakathāyaṃ vuttatthā. Etesaṃ niddesepi vuttanayeneva yojanā veditabbaṃ.

12. Saccānaṃ kati lakkhaṇānītiādīsu upari vattabbāni cha lakkhaṇāni saṅkhatāsaṅkhatavasena dvidhā bhinditvā **dve lakkhaṇānīti** āha. Tatha **saṅkhatalakkhaṇaṇca asaṅkhatalakkhaṇaṇcāti** ‘‘tīṇimāni, bhikkhave, saṅkhatassa saṅkhatalakkhaṇāni uppādo paññāyati, vayo paññāyati, ṭhitassa aññathattaṃ paññāyati. Tīṇimāni, bhikkhave, asaṅkhatassa asaṅkhatalakkhaṇāni na uppādo paññāyati, na vayo paññāyati, na ṭhitassa aññathattaṃ paññāyati’’ti (a. ni. 3.47-48) evaṃ vuttaṃ saṅkhatassa saṅkhatamīti lakkhaṇaṇca asaṅkhatassa asaṅkhatamīti lakkhaṇaṇca. Saṅkhatamaṃ pana na lakkhaṇaṃ, lakkhaṇamaṃ na saṅkhatamaṃ. Na ca saṅkhatamaṃ vinā lakkhaṇamaṃ paññāpetumaṃ sakkā, napi lakkhaṇamaṃ vinā saṅkhatamaṃ. Lakkhaṇena pana saṅkhatamaṃ pākaṭamaṃ hoti.

Puna tadeva lakkhaṇadvayaṃ vitthārato dassento **cha lakkhaṇānīti** āha. **Saṅkhatānaṃ saccānanti** dukkhasamudayamaggasaccānaṃ. Tāni hi paccayehi saṅgamma katattā saṅkhatāni. **Uppādoti jāti. Paññāyatīti** jānīyati. **Vayoti** bhaṅgo. **Ṭhitānaṃ aññathattanti** ṭhitippattānaṃ aññathābhāvo jarā. Tīṇamaṃ saṅkhatasaccānaṃ nipphannattā uppādavayaññathattaṃ vuttaṃ, tesameva pana uppādassa, jarāya bhaṅgassa ca anipphannattā uppādavayaññathattaṃ na vattabbaṃ. Saṅkhatanissittattā uppādavayaññathattaṃ na paññāyatīti na vattabbaṃ. Saṅkhatavikāratā pana saṅkhatanti vattabbaṃ. Dukkhasamudayānaṃ uppādajarābhaṅgā saccapariyāpannā, maggasaccassa uppādajarābhaṅgā na saccapariyāpannāti vadanti. Tatha ‘‘saṅkhatānaṃ uppādakkhaṇe saṅkhatāpi uppādalakkhaṇampi kālasaṅkhāto tassa khaṇopi paññāyati, uppāde vītivatte saṅkhatāpi jarālakkaṇampi kālasaṅkhāto tassa khaṇopi paññāyati, bhaṅgakkhaṇe saṅkhatāpi jarāpi bhaṅgalakkhaṇampi kālasaṅkhāto tassa khaṇopi paññāyati’’ti khandhakavaggaṭṭhakathāyaṃ (saṃ. ni. aṭṭha. 2.3.37-38) vuttaṃ. **Asaṅkhatassa saccassāti** nirodhasaccassa. Tañhi paccayehi samāgamma akatattā sayameva nipphannanti asaṅkhatamaṃ. **Ṭhitassāti** niccattā ṭhitassa, na ṭhānappattattā. Puna tadeva lakkhaṇadvayaṃ vitthārato dassento **dvādasalakkhaṇānīti** āha.

Catunnaṃ saccānaṃ kati kusalātiādīsu **abyākatanti** vipākābyākatamaṃ kiriyābyākatamaṃ rūpābyākatamaṃ nibbānābyākatanti catūsu abyākatesu nibbānābyākatamaṃ. Cattāripi hi kusalākusalalakkhaṇena na byākatattā abyākatāni. **Siyā kusalanti** kāmāvacararūpāvacarārūpāvacarakusalānaṃ vasena kusalampi bhavēya. **Siyā akusalanti** taṇhaṃ ṭhapetvā sesākusalavasena. **Siyā abyākatanti** kāmāvacararūpāvacarārūpāvacaravipākakiriyānaṃ

rūpānañca vasena. **Siyā tīṇi saccānī**tiādīsu **saṅgahitānī** gaṇitāni. **Vatthuvasenā**ti akusalakusalābyākata dukkhasamudayanirodhamaggasañkhātavattuvasena. **Yaṃ dukkhasaccaṃ akusalanti** tḥapetvā taṇhaṃ avasesaṃ akusalaṃ. **Akusalaṭṭhena dve saccāni ekasaccena saṅgahitānī** imāni dve dukkhasamudayasaccāni akusalaṭṭhena ekasaccena saṅgahitāni, akusalasaccaṃ nāma hotīti attho. **Ekasaccaṃ dvīhi saccehi saṅgahitanti** ekaṃ akusalasaccaṃ dvīhi dukkhasamudayasaccehi saṅgahitaṃ. **Yaṃ dukkhasaccaṃ kusalanti** tebhūmakam kusalaṃ. Imāni dve dukkhamaggasaccāni kusalaṭṭhena ekasaccena saṅgahitāni, kusalasaccaṃ nāma hoti. Ekaṃ kusalasaccaṃ dvīhi dukkhamaggasaccehi saṅgahitaṃ. **Yaṃ dukkhasaccaṃ abyākatanti** tebhūmakavipākakiriya rūpañca. Imāni dve dukkhanirodhasaccāni abyākataṭṭhena ekasaccena saṅgahitāni, ekaṃ abyākatasaccaṃ nāma hoti. Ekaṃ abyākatasaccaṃ dvīhi dukkhanirodhasaccehi saṅgahitaṃ. **Tīṇi saccāni ekasaccena saṅgahitānī**ti samudayamagganirodhasaccāni ekena akusalakusalābyākatabhūtena dukkhasaccena saṅgahitāni. **Ekaṃ saccam tīhi saccehi saṅgahitanti** ekaṃ dukkhasaccaṃ visum akusalakusalaabyākatabhūtehi samudayamagganirodhasaccehi saṅgahitaṃ. Keci pana “dukkhasamudayasaccāni akusalaṭṭhena samudayasaccena saṅgahitāni, dukkhamaggasaccāni kusalaṭṭhena maggasaccena saṅgahitāni, na dassanaṭṭhena. Dukkhanirodhasaccāni abyākataṭṭhena nirodhasaccena saṅgahitāni, na asaṅkhataṭṭhenā”ti vaṇṇayanti.

2. Dutiyasuttantapāḷivaṇṇanā

13. Puna aññassa suttantassa atthavasena saccappaṭivedhaṃ niddisitukāmo **pubbe me, bhikkhveti**tiādikaṃ suttantaṃ āharitvā dassesi. Tattha **pubbe me, bhikkhave, sambodhā**ti bhikkhave, mama sambodhito sabbaññutaññāto pubbe. **Anabhisambuddhassā**ti sabbadhamme appaṭividdhassa. **Bodhisattasseva satoti** bodhisattabhūtasseva. **Etadahosī**ti bodhipallanke nisinnassa etaṃ parivittakitaṃ ahoṣi. **Assādoti** assādiyatiṭṭi assādo. **Ādīnavoti** doso. **Nissaraṇanti** apagamanaṃ. **Sukhanti** sukhayatiṭṭi sukhaṃ, yassuppajjati, taṃ sukhiṃ karoti attho. **Somanassanti** pītisomanassayogato sobhanaṃ mano assāti sumano, sumanassa bhāvo somanassaṃ, sukhaṃeva pītiyogato visesitaṃ. **Aniccanti** addhavaṃ. **Dukkanti** dukkhavattuttā saṅkhāradukkhattā ca dukkhaṃ. **Vipariṇāmadhamanti** avasī hutvā jarābhaṅgavasena parivattanapakatikaṃ. Etena anattabhāvo vutto hoti. **Chandarāgavinayoti** chandasāñkhātassa rāgassa saṃvaraṇaṃ, na vaṇṇarāgassa. **Chandarāgappahānanti** tasseva chandarāgassa pajjanaṃ.

Yāvakiñcātiādīsu yāva imesaṃ pañcannaṃ upādānakkhandhānaṃ...pe... **yathābhūtaṃ nābhāññāsiṃ** na adhikena ñāṇena paṭivijjhiṃ, tāva **anuttaraṃ sammāsambodhiṃ** anuttaraṃ sabbaññubhāvaṃ **abhisambuddho** abhisametāvī arahanti **nevāhaṃ paccaññāsiṃ** neva paṭiññaṃ akāsinti sambandhato attho. **Kiñcā**ti nipātamattaṃ. **Yatoti** yasmā, yadā vā. **Athā**ti anantaraṃ. **Ñāṇaṃ pana me dassanaṃ udapādī**ti dassanakiccakaraṇena dassanasāñkhātāṃ paccavekkhaṇāñāṇaṃ me uppajji. **Akuppā**ti kopetaṃ cāletaṃ asakkuṇeyyā. **Vimuttī**ti arahattaphalavimutti. Etāya eva phalapaccavekkhaṇāya magganibbānapaccavekkhaṇāpi vuttāva honti. **Ayamantimā jā**tiṭṭi ayaṃ pacchimā khandhappavatti. **Natthidāni punabbhavoti** idāni puna uppatti natthi. Etena pahīnakilesapaccavekkhaṇā vuttā. Arahato hi avasiṭṭhakilesapaccavekkhaṇā na hoti.

3. Dutiyasuttantanniddesaṇṇanā

14. Saccappaṭivedhañāyoyojanakkame ca **ayaṃ rūpassa assādoti pahānappaṭivedhoti** pubbabhāge “ayaṃ taṇhāsampayutto rūpassa assādo”ti ñatvā maggakkhaṇe samudayappahānasañkhāto samudayasaccappaṭivedho. **Samudayasaccanti** samudayasaccappaṭivedhañāṇaṃ. Ariyasaccārammaṇaṇāmpī hi “ye keci kusalā dhammā, sabbe te catūsu ariyasaccesu saṅgahaṃ gacchanti”tiādīsu (ma. ni. 1.300) viya “sacca”nti vuccati. **Ayaṃ rūpassa ādīnavoti pariññāpaṭivedhoti** pubbabhāge “ayaṃ rūpassa ādīnavo”ti ñatvā maggakkhaṇe dukkhapariññāsañkhāto dukkhasaccappaṭivedho. **Dukkhasaccanti** dukkhasaccappaṭivedhañāṇaṃ. **Idaṃ rūpassa nissaraṇanti sacchikiriyāpaṭivedhoti** pubbabhāge “idaṃ rūpassa nissaraṇa”nti ñatvā maggakkhaṇe nirodhasacchikiriyāsañkhāto nirodhasaccappaṭivedho. **Nirodhasaccanti** nirodhasaccārammaṇaṃ

nirodhasaccappaṭivedhaññaṃ. **Yā imesu tīsu thānesūti** imesu yathāvuttesu tīsu samudayadukkhanirodhesu paṭivedhavasena pavattā yā **diṭṭhi** yo **saṅkappoti** yojanā. **Bhāvanāpaṭivedhoti** ayaṃ maggabhāvanāsāṅkhāto maggasaccappaṭivedho. **Maggasaccanti** maggasaccappaṭivedhaññaṃ.

15. Puna aparena pariyāyena saccāni ca saccappaṭivedhañña dasseto **saccanti katihākārehi saccanti**ādīmāha. Tattha yasmā sabbepi sabbaññubodhisattā bodhipallaṅke nisinnā jarāmarañādikassa dukkhasaccassa jātiādikaṃ samudayasaccaṃ “kiṃ nu kho”ti esanti, tathā esantā ca jarāmarañādikassa dukkhasaccassa jātiādikaṃ samudayasaccaṃ “paccayo”ti vavatthapento pariggaṇhanti, tasmā sā ca esanā so ca pariggaho saccānaṃ esantā pariggahattā ca “sacca”nti katvā **esanaṭṭhena pariggahaṭṭhenāti** vuttaṃ. Ayañca vidhi paccakabuddhānampi paccayapariggahe labbhatiyeva, sāvakaṇaṃ pana anussavavasena paccayapariggahe labbhati. **Paṭivedhaṭṭhenāti** pubbabhāge tathā esitānaṃ pariggahitānañca maggakkhaṇe ekaṭṭhena.

Kiṃnidānantiādīsu nidānādīni sabbāni kāraṇavevacanāni. Kāraṇāñhi yasmā phalaṃ nideti “handanaṃ gaṇhathā”ti appeti viya, tasmā “nidāna”nti vuccati. Yasmā phalaṃ tato samudeti, jāyati, pabhavati; tasmā samudayo, jāti, pabhavoti vuccati. Ayaṃ panettha attho – kiṃ nidānaṃ etassāti **kiṃnidānaṃ**. Ko samudayo etassāti **kiṃsamudayaṃ**. Kā jāti etassāti **kiṃjātikaṃ**. Ko pabhavo etassāti **kiṃpabhavaṃ**. Yasmā pana tassa jāti yathāvuttena atthena nidānañceva samudayo ca jāti ca pabhavo ca, tasmā **jātinidānanti**ādīmāha. **Jarāmarāṇanti** dukkhasaccaṃ. **Jarāmarāṇasamudayanti** tassa paccayaṃ samudayasaccaṃ. **Jarāmarāṇanirodhanti** nirodhasaccaṃ. **Jarāmarāṇanirodhagāminim paṭipadanti** maggasaccaṃ. Imināva nayaena sabbapadesu attho vedītabbo.

16. Nirodhappajānanāti ārammaṇakaraṇena nirodhassa pajānanā. **Jāti siyā dukkhasaccaṃ, siyā samudayasaccanti** bhavapaccayā paññāyanaṭṭhena dukkhasaccaṃ, jarāmarāṇassa paccayaṭṭhena samudayasaccaṃ. Esa nayo sesesupi. **Avijjā siyā dukkhasaccanti** pana āsavasamudayā avijjāsamudayaṭṭhenāti.

Saccakathāvaṇṇanā niṭṭhitā.

3. Bojjhaṅgakathā

Bojjhaṅgakathāvaṇṇanā

17. Idāni saccappaṭivedhasiddhaṃ bojjhaṅgavisesaṃ dassetena kathitāya suttantapubbaṅgamāya bojjhaṅgakathāya apubbathānuvaṇṇanā. Tattha suttante tāva **bojjhaṅgāti** bodhiyā, bodhissa vā aṅgāti bojjhaṅgā. Kiṃ vuttaṃ hoti (saṃ. ni. aṭṭha. 3.5.182) – yā hi ayaṃ dhammasāmaggī, yāya lokuttaramaggakkhaṇe uppajjamānāya līnuddhacapatiṭṭhānāyūhanakāmasukhattakilamathānuyogaucchedasassatābhinivesādīnaṃ anekesaṃ upaddavānaṃ paṭipakkhabhūtāya satidhammavicayavīriyapītipassaddhisamādhiupekkhāsāṅkhātāya dhammasāmaggiyā ariyasāvako bujhatīti katvā bodhīti vuccati, **bujhatīti** kilesasantānaniddāya vuṭṭhahati, cattāri vā ariyasaccāni paṭivijjhati, nibbānameva vā sacchikarotīti vuttaṃ hoti. Yathāha – “satta bojjhaṅge bhāvetvā anuttaraṃ sammāsambodhiṃ abhisambuddho”ti (saṃ. ni. 5.378; dī. ni. 3.143). Tassā dhammasāmaggīsāṅkhātāya bodhiyā aṅgāti bojjhaṅgā jhānaṅgamaggaṅgādayo viya. Yopesa yathāvuttappakārāya etāya dhammasāmaggiyā bujhatīti katvā ariyasāvako bodhīti vuccati, tassa bodhissa aṅgātipi bojjhaṅgā senaṅgarathaṅgādayo viya. Tenāhu aṭṭhakathācariyā “bujjhanakassa puggalassa aṅgāti bojjhaṅgā”ti. Satisambojjhaṅgādīnaṃ attho abhiññeyyaniddese vutto.

Bojjhaṅgatthaniddese **bodhāya saṃvattantīti** bujjanatthāya saṃvattanti. Kassa bujjanatthāya? Maggaphalehi nibbānassa paccavekkhaṇāya katakicassa bujjanatthāya, maggena vā kilesaniddāto pabujjanatthāya phalena pabuddhabhāvatthāyāpīti vuttaṃ hoti. Balavavipassanāyapi bojjhaṅgā bodhāya saṃvattanti. Tasmā ayaṃ vipassanāmaggaphalabojjhaṅgānaṃ sādharmaṇattho. Tīsupi hi thānesu bodhāya nibbānapaṭivedhāya saṃvattanti. Etena bodhiyā aṅgāti bojjhaṅgāti vuttaṃ hoti. **Bujjantīti**

bojjhaṅgātiādīhi pañcahi catukkehi vuttānaṃ bojjhaṅgānaṃ uppattiṭṭhānaṃ abhiññeyyaniddese vuttaṃ. Api ca **bujjhantī**ti bojjhaṅgānaṃ sakiccakaraṇe samatthabhāvadassanattamaṃ kattuniddeso. **Bujjhanatṭhenā**ti sakiccakaraṇasamatthattepi sati kattuno abhāvadassanattamaṃ bhāvaniddeso. **Bodhentī**ti bojjhaṅgabhāvanāya bujjhantānaṃ yogīnaṃ payojakattā bojjhaṅgānaṃ hetukattuniddeso. **Bodhanatṭhenā**ti paṭhamamaṃ vuttanayeneva payojakahetukattunā bhāvaniddeso. Etehi bodhiyā aṅgā bojjhaṅgāti vuttaṃ hoti. **Bodhipakkhiyatṭhenā**ti bujjhanatṭhena bodhīti laddhanāmassa yogissa pakkhe bhavattā. Ayametesamaṃ yogino upakārakattaniddeso. Etehi bodhissa aṅgāti bojjhaṅgāti vuttaṃ hoti. **Buddhilabhanatṭhenā**tiādike chakke **buddhilabhanatṭhenā**ti yogāvacarena buddhiyā pāpuṇanatṭhena. **Ropanatṭhenā**ti sattānaṃ patitṭhāpanatṭhena. **Pāpanatṭhenā**ti patitṭhāpitāya niṭṭhāpanatṭhena. Ime vipassanābojjhaṅgā pati-abhi-saṃ-iti tīhi upasaggehi visesitā maggaphalabojjhaṅgāti vadanti. Sabbesampi dhammavohārena nidditṭhānaṃ bojjhaṅgānaṃ bodhiyā aṅgāti bojjhaṅgāti vuttaṃ hotīti veditabbaṃ.

Mūlamūlakādidasaḥvaṇṇanā

18. Mūlatṭhenātiādike mūlamūlake dasake **mūlatṭhenā**ti vipassanādīsu purimā purimā bojjhaṅgā pacchimānaṃ pacchimānaṃ bojjhaṅgānaṃ sahaḥjātadhammānaṃ aṅgānaṃ aṅgānaṃ mūlatṭhena. **Mūlacariyatṭhenā**ti mūlaṃ hutvā cariyā pavatti mūlacariyā. Tena mūlacariyatṭhena, mūlaṃ hutvā pavattanatṭhenāti attho. **Mūlapariggahatṭhenā**ti te eva bojjhaṅgā ādito pabhuti uppādanattāya parigayhamānattā pariggahā, mūlāniyeva pariggahā mūlapariggahā. Tena mūlapariggahatṭhena. Te eva aṅgānaṃ parivārasena **parivāratṭhena**. Bhāvanāpāripūrisena **paripūratṭhena**. Niṭṭham pāpuṇanasena **paripākatṭhena**. Te eva mūlāni ca chabbidhā pabhedabhinnattā paṭisambhidā cāti mūlapaṭisambhidā. Tena **mūlapaṭisambhidatṭhena**. **Mūlapaṭisambhidāpāpanatṭhenā**ti bojjhaṅgabhāvanānuyuttassa yogino taṃ mūlapaṭisambhidamaṃ pāpanatṭhena. Tasseva yogino tassā mūlapaṭisambhidāya **vasībhāvattṭhena**. Sesesupi īdisesu puggalavohāresu bodhissa aṅgāti bojjhaṅgāti vuttaṃ hotīti veditabbaṃ. **Mūlapaṭisambhidāya vasībhāvappattānampī**ti īdisesupi niṭṭhāvācānesu phalabojjhaṅgāti veditabbaṃ. Vasībhāvaṃ pattānantipi pāṭho.

Mūlamūlakadasakaṃ niṭṭhitamaṃ.

Sesesupi hetumūlakādīsu navasu dasakesu imināva nayena sādharmaṇavācānaṃ attho veditabbo. Asādharmaṇesu pana yathāvuttā eva bojjhaṅgā yathāvuttānaṃ dhammānaṃ janakattā **hetū** nāma honti. Upatthambhakattā **paccayā** nāma. Te eva tādāṅgasamucchadapaṭippassaddhivisuddhibhūtattā **visuddhi** nāma. Vajjavirahitattā **anavajjā** nāma. “Sabbepi kusalā dhammā nekkhamma”nti vacanato **nekkhammaṃ** nāma. Kilesehi vimuttattā tādāṅgavimuttiādivasena **vimutti** nāma. Maggaphalabojjhaṅgā visayībhūtehi āsavehi virahitattā **anāsavā**. Tividhāpi bojjhaṅgā kilesehi suññattā tādāṅgavivekādivasena **vivekā**. Vipassanāmaggabojjhaṅgā pariccāgavosaggattā pakkhandānavosaggattā ca **vosaggā**. Phalabojjhaṅgā pakkhandānavosaggattā vosaggā.

19. Mūlatṭham bujjhantītiādāyo ekekapadavasena nidditṭhā nava dasakā vuttanayeneva veditabbā. **Vasībhāvappattānanti** padaṃ pana vattamānavācānābhāvena na yojitamaṃ. **Pariggahatṭhā**dayo abhiññeyyaniddese vuttatthā.

20. Puna thero attanā desitamaṃ suttantaṃ uddisitvā tassa niddesavasena bojjhaṅgavidhiṃ dassetukāmo **ekamaṃ samayanti**ādikaṃ nidānaṃ vatvā suttantaṃ tāva uddisi. Attanā desitasuttattā eva cettha **evamaṃ me sutanti** na vuttaṃ. **Āyasmā sārīputtō**ti panettha desakabyattibhāvatthamaṃ attānaṃ paraṃ viya katvā vuttaṃ. Īdisaṅhi vacanaṃ loke ganthesu payujjanti. **Pubbaṅhasamayanti** sakalaṃ pubbaṅhasamayamaṃ. Accantasamaṃyogathe upayogavācānaṃ. Sesadvayepi eseva nayo. **Satisambojjhaṅgo iti ce me hotīti** satisambojjhaṅgoti evaṅce mayamaṃ hoti. **Appamāṇoti me hotīti** appamāṇoti evamaṃ me hoti. **Susamāradhoti me hotīti** suṭṭhu paripuṇṇoti evamaṃ me hoti. **Tiṭṭhantanti** nibbānārammaṇe pavattivasena tiṭṭhantaṃ. **Cavatīti** nibbānārammaṇato apagacchati. Sesabojjhaṅgesupi eseva nayo.

Rājamahāmattassāti rañño mahāamaccassa, mahatiyā vā bhogamattāya bhogappamāṇena

samannāgatassa. **Nānārattānanti** nānāraṅgarattānaṃ, pūraṇatthe sāmivacanaṃ, nānārattēhīti attho. **Dussakaraṇḍakoti** dussapeḷā. **Dussayuganti** vatthayugalaṃ. **Pārupitunti** acchādetuṃ. Imasmiṃ suttante therassa phalabojjhaṅgā kathitā. Yādā hi thero satisambojjhaṅgaṃ sīsaṃ katvā phalasaṃpattim samāpajjati, tadā itare tadanvayā honti. Yādā dhammavicayādīsu aññataraṃ, tadā sesāpi tadanvayā hotīti evaṃ phalasaṃpattiyā attano ciṅṇavasābhāvaṃ dassento thero imaṃ suttantaṃ kathesīti.

Suttantaniddesaṅṅaṇā

21. Kathaṃ satisambojjhaṅgo iti ce hotīti bojjhaṅgoti satisambojjhaṅgaṃ sīsaṃ katvā phalasaṃpattim samāpajjantassa aññesu bojjhaṅgesu vijjamānesu evaṃ ayaṃ satisambojjhaṅgo hotīti iti ce pavattassa kathaṃ so satisambojjhaṅgo hotīti attho. **Yāvatā nirodhūpaṭṭhātīti** yattakena kālena nirodho upaṭṭhātīti, yattake kāle ārammaṇato nibbānaṃ upaṭṭhātīti attho. **Yāvatā accīti** yattakena parimāṇena jālā. **Kathaṃ appamāṇo iti ce hotīti bojjhaṅgoti** na appamāṇepi satisambojjhaṅge vijjamāne evaṃ ayaṃ appamāṇo hotīti iti ce pavattassa so appamāṇo satisambojjhaṅgo kathaṃ hotīti attho. **Pamāṇabaddhātī** kilesā ca pariyuṭṭhānā ca ponobhavikasaṅkhārā ca pamāṇabaddhā nāma honti. “Rāgopamāṇakaraṇo, doso pamāṇakaraṇo, moho pamāṇakaraṇo”ti (ma. ni. 1.459) vacanato rāgādayo yassa uppajjanti, “ayaṃ ettako”ti tassa pamāṇakaraṇato pamāṇaṃ nāma. Tasmim pamāṇe baddhā paṭibaddhā āyattāti kilesādayo pamāṇabaddhā nāma honti. **Kilesātī** anusayabhūtā, **pariyuṭṭhānātī** samudācārappattakilesā. **Saṅkhārā ponobhavikāti** punappunaṃ bhavakaraṇaṃ punabhavo, punabhavo sīlametesanti ponabhavikā, ponabhavikā eva ponobhavikā. Kusalākusalakammaṃsaṅkhātā saṅkhārā. **Appamāṇoti** vuttappakārassa pamāṇassa abhāvena appamāṇo. Maggaphalānampi appamāṇattā tato viśesanatthaṃ **acalaṭṭhena asaṅkhataṭṭhenātī** vuttaṃ. Bhaṅgābhāvato acalo, paccayābhāvato asaṅkhato. Yo hi acalo asaṅkhato ca, so ativiya pamāṇavirahito hoti.

Kathaṃ susamāradhho iti ce hotīti bojjhaṅgoti anantaraṃ vuttanayena yojetabbaṃ. **Visamātī** sayañca visamattā, visamassa ca bhāvassa hetuttā visamā. **Samadhammotī** santaṭṭhena paṇītaṭṭhena samo dhammo. Pamāṇābhāvato **santo**. “Yāvatā, bhikkhave, dhammā saṅkhatā vā asaṅkhatā vā, virāgo tesam dhammānaṃ aggamakkhāyati”ti (a. ni. 4.34; itivu. 90) vacanato sabbadhammuttamaṭṭhena **paṇīto**. Tasmim samadhammoti vutte susame āradhho **susamāradhho**. **Āvajjitattātī** phalasaṃpattiyā pavattakālaṃ sandhāya vuttaṃ. Anuppādādisaṅkhāte nibbāne manodvārāvajjanassa uppannattātī vuttaṃ hoti. **Tiṭṭhatīti** pavattati. **Uppādādīni** heṭṭhā vuttatthāni. Sesabojjhaṅgamūlakesupi vāresu eseṃa nayo.

Bojjhaṅgakathāvaṅṅaṇā niṭṭhitā.

4. Mettākathā

Mettākathāvaṅṅaṇā

22. Idāni bojjhaṅgakathānantaraṃ kathitāya bojjhaṅgakathāgatīyā suttantapubbaṅgamāya mettākathāya apubbathānuvaṅṅaṇā. Tattha suttante tāva **āsevitāyātī** ādarena sevitāya. **Bhāvitāyātī** vaḍḍhitāya. **Bahulikatāyātī** punappunaṃ katāya. **Yānikatāyātī** yuttayānasadisāya katāya. **Vatthukatāyātī** paṭiṭṭhānaṭṭhena vatthu viya katāya. **Anuṭṭhitāyātī** paccupaṭṭhitāya. **Paricitāyātī** samantato citāya upacitāya. **Susamāraddhāyātī** suṭṭhu samāraddhāya sukatāya. **Ānisaṃsātī** guṇā. **Pāṭikaṅkhātī** paṭikaṅkhitabbā icchitabbā. **Sukhaṃ supatīti** yathā sesajānā samparivattamānā kācchamānā dukkhaṃ supanti, evaṃ asupitvā sukhaṃ supati. Niddaṃ okkantopi samāpattim samāpanno viya hoti. **Sukhaṃ paṭibujjhatīti** yathā aññe nitthunantā vijambhantā samparivattantā dukkhaṃ paṭibujjhanti, evaṃ apaṭibujjhivā vikaṃamānava padumaṃ sukhaṃ nibbikāraṃ paṭibujjhati. **Na pāpakaṃ supinaṃ passatīti** supinaṃ passantopi bhaddakameva supinaṃ passati. Cetiyaṃ vandanto viya pūjaṃ karonto viya dhammaṃ suṇanto viya ca hoti. Yathā panaññe attānaṃ corehi parivāritaṃ viya vālehi upaddutaṃ viya papāte patantaṃ viya ca passanti, na evaṃ pāpakaṃ supinaṃ passati. **Manussānaṃ piyo hotīti** ure āmuttamuttāhāro viya sīse piḷandhamālā viya ca manussānaṃ piyo hoti manāpo. **Amanussānaṃ piyo hotīti** yatheva ca manussānaṃ, evaṃ amanussānampi piyo hoti. **Devatā rakkhantīti** puttamiva mātāpitāro

devatā rakkhanti. **Nāssa aggi vā visam vā sattham vā kamatīti** mettāvihārissa kāye aggi vā visam vā sattham vā na kamati na pavisati, nāssa kāyaṃ vikopetīti vuttaṃ hoti. **Tuvaṇṇam cittaṃ samādhiyātīti** mettāvihārino khippameva cittaṃ samādhiyati, natthi tassa dandhāyitattaṃ. **Mukhavaṇṇo vippasīdatīti** bandhanā pamuttatālapakkaṃ viya cassa vippasannaṃ mukhaṃ hoti. **Asammūḷho kālaṃ karotīti** mettāvihārino sammohamaṇaṃ nāma natthi, asammūḷho niddaṃ okkamanto viya kālaṃ karoti. **Uttari appaṭṭivijjhantoti** mettāsamāpattito uttariṃ arahattaṃ adhigantaṃ asakkonto ito cavitvā suttappabuddho viya **brahmalokūpago hotīti** brahmalokaṃ upapajjātīti attho.

Mettāniddese **anodhiso pharaṇāti** odhi mariyādā, na odhi anodhi. Tato anodhiso, anodhitoti attho, nippadesato phusanāti vuttaṃ hoti. **Odhisoti** padesavasena. **Disāpharaṇāti** disāsu pharaṇā. **Sabbeti** anavasesapariyādānaṃ. **Sattātipadassa** attho ñāṇakathāmātikāvaṇṇanāyaṃ vutto, ruḷhīsaddena pana vītarāgesupi ayaṃ vohāro vattati vilīvamayepi bījanivisesse tālavaṇṇavohāro viya. **Averāti** verarahitā. **Abyāpajjāti** byāpādarahitā. **Anīghāti** niddukkhā. Anigghātipi pāṭho. **Sukhī attānaṃ pariharantūti** sukhitā hutvā attabhāvaṃ vattayantu. “Averā”ti ca sakasantāne ca pare paṭicca, parasantāne ca itare paṭicca verābhāvo dassito, “abyāpajjā”tiādīsu verābhāvā tammūlakabyāpādābhāvo, “anīghā”ti byāpādābhāvā tammūlakadukkhābhāvo, “sukhī attānaṃ pariharantū”ti dukkhābhāvāsukhena attabhāvapariharaṇaṃ dassitanti evamettha vacanasambandho veditabboti. Imesu ca “averā hontū”tiādīsu catūsipi vacanesu yaṃ yaṃ pākaṇṇaṃ hoti, tassa tassa vasena mettāya pharati.

Pāṇātitiādīsu pāṇanātāya pāṇā, assāsapassāsāyattavuttiyāyāti attho. Bhūtattā **bhūtā**, abhinibbattāti attho. Puṃ vuccatī nirayo, taṃ puṃ galantī gacchantīti **puggalā**. Attabhāvo vuccatī sarīraṃ, khandhapañcakameva vā, taṃ upādāya paññattimattasabbhāvato, tasmīṃ attabhāve pariyāpannā paricchinā antogadhāti **attabhāvapariyāpannā**. Yathā ca sattāti vacanaṃ, evaṃ sesānīpi ruḷhīvasena āropetvā sabbānetāni sabbasattavevacanānīti veditabbāni. Kāmañca aññānīpi “sabbe jantū sabbe jīvā”tiādīni sabbasattavevacanāni atthi, pākaṇṇavasena pana imāneva pañca gahetvā “pañcahākārehi anodhiso pharaṇā mettācetovimutti”ti vuccatī. Ye pana “sattā pāṇā”tiādīnaṃ na kevalaṃ vacanamattatova, atha kho atthatopi nānattameva iccheyyūṃ, tesam anodhiso pharaṇā virujjhati. Tasmā tathā atthaṃ aggahetvā imesu pañcasu ākāresu aññataravasena anodhiso mettāya pharati.

Odhiso pharaṇe pana **itthiyo purisāti** līngavasena vuttaṃ, **ariyā anariyāti** ariyaputhujjanavasena, **devāmanussā vinipātikāti** upapattivasena. Disāpharaṇepi disāvibhāgaṃ akatvā sabbadisāsu “sabbe sattā”tiādīnā nayena pharaṇato anodhiso pharaṇā hoti, sabbadisāsu “sabbā itthiyo”tiādīnā nayena pharaṇato odhiso pharaṇā.

Yasmā pana ayaṃ tividhāpi mettāpharaṇā appanāpattacittassa vasena vuttā, tasmā tīsu vāresu appanā gahetabbā. Anodhiso pharaṇe tāva “sabbe sattā averā hontū”ti ekā, “abyāpajjā hontū”ti ekā “anīghā hontū”ti ekā, “sukhī attānaṃ pariharantū”ti ekā. Tānīpi hi cattāri hitopasaṃhāravaseneva vuttāni. Hitopasaṃhāralakkhaṇā hi mettā. Iti “sattā”tiādīsu pañcasu ākāresu catassannaṃ catassannaṃ appanānaṃ vasena vīsati appanā honti, odhiso pharaṇe “sabbā itthiyo”tiādīsu sattu su ākāresu catassannaṃ catassannaṃ vasena aṭṭhavīsati appanā. Disāpharaṇe pana “sabbe puratthimāya disāya sattā”tiādīnā nayena ekamekissā disāya vīsati vīsati katvā dve satāni, “sabbā puratthimāya disāya itthiyo”tiādīnā nayena ekamekissā disāya aṭṭhavīsati aṭṭhavīsati katvā asīti dve satānīti cattāri satāni asīti ca appanā. Iti sabbānīpi idha vuttāni aṭṭhavīsādhikāni pañca appanāsātāni honti. Yathā ca mettāya tividhena pharaṇā vuttā, tathā karuṇāmoditāupekkhānampi vuttāva hotīti veditabbaṃ.

1. Indriyavāraṇaṇā

23. Atha mettūpasamhārākāraṃ indriyādi-paribhāvanañca dassetuṃ **sabbesaṃ sattānaṃ piḷanaṃ vajjetvāti**tiādīmāha. Tattha **piḷananti** abhantarato sarīrapīḷanaṃ. **Upaghātanti** bāhirato sarīropaghātanaṃ. **Santāpanti** yathā tathā vā cittasantāpanaṃ. **Pariyādānanti** pakatiyā jīvitādi-parikkhayaṃ. **Vihesanti** parato jīvitaviheṭhanaṃ. **Vajjetvāti** piḷanādīsu ekekaṃ attano citteneva apanetvā. Imāni piḷanādīni pañca padāni mettūpasamhārassa paṭipakkhavivajjanavasena vuttāni, **apiḷanāyāti**tiādīni mettūpasamhāravasena.

Apīlanāyāti apīlanākārena, sabbe satte mettāyatīti sambandho. Evaṃ sesesupi. **Mā verino mā dukkhino mā dukkhittatīti** imānīpi tīṇi mettopasamhārassa paṭipakkhapaṭikkhepavacanāni. Mā-vacanassa mā hontūti attho. **Averino sukhino sukhittatīti** imāni tīṇi mettopasamhāravacanāni. “Abyāpajjā anīghā”ti idaṃ dvayaṃ “sukhino”ti vacanena saṅgahitanti veditabbaṃ. **Sukhittatīti** tasseva sukhasa nīcappavattidassanaṃ. “Sukhittatā”ti ca “sukhī attānaṃ pariharantū”ti ca atthato ekaṃ. “Apīlanāyā”tiādīhi vā abyāpajjānīghavacanāni saṅgahitāni. **Aṭṭhahākārechīti** “apīlanāyā”tiādayo pañca mettopasamhārākārā “averino hontū”tiādayo tayo mettopasamhārākārāti imehi aṭṭhahākārehi. **Mettāyatīti** sīniyhati. **Taṃ dhammaṃ cetayatīti** taṃ hitopasamhāraṃ cetayati abhisandahati, pavattetīti attho. **Sabbabyāpādapariyutṭhānehi vimuccatīti** mettāya paṭipakkhabhūtehi sabbehi byāpādasamudācārehi vikkhambhanato vimuccati. **Mettā ca ceto ca vimutti cāti** ekāyeva mettā tidhā vaṇṇitā.

Averino khemino sukhinoti imāni tīṇi padāni pubbe vutte ākāre saṅkhepena saṅgahetvā vuttāni. **Saddhāya adhimuccatīti**tiādīnā nayena vuttāni pañcindriyāni mettāya sampayuttāniyeva. **Āsevanā**tiādīsū chasu vāresu āsevīyati etehi mettāti āsevanā. Tathā **bhāvanā bahulīkammaṃ**. **Alaṅkāratī** vibhūsanā. **Svālaṅkatī** suṭṭhu alaṅkatā bhūsitā. **Parikkhārāti** sambhārā. **Suparikkhatī** suṭṭhu sambhatā. **Parivārāti** rakkhanaṭṭhena. Puna āsevanādīni aṭṭhavīsati padāni mettāya vaṇṇabhaṇanattamaṃ vuttāni. Tatha **pāripūrīti** paripuṇṇabhāvā. **Sahagatī** mettāya sahatā. Tathā **sahajā**tiādayo. **Pakkhandanāti** mettāya pavisanā, pakkhandati etehi mettāti vā pakkhandanā. Tathā **samsīdanā**dayo. **Etaṃ santanti phassanāti** esā mettā santāti etehi phassanā hotīti etaṃ santanti phassanā “etadagga”ntiādīsū (a. ni. 1.188 ādayo) viya napuṃsakavacanamaṃ. **Svādhiṭṭhitī**ti suṭṭhu patiṭṭhitā. **Susamuggatī**ti suṭṭhu samussitā. **Suvimuttāti** attano attano paccanīkehi suṭṭhu vimuttā. **Nibbattentīti** mettāsampayuttā hutvā mettā nībbattenti. **Jotentīti** pākaṭaṃ karonti. **Patāpentīti** virocanti.

2-4. Balādivārattayavaṇṇanā

24-27. Indriyavāre vuttanayeneva balavāropi veditabbo. Bojjhaṅgamaggaṅgavārā pariyāyena vuttā, na yathālakkaṇavasena. Maggaṅgavāre sammāvācākamantājīvā mettāya pubbhāgavasena vuttā, na appanāvasena. Na hi ete mettāya saha bhavanti. **Sabbesaṃ pāṇānanti**tiādīnaṃ sesavārānampi sattavāre vuttanayeneva attho veditabbo. Mettābhāvanāvīdhānaṃ pana visuddhimaggato (visuddhi. 1.240 ādayo) gahetabbanti.

Mettākathāvaṇṇanā niṭṭhitā.

5. Virāgakathā

Virāgakathāvaṇṇanā

28. Idāni maggapayohanapariyosānāya mettākathāya anantaraṃ kathitāya virāgasāṅkhātamaggapubbaṅgamāya virāgakathāya apubbathānuvaṇṇanā. Tatha paṭhamaṃ tāva “nībbindaṃ virajjati virāgā vimuccatī”ti (mahāva 23) vuttānaṃ dvīnaṃ suttantapadānaṃ atthaṃ nīddisitukāmena **virāgo maggo, vimutti phalanti** uddeso ṭhapito. Tatha paṭhamaṃ vacanattamaṃ tāva nīddisitukāmo **kathaṃ virāgo maggoti**tiādīmāha. Tatha **virajjatīti** virattā hoti. Sesāni maggañānīddese vuttatthāni. **Virāgoti** yasmā sammādiṭṭhi virajjati, tasmā virāgo nāmāti attho. So ca virāgo yasmā virāgārammaṇo...pe... virāge patiṭṭhito, tasmā ca virāgoti evaṃ “virāgārammaṇo”tiādīnaṃ pañcannaṃ vacanānaṃ sambandho veditabbo. Tatha **virāgārammaṇoti** nībbānārammaṇo. **Virāgagocaroti** nībbānavisayo. **Virāge samudāgatoti** nībbāne samuppanno. **Virāge ṭhitoti** pavattivasena nībbāne ṭhito. **Virāge patiṭṭhitoti** anivattanavasena nībbāne patiṭṭhito.

Nībbānañca virāgoti nībbānaṃ virāgahetuttā virāgo. **Nībbānārammaṇatājātāti** nībbānārammaṇe jātā, nībbānārammaṇabhāvena vā jātā. Te maggasampayuttā sabbeva phassādayo dhammā virajjanaṭṭhena **virāgā hontīti** virāgā nāma honti. **Sahajātanīti** sammādiṭṭhisahajātanī sammāsāṅkappādīni satta maggaṅgāni. **Virāgaṃ gacchantīti virāgo maggoti** virāgaṃ nībbānaṃ ārammaṇaṃ katvā gacchantīti

virāgārammaṇattā virāgo nāma, magganaṭṭhena maggo nāma hotīti attho. Ekekampi maggaṅgaṃ maggoti nāmaṃ labhati. Iti ekekassa aṅgassa maggatte vutte sammādiṭṭhiyāpi maggattaṃ vuttameva hoti. Tasmāyeva ca **etena maggenāti** aṭṭha maggaṅgāni gahetvā vuttaṃ. **Buddhā cāti** paccekabuddhāpi saṅgahitā. Tepi hi “dveme, bhikkhave, buddhā tathāgato ca arahaṃ sammāsambuddho paccekabuddho cā”ti (a. ni. 2.57) vuttattā buddhāyeva. **Agatanti** anamatagge saṃsāre agatapubbaṃ. **Disanti** sakalāyapaṭipattiyā dissati apadissati abhisandahīyatīti disā, sabbabuddhehi vā paramaṃ sukhanti dissati apadissati kathīyatīti disā, sabbadukkhaṃ vā dissanti vissajjenti ujjhanti etāyāti disā. Taṃ disaṃ. **Aṭṭhaṅgiko maggoti** kiṃ vuttaṃ hoti? Yo so aṭṭhaṅgiko dhammasamūho, so etena nibbānaṃ gacchantīti gamaṇaṭṭhena maggo nāmāti vuttaṃ hoti. **Puthusamaṇabrāhmaṇānaṃ parappavādānanti** viṣuṃ viṣuṃ samaṇānaṃ brāhmaṇānaṃca ito aññaladdhikānaṃ. **Aggoti** tesam sesamaggānaṃ viṣiṭṭho. **Seṭṭhoti** sesamaggato ativiya paṣaṃsanīyo. **Mokkhoti** mukhe sādhu, sesamaggānaṃ abhimukhe ayameva sādhuṭi attho. **Uttamoti** sesamagge ativiya uttiṇṇo. **Pavaroti** sesamaggato nānappakārehi saṃbhajānīyo. **Itīti** kāraṇatthe nipāto. Tasmā bhagavatā “maggānaṃ aṭṭhaṅgiko seṭṭho”ti vuttoti adhippāyo. Vuttaṅhi bhagavatā –

“Maggānaṭṭhaṅgiko seṭṭho, saccānaṃ caturo padā;
Virāgo seṭṭho dhammānaṃ, dvipadānaṃca cakkhumā”ti. (dha. pa. 273);

Taṃ idha vicchinditvā “maggānaṃ aṭṭhaṅgiko seṭṭho”ti vuttaṃ. Sesavāresupi iminā ca nayena heṭṭhā vuttanayena ca attho veditaḃbo.

Dassanavirāgotiādīsu dassanasāṅkhāto virāgo dassanavirāgo. Indriyaṭṭhato balassa viṣiṭṭhattā idha indriyato balaṃ paṭhamaṃ vuttanti veditaḃbaṃ. **Adhipateyyaṭṭhena indriyānīti**ādī indriyādīnaṃ atthavibhāvanā, na virāgassa. **Tathaṭṭhena saccāti** saccaññānaṃ veditaḃbaṃ. **Silavisuddhīti** sammāvācākamantājīvā. **Cittavisuddhīti** sammāsamādhī. **Diṭṭhivisuddhīti** sammādiṭṭhisāṅkappā. **Vimuttaṭṭhenāti** taṃtaṃmaggavajjhakilesehi muttaṭṭhena. **Vijjāti** sammādiṭṭhi. **Vimuttīti** samuccheda vimutti. **Amatogadhaṃ nibbānaṃ pariyoṣānaṭṭhena maggoti** maggaphalapaccavekkhaṅhi maggīyatīti maggo.

Imasmiṃ virāganiddese vuttā dhammā sabbepi maggakkhaṇeyeva. Vimuttiniddese phalakkhaṇe. Tasmā chandamanasikārāpi maggaphalasampayuttā.

29. Virāganiddese vuttanayeneva vimuttiniddeseṃpi attho veditaḃbo. Phalaṃ panettha paṭippassaddhivimuttattā **vimutti**, nibbānaṃ nissaraṇavimuttattā vimutti. “Sahajātāni sattaṅgāni”tiādīni vacanāni idha na labbhantīti na vuttāni. Sayam phalavimuttattā **pariccāgaṭṭhena vimuttīti** ettakameva vuttaṃ. Sesam vuttanayamevāti.

Virāgakathāvaṇṇanā niṭṭhitā.

6. Paṭisambhidākathā

1. Dhammacakkapavattanavāraṇṇanā

30. Idāni virāgasāṅkhātammaggavasena siddhaṃ paṭisambhidāpabhedam dassentena kathitāya dhammacakkapavattanasuttantapubbaṅgamāya paṭisambhidākathāya apubbatthānuvaṇṇanā. Suttante tāva **bārāṇasiyanti** bārāṇasā nāma nadī, bārāṇasāya avidūre bhavā nagaṛī bārāṇasī. Tassaṃ bārāṇasiyam. **Isipatane migadāyēti** isīnaṃ patanuppattanavasena evaṃladdhanāme migānaṃ abhayadānadinnaṭṭhānattā migadāyasaṅkhāte ārāme. Tattha hi uppānuppānā sabbaññuisayo patanti, dhammacakkapavattanattam nisīdantīti attho. Nandamūlakapabbhārato sattāhaccayena nirodhasamāpattito vuṭṭhitā anotattadahe katamukhadhovanakiccā ākāseṃ āgantvā paccekabuddhaisayopettha samosaraṇavasena patanti, uposathatthaṅca anuposathatthaṅca sannipatanti, gandhamādanam paṭigacchantā ca tato ca uppattantītipi iminā isīnaṃ patanuppattanavasena taṃ “isipatana”nti vuccati. “Isipadana”ntipi pāṭho. **Pañcavaggiyēti** –

“Koṇḍañño bhaddiyo vappo, mahānāmo ca assaji;
Ete pañca mahātherā, pañcavaggāti vuccare”ti. –

Evam vuttānaṃ pañcannaṃ bhikkhūnaṃ vago pañcavaggo. Tasmim pañcavagge bhavā taṃpariyāpannattāti pañcavaggiyā, te pañcavaggiye. **Bhikkhū āmantesī** dīpaṅkaradasabalassa pādamūle katābhinihārato paṭṭhāya pāramiyo pūrento anupubbena pacchimabhavaṃ patvā pacchimabhava ca katābhinikkhamano anupubbena bodhimaṇḍaṃ patvā tattha aparājitapallaṅke nisinno mārabalaṃ bhinditvā paṭhamayāme pubbenivāsaṃ anussarivā majjhimaṃ dibbacakkhuṃ visodhetvā pacchimayāmāvasāne dasasahassilokadhātuṃ unnādentō sampakampento sabbaññutaṃ patvā satta sattāhāni bodhimaṇḍe vītināmetvā mahābrahmunā āyācitadhammadesanā buddhacakkhunā lokaṃ voloketvā lokānuggahena bārāṇasiṃ gantvā pañcavaggiye bhikkhū saññāpetvā dhammacakkaṃ pavattetukāmo āmantesī.

Dveme, bhikkhave, antāti dveme, bhikkhave, koṭṭhāsā. Imassa pana vacanassa samudāhārena samudāhāranigghoso heṭṭhā avīciṃ upari bhavaggaṃ patvā dasasahassiṃ lokadhātuṃ pattharivā aṭṭhāsi, tasmimyeva samaye aṭṭhārasakoṭṭisāṅkhā brahmāno samāgacchimsu. Pacchimadisāya sūriyo atthaṅgameti, puratthimāya disāya uttarāsāḷhanakkhattena yutto puññacando uggaḇhati. Tasmim samaye bhagavā dhammacakkapavattanasuttantaṃ ārabhanto “dveme, bhikkhave, antā”tiādimāha.

Tattha **pabbajitenāti** gihisaṃyojanaṃ vatthukāmaṃ chetvā pabbajitena. **Na sevittabbāti** na valañjetabbā. Pabbajitānaṃyeva visesato paṭipattiyā bhājanabhūtattā “pabbajitena na sevittabbā”ti vuttaṃ. **Yo cāyaṃ kāmesu kāmasukhallikānuyogoti** yo ca ayaṃ vatthukāmesu kilesakāmasukhassa, kilesakāmasukhanissayassa vā anuyogo. **Hīnoti** lāmakō. **Gammoti** gāmaṃvāsīnaṃ santako. **Pothujjanikoti** puthujjanena andhabālanena āciṇṇo. **Anariyoti** na ariyo. Atha vā na visuddhānaṃ uttamānaṃ ariyānaṃ santako. **Anatthasamhitoti** na atthasamhito, sukhāvahakāraṇaṃ anissitoti attho. **Attakilamathānuyogoti** attano kilamathassa anuyogo, attano dukkhakaraṇanti attho. **Dukkhoti** kaṇṭakāpassayaseyyādīhi attamāraṇehi dukkhāvaho. Tapassīhi “uttamaṃ tapo”ti gahittatā tesam cittaṇurakkhanatthaṃ idha “hīno”ti na vuttaṃ, pabbajitānaṃ dhammatā “gammo”ti ca, gihīhi asādhāraṇatā “pothujjaniko”ti ca na vuttaṃ. Tattha pana kehici pabbajitapaṭiññehi diṭṭhadhammanibbānavādehi “yato kho, bho, ayaṃ attā pañcahi kāmaguṇehi samappito samaṅgibhūto paricāreti, ettāvata kho, bho, ayaṃ attā diṭṭhadhammanibbānappatto hoti”ti (dī. ni. 1.94) gahittatā tesam cittaṇurakkhanatthaṃca paccuppanne sukhattā ca tassa dhammasamādānassa “dukkho”ti na vuttaṃ. Kāmasukhallikānuyogo paccuppanne taṇhādiṭṭhisamkiliṭṭhasukhattā āyatiṇca dukkhavipākattā tadanuyuttānaṃ taṇhādiṭṭhibandhanabaddhattā ca na sevittabbo, attakilamathānuyogo paccuppanne diṭṭhisamkiliṭṭhadukkhattā āyatiṇca dukkhavipākattā tadanuyuttānaṃ diṭṭhibandhanabaddhattā ca na sevittabbo, **ete khoti** te ete. **Anupagammāti** na upagantvā. **Majjhimāti** samkiliṭṭhasukhadukkhānaṃ abhāvā majjhe bhavāti majjhimā. Sā eva nibbānaṃ paṭipajjanti etāyāti **paṭipadā**. **Abhisambuddhāti** paṭividdhā. **Cakkhukaraṇī**tiādisu paññācakkhuṃ karotīti cakkhukaraṇī. **Ñānakaraṇī**ti tasseva vevacanaṃ. **Upasamāyāti** kilesūpasamāya. **Abhiññāyāti** catunnaṃ saccānaṃ abhijānanatthāya. **Sambodhāyāti** tesamyeva sambujjhanatthāya. **Nibbānāyāti** nibbānasacchikiriyatthāya. Atha vā dassanamaggaññaṃ karotīti **cakkhukaraṇī**. Bhāvanāmaggaññaṃ karotīti **ñānakaraṇī**. Sabbakilesānaṃ **upasamāya**. Sabbadhammānaṃ **abhiññāya**. Arahattaphalasambodhāya. Kilesānaṃca khandhānaṃca **nibbānāya**. Saccakathā abhiññeyyaniddese vuttā.

Evam bhagavā saccāni pakāsetvā attani katabahumānānaṃ tesam attano paṭivedhakkamaṃ sutvā paṭipattiyā bahumānāropanena paṭipattiyam thatvā saccappaṭivedham passanto **idaṃ dukkham ariyasaccanti me, bhikkhave**tiādinā attano paṭivedhakkamaṃ dassesi. Tattha **ananussutesūti** na anussutesu, paraṃ anugantvā assutesūti attho. **Cakkhūtiādinam** attho parato āvi bhavissati. **Idam dukkham ariyasaccam, idam dukkhasamudayam, idam dukkhanirodham, idam dukkhanirodhagaminiṃ paṭipadā ariyasaccanti** catunnaṃ saccānaṃ dassanapaṭivedho sekhabhūmiyam. **Pariññeyyam pahātubbam sacchikātabbam bhāvetabbanti** catunnaṃ saccānaṃ bhāvanāpaṭivedho sekhabhūmiyamyeva. **Pariññātam pahīnam sacchikātam bhāvitanti** catunnaṃ saccānaṃ paccavekkhaṇā asekhabhūmiyam.

“Uḷārāya khalu bhavaṃ vacchāyano samaṇaṃ gotamaṃ pasamsāya pasamsati”tiādīsu seṭṭhaṃ uḷāranti vuttaṃ. Idha pana “vipulo uḷāro”ti vutto. **Obhāsoti** desanāññānubhāvena ca devatānubhāvena ca jātaobhāso. **Loketi** cakkavāḷassa dasasahassiyaṃyeva. **Atikkammeva devānaṃ devānubhāvanti** devānaṃ ayamānubhāvo – nivatthavattahappabhā dvādasa yojanāni pharati, tathā sarīrassa alaṅkārasa vimānassa ca. Taṃ devānaṃ devānubhāvaṃ atikkamitvāyevāti attho. **Udānanti** somanassaññāmayikaṃ udāhāraṃ. **Udānesīti** udāhari. **Aññāsi vata, bho koṇḍaññoti** imassapi udānassa udāharaṇaghoso dasasahassilokadhātuṃ pharitvā aṭṭhāsi. **Aññāsikoṇḍaññoti** bhusaṃ ñātakoṇḍaññoti attho.

Cakkhuādīnaṃ niddese **dassanaṭṭhenā**tiādīsu ekameva ñānaṃ yathāvuttassa neyyassa cakkhu viya dassanakiccakaraṇena **cakkhu**. Ñānakiccakaraṇena **ñānaṃ**. Nānappakārato jānanakiccakaraṇena **paññā**. Anavasesapaṭivedhakaraṇena **vijjā**. Sabbathā obhāsakiccakaraṇena **āloko** nāmāti attho. **Cakkhuṃ dhammoti**ādīsipi ekaṃyeva ñānaṃ kiccanānattena pañcadhā vaṇṇitaṃ. **Ārammaṇāti** upatthambhanaṭṭhena. **Gocarāti** visayaṭṭhena. **Dassanaṭṭhenā**tiādīsu ñānakiccaṃ pañcadhā vuttaṃ. Iminā nayena tīsu vāresu ekekasmim pañca pañca katvā pannarasa dhammā, pannarasa atthā, dvīsu pannarasakesu tiṃsa niruttiyo, pannarasasu dhammesu pannarasasu atthesu tiṃsāya niruttīsūti saṭṭhi ñāṇāni veditabbāni. Sesaariyasaccesu e seva nayo. Catūsu ariyasaccesu ekekasmim ariyasacce pannarasannaṃ pannarasannaṃ dhammānaṃ atthānañca vasena saṭṭhi dhammā, saṭṭhi atthā, saṭṭhiyā dhammesu saṭṭhiyā atthesu ca vīsasataṃ niruttiyo, vīsādhikaṃ satanti attho. Saṭṭhiyā dhammesu saṭṭhiyā atthesu vīsuttarasate niruttīsūti evaṃ cattārīsañca dve ca ñāṇasatāni.

2-3. Satipaṭṭhānavārādivaṇṇanā

31-32. Satipaṭṭhānasuttantapubbaṅgame iddhipādasuttantapubbaṅgame ca paṭisambhidāniddese imināva nayena attho ca gaṇanā ca veditabbā.

4-8. Sattabodhisattavārādivaṇṇanā

33-37. Sattannaṃ bodhisattānaṃ suttantesu ekekasmimyeva samudaye cakkhādayo pañca, nirodhe pañcāti dasa dhammā, samudaye dassanaṭṭhādayo pañca, nirodhe pañcāti dasa atthā, tesam vasena vīsati niruttiyo cattārīsaṃ ñāṇāni. Satta ekato katvā vuttagaṇanā suviññeyyā eva. Sabbaññutaññāvasena vuttapaṭisambhidāniddese ekekamūlakesu “ñāto diṭṭho vidito sacchikato phassito paññāyā”ti (paṭi. ma. 1.121) imesu pañcasu vacanesu ekekasmimyeva cakkhādayo pañca, dassanaṭṭhādayo pañcāti pañcapañcakānaṃ vasena pañcavīsati dhammā, pañcavīsati atthā, taddiguṇā niruttiyo, taddiguṇāni ñāṇāni ñeyyāni. Pañca ekato katvā vuttavārepi pañcakkhattuṃ pañca pañcavīsati katvā pañcavīsasataṃ dhammā, pañcavīsasataṃ atthā, taddiguṇā niruttiyo, taddiguṇāni ñāṇāni ñeyyāni. **Aḍḍhateyyānīti** cettha dve satāni ca paññāsañca. Khandhādīsipi e seva nayo. Imināva nayena saccavārapaṭisambhidāvāre ca dhammādigāṇanā veditabbā.

9. Chabuddhadhammavārādivaṇṇanā

38. Buddhadhammavāre **diyadḍhasatanti** chakkhattuṃ pañcavīsati satañca paññāsañca honti, taddiguṇā niruttiyo taddiguṇāni ñāṇāni. **Paṭisambhidādhikaraṇeti** paṭisambhidādhikāre. **Aḍḍhanavadhammasatānīti** paṭhamaṃ vuttesu catūsu saccesu saṭṭhi, catūsu satipaṭṭhānesu saṭṭhi, catūsu sammappadhānesu saṭṭhi, sattabodhisattaveyyākaraṇesu sattati, abhiññāṭṭhādīsū pañcasu pañcavīsasataṃ, khandhaṭṭhādīsū pañcasu pañcavīsasataṃ, puna catūsu ariyasaccesu satam, catūsu paṭisambhidāsu satam, chasu buddhadhammesu diyadḍhasatanti evaṃ aṭṭhasatāni ca paññāsañca dhammā honti. Evaṃ atthāpi tattakā eva honti. Evameva saccādīsū tīsu ṭhānesu vīsasataṃ niruttiyo, sattasu veyyākaraṇesu cattārīsasataṃ niruttiyo, abhiññāṭṭhādīsū khandhaṭṭhādīsū ca aḍḍhateyyāni aḍḍhateyyāni niruttisatāni, ariyasaccesu paṭisambhidāsu ca dve dve niruttisatāni, buddhadhammesu tīni niruttisatānīti evaṃ niruttisahassañca sattaniruttisatāni ca honti. Evameva saccādīsū tīsu ṭhānesu cattārīsādhikāni dve dve ñāṇasatāni, sattasu veyyākaraṇesu asītiadhikāni dve ñāṇasatāni, abhiññāṭṭhādīsū khandhaṭṭhādīsū ca pañcapañcañāṇasatāni, saccesu paṭisambhidāsu ca cattāri cattāri ñāṇasatāni, buddhadhammesu cha

ñāṇasatānīti evaṃ tīṇi ca ñāṇasahassāni cattāri ca ñāṇasatāni hontīti.

Paṭisambhidākathāvaṇṇanā niṭṭhitā.

7. Dhammacakkakathā

1. Saccavāraṇṇanā

39. Puna dhammacakkappavattanasuttantameva pubbaṅgamaṃ katvā kathitāya dhammacakkakathāya apubbathānuvaṇṇanā. Tatha **dukkhavatthukā**ti ekābhisamayavasena dukkhaṃ vatthu etesanti dukkhavatthukā. Tadeva dukkhaṃ visesetvā **saccavatthukā**tiādīmāha. Tatha saccaṃ ārammaṇaṃ upatthambho etesanti **saccārammaṇā**. Saccaṃ gocaro visayo etesanti **saccagocarā**. **Saccasaṅgahitā**ti maggasaccena saṅgahitā. **Saccapariyāpannā**ti maggasaccāyattā. **Sacce samudāgatā**ti dukkhaparijānanena dukkhasacce samuppannā. Tathā tattheva **ṭhitā patiṭṭhitā** ca.

40. Idāni “pavattite ca bhagavatā dhammacakke”’ti vuttaṃ dhammacakkaṃ niddisitukāmo **dhammacakkanti**ādīmāha. Tatha duvidhaṃ dhammacakkaṃ paṭivedhadhammacakkaṃ desanādhammacakkaṃ. **Paṭivedhadhammacakkaṃ** bodhipallaṅke, **desanādhammacakkaṃ** isipatane. **Dhammaṅca pavatteti cakkaṅcā**ti paṭivedhadhammacakkaṃ vuttaṃ, **cakkaṅca pavatteti dhammaṅcā**ti desanādhammacakkaṃ. Kathaṃ? Bhagavā hi bodhipallaṅke nisino maggakkhaṇe indriyabalabojjhaṅgamaggaṅgādibhedam dhammaṅca pavatteti, soyeva ca dhammo kilesasattughātāya pavattanato paharaṇacakkaṃ viyāti cakkaṅca. Dhammaṃ pavattentoyeva bhagavā taṃ cakkaṃ pavatteti nāma. Etena dhammoyeva cakkanti kammadhārayasamāsātā vuttā hoti. Isipatane nisino bhagavā dhammadesanakkhaṇe veneyyasantāne kilesasattughātāya pavattanato paharaṇacakkasadisam desanācakkaṅca pavatteti, veneyyasantāne indriyabalabojjhaṅgamaggaṅgādibhedam dhammacakkaṅca pavatteti. Etena dhammo ca cakkaṅca dhammacakkanti dvandasamāsātā vuttā hoti. Yasmā pana pavattake sati pavattanā nāma hoti, tasmā sabbatthāpi “pavatteti”’ti vuttaṃ, pavattanaṭṭhena pana “cakka”’nti vuttaṃ hotīti veditabbaṃ. **Dhammena pavatteti dhammacakkanti**ādīni desanādhammacakkameva sandhāya vuttānīti veditabbāni.

Tatha **dhammena pavatteti**ti yathāsabhāvattā dhammena pavattaṃ cakkanti dhammacakkanti vuttaṃ hoti. **Dhammacariyāya pavatteti**ti veneyyasantāne dhammatthāya pavattaṃ cakkanti dhammacakkanti vuttaṃ hoti. **Dhamme ṭhitoti**ādīhi bhagavato dhammabhūtātā dhammassāmitā ca vuttā hoti. Yathāha – “so hāvuso, bhagavā jānaṃ jānāti passaṃ passati cakkhubhūto ñāṇabhūto dhammabhūto brahmabhūto vattā pavattā atthassa ninnetā amatassa dātā dhammassāmī tathāgato”’ti (ma. ni. 1.203). Tasmā tehi dhammassa cakkanti dhammacakkanti vuttaṃ hoti. **Ṭhitoti** visayībhāvena ṭhito. **Patiṭṭhitoti** acalabhāvena patiṭṭhito. **Vasippattoti** issarabhāvaṃ patto. **Pāramippattoti** koṭippatto. **Vesārajappattoti** visāradabhāvaṃ patto. **Dhamme patiṭṭhāpentoti**ādīhi veneyyasantānamapekkhitvā vuttehi pana vacanehi dhammassāmitāya ca dhammatthāya cakkanti vuttaṃ hoti. **Dhammaṃ sakkarontoti**haādīhi dhammatthāya cakkanti vuttaṃ hoti. Yo hi dhammaṃ sakkārādivasena pavatteti, so dhammatthaṃ pavatteti. **Dhammaṃ sakkarontoti** yathā kato so dhammo sukato hoti, evameva naṃ karonto. **Dhammaṃ garuṃ karontoti** tasmīṃ gāravuppattiyā taṃ garuṃ karonto. **Dhammaṃ mānentoti** dhammaṃ piyaṅca bhāvanīyaṅca katvā viharanto. **Dhammaṃ pūjentoti** taṃ apadisitvā desanāpaṭipattipūjāya pūjaṃ karonto. **Dhammaṃ apacāyamānoti** tasveva dhammassa sakkāragarukārehi nīcavuttitaṃ karonto. **Dhammaddhajo dhammaketūti** taṃ dhammaṃ dhajamiva purakkhatvā ketumiva ca ukkhipitvā pavattiyā dhammaddhajo dhammaketu ca hutvāti attho. **Dhammādhipateyyoti** dhammādhipatito āgato bhāvanādhammavaseneva ca sabbakiriyaṇaṃ karaṇena dhammādhipateyyo hutvā. **Taṃ kho pana dhammacakkaṃ appaṭivattiyanti** kenaci nivattetuṃ asakkuṇeyyatāya appaṭihatapavattitā vuttā. Tasmā so dhammo pavattanaṭṭhena cakkanti vuttaṃ hoti.

Saddhindriyaṃ dhammo, taṃ dhammaṃ pavattetiti veneyyasantāne maggasampayuttasaddhindriyuppādanena taṃ saddhindriyaṃ dhammaṃ pavatteti attho. Eseva nayo

sesesupi. **Saccā**ti saccaññāni. Vipassanā ca vijjā ca maggaññānameva. **Anuppāde ñāṇanti** arahattaphale ñāṇaṃ. Tampi veneyyasantāne pavattetiyeva, nibbānañca paṭivedhaṃ karonto pavattetiyeva nāma.

Samudayavārādīsu **samudayavatthukā nirodhavatthukā maggavatthukā**ti visesapadaṃ dassetvā saṅkhittā. Etthāpi vuttasadiṣaṃ paṭhamaṃ vuttanayeneva veditabbaṃ.

2-3. Satipaṭṭhānavārādivaṇṇanā

41-42. Satipaṭṭhānaiddhipādapubbaṅgamavārāpi maggakkhaṇavasena vuttā. Tepi tattha tattha visesapadaṃ dassetvā saṅkhittāti.

Dhammacakkakathāvaṇṇanā niṭṭhitā.

8. Lokuttarakathā

Lokuttarakathāvaṇṇanā

43. Idāni lokuttaradhammavatiyā dhammacakkakathāya anantaraṃ kathitāya lokuttarakathāya apubbatthānuvaṇṇanā. Tattha lokuttarapadassa attho niddesavāre āvi bhavissati. **Cattāro satipaṭṭhānā**tiādayo sattatiṃsa bodhipakkhiyadhammā yathāyogaṃ maggaphalasampayuttā. Te bujjanatthena bodhīti evaṃladdhanāmassa ariyassa pakkhe bhavattā bodhipakkhiyā nāma. **Pakkhe bhavattā**ti upakārabhāve ṭhitattā. Tesu ārammaṇesu okkantitvā pakkhanditvā upaṭṭhānato upaṭṭhānaṃ, satiyeva upaṭṭhānaṃ **satipaṭṭhānaṃ**. Kāyavedanācittadhammesu panassa asubhadukkhāniccānattākāragahaṇavasena subhasukhaniccaattasaññāpahānakiccasādhanavasena ca pavattito catudhā bhedo hoti. Tasmā **cattāro satipaṭṭhānā**ti vuccati. Padahanti etenāti padhānaṃ, sobhanaṃ padhānaṃ **sammappadhānaṃ**, sammā vā padahanti etenāti sammappadhānaṃ, sobhanaṃ vā taṃ kilesavirūpapavattavirahitato padhānañca hitasukhanipphādakaṭṭhena seṭṭhabhāvāvahanato padhānabhāvakarāṇato vāti sammappadhānaṃ. Vīriyasettaṃ adhivacanaṃ. Tayidaṃ uppannānuppannānaṃ akusalānaṃ pahānānupattikiccaṃ, anuppannuppannānañca kusalānaṃ uppattiṭṭhitikiccaṃ sādhatīti catubbidhaṃ hoti. Tasmā **cattāro sammappadhānā**ti vuccati. Nipphattipariyāyena ijjanatthena, ijjhanti etāya sattā iddhā vuddhā ukkaṃsagatā hontīti iminā vā pariyāyena iddhi, tassā sampayuttāya pubbaṅgamaṭṭhena phalabhūtāya pubbabhāgakāraṇatthena ca iddhiyā pādoti **iddhipādo**. So chandavīriyacittavīmaṃsāvasena catubbidhova hoti. Tasmā **cattāro iddhipādā**ti vuccati. Assaddhiyakosajjapamādavikkhepasammohānaṃ abhibhavanato abhibhavanasaṅkhātena adhipatiyatthena **indriyaṃ**. Assaddhiyādīhi anabhibhavanīyato akampiyatthena **balam**. Tadubhayampi saddhāvīriyasatisamādhipaññāvasena pañcavidhaṃ hoti. Tasmā **pañcindriyāni pañca balānī**ti vuccanti. Bujjanakasattassa pana aṅgabhāvena satiādayo satta dhammā bojjaṅgā, niyyānatthena ca sammādiṭṭhiādayo aṭṭha maggaṅgā honti. Tena vuccati **satta bojjaṅgā ariyo aṭṭhaṅgiko maggoti**.

Iti ime sattatiṃsa bodhipakkhiyā dhammā pubbabhāge lokiyavipassanāya vattamānāya cuddasavidhena kāyaṃ pariggaṇhato ca kāyānupassanāsatiṭṭhānaṃ, navavidhena vedanaṃ pariggaṇhato ca vedanānupassanāsatiṭṭhānaṃ, soḷasavidhena cittaṃ pariggaṇhato ca cittānupassanāsatiṭṭhānaṃ, pañcavidhena dhamme pariggaṇhato ca dhammānupassanāsatiṭṭhānaṃ. Iti imasmiṃ attabhāve anuppannapubbaṃ parassa uppannaṃ akusalaṃ disvā “yathā paṭipannassa tassa taṃ uppannaṃ, na tathā paṭipajjissāmi, evaṃ me etaṃ nuppajjissati”ti tassa anuppādāya vāyamanakāle paṭhamaṃ sammappadhānaṃ, attano samudācārappattamakusalaṃ disvā tassa pahānāya vāyamanakāle dutiyaṃ, imasmiṃ attabhāve anuppannapubbaṃ jhānaṃ vā vipassanaṃ vā uppādetuṃ vāyamanantassa tatiyaṃ, uppannaṃ yathā na parihāyati, evaṃ punappunaṃ uppādentassa catutthaṃ sammappadhānaṃ. Chandaṃ dhuraṃ katvā kusaluppādanakāle chandiddhipādo, vīriyaṃ, cittaṃ, vīmaṃsaṃ dhuraṃ katvā kusaluppādanakāle vīmaṃsiddhipādo. Micchāvācāya viramaṇakāle sammāvācā, micchākammantā, micchājīvā viramaṇakāle sammājīvoti evaṃ nānācittesu labbhanti. Catumaggakkhaṇe pana ekacitte

labbhanti, phalakkhaṇe ṭhapetvā cattāro sammappadhāne avasesā tettiṃsa labbhanti. Evaṃ ekacitte labbhamānesu cetesu ekāva nibbānārammaṇā sati kāyādīsu subhasaññānipahānakiccasādhana vasena “cattāro satipaṭṭhānā”ti vuccati. Ekameva ca vīriyaṃ anuppannuppannānaṃ anuppādādikiccasādhana vasena “cattāro sammappadhānā”ti vuccati. Sesesu hāpanavaḍḍhanaṃ natthi.

Apica tesu –

Nava ekavidhā eko, dvedhātha catupañcadhā;
Aṭṭhadhā navadhā ceva, iti chaddhā bhavanti te.

Nava ekavidhāti chando cittaṃ pīti passaddhi upekkhā saṅkappo vācā kammanto ājīvoti ime nava chandiddhipādādivasena ekavidhāva honti, aññakoṭṭhāsaṃ na bhajanti. **Eko dvedhā**ti saddhā indriyabalavasena dvedhā ṭhitā. **Atha catupañcadhā**ti athañño eko catudhā, añño pañcadhā ṭhitoti attho. Tattha samādhī eko indriyabalabojjhaṅgamaggaṅgavasena catudhā ṭhito, paññā tesam catunnaṃ iddhipādakoṭṭhāsassa ca vasena pañcadhā. **Aṭṭhadhā navadhā cevā**ti aparo eko aṭṭhadhā, eko navadhā ṭhitoti attho. Catusatipaṭṭhānaindriyabalabojjhaṅgamaggaṅgavasena sati aṭṭhadhā ṭhitā, catusammappadhānaiddhipādaindriyabalabojjhaṅgamaggaṅgavasena vīriyaṃ navadhāti. Evaṃ –

Cuddaseva asambhinnā, hontete bodhipakkhiyā;
Koṭṭhāsato sattavidhā, sattatiṃsa pabhedato.

Sakiccanipphādanato, sarūpena ca vuttito;
Sabbeva ariyamaggassa, sambhave sambhavanti te.

Evaṃ maggaphalasampayutte sattatiṃsa bodhipakkhiyadhamme dassetvā puna te maggaphalesu saṅkhipitvā **cattāro ariyamaggā cattāri ca sāmāññaphalānī** āha. Samaṇabhāvo sāmāññaṃ, catunnaṃ ariyamaggānametaṃ nāmaṃ. Sāmāññaṃ phalāni **sāmāññaphalāni**. **Nibbānaṃ** pana sabbehi asammissameva. Iti vitthārato sattatiṃsabodhipakkhiyacatumaggacatuphalanibbānānaṃ vasena chacattālīsa lokuttaradhammā, tato saṅkhepena catumaggacatuphalanibbānānaṃ vasena nava lokuttaradhammā, tatopi saṅkhepena maggaphalanibbānānaṃ vasena tayo lokuttaradhammāti vedītabbaṃ. Satipaṭṭhānādīnaṃ maggaphalānaṃca lokuttaratte vutte taṃsāmpayuttānaṃ phassādīnampi lokuttarattaṃ vuttameva hotī. Padhānadhammavasena pana satipaṭṭhānādayova vuttā. Abhidhamme (dha. sa. 277 ādayo, 505 ādayo) ca lokuttaradhammaniddese maggaphalasampayuttānaṃ phassādīnaṃ lokuttarattaṃ vuttamevāti.

Lokaṃ tarantīti lokaṃ atikkamanti. Sabbamidha īdisaṃ vattamānakālavacanaṃ cattāro ariyamagge sandhāya vuttaṃ. Soṭāpattimaggo hi apāyaloکاṃ taratī, sakadāgāmimaggo kāmvāvacaralokekadesaṃ taratī, anāgāmimaggo kāmvāvacaraloکاṃ taratī, arahattamaggo rūpārūpāvāvacaraloکاṃ taratī. **Lokā uttarantī**ti lokā uggacchanti. **Lokatoti** ca **lokamhāti** ca tadeva nissakkavacanaṃ visesetvā dassitaṃ. **Lokaṃ samatikkamantī**ti paṭṭhamaṃ vuttatthameva. Tattha upasaggaṭṭhaṃ anapekkhitvā vuttaṃ, idha saha upasaggaṭṭhena vuttaṃ. **Lokaṃ samatikkantā**ti yathāvuttaṃ lokaṃ sammā atikkantā. Sabbamidha īdisaṃ atītakālavacanaṃ phalanibbānāni sandhāya vuttaṃ, soṭāpattiphālādīni hi yathāvuttaṃ lokaṃ atikkamitvā ṭhitāni, sadā nibbānaṃ sabbalokaṃ atikkamitvā ṭhitaṃ. **Lokena atirekā**ti lokato adhiabhūtā. Idam sabbepi lokuttaradhamme sandhāya vuttaṃ. **Nissarantī**ti niggacchanti. **Nissaṭā**ti niggatā. **Loke na tiṭṭhantī**tiādīni aṭṭhārāsa vacanāni sabbalokuttare supi yujjanti. **Na tiṭṭhantī**ti loke apariyāpannattā vuttaṃ. **Loke na limpantī**ti khandhasantāne vattamānāpi tasmīṃ na limpantīti attho. **Lokena na limpantī**ti akatapaṭivedhānaṃ kenaci cittaṃ, katapaṭivedhānaṃ akusalena appamattenapi cittaṃ na limpantīti attho. **Asaṃlittā anupalittā**ti upasaggena visesitaṃ.

Vippamuttāti alittattameva nānābyañjanaṃ visesitaṃ. Ye keci hi yattha yena vā alittā, te tattha tena vā vippamuttā honti. **Lokā vippamuttā**tiādīni tīni nissakkavasena vuttāni. **Visaññuttā**ti vippamuttattavisesanaṃ. Ye keci hi yattha yena yato vippamuttā, te tattha tena tato visaññuttā nāma honti.

Lokā sujñhantī lokamalaṃ dhovitvā lokā sujñhanti. **Visujñhantī** tadeva upasaggena visesitaṃ. **Vuṭṭhahantī** uṭṭhitā honti. **Vivaṭṭantī** nivaṭṭanti. **Na sajjantī** na lagganti. **Na gayhantī** na gaṇhīyanti. **Na bajjhantī** na bādhīyanti. **Samucchindantī** appavattiṃ karonti. Yathā ca **lokaṃ samucchinnattā**ti, tatheva “lokā visuddhattā”tiādi vuttameva hoti. **Paṭippassambhentī** nirodheti. **Apathāti**tiādīni cattāri sabbesupi lokuttaresu yujjanti. **Apathāti** amaggā. **Agatī**ti appatiṭṭhā. **Avisayāti** anāyattā. **Asādhāraṇāti** asamānā. **Vamantī**ti uggilanti. **Na paccāvamantī**ti vuttapaṭipakkhanayena vuttaṃ, vantaṃ puna na adantīti attho. Etena vantaṃ suvantabhāvo vutto hoti. Anantaradukattayepi eseva nayo. **Visinentī**ti vikiranti vimuccanti, na bandhantīti attho. **Na ussinentī**ti na vikiranti na vimuccanti. “Visinentī”ti “na ussinentī”ti rassaṃ katvā pāṭho sundaro. **Vidhūpentī**ti nibbāpenti. **Na saṃdhūpentī**ti na ujjalanti. **Lokaṃ samatikkamma abhibhuyya tiṭṭhantī**ti sabbepi lokuttarā dhammā lokaṃ sammā atikkamitvā abhibhavitvā ca tiṭṭhantīti lokuttarā. Sabbehi pi imehi yathāvuttehi pakārehi lokuttarānaṃ lokato uttarabhāvo adhikabhāvo ca vutto hotīti.

Lokuttarakathāvaṇṇanā niṭṭhitā.

9. Balakathā

Balakathāvaṇṇanā

44. Idāni lokuttarakathāya anantaraṃ kathitāya lokuttarakathāvatiyā suttantapubbaṅgamāya balakathāya apubbatthānuvaṇṇanā. Tattha ādito suttantavasena pañca balāni dassetvā tadaññānīpi balāni dassetukāmo **apica aṭṭhasaṭṭhi balānī**tiādīmāha. Sabbānīpi taṃtaṃpaṭipakkhehi akampiyatṭhena balāni nāma honti. **Hiribalanti**tiādisu pāpato hirīyanti etāyāti **hirī**, lajjāyetaṃ nāmaṃ. Pāpato ottappanti etenāti **ottappaṃ**, pāpato ubbegassetāṃ nāmaṃ. Ajjhattasamuṭṭhānā hirī, bahiddhāsamuṭṭhānaṃ ottappaṃ. Attādhīpati hirī, lokādhīpati ottappaṃ. Lajjāsabhāvasaṅghitā hirī, bhayasabhāvasaṅghitaṃ ottappaṃ. Sappatissavalakkhaṇā hirī, vajjabhīrukabhayadassāvilakkhaṇaṃ ottappaṃ. Sā eva hirī ahirīkena na kampaṭīti **hiribalaṃ**. Tadeva ottappaṃ anottappena na kampaṭīti **ottappabalaṃ**. Appaṭisaṅkhānena na kampaṭīti **paṭisaṅkhānabalaṃ**. Upaparikkhaṇapaññāyetaṃ nāmaṃ. Vīriyasīsenā satta bojjaṅge bhāventassa uppannabalaṃ **bhāvanābalaṃ**. Tathāpavattānaṃ catunnaṃ khandhānametaṃ nāmaṃ. Parisuddhāni sīlādīni **anavajjabalaṃ**. Cattāri saṅgahavatthūni **saṅgahabalaṃ**. Saṅgahe balantīpi pāṭho. Dukkhamānaṃ adhivāsaṇaṃ **khantibalaṃ**. Dhammakathāya paresaṃ tosaṃ **paññattibalaṃ**. Adhitassa atthassa adhigamāpanaṃ **nijjhattibalaṃ**. Kusalesu bahubhāvo **issariyabalaṃ**. Kusalesu yathāruci paṭiṭṭhānaṃ **adhiṭṭhānabalaṃ**. Hiribalādīnaṃ attho mātīkāpadesu byañjanavasena visesato yujjamānaṃ gahetvā vutto. **Samathabalaṃ vipassanābalaṃ**ti balappattā samathavipassanā eva.

Mātīkāniddese **assaddhiye na kampaṭīti saddhābalaṃ**ti mūlabalaṭṭhaṃ vatvā tameva aparehi navahi pariyāyehi visesetvā dassesi. Yo hi dhammo akampiyo balappatto hoti, so sahaṅgāte upatthambheti, attano paṭipakkhe kilese pariyādiyati, paṭivedhassa ādibhūtaṃ sīlaṃ diṭṭhiṅca visodheti, cittaṃ ārammaṇe paṭiṭṭhāpeti, cittaṃ pabhassaraṃ karonto vodāpeti, vasiṃ pāpento visesaṃ adhigamāpeti, tato uttariṃ pāpento uttaripaṭivedhaṃ kāreti, kamena ariyamaggaṃ pāpetvā saccābhisamayaṃ kāreti, phalappattiyā nirodhe paṭiṭṭhāpeti. Tasmā navadhā balaṭṭho visesito. Esa nayo **vīriyabalādī**su catūsu.

Kāmacchandaṃ hiriyatīti nekkhammayutto yogī **nekkhammena** kāmacchandato hirīyati. Ottappepi eseva nayo. Etehi sabbākusalehipi hirīyanā ottappaṇā vuttāyeva honti. **Byāpādanti**tiādīnampi imināva nayena attho veditabbo. **Paṭisaṅkhātī**ti asammo havasena ādīnavato upaparikkhati. **Bhāvetī**ti vaḍḍheti. **Vajjanti**ti rāgādivajjaṃ. **Saṅgaṇhātī**ti bandhati. **Khamatī**ti tassa yogissa khamati ruccati. **Paññāpetī**ti toseti. **Nijjhāpetī**ti cintāpeti. **Vasaṃ vattetī**ti citte pahu hutvā cittaṃ attano vasaṃ katvā pavatteti. **Adhiṭṭhātī**ti vidahati. Bhāvanābalaṃti sabbānīpi nekkhammādīniyeva. Mātīkāvaṇṇanāya aññathā vutto, attho pana byañjanavaseneva pākaṭṭā idha na vuttoti veditabbaṃ. Samathabalaṃ vipassanābalaṃti vitthārato niddisitvā avasāne **uddhaccasahagatakilese ca khandhe ca na kampaṭī**tiādi ca **avijjāsahagatakilese ca khandhe ca na kampaṭī**tiādi ca samathabalavipassanābalaṃti lakkhaṇadassanattaṃ vuttaṃ.

Sekhāsekhablesu **sammādiṭṭhiṃ sikkhatīti sekhabalanti** sekhapuggalo sammādiṭṭhiṃ sikkhatīti sekho, sā sammādiṭṭhi tassa sekhasa balanti sekhabalanti attho. **Tattha sikkhitattā asekhabalanti** asekhapuggalo tattha sammādiṭṭhiyā sikkhitattā na sikkhatīti asekho, sāyeva sammādiṭṭhi tassa asekhassa balanti asekhalaṃ. Eseva nayo **sammāsaṅkappādisu. Sammāñāṇanti** paccavekkhaṇañāṇaṃ. Tampi hi lokikampi hontaṃ sekhasa pavattattā sekhabalaṃ, asekhassa pavattattā asekhabalanti vuttaṃ. **Sammāvimuttīti** aṭṭha maggaṅgāni ṭhapetvā sesā phalasampayuttā dhammā. Keci pana “ṭhapetvā lokuttaravimuttiṃ avasesā vimuttiyo sammāvimuttī”ti vadanti. Tassa sekhāsekhabalantaṃ vuttanayameva.

Khīṇāsavabalesu sabbānipi ñāṇabalāni. **Khīṇāsavassa bhikkhunoti** karaṇatthe sāmivacanaṃ, khīṇāsavena bhikkhunāti attho. **Aniccato**ti hutvā abhāvākārena aniccato. **Yathābhūtaṃ**ti yathāsabhāvato. **Paññāyāti** sahavipassanāya maggapaññāya. Aniccato sudiṭṭhā dukkhato anattato sudiṭṭhā honti tammūlakattā. **Yanti** bhāvanapūṃsakavacanaṃ, yena kāraṇenāti vā attho. **Āgammāti** paṭicca. **Paṭijānāti**ti sampaṭicchati paṭiññaṃ karoti. **Āṅgārakāsūpamāti** mahābhīṭapaṭṭhena āṅgārakāsuyā upamitā. **Kāmāti** vatthukāmā ca kilesakāmā ca.

Vivekaninnaṃti phalasaṃpattivasena upadhivivekaśāṅkhātaniḥṇānannaṃ. Tayo hi vivekā – kāyaviveko cittaviveko upadhivivekoti. Kāyaviveko ca vivekaṭṭhakāyānaṃ nekkhammābhīratānaṃ. Cittaviveko ca adhicittamanuyuttānaṃ. Upadhiviveko ca nirupadhīnaṃ puggalānaṃ viśāṅkhāragatānaṃ, nissaraṇavivekaśāṅkhātaniḥṇānannaṃ vā. Pañca hi vivekā – vikkhambhanaviveko tadaṅgaviveko samucchadaviveko paṭippassaddhiviveko nissaraṇavivekoti. **Vivekaninnaṃ**ti viveke nannaṃ. **Vivekaṇanti**ti viveke nataṃ. **Vivekapabbhāraṃ**ti vivekaśīsaḥāraṃ. Dvepi purimasseva vevacānāni. **Vivekaṭṭhanti**ti kilesehi vajjitaṃ, dūrībhūtaṃ vā. **Nekkhammābhīratanti**ti nibbāne abhīrataṃ, pabbajjāya abhīrataṃ vā. **Byantībhūtaṃ**ti vigatantībhūtaṃ, ekadesenāpi anallīnaṃ vippamuttaṃ viśāṃsaṭṭhaṃ. **Sabbasoti**ti sabbathā. **Āsavaṭṭhāniye**hi dhammehīti saṃyogavasena āsavānaṃ kāraṇabhūtehi kilesadhammehīti attho. Atha vā **byantībhūtaṃ**ti vigatanikantībhūtaṃ, nittaṇhanti attho. Kuto? **Sabbaso āsavaṭṭhāniye**hi dhammehi sabbehi tebhūmakadhammehīti attho. Idha dasahi khīṇāsavabalehi khīṇāsavassa lokiyalokuttaro maggo kathito. “Aniccato sabbe saṅkhārā”ti dukkhaḥāraṇābalaṃ, “āṅgārakāsūpamā kāmā”ti samudayaḥāraṇābalaṃ, “vivekaninnaṃ cittaṃ hoti”ti nirodhasacchikiriyābalaṃ, “cattāro satipaṭṭhānā”tiādi sattavidhaṃ maggaḥāraṇābalaṃtipi vadanti. Dasa iddhibalāni iddhikathāya āvi bhavissanti.

Tathāgatabalaniddese **tathāgatabalānīti** aññehi asādhāraṇāni tathāgatasseva balāni. Yathā vā pubbabuddhānaṃ balāni puññussayasampattiya āgatāni, tathā āgatabalānītipi attho. Tattha duvidhaṃ tathāgatabalaṃ – kāyabalaṃ ñāṇabalaṃca. Tesu kāyabalaṃ hatthikulānusārena vedītabbaṃ. Vuttañhettaṃ porāṇehi –

“Kālāvakaṇca gaṅgeyyaṃ, paṇḍaraṃ tambapiṅgalaṃ;
Gandhamāṅgalaḥemaṇca, uposathachaddantime dasā”ti. (vibha. aṭṭha. 760; ma. ni. aṭṭha. 1.148; saṃ. ni. aṭṭha. 2.2.22);

Imāni dasa hatthikulāni. Tattha **kālāvakaṇca**ti pakatihatthikulaṃ daṭṭhabbaṃ. Yaṃ dasannaṃ purisānaṃ kāyabalaṃ, taṃ ekassa kālāvakaṇca hatthino balaṃ. Yaṃ dasannaṃ kālāvakaṇcaṃ balaṃ, taṃ ekassa gaṅgeyyassa balaṃ. Yaṃ dasannaṃ gaṅgeyyānaṃ, taṃ ekassa paṇḍarassa. Yaṃ dasannaṃ paṇḍarānaṃ, taṃ ekassa tambassa. Yaṃ dasannaṃ tambānaṃ, taṃ ekassa piṅgallaṃ. Yaṃ dasannaṃ piṅgalaṃ, taṃ ekassa gandhaḥāraṇānaṃ. Yaṃ dasannaṃ gandhaḥāraṇānaṃ, taṃ ekassa māṅgalaḥāraṇānaṃ. Yaṃ dasannaṃ māṅgalaḥāraṇānaṃ, taṃ ekassa hemavatassa. Yaṃ dasannaṃ hemavatānaṃ, taṃ ekassa uposathassa. Yaṃ dasannaṃ uposathānaṃ, taṃ ekassa chaddantassa. Yaṃ dasannaṃ chaddantānaṃ, taṃ ekassa tathāgatasassa balaṃ. Nārāyanasaṅghātalaṃtipi idameva vuccati. Tadeṭtaṃ pakatihatthino gaṇaṇāya hatthīnaṃ koṭīsaḥāraṇānaṃ, purisaḥāraṇānaṃ dasannaṃ purisaḥāraṇānaṃ balaṃ hoti. Iḍaṃ tāva tathāgatasassa **kāyabalaṃ**.

Ñāṇabalaṃ pana idha tāva aññattha ca pāḷiyaṃ āgatameva dasabalaṇānaṃ, majjhime (ma. ni. 1.150)

āgataṃ catuvesārajañāṇaṃ, aṭṭhasu parisāsu akampanañāṇaṃ, catuyoniparicchedakañāṇaṃ, pañcagatiparicchedakañāṇaṃ, saṃyuttake (saṃ. ni. 2.33-34) āgatāni tesattati ñāṇāni, sattasattati ñāṇāni evamaññānīpi anekāni ñāṇasahassāni. Etaṃ **ñāṇabalaṃ** nāma. Idhāpi ñāṇabalameva adhippetam. Nāṇaṅhi akampiyatṭhena upatthambhanaṭṭhena ca balanti vuttam.

Thānañca thānatoti kāraṇaṅca kāraṇato. Kāraṇaṅhi yasmā tattha phalaṃ tiṭṭhati tadāyattavuttitāya uppajjati ceva pavattati ca, tasmā thānanti vuccati. Taṃ bhagavā ye ye dhammā yesaṃ yesaṃ dhammānaṃ hetū paccayā uppādāya, taṃ taṃ thānanti, ye ye dhammā yesaṃ yesaṃ dhammānaṃ na hetū na paccayā uppādāya, taṃ taṃ aṭṭhānanti pajānanto thānañca thānato aṭṭhānañca aṭṭhānato yathābhūtaṃ pajānāti. **Yampīti** yena ñāṇena. **Idampīti** idampi thānāṭṭhānañāṇaṃ, tathāgatassa tathāgatabalaṃ nāma hotīti attho. Evaṃ sesapadesupi yojanā veditabbā.

Āsabhaṃ thānanti seṭṭhatṭhānaṃ uttamaṭṭhānaṃ, āsabhā vā pubbabuddhā, tesam thānanti attho. Apica gavasatajettako usabho, gavasahassajettako vasabho, vajasatajettako vā usabho, vajasahassajettako vasabho, sabbagavaseṭṭho sabbaparissayasaho seto pāsādiko mahābhāravaho asanisatasaddehipi asantasaṅgiyo nisabho, so idha usabhoti adhippeto. Idampi hi tassa pariyāyavacanāṃ. Usabhassa idanti **āsabhaṃ**. **Thānanti** catūhi pādehi pathaviṃ uppīletvā avatṭhānaṃ. Idaṃ pana āsabhaṃ viyāti āsabhaṃ yattheva hi nisabhasaṅkhāto usabho usabhabalena samannāgato catūhi pādehi pathaviṃ uppīletvā acalaṭṭhānena tiṭṭhati, evaṃ tathāgatopi dasahi tathāgatabalehi samannāgato catūhi vesārajjapādehi aṭṭhāparisapathaviṃ uppīletvā sadevake loke kenaci paccatthikena paccāmittena akampiyō acalaṭṭhānena tiṭṭhati, evaṃ tiṭṭhamāno ca taṃ āsabhaṃ thānaṃ **paṭijānāti** upagacchati na paccakkhāti, attani āropeti. Tena vuttam – “āsabhaṃ thānaṃ paṭijānāti”ti (saṃ. ni. aṭṭha. 2.2.22; ma. ni. aṭṭha. 1.148).

Parisāsūti khattiyabrāhmaṇagahapatisamaṇacātumahārājikatāvatiṃsamābrahmānaṃ vasena aṭṭhasu parisāsu. **Sihanādaṃ nadatīti** seṭṭhanādaṃ achambhitanādaṃ nadati, sihanādasadisam vā nādaṃ nadati. Ayamatto sihanādasuttēna (ma. ni. 1.146 ādayo; dī. ni. 1.381 ādayo) dīpetabbo. Yathā vā sīho sahanato hananato ca sīhoti vuccati, evaṃ tathāgato lokadhammānaṃ sahanato parappavādānaṃ hananato sīhoti vuccati. Evaṃ vuttassa sīhassa nādaṃ sihanādaṃ. Tattha yathā sīho sīhabalena samannāgato sabbattha visārado vigatalomaḥso sihanādaṃ nadati, evaṃ tathāgatasīhōpi tathāgatabalehi samannāgato aṭṭhasu parisāsu visārado vigatalomaḥso “iti rūpa”ntiādīnā (saṃ. ni. 3.78) nayena nānāvīdhadesanāvīlāsasampannaṃ sihanādaṃ nadati. Tena vuttam – “parisāsu sihanādaṃ nadatī”ti.

Brahmacakkaṃ pavatteti ettha **brahmanti** seṭṭhaṃ uttamaṃ visuddhaṃ. **Cakkasaddo** panāyaṃ –

Sampattiyam lakkhaṇe ca, rathaṅge iriyāpathe;
Dāne ratanadhammūra, cakkādīsu ca dissati;
Dhammacakke idha mato, tampi dvedhā vibhāvaye.

“Cattārimāni, bhikkhave, cakkāni, yehi samannāgatānaṃ devamanussāna”ntiādīsu (a. ni. 4.31) hi ayam sampattiyam dissati. “Hetṭhā pādātesu cakkāni jātāni hontī”ti (dī. ni. 2.35) ettha lakkhaṇe. “Cakkaṃva vahato pada”nti (dha. pa. 1) ettha rathaṅge. “Catucakkaṃ navadvāra”nti (saṃ. ni. 1.29) ettha iriyāpathe. “Dadaṃ bhuñja mā ca pamādo, cakkaṃ vattaya kosalādhipā”ti (jā. 1.7.149) ettha dāne. “Dibbaṃ cakkaratanaṃ pāturahosī”ti (dī. ni. 2.243) ettha ratanacakke. “Mayā pavattitaṃ cakka”nti (su. ni. 562) ettha dhammacakke. “Icchāhatassa posassa, cakkaṃ bhamati matthake”ti (jā. 1.1.104; 1.5.103) ettha uracakke. “Khurapariyantena cepi cakkenā”ti (dī. ni. 1.166) ettha paharaṇacakke. “Asanivicakka”nti (dī. ni. 3.61; saṃ. ni. 2.162) ettha asanīmaṇḍale. Idha panāyaṃ dhammacakke mato.

Taṃ panetaṃ dhammacakkaṃ duvidhaṃ hoti paṭivedhañāṇaṅca desanāñāṇaṅca. Tattha paññāpabhāvitam attano ariyaphalāvahaṃ **paṭivedhañāṇaṃ**, karuṇāpabhāvitam sāvakaṇaṃ ariyaphalāvahaṃ **desanāñāṇaṃ**. Tattha paṭivedhañāṇaṃ uppajjamānaṃ uppannanti duvidhaṃ. Taṅhi abhinikkhānato yāva arahattamaggā uppajjamānaṃ nāma, phalakkhaṇe uppannaṃ nāma. Tusitabhāvanato vā yāva bodhipallaṅke arahattamaggā uppajjamānaṃ nāma, phalakkhaṇe uppannaṃ

nāma. Dīpaṅkaradasabalato vā paṭṭhāya yāva arahattamaggā uppajjamānaṃ nāma, phalakkhaṇe uppannaṃ nāma. Desanāññaṃpi pavattamānaṃ pavattanti duvidhaṃ. Tañhi yāva aññatakoṇḍaññattherassa arahattamaggā pavattamānaṃ nāma, phalakkhaṇe pavattaṃ nāma. Tattha paṭivedhaññaṃ lokuttaraṃ, desanāññaṃ lokiyaṃ. Ubhayampi panetaṃ aññehi asādhāraṇaṃ, buddhānaṃyeva orasaññaṃ. Tena vuttaṃ – “brahmacakkaṃ pavatteṭi”’ti.

Kammasamādānānanti samādiyivā katānaṃ kusalākusalakammānaṃ, kammameva vā kammasamādānaṃ. **Thānaso hetusoti** paccayato ceva hetuto ca. Tattha gatiupadhikālapayogā vipākassa thānaṃ. Kammaṃ hetu.

Sabbatthagāmininti sabbagatiḡāminiṅca agatiḡāminiṅca. **Paṭipadanti** maggaṃ. **Yathābhūtaṃ pajānāṭi**ti bahūsupi manussesu ekameva pāṇaṃ ghātentesu imassa cetanā nirayagāminī bhavissati, imassa tiracchānayanigāminīti iminā nayena ekavattthusmimpi kusalākusalacetanāsāṅkhātānaṃ paṭipattīnaṃ aviparītato sabhāvaṃ jānāti.

Anekadhātunti cakkhuhātuādīhi, kāmadhātuādīhi vā dhātūhi bahudhātuṃ. **Nānādhātunti** tāsāmyeva dhātūnaṃ vilakkhaṇattā nānappakāradhātuṃ. **Lokanti** khandhāyatanadhātulokaṃ. **Yathābhūtaṃ pajānāṭi**ti tāsāṃ tāsāṃ dhātūnaṃ aviparītato sabhāvaṃ paṭivijjhati.

Nānādhimuttikatanti hīnapañītiādhimuttīhi nānādhimuttikabhāvaṃ.

Parasattānanti padhānasattānaṃ. **Parapuggalānanti** tato paresāṃ hīnasattānaṃ. Ekattameva vā etaṃ padadvayaṃ veneyyavasena bhagavatā dvedhā vuttaṃ. Idhāpi bhagavatā vuttanayeneva vuttaṃ. **Indriyaparopariyattanti** saddhādīnaṃ indriyānaṃ parabhāvaṅca aparabhāvaṅca, vuddhiṅca hāniṅcāti attho.

Jhānavimokkhasamādhisamāpattīnanti paṭhamādīnaṃ catunnaṃ jhānānaṃ, “rūpī rūpāni passati”’tiādīnaṃ (paṭi. ma. 1.209) aṭṭhannaṃ vimokkhānaṃ, savitakkasavicārādīnaṃ tiṅgaṃ samādhīnaṃ, paṭhamajjhānasamāpattīādīnaṅca navannaṃ anupubbasaṃpattīnaṃ. **Samkilesanti** hānabhāgiyadhammaṃ. **Vodānanti** visesabhāgiyadhammaṃ. **Vuṭṭhānanti** yena kāraṇena jhānādīhi vuṭṭhahanti, taṃ kāraṇaṃ. Taṃ pana “vodānampi vuṭṭhānaṃ, tamhā tamhā samādhimhā vuṭṭhānampi vuṭṭhāna”’nti (vibha. 828) evaṃ vuttaṃ paguṇajjhānaṅceva bhavaṅgaphalasaṃpattīyo ca. Heṭṭhimaṃ heṭṭhimañhi paguṇajjhānaṃ uparimassa uparimassa padaṭṭhānaṃ hoti, tasmā “vodānampi vuṭṭhāna”’nti vuttaṃ. Bhavaṅgena pana sabbajjhānehi vuṭṭhānaṃ hoti, nirodhasamāpattito phalasaṃpattiyā vuṭṭhānaṃ hoti. Taṃ sandhāya “tamhā tamhā samādhimhā vuṭṭhānampi vuṭṭhāna”’nti vuttaṃ.

Pubbenivāsadibbacakkhuāsavakkhayaññāni heṭṭhā pakāsītāneva.

Tattha **āsavānaṃ khayāti** arahattamaggena sabbakilesānaṃ khayā. **Anāsavanti** āsavavirahitaṃ. **Cetovimuttiṃ paññāvimuttinti** ettha cetovacanena arahattaphalasaṃpayutto samādhī, paññāvacanena taṃsāmpayuttā ca paññā vuttā. Tattha ca samādhī rāgato vimuttattā cetovimutti, paññā avijjāya vimuttattā paññāvimuttīti veditabbā. Vuttañhettaṃ bhagavatā – “yo hissa, bhikkhave, samādhī, tadassa samādhindriyaṃ. Yā hissa, bhikkhave, paññā, tadassa paññīndriyaṃ. Iti kho, bhikkhave, rāgavirāgā cetovimutti avijjāvirāgā paññāvimuttī”’ti (saṃ. ni. 5.516; 520). Apicettha samathabalaṃ cetovimutti, vipassanābalaṃ paññāvimuttīti veditabbaṃ. **Diṭṭheva dhammeti** imasmimīyeva attabhāve. **Sayaṃ abhiññā sacchikatvāti** adhikāya paññāya attanāyeva paccakkaṃ katvā, aparappaccayena ñatvāti attho. **Upasampajjāti** adhigantvā, nipphādetvā vā. Imesaṃ pana dasannaṃ dasabalaññānaṃ vitthāro abhidhamme (vibha. 809 ādayo) vuttanayena veditabbo.

Tattha paravādīkathā hoti – dasabalaññaṃ nāma pāṭiyekkaṃ ññaṃ natthi, sabbaññūtaññāssevāyaṃ pabhedoti. Na taṃ tathā daṭṭhabbaṃ. Aññameva hi dasabalaññaṃ, aññaṃ sabbaññūtaññaṃ. Dasabalaññañhi sakasakakiccameva jānāti, sabbaññūtaññaṃ tampi, tato

avasesampi jānāti. Dasabalaññesu hi paṭhamam kāraṇākāraṇameva jānāti, dutiyam kammantaravipākantaremeva, tatiyam kamma-paricchedameva, catuttham dhātunānattakāraṇameva, pañcamam sattānam ajjhāsayaḍhimuttimeva, chaṭṭham indriyānam tikkhamudubhāvameva, sattamam jhānādīhi saddhiṃ tesam saṃkilesādimeva, aṭṭhamam pubbenivutthakhandhasantatimeva, navamam sattānam cutipāṭisandhimeva, dasamam saccaparicchedameva. Sabbaññutaññānam pana etehi jānitabbañca, tato uttariñca pajānāti. Etesam pana kiccaṃ na sabbam karoti. Tañhi jhānam hutvā appetuṃ na sakkoti, iddhi hutvā vikubbituṃ na sakkoti, maggo hutvā kilese khepetuṃ na sakkoti.

Apica paravādī evaṃ pucchitabbo “dasabalaññam nāmetam savitakkasavicāram avitakkavicāramattaṃ avitakkāvicāram kāmāvacaram rūpāvacaram arūpāvacaram lokiyam lokuttara”nti. Jānanto “paṭipāṭiyā satta ñāṇāni savitakkasavicārāni”ti vakkhati. “Tato parāni dve avitakkaavicārāni”ti vakkhati. “Āsavakkhayaññam siyā savitakkasavicāram, siyā avitakkavicāramattaṃ, siyā avitakkaavicāra”nti vakkhati. Tathā “paṭipāṭiyā satta kāmāvacarāni, tato parāni dve rūpāvacarāni, tato avasāne ekam lokuttara”nti vakkhati. “Sabbaññutaññānam pana savitakkasavicārameva kāmāvacarameva lokiyamevā”ti vakkhati.

Evamettha apubbathānuvaṇṇanam ñatvā idāni yasmā tathāgato paṭhamameva ṭhānāṭṭhānaññena veneyyasattānam āsavakkhayaḍhigamassa ceva anadhigamassa ca ṭhānāṭṭhānabhūtam kilesāvaraṇābhāvam passati lokiyasammādiṭṭhiṭṭhānadassanato niyatamicchādiṭṭhiṭṭhānābhāvadassanato ca. Atha nesam kammavipākaññena vipākāvaraṇābhāvam passati tihetukapaṭisandhidassanato. Sabbatthagāminipaṭipadāññena kammāvaraṇābhāvam passati ānantarikakammābhāvadassanato. Evaṃ anāvaraṇānam anekadhātunānādhātuññena anukūladhammadesanattham cariyāvisesaṃ passati dhātuvemattadassanato. Atha nesam nānādhimuttikatāññena adhimuttiṃ passati payogaṃ anādiyitvāpi adhimuttivasena dhammadesanattham. Athevaṃ diṭṭhaadhimuttiṃ yathāsatti yathābalaṃ dhammaṃ desetuṃ indriyaparopariyattaññena indriyaparopariyattaṃ passati saddhādīnam tikkhamudubhāvadassanato. Evaṃ pariññāti indriyaparopariyattāpi panete sace dūre honti, atha jhānādīññena jhānādīsu vasībhūtattā iddhivisesena khippaṃ upagacchati. Upagantvā ca nesam pubbenivāsānussatiññena pubbjātivibhāvanam dibbacakkhānubhāvato pattabbena cetopariyaññena sampati cittavisesaṃ passanto āsavakkhayaññānubhāvena āsavakkhayaḍhigāminiyā paṭipadāya vigatasammohattā āsavakkhayaḍhigāminiyā dhammaṃ deseti. Tasmā iminānukkamena imāni dasa balāni vuttānīti veditabbānīti.

45. Idāni sabbabalāni lakkhaṇato niddisitikāmo **kenatṭhena saddhābalanti**ādīnā nayena puccham katvā **assaddhiye akampiyaṭṭhenā**tiādīnā nayena vissajjanam akāsi. Tattha **hiriyatī**tiādi puggalādhīṭṭhānā desanā. Bhāvanābalādīsu adhiṭṭhānabalapariyantesu “tatthā”ti ca, “tenā”ti ca, “ta”nti ca nekkhammādikameva sandhāya vuttanti veditabbaṃ. **Tena cittaṃ ekagganti** tena samādhinā cittaṃ ekaggaṃ hotīti vuttaṃ hoti. **Tattha jāteti** tattha samathe sampayogavasena jāte, tasmim vā vipassanārammaṇam hutvā jāte. **Tattha sikkhatī**ti tattha sekhābale sekho sikkhatīti sekhābalanti attho. **Tattha sikkhitattā**ti tattha asekhābale asekhassa sikkhitattā asekhābalaṃ. **Tena āsavā khīṇāti** tena lokiyalokuttarena ñāṇena āsavā khīṇāti tam ñāṇam khīṇāsavabalaṃ. Lokiyenāpi hi ñāṇena āsavā khīṇā nāma vipassanāya abhāve lokuttaramaggābhāvato. Evaṃ khīṇāsavassa balanti **khīṇāsavabalaṃ**. **Tassa ijjatīti iddhibalanti** tassa iddhimato ijjatīti iddhiyeva balaṃ iddhibalaṃ. **Appameyyaṭṭhenā**ti yasmā sāvakā ṭhānāṭṭhānādīni ekadesena jānanti, sabbākārena pajānanameva sandhāya “yathābhūtam pajānāti”ti vuttaṃ. Kiñcāpi tīsu vijjāsu “yathābhūtam pajānāti”ti na vuttaṃ, aññattha pana vuttattā tāsūpi vuttameva hoti. **Aññatthā**ti sesesu sattasu ñāṇabalesu ca abhidhamme (vibha. 760) ca dasasūpi balesu. Indriyaparopariyattaññam pana sabbathāpi sāvakehi asādhāraṇameva. Tasmā dasapi balāni sāvakehi asādhāraṇānīti. Adhimattaṭṭhena atuliyatṭhena appameyyāni, tasmāyeva ca “appameyyatṭhena tathāgatabala”nti vuttanti.

Balakathāvaṇṇanā niṭṭhitā.

10. Suññakathā

Suññakathāvaṇṇanā

46. Idāni lokuttarabalapariyosānāya balakathāya anantaram kathitāya lokuttarasuññatāpariyosānāya suttantapubbaṅgamāya suññatākathāya apubbathānuvaṇṇanā. Suttante tāva **athāti** vacanopādāne nipāto. Etena **āyasmāti**ādivacanassa upādānaṃ kataṃ hoti. **Khoti** padapūraṇatthe nipāto. **Yena bhagavā tenupasaṅkamīti** bhummatthe karaṇavacanaṃ. Tasmā yattha bhagavā, tattha upasaṅkamīti evamettha attho daṭṭhabbo. Yena vā karaṇena bhagavā devamanussehi upasaṅkamitabbo, teneva karaṇena upasaṅkamīti evamettha attho daṭṭhabbo. Kena ca karaṇena bhagavā upasaṅkamitabbo? Nānappakāraguṇavisesādhigamādhippāyena, sādupalūpabhogādhippāyena dijagaṇehi niccaphalitamahārukkho viya, tena karaṇena upasaṅkamīti evamettha attho daṭṭhabbo. **Upasaṅkamīti** ca gatoti vuttaṃ hoti. **Upasaṅkamitvāti** upasaṅkamanapariyosānadīpanaṃ. Atha vā evaṅca gato tato āsanataraṃ ṭhānaṃ bhagavato samīpasaṅkhātaṃ gantvātipi vuttaṃ hoti.

Abhivādetvāti pañcapatitṭhitena vanditvā. Idāni yenaṭṭhena loke aggapuggalassa upaṭṭhānaṃ āgato, taṃ pucchitukāmo dasanakhasamodhānasamujjalaṃ añjaliṃ sirasi patitṭhapetvā **ekamantaṃ nisīdi**. **Ekamantanti** ca bhāvanapūṃsakaniddeso “visamaṃ candimasūriyā pariharantī”tiādīsu (a. ni. 4.70) viya. Tasmā yathā nisinno ekamantaṃ nisinno hoti, tathā **nisīdīti** evamettha attho daṭṭhabbo. Bhummatthe vā etaṃ upayogavacanaṃ. **Nisīdīti** nisajjaṃ kappesi. Paṇḍitā hi devamanussā garuṭṭhānīyaṃ upasaṅkamitvā āsanakusalatāya ekamantaṃ nisīdanti, ayaṅca thero tesam aññataro, tasmā ekamantaṃ nisīdi.

Kathaṃ nisinno pana ekamantaṃ nisinno hotīti? Cha nisajjadose vajjetvā. Seyyathidaṃ – atidūraṃ accāsannaṃ uparivātaṃ unnatappadesaṃ atisammukhaṃ atipacchāti. Atidūre nisinno hi sace kathetukāmo hoti, uccāsaddena kathetabbaṃ hoti. Accāsanne nisinno saṅghaṭṭanaṃ karoti. Uparivāte nisinno sarīragandhena bādhati. Unnatappadesa nisinno agāraṃ pakāseti. Atisammukhā nisinno sace daṭṭhukāmo hoti, cakkhunā cakkhuṃ āhacca daṭṭhabbaṃ hoti. Atipacchā nisinno sace daṭṭhukāmo hoti, gīvaṃ pasāretvā daṭṭhabbaṃ hoti. Tasmā ayampi ete cha nisajjadose vajjetvā nisīdi. Tena vuttaṃ “ekamantaṃ nisīdi”ti. **Etadvocāti** etaṃ avoca.

Suñño loko suñño lokoti, bhante, vuccatīti imasmiṃ sāsane paṭipannehi tehi tehi bhikkhūhi “suñño loko suñño loko”ti kathiyatīti attho. Tahiṃ tahiṃ tādīsānaṃ vacanānaṃ bahukattā tesam sabbesaṃ saṅgaṇhanatthaṃ āmedītavacanaṃ kataṃ. Evaṅhi vutte sabbāni tāni vacanāni saṅgahitāni honti. **Kittāvatāti** kittakena parimāṇena. **Nu**-iti saṃsayatthe nipāto. **Suññaṃ attena vā attaniyena vāti** “kārako vedako sayamvasī”ti evaṃ lokaparikappitena attanā ca attābhāvatoyeva attano santakena parikkhārena ca suññaṃ. Sabbaṃ cakkhādi lokiyaṃ dhammajātaṃ, taṃyeva lujjanapalujjanaṭṭhena loko nāma. Yasmā ca attā ca ettha natthi, attaniyaṅca ettha natthi, **tasmā suñño lokoti vuccatīti** attho. Lokuttaropi ca dhammo attattaniyehi suñño eva, pucchānurūpena pana lokiyova dhammo vutto. **Suññoti** ca dhammo natthīti vuttaṃ na hoti, tasmīṃ dhamme attattaniyasārassa natthibhāvo vutto hoti. Loke ca “suññaṃ gharaṃ, suñño ghaṭo”ti vutte gharassa ghaṭassa ca natthibhāvo vutto na hoti, tasmīṃ ghare ghaṭe ca aññassa natthibhāvo vutto hoti. Bhagavatā ca “itī yaṅhi kho tattha na hoti, tena taṃ suññaṃ samanupassati. Yaṃ pana tattha avasiṭṭhaṃ hoti, taṃ santaṃ idamatthīti pajānātī”ti ayameva attho vutto. Tathā nīyaganthe ca saddaganthe ca ayameva attho. Iti imasmiṃ suttante anattalakkhaṇameva kathitaṃ.

47. Suttantaniddese **suññasuññanti**ādīni pañcavīsati mātīkāpadāni suññasambandhena uddisitvā tesam niddeso kato. Tattha mātīkāya tāva suññasāṅkhātaṃ suññaṃ, na aññena upapadena visesitanti **suññasuññaṃ**. Asukanti anidditṭhattā cettha suññattameva vā apekkhitvā napūṃsakavacanaṃ kataṃ. Evaṃ sesesupī. Saṅkhāroyeva sesasaṅkhārehi suññoti **saṅkhārasuññaṃ**. Jarābhāṅgavasena virūpo pariṇāmo vipariṇāmo, tena vipariṇāmena suññaṃ **vipariṇāmasuññaṃ**. Aggaṅca taṃ attattaniyehi, sabbasaṅkhārehi vā suññaṅcāti **aggasuññaṃ**. Lakkhaṇameva sesalakkhaṇehi suññanti **lakkhaṇasuññaṃ**. Nekkhammādinā vikkhambhanena suññaṃ. **Vikkhambhanasuññaṃ**. **Tadaṅgasuññādisupī** catūsu eseva nayo. Ajjhataṅca taṃ attattaniyādīhi suññaṅcāti **ajjhattasuññaṃ**. Bahiddhā ca taṃ attattaniyādīhi suññaṅcāti **bahiddhāsuññaṃ**. Tadubhayaṃ attattaniyādīhi suññanti **dubhatosuññaṃ**. Samāno bhāgo etassāti sabhāgaṃ, sabhāgaṅca taṃ attattaniyādīhi suññaṅcāti **sabhāgasuññaṃ**, sadisasuññanti attho.

Vigataṃ sabhāgaṃ visabhāgaṃ, visabhāgañca taṃ attattaniyādīhi suññañcāti **visabhāgasuññaṃ**, visadisasuññanti attho. Kesuci potthakesu sabhāgasuññaṃ visabhāgasuññaṃ nissaraṇasuññānantaraṃ likhitaṃ. Nekkhammādiśanā kāmaccchandādinā suññāti **esanāsuññaṃ**. **Pariggahasuññādīsu** tīsupi eseva nayo. Ekārammaṇe patiṭṭhitattā nānārammaṇavikkhepābhāvato ekattañca taṃ nānattena suññañcāti **ekattasuññaṃ**. Tabbiparītena nānattañca taṃ ekattena suññañcāti **nānattasuññaṃ**. Nekkhammādikhanti kāmaccchandādinā suññāti **khantisuññaṃ**. **Adhiṭṭhānasuññe pariyogāhanasuññe ca** eseva nayo. Pariyogāhanasuññantipi pāṭho. **Sampajānassāti** sampajāññena samannāgatassa parinibbāyantassa arahato. **Pavattapariyādānanti** anupādāparinibbānaṃ. **Sabbasuññātānanti** sabbasuññānaṃ. **Paramatthasuññanti** sabbasaṅkhārābhāvato uttamatthabhūtaṃ suññaṃ.

48. Mātikāniddese **niccena vāti** bhaṅgaṃ atikkamitvā pavattamānassa kassaci niccassa abhāvato niccena ca suññaṃ. **Dhuvēna vāti** vijjāmānakālepi paccayāyattavuttitāya thirassa kassaci abhāvato dhuvēna ca suññaṃ. **Sassatēna vāti** abbochinnaṃ sabbakāle vijjāmānassa kassaci abhāvato sassatēna ca suññaṃ. **Avipariṇāmadhammena vāti** jarābhaṅgavasena avipariṇāmapakatikassa kassaci abhāvato avipariṇāmadhammena ca suññaṃ. Suttante attasuññatāya eva vuttāyapi niccasuññatāya sukhasuññatāya dassetuṃ idha **niccena vāti**ādīnipi vuttāni. Aniccasseva hi pīḷāyogena dukkhattā niccasuññatāya vuttāya sukhasuññatāpi vuttāva hoti. Rūpādayo panettha cha visayā, cakkhuviññānādīni cha viññānāni, cakkhusamphassādayo cha phassā, cakkhusamphassajā vedanādayo cha vedanā cha saṅkhittāti veditabbaṃ.

Puññābhisaṅkhārotiādīsu punāti attano kāraṃ, pūreti cassa ajjhāsayaṃ, pujañca bhavaṃ nibbattetīti puññaṃ, abhisaṅkharoti vipākaṃ kaṭattārūpañcāti abhisaṅkhāro, puññaṃ abhisaṅkhāro puññābhisaṅkhāro. Puññapaṭipakkhato apuññaṃ abhisaṅkhāro **apuññābhisaṅkhāro**. Na iñjaṃ aneñjaṃ, aneñjaṃ bhavaṃ abhisaṅkharotīti **āneñjābhisaṅkhāro**. Puññābhisaṅkhāro dānasīlabhāvanāvasena pavattā aṭṭha kāmāvacarakusalacetanā, bhāvanāvaseneva pavattā pañca rūpāvacarakusalacetanāti terasa cetanā hontī, apuññābhisaṅkhāro pañātipātādivasena pavattā dvādasa akusalacetanā, āneñjābhisaṅkhāro bhāvanāvaseneva pavattā catasso arūpāvacaracetanāti tayopi saṅkhārā ekūnatīṃsa cetanā hontī. **Kāyasaṅkhāroti**ādīsu kāyato vā pavatto, kāyassa vā saṅkhāroti kāyasaṅkhāro. **Vacīsaṅkhāracittasaṅkhāresupi** eseva nayo. Ayaṃ tiko kammāyūhanakkaṇe puññābhisaṅkhārādīnaṃ dvārato pavattidassanattaṃ vutto. Kāyaviññattim samuṭṭhāpetvā hi kāyadvārato pavattā aṭṭha kāmāvacarakusalacetanā, dvādasa akusalacetanā, abhiññācetanā cāti ekavīsati cetanā kāyasaṅkhāro nāma, tā eva ca vacīviññattim samuṭṭhāpetvā vacīdvārato pavattā vacīsaṅkhāro nāma, manodvāre pavattā pana sabbāpi ekūnatīṃsa cetanā cittasaṅkhāro nāma. **Atītā saṅkhārāti**ādīsu sabbepi saṅkhatadhammā sakakkhaṇaṃ patvā niruddhā atītā saṅkhārā, sakakkhaṇaṃ appattā **anāgatā saṅkhārā**, sakakkhaṇaṃ pattā **paccuppannā saṅkhārāti**.

Vipariṇāmasuññe paccuppannaṃ dassetvā tassa tassa vipariṇāmo sukkena vuttuṃ sakkāti paṭhamam paccuppannadhammā dassitā. Tattha **jātaṃ rūpanti** paccuppannaṃ rūpaṃ. **Sabhāvena suññanti** ettha sayam bhāvo sabhāvo, sayameva uppādoti attho. Sato vā bhāvo sabhāvo, attatoyeva uppādoti attho. Paccayāyattavuttittā paccayaṃ vinā sayameva bhāvo, attato eva vā bhāvo etasmim natthīti sabhāvena suññaṃ, sayameva bhāvena, attato eva vā bhāvena suññanti vuttaṃ hoti. Atha vā sakassa bhāvo sabhāvo. Pathavīdhātuādīsu hi anekesu rūpārūpadhammesu ekeko dhammo paraṃ upādāya sako nāma. **Bhāvoti** ca dhammapariyāyavacanametam. Ekassa ca dhammassa añño bhāvasaṅkhāto dhammo natthi, tasmā sakassa aññena bhāvena suññaṃ, sako aññena bhāvena suññoti attho. Tena ekassa dhammassa ekasabhāvatā vuttā hoti. Atha vā **sabhāvena suññanti** suññasabhāvene va suññaṃ. Kiṃ vuttaṃ hoti? Suññasuññatāya eva suññaṃ, na aññāhi pariyāyasuññatāhi suññanti vuttaṃ hoti.

Sace pana keci vadeyyuṃ “sako bhāvo sabhāvo, tena sabhāvena suñña”nti. Kiṃ vuttaṃ hoti? Bhāvoti dhammo, so paraṃ upādāya sapaḍena visesito sabhāvo nāma hoti. Dhammassa kassaci avijjāmānattā “jātaṃ rūpaṃ sabhāvena suñña”nti rūpassa avijjāmānatā vuttā hotīti. Evaṃ sati “jātaṃ rūpa”ntivacanena virujjhati. Na hi uppādarahitaṃ jātaṃ nāma hoti. Nibbānañhi uppādarahitaṃ, taṃ jātaṃ nāma na hoti, jātijarāmarāñāni ca uppādarahitāni jātāni nāma na hontī. Tenevettha “jātā jāti sabhāvena

suññā, jātaṃ jarāmarāṇaṃ sabhāvena suññā”nti evaṃ anuddharitvā bhavameva avasānaṃ katvā niddiṭṭhaṃ. Yađi uppādarahitassāpi “jāta”ntivacanaṃ yujjeyya, “jātā jāti, jātaṃ jarāmarāṇa”nti vattabbaṃ bhaveyya. Yasmā uppādarahitesu jātijarāmarāṇesu “jāta”ntivacanaṃ na vuttaṃ, tasmā “sabhāvena suññāṃ avijjamāna”nti vacanaṃ avijjamānassa uppādarahitattā “jāta”ntivacanaṃ virujjhati. Avijjamānassa ca “suññā”ntivacanaṃ heṭṭhā vuttena lokavacanaṃ ca bhagavato vacanaṃ ca nāyasaddaganthavacanaṃ ca virujjhati, anekāhi ca yuttīhi virujjhati, tasmā taṃ vacanaṃ kacavaramiva chaḍḍitabbaṃ. “Yaṃ, bhikkhave, atthisammatāṃ loke paṇḍitānaṃ, ahampi taṃ atthīti vadāmi. Yaṃ, bhikkhave, natthisammatāṃ loke paṇḍitānaṃ, ahampi taṃ natthīti vadāmi. Kiñca, bhikkhave, atthisammatāṃ loke paṇḍitānaṃ, yamaḥ atthīti vadāmi? Rūpaṃ, bhikkhave, aniccaṃ dukkhaṃ vipariṇāmadhammaṃ atthisammatāṃ loke paṇḍitānaṃ, ahampi taṃ atthīti vadāmi”tiādīhi (saṃ. ni. 3.94) anekehi buddhavacanaṃ nānehi anekāhi ca yuttīhi dhammā sakakkhaṇe vijjamānā evāti niṭṭhamettha gantabbaṃ.

Vigataṃ rūpanti uppajjitvā bhaṅgaṃ patvā niruddhaṃ atītaṃ rūpaṃ. **Vipariṇatañceva suññāñcāti** jarābhaṅgavasena virūpaṃ pariṇāmaṃ pattañca vattamānasseva vipariṇāmasabbhāvato atītassa vipariṇāmābhāvato tena vipariṇāmena suññāñcāti attho. **Jātā vedanā**tiādīsupi eseva nayo. Jātijarāmarāṇaṃ pana anipphannattā sakabhāvena anupalabbhanīyato idha na yujjati, tasmā “jātā jāti, jātaṃ jarāmarāṇa”ntiādike dve naye pahāya bhavādikameva nayaṃ pariyoṣānaṃ katvā ṭhapitaṃ.

Agganti agge bhavaṃ. **Setṭhanti** ativiya pasamsanīyaṃ. **Visiṭṭhanti** atisayabhūtaṃ. Visiṭṭhanti paṭho. Tidhāpi pasatthaṃ nibbānaṃ sammāpaṭipadāya paṭipajjitabato **padaṃ** nāma. **Yadidanti** yaṃ idaṃ. Idāni vattabbaṃ nibbānaṃ nidasseti. Yasmā nibbānaṃ āgamaṃ sabbasaṅkhārānaṃ samatho hoti, khandhūpadhikilesūpadhiabhisaṅkhārūpadhikāmaguṇūpadhisāṅkhātānaṃ upadhīnaṃ paṭinissaggo hoti, taṇhānaṃ khayō virāgo nirodho ca hoti, tasmā **sabbasaṅkhārasamatho sabbūpadhipaṭinissaggo taṇhakkhayo virāgo nirodhoti** vuccati. **Nibbānanti** sabhāvalakkhaṇena nigamitaṃ.

Lakkhaṇesu hi “tīṇimāni, bhikkhave, bālassa bālalakkhaṇāni bālanimittāni bālāpadānāni. Katamāni tīṇi? Idha, bhikkhave, bālo duccintitacintī ca hoti dubbhāsītabhāsī ca dukkaṭakammakārī ca. Imāni kho, bhikkhave, tīṇi bālassa bālalakkhaṇāni bālanimittāni bālāpadānāni”ti (a. ni. 3.3; ma. ni. 3.246) vuttaṃ. Paṇḍitehi bālassa bālōti sallakkhaṇato tividhaṃ **bālalakkhaṇaṃ**. “Tīṇimāni, bhikkhave, paṇḍitassa paṇḍitalakkhaṇāni paṇḍitanimittāni paṇḍitāpadānāni. Katamāni tīṇi? Idha, bhikkhave, paṇḍito sucintitacintī ca hoti subhāsītabhāsī ca sukatakammakārī ca. Imāni kho, bhikkhave, tīṇi paṇḍitassa paṇḍitalakkhaṇāni paṇḍitanimittāni paṇḍitāpadānāni”ti (a. ni. 3.3; ma. ni. 3.253) vuttaṃ. Paṇḍitehi paṇḍitassa paṇḍitōti sallakkhaṇato tividhaṃ **paṇḍitalakkhaṇaṃ**.

“Tīṇimāni, bhikkhave, saṅkhatassa saṅkhatalakkhaṇāni. Katamāni tīṇi? Uppādo paññāyati, vayo paññāyati, ṭhitassa aññathattaṃ paññāyati. Imāni kho, bhikkhave, tīṇi saṅkhatassa saṅkhatalakkhaṇāni”ti (a. ni. 3.47-48) vuttaṃ. Uppādo eva saṅkhatamiti lakkhaṇanti **saṅkhatalakkhaṇaṃ**. Evamitaradvayepi attho veditabbo. Iminā uppādakkhaṇe sesadvinnaṃ, ṭhitikkhaṇe sesadvinnaṃ, bhaṅgakkhaṇe ca sesadvinnaṃ abhāvo dassito. Yaṃ panettha peyyālamukhena jātiyā ca jarāmarāṇassa ca uppādādīlakkhaṇaṃ vuttaṃ, taṃ vipariṇāmasuññatāya jātijarāmarāṇāni hitvā bhavapariyoṣānasseva nayassa vacanaṃ ca uppādādīnaṃ uppādādiavacanasamayena ca virujjhati. Lakkhaṇasote patitattā pana sotapatitaṃ katvā likhanti veditabbaṃ. Yathā ca abhidhamme (dha. sa. 562-565) ahetukavipākamanodhātumanoviññāḍadhātūnaṃ saṅgahavāre labbhamānampi jhānaṅgaṃ pañcaviññāṇasote pativā gatanti na uddhaṭanti vuttaṃ, evamidhāpi sotapatitatā veditabbā. Atha vā jātijarāmarāṇavantānaṃ saṅkhārānaṃ uppādādayo “jātijarāmarāṇaṃ aniccato”tiādīsu (paṭi. ma. 1.73; 2.4) viya tesāṃ viya katvā vuttanti veditabbaṃ.

Nekkhammena kāmacchando vikkhambhito ceva suñño cāti kāmacchando nekkhammena vikkhambhito ceva nekkhammassa tattha abhāvato teneva vikkhambhanasaṅkhātēna nekkhammena suñño ca. Evaṃ sesesupi yojanā kātabbā. Tadaṅgappahānasamucchedappahānesupi cettha tadaṅgavasena ca samucchedavasena ca pahīnaṃ dūrīkatameva hotīti iminā dūrīkaraṇaṭṭhena vikkhambhanaṃ vuttaṃ.

Nekkhammena kāmaccando tadaṅgasuññoti nekkhammena pahīno kāmaccando tena nekkhammasaṅkhātena aṅgena suñño. Atha vā yo koci kāmaccando nekkhammassa tattha abhāvato nekkhammena tena aṅgena suñño. Evaṃ sesesupi yojanā kātabbā. Tassa tassa aṅgassa tattha tattha abhāvamatteneva cettha upacārappanājhānavasena ca vipassanāvasena ca tadaṅgasuññatā niddiṭṭhā. Pahānadīpakassa vacanassa abhāvena pana vivaṭṭanānupassanaṃyeva pariyosānaṃ katvā vipassanā niddiṭṭhā, cattāro maggā na niddiṭṭhā. **Nekkhammena kāmaccando samucchinnno ceva suñño cāti**ādīsu vikkhambhane vuttanayeneva attho veditabbo. Tadaṅgavikkhambhanavasena pahīnānīpi cettha samudācārābhāvato samucchinnāni nāma hontīti iminā pariyāyena samucchedo vutto, taṃtaṃsamucchadakiccaśādhānavasena vā maggasampayuttanekkhamaḍḍivasena vuttanti veditabbaṃ. Paṭippassaddhinissaraṇasuññesu ca idha vuttanayeneva attho veditabbo. Tadaṅgavikkhambhanasamucchadapahānesu panettha paṭippassaddhimattattaṃ nissaṭamattattaṅca gahetvā vuttaṃ. Pañcasupī etesu suññesu nekkhammādinīyeva vikkhambhanatadaṅgasamucchadapaṭippassaddhinissaraṇanāmena vuttāni. **Ajjhattanti** ajjhatabhūtaṃ. **Bahiddhāti** bahiddhābhūtaṃ. **Dubhatosuññanti** ubhayasuññaṃ. Paccattādīsupi hi to-itivacanaṃ hotiyeva.

Cha ajjhattikāyatanādīni chaajjhattikāyatanādīnaṃ bhāvena **sabhāgāni**. Parehi **visabhāgāni**. **Viññāṇakāyāti**ādīsu cettha kāyavacanena viññāṇādīniyeva vuttāni. **Nekkhammesanā**ādīsu nekkhammādinīyeva tadatthikehi viññūhi esīyantīti esanā. Atha vā pubbhāge nekkhammādināṃ esanāpi kāmaccandādīhi suññā, kiṃ pana nekkhammādinītipi vuttaṃ hoti? **Pariggahā**ādīsu nekkhammādinīyeva pubbhāge esitāni aparabhāge pariggayhantīti **pariggahoti**, pariggahitāni pattivasena paṭilabbhantīti **paṭilābhoti**, paṭiladdhāni nānavasena paṭivijjhīyantīti **paṭivedhoti** ca vuttāni. Ekattasuññaṅca nānattasuññaṅca sakīṃyeva pucchitvā ekattasuññaṃ vissajjetvā nānattasuññaṃ avissajjetvāva sakīṃ nigamaṇaṃ kataṃ. Kasmā na vissajjitanti ce? Vuttapariyāyenevettha yojanā nīyatīti na vissajjitanti veditabbaṃ. Ayaṃ panettha yojanā – nekkhammaṃ ekattaṃ, kāmaccando nānattaṃ, kāmaccando nānattaṃ, nekkhammekattena suññanti. Evaṃ sesesupi yojanā veditabbā.

Khantiādīsu nekkhammādinīyeva khamanato rucanato **khantīti**, rocitāniyeva pavisitvā tiṭṭhanato **adhiṭṭhānanti**, pavisitvā ṭhitānaṃ yathārucimeva sevanato **pariyogāhananti** ca vuttāni. **Idha sampajānoti**ādīko paramatthasuññaniddeso parinibbānañāṇaniddese vaṇṇitoyeva.

Imesu ca sabbesu suññesu saṅkhārasuññaṃ vipariṇāmasuññaṃ lakkhaṇasuññaṅca yathāvuttānaṃ dhammānaṃ aññamaññaasammissatādassanattaṃ. Yattha pana akusalapakkhikānaṃ kusalapakkhikena suññatā vuttā, tena akusale ādinavadassanattaṃ. Yattha pana kusalapakkhikānaṃ akusalapakkhikena suññatā vuttā, tena kusale ānisaṃsadassanattaṃ. Yattha attattaniyādīhi suññatā vuttā, taṃ sabbasaṅkhāresu nibbidājananattaṃ. Aggasuññaṃ paramatthasuññaṅca nibbāne ussāhajananattaṃ vuttanti veditabbaṃ.

Tesu aggasuññaṅca paramatthasuññaṅcāti dve suññāni atthato ekameva nibbānaṃ aggaparamatthavasena saupādisesaṇupādisesavasena ca dvidhā katvā vuttaṃ. Tāni dve attattaniyasuññato saṅkhārasuññato ca sabhāgāni. “Suññasuññaṃ ajjhattasuññaṃ bahiddhasuññaṃ dubhatosuññaṃ sabhāgasuññaṃ visabhāgasuññaṃ”nti imāni cha suññāni suññasuññaṃyeva hoti. Ajjhattādibhedato pana chadhā vuttāni. Tāni cha ca attattaniyādisuññato sabhāgāni. Saṅkhāravipariṇāmalakkhaṇasuññāni, vikkhambhanatadaṅgasamucchadapaṭippassaddhinissaraṇasuññāni, esanāpariggahapaṭilābhapaṭivedhasuññāni, ekattanānattasuññāni, khantiadhiṭṭhānapariyogāhanasuññāni cāti sattarasa suññāni attani avijjamānehi tehi tehi dhammehi suññatā avijjamānaṃ vasena visuṃ visuṃ vuttāni. Saṅkhāravipariṇāmalakkhaṇasuññāni pana itarena itarena asammissavasena sabhāgāni, vikkhambhanādīni pañca kusalapakkhena suññatā sabhāgāni, esanādīni cattāri, khantiādīni ca tīṇi akusalapakkhena suññatā sabhāgāni, ekattanānattasuññāni aññamaññaapaṭipakkhavasena sabhāgāni.

Sabbe dhammā samāseṇa, tidhā dvedhā tathekadhā;
Suññāti suññatthavidū, vaṇṇayantīdha sāsane.

Katham? Sabbe tāva lokiyā dhammā dhuvasubhasukhaattavirahitattā dhuvasubhasukhaattasuññā. Maggaphaladhammā dhuvasukhattavirahitattā dhuvasukhattasuññā. Aniccattāyeva sukkena suññā. Anāsavattā na subhena suññā. Nibbānadhammo attasseva abhāvato attasuñño. Lokiyalokuttarā pana sabbepi saṅkhatā dhammā sattassa kassaci abhāvato sattasuññā. Asaṅkhato nibbānadhammo tesam saṅkhārānampi abhāvato saṅkhārasuñño. Saṅkhatāsaṅkhatā pana sabbepi dhammā attasaṅkhātassa puggalassa abhāvato attasuññāti.

Saddhammappakāsiniyā paṭisambhidāmaggaatṭhakathāya

Suññakathāvaṇṇanā niṭṭhitā.

Yuganaddhavaggaṇṇanā niṭṭhitā.

Niṭṭhitā ca majjhimavaggaṇṇanā apubbathānuvaṇṇanā.

(3) Paññāvaggo

1. Mahāpaññākathā

Mahāpaññākathāvaṇṇanā

1. Idāni visesato paññāpadaṭṭhānabhūtāya suññakathāya anantaram kathitāya paññākathāya apubbathānuvaṇṇanā. Tattha ādito tāva sattu anupassanāsu ekekamūlakā satta paññā pucchāpubbaṅgamaṃ katvā niddiṭṭhā, puna sattānupassanāmūlakā ekekuttaramūlakā ca tisso paññā puccham akatvāva niddiṭṭhā, evamādito dasapaññāparipūrī niddiṭṭhā. Tattha **aniccānupassanā** tāva yasmā aniccato diṭṭhesu saṅkhāresu “yadaniccaṃ, taṃ dukkha”nti dukkhato ca “yaṃ dukkham, tadanattā”ti anattato ca javati, tasmā sā **bhāvitā bahulikātaṃ javanapaññam paripūreti**. Sā hi sakavisayesu javatīti javanā, javanā ca sā paññā cāti **javanapaññā**. **Dukkhanupassanā** samādhindriyanissitattā balavatī hutvā paṇidhiṃ nibbijjhati padāleti, tasmā **nibbedhikapaññam paripūreti**. Sā hi nibbijjhatīti nibbedhikā, nibbedhikā ca sā paññā cāti **nibbedhikapaññā**. **Anattānupassanā** suññatādassanena vuddhippattiyā mahattappattattā **mahāpaññam paripūreti**. Sā hi vuddhippattattā mahatī ca sā paññā cāti **mahāpaññā**. **Nibbidānupassanā** yasmā tissannaṃyeva anupassanānaṃ purimatopi āsevanāya balappattāvattattā sabbasaṅkhāresu nibbindanasamattā hutvā tikkhā hoti, tasmā **tikkhapaññam paripūreti**. **Virāgānupassanā**pi yasmā tissannaṃyeva anupassanānaṃ purimatopi āsevanābalappattānaṃ vuddhatarāvattattā sabbasaṅkhārehi virajjanasamattā hutvā vipulā hoti, tasmā **vipulapaññam paripūreti**.

Nirodhānupassanāpi yasmā tissannaṃyeva anupassanānaṃ purimatopi āsevanābalappattānaṃ vuddhatarāvattattā vayalakkhaṇavasena sabbasaṅkhārānaṃ nirodhadassanasamattā hutvā gambhīrā hoti, tasmā **gambhīrapaññam paripūreti**. Nirodho hi uttānapaññehi alabbhaneyyapatiṭṭhattā gambhīro, tasmim gambhīre gādhappattā paññāpi gambhīrā. **Paṭinissaggānupassanā**pi yasmā tissannaṃyeva anupassanānaṃ purimatopi āsevanābalappattānaṃ vuddhatarāvattattā vayalakkhaṇavasena sabbasaṅkhārapaṭinissajjanasamattā hutvā asāmantā hoti, vuddhipariyantappattattā chahi paññāhi dūre hotīti attho. Tasmā sayam asāmantattā **asāmantapaññam paripūreti**. Sā hi heṭṭhimapaññāhi dūrattā asāmantā, asamīpā vā paññāti asāmantapaññā. **Paṇḍiccaṃ paripūrentīti** paṇḍitabhāvaṃ paripūrentī. Yasmā yathāvuttā satta paññā paripuṇṇā bhāvetvā paṇḍitalakkhaṇappatto sikhappattavutṭhānagāminivipassanāsaṅkhātehi saṅkhārupekkhānulomagotrābhūñānehi paṇḍito hutvā paṇḍiccena samannāgato hoti, tasmā “paṇḍiccaṃ paripūrentī”ti vuttaṃ.

Aṭṭha paññāti paṇḍiccasāṅkhātāya paññāya saha sabbā aṭṭha paññā. **Puthupaññam paripūrentīti** yasmā tena paṇḍiccena samannāgato hutvā so paṇḍito gotrābhūñānantaram nibbānaṃ ārammaṇam katvā

lokuttarabhāvappattiyā lokiyato puthubhūtattā visuṃbhūtattā puthupaññāṭisāṅkhātāṃ maggaphalapaññaṃ pāpuṇāti, tasmā “atṭha pañña puthupaññaṃ paripūrentī”ti vuttaṃ.

Imā nava paññātiādīsu tasseva kamena adhigatamaggaphalassa ariyapuggalassa pañītalokuttaradhammopayogena pañītacittasantānattā pahaṭṭhākāreṇeva ca pavattamānacittasantānassa phalānantaraṃ otiṇṇabhavaṅgato vuṭṭhitassa maggapaccavekkhaṇā, tato ca bhavaṅgaṃ otaritvā vuṭṭhitassa phalapaccavekkhaṇā, imināva nayena pahīnakilesapaccavekkhaṇā, avasiṭṭhakilesapaccavekkhaṇā, nibbānapaccavekkhaṇāti pañca paccavekkhaṇā pavattanti. Tāsu paccavekkhaṇāsu maggapaccavekkhaṇā phalapaccavekkhaṇā ca paṭibhānapaṭisambhidā hoti. Kathaṃ? “Yaṃkiñci paccayasambhūtaṃ nibbānaṃ bhāsitattho vipāko kiriyāti ime pañca dhammā attho”ti abhidhamme pāḷiṃ anugantvā tadaṭṭhakathāyaṃ vuttaṃ. Nibbānassa ca atthattā tadārammaṇaṃ maggaphalaññaṃ “atthesu ññaṃ atthapaṭisambhidā”ti (vibha. 718; paṭi. ma. 1.110) vacanato atthapaṭisambhidā hoti. Tassa atthapaṭisambhidābhūtassa maggaphalaññaṃ paccavekkhaṇaṇaṃ “ññesu ññaṃ paṭibhānapaṭisambhidā”ti vacanato paṭibhānapaṭisambhidā hoti. Sā ca paccavekkhaṇapañña hāsākāreṇa pavattamānacittasantānassa **hāsapañña** nāma hoti. Tasmā **nava pañña hāsapaññaṃ paripūrentī** ca **hāsapañña paṭibhānapaṭisambhidā**ti ca vuttaṃ. Sabbappakārāpi pañña tassa tassa atthassa pākāṭakaraṇasaṅkhātēna paññaṇapaṭṭhena pañña, tena tena vā pakāreṇa dhamme jānātīti pañña.

Tassāti tassa vuttappakārassa ariyapuggalassa. Karaṇatthe sāmivacanaṃ. **Atthavavattānā**ti yathāvuttassa pañcavidhassa atthassa vavattāpanavasena. Vuttampi cetāṃ samaṇakaraṇīyakathāyaṃ “hetuphalaṃ nibbānaṃ vacanatto atha vipākaṃ kiriyāti atthe pañca pabhede paṭhamantapabhedagataṃ ñña”nti. **Adhigatā hotī**ti paṭiladdhā hoti. Sāyeva paṭilābhāsacchikiriyāya **sacchikatā**. Paṭilābhaphasseneva **phassitā pañña**ya. **Dhammavavattānā**ti “yo koci phalanibbattako hetu ariyamaggo bhāsitaṃ kusalaṃ akusalanti ime pañca dhammā dhammo”ti abhidhamme pāḷiyānusāreṇa vuttānaṃ pañcannaṃ dhammānaṃ vavattāpanavasena. Vuttampi cetāṃ samaṇakaraṇīyakathāyaṃ “hetu ariyamaggo vacanaṃ kusalañca akusalañcāti dhamme pañca pabhede dutiyantapabhedagataṃ ñña”nti. **Niruttivavattānā**ti tesāṃ tesāṃ atthadhammānaṃ anurūpaniruttīnaṃ vavattāpanavasena. **Paṭibhānavavattānā**ti paṭibhānasāṅkhātānaṃ tiṇṇaṃ paṭisambhidāññaṇaṃ vavattāpanavasena. **Tassimā**ti nigamanavacanametāṃ.

2. Evaṃ sabbasaṅgāhakavasena anupassanānaṃ viṣesaṃ dassetvā idāni vatthubhedavasena dassento **rūpe aniccānupassanā**tiādīmāha. Taṃ heṭṭhā vuttatthameva. Puna rūpādīsuyeva atītānāgatapaccuppannavasena javanapaññaṃ dassetukāmo kevalaṃ rūpādīvasena ca atītānāgatapaccuppannarūpādīvasena ca pucchaṃ katvā pucchākameneva vissajjanaṃ akāsi. Tattha suddharūpādīvissajjanesu paṭhamāṃ niddiṭṭhā eva pañña atītānāgatapaccuppannamūlakesu sabbavissajjanesu tesu atītādīsū javanavasena javanapaññaṇāti niddiṭṭhā.

3. Puna anekasuttantapubbaṅgamaṃ paññaṇapabhedāṃ dassetukāmo paṭhamāṃ tāva suttante uddisi. Tattha **sappurisasamsevoti** heṭṭhā vuttappakārānaṃ sappurīsānaṃ bhajanaṃ. **Saddhammassavananti** tesāṃ sappurīsānaṃ santike sīlādīpaṭipattidīpakassa saddhammavacanassa savanaṃ. **Yonisomanasikāro**ti sutānaṃ dhammānaṃ atthūpaparikkhaṇavasena upāyena manasikāro. **Dhammānudhammapaṭipattī**ti lokuttaradhamme anugatassa sīlādīpaṭipadādhammassa paṭipajjanaṃ. **Paññaṇapaṭilābhāya paññaṇavuddhiyā paññaṇavepullāya paññaṇābhullāyā**ti imāni cattāri paññaṇavasena bhāvavacanāni. Sesāni dvādasa puggalavasena bhāvavacanāni.

1. Soḷasapaññaṇāniddesavaṇṇanā

4. Suttantāniddese **channaṃ abhiññāññaṇānanti** iddhividhadibbasotacetopariyapubbenivāsadibbacakkuṃsavānaṃ khayaññaṇaṃ. **Tesattatīnaṃ ññaṇānanti** ññaṇakathāya niddiṭṭhānaṃ sāvakaśādharaṇaṇaṃ ññaṇaṃ. **Sattasattatīnaṃ ññaṇānanti** ettha –

“Sattasattari vo, bhikkhave, ññaṇavattūni desessāmi, taṃ suṇātha sādhukaṃ manasi karotha,

bhāssissāmīti. Katamāni, bhikkhave, sattasattari ñāṇavatthūni? Jātipaccayā jarāmarañanti ñāṇaṃ, asati jātiyā natthi jarāmarañanti ñāṇaṃ. Atītampi addhānaṃ jātipaccayā jarāmarañanti ñāṇaṃ, asati jātiyā natthi jarāmarañanti ñāṇaṃ, anāgatampi addhānaṃ jātipaccayā jarāmarañanti ñāṇaṃ, asati jātiyā natthi jarāmarañanti ñāṇaṃ. Yampissa taṃ dhammaṭṭhitiñāṇaṃ, tampi khayadhammaṃ vayadhammaṃ virāgadhammaṃ nirodhadhammanti ñāṇaṃ. Bhavapaccayā jāṭṭi ñāṇaṃ...pe... upādānapaccayā bhavoti ñāṇaṃ... taṅhāpaccayā upādānanti ñāṇaṃ... vedanāpaccayā taṅhāti ñāṇaṃ... phassapaccayā vedanāti ñāṇaṃ... saḷāyatanapaccayā phassoti ñāṇaṃ... nāmarūpapaccayā saḷāyatananti ñāṇaṃ... viññāṇapaccayā nāmarūpanti ñāṇaṃ... saṅkhārapaccayā viññāṇanti ñāṇaṃ... avijjāpaccayā saṅkhārāti ñāṇaṃ, asati avijjāyā natthi saṅkhārāti ñāṇaṃ. Atītampi addhānaṃ avijjāpaccayā saṅkhārāti ñāṇaṃ, asati avijjāyā natthi saṅkhārāti ñāṇaṃ, anāgatampi addhānaṃ avijjāpaccayā saṅkhārāti ñāṇaṃ, asati avijjāyā natthi saṅkhārāti ñāṇaṃ. Yampissa taṃ dhammaṭṭhitiñāṇaṃ, tampi khayadhammaṃ vayadhammaṃ virāgadhammaṃ nirodhadhammanti ñāṇaṃ. Imāni vuccanti, bhikkhave, sattasattari ñāṇavatthūnī’ ti (saṃ. ni. 2.34) –

Evam bhagavatā nidānavagge vuttāni sattasattati ñāṇāni. “Jarāmarāṇe ñāṇaṃ, jarāmarāṇasamudaye ñāṇaṃ, jarāmarāṇanirodhe ñāṇaṃ, jarāmarāṇanirodhagāminiyā paṭipadāya ñāṇa’nti (saṃ. ni. 2.33) iminā nayena ekādasasu aṅgesu cattāri cattāri katvā vuttāni catucattārīsa ñāṇavatthūni pana idha na gahitāni. Ubhayattha ca ñāṇāniyeva hitasukhassa vatthūnīti **ñāṇavatthūni**. **Lābhoti**ādīsu lābhoyeva upasaggena visesetvā **paṭilābhoti** vutto. Puna tasseva atthavivaraṇavasena **patti sampattīti** vuttaṃ. **Phassanāti** adhigamavasena phusanā. **Sacchikiriyāti** paṭilābhasacchikiriyā. **Upasampadāti** nipphādanā.

Sattannañca sekkhānanti tisso sikkhā sikkhantīti sekkhasaññitānaṃ sotāpattimaggaṭṭhādīnaṃ sattannaṃ. **Puthujjanakalyāṇakassa cāti** nibbānagāminiyā paṭipadāya yuttatā sundaraṭṭhena kalyāṇasaññitassa puthujjanassa. Vaḍḍhitāṃ vaḍḍhanaṃ etāyāti **vaḍḍhitavaḍḍhanā**. Yathāvuttānaṃ aṭṭhannampi paññānaṃ vasena visesato ca arahato paññāvasena **paññāvuddhiyā**. Tathā **paññāvepullāya**. **Mahante atthe pariggaṇhātī**ādīsu paṭisambhidappatto ariyasāvako atthādayo ārammaṇakaraṇena pariggaṇhāti. Sabbāpi mahāpaññā ariyasāvakaṇaṃyeva. Tassā ca paññāya visayā heṭṭhā vuttatthā eva.

Puthunānākhandhesūtiādīsu **nānāsaddo** puthusaddassa atthavacanaṃ. **Ñāṇaṃ pavattatīti** **puthupaññāti** tesu tathāvuttesu khandhādīsu ñāṇaṃ pavattatīti katvā taṃ ñāṇaṃ puthupaññā nāmāti attho. **Nānāpaṭiccasamuppādesūti** paṭiccasamuppanānaṃ dhammānaṃ vasena paccayabahuttā vuttaṃ. **Nānāsuññatamanupalabbhesūti** upalabbhanaṃ upalabbho, gahaṇanti attho. Na upalabbho anupalabbho, anupalabbhānaṃ bahuttā bahuvacanaena anupalabbhā, pañcavīsatisuññatāvasena vā nānāsuññatāsu attattaniyādīnaṃ anupalabbhā nānāsuññatānupalabbhā, tesu. “Nānāsuññatānupalabbhesū” ti vattabbe “adukkhamasukhā” tiādīsu (dha. sa. tikamātikā 2) viya ma-kāro padasandhivasena vutto. Imā pañca paññā kalyāṇaputhujjanehi sādharmaṇā, **nānāatthādīsu** paññā ariyānaṃyeva. **Puthujjanasādharmaṇe dhammeti** lokiyadhamme. Iminā avasānapariyāyena lokiyato puthubhūtanibbānārammaṇattā puthubhūtā visum̐bhūtā paññāti puthupaññā nāmāti vuttaṃ hoti.

Vipulapaññā mahāpaññāyena veditabbā. Yathāvutte dhamme pariggaṇhantassa guṇamahantatāya tesam dhammānaṃ pariggāhikāya ca paññāya mahantatā, tesam dhammānaṃ sayameva mahantatā uḷārattā dhammānañca paññāya ca vipulatā veditabbā. **Gambhīrapaññā** puthupaññāyena veditabbā. Te ca dhammā te ca anupalabbhā sā ca paññā pakatijanena alabbhaneyyapatiṭṭhattā gambhīrā.

Yassa puggalassāti ariyapuggalasseva. **Añño kocīti** puthujjano. **Abhisambhavitunti** sampāpuṇiṭuṃ. **Anabhisambhavanīyoti** sampāpuṇiṭuṃ asakkuṇeyyo. **Aññehīti** puthujjaneheva. **Aṭṭhamakassāti** arahattaphalaṭṭhato paṭṭhāya gaṇiyamāne aṭṭhamabhūtassa sotāpattimaggaṭṭhassa. **Dūreti** vippakaṭṭhe. **Vidūreti** visesena vippakaṭṭhe. **Suvidūreti** suṭṭhu visesena vippakaṭṭhe. **Na santiketi** na samīpe. **Na sāmantāti** na samīpabhāge. Imāni dve paṭisedhasahitāni vacanāni dūrabhāvasseva niyamanāni. **Upādāyāti** paṭicca. **Sotāpannassāti** sotāpattiphalaṭṭhassa. Eteneva taṃtaṃmaggapaññā taṃtaṃphalapaññāya dūreti vuttaṃ hoti. **Paccekasambuddhoti** upasaggena visesitaṃ. Itaradvayaṃ pana suddhameva āgataṃ.

5. “Paccekabuddhassa sadevakassa ca lokassa paññā tathāgatassa paññāya dūre”tiādīni vatvā tameva dūraṭṭhaṃ anekappakārato dassetukāmo **paññāpabhedakusaloti**tiādīmāha. Tattha **paññāpabhedakusaloti** attano anantavikappe paññāpabhede cheko. **Pabhinnañāṇoti** anantappabhedapattañāṇo. Etena paññāpabhedakusalattepi satī tāsamañ paññānaṃ anantabhedattaṃ dasseti. **Adhigatapaṭisambhidoti** paṭiladdhaaggacatupaṭisambhidāñāṇo. **Catuvēsārājappatto**ti cattāri visāradabhāvasaṅkhātāni ñāṇāni patto. Yathāha –

“Sammāsambuddhassa te paṭijānato ‘ime dhammā anabhisambuddhā’ti, tatra vata maṃ samaṇo vā brāhmaṇo vā devo vā māro vā brahmā vā koci vā lokasmiṃ saha dhammena paṭicodessaṭṭi nimittametamañ, bhikkhave, na samanupassāmi, etamahaṃ, bhikkhave, nimittamañ asamanupassanto khemappatto abhayappatto vesārājappatto viharāmi. Khīṇāsavassa te paṭijānato ‘ime āsavā aparikkhīṇā’ti, ‘ye kho pana te antarāyikā dhammā vuttā, te paṭisevato nālamañ antarāyāyā’ti, ‘yassa kho pana te atthāya dhammo desito, so na niyyāti takkarassa sammā dukkhakkhayāyā’ti, tatra vata maṃ samaṇo vā brāhmaṇo vā devo vā māro vā brahmā vā koci vā lokasmiṃ saha dhammena paṭicodessaṭṭi nimittametamañ, bhikkhave, na samanupassāmi, etamahaṃ, bhikkhave, nimittamañ asamanupassanto khemappatto abhayappatto vesārājappatto viharāmī”ti (a. ni. 4.8; ma. ni. 1.150).

Dasabalabaladhārīti dasa balāni etesanti dasabalā, dasabalānaṃ balāni dasabalabalāni, tāni dasabalabalāni dhārayatīti dasabalabaladhārī, dasabalaññābaladhārīti attho. Etehi tīhi vacanehi anantappabhedānaṃ neyyānaṃ pabhedamukhamattaṃ dassitamañ. Soyeva paññāpayogavasena abhimaṅgalasammataṭṭhena **purisāsabho**. Asantāsaṭṭhena **purisasiho**. Mahantaṭṭhena **purisanāgo**. Pajānanaṭṭhena **purisājañño**. Lokakiccadhuravahanaṭṭhena **purisadhorayho**.

Atha tejādikaṃ anantañāṇato laddhaṃ guṇavisesamañ dassetukāmo tesamañ tejādīnaṃ anantañāṇamūlakabhāvaṃ dassento **anantañāṇoti** vatvā **anantatejoti**tiādīmāha. Tattha **anantañāṇoti** gaṇanavasena ca pabhāvavasena ca antavirahitañāṇo. **Anantatejoti** veneyyasantāne mohatamavidhamaṇena anantañāṇatejo. **Anantayasoti** paññāguṇeheva lokattayavitthātānantakittighoso. **Adḍhoti** paññādhanasamiddhiyā samiddho. **Mahaddhanoti** paññādhanavaḍḍhattepi pabhāvamahattena mahantaṃ paññādhanamassāti mahaddhano. Mahādhanotipi pāṭho. **Dhanavāti** pasamsitabbapaññādhanavattā niccayuttapaññādhanavattā atisayabhūtapaññādhanavattā dhanavā. Etesupi hi tīsu atthesu idaṃ vacanaṃ saddavidū icchanti.

Evamañ paññāguṇena bhagavato attasampattisiddhiṃ dassetvā puna paññāguṇeneva lokahitasampattisiddhiṃ dassento **netā**tiādīmāha. Tattha veneyye saṃsārasaṅkhātābhayaṭṭhānato nibbānasāṅkhātākhemaṭṭhānaṃ **netā**. Tattha nayanakāle eva saṃvaravinayapahānavinayavasena veneyye **vinetā**. Dhammadesanākāle eva saṃsayacchedanaṃ **anunetā**. Saṃsayamañ chinditvā paññāpetabbamañ atthamañ **paññāpetā**. Tathā paññāpitānaṃ nicchayakaraṇena **nijjhāpetā**. Tathā nijjhāyitassa atthassa paṭipattipayojanavasena **pekkhetā**. Tathāpaṭipanne paṭipattiphaleṇa **pasādetā**. **So hi bhagavāti** ettha hi-kāro anantaraṃ vuttassa atthassa kāraṇopadese nipāto. **Anuppannassa maggassa uppādetāti** sakasantāne na uppannapubbassa chaasādhāraṇaṇāhetubhūtaṃ ariyamaggassa bodhimūle lokahitattaṃ sakasantāne uppādetā. **Asañjātassa maggassa sañjanetāti** veneyyasantāne asañjātapubbassa sāvakaṃpāramiñāhetubhūtaṃ ariyamaggassa dhammacakkappavattanato pabhuti yāvajjakālā veneyyasantāne sañjanetā. Sāvakaveneyyānampi hi santāne bhagavato vuttavacaneneva ariyamaggassa sañjananato bhagavā sañjanetā nāma hoti. **Anakkhātassa maggassa akkhātāti** atṭhadhammasamannāgatānaṃ buddhabhāvāya katābhinihārānaṃ bodhisattānaṃ buddhabhāvāya byākaraṇamañ datvā anakkhātāpubbassa pāramitāmaggassa, “buddho bhavissatī”ti byākaraṇamatteneva vā bodhimūle uppajjitabbassa ariyamaggassa akkhātā. Ayaṃ nayo paccekabodhisattabyākaraṇepi labbhatiyeva.

Maggaññūti paccavekkhaṇāvasena attanā uppāditaariyamaggassa ñātā. **Maggavidūti** veneyyasantāne janetabbassa ariyamaggassa kusalo. **Maggakovidoti** bodhisattānaṃ akkhātābbamagge vicakkhaṇo. Atha

vā abhisambodhipaṭipattimaggāññū, paccekabodhipaṭipattimaggavidū, sāvakabodhipaṭipattimaggakovidō. Atha vā “etena maggena atamsu pubbe, tarissantiyeva taranti ogha”nti (sam. ni. 5.409) vacanato yathāyogaṃ atītānāgatapaccuppannabuddhapaccekabuddhasāvakanāṃ maggavasena ca suññatānimittaappaṇihitamaggavasena ca ugghaṭitaññūvipaṇcitanñūneyyapuggalānaṃ maggavasena ca yathākkamenatthayojanaṃ karonti. **Maggānugāmī ca panāti** bhagavatā gatamaggānugāmīno hutvā. Ettha ca-saddo hetuatthe nipāto. Etena ca bhagavato magguppādanādiguṇādhigamāya hetu vutto hoti. Pana-saddo katatthe nipāto. Tena bhagavatā katamaggakaraṇaṃ vuttaṃ hoti. **Pacchā samannāgatāti** paṭhamaṃ gatassa bhagavato pacchāgatasīlādiguṇena samannāgatā. Iti thero “anuppannassa maggassa uppādetā”tiādīhi yasmā sabbepi bhagavato sīlādayo guṇā arahattamaggameva nissāya āgatā, tasmā arahattamaggameva nissāya guṇaṃ kathesi.

Jānaṃ jānātīti jānitabbaṃ jānāti, sabbaññutāya yaṃkiñci paññāya jānitabbaṃ nāma atthi, taṃ sabbaṃ pañcaneyyapathabhūtaṃ paññāya jānātīti attho. **Passaṃ passatīti** passitabbaṃ passati, sabbadassāvītāya taṃyeva neyyapatham cakkhunā diṭṭhaṃ viya karonto paññācakkhunā passatīti attho. Yathā vā ekacco viparītaṃ gaṇhanto jānantopi na jānāti, passantopi na passati, na evaṃ bhagavā. Bhagavā pana yathāsabhāvaṃ gaṇhanto jānanto jānātiyeva, passanto passatiyeva. Svāyaṃ dassanaparīṇāyakaṭṭhena **cakkhubhūto**. Viditātādīatthena **ñāṇabhūto**. Aviparītasabhāvaṭṭhena vā pariyattidhammapavattanato hadayena cintevā vācāya nicchāritadhammamayoti vā **dhammabhūto**. Setṭhaṭṭhena **brahmabhūto**. Atha vā cakkhu viya bhūtoti **cakkhubhūto**. Ñāṇaṃ viya bhūtoti **ñāṇabhūto**. Dhammo viya bhūtoti **dhammabhūto**. Brahmā viya bhūtoti **brahmabhūto**. Svāyaṃ dhammassa vacanato, vattanato vā **vattā**. Nānappakārehi vacanato, vattanato vā **pavattā**. Atthaṃ nīharitvā nīharitvā nayanato **atthassa ninnetā**. Amatādhigamāya paṭipattidesanato, amatappakāsanāya vā dhammadesanāya amatassa adhigamāpanato **amatassa dātā**. Lokuttaradhammassa uppāditattā veneyyānurūpena yathāsukhaṃ lokuttaradhammassa dānena ca, dhammesu ca issaroti **dhammassāmī**. **Tathāgatapadaṃ** heṭṭhā vuttatthaṃ.

Idāni “jānaṃ jānātī”tiādīhi vuttaṃ guṇaṃ sabbaññutāya visesetvā dassetukāmo sabbaññutaṃ sādiento **natthūti**ādīmāha. Evaṃbhūtassa hi tassa bhagavato pāramitāpuññabalappabhāvanipphannena arahattamaggaññena sabbadhammesu savāsanassa sammohassa vihatattā **asacchikatam** nāma natthi. Asammohato sabbadhammānaṃ ñātattā **aññātam** nāma natthi. Tatheva ca sabbadhammānaṃ cakkhunā viya ñāṇacakkhunā diṭṭhattā **adiṭṭham** nāma natthi. Ñāṇena pana pattattā **aviditam** nāma natthi. Asammohasacchikiriyāya sacchikatattā **asacchikatam** nāma natthi. Asammohapaññāya phuṭṭhattā paññāya **aphassitam** nāma natthi. **Paccuppannanti** paccuppannaṃ kālaṃ vā dhammaṃ vā. **Upādāyāti** ādāya, antokatvāti attho. “Upādāyā”ti vacaneneva kālavinimuttaṃ nibbānampi gahitameva hoti. “Atītā”divacanāni ca “natthi”tiādivacaneneva ghaṭṭiyanti, “sabbe”tiādivacanena vā. **Sabbe dhammāti** sabbasaṅkhatāsaṅkhatadhammapariyādānaṃ. **Sabbākārenāti** sabbadhammesu ekekasseva dhammassa aniccākārādisabbākārapariyādānaṃ. **Ñāṇamukheti** ñāṇābhimukhe. **Āpātham āgacchantīti** osaraṇaṃ upenti. “Jānitabba”ntipadaṃ “neyya”ntipadassa atthavivarāṇatthaṃ vuttaṃ.

Attattho vātiādīsu vā-saddo samuccayattho. **Attatthoti** attano attho. **Paratthoti** paresaṃ tiṇṇaṃ lokānaṃ attho. **Ubhayatthoti** attano ca paresaṅcāti sakiṃyeva ubhinnaṃ attho. **Diṭṭhadhammikoti** diṭṭhadhamme niyutto, diṭṭhadhammapayojano vā attho. Samparāye niyutto, samparāyappayojano vā **samparāyiko**. **Uttānoti**ādīsu vohāravasena vattabbo sukhapatiṭṭhattā uttāno. Vohāraṃ atikkamitvā vattabbo suññatāpaṭisaṃyutto dukkhapatiṭṭhattā **gambhīro**. Lokuttaro accantatirokkhattā **gūlho**. Aniccatādiko ghanādīhi paṭicchannattā **paṭicchanno**. Appacuravohārena vattabbo yathārutam aggahetvā adhippāyassa netabbattā **neyyo**. Pacuravohārena vattabbo vacanamattena adhippāyassa nītattā **nīto**. Suparisuddhasīlasamādhivipassanatto tadaṅgavikkhambhanavasena vajjavirahitattā **anavajjo**. Kilesasamucchedanato ariyamaggattho **nikkilesa**. Kilesapaṭippassaddhattā ariyaphalatto **vodāno**. Saṅkhatāsaṅkhatesu aggadhammattā nibbānaṃ **paramattho**. **Parivattatīti** buddhaññassa visayabhāvato abahibhūtattā antobuddhaññe byāpitvā vā samantā vā ālingitvā vā visesena vā vattati.

Sabbaṃ kāyakammantiādīhi bhagavato ñāṇamayataṃ dasseti. **Ñāṇānuparivattatīti** ñāṇaṃ

anuparivattati, ñāṇavirahitaṃ na hotīti attho. **Appaṭihatanti** nirāvaraṇataṃ dasseti. Puna sabbaññutaṃ upamāya sādhetukāmo **yāvatakanti**ādīmāha. Tattha jānitabbanti **neyyaṃ**, neyyapariyanto neyyāvasānamassa atthīti **neyyapariyantikaṃ**. Asabbaññūnaṃ pana neyyāvasānameva natthi. **Ñāṇapariyantikepi** eseva nayo. Purimayamake vuttatthameva iminā yamakena visesetvā dasseti, tatiyayamakena paṭisedhavasena niyamitvā dasseti. Ettha ca neyyaṃ ñāṇassa pathattā **neyyapatho**. **Aññamaññapariyantaṭṭhāyino**ti neyyaṃca ñāṇaṃca khepetvā ṭhānato aññamaññassa pariyanṭe ṭhānasīlā. **Āvajjanappaṭibaddhā**ti manodvārāvajjanāyattā, āvajjitānantarameva jānātīti attho. **Ākañkhappaṭibaddhā**ti ruciāyattā, āvajjanānantaraṃ javanañāṇena jānātīti attho. Itarāni dve padāni imesaṃ dvinnāṃ padānaṃ yathākkamena atthappakāsanatthaṃ vuttāni. **Buddho āsayaṃ jānātīti**ādīni ñāṇakathāyaṃ vaṇṇitāni. Mahāniddese pana “bhagavā āsayaṃ jānātī”ti (mahāni. 69) āgataṃ. Tattha “buddhassa bhagavato”ti (mahāni. 69) āgataṭṭhāne ca idha katthaci “buddhassā”ti āgataṃ.

Antamasoti uparimantena. **Timitimiṅgalanti** ettha timi nāma ekā macchajāti, timiṃ gilituṃ samatthā tato mahantasarīrā timiṅgalā nāma ekā macchajāti, timiṅgalampi gilituṃ samatthā pañcayojanasatikasarīrā timitimiṅgalā nāma ekā macchajāti. Idha jātiggaṇaṇena ekavacanaṃ katanti veditabbaṃ. **Garuḷaṃ venateyyanti** ettha **garuḷoti** jātivaseṇa nāmaṃ, **venateyyoti** gottavasena. **Padese**ti ekadese. **Sāriputtasamā**ti sabbabuddhānaṃ dhammasenāpatitthere gaḥetvā vuttanti veditabbaṃ. Sesasāvakā hi paññāya dhammasenāpatittherena samā nāma natthi. Yathāha – “etadaggaṃ, bhikkhave, mama sāvakanāṃ bhikkhūnaṃ mahāpaññānaṃ yadidaṃ sāriputto”ti (a. ni. 1.188-189). Aṭṭhakathāyaṃca vuttaṃ

“Lokanāthaṃ ṭhapetvāna, ye caññe santi pāṇino;
Paññāya sāriputtassa, kamaṃ nāgghanti soḷasi”nti. (visuddhi. 1.171);

Pharivāti buddhañāṇaṃ sabbadevamanussānampi paññaṃ pāpuṇitvā ṭhānato tesāṃ paññaṃ pharivā byāpitvā tiṭṭhati. **Atighaṃsitvā**ti buddhañāṇaṃ sabbadevamanussānampi paññaṃ atikkamitvā tesāṃ avisayabhūtaṃ sabbāṃ neyyaṃ ghaṃsitvā bhañjitvā tiṭṭhati. Mahāniddese pana (mahāni. 69) “abhibhavitvā”ti pāṭho, madditvātipi attho. **Yepi teti**ādīhi evaṃ pharivā atighaṃsitvā ṭhānassa paccakkhakāraṇaṃ dasseti. Tattha **paṇḍitā**ti paṇḍiccena samannāgatā. **Nipuṇā**ti saṅhasukhumabuddhino sukume atthantare paṭivijjhanasamatthā. **Kataparappavādā**ti ñātaparappavādā ceva parehi saddhiṃ katavādaparicaya ca. **Vālavedhirūpā**ti vālavedhidhanuggahasadisā. **Vobhindantā maññe caranti paññāgatena diṭṭhigatā**ni vālavedhī viya vālaṃ sukhumānipi paresāṃ diṭṭhigamanāni attano paññāgamanena bhindantā viya carantīti attho. Atha vā “gūthagataṃ muttagata”ntiādīsu (a. ni. 9.11) viya paññā eva paññāgatāni, diṭṭhiyo eva diṭṭhigatāni.

Pañhaṃ abhisāṅkharivāti dvipadampi tipadampi catuppadampi pucchāṃ racayitvā. Tesāṃ pañhānaṃ atibahukattā sabbasaṅgahatthaṃ dvikkhattuṃ vuttaṃ. **Gūḷhāni ca paṭicchannāni** atthajātānīti pāṭhaseso. Tesāṃ tathā vinayaṃ disvā “attanā abhisāṅkhatapañhaṃ pucchātū”ti evaṃ bhagavatā adhippetattā pañhaṃ pucchanti. Aññesaṃ pana pucchāya okāsameva adatvā bhagavā upasaṅkamantānaṃ dhammaṃ deseti. Yathāha –

“Te pañhaṃ abhisāṅkharonti ‘imaṃ mayaṃ pañhaṃ samaṇaṃ gotamaṃ upasaṅkamitvā pucchissāma, sace no samaṇo gotamo evaṃ puṭṭho evaṃ byākarissati, evamassa mayaṃ vādaṃ āropessāma. Evaṃ cepi no puṭṭho evaṃ byākarissati, evampissa mayaṃ vādaṃ āropessāma”ti. Te yena samaṇo gotamo, tenupasaṅkamanti, te samaṇo gotamo dhammiyā kathāya sandasseti samādapeti samuttejeti sampahaṃseti. Te samaṇena gotamena dhammiyā kathāya sandassitā samādapitā samuttejitā sampahaṃsitā na ceva samaṇaṃ gotamaṃ pañhaṃ pucchanti, kutossa vādaṃ āropessanti? Aññadatthu samaṇasseva gotamassa sāvakā sampajjanti”ti (ma. ni. 1.289).

Kasmā pañhaṃ na pucchantīti ce? Bhagavā kira parisamajjhe dhammaṃ desento parisāya ajjhāsayaṃ oloketi. Tato passati “ime paṇḍitā gūḷhaṃ rahassaṃ pañhaṃ ovattikasāraṃ katvā āgatā”ti. So tehi apuṭṭhoyeva “pañhapucchāya ettakā dosā, vissajjane ettakā, atthe pade akkhare ettakāti ime pañhe

pucchanto evaṃ puccheyya, vissajjento evaṃ vissajjeyyā”ti iti ovaṭṭikasāraṃ katvā ānīte pañhe dhammakathāya antare pakkhipitvā vidamseti. Te paṇḍitā “seyyā vata no, ye mayaṃ ime pañhe na pucchimha. Sacepi mayaṃ puccheyyāma, appatitṭhite no katvā samaṇo gotamo khipeyyā”ti attamaṇā bhavanti. Apica buddhā nāma dhammaṃ desentā parisam metṭāya pharanti. Metṭāya ca pharaṇena dasabalesu mahājanassa cittaṃ pasīdati. Buddhā nāma rūpaggappattā honti dassanasampannā madhurasarā mudujivhā suphusitadantāvaraṇā amatena hadayaṃ siñcantā viya dhammaṃ kathenti. Tatra nesam metṭāpharaṇena pasannacittānaṃ evaṃ hoti – evarūpaṃ advejjhakathaṃ amoghakathaṃ niyyānikakathaṃ kathentena bhagavatā saddhiṃ na sakkhissāma paccanīkaggāhaṃ gaṇhitunti attano pasannabhāvene va pañhaṃ na pucchantīti.

Kathitā visajjitā cāti evaṃ tumhe pucchathāti pucchitapañhānaṃ uccāraṇena te pañhā bhagavatā kathitā eva honti. Yathā ca te visajjetabbā, tathā visajjitā eva honti. **Niddiṭṭhakāraṇāti** iminā kāraṇena iminā hetunā evaṃ hotīti evaṃ sahetukaṃ katvā visajjanena bhagavatā niddiṭṭhakāraṇā eva honti te pañhā. **Upakkhittakā ca te bhagavato sampajjantīti** te khattiyapaṇḍitādayo bhagavato pañhavisajjaneneva bhagavato samīpe khittakā pādakhittakā sampajjanti, sāvakā vā sampajjanti upāsakā vāti attho, sāvakasampattiṃ vā pāpuṇanti upāsakasampattiṃ vāti vuttaṃ hoti. **Athāti** anantarathe, tesam upakkhittakasampattisamanantamevāti attho. **Tatthāti** tasmim ṭhāne, tasmim adhikāre vā. **Atirocatīti** ativiya joteti pakāsati. **Yadidaṃ paññāyāti** yāyaṃ bhagavato paññā, tāya paññāya bhagavāva atirocatīti attho. **Itisaddo** kāraṇathe, iminā kāraṇena **aggo asāmantapaññoti** attho.

6. Rāgaṃ abhibhuyyati bhūripaññāti sā sā maggapaññā attanā vajjhaṃ rāgaṃ abhibhuyyati abhibhavati maddatīti bhūripaññā. **Bhūriti** hi phuṭaṭṭho visadattho. Yā ca phuṭā, sā paṭipakkhaṃ abhibhavati na aphuṭā, tasmā bhūripaññāya abhibhavanattho vutto. **Abhibhavitāti** sā sā phalapaññā taṃ taṃ rāgaṃ abhibhavitavatī madditavatīti bhūripaññā. Abhibhavatāti vā pāṭho. Sesesupi ese va nayo. Rāgādīsu pana rajjanalakkhaṇo **rāgo**. Dussanalakkhaṇo **doso**. Muyhanalakkhaṇo **moho**. Kujjhanalakkhaṇo **kodho**. Upanandhanalakkhaṇo **upanāho**. Pubbakālaṃ kodho, aparakālaṃ upanāho. Paragaṇamakkhanalakkhaṇo **makkho**. Yugaggāhalakkhaṇo **paḷāso**. Parasampattikhīyanalakkhaṇā **issā**. Attano sampattinigūhaṇalakkhaṇaṃ **macchariyaṃ**. Attanā katapāpapaṭicchādanalakkhaṇā **māyā**. Attano avijjamānagaṇappakāsanaṃ **sāṭheyyaṃ**. Cittassa uddhumātabhāvalakkhaṇo **thambho**. Karaṇuttariyalakkhaṇo **sārambho**. Unnatilakkhaṇo **māno**. Abbhunnatilakkhaṇo **atimāno**. Mattabhāvalakkhaṇo **mado**. Pañcasu kāmagaṇesu cittavosaggalakkhaṇo **pamādo**.

Rāgo ari, taṃ ariṃ maddanipaññātiādīhi kiṃ vuttaṃ hoti? Rāgādiko kilesa cittasantāne bhūto arīti bhū-ari, padasandhivasena a-kāra lopaṃ katvā bhūriti vutto. Tassa bhūriṣsa maddanī paññā bhūrimaddanipaññāti vattabbe maddani sadda lopaṃ katvā “bhūripaññā”ti vuttanti veditabbaṃ. **Taṃ ariṃ maddanīti** ca tesam arīnaṃ maddanīti padacchedo kātabbo. **Pathavīsamāyāti** vitthatavipulattṭheneva pathavīsamāya. **Vitthatāyāti** pajānitabbe visaye patthaṭṭāya, na ekadese vattamānāya. **Vipulāyāti** oḷārikabhūtāya. Mahānidese pana “vipulāya vitthatāyā”ti (mahāni. 27) āgataṃ. **Samannāgatoti** puggalo. **Itisaddo** kāraṇathe, iminā kāraṇena puggalassa bhūripaññāya samannāgatattā tassa paññā bhūripaññā nāmāti bhūte atthe ramatīti attho. Bhūripaññassa paññā bhūripaññapaññāti vattabbe ekassa paññāsaddassa lopaṃ katvā “bhūripaññā”ti vuttaṃ. Bhūrisamā paññāti vā bhūripaññā. **Apicāti** aññapariyāyadassanatthaṃ vuttaṃ. **Paññāyametanti** paññāya etaṃ. **Adhivacananti** adhikavacanaṃ. **Bhūriti** bhūte atthe ramatīti bhūri. **Medhāti** asani viya siluccaye kilese medhati himsātīti medhā, khippaṃ gahaṇadhāraṇaṭṭhena vā medhā. **Pariṇāyikāti** yassuppajjati, taṃ sattaṃ hitapaṭipattiyaṃ sampayuttadhamme ca yāthāvalakkhaṇapaṭivedhe ca parinetīti pariṇāyikā. Ime heva aññānīpi paññāpariyāyavacanāni vuttāni honti.

Paññābāhullanti paññā bahulā assāti paññābahulo, tassa bhāvo paññābāhullaṃ. Tañca bahulaṃ pavattamānā paññā eva. **Idhekaccoti**ādīsu puthujjanakalyāṇako vā ariyo vā. Paññā garukā assāti **paññāgaruko**. Paññā caritaṃ pavattaṃ assāti **paññācarito**. Paññā āsayo assāti **paññāsayo**. Paññāya adhimuttoti **paññādhimutto**. Paññā eva dhajabhūtā assāti **paññādhajo**. Paññā eva ketubhūtā assāti **paññāketu**. Paññā eva adhipati paññādhipati, paññādhipatito āgatattā **paññādhipateyyo**.

Dhammasabhāvavicinanam bahulamassāti **vicayabahulo**. Nānappakārena dhammasabhāvavicinanam bahulamassāti **pavicayabahulo**. Paññāya ogāhetvā tassa tassa dhammassa khāyanam pākaṭakaraṇam okkhāyanam, okkhāyanam bahulamassāti **okkhāyanabahulo**. Paññāya tassa tassa dhammassa sammā pekkhaṇā sampekkhā, sampekkhāya ayanam pavattanam sampekkhāyanam, sampekkhāyanam dhammo pakati assāti **sampekkhāyanadhammo**. Taṃ taṃ dhammaṃ vibhūtaṃ pākaṭaṃ katvā viharatīti **vibhūtavihārī**, vibhūto vihāro vā assa atthīti vibhūtavihārī. Sā paññā caritaṃ, garukā, bahulā assāti **taccarito taggaruko tabbahulo**. Tassaṃ paññāyaṃ ninno, poṇo, pabbhāro, adhimuttoti **tanninno tappono tappabbhāro tadadhimutto**. Sā paññā adhipati tadadhipati, tato āgato **tadadhipateyyo**. “Paññāgaruko”tiādīni “kāmaṃ sevantaṃyeva jānāti ayaṃ puggalo kāmagaruko”tiādīsu (paṭi. ma. 1.113) viya purimajātito pabhuti vuttāni. “Taccarito”tiādīni imissā jātiyā vuttāni.

Sīghapaññā ca lahupaññā ca hāsapaññā ca javanapaññā ca lokiyalokuttaramissakā. Khippaṭṭhena **sīghapaññā**. Lahukaṭṭhena **lahupaññā**. Hāsabahaḷaṭṭhena **hāsapaññā**. Vipassanūpagasaṅkhāresu ca visaṅkhāre ca javanaṭṭhena **javanapaññā**. **Sīghaṃ sīghanti** bahunnaṃ sīlādīnaṃ saṅghatthaṃ dvikkhattuṃ vuttaṃ. **Sīlānīti** cārittavārittavasena paññattāni pātimokkhasaṃvarasīlāni. **Indriyasamvaranti** cakkhādīnaṃ channaṃ indriyānaṃ rāgapaṭighappavesaṃ akatvā satikavātena vāraṇaṃ thakanam. **Bhojane mattaññutanti** paccavekkhitaparibhogavasena bhojane pamāṇaññubhāvaṃ. **Jāgariyānuyoganti** divasassa tīsu koṭṭhāsesu, rattiyā paṭhamapacchimakoṭṭhāsesu ca jāgarati na niddāyati, samaṇadhamameva ca karotīti jāgaro, jāgarassa bhāvo, kammaṃ vā jāgariyaṃ, jāgariyassa anuyogo jāgariyānuyogo. Taṃ jāgariyānuyogaṃ. **Sīlakkhandhanti** sekkhaṃ asekkhaṃ vā sīlakkhandhaṃ. Evamitarepi khandhā veditabbā. **Paññākkhandhanti** maggapaññaṅca sekkhāsekkhānaṃ lokiyapaññaṅca. **Vimuttikkhandhanti** phalavimuttiṃ. **Vimuttiñāṇadassanakkhandhanti** paccavekkhaṇaṅgaṃ.

Hāsabahuloti mūlapadaṃ. **Vedabahuloti** tassā eva pītiyā sampayuttasomanassavedanāvasena niddesapadaṃ. **Tuṭṭhibahuloti** nātibalavapītiyā tuṭṭhākāravasena. **Pāmojjabahuloti** balavapītiyā pamuditabhāvavasena.

7. **Yaṃ kiñci rūpantiādi** sammasanañāṇaniddese vuttatthaṃ. **Tulayitvāti** kalāpasammasanavasena tuletvā. **Tīrayitvāti** udayabbayānupassanāvasena tīrayitvā. **Vibhāvayitvāti** bhaṅgānupassanādivasena pākaṭaṃ katvā. **Vibhūtaṃ katvāti** saṅkhārupekkhānulomavasena phuṭaṃ katvā. Tikkhapaññā lokuttarā eva. **Uppannanti** samathavipassanāvasena vikkhambhanatadaṅgavasena pahīnampi ariyamaggena asamūhatattā uppattidhammataṃ anaṭṭatāya asamūhatuppananti vuccati, taṃ idha adhippetam. **Nādhivāsetīti** santānaṃ āropetvā na vāseti. **Pajahatīti** samucchadavasena pajahati. **Vinodetīti** khipati. **Byantikarotīti** viḡatantaṃ karoti. **Anabhāvaṃ gametīti** anu abhāvaṃ gameti, vipassanānukkamena ariyamaggaṃ patvā samucchadavaseneva abhāvaṃ gamayatīti attho. Ettha ca kāmapaṭisaṃyutto vitakko **kāmavitakko**. “Ime sattā marantū”ti paresaṃ maraṇapaṭisaṃyutto vitakko **byāpādavitakko**. “Ime sattā vihiṃsīyantū”ti paresaṃ vihiṃsāpaṭisaṃyutto vitakko **vihiṃsāvitakko**. **Pāpaketi** lāmake. **Akusale dhammeti** akosallasambhūte dhamme.

Nibbedhikapaññāti nibbidābahulassa puggalassa uppannamaggapaññā eva. **Ubbegabahuloti** ñāṇabhayavasena bhayabahulo. **Uttāsabahuloti** balavabhayabahulo. Idaṃ purimasseva atthavivaraṇaṃ. **Ukkaṇṭhanabahuloti** saṅkhārato uddhaṃ visaṅkhārābhimukhatāya ukkaṇṭhanabahulo. **Anabhiratibahuloti** ukkaṇṭhanavaseneva abhiratiabhāvaṃ dīpeti. Idānipi tamatthaṃ dvīhi vacanehi vivarati. Tattha **bahimukhoti** saṅkhārato bahibhūtanibbānābhimukho. **Na ramatīti** nābhiramati. **Anibbidhapubbanti** amatagge saṃsāre antaṃ pāpetvā anibbidhapubbaṃ. **Appadālitapubbanti** tasseva atthavacanaṃ, antakaraṇeneva apadālitapubbanti attho. **Lobhakkhandhanti** lobharāsiṃ, lobhakoṭṭhāsaṃ vā. **Imāhi soḷasahi paññāhi samannāgatoti** ukkaṭṭhaparicchena arahāyeva vutto. Upari “eko sekkhapaṭisaṃbhīdappatto”ti (paṭi. ma. 3.8) vuttattā sotāpannasakadāgāmināgāminopi labbhantiyeva.

2. Puggalavisesaniddesavaṇṇanā

8. Dve puggalātiādīhi paṭisambhidappattapuggalavisesapaṭiṭṭiṃ dasseti. Tattha **pubbayogoti** atītajātīsu paṭisambhidappattihetubhūto puññapayogo. **Tenāti** tena pubbayogakāraṇena. Evaṃ sesesupi. **Atireko hotīti** atiritto hoti, atirekayogato vā “atireko”ti vutto. **Adhiko hotīti** aggo hoti. **Viseso hotīti** visiṭṭho hoti, visesayogato vā viseso. **Ñāṇaṃ pabhijjātīti** paṭisambhidāñāṇappahedaṃ pāpuṇāti.

Bahussutoti buddhavacanavasena. **Desanābahuloti** dhammadesanāvasena. **Garūpanissitoti** paññāya adhikaṃ garuṃ upanissito. **Vihārabahuloti** vipassanāvihārabahulo, phalasaṃpattivihārabahulo vā. **Paccavekkhaṇābahuloti** vipassanāvihāre sati vipassanāpaccavekkhaṇābahulo, phalasaṃpattivihāre sati phalasaṃpattipaccavekkhaṇābahulo. **Sekhapaṭisambhidappattoti** sekho hutvā paṭisambhidappatto. Evaṃ **asekhapaṭisambhidappatto**. **Sāvakaṃpāramippattoti** ettha mahāpaññānaṃ aggaṃ mahāsāvakaṃ sattaṣaṭṭhiyā sāvakañāṇānaṃ pāragamaṇaṃ pāramī, sāvakaṃ pāramī sāvakaṃpāramī, taṃ sāvakaṃpāramiṃ pattoti sāvakaṃpāramippatto. Sāvakaṃpāramiṭṭappattoti vā pāṭho. Sattaṣaṭṭhiyā sāvakañāṇānaṃ pālako pūrako ca so mahāsāvako paramo, tassa paramassa ayaṃ sattaṣaṭṭhibhedā ñāṇakiriyaṃ paramassa bhāvo, kammaṃ vāti pāramī, tassa sāvakaṃ pāramī sāvakaṃpāramī, taṃ pattoti sāvakaṃpāramippatto. **Sāvakaṃpāramippattoti** mahāmogallānattherādiko yo koci sāvako. Sāvakaṃpāramippattasāvakato atirekassa aññassa sāvakaṃ abhāvā **eko paccekasambuddhoti** āha. Puna **paññāpabhedakusalotiādīhi** vuttatthameva nigametaṃ dassesīti. Ñāṇakathāya yebhuyyena anekāni ñāṇāni niddiṭṭhāni. Paññākathāya yebhuyyena ekāpi paññā nānākārasena nānākatvā vuttāti ayaṃ viseso.

Mahāpaññākathāvaṇṇanā niṭṭhitā.

2. Iddhikathā

Iddhikathāvaṇṇanā

9. Idāni paññākathāya anantaraṃ paññānubhāvaṃ dassentena kathitāya iddhikathāya apubbattānavaṇṇanā. Tattha pucchāsu tāva **kā iddhīti** sabhāvapucchā. **Kati iddhiyoti** pabhedapucchā. **Kati bhūmiyoti** sambhārapucchā. **Kati pādāti** patiṭṭhapucchā. **Kati padānīti** āsannaṃkāraṇapucchā. **Kati mūlānīti** ādikāraṇapucchā. Visajjanesu **ijjhanaṭṭhena iddhīti** nipphattiatthena paṭilābhaṭṭhena cāti attho. Yañhi nipphajjati paṭilābhati ca, taṃ ijjhantīti vuccati. Yathāha – “kāmaṃ kāmayamānassa, tassa cetam samijjhatī”ti (su. ni. 772). “Nekkhamaṃ ijjhantīti iddhi, paṭiharatīti pāṭihāriya”ntiādi (paṭi. ma. 3.32). Aparo nayo – ijjhanaṭṭhena iddhi, upāyasampadāyetaṃ adhivacanaṃ. Upāyasampadā hi ijjhanti adhippetaphalappasavanato. Yathāha – “ayaṃ kho, citto gahapati, sīlavā kalyāṇadhammo, sace paṇidahissati ‘anāgatamaddhānaṃ rājā assaṃ cakkavattī’ti. Ijjhissati hi sīlavato cetopaṇidhi visuddhattā”ti (sam. ni. 4.352). Aparo nayo – etāya sattā ijjhantīti iddhi. **Ijjhantīti** iddhā vuddhā ukkaṃsagatā hontīti vuttaṃ hoti.

10. Dasasu iddhīsu adhiṭṭhānavasena nipphannattā **adhiṭṭhānā iddhi**.

Pakativāṇṇavijjhanavikārasena pavattattā **vikubbanā iddhi**. Sarīrabbhantare aññassa manomayassa sarīrassa nipphattivasena pavattattā **manomayā iddhi**. Ñāṇappavattito pubbe vā pacchā vā taṃkhaṇe vā ñāṇānubhāvanibbatta viseso **ñāṇavipphārā iddhi**. Samādhito pubbe vā pacchā vā taṃkhaṇe vā samathānubhāvanibbatta viseso **samādhivipphārā iddhi**. Cetvasippattānaṃ ariyānaṃyeva sambhavato **ariyā iddhi**. Kammavipākavasena jāto viseso **kammavipākajā iddhi**. Pubbe katapuññassa jāto viseso **puññavato iddhi**. Vijjāya jāto viseso **vijjāmayā iddhi**. Tena tena sammāpayogena tassa tassa kammaṃ ijjhanaṃ **tattha tattha sammāpayogapaccayā ijjhanaṭṭhena iddhi**.

Iddhiyā catasso bhūmiyoti avisesetvā vuttepi yathālābhavasena adhiṭṭhānavikubbanamanomayiddhiyā eva bhūmiyo, na sesānaṃ. **Vivekajā bhūmīti** vivekato vā viveke vā jātā vivekajā bhūmi. **Pītisukhabhūmīti** pītisukhayuttā bhūmi. **Upekkhāsukhabhūmīti** tatramajjhātupekkhāya ca sukkena ca yuttā bhūmi. **Adukkhāmasukhabhūmīti** adukkhamasukhavedanāyuttā bhūmi. Tesu paṭhamadutiyaṇi jhānāni pītipharaṇatā, tīṇi jhānāni

sukhapharaṇatā, catutthajjhānaṃ cetopharaṇatā. Ettha ca purimāni tīṇi jhānāni yasmā pītipharaṇena ca sukhapharaṇena ca sukhasaññaṅca lahusaññaṅca okkamitvā lahumudukammaññakāyo hutvā iddhiṃ pāpuṇāti, tasmā iminā pariyaṇena iddhilābhāya saṃvattanato sambhārabhūmiyoti veditabbāni. Catutthajjhānaṃ pana iddhilābhāya pakatibhūmiyeva. **Iddhilābhāyāti** attano santāne pātubhāvavasena iddhīnaṃ lābhāya. **Iddhipaṭilābhāyāti** parihīnānaṃ vā iddhīnaṃ vīriyārambhavasena puna lābhāya, upasaggavasena vā padaṃ vaḍḍhitam. **Iddhivikubbanatāyāti** iddhiyā vividhakarāṇabhāvāya. **Iddhivisavitāyāti** vividham viśesaṃ savati janeti pavattetīti visavī, vividham savanaṃ vā assa atthīti visavī, tassa bhāvo visavitā. Tassā visavitāya, iddhiyā vividhavisapavattanabhāvāyāti attho. **Iddhivasībhāvāyāti** iddhiyā issarabhāvāya. **Iddhivesārajjayāti** iddhivisāradabhāvāya. **Iddhipadā** ñāṇakathāyaṃ vuttatthā.

Chandaṃ ce bhikkhu nissāyāti yadi bhikkhu chandaṃ nissāya chandaṃ adhipatiṃ karitvā. **Labhati samādhinti** samādhim paṭilabhati nibbatteti. Sesesupi eseva nayo. Tattha chandavīriyacittavīmaṃsā cattāri padāni, taṃsampayuttā cattāro samādhī cattāri padānīti evaṃ aṭṭha padāni. Yasmā pana iddhimuppādetukāmatāchando samādhinā ekato niyuttova iddhilābhāya saṃvattati, tathā vīriyādayo, tasmā imāni aṭṭha padāni vuttānīti veditabbāni.

Yaṃ taṃ bhagavatā abhiññā uppādetukāmassa yogino kattabbayogavidhiṃ dassentena “so evaṃ samāhite citte parisuddhe pariyoḍāte anaṅgaṇe vigatūpakkilese mudubhūte kammaniye ṭhite āneṅjappatte”ti (dī. ni. 1.238) cittassa āneṅjaṃ vuttaṃ, taṃ thero soḷasadhā dassento **soḷasamūlānīti**ādīmāha. Tattha **anonatanti** kosajjavasena anonataṃ, asallīnanti attho. **Anunnatanti** uddhaccavasena uddham na āruḷham, anuddhatanti attho. **Anabhinatanti** lobhavasena na abhinataṃ, anallīnanti attho. Abhikāmatāya nataṃ abhinatanti, idaṃ tādisaṃ na hotīti vuttaṃ hoti. **Rāgeti** saṅkhāravatthukena lobhena. **Anapanatanti** dosavasena na apanataṃ, na ghaṭṭananti attho. “Nataṃ natī”ti atthato ekaṃ. Apagatanatanti apanataṃ, idaṃ tādisaṃ na hotīti vuttaṃ hoti. **Anissitanti** anattato diṭṭhattā diṭṭhivasena “attā”ti vā “attaniya”nti vā kiñci na nissitaṃ. **Appaṭibaddhanti** paccupakārāsāvasena nappaṭibaddham. **Chandarāgeti** sattavatthukena lobhena. **Vippamuttanti** vikkhambhanavimuttivasena kāmarāgato vippamuttaṃ. Atha vā pañcavimuttivasena kāmarāgato vippamuttaṃ. Atha vā pañcavimuttivasena tato tato paṭipakkhato vippamuttaṃ. Idaṃ puthujjanasekhāsekhanampi abhiññāya uppādanato nirodhasamāpattiñāṇe “soḷasahi ñāṇacariyāhī”ti (paṭi. ma. 1.84) vuttanayena ukkaṭṭhaparicchedena vuttaṃ, yathālābhavasena pana gahetabbaṃ. **Kāmarāgeti** methunarāgena. **Visaṅṅuttanti** vikkhambhanato sesakilesehi viśaṃyuttaṃ, ukkaṭṭhanayena samucchedito vā vippayuttaṃ. **Kileseti** sesakilesena. **Vimariyādikatanti** vikkhambhitabbamariyādavasena vigatakilesamariyādaṃ kataṃ, tena tena maggena pahātabbamariyādavasena vā vigatakilesamariyādaṃ kataṃ. **Kilesamariyādeti** tena tena pahīnena kilesamariyādena. Liṅgavipallāso cettha daṭṭhabbo. **Ekattagatanti** ekārammaṇagataṃ. **Nānattakilesehīti** nānārammaṇe pavattamānehi kilesehi. Idaṃ ārammaṇamapekkhitvā vuttaṃ, “anonata”ntiādi pana kilese eva apekkhitvā. **Obhāsagatanti** paññāya visadappavattivasena paññobhāsaṃ gataṃ. **Avijjandhakāreti** balavaavijjāya. Catasso ca bhūmiyo soḷasa ca mūlāni iddhiyā pubbhāgavasena vuttāni, cattāro ca padā aṭṭha ca padāni pubbhāgavasena ca sampayogavasena ca vuttānīti.

10. Evaṃ iddhiyā bhūmipādapadamūlabhūte dhamme dassetvā idāni tā iddhiyo dassento **katamā adhiṭṭhānā iddhīti**ādīmāha. Tattha uddesapadānaṃ attho iddhividhaññānidese vuttoyeva. **Idha bhikkhūti** imasmiṃ sāsane bhikkhu. Tena sabbapakāravasena iddhividhakārakassa aññattha abhāvaṃ dīpeti. Imesaṃ dvinnaṃ padānaṃ niddeso heṭṭhā vuttattho. Teneva ca iddhiyā bhūmipādapadamūlabhūtehi dhammehi samannāgato visuddhimagge (visuddhi. 2.365-366) vuttehi cuddasahi pannarasahi vā ākārehi paridamitacittatā ca chandādiekekādhipatisamāpajjanavasena āvajjanādivasībhāvavasena ca mudukammaññakatacittatā ca vuttā hoti. Balavapubbayogasampanno pubbayogasampattiyā arahattapaṭilābheneva paṭiladdhābhīññādiguṇo bhikkhu bhūmiādīhi dhammehi samannāgato hotīti katvā sopi vuttova hoti.

Bahukaṃ āvajjatiti pathavīkasiṅārammaṇaṃ abhiññāpādakaṃ catutthajjhānaṃ samāpajjitvā

vuṭṭhāya sace satam icchati, “satam homi, satam homī”ti parikkammakaraṇavasena āvajjati. **Āvajjitvā nāṇena adhiṭṭhātī**ti evam parikkammaṃ katvā abhiññānāṇena adhiṭṭhātī. Ettha parikkammaṃ katvā puna pādakajjhānasamāpajjanam na vuttam. Kiñcāpi na vuttam, atha kho aṭṭhakathāyaṃ (visuddhi. 2.386) “**āvajjatī**ti parikkammavaseneva vuttam, **āvajjitvā nāṇena adhiṭṭhātī**ti abhiññānāṇavasena vuttam, tasmā bahukaṃ āvajjati, tato tesam parikkamacittānaṃ avasāne samāpajjati, samāpattito vuṭṭhahitvā puna ‘bahuko homī’ti āvajjitvā tato param pavattānaṃ tinnaṃ catunnaṃ vā pubbabhāgacittānaṃ anantarā uppannaena sannitṭhāpanavasena adhiṭṭhānanti laddhanāmena ekeneva abhiññānāṇena adhiṭṭhātīti evamettha attho daṭṭhabbo”ti vuttattā evameva daṭṭhabbam. Yathā “bhuñjitvā sayatī”ti vutte pānīyaṃ apivivā hatthadhovanādīni akatvā bhuttānantarameva sayatīti attho na hotīti antarā santesupi aññesu kicesu “bhutvā sayatī”ti vuccati, evamidhāpīti daṭṭhabbam. Paṭhamam pādakajjhānasamāpajjanampi hi pāliyaṃ avuttamevāti. Tena pana adhiṭṭhānāṇena saheva satam hoti. Sahassepi satahassepi eseva nayo. Sace evam na ijhati, puna parikkammaṃ katvā dutiyampi samāpajjitvā vuṭṭhāya adhiṭṭhātabbam. Saṃyuttaṭṭhakathāyañhi “ekavāram dvivāram samāpajjituṃ vaṭṭatī”ti vuttam. Tattha pādakajjhānacittam nimittārammaṇam, parikkamacittāni satārammaṇāni vā sahasārammaṇāni vā. Tāni ca kho vaṇṇavasena, na paṇṇattivāsena. Adhiṭṭhānacittampi tatheva satārammaṇam vā sahasārammaṇam vā. Tam pubbe vuttaappanācittamiva gotrabhuanantaraṃ ekameva uppajjati rūpāvacaracattutthajjhānikam.

Yathāyasmā cūḷapanthako ekopi hutvā bahudhā hotīti bahudhābhāvassa kāyasakkhidassanattam vuttam. Vattamānavacanaṃ panettha therassa tathākaraṇapakatikattā tassa dharamānakālattā ca katanti veditabbam. **Eko hotīti** vārepi eseva nayo.

Tatridam vatthu (visuddhi. 2.386) – te dve bhātaro kira therā panthe jātattā “panthakā”ti nāmaṃ labhiṃsu. Tesu jeṭṭho mahāpanthako pabbajitvā saha paṭisambhidāhi arahattam pāpuṇi. So arahā hutvā cūḷapanthakam pabbājetvā –

“Padumam yathā kokanadam sugandham, pāto siyā phullamavītagandham;
Aṅgīrasam passa virocamaṇam, tapantamādiccamivantalikkhe”ti. (a. ni. 5.195; sam. ni. 1.123) –

Imam gātham adāsi. So tam catūhi māsehi paguṇam kātuṃ nāsakkhi. Atha nam thero “abhabbo tvam imasmim sāsane, nikkhama ito”ti āha. Tasmīṇca kāle thero bhattuddesako hoti. Jīvako komārabhacco bahum mālāgandhavilepanam ādāya attano ambavanam gantvā satthāram pūjetvā dhammam sutvā dasabalam vanditvā theram upasaṅkamitvā “sve, bhante, buddhappamukhāni pañca bhikkhusatāni ādāya amhākam nivesane bhikkham gaṇhathā”ti āha. Theropi “ṭhapetvā cūḷapanthakam sesānam adhvāsemī”ti āha. Tam sutvā cūḷapanthako bhīyoso mattāya domanassappatto hutvā punadvāse pātova vihārā nikkhamitvā sāsane sāpekkhatāya vihāradvārakoṭṭhake rodamāno aṭṭhāsi.

Bhagavā tassa upanissayam disvā tam upasaṅkamitvā “kasmā rodasī”ti āha. So tam pavattim ācikkhi. Bhagavā “na sajjhāyam kātuṃ asakkonto mama sāsane abhabbo nāma hoti, mā soci, panthakā”ti cakkacittatalena pāṇinā tassa sīsam parāmasitvā tam bāhāyam gahetvā vihāram pavisitvā gandhakuṭipamukhe nisīdāpetvā iddhiyā abhisāṅkhatam parisuddham pilotikakhaṇḍam “imam pilotikam ‘rajoharaṇam rajoharaṇa’nti hatthena parimajjanto nisīda, panthakā”ti vatvā tassa pilotikakhaṇḍam datvā kāle ārocite bhikkhusaṅghaparivuto jīvakassa geham gantvā paññattāsane nisīdi. Tassa tam pilotikakhaṇḍam tathāparimajjantassa kiliṭṭham hutvā kamena kāḷavaṇṇam ahoṣi. So “idam parisuddham pilotikakhaṇḍam, natthettha doso, attabhāvam nissāya paṇāyam doso”ti saññam paṭilabhitvā pañcasu khandhesu nāṇam otāretvā vipassanam vaḍḍhesi. Athassa bhagavā obhāsam vissajjetvā purato nisinnō viya paññāyamānarūpo hutvā imā obhāsaḡāthā abhāsi –

“Rāgo rajo na ca pana reṇu vuccati, rāgassetam advhāvacanaṃ rajoti;
Etaṃ rajam vippajhitva bhikkhavo, viharanti te vigatarajassa sāsane.

“Doso...pe... sāsane.

“Moho rajo na ca pana reṇu vuccati, mohassetam adhivacanam rajoti;
Etam rajam vippajahitva bhikkhavo, viharanti te vigatarajassa sāsane. (mahāni. 209);

“Adhicesaso appamajjato, munino monapathesu sikkhato;
Sokā na bhavanti tādino, upasantassa sadā satīmato”ti. (udā. 37);

Gāthāpariyosāne thero saha paṭisambhidāhi arahattam pāpuṇi. So manomayajjhānalābhī hutvā eko hutvā bahudhā, bahudhā hutvā eko bhavitum samattho ahoṣi. Arahattamaggenevassa tīṇi piṭakāni cha ca abhiññā āgamimsu.

Jīvakopi kho dasabalassa dakkhiṇodakam upanāmesi. Sathā pattam hatthena pidahitvā “kim bhante”ti puṭṭho “vihāre eko bhikkhu atthi, jīvakā”ti āha. So purisam pesesi “gaccha ayyam gahetvā sīgham ehi”ti. Cūḷapanthakathero tassa purisassa pure āgamanāyeva bhātaram attano pattavisesam ṇāpetukāmo bhikkhusahassam nimminivā ekampi ekena asadisam, ekassāpi ca cīvaravicāraṇādisāmaṇakakammaṃ aññena asadisam akāsi. Puriso gantvā vihāre bahū bhikkhū disvā paccāgantvā “bahū, bhante, vihāre bhikkhū, pakkositabbam ayyam na passāmī”ti jīvakassa kathesi. Jīvako sathāram pucchitvā tassa nāmam vatvā puna tam pesesi. So gantvā “cūḷapanthako nāma kataro bhante”ti pucchi. “Aham cūḷapanthako, aham cūḷapanthako”ti sakimyeva mukhasahassam kathesi. So puna gantvā “sabbepi kira cūḷapanthakā, aham pakkositabbam na jānāmī”ti āha. Jīvako paṭividdhasaccatāya “iddhimā bhikkhū”ti nayato aññāsi. Bhagavā āha – “gaccha, yam paṭhamam passasi, tam cīvarakaṇṇe gahetvā sathā tam āmanteti vatvā ānehi”ti. So gantvā tathā akāsi. Tāvadeva sabbepi nimmitā antaradhāyimsu. Thero tam uyyojetvā mukhadhovanādisarīrakiccam niṭṭhapetvā paṭhamataram gantvā paññattāsane nisīdi. Tasmim khaṇe sathā dakkhiṇodakam gaṇhitvā bhattakiccam katvā cūḷapanthakathereneva bhattānumodanam dhammakatham kathāpesi. Thero dīghamajjhimagamappamāṇam dhammakatham kathesīti.

Aññe bhikkhū adhiṭṭhānena manomayam kāyam abhinimminivā tayo vā cattāro vā abhinimminanti, bahuke ekasādiseyeva ca katvā nimminanti ekavidhameva kammaṃ kurumāne. Cūḷapanthakathero pana ekāvajjaneneva bhikkhusahassam māpesi. Dvepi jane na ekasādisa akāsi, na ekavidham kammaṃ kurumāne. Tasmā manomayam kāyam abhinimminantānam aggo nāma jāto. Aññe pana bahū aniyamtvā nimmitā iddhimatā sadisāva honti. Thānanisajjādīsu ca bhāsitatunhībhāvādīsu ca yam yam iddhimā karoti, tam tadeva karonti. Sace pana nānāvāṇṇam kātukāmo hoti keci paṭhamavaye keci majjhimavaye keci pacchimavaye, tathā dīghakese upaḍḍhamuṇḍe muṇḍe missakakese upaḍḍharattacīvare paṇḍukacīvare padabhāṇadhammakathāsarabhaññapañhāpucchanañhāvisajjanarajanapacana cīvarasibbanadhovanādīni karonte aparepi vā nānappakārake kātukāmo hoti, tena pādakajjhānato vuṭṭhāya “ettakā bhikkhū paṭhamavayā hontū”tiādīnā nayena parikammaṃ katvā puna samāpajjitvā vuṭṭhāya adhiṭṭhātabbam, adhiṭṭhānacittena saddhim icchicchitappakārayeva hontīti. Eseva nayo **bahudhāpi hutvā eko hotīti**ādīsu.

Ayam pana viseso – **pakatīyā bahukoti** nimmitakālabhantare nimmitapakatīyā bahuko. Iminā ca bhikkhunā evam bahubhāvam nimminivā puna “ekova hutvā caṅkamissāmi, sajjhāyam karissāmi, pañham pucchissāmī”ti cintetvā vā, “ayam vihāro appabhikkhuko, sace keci āgamissanti ‘kuto ime ettakā ekasādisā bhikkhū, addhā therassa esa ānubhāvo’ti mam jānissantī”ti appicchatāya vā antarāva “eko homī”ti icchantena pādakajjhānam samāpajjitvā vuṭṭhāya “eko homī”ti parikammaṃ katvā puna samāpajjitvā vuṭṭhāya “eko homī”ti adhiṭṭhātabbam. Adhiṭṭhānacittena saddhimyeva eko hoti. Evam akaronto pana yathāparicchinna kālavasena sayameva eko hoti.

11. Āvibhāvanti padaṃ nikkhipitvā **kenaci anāvaṭam hotīti** vuttattā kenaci anāvaṭapadena āvibhāvapadassa pākaṭabhāvatto vutto. “Hotī”ti padena “karotī”ti pāṭhaseso vutto hoti. Pākaṭam hontañhi āvibhāve kate hoti. **Kenaci anāvaṭanti** kuṭṭādīnā yena kenaci anāvaṭam āvaraṇavirahitam. **Appaṭicchannanti** uparito acchādītam. Tadeva anāvaṭattā **vivaṭam**. Appaṭicchannattā **pākaṭam**. **Tirobhāvanti** antaritabhāvam karoti. Āvaṭamyeva tena āvaraṇena **pihitam**. Paṭicchannamyeva tena paṭicchādanena **paṭikujjitam**.

Ākāsakasiṇasamāpattiyāti paricchedākāsakasiṇe uppāditāya catutthajjhānasamāpattiyā. **Lābhīti** lābho assa atthīti lābhī. **Aparikkhitteti** kenaci samantato aparikkhite padese. Idha ākāsakasiṇasseva vuttattā tattha bhāvitameva jhānaṃ ākāsakaraṇassa paccayo hoti, na aññanti daṭṭhabbaṃ. Upariāpokasiṇādīsupi tadārammaṇameva jhānaṃ daṭṭhabbaṃ, na aññaṃ. **Pathaviṃ āvajjati, udakaṃ āvajjati, ākāsaṃ āvajjatīti** pakatipathavīudakaākāse āvajjati. **Antalikkheti** tassa ākāsassa pathavito dūrākāsabhāvaṃ dīpeti.

12. Candimasūriyaparimajjane kasiṇaniyamaṃ akatvā “iddhimā cetovasippatto”ti avisesena vuttattā natthettha kasiṇasamāpattiniyamoti veditabbaṃ. **Nisinnako vā nipannako vāti** nisinna vā nipanna vā. Imeheva itarairiyāpathadvayampi vuttameva hoti. **Hatthapāse hotūti** hatthasamīpe hotu. Hatthapasse hotūtipi pāṭho. Idam tathā kātukāmassa vasena vuttaṃ. Ayaṃ pana tattha gantvāpi hatthaṃ vaḍḍhetvāpi āmasati. **Āmasatīti** īsakaṃ phusati. **Parāmasatīti** bālhaṃ phusati. **Parimajjatīti** samantato phusati. **Rūpagatanti** hatthapāse ṭhitarūpameva.

Dūrepi santike adhiṭṭhātīti pādakajjhānato vuṭṭhāya dūre devalokaṃ vā brahmalokaṃ vā āvajjati “santike hotū”ti. Āvajjītvā parikammaṃ katvā puna samāpajjītvā vuṭṭhāya nāṇena adhiṭṭhātīti “santike hotū”ti. Santike hoti. Esa nayo sesapadesupi. Brahmalokaṃ pana gantukāmassa dūrassa santikakaraṇaṃ vatvā brahmalokagamanassa anupakāraṃpi imāya iddhiyā ijhamānavisesaṃ dassento **santikepīti**ādīmāha. Tattha na kevalaṃ thokakaraṇabahukaraṇameva, “amadhuraṃ madhura”ntiādīsupi yaṃ yaṃ icchati, taṃ sabbaṃ iddhimato ijjhati. Aparo nayo – **dūrepi santike adhiṭṭhātīti** dūre brahmalokaṃ vā manussalokassa santike adhiṭṭhātīti. **Santikepi dūre adhiṭṭhātīti** santike manussalokaṃ vā dūre brahmaloke adhiṭṭhātīti. **Bahukampi thokaṃ adhiṭṭhātīti** sace brahmāno bahū sannipatitā hontī, mahāattabhāvattā dassanūpacāraṃ savanūpacāraṃ pajahanti, dassanūpacāre ca savanūpacāre ca ekajjhaṃ saṅkhipitvā bahukampi thokanti adhiṭṭhātīti. **Thokampi bahukaṃ adhiṭṭhātīti** sace mahāparivārena gantukāmo hoti, ekakattā thokaṃ attānaṃ bahukaṃ adhiṭṭhahitvā mahāparivāro gacchatīti evamettha attho daṭṭhabbo. Evaṃ sati catubbidhampi taṃ brahmalokagamane upakāro hoti.

Dibbena cakkhunā tassa brahmuno rūpaṃ passatīti idha ṭhito ālokaṃ vaḍḍhetvā yassa brahmuno rūpaṃ daṭṭhukāmo, dibbena cakkhunā tassa brahmuno rūpaṃ passati. Idheva ṭhito dibbāya sotadhātuyā tassa brahmuno bhāsamānassa saddaṃ suṇāti. Cetopariyaññena tassa brahmuno cittaṃ pajānāti. **Dissamānenāti** cakkhunā pekkhiyamānena. **Kāyavasena cittaṃ pariṇāmetīti** rūpakāyassa vasena cittaṃ pariṇāmeti. Pādakajjhānacittaṃ gahetvā kāye āropeti, kāyānugatikaṃ karoti dandhagamaṇaṃ. Kāyagamanañhi dandhaṃ hoti. **Adhiṭṭhātīti** tasseva vevacanaṃ, sannīṭṭhāpetīti attho. **Sukhasaññaṇca lahusaññaṇca okkamitvāti** pādakajjhānārammaṇena iddhicittena sahaḷātaṃ sukhasaññaṇca lahusaññaṇca okkamitvā pavisitvā phusitvā pāpuṇitvā. Sukhasaññaṇca ca nāma upekkhāsampayuttasaññaṇca. Upekkhā hi santaṃ sukhaṃ vuttā, sāyeva saññaṇca nīvaraṇehi ceva vitakkādīpaccaṇīkehi ca vimuttattā lahusaññaṇcīti veditabbā. Taṃ okkantassa panassa karajakāyopi tūlapicu viya sallahuko hoti. So evaṃ vātakkhittatūlapicunā viya sallahukena dissamānena kāyena brahmalokaṃ gacchati. Evaṃ gacchanta ca sace icchati, pathavīkasiṇavasena ākāse maggaṃ nimminītvā padasā gacchati. Sace icchati, ākāse pathavīkasiṇavaseneva pade pade padumaṃ nimminītvā padume padume padaṃ nikkhipanto padasā gacchati. Sace icchati, vāyokasiṇavasena vātaṃ adhiṭṭhahitvā tūlapicu viya vāyunā gacchati. Apica gantukāmatāya ettha pamāṇaṃ. Sati hi gantukāmatāya evaṃkātacittādhiṭṭhāno adhiṭṭhānavegakkhittova so jiyāvegakkhitto saro viya dissamāno gacchati.

Cittavasena kāyaṃ pariṇāmetīti karajakāyaṃ gahetvā pādakajjhānacitte āropeti, cittānugatikaṃ karoti sīghagamaṇaṃ. Cittaḷāmanañhi sīghaṃ hoti. **Sukhasaññaṇca lahusaññaṇca okkamitvāti** rūpakāyārammaṇena iddhicittena sahaḷātaṃ sukhasaññaṇca lahusaññaṇca. Sesam vuttanayeneva veditabbaṃ. Idam pana cittaḷāmanaṃmeva hoti. Evaṃ adissamānena kāyena gacchanta paṇāyaṃ kiṃ tassādhiṭṭhānacittassa uppādakkhaṇe gacchati? Udāhu ṭhittikkhaṇe bhaṅgakkhaṇe vāti vutte “tīsipi khaṇesu gacchati”ti therō āha. Kiṃ pana so sayam gacchati, nimmitam pesetīti? Yathārucci karotī. Idha panassa sayam gamanaṃmeva āgataṃ.

Manomayanti adhiṭṭhānāmanena nimmitattā manomayaṃ. **Sabbaṅgapaccaṅgati** sabbaṅgapaccaṅgavantaṃ. **Ahīndriyanti** idaṃ cakkhusotādīnaṃ saṅghānavasena vuttaṃ, nimmitarūpe pana pasādo nāma natthi. **Sace so iddhiṃ caṅkamati, nimmitopi tattha caṅkamati**tiādi sabbaṃ sāvakanimmitaṃ sandhāya vuttaṃ. Buddhanimmitā pana yaṃ yaṃ bhagavā karoti, taṃ tampi karonti, bhagavato cittavasena aññampi karontīti. **Dhūmayati pajjalatīti** tejokasiṅgasena. **Dhammaṃ bhāsati**tiādiṇi tīṇi aniyametvā vuttāni. **Santiṭṭhatīti** saṅgama tiṭṭhati. **Sallapatīti** saṅgama lapati. **Sākacchaṃ samāpajjati**ti aññamaññassa uttarapaccuttaradānavasena saṃkathaṃ karoti. Ettha ca yaṃ so iddhiṃ idheva ṭhito dibbena cakkhunā rūpaṃ passati, dibbāya sotadhātuyā saddaṃ suṇāti, cetopariyañāṇena cittaṃ pajānāti, yampi so idheva ṭhito tena brahmunā saddhiṃ santiṭṭhati, sallapati, sākacchaṃ samāpajjati, yampissa “dūrepi santike adhiṭṭhātī”tiādiṇaṃ adhiṭṭhānaṃ, yampi so dissamānena vā adissamānena vā kāyena brahmalokaṃ gacchati, ettāvataṃ na kāyena vasaṃ vatteti. Yañca kho “so tassa brahmuno purato rūpiṃ abhinimmināti”tiādiṇā nayena vuttavidhānaṃ āpajjati, ettāvataṃ kāyena vasaṃ vatteti nāma. Sesam pana kāyena vasavattānāya pubbhāgadassanattaṃ vuttanti. Ayaṃ tāva adhiṭṭhānā iddhi.

13. Vikubbaniddhiniddese sikhissa bhagavato sāvakanidassanaṃ vikubbaniddhiyā kāyasakkhipuggaladassanattaṃ vuttaṃ. Tampi dassento paṭhamaṃ tāva **brahmaloke ṭhito saḥsilokadhātuṃ sarena viññāpesīti** ativiya acchariyaabbhutaḥhūtaṃ saḥsilokadhātuyā saddasavanaṃ adhiṭṭhānidhiṃ dassesi. Idāni tassa vatthussa paridīpanatthamidaṃ vuccati – imasmā hi kappā ekatiṃse kappe sikhī bhagavā anantarajātiyā tusitapurato cavitvā aruṇavatīnagare aruṇavato rañña pabhāvatiyā nāma mahesiyā kucchimiṃ nibbattitvā paripakkañño mahābhikkhamaṇaṃ nikkhamitvā bodhimaṇḍe sabbaññutaññānaṃ paṭivijjhivā pavattavaradhammacakko aruṇavatiṃ nissāya viharanto ekadivasaṃ pātova sarīrapaṭijagganaṃ katvā mahābhikkhusaṅghaparivāro “aruṇavatiṃ piṇḍāya pavisissāmī”ti nikkhamitvā viharadvāroṭṭhakasamīpe ṭhito abhibhuṃ nāma aggasāvakaṃ āmantesi – “atippago kho, bhikkhu, aruṇavatiṃ piṇḍāya pavisituṃ. Yena aññataro brahmaloko tenupasaṅkamissāmā”ti. Yathāha –

“Atha kho, bhikkhave, sikhī bhagavā arahaṃ sammāsambuddho abhibhuṃ bhikkhuṃ āmantesi – ‘āyāma, brāhmaṇa, yena aññataro brahmaloko, tenupasaṅkamissāma yāva bhattassa kālo bhavissati’ti. ‘Evaṃ bhante’ti kho, bhikkhave, abhibhū bhikkhu sikhissa bhagavato arahato sammāsambuddhassa paccassosi. Atha kho, bhikkhave, sikhī ca bhagavā abhibhū ca bhikkhu yena aññataro brahmaloko, tenupasaṅkamissū”ti (saṃ. ni. 1.185).

Tattha mahābrahmā sammāsambuddhaṃ disvā attamano paccuggamaṇaṃ katvā brahmāsaṇaṃ paññāpetvā adāsī. Therassāpi anucchavikaṃ āsanaṃ paññāpayiṃsu. Nisīdi bhagavā paññatte āsane, theropi attano pattāsane nisīdi. Mahābrahmāpi dasabalaṃ vanditvā ekamantaṃ nisīdi. Tenāha – atha kho, bhikkhave, sikhī bhagavā arahaṃ sammāsambuddho abhibhuṃ bhikkhuṃ āmantesi – “paṭibhātu, brāhmaṇa, taṃ brahmuno ca brahmaparisāya ca brahmapārisajjānañca dhammī kathā”ti. “Evaṃ, bhante”ti kho, bhikkhave, abhibhū bhikkhu sikhissa bhagavato arahato sammāsambuddhassa paṭissuṇitvā brahmuno ca brahmaparisāya ca brahmapārisajjānañca dhammakathaṃ kathesi. There dhammakathaṃ kathente brahmāno ujjhāyiṃsu “cirassañca mayaṃ satthu brahmalokāgamaṇaṃ labhimhā, ayañca bhikkhu ṭhapetvā satthāraṃ sayam dhammakathaṃ ārabhī”ti. Satthā tesam anattamanabhāvaṃ ñatvā abhibhuṃ bhikkhuṃ etadavoca – “ujjhāyanti kho te, brāhmaṇa, brahmā ca brahmaparisā ca brahmapārisajjā ca. Tena hi, tvam brāhmaṇa, bhiiyoso mattāya saṃvejhī”ti. Thero satthu vacanaṃ sampaṭicchitvā anekavihiṭaṃ iddhivikubbanam katvā saḥsilokadhātuṃ sarena viññāpento –

“Ārambhatha nikkamatha, yuñjatha buddhasāsane;
Dhunātha maccuno senaṃ, naḷāgāraṃva kuñjaro.

“Yo imasmiṃ dhammavinaye, appamatto vihassati;
Pahāya jātisaṃsāraṃ, dukkhassantaṃ karissati”ti. (a. ni. 1.185) –

Imaṃ gāthādvayaṃ abhāsi.

Kiṃ pana katvā thero sahasilokadhātum sarena viññāpesīti? Nīlakasiṇaṃ tāva samāpajjitvā vuṭṭhāya abhiññāṇaṇa cakkavālasahasasabbattha andhakāraṃ phari. Tato “kimidaṃ andhakāra”nti sattānaṃ ābhoge uppane ālokakasiṇaṃ samāpajjitvā vuṭṭhāya ālokaṃ dassesi. “Kiṃ āloko aya”nti vicināntānaṃ attānaṃ dassesi. Cakkavālasahasas ca devamanussā añjaliṃ paggaṇhitvā therameva namassamānā aṭṭhaṃsu. Thero “mahājano mayhaṃ dhammaṃ desentassa saddaṃ suṇātū”ti imā gāthā abhāsi. Sabbe oṣāṭṭāya parisāya majjhe nisīditvā dhammaṃ desentassa viya saddaṃ assosum. Athhopi tesam pākaṭo ahoṣi. Taṃ viññāpanaṃ sandhāya “sarena viññāpesī”ti vuttaṃ. Tena kataṃ anekavihiṭaṃ iddhivikubbanāṃ sandhāya puna **so dissamānenapīti**ādi vuttaṃ. Tattha **dhammaṃ desesīti** paṭhamaṃ vuttappakāraṃ iddhivikubbanāṃ dassento dhammaṃ desesi, tato yathāvuttakkamena dve gāthā bhāsanto sarena viññāpesīti veditabbaṃ. **Dissamānenapi kāyenāti**ādīsu ca itthaṃbhūtalakkhaṇe karaṇavacanaṃ, evaṃbhūtakāyo hutvāti attho.

Idāni taṃ vatthum dassetvā aññassāpi iddhimato vikubbaniddhikaraṇavidhānaṃ dassento **so pakativannaṃ vijahitvā**tiādīmāha. Tattha **soti** heṭṭhā vuttavidhānena mudukammaññakatacitto so iddhimā bhikkhu. Sace vikubbaniddhiṃ kātukāmo hoti, attano **pakativannaṃ** pakatisaṅghānaṃ **vijahitvā kumārakavannaṃ vā** dasseti. Kathaṃ? Pathavīkasiṇārammaṇābhiññāpādakacatutthajjhānato vuṭṭhāya “evarūpo kumārako homī”ti nimminitabbaṃ kumārakavannaṃ āvajjitvā kataparikkammavasāne puna samāpajjitvā vuṭṭhāya “evarūpo nāma kumārako homī”ti abhiññāṇaṇa adhiṭṭhāti, saha adhiṭṭhānena kumārako hotīti. Visuddhimagge (visuddhi. 1.100) kasiṇaniddese “pathavīkasiṇavasena ekopi hutvā bahudhā hotītiādibhāvo...pe... evamādīni ijjhantī”ti vacanena idha pathavīkasiṇārammaṇaṃ pādakajjhānaṃ yujjati. Tattheva pana abhiññāniddese vikubbaniddhiyā “pathavīkasiṇādīsu aññatarārammaṇato abhiññāpādakajjhānato vuṭṭhāyā”ti vuttaṃ, tattheva (visuddhi. 2.398) ca “attano kumārakavannaṃ āvajjitabbo”ti vuttaṃ, taṃ nāgādinimmāne na yujjati viya. Nāgavannaṃdinimmānepi eseva nayo.

Tattha **nāgavannaṃ**ti sappasaṅghānaṃ. **Supannaṃ**avannaṃti garuḷasaṅghānaṃ. **Indavannaṃ**ti sakkasaṅghānaṃ. **Devavannaṃ**ti sesadevasaṅghānaṃ. **Samuddavannaṃ** pana āpokasiṇavasena ijjhati. **Pattinti** padātiṃ. **Vividhampi senābyūhanti** hatthiādīnaṃ vasena anekavihiṭaṃ senāsamūhaṃ. Visuddhimagge pana “hatthimpi dassetītiādi panettha bahiddhāpi hatthiādīdassanavasena vuttaṃ. Tattha ‘hatthī homī’ti anadhiṭṭhahitvā ‘hatthī hotū’ti adhiṭṭhātabbaṃ. Assādīsupi eseva nayo”ti vuttaṃ, taṃ “pakativannaṃ vijahitvā”ti vuttamūlapadena ca vikubbaniddhibhāvena ca virujjhati. Pāḷiyaṃ vuttakkamena hi pakativannaṃ avijahitvā adhiṭṭhānavasena aññassa dassanaṃ adhiṭṭhāniddhi nāma, pakativannaṃ vijahitvā adhiṭṭhānavasena attano aññathādassanaṃ vikubbaniddhi nāma.

14. Manomayiddhiñānaṇaniddese **imamhā kāyā aññaṃ kāyaṃ abhinimmināti**tiādīsu iddhimā bhikkhu manomayiddhiṃ kātukāmo ākāsakasiṇārammaṇapādakajjhānato vuṭṭhāya attano rūpakāyaṃ tāva āvajjitvā vuttanayeneva “susiro hotū”ti adhiṭṭhāti, susiro hoti. Atha tassa abbhantare pathavīkasiṇavasena aññaṃ kāyaṃ āvajjitvā parikkammaṃ katvā vuttanayeneva adhiṭṭhāti, tassa abbhantare aññaṃ kāyo hoti. So taṃ mukhato abbūhitvā bahi ṭhapeti. Idāni tamatthaṃ upamāhi pakāsento **seyyathāpīti**ādīmāha. Tattha **muñjambhāti** muñjatiṇamhā. **Īsikaṃ pavāheyyāti** kaḷīraṃ luñceyya. **Kosiyāti** kosakato. **Karaṇḍāti** karaṇḍāya, purāṇatacakañcukatoti attho. Tattha ca **uddhareyyāti** cittenevassa uddharaṇaṃ veditabbaṃ. Ayañhi ahi nāma sajjātiyaṃ ṭhito, kaṭṭhantaraṃ vā rukkhantaraṃ vā nissāya, tacato sarīraṃ nikkadḍhanapayogasañkhātena thāmena, sarīraṃ khādayamānaṃ viya purāṇatacaṃ jigucchanto imehi catūhi kārāṇehi sayameva kañcukaṃ pajahāti.

Ettha ca yathā īsikādayo muñjādīhi sadisā honti, evamidaṃ manomayaṃ rūpaṃ iddhimatā sabbākārehi sadisameva hotīti dassanattaṃ imā upamā vuttāti. “Manomayena kāyena, iddhiyā upasaṅkamī”ti (theragā. 901) ettha abhiññāmanena katakāyo manomayakāyo nāma. “Aññatarāṃ manomayaṃ kāyaṃ upapajjati”ti (cūḷava. 333) ettha jhānaṃ manena nibbittitakāyo tena manena katattā manomayakāyo nāma. Idha pana abhiññāmanena uppāditakāyo tena manena katattā manomayakāyo nāma.

Evam sati adhiṭṭhānidhiyā vikubbaniddhiyā ca kato manomayakāyo nāma hotīti ce? Hotiyeva. Idha pana tāsam visum visum visesena visesetvā adhiṭṭhānidhi vikubbaniddhīti ca vuttatā abhantarato nimmānameva manomayiddhi nāma.

15. Nāṇavipphāriddhiniddese nāṇassa vipphāro vego assā atthīti **nāṇavipphārā**. Ettha ca sattaanupassanāvaseneva iddhiṃ dassetvā sesā yāva arahattamaggā saṅkhittāti veditabbā.

Āyasmato bākulassa nāṇavipphārā iddhitiādīsu bākulatthero tāva dvīsu kulesu vaḍḍhitatā evaṃladdhanāmo pubbabuddhesu katādhikāro puññasampadāya sampanno thero. So hi mahāsampattiṃ anubhavamāno devamanussesu saṃsaranto amhākaṃ dasabalassa nibbattito puretameva kosambiyaṃ seṭṭhikule nibbatti. Taṃ jātakāle maṅgalatthāya mahāparivārena yamaṇaṃ netvā saparivārā dhātī nimujjanummujjanavasena kīḷāpentī nhāpeti. Eko mahāmaccho “bhakkho me aya”nti maññamāno mukhaṃ vivarivā upagato. Dhātī dāraṃ chaḍḍetvā palātā. Mahāmaccho taṃ gili. Puññavā satto sayanagabbhaṃ pavisitvā nipanno viya na kiñci dukkhaṃ pāpuṇi. Maccho dārakassa tejena tattakaṃ phālaṃ gilitvā viya dayhamāno vegena tiṃsayojanaṃ gantvā bārāṇasivāsino macchabandhassa jālaṃ pāvīsi. So dārakassa tejena jālato nīhaṃamattova mato. Macchabandhā taṃ sakalameva antarakājena ādāya “sahassena demā”ti nagare carantā asīti koṭṭidhanassa aputtakassa seṭṭhissa gharadvāraṃ gantvā seṭṭhibhāriyāya ekena kahāpaṇena adamsu. Sā taṃ sayameva phalake ṭhapetvā piṭṭhito phālentī macchakucchiyaṃ suvaṇṇavaṇṇaṃ dāraṃ disvā “macchakucchiyaṃ me putto laddho”ti nādaṃ naditvā dāraṃ ādāya sāmikaṃ upagacchi. Seṭṭhi tāvadeva bheriṃ carāpetvā dāraṃ ādāya rañño santikaṃ ānetvā tamatthaṃ ārocesi. Rājā “puññavā dāraṃ, posehi na”nti āha. Itarampi seṭṭhikulaṃ taṃ pavattim sutvā tattha gantvā “amhākaṃ putto”ti taṃ dāraṃ gaṇhituṃ vivadi. Ubhopi rājakulaṃ agamaṃsu. Rājā “dvinnampi aputtakaṃ kātuṃ na sakkā, dvinnampi dāyādo hotū”ti āha. Tato paṭṭhāya dvepi kulāni lābhagayāsaggappattāni ahesuṃ. Tassa dvīhi kulehi vaḍḍhitatā “bākulakumāro”ti nāmaṃ akamsu. Tassa viññutaṃ pattassa dvīsupi nagaresu tayo tayo pāsāde kāretvā nātakāni paccupaṭṭhapesuṃ. Ekekaṃsiṃ nagare cattāro cattāro māse vasi. Tahim ekasmiṃ nagare cattāro māse vuṭṭhassa saṅghāṇānāvāsu maṇḍapaṃ kāretvā tattha naṃ nātakehi saddhiṃ āropetvā mahāsampattiṃ anubhavamānaṃ dvīhi māsehi itaraṃ nagaraṃ upaḍḍhapathaṃ nenti. Itaranagaravāsino nātakāpi “dvīhi māsehi upaḍḍhapathaṃ āgato bhavissati”ti tatheva paccuggantvā dvīhi māsehi attano nagaraṃ ānenti. Itaranātakā majjhe nivattitvā attano nagaraṃ eva gacchanti. Tattha cattāro māse vasitvā teneva niyāmena puna itaranagaraṃ gacchati. Evamassa sampattiṃ anubhavantassa asīti vassāni pariḷaṇṇāni.

Tasmiṃ samaye amhākaṃ bodhisatto sabbaññutaṃ pāpuṇitvā pavattavaradhammacakko anukkamena cārikaṃ caranto kosambiṃ pāpuṇi. “Bārāṇasi”nti majjhimabhāṇakā. Bākulaseṭṭhipi kho “dasabalo āgato”ti sutvā bahuṃ gandhamālaṃ ādāya satthu santikaṃ gantvā dhammakathaṃ sutvā paṭiladdhasaddho pabbaji. So sattāhameva puthujjano hutvā aṭṭhame aruṇe saha paṭisambhidāhi arahattaṃ pāpuṇi. Athassa dvīsu nagaresu paricītamātugāmā attano kulagharāni āgantvā tattheva vasamānā cīvarāni karitvā pahīṇiṃsu. Thero ekaṃ aḍḍhamāsaṃ kosambivāsīhi pahitaṃ cīvaraṃ paribhuñjati, ekaṃ aḍḍhamāsaṃ bārāṇasivāsīhīti eteneva niyāmena dvīsu nagaresu yaṃ yaṃ uttamaṃ, taṃ taṃ therasseva āharīyati. Pabbajitassāpissa sukheneva asīti vassāni agamaṃsu. Ubhayatthāpissa muhuttamattampi appamattakopi ābādho na uppannapubbo. So pacchime kāle bākulasuttaṃ (ma. ni. 3.209 ādayo) kathetvā parinibbāyīti. Evam macchakucchiyaṃ arogabhāvo āyasmato bākulassa pacchimabhavikassa tena atabhāvena paṭilabhitabbaarahattañāṇanubhāvena nibbattatā nāṇavipphārā iddhi nāma. Sucaritakammaphalappattassa paṭisambhidāñāṇassa ānubhāvenātipi vadanti.

Samkiccatheropi (visuddhi. 2.373) pubbe katapuñño dhammasenāpatittherassa upaṭṭhākassa sāvattiyaṃ aḍḍhakulassa dhītu kucchismiṃ nibbatti. Sā tasmiṃ kucchigate ekena byādhinā taṃ khaṇaṃyeva kālamakāsi, tassā sarīre jhāpiyamāne ṭhapetvā gabbhamaṃsaṃ sesamaṃsaṃ jhāpayi. Athassa gabbhamaṃsaṃ citakato otāretvā dvīsu tīsu ṭhānesu sūlehi vijjhiṃsu. Sūlakoṭi dārakassa akkhikoṭiṃ phusi. Evam gabbhamaṃsaṃ vijjhivā āngārāsīmhi pakkhipitvā āngāreheva paṭicchādetvā pakkamiṃsu. Gabbhamaṃsaṃ jhāyi, āngāramatthake pana suvaṇṇabimbasadiso dāraṃ padumagabbhe nipanno viya ahoṣi. Pacchimabhavikasattassa hi sinerunā otthariyamānassāpi arahattaṃ appatvā jīvitakkhāyo nāma

natthi. Punadivase “citakaṃ nibbāpessāmā”ti āgatā tathā nipannaṃ dāraṃ disvā acchariyabbhutatittajātā dāraṃ ādāya nagaraṃ gantvā nemittake pucchimsu. Nemittakā “sace ayaṃ dāraṃ agāraṃ ajjhāvasissati, yāva sattamā kulaparivaṭṭā nītakā duggatā bhavissanti. Sace pabbajjissati, pañcahi samaṇasatehi parivuto carissatī”ti āhaṃsu. Ayyakā taṃ dāraṃ vaḍḍhesi. Nītakāpi vaḍḍhitakāle “amhākaṃ ayyassa santike pabbājessāmā”ti posayimsu. So sattavassikakāle “tava kucchiyā vasanakāle mātā te kalamakāsi, tassā sarīre jhāpiyamānepi tvam na jhāyī”ti kumārakānaṃ kathaṃ sutvā “ahaṃ kira evarūpā bhayā mutto, kiṃ me gharāvāsena pabbajjissāmī”ti nītakānaṃ ārocesi. Te “sādhu, tātā”ti taṃ dhammasenāpatittherassa santikaṃ netvā “bhante, imaṃ pabbājethā”ti adāmsu. Thero tacapañcakammaṭṭhānaṃ datvā pabbājesi. So khuraggeyeva saha paṭisambhidāhi arahattaṃ pāpuṇi. Paripuṇṇavasso ca upasampadaṃ labhitvā dasavasso hutvā pañcasatabhikkhuparivāro vicarīti. Evaṃ vuttanayeneva dārucitakāya arogabhāvo āyasmato saṃkiccassa nīṇavipphārā iddhi nāma.

Bhūtapālattheropi (visuddhi. 2.373) pubbahetusampanno. Tassa pitā rājagahe daliddamanusso. So taṃ dāraṃ gahetvā dārūnaṃ atthāya sakaṭena aṭaviṃ gantvā dārubbhāraṃ katvā sāyaṃ nagaradvārasamīpaṃ patto. Athassa goṇā yugaṃ ossajitvā nagaraṃ pavisiṃsu. So sakaṭamūle puttakaṃ nisīdāpetvā goṇānaṃ anupadaṃ gacchanto nagarameva pāvisi. Tassa anikkhantasappa dvāraṃ pidahi. Dāraṃ sakalarattim sakaṭassa heṭṭhā nipajjitvā niddaṃ okkami. Rājagahaṃ pakatiyāpi amanussabahulaṃ, idaṃ pana susānasamīpaṭṭhānaṃ. Na ca koci yakkho tassa pacchimabhavikassa dāraṃ upaddavaṃ kātumasakkhi. So aparena samayena pabbajitvā arahattaṃ pāpuṇitvā bhūtapālatthero nāma ahoṣīti. Evaṃ vālayakkhānucaritepi padese vuttanayeneva arogabhāvo āyasmato bhūtapālassa nīṇavipphārā iddhi nāma.

16. Samādhivipphāriddhiniddese āyasmato sārīputtassa samādhivipphārā iddhītiādīsu āyasmato sārīputtassa mahāmogallānattherena saddhiṃ kapotakandarāyaṃ viharato juṇhāya rattiyā navoropitehi kesehi ajjhokāse nisinnassa eko duṭṭhayakkho sahāyakena yakkhena vāriyamānopi sīse pahāraṃ adāsi. Yassa meghassa viya gajjato saddo ahoṣī, thero tassa pahāraṇasamaye samāpattim appētvā nisinna hoti. Athassa tena pahārena na koci ābādho ahoṣī. Ayaṃ tassa āyasmato samādhivipphārā iddhi. Yathāha –

“Evaṃ me suttaṃ (udā. 34) – ekaṃ samayaṃ bhagavā rājagahe viharati veḷuvane kalandakanivāpe. Tena kho pana samayena āyasmā ca sārīputto āyasmā ca mahāmogallāno kapotakandarāyaṃ viharanti. Tena kho pana samayena āyasmā sārīputto juṇhāya rattiyā navoropitehi kesehi abbhokāse nisinna hoti aññataraṃ samādhim samāpajjitvā.

“Tena kho pana samayena dve yakkhā sahāyakā uttarāya disāya dakkhiṇaṃ disaṃ gacchanti kenacideva karaṇīyena. Addasaṃsu kho te yakkhā āyasmantaṃ sārīputtaṃ juṇhāya rattiyā navoropitehi kesehi abbhokāse nisinnaṃ, disvāna eko yakkho dutiyaṃ yakkhaṃ etadavoca – ‘paṭibhāti maṃ, samma, imassa samaṇassa sīse pahāraṃ dātu’nti. Evaṃ vutte so yakkho taṃ yakkhaṃ etadavoca – ‘alaṃ, samma, mā samaṇaṃ āsādesi, ulāro so, samma, samaṇo mahiddhiko mahānubhāvo’ti.

“Dutiyampi kho...pe... tatiyampi kho so yakkho taṃ yakkhaṃ etadavoca – ‘paṭibhāti maṃ, samma, imassa samaṇassa sīse pahāraṃ dātu’nti. Tatiyampi kho so yakkho taṃ yakkhaṃ etadavoca – ‘alaṃ, samma, mā samaṇaṃ āsādesi, ulāro so, samma, samaṇo mahiddhiko mahānubhāvo’ti.

“Atha kho so yakkho taṃ yakkhaṃ anādiyitvā āyasmato sārīputtassa sīse pahāraṃ adāsi. Tāva mahāpahāro ahoṣī, api tena pahārena sattaratanāṃ vā aḍḍhaṭṭhamaratanāṃ vā nāgaṃ osāreyya, mahantaṃ vā pabbatakūṭaṃ padāleyya. Atha ca pana so yakkho ‘dayhāmi dayhāmī’ti tattheva mahānirayaṃ apatāsi.

“Addasā kho āyasmā mahāmogallāno dibbena cakkhunā visuddhena atikkantamānusakena tena yakkhena āyasmato sārīputtassa sīse pahāraṃ dīyamānaṃ, disvā yena āyasmā sārīputto tenupasaṅkami, upasaṅkamitvā āyasmantaṃ sārīputtaṃ etadavoca – ‘kacci te, āvuso sārīputta,

khamanīyaṃ, kacci yāpanīyaṃ, kacci na kiñci dukkha’nti. ‘Khamanīyaṃ me, āvuso moggallāna, yāpanīyaṃ me, āvuso moggallāna, api ca me sīsaṃ thokaṃ dukkha’nti.

“Acchariyaṃ, āvuso sārīputta, abbhutaṃ, āvuso sārīputta, yāva mahiddhiko āyasmā sārīputto mahānubhāvo. Idha te, āvuso sārīputta, aññataro yakkho sīse pahāraṃ adāsi. Tāva mahā pahāro ahosi, api tena pahārena sattaratanāṃ vā aḍḍhaṭṭhamaratanāṃ vā nāgaṃ osāreyya, mahantaṃ vā pabbatakūṭaṃ padāleyya. Atha ca panāyasmā sārīputto evamāha – ‘khamanīyaṃ me, āvuso moggallāna, yāpanīyaṃ me, āvuso moggallāna, api ca me sīsaṃ thokaṃ dukkha’nti.

“Acchariyaṃ, āvuso moggallāna, abbhutaṃ, āvuso moggallāna, yāva mahiddhiko āyasmā mahāmoggallāno mahānubhāvo, yatra hi nāma yakkhampi passissati, mayaṃ panetarahi paṃsupisācakampi na passāmāti.

“Assosi kho bhagavā dibbāya sotadhātuyā visuddhāya atikkantamānusikāya tesāṃ ubhinnaṃ mahānāgānaṃ imaṃ evarūpaṃ kathāsallāpaṃ.

Atha kho bhagavā etamatthaṃ veditvā tāyaṃ velāyaṃ imaṃ udānaṃ udānesi –

“Yassa selūpamaṃ cittaṃ, ṭhitaṃ nānupakampati;
Virattaṃ rajanīyesu, kopanīye na kuppati;
Yassevaṃ bhāvitaṃ cittaṃ, kuto taṃ dukkhamessatī’ ti. (udā. 34);

Ettha ca “kuto taṃ dukkhamessatī’ ti bhagavatā vuttavacanena “tena pahārena na koci ābādho ahosi’ ti aṭṭhakathāvacanaṃ ativiya sameti. Tasmā “apica me sīsaṃ thokaṃ dukkha’nti vacanena dukkhavedanā na hoti, sīsassā pana akammaññabhāvaṃ sandhāya “dukkha’nti vuttaṃ. Lokepi hi akicchena pariharitūṃ sakkuṇeyyo sukhasīlo, kicchena pariharitūṃ sakkuṇeyyo dukkhasīloti vuccati. Tampi kho akammaññataṃ samāpattīto vuṭṭhitasamayattā ahosīti veditabbo. Samāpattiappitasamaye hi tampi na bhavyeyyāti. “Etarahi paṃsupisācakampi na passāmā’ ti daṭṭhuṃ asamatthatāya na vuttaṃ, abhiññāsu byāpārābhāvena vuttaṃ. Thero kira “pacchimā janatā pothujjanikāya iddhiyā sārasaññā māhesu’nti pacchimaṃ janataṃ anukampamāno yebhuyyena iddhiṃ na valañjesi. Theragāthāya ca –

“Neva pubbenivāsāya, napi dibbassa cakkhuno;
Cetopariyāya iddhiyā, cutiyā upapattiyā;
Sotadhātuvissuddhiyā, paṇidhi me na vijjati’ ti. (theragā. 996) –

Therena sayameva abhiññāsu patthanābhāvo vutto. Thero pana sattaṣaṭṭhiyā sāvakaṃpāramīññānesu pāramippattoti.

Sañjīvattheraṃ pana kakuśandhassa bhagavato dutiyaaggasāvakaṃ nirodhasamāpannaṃ “kālaṅkato’ ti sallakkhetvā gopālakādayo tiṇakaṭṭhādīni saṃkaḍḍhitvā aggimā adamsu. Therassa cīvare aṃsumattampi na jhāyittha. Ayamassāyasmato anupubbasaṃpattivasena pavattasamathānubhāvanibhattattā samādhivipphārā iddhi. Yathāha –

“Tena kho pana, pāpima, samayena kakuśandho bhagavā arahaṃ sammāsambuddho loke uppanno hoti. Kakuśandhassa kho pana, pāpima, bhagavato arahato sammāsambuddhassa vidhurasañjīvaṃ nāma sāvakaṃyugaṃ ahosi aggamaṃ bhaddayugaṃ. Yāvatā pana, pāpima, kakuśandhassa bhagavato arahato sammāsambuddhassa sāvaka. Tesu na ca koci āyasmatā vidhurena samasamo hoti yadidaṃ dhammadesanāya. Iminā kho etaṃ, pāpima, pariāyena āyasmato vidhurena vidhureteva samaññā upapādi. Āyasmā pana, pāpima, sañjīvo araññāgatopi rukkhamūlagatopi suññāgāragatopi appakasireneva saññāvedayitanirodhaṃ samāpajjati.

“Bhūtapubbaṃ, pāpima, āyasmā sañjīvo aññatarasmiṃ rukkhamūle saññāvedayitanirodhaṃ

samāpanno nisinno hoti. Addasaṃsu kho, pāpima, gopālakā pasupālakā kassakā pathāvino āyasmantaṃ sañjīvaṃ aññatarasmiṃ rukkhamūle saññavedayitanirodhaṃ samāpannaṃ, disvāna tesam etadahosi – ‘acchariyaṃ vata bho, abbhutaṃ vata bho, ayaṃ samaṇo nisinnako kālaṅkato, handa naṃ dahāmā’ti.

“Atha kho te, pāpima, gopālakā pasupālakā kassakā pathāvino tiṇaṅca kaṭṭhaṅca gomayaṅca saṃkaḍḍhitvā āyasmato sañjīvassa kāye upacinitvā aggim datvā pakkamiṃsu. Atha kho, pāpima, āyasmā sañjīvo tassā rattiyā accayena tāya samāpattiyā vuṭṭhahitvā cīvarāni papphotetvā pubbaṅhasamayaṃ nivāsetvā pattacīvaramādāya gāmaṃ piṇḍāya pāvisi. Addasaṃsu kho te, pāpima, gopālakā pasupālakā kassakā pathāvino āyasmantaṃ sañjīvaṃ piṇḍāya carantaṃ, disvāna nesam etadahosi – ‘acchariyaṃ vata bho, abbhutaṃ vata bho, ayaṃ samaṇo nisinnakova kālaṅkato, svāyaṃ paṭisañjīvito’ti. Iminā kho evaṃ, pāpima, pariyāyena āyasmato sañjīvassa sañjīvoteva samañña udapādi’ti (ma. ni. 1.507).

Khāṇukoṇḍaññatthero pana pakatiyāva samāpattibahulo, so aññatarasmiṃ araṅhe rattim samāpattim appetvā nisīdi, pañcasatā corā bhaṇḍakaṃ thenetvā gacchantā “idāni amhākaṃ anupadaṃ gacchantā natthī”ti vissamitukāmā bhaṇḍakaṃ oropayamānā “khāṇuko aya”nti maññamānā therasseva upari sabbabhaṇḍakāni ṭhapesuṃ. Tesam vissamitvā gacchantānaṃ paṭhamaṃ ṭhapitabhaṇḍakassa gahaṇakāle kālaparicchedavasena thero vuṭṭhāsi. Te therassa calanākāraṃ disvā bhītā viraviṃsu. Thero “mā bhāyatha, upāsakā, bhikkhu aha”nti āha. Te āgantvā vanditvā theragatena pasādena pabbajitvā saha paṭisambhidāhi arahattaṃ pāpuṇṇiṃsu. Tato pabhuti ca thero khāṇukoṇḍaññatthero nāma ahosi. Ayamettha pañcahi bhaṇḍakasatehi ajjhotthaṭṭassa tassāyasmato ābādhābhāvo samādhivipphārā iddhi.

Uttarā (a. ni. aṭṭha. 1.1.262) pana upāsikā rājagahe mahādhanassa puṇṇassa seṭṭhino dhītā, kumārikakāleyeva saddhim mātipitūhi sotāpattiphalaṃ pattā, sā vayappattā rājagahaseṭṭhino mahatā nibandhena tassa puttassa micchādīṭṭhikassa dinnā. Sā buddhadassanāya dhammassavanāya buddhappamukhassa bhikkhusaṅghassa dānaṅca dātuṃ dhammaṅca sotuṃ okāsaṃ alabhamānā upaddutā hutvā tasmimyeva nagare sirimaṃ nāma gaṇikaṃ pakkosāpetvā okāsakaraṇatthameva pitu gharāva ānītāni pañcadasakahāpaṇasahassāni tassā datvā “ime kahāpaṇe gahetvā imaṃ aḍḍhamāsaṃ seṭṭhiputtaṃ paricarāhi”ti taṃ sāmikassa appetvā sayam uposathaṅgāni adhiṭṭhāya “imaṃ aḍḍhamāsaṃ buddhadassanādīni labhissāmi”ti tuṭṭhamānasā yāva pavāraṇāya buddhappamukhaṃ bhikkhusaṅghaṃ nimantāpetvā aḍḍhamāsaṃ mahādānaṃ adāsi, pacchābhattaṃ mahānase khajjabhojjādīni saṃvidahāpeti. Tassā sāmiko “sve pavāraṇā”ti sirimāya saha vātapāne ṭhatvā bahi olokento taṃ tathāvicarantiṃ sedakilinnaṃ chārikāya okiṇṇaṃ aṅgāramasimakkhitaṃ disvā “attano sampattim abhuñjitvā kusalaṃ nāma karotī bālā”ti hasi. Uttarāpi taṃ oloketvā “samparāyatthaṃ kusalaṃ na karotī bālo”ti hasi.

Sirimā ubhinnampi taṃ kiriyam disvā “ahaṃ gharasāminī”ti maññamānā issāpakatā uttarāya kujjhitvā “dukkhaṃ uppādessāmi”ti pāsādā otarati. Uttarā taṃ ṇatvā piṭhake nisīditvā taṃ mettena cittena phari. Sirimā pāsādā oruyha mahānasam pavisitvā pūvāpacanato ulūṅkapūraṃ pakkuthitaṃ sappim gahetvā tassā matthake okiri. Taṃ paduminipaṇṇe sītūdaṃ viya vinivaṭṭetvā agamāsi. Dāsiyo sirimaṃ hatthehi pādehi pothetvā bhūmiyaṃ pātesuṃ. Uttarā mettājhānato vuṭṭhāya dāsiyo vāresi. Sirimā uttarā khamāpesi. Uttarā “sve satthu purato khamāpehi”ti vatvā tāya kāyaveyyāvaṭikaṃ yācitāya byañjanasampādanaṃ ācikkhi. Sā taṃ sampādetvā attano parivārā pañcasatā gaṇikāyo sasaṅghaṃ satthāraṃ parivisitvā “khamāpanasahāyikā hothā”ti vatvā punadivase tathā tāhi gaṇikāhi saddhim satthu bhattakiccāvasāne satthāraṃ vanditvā “ahaṃ bhagavā uttarāya aparajjhim, khamatu me uttarā”ti āha. Satthā “khama, uttare”ti vatvā “khamāmi, bhagavā”ti vutte “akkodhena jine kodha”ntiādikaṃ (dha. pa. 223) dhammaṃ desesi. Uttarā puretameva sāmikaṅca sassusasure ca satthu santike upanesi. Desanāvasāne te ca tayo janā, sabbā ca gaṇikāyo sotāpattiphale patiṭṭhahimsūti. Evaṃ uttarāya upāsikāya pakkuthitasappinā piḷābhāvo samādhivipphārā iddhi.

Sāmāvatī upāsikā nāma kosambiyaṃ udenassa rañño aggamahesī. Tassa hi rañño pañcasatapañcasatāitthiparivārā tisso aggamahesiyo ahesuṃ. Tāsam sāmāvatī bhaddiyānagare

bhaddiyasetṭhino dhītā. Pitari kālankate pitu sahāyakassa kosambiyam ghositasetṭhino ghare pañcasataitthiparivāraḍḍhitam vayappattam rājā disvā sañjātasineho saporivāramattano gharam netvā abhisekatthānam adāsi. Caṇḍapajjotassa rañño dhītā vāsuladattā nāma ekā mahesī. Māgaṇḍiyabrāhmaṇassa dhītā bhagavato pādapariārikam katvā pitarā diyyamānā –

“Disvāna taṇham aratiṃ ragañca, nāhosi chando api methunasmiṃ;
Kimevidam muttakariāsapuṇṇam, pādāpi nam samphusitum na icche”’ti. (su. ni. 841) –

Bhagavatā bhāsitam gātham sutvā bhagavati āghātam bandhi. Tassā mātāpitaro māgaṇḍiyasuttadesanāvasāne anāgāmiphalam patvā pabbajitvā arahattam pāpuṇṇesu. Tassā cūlapitā māgaṇḍiyo tam kosambiṃ netvā rañño adāsi. Sā rañño ekā mahesī.

Atha kho ghositasetṭhi kukkuṭasetṭhi pāvārikasetṭhīti tayo setṭhino loke tathāgatuppādam sutvā jetavanam satthu santikam gantvā dhammam sutvā sotāpattiphalam patvā aḍḍhamāsam buddhappamukhassa bhikkhusaṅghassa mahādānam datvā satthu kosambigamanam āyācitvā kosambiṃ gantvā ghositārāmo kukkuṭārāmo pāvārikārāmoti tayo janā tayo ārame kārapetvā anupubbena tattha āgataṃ satthāram paṭipāṭiyā ekekasmim divase ekekasmim vihāre vasāpetvā ekeko sasaṅghassa bhagavato mahādānamadāsi. Athekadivasam tesam upaṭṭhāko sumano nāma mālākāro setṭhino āyācitvā sasaṅgham satthāram bhojetum attano ghare nisīdāpesi. Tasmim khaṇe sāmāvatiyā paricārikā khujjuttarā nāma dāsī aṭṭha kahāpaṇe gahetvā tassa gharam agamāsi. So “sasaṅghassa tāva satthuno parivesanasahāyā hohi”’ti āha. Sā tathā katvā satthu bhattakiccāvasāne dhammadesanam sutvā sotāpannā hutvā aññadā cattāro kahāpaṇe attano ādiyanti adinnam ādiyitum abhabbattā aṭṭhahi kahāpaṇehi pupphāni ādāya sāmāvatiyā upanāmesi. Tāya pupphānam bahubhāvākāraṇam puṭṭhā musā bhaṇitum abhabbattā yathāsabhāvam āha. “Ajja kasmā na gaṇhī”’ti vuttā “sammāsambuddhassa dhammam sutvā amataṃ sacchākāsi”’nti āha. “Amma uttare, tam dhammam amhākampi kathehī”’ti. “Tena hi mam nhāpetvā suddham vatthayugam datvā uce āsane nisīdāpetvā sabbā nīcāsanesu nisīdathā”’ti āha. Tā sabbāpi tathā karimṃsu. Sā sekhapāṭisambhidappattā ariyasāvikā ekam vattham nivāsetvā ekam uttarāsaṅgam katvā bījanim gahetvā tāsam dhammam desesi. Sāmāvatī ca pañcasatā ca itthiyo sotāpattiphalam pāpuṇṇesu. Tā sabbāpi khujjuttaram vanditvā “amma, ajjato paṭṭhāya veyyāvaccam akatvā amhākam mātuṭṭhāne ācariyaṭṭhāne ca ṭhatvā satthārā desitadesitam dhammam sutvā amhākam kathehī”’ti āhaṃsu. Sā tathā karontī aparabhāge tīpītakadharā hutvā satthārā bahussutānam upāsikānam aggaṭṭhāne ṭhapitā aggaṭṭhānam labhi. Sāmāvatimissikā buddhassa dassanam pihenti, dasabale antaravīthim paṭipanne vātapānesu appahontesu bhittim bhinditvā satthāram olokenti, vandanapūjanañca karonti.

Māgaṇḍiyā tattha gatā tāni chiddāni disvā tattha kāraṇam pucchanti satthu āgatabhāvam ñatvā bhagavatī āghātena tāsampi kujjhitvā “mahārāja, sāmāvatimissikānam bahiddhā patthanā atthi, bhittim bhinditvā samaṇam gotamam olokenti, katipāhena tam māressanti”’ti rājānam āha. Rājā chiddāni disvāpi tassā vacanam na saddahi, uddhacchiddakavātapānāni kārapesi. Puna māgaṇḍiyā rājānam tāsū bhinditukāmā aṭṭha sajjivakukkuṭe āharāpetvā “mahārāja, tāsam vīmaṃsanattham ime kukkuṭe māretvā ‘mamattāyā pacāhī’’ti pesehī”’ti āha. Rājā tathā pesesi. Tāya “pāṇātipātam na karomā”’ti vutte puna “tassa samaṇassa gotamassa pacitvā pesehī”’ti āha. Raññā tathā pesite māgaṇḍiyā aṭṭha māritakukkuṭe tathā vatvā pesesi. Sāmāvatī pacitvā dasabalassa pāhesi. Māgaṇḍiyā tenapi rājānam kopetum nāsakkhi.

Rājā pana tīsu mahesīsū ekekissā vasaṇaṭṭhāne satta satta divasāni vasati. Rājā attano gamanaṭṭhānam hatthikantavīṇam ādāya gacchati. Māgaṇḍiyā rañño sāmāvatiyā pāsādagamanakāle dāṭhā agadena dhovāpetvā veḷupabbe pakkhipāpetvā ekam kaṇhasappapotakam āharāpetvā antovīṇāya pakkhipitvā mālāguḷakena chiddam pidahi. Tam rañño tattha gatakāle aparāparam vicaranti viya hutvā vīṇāchiddato mālāguḷakam apanesi. Sappo nikkhamitvā passasanto phaṇam katvā sayanapiṭṭhe nipajji. Sā āha – “dhī sappo”’ti mahāsaddamakāsi. Rājā sappam disvā kujjhi. Sāmāvatī rañño kuddhabhāvam ñatvā pañcannam itthisatānam saññamadāsi “ajja odhisakamettāpharaṇena rājānam pharathā”’ti. Sayampi tathā akāsi. Rājā sahasathāmadhanam ādāya jiyam poṭhetvā sāmāvatim dhure katvā sabbā tā itthiyo paṭipāṭiyā ṭhapāpetvā visapītam khurappam sannayhitvā dhanam pūretvā aṭṭhāsi. Khurappam neva khipitum, na oropitum

sakkoti, gattehi sedā muccanti, sarīraṃ vedhati, mukhato kheḷo patati, gaṇhitabbagahaṇaṃ na passati, atha naṃ sāmāvati ‘‘kiṃ, mahārāja, kilamasi’’ti āha. ‘‘Āma, devi, kilamāmi, avassayo me hohi’’ti. ‘‘Sādhu, mahārāja, khurappaṃ pathavīmukhaṃ karohi’’ti. Rājā tathā akāsi. Sā ‘‘rañño hatthato khurappaṃ muccatū’’ti adhiṭṭhāsi. Tasmīṃ khaṇe khurappaṃ mucci. Rājā taṃkhaṇaññeva udake nimujjitvā allavattho allakeso sāmāvatiyā pādesu nipatitvā ‘‘khama, devi, mayhaṃ –

‘Sammuyhāmi pamuyhāmi, sabbā muyhanti me disā;
Sāmāvati maṃ tāyassu, tvañca me saraṇaṃ bhavā’’ti. – āha;

Sāmāvati –

‘‘Mā maṃ tvaṃ saraṇaṃ gaccha, yamaṃ saraṇaṃ gatā;
Saraṇaṃ gaccha taṃ buddhaṃ, tvañca me saraṇaṃ bhavā’’ti. –

Āha. Rājā ‘‘tena hi taṃ saraṇaṃ gacchāmi satthārañca, varañca te dammi’’ti āha. Sā ‘‘varo gahito hotu, mahārāja’’ti āha. Rājā satthāraṃ upasaṅkamitvā saraṇaṃ gantvā nimantetvā buddhappamukhassa saṅghassa sattāhaṃ mahādānaṃ datvā ‘‘sāmāvatiṃ varaṃ gaṇhāhi’’ti āha. ‘‘Sādhu, mahārāja, imaṃ me varaṃ dehi, satthā pañcahi bhikkhusatehi saddhiṃ idhāgacchatu, dhammaṃ sossāmi’’ti āha. Rājā satthāraṃ vanditvā ‘‘bhante, pañcahi bhikkhusatehi saddhiṃ nibaddhaṃ idhāgacchatha, sāmāvatiṃ missikā ‘dhammaṃ sossāmā’’ti vadanti’’ti āha. Satthā ‘‘mahārāja, buddhānaṃ nāma ekaṭṭhānaṃ nibaddhaṃ gantuṃ na vaṭṭati, mahājanopi paccāsīsatī’’ti āha. ‘‘Tena hi, bhante, bhikkhū añāpethā’’ti. Satthā ānandattheraṃ añāpesi. Thero pañca bhikkhusatāni ādāya nibaddhaṃ rājakulaṃ gacchati. Tāpi devīpamukhā itthiyo therāṃ bhojetvā dhammaṃ suṇiṃsu. Sāmāvatiñca satthā mettāvihārīnaṃ upāsikānaṃ aggaṭṭhāne ṭhapesīti. Evaṃ rañño khurappaṃ muñcituṃ avisahanabhāvo sāmāvatiyā upāsikāya samādhivipphārā iddhīti. Ettha ca aveccappasādena vā okappanapasādena vā ratanattayasaraṇagamanena vā ratanattayaṃ upāsātīti upāsikāti vuccatīti.

17. Ariyiddhiniddese **ariyā iddhīti** cetovasippattānaṃ khīṇāsavaariyānaṃyeva sambhavato ariyā iddhīti vuccatīti. **Idha bhikkhūti** imasmīṃ sāsane khīṇāsavo bhikkhu. **Aniṭṭhe vatthusminti** ārammaṇapakatiyā amanāpe vatthusmīṃ satte vā saṅkhāre vā. **Mettāya vā pharātīti** satto ce hoti, mettābhāvanāya pharati. **Dhātuto vā upasaṃharatīti** saṅkhāro ce hoti, ‘‘dhātumatta’’nti dhātumanasikāraṃ upasaṃharati. Sattepi dhātūpasaṃhāro vaṭṭati. **Asubhāya vā pharātīti** satto ce, asubhabhāvanāya pharati. **Aniccato vā upasaṃharatīti** saṅkhāro ce, ‘‘anicca’’nti manasikāraṃ upasaṃharati. **Tadubhayanti** taṃ ubhayaṃ. **Upekkhakoti** chaḷaṅgupekkhāya upekkhako. **Satoti** sativēpullappattattā. **Sampajānoti** paññāya sampajānakāritā. **Cakkhunā rūpaṃ disvāti** kāraṇavasena cakkhūti laddhavohārena rūpadassanasamatthena cakkhuvīññāṇena rūpaṃ disvā. Porāṇā panāhu – ‘‘cakkhu rūpaṃ na passati acittakattā, cittaṃ na passati acakkhukattā, dvārāmmaṇasaṅghaṭṭane pana pasādavatthukena cittena passati. Īdisī panesā ‘dhanunā vijjhati’’tiādīsu viya sasambhārakathā nāma hoti. Tasmā cakkhuvīññāṇena rūpaṃ disvāti ayamettha attho’’ti (dha. sa. aṭṭha. 1352). Atha vā cakkhunā karaṇabhūtena rūpaṃ disvāti attho. **Neva sumano hotīti** gehasītasomanassapaṭikkhepo, na kiriyabhūtāya somanassavedanāya. **Na dummanoti** sabbadomanassapaṭikkhepo. **Upekkhako viharatīti** iṭṭhāniṭṭhārammaṇāpāthe parisuddhapakatibhāvāvijahanākārahūtāya chasu dvāresu pavattanato ‘‘chaḷaṅgupekkhā’’ti laddhanāmāya tatramajjhātupekkhāya upekkhako viharati. **Sotena saddaṃ sutvāti**ādīsupi eseva nayo.

18. Kammavipākajiddhiniddese **sabbesaṃ pakkhīnanti** sabbesaṃ pakkhijātānaṃ jhānābhīññā vināyeva ākāsena gamanaṃ. Tathā **sabbesaṃ devānaṃ** ākāsagamaṇaṃ dassanādīni ca. **Ekaccānaṃ manussānanti** paṭhamakappikānaṃ manussānaṃ. **Ekaccānaṃ vinipātīkānanti** piyaṅkaramātā punabbasumātā phussamittā dhammaguttātievamādīnaṃ sukhasamussayato vinipatitattā vinipātīkānaṃ aññesañca petānaṃ nāgasupaṇṇānañca ākāsagamaṇādīkaṃ kammavipākajā iddhi.

Puññavato iddhiniddese **rājāti** dhammena paresaṃ rañjanato rājā. Ratanacakkaṃ vattetīti **cakkavattī**.

Vehāsaṃ gacchatīti accantasamyogatthe upayogavacanāṃ. **Caturaṅginīyāti** hatthiassarathapattisaṅkhātacatuṅgavatiyā. **Senāti** tesāṃ samūhamattameva. **Antamasoti** heṭṭhimantato. **Assabandhā** nāma assānaṃ rakkhakā. **Gopurisā** nāma gunnaṃ rakkhakā. **Upādāyāti** avissajjetvā. Evaṃ tesāṃ vehāsaḡamanaṅca puṅṅavato iddhīti attho.

Jotikassa gahapatissa puṅṅavato iddhīti jotiko nāma pubbe paccekabuddhesu katādhikāro rājagahanagare seṭṭhi. Tassa kira jātadvase sakalanagare sabbāvudhāni jalimsu, sabbesaṃ kāyāruḷhāni ābharaṇāni pi pajjalitāni viya obhāsaṃ muṅciṃsu, nagaraṃ ekapajjotaṃ ahoṣi. Athassa nāmaggaḡanadvase sakalanagaraṣṣa ekajotibhūtattā jotikoti nāmaṃ kariṃsu. Athassa vayappattakāle gehakaraṇatthāya bhūmitale sodhiyamāne sakko devarājā āgantvā soḷasakarīsamatte ṭhāne pathaviṃ bhinditvā sattaratanamayaṃ sattabhūmikaṃ pāsādaṃ utthāpesi, pāsādaṃ parikkhipitvā sattaratanamaye sattadvāraḡoṭṭhakayutte sattapākāre utthāpesi, pākārapariyante catusaṭṭhi kapparukkhe utthāpesi, pāsādassa catūsu kaṅṅesu yojanikatigāvutikadvigāvutikaekagāvutikā catasso nidhikumbhiyo utthāpesi. Pāsādassa catūsu kaṅṅesu taruṇatālakkhandhappamāṇā catasso suvaṅṅamayā ucchuyatthiyo nibbattiṃsu. Tāsaṃ maṇimayāni pattāni suvaṅṅamayāni pabbāni ahesuṃ. Sattasu dvāraḡoṭṭhakesu ekekasmim ekadvititacupaṅcachasattayakkhasahassaparivārā satta yakkhā ārakkhaṃ gaṅṅhiṃsu.

Bimbisāramahārājā pāsādādīnaṃ utthānaṃ sutvā seṭṭhichattaṃ paḡiṇi. So jotikaseṭṭhīti sakalajambudīpe pākāto hutvā uttarakuruto devatāhi ānetvā sirigabbhe nisīdāpitāya ekaṅca taṅḡulanāḷiṃ tayo ca jotipāsāne gahetvā āgatāya bhariyāya saddhiṃ tasmim pāsāde mahāsaṃpattiṃ anubhavanto vasi. Tesāṃ yāvajīvaṃ tāya ekataṅḡulanāḷiyā bhattaṃ pahosi. Sace kira te sakaṭasatampi taṅḡulanāṃ pūretukāmā honti, sā taṅḡulanāḷiyeva hutvā tiṭṭhati. Bhattapacanaḡāle taṅḡule ukkhalīyaṃ pakkhipitvā tesāṃ pāsāṇānaṃ upari ṭhapenti. Pāsāṇā tāvadeva pajjalitvā bhatte pakkamatte nibbāyanti. Teneva saṅṅāṇena bhattassa pakkabhāvaṃ jānanti. Sūpeyyādīpacanaḡālepi eseva nayo. Evaṃ tesāṃ jotipāsāṇehi āhāro paccati, maṅṅālokena vasanti. Aggissa vā dīpassa vā obhāsameva na jāniṃsu. Jotikassa kira evarūpā saṃpattīti sakalajambudīpe pākāto ahoṣi. Mahājano yānādīhi dassanattāya āgacchati. Jotikaseṭṭhi āgatāgatānaṃ uttarakurutaṅḡulanāṃ bhattaṃ dāpeti, “kapparukkhehi vatthābharaṇāni gaṅṅantū”ti āṅāpeti, “gāvutikanidhikumbhiyā mukhaṃ vivarāpetvā yāpanamattaṃ gaṅṅantū”ti āṅāpeti. Sakalajambudīpavāsikesu dhanāṃ gahetvā gacchantesu nidhikumbhiyā āṅḡulamattampi ūnaṃ nāhoṣīti ayamassa puṅṅavato iddhi.

Jaṭilassa gahapatissa puṅṅavato iddhīti jaṭilo nāma kassapassa bhagavato dhātucetiye katādhikāro takkasilāyaṃ seṭṭhi. Tassa kira mātā bārāṇasiyaṃ seṭṭhidhītā abhirūpā ahoṣi. Taṃ pannarasasoḷasavassuddesikakāle ārakkhanatthāya sattabhūmikkaṣṣa pāsādassa uparitale vāsaṃsiṃsu. Taṃ ekadivasāṃ vātapānaṃ vivaritvā bahi olokiyamānaṃ ākāseṇa gacchanto vijjādhāro disvā uppannasineho vātapānena pavisitvā tāya saddhiṃ santhavamakāsi. Sā tena gabbhaṃ gaṅṅhi. Atha naṃ dāsī disvā “amma, kiṃ ida”nti vatvā “hotu, kassaci mā ācikkhī”ti vuttā bhayena tuṅṅhi ahoṣi. Sāpi dasame māse puttāṃ vijāyitvā navabhājanaṃ āharāpetvā tattha taṃ dāraḡaṃ nipajjāpetvā taṃ bhājanaṃ pidahitvā upari pupphadāmāni ṭhapetvā “imaṃ sīseṇa ukkhipitvā gantvā gaṅṅāya vissajjehi, ‘kiṃ ida’nti ca puṭṭhā ‘ayyāya me balikamma’nti vadeyyāsī”ti dāsīṃ āṅāpesi. Sā tathā akāsi. Heṭṭhāgaṅṅāyapi dve itthiyo nhāyamānā taṃ bhājanaṃ udakena āhariyamānaṃ disvā ekā “mayhetāṃ bhājana”nti āha. Ekā “yaṃ etassa anto, taṃ mayha”nti vatvā bhājane saṃpatte taṃ ādāya thale ṭhapetvā vivaritvā dāraḡaṃ disvā ekā “mama bhājana”nti vuttattā “dāraḡo mameva hoti”ti āha. Ekā “yaṃ bhājanaṣṣa anto, taṃ mamā”ti vuttattā “mama dāraḡo”ti āha. Tā vivadamānā vinicchayaṃ gantvā amaccesu vinicchitūṃ asakkontesu raṅṅo santikaṃ aḡamaṃsu. Rājā tāsaṃ vacanaṃ sutvā “tvaṃ dāraḡaṃ gaṅṅha, tvaṃ bhājana”nti āha. Yāya pana dāraḡo laddho, sā mahākaccāyanattherassa upaṭṭhāyikā hoti. Sā taṃ dāraḡaṃ “therassa santike pabbājessāmi”ti posesi. Tassa jātadvase gabbhamalassa dhovitvā anapanītattā kesā jaṭitā hutvā aṭṭhaṃsu. Tenassa jaṭiloteva nāmaṃ akaṃsu.

Tassa padasā vicaraṅakāle thero taṃ gehaṃ piṅḡāya pāvīsi. Upāsikā therāṃ nisīdāpetvā āhāramadāsī. Thero dāraḡaṃ disvā “upāsike, dāraḡo te laddho”ti pucchi. “Āma, bhante, imāhaṃ tumhākaṃ santike pabbājessanti posesi”nti āha. Thero “sādhū”ti taṃ ādāya gacchanto “atthi nu kho imassa giḡisappaṭṭim

anubhavitum puññakamma’nti olokeno “mahāpuñño satto mahāsampattiṃ anubhavissati, daharo eva ca tāva, ñāṇampi tāvassa paripākaṃ na gacchati”ti cintetvā taṃ ādāya takkasīlāyaṃ ekassa upatthākassa gehaṃ agamāsi. So therāṃ vanditvā tthito dāraṃ disvā “dāraṃ, bhante, laddho”ti pucchi. “Āma, upāsaka, pabbajissati, daharo tāva tava santike hotū”ti. So “sādhu, bhante”ti taṃ puttattthāne tthapetvā paṭijaggi. Tassa pana gehe dvādasa vassāni bhaṇḍakaṃ usannaṃ hoti. So gāmantaraṃ gacchanta sabbampi taṃ bhaṇḍakaṃ āpaṇaṃ āharitvā tassa tassa bhaṇḍakassa mūlaṃ ācikkhitvā “idañcidañca ettakaṃ nāma dhaṇaṃ gahetvā dadeyyāsī”ti vatvā pakkāmi.

Taṃ divasaṃ nagarapariggāhikā devatā antamaso jīrakamaricamattakenāpi atthike tasseva āpaṇābhimukhe kariṃsu. So dvādasa vassāni usannaḥḍakaṃ ekadivaseva vikkiṇi. Kuṭumbiko āgantvā āpaṇe kiñci adisvā “sabbāṃ te, tāta, bhaṇḍakaṃ nāsita”nti āha. “Na nāsitaṃ, tāta, sabbāṃ tumhehi vuttanayena vikkiṇitaṃ, idaṃ asukassa mūlaṃ, idaṃ asukassa mūla”nti sabbamūlaṃ tasseva appesi. Kuṭumbiko pasīditvā “anaggho puriso yattha katthaci jīvitum samattho”ti attano vayappattaṃ dhītaṃ tassa datvā “gehamassa karoṭhā”ti purise āṇāpetvā niṭṭhite gehe “gacchatha tumhe, attano gehe vasathā”ti āha. Athassa gehapavisanakāle ekena pādena ummāre akkantaṃ geḥassa pacchimabhāge bhūmiṭṭhāne asītiḥḥattho suvaṇṇapabbato utthahi. Rājā kira jaṭilassa gehe bhūmiṃ bhinditvā suvaṇṇapabbato utthitoti sutvā tassa seṭṭhichattaṃ pesesi. So jaṭilaseṭṭhi nāma ahoṣīti ayamassa puññavato iddhi.

Meṇḍakassa seṭṭhissa puññavato iddhīti (mahāva. 296) meṇḍako nāma vipassimhi bhagavati katādhikāro magadharatthe bhaddiyanagare seṭṭhi. Tassa kira pacchimagehe atthakarīsamatte tthāne hatthiassausabhappamāṇā suvaṇṇameṇḍakā pathaviṃ bhinditvā piṭṭhiyā piṭṭhiṃ paharamāṇā utthahiṃsu, tesāṃ mukhesu pañcavaṇṇānaṃ suttānaṃ geṇḍukā pakkhittā honti. Sappitelamadhuphāṇitādīhi ca vatthacchādanahiraññasuvaṇṇādīhi ca atthe sati tesāṃ mukhato geṇḍukaṃ apanenti. Ekassapi meṇḍakassa mukhato sakalajambudīpavāsīnaṃ pahonakaṃ sappitelamadhuphāṇitavatthacchādanahiraññasuvaṇṇaṃ nikkhamati. Tato paṭṭhāyesa meṇḍakaseṭṭhīti paññāyīti ayamassa puññavato iddhi.

Ghositassa gahapatissa puññavato iddhīti ghosito (a. ni. atthā. 1.1.260-261) nāma paccakasambuddhe katādhikāro sakkaratthe kosambiyaṃ seṭṭhi. So kira devalokato cavitvā kosambiyaṃ nagarasobhiniyā kucchimiṃ nibbatti. Sā taṃ vijātadivase suppe sayāpetvā saṅkārakūṭe chaḍḍāpesi. Dāraṃ kākasunakhā parivāretvā nisīdiṃsu. Eko puriso taṃ disvā puttasaññaṃ paṭilabhivā “putto me laddho”ti gehaṃ nesi. Tadā kosambikaseṭṭhi purohitaṃ disvā “kiṃ, ācariya, ajja te tithikaraṇanakkhattādayo olokita”ti pucchitvā “āma, mahāseṭṭhi”ti vutte “janapadassa kiṃ bhavissati”ti pucchi. “Imasmīṃ nagare ajja jātadāraṃ jeṭṭhaseṭṭhi bhavissati”ti āha. Tadā seṭṭhino bhariyā garugabbhā hoti, tasmā so sīghaṃ gehaṃ pesesi “gaccha, jānāhi naṃ vijātā vā, na vā”ti. “Na vijātā”ti sutvā gehaṃ gantvā kālīṃ nāma dāsīṃ pakkosivā saḥassaṃ datvā “gaccha, imasmīṃ nagare upadhāretvā ajja jātadāraṃ gaṇhitvā ehi”ti āha. Sā upadhārentī taṃ gehaṃ gantvā taṃ dāraṃ taṃ divasaṃ jātaṃ ñatvā saḥassaṃ datvā ānetvā seṭṭhino dassesi. Seṭṭhi “sace me dhīta jāyissati, tāya naṃ saddhiṃ nivāsetvā seṭṭhiṭṭhānassa sāmikaṃ karissāmi. Sace putto jāyissati, ghātesāmi na”nti cintetvā taṃ gehe vaḍḍhāpesi.

Athassa bhariyā katipāhaccayena puttaṃ vijāyī. Seṭṭhi “imasmīṃ asati mama putto seṭṭhiṭṭhānaṃ labhissati. Idāneva naṃ māretum vaṭṭati”ti kālīṃ āmantetvā “gaccha je, vajato gunnaṃ nikkhamanavelāya vajadvāramajjhe imaṃ tiriyaṃ nipajjāpehi, gāviyo naṃ madditvā māressanti, madditā madditabhāvaṃ panassa ñatvā ehi”ti āha. Sā gantvā gopālakena vajadvāre vivaṭamattēyeva taṃ tathā nipajjāpesi. Gogaṇajetthako usabho aññasmīṃ kāle sabbapacchā nikkhamantopi taṃ divasaṃ sabbapaṭhamāṃ nikkhamitvā dāraṃ catunnaṃ pādānaṃ antare katvā atthāsi. Anekasatā gāvo usabhassa dve passāni ghaṃsantiyo nikkhamiṃsu. Gopālakopi “ayaṃ usabho pubbe sabbapacchā nikkhamati, ajja pana paṭhamāṃ nikkhamitvā dvāramajjhe niccalova tthito, kiṃ nu kho eta”nti cintetvā gantvā tassa heṭṭhā nipannaṃ dāraṃ disvā puttasiṇhaṃ paṭilabhivā “putto me laddho”ti gehaṃ nesi.

Kālī gantvā seṭṭhinā pucchitā tamatthaṃ ārocetvā “gaccha, naṃ puna imaṃ saḥassaṃ datvā ānehī”ti vuttā puna ānetvā adāsi. Atha naṃ seṭṭhi āha – “amma kālī, imasmīṃ nagare pañcasakaṭasatāni

paccūsakāle uttāhāya vāṇijjāya gacchanti, tvaṃ imaṃ netvā cakkamagge nipajjāpehi, goṇā vā naṃ maddissanti, cakkam vā chindissati, pavattiñcassa ñatvā āgaccheyyāsī”ti. Sā gantvā cakkamagge nipajjāpesi. Sākaṭikajetthako purato ahoṣi. Athassa goṇā taṃ tṭhānaṃ patvā dhuraṃ chaddesum, punappunaṃ āropetvā pājijamānāpi purato na gacchiṃsu. Evaṃ tassa tehi saddhiṃ vāyamantasseva aruṇaṃ uttāhāhi. So “kiṃ nāma goṇā kariṃsū”ti maggaṃ olokeno dāraṃ disvā “bhāriyaṃ vata kamma”nti cintetvā “putto me laddho”ti tuṭṭhamānaso taṃ gehaṃ nesi.

Kālīpi gantvā seṭṭhinā pucchitā taṃ pavattiṃ ācikkhitvā “gaccha, naṃ puna sahaṃsaṃ datvā ānehī”ti vuttā tathā akāsi. Atha naṃ seṭṭhi āha – “idāni naṃ āmakasusānaṃ netvā gacchantare nipajjāpehi, tattha sunakhādīhi khādito, amanussena vā pahaṭo marissati, matāmatabhāvañcassa jānitvā āgaccheyyāsī”ti. Sā taṃ netvā tattha nipajjāpetvā ekamante atṭhāsī. Taṃ sunakhādāyo vā amanusso vā upasaṅkamituṃ nāsakkhiṃsu. Atheko ajapālo ajā gocaraṃ nento susānapassena gacchati. Ekā ajā paṇṇāni khādamānā gacchantaraṃ pavisitvā dāraṃ disvā jaṇṇukehi tṭatvā dāraṃ thanaṃ adāsi. Ajapālakena “he he”ti sadde katepi na nikkhami. So “yaṭṭhiyā naṃ paharivā nīharissāmī”ti gacchantaraṃ pavittṭho jaṇṇukehi tṭatvā dāraṃ khīraṃ pāyantim disvā dāraṃ puttāsinehaṃ paṭilabhivā “putto me laddho”ti ādāya pakkāmi.

Kālī gantvā seṭṭhinā pucchitā taṃ pavattiṃ ācikkhitvā “gaccha, naṃ puna sahaṃsaṃ datvā ānehī”ti vuttā tathā akāsi. Aya naṃ seṭṭhi āha – “amma, imaṃ ādāya corapapātapabbataṃ abhiruhitvā papāte khipa, pabbatakucchiyaṃ paṭihaññamāno khaṇḍākhaṇḍiko hutvā bhūmiyaṃ patissati, matāmatabhāvañcassa ñatvā āgaccheyyāsī”ti. Sā taṃ tathā netvā pabbatamatthake tṭatvā khipi. Taṃ kho pana pabbatakucchiṃ nissāya mahāveḷugumbo pabbatānusārenea vaḍḍhi, tassa matthakaṃ ghanajāto jīṇjukagumbo avatthari. Dāraṃ patanto kojave viya tasmim pati. Taṃ divasañca naḷakārajetthakassa veṇubali patto hoti. So puttana saddhiṃ gantvā taṃ veḷugumbaṃ chindituṃ ārabhi. Tasmim calite dāraṃ saddamakāsi. So dāraṃ saddo viyāti ekena passena abhiruhitvā taṃ disvā “putto me laddho”ti tuṭṭhacitto ādāya gato. Kālī gantvā seṭṭhinā pucchitā taṃ pavattiṃ ācikkhitvā “gaccha, naṃ puna sahaṃsaṃ datvā ānehī”ti vuttā tathā akāsi.

Seṭṭhino idañcāñca karontasseva dāraṃ vaḍḍhito. Mahāghosavacanattā cassa ghositoteva nāmaṃ ahoṣi. So seṭṭhino akkhiṃhi kaṇṭako viya khāyi, ujukaṃ oloketumpi na visahi. Athassa maraṇūpāyaṃ cinto attano kumbhakāraṃ santikaṃ gantvā tassa “kadā āvāpaṃ ālimpessasi”ti pucchitvā “sve”ti vutte “tena hi idaṃ sahaṃsaṃ gaṇhitvā mamekaṃ kammaṃ karohī”ti āha. “Kiṃ sāmī”ti? “Eko me avajātaputto atthi, taṃ tava santikaṃ pesissāmi, atha naṃ gabbhaṃ pavesetvā tiṇhāya vāsiyā khaṇḍākhaṇḍikaṃ chinditvā cāṭiyaṃ pakkhipitvā āvāpe paveseyyāsīti. Idaṃ te sahaṃsaṃ saccakārasadisam, uttariṃ pana te kattabbayuttakaṃ pacchā karissāmī”ti. Kumbhakāro “sādhū”ti sampaṭicchi.

Seṭṭhi punadivase ghositaṃ pakkositvā “hiyyo mayā kumbhakāro ekaṃ kammaṃ ānatto, ehi, tvaṃ tāta, tassa santikaṃ gantvā evaṃ vadehi ‘hiyyo kira me pitarā ānattaṃ kammaṃ nipphādehī’”ti pahiṇi. So “sādhū”ti agamāsi. Taṃ tattha gacchantaṃ itaro seṭṭhino putto dāraṃ disvā pakkositvā “kuhiṃ gacchasi”ti pucchitvā pitu sāsanaṃ gahetvā “kumbhakāraṃ santika”nti vutte “ahaṃ tattha gamissāmi, ime maṃ dāraṃ bahulakkhaṃ jiniṃsu, taṃ me paṭijjintvā dehī”ti āha. “Ahaṃ pitu bhāyāmi”ti. “Mā bhāyi, bhātika, ahaṃ taṃ sāsanaṃ harissāmī”ti. “Bahūhi jito yāvāhaṃ āgacchāmi, tāva me lakkhaṃ paṭijjinhī”ti. Ghosito kira guḷakakīḷāyaṃ cheko, tena naṃ evaṃ nibandhi. Sopi taṃ “tena hi gantvā kumbhakāraṃ vadehi ‘pitarā kira me hiyyo ekaṃ kammaṃ ānattaṃ, taṃ nipphādehī’”ti uyyojesi. So tassa santikaṃ gantvā tathā avaca. Atha naṃ kumbhakāro seṭṭhinā vuttaniyāmena māretvā āvāpe khipi. Ghositopi divasabhāgaṃ kīḷitvā sāyanhasamayeva gehaṃ gantvā “kiṃ, tāta, na gatosi”ti vutte attano agatakāraṇaṃ kaniṭṭhassa gatakāraṇaṃ ārocesi. Seṭṭhi “dhī dhī”ti mahāviraṃsaṃ viravitvā sakalasarīre pakkuthitalohito viya hutvā “ambho kumbhakāra, mā nāsai, mā nāsai”ti bāhā paggayha kandanto tassa santikaṃ agamāsi. Kumbhakāro taṃ tathā āgacchantaṃ disvā “sāmī, mā saddaṃ kari, kammaṃ nipphanna”nti āha. So pabbatena viya mahantena sokena avatthaṭo hutvā anappaṃ domanassaṃ paṭisaṃvedesi.

Evam santepi pana seṭṭhi taṃ ujukaṃ oloketuṃ na sakkoti. “Kinti naṃ māreyya”nti cintento “mama gāmasate āyuttakassa santikaṃ pesetvā mārāpessāmī”ti upāyaṃ disvā “ayaṃ me avajātaputto, imaṃ māretvā vaccakūpe khipatu, evañca kate ahaṃ mātulassa kattabbayuttakaṃ jānissāmī”ti tassa paṇṇaṃ likhitvā “tāta ghosita, amhākaṃ gāmasate āyuttako atthi, imaṃ paṇṇaṃ haritvā tassa dehi”ti vatvā paṇṇaṃ tassa dussante bandhi. So pana akkharasamayaṃ na jānāti. Daharakālato paṭṭhāya hi taṃ mārāpentova seṭṭhi māretuṃ nāsakkhi, kiṃ akkharasamayaṃ sikkhāpessati. So attano maraṇapaṇṇameva dussante bandhitvā nikkhamanto āha – “pātheyyaṃ me, tāta, natthī”ti. “Pātheyyena kammaṃ natthi, antarāmagge asukagāme nāma mama sahāyako seṭṭhi atthi, tassa ghare pātarāsaṃ katvā purato gacchā”ti. So “sādhū”ti pitaraṃ vanditvā nikkhanto taṃ gāmaṃ patvā seṭṭhigharaṃ pucchitvā gantvā seṭṭhi jāyaṃ passi. “Kuto āgatosī”ti ca vutte “antonagarato”ti āha. “Kassa puttosi”ti? “Tumhākaṃ sahāyasetṭhino, amma”ti. “Tvamaṃsi ghosito nāmā”ti? “Āma, amma”ti. Tassā saha dassaneneva tasmaṃ puttasiṃho uppajji. Seṭṭhino panekā dhītā atthi pannarasasolaṃsavassuddesikā abhirūpā pāsādikā, taṃ rakkhituṃ ekameva pesanakārikaṃ dāsiṃ datvā sattabhūmikassa pāsādassa uparimatāle sirigabbhe vasāpentī. Seṭṭhidhītā tasmaṃ khaṇe taṃ dāsiṃ antarāpaṇaṃ pesesi. Atha naṃ seṭṭhi jāyā disvā “kuhiṃ gacchasi”ti pucchitvā “āyadhītāya pesanena”ti vutte “ito tāva ehi, tiṭṭhatu pesanaṃ, puttassa me pīṭhakaṃ attharhitvā udakaṃ āharitvā pāde dhovitvā telaṃ makkhitvā sayanaṃ attharhitvā dehi, pacchā pesanaṃ karissasi”ti āha. Sā tathā akāsi.

Atha naṃ cirenāgataṃ seṭṭhidhītā santajjesi. Atha naṃ sā āha – “mā me kujjhi, seṭṭhiputto ghosito āgato, tassa idaṅcīdaṅca katvā tattha gantvā āgatāmhī”ti. Seṭṭhidhītāya “seṭṭhiputto ghosito”ti nāmaṃ sutvāya pubbasannivāsavasena pemaṃ chaviādīni chinditvā atṭhimiṅgaṃ āhacca ṭhitāṃ. Atha naṃ pucchi “kuhiṃ so amma”ti? “Sayane nipanno niddāyatī”ti. “Atthi panassa hatthe kiṅcī”ti? “Dussante paṇṇaṃ atthi”ti. Sā “kiṃ paṇṇaṃ nu kho eta”nti tasmaṃ niddāyante mātāpitūnaṃ aññavihitāya apassantānaṃ otaritvā tassa santikaṃ gantvā taṃ paṇṇaṃ mocetvā ādāya attano gabbhaṃ pavisitvā dvāraṃ pidhāya vātapānaṃ vivaritvā akkharasamaye kusalatāya taṃ paṇṇaṃ vācetvā “aho vata bālo attano maraṇapaṇṇaṃ dussante bandhitvā vicarati, sace mayā na diṭṭhaṃ assa, natthi tassa jīvita”nti. Taṃ paṇṇaṃ phāletvā nāsetvā seṭṭhissa vacanena aparaṃ paṇṇaṃ likhi – “ayaṃ mama putto ghosito nāma, gāmasatato paṇṇākāraṃ āharāpetvā imassa janapadaseṭṭhino dhītārā saddhiṃ maṅgalaṃ katvā attano vasanaḡāmassa majjhe dvibhūmikaṃ geḡaṃ kāretvā pākāraparikkhepena ceva purisaguttīhi ca susaṃvihitārakkhaṃ karotu, mayhaṃ idaṅcīdaṅca mayā katanti sāsanaṃ pesetu. Evam kate ahaṃ mātulassa kattabbayuttakaṃ jānissāmī”ti likhitvā ca paṇṇaṃ saṅgharhitvā dussanteyevassa bandhi.

So divasabhāgaṃ niddāyitvā utṭhāya bhuñjitvā pakkāmi, punadivase pātova taṃ gāmaṃ gantvā āyuttakaṃ gāmakiccaṃ karontameva passi. So taṃ disvā “kiṃ tātā”ti pucchitvā “pitārā me tumhākaṃ paṇṇaṃ pesita”nti vutte paṇṇaṃ gahetvā vācetvā tuṭṭhamānaso “passatha, bho, mama sāmīno mayi sinehaṃ katvā jeṭṭhaputtassa maṅgalaṃ karotu”ti mama santikaṃ paḡiṇi. “Sīghaṃ dāruādīni āharathā”ti gahapatike āṇāpetvā gāmamajjhe vuttapakāraṃ geḡaṃ kārāpetvā gāmasatato paṇṇākāraṃ āharāpetvā janapadaseṭṭhino dhītaraṃ ānetvā maṅgalaṃ katvā seṭṭhissa sāsanaṃ paḡiṇi “idaṅcīdaṅca mayā kata”nti.

Taṃ sutvā seṭṭhino “yaṃ kāremi, taṃ na hoti. Yaṃ na kāremi, taṃ hotī”ti mahantaṃ domanassaṃ uppajji. Puttasokena saddhiṃ so soko ekato hutvā kucchidāhaṃ uppādetvā atisāraṃ janesi. Seṭṭhidhītāpi “sace koci seṭṭhino santikā āgacchati, mama akathetvā seṭṭhiputtassa paṭhamataraṃ mā kathethā”ti āṇāpesi. Seṭṭhipi kho “na dāni duṭṭhaputtaṃ mama sāpateyyassa sāmīkaṃ karissāmī”ti cintetvā ekaṃ āyuttakaṃ āha – “mātula, puttaṃ me daṭṭhukāmomhi, ekaṃ pādāmūlikaṃ pesetvā ekaṃ paṇṇaṃ likhitvā pesetvā mama puttaṃ pakkosāpehī”ti. So “sādhū”ti paṇṇaṃ datvā ekaṃ purisaṃ pesesi. Seṭṭhidhītā seṭṭhissa balavagilānakāle ghositakumāraṃ ādāya agamāsi. Seṭṭhi kālamakāsi. Rājā pitari kālankate pitārā bhuttabhogaṃ datvā sabbasatena seṭṭhiṭṭhānaṃ adāsi. Ghositaseṭṭhi nāma hutvā mahāsampattiyaṃ ṭhito seṭṭhidhītāya kāliyā vacanena ādito paṭṭhāya sattasu ṭhānesu attano maraṇamuttabhāvaṃ ṇatvā devasikaṃ sataṡahassaṃ vissajjetvā dānaṃ paṭṭhapesīti. Evamassa sattasu ṭhānesu arogabhāvo puñṇavato iddhi. Tattha gahanti geḡaṃ vuccati, gaḡe paṭi **gahapati**. Mahāsālakule adhipatissetaṃ nāmaṃ. Kesuci potthakesu ghositānantaraṃ meṅḡako likhito.

Pañcannaṃ mahāpuññānaṃ puññavato iddhī ettha puññiddhi pañcannaṃ mahāpuññānaṃ daṭṭhabbāti attho. Pañca mahāpuññā nāma meṇḍakaseṭṭhi, tassa bhariyā candapadumā, putto dhanañcayaseṭṭhi, suñisā sumanadevī, doso puṇṇo nāmāti ime pañca janā paccakasambuddhe katādhikārā. Tesu meṇḍakaseṭṭhi aḍḍhaterasāni koṭṭhasatāni sodhāpetvā sīsaṃ nhāto dvāre nisīditvā uddhaṃ ulloketi, ākāsatō rattasālīdhārā opatitvā sabbakoṭṭhe pūreti. Tassa bhariyā taṇḍulaṃ ekanāḷimattaṃ gahetvā bhattaṃ pacāpetvā ekasmiṃ sūpabyañjanake sūpaṃ kāretvā sabbālaṅkārapaṭimaṇḍitā dvārakoṭṭhake paññattāsane nisīditvā “sabbe bhattena atthikā āgacchantū”ti ghosāpetvā pakkosāpetvā suvaṇṇakaṭacchuṃ ādāya āgatāgatānaṃ upanītabhājanāni pūretvā deti, sakaladivasampi dentiyā kaṭacchunā sakim gahitaṭṭhānamattameva paññāyati. Tassa putto sīsaṃ nhāto sahasatthavikaṃ ādāya “kahāpaṇehi atthikā āgacchantū”ti ghosāpetvā āgatāgatānaṃ gahitabhājanāni pūretvā deti. Thavikāya kahāpaṇasahasameva hoti. Tassa suñisā sabbālaṅkārapaṭimaṇḍitā catudonikaṃ vīhipītaṃ ādāya āsane nisinnā “bījabhattena atthikā āgacchantū”ti ghosāpetvā āgatāgatānaṃ gahitabhājanāni pūretvā deti, piṭakaṃ yathāpūritameva hoti. Tassa dāso sabbālaṅkārapaṭimaṇḍito suvaṇṇayuge suvaṇṇayottehi goṇe yojetvā suvaṇṇapatodayaṭṭhiṃ ādāya goṇānaṃ gandhapañcaṅgulikāni datvā visāṇesu suvaṇṇakosake paṭimuñcitvā khettaṃ gantvā pājeti, ito tisso, ito tisso, majjhe ekāti satta sītāyo bhijjitvā gacchanti. Jambudīpavāsino bhattabījahiraññasuvaṇṇādīsu yathāruccitaṃ seṭṭhigehatoyeva gaṇhiṃsu. Anukkamena pana bhaddiyanagaraṃ anuppatte bhagavati bhagavato dhammadesanāya pañca mahāpuññā ca dhanañcayaseṭṭhissa dhītā visākhā ca sotāpattiphalaṃ pāpuṇiṃsu. Ayaṃ pana nesaṃ pañcannaṃ mahāpuññānaṃ puññavato iddhi. Saṅkhepena pana paripākagate puññasambhāre ijjanakaviseso puññavato iddhi.

Vijjāmayiddhiniddese ijjanākāraṃ gandhārivijjaṃ vā upacārasiddhaṃ patthitasiddhaṃ aññaṃ vā vijjaṃ dhārentīti **vijjādhara**. **Vijjaṃ pariappetvā**ti yathopacāraṃ vijjaṃ mukhena parivattetvā. Sesāṃ vuttatthamevāti.

Sammāpayogiddhiniddese ijjanākāramattaṃ pucchitvā aññassa visesassa abhāvato “katamā”ti apucchitvā pakāramattameva pucchanta “katha”nti pucchā katā, tatheva “eva”nti nigamaṃ katamā. Ettha ca paṭipattisāṅkhātasveva sammāpayogassa dīpanavasena purimāpāḷisadisāva pāḷi āgatā. Aṭṭhakathāyaṃ pana sakaṭabyūhādikaraṇavasena yaṃkiñci saṃvidhanaṃ yaṃkiñci sippakammaṃ yaṃkiñci vejjakammaṃ tiṇṇaṃ vedānaṃ uggahaṇaṃ tiṇṇaṃ piṭakānaṃ uggahaṇaṃ, antamaso kasanavapanādīni upādāya taṃ taṃ kammaṃ katvā nibbattaviseso **tattha tattha sammāpayogapaccayā ijjanatṭhena iddhī**ti āgatāti.

Iddhikathāvaṇṇanā niṭṭhitā.

3. Abhisamayakathā

Abhisamayakathāvaṇṇanā

Iḍḍhi iddhikathānantaraṃ paramiddhibhūtaṃ abhisamayaṃ dassentena kathitāya abhisamayakathāya apubbatthānuvaṇṇanā. Tattha **abhisamayoti** saccānaṃ abhimukhena samāgamo, paṭivedhoti attho. **Kena abhisametī**ti kiṃ vuttaṃ hoti? “Evaṃ mahatthiyo kho, bhikkhave, dhammābhisamayo”tiādīsu (saṃ. ni. 2.74) suttapadesu yo so abhisamayoti vutto, tasmim abhisamaye vattamāne abhisametā puggalo kena dhammena saccāni abhisameti, abhimukho hutvā samāgacchati, paṭivijjatīti vuttaṃ hotīti. Ayaṃ tāva codakassa pucchā. **Cittena abhisametī**ti cittaṃ vinā abhisamayābhāvato tathā vissajjanaṃ. **Hañcī**tiādi puna codanā. **Hañci** yadīti attho. “Cittenā”ti vuttattā **tena hi aññāṇī abhisametī**ti āha. **Na aññāṇī abhisametī**ti cittamatteneva abhisamayābhāvato paṭikkhepo. **Ñāṇena abhisametī**ti paṭiññā. Puna **hañcī**tiādi “ñāṇenā”ti vuttattā aññāṇī **acittakoti** codanā. **Na acittako abhisametī**ti acittakassa abhisamayābhāvato paṭikkhepo. **Cittena cā**tiādi paṭiññā. Puna **hañcī**tiādi sabbacittāññasādhāraṇavasena codanā. Sesacodanāvissajjanesu eeva nayo.

Parato pana **kammassakatacittena ca ñāṇena cā**ti kammassakā sattāti evaṃ kammassakatāya

pavattacittena ca ñāṇena ca. **Saccānulomikacittena ca ñāṇena cāti** saccapaṭivedhassa anukūlattā saccānulomikasāṅkhātena vipassanāsampayuttacittena ca vipassanāñāṇena ca. **Kathanti** yathā abhisamayo hoti, tathā kathetukamyatā pucchā. **Uppādādhīpateyyanti** yasmā cittassa uppāde asati cetasikānaṃ uppādo natthi. Ārammaṇaggahaṇāñhi cittaṃ tena saha uppajjamānā cetasikā kathaṃ ārammaṇe aggahite uppajjissanti. Abhidhammepi cittuppādeneva cetasikā vibhattā, tasmā maggañāṇassa uppāde adhipatibhūtaṃ cittanti attho. **Ñāṇassāti** maggañāṇassa. **Hetu paccayo cāti** janako ca upatthambhako ca. **Tamsampayuttanti** tena ñāṇena sampayuttaṃ. **Nirodhagocaranti** nibbānārammaṇaṃ. **Dassanādhīpateyyanti** sesānaṃ dassanakiccābhāvā nibbānadassane adhipatibhūtaṃ. **Cittassāti** maggasampayuttacittassa. **Tamsampayuttanti** tena cittena sampayuttaṃ.

20asmā etampi pariyāyaṃ, na kevalaṃ cittañāṇehiyeva abhisamayo, atha kho sabbepi maggasampayuttacittacetāsikā dhammā saccābhisamayakiccāsādhana vasena abhisamayo nāma honti, tasmā tampi pariyāyaṃ dassetukāmo **kiṃ nu ettakoyeva abhisamayoti** pucchitvā **na hīti** taṃ vacanaṃ paṭikkhipitvā **lokuttaramaggakkhaṇeti**ādīmāha. **Dassanābhisamayoti** dassanabhūto abhisamayo. Esa nayo sesesupi. **Saccāti** saccañāṇāni. Maggañāṇameva nibbānānupassanaṭṭhena **vipassanā**. **Vimokkhoti** maggavimokkho. **Vijjāti** maggañāṇameva. **Vimuttīti** samuccheda vimutti. Nibbānaṃ abhisamīyatīti **abhisamayo**, sesā abhisamenti etehīti **abhisamaya**.

21na maggaphalavasena abhisamayaṃ bhinditvā dassetuṃ **kiṃ nūti**ādīmāha. Phalakkhaṇe panettha yasmā samucchedaṇaṭṭhena khaye ñāṇaṃ na labbhati, tasmā paṭippassaddhaṭṭhena **anuppāde ñāṇanti** vuttaṃ. Sesamā pana yathānurūpaṃ veditabbanti. Idāni yasmā kilesappahāne sati abhisamayo hoti, abhisamaye ca sati kilesappahānaṃ hoti, tasmā codanāpubbaṅgamaṃ kilesappahānaṃ dassetukāmo **yvāyanti**ādīmāha. Tattha **yvāyanti** yo ayaṃ maggaṭṭho ariyapuggalo. Evamādikāni panettha cattāri vacanāni codakassa pucchā. Puna **atīte kilese pajahatīti** idaṃ codanāya okāsādānaṭṭhaṃ vissajjanaṃ. **Khīṇanti** bhaṅgavasena khīṇaṃ. **Niruddhanti** santānavasena punappunaṃ anuppattiyā niruddhaṃ. **Vigatanti** vattamānakkhaṇato apagataṃ. **Vigametīti** apagamayati. **Atthaṅgatanti** abhāvaṃ gataṃ. **Atthaṅgametīti** abhāvaṃ gamayati. Tattha dosaṃ dassetvā **na atīte kilese pajahatīti** paṭikkhittaṃ. Anāgatacodanāya **ajātanti** jātiṃ appattaṃ. **Anibbattanti** sabhāvaṃ appattaṃ. **Anuppannanti** uppādato pabhūti uddhaṃ na paṭipannaṃ. **Apātubhūṭanti** paccuppannabhāvena cittassa apātubhūtaṃ. Atītānāgate pajahato pahātabbānaṃ natthitāya aphalo vāyāmo āpajjatīti tadubhayampi paṭikkhittaṃ. **Ratto rāgaṃ pajahatīti** vattamānena rāgena ratto tameva rāgaṃ pajahati. Vattamānakilesesupi eseva nayo. **Thāmagatoti** thirasabhāvaṃ gato. **Kaṇhasukkāti** akusalā ca kusalā ca dhammā **yuganaddhā samameva vattantīti** āpajjatīti attho. **Samkilesikāti** evaṃ saṃkilesānaṃ sampayuttabhāve sati saṃkilese niyuttā **maggabhāvanā hotīti** āpajjatīti attho. Evaṃ paccuppanne pajahato vāyāmena saddhiṃ pahātabbānaṃ atthitāya saṃkilesikā ca maggabhāvanā hoti, vāyāmo ca aphalo hoti. Na hi paccuppannānaṃ kilesānaṃ cittavippayuttatā nāma atthīti.

Na hīti catudhā vuttassa vacanassa paṭikkhepo. **Atthīti** paṭijānaṃ. **Yathā kathaṃ viyāti** atthibhāvassa udāharaṇadassanaṭṭhaṃ pucchā. Yathā atthi, taṃ kena pakārena viya atthi, kiṃ viya atthīti attho. **Seyyathāpīti** yathā nāma. **Taruṇarukkhoti** phaladāyakabhāvadīpanatthaṃ taruṇaggahaṇaṃ. **Ajātaphaloti** phaladāyakattepi sati phalaggahaṇato purekālaggahaṇaṃ. **Tamenanti** taṃ rukkhaṃ. **Enanti** nipātamattaṃ, taṃ etanti vā attho. **Mūlaṃ chindeyyāti** mūlato chindeyya. **Ajātaphalāti** ajātāni phalāni. **Evamevanti** evaṃ evaṃ. **Uppādo pavattaṃ nimittaṃ āyūhanāti** catūhipi paccuppannakhandhasantānameva vuttaṃ. Yasmiñhi khandhasantāne yaṃ yaṃ maggañāṇaṃ uppajjati, tena tena maggañāṇena pahātabbānaṃ kilesānaṃ taṃ khandhasantānaṃ abījaṃ hoti, tassa abījabhūtatā tappaccayā te te kilesā anuppannā eva na uppajjanti. **Ādīnavaṃ disvāti** aniccādito ādīnavaṃ disvā. **Anuppādōti**ādīhi catūhi nibbānameva vuttaṃ. **Cittaṃ pakkhandatīti** maggasampayuttaṃ cittaṃ pakkhandati. **Hetunirodhā dukkhanirodhoti** kilesānaṃ bījabhūṭassa santānassa anuppādanirodhā anāgatakkhandhabhūṭassa dukkhassa hetubhūṭanaṃ kilesānaṃ anuppādanirodho hoti. Evaṃ dukkhassa hetubhūtakilesānaṃ anuppādanirodhā dukkhassa anuppādanirodho hoti. Evaṃ kilesappahānaṃ yuttisabbhāvato eva **atthi maggabhāvanāti**ādīmāha. Aṭṭhakathāyaṃ (visuddhi. 2.832) pana “etena kiṃ dīpitaṃ hoti? Bhūmiladdhānaṃ kilesānaṃ pahānaṃ dīpitaṃ hoti. Bhūmiladdhā pana kiṃ atītā

anāgatā, udāhu paccuppannāti? Bhūmiladdhuppannāyeva nāmā''ti vatvā kathitakilesappahānassa vitthārakathā sutamayaññakathāya maggasaccaniddesavaññanāyaṃ vuttanayeneva veditabbā, idha pana maggaññena pahātabbā kilesāyeva adhippetāti.

Abhisamayakathāvaññanā niṭṭhitā.

4. Vivekakathā

Vivekakathāvaññanā

22. Idāni pahānāvasānāya abhisamayakathāya anantaraṃ pahānākāraṃ dassentena kathitāya suttantapubbaṅgamāya vivekakathāya apubbatthānuvaññanā. Tattha suttante tāva **ye kecīti** anavaśesapariyādānaṃ. **Balakaraṇiyāti** ūrubalena bāhubalena kattabbā. **Kammantāti** dhāvanalaṅghanakasanavapanādīni kammāni. **Kariyantīti** balavantehi kariyanti. **Silaṃ nissāyāti** catupārisuddhisīlaṃ nissayaṃ katvā. **Bhāvetīti** bhinnasīlassa bhāvanābhāvato idha pana lokiya lokuttarā maggabhāvanā adhippetāti. **Vivekanissitanti** tadaṅgavivekaṃ samuccheda vivekaṃ nissaraṇavivekaṃ nissitaṃ. **Vivekoti** vivittatā. Ayañhi ariyamaggabhāvanānuyutto yogī vipassanākkhaṇe kiccato tadaṅgavivekanissitaṃ, ajjhāsayaṇo nissaraṇavivekanissitaṃ, maggakkhaṇe kiccato samuccheda vivekanissitaṃ, ārammaṇato nissaraṇavivekanissitaṃ bhāveti. Esa nayo **virāganissitādīsu**. Vivekoyeva hi virajjanaṭṭhena virāgo, nirodhaṭṭhena nirodho, vosajjanaṭṭhena vosaggo. Atha vā kilesehi vivittatā viveko, kilesehi virattatā virāgo, kilesānaṃ niruddhattā nirodho, kilesānañca pariccattatā viṣaṭṭhattā, nibbānecattassa ca viṣaṭṭhattā vosaggo. Vosaggo pana duvidho pariccāgavosaggo ca pakkhandanavosaggo ca. Tattha **pariccāgavosaggoti** vipassanākkhaṇe tadaṅgavasena, maggakkhaṇe samuccheda vasena kilesappahānaṃ. **Pakkhandanavosaggoti** vipassanākkhaṇe tanninnabhāvena, maggakkhaṇe ārammaṇakaraṇena nibbānapakkhandanaṃ. Tadubhayampi imasmiṃ lokiya lokuttaramissake atthavaññanānaye vaṭṭati. Tathā hi ayaṃ sammādiṭṭhiādīsu ekeko dhammo yathāvuttana pakārena kilese ca pariccajati, nibbānañca pakkhandati. **Vosaggapariṇāmiti** iminā pana sakalena vacanena vosaggatthaṃ pariṇāmitaṃ pariṇataṃ, paripaccitaṃ paripakkañcāti vuttaṃ hoti. Ayampi ariyamaggabhāvanānuyutto bhikkhu yathā sammādiṭṭhiādīsu ekeko dhammo kilesapariṇāmitavosaggatthañca nibbānapakkhandanavosaggatthañca paripaccati, yathā ca paripakko hoti, tathā naṃ bhāveti.

23. **Bījagāmbhūtagāmāti** ettha mūlabījaṃ khandhabījaṃ aggabījaṃ phaḷubījaṃ bījabījanti (pāci. 91) pañcavidhaṃ bījaṃ, bījagāmo nāma bījasamūhoti attho. Tadeva pana sampannanīlaṅkurapātubhāvato paṭṭhāya bhūtagāmo nāma, bhūtānaṃ jātānaṃ nibbattamūlanīlaṅkurānaṃ samūhoti attho. Devatāpariggahe sati nīlaṅkurakālato pabhuti hotīti tesam devatāsankhātānaṃ bhūtānaṃ gāmotipi bhūtagāmoti vadanti. **Vuddhinti** ankurādivasena. **Viruḷhinti** khandhādivasena. **Vepullanti** pupphādivasena. Dhammesu pana **vuddhinti** apubbadhammappavattivasena. **Viruḷhinti** sakiccakaraṇasādhana vasena. **Vepullanti** kiccanipphattivasena vipulabhāvanti attho. Vipulattanti pi pāṭho. Atha vā etāni tīṇi padāni sīlasamādhipaññāhipi yojenti.

Maggaṅganiddesavaññanā

24. Suttantaniddese **sammādiṭṭhiyāti** sāmivacanaṃ. Jhānavipassanāmaggaṅgaphalanibbānesu lokiya viratisampayuttacitte ca yathāyogaṃ sampayogato ca ārammaṇato ca vattamānāya sammādiṭṭhiyā sāmāññalakkhaṇato ekībhūtāya sammādiṭṭhiyā. **Vikkhambhanavivekoti** vikkhambhanavasena dūrīkaraṇavasena viveko. Kesam? Nīvaraṇānaṃ. Tassa **paṭhamaṃ jhānaṃ bhāvayatoti** ādi vikkhambhanavasena paṭhamajjhānameva vuttaṃ. Tasmīṃ vutte sesajjhānānipi vuttāneva honti. Jhānesupi sammādiṭṭhiyā vijjānāntā sammādiṭṭhiyā viveko nāma hoti. **Tadaṅgavivekoti** tena tena vipassanāññāṅgena viveko. **Diṭṭhigatānanti** diṭṭhivivekassa dukkarattā padhānattā ca diṭṭhivivekova vutto. Tasmīṃ vutte niccasaññādivivekopi vuttova hoti. **Nibbedhabhāgiyaṃ samādhinti**

vipassanāsampayuttasamādhim. **Samucchedavivekoti** kilesānaṃ samucchedena viveko. **Lokuttaraṃ khayagāmiṃ** magganti khayasaṅkhātaniḥḥānāgāmilokuttaramaggaṃ. **Paṭippassaddhivivekoti** kilesānaṃ paṭippassaddhiyā viveko. **Nissaraṇavivekoti** sabbasaṅkhatanissaraṇabhūto saṅkhāraviveko. **Chandajāto hotīti** pubbhāge jātadhammachando hoti. **Saddhādhimuttoti** pubbhāgeyeva saddhāya adhimutto hoti. **Cittañcassa svādhiṭṭhitanti** pubbhāgeyeva cittañca assa yogissa suadhiṭṭhitam suṭṭhu paṭiṭṭhitam hoti. Iti chando saddhā cittaṃti ime tayo dhammā pubbhāge uppannavivekānaṃ upanissayattā nissayā nāma. Keci pana “cittañcassa svādhiṭṭhitanti samādhī vutto”ti vadanti. **Virāgādīsūpi** eseva nayo.

Nirodhavāre pana nirodhasaddato aññaṃ pariyāyavacanaṃ dassentena **amatā dhātūti** vuttaṃ, sesesu **nirodho nibbānanti** ubhayatthāpi nibbānameva. **Dvādasa nissayāti** chandasaddhācittāniyeva vivekādisū catūsū ekekasmim tayo tayo katvā dvādasa nissayā honti.

25. Sammāsaṅkappavāyāmasatisamādhīnampi imināva nayena atthayojanā veditabbā. Sammāvācākamantā jīvānaṃ pana jhānakkhaṇe vipassanākkhaṇe ca abhāvā jhānavipassanānaṃ pubbhāgaparabhāgavasena vattamānā viratiyo jhānavipassanā sannissitā katvā vuttāti veditabbam. Nīvaraṇānaṃ diṭṭhigatānañca vivekavirāganīrodhapaṭinissaggā tathā pavattamānānaṃ viratīnaṃ vivekādayo nāmāti veditabbam. Yathā aṭṭhakanipāte “tato, tvaṃ bhikkhu, imaṃ samādhim savitakkam savicāraṃpi bhāveyyāsi, avitakkavicāramattampi bhāveyyāsi, avitakkam avicāraṃpi bhāveyyāsi, sappītikampi bhāveyyāsi, nippītikampi bhāveyyāsi, sātasaḥagatampi bhāveyyāsi, upekkhāsahagatampi bhāveyyāsi”ti (a. ni. 8.63) mettādayo kāyānupassanādayo ca niyakajjhāttamūlasamādhivasena catukkapañcakajjhānikā viya vuttā, evamidhāpi pubbhāgaparabhāgavasena viratiyo vuttāti veditabbam. Byañjanacchāyamattaṃ gahetvā na bhagavā abbhācikkhitabbo. Gambhīrañhi buddhavacanaṃ, ācariye payirupāsītva adhippāyato gahetabbam.

26-27. Bojjhaṅgabalaindriyavāresūpi imināva nayena attho veditabboti.

Vivekakathāvaṇṇanā niṭṭhitā.

5. Cariyākathā

Cariyākathāvaṇṇanā

28-29. Idāni vivekakathānantaraṃ paramavivekabhūtassa nissaraṇavivekasaṅkhātassa nibbānassa sacchikaraṇīyassa sacchikiriyaṃpāyadassanattaṃ, tathā sacchikatanīrodhassa lokahitasukhākiriyaṃkaraṇadassanattañca indriyakathāya niddiṭṭhāpi cariyākathā puna kathitā. Tassā atthavaṇṇanā indriyakathāya kathitāyevāti.

Cariyākathāvaṇṇanā niṭṭhitā.

6. Pāṭihāriyakathā

Pāṭihāriyakathāvaṇṇanā

30. Idāni lokatthacariyāpariyosānāya cariyākathāya anantaraṃ lokatthānusāsanapariyosānaṃ pāṭihāriyaṃ dassentena kathitāya suttantapubbaṅgamāya pāṭihāriyakathāya apubbatthānuvaṇṇanā. Tattha suttante tāva **pāṭihāriyānīti** paccanīkapaṭiharaṇavasena pāṭihāriyāni. **Iddhipāṭihāriyanti** ijjhanavasena iddhi, paṭiharaṇavasena pāṭihāriyaṃ, iddhiyeva pāṭihāriyaṃ iddhipāṭihāriyaṃ. Itaresu pana ādissanavasena **ādesanaṃ**, anusāsanavasena **anusāsani**. Sesam vuttanayameva.

Idhāti imasmim loke. **Ekaccoti** eko poso. Iddhipāṭihāriyaniddeso heṭṭhā vuttatthoyeva. **Nimittena**

ādisatīti āgatanimittena vā gatanimittena vā ṭhitanimittena vā katheti. **Evampi te manoti** evampi tava mano somanassito vā domanassito vā kāmavitakkādisampayutto vā. Api-saddo sampiṇḍanatto. **Itthampi te manoti** somanassitādito ekekavidhepi citte nānappakāraparidīpanaṃ. **Itipi te cittanti** itipi tava cittaṃ, imaṅca imaṅca atthaṃ cintayamānaṃ pavattatīti attho. **Bahuṃ cepi ādisatīti** cittato aññaṃ vā idaṅca idaṅca nāma ahosi bhavati bhavissatīti bahukampi katheti. **Tatheva taṃ hoti, no aññathāti** taṃ sabbampi yathā yathā kathitaṃ, tatheva hoti, aññathā na hoti.

Na heva kho nimittena ādisatīti nimittaṃ jānantopi kevalaṃ nimitteneva na katheti. **Apicāti** aparapariyāyadassanaṃ. **Manussānanti** cittaṃ jānanakamanussānaṃ. **Amanussānanti** sāvitānaṃ vā assāvitānaṃ vā yakkhapīśācādīnaṃ. **Devatānanti** cātumahārājikādīnaṃ. **Saddaṃ sutvāti** aññaṃ cittaṃ ṇatvā kathentānaṃ saddaṃ suṇitvā. **Panāti** nipāto puna ārambhe. **Vitakkayatoti** yaṃ vā taṃ vā vitakkena vitakkentassa. **Vicārayatoti** vitakkasampayutteneva vicārena vicārentassa. **Vitakkavippahārasaddaṃ sutvāti** vitakkavegavasena uppannaṃ vippalapanānaṃ suttappamattādīnaṃ kūjanasaddaṃ sutvā. Yaṃ vitakkayato so saddo uppanno, tassa vasena “evampi te mano” tiādīni ādisati.

Avitakkaṃ avicāraṃ samādhinti vitakkavicāraṃ bhavirahitasantacittassāpi jānanasamatthataṃ dassentena vuttaṃ, sesacittajānane pana vattabbameva natthi. **Cetasā ceto paricca pajānātīti** cetopariyāññalābhī. **Bhototi** bhavantassa. **Manosaṅkhārā paṇihitāti** cittasaṅkhārā ṭhapitā. **Amukaṃ nāma vitakkaṃ vitakkayissatīti** kusalādivitakkaṃ vitakkayissati pavattayissatīti pajānāti. Pajānanto ca āgamanena jānāti, pubbhāgena jānāti, antosamāpattiyaṃ cittaṃ oloketvā jānāti. **Āgamanena jānāti** nāma kaṣiṇaparikkammaṃ kāleyeva “yenākāreṇesa kaṣiṇabhāvanaṃ āradhho paṭhamajjhānaṃ vā dutiyādiṃjhānaṃ vā aṭṭha samāpattiyo vā uppādessatī” ti jānāti. **Pubbabhāgena jānāti** nāma paṭhamavipassanāya āradhāya evaṃ jānāti, “yenākāreṇesa vipassanaṃ āradhho sotāpattimaggaṃ vā uppādessati...pe... arahattamaggaṃ vā uppādessati” ti jānāti. **Antosamāpattiyaṃ cittaṃ oloketvā jānāti** nāma “yenākāreṇesa imassa manosaṅkhārā ṭhapitā, imassa nāma cittaṃ anantarā imaṃ nāma vitakkaṃ vitakkessati, ito vuṭṭhitassa etassa hānabhāgiyo vā samādhī bhavissati, ṭhītibhāgiyo vā visesabhāgiyo vā nibbedhabhāgiyo vā, abhiññāyo vā uppādessatī” ti jānāti. **Bahuṃ cepi ādisatīti** cetopariyāññaṃ cittaṃ cetasaṅkārānaṃ vā ārammaṇakaraṇato sarāgādisoḷasapabhedavaseneva bahuṃ cepi katheti, na aññavasenāti vedītabbaṃ. **Tatheva taṃ hotīti** idaṃ ekaṃsena tatheva hoti. Cetopariyāññavasena ñātañhi aññathābhāvī nāma natthi.

Evaṃ vitakkethāti evaṃ nekkhammavitakkādayo pavattentā vitakketha. **Mā evaṃ vitakkayitthāti** evaṃ kāmavitakkādayo pavattentā mā vitakkayittha. **Evaṃ manasi karoṭhāti** evaṃ aniccaaññaṃ eva, dukkhasaññādisu vā aññataraṃ manasi karoṭha. **Mā evaṃ manasakatthāti** evaṃ nīcantiādīnā nayena mā manasi akattha. **Idaṃ pajahathāti** idaṃ pañcakāmaguṇārāgādiṃ pajahatha. **Idaṃ upasampajja viharathāti** idaṃ catumaggaphalappabhedāṃ lokuttaradhammeva pāpuṇitvā nipphādetvā viharatha.

31. Idāni iddhipāṭihāriye aparaṃ pariyāyaṃ visesena dassento **nekkhammaṃ ijjhatīti iddhīti** ādimāha. Tattha **kāmacchandaṃ paṭiharatīti** attano paṭipakkhabhūtaṃ kāmacchandaṃ paṭibalaṃ hutvā harati pajahatīti tadeva nekkhammaṃ paṭihāriyaṃ nāmāti attho. **Ye tena nekkhammena samannāgatāti** evaṃ kāmacchandapaṭihāraṇena tena nekkhammena ye puggalā paṭilābhavasena samannāgatā. **Visuddhacittāti** kāmacchandaṃ bhāvato visuddhacittā. **Anāvilasaṅkappāti** kāmasaṅkappena anālulitanekkhammasaṅkappā. **Iti ādesanāpāṭihāriyanti** paracittakusalena vā aññena vā sammāsambuddhena vā buddhasāvakehi vā evaṃ ādesanā paṭihāriyanti attho. Atha vā iti evaṃ ādisanaṃ ādesanāpāṭihāriyanti ādesanasaddo pāṭhasesaṃ katvā payujjitabbo. **Evaṃ āsevītabbanti** iminā ca pakāreṇa iminā ca pakāreṇa ādito sevītabbaṃ. Sesattayepi eseṇa nayo. **Tadanudhammatā sati upaṭṭhapetabbāti** tassa nekkhammassa anukūlabhūtā sati bhusaṃ ṭhapetabbā. **Iti anusāsanīpāṭihāriyanti** ettha ādesanāpāṭihāriyayojanāya viya yojanā kātabbā. Abyāpādādisupī eseṇa nayo. Pāṭho pana jhānādīni saṅkhipitvā ante arahattamaggaṃ evaṃ dassetvā likhito. Tattha catūsūpī maggesu “evaṃ āsevītabbo” tiādi ekacittakkhaṇīkattā maggassa pubbhāgavasena vuttanti vedītabbaṃ. Maggassa hi pubbhāgabhūtāya lokiyamaggasaṅkhātāya vuṭṭhānagāminiyā vipassanāya magguppādanatthaṃ āsevanādisu katesu tāya uppanno maggopi āsevito bhāvito bahulīkato nāma hotīti vedītabbaṃ. Sabbatthikavādācariyā pana

“ekekamaggo soḷasakkhaṇiko”ti vadanti. Tadanudhammatāsatiupaṭṭhāpanaṃ pana pubbabhāge yujjatiyevāti.

32. Puna **nekkhammaṃ ijjhātīti iddhīti**ādīni “iddhipāṭihāriya”ntipadassa kammadhārayasamāsattadīpanatthaṃ vuttāni. Suttante vuttasu tīsu iddhipāṭihāriyasessa samāsatte vutte sesānaṃ dvinnampi vuttova hotīti imasmiṃ pariyāye mūlabhūtaṃ iddhipāṭihāriyasessa samāsatto vuttoti vedītabbanti.

Pāṭihāriyakathāvaṇṇanā niṭṭhitā.

7. Samasīsakathā

Samasīsakathāvaṇṇanā

33. Idāni pāṭihāriyakathānantaraṃ ādipāṭihāriyabhūtaṃ iddhipāṭihāriyasāṅgahitassa samasīsibhāvassa iddhipāṭihāriyabhāvadīpanatthaṃ ñāṇakathāya niddiṭṭhāpi samasīsakathā iddhipāṭihāriyasambandhena puna kathitā. Tassā atthavaṇṇanā tattha kathitāyevāti.

Samasīsakathāvaṇṇanā niṭṭhitā.

8. Satipaṭṭhānakathā

Satipaṭṭhānakathāvaṇṇanā

34. Idāni samasīsakathānantaraṃ attanā vuttassa iddhipāṭihāriyassa sādhaṃ satta anupassanāvisese dassentena kathitāya suttantapubbaṅgamāya satipaṭṭhānakathāya apubbattānuvaṇṇanā. Tattha suttante tāva **cattāro**ti gaṇanaparicchedo, tena na tato heṭṭhā, na uddhanti satipaṭṭhānaparicchedaṃ dīpeti. **Imeti** niddisītabbanidassanaṃ. **Bhikkhavi**ti dhammapaṭiggāhakaṃ puggalālapanaṃ. **Satipaṭṭhānā**ti tayo satipaṭṭhānā satigocaropi, tidhā paṭipannesu sāvakesu satthuno paṭighānūnāvītivattatāpi, satipi. “Catunnaṃ, bhikkhave, satipaṭṭhānaṃ samudayaṅca atthaṅgamaṅca desessāmi”tiādīsu (saṃ. ni. 5.408) hi satigocarō “satipaṭṭhāna”nti vutto. Tassattho – paṭiṭṭhāti tasminti paṭṭhānaṃ. Kā paṭiṭṭhāti? Sati. Satiyā paṭṭhānaṃ satipaṭṭhānanti.

“Tayo satipaṭṭhānā yadariyo sevati, yadariyo sevamāno satthā gaṇamanusāsītumarahatī”ti (ma. ni. 3.304, 311) ettha tidhā paṭipannesu sāvakesu satthuno paṭighānūnāvītivattatā “satipaṭṭhāna”nti vuttā. Tassattho – paṭṭhapetabbato paṭṭhānaṃ, pavattayitabbatoti attho. Kena paṭṭhapetabbatoti? Satiyā. Satiyā paṭṭhānaṃ satipaṭṭhānanti. “Cattāro satipaṭṭhānā bhāvītā bahulīkatā satta bojjhaṅge paripūrentī”tiādīsu (ma. ni. 3.147) pana satiyeva “satipaṭṭhāna”nti vuttā. Tassattho – paṭiṭṭhātīti paṭṭhānaṃ, upaṭṭhāti okkanditvā pakkhanditvā vattatīti attho. Satiyeva paṭṭhānaṃ satipaṭṭhānaṃ. Atha vā saraṇaṭṭhena sati, upaṭṭhānaṭṭhena upaṭṭhānaṃ. Iti sati ca sā upaṭṭhānaṅcātīpi satipaṭṭhānaṃ. Idamidha adhippetamaṃ. Yadi evamaṃ kasmā satipaṭṭhānāti bahuvacanaṃ katanti? Satibahuttā. Ārammaṇabhedenā hi bahukā tā satiyoti.

Katame cattāroti kathetukamyatāpucchā. **Idhāti** imasmiṃ sāsane. **Bhikkhū**ti saṃsāre bhayaṃ ikkhatīti bhikkhu. Sesapadānaṃ atthavaṇṇanā panettha sutamayaṅñāṇakathāya maggasaccaniddesaṇṇanāyaṃ vuttāyevāti.

Kasmā pana bhagavatā cattārova satipaṭṭhānā vuttā anūnā anadhikāti? Veneyyāhitattā. Taṇhācaritadīṭṭhacaritasamathayānikavipassanāyānikesu hi mandatikkhavasena dvedhā dvedhā pavattesu mandassa taṇhācaritassa oḷārikaṃ kāyānupassanāsatiipaṭṭhānaṃ visuddhimaggo, tikkhassa sukhumāṃ vedanānupassanāsatiipaṭṭhānaṃ. Dīṭṭhacaritassāpi mandassa nātippabhedagataṃ cittānupassanāsatiipaṭṭhānaṃ visuddhimaggo, tikkhassa atippabhedagataṃ

dhammānupassanāsatiṭṭhānaṃ. Samathayānikassa ca mandassa akicchena adhigantabbanimittaṃ paṭhamam satipaṭṭhānaṃ visuddhimaggo, tikkhassa oḷārikārammaṇe asaṅghahanato dutiyaṃ. Vipassanāyānikassapi mandassa nātipphabhedagatārammaṇam tatiyaṃ, tikkhassa atippabhedagatārammaṇam catuttham. Iti cattārova vuttā anūnā anadhikāti.

Subhasukhaniccaattavipallāsappahānattham vā. Kāyo hi asubho, tattha ca subhavipallāsavipallatthā sattā. Tesam tattha asubhabhāvadassanena tassa vipallāsassa pahānattham paṭhamam satipaṭṭhānaṃ vuttam. Sukham niccam attāti gahitesupi ca vedanādīsu vedanā dukkhā, cittaṃ aniccam, dhammā anattā, tesu ca sukhaniccaattavipallāsavipallatthā sattā. Tesam tattha dukkhādibhāvadassanena tesam vipallāsānaṃ pahānattham sesāni tīṇi vuttānīti evam subhasukhaniccaattavipallāsappahānattham vā cattārova vuttā. Na kevalaṅca vipallāsappahānatthameva, caturoghayogāsavaganthaupādānaagatippahānatthampi catubbidhāhārapariññatthampi cattārova vuttāti veditabbam.

35. (Ka) suttantāniddese **pathavīkāyanti** imasmim rūpakāye pathavīdhātu. Sakalasarīre pana pathavīdhātūnaṃ bahukattā sabbapathavīdhātusaṅghattham samūhatthena kāyaggahaṇam kataṃ. **Āpokāyādīsu**pi eseva nayo. **Kesakāyādīnaṃ**pi bahukattā kesakāyādīgahaṇam kataṃ. **Vakkādīni** pana paricchinnattā kāyaggahaṇam nārahantīti tesam gahaṇam na katanti veditabbam.

(Kha) **sukham vedananti**ādīsu **sukham vedananti** kāyikaṃ vā cetasiṅgaṃ vā sukham vedanaṃ. Tathā **dukkham vedanaṃ**. **Adukkhamasukham vedananti** pana cetasikameva upekkhāvedanaṃ. **Sāmisam sukham vedananti** cha gehasitasomanassavedanā. **Nirāmisam sukham vedananti** cha nekkhammasitasomanassavedanā. **Sāmisam dukkham vedananti** cha gehasitadomanassavedanā. **Nirāmisam dukkham vedananti** cha nekkhammasitadomanassavedanā. **Sāmisam adukkhamasukham vedananti** cha gehasitaupekkhāvedanā. **Nirāmisam adukkhamasukham vedananti** cha nekkhammasitaupekkhāvedanā.

(Ga) **sarāgam cittanti**ādīni nāṇakathāyaṃ vuttatthāni.

(Gha) **tadvasese dhammeti** tehi kāyavedanācettehi avasese tebhūmakadhamme. Sabbattha **tena nāṇenāti** tena sattavidhena anupassanāñāṇena. Yāni panettha antarantarā avuttatthāni, tāni heṭṭhā tattha tattha vuttatthānevāti.

Satipaṭṭhānakathāvaṇṇanā niṭṭhitā.

9. Vipassanākathā

Vipassanākathāvaṇṇanā

36. Idāni vipassanāpaṭisaṃyuttāya satipaṭṭhānakathāya anantaram vipassanāpabhedam dassentena kathitāya suttantapubbaṅgamāya vipassanākathāya apubbatthānuvaṇṇanā. Tattha suttante tāva **soṭi** sabbanāmattā yo vā so vā sabbopi saṅghahito hoti. **Vatāti** ekamsatthe nipāto. **Kaṅci saṅkhāranti** appamattakampi saṅkhāram. **Anulomikāya khantiyāti** ettha vipassanāñāṇameva lokuttaramaggaṃ anulometīti anulomikaṃ, tadeva khantimapekkhitvā anulomikā. Sabbasaṅkhārā tassa aniccato dukkhato anattato khamanti ruccantīti khanti. Sā mudukā majjhimā tikkhāti tividhā. Kalāpasammasanādikā udayabbayañāṇapariyosānā mudukānulomikā khanti. Bhaṅgānupassanādikā saṅkhārupekkhāñāṇapariyosānā majjhimanulomikā khanti. Anulomañāṇam tikkhānulomikā khanti. **Samannāgatoti** upeto. **Netam thānam vijjati**ti yathāvuttam etaṃ thānam etaṃ kāraṇam na vijjati. **Sammattaniyāmanti** ettha “hitasukhāvaho me bhavissati”ti evam āsīto tatheva sambhavato asubhādīsu ca asubhantiādiaviparītappavattisabbhāvato ca sammā sabhāvoti sammatto, anantaraphaladānāya arahattupattiyā ca niyāmahūtattā niyāmo, nicchayoti attho. Sammatto ca so niyāmo cāti

sammattaniyāmo. Ko so? Lokuttaramaggo, visesato pana sotāpattimaggo. Tena hi magganiyāmena niyatattā ‘‘niyato sambodhiparāyaṇo’’ti (pārā. 21; dī. ni. 1.373) vuttaṃ. Taṃ sammattaniyāmaṃ okkamissati pavisissatīti etaṃ aṭṭhānanti attho. Gotrabhuno pana maggassa āvajjanaṭṭhāniyattā taṃ anādiyitvā anulomikakhantiyā anantaraṃ sammattaniyāmokkamaṃ vuttanti vedītabbaṃ. Atha vā aṭṭhārasasu mahāvīpassanāsu gotrabhu vivaṭṭanānupassanā hotīti anulomikakhantiyā eva saṅgahitā hoti. Catūsūpi suttantesu imināva nayena attho vedītabbo. Etehi anulomikakhantisammattaniyāmacatuariyaphalavasena ca cha dhammāti chakkanipāte (a. ni. 6.98, 101) cattāro suttantā vuttā. Kaṇhapakkhasukkapakkhadvayavasena hi cattāro suttantāva hontīti.

37. Katihākārehitiādike pucchāpubbaṅgame suttantaniddese **pañcakkhandhe aniccato**tiādīsu nāmarūpaṇca nāmarūpassa paccaye ca pariggahetvā kalāpasammasanavasena āradhaviṇṇasako yogāvācaro pañcasu khandhesu ekekaṃ khandhaṃ aniccantikāṭṭhāya ādiantavatāya ca **aniccato** passati. Uppādavayapaṭipīḷānatāya dukkhavatthutāya ca **dukkhato**. Paccayayāpanīyatāya rogamūlatāya ca **rogato**. Dukkhatāsūlayogitāya kilesāsucipaggharaṇatāya uppādajarābhāṅgehi uddhumātaparipakkapabhinnatāya ca **gaṇḍato**. Pīḷājanakatāya antotudanatāya dunnīharaṇīyatāya ca **sallato**. Vigarahaṇīyatāya avaḍḍhiāvahanatāya aghavatthutāya ca **aghato**. Aseribhāvajanakatāya ābādhapadaṭṭhānatāya ca **ābādhato**. Avasatāya avidheyyatāya ca **parato**. Byādhijarāmarāṇehi lujjanapalujjanatāya **palokato**. Anekabyasanāvahanatāya **ītito**. Aviditānaṃyeva vipulānaṃ anattānaṃ āvahanato sabbūpaddavavatthutāya ca **upaddavato**. Sabbabhayānaṃ ākaratāya ca dukkhavūpasamasankhātassa paramassāsassa paṭipakkhabhūtāya ca **bhayato**. Anekehi anattānaṃ anubaddhatāya dosūpasatṭhatāya upasaggo viya anadhivāsanārahātāya ca **upasaggato**. Byādhijarāmarāṇehi ceva lobhādīhi ca lokadhammehi pacalitāya **calato**. Upakkamaṇa ceva sarasena ca pabhaṅgupagamanasīlatāya **pabhaṅguto**. Sabbāvattānīpatīyatāya thirabhāvassa ca abhāvatāya **addhuvato**. Atāyanatāya ceva alabbhaneyyakematāya ca **atānato**. Allīyitūṃ anarahātāya allīnānampi ca leṇakiccākāritāya **aleṇato**. Nissitānaṃ bhayasārakattābhāvena **asaraṇato**. Yathāparikkappitehi dhuvasubhasukhattabhāvehi rittatāya **rittato**. Rittatāyeva **tucchato**, appakattā vā. Appakampi hi loke tucchanti vuccati. Sāminivāsivedakakārakādhiṭṭhāyakavirahitāya **suññato**. Sayaṇca asāmikabhāvādītāya **anattato**. Pavattidukkhatāya dukkhassa ca ādīnavatāya **ādīnavato**. Atha vā ādīnaṃ vāti gacchatī pavattatīti ādīnavo. Kapaṇamanussassetāṃ adhivācanaṃ, khandhāpi ca kapaṇāyevāti ādīnavasādīsātāya ādīnavato. Jarāya ceva maraṇena cātī dvedhā pariṇāmapakatītāya **vipariṇāmadhammato**. Dubbalatāya pheggu viya sukhabhaṇṇīyatāya ca **asārakato**. Aghahetutāya **aghamūlato**. Mīttamukhasapatto viya vissāsaghātītāya **vadhakato**. Vīgatabhavatāya vibhavasambhūtāya ca **vibhavato**. Āsavapadaṭṭhānatāya **sāsavato**. Hetupaccayehi abhisankhatatāya **saṅkhatato**. Maccumārakilesamārānaṃ āmisabhūtāya **mārāmisato**. Jātījarābyādhimaraṇapakatītāya **jātījarābyādhimaraṇadhammato**. Sokaparidevaupāyāsahetutāya **sokaparidevaupāyāsadhammato**. Taṇhādīṭṭhiduccaritasamkilesānaṃ visayadhammatāya **saṃkilesikadhammato** passati. Sabbesu ca imesu ‘‘passatī’’ti pāṭhaseso daṭṭhabbo.

38. Pañcakkhandheti samūhato vuttepi ekekakhandhavasena atthavaṇṇanā kalāpasammasanañānaniddese viṣuṃ viṣuṃ āgatattā pariyoṣāne ca viṣuṃ viṣuṃ khandhānaṃ vasena anupassanānaṃ gaṇitattā samūhe pavattavācānaṃ avayavepi pavattisambhavato ca katātī vedītabbā, viṣuṃ viṣuṃ pavattasammasanānaṃ ekato saṅkhipitvā vacanavasena vā ‘‘pañcakkhandhe’’ti vuttanti vedītabbaṃ. ‘‘Ekappahārena pañcahi khandhehi vuṭṭhātī’’ti (visuddhi. 2.783) aṭṭhakathāvacanasabbhāvato vā pañcannaṃ khandhānaṃ ekato sammasanaṃ vā yujjatiyevāti. **Pañcannaṃ khandhānaṃ nirodho niccaṃ nibbānanti** passantotiādīnavañānaniddese vuttanayena vipassanākāle santipadañānavasena niccaṃ nibbānanti passanto. **Sammattaniyāmaṃ okkamati**ti maggakkhaṇe okkamati, phalakkhaṇe pana okkanto nāma hoti. Eseva nayo sabbesūpi niyāmokkamanapariyāyesu. **Ārogyanti** ārogyabhūtaṃ. **Visallanti** sallavirahitaṃ. Eseva nayo īdisesu. **Anābādhanti** ābādhavirahitaṃ, ābādhapaṭipakkhabhūtaṃ vā. Esa nayo īdisesu. **Aparappaccayanti** aññapaccayavirahitaṃ. **Upassaggatoti** ca **anupassagganti** ca keci saṃyogaṃ katvā paṭhanti. **Paramasuññanti** sabbasaṅkhārasuññatā uttamattā ca paramasuññaṃ. **Paramatthanti** saṅkhatāsankhatānaṃ aggabhūtattā uttamatthaṃ. Liṅgavipallāsavasena napuṃsakavācānaṃ. Nibbānassa ca suññatā anattattā ca imasmiṃ dvaye paṭilomapariyāyo na vutto. **Anāsavanti** āsavavirahitaṃ. **Nirāmisanti** āmisavirahitaṃ. **Ajātanti** jātivirahitattā anuppannaṃ. **Amatanti**

bhaṅgābhāvato maraṇavirahitaṃ. Maraṇampi hi napaṃsakabhāvavacanasena “mata”nti vuccati.

39. Evamimāya paṭipāṭiyā vuttāsu ākārabhedabhinnāsu cattālīsāya anupassanāsu sabhāvasaṅgahavasena tīsuyeva anupassanāsu ekasaṅgahaṃ karonto **aniccatoti aniccānupassanā**tiādīmāha. Tāsu yathānurūpaṃ aniccadukkhānattatte yojanā kātabbā. Avasāne panetā visuṃ visuṃ gaṇanavasena dassitā. Gaṇanāsu ca gaṇanapaṭipāṭivasena paṭhamaṃ anattānupassanā gaṇitā. Tattha **pañcavīsati**ti “parato rittato tucchato suññato anattato”ti ekekasmim khandhe pañca pañca katvā pañcasu khandhesu pañcavīsati **anattānupassanā**. **Paññāsati** “aniccato palokato calato pabhaṅguto addhuvato vipariṇāmadhammato asārakato vibhavato saṅkhatato maraṇadhammato”ti ekekasmim khandhe dasa dasa katvā pañcasu khandhesu paññāsaṃ **aniccānupassanā**. **Sataṃ pañcavīsati cevāti** sesā “dukkhato rogato”tiādayo ekekasmim khandhe pañcavīsati pañcavīsati katvā pañcasu khandhesu pañcavīsatisataṃ **dukkhānupassanā**. **Yāni dukkhe pavuccareti** yā anupassanā dukkhe khandhapañcake gaṇanavasena pavuccanti, tā sataṃ pañcavīsati cevāti sambandho veditabbo. “Yāni”ti cettha līngavipallāso daṭṭhabboti.

Vipassanākathāvaṇṇanā niṭṭhitā.

10. Mātikākathā

Mātikākathāvaṇṇanā

40. Idāni mahāthero vipassanākathānantaraṃ sakale paṭisambhidāmagge niddiṭṭhe samathavipassanāmagganibbānadhamme ākāranānattavasena nānāpariyāyehi thometukāmo **nicchātoti**tiādīni ekūnavīsati mātikāpadāni uddisivā tesam niddesavasena mātikākathaṃ nāma katesi. Tassā ayaṃ apubbathānuvaṇṇanā. Mātikāya tāva **nicchātoti** amilāto. Sabbepi hi kilesā pīḷayogato milātā, rāgopi tāva niranterappavatto sarīraṃ dahati, kiṃ panaññe kilesā. “Tayome, bhikkhave, aggī rāgaggi dosaggi mohaggi”ti (itivu. 93; dī. ni. 3.305) pana kilesanāyaka tayo eva kilesā vuttā, taṃsampayuttāpi pana dahantiyeva. Evaṃ chātakilesābhāvato nicchāto. Ko so? Vimokkhasambandhena vimokkhoti daṭṭhabbo. Muccatīti **mokkho**. Vimuccatīti **vimokkhoti** attho. Idamekaṃ mātikāpadaṃ. **Vijjāvimuttīti** vijjāyeva vimutti. Idamekaṃ mātikāpadaṃ. **Jhānavimokkhoti** jhānameva vimokkho. Idamekaṃ mātikāpadaṃ. Sesāni ekekānevāti evaṃ ekūnavīsati mātikāpadāni.

41. Nekkhammena kāmacchandato nicchātoti nekkhammena kāmacchandato apettatā kāmacchandato nikkilesa yogī. Tena paṭiladdhaṃ nekkhammampi nicchāto nikkilesa vimokkho. Evaṃ sesesupi. **Nekkhammena kāmacchandato muccatīti vimokkhoti** nekkhammena kāmacchandato yogī muccatīti taṃ nekkhammaṃ vimokkhoti attho. Evaṃ sesesupi. **Vijjatīti vijjāti** sabhāvato vijjati atthi upalabbhatīti vijjā nāmāti attho. Atha vā sabhāvajānanatthaṃ paṭipannehi yogīhi sabhāvaṃ vedīyati jānīyatīti vijjā nāmāti attho. Atha vā visesalābhatthaṃ paṭipannehi yogīhi vedīyati paṭilābhīyatīti vijjā nāmāti attho. Atha vā attanā vinditabbaṃ bhūmiṃ vindati labhatīti vijjā nāmāti attho. Atha vā sabhāvadassanahetuttā sabhāvaṃ viditaṃ karotīti vijjā nāmāti attho. **Vijjanto muccati, muccanto vijjatīti** yathāvutto dhammo yathāvuttenatthena vijjamāno yathāvuttato muccati, yathāvuttato muccamāno yathāvuttenatthena vijjatīti vijjāvimutti nāmāti attho.

Kāmacchandaṃ samvaraṭṭhenāti kāmacchandānivāraṇaṭṭhena taṃ nekkhammaṃ **silavisuddhi** nāmāti attho. Taṃyeva avikkhepahetuttā avikkhepaṭṭhena **cittavisuddhi**. Dassanahetuttā dassanaṭṭhena **diṭṭhivisuddhi**. Sesesupi eseva nayo. **Paṭippassambhetīti** nekkhammādinā kāmacchandādikam yogāvacarō paṭippassambhetīti nekkhammādikō dhammo passaddhi nāmāti attho. **Pahīnattāti** tena tena pahānena pahīnattā. **Ñātaṭṭhena ñāṇanti** jhānapaccavekkhaṇāvasena vipassanāvasena maggapaccavekkhaṇāvasena ñātaṭṭhena nekkhammādikam ñāṇaṃ nāmāti attho. **Diṭṭhattā dassananti** etthāpi eseva nayo. **Visujjhatīti** yogī, nekkhammādikā **visuddhi**.

Nekkhammaniddese nekkhammaṃ alobhattā kāmarāgato nissaṭṭanti **nissaraṇaṃ**. Tato nikkhantanti **nekkhammaṃ**. “Rūpānametaṃ nissaraṇaṃ yadidaṃ nekkhamma”nti vuccamāne āruppavisesassa adissanato visesassa dassanattaṃ aññattha vuttapāṭhakkameneva **yadidaṃ āruppanti** vuttaṃ. Tañca āruppaṃ rūpato nikkhantattā nekkhammaṃ nāmāti adhikāravaseneva vuttaṃ hoti. **Bhūṭanti** uppādasamāyogadīpanaṃ. **Saṅkhatanti** paccayabalavisesadassanaṃ. **Paṭiccasamuppānanti** paccayasamāyogepi paccayānaṃ abyāpārabhāvadassanaṃ. **Nirodho tassa nekkhammanti** nibbānaṃ tato saṅkhatato nikkhantattā tassa saṅkhatassa nekkhammaṃ nāma. Āruppassa ca nirodhassa ca gahaṇaṃ aññattha pāṭhe vuttakkameneva kataṃ. “Kāmacchandassa nekkhammaṃ nekkhamma”nti vuccamāne punaruttaṃ hoti. Nekkhammavacaneneva ca tassa nekkhammasiddhīti taṃ avatvā sesanekkhammameva vuttaṃ. Taṃ ujukameva. Nissaraṇaniddese pi imināva nayena attho veditabbo. Nissaraṇiyā dhātuyo panettha ujukameva nekkhammanti vuttaṃ. **Pavivekoti** pavivittabhāvo nekkhammādikoyeva. **Vosajjati** yogī, nekkhammādayo **vosaggo**. Nekkhammaṃ pavattento yogī nekkhammena caratīti vuccati. Taṃ pana nekkhammaṃ **cariyā**. Esa nayo sesesupi. Jhānavimokkhaniddese vattabbaṃ vimokkhaṃkathāyaṃ vuttaṃ. Kevalaṃ tatha “jānātīti jhānavimokkho”ti (paṭi. ma. 1.217) vuttaṃ, idha pana “jānātīti, jhāyati”ti puggalādhiṭṭhānāva desanā katāti ayaṃ viseso.

42. Bhāvanādhiṭṭhānājīvitāniddese ca puggalādhiṭṭhānā desanā katā. Dhammato pana **bhāvanā** nāma nekkhammādayova. **Adhiṭṭhānaṃ** nāma nekkhammādivasena paṭiṭṭhāpitacittameva. **Jīvitaṃ** nāma nekkhammādivasena paṭiṭṭhāpitacittassa sammāājīvo nāma. Ko so sammāājīvo nāma? Micchājīvā virati, dhammena samena paccayapariyesanavāyāmo ca. Tatha **samaṃ jīvatīti** samaṃ jīvitaṃ jīvati, bhāvanapuṃsakavacanaṃ vā, samena jīvatīti vuttaṃ hoti. **No visamanti** “samaṃ jīvatī”ti vuttasseva atthassa paṭisedhavasena avadhāraṇaṃ kataṃ. **Sammā jīvatīti** ākāranidassanaṃ. **No micchāti** tasseva niyamaṃ. **Visuddhaṃ jīvatīti** sabhāvavisuddhiyā visuddhaṃ jīvitaṃ jīvati. **No kiliṭṭhanti** tasseva niyamaṃ. **Yaññadevāti** iādīhi yathāvuttānaṃ tissannaṃ sampadānaṃ ānisaṃsaṃ dasseti. Tatha **yaññadevāti** yaṃ yaṃ eva. **Khattiyaparisaṃti** khattiyānaṃ sannipātaṃ. So hi samantato sīdanti ettha akatabuddhinoti parisāti vuccati. Eseva nayo itarattaye. Khattiyādīnaṃyeva āgamanasampattiyā ñāṇasampattiyā ca samannāgatattā tāsāṃyeva catassannaṃ gahaṇaṃ, na suddaparisaṃyeva. **Visāradoti** tīhi sampadāhi sampanno vigatasāraṃjo, nibbhayoti attho. **Amaṅkubhūtoti** asaṅkucito na nittejabhūto. **Taṃ kissa hetūti** taṃ visāradattaṃ kena hetunā kena kāraṇena hotīti ceti attho. Idāni **tathā hīti** tassa kāraṇavacanaṃ. Yasmā evaṃ tisampadāsampanno, tasmā “visārado hotī”ti visāradabhāvassa kāraṇaṃ dassetvā niṭṭhapesīti.

Saddhammappakāsiniyā paṭisambhidāmagga-aṭṭhakathāya

Mātikākathāvaṇṇanā niṭṭhitā.

Paññāvaggavaṇṇanā niṭṭhitā.

Niṭṭhitā cūlavaggassa apubbatthānuvaṇṇanā.

Ettāvatā ca tivaggasaṅgahitassa

Samatīmsakathāpaṭiṃḍitassapaṭisambhidāmaggassa atthavaṇṇanā niṭṭhitā hotīti.

Nigamanakathā

Mahāvaggo majjhimo ca, cūlavaggo ca nāmato;
Tayo vaggā idha vuttā, pamāṇapaṭiṃḍiyā.

Vagge vagge dasa dasa, kathā yā tā udīritā;
Uddānagāthā sabbāsaṃ, imā tāsāṃ yathākkamaṃ.

Ñāṇaṃ diṭṭhi ānāpānaṃ, indriyaṃ vimokkhapañcamaṃ;
Gati kammaṃ vipallāso, maggo maṇḍoti tā dasa.

Yuganaddhasaccabojjhaṅgā, mettā virāgapañcamā;
Paṭisambhidā dhammacakkaṃ, lokuttarabalasuññatā.

Paññā iddhi abhisamayo, viveko cariyapañcamo;
Pāṭihīraṃ samasīsa-sati vipassanamātikā.

Yo so sugatasutānaṃ, adhipatibhūtena bhūtahitaratinā;
Therena thiraguṇavatā, vutto **paṭisambhidāmaggo**.

Tassat**thavaṇṇanā** yā, pubbaṭṭhakathānayaṃ tathā yuttiṃ;
Nissāya mayāraddhā, niṭṭhānamupāgatā esā.

Yaṃ taṃ uttaramantī, mantiguṇayuto yuto ca saddhāya;
Kārayi mahāvihāre, pariveṇamanekasādhuguṇaṃ.

Therenettha nivasatā, samāpitāyaṃ **mahābhīdhānena**;
Tatiye vasse cutito, moggallānassa bhūpatino.

Samayaṃ anulomentī, therānaṃ theravādadīpānaṃ;
Niṭṭhaṃ gatā yathāyaṃ, aṭṭhakathā lokahitajananī.

Dhammaṃ anulomentā, attahitaṃ parahitañca sādhentā;
Niṭṭhaṃ gacchantu tathā, manorathā sabbasattānaṃ.

Saddhammapakāsiniyā, aṭṭhakathāyettha gaṇitakusalehi;
Gaṇitā tu bhāṇavārā, viññeyyā aṭṭhapaññāsa.

Ānuṭṭhubhena assā, chandobandhena gaṇiyamānā tu;
Cuddasasahassasaṅkhā, gāthāyo pañca ca satāni.

Sāsanaciraṭṭhitatthaṃ, lokahitatthañca sādarena mayā;
Puññaṃ imaṃ racayatā, yaṃ pattamanappakaṃ vipulaṃ.

Puññena tena loko, saddhammarasāyanaṃ dasabalassa;
Upabhuñjivā vimalaṃ, pappotu sukhaṃ sukhenevāti.

Saddhammapakāsini nāma

Paṭisambhidāmaggappakaraṇassa aṭṭhakathā niṭṭhitā.